

Konda: కండ బసదు
ననగొకబరె



Konda Dora New Testament which was published in 2006

Konda: కొండ బాసడు నెగ్గి కబ్బు

Konda Dora New Testament which was published in 2006

copyright © 2006 Wycliffe Bible Translators, Inc.

Language: Konda-Dora

Contributor: SIL International (in Asia)

All rights reserved.

2025-05-06

PDF generated using Haiola and XeLaTeX on 6 May 2025 from source files dated 7 May 2025
840896da-3a66-5e43-9018-4a95a349d60c

Contents

మత్తయి	1
మార్కు	40
లూకా	64
యోహాను	103
అపొస్తలు	133
రోము	172
1కొరింఠి	191
2కొరింఠి	209
గలతీ	220
ఎఫెసీ	227
ఫిలిప్పీ	234
కొలోసే	239
1దెస్స	244
2దెస్స	248
1తిమోతి	251
2తిమోతి	256
తీతు	260
ఫిలోమో	263
ఎబ్రీ	265
యాకోబు	279
1పేతురు	284
2పేతురు	289
1యోహాను	292
2యోహాను	297
3యోహాను	298
యూదా	299
ప్రకటన	301

మత్తయి రాస్తి సువార్త

నెల్ల్య కిబిసినిక

దేవుణులు మాటొక రాస్తి మన్ని పుస్తకమాతి బయ్యెబిలుదు పడాయ్ ఒపుమానం, కొత్త ఒపుమానం ఇజి రుండి ముక్కొక్ మన్నె, పడాయ్ ఒపుమానమ్మదు యేసుప్రబు వందిజ్ వెప్తి మన్ని నజతిజ్, ఎలాగ పూర్తి ఆతె ఇజి కొత్త ఒపుమానం జాగర్త నద్విజి నుడొతిజి నెస్సెజానాద్. కొత్త ఒపుమానమ్మదు మన్ని మొదొహి పుస్తకమ్మని మత్తయి రాస్తి సువార్త. యేసు ప్రబు సిసుర్ లొఇ మన్ని వన్ను పెర్నికానాతి మహి మత్తయి ఇనికాండ్రె ఇక్క రాస్తమనాన్. (మత్తయి 9:9-13) యేసు ప్రబుజ్ సిలువ పొక్తి వెనుక, ఇంజుముంజు 25-35 వంటిజ్ వెనుక ఇక రాసి ఆత మనాద్. ఇజి యా నజతిజ్ వందిజ్ నెస్సెకార్ వెప్సిగార్. దేవుణులు వన్ని ప్రవక్తరు వెట వర్గితిమహి క్రీస్తు ఇనికాన్ యేసుప్రబుని ఇజి యూదుర్ ఆతికార్ నెస్సెజ్ ఇజిని ఇక్క రాస్త మనాద్. యేసుప్రబు పుట్టి వందిజ్, మరి దని వెనుక జర్గితి నజతిజ్ వందిజ్ దేవుణులు ముజాల వన్ని ప్రవక్తరు వెట వర్గితిక ఎలాగ అయాలెకెండెనె పూర్తి ఆతె ఇజి పడాయ్ ఒపుమానమ్మదాన్ దన్ని వందిజ్ మన్ని మాటిజ్ లాగ్లి రుజువ్ కిజి తొరినినాన్. దేవుణులు ప్రవక్తరు వెట వర్గితి నజతిజ్ యేసుప్రబు బత్తుదు అయాలెకెండె పూర్తి ఆతె (మత్తయి 1:23, 2:6, 14, 18, 23) ఇస్రాయిలు లొకుర్ రాజు ఆతిమహి దావీదు తెగాదు పుట్టికాన్ ఇజి రుజువ్ కిదిజ్, వన్ని తెగాదు పుట్టివర్ పేరుకుబా మజి తొరినినాన్. మరి దేవుణులు ఏలుబడిః కిని వందిజ్ యా పుస్తకమ్మదు నండొ నుట్టు రాస్త మనాద్. దేవుణులు ఏలుబడిః కిని వందిజ్ యేసుప్రబు లొకురిజ్ నెస్సిన్తి కతెజ్ యా పుస్తకమ్మదు 13-14 అద్యయ్ మకాజ్ రాస్త మనాద్. యేసు, దేవుణులు మరిసి ఆతికాండ్రె ఇజి యా సువార్తదాన్ డటం వెప్సిగార్.

యాక యేసు తెగ

- 1 అబ్రహాం తెగాదికాతి దావీదు రాజు* తెగదు పుట్టి యేసు క్రీస్తు తెగ యాక.
- 2 అబ్రాహాము మరిసి ఇస్సాకు, ఇస్సాకు మరిసి యాకోబు, యాకోబు మరిసిర్ యూదాని వన్ని దాద్నిర్, తంబేర్నీర్.
- 3 యూదా మరిసిర్ పెరెసుని జెరహు, వరి యాయ పేరు తామారు. పెరెసు మరిసి ఎస్రాయి, ఎస్రాయి మరిసి అరాము,
- 4 అరాము మరిసి అమ్మినాదాబు, అమ్మినాదాబు మరిసి నయస్సాను, నయస్సాను మరిసి సాలోమాను.
- 5 సాలోమాను మరిసి బోయజు, బోయజు యాయ పేరు రాహబు, బోయజు మరిసి ఓబేదు, ఓబేదు యాయ పేరు రూతు. ఓబేదు మరిసి యెనయ.
- 6 యెనయ మరిసి రాజు ఆతి దావీదు. దావీదు రాజు మరిసి సాలోమోను, సాలోమోను అయేసి, ముజాల ఊరియెజ్^o అల్లి ఆతి మహికాద్.
- 7 సాలోమోను మరిసి రెహబాము. రెహబాము మరిసి అబీయా, అబీయా మరిసి ఆసా.
- 8 ఆసా మరిసి యెహోసఫాతు. యెహోసఫాతు మరిసి యెహోరాము, యెహోరాము మరిసి ఉజ్జయా.
- 9 ఉజ్జయా మరిసి యోతాము, యోతాము మరిసి అహజు, అహజు మరిసి హిజ్కయా.
- 10 హిజ్కయా మరిసి మనసె, మనసె మరిసి ఆమోను, ఆమోను మరిసి యోసీయా.
- 11 యోసీయా మరిసిర్ యెకొనియని వన్ని దాద్నిర్, తంబేర్నీర్. వరి కాలమ్మదు బబులోను దేసెవేది రాజు యూదురిజ్ వెట్టిపణి కినివరిలెకెండె అసి తొప్తా ఇత్తాన్.
- 12 బబులోను దేసెమ్మదు సాహి వెనుక అబి యెకొనియెజ్ మరిన్ పుట్టాన్. వన్ని పేరు నయల్లియెలు, నయల్లియెలు మరిసి జెరుబాబెలు.
- 13 జెరుబాబెలు మరిసి అబీహూదు, అబీహూదు మరిసి ఎలియాకిము, ఎలియాకిము మరిసి అజోరు.
- 14 అజోరు మరిసి సాదోకు, సాదోకు మరిసి ఆకిము, ఆకిము మరిసి ఎలిహూదు.
- 15 ఎలిహూదు మరిసి ఎలియాజరు, ఎలియాజరు మరిసి మత్తాను, మత్తాను మరిసి యాకోబు.
- 16 యాకోబు మరిసి యోసేపు, వన్ని అల్లి ఆతి మరియ పొటూదు క్రీస్తు ఇజి కూకె ఆతి యేసు పుట్టాన్.
- 17 యా లెకెండె అబ్రాహాము బాణిజ్ అసి దావీదు రాజు దాక మొతం వదనాల్లి తరమ్మకు, దావీదు రాజు బాణిజ్ అసి యూదురిజ్ బబులోను దేసెమ్మదు వెట్టి పణి కిని వరిలెకెండె తొప్పొబతి కాలమ్మదాక వదనాల్లి తరమ్మకు. యూదురు బబులోను దేసెమ్మదు సాహి బాణిజ్ అసి యేసు క్రీస్తు దాక వదనాల్లి తరమ్మకు.

యా లెకెండె యేసు క్రీస్తు పుట్టాన్. కసిలిజాణిజ్

- 18 యేసు క్రీస్తు యా లెకెండె పుట్టాన్. వన్ని అయేసి ఆతి మరియెజ్ యోసేపు వందిజ్ వెనెబాత మహాద్. గాని వారు రిఎర్ ఉండ్రె బాని గూర్వింధ ముందాల్లి అది దేవుణులు ఆత్మ సత్తుదాన్ పాత డిస్సాద్.
- 19 గాని దనిజ్ పేరు కితికాన్ ఆతి యోసేపు దేవుణులు రూలుజ్ లొజిజ మనికాన్ కక, విజెరిజ్ ఎద్రు సిగు కిబినివిండ, ఎయెర్బా నెన్వింధ, దన్నిజ్ డిసి నీదిజ్ ఇజి ఒడొబిత్తాన్.
- 20 యోసేపు యా నజతిజ్ వందిజ్ అలోననం కిజి మహివలె దేవుణులు దూత కలాదు వన్నిజ్ తొర్ అజి ఈహం వెప్తాన్, "దావీదు రాజు తెగ్గాతికాన్ ఆతి యోసేపు, నిజి పేరుకితి మని మరియెజ్ డగ్రుకిదిజ్ అనుమానం ఆము. ఎందనిజ్ ఇహాజ దేవుణులు ఆత్మ సత్తుదాన్ అది పాత డిస్సాద్ మనాద్.

* 1:1 1:1 దావీదు ఇస్రాయిలు లొకుర్ వందిజ్ దేవుణులు ఏర్పాటు కితి రాజు. వాండ్ర ఇస్రాయిలుది రుండి రాజు వన్ని ముజాల నపులు ఇనికాన్ ఏలుబడిః కిజి మహాన్.
 o 1:6 1:6 2:2ము 11:1-27.

21 అది ఒరెన్ కొడో ఇడనాద్‌లె. వన్ని లోకాజ్ వరి పాపమ్‌కాణిజ్ వాండ్రు రక్కిస్సాన్‌లె. అందెజె వన్నిజ్ యేసు* ఇజి పేరు ఇడదెజ్‌వలె”,

22-23 “ఉండ్రి విడిః బోదెలి పాత డిఃసి ఒరెన్ మరెన్ ఇడ్వాదెలి. వాండ్రు ఇమ్మాసుయెలు ఇజి కూకె ఆనాన్‌లె†”, ఇమ్మాసుయెలు ఇహిజ దేవుణు మా వెట తోఢుః మనాన్ ఇజి అర్దం. ముందాల దేవుణు ప్రవక్త వెట వర్గితి యా మాటెజ్ నిజం పూర్తి ఆదెజ్ యాకెజ్ విజు యా లెకెండ్ జర్గితె.

24 యోసేపు నిద్రదాన్ తెలిఆతిజ్ దేవుణు దూత వన్నిజ్ వెప్తి వజనె మరెయెజ్ అల్లి లెకెండ్ వన్ని ఇండ్రో కూక్ ఒతాన్.

25 గాని మరెయ మరెన్ ఇడ్బిదాక వాండ్రు దని డర్గు సాన్‌వితాన్. మరెన్ పుట్టిజ్ వాండ్రు వన్నిజ్ యేసు ఇజి పేరు ఇట్టాన్.

2

తూర్పుదాన్‌గ్గానురు వాజినార్

1 హేరోదు రాజు ఏలుబడిః కిజి మహివలె యూదయ దేసమ్‌దుమని బెత్లెహెము ఇని నాటో యేసు పుట్టాన్. వాండ్రు పుట్టి వెన్కా తూర్పు దరోటాన్ గ్గానురు* యెరూసలేం ఇని పట్టమ్‌దు వాతార్

2 పట్టమ్‌దు వాతార్, “యూదురిజ్ రాజు అదెజ్ ఇజి పట్టి కొడోః ఎంబె మనాన్? వాండ్రు పుట్టిదన్నిజ్ గుర్తు తోరిసిని సుక్క, మాపు తూర్పుదరోటు సుడతావ్. వన్నిజ్ పొగడిఃజి మాడిఃస్టెజ్ ఇజి వాత మనావ్”, ఇజి వెప్టార్.

3 యా మాటెజ్ విహారె హేరోదు రాజుని వన్నివెట యెరూసలేమ్‌దికార్ విజెరె నండ్రో గాబ్ర అతార్.

4 హేరోదు రాజు, పెరి పుజెరిజ్ విజెరిజ్‌ని యూదురి రూలుజ్ నెస్సిన్సి వరిజ్ విజెరిజ్ కూకెపిస్తాండ్రె, “క్రీస్తు ఆతికాన్ ఎంబె పుట్టాన్?”, ఇజి వెన్‌బాతాన్.

5 “యూదయ దేసమ్‌దుమని బేత్లెహెముదు”, ఇజి వారు వెప్టార్, “ఎందనిజ్ ఇహిజ, యా లెకెండ్ దేవుణు ముజాల ఒరెన్ ప్రవక్త వెట వర్గిత మహాన్.”

6 “యూదయ దేసమ్‌దు మని బేత్లెహెమా, నీను యూదయ నాహ్కాజ్ లోఇ ఇజెరికి ఆజ. ఎందనిజ్ ఇహిజ, నీ లోఇహాన్ ఒరెన్ రాజు లెకెండ్* ఏలుబడిః కినికాన్ పుట్టాన్‌లె. వాండ్రు నా లోకుర్ ఆతి ఇస్తాయెలు లోకురిజ్ గప్పడువెన్ లెకెండ్ మంజినాన్‌లె.”

7 నస్తివలె హేరోదు రాజు, మరి ఎయెర్‌బా నెన్‌విండ్ గ్గానురుజ్ కూకెపిస్తాండ్రె సుక్క తోరి ఆత్తి సరియాతి టయం వరిజ్ వెన్‌బాజి నెస్సాన్.

8 వరిజ్ బేత్లెహెమ్‌దు పోక్తాండ్రె, “పేరు సొస్సి నెగ్రెండ్ అయా కొడోఃదిజ్ రెబాజి సుడిఃజి వాండ్రు ఎంబె మనాన్ ఇజి నజీబా కట్టురు తగ్గె. అయావలె నానుబా సొస్సి వన్నిజ్ పొగడిఃజి మాడిఃస్టె”, ఇజి వరిజ్ వెప్టార్.

9 వారు రాజు వెప్టి మాట విహారె సోతార్. సొస్సి మహివలె, వారు తూర్పు దరోటు సుడిఃతిమహి సుక్క, వరి ముందాల నడిఃజి మహాద్. కొడోః మహి బాడ్డి ముస్సు అందితిజ్ అయా సుక్క అబ్బె నిహాద్.

10 సుక్క సుడిఃతిజ్ వారు గొప్ప సర్ద అతార్.

11 ఇండ్రో సాహారె అయేసి ఆత్తి మరెయ వెట మన్ని కొడోఃదిజ్ సుడిఃతారె ముణుకుజ్ ఊరెజి వన్నిజ్ పొగడిఃజి మాడిఃస్టార్. నస్తివలె వారు ఒత్తిమహి పెటెజ్ రేతారె బజారం, సాంబ్రాణి, బోలాం* ఇనికెజ్ వన్నిజ్ నొడిత సితార్.

12 “హేరోదు రాజు డర్గు మరెజి సొస్సాట్”, ఇజి దేవుణు దూత కలాదు వరిజ్ వెప్టి వజ, వారు మరి ఉండ్రి సరిదాన్ వరి దేసెం సాహారె.

అయ్యగుప్పు దేసమ్‌దు సొస్సినార్

13 గ్గానురు మరెజి సాహి వెసుక ఒరెన్ దేవుణు దూత యోసేపుజ్ కలాదు తోరి ఆజ, “నీను నిజె, హేరోదు రాజు కొడోఃదిజ్ సస్టెజ్ సుడిఃజినాన్. అందెజె వెటనె కొడోఃదిజ్‌ని అయేసిజ్ అసి అయ్యగుప్పు దేసమ్‌దు సొన్‌అ. మరి ఇనిక కెడిజ్ ఇజి నాను నిజి వెప్పిదాక అబెనె మన్‌అ”, ఇజి వెప్టార్.

14 నస్తివలె వాండ్రు నిజెతండ్రె, కొడోఃదిజ్‌ని అయేసిజ్ అస్తాండ్రె అయా పొదెయెనె అయ్యగుప్పు దేసమ్‌దు సొండ్రెజ్ సోతాన్.

15 హేరోదు సానిదాక అబెనె మహాన్. “అయ్యగుప్పు దేసమ్‌దాన్ నా మరిసిజ్ నాను కూక్”, ఇజి దేవుణు ముందాల ప్రవక్త వెట* వర్గితి మాట యా లెకెండ్ పూర్తి ఆతాద్.

16 గ్గానురు వన్నిజ్‌మోను కితార్ ఇజి నెస్తాండ్రె హేరోదు రాజు నండ్రో కోపం ఆతాన్. వారు వెప్టి టయమ్‌దికెలెక కితాండ్రె బేత్లెహెమ్‌దుని, మరి డర్గు మని ప్రాంతమోకాజ్ మన్నినాహ్‌కాజ్ మన్ని రుండి వంటెజ్‌ని దన్ని అడిఃగి వయసు మని కొడోఃదిజ్ విజెరిజ్ సస్టెజ్ ఆడ్రె సితాన్.

17-18 “రామా నారుదాన్ ఉండ్రి పెరి జూటు వెహాద్. గుండె కొత్తె ఆజి అడఃబాజిని జూటునె. రాహేలు* దన్ని కొడోఃర్ వందిజ్ అడఃబాజినాద్. కొడోఃర్ సాతిజ్ అది ఓరిస్టెజ్ అటెవితాద్.” యిరివ్యు ప్రవక్తవెట దేవుణు ముజాల వర్గితిమహి యా మాట యాలెకెండ్ పూర్తి ఆతాద్.

నజరేతుదు మరెజి వాజినార్

19 హేరోదు సాతి వెసుక అయ్యగుప్పు దేసమ్‌దు మహి యోసేపుజ్ ఒరెన్ దేవుణు దూత కలాదు తోరి ఆతాండ్రె,

† 1:21 1:21 యేసు ఇని మాటదికె అర్దు, యెహోవ దేవుణు రక్కిస్సాన్ నిల్లిజ సాయం కిజినాన్. ✨ 1:22-23 1:22-23 యేసుయ 7:14. * 2:1 2:1 సుప్పెజి వందిజ్ సమప్ప నెస్సికార్. † 2:6 2:6 మికా 5:2. ‡ 2:11 2:11 సాంబ్రాణిసాంబ్రాణి ఇని మరెనదాన్ దోహెత్తి నెగ్గి వానం మన్ని గొప్ప విలువాతి ఒప్పు బోలంబోలం ఇని మరెనదాన్ నెగ్గి వానం మన్ని ఒప్పు మాయమ్‌కు లెకెండ్‌బా పణి కినాద్. ✨ 2:15 2:15 హోసెయ 11:1. § 2:17-18 2:17-18 ఇస్తాయెలు (యూదురి) లోకురిజ్ అనిగెగె ఆతి ఇసాస్కు మరెనియాతి యాకోబు అల్లినె రాహేలు. నెబుక్పదెనెర్ బబెలోనుదు ఏలుబడిః కిజి మహివలె ఎప్తయెన్‌ది యూదురిజ్ అన్ర ఒత్తాన్. వరి లోఇ నండ్రోదార్ బానె సప్పె ఆతార్.

20 “నీను నిజ్ఞత, కొడోదెదెన్ అయ్నెన్ అసి ఇస్రాయేలు దేసమ్దు సోన్. ఎందనిజ్ ఇహిజ, కొడోదెదెన్ నవ్తెజ్ నుడోజి మహికార్ సాత సోహోన్”, ఇజ వెప్సోన్.

21 అందెజె యోసేపు నిజ్ఞతాండ్రె కొడోదెదెన్ అయ్నెన్ అస్తాండ్రె ఇస్రాయేలు దేసమ్దు మరెజి సాండ్రెజ్ సోతాన్.

22 గాని హేరోదు సాతి వెనుక వన్ను మరిసి ఆతి అరెకెలాయు యూదయ దేసమ్దు ఏలుబడిః కిజనాన్ ఇజ నెస్తాండ్రె అబ్బె సాండ్రెజ్ తియోలాతాన్. కలాదు వెప్సె లెకెండె యూదయ దేసె సోన్విండె గలీలయ ముటూదు సోహోన్.

23 అబ్బె నజరేతు ఇని పట్టమ్దు సోహోండ్రె బత్తితాన్. “నజరేతుదికాన్ ఇజ వాండ్రు కూకె ఆనాన్లె”, ఇజ దేవుణు ప్రవక్తరు వెట క్రీస్తు వందెజ్ వర్గితిమహి మాటెజ్ యా లెకెండె పూర్తి ఆతె.

3

బాప్తిసం సీని యోహాను యేసువందెజ్ సరి తయారె కిజనాన్.

1-2 అయ దినమకాజ్ బాప్తిసం సీని యోహాను వాతండ్రె, “దేవుణు ఏలుబడిః కిని కాలం డగ్రు ఆత మనాద్. అందెజె మీరు పాపమ్కు ఒప్పుకొడిజి డిసె సీదు”, ఇజ యూదయ బిడిజి బూమి ప్రాంతమకాజ్ సాటిసి మహాన్.

3 “ప్రబు లోకుడగ్రు వాడెజ్ సరి తయారె కిదు, వన్ను వందెజ్ సరి తినాజ్ కిదు”, ఇజ బిడిజి బూమిదాన్ ఒరెన్ డేల్సి వెప్పిసి కంటం వాజినాద్ ఇజ యెసయ ప్రవక్త వెట దేవుణు ముందాల వర్గితిక విని వందెజె.

4 యోహాను ఒంటి బులుస్కాణిజ్ తయారె కితి సొకెజ్ తోడిఃగితాండ్రె, నడుముదు తోలు బెట్టు తోహె ఆజి మహాన్. వాండ్రు మేపిలెకెన్ అడిఃవి తేనె, తింజి బత్తిజి మహాన్.

5 యెరుసలేమ్దికారెని, యూదయ దేసమ్దికారె విజెరె, మరి యెర్దాను గడ్డ డగ్రు మని నాహ్కాణికార్ విజెరె సోతారె యోహాను వెప్పిక్రెజ్ వెండ్రెజ్ వన్నుడగ్రు వాతారె.

6 వారు, కితి పాపమ్కు ఒప్పుకొడిఃజి యెర్దాను గడ్డదు వన్ను కియుదాన్ బాప్తిసం లాగె ఆజి మహాన్.

7 వరిసయరు, మరి నడుకయరు నండెండారె యోహాను బాప్తిసం సీజి మహిబాన్ వాతారె. వరిజె నుడోజి వాండ్రు ఈహు వెప్సోన్, “మీరు వినం మన్ను సోన్ లెకెండె మన్నుకిరె. దేవుణుబాణిజ్ కొపం వాజినాద్ ఇజ నమ్మిజి మీరు వాతిదెరా? సిల్లెద్. వన్ను కోపమ్దాన్ తప్తె ఆదెజ్ ఇజ మీరు వాతిదెరా? నిజవె అయలెకెండె ఇజ నాను ఒడిఃదెజ్ సిల్లెద్.

8 మీ పాపమ్కు ఒప్పుకొడిఃజి డిసె సీజి దనిజ్ తగితి పణిజ్ కిజి తోరెన్పు.

9 ‘మాపు అబ్రాహాము తెగ్గతికాన్, అందెజె మాపు సిక్కుదాన్ తప్తె ఆనాస్ట్’ ఇజ మీ మన్నుదు మీరు ఒడిఃబిమాట్. ఎందనిజ్ ఇహిజ, యా పణకాణిజ్ అబాముజ్ కొడోదె పుటిస్తెజ్ దేవుణు అట్టికాన్ ఇజి నాను మిజి వెప్పిన్.

10 దేవుణు మరెక మెదులెల్ కత్తి విసిరెదెజ్ కియుదు గొడెలి అస్తి వన్నుజ్ పోలిత మనాన్. నెగ్గి పట్టు అన్ఇ మరెకాజ్ విజు కత్తి సినుద్ విసిర్కాన్లె.

11 మీరు పాపమ్కు ఒప్పుకొడిఃజి డిసె సీతి వందెజ్. నాను మిజి ఏరుదాన్ బాప్తిసం సీజి. నా వెనుక వానికాన్ నజి మిస్తి అతికారం మనికాన్. వన్ను జోడ్డు పిండెదెజ్బా నాను తగ్గిక ఆవె. వాండ్రు దేవుణు ఆత్మదాన్ని, సినుదాన్ మిజి బాప్తిసం సీనాన్లె.

12 వాండ్రు గాలి ఇట్టిసీమా కీదు అస్తి వన్నుజ్ పోలిత మనాన్. వాండ్రు వన్ను కలమ్దిజ్ నుబారం కిజి గాలి ఇట్టి కూలిజ్ కొటు ఇండ్రె ఒసి వాక్కాన్లె. పొటుదిజ్ నందిజి సినుదు సురనాన్లె.”

యేసు బాప్తిసం లాగె ఆజినాన్.

13 నస్తివలె యోహాను కీదాన్ బాప్తిసం లాగె ఆదెజ్, గలీలయదాన్ యేసు యెర్దాను గడ్డదు వాతారె.

14 “నీ కియుదాన్ బాప్తిసం లాగె ఆదెజ్, నజి అవనరం గాని నీను బాప్తిసం లాగె ఆదెజ్ నా డగ్రు వాతిదా?”, ఇజ యోహాను వన్నుజ్ అడ్డు కిదెజ్ నుడతాన్.

15 “ఏలు యా లెకెండె జరెగిపిద్. విజు యా లెకెండె దేవుణుదిజ్ ఇస్సమాతివజి పూర్తి కినిక మజి తగ్గె”, ఇజ యేసు వెప్సోన్. నస్తివలె యోహాను ఒప్పుకొటాన్.

16 బాప్తిసం లాగె ఆతి వెటని యేసు ఏరుదాన్ వెల్లి వాతాన్. అయావలెని ఆగానం రే ఆతాద్. దేవుణు ఆత్మ పాపురపొటి లెకెండె యేసు మున్ను డిగజి వానిక యోహాను నుడతాన్.

17 “వీండ్రు నా ఇస్సమాతి మరిసి, విని మున్ను నాను నండె నరద్ ఆజిన్”, ఇజ దేవుణు మంజిని బాడిఃదాన్ వెప్పిని ఉండ్రె జాటు వాతాద్.

4

యేసుజ్ నయ్యాన్ పరిస కిత్తిక.

1 వెనుక దేవుణు ఆత్మ యేసుజ్ బిడిజి బూమి ప్రాంతమ్దు నడఃపిస్తాన్. అబె నయ్యాన్ యేసుజ్ తపు కిబిస్తెజ్ పరిస కిజి నుడతాన్.

2 నలపయి రోస్కు రెయి పొకల్ఠెపాన్మహి వెనుక వన్నుజ్ బజి కట్టాద్.

3 నయ్యాన్ వన్ను డగ్రు వాతండ్రె, “నీను దేవుణు మరిసి ఇహిజ, యా పణకజు తిండి ఆత ఇజ వెహెఅ”, ఇజ వెప్సోన్.

4 నస్తివలె యేసు “లోకు బత్తిజినిక తిండిదాన్ ఆవద్, గాని దేవుణు వెయుదాన్వాని విజు మాటెజాణిజ్బా బత్తిజినాన్ ఇజ దేవుణు మాటదు రాస్త మనాద్”¹, ఇజ వన్నుజ్ వెప్సోన్.

* 3:3 3:3 యెసయ 40:3. * 4:4 4:4 ద్వితీ 8:3.

5 వెనుక నయతాను యేసుకు దేవుణు పట్టు అతి యెరూసలేముదు కూక్త ఒతండ్రి, అబి మని దేవుణు గుడిః కొసాదు నిల్పాన్.

6 అబి నిల్పాండ్ర “నీను దేవుణు మరిసి ఇహిజ, ఇబ్బెణిజ్ అడిఃగి డాట్ అ. ‘నీ వందిజ్ వన్ని దూతరిజ్ దేవుణు ఆడ్ర సీనాన్. నీ కాల్యు వణకుజ తగ్గివీండ వారు నిజి వరి కికాణిజ్ పెర్ను అస్సార్’ * ఇజ దేవుణు మాటదు రాస్త మనాద్”, ఇజి వెప్తాన్.

7 యేసు వన్నిజ్, “ ‘నీ ప్రబు అతి దేవుణుదిజ్ వరిసి కిదెజ్ అవిద్’* ఇజి బా రాస్త మనాద్”, ఇజి వెప్తాన్.

8 మరి ఉండ్రీ నుబు, నయతాను యేసుజ్ నండో ఎత్తు మని ఉండ్రీ గొరోన్ ముస్సు ఎక్కిస్తాండ్రె యా లోకమ్దు మని విజు దేసిమకాజ్, మరి వన్యాజ్ ముస్సు ఏలుబడిః కినివరి అతికారమ్మని వరిజ్ కలిగితి మనికెజ్ విజు తోరిస్తాన్.

9 అక్కెజ్ తోరిస్తాండ్రె, “నీను నా ఎద్దు ముణుకుజ్ ఊర్జి నజి పొగడిఃజి మాడిఃజి యారాజ్ విజు నాను నిజి సీన”, ఇజి వెప్తాన్.

10 యేసు వన్ని వెట, నయతానా, నా బాణిజ్ సాన్ అ, “నీ ప్రబు అతి దేవుణుదిజ్ పొగడిఃజి మాడిఃసి, వన్నిజ్ సేవ కిదెజ్ ఇజి దేవుణు మాటదు రాస్త మనాద్”, ఇజి వెప్తాన్.

11 అయావలె నయతాను వన్నిజ్ డిఃసి సాహాన్. దేవుణు దూతార్ వాజి వన్నిజ్ నెగెణ్ నుడిఃతార్.

యేసు నువార్ సాటిన్జ్ మొదోల్పిసాన్

12 యోహాను కయేది మహాన్ ఇజి విహండ్రె యేసు గలిలయదు మని నజరేతు ఇని పట్టుమ్దు మరజ్ జితాన్.

13 వెనుక యేసు నజరేతు పట్టు డిఃసి జెబులూను, నప్తాలి ప్రాంతమకాజ్ డగ్రు, గలిలయ నందారం పడకాదు మని కపెర్నహము ఇని పట్టుమ్దు వాతండ్రె బత్తితాన్.

14-16 “జెబులూను ప్రాంతమా, నప్తాలి ప్రాంతమా, యోర్దాన్ అతాహ పడక నమ్దరం డగ్రు మని యూదురు ఆకార బత్తిజిని గలిలయ ప్రాంతమా, సీకటిదు బత్కిజి మహికార్ గొప్ప జాయ్ నుడిఃతార్. సాపు ఉండ్రీ నీడ లెకెండ్ మని దేసమ్దు బత్కిజి మహి లోకుర్ ముస్సు జాయ్ పుట్టాద్”*. ఇజి దేవుణు ముజాల యెనరు ప్రవక్త వెట వగ్గితి మాట యా లెకెండ్ యేసు వాతిజ్ పూర్తి అతాద్.

17 అయా వలెహాన్ అని యేసు, “దేవుణు ఏలుబడిః కిని కాలం డగ్రు ఆత మనాద్. అందెజ్ మీ పాపమ్కు ఒప్పుకోడిఃజి డిఃసి సీదు”, ఇజి సాటిన్జ్ మొదోల్పిసాన్.

యేసు సినూరిజ్ కూక్కినాన్

18 యేసు గలిలయ నమ్దరం ఒడుదాన్ నడిసి మహివలె, పేతురు ఇజి కూక అతిసిమానుజ్ నీ, మరి వన్ని తంబెర్సి అతి అంద్రెయెజ్ నుడిఃతాన్. వారు జాలరిబు. వీరు రివిర్ నమ్దరమ్దు వల పొక్కి మొయెజ్ అని మహాన్.

19 “నా వెట రదు. నా వెట వాదెజ్ లోకురిజ్ నెస్సిస్సివరి లెకెండ్ నాను మిజి తయార్ కినాల”, ఇజి యేసు వరిజ్ వెప్తాన్.

20 వారు వెటనె వరి వలేజ్ డిఃస్సారె వన్ని వెనుక సాహార్.

21 అబిణిజ్ సాన్ని మహిజ్ యేసు జెబెదాయి మరిసి అతి యాకోబుజ్ నీ, వన్ని తంబెర్సి అతి యోహానుజ్ నుడిఃతాన్. వారు రివిర్వరి బుబ్బు అతి జెబెదాయి వెట డోణిదు వలెజ్ నెగెణ్ కిజి మహివలె యేసు వరిజ్ కూక్తాన్.

22 వెటనె వారు వరి డోణిని వరి బుబ్బెజ్ డిఃస్సారె వన్ని వెనుక సాహార్.

యేసు జబ్బుది వరిజ్ నెగెండ్ కిజినాన్.

23 యేసు గలిలయ దేసు విజు బూలాజి యూదురు మీటిజ్ కిజిని ఇల్కాజ్ వరిజ్ నేస్సిని, దేవుణు ఏలుబడిః కిని కాలం వందిజ్ నువార్ సాటిని మహాన్. విజు రకమ్ది జబుది వరిజ్ నీ బాదదాన్ ఇజి మహివరిజ్ నెగెండ్ కితాన్.

24 యేసు పేరు సిరియ దేసమ్దు విజు సారితాద్. రకరకమ్ది జబుదివరిజ్ లోకుర్ వన్ని డగ్రు తతార్. నండో నొవిదాన్ బాద ఆజి మహి వరిజ్, దెయం అస్సి వరిజ్, మూర్ న జబు మహి వరిజ్, కిక్కుకాల్యు, సాతివరిజ్ వన్ని డగ్రు తతిజ్ వాండ్రు వరిజ్ నెగెండ్ కితాన్.

25 గలిలయ, దెకపొలి*, యెరూసలేము, యూదయ, యొర్దాను అతాహి పడకదాన్ మంద లోకుర్ వాజి వన్ని వెట సాహార్.

5

గొరొన్ ముస్సు కిత్తి బోద్.

1 యేసు మంద లోకురిజ్ నుడిఃతాండ్రె ఉండ్రీ గొరొత్ ఎక్తాన్. అబి బనిసిమాజ్, వన్ని సిసూర్ వన్ని డగ్రు వాతార్.

2 అయావలె వాండ్రు వరిజ్ యా లెకెండ్ వెస్సి బోద్ నెజ్జెజ్ మొదోల్పిసాన్.

3 “దేవుణుదిజ్ నెందితిలెకెండ్ బత్తిజి దన్నిలో ఇమాపు తకుదికామ్” ఇజి నెసి మజి మరి మండ్రెజ్ ఎయెర్ బా ఇజి కోరిజినరో, దేవుణు సీజిని దీవనమ్కు మంజినె. ఎందనిజ్ ఇహిజ, వారు దేవుణు కిని ఏలుబడిఃజి మంజినార్.

4 ఏలు దుకమ్దాన్ అడకబాజి మన్నికార్ దేవుణు సీని దీవనమ్కు మంజినికార్ ఆనార్ లె, ఎందనిజ్ ఇహిజ దేవుణు వరిజ్ ఓదరిస్తాన్.

5 నిపాతి గుణం మనికార్ దేవుణు సీని దీవనంకు మంజినికార్ ఆనార్లె ఎందనిజ్ ఇహిజ యా లోకం విజు వరి సొంతం ఆనాద్.

6 దేవుణు వెస్సె వజి నితినిజాయిదాన్ మండ్రెజ్ ఇజి నండో ఆన మనికార్ దేవుణు సీని దీవనమ్కు మంజినికార్ ఆనార్ లె, ఎందనిజ్ ఇహిజ వరి మన్ని నిండ్రు అనిలెకెండ్ వరి అనిజ్ దేవుణు తీరిస్తాన్ లె.

* 4:6 4:6 క్రిస్ట 91:11,12. * 4:7 4:7 ద్విత్తి 6:16. * 4:14-16 4:14-16 మెనయ 9:1-2. * 4:25 4:25 దెక్కుపొలి ఇహిజ వది పట్టుమ్కు ఇక్కిజ్ గలిలయ నమ్దరం అతాహ పడక మహా.

7 కనికారం తోరిస్పికార్ దేవుణు సీని దీవనముకు మంజనికార్ ఆనారలె, ఎందనిజ్ ఇహిజ దేవుణు వరి మున్ను, కనికారం తోరిస్పాన్లె.

8 నెగ్గి మున్ను మనికార్ దేవుణు సీని దీవనముకు మంజనికార్ ఆనారలె, ఎందనిజ్ ఇహిజ వారు దేవుణుదిజ్ సూణారలె.

9 లోకుర్ సమాదనమదాన్ మండ్రెజ్ ఇజ పణి కినికార్ దేవుణు సీని దీవనముకు మంజనికార్ ఆనారలె, ఎందనిజ్ ఇహిజ వారు దేవుణు కొణ్డోర్ ఇజ కూక ఆనారలె.

10 దేవుణు వెహ్తి వజ నాయం వందిజ్ మల్లెజ్ ఒరిస్పికార్ దేవుణు సీని దీవనముకు మంజనికార్ ఆనారలె, ఎందనిజ్ ఇహిజ వారు దేవుణు కిని ఏలుబడిడు మంజినారలె.

11 నా మున్ను, నమకం ఇట్టి వందిజ్ లోకుర్ మీ మున్ను, నిందెజ్ మోప్పి మిజి మల్లెజ్ కిజి, మరి మీ మున్ను, అబద్ధమాతి సెజ మాటిజ్ విజు వెహ్తి వెలె మీరు దేవుణు సీని దీవనముకు మంజనికార్.

12 అయావలె నందొ సర్ద అజి మండ్రు. ఎందనిజ్ ఇహిజ పరలోకామదు* మిజి నందొ పలం దోహ్కాద్లె. మీ ముందాల బట్టిజి మహి దేవుణు ప్రవక్తరుజు వెలుబా వారు యాలెకెండ్ మల్లెజ్ కితారె.

సోరు - జాయ్

13 మీరు యా లోకముదు సోరు ననికిదెర్. గాని, సోరుదిజ్† రుసి సాహిజు, ఎలాగ దనిజ్ రుసి మరజ తప్పిజ్ ఆనాద్? అక వెల్లి ఏసిర్జె లోకుర్ మల్లెజ్ అఎండ మరి ఇని పణిదిజ్ బా రజక.

14 మీరు యా లోకముదు మనివరిజ్ జాయ్ ననికిదెర్. గొరొన్ మున్ను, మని పట్టుం డాజిజ మండ్రెజ్ అబ్బెద్.

15 ఎయెర్ బా ఉండ్రె దీవ కసిసి తూముదాన్ ముసి ఇడెవెర్. గాని ఇండ్రెణివరిజ్ విజెరిజ్ జాయ్ సినపజ దీవ కంతూదునె ఇడ్వార్.

16 అయాలెకెండ్ నె, మీ బత్తు, విజెరిజ్ జాయ్ సినపజ మండ్రెజ్. నస్తవలె మీరు కిని నెగ్గి పణిజు సుడేజి లోకుర్ విజెరి దేవుణు మంజని బాడేదు మని మీ బుబాతి దేవుణుదిజ్ పొగిడినారె.

దేవుణు సీతి రూలుజు వందిజ్

17 దేవుణు సీతి రూలుజ్ గాని, దేవుణు ప్రవక్తరు వెహ్తి మాటిజ్ గాని డెయెజి పొక్తెజ్ నాను వాత మున్ను ఇజ మీరు ఒడబిమాల్. వనకాజ్ డెయెజి పొక్తెజ్ ఇజ సిల్లెద్, గాని అయాలెకెండ్ నె పూర్తి కిదెజ్ నె నాను వాత మున్ను.

18 ఏలుహాన్ అసి బూమి అగాసం సిల్లెండ ఆతిజ్ బా దేవుణు మాటదు మని ఉండ్రె ఇజిరి అక్కరం గాని, సున్ను గాని, రాస్తి మని లెకెండ్ పూర్తి అవిండ సాన్ ఉ ఇజ నాను మిజి నిజం వెహ్పిన.

19 ఎయెర్ బా దేవుణు మాటదు మని ఇజిరి అగ్గెజ్ లోక ఉండ్రె దనిజ్ లోజిజి మనవిండ, అయాలెకెండ్ లోజివిండ మండ్రెజ్ ఇజ లోకుర్జె నెస్సెస్తిజు వన్సిజ్, దేవుణు ఏలుబడిజి కినివరి లోక లావ ఇజిరికాన్ లెకెండ్ వాండ్రు ఇడ్వార్లె. గాని ఎయెర్ బా దేవుణు మాటదు రాస్తి మని లెకెండ్ లోకుర్జె నెస్సెసి అయాలెకెండ్ నె కిజి మహిజ దేవుణు ఏలుబడిజి కినివరి లోక వారు గొప్ప పెరికార్ ఆనారలె.

20 మీరు కిని పణిజ్, పరిసయరుబుని యూదురి రూలుజ్ నెస్సెస్పికార్ కిని పణిజు మున్ను, దేవుణు ముందాల ఒదె సరి ఆతికెజ్ ఇహిజనె, మీరు దేవుణు కిని ఏలుబడిడు మంజనిదెర్లె ఇజి నాను మిజి వెహ్పిన.

సప్పిక ఆవిద్

21 “లోకాజ్ సప్తెజ్ ఆవిద్”* ఎయెర్ బా ఒరెన్ వన్సిజ్ సప్తిజు, వన్సిజ్ తవవిండ తీర్పు వానాద్లె ఇజి ముందాహాన్ అసి వెహ్తి మని మాట మీరు వెహ్మమనిదెర్ గదె?

22 గాని ఏలు నాను మిజి వెహ్పిక ఇనిక ఇహిజ ఎయెర్ బా, మరి ఒరెన్ వన్సి మున్ను, కోపం ఆతిజు వన్సిజ్ తీర్పు వానాద్. ఎయెర్ బా మరి ఒరెన్ వన్సిజ్ “పణిదిజ్ రెజకి”, ఇజి వెహ్తిజు వాండ్రు ననహద్రి నజుం ఎద్దు దన్ను వందిజ్ సమాదనం వెహ్తెజ్ వలె. ఎయెర్ బా మరి ఒరెన్ వన్సిజ్ “బుద్ది సిలికి”, ఇజి వెహ్తిజు, వాండ్రు ఎలాకాలం సిను కసి మంజని బాడేడు అర్పు మంజనాన్.

23-24 సీను దేవుణుదిజ్ నంద సుర్ని మాల్ పీటాదు నంద సిదెజ్ సానివెలె, మరి ఒరెన్ వన్సిజ్ నీ మున్ను, ఇనికాదో కోపం మనాద్ ఇజి అబె నిజి ఎతు వాతిజు, నంద సిదెజ్ తతి వన్సిజ్ అబె ఇడేజి వెలునె నంద సుర్ని మాల్ పీట డిసి సాస్సి, ముందాల సీను వనివెలె రాజనం అల. వెనుక మరజి వాజి దేవుణుదిజ్ నంద సుర్ని సిల.

25 నిజి కోర్పు కిదెజ్ అకు మని వన్సి వెలె బేగి రాజనం అల. టయం మనివెలెనె ఆక కిల. సీలిజు వాండ్రు నిజి తీర్పు కిని వరిజ్ ఒపజెవ్పాన్. తీర్పు కినికార్ నిజి జెలిదు ఇడెదెజ్ అతికారిజ్ ఒపజెవ్పాన్. వాండ్రు నిజి జెలిదు ఇడ్వార్.

26 ఉండ్రె వయ్యబా సిల్లెండ అవు మనిక విజు సీనిదాక సీను వెల్లి వాదెజ్ అబ్బె, ఇజి నాను నిజి నిజం వెహ్పిన.

27 “రంకు బూలాదిజ్ ఆవిద్” ఇజి వెహ్తి మనిక మీరు వెహ్మ మనిదెర్ గదె.

28 గాని నాను మిజి వెహ్పిక ఇనిక ఇహిజ ఎయెర్ బా మున్నుదు సెజ అనదాన్ ఉండ్రె అయేల్ కొణ్డెదిజ్ బేస్తిజు వాండ్రు అయావలెనె దనివెలె వన్సి మున్నుదు పాపం కితికాన్ అజినాన్.

29 నీ ఉణెర్ కణక నిజి తప్ప కిబిస్తిజు దనిజ్ లాగ్గి విసిర్ అ. నినె ఎల్ల కాలం సిను మంజని బాడేడు సాస్సి అర్ ఎండ, మీ ఒడోల్ దాన్ ఉండ్రె ముక సాహిజు అక్కాదె నెగెద్.

30 మరి నీ ఉణెర్ కియె నిజి తప్ప కిబిస్తిజు, దనిజ్ కట్టి విసిర్ అ. నినె ఎలాకాలం సిను మంజని బాడేడు సాస్సి అర్ ఎండ, నీ ఒడోల్ దాన్ ఉండ్రె ముక సానికదె నెగెద్.

* 5:12 5:12 దేవుణు మంజనివబాట్టి † 5:13 5:13 యేసుప్రభు కాలముదు ఏలు దోహ్కొ లెకెండ్ మున్ను సోరు సిల్లెతాద్. అయాలెకెండ్ సోరువెలె తెల్లని ఇన్పు బా కూడిత మహా తది కిత్తిజు సోరు విజు కరిగిజ సానాద్, ఇన్పు మిగిలినాద్. అయాలెకెండ్ లోకుర్ సోరు రుసి సిల్లెక ఇజ వెహ్పె మహా. * 5:21 5:21 నిర్గమ 20:13.

31 ఎయెస్బా వన్నె అల్లిజ్ డిసి సీదెజ్ ఇహిజ ఇబ్బెణిజ్ అసి నీను నా అల్ని అవద్ ఇజ దనిజ్ ఉండ్రీ విడిఃఆకు రాసి సీదెజ్ ఇజ వెహ్కా మీరు వెహి మనిదెర్ గదె?

32 గాని నాను మీ వెట వెహ్కా ఇనిక ఇహిజ, రంకు బూలాఇదనిజ్ మాసి డిస్సి సీతిజ, వాండ్రు దనిజ్ రంకు బూలాదెజ్ కిబిస్సికాన్ అజినాన్. మరి ఎయెస్బా దసిజ్ పెండొలి కితిజ వాండ్రు దనివెట రంకు బూలానికాన్ అజినాన్.

ప్రమాణమ్కాజ్ వందిజ్

33 మరి ఇనిక ఇహిజ, “ నీను కితి ఒట్టు పొక్తిక అయాలెకెండ కిమిండ త్తహ్జ్ అవద్, దేవుణు ముందాల కితి ఒట్టుదిజ్ అయావజనె కిదెజ్’ ఇజ వెహ్కా ముందాహాన్ అసి మీరు వెహిమనిదెర్ గదె.

34 నాను మీ వెట వెహ్కా ఇనిక ఇహిజ ఇనిదనిజ్ బా ప్రమాణం కిమాల్. ఆకానం తోడుః ఇజ వెహ్మాహల్, అక దేవుణు బసిని సింహానం.

35 సీతిజ బూమి తోడుః ఇజ వెహ్మాహల్, అక దేవుణు వన్నె కాల్కు ఇట్టి పీట. మరి యెరూసలేం తోడుః ఇజ వెహ్మాహల్, రాజు అతి దేవుణుదిజ్ నెందితి పట్టు.

36 నీ బుర్ర తోడుః ఇజబా వెహ్మ, ఎందనిజ్ ఇహిజ నీ బుర్రది కొప్పవెంటి ఉండ్రీబా తెలాజ్ గాని కరిజ్ గాని కిదెజ్ నీను అల్ ఇ.

37 మీ మాటిజ్ ‘ఒజ ఇహిజ ఒజ’, ఇజ మండ్రెజ్. ‘అవద్ ఇహిజ అవద్’, ఇజని మండ్రెజ్. వనకాజ్ మిస్సికెజ్ సెజ వన్నెబాణిజ్ వానికెజ్”.

కణకాదిజ్ బదులు కణక.

38 “ కణకాదిజ్ బదులు కణక, పలుదిజ్ బదులు పలు’ ఇజ దేవుణు మోసేజ్ సీత్తి వన్నె రూలుదు వెహ్కా మహిక మీరు వెహిమనిదెర్ గదె?

39 నాను మిజి వెహ్కాన్, సెజ పణిజ్ కిని వరిజ్ అడ్డు కిమ. మరి నీను వన్నె మున్ను, కోపమాజి వాండ్రు నిజి కిత్తిదన్నెజ్ మర్జి కిదెజ్ అవద్. ఎయెస్బా ఉణెర్ లెషాదు డెయ్యిజ, డేబ్రు లెపబా వన్నెజ్ తోర్నిఅ.

40 ఎయెస్బా నిజి కోర్టు కిజ నీ సాక లాగ్ దెజ్ నుడొఃతిజ, నీ కండువాబా వన్నెజ్ సీజ మన్ అ.

41 మరి, ఒరెన్ రోమ సయన్ మదికాన్ వన్నె ఒన్నుజ్ పిండిజి వన్నె వెట ‘ఉండ్రీ మయిలు దూరం రఅ’ ఇజ నిజి బలవంతం కితిజ వన్నెవెట రుండి మయిలుజ్ దూరం ఇడ్డి సాన్ అ.

42 నిజి లొస్సివన్నెజ్ సెఅ, మరి నిజి అప్ప లొస్సివరిబాణిజ్ మొకొం మహ్మ”.

నీ పగ్గతి వరిజ్ ప్రేమిన్ అ.

43 “ నీ పడకాతి వన్నెజ్ ప్రేమిన్ అ, పగాతి వరిజ్ ఇన్డం ఆవిండ మన్ అ. మున్ను, కోపమాదాన్ మన్ అ’, ఇజ వెహ్కా మహిక మీరు వెహిమనిదెర్ గదె?

44 గాని నాను మిజి వెహ్కా ఇనిక ఇహిజ, మీ పగ్గతి వరిజ్ ప్రేమిన్లు, మిజి హిమ్న కిజని వరి వందిజ్ పార్లనం కిదు.

45 అహిజ మీరు పరలోకామదు మన్నె మీ బుబ్బాతి దేవుణుది నిజమాతి కొడొర్ ఇజ తోర్ అనిదెర్ లె. దేవుణు సెజవరి మున్నుబా నెగ్గవరి మున్నుబా వన్నె పొదు జాయ్ నీబిసీనాన్. నాయం మని వరి మున్నుబా నాయం సీలివరి మున్నుబా పిరు పొక్కినాన్.

46 మిజి ప్రేమిస్సివరిజి మీరు ప్రేమిస్సిజ దేవుణు మిజి పలం సీనాన్ ఇజ మీరు ఒడిఃబిజనిదెరా? వను పెర్నికార్బా ఆహా కిజినార్ గదె?

47 మీరు మీ కూల వరిజి మీరు మాడిఃసినిదెర్ ఇహిజ మీరు ఆఇకార్ కినిదనిజ్ ఇంక మిస్సిక ఇనిక కిజనిదెర్? యూదురు ఆఇకార్బా అయాలెకెండ కిజినార్ గదె?

48 పరలోకామదు మన్నె మీ బుబ్బాతి దేవుణు ఇని కల్లి సీలికాన్. అందెజి మీరుబా అయాలెకెండన్ మండ్రు.”

6

జాగర్త మండ్రు

1 మీరు కిని నెగ్గి పణిజ్ లోకర్ నుడొఃదెజ్ ఇజ వరి ముందాల కిమిండ జాగర్త మండ్రు. ఎందనిజ్ ఇహిజ ఆహా కితిజ పరలోకామదు మని బుబ్బాతి దేవుణు బాణిజ్ మిజి ఇని పలంబా దొహ్కావిద్.

2 అందెజి అవ్సరం మని వరిజ్ ఇనికబా సీతిజ, వేసం కినికార్ కిని లెకెండ అక విజెరిజ్ తెలిని లెకెండ జోడుఃబాంక ఊకిపిసి డేల్లి వెహ్కాట్. విజెరి ముందాల ముజి గొప్ప పేరు వాదెజ్ ఇని ఆసదాన్ వారు యూదురు మీటిజ్ కిని ఇల్కాజ్, మరి సర్దు ఆహా కిబిస్సార్. వరిజ్ అయావలెనె పూర్తి పలం దొహ్కా మనాద్ ఇజ నాను మిజి నిజం వెహ్కాన్.

3 గాని నీను అవ్సరంమదు మనివరిజ్ సాయం కినివెలె, నీ ఉణెర్ కియు కినిక నీ డేబ్రు కియు నెన్నెజ్ అవద్.

4 అహిజ నీను సీతిక ఎయెర్బా నెన్విండ మంజినాద్. అయావలె ఎయెర్బా నెన్విండ నీను కితిక నుడొఃబిజని నీ బుబ్బాతి దేవుణు నిజి పలం సీనాన్ లె.

5 మీరు పార్లనం కినివెలె వేసం కిని వరి లెకెండ మన్ మాల్. లోకర్ విజెరి సూణి లెకెండ యూదురు మీటిజ్ కిని ఇల్కాజ్, మరి సర్దు నిల్ని పార్లనం కిదెజ్ వరిజ్ ఇన్డం. వరిజ్ పూర్తి పలం దొహ్కా మనాద్ ఇజ నాను మిజి నిజం వెహ్కాన్.

6 గాని నీను పార్లనం కినివెలె. నీను గదిదు సొన్ని సేహ్ కెహ్కా, ఎయెర్బా తోః నీ బుబ్బాతి దేవుణు వెట పార్లనం కితి. అహిజ ఎయెర్బా నెన్విండ నీను కితిక నుడొఃబిజని ఎయెర్బా తోః ఆఇ నీ బుబ్బాతి దేవుణు నిజి పలం సీనాన్.

7 మరి మీరు పార్లనం కినివెలె యూదురు ఆఇ వరి లెకెండ పణిదిజ్ రెఇ మాటిజ్ వెహ్కాట్. అయాలెకెండ లావ్ వర్గితిజాన్ దేవుణు వినాన్ ఇజ వారు ఒడిఃబిజినార్.

8 మీరు వరిలెకెండ్ మండ్రెజ్ అవద్. ఎందనిజ్ ఇహిజ మిజి అవ్ నరం ఆతిక ఇనిక ఇజి మీరు లొన్సి ముందాత్పా మీ బుబ్బాతి దేవుణు నెసినాన్.

9 “అందజె మీరు యా లెకెండ్ పార్దనం కిదెజ్. ‘పరలోకామ్దు మని మా బుబ్బాతి దేవుణు, లోకుర్ విజెరె నీ పేరు గొప్ప నెగ్గిక ఇజి గవ్ నరం సిపిర్.

10 నీ విలుబడి: లోకుర్ విజెరె మున్సు. మనీద్. పరలోకామ్దు నిజి ఇన్మూతికెజ్ జర్గిని లెకెండ్ నె బూమి మున్సు బా జర్గిపిద్.

11 రోజు రోజుదిజ్ మజి కావాలిన్సి తిండి అయ రోజు మజి నీజి మన్ అ.

12 వేరెదికార్ మా వెట కితి తప్పజ్ మాపు వరిజ్ సెమిన్సి లెకెండ్ నె, మాపు కితి తప్పజ్ మజి బా సెమిన్ అ.

13 పాపం కిటిన్సి సెజ ఆనెజ్ మా లొజ రెవిండ, నయ్ నూ బాణిజ్ మజి తప్పిన్ అ’.

14 లోకుర్ మిజి కిని తప్పజ్ మీరు వరిజ్ సెమిన్సి, పరలోకామ్దు మన్ని మీ బుబ్బాతి దేవుణు బా మీరు కిని తప్పజ్ మిజి సెమిన్సిన్.

15 గాని, మీరు లోకుర్ మీ వెట కిని తప్పజ్ మీరు వరిజ్ సెమిన్ ఎండ మహిజ, పరలోకామ్దు మన్ని మీ బుబ్బాతి దేవుణు బా మీరు కిని తప్పజ్ మిజి సెమిన్ ఏన్.”

ఉపాస్

16 “మీరు ఉపాస్ కినివలె, వేసం కిని వరిలెకెండ్ మండ్రెజ్ అవద్. ‘మావ్ ఉపాస్ మంజినావ్’ ఇజి విజెరె నెన్జె ఇజి వారు మొకొ సిర్పం కిజి మంజినాద్. అయోవలెనె వరిజ్ పూర్తి పలం దోహక్త మనాద్ ఇజి నాను మిజి నిజం వెప్పిన్.

17-18 గాని మీరు ఉపాస్ కినివలె బురారు నూనె రాన్ ఆజి మొకొ ఉర్ పాజి మండ్రు. అహిజ మీరు ఉపాస్ కినిక లోకుర్ ఎయెర్ బా నెన్ ఎర్. గాని ఎయెర్ బా తొజి మీ బుబ్బాతి దేవుణు ఒరెండ్రె నెన్నాన్. ఎయెర్ బా నెన్ ఎండ మీరు కినిక నుడెజిని మీ బుబాతి దేవుణు మిజి పలం సీనాన్.”

నమ్ సారం

19 డోజారి డుఃగ్ జి అతెజ్ అక్క, మని, మరి నెదని కరి తిండ్రెజ్ అకుమని యా బూమి మున్సు మీ వందిజ్ నమ్ సారం గణన్ మాట్.

20 గాని డోజారి జు డుఃగ్ జి అతెజ్ అట్ ఇ, మరి నెద గాని కరి గాని పాడె కిదెజ్ అట్ ఇ దేవుణు మంజిని బాడిడు మీ వందిజ్ నమ్ సారం గణన్.

21 ఎందనిజ్ ఇహిజ నీ నమ్ సారం ఎంబె మనాదో అబె నె నీ మన్సు బా మంజినాద్.

22 కణక ఒడోలేదిజ్ దీప లెకెండ్ నె మనాద్. నీ కణక నెగ్గిక ఇహిజ నీ ఒడోలేదిజ్ విజు నెగ్గికెజ్ తని మంజినాద్.

23 నీ సెజ ఉదెనమ్ దాన్ నీ కణుకెజాణిజ్ నుడెజి మహిజ, నీ మన్సు విజు సీకటి మంజినాద్. నీ ఒడోల్ విజు బా సీకటి ఆజి మంజినాద్. నిజి మనాద్ ఇజి నీను ఒడెబిజిని జాయ్ సీకటి ఆతిజ, అయ సీకటి ఎసానో సీకటి.

24 ఎయెన్ బా రిపెర్ ఎజుమానిరు వందిజ్ ఉండ్రె లెకెండ్ పణి కిదెజ్ అట్ ఏన్. ఒరెన్ వన్సిజ్ ప్రేమిని మరి ఒరెన్ మున్సు ఇన్డం సిల్లెండ్ మంజినాన్. నీల్లిజ ఒరెన్ వన్సిజ్ లోజిజి నమ్మకమాతి వనిలెకెండ్ మంజినాన్. మహివన్సి మున్సు సెజ మాటెజ్ వర్గిజ మంజినాన్. అయ లెకెండ్ నె దేవుణుదిజ్ నీ డబ్బుదిజ్ ఉండ్రె లెకెండ్ ప్రేమిన్సిజ్ మీరు అట్ ఇదెర్.

విసారిన్ మాట్

25 అందెజె నాను మిజి వెప్పిక ఇనిక ఇహిజ, ఇనిక తినాన్, ఇనిక ఉణాన్ ఇజి మీ బత్తు. వందిజ్ విసారం ఆమాట్. మరి మా ఒడోలేవందిజ్ ఇనిక పోర్ పానాన్ ఇజి ఒడిబిమాట్. మీ పాణం తిండిదిజ్ మిన్సిక అవదా? మీ ఒడోల్ సొక్క పాతెజ మిన్సిక అవదా?

26 ఆగానమ్దు ఎగ్గెజిని పొటిజ నుడెడు. అవి విత్ ఉ, కొయ్ ఉ, ఒని కొటుదు వాక్ ఉ గాని పరలోకామ్దు మని మీ బుబ్బాతి దేవుణు వనకాజ్ పోన్ కిజినాన్. మీరు వన్యా మిన్సి విలువ మనికిదెర్ ఆఇదెరా?

27 మీ లోజి ఎయెన్ బా విసారిన్ వన్సి బత్తుదిజ్ ఉండ్రె గంట కుడుప్పెజ్ అట్ నాన్ డ్రా?

28 మరి ఎందనిజ్ సొకెజ వందిజ్ మీరు విసారిసినిదెర్? మడిజు మని పూజు నుడెడు, అవి కన్జబాడ్ ఉ, సొక కిదెజ్ నూలుజ్ తయార్ కిఉ.

29 అహిజ బా విజు అన్ కలిగితి మన్ని సొలోమోను రాజు యా ఉండ్రె పూజు లెకెండ్ సోకు మన్ని ఉండ్రె సొక్క తోడిగివెతాన్, ఇజి నాను మిజి వెప్పిన్.

30 నేర్డు మంజి విగిహెజ్ సినుద్ సురె అని మడిజు మని యా గడిదిజ్ దేవుణు యా లెకెండ్ సోకు సిత్తాన్. అహిజ, ఇజిరె నమకం మనికిదెరా మరి ఒదె నగండ్ మిజి సొకెజ తోడిగిన్ ఎతాన్ డ్రా?

31 అందెజె మీరు, “ఇనిక తినావ్ లె, మరి ఇనిక ఉణావ్ లె, నీలిజ ఇనిక పొర్ నావ్ లె”, ఇజి ఒడిబిజి బాద్ ఆమాట్.

32 ఎందనిజ్ ఇహిజ దేవుణుదిజ్ నెన్ ఇకార్ నె వినక్ వందిజ్ రెబాజినాద్. యాకెజ్ విజు మిజి అవ్ నరం ఇజి పరలోకామ్దు మని మీ బుబ్బాతి దేవుణు నెసినాన్.

33 గాని విజు దనిజ్ ఇంక దేవుణు విలుబడి: కిని వందిజ్ నె మరి వన్సి ఎర్దు మీరు నీ తినిజుద్దుదాన్ మండ్రెజ్ ఇజి ఆన ఆజి మండ్రు. నన్సివలె మిజి కావాలిన్సికెజ్ విజు మిజి దోహెచ్చె.

34 విగిహెజ్ వందిజ్ విసారిన్ మాట్. విగిహెజ్ జర్గిని వన్యా వందిజ్ విగిహెజ్ విసారిన్సు. ఎమేణి రోజుదిజ్ తగితి కన్డం అయ రోజుదు మంజినె.

- 1 “మహి వరి మున్ను తీర్పు కిమాల్. అహిజ దేవుణు మిజిబా తీర్పు కిమాన్లె.
- 2 మీరు మహిపరిజ్ ఎలాగ తీర్పు కినిదెరో అయలెకెండెన దేవుణు మిజిబా తీర్పు వానాద్లె. మీరు ఇని కొల్పదానె దేవుణు మిజిబా తీర్పు సీనాన్లె.
- 3 నీ కణకాదు ఉండ్రీ తూలం ననిక మహివలె, దనిజ్ నుడెవిండ, నీను, నీ తంబెరి కణకాదు మని ఇజిరి కనరాదిజ్ ఎందనిజ్ జేసీని?
- 4 “నీ కణకాదు తూలం ననిక మనివెలె అక లాగ్ఎండ, నీ తంబెరి కణకాదు మని ఇజిరి కనరాదిజ్ నాను లాగ్లి విసీర్పు’ ఇజి నీను ఎలాగ వెప్పిని?
- 5 వేసం కినికిదిరా, ముందాల నీ కణకాదు మని తూలం ననిక లాగ్అ. అయావలె నీ తంబెరి కణకాదు మని ఇజిరి కనరాదిజ్ నెగెండె నుడెజి లాగ్దెజ్ అట్టి.
- 6 దేవుణుదిజ్ నెందితి నజతిజ్ అక్కెజ్ ఇన్లం కిజి వరిజ్ నెన్సిన్లె ఇజి నుడెమట్. అయలెకెండె కితిజి, వారు తిండి సీని వరిజ్ కట్టి నెజి నుకుడిజ్ లెకెండె వారు కొపం ఆజి మరజి మీ మున్ను వాజి అర్నాద్. గొప్ప విలువ మనికెజ్ పండ్రీజ్ ముందాల ఇట్టిజి అక్కెజ్ వన్నాజ్ కాల్యాణిజ్ మట్టి లెకెండె వారుబా కినారలె.
- 7 మీరు ఇనిక లొన్సిదెరో అక మిజి దేవును సీనాన్. ఇనిక మీరు రెబాజినిదెరో అక దేవుణు మిజి సీనాన్. కొతు మీ వందిజ్ దేవుణు సెప్లా రే అనాన్లె.
- 8 లొన్సివరిజ్ విజెరిజ్ దోహ్కె, రెబానివన్నిజ్ తోరె ఆజినాద్. కొత్తిన్సి వన్నివందిజ్ సేప్లా రే అనాద్.
- 9 మీ మరని మిజి తిండి లొన్సిజి, మీరు ఎయిదెరెబా వన్నిజ్ పణుకు సీనిదెరా?
- 10 మరి వాండ్రు మెయి లొన్సిజి, సరాన్సీనిదెరా?
- 11 మీరు నెజికిదెరె అతిజ్బా మీ కొడెరిజ్ నెగ్లి ఇనామ్కునె సీదిజ్ ఇజి నెన్సిదెరె. అహిజి పరలోకామ్దు మని మీ బుబ్బతి దేవుణు, వన్నిజ్ లొన్సివరిజ్ దినిజ్ ఇంక మరి ఒదె నెగ్లి ఇనామ్కు సేవిండా?
- 12 అందెజి విజి నజతిజి లోఇ, మహికారె మిజి ఇనిక కిదెజ్ ఇజి మీరు కోరిజినిదెరో అయలెకెండెనె మీరు వరిజ్ కిదు. దేవుణు మోసాజ్ సీతి రూలుజ్ని దేవుణు ప్రవక్తరు వర్గితి మాటెజి అర్లం యాకాదె.”

ఒసారో సరిని ఇహ్కా సరి

- 13 ఇహ్కా సరి గవ్నిదాన్ సాండ్రు. ఎందనిజ్ ఇహిజ నాననమ్దు సొని సరి ఒసారోదిక. అయ గవునిబా ఒసారోదిక. అయ సర్దు సొనికారె నండెండారె మనారె.
- 14 ఎలాకాలం మంజిని బత్తు సీని సరి ఇహ్కాదికాదె, దని గవునిబా ఇహ్కాదిక. అయ సరిదాన్ నడెనికారె కొండెరె.

మరాన్ని దని పట్టు

- 15 నెగ్లికావ్ ఇజి నాటిసీనికారె గాని తప్ప నెన్సిన్సి ప్రవక్తరు వందిజ్ జాగరత మండ్రు. వారు ప్రమాదమాతి మూర్కతం మని కారెనుకుడిజ్ లెకెండె మనికారె. గాని వెల్లిహ్సన్ గొర్లె లెకెండె ప్రమాదం సీలికారె ఇజి తోరె ఆజినారె.
- 16 వరి పణిజాణిజ్ మీరు వరిజ్ నెన్సిదెరెలె. ఎయెరెబా సాప్పుతుపెజాణిజ్ ద్రానపట్టు కొమ్పిరె. సాప్పు మరెకాజ్ బోడె పట్టు కొమ్పిరె.
- 17 అయలెకెండెనె విజి నెగ్లి మరెకాజ్, నెగ్లి పట్టునె అన్సి, మరి నెజి మరాతు నెజి పట్టునె అన్సి.
- 18 ఉండ్రీ నెగ్లి మరాతు నెజి పట్టు అన్ఉ, మరి నెజి మరాతు నెగ్లి పట్టు అన్ఉ.
- 19 నెగ్లి పట్టు అన్ఇ మరెకె విజి కత్తి సీనుద్ విసీరె అనెలె.
- 20 అయలెకెండెనె వరి పణిజాణిజ్ మీరు వరిజ్ నెన్సిదెరె.
- 21 ప్రబువా, ప్రబువా ఇజి నజి కూక్కికారె విజిరె దేవుణు విలుబడిదు మన్పిరె, గాని పరలోకామ్దు మని నా బుబెజ్ ఇన్లమాతి వజి కినికాండ్రె దేవుణు విలుబడిదు మంజినాన్.
- 22 తీర్పు తీరిసీని దినమ్దు నండెండారె నా డగ్రు వాజి, “ప్రబువా, ప్రబువా మాపు నీ పేరుదాన్ దేవుణు ప్రవక్తరు వజి వరిగెవతాపా? నీ పేరుదాన్ దెయ్మకాజ్ పెరెవతాపా? నీ పేరుదాన్ నండె బమ్మాతి పణిజ్ కివతాపా?”, ఇజి వెప్పారె.
- 23 అయావలె, “నాను మిజి ఎనెజ్బా నెన్ఎత. నెజి పణిజ్ కినికిదెరా, నా డగ్రువాన్ సాండ్రు ఇజి వరిజ్ తినాజ్ వెప్పా.

బుద్ధి మనికాన్ని బుద్ధి సీలికాన్

- 24 అందెజి, యా నా మాటెజ్ వెంజి అయా వజి కినికాన్ ఎయెన్బా, సటు మున్ను వన్ని ఇలు తోహ్తి బుద్ధి మనివన్నిజ్ పోలిత మనాన్.
- 25 మీరు వాతాద్. గడ్డెజ్ నిండ్రెజి సాహె. గాలి వాజి అయ ఇలు మున్ను డెతూద్ గాని అయ ఇలు పునాది సటు మున్ను మనిజ్ అరెవతాద్.
- 26 గాని యా నా మాటెజ్ వెంజి వన్నా లెకెండె కికారె ఎయెన్బా ఇన్సి, మున్ను వన్ని ఇలు తోహ్తి బుద్ధి సీలి వన్నిజ్ పోలిత మనాన్.
- 27 మీరు వాతాద్. గడ్డెజ్ నిండ్రెజి సాహె. గాలి వాజి అయ ఇలు మున్ను డెయ్తాద్. అయావలె అయ ఇలు నండె జాటుదాన్ అడిగి అర్నాద్.”
- 28 యేను యా మాటెజ్ వెహ్తి వీజితిజ్ లోకురె విజిరె వన్ని బోడదిజ్ బమ్మ అతారె.
- 29 ఎందనిజ్ ఇహిజి వాండ్రు, యూదురి రూలుజ్ నెన్సిన్సి వరి లెకెండె అండ, అతికారం మనివన్ని లెకెండెనె వాండ్రు బోద్దిస్తాన్.

8

- 1 యేసు అయ గొర్రోన్ డిగ్జీజి వాతివలె ముంద లోకుర్ వన్ని వెనుక వాతార్.
- 2 కుస్తు లోగం* మనికాన్ ఒరెన్ వాతండ్రె వన్ని ముందాల ముణుకుక్ ఊరిజి, “ప్రబువా, నాను నెగెణ్ ఆదెజ్ ఇజ నిజీ మున్ను మహిజ, నజీ నెగెణ్ కిదెజ్ అట్టి”, ఇజ వెప్తాన్.
- 3 అందెజి వాండ్రు కియు సాప్పి వన్నిజ్ ముట్టాండ్రె, “నజీ మున్ను మనాద్, నీను నెగెణ్ ఆఅ”, ఇజ వెప్తాన్. వెటనె వన్నిజ్ మహి పెరి జబు డిస్స సాహద్.
- 4 నస్తివలె యేసు వన్నివెట, “యాక ఎయెరిజ్ బా ఇనికబా వెహము. నీను తీనాజ్ సాన్ని నీ ఒడోల్ పుజేరిజ తోరిన్ అ. నీను నెగెణ్ ఆతి దనిజ్ వరిజ్ రుజున్ లెకిండ్ మోని ముజలె ఆడ్ర సితి వజ దేవుణుదిక్ సంత సిఅ”, ఇజ వెప్తాన్.
- 5 బరెన్ నదాతిపతి ఆతి వన్ని నమకు
- 5-6 యేసు కపెర్నహము ఇని పట్టుమదు వాతివెలె నదాతిపతి† బరెన్ వన్ని డగ్రు వాతండ్రె, “ప్రబువా, నా పణిమన్ని బరెన్ కికు కాల్యు సాని జబుదాన్ నండో బాద ఆజి నా ఇండ్రె గూర్పు మనాన్”, ఇజ వెప్పె బతిమాలితాన్.
- 7 “నాను సాన్ని వన్నిజ్ నెగెణ్ కిన్”, ఇజ యేసు వెప్తాన్.
- 8 నస్తివలె అయ సయనమది అతికార క్షహు వెప్తాన్, “ప్రబువా, నీను నా ఇండ్రె వాదెజ్ నాను తగ్గిక్ ఆఎ. గాని నీను ఉండ్రీ మాట వెప్తాజ ఆనాద్, నా పణిమన్ని నెగెణ్ ఆనాన్.
- 9 నీను అయాలెకిండ్ కిదెజ్ అట్టిజిజి నాను నెసిన. ఎందనిజ్ ఇహిజ నా మున్ను అతికారం మన్నికార్ మనార్. నా అడిగి సయనమదికార్ మనార్. నాను బరెన్ వన్నిజ్ ‘సాన్ అ’ ఇహిజ సానాన్. మరి బరెన్ వన్నిజ్ ‘రఅ’ ఇహిజ వానాన్. నాను నా పణి మనినిదిక్ ‘అయ పణి కిఅ’ ఇహిజ వాండ్రు ఆక కిసాన్.”
- 10 యేసు యా మాట వెంజి బమ్మ అతాండ్రె వన్ని వెనుక వానివరిజ్ నుడోజి, “వన్నిజ్ మన్ని లెకిండ్ దేవుణు మున్ను నిసా పెరి నమకు మని ఎయెరిజ్ బా ఇస్తాయెలు లోకుర్ నడిమి, నాను నుడోదెజ్ సిల్లె ఇజి నాను మిజి నిజం వెప్పాన్.
- 11 నాను మిజి వెప్పాజ్ ఇనిక్ ఇహిజ, దేవుణు కిని ఏలుబడి వానివలె, తూర్పుదాన్ పడోమరదాన్ నండో లోకుర్ వాజి అనిగోగోర్ ఆతి అబ్రాహము, ఇసాకు, యాకోబు ఇని వరివెట పరలోకామదు విందురు బస్తార్.
- 12 గాని దేవుణు కిని ఏలుబడిడు తవంండ్రె మంజినావ్ లె ఇజ ఒడోబిజిని వరిజ్ వెల్లి సీకటిదు విసీర్ నాన్. అవి లోకుర్ అడోబాజి వల్లు కొహాక్కి మంజినార్.”
- 13 యేసు అయా నదాతిపతిజ్, “సాన్ అ, నీను నమ్మితి వజనె జగ్గినాద్”, ఇజ వెప్తాన్. అయ గడియోదునె వన్ని పణిమనిని నెగెండ్రె ఆతాన్.
- 14 యేసు నండో లోకురిజ్ నెగెండ్రె కిజినాన్.
- 14 వెనుక యేసు పేతురు ఇండ్రె వాతాన్. వన్ని మీమసి నోబుదాన్ గూర్పుమనిక్ నుడోతాన్.
- 15 వాండ్రు దని కియుదు ముట్టిజ్ సరి దనిజ్ మహి నోబు డిస్స సాహద్. అది నిజితాదె వన్నిజ్ నెగెండ్రె నుడోదెజ్ మొదోల్స్తాద్.
- 16 పాదు ఆతివలె, దెయమకు అస్తి వరిజ్ నండోదారిజ్, లోకుర్ వన్ని డగ్రు తతార్. వాండ్రు ఉండ్రీ మాటదానె దెయమకాజ్ పెర్తాన్, మరి జబుది వరిజ్ విజేరిజ్ నెగెణ్ కితాన్.
- 17 “వాండ్రు మా నీరనమకు లాగితాన్, మరి మా జబుజ్ వాండ్రు పిండితాన్”* ఇజ యెసయ ప్రవక్త వెట దేవుణు ముజాల వర్గితి మాటజ్ పూర్తి ఆదెజ్ యాక్ జగ్గితాన్.
- 18 యేసు వెట సాండ్రెజ్ ఇహిజ ఇనిక్ కిదెజ్
- 18 యేసు వన్ని డగ్రు మని మంద లోకురిజ్ నుడోజి నమదరం అతావా పడక్ సాండ్రెజ్ ఇజి వన్ని సిసూరిజ్ వెప్తాన్.
- 19 నస్తివలె, యాదురి రూలుజ్ నెస్సిన్నకాన్ ఒరెన్ వన్ని డగ్రు వాతండ్రె, “బోద్ కనికి, నీను ఎంబె సాహిజ్ బా నీ వెట నానుబా వాన్”, ఇజ వన్నిజ్ వెప్తాన్.
- 20 నస్తివలె యేసు, “నకెజి బోరోజ్ మన, ఆగానమదు ఎగ్రిజిని పొటిజి గూడుకు మన, గాని లోకు మరిసి ఆతి నజీ బుర్ల డుట్టి మండ్రెజ్ బా బాడిః సిల్లెద్”, ఇజ వెప్తాన్.
- 21 సిసూర్ లోఇ ఒరెన్ వాతండ్రె, “ప్రబువా నాను ముందాల సాన్ని నా బుబ్బు సాతి పిన్ గు పెర్జి పొక్కి వాన్”, ఇజ వెప్తాన్.
- 22 నస్తివలె యేసు, “సాతికారం† వరి సాతి వరిజ్ పెర్జి పొక్కిర్, నీను నావెట రఅ”, ఇజ వన్నిజ్ వెప్తాన్.
- 23 యేసు తుపాన్ దిజ్ ఆలిప్పినినాన్
- 23 యేసుని వన్ని సిసూర్ డోణి ఎక్తార అబ్బెణిజ్ సోత సాహార్.
- 24 వారు సాన్ని మహిజ్ యేసు డోణిదు నిర్ల కిజ మహాన్. వెటనె అయ సమదరమదు గాలితూపాన్ రేజితాద్. ఉల్పెజ్ వాజి అయ డోణి మున్ను అర్తె.
- 25 సిసూరు సాన్ని వన్నిజ్ నిక్తారె, “ప్రబువా, సాన్ సానాల్లె, మజి రక్కిన్ అ”, ఇజ వన్నిజ్ నిక్తారె.
- 26 అయావలె యేసు వరిజ్, “ఎందనిజ్ మీరు నిసా తకు నమకు మనికిదెర్ ఆజినిదెర్?”, ఇజ వెప్తాండ్రె నిజ్జి గాలిదిజ్ ఉల్పెజ్ అలిజి మన్ అ ఇహాన్. ఆకెజ్ పూర్తి వలె ఆతె.

* 8:2 8:2 కుస్తు లోగం ఇహిజ పెరిజబ్బు అయ జబ్బు వాతిజి కిక్కు కాల్యు మన్ని డెస్సెక్ తెన్జి సానాదెలి జబ్బు మన్నిబాన్ ముట్టిజి నెన్విద్ † 8:5-6 8:5-6 నదాతిపతి ఇహిజ లోమనయ్యమదు మన్ని పందమణిసీర్ సయమది వరిజ్ అతికారం. * 8:17 8:17 యెసయ 53:4. † 8:22 8:22 అయాలెకిండ్ వెప్పావలె దేవుణువెట ఇని పొక్కి సిల్లి అట్టిదిక్ నెందితి నెజిజి వందిజ్ యేసు వెప్పానాన్. నిజం సాతివరి వందిజ్ ఆవిద్. యా మాటిజ్ దేవుణు ఏలుబడి అడిగి మన్ ఇరె వందిజ్ వెప్పానాన్. యా మాటిజ్ యాలెకిండ్ లూక్ 15:24,32, మరి ఎపెసు 2:1 బానబా రాస్ర మనాద్.

27 వారు బమ్మ అతారె, “వీండ్లు ఎలాగ మర్తికాండ్రో? గాలిని ఉల్కైబా వన్నీజ్ లోజిజిన”, ఇజి వర్గితార.

దెయం అన్సి రిఎరిజ్ నెగెండ్ కిజినాన్

28 యేసు నమ్దరం అతహా పడక మని గదరెను ఇని నారు అందితిజ్, దెయం అన్సికార్ రిఎర్, యూదురు వరి సాతివరిజ్ నమాది కిని సాలమ్కాణిజ్ సోతార వన్ని ఎర్దు వాతార. వారు జంతు నని మూర్కకతం మనికార్కక ఎయెర్బా అయ నరి సాన్విర్.

29 “ఓ దేవుణు మరిసి, మా వెట మిజి ఇని పణి? కాలం వాని ముజాల మజి బాద కిదెజ్ ఇబ్బె వాతిబా?”, ఇజి డేడిస్సార.

30 వరి ఎర్దు కండెక్ దూరమేదు పండ్రిజ్ మంద మెయేజి మహె.

31 అయ దెయమేకు వన్నిజ్ “నీను మజి ఉల్పిని లెకెండ్ ఇహిజ, అయ పండ్రిజ్ లోఇ మజి పోక్ అ”, ఇజి బతిమాలేత్.

32 వాండ్రు వన్నాజ్ “సాండ్రు” ఇజి వెహ్జిజ్ అయ దయమేకు వరిజ్ డిస్సెనె పండ్రిజ్ లోఇ సాహె. అయ మంద పండ్రిజ్ విజు గొరొన్ మున్నుహాన్ ఉహాక్కి సాహెన నమ్దరమేదు అర్ది సాతె.

33 పండ్రిజ్ మేహ్పికార్ ఉహాక్కి సాన్పి పట్టుమిదివరిజ్ జర్దితికెజ్ విజు వెహ్జార. దెయం అన్సి మహివరిజ్ జర్దితికబా వెహ్జార.

34 నన్సిపలె అయ పట్టుమిదికార్ విజెరె సాన్పి యేసుజ్ నుడేదెజ్ వన్ని ఎర్దు వాతార. వన్నిజ్ నుడేతిజ్, వరి నారు డిస్సె సాన్ అ ఇజి వన్నిజ్ బతిమాలేతార.

9

యేసు కిక్కుకాల్కు అర్ది వన్నిజ్ నెగెండ్ కిజినాన్

1 యేసు డోణి ఏకాండ్రె నెరు డాట్టి కపెర్నహము ఇని వన్ని సొంత పట్టుమేదు వాతాన్.

2 అయావలె నెగెండార కికు కాల్కు అర్ది మంసమేదు గూర్జిమహి ఒరెన్ వన్నిజ్ యేసు డగ్రు తతార. దేవుణు మున్ను వరి ననుకం యేసు నుడేతాండ్రె, “మరిన్, దయరమేదాన్ మన్ అ, నీ పాపమేకు నెమిస్త మన”, ఇజి కికు కాల్కు అర్ది వన్నిజ్ వెహ్జాన్.

3 యూదురి రూలుజ్ నెస్సిన్సికార్ నెగెండార “వీండ్లు దేవుణుదిజ్ దూనిస్సాన్”, ఇజి వరి లోఇ వారి వర్గితార.

4 యేసు వరి మన్నుదు మనికెజ్ నెస్తాండ్రె ఈహు వెహ్జాన్ “మీరు ఎందనిజ్ మీ మన్నుదు నెఇకెజ్ ఒడేజినిదెర్?”.

5 “నీ పాపమేకు నెమిస్తమన ఇజి వెహ్నిక నులునా? నీను నిజ్జి నడిఅ ఇజి వెహ్నినిక నులునా?”.

6 “లోకు మరిసి ఆతి నజి బూమి మున్ను పాపమేకు నెమిస్తాజ్ అతికారం మనాది ఇజి మీరు నెస్తాజ్ వెలె.” వెనుక కికు కాల్కు అర్దివన్ని వెట, “నిజ్ అ నీ మన్సం అని ఇండ్రో సాన్ అ”, ఇజి యేసు వెహ్జాన్.

7 వాండ్రు నిజితండ్రె ఇండ్రో సాహాన్.

8 లోకురె విజెరె అక నుడేజి బమ్మ అతారె. లోకురిజ్ యా లెకెండ్ అతికారం సితి దేవుణుదిజ్ పొగిడితార.

యేసు మత్తాయిజ్ కూక్కినాన్

9 యేసు అబెణిజ్ సాన్పి మహిజ్, పన్ను పెరెనికాన్ మత్తయి ఇనికాన్ వన్ని బాడిడు బస్త మహాన్. యేసు వన్నిజ్ నుడేజి, “నా వెట రఅ”, ఇజి వెహ్జిజ్, వాండ్రు నిజితండ్రె యేసు వెట సాహాన్.

10 వెనుక యేసు మత్తాయి ఇండ్రో బోజనం కిదెజ్ బన్సి మహిజ్, నండెండార పన్ను పెర్సికార్ ని* పాపం కినికార్ ఇజి పరిసయెరు వహ్పికార్ వాతార వన్ని వెటని వన్ని సిసూర్ వెట బోజనమేదిజ్ బస్తార.

11 పరిసయెరు అక నుడేజి, “ఎందనిజ్ మిజి నేర్పిస్సికాన్ పన్ను పెరెనివరి వెట, పాపం కినివరి వెట బోజనం కిజినాన్”, ఇజి వన్ని సిసూర్ జి వెన్ బాతార.

12 యేసు అయ మాట విహండ్రె, “జబు మనివరిజ్ డాక్టర్ అవ్సరం, నెగెణ్ మని వరిజ్ డాక్టర్ అవ్సరం సిల్దెద్”, ఇజి వెహ్జాన్.

13 “మీరు మహి వరి మున్ను కనికారం తోరిస్తాజ్ ఇజెనె నాను కోరిజిన గాని కత్తి పూజెజు నాను కోరివి*, ఇజి దేవుణు వెహ్జి మాటది అర్దం ఇనికాదో ఇజి మీరు సాన్పి నెస్తు. పాపం కిని వరిజ్ కూక్కెజె నాను వాత మన, నెగెణ్ మనికావ్ ఇజి ఒడేబిని వరిజ్ ఆవిద్”, ఇజి వెహ్జాన్.

యేసుజ్ ఉపాన్ వందిజ్ వెన్ బాజినార.

14 నన్సిపలె యోహాను సిసూరు వన్ని డగ్రు వాజి, “మాపుని పరిసయెరు డిస్సెవింద ఉపాన్ మంజినావ్, గాని నీ సిసూర్ ఎందనిజ్ ఉపాన్ మన్విర్?”, ఇజి వెన్ బాతార.

15 దనిజ్ యేసు ఈహు వెహ్జాన్, “పెండ్రి దజడాయెన్, పెండ్రి కూలెజు వెట మని వెలె వారు దుకమేదాన్ మంజినారా? పెండ్రి దజడాయెన్ పరిబాణిజ్ కూకె ఆతి వెనుక వారు ఉపాన్ మంజినార.”

16 “ఎయెర్బా పడామేపాతదు కొత పాత ముక కుడుజ్వి గుత్విర్. ఆహె కితిజు కొత పాత ముక కేటె ఆజి కిజినక మరి లావ్ ఆనాద్.

17 ఎయెర్బా పడామే తోలు నన్నుదు కొత ద్రాక్కు కల్లు వాక్విర్. ఆహె కితిజు కొత ద్రాక్కు కల్లు పులాజ్ ఆనివెలె తోలు నంసి పెడెల్ నాద్, ద్రాక్కు కల్లు వెల్లి సానాద్. మరి నంసి పాడానాద్. కొత ద్రాక్కు కల్లు కొత తోలు నన్నుదు నె వాక్కెజ్. అయావలె రుండిబా పాడాజ్ ఆఉ.”

§ 8:28 8:28 యేసువ్రబు కాలమేదు నుట్టు బొరొకిజి సాలమ్ లెండె తయార కిజి సాతి వరిజ్ నమాది కిజి మహార. పీనుగు సాలమ్ లోఇ ఇడ్డి పణుకుదాన్ సాలమ్ దిజ్ మూన్ మహార. * 9:10 9:10 పన్ను పెర్సివరిజ్ యూదురు ఇస్సం కివితార. యూదురు పన్ను పెర్సివరిజ్ తక్కుదికార్ మరి గొప్ప పాపం కినికార్ ఇజి ఒడేబిజి మహార. వారు రోమ వ్రబుత్వం వందిజ్ పన్ను పెర్సి మహార. అక్క యూదురు రులుదిజ్ పడిఎంద మహార. వారు కిని పణిదాన్ వారు ఆగవెవెట కూడాజి మహిజ్ వారు నుబ్బరం సిల్లికార్ ఇజి పరివందిజ్ ఒడేబిజి మహార. * 9:13 9:13 హోనయ 6:6.

సాతి అయ్యలని జబు మని బోదెలి

18 యేసు యా మాటిజ్ పరి వెట వెప్పొ మహివలె, యూదురి మిటిజ్ కిని ఇండ్రోణి ఒరెన్ అతికారి వాతండ్రె వన్ని ఎర్దు ముణుకుజ్ ఊరిజి, “నా గాలు యెలె సాతాద్. నీను వాజి నీ కియు దని మున్ను ఇడెఱ. అది బత్తిన్నాద్”, ఇజి వెప్తాన్.

19 యేసు నిజితండ్రె వన్ని వెట సాహాన్. వన్ని సిసూర్బా సాహాన్.

20-21 నస్తివలె పనెండు పంటిజాణిజ్ వెల్లి ఆని జబుదాన్ బాద ఆజిమహి ఉండ్రె బోదెలి, “యేసు తోడిజిగతిమని నీరి సాక్కుదు ముట్టిజి సరి నాను నెగెండ్ ఆస”, ఇజి దని మున్నుదు ఒడిజిబితాది వన్ని వెనుక వాతాది వన్ని పాత నెంగుదు ముట్టాద్.

22 యేసు వెనుక మరజి దనిజ్ నుడెజి, “ఓ బయి దయెరమ్దాన్ మన్అ. నీను నా మున్ను ఇట్టి మని నమకమన్ నిజి నెగెన్ కిత మనాద్”, ఇజి వెప్తాన్. అయావలెనె అయ బోదెలి నెగెండ్ ఆతాద్.

23-24 నస్తివలె యేసు అతికారి ఇండ్రె వాతిజ్, పిరుడిః ఊక్తివరిజ్ గగోల్ అని వరిజ్ నుడెజి, “ఇబ్బెణిజ్ సొండ్రు, యా ఇజిరి బయి నిద్ర కిజినాద్ గాని సావిద్”, ఇజి వెప్తాన్. వారు వన్నిజ్ వెక్కిసి సిక్టార్.

25 అబి నిండ్రెతి మహి లోకారిజ్ విజెరిజ్ వెల్లి పోక్తి వెనుక, యేసు ఇండ్రె డుఃగితాండ్రె అయెలి కీదు అన్దిజ్అది నిజితాద్.

26 యా కబ్బురు అయ ప్రాంతం విజి సారితాద్.

యేసు గుడ్డిదివరిజ్ గుల్లవన్నిజ్ నెగెండ్ కిజినాన్.

27 యేసు అబెణిజ్ సొన్ని మహివలె రిపెర్గుడ్డిఃవారు వన్ని వెనుక వాతారి, “ఓ దావీదు మరిసి, మా మున్ను కనికారం తోరిన్అ”, ఇజి డేల్లి వెప్తాన్.

28 యేసు ఇండ్రె డుఃగితి వెనుక వారు వన్ని డగ్గు వాతారి. వాండ్రు వరిజ్ ఈహు వెన్బాతాన్. “ ‘యూక కిదెజ్ నాను అట్టు’, ఇజి మీరు నమిజినిదెరా?”, “ప్రబువా మావ్ నమ్మిజినావ్”, ఇజి వారు వెప్తాన్.

29-30 నస్తివలె యేసు పరి కణకెజి ముట్టి ఈహు వెప్తాన్. “మీరు నమ్మితివజనె యూక మిజి జర్లిపిద్”, ఇజి వెప్తా వెటనె పరి కణకుకు బేస్తారి. “ఎయెర్బా యూక నెన్దిజ్అవిద్”, ఇజి యేసు వరిజ్ గట్టిజి వెప్తాన్.

31 గాని వారు సాహారె అయ ప్రాంతం విజి వన్ని వందిజ్ సాట్టారి.

32 యేసుని వన్ని సిసూర్అబెణిజ్సొన్ని మహిజ్ దెయం అస్తి ఒరెన్ గులవన్నిజ్ వన్ని డగ్గుతతారి.

33 యేసు దెయమదిజ్ఉల్లిపే వెటనె అయ గుల్ల వాండ్రు వరిగిదెజ్ మొదోల్స్తాన్. అక నుడెజి లోకురె విజెరి బమ్మ అతారి, “ఎనెజ్బా ఇస్తాయెలు దేసమ్దు యా లెకెండ్ ఇనికబా జరిగివితాద్”, ఇజి వర్గతారి.

34 గాని వరిసయెరు ఈహు వెప్తారి, “దెయమ్కాజ్ నెయ్యి సాయమ్దానె వీండ్రు దెయమ్కాజ్ పేర్జినాన్”.

పణిమన్సిర్ తక్కు

35 యేసు విజి పట్టుమ్కాజ్, విజి నాహ్కాజ్ బూలాజి యూదురు మీటిజ్ కిని ఇల్లాజ్ వరిజ్ నేర్పిసి, దేవుణు ఎలుబడిః కిని వందిజ్ నువార్ వెప్పొ విజి రకమ్ది జబుది వరిజ్, బాదదాన్ మని వరిజ్ నెగెండ్ కితాన్.

36 యేసు మంద లోకాజ్ నుడెజి, వన్ని పాణం నొతాద్. ఎందనిజ్ ఇహిజి వారు గవుడుఎన్ సిల్లెండ సద్రితి గొరెజ్ లెకెండ్, ఇనిక కిదెజ్ ఇజి నెన్ ఇ పరి లెకెండ్ మహాన్.

37-38 నస్తివలె యేసు వన్నిసిసూరిజ్, “కొయెదెజ్ మన్ని వంటలెకెండ్ లోకురె నండ్ండారె మన్నె. గాని కొయెనికారె తకునె. అందెజి వన్ని వంట కొయెని వందిజ్ పణికిని వరిజ్ పోక్అ ఇజి కోత యజుమానిజ్ బతిమాల్దు”, ఇజి వెప్తాన్.

10

యేసు పన్నెండు మణిసి సిసూరిజ్ కూక్కినాన్

1 యేసు వన్ని పనెండు మన్ని సిసూరిజ్ డగ్గు కూక్కాండ్రె దెయమ్కాజ్ పేర్దెజ్, మరి విజి రకమ్ది జబుది వరిజ్ని బాదదాన్ మని వరిజ్ నెగెండ్ కిదెజ్ వరిజ్ అతికారం సితాన్.

2 అయ పనెండు మన్ని అపొస్తడురి పేరుకు ఇకెజ్. మొదోహికాన్సీమోను, (పేతురు ఇజి వాండ్రు కూకె ఆతాన్) వన్ని తందెరేసి ఆతి అంద్రెయ, జెబదయి పొటాదికారియాకోబుని యోహాను,

3 పిలిపుని బర్తొలొమాయ, తోమని పన్ను పెర్లి మహికాన్ మతాయి, అలపయి పొటాదికాన్ యాకోబు, తదాయి

4 యూదయ దేసం వందిజ్ ఉసారాఅజిని సీమోను*, యేసుజ్ మోసెం కిజి ఒపజెప్పికాన్ ఆతి ఇస్సరియోతు యూద.

5 యేసు అయ పనెండు మన్ని సిసూరిజ్పోక్తివలె ఈహు వెప్తాన్. “యూదురు ఆఇవరి నడిమి మీరు సొన్నాట్. నమరియదివరి పట్టుమ్కాజ్బా సొన్నాట్.

6 గాని మీరు ఇస్తాయెలుది మురుతి గొరెజ్కెండ్ మనివరి నడిమి సొండ్రు.

7 మీరు సొన్ని, ‘దేవుణు ఎలుబడిః కినిక డగ్గు ఆత మనాద్’ ఇజి సొట్టు.

8 జబుదివరిజ్ నెగెండ్కిదు, సాతి వరిజ్ నిక్కు, పెరి కస్టమ్ది వరిజ్ నెగెణికిదు, దెయమ్కాజ్ పేర్దు. యా పణిజ్ కిదెజ్ అతికారం నెడ్డిఃని మిజి దోహ్క మనాద్. అందెజి మీరు ఎయెర్బాణిజ్బా ఇనికబా లొన్ఎండ ఇకెజ్నడిఃని కిదు.

9 మీరు సొనివెలె బజారం, రుపాయ్ గాని వెండి, రుపాయ్ గాని రాగి రుపాయ్ గాని మీ నన్నిదు ఒమాట్.

10 పయెంసం కినివెలె నన్ని ఒమాట్. రుండి సొక్కే, జోడ్కు, డుడు ఇనికబా ఒమాట్. ఎందనిజ్ ఇహిజి పణికినికాన్ వన్నిజ్ కావొకెజ్ దోహ్కెజ్ తగ్గికాన్.

11 మీరు ఎమెణి పట్టుమ్దు సాహిజ్బా అబి ఒరెన్ నెగ్గివన్నిజ్ రెబాజి వన్ని ఇండ్రెనె అబెణిజ్ సొని దాక మండ్రు.

12 మీరు అయ ఇండ్రె డుఃగితిజి సరి, ‘మిజి నమూదనం మనిద్’ ఇజి వెప్తాన్.

* 10:4 10:4 కనాయదికాన్ సీమోను - తెలుగు లోమది ఎలుబడిఃదాన్ యూదురు దేసెమదిజ్ విడుదల కిదెజ్ ఉసారాదాన్ నుడిజిని యూదురు నజం మనాద్ అయా నజమెదికాన్ ఒరెన్ సీమోను.

13 అయి ఇంట్లోకికార్ మిజి డర్లు కిజతిజ, నస్తివెలె మీరు వెప్పాలెకెండ్ వరిజ్ దీవనమ్కు ముజినె. వారు తగిఇకార్ ఇహొజ అయాలెకెండ్ వరిజ్ జర్లివద్.

14 మీరు ఉండ్రీ పట్టుమదు గాని, ఉండ్రీ ఇండ్లె గాని అందితిజ, వారు మిజి డర్లు కిపిండ మరి మీ మాటెజ్ డర్లు కిపిండ మహొజ, వరి మున్సు. వారి దేవుణు బాణెజ్ సిక్కు అప్పొ అజనార్ ఇనిదన్నిజ్ గుర్తు లెకెండ్, మీరు అయి పట్టుమనో ఇల్లునో డిసి సొనివెలె మీ పాదమ్కాణి దుల్లి దూల్ప్పె సొండ్లు.

15 దేవుణు తీర్పు తీరిప్పి రోజుదు అయి పట్టుమదు మని వరిజ్ ఒద్దె లావ్ సిక్కు సీనాల్లె ఇజి నాను మిజి నిజం వెప్పినా. సోదోమ గొమార పట్టుమకాజ్ మహొవరిజ్ సొన్ని సిక్కు మనవద్.

16 కార్నుకుడిజ నడిమి గొర్లెకెండ్ నాను మిజి లోకుర్ నడిమి పొక్కిన. అందెజె మీరు సరాన్సు లెకెండ్బుది మనికిదెర్, పాపుర పొటిజ లెకెండ్ సెకెజ్ ఇనికెజ్ సీలికిదెర్ అజి మండ్లు.

17 లోకుర్ వందిజ్ జాగర్లు మండ్లు. వారు మిజి కోర్టుదు ఒవజెప్పి, మరి యూదురు మీటిజ్ కిని ఇల్కాజ్ మిజి కొర్టెజెజిజ్ డెయ్యినారలె.

18 రాజురిజ ముందాల, అదికారిజ ముందాల నా మున్సు నమకం ఇట్టి వందిజ్ మజి అనీ తొప్పొ ఒనార్లె. వరి ముందాలని యూదురు అజి వరి ముందాల నా వందిజ్ మీరు వరిజ్ సువార్లె వెప్పొదెర్లె.

19 గాని వారు మిజి తొప్పొ ఒనివెలె ఇనిక వెప్తాజ్, అక ఎలొగ వెప్తాజ్ ఇజి మీరు బెజి ఆమాట్. అయివలెనె వర్లిదెజ్ సరి అతి మాటెజ్ మిజి దోహొక్కెలె.

20 ఎందనిజ్ ఇహొజ అయివలె వర్గినిక మీరు అజదెర్. మీ బుబ్బు అతి దేవుణు అత్త మీ లొజహొన్ వర్గినారలె.

21 దాడ్లు తంబేరిజ్, తంబెరి దాడ్లుజ్, అపొనీ మరిసిజ్ నప్పెజ్ ఒవజెప్పారలె. కొడెర్ అయిని అప్పొసిరి మున్సు గొడబ అజి వరిజ్ నపిన్సారలె.

22 నా మున్సు నమకం ఇట్టి వందిజ్ విజెరి మీ మున్సు పగదాన్ ముజినారలె. గాని ఆకార్ దాక ఓరిన్సి వన్నిజ్ దేవుణు రక్కిన్సారలె.

23 ఉండ్రీ నాటో మిజి హొమ్ నకితిజ, మరి ఉండ్రీ పట్టుమదు ఉహొక్కి సొండ్లు. లోకు మరిసి వాని ముందాల సువార్లె సొటసిని పణి పూర్లి వీజెండ్ అనాద్, ఇజి నాను మిజి నిజం వెప్పినా.

24 అద్వినికాన్ నెప్పొప్పివన్ని మున్సు వెరికాన్ అవన్. పణిమన్సి యెజుమాని మున్సు వెరికాన్ అవన్.

25 నద్వినికాన్ నెప్పొప్పివన్ని లెకెండ్ అతిజ అనాద్. పణిమన్సి యెజుమాని లెకెండ్ అతిజ అనాద్. ఇంట్లోకి యెజుమానిజ్ వారు బయిలెజెబులా! ఇజి కూక్కి మోసం వెప్తార ఇహొజ ఇంట్లోకికార్ అతి మీ వందిజ్ మరి ఎసొనో నిజ మాటెజ్ వెప్పారలె.

26 అందెజె వరిజ్ మీరు తియిలె ఆమాట్. డాప్తి మనికెజ్ విజు తోర అనెలె. నెన్విండ మున్సు మనికెజ్ విజు నెనె అనెలె.

27 మీ వెట నాను సీకటిదు వెప్పొ మాటెజ్, మీరు జాయదు వెప్తా. మీ గిబిజ వెప్తొ మాటెజ్ విజెరి వినిలెకెండ్ మద్దెజ మున్సుహాన్ మీరు డటం వెప్తా.

28 అత్తుదిజ్ నప్పెజ్ అటేవిండ ఒడెలోదిజెనె నప్పెజ్ అట్టి వరిజ్ మీరు తియిలె ఆమాట్. గాని అత్తుని ఒడెలోదిజ్ సీను ముజిని బాడిదు పొక్కి నానం కిదెజ్ అతికారం మని దేవుణుదిజెనె తియిలె అజి మండ్లు.

29 ఉండ్రీ కాసుదిజ్ రుండి ఇజ్ల పంట పొటిజ్పార అజనెగదె. అహొజ్బా నీ బుబ్బాత్తి దేవుణు నెన్విండ దన్ని లొజ ఉండ్రీబా అడ్డి బూమిదు సొదెజ్ ఇజి డిసి సీవన్.

30 నీ బుర్లది కొప్ప విజుబా లెక కిజి అత మనాన్.

31 అందెజె మీరు తియిలె ఆమాట్. మీరు యా ఇజెరి పంట పొటిజ మిన్సి విలువ మనికిదెర్.

32 లోకుర్ ముందాల నజి ఒప్పకొణి, విజెరిజ్ నానుబా వరివందిజ్ పరలోకామదు మని నా బుబ్బాత్తి దేవుణు ఎర్దు ఒప్ప కొణ్ణా.

33 గాని ఎయెన్బా లోకుర్ముందాల నజి నెన్వి ఇజి వెప్తాజ, పరలోకామదు మని నా బుబ్బాత్తి దేవుణు ముందాల నానుబా వన్నిజ్ నెన్వి ఇజి వెప్పాలె.

34 బూమి మున్సు నమాదనం తపిన్పెజ్ నాను వాత మన ఇజి మీరు ఒడేబిమాట్. పగ తపిన్పెజ్ వాత, సమాదనం అవద్.

35 ఎందనిజ్ ఇహొజ, మరిసిజ్ వన్ని అప్పొసి మున్సు, గాడ్ఫిజ్ దని అయిని మున్సు, కొడియెసిజ్ దని మీమసి మున్సు పగ కిబిన్పెజ్ నాను వాత మన.

36 నా మున్సు నమకం ఇట్టి వందిజ్ ఒరెన్ వన్ని మున్సు వన్ని సొంత ఇంట్లోకికార్ పగాతికార్ అనార్.*

37 బుబ్బెజ్బా యాయ్బా నజి మిన్సి ప్రేమిన్సికాన్ నజి తగ్గికాన్ అవన్. మరిసిజ్బా గాల్ఫిజ్బా నజి మిన్సి ప్రేమిన్సికాన్ నజి తగ్గికాన్ అవన్.

38 క్రస్టమ్కు ఓరిన్పెజ్ మున్సు సిల్లికాన్, మరి నా వెట సొదెజ్ ఇజిబా మున్సు సిల్లికాన్, ఎయెన్బా నజి తగ్గికాన్ అవన్.

39 వన్ని పాణెమదిజ్ కాపొడిదెజ్ ఇజి సుడితిజ వాండ్లు దన్నిజ్ సొనిపిన్సాన్. నా వందిజ్ వన్ని పాణెం సొన్నిన్సికాన్ దనిజ్ కాపొడ్డాన్.

40 నజి డర్లు కినికాన్ నజిన్ డర్లు కిజినాన్. నజి డర్లు కినికాన్ నజి పొక్కివన్నిజ్బా డర్లు కిజినాన్.

41 ఒరెన్ దేవుణు ప్రవక్తెజ్, వాండ్లు దేవుణు ప్రవక్త ఇజి నెనె ఎయెన్బా వన్నిజ్డర్లు కితిజ, దేవుణు ప్రవక్తెజ్ దోహొక్కి లెకెండ్ వన్నిజ్బా పలం దోహొక్కాద్లె. ఒరెన్ నీతి నిజాయితి మని వన్నిజ్ వాండ్లు నీతి నిజాయితిదికాన్ ఇజి నెనె ఎయెన్బా వన్నిజ్ డర్లు కితిజ, నీతి నిజాయితిమని వన్నిజ్ దోహొక్కి లెకెండ్ వన్నిజ్బా పలం దోహొక్కాద్లె.

† 10:25 10:25 దేవుణుదిజ్ పొగడిజె వాడినెజ యూదురు అకార మాడిని మహి, ఉండ్రీ బొప్పని బెయిలెజెబులు. యూదురు అయి బొప్పదిజ్ "పొర్లిజ్ మాడిన్సి బొప్ప", ఇజి వెక్కిని వప్ప మహార్. అందెజె వారు యెన్సుప్రుజె బెయిలెజెబులు ఇజి కూక్కివెలె వన్నిజ్ నంబొ మోసం వెప్తా మహార్. * 10:36 10:36 మికా 7:6.

42 యా నా సిసూర్ లోజ ఇజిరి ఒరెన్ వన్నిజ్ వాండ్రు నా సిసూర్ ఇజి నెసి ఎయెరబా ఉండ్రి గలన్ ఏరు సితిజి, దనిజ్ తగితి పలం తవ్విండ వన్నిజ్ దోహ్కార్ద ఇజి నాను మిజి నిజం వెప్పిన.”

11

యేసుని బాప్తీసం సీని యోహాను

1 యేసు వన్ని పనెండు మన్ని సిసూర్జ బోదిసి వీజితి వెనుక, అబెణిజ్ సోసి గలిలయ దేసమ్దు మని పట్టుమ్కాజ్, నాహ్మజ్ సువార్త సాట్టజ్, బోదిస్టజ్ సాహన్.

2-3 జెలిదు మని యోహాను క్రీస్తు కిని పణిజి వందిజ్ వెంజి, “వానికి నీననా? సిలిజి మరి ఒరెన్ వన్నిజ్ మాపు ఎర్దు సుడేజి మండ్రజ్నా?”, ఇజి వెన్బాదెజ్ వన్ని సిసూర్జి యేసు డగ్గు పోక్తాన్.

4-5 యేసు వరిజ్ ఈహు వెప్తాన్, “గుడ్డిదికార్ సుడేజినార్, సాటాదికార్ నడిజినార్, పెరి జిబు మనికార్ నెగెణ్ అజినార్, బియ్యరాదికార్ వెంజినార్, సాతికర్ నిజి అజినార్, బిదాతి వరిజ్ సువార్త వెమా అజినాద్, ఇజి యా లెకెండ, మీరు సుడేజినెకెజ్, వెంజినెకెజ్ మరెజి సొన్సి, యోహానుజ్ వెప్తాను.

6 గాని నా మున్ను మన్ని నమకం డిసి సెఇకాన్ దేవుణు సీని దీవెనమ్కు మంజినెకాన్ అనాన్లె.”

7 యోహాను సిసూర్ మరెజి సొన్సిమహిజ్ యేసు యోహాను వందిజ్ ఈహు వరిగిదెజ్ మొదోల్సొన్. “ఇనిక సుడేదెజ్ మీరు బిడిమ్ బూమి ప్రాతమ్దు సాహమహిదెర్? గాలిదిజ్ దూజ్జిని గడిదిజ్ పోలితి ఒరెన్ వన్నిజ్ సుడేదెజ్నా?

8 సిల్లిజి మరి ఇనిక సుడేదెజ్ మీరు సాహ మహిదెర్? నెగ్గి సొక్కజ్ తోడిగితి మని ఒరెన్ వన్నిజ్ సుడేదెజ్నా? నూనాజ్ మని నెగ్గి సొక్కజ్ తోడుగితి మంజినెకార్ రాజురి ఇల్లాజ్ మంజినార్ గెదె?

9 సిల్లిజి మరి ఇనిక సుడేదెజ్ మీరు సాహమహిదెర్? ఒరెన్ దేవుణు ప్రవక్తెజ్ సుడేదెజ్నా? నిజమె, దేవుణు ప్రవక్తెజ్ ఇంక పెరివన్నిజ్నె ఇజి నాను మిజి వెప్పిన.

10 “నాను నా కాల్లు తనివన్నిజ్ నిజి ఇంక ముజాల పోక్కు. వాండ్రు నీ ముజాల నీ సరి నెగెండ కిసాన్”^{*} ఇజి వన్ని వందిజె దేవుణు మాటదు రాస్త మనాద్.

11 బోదెక పొటాదు పుట్టివరి లోఇ యోహాను ఇంక మిస్సికాన్ ఎయెరబా సిలెన్. గాని దేవుణు ఏలుబడి: కినిదని లోఇ ఇజిరికాన్ అతికాన్, యోహానుజ్ ఇంక పెరికాన్ ఇజి నాను మిజి నిజం వెప్పిన.

12 బాప్తీసం సీని యోహాను కాలమ్దాన్ ఏలుదాక దేవుణు ఏలుబడి: కినిక బలవందమ్దాన్ ముజాల వాజినాద్. మరి గొప్ప నత్తు మనికార్ దనిజ్ అడ్డు కిదెజ్ సుడేజినార్.

13 మోని సితి రూలుజ్ని దేవుణు ప్రవక్తరు విజెరెబా దేవుణు ఏలుబడి: కినివందిజి యోహాను కాలమ్దాక వర్గిజి మహార్.

14 నమిదెజ్ మిజి ఇన్సం మహిజి, ఏలియ వానాల్ల ఇజి ముజాల వెప్తాక విని వందిజ్నె.

15 మి గిట్టెజ్జాణిజ్ నెగెండ వెంజి అయా పజి నడిజి మండ్రు.

16-17 ‘యా తరమ్ది వరిజ్ ఇనిదనిజ్ సమానం వెప్తాజ్? వారు సతాదు బని, మహివరిజ్ డేట్టిని కొడోర్ లెకెండె మనార్.’ ‘మాపు మీ వందిజ్ పిరుడి: ఉహ్కమ్ గాని డాట్ఇతిదెర్, సాతి ఇండ్రో పాటెజ్ పార్తావ్ గాని మీరు గుండె కొత్త అజి మీరు అడబు ఇతిదెర్’.

18 యోహాను వాతివెలె వాండ్రు తిండి వందిజ్ లావ్ ఒడేబివండ రోజు ఉపాన్ కిజి మహన్. వాండ్రు అయాలెకెండె తిన్ఎండ, ఉణెఎండ మన్నిజ్ వన్నిజ్ దెయం అస్తాద్ ఇజి వారు వెప్పినార్.

19 లోకు మరిన్ అతి నాను తింజి, ఉణిజి వాతాన్కాక ‘వీండ్రు తిండి కకూర్తికాన్’ మరి ఉణిజి సొన్సికాన్, పన్ను పెర్తివరిజ్ని పాపం కిజిని వరిజ్ కూలాయెన్ ఇజి వారు వెప్పినార్. గాని దేవుణు బాణిజ్ వాని గెణం మన్నికార్ వారు కిజిని నెగ్గి పణిజాణిజ్ అయ గెణం సరియాతిక ఇజి రుజుమ్ కిజినాద్.”

నమకం సిల్లికార్ మన్ని పట్టుమ్కు

20 మరి యేసు ఎమేణి పట్టుమ్కాజ్ నండో బమ్మ అతి పణిజ్ కితిజ్బా వారు వరి మన్ను మారిన్ఎత్తారో, అయ పట్టుమ్కాజ్ మున్ను కోపం అజి వర్గితాన్.

21 అబయా! కొరెజిన్ పట్టుమ్దు మనికిదెరా మిజి అసొన్ గొప్ప కస్టమ్కు, వానెనో, అబయా! బెత్నెయ్యపట్టుమ్దు మన్నికిదెరా మిజిబా అసొన్ గొప్ప కస్టమ్కు వానెనో. ఎందనిజ్ ఇహిజి నాను మీ నడిమి కితి మహి బమ్మాతి పణిజ్ తూరుని సీదోను పట్టుమ్కాజ్ కిని మంజినెక ఇహిజి వారు అసొన్ ముజాలె బస్త సొక్కజ్ తోడిగిజి ఒడోదు నీరు రాసి అజి ఉపాన్ కిజి వరి పాపమ్కు ఒప్పకొడేజి డిసి సీజి మన్ను మారిని అయాలెకెండె మినికార్ ఇజి తోరోస్తార్ మరి.

22 అందెజి నాను నిజి వెప్పిన ఇనిక ఇహిజి తీర్పు తీరిస్సి రోజుదు తూరుని సీదోను పట్టుమ్దివరిజ్ మిస్తి సిక్కు మిజి వానాద్లె.

23 ఓ కపెర్నూహమా, “అగాసమ్దు మనికిదెరా, మీరు అగాసమ్దాక అందిజిని గొప్ప వారు ఇజి మీరు ఒడేబిజినిదెరా? గాని దేవుణు అయా లోకమ్దు విసీర్లె. మీ నడిమి కితి మహి బమ్మాతి పణిజ్ నాణు సాదోము పట్టుమ్దు కిని మంజినెక ఇహిజి అయ సాదోము పట్టుమ్దికార్ వరి అలవాటుజ్ డిసి సీజి అయ పట్టుమ్దిజ్ దేవుణు సిక్కు సివండ ఏలుదాక మహోద్ మరి.

24 అందెజి నాను నిజి వెప్పిన తీర్పు తీరిస్సి రోజుదు సాదోము పట్టుమ్దు మహివరిజ్ వాని దన్నిజ్ మిస్తి సిక్కు మీ లోకురి మున్ను వానాద్లె.”

వందితివరిజ్ కూక్కినిక.

* 11:10 11:10 మలా 3:1.

25 వెనుక యేసు ఈహు వెప్సాన్, “పరలోకామీదిగ్గరి బూమిదిగ్గరి ప్రబువాతి నా బుబ్బా, నాను నిజీ పొగడిజు. ఎందనిగ్గరి ఇహిజ గణం మన్ని వరిగ్గరి నదువు మన్ని వరిగ్గరి యా సజతిగ్గరి తెలియ కింది యా నదువు నిల్లి వరిగ్గరి తెలియ కిత్తి.

26 నిజమె బుబ్బ, ఈహు కినికాదె నిజీ ఇస్టం అతాద్.

27 బుబ్బ విజు సజతిగ్గరి నా కీదు బవజెప్త మనాన్. బుబ్బ అవిండ మరి ఎయెరబా మరిసిగ్గరి నెన్వర్. మరిసిని, మరిసి వన్నిగ్గరి తెలివి కిదెగ్గరి ఎర్రితికారె బుబ్బెగ్గరి నెస్సార్. మరి ఎయెరబా నెన్వర్.

28 కన్జబాడజు బరు పిండజు వందితి విజెదెరె, మీరు నా డర్గు రదు. నాను మిజీ రొబిన్సు.

29 నాను సార్రిదికాన్. నాను మెతని మన్ను మనికాన్. నా వెట కూడజు ఉండ్రె హూదు మీ మెడజు మున్ను పొకె అజి మాటు కూడజు పణికినాట్, మీరు నా అడ్రెగ్గరి లోజిజి నా బాణిగ్గరి నెస్సు. నస్సివలె మీ పాణిమకాగ్గరి నిమాలం కలగినాద్.

30 ఎందనిగ్గరి ఇహిజ నా కూడజు నా హూదు అడిగి పణి కిత్తిజు పణి నూలు మంజినాద్, బరుబా సుల్కానిక మంజినాద్.”

12

యేసు విస్త్రాంతిదినమదు ప్రబు.

1 అయావలె యూదురి విస్త్రాంతిదినమదు యేసు పంట గుడ్డదాన్ సొన్ని మహివలె, వన్ని సిసూరిగ్గరి బజు కట్టిగ్గరి, వారు నెరెకె తెప్పి నూల్లి తింజి మహార్.

2 అయాక పరినయరు నుడజెతారె, “ఇదిలో, మోసె సిత్తి రులువజి విస్త్రాంతిదినమదు కిదెగ్గరి అజి పణి, నీ సిసూరి కిజినార్”, ఇజి యేసుగ్గరి వెప్సార్.

3 వాండ్రు వరివెట ఈహు వెప్సాన్, “దావీదు రాజుని వన్నివెట మహివరిగ్గరి బజు కట్టిగ్గరి, వాండ్రు ఇనిక కిత్తాండ్రె ఇజి మీరు దేవుణు మాటదు ఎనెజ్బా నద్విజతిదెరా?”

4 వాండ్రు ఇనిక కిత్తాన్ ఇహిజ, గుడారమదు[†] సొన్ని, దేవుణు ముజాల ఇడ్డిమహి రొట్టెగ్గరి లాగితాన్. వాండ్రుని వన్నివెట మహికార్ విజెరె తిహార్. అయాక పుజెరిబునె తప్ప మరి ఎయెరబా తిండ్రెగ్గరి అవింద ఇజి మోసె సిత్తి రూలుదు వెప్సా మనాద్.

5 దేవుణు గుడిదు మన్ని పుజెరిబు విస్త్రాంతిదినమదు పణి కిజినార్ గాని అక తప్ప అవింద ఇజి దేవుణు మాటదు రాస్సి మన్నిక మీరు ఎనెజ్బా నద్విజతిదెరా?

6 దేవుణు గుడిదిగ్గరి ఇంక మిస్సికాన్ ఇబ్బె మనాన్ ఇజి నాను మిజి వెప్పిన.

7 “మీరు మహివరి మున్ను కనికారం తొరెన్జెగ్గరి ఇజి నాను కోరిజిన గాని కత్తి సిజిని పూజిజి నాను కోరివ^{*} ఇని మాటదిగ్గరి అర్దం మీరు నెసిమంజనిక ఇహిజ, ఇని తప్పబా కిజవరి మున్ను తప్పూ మాటిగ్గరి వెహావితార్ మరి.

8 ఎందానిగ్గరి నాను యాలెకెండ వెప్పినాగ్గరి ఇహిజ, లోకుమరిసి అతి నజి విజు దన్నిగ్గరి అతికారం మనాద్. విస్త్రాంతి దినమదు లోకుర్ ఇనిక కిదెగ్గరివలె ఇజి వెప్సాగ్గరి నజి మనాద్.

9 అబ్బెణిగ్గరి సొన్ని మహివలె, వాండ్రు యూదురు మీటిగ్గరి కిని ఉండ్రె ఇండ్రె సొహాన్.”

10 వప్సా అర్రి ఉండ్రె కియు మన్నికాన్ ఒరెన్ అబ్బె మహాన్. యేసు మున్ను తప్పూ మొప్పెగ్గరి ఇనికాదో ఉండ్రె సజతివందిగ్గరి నుడిజి వారు వన్నిగ్గరి ఈహు వెన్బాతారె, “విస్త్రాంతిదినమదు ఎయెరిజబా నెగెండ కినిక దేవుణు రూలుదిగ్గరి తగ్గాదా?”

11 యేసు వరిగ్గరి ఈహు వెప్సాన్, “మీ లోజి ఎయెరిజబా ఉండ్రె గొరె మహిజ, విస్త్రాంతిదినమదు అక్క ఉండ్రె గాందదు అర్రిజు, మీరు దనిగ్గరివెల్లి లాగిదెరా?”

12 మెండగొరెదిగ్గరి మున్ను లోకు ఎస్సాన్ విలువ మన్నికాన్. అందెజి విస్త్రాంతిదినమదు మేలు కినిక దేవుణు మోసెగ్గరి సిత్తి రూలుదిగ్గరి తగ్గాద్.”

13 అయావలె వాండ్రు వప్సా కియు అర్రి వన్నిగ్గరి “నీ కియు నవఅ”, ఇజి వెప్సాన్. వాండ్రు కియు సొహాన్. అయావలె అక నెగెండ మన్ని మరి ఉండ్రె కియు లెకెండ అతాద్.

14 గాని పరినయరు వెల్లి సొహారె యేసుగ్గరి ఎలాగ నప్పెగ్గరి ఇజి వన్నిగ్గరి పడిఎండ ఆలోసనం కిత్తార్.

దేవుణు వర్పాటు కితికాన్

15 యేసు అయా సజతి నెస్తాండ్రె అబెణిగ్గరి సొహాన్. నండెండార్ వన్ని వెనుక సొహార్. వాండ్రు వరి జబ్బుది వరిగ్గరి విజెరిగ్గరి నెగెండ కిత్తాన్.

16 నా వందిగ్గరి ఎయెరిజబా వెహాట్ ఇజి వరిగ్గరి వెప్సాన్.

17 యెనయ ప్రవక్త వెట దేవుణు ముజాల వర్రితి యా మాటెగ్గరి పూర్రి ఆదెగ్గరి ఇజి యా లెకెండ జర్రితాద్.

18 “ఇదిలో, నాను వర్పాటు కితి నా పణి మన్ని వీండ్రె, నాను వన్నిగ్గరి ప్రేమిసిని, వన్ని మున్ను నర్జి అజిన. నాను వన్ని మున్ను నా అత్తుదిగ్గరి పొక్కు. వీండ్రు విజు జాతిది వరిగ్గరి నాయం తీరిస్సానెలె.

19 వీండ్రు జటిగ్గరి అవిన్, డేల్సెన్వెన్, వన్ని కంటం వీదిజు ఎయెరిజి వినెన్వెన్.

20 నలిగితి గడిదిగ్గరి వాండ్రు తెప్పి వినెన్వెన్, నమని దీవదిగ్గరి వాండ్రు నవవెన్[‡]. వాండ్రు నాయమదిగ్గరి గెల్లిసినాన్.

21 లోకుర్ విజెరె వన్నిజి అనదాన్ ఎర్దు నుడిజి మంజినార్. వాండ్రు విజు జాతిజు వరిగ్గరి నాయం తీరిస్సాన్.”^{*}

* 12:3 12:3 దావీదు రాజు కిత్తిక నమయేలు ప్రవక్త పున్జకమదు రాస్సి మనాద్. 21:1-6. † 12:4 12:4 గుడారమదు విజు విస్త్రాంతి దినమదు దేవుణుదిగ్గరి పూజి సిత్తికెండ 12 కొత్త రొట్టెగ్గరి, సమాజ గుడారమదు మన్ని బల్లాదు ఇడ్డి మంజని కొత్త రొట్టెగ్గరి ఇడ్డి బాణిగ్గరి లాగితి పదూ రొట్టెగ్గరి పుజెరిబు తినార్. లేవి 24:5-9 అయాకాలమదు యెరెనల్లెమదు మన్ని దేవుణు గుడి సెల్లితాద్. దావీదు రాజు మరియాతి సొలోమోసు కాలమదునె యెరెనల్లెమదు మన్ని దేవుణు గుడి వాండ్రు తొహిస్సాన్. ‡ 12:7 12:7 హోసెయ 6:6. † 12:20 12:20 అయ మాటదిగ్గరి అర్దం ఇనిక ఇహిజ, లోకుర్ దేవుణు మున్ను మన్ని నమకమదిగ్గరి కండెక వెనుక అతిజెన్ దయెరె సిల్లెండ అతిజెన్ యేసు వన్నిగ్గరి డిసి సివెన్ మొకెని మహావెన్. † 12:21 12:21 యెనయ 42:1-4.

యేసుని బయిల్జెబ్బులు

22 అయావలె సెగొండార్, దెయం అస్తిమహిజ్ వర్గిదెజ్ అబ్బె గుల్ల అతి ఒరెన్ వన్నిజ్ యేసు డగ్గు తతార్. యేసు వన్నిజ్ నెగెండె కితాన్. వాండ్రు సుడోదెజ్, వర్గిదెజ్ అట్టాన్.

23 లోకుర్ విజెరె బమ్మ అజి, “మా ఏద్దుసుడోజి కావ్ కిజి మంజిని దావీదు రాజు తెగ్గదికాన్ పిండ్రు అవెండ్రా?”, ఇజి వర్గిజి మహార్.

24 పరిసయేరు అయ మాట విహారె, “విజి దెయమ్కాజ్ నెయ్యి అతి బయిల్జెబ్బులు సాయమ్దాన్ పిండ్రు దెయమ్కాజ్ పెర్జినాన్”, ఇజి వెహ్తార్.

25 యేసు వరి అలోసనమ్కు నెసి వరిజ్ ఈహు వెహ్తాన్. “ఎమేణి దేనమ్దికారబ వ రిజ్ వారె పగ అజి ఎర్లిజి మహిజి అయ దేసెం పాడాఃనాద్. అయాలెకెండె ఎమేణి పట్టుమ్దికారె గాని ఇండ్రోణికారె గాని, వరిజ్ వారె, పగ అజి ఎర్లిజి మహిజి నీ ఎమేణి పట్టుం గాని ఇల్లు గాని ఏలుబా లావ్ రొస్సు, నిల్చి మన్విద్.

26 సయ్యూసు అడిగె మన్నికారె ఉండ్రె జబుదికారె, మరి ఉండ్రె జబుదివరివెలు పగ అజి ఎర్లె అజి విదెం కిజి మహిజి, వన్ని ఏలుబడిః ఎలాగ లావ్ రొస్సు, నిల్చి మంజినాద్.”

27 బయిల్జెబ్బులు సాయమ్దాన్ నాసు దెయమ్కాజ్ పేర్గిజి, మీ లోకుర్ ఎలాగ దెయమ్కాజ్ పేర్గినారె? అందెజె నా వందిజ్ మీరు వెహ్తాజె తప్ప ఇజి వారె రుజువ్ కిజినారె.

28 గాని దేవుణు అత్త మత్తుదాన్ నాసు దెయమ్కాజ్ పేర్గిన ఇహిజి, నిజమె దేవుణు ఏలుబడిః కినిక మీ నడిఃమి వాత మనాద్.

29 సుడోదు, ఒరెన్ నత్తుమని వన్నిజ్ ముజాల తోహ్విండె, వన్ని ఇండ్రె డుఃగేజి ఇండ్రోణి సాయమ్కు ఎయెరిజ్బా ఒతెజ్ అట్టారె? ముజాల వన్నిజ్ అసి తోహ్విజెనె డోజి కిదెజ్ అట్టారె.

30 నా వెలు కూడ్డి మన్ఱకాన్ ఎయెనబా నజి పగాతికాన్ అనాన్. లోకురిజ్ దేవుణు డగ్గు తత్తెజి నా వెలు కూడ్డిః మన్ఱకాన్ లోకాజ్ సెద్రిస్సికాన్ అజినాన్.

31 మరి నాసు మిజి వెహ్తానిక ఇనిక ఇహిజి, లోకుర్ కిని విజి పావమ్కాజ్, దూసణదిజ్ దేవుణు సెమిస్సాన్, గాని దేవుణు అత్తదిజ్ దూసిని వెహ్తాజి అకెజ్ ఎనెజ్బా సెమిన్విన్.

32 లోకు మరిసి అతి నజి వడిఃవిండె ఇనికబా వర్గితిజి దేవుణు వన్నిజ్ సెమిస్సాన్. గాని దేవుణు అత్తదిజ్ వడిఃవిండె వర్గిని వన్నిజ్ యా లోకమ్దుబా, వాని లోకమ్దుబా దేవుణు సెమిన్విన్.

33 మరాన్ నెగ్గక ఇహిజి దని పండుబా నెగ్గకదె. సిలిజి, మరాన్ నెగ్గక అవెండె మహిజి దని పండుబా నెగ్గక అవెద్. మరాతి పండుదాన్ మరాన్ ఎలాగ మర్గిదాో ఇజి నెస్తిజ్ అనాద్.

34 విను మన్నిసరాన్ నస్తికిదెరా, సెఇకిదెరాతి మీరు నెగ్గి మాటెజ్ ఎలాగ వర్గిదెజ్ అట్టిదెర్? మీ మన్నుదు మీరు ఒడిఃబిని దన్నిజ్ తగితి లెకెండెనె మీ వెయు వర్గిజినాద్.

35 నెగ్గి మన్ను మన్ని వన్నిజ్ కూలిజ్ కొట్టుకెత్తి మన్నిలెకెండె, వని మన్నుదు నెగ్గికిజె మంజినె. అందెజె వన్ని వెయుదాన్ నెగ్గి మాటెజె వానె సెఇ మన్ను మనివన్నిజ్ సెఇకిజె మంజినె. అందెజె వన్ని వెయుదాన్ సెఇ మాటెజె వానె.

36 గాని నాసు మిజి వెహ్తానిక ఇనిక ఇహిజి, దేవుణు తీర్పు తీరిస్సి రొజుదు, లోకుర్ వర్గితి మహి విజి మాటెజి వందిజ్ లెక్క సేదెజ్ వలె.

37 అహిజి మీ మాటెజాణిజె మీరు సిక్కుదాన్ తప్పె అనిదెర్, సిల్లిజి మీ మాటెజాణిజె మీరు మీ ముస్సు సిక్కు తప్పె అనిదెర్.

ఓన ఉండ్రె గుర్తు

38 నస్తివలె సెగొండార్ పరిసయేరుని యూదురి రూలుజ్ నెస్సికారె యేసు డగ్గు వాజి వన్నిజ్, “బోదకిసికి, నీసు దెవుణుబాణిజ్ వాతికాన్ ఇనిదన్నిజ్ గుర్తు లెకెండె నీసు తోరిసిని ఉండ్రె బమ్మాతి పణి సుడుఃదెజ్ ఇజి కోరిజినామ్”, ఇజి వెహ్తార్.

39 వాండ్రు వరిజ్ “యా తరమ్దికిదెర్ అతి మీరు సెఇకిదెర్. దేవుణుదిజ్ నెన్ఱకిదెర్నె, గుర్తు లెకెండె ఉండ్రె బమ్మాతి పణి కిజి తోరిన్ అ ఇజి వెహ్తాదెర్. గాని దేవుణు ప్రవక్త అతి ఓనెజ్⁵ జర్గితిక తప్ప మరి ఇని గుర్తుబా ఎయెరిజ్బా తోర్వెద్.

40 ఓన మూండ్రె రొస్సు పెరి మెయ పొటాదు ఎలాగ మహండ్రె, అయలెకెండె, లోకుమరిసి అతి నాసుబా మూండ్రె రొస్సు బూమి లోఱ మంజినలె.

41 ఓన వెహ్తా మాటెజ్ విహారె నినివెదికారె వరి పావమ్కు బమ్మ కొడిజి డిజెస్ సితార్. అందెజె తీర్పు తీరిసిని దినమ్దు వారు యా తరమ్ది వరి వెలు నిల్చి విరిముస్సు తీర్పు తీరిస్సారె. ఇదిలో, ఓనెజ్ మిస్సికాన్ ఒరెన్ ఇబ్బె మనాన్ ఇజి నాసు వెహ్తాన్.

42 అక్కరి దినమ్కాజ్ తీర్పు తీరిసిన్వలె, దసెణ దేసెమ్ది రాణి ఉండ్రె సాసలెకెండె బాన్ మంజినాద్లె. ఎందనిజ్ ఇహిజి సాలోమోసు వర్గిని గెణంమన్ని మాటెజ్ వెండ్రెజ్ నండో దూరం మన్ని దన్ని దేసెమ్దాన్ వాతాద్. ఇదిలో, సాలోమోసుజ్ మిస్సికాన్ ఒరెన్ ఇబ్బె మనాన్. గాని యా తరమ్దికారె వన్ని మాటెజ్ గిబ్బెజ్ ఒడిఃజి వెన్విర్, అందెజె యా తరమ్ది వరిజ్ తీర్పు మంజినాద్లె.

43 ఉండ్రె దెయం ఒరెన్ వన్నిజ్ డిఃని వెల్లె వాతి వెనుక, మండ్రెజ్బాడ్డి వందిజ్ రెబాజి బిడిఃమబూమిదు బూలాజినాద్. గాని ఎంటెబా దనిజ్బాడ్డి దొహ్కావ్తాద్.

44 నస్తివలె ‘నాసు డిఃని వాతి నా ఇండ్రె మర్జి సానాలె’, ఇజి దనిజ్ అదిని వెహ్తాద్. మర్జి వాతిజ్ అది డిఃస్సి సెత్తికాన్, నెగెండె సిపాజి సుబరం కిజి ఎయెరిబా మన్ఱ ఇల్లు లెకెండె మన్నక నూణాద్.

§ 12:39 12:39 పదాంబు బమ్మహనమ్దు ఓన వందిజ్ రాప్త మనార్ వాండ్రు వయనం కిజి మహి ఒడదాన్ నమ్దరమ్దు విసిరి అతిజ్ ఉండ్రె పెరి మెయ, దేవుణు వెహ్తా వజి వన్నిజ్ డిఃజెతాద్ మూండ్రె రొస్సు వెనక వన్నిజ్ నమ్దరం ఒడ్డుదు పాణమదాన్ కక్తాద్ ఓన గుర్తు వందిజ్ మూసె అని వందిజ్ మరి మూండ్రె వాండ్రు సాతి వరి బాణిజ్ మరి మర్జి నిజిజి వెహ్తాన్.

45 నన్నవలె అది మరణి సొన్ని, దన్నిజ్ ఇంక నెకెజె అతి మరి ఏడు దెయమ్కాజ్ దన్నివెట కూక్త నాద్. అవిక్ వని లోజి సొన్ని అదెనె బన కిసె. అయావలె వన్ని గతి ముందాహి దనిజ్ ముస్సు కన్సం ఆనాద్. అయలెకెండెనె యా తరమ్మది వరిజ్ గతిబా మంజినాద్."

యేసు అయసినె తంబెరిబు

- 46 యేసు ముంద లోకుర వెట వర్ణిజ మహివలె, వన్ని అయసినె తంబెరిబు వన్నివెట వర్ణిదెజ్ ఇజ వెల్లి నిహ మహార్.
- 47 అయావలె ఒరెన్, "ఇదిలో ని యాయని నీ తంబెరిబు నీ వెట వర్ణిదెజ్ ఇజ వెల్లి నిహ మహార్", ఇజ వన్నిజ్ వెప్తాన్.
- 48 అందెజె వెప్తావన్నిజ్ సుడఃజి, "ఎయెద్ నా యాయ? ఎయెరు నా తంబెరిబు?", ఇజ వెన్బాతాన్.
- 49 వన్ని సిసూరజి కియు తోరిసి, "ఇదిలో నా యాయని నా తంబెరిబు.
- 50 పరలోకామదు మన్ని నా బుట్టెజ్ ఇన్సం ఆతివజ కినికాండ్రె నా తంబెరి, నా తజ్జి, నా యాయ", ఇజ వెప్తాన్.

13

విత్తు విత్తివన్ని కత.

- 1 అయ దినమదునె, యేసు ఇండ్రోణిజ్ వెల్లి సొన్ని సమ్దరం పడఃకాదు బస్తాన్.
- 2 ముంద లోకుర వన్ని డగ్రు వాతిజ్ వాండ్రు ఉండ్రె డోణిదు ఎక్త బస్తాన్. లోకుర విజెర సమ్దరం పడఃకాదు నిహార్.
- 3 అయావలె వాండ్రు వరిజ్ సుడఃజి నండ్రె సజతిజ్ కత వజ వరిజ్ వెప్తాన్ "ఒరెన్ రయ్య వాండ్రు విత్తు విత్తిజ్ సొహాన్.
- 4 వాండ్రు విత్తి మహిజ్ నెగం విత్తు సరి పడఃకాదు అర్తె. పొటిజ్ వాజి వన్యాజ్ తిహా.
- 5 నెగం విత్తు సటు ముస్సు మని లావలోతు సెలి డుల్లిదు అర్తె. డుల్లి లోతు లావ సిల్లితిజ్ అవి వెటనె నేర్తె.
- 6 గాని డుల్లి తకు మహిజ్ వెలెజ్ లోజి సానెజతిజ్, పాదు సోసి ఎండ్ర తాక్తిజ్ అవి సాతె.
- 7 నెగం విత్తు సొప్పుతువెజ అర్తె. సొప్పు తప్పజ్ వెరిసి వన్యాజ్ అణసు తిగితె.
- 8 మరి నెగం విత్తు నెగ్గి బూమిదు అర్తె. అప్పె విత్తి విత్తుదిజ్ వంద వంతుజ్, అరువయవంతుజ్, ముపయవంతుజ్ లెక్క వండితె.

9 గిల్లిజ్ బడఃజె వెంజి అయాలెకెండె నడిఃజి మండ్రు.

- 10 వన్ని సిసూర వాతార, "ఎందనిజ్ నీసు కత వజ వరిజ్ వెప్తాన్", ఇజ వన్నిజ్ వెన్బాతాన్.
- 11 వాండ్రు వరిజ్ ఈహు వెప్తాన్. "దేవుణు ఏలుబడిః కిని వందిజ్ డాఃజితి మని సజతిజ్ దేవుణు మిజి తెలివి కిత మనాన్, గాని విరిజ్ తెలివి కిమిన్.
- 12 దేవుణు ఏలుబడి కిని వందిజ్ నెస్సి మని వన్నిజె మరి తెలివి కినాన్. వన్నిజ్ మరి నండ్రె నెస్సిస్తాన్. ఇనికబా అర్లం ఆజి వన్నిబాణిజ్ వాండ్రు నెస్సిమనికబా లాగి ఆనాద్.

13 ఎందనిజ్ నాసు కత వజ వరిజ్ వెప్తాన్ ఇహిజ, వారు సుడఃజినార్ గాని సుడఃతిక వరిజ్ తోరివద్. వెంజినార్ గాని నెగెండె విసివర్, అర్లంబా కివర్.

14-15 మీరు ఎన్నివలెబా వెంజినదెర్ గాని అర్లం కిదెజ్ అట్ఇదెర్. ఎన్నివలెబా సుడఃజనిదెర్ గాని ఇనిక ఇజ నెన్ఇదెర్. వారు వరి కణకాణిజ్ సుడఃజి, గిబిజాణిజ్ వెంజి ముస్సుదాన్ అర్లం కిజి నా దరోట్ మహిజ, నాసు వరిజ్ నెగెణ్ కిత మరి. గాని అయ లెకెండె జిగిమిండ వరి ముస్సు కొడఃపుదాన్ నిండ్రిత మనాద్. వరి గిబిజిజ్ మందజ్ ఆతె. వారు వరి కణ్ణు మూక్త మనార్.* యా లెకెండె వనియ ప్రవక్తవెట దేవుణు ముజాల వర్ణితి మాట వరి ముస్సు పూర్తి ఆతె.

16 మీ సుడఃజనికెజ్, వెంజనికెజ్, మీరు అర్లం కిజనిదెర్. అందెజె మీరు దేవుణు సీజని దీపనమకు మన్నికిదెర్.

17 నండ్రెండ్రె ప్రవక్తరుని నీతి నిజాయి మన్నికార్ మీరు సుడఃజని వన్యాజ్ సుడఃదెజ్ ఆస ఆతార, గాని సుడఃదెజ్ అట్వెతార. మీరు వెంజని వన్యాజ్ విండ్రెజ్ ఆస ఆతార గాని విండ్రెజ్ అట్వెతార.

18 విత్తు విత్తివన్ని కతదిజ్ అర్లం మీరు జాగర్త వెండ్రు.

19 ఎయెన్బా దేవుణు ఏలుబడిః కిని వందిజ్ వెప్తా మహిజ్ వెంజి దనిజ్ అర్లం అట్మిండ మహిజ, నయ్యాన్ వాజి వన్ని ముస్సుదు వితి దనిజ్ వెర్తె ఒనాన్. యాకాద్ మడిజి సడిఃమిహాన్ సొని సర్దు అర్తి మన్నివిత్తు.

20 నెగెండ్రె సట్టు ముస్సు మని లోతు సిల్లి డుల్లి నన్నికార్. నెగం విత్తు అయా డుల్లిదు అర్తె, గాని వారు దేవుణు మాట వెంజి నరదదాన్ దనిజ్ వెటనె ముస్సుదు ఇడ్వార్.

21 వారు కండెక్ కాలం దేవుణుముస్సు సమకమదాన్ నిల్వార్. గాని కన్సమకు, స్రమెజ్ వానివలె వెటనె దేవుణు ముస్సు మన్ని సమకు వారు డిసి సీజినార్.

22 మరి ఒరెన్ విత్తు అర్తి మన్ని సొప్పుతువెజ్ నేర్తి బూమి నన్నికాన్. వాండ్రు దేవుణు మాట వెంజినాన్ గాని యా లోకమిది బత్తు వందిజ్ వినారం ఆజి మరి డబ్బు వందిజ్ సెజ ఆస ఆజి, వనిజ్ అణసు తిగిజి మంజినె. వన్ని బత్తుదు వలం సెలి నన్నికాన్ ఆనాన్.

23 మరి ఒరెన్ విత్తు అర్తి మన్ని నెగ్గి బూమిలెకెండె మనాన్. వాండ్రు దేవుణు మాట వెంజి దనిజ్ అర్దం కిజినాన్. వాండ్రు, విత్తి విత్తుదిజ్ వంద వంతుజ్, అరువయ వంతుజ్, ముపయ వంతుజ్ పలం సీనాన్.

కారు మొక్కెజ్

24 యేసు మరి ఉండ్రె సజతి కత వరిజ్ వెప్తాన్. "దేవుణు ఏలుబడిః ఇహిజ, వన్ని మడిజి నెగ్గి విత్తు విత్తి వన్నిజ్ పొలిత మనాద్.

25 గాని విజెర నిద్ర కిజి మహివలె, వన్ని వగాతికాన్ వాతాండ్రె, కూలిజి సడిఃమి కారు విత్తు వితాండ్రె సొహాన్.

* 13:14-15 13:14-15 మెసయ 6:9,10.

26 కూలిజ్ నేరజ పిరితెనె, సెరెక్ పోక్రివలె, నెగ్గి కూలిజ్ లెకెండ్ మన్ని కారుబా తోరితాద్.

27 వన్ని పణి మసీర్ మడిజు యాజుమాని డగ్రు వాతార, “ఓ బాబు, నీను నీ మడిజు నెగ్గి విత్కునె వితిగదె? మరి ఎమేణి యా కారు మొక్కెజ్ వాతె?” ఇజి వెనబాతార.

28 “ఓరెన్ పగాతికాన్ యాక కితాన్”, ఇజి వాండ్రు వెప్తాన్. అయ పణి మసీర్ మాపు సొన్ని వనకాజ్ లాగిజి కొటు కిడెజ్ నిజి ఇన్టమనా? ఇజి వెనబాతార.

29 అయావలె వాండ్రు, “ఏలు పోని, నెగ్గి కూలిజ్ లెకెండ్ మన్ని కారు మొక్కెజ్ మీరు లాగ్గివలె వనకవెటె ఒకవేల కూలిజ్ బా తెప్పిదెర్ను.

30 కొయ్ని కాలం వానిదాక రుండిబా కూడజి పిరిపీద్. కొయ్ని కాలమ్దు, నెగ్గి కూలిజ్ లెకెండ్ మన్నికారు మొక్కెజు ముజాల కొయ్జు కటెజ్ తోప్పా సురదు, వెసుక కూలిజ్ కొయ్జు తసి నా కొటుదు వాక్కు”, ఇజి కొయ్ని వరిజ్ వెవ్నా”, ఇజి వెప్తాన్.

సర్కుగడ కత

31 యేసు మరి ఉండ్రి నజతి కత వజి వరిజ్ వెప్తాన్. “దేవుణు ఏలుబడిజి ఇహిజు, సర్కు మొక్కెజ్ విత్కుదిజ్ పోలిత మనాద్. ఒరెన్, అక్క వన్ని మడిజు విత్తాన్.

32 అయాక విజు విత్కు లోఇ ఇజిరికాదె, గాని పిరితిజు కున మొక్కెజు విజు వనకాజ్ లోఇ వెరిక ఆజి మరాన్ లెకెండ్ ఆనాద్. అగనమ్దు మెగ్రిజిని పోటిజ్ వాజి దన్ని కొమెజు గూడు తోప్పా బస్సు.

33 యేసు మరి ఉండ్రి నజతి కత వజి వరిజ్ వెప్తాన్. “దేవుణు ఏలుబడిజి ఉండ్రి బోదెలి నండ్ నెగ్గి దూరుదు కలెప్తిమన్ని పులాజ్ మన్ని కండెక్ దూరుదిజ్ పోలిత మనాద్. అయాక కలెప్తి మన్ని దూరుదిజ్ విజు పులాజ్ కినిదాక పణి కినాద్.”

34 యేసు కత వజి నె విజు మాటెజ్ లోకురిజ్ వెప్తాన్. కత వజి ఆవంద ఇనికబా వరిజ్ వెహావితాన్.

35 “నాను కత వజి నె వెయ్దాన్ వెవ్నా. లోకుం పుట్టి బాణిజ్ అసి డాజెటిమన్ని నజతిజ్ నాను తెలివి కిన్”*, ఇజి ప్రవక్త వెటె దేవుణు ముజాల వగ్గెతి మాటెజ్ పూర్తి ఆతాద్.

36 నస్సివలె వాండ్రు లోకురిజ్ డిసి ఇండ్రి సోహాన్. వన్ని సినూర్ వన్ని డగ్రు వాజి, “మడిజు మన్నినెగ్గి కూలిజ్ లెకెండ్ మన్ని కారు మొక్కెజు వందిజ్ వెప్తి కతదిజ్ అర్థం మజి వెహాఅ”, ఇజి వెప్తాన్.

37 అందెజి వాండ్రు ఈహు వెప్తాన్. “నెగ్గి విత్కు విత్తికాన్ లోకు మరిసి ఆతి నాను.

38 మడిజు యా లోకుం. నెగ్గి విత్కు దేవుణు ముస్సు, నమకం ఇడ్తి మన్ని దేవుణు కొడెండ్ నెగ్గి కూలిజ్ లెకెండ్ మన్ని కారు మొక్కెజ్, నయ్నాను కొడెండ్.

39 వనకాజ్ విత్తికాన్ పగాతికాన్ అతి నయ్నాను. కోత్త కొయ్నిక యా లోకమ్దిజ్ ఆక్కరదిను. కొయ్నికార్ దేవుణు దూతార.

40 నెగ్గి కూలిజ్ లెకెండ్ మన్ని కారుదిజ్ లాగ్గి కొట్టుకిజి సుర్ని లెకెండ్ నె యా లోకమ్ది ఆక్కరదినుమా వానాద్.

41-42 నెగ్గి కూలిజ్ లెకెండ్ మన్ని కారుదిజ్ లాగ్గి కొట్టు కిజి ససుద్ సుర్ని లెకెండ్, పాపం కిజిని వరిజ్, మరి పాపం కిదిస్సి విజు దన్నిజ్ నా ఏలుబడిదాన్ వెల్లి పోక్రెజ్ ఇజి, లోకుమరిసి ఆతి నాను నా దూతారిజ్ పోక్కాలె. వారు వరిజ్ ససుద్ విసీర్నాలె. అబ్బె వారు అడజిబాజి, పల్కు కొప్పా ముజినార్.

43 నీతి నిజాయి మనికార్ వరి బుబ్బాతి దేవుణు కిని ఏలుబడిజు పొద్దు లెకెండ్ జాయ్ సీజి ముజినార్. మీరు గిబ్బిజ్ బడిజి వెంజి అయాపజి నడిజి ముండ్రు.

దేవుణు ఏలుబడి:

44 “దేవుణు ఏలుబడిజి కినిక, మడిజుదు డాప్తిమన్ని ఏలువాతి ఆస్సిదిజ్ పోలిత మనాద్. ఒరెన్ ఆ ఏలువాతి ఆస్సిదిజ్ సుడెతిజ్, ఎయెర్ బా నెన్విండ మరి డాప్తి, గొప్ప సరదదాన్ సొన్ని వన్నిజ్ మనికెజ్ విజు పొర్ని అయ మడిజు కొహాన్.

45 మరి నాను మిజి వెప్పిన, దేవుణు ఏలుబడిజి కినిక ఇహిజు, ఒరెన్ ముజెలు నప్పకార రెబాజిని గొప్ప ఏలువ మన్ని ముజెలు లెకెండ్ నె.

46 వాండ్రు రెబాజినిలెకెండ్ మన్ని, ఉండ్రి ఏలువాతి ముజెలుదిజ్ సుడెతాండ్రె, సొన్ని వన్నిజ్ కల్లితి మనికెజ్ విజు పొర్ని అయ ముజెలు కొహాన్.

47 మరి నాణు మిజి వెప్పిన, దేవుణు ఏలుబడిజి కినిక ఇహిజు, సమ్దరమ్దు పొక్కిని రకరకమ్ది మొయెజ్ అస్సి వలాదిజ్ పోలిత మనాద్.

48 అయ వల నిండ్రితిజ్ మొయెజ్ అస్సికార్, వల వడకాదు లాగ్గి బసి, నెగ్గి మొయెజు గంపాదు ఇడ్నార్. సెఇ మొయెజు విసీర్నార్.

49 యా లెకెండ్ నె యా తరమ్ది ఆక్కర దినబా వానాద్. దేవుణు దూతార వాజి నీతి నిజాయి మన్ని వరిబాణిజ్, సెఇవరిజ్ ఎరలిస్నార్.

50 వారు వరిజ్ గొప్ప పెరి సిను బాడ్డిదు అర్పార్. అబె అడజిబాజి, పల్కు కొహాక్కి ముజినార్.”

51 “యా విజు నజతిజు వందిజ్ మిజి అర్థం ఆతాదా?”, ఇజి యేసు వరిజ్ వెనబాతాన్. “ఓఓ”, ఇజి వారు మరెజి వెప్తాన్.

52 “దేవుణు ఏలుబడిజి కిని వందిజ్ నెస్తి మన్ని యూదురి రూలుజ్ నెస్సిస్సికార్ విజెరె, వన్ని ఆస్సి ఇడ్తి మన్ని గదిదాన్ పడాయికెజ్, కొత్తెకెజ్ ఉండ్రి లెకెండ్ వెల్లి తసి ఇండ్రిణి విజుమానిజ్ లెకెండ్ మనాన్”, ఇజి వాండ్రు వరిజ్ వెప్తాన్.

53 యేసు యా కతెజ్ వెప్తి విజిజె వెనుక, అబెణిజ్ సోహాన్.

54 వన్ని సొంత పట్టుమ్దు వాతాండ్రె, వాండ్రు యూదురు మీటిజ్ కిని ఇల్కాజ్ లోకురిజ్ నెస్సిని మహాన్. “వన్నిజ్ యా గెణం, యా బమ్మాతి వణిజ్ కిని సత్తు ఎంబెణిజ్ వాతాద్”, ఇజి వారు బమ్మ ఆజి వగ్గెతార.

55 “పిండ్లు కంనెల్ వాండ్లు మరిసి ఆఎండ్రా? విన్ని అయేసి పేరు మరియ గదె? యాకోబు, యోసేపు, సీమోను, యూద ఇనికార్ విన్ని తంబెరిసిర్ గదె?

56 విన్ని తజీసిక్ మా వెట మనెగదె? యాకెజ్ విజు వినిజ్ ఎంబెణిజ్ వాతె?

57 వారు వన్ని మున్సు. కోపం ఆజు మహార్. గాని యేసు వరిజ్ “ఒరెన్ ప్రవక్త, వన్ని సొంత ఇండ్రెనె గవరపం సిల్లికాన్ ఆజునాన్”, ఇజ వెహ్సాన్.

58 వన్ని మున్సు. వరిజ్ నమకం సిల్లితిజ్ వాండ్లు అబ్బె లావబమ్మాతి వణిజ్ కిమిత్తాన్.

14

యోహాను బుర కత్తివార

1-2 నన్నివలె హేరోదురాజు యేసు వందిజ్ మాటెజ్ విహండ్రె, “పిండ్లు సొతి వరిబాణిజ్ మరెజు నిజితి బాప్తీసం సీని యోహాను. అందెజు యా బమ్మాతి వణికిని సత్తు వన్ని లొఇ మనాద్”, ఇజ వన్ని వణి మున్సిరెజ్ వెహ్సాన్.

3 వన్ని తంబెరిసి ఆతి పిలిపు అల్లి హేరోదియ వందిజ్ హేరోదురాజు ఆడ్ర సిత్తిలెకెండె యోహానుజ్ అసి గొలుసుదాన్ తొప్పి జెలిదు ఇడ్డ మహార్.

4 ఎందనిజ్ ఇహొజు, “దనిజ్ నీ వందిజ్ అల్లి లెకెండె ఇడె ఆతిక దేవుణు మోసెజ్ సిత్తి రూలుదిజ్ పడివద్”, ఇజ యోహాను వన్నిజ్ వెహ్సా మహార్.

5 యోహానుజ్ సప్తెజు ఇజ హేరోదు రాజు ఒడిబెత్తాన్, గాని లోకుర్ విజెర వీండ్లు ఒరెన్ దేవుణు ప్రవక్త ఇజ వెప్పి మహిజ్ విన్నిజ్ సప్తెజు తియెలాత మహార్.

6 హేరోదు రాజు పుట్టి రోజు వాతిజ్, హేరోదియ గాల్పి వాజు వరి వందిజ్ డాట్టి కరెజతాద్. హేరోదు రాజుజ్ గొప్ప సర్ద ఆతాన్.

7 అందెజు అది ఇనిక లొన్సిజ్ బా సీన ఇజ వాండ్లు దనివెట ఉండ్రె ఒట్టు పొక్కి దన్నిజ్ ఉండ్రె మాట సిత్తాన్.

8 అయేసి దనిజ్ సుత్తిన్సి లెకెండె అది సొహదె, “వాప్తీసం సీని యోహాను బుర కత్తి ఉండ్రె పలెయదు సీద్”, ఇజ లొస్తాద్.

9 రాజు గొప్ప బాద ఆతాన్. గాని వాండ్లు కిత్తి ప్రమాణం వందిజ్, వన్ని వెట విందుదిజ్ బస్తిమిహి కూలెజ్ వందిజ్ అది లొన్సిక సీదెజు ఇజ ఆడ్ర సిత్తాన్.

10 జెలిదు మహి యోహాను బుర కత్తిపిన్సన్.

11 వన్ని బుర ఉండ్రె పలెమదు ఇడ్డి తపెసి దనిజ్ సిబిస్తాన్. అది అయాక దని అయేసి డగ్రు ఒత సితాద్.

12 యోహాను సిసూర్ వాజు వన్ని పినుగు వెల్లి ఒసి నమూది కితార్. నన్నివలె వారు యేసు డగ్రు వాతార వెహ్సార్.

అయదు వేలుజ్ లోకాజ్ బోజనం సీనిక

13 జుగ్గితి నజతిజ్ విజు విహండ్రె యేసు ఉండ్రె డోణి ఎక్కి ఎయెర్బా మనెఇ ఉండ్రె బాడ్డిదు ఒరెండ్రె సొహాన్. వాండ్లు సొహి నజతి వెంజు అయ పట్టుమేదికార్ సంఠెండ్రె నడిసి వన్ని వెనుక సొహార్.

14 వాండ్లు అతాహ పడక జోర అందితిజ్, డోణిదాన్ డిగితాన్ అయా మంద లోకురిజ్ నుడెతాండ్రె వరి మున్సు. కనికారం ఆతాన్. వరి జబ్బుదివరిజ్ నెగెండ్రె కితాన్.

15 పొద్దు అతివెలె వన్ని సిసూర్ వన్ని డగ్రు వాజు, “అక్క ఎయెర్ మనెఇ బాడ్డి, ఏలునె పొద్దు అతాద్. యా లోకుర్ నాహ్కాజ్ సొస్సి వార వరిజ్ బోజనమకు కొండెజ్ వరిజ్ పోక్అ”, ఇజ వెహ్సార్.

16 “వారు సొండ్రెజ్ అక్కర్ సిల్లెద్. మీర వరిజ్ తిండ్రెజ్ ఇనికబా సీదు”, ఇజ యేసు వరిజ్ వెహ్సాన్.

17 “ఇదిలో, మా వెట అయదు రొటెజ్ ని రుండి మొయెజ్ నె మనె”, ఇజ వారు వెహ్సార్.

18 “అయకెజ్ నా డగ్రు తగాట్”, ఇజ యేసు వెహ్సాన్.

19 వెనుక లోకాజ్ పసి గడ్డి మున్సు. బస్సు ఇజ వెహ్సాండ్రె అయదు రొటెజ్ ని రుండి మొయెజ్ కీదు అస్తాండ్రె ఆగాసం దరిజ్ నుడెజు దేవుణుదిజ్ వందనమకు వెప్పి రొటెజ్ రుక్కి సిసూరిజ్ సిత్తాన్. సిసూర్ అక లోకాజ్ నీబాత సిత్తార్.

20 వారు విజెరె పొట వంజు తిహార్. వెనుక మిగిలిత్తి ముక్కెజ్ పన్నెండు గంపెజ్ సిసూర్ వెహ్సార్.

21 బోదెకని కొడోర అవిండ్రె తిహికార్ అయదువేలు మన్ని మొగకొడోర మహార్.

యేసు ఏరు మున్సు. నడిసిసాన్.

22 లోకురిజ్ పొక్కి వెటన యేసు వన్ని సిసూర్జు వెటనె ఉండ్రె డోణి ఎకిసి, వన్నిజ్ ఇంక ముజాల అతాహ పడక సొండ్లు ఇజ వరిజ్ పోక్తాన్.

23 వరిజ్ పొక్కి వెనుక, వాండ్లు ఒరెండ్రె పార్వనం కిదిజ్ ఉండ్రె గొరెత్ ఎక్తాన్. పొదు అతివెలె వాండ్లు ఒరెండ్రె అబ్బె మహాన్.

24 గాని డోణి ఒడ్డుదాన్ సంఠె దూరం సొహాద్ గొప్ప గాలి కిజు మహిజ్ ఉల్పొజాణిజ్ డోణి ఇతలె అతాల దూజెజు మహాద్.

25 కోడిజామీదు యేసు సందారమేదు ఏరు మున్సు. నడిజు వరి డగ్రు సొహాన్.

26 వాండ్లు నమదరమేదు ఏరు మున్సు. నడిసినిక సిసూర్ నుడెతారె తియెల్ అతార్. “అబయా యాక ఉండ్రె దూబ”, ఇజ వారు తియెల్ అజు డెల్స్తార్.

27 వెటన యేసు, “దయెరమేదాన్ మండ్లు, ఇక నానె, తియెల్ అమాట్”, ఇజ వెహ్సాన్.

28 పేతురు, “ప్రబువా, నీనె ఇహొజు, నాను ఏరు మున్సు. నడిజు నీ డగ్రు వాదెజు నెలవ సీద్అ”, ఇజ వెహ్సాన్.

29 “రఅ”, ఇజ యేసు వెహ్సాన్. నన్నివలె పేతురు డోణి డిగెజు యేసు దరోట్ ఏరు మున్సు. నడిత వాతాన్.

30 గాని గాలిదిజ్ నిజిత్తి ఉల్పొజు నుడెజు తియెలాజు వాండ్లు ముడుగెజు మహాన్. “ప్రబువా నజి రసిన్అ”, ఇజ డెల్స్తాన్.

31 వెటనె యేసు వన్ని కియు సొప్పి వన్నిజ్ అస్తాన్. “ఇజిరి నమకం మనికి, ఎందనిజ్ నీను అనుమానం అతి?”, ఇజి వెచ్చాన్.

32 వారు డోణి ఎక్కిజ్ గాలి అలెతాద్.

33 నస్సవలె డోణిదు మనికార్ వాజి, “నిజమె, నీను దేవుణు మరిసిన”, ఇజి వెప్పొ వన్నిజ్ పొగడిజి మాడిస్తార.

34 వారు అతాహ పడక సొన్ని గెనెనెరితు నాటో అందితార్.

35 అప్పొణి లోకుర్ వన్నిజ్ గుర్తు అస్తార్ డగ్గు మని నాహ్మాజ్ కబ్బు పోక్తార్. లోకుర్ వరి కస్టమ్దు మన్నివరిజ్ విజిరిజ్ వన్ని డగ్గు త్తార్.

36 జబ్బు మన్నికార్ వన్ని సొక్క నెంగుబా ముట్టజ్ బతిమాలజి సెలవ లొస్తార. ముట్టికార్ విజిరె నెగెండ్ అతార్.

15

నెగ్గెక్కిజ్ సెఇక్కెజ్

1-2 నెగెండాార్ పరినయరుని యూదురిజ్ రూలుజ్ నెస్సిస్సికార్ యెరుసలేముదాన్ వాతారి యేసుజ్, “ఎందనిజ్ నీ సిసూర్ బొజెనమ్దిజ్ ముందల కికు నొరబావిర్, పెద్దలెజ అలవాటుజ నెక్కి పోక్కినార్?”, ఇజి వెన్బాతార్.

3 యేసు వరిజ్ ఈహు మరెజి వెచ్చాన్, “మీరు ఎందనిజ్ మీ అలవాటుజ వందిజ్ దేవుణు అడ్రెజు నెక్కి పోక్కినిదెర్?”

4 మీ యాయ బుబ్బరిజ్ గవరం సీదు, మరి ఎయెర్బా అయేసి అప్పొసిరిజ్* దూసిసి వెప్పొజు వన్నిజ్ తప్పెజవలె* ఇజి దేవుణు రూలుదు వెప్పొ మనాద్.

5-6 గాని మీరు నెస్సిసిని దన్ని లొఇ తేడ మనాద్ మీరు నెస్సిసినిక ఇనిక ఇపొజు ఎయెర్బా, “నాను మిజి ఇనికబా ఉండ్రి సాయం లెకెండ్ కిస ఇజి ఇట్టి మనిక, దేవుణుదిజ్ సంత సిత్త మన్ను” ఇజి అయేసి అప్పొసిరిజ్ వెప్పొజు, వాండ్రు మరి గవరమ్దాన్ నెగెండ్ నుడెదెజ్ అక్కర్ సెల్లెద్. ఇజి అయాలెకెండ్ మీ అలవాటు వందిజ్ మీరు దేవుణు మాటదిజ్ సీలి లెకెండ్ కిజినిదెర్.

7-9 వేసు కినికిదెరా, “యా లోకుర్ వరి బెద్వెజాణిజ్ నజి పొగ్గిజనార్ గాని వరి మన్ను నా బాణిజ్ దూరం మనాద్. వారు పణిదిజ్రివెండ్ నజి పొగడిజనార్. వారు నెస్సిస్సికెజ్ విజు లోకురి రూలుజ్నె,* ఇజి యెసయ ప్రవక్త వెట దేవుణు ముజాల మీ వందిజ్ వర్గితిక నిజమె”, ఇజి వెచ్చాన్.

10 యేసు అయ ముంద లోకురిజ్ డగ్గు కూక్తాడై ఈహు వెచ్చాన్, “మీరు జాగర్త వెంజి నెగెండ్ అర్థం కిదు.

11 వెయూదాన్ లొఇ సొనిక ఇనికబా ఎయెరిజ్బా ఇనిక అవిద్. గాని లొఇహాన్ వెయూదాన్ వెల్లివాని మాటెజ్నె ఒరెన్ వన్నిజ్ నెఇక కిసె.”

12 నస్సవలె వన్ని సిసూర్ వాతారి, “యా మాటెజ్వెంజి పరినయరు నండ్ కోపం అతిక నీను నెస్సిదా?”, ఇజి వెచ్చాన్.

13 వాండ్రు సిసూరిజ్, “పరలొకామ్దు మన్ని నా బుబ్బొతి దేవుణు ఉణునిఇ విజు మొకెజ్ వేలిజాణిజ్ తెరి అని వారబా అయ మొకెజ్ లెకెండ్నె.

14 వరిజ్ డిసి సీదు. వారు గుడ్డిదివరిజ్ సరి తొరిస్సి గుడ్డిదికార్. ఒరెన్ గుడ్డిదికాన్ మరి ఒరెన్ గుడ్డి వన్నిజ్ సరి తొరిస్సిజు వారు రిఎర్బా గాంతదు అర్నార్”, ఇజి వెచ్చాన్.

15 అందెజె పేతురు, “యా కత వందిజ్ మజి అర్థం అనిలెకెండ్ వెహా”, ఇజి వెచ్చాన్.

16 యేసు వరిజ్, “ఏలుబా మీరు మహిపరిలెకెండ్ మనిదెరా? ఏలుబా నిన్ని మాటెజ్ అర్థం కిదెజ్ మిజి బుద్ది సెల్లెదా?”

17 వెయూదాన్లొఇ సొనిక, పొటాదు సొన్ని మరి అయ్యాక మీరు బయలు బస్సివలె బూమిదు సొన్నినాద్, ఇక మీరు నెన్ఇదెరా?

18 గాని వెయూదాన్ వెల్లి వాని మాటెజ్ మన్నుదాన్ వాజినె. ఆకెజె లోకురిజ్ సెఇక కిజెనె.

19 సెఇ ఆలొసనమ్కు, నస్సికెజ్, రంకు బూలానిక, కేలార్బూలానిక, డొజి కినిక, అబద్దం వెప్పొకెజ్, దేవుణుదిజ్ దూసిస్సికెజ్ యాకెజ్ విజు మన్నుదాన్ వాజినె.

20 యాకెజె ఒరెన్ వన్నిజ్ సెఇక కిజెనె. కికు నొరబావిండ్ ఉటిజు అక ఒరెన్ వన్నిజ్ సెఇక కివి.”

కనానియది బోదెలిజ్ మన్ని నమకం

21 యేసు అప్పొణిజ్ నండ్ దూరం సొన్ని ఉండ్రి గొరెన్ ఎక్కి డిగితాండ్రై తూరు, సీదోసు ఇని పట్టుమ్కాజ్ నెందితి ప్రాంతమ్కాజ్ సొహాన్.

22 వాండ్రు అప్పొ అందితిజ్ అప్పొణిజ్, కానాన దేనిమ్ది ఉండ్రి బోదెలి వాతాదె, “ప్రబువా, దావీదు మరిసి నజి కనికారం తొరినె. నా గాల్పిజ్ దెయం అస్సిజ్ గొప్ప బాద అజినాద్”, ఇజి డెల్ని వెచ్చాన్.

23 యేసు దనిజ్ ఉండ్రి మాటబా వెహావెతాన్. అందెజె వన్ని సిసూర్ వాజి, “ఇది మా వెట గగోల్ ఆజి వాజినాద్, దనిజ్ పోకెత”, ఇజి బతిమాలతార్.

24 వాండ్రు వరిజ్, “మురుతి మెండగొరెజ్ లెకెండ్ దేవుణుబానిజ్ దూరం అతి ఇస్తాయేలు లోకుర్ డగ్గు నాను పోకె అత మన్ను”, ఇజి వెచ్చాన్.

25 అది వన్ని ముజాల వాజి ముణుకుజ్ ఉఱిరిజి, “ప్రబువా, నజి సాయం కిత”, ఇజి వెచ్చాన్.

26 వాండ్రు దనిజ్, “కొడోర్ తిండ్రెజ్ మని రొటెజ్ లాగ్గి నుకుడిజ్ నీనిక నాయం అవిద్”, ఇజి వెచ్చాన్.

27 అది, “నిజమె ప్రబువా, గాని ఎజమూని తింజమహాజ్ బల్లదాన్ అర్పి ముక్కెజ్ నుకుడుజ్ తింజని గదె?”, ఇజి వెచ్చాన్.

* 15:4 15:4 నిర్ణమ 21:17; తేమి 20:9.

* 15:4 15:4 నిర్ణమ 20:12 ద్వితి 5:16.

* 15:7-9 15:7-9 యెసున 29:13.

28 నన్నీవలె యేసు, “బయి, నా మున్ను మని నీ నమకం గొప్పు వెరిక. నీను కోరితి లెకెండెన నిజి అపిద్”, ఇజ దనిజ్ వచ్చాన్. అయ గడియాదునె దని గాల్చి నెగెండ అతాద్.

నాల్చి వెయిజ్ లోకాజ్ బోజనం సీనిక

29 యేసు అబెణిజ్ సొన్చి గలీలయ నమదారం పడకాదాన్ వాజి అబె ఉండ్రీ గొరోత్ ఎక్తాండ్రె బస్తాన్.

30 సొటావరిజ్, గుడ్డివరిజ్, గుల్లవరిజ్, కికు కాల్యు అర్దివరిజ్ మరి ఆఇ జబ్బుదివరిజ్ సండోడారిజ్ అని మంద లోకుర్ వన్ని డగ్రు వాతార వరిజ్ వన్ని కాల్యు అడ్డి ఇట్టార్. వాండ్రు వరిజ్ నెగెండ కిత్తాన్.

31 గుల్లవరిజ్ వరిగిదెజ్ వాతాద్. కికు కాల్యు అర్దికార నెగెమడ్ అతార. సొటాదికార నడితార, గుడ్డిదికార సుడోడెజ్ అట్టార్. యాకెజ్ సుడోజి లోకుర్ విజెరి బమ్మ అతార ఇస్తాయెలురి దేవుణుదిజ్ పొగిడితార.

32 యేసు వన్ని సిసూరజ్ కూక్తాండ్రె వరిజ్, “యా లోకుర్ నావెట మంజి మూండ్రీ దినమక అతె. విరిజ్ తిండ్రెజ్ బా ఇనికబా సిల్లెద్. నజి పరి మున్ను కనికారం ఆజన. వరిజ్ బబదాన్ పోక్తెజ్ మజి మన్ను రెవి. వారు కణ్యు త్రివిజి సర్దు అరనారన్”, ఇజి వెచ్చాన్.

33 సిసూర వన్నిజ్, “నిసా మంద లోకురిజ్ తిపిన్జిజ్ బిడిమబూమి ప్రామతమ్దు ఇనిక దొమ్మాన్?”, ఇజి వెచ్చార్.

34 యేసు వరిజ్, “మీ బాన్ ఎసోడు రొటెజ్ మన్ను?”, ఇజి వెనబాతాన్. వారు, “ఏడు రొటెజ్ ని గిగం ఇజిరి మెయిజ్ మనె”, ఇజి వన్నిజ్ వెచ్చార్.

35 లోకురిజ్ బూమిదు బస్తు ఇజి యేసు వెచ్చాన్.

36 వెనుక అయ ఏడు రొటెజ్ ని మెయిజ్ కిదు అస్తాండ్రె దేవుణుదిజ్ వందనమక వెప్పి అయాకెజ్ రుక్చి వన్ని సిసూరజ్ సితాన్. వారు లోకాజ్ సీబాజి సితార.

37 లోకుర్ విజెరి పొట పంజి తిహి వెనుక మిగిలితి ముక్కెజ్ ఏడు గంపెజ్ నిండ్రు వన్ని సిసూర పెచ్చార్.

38 బోదెకన్ కొడోర అపిండ తిహి మొగకొడోర నాల్చివెయిజ్ మహార్.

39 అయ మంద లోకురిజ్ పోక్తి వెనుక యేసు డోణి ఎక్తాండ్రె మగదాన్ ఇని నాటో సొహాన్.

16

1 నన్నీవలె పరిసయరుని సదుకయరు యేసుజ్ డగ్రు పరిక్చ కిదెజ్, వన్ని మాటెజాణిజ్ వన్నిజ్ అన్జెజ్ ఇజి డగ్రు వాతార. దేవుణుని వన్నిజ్ పోక్తాన్ ఇనిదన్నిజ్ రుజుప లెకెండ అగాసమదాన్ ఉండ్రీ బమ్మాతి పణి కిజి మజి తోరిన్ అ, ఇజి వెచ్చార్.

2 వాండ్రు వరిజ్, “పొద్దు అనివెలె అగసం ఎర్తజ్ మహిజి నెండ్రు నెగెణ్ మంజినాద్ ఇజి మీరు వెప్పినిదిర్.

3 మరి, పెందల అగసం ఎర్తజ్ ఆజి మొసాప్ మహిజి, నెండ్రు గాలి పిరు వానాద్, ఇజి మీరు వెప్పినిదిర్. అగసం సుడోజి అయ రోజి ఎలాగ మంజినాద్ ఇజి వెచ్చాజ్ మీరు నెప్పిదిర్, గాని జర్జినికెజ్ సుడోజి కాలమదిజ్ గుర్తు అన్జెజ్ అటెఇదిర్.

4 యా తరమదికార, సెఇకార అతికార దేవుణు వందిజ్ వరిజ్ మన్ను సిల్లెద్ గుర్తు లెకెండ ఉండ్రీ బమ్మాతి పణి వందిజ్ వెనబజినార్, గాని దేవుణు ప్రవక్త అతి ఓనెజ్ జర్జితిక తప్ప మరి ఇనికబా ఉండ్రీ గుర్తు మరి తోరిన్ అ”, ఇజి వెచ్చాన్.

5 వెనుక యేసు వరిజ్ డిసెని అబ్బాణిజ్ సొహాన్.

6 వారు డోణి ఏక్తార నమదరం అతాహ పడక సొన్చి మహివలె, వన్ని సిసూర రొట్టెజ్ ఒత్తెజ్ పోన్చు మహార్. నన్నీవలె యేసు, “పరిసయరుది మరి సదుకయరుది పులాజ్ కిని దూరువందిజ్ మీరు గొప్పు జాగర్త మండ్రు”, ఇజి వెచ్చాన్.

7 “మావ రొట్టెజ్ తెఇతి వందిజె యా మాట వెచ్చాన్”, ఇజి ఒరెన్ వెట ఒరెన్ వర్జిజి మహార్.

8 యేసు అక నెస్తాండ్రె, ఎందానిజ్ మీరు నమకం తక్కు మనికిదిర్ ఆజినిదిర్! మీ బాన్ రొట్టెజ్ సిల్లితిజ్ మీరు ఎందనిజ్ ఒరెన్ మరి ఒరెన్ వెట వరిగిజినిదిర్?

9 ఏలుబా మీరు అర్థం కిజి నెస్తెజ్ అటెఇదిరో? అయదు రొట్టెజ్ మహివలె అయదు వెయిజ్ లోకాజ్ తిపిన్జిజ్ మిగిలితికెజ్ ఎసోడు గంపెజ్ పెప్తాదెరో?

10 మరి ఏడు రొట్టెజ్ మహివలె నాల్చి వెయిజ్ లోకాజ్ తిపిన్జిజ్ మిగిలితికెజ్ ఎసోడు గంపెజ్ పెప్తాదెరో? వినుకాజ్ బా మీరు ఎతు కిఇదిరో?

11 నాను వర్జితిక రొట్టెజ్ వందిజ్ అపిద్ ఇజి ఎందనిజ్ మీరు అర్థం కిజి నెన్ ఇదిరో? గాని పరిసయరుని సదుకయరుది పులాని దూరు వందిజ్ మీరు జాగర్త మండ్రు ఇజి నాను వెచ్చాన్”, ఇజి వెచ్చాన్.

12 నన్నీవలె వాండ్రు జాగర్త మండ్రు ఇజి వెచ్చాక రొటె తయారో కిని పులాని దురు వందిజ్ అపిద్ గాని పరిసయరుని సదుకయరుది పులాని దూరు నని బోద్ వందిజ్ జాగర్త అజి మండ్రు ఇజి వెచ్చాన్, ఇజి వారు అర్థం కిజి నెస్తార.

13 యేసు విల్లిపుది అతికయసెరియ పట్టుమదిజ్ డగ్రు మన్ని నాహ్యుజ్ వాతిజ్ “లోకు మరిసి అతి వందిజ్, నాను ఎయెన్ ఇజి లోకుర్ వెవా ఆజినార్?”, ఇజి వన్ని సిసూరజ్ వెనబాతాన్.

14 “నెగెండారో బాప్తినం సీని యోహాను ఇజినార్, నెగెండారో ఏలియ ఇజినార్, మరి నెగెండారో యిరిమ్మ ఇజినార్, సిల్లె ప్రవక్తెజ్ లోజి ఒరెన్ ఇజి నెగెండారో వెవా ఆజినార్”, ఇజి వారు వెచ్చాన్.

15 అదెజె యేసు, “గాని నాను ఎయెన్ ఇజి మీరు వెప్పినిదిర్?”, ఇజి వెనబాతాన్.

16 పేతురు అతి సివోను, “నీను బత్తిజిని దేవుణు మరిసి అతి క్రీస్తు*”, ఇజి వెచ్చాన్.

17 యేసు, వన్నిజ్, “యోన మరిసి అతి సివోను, నీను దేవుణు సిజిని దీవనమక మంజినికాన్. యాక నిజి తెలియకిత్తిక లోకుర్ ఎయెర్ బా అపిర్ గాని పరలోకామ్దు మని నా బుబ్బాతి దేవుణునె.

* 16:16 16:16 క్రీస్తు ఇని మాటదిజ్ అర్థం దేవుణు ఏర్పాటు కిత్తి పోక్తికాన్

18 గాని నాను నిజీ వెప్పొక్క ఇనిక ఇహిజు నీను పేతురు, నీ పేరుదిజ్ తర్తం నట్టు ఇజ నాను యా నుటు మున్ను నా నజమదిజ్ తొప్పా. అయో లోకమది నత్తుజ్ దనిజ్ గెలిస్తజ్ అజ్విద.

19 దేవుణు ఏలుబడిః కిజిని పరలోకామదిజ్ సెందితి ఆతికారం నాను నిజీ సీన*, యో లోకమదు సీను ఇనిక తొప్పొద్దో, అయోక పరలోకామదుబా తొవా అనాద్. యో లోకమదు సీను ఇనిక కుత్తిద్దో, అయోక పరలోకామదుబా కుతె ఆనాద్”, ఇజ వెప్తాన్.

20 వెనుక యేను, వాండ్లు క్రీస్తు ఆతికాన్ ఇజ ఎయెరిజ్బా మీరు వెప్తాజ్ అవిద్ ఇజ వన్ని సీసూరిజ్ కసీతం వెప్తాన్.

21 అయ వెలెహాన్ అసి యేను, నాను యెరూసలేమదు సొండ్రెజ్ వెలె, మరి అబె పెదెలుజ, పెరి పుజెరిబుని యూదురి రూలుజ్ నెస్సీస్తి వరి కిదాన్ నండ్ ఇమసెజ్ ఓరిస్సాలె, లోకుర్ నజీ నప్పొల్లె సాతి మూండ్రి రోజుదు దేవుణు నజీ మరి మర్జి నిక్కినాలె ఇజ నండ్ సజతిజ్ వన్ని సీసూరు వెట వెప్పొ మహాన్.

22 పేతురు యేనుజ్ ఉండ్రి వడఃకాదు కూక్ట ఒతండ్రి, “ప్రబువా, నిజీ యో లెకెండ్ జర్గెదిజ్ అవిద్”, ఇజ గటిజ వెప్తాజ్ మొద్దోస్తాన్.

23 అహిజ, వాండ్లు పేతురు దరిజ్ మర్జి బేసి, “ఓ నయ్తానా! నీను నజీ ఉండ్రి అడ్డు లెకెండ్ మని. నీ మున్నుదు మని నజతిజ్ దేవుణుబాణిజ్ వాతిక అవిద్, లోకుర్ ఒడఃబినికెజె”, ఇజ వెప్తాన్.

24 నస్తివలె యేను వన్ని సీసూరిజ్ సుడఃజె, “ఎయెనబా నా వెనుక వాదిజ్ ఇహిజ, వాండ్లు వన్ని సొంత ఆసెజ్ విజు డిసీ సీజి వన్నిజ్ వాజిని కస్టంకు విజు ఓరిస్సెజ్ తయారాజి పిండఃజి నా వెట సాదిజ్బా తయారాజెనె నా వెనుక వాదిజ్బులె.

25 ఎయెనబా వన్ని పాణెమదిజ్ వాండ్రి కాపాడఃదెజ్ ఇజ సుడఃతిజ వన్నిజ్ ఎలాకాలం మంజిని బత్తు మనవిద్. నా వందిజ్ ఎయెరిజ్బా వన్ని పాణెం నస్తిం ఆతిజ, వాండ్లు ఎలాకాలం మంజిని బత్తుదు సానాన్.

26 ఎయెనబా వాండ్లు కొరిజినిక్కిజ్ దోహాక్కి యో లోకమది ఆస్తిని సర్ల విజు దోహాక్కి వెనుక దేవుణువెట ఎలాకాలం మంజిని బత్తుదు సొనవిండ మహిజ ఇని లబం మనాద్? దేవుణువెట ఎలాకాలం మంజిని బత్తుదిజ్ బదులు మరి ఇనిక సీదిజ్ అట్టాన్?

27 లోకు మరిసి ఆతి నాను, నా బుబ్బాతి దేవుణు గొప్పు జాయ్దాన్, వన్ని విజు దూతరిజ్ తోడః అసి రాజు లెకెండ్ వానాలె. వెనుక ఒరిన్ వన్నిజ్ వన్ని పణిదిజ్ తగితి లెకెండ్ వలం సీనాలె.

28 లోకుమరిసి ఆతి నాను రాజు లెకెండ్ ఏలుబడిః కినిక నూణిదాక, ఏలు నిహిమన్ని పరిలోక సెగెండార్ సావీర్ ఇజ నాను మిజి నిజం వెప్పొన్”, ఇజ వెప్తాన్.

17

యేను, మోసెని ఏలియ

1 ఆరు లోస్సు వెనుక యేను, పేతురుని యోకోబు, యోకోబు తంబెరిసి ఆతి యోహానుజ్బా కూక్టాండ్రి వన్నివెట ఒతాన్. వారు నండ్రి ఎత్తుమని ఉండ్రి గొరోన్ మున్ను ఎక్స సావోర్.

2 అబ్బె వరి ముందాల వన్ని రూపు మారితాద్. వన్ని మొకెం పొద్దు లెకెండ్ అతాద్. వన్ని సొకెజ్ మెర్సిని జాయ్లెకెండ్ తెలాజ్ అతె.

3 ఇదిలో, నస్తివలె అబ్బె మోసెని ఏలియ యేను వెట వర్గిజ మంజినిక వరిజ్ తోర్ అతాద్.

4 నస్తివలె పేతురు, “ప్రబువా, మాటు ఇబ్బె మహిజ నెగెద్. నిజీ ఇస్టం ఇహిజ, ఇబ్బె నిజీ ఉండ్రి, మోసెజ్ ఉండ్రి, ఏలియెజ్ ఉండ్రి, అహి మూండ్రి గుడఃసెజ్ తొప్పొ”, ఇజ వెప్తాన్.

5 వాండ్లు వర్గిజ మహివలె నండ్రి జాయ్మని ఉండ్రి మొసావీ వరిజ్ వ్డగ్తాద్. “ఇదిలోన్ వీండ్లు నజీ ఇస్టమాతి నా మరిన్. విన్ని మున్ను నాను సర్ల అత మన్ను. విన్ని మాటెజ్ నెగెండ్ వెండ్లు”, ఇజ ఉండ్రి జాబు అయ మొసొపుదాన్ వాతాద్.

6 సీసూర్ యో మాట విహారి నండ్రి తియెల్ అజి పడఃగ్గి అర్తార్.

7 యేను వరి డగ్రు వాజి వరిజ్ ముట్టి, “నిజ్దు, తియెల్ అమాట్”, ఇజ వెప్తాన్.

8 వారు కణ్బు పెర్రి బేస్తిజ్ యేనుజ్ తప్ప మరి ఎయెరిజ్బా తొవితార్.

9 వారు గొరోన్ డిగిజి వాజి మహివలె, “లోకు మరిసి ఆతి నాను, సాతి వరిబాణిజ్ మర్జి నిజ్నిదాక, మిజి తోర్ ఆతి యో నజతిజ్ వందిజ్ ఎయెరిజ్బా వెప్పొట్”, ఇజ యేను వరిజ్ వెప్తాన్.

10 నస్తివలె వన్ని సీసూర్, “ఏలియ* ముజాల వాదిజ్ ఇజ ఎందనిజ్ యూదురి రూలుజ్ నెస్సీస్తికార్ వెప్పొనార్?”, ఇజ వన్నిజ్ వెనెబాతార్.

11 అందెజె వాండ్లు, ఏలియానె ముజాల వాజి మండ్రిజ్, యాక నిజమె. వాండ్లు వాజి విజు నెగెణ్ తయార్ కినాన్.

12 అహిజ ఏలియ ముజాల వాత మహాన్, గాని వారు వన్నిజ్ గుర్తు అస్తిజ్అజ్విండ వరిజ్ ఇస్టమాతి లెకెండ్ వన్నిజ్ పడిఃవిండ కితార్. లోకుమరిసి ఆతి నానుబా అయాలెకెండ్ వరి కిదాన్ ప్రమెజ్ ఓరిస్సాలె”, ఇజ వరిజ్ వెప్తాన్.

13 బాప్తిసం సీని యోహాను వందిజ్ వాండ్లు వరివెట వర్గిజనాన్ ఇజ వారు అర్డం కితార్.

దెయం అస్సి కొడఃదిజ్ నెగెణ్ కిజనాన్

14 వారు మంద లోకుర్డగ్రు వాతివలె ఒరిన్ వన్ని డగ్రు వాజి వన్ని ముందాల ముణ్బు ఊరిజె,

15 “ప్రబువా నా మరిన్ మున్ను నీ కనికారం తోరిన్అ వాండ్లు మూర్పు పెప్తాజ్ నండ్రి బాద్ అజినాన్. వాండ్లు ఎనిజ్ ఎనిజ్ సీనుద్ సీలిజ ఏరుదు అర్పి మంజినాన్.

† 16:19 16:19 పరలోకమది తాలం కిక్కు ఇజ తెలుగుదు రాస్త మనాద్. * 17:10 17:10 పాడయ ఒప్పుమానమదు మన్ని మలాకి ప్రవక్త పుస్తకమదు రస్తిమన్నిలెకెండ్ ఇహిజ, ఏలియ ముజాల వాదిజ్ ఇజ యూదురు నమ్మిజనార్. మలాకి 3:1, 4:5-6.

- 16 నాను నీ సినూర్ డగ్గు వన్నుజ్ తత్త గాని వారు వన్నుజ్ నెగెండ కిదెజ్ అట్ఎతార్”, ఇజ వెచ్చాన్.
- 17 అందెజె యేసు, “యా తరమదికిదెర్ అతి మీరు మహికార్ మిజి నెస్సిన్యి తప్ప సరిదాన్ నడిసి మన్నదెర్. మీరు నామున్ను నమకం సిల్లెకిదెర్. నాను ఎస్సా కాలముక దాక నాను మిజి ఓరిసి మండ్రెజ్ వలె వన్నుజ్ నా డగ్గు తగాట్”, ఇజ వెచ్చాన్.
- 18 నస్సవలె యేసు అయ దెయమదిజ్ ఉండ్రె అత్తె సితిజ్ అక్క వన్నుజ్ డిస్తతాద్. అయ గడిజయాదునె ఆ ఇజరికాన్ నెగెండ ఆతాన్.
- 19 దని వెనుక వన్ను సినూర్వాండ్రు ఒరేండ్రె మహివలె యేసు డగ్గు వాతార్, “మావు ఎందనిజ్అయ దెయమదిజ్ సాన్పిస్తెజ్ అట్ఎతాజ్?”, ఇజ వెన్బాతార్.
- 20-21 ఉండ్రె సర్పుగిడ నస్తు నమకం మహిజ యా గొరొన్దిజ్ నుడజె, “ఇబ్బెణిజ్ అబ్బె సాన్అ’ ఇజ వెస్తాజె అది అబ్బె సానాద్. మీరు కిదెజ్ అట్ఇక ఇనికబా మన్ఏద్, ఇజ నాను మిజి నిజం వెప్పాన్”, ఇజ వెచ్చాన్. మిజి నస్సా నమకం సిల్లెద్, అందెజె మీరు కిదెజ్ అట్ఇదెర్.
- 22 వారు గల్లెలయ దేనమదు వాతివెలె యేసు, “లోకు మరిసి ఆతి నాను లోకుర్ కియుదు ఒవజెవె ఆనాలె.
- 23 వారు నజీ నస్పార్, మరి మూండ్రె దినమదు నాను మరజి నిజెఆనాలె”, ఇజ వరిజ్ వెస్తాజ్ వారు నండ్రు దుకం ఆతార్.
- 24 యేసుని వన్ను సినూర్ కవర్షాముదు వాతివెలె, నెగం నెకలో’ లెక్క వన్ను వెరెనికార్ పేతురు, డగ్గు వాతార్, “మిజి బోద కినికాన్ దేవుణు గుడిజిది వన్ను సిఎండ్రా?”, ఇజ వెన్బాతార్.
- 25 “ఒజ వాండ్రు సినాన్”, ఇజ వాండ్రు వెచ్చాన్. పేతురు ఇండ్రె వాతిజ్, వాండ్రు వర్గిఏండ ముజాల యేసు వర్గితాన్. “సీమోను, యా లోకమది రాజార్ ఎయెర్బాణిజి సిస్తుని వన్నుజ్ ఒనూలు కిజనార్ వరి సాంజ దేనమది వరిబాణిజినా, సిల్లిజ అయదేనమదు మన్ను ఆజ దేనమదివరి బాణిజినా? నీను ఇనిక ఒడజబిజని?”, ఇజ వన్నుజ్ వెన్బాతాన్.
- 26 “వారు ఏద్దెం కిజి గెల్లిస్తి దేనమదివరిబాణిజ్”, ఇజ పేతురు వెచ్చాన్. యేసు వన్నుజ్, “అహిజ సాంజ దేనమదికార్ సిఏండ్రె తప్పె ఆజినార్.
- 27 మాటు వరిజ్ అడ్డు మంజని వరిజ్లెకెండ్రె మండ్రెజ్ అఎద్. నీను సేరుదు సాన్సా గాలం పొక్కి ముందాల దోవ్కాని మొయదిజ్ అసి దని వేయ రెక్కి నుడజెతిజ, ఉండ్రె నెకెల్ కాను దని వెయదు మంజనాద్. అయక లాల్లి నీ వందిజీని నా వందిజ్ వన్ను సిఅ”, ఇజ వెచ్చాన్.

18

- దేవును కిని ఏలుబడిడు పెరికాన్
- 1 నస్సవలె సినూర్ యేసు డగ్గు వాజి, “దేవుణు కిని ఏలుబడిజి కినివలె మాలొఇ ఎయెన్ అబ్బె పెరికాన్ మంజినాన్?”, ఇజ వన్నుజ్ వెన్బాతార్.
- 2 వాండ్రు ఒరెన్ ఇజరి కొడోదిజ్ కూక్కి వరి నడిమి నిల్పాన్.
- 3 మరి వాండ్రు ఈహు వెచ్చాన్, “మీరు ఇజరి కొడోర్ లెకెండ్రె మన్ను మరిసి, వరి లెకెండ్రె ఆఎండ్రె మహిజ, మీరు ఎనిజ్బా దేవుణు కిని ఏలుబడిడు సాండ్రెజ్ అట్ఇదెర్, ఇజ నాను మిజి నిజం వెప్పాన్.
- 4 అందెజె యా ఇజరి కొడోర్ లెకెండ్రె తగి ఆనికాన్ ఎయెండ్రె, వాండ్రె దేవుణు కిని ఏలుబడిడు పెరికాన్ ఆనాన్.
- 5 మరి ఎయెర్బా నా మున్ను మన్ను నమకమదు యా ఇజరి కొడోర్ లెకెండ్రె అతికాన్ ఇజ ఒడజబినాండ్రె ననివన్నుజ్ డగ్గు కినికాన్, నజీ డగ్గు కిజినాన్.
- 6 గాని, నా మున్ను నమకం ఇట్టి మని యా కొడోర్ నన్ను ఒరెన్ వన్నుజ్, ఎయెర్బా పాపం కిబిస్తెజ, వాండ్రు వన్ను మెడదు ఉండ్రె వెరి ఇత్తవణుక తోహా ఆజ నమదరం అడ్డి ముడుగిజి సానిక వన్నుజ్ ఒడ్డి నెగెద్.
- 7 ఎందానిజ్ ఇహిజ, లోకురిజ్ పాపం కిబిస్తె నజెతిజ వందిజ్ యా లోకమది వరిజ్ స్రమెజ్ తవ్ఉ. యాకెజ్ తవ్వెండ్రె వాడివెలె. గాని యాకెజ్ ఎయెన్వెట వానెన్ వన్నుజ్ వెచ్చాజ్ అట్ఇ నని కస్టమకు మంజినె.
- 8 నీ కియుబా, నీ కాల్యబా నిజి పాపం కిబిస్తెజ, దనిజ్కత్తి విసిర్అ. రుండి కికు కాల్యు మంజి ఎలాకాలం మంజిని సినుబాడిడు అర్పి దనిజ్ ఇంక, కికు కాల్యు సిల్లెండ్రె ఆజి ఎలాకాలం దేవుణు వెట మంజిని బత్తుదు సానిక నెగెద్.
- 9 మరి నీ కణక నిజి పాపం కిబిస్తెజ దనిజ్కాగిజి విసిర్అ. రుండి కణ్యు మంజి ఎలాకాలం మంజిని సినుబాడిడు అర్పి దనిజ్ ఇంక, ఉండ్రె కణక మంజి ఎలాకాలం దేవుణు వెట మంజిని బత్తుదు సానిక నెగెద్.
- 10 యా ఇజరి వరి లొఇ ఎయెర్బా మీరు ఇజరి కణక నుడజమాట్. ఎందానిజ్ ఇహిజ వరలోకామ్దు నా బుబ్బు డగ్గు మంజిని దూతార్ ఎస్సవలెబా వరిజ్ నుడజెజ మంజినార్.

మరుతి గొర్రె కత్.

- 11 గొర్రెజ్ లెకెండ్రె మరుతి సాహి లోకురిజ్ రెబాజి రక్కిస్తెజ్ ఇజినె లోకుమరిసి* అతి నాను ఇబ్బె వాత మన్ను†.

† 17:24-17:24 యెరునల్లెమదు మన్ను దేవుణు గుడిజిది అవసరమమూతికెజ్ కిజి నెగెండ్రె నుడజె ఒరెనెరెన్వన్నుబాణిజి, నెగం నెకెల్ వన్నులెకెండ్రె వెర్జ మహార్. యాదురు అతి మెగనారు 20 వయ్యుడాట్టిమహికార్ వెజెర్ గుడిజి వన్ను సిరెజ్ ఇజ దేవుణుమూటదు రాస్త మనాద్. అక్క రుండి లొన్ను కాలిదిజ్ నమానం మహార్. నిర్వమ 30:13-16. 2దనరు 24:9-14, నెహయ్య 10:32. * 18:11 18:11 లోకుమరిసి ఇని మాట ఆరామెయి బానదాన్, “నాను” సిల్లిజ “నజీ,నాది”, ఇజ అత్తమానిలెకెండ్రె యూదురు వెప్పి మహార్. యేనుస్తబుబా వన్ను వందిజ్ వెచ్చాజ్ యాలెకెండ్రె వెప్పి మహార్. యాలెకెండ్రె వెప్పిమహివలె నాని క్రీస్తు ఇజ వాండ్రు తినాజ్ వెహొండ్రె వన్ను వందిజ్ వెప్పి మహార్. దానియేలు ప్రవక్త పుస్తకమదు రాస్త మన్ను దన్నిజ్ తగితిలెకెండ్రె, వాండ్రు యా పేరు వన్ను వందిజ్ వెప్పి మహార్. దానియేలు 7:13-14. యేసుజ్ వగాతికార్ వాండ్రు మాముల్గ వన్ను వందిజ్ అహి వెప్పినాన్ ఇజ ఒడజబితార్. గాని వన్నుజ్ నమ్మిత్తికార్ వాండ్రె క్రీస్తు ఇజ వెప్పి మహార్ ఇజ అత్తం కిత్తార్. † 18:11 18:11 క్రీస్తు బాసాదు రాస్తమన్ను ముతిలమాతి పుస్తకమకాజ్ యా మాట మన్ను గాని నెగం పుస్తకమకాజ్ సిల్లెద్

12 ఒరెన్ వన్నుజ్ వంద గొర్రెజ్ మంజి వన్నాజ్ లొణ ఉండ్రీ మురుతిజ, మహి తొబయ్ తొమ్మిది గొర్రెజ డిసి, మురుతి గొరెదిజ్ రెబాజి సాన్ఎండ్రా? మీరు ఇనిక ఒడణిబిజినిదెర్?

13 దనిజ్ దొప్పొత్తిజ, వన్ను మురుఎండ మని తొబయ్ తొమ్మిది గొర్రెజ మున్ను యా మురుతి ఉండ్రీ గొర్రె వందిజ్ వాండ్రు గొప్ప సర్ప ఆనాన్, ఇజ నాను మిజి నిజం వెప్పొన.

14 అయలెకెండెనె యా ఇజరి వరిలొణ ఒరెన్బా పొడాజి సొండ్రెజ్ దేవుణు మంజిని బాడిఃదు మని మీ బుబాతి దేవుణుదిజ్ ఇష్టం సిల్లెన్.

15 మరి నీ తంబెరిజి లొణ ఒరెన్ నిజి తప్ప వణిజ్ కతిజ, మరి ఎయెర్బా నెన్ఎండ వాండ్రుని నీను మనివెలె వాండ్రు కితి తప్ప వణిజ్ తొరెన్అ. వాండ్రు నీ మాట వెహిజ నీను వన్నుజ్ మరజి నీ వెట కూడణిజ మంజిని వన్నులెకెండ్రీ కితి.

16 గాని వాండ్రు నీ మాట విన్ఎండ మహిజ, ఒరెన్ వన్నుజ్నొ, రివిరిజ్నొ నీ వెట తొడుః అసి వన్ను డగ్రు సాన్అ. అహిజ దేవుణు మాటదు మని లెకెండ్రీ రివర్ మువిర్ది సాసిరి మాటజవెట విజు సజతిజ్ నిజమాతికెజ్ ఇజ రుజుప్ కిదిజ్ వలె*.

17 వాండ్రు వరి మాటబా విన్ఎండ మహిజ, అయ సజతి దేవుణు సజమిదిజ్ తెలియ కిల. సజమిది వరి మాటబా వాండ్రు విన్ఎండ మహిజ వన్నుజ్ ఆణ వన్ను సనికాన్, సిల్లిజ వన్ను పెర్నికాన్[§] ఇజ నుడణల.

18 యా బూమి మున్ను మీరు ఇనిక తొమ్మిదిరో, అయకెజ్ దేవుణు మంజిని బాడ్డిదుబా తొహా ఆనెలె. మరి యా బూమి మున్ను మీరు ఇనిక కుత్తుదెరో, అయకెజ్ పరలోకాప్పు దేవుణుబా అడ్డు కీనాలె. మరి యా బూమి మున్ను ఇనిదన్నుజ్ నెలవ సీనిదెరో పరలోకామ్దాన్ దేవుణుబా దన్నుజ్ నెలవ సీనాలె ఇజ నాను మిజి నిజం వెప్పొన.

19 మరి ఎయెర్బా రివర్కూడణిజ, ఉండ్రీ మన్ను కల్లిజ ఇనికబా లొస్తిజిబా, పరలోకామ్దు మన్ని నా బుబాతి దేవుణు, మీరు కోరిజిని లెకెండ్రీ మీ వందిజ్ కీనాన్లె.

20 అహిజ ఎంబె రివర్నొ, మువిర్నొ నా పేరుదాన్ కూడణి వాజి మహిజ, అబ్బె వరివెట నాను మంజినలె.”

కనికారం తొరెన్ఇ పణిమనిసి

21 సస్తివలె పేతురు యెసు డగ్రు వాతండ్రె, “నా తబేరి ఒరెన్ నా వెట తప్ప కితిజ నాను ఎసొడు సుట్టు వన్నుజ్ సెమిస్తెజ్? ఎడుః సుట్టు సెమిస్తెజ్ ఆనాదా?”, ఇజ వెన్బాతాన్.

22 యేసు వన్నుజ్, “ఏడు సుట్టు ఆవెద. డబయ్, సుట్టు ఏడు* ఇజ నాను నిజి వెప్పొన”, ఇజ వెప్తాన్.

23 ఎందానిజ్ ఇహిజ దేవుణు ఏలుబడిః కినిక ఇహిజ, వన్ను పణిమన్సిరెవెట వారు వన్ను బాణిజ్ లొస్తిమన్ని అప్పుదిజ్ లెక్క నూణి ఒరెన్రాజుజ్ పొలిత మనాద.

24 లెక్క సుడణెదెజ్ మొదెల్సొ వలె, పది వెయుజ్ తాలందుజ్[†] అప్పు లొస్తిక మరజి సీదిజ్ మన్ని ఒరెన్ వన్నుజ్, వన్ని డగ్రు త్తార్.

25 వన్నుజ్ అప్పు తీరిస్తెజ్ అలెణతిజ్, వన్నుజ్ని వన్ని అల్నిజ్, కొడొరిజ్, మరి వన్నుజ్ కల్లితి మనికెజ్ విజు పొర్ని అప్పు తీరిన్అ ఇజ యాజుమాని ఆడ్ర సీతాన్.

26 అయ పణిమణిసి వన్ని ఎర్దు ముణుకుజ్ ఊరిజ మాడిఃస్తాండ్రె, “నజి సెమిన్అ నజి మరి కండెక్ సమయం సిదా నాను అప్పు విజు మరజి సీన్’ ఇజ బతిమాల్తాన్.

27 అయ ఎజుమాని పణిమనిసి మున్ను కనికారం ఆజి, నీ అప్పు విజు తెవితాద్ ఇజ వన్నుజ్ సొండ్రెజ్ నెలవ సీతాన్.

28 గాని అయ పణిమనిసి వెల్లి వాజి సొన్ని మహివలె, వన్నుజ్ వంద దినారముకు[‡] అప్పు మని, వన్నివెట కూడణిజ పణికిజిని ఒరెన్ వన్నుజ్ సుడణతాన్. వన్నుజ్అస్తాండ్రె గొతిక పణిసి, “నీను నజి అప్పు మన్ని డబ్బు మరజి సిదా”, ఇజ బలవంతం కీతాన్.

29 వన్నివెట కూడణిజ పణికినికాన్అతి అయ పణిమనిసి వన్ని ఎర్దు ముణుకుజ్ ఊరిజ, “నజి సెమిన్అ, నిజి మరి కండెక్ సమయం సిదా? నిజి సీదిజ్ మన్ని అప్పు విజు నాను మరజి సీన్’, ఇజ బతిమాల్తాన్.

30 గాని వాండ్రు అక ఒప్పుకొడెవిండ, అప్పు విజు మరజి సీనిదాక వన్నుజ్జెలుదు ఇడిఃస్తాన్.

31 వరివెట కూడణిజ పణికినికార్ సెగొండార్, యా జరిగితిక విజు సుడణతారం నండొ బాద ఆతార్. వారు సొన్ని జగ్గితిక విజు ఎజుమానిజ్ వెప్కార్.

32-33 సస్తివలె అయ ఎజుమాని వన్నుజ్ కూకెపిస్తాండ్రె, “మూర్కం మని పణిమనిసి, నీను సజి బతిమాల్తిజ్ నాను కనికారం ఆజి నిజి సెమిసి, నీ అప్పు విజు తెవితాద్ ఇజ నిజి వెప్పొలెకెండ్రీ నీ వెట కూడణిజ పణి కిని వన్నుజ్ నీనుబా సెమిసి వన్ని మున్ను కనికారం తొరెన్సెజ్ గదె?”, ఇజ వెన్బాతాన్.

34 సస్తివలె అయ ఎజుమాని వన్ని మున్ను కోపం ఆతాండ్రె వాండ్రు అప్పు విజు మరజి సీనిదాక వన్నుజ్ హిమ్న కినివరిజ్ ఒపజెప్తాండ్రె జెలిదు ఇడిఃస్తాన్.

35 మీరు మీ మన్నుదాన్ మీ తంబెరిజివెట సెమిన్ఎండ మహిజ పరలోకామ్దు మన్ని నా బుబాతి దేవుణుబా యా లెకెండ్రీ మీ లొణ ఒరెన్ వెట కీనాన్.

19

అలీసిజ్ డిఃస్తి సీని వందిజ్

1 యా మాటజవెప్పొ విజితి వెనుక యేసు గలిలయ డిసి, యొర్దాన్గడ్డ అతాహా పడక మని యూదయ నాహ్కాజ్ సాహాన్.

2 మంద లొకర్ వన్ని వెనుక సొహార్. వాండ్రు అబ్బె వరి జబ్బుది వరిజె నెగెండ్రీ కీతాన్.

‡ 18:16 18:16 ద్విత్వికాండం 19:15 § 18:17 18:17 యూదురు అతికార్ ఇనిదన్ను వందిజ్బా వన్ను పెర్నివరివెట కూడిజ మన్వర్ * 18:22 18:22 నాల్గి వంద తొబయ్ సుట్టు ఇహిజ ఎస్తివలెబా సెమిసి మండ్రెజ్ ఇజ అర్థం. † 18:24 18:24 ఉండ్రీ వెయి తాలందు ఇహిజ వెయి లక్క రూపాయదిజ్ లాప్ మన్ను ‡ 18:28 18:28 వంద దినారముకు ఇహిజ అయ కాలమ్దు పది లొస్కొ పణికిని కాలదిజ్ సమనం మూర్కం.

3 నెగొండాల్ పరిసయరు, వన్ని మాటిజాణిజ్ వన్నిజ్ తప్ప అన్విజ్ ఇజి వన్ని డగ్రు వాతారె, “ఇని తప్పబా తొవిండ ఒరెన్ వన్ని అల్విజ్ డిసి సీనిక దేవుణు మోనజ్ సీత్తి రూలుజ్ వజ నాయమనా?”, ఇజి వెన్బాతారె.

4 వాండ్రు వరిజ్, “ముజాహాన్ దేవుణు లోకురిజ్ తయారె కితివలె వరిజ్ మొగ్గ కొడోని బోదెలి లెకెండ తయారె కితాన్*.

5 అందెజి మొగ్గ కొడో వన్ని అయెన్ అప్పొసిరిజ్ డిసి వన్ని అల్వి వెట కూడోజినాన్. వారు రివిర్ ఉండ్రె ఒడోలె అనారె.*

6 అందెజి అప్పొణిజ్ అసి వారు రివిర్ అవిండ ఉండ్రె ఒడోలె అన మంజినారె. అందెజి దేవుణు జత కుడుప్పి వరిజ్ లోకుర్ కేట కిడెజ్ అవిడ ఇజి దేవుణు మాటదు రాన్సి మన్నిక మీరు ఎనెజ్బా సద్విఇతిదెరా?”, ఇజి వరిజ్ వెన్బాతారె.

7 వారు వన్నిజ్, అక్కు అయాలెకెండ మహిజ, ఒరెన్ వన్ని అల్విజ్ డిస్టెజ్ ఇహిజ, ఉండ్రె విడ్డిజ్ ఆకు రాసి సీజి దనిజ్ డిస్టెజ్ అనాద్ ఇజి మోనె ఎండనిజ్ అడ్డ సితాన్?”, ఇజి వెన్బాతారె.

8 యేసు వరిజ్, “మిజి సన్నా కటిసమతి మన్ను మహిజ్, మోసె అయ లెకెండ సెలవ సితాన్ గాని ముజాహాన్ అసి అయ లెకెండ జర్పివితాద్.

9 రంకు బూలాతిజానె తప్ప మరి ఇనిదని వందిజ్బా ఒరెన్ వన్ని అల్విజ్ డిసి మరి ఉండ్రె దనిజ్ ఇడె అతిజి వాండ్రు దనివెట రంకు బూలానికాన్ అజినాన్ ఇజి నాసు మిజి వెహ్సాన్”, ఇజి వెహ్సాన్.

10 వన్ని సిసూర్ వన్నిజ్, “అల్వి మూసెర్ నడిఃమి సజతిజ్ యాలెకెండ మనాద్ ఇహిజ, పెద్ది అవిండ మంజనికాద్ నెగెద్”, ఇజి వన్నిజ్ వెహ్సాన్.

11 యేసు వరిజ్, “మీరు వెహ్సా మాట విజెరె అన్విజ్ అట్విద్, గాని దేవుణు ఎయెరిజ్ అయ లెకెండ సితాండ్రె వారె కిడెజ్ అట్నారె.

12 నెగొండాల్ అండెరెజ్* లెకెండెనె అయెసి పొటాదాన్ పుట్నారె. నెగొండాల్ లోకుర్ అండెరెజ్ లెకెండ కిజినారె. మరి నెగొండాల్ దేవుణు ఏలుబడిః వందిజ్ పెద్ది అవిండ వరిజ్ వారె అండెరెజ్ అజి మంజినారె.

13 సన్వివలె యేసు కికు ఇడ్డి పార్లనం కదిజ్ ఇజి నెగొండాల్ ఇజిరి కొడోరిజ్ వన్ని డగ్రు తత్తారె. వన్ని సిసూర్ కొడోరిజ్ తత్తి వరిజ్ జటిజ్ అజి గోల కితాన్.

14 గాని యేసు, “యా ఇజిరి కొడోరిజ్ నా డగ్రు రపీర్, వరిజ్ అడ్డు కిమాట్. దేవుణు ఏలుబడిః కినిక నినివరిదినె”, ఇజి వరిజ్ వెహ్సాన్.

15 వరి మున్ను కికు ఇడ్డి పార్లనం కితి వెనుక వాండ్రు అప్పొణిజ్ సాహాన్.

అన్వి మని దజడాయెన్.

16 ఇదిలో, ఒరెన్యేసు డగ్రు వాతండ్రె, “ఓ బోదకినికె, దేవుణు వెట ఎలాకాలం మంజని బత్తుదు నాసు మండ్రెజ్ ఇహిజ నాసు ఇని నెగ్గి పణిజ్ కిడిజ్”, ఇజి వన్నిజ్ వెన్బాతారె.

17 యేసు వన్నిజ్, “నెగ్గి పణిజి వందిజ్ ఎండనిజ్ నీను సజి వెన్బాజిని? నెగ్గికాన్ దేవుణు ఒరెండ్రె మనాన్. దేవుణు ఎలాకాలం మంజని బత్తుదు నీను మండ్రెజ్ ఇహిజ, దేవుణు సీతి అడ్డెజ్ లోజిజి మన్అ”, ఇజి వెహ్సాన్.

18 వాండ్రు, “ఇని అడ్డెజ్?”, ఇజి వన్నిజ్ వెన్బాతిజ్ యేసు వన్నిజ్, “సవ్తజ్ అవిద్, రంకు బూలాదెజ్ అవిద్, డోజి కిమా, అబద్దమదిజ్ సాన్యం వెహ్సాన్.

19 అయెన్ అప్పొసిరిజ్ గవరమదాన్ నెగెజ్ నుడోఅ.* మరి నీను నిజి ప్రేమిసినిలెకెండ మహివరిజ్ ప్రేమిన్అ**”, ఇజి వెహ్సాన్.

20 అందెజి అయ దజడాయెన్, “యాకెజ్ విజా నాసు కిజినె మంజిన. మరి ఇనిక సజి తకు మనాద్?”, ఇజి వెహ్సాన్.

21 యేసు వన్నిజ్, “నీను పూర్తి నెగ్గికి అడెజ్ కోరితిజ, నీను సాన్సి నిజి కల్లితి మనికెజ్ విజా పొర్ని, బీదాతివరిజ్ సీబాజి సీఅ. అహా కితిజి పరలోకామదు నిజి అన్వి కల్లిజి మంజినాద్. వెనుక నావెట రఅ”, ఇజి వెహ్సాన్.

22 అయ దజడాయెన్ నండ్రె అన్వి కల్లిజి మనికాన్ కాక అయ మాట విహండ్రె ఇజిరి మొకొ అతాండ్రె సాహాన్.

23 సన్వివలె వన్ని సిసూర్జి నుడోజి, యేసు”, అన్వి మన్నికాన్ దేవుణు కిని ఏలు బడిఃదు సాండ్రెజ్ గొప్ప కష్టం ఇజి నాసు మిజి నిజం వెహ్సాన్.

24 మరి నాసు మిజి వెహ్సాక ఇనిక ఇహిజ, అన్వి మనికాన్ దేవుణు ఏలుబడిఃదు సాని దనిజ్ ఇంక, ఒంటె దోపానం బోదాన్ డుఃగ్నిక సులు అనాద్”, ఇజి వెహ్సాన్.

25 సిసూర్ యా మాట విహారె నండ్రె బమ్మ అతారె, “దేవుణు రక్కిన్తి లెకెండ ఎయెన్ మండ్రెజ్ అట్నారె?”, ఇజి వెహ్సాన్.

26 యేసు వరిజ్ నుడోజి, “యాకె లోకాజ్ అట్ఇకాదె, గాని దేవుణు విజా కిడెజ్ అట్నారె”, ఇజి వెహ్సాన్.

27 పేతురు వన్నిజ్ నుడోజి, “ఇదిలో మాపు విజా డిస్టాం నీ వెట వాజినావ్, మజి ఇనిక దోహాక్కాద్లు?”, ఇజి వెన్బాతారె.

28 యేసు వరిజ్, “యా లోకం మరి కొత్తాక అనివెలె లోకు మరిని అతి నాసు గొప్ప జాయమని గొప్ప సింహాసనమదు బసి ఇస్రాయెలుది వన్నెండు తగ్గతివరిజ్ తీర్పు తీర్పివెలె, నా వెనుక వాతి మీరుబా, నావెట వన్నెండు గొప్ప సింహాసనమకాజ్ బసి వరిజ్ తీర్పు కినిదెరెలె.

29 మరి ఎయెరెబా నా వందిజ్ వరి ఇల్లుజోల్లు, అన్నతంబెరిజి, బీబి తజినికజ్బా, అయెన్ అప్పొసిరిజ్బా, బూమిపుట, కొడోకెక్కరిజ్బా డిస్టెజ్ సీతిజి నినివరిజ్ యాకెజ్ వంద వందుజ్ దోహాక్సె. దన్నివెట ఎలాకాలం మంజనిబత్తుబా దోహాక్సాద్.

* 19:4 19:4 అది 1:27. * 19:5 19:5 అది 2:24. * 19:12 19:12 అండెర ఇహిజ వాండ్రు కొడో ఇడ్డెజ్ అట్ఇకాన్. * 19:19 19:19 నిధ్దుమ 20:12-16; డ్వితి 5:16-20. * 19:19 19:19 తీవి 19:18.

20

ద్రాసటోటాదు పణికినికార్

1 “దేవుణు ఏలుబడిః కినిక ఇహిజ, వన్ని ద్రాసటోటాదు పణికిదెజ్ పణికిని వరిజ్ కూకైజ్ పెందాల నిజ్జెజ్ వెల్లి సొన్ని మహి ఉండ్రి టోట యెజమానిజ్ పోలిత మనాదె.

2 ఉండ్రి రోజు పణిదిజ్ ఉండ్రి దినారం* కూలి సీన ఇజి బపుకొటాండ్రి, వన్ని ద్రాక్కు టోటాదు పణి కిదెజ్ వరిజ్ పోక్తాన్.

3 వెనుక అంబెలి వేలాదు వాండ్రు వెల్లి సొహివలె సత్తాదు ఇని పణి సిల్లెండ్ నిహిమని సెగెండానిజ్ సుడఃతాన్.

4 వాండ్రు వరిజ్, “మీరుబా నా ద్రాక్కుటోటాదు పణిదిజ్ సొండ్రు, మిజి సరియాని కూలి సీన”, ఇజి వెప్తాన్.

5 వారు సొహో. మరి వాండ్రు పన్నెండు గంటజి, మూండ్రి గంటజిబా ఆహా కితాన్.

6 మరి అయ్యదు గంటజి సొహిజ్ మరి సెగెండానికాలి నిహిమనివరిజ్ సుడఃతాన్. వాండ్రు వరిజ్, “యా దినం విజు ఎందనిజ్ మీరు ఇట్టె సెడ్డిఃని నిహిమహిదె?””, ఇజి వెన్బాతాన్.

7 వారు వన్నిజ్, “ఎయెరబా ఇని పణిదిజ్ బా మజి కూకవితార్, అందెజె”, ఇజి వెప్తాన్. వాండ్రు వరిజ్ “మీరుబా నా ద్రాస టోటాదు పణిదిజ్ సొండ్రు”, ఇజి వెప్తాన్.

8 పొదు అతివెలి అయ ద్రాస టోట ఎజమాని పణి సూణి వన్నిజ్ కూక్తాండ్రి, “పణికినివరిజ్ కూక్కి, కడఃవేరి వాతివరిబాణిజ్ మొదొల్లి ముందాల వాతికార్ దాక వరిజ్ కూలి సీఅ”, ఇజి వెప్తాన్.

9 పొద్దు డిగ్గివలె పణిదిజ్ వాతివరిజ్ ఒరెన్ ఒరెన్ వన్నిజ్ ఉండ్రి దినారం కూలి దొహక్తాన్.

10 ముందాల వాతికార్ మజి లావ్ దొహక్తె, ఇజి ఒడఃబితార్ గాని వరిజ్ బా ప్రతి ఒరెన్ వన్నిజ్ ఉండ్రి దినారమ్నె కూలి దొహక్తాన్.

11 అయాక దొహక్తెవెలి వారు టోట ఎజమానిజ్ ఎద్దు మొరె ఆతార్.

12 వారు, “కడఃవెరిదు వాతికార్ ఉండ్రి గంటనె పణి కితార్ గాని వెలార్ కన్బబడఃజి విజు పణి కితిమని మజి ఎందనిజ్ నీను వరిజ్ సమానం కితి?”, ఇజి వెన్బాతార్.

13 వాండ్రు వరి లోజ ఒరెన్ వన్నిజ్, “బయి, నాను మిజి ఇని అనియం కివిత. ఉండ్రి దినారమ్దిజ్ పణి కిన్ ఇజి మీరు బపుకొటిదెరె గదె?”

14 మీ కూలి అసి మీరు సొండ్రు. మిజి సీతి లెకెండ్ కడఃవెరిదు వాతివన్నిజ్ బా సీదెజ్ నజి ఇస్సం ఆతాన్.

15 నా డబుదాన్ నజి ఇస్సం వాతి లెకెండ్ కిదెజ్ నజి అక్కు సెలెదా? నాను వరిజ్ ఒదరిసి సీతి వందెజ్ నీను గోస ఆజనిదెరె?”, ఇజి వెన్బాతాన్.

16 అయా లెకెండ్ నె కడఃవెరిదికార్ ఇజి ఒడఃబిజినికార్ మొదొహికార్ ఆనార్, ముందాహికార్ ఇజి ఒడఃబినికార్ కడఃవెరిదికార్ ఆనార్.”

యేసు వన్ని సొపు వందెజ్ మరి వెహ్నినాన్.

17 యేసు యెరూసలేమ్దు సొన్ని మహివలె, వాండ్రు వన్ని పన్నెండు మణిసిరి సిసురిజ్ ఉండ్రి పడఃకాదు కూక్ బతాండ్రి వరిజ్ ఈహు వెప్తాన్.

18 ఇదిలో మాటు యెరూసలేమ్దు సొన్నినాల్. అట్టె లోకుమరిసి అతి నాను వెరి పుజెరిజి, యూదురి రూలుజ్ నెస్సిన్ని వరిజ్ ఒపజెమె ఆనాలె. వారు నజి సొపుదిజ్ సిక్కు సీనారలె.

19 మరి వారు నజి వెక్సెన్సి, కొరెడఃబాణిజ్ డెయెజి, సీలువ పోక్తెజ్ యూదురు ఆజ వరిజ్ ఒపజెప్పారలె. మూండ్రి రోస్కాజ్ నాను మరజి నిక్కాన్లె.”

20 నస్తివలె జెబెదెయ మరిసిరి అయ్నీ వరి వెట యేసు డగ్రు వాతాదె ముజుకుజ్ ఊరిజి మాడిసిన్, “సాయం కీఅ”, ఇజి వెప్తాన్.

21 “నీను ఇనిక కోరిజిని?”, ఇజి వాండ్రు వెప్తాన్. అందెజె అది, “నీను రాజు వజి ఏలుబడిః కినివెలి, యా నా రిఎరమరిసీర్ ఒరెన్ నీ ఉణెర్ పడఃకాదుని ఒరెన్ నీ డేలు పడఃకాదు బని మండ్రిజ్ ఇజి నాను కోరిజిన్”, ఇజి వెప్తాన్.

22 యేసు, “నీను ఇనిక వెన్బాజినాదొ ఇజి నిజి తెలివిద్”, ఇజి వెప్తాండ్రి వరిజ్, “నాను ఉండెజ్ మని గినాదిక ఉండెజ్ మీరు అజ్నిదెరా?”, ఇజి వెప్తాన్. వారు, “మామ్ ఉండెజ్ అబ్బూమ్”, ఇజి వెప్తాన్.

23 యేసు వరిజ్, “తవ్వందె నాను ఉణి గినాదిక మీరు ఉణిదెరె, గాని నా ఉణెర్ పడఃకాదుని డేలు పడఃకాదు బని కిబిస్సిక్ నా కీదు సీల్లెద్, నా బుబ్బ కియదాన్ ఎయెరిజ్ తయార్ కిత మనాండ్రి వరిజ్ అక్కిజ్ దొహక్కు”, ఇజి వెప్తాన్.

24 మహి పది మన్నిర్ సీసూర్ వరి అయ్నీ యేసుజ్ లొస్తి అయ మాట విహారి రిపెర్ ముస్సు కోపం ఆతార్.

25 యేసు వరిజ్ విజెరిజ్ కూక్తాండ్రి వరిజ్, “యూదురు ఆజవరి రాజుర్ వరి లోకుర్ ముస్సు అతికారమ్దాన్ ముజినార్. వరి వెరి అదికారిబు వరిజ్ మని అతికారమ్దాన్ లోకురిజ్ అణాను తిగిజనార్ ఇజి మీరు నెస్సిదెరె గదె?”

26 గాని మీరు వారు లెకెండ్ మండ్రిజ్ ఆదె. గాని మీ లోజ ఎయెరబా వెరికాన్ ఆదెజ్ ఇహిజ, వాండ్రు మిజి పణిమన్ని ఆదెజ్ వెలి.

27 మరి ఎయెరబా విజెరె ముస్సు వెరికాన్ ఆదెజ్ ఇజి కోరిజినికాన్, వాండ్రు మిజి విజెరిజ్ వెటి పణికి వనిలెకెండ్ ఆజి మండ్రిజ్.

28 ఎలాగ ఇహిజ లోకు మరిసి అతి నాను, విజెరె నజి పణి కిపిరెజి నాను రెవితా, గాని పణి కిదెజె వాత మన్ను. మరి నండ్రిందారిజ్ బతెక్సెజ్, వరిజ్ విడుఃదల కిదెజ్ వరి వందెజ్ నా పాణం సీదెజె నాను వాత మన్”, ఇజి వెప్తాన్.

గుడిఃదికార్ సుడఃజినికార్

* 20:2 20:2 అయ కాలమ్దు ఉండ్రి రోజు పణిదిజ్ కూలి ఉండ్రి దినారం మహిజ్.

- 29 యేసుని వచ్చి సినూరయొరికో పట్టుమీదానిసొన్ని మహిజ్, నండో లోకుర్ వచ్చి వెనుక సొహార్.
- 30 ఇదిలో సరిపడకాదు బస్సిమని రివిర్ గుడ్డిదికార్, యేసు అయా సరిదాన్ సొన్నినాన్ ఇజ వెహరి, “ప్రబువా, దావీదు మరిసి, మా మున్ను కనికారం తోరినఅ”, ఇజ డేలిసి వెహ్కార్.
- 31 లోకుర్ వరిజ్” పలక మండ్రు’ ఇజ గొల కిత్తార్. గాని వారు, “ప్రబువా, దావీదు మరిసి మా మున్ను కనికారం ఆఅ”, ఇజ మరి ఒది డేల్లి వెహ్కార్.
- 32 యేసు నిహండ్రె వరిజ్ కూక్తాన్. “నాను మిజి ఇనిక కిదెజ్ ఇజ మీరు కోరిజనిదిరె?”, ఇజ వరిజ్ వెన్బాతాన్.
- 33 “ప్రబువా మా కణ్ణు నూణి లెకెండకిఅ”, ఇజ వారు వెహ్కార్.
- 34 యేసు పరి మున్ను కనికారం ఆతాండ్రె పరి కణకాజ్ ముట్టాన్. వెటని వారు నుడెడిజ్ అట్టారి వచ్చి వెట సొహార్.

21

ఓనన్న

- 1-2 వారు యెరూసలేము అందిని ముంజాల, ఒలివ మరెక్ మని గొరొన్ మున్ను మని బెత్పాగ ఇని నాటో వాతార్. వాతిజ్ యేసు వచ్చి సినూర రివిరిజ్ కూక్తాండ్రె ఈసు వెహ్కాన్. “మీ ఎత్తు మని నాటో సొండ్రు. అందితిజ సరి, తోహ్తి మచ్చి ఉండ్రీ గాడెడిజ్ దనివెట మని గాడెడి పిలాదిజ్ మారు నూణిదిరె. వనకాజ్ కుత్తి నా డగ్రు వేరజి తగాజ్.
- 3 ఎయెనబా మిజి ఇనికబా వెన్బాతిజ వన్నాజ్ ప్రబుజ్ కావాలి ఇజ వచ్చిజ్ వెహ్కారు. వెటని వాండ్రు వనకాజ్ మీ వెట పోక్తార్.”
- 4-5 “ఇదిలోన్ గాడెది మున్ను ఎక్కి, సారీలిదాన్ నీ రాజు వాజినాన్. గాడెది పిల్ల ఆతి ఇజరి గాడెది మున్ను ఎక్తాండ్రె, నీ డగ్రు వాజినాన్ ఇజ సీయోను గాల్చి* ఆతి దనిజ్ వెహ్కారు”, ఇజ దేవుణు ప్రవక్తవెట† దేవుణు ముజాల వర్గితి మాటెజ్ పూర్తి ఆదెజ్ యాకెజ్ జరిగితె.
- 6 యేసు వరిజ్ వెహ్తి వజని సినూర సొహారి కిత్తార్.
- 7 వారు గాడెది దని పిలదిజ్ తత్తార్. వన్నాజ్ మున్ను వరి సారీలెజ్ పహ్తిజ్, యేసు దని మున్ను బస్తాన్.
- 8 నండోడార్ పరి సొల్లెజ్ సరి అందు పహ్కార్. మరి నండోడార్ మరెకాణి కొమెజ్ కత్తి సరి అందు పహ్కార్.
- 9 మంద లోకుర్ వచ్చి ముందాల సొన్ని మహికార్, వచ్చి వెనుక వాజ మహికార్, “దావీదు మరిసిజ్ ఓనన్న! ప్రబు సిత్తి ఆతికారమదాన్ వాజినికాన్ పొగెడి అనికాన్ పరలోకామీదు దేవుణుదిజ్ ఓనన్న”, ఇజ వారు డేల్లి మహార్.
- 10 యేసు యెరూసలేం పట్టుమీదు వాతిజ్, లోకుర్ విజిరె “వాండ్రు ఎయెన్?”, ఇజ బమ్మ ఆతారి ఒరిన్ మరి ఒరిన్ వెట వర్గిజి మహార్.
- 11 “వీండ్రు గలీలయదు మన్ను నజరేతు ఇని నాటోణి ప్రవక్త ఆతి యేసు”, ఇజ వచ్చి వెట మహి అయ మంద లోకుర్ వెహ్కార్.

యేసు దేవుణు గుడిడు సొన్నినాన్.

- 12 యేసు దేవుణు గుడి లోణ సొహండ్రె, అబ్బి గుడి అరబుదు మహి కోణి వరిజ్ పొర్ని వరిజ్ విజిరిజ్ వెల్లి పోక్తాన్. డబ్బు మారిసిని పరి బల్లెజ్ ని పావుర పొటిజ పొర్నివరి పిటిజ్ మహ్తా విసిరెతాన్.
- 13 వాండ్రు వరిజ్, “నా ఇలు పొర్లనం కిని ఇలు ఇజ కూకె ఆనాదిలె,‡ ఇజ దేవుణు మాటదు రాస్తా మనాద్ గాని మీరు దనిజ్ డోజారిజ సాలం* లెకెండ కితి మనిదిరె”, ఇజ వెహ్కాన్.
- 14 గుడ్డిదికార్, సొటాదికార్ దేవుణు గుడిడు వచ్చి డగ్రు వాతిజ్ వాండ్రు వరిజ్ నగెండ కిత్తాన్.
- 15 గాని వాండ్రు కితి బమ్మాతి పణిజ నుడెజి, దేవుణు గుడి అరబుదు మని కొడోరె, “దావీదు మరిసిజ్ ఓనన్న”, ఇజ డేల్లినిక విహారి, వెరి పుజిరిబుని, యూదురి రూలుజ్ నెన్నెస్సికార్ నండో కోవం ఆతారి.
- 16 వారు వచ్చిజ్, “యా కొడోరెవెహ్కానిక ఇనిక ఇజ నీను వెంజినిదా?”, ఇజ వెన్బాతాన్. యేసు వరిజ్, “ఓ వెంజిని, కొడోరెని ఇజరి కొడోరి వెయుదాన్ నీను పొగెడిజిని మాటెజ్ తయారీ కితి మచ్చి”* ఇజ దేవుణు మాటదు రాస్తా మనిక మీరు ఎనిజ్బా నద్విఇతిదిరా?”, ఇజ వెహ్కాన్.
- 17 వాండ్రు వరిజ్డిసిని పట్టుమదాన్ వెల్లి సొహండ్రె బెతానియ ఇని నాటో సొన్ని అయ రయ్యు అబ్బు మహాన్.

బోడెమరాన్ వచ్చినాద్

- 18 పెందల వాండ్రు మరెజి పట్టుమీదు సొన్ని మహిజ్ వచ్చిజ్ బజ కట్టాద్.
- 19 సరి పడకాదు మని ఉండ్రీ బోడెమరాన్ నుడెజి, మరాన్ డగ్రు వాతండ్రె నుడెతిజ్ ఆకుజ్ తప్పు మరి ఇనికెజ్ తోరెఉతె. వాండ్రు దనిజ్ నుడెజి, “మరి ఎనిజ్బా నీను కాయెజ్ అనిఇలె”, ఇజ వెహ్కాన్. వెటని బోడెమరాన్ వహ్తా సొహాద్.
- 20 సినూర అక్కు నుడెతారి బమ్మ ఆతారి, “నిస్సా బేగి బోడెమరాన్ ఎలాగ వహ్తా సొహాద్?”, ఇజ వారు వర్గితార్.
- 21 యేసు వరిజ్, “నాను మిజి నిజం వెహ్కాన్, మిజి నమకం మంజి, మీ లోణ అనుమానం సిల్లెండ మహిజ, యా బోడెమరానిదిజ్ కితికది ఆంపడ, యా గొరితిజ్ నుడెజి”, నీను ఇబ్బిణిజ్ పెరె ఆజి నమదారమీదు సొన్ని అరెఅ” ఇజ వెహ్కాజి అయవజని జగ్గినాద్లె.
- 22 మిజి నమకం మహిజ మీరు పొర్లనం కిజ ఇనిక లోన్సిదిరె, అయక మిజి దోహ్కాద్లె”, ఇజ వెహ్కాన్.

* 21:4-5 21:4-5 యెరూసలేం పట్టుమీదిజ్ నియోను పట్టు ఇజబా పేరు మహాద్ ఎందానిజ్ ఇహిజ అయ పట్టు సీయోను గొరొన్ మున్ను తోహ్తి మహాద్. అమదిజె నియోను గాల్చి ఇజ వెహ్కావలె యెరూసలేం పట్టుమీది వరిజ్ గుర్తు కిజ వెహ్కామహార్ వారు ఇహిజ ఇస్రాయేలు లోకుర్ గుర్తు. † 21:4-5 21:4-5 జెకరి 9:9.
 † 21:9 21:9 అరామియ బాసాదు ఒనన్న ఇని మాటదిజ్ మజి ఏలు రక్తిన్ అ ఇజ అర్థం మనాద్. గాని లోకుర్ పొగెడిజె మరి ఎయెనబా వెరికాన్ వానివలె వరిజ్ కాక్కి ఒనిలెకెండెహ వెహ్కామహార్. * 21:13 21:13 యెసయ 56:7. † 21:13 21:13 యిర్మియా 7:11. * 21:16 21:16 కిర్వన 8:2.

23 యేసు దేవుణు గుడిఁడు సొహాండ్రె గుడిఁ అరబుదు బోదకిజి మహివలె, వెరి పుజెరిబుని లోకుర పెద్దెల్లెజ వన్ని డగ్రు వాతారె, “ఇని అతికారమదాన్ మీను యా పణిజ్ కిజిని? ఎయెర్ నిజి యా అతికారం సిత మనార?” , ఇజి వన్నిజ్ వన్బాతారె.

24 యేసు వరిజ్, “నానుబా మిజి ఉండ్రె మూట వెన్బాన్. అయాక మీరు నజి వెహ్తాజ ఇని అతికారమదాన్ నాను యా పణిజ్ కిజిన్ ఇజి నానుబా మిజి వెహ్తాన్.

25 బాప్తీసం సీని యోహానుజ్, బాప్తీసం సీదెజ్ మని అతికారం ఎంబెణిజ్ వాతాద్ దేవుణుబాణిజ్ నా, సిల్లిజి లోకుర బాణిజ్ నా?”, ఇజి యేసు వరిజ్ వెన్బాతాన్. “దేవుణుబాణిజ్ వాతాద్” ఇజి మాటు వెహ్తాజ, మరి ఎందానిజ్ మీరు వన్నిజ్ నమ్మిఇతిదెర్? ఇజి మిజి వెన్బానాన్.

26 గాని, యోహాను ఒరెన్ దేవుణు ప్రవక్త ఇజి లోకుర విజెరె నమిజినార. అందెజి లోకుర బాణిజ్ వాతాద్” ఇజి వెహ్తాజ్ మిజి తియెల్సె, ఇజి వరి లోఇ వారె వర్తితారె.

27 అందెజి వారు, “మిజి తెలివిద్”, ఇజి యేసుజ్ మరజి వెహ్తారె. నస్తివలె వాండ్రు, “ఇని అతికారమదాన్ యా పణిజ్ కిజిన్ ఇజి నానుబా మిజి వెహ్తాన్”, ఇజి వరిజ్ వెహ్తాన్.

రిఎర్ మరిసీర్ కత

28 “దిన్నివందిజ్ మీరు ఇనిక బడెబిజినిదెర్? ఒరెన్వన్నిజ్ రిఎర్ మరిసీర్ మహారె. వాండ్రు వెరిపన్ని డగ్రు సొహాండ్రె, “మరిన్, నేండ్రు నీను ద్రాక్ బోటాదు సొన్ని పణి కిఅ”, ఇజి వెహ్తాన్.

29 వాండ్రు, “నాను సొన్వె, ఇజి మరజి వెహ్తాన్. గాని వెనుక మన్ను మారిస్తాండ్రె సొహాన్.

30 నస్తివలె అప్పాని, కొర్మరిసి డగ్రు సొహాండ్రె అయా వజనె వెహ్తాన్. వాండ్రు, ఒబా, నాను సొన్”, ఇజి వెహ్తాన్ గాని సొన్వెతాన్.

31 “యా రిఎర్ మరిసీర్ లోఇ అప్పాని వెహ్తా వజి కితికాన్ ఎయెన్?” , ఇజి యేసు వరిజ్ వెన్బాతాన్. వారు, “పెరికాండ్రె”, ఇజి వెహ్తారె. యేసు వరిజ్ “పన్ను వెరినికారన్ సానిదికెజ్ మిజి ఇంక ముజాల దేవుణు కిని ఏలుబడిఁడు సొనారలె ఇజి నాను మిజి నిజం వెహ్తాన్.

32 ఎందనిజ్ ఇహిజ యోహాను వాతాండ్రె, నీతి నిజాయ్దాన్ బల్లిదెజ్ ఇజి మిజి సరి తోస్సాన్ గాని మీరు వన్నిజ్ నమిఇతిదెర్. పన్ను పెర్నికారన్ సానిదికెజ్ వన్నిజ్ నమ్మితారె. అయాకెజ్ సుడెతిజ్ బా మీరు మన్ను మరిసి మీరు కితి తప్పుజ్ బప్పుకొడిజి డిఁసి సీజి వన్నిజ్ నమిఇతిదెర్”, ఇజి వెహ్తాన్.

పాలి సీతి బోట కత

33 “మరి ఉండ్రె కత విండ్రు. బూమి మనికాన్ ఒరెన్ ఉండ్రె ద్రాసబోట ఉణుస్తాన్. దని సుటులం కోట తోహ్తాన్. ద్రాక్ పట్టు రసం లాగిదెజ్ ఉండ్రె గానుగు తయారె కిబిస్తాన్. కావ్కిదెజ్ ఉండ్రె ఎత్తుమని ఇలుబా తయారె కితాన్. వెనుక అయ ద్రాక్ బోట నెగెండారె రయతురిజ్ పాలిదిజ్ సీతాండ్రె పయనం కిజి మరి ఉండ్రె దేసం సొహాన్.

34 పట్టు వండ్లి కాలమదు వన్ని వంతుజ్ లొస్తెజ్ ఇజి వన్ని పణి మన్నిరిజ్ పాలి అస్తి మని వరి డగ్రు పోక్తాన్.

35 పాలి అస్తిమనికారె వన్ని పణి మన్నిరిజ్ అస్తారె ఒరెన్ వన్నిజ్ డెయెతారె, ఒరెన్ వన్నిజ్ సప్తారె, మరి ఒరెన్ వన్నిజ్ పణికాణిజ్ డెయెతారె.

36 మరి, వాండ్రు ముజాల పోక్తివరిజ్ ఇంక నండెండారె పణిమన్నిరిజ్ పోక్తాన్. వరిజ్బా పాలి అస్తిమనికారె అయావజనె కితారె.

37 “నా మరినిజ్ పోక్తిజి వన్నిజ్ వారు గవరం సీనారలె”, ఇజి వెహ్తాండ్రె కడెవెరిదు వన్ని మరినిజ్ వరి డగ్రు పోక్తాన్.

38-39 గాని పాలి అస్తిమనికారె మరినిజ్ సుడెతారె, “విండ్రు యా తోటాదిజ్ అకు మనికాన్, రదు, మాటు వినిజ్నప్పి యా బోట మా సొంతదిక కినాట్”, ఇజి వన్నిజ్ అసి ద్రాక్ తోటదిజ్ వెల్లి విసిరెతారె వన్నిజ్ సప్తారె.

40 అందెజి అయా ద్రాస బోట ఎజుమాని వానివలె అయ పాలి అస్తిమనివరిజ్ ఇనిక కినాన్? ఇజి వెన్బాతాన్.

41 “అయా సెఇవరిజ్ నండె కటిసమతి సావుదాన్ సప్పాన్. మరి పట్టు వండ్లి కాలమదు వన్నిజ్ సరియాతి వందుజ్ సీని రెయ్యురిజ్ ద్రాస బోట పాలిదిజ్ సీనాన్”, ఇజి వారు వెహ్తారె.

42 యేసు వరిజ్, “ ఇలు తోహ్తాకారె నెక్తి పోక్తి పణుకునె, మూలాదిజ్ బుర్ర పణుకు అత మనాద్. యాక దేవుణు కీదాన్ జర్గితిక. యాక మా కణెజి బమ్మాతిక”, ఇజి దేవుణు మాటదు రాస్తి మనిక మీరు ఎనిజ్బా నద్విఇతిదెరా?”.

43 అందెజి దేవుణు ఏలుబడిఁ కినిక మీ నడిఁమిహాన్ లాగ్ దనిజ్ తగితి పట్టు సీని వరిజ్ సీనాన్”, ఇజి నాను మిజి వెహ్తాన్.

44 ఎయెన్బా యా పణుకు మున్ను అర్లిజి వాండ్రు ముకెజ్ ఆనాన్. యా పణుకు ఎయెన్ మున్ను అర్నాదొ వాండ్రు గుండ ఆనాన్”, ఇజి యేసు కత వెహ్తాన్ విజితాన్.

45 యేసు వెహ్తా కతెజ్ విహారె వెరి పుజెరిబుని పరిసయెరు, వరి వందిజి వాండ్రు వెహ్తా మనాన్ ఇజి అర్లం కితారె.

46 వారు వన్నిజ్ కయెదు కిదెజ్ ఉండ్రె ఉపాయ సుడెతారె గాని లోకుర విజెరె వన్నిజ్ ఒరెన్ ప్రవక్త ఇజి నమ్మితి వందిజ్ లోకురిజ్ తియెలాతారె.

22

పెండ్లివిందు

1 యేసు మరి కతవజి వరిజ్ వెహ్తాన్

2 “దేవుణు కిని ఏలుబడిఁ ఇహిజి వన్ని మరిసి పెండ్లిదిజ్ విందు తయారె కితిమని ఒరెన్ రాజుజ్ పోలిత మనాద్.

3 పెండ్లి విందుదిజ్ రదు ఇజి ముజాల వెహ్తా మహివరిజ్ కూక్కి తగాట్ ఇజి వాండ్రు వన్ని పణిమన్నిరిజ్ వరి డగ్రు పోక్తాన్. గాని వాదిజ్ ఒవివెతారె.

4 నన్నీవలె వాండ్లు మరి నెగొండారో పణిమన్నురిజ్ బా పోక్తాండ్రె, “పెండ్లి విందుదిజ్ రదు”, ఇజి ముజాల వెప్తిమహివరిజ్, “నాను కోడ్లిజ్, బలన్తి వడెజ్ ఒహాపిసి విజు తయారో కిత మన. పెండ్లి విందుదిజ్ మీరు రదు ఇజి వరిజ్ వెప్తు”, ఇజి వరిజ్ వెప్తోన్.

5 వారు పణిమన్నురి వెప్తి మాటదిజ్ కండెకబా అన్యం కివిండ, ఒరెన్ వన్ను మడిజు సాహాన్ మరి ఒరెన్ వన్ను బేరమదిజ్ సాహాన్.

6 మహికారో వన్ను పణిమన్నురిజ్ అస్తారె మర్యాద లాగ్లి సప్తారె.

7 అయి రాజు నండో కోపం అతాండ్రె వన్ను నయనమదిజ్ పోక్తి వన్ను పణిమన్నురిజ్ సప్తివరిజ్ కతిస్తాండ్రె, వరి పట్టుమదిజ్ సినుదాన్ ముటిస్తాన్.

8 వెనక వాండ్లు పెండ్లి విందు తయారో అత మనాద, వన్ను పణి మన్నురిజ్, “గాని ముజాల పెండ్లి విందుదిజ్ కూకెఅతి మహికారో విందుదిజ్ వాదెజ్ తగ్గికారో అవిరె.

9 మీరు రస్త సహాకాజ్ సాన్సి మిజి తోరినివరిజ్ విజెరిజ్” విందుదిజ్ రదు” ఇజి కూక్తు”, ఇజి వెప్తోన్.

10 అయి పణిమన్నురి రస్త సహాకాజ్ సాహారో వరిజ్ తోరితి నెగ్గివరిజ్, నెఇవరిజ్ కుడుప్పి, వరిజ్ తత్తెజ్ అట్టివరిజ్ విజెరిజ్ తత్తారె. పెండ్లి విందు సముడ నిండ్రితాదె.

11 నన్నీవలె పెండ్లి విందుదిజ్ వాతివరిజ్ నుడెదెజ్ రాజు వాతాన్. పెండ్లిసాక్కు తోడుగివిండ పెండ్లి విందుదిజ్ అబ్బె బస్తిమని ఒరెన్ వన్నుజ్ నుడెతాన్.

12 రాజు వన్నుజ్, “ఓ, కూలాయెన్, పెండ్లిసాక్కు తోడుగివిండ నీను ఎలాగ లోఇ వాతి?”, ఇజివెన్బాతాన్. వాండ్లు వర్గివిండ అలేత మహాన్.

13 నన్నీవలె రాజు, “వినిజ్ కిక్కుకాల్కు తోప్పొ వెల్లి దూరమ మన్ను సీకటి బాడిమ విసీరెదు. అబ్బె వాండ్లు ఎలాకాలం అడెబాజి, పల్కు కోహాక్తిక మంజనాన్”, ఇజి వన్ను పణి మన్నురిజ్ వెప్తోన్.

14 “కూకె అతికారో నండెండారో గాని, ఎర్రె అతికారో కోకెండారె.”

కయినరిజ్ పను సీని వందిజ్

15 నన్నీవలె పరిసయరు వెల్లి సాన్సి వాండ్లువర్గిని మాటదాన్ యేనుజ్ తప్ప అస్తెజి ఇజి కుట్లు అజి మహారె.

16 వారు వరి సిసారెజ్, హేరోదియరు* జుబుదివరివెటె యేను డగ్గు పోక్తారె. వారు సాన్సి, “బోదె కినికి, నీను, మన్ను కద్దివిండ దేవుణు సరివందిజ్ నిజమనాద బోదిసిని నెగ్గికి ఇజి మాపు నెసాన్వ. నీను లోకురి ఎలాగ మర్తికారో ఇజి మొకె నుడెజి వరిజ్ సర్త కిబిస్తెజ్ ఇజి వర్గినికి అఇ.

17 అహిజు కయినరుజ్ పను సీనిక నాయమా? నీను ఇనిక ఒడెబిజిని? మిజి వెవోఅ”, ఇజి వన్నుజ్ వెప్తోన్.

18 యేను వరి నెఇ బుబ్బదిజ్ నెస్తాండ్రె, “వేసం కినికిదేరా! ఎండనిజ్ నాను వహ్మో మాటదాన్ నజి అస్తెజి నుడెజినిదెరె?”

19 వన్ను సీని ఉండ్రె కాను నజి తోరిస్తూ”, వారు ఉండ్రె దినారం వన్ను డగ్గు తతారె.

20 “దిని మున్ను, మని బొమ్మ ఎయెరెది? రాస్తిమని రాంత ఎయెరెది?”, ఇజి వాండ్లు వరిజ్, వెన్బాతాన్.

21 వారు, “కయినరుది”, ఇజి వెప్తోన్. నన్నీవలె వాండ్లు, “కయినరుది కయినరుజ్ సీదు, దేవుణుది దేవుణుదిజ్ సీదు”, ఇజి వరిజ్ వెప్తోన్.

22 యా మాట వెంజి బమ్మ అతారె వారు వన్నుజ్ డిజెస్త సాహారె.

23 సాతికారో మరజి నిజ్నిక సిల్లెదె ఇజి సదుకయరు వెప్పినారె. వారు అయో రోజుదను వన్నుడగ్గు వాజి ఈహు వెన్బాతారె.

24 “బోదెకినికి, ఒరెన్ కోడెరె సిల్లెండ సాతిజు వన్ను తంబెరి సాతివన్ను అల్లిజ్ పెండ్లి అజి సాతివన్ను వందిజ్ కోడెరె పుట్టిజ్ వలె ఇజి మోని రాస్తి సీతి రూలుదు మనాదె.

25 మా నడిమి ఏడు గురు తంబేరెజు మహారె. పెరికాన్పెండ్లి అతాండ్రె సాతాన్. వన్నుజ్ కోడెరె సిల్లెరె కక వన్ను తంబెరి సాతివన్ను అల్లిజ్ ఇడె అతాన్.

26 నడిమి వాండ్లుని కొగ్గి నడిమి, అయో లెకెండెన్ వీన్కోడెదాక విజెరె దనిజ్ పెండ్లి అజి సాతారె.

27 కడెవేరెదు అయో బోదెలెబా సాతాదె.

28 అహిజు సాతి వరిబాణిజ్ మరజి నిజ్ని వెలె యా ఏడుగురు లోఇ ఎయెరిజ్ అది అల్లి అనాదెలె? ఇనిక ఇహిజు బత్తిజుమహివలె అది ఏడుగురుదిజ్ బా అల్లి అత మహాదె గదె?”, ఇజి వెన్బాతారె.

29 యేను వరిజ్, “దేవుణు మాట ఇజి, మీరు నెన్ఇదెరె దేవుణు సత్తు ఎస్సా ఇజి మీరు నెన్ఇదెరె అందెజి అర్లం కివిండ మీరు నండో తప్పమాటెజ్ వెప్పినదెరె.

30 ఎండనిజ్ ఇహిజు, సాతి విరబాణిజ్ మరజి నిజ్ని వెలె ఎయెరెబా పెండ్లి అవిరె, పెండ్లిదిజ్ సివిరె. వారు పరలోకామ్ది దేవుణుదూతెజ్ లెకెండె మంజనారె.

31-32 సాతికారో మరజి నిజ్ని వందిజ్ దేవుణు మిజి వెప్తి మనిక మీరు ఎనెబా నద్దియతిదెరా? నాను అబ్రాహము దేవుణు, ఇస్సాకు దేవుణు, యాకోబురి దేవుణు ఇజి వాండ్లు సాతి వరి దేవుణు అవిన్, బత్తిజుని వరి దేవుణునె”*, ఇజి వెప్తోన్.

33 అయి మాట విహారె వన్ను బోదె వందిజ్ లోకురి బమ్మ అతారె.

పెరి ఆడ్ర

34 యేను సదుకయరు వెయెకు మూక్తాన్ ఇజి విహారె పరిసయరు కూడిజి వాతారె.

* 22:16 22:16 హేరోదియరు జుబుదికారో రోమదికారో యూదురు మున్ను, కిని విలుబడిజె ఇస్తం కిత్తి యూదురు అతికారె. పరిసయరిజ్ని హేరోదియరిజ్ ఇని పాత్తు సిల్లెదె. గాని లోకురి యెనుప్రబుజ్ ఇస్సామానిదన్దిజ్ తియెలాజు మహారె. ✪ 22:31-32 22:31-32 నిగ్గము 3:6.

35-36 వరి లో ఇ ఒరెన్ దేవుణు రూలుజ్ నెగెండ్ నెస్తికాన్, “ఓ బోదకినికి దేవుణు సీతి ఆద్రెజ లో ఇ వెరి ఆద్ర ఇనిక?” ఇజి వన్సిజ్ పరీకృ కిదెజ్ వెన్బాతాన్.

37 యేసు వన్సిజ్, “నీ పూర్తి మున్నుదాన్, నీ పూర్తి ఆత్మదాన్, నీ పూర్తి పాణిమదాన్ నీ ప్రబు ఆతి దేవుణుదిజ్ ప్రేమిస్తెజ్.”*

38 యాకాదె గొప్ప ముక్కెలమతికని, మరి మొదోహి ఆద్రె.

39 రుండి ఆద్ర ఇనిక ఇహిజ, “నీను నిజి ప్రేమిస్సి లెకెండ్ మహి వరిజిబా ప్రేమినెఅ.”*

40 దేవుణు సీతి రూలుజ్ నీ ప్రవక్తరు వర్తితి మాటజి వునాది ఆతిక యా రుండి ఆద్రెజ్”, ఇజి వరిజ్ వెప్సాన్.

41-42 పరిసయెరు కూడితి మనివెలి యేసు వరిజ్ నుడేజి, క్రీస్తు వందిజ్ మీరు ఇనిక ఒడేబిజినిదెర్? వాండ్రు ఎయెర్ది కుటుమదికాన్ ఆనాన్? ఇజి వెన్బాతాన్. “వాండ్రు దావీదు రాజు తగ్గదికాండ్రె”, ఇజి వారు వెప్సాన్.

43-44 అయాలెకెండ్ మహిజ మీరు నిజం వెప్సినిదెర్. “నాను నీ పగతి వరిజ్ నీ పాదముక అడిగి ఇడ్పిదాక నీను నా ఉజెర్ పడకాదు బని మనెఅ. ఇజి ప్రబు నా ప్రబు వెలి వెప్సాన్.”* యా లెకెండ్ దేవుణు ఆత్మదాన్ దావీదు వర్తితివలె వన్సిజ్ ఎలాగ ప్రబు ఇజి కూక్పినాన్?

45 దావీదు వన్సిజ్ ప్రబు ఇజి కూక్పిజ్, వాండ్రు ఎలాగ వన్సి మరిసి ఆనాన్?”, ఇజి వాండ్రు వరిజ్ వెన్బాతాన్.

46 ఎయెర్బా మరజి ఉండ్రి మాటబా వెప్సాజ్ అట్వెతార్. అయా రోజుదాన్ వన్సిజ్ ఇనికబా వెన్బాదెజ్ ఎయెరిజ్బా దయెరం సాల్వెతార్.

23

విడు కన్వమ్కు

1 నన్సివలి యేసు లోకురిజ్ నీ వన్సి సినూర్జిజి ఈహు వెప్సాన్.

2 యూదురి రూలుజ్ నెస్తిస్సికార్ని పరిసయెరుజ్, ముందాల మోనిజ్ మహి లెకెండ్ ఆతికారమదాన్ దేవుణు సీతి రూలుజ్ నెస్తిస్సెజ్ అక్కు మనికార్.

3 అందెజి వారు మిజి వెప్సి విజి వనకాజ్ లోజిజి అయాలెకెండ్ కిదెజివెలి. గాని పరి వరిజిజి నుడేజి, వరి లెకెండ్ కిమాట్. ఎందనిజ్ ఇహిజ వారు వెప్సార్ గాని అయ లెకెండ్ కివర్.

4 లోకుర్ గుజుమదు పెండెదెజ్ అట్టిజ నని బరుజ్ తోహి ఇడ్పి లెకెండ్ మని వెరి వరిజిజి కిదెజ్ ఇజి బలవంత్ం కివార్ గాని ఉండ్రి డెస్సిదాన్ కద్దిస్తెజ్ అట్టి సుల్కాని బరు లెకెండ్ మన్సి ఇజిరి సాయమబా వారు కివర్.

5 లోకుర్ సూజి వందిజి వారు విజి వరిజిజి కిజనార్. దేవుణు మాటజిరాన్సి ఇట్టి ఇజిరి పెడ్పెదిజ్* పెరిక కిజనార్. మరి పరి సాకెజాణి* అన్సుజ్ పెరికెజ్ కిజనార్.

6 విందురు వారు ముకెలమాతి బాడిజ్ కోరిజనార్. యూదురు మీటిజ్ కిని ఇల్పాజ్ బన్సిజ్ ఇజి వారు ముకెలమాతి బాడిజ్ కోరిజనార్.

7 సతిజి నడిఃమి వారు లోకుర్ వెలి మాడిఃసి ఆదెజ్, బోదకినికార్ ఇజి కూకె ఆదెజ్ కోరిజనార్.

8 గాని మీరు ఇహిజ, ‘బోదకినికీ’ ఇజి కూకె ఆమాట్. ఎందనిజ్ ఇహిజ దేవుణు ఒరెండ్రె మి బోదకినికాన్ మీరు విజెదెరి అన్వతంబేర్బు.

9 బామి మున్ను. ఎయెరిజ్బా బుబ్బు ఇజి పేరు ఇడేమాట్. దేవుణు ఒరెండ్రె మీ బుబ్బు. వాండ్రు పరలోకామదు మనాన్.

10 మీరు ఎయెదెర్బా నెస్తిస్సికార్ ఇజి కూకె ఆమాట్. ఎందనిజ్ ఇహిజ క్రీస్తు ఒరెండ్రె మిజి నెస్తిస్సికాన్.

11 మీ లో ఇ విజెరిజ్ ఇంక పెరికాన్, విజెరిజ్ పరిమన్సి ఆదెజ్వెలి.

12 ఎయెర్బా వన్సిజ్ వాండ్రె పెరికాన్ కితిజి వాండ్రు ఇజిరికాన్ ఆనాన్. ఎయెర్బా వన్సిజ్ వాండ్రె తగ్గి ఆతి మహిజి వాండ్రు పెరికాన్ ఆనాన్.

13 వేసం కినికిదెరాతి పరిసయెరుజ్ నీ ఊదురు రూలుజ్ నెస్తిస్సికిదెరా! అబయా, మిజి ఎసానో కన్వమ్కు వానె. ఎందనిజ్ ఇహిజ లోకుర్ దేవుణు ఏలుబడిదు సాన్వెండ్ పరి ఎద్రు సేప్సాజ్ కెప్సి పొక్పినిదెర్. మీరె సాన్ ఇతిదెర్. సాండ్రెజ్ నుడేజి మహి వరిజి నరి సీ ఇతిదెర్.

14 వేసం కినికిదెరాతి పరిసయెరుజ్ నీ యూదురు రూలుజ్ నెస్తిస్సికిదెరా, అబయా, మిజి ఎసానో కన్వమ్కు వానె. మీరు సిగు సీల్లెండ్ రాండ్ బోదెకాజ్ మెసెం కిజి మిజి లాబం తప్పినిదెర్ మీరు ఎలాగ మర్సికార్ ఇజి సన్సెజ్ ఆపిద్ ఇజి మీరు లోకుర్ ఎద్రు లావ్ నీరిండ్ మన్సి ప్సార్వనం కిజినిదెర్. దన్సివందిజ్ మిజి వెరి సిక్కు వానాద్దె.

15 వేసం కినికిదెరాతి పరిసయెరుజ్ నీ యూదురు రూలుజ్ నెస్తిస్సికిదెరా, అబయా! మిజి ఎసానో కన్వమ్కు వానె. ఒరెన్ వన్సిజ్ మీవెలి కుడేపైజి మీరు సమదరం డాట్టి బామి విజి బూలాజినిదెర్. ఒరెన్ మీ వెలి కూడిఃతిజి, వన్సిజ్ ఎల్లకాలం సీను మంజిని బాడిఃసు సాండ్రెజ్, మిజి ఇంక రుండి వంతుజ్ తగ్గి ననికాన్ తయార్ కిజినిదెర్.

16 యూదురు రూలుజ్ నెస్తిస్సికెదెర్ ఆతి మీరు లోకురిజ్ నెగ్గినరి తోరెన్సెజ్ మన్సికిదెర్, గాని మీరు మహివరిజి నరి తోరిసిని గుడ్డిదికార్ లెకెండ్ మన్సిదెర్ అబయా! మిజి ఎసానో కన్వమ్కు వానె. ఒరెన్ దేవుణు గుడిః తోడేజి ఇజి పరవణం కితిజి, అయ

* 22:37 22:37 ద్విత్తి 6:5. * 22:39 22:39 లేవి 19:18. * 22:43-44 22:43-44 క్రీస్తు 110:1. * 23:5 23:5 యా ఇజిరి పెడ్పెది తలుదాన్ తయార్ కితిస్సెజ్ దన్సి లో ఇ వడాయా ఒప్పమానమదు మన్సి సగం మాటిజ్ రాని ఇడ్డి మంజనార్. నిర్జను 13:1-10, 13:11-16. ద్విత్తి 6:4-9, 11:13-21. దేవుణు మాటదు రాన్సి మన్సికె ద్విత్తి 6:8, 11:18. యా లెకెండ్ లోజిజి మంజనాన్ ఇజి తోరెన్సెజ్ 12 వయస్సు డాట్టి మెగ్గోడోర్ యాపెటి ఉండ్రి వరి నోద్రుదుని మరి ఉండ్రి వెలి డెట్టి క్రియుదుబా తోహా ఆజి మహార్. ముకెలం పార్వనం కినివలి ఆహా కిజి మహార్. † 23:5 23:5 యూదురు ఆతికార్ దేవుణు పరికినికార్ ఇజి తోరెన్సెజ్, మరి దేవుణు సీతి ఆద్రెజ్ ఎత్తు కిటిన్సికెండ్ ఉండ్రి నీతి రంగం సాల్వ నన్సిక పార్వాజు మహార్. యాక పార్వాదెజ్ ఇజి వరిజ్ ఆద్రెజ్ ప్ర మహాన్ సంక్య 15:37-41, ద్విత్తి 22:12. గాని యూదురిజ్ రూలుజ్ నెస్తిస్సికార్ని పరిసయెరిజ్ వారు గొప్ప నెగెండ్ దేవుణుదిజ్ లోజిజినికార్ ఇజి తోరెన్సెజ్ అక్పాజ్ గొప్ప పెరిక పార్వాజు మహార్.

వరవణమదాన్ వాండ్రు తప్తై ఆదెజ్ ఆనాద్. గాని దేవుణు గుడిః లొఱ మని బజారం తోఱుః ఇజి ప్రమాణం కితిజ వాండ్రు అయ బపుమానమదాన్ తప్తై ఆదెజ్ అట్విన్ ఇజి మీరు నెస్సినెదెర్.

17 గుడ్డియాతి బుద్ధి సీలికిదెరా! ఎమేణికి పెరిక? దేవుణు గుడిఃడు మని బజారమనా, సీలిజ బజారమదిజ్ దేవుణు వందిజ్ కేట కిత్రక ఇజి కిజిని దేవుణుగుడిఃనా?

18 మరి ఎయెనబా నంద సుర్ని మాలి పీట తోఱుః ఇజి ప్రమాణం కితిజ, వాండ్రు అయ ప్రమాణమదాన్ తప్తై ఆదెజ్ అటన్నాన్. గాని దని మున్ను మని పూజ సీతి వనకాజ్ తోఱు అసి ప్రమాణం కితిజ వాండ్రు అయ ప్రమాణమదాన్ తప్తై ఆదెజ్ అట్విన్ ఇజి మీరు నెస్సినెదెర్.

19 యూదురు రూలుజ్ నెస్సినె గుడ్డిదికార్ లెకెండ మన్నుకిదెరా! ఎమేణికి పెరిక? పూజ సీతికాదా? సీలిజ పూజ సీతిదన్నుజ్ దేవుణు వందిజ్ కేట కిత్రైలెకెండ కిజిని సంత సుర్ని మాలి పీటనా?

20 అందెజి సంత సుర్ని మాలి పీట తోఱుః అసి ప్రమాణం కినికాన్ నంద సుర్ని మాలి పీటదిజ్ మరి దని మున్ను మన్ను విజా వనకాజ్ తోఱు అసి ప్రమాణం కిజినాన్.

21 మరి దేవుణు గుడిః తోఱు అసి ప్రమాణం కినికాన్, దేవుణు గుడిఃదిజ్ దని లొఱ మంజిని విజా వనకాజ్ ది బాన్ మంజిని దేవుణుదిజ్ తోఱు అసి ప్రమాణం కిజినాన్.

22 పరలోకం తోఱు ఇజి ప్రమాణం కినికాన్, దేవుణు బన్ను సింహానమదిజ్ దని మున్ను బని మంజిని దేవుణుదిజ్ బా తోఱు అసి ప్రమాణం కిజినాన్.

23 వేసం కినికిదెరాతి పరిసయరుజ్ దని యూదురి రూలుజ్ నెస్సినెక్కిదెరా, అబయా మిజి ఎసోనో కప్పమకు వానె. మీరు పొదిన కునాదాన్, సోపుదాన్, జలకారదాన్[†] దేవుణుదిజ్ దనమబాగం[‡] సీజినిదెర్. గాని నాయం, కనికారం, దేవుణు మున్ను మని నమకం నన్ను దేవుణు సీత్తి రూలుదుమున్ను ముకెలమతి మాటెజ్ మీరు నెక్కి పొక్కినిదెర్. రుండిబా ఉండ్రై లెకెండ కిజి మంజినిక ఇహాజ ఒదె నెగెండ మహద్ మరి.

24 సరి తోరెస్సి గుడ్డిదికిదెరా! ఉణిదని లొఱ డోమెజ్ అర్ది మహిజ మీరు జాలిస్సిదెర్. గాని ఒంటి ననికెజ్ అర్దిజ అక్క నెస్తెజ్ సీల్లెద్ ఇజి అయాలెకెండెనె డిఃజ్ నెకిదెర్ మీరి.

25 వేసం కిజినిదెర్ ఆత్తి, యూదురి రూలుజ్ నెస్సినెక్కిదెరా, పరిసయరుజాండె, లోకుర్ మున్నుహాన్ మిడిఃస్తి ఇడ్డిగిన్నెజ్ నె కుడుకెజ్ లెకెండ మన్నుకిదెర్. మీరు మీరుబా వెల్లిహాన్ సుడిఃతిజ నెగ్గిపరిలెకెండ తోర ఆజినిదెర్. గాని మీ మున్ను నిండ్రు సెజ బుద్ధిజ్ నె సెజ ఉడెదనమకు, మరి నాను గణస్తికెజ్ విజా నజీనె ఇజి ఒడిఃబిని పరిలెకెండెనె.

26 గుడ్డి ఆత్తి పరిసయ వాండ్రు ముజాల మీరు మన్ను నెగ్గెండ కిదు, అయాలె వి మీరు లొఱని వెల్లి మిడిస్తి మని కుడుకెజ్ నె గినిజ్ లెకెండె ఆనిదెర్.

27 వేసం కినికిదెరాతి, యూదురి రూలుజ్ నెస్సినెక్కిదెరా, పరిసయరుజాండె, వెల్లిదాన్ సుడిఃతిజ మీరు గొప్పు సోకుమని సున్నుం డెయెతి మని దూకి ననికిదెర్! దూకి లొఱ సొతి పరి డుమ్ము మరి విజా సెఇకెజ్ మన్నులెకెండ మీరుబా మన్నుదెర్.

28 అయాలె కెండెనె మీరు వెల్లి సుడిఃతిజ నాయం మనికిదెర్ ఇజి తోర ఆజి నిదెర్. గాని లొఱ మీరు బక్తి మనికావ ఇజి పొజిజి నెకిదెర్, సెజ బుద్ధిదాన్ నిండ్రైతి మన్నుకిదెర్.

29 వేసం కినికిదెరాతి యూదురి రూలుజ్ నెస్సినెక్కిదెరా, పరిసయరుజాండె, మిజి ఎసోనో కప్పమకు వానె. మీరు దేవుణు ప్రవక్తరు దూకిజ మున్ను సమాది తోహ్ని, నీతినిజాయ్ మన్ను పరి సమాది మున్ను సోకు కిజినిదెర్.

30 అనిగొగెర్ కాలమదు మాపు మంజినిక ఇహిజ, వారు దేవుణు ప్రవక్తరిజ్ సప్తి మహివలె పరివెల మాపు కూడెవతావ్ మరి ఇజి మీరు వెహ్ని మంజినిదెర్.

31 అందెజి దేవుణు ప్రవక్తరిజ్ సప్తి మహి పరి మరిసీర్ ఇజి మీ మాటదానె మిజి మీరె సానం వెహ్ ఆజినిదెర్.

32 అందెజి మీ అనిగొగెర్ కితి పాపమదు తకు మనిక మీరు పూర్తి కిదు.

33 సరాన్ ననికిదెరా! సరాన్కు కొడోఱనని మీరు ఎలాగ ఎలాకాలం సిను మంజిని బాడ్డిదాన్ తప్తై ఆనిదెర్.

34 అందెజి నాను, ప్రవక్తరుజ్ నె బుద్ధిమని వరిజ్, బోద కిని వరిజ్ మీ నడిమి పొక్కిన. నెగెండారిజ్ మీరు నప్పదెర్, మరి నెగెండారిజ్ మీరు సెలవ పొక్కిదెర్, మరి నెగెండారిజ్ యూదురు మీటిజ్ కిని ఇల్లాణిజ్ కోరడెజిజ్ డెయెజి ఉండ్రై పట్టుమదాన్ మరి ఉండ్రై పట్టుమదు ఉలోప్పెదెర్.

35 నీతి నిజాయ్ మనికాన్ ఆత్తి ఏబెలు నలదాన్ మొదోలేసి, దేవుణు గుడిఃదిజ్ నంత సుర్ని మాలి పీటదిజ్ నడిఃమి మీరు సప్తి మహి బెరాకియ మరిని ఆత్తి జెకరియదాక, నీతి నిజాయ్ మన్నుకారాతి విజెరిజ్ నప్పమని నల బూమి కారిస్తె మన్ను వందిజ్ సెక్కి మీ మున్నునె వానెలె.

36 యూ సెక్కిజ్ విజా యూ తరమది పరి మున్నునె వానె ఇజి నాను మిజి నిజం వెహ్నిన.

37 ఓ యెరూసలేమా, యెరూసలేమా నీను ప్రవక్తరుజ్ నప్పకి, నీ డగ్రు పొక్కివరిజ్ పణకాణిజ్ డెయెనికి, ఉండ్రై కొరు దని పిలెకాజ్ కుడుఃప్పి దని రెజెజ అడ్డి ఇడ్డి లెకెండె, నీ కొడోఱిజ్ కుడుఃపైజ్ ఇజి నాను ఎనాడు నుట్టునో అన్న అత మన్ను, గాని నిజి ఇస్తం సెల్లెండ మహద్.

38 ఇదిలో దేవుణు వన్నుగుడిః డిఃసి సినానై, అందెజి అక్క కాలి మంజినాద్.

39 ప్రజు సీత్తి అతికారమదాన్ ఆనికాన్^{†*} ఇజి నీను వెహ్నిదాక నజి నీను మరి సుడిఃజ, ఇజి నాను నిజి నిజం వెహ్నిన.[‡]

[†] 23:23 23:23 పొదిన, సాపు, జలకార ఇక్కెజ్ విజా కరీదికెజ్ అజి ఉజ్ కితి తిండిదిజ్ రుసి కూడుఃజ ఇజి వంట కినివలె కలప్పికెజ్. [‡] 23:23 23:23 అబ్రహమునె తొలిత దనమబాగం సీత్తిలెకెండె పదాయ్ బపుమానమదు రాన్ మనాద్. అది 14:20. వెనుక ఇస్రాయేలు లోకుర్ వరిజ్ దోహ్నిక వనక లొఱ దనమబాగం సీదిజ్ ఇజి దేవుణు ఆద్రై సీత్తాన్. దనమబాగం ఇహిజ పది లొఱ ఉండ్రై. ^{*} 23:39 23:39 కీర్తన 118:26.

24

తరమదిజ్ ఆక్కరదిజ్ గుర్తు.

1-2 యేసు దేవుణు గుడిఁదాన్ సొతాండ్రె దూరం సొన్ని మహిజ్, సిసూర్ వన్ని డగ్గు వాతారె, దేవుణు గుడిఁ వందిజ్ కూక్కుసొప్పి గొప్పజి వర్గిజి మహూర్. వాండ్రు వరిజ్, “మీరు యాకెజ్ విజు నుడొఁతిదెర్. గాని ఇక్క ఉండ్రె పణకు మున్ను మరి ఉండ్రె పణకు నిల్సి మన్వెండ ఆహా ఆనాదలె, ఇజి నాను మిజి నిజం వెప్పాన్”, ఇజి వెప్తాన్.

3 యేసు ఒలివ మరెక్ మని గొరొన్మున్ను బన్ని మహివలె, మరి ఎయెర్ డగ్గుసిల్లెండ మహివలె, సిసూర్ వన్ని డగ్గు వాతారె, “యాకెజ్ ఎనెజ్ జర్గినె? నీసు మరెజి వానిదనిజ్, మరి యా తరమదిజ్ ఆక్కరదిజ్ గుర్తుజ్ ఇనికెజ్? మజి వెహా”, ఇజి వెన్బాతారె.

4 యేసు వరిజ్ ఈహు వెప్తాన్. “ఎయెన్బా నిజి మోసెం కివెండ జాగర్ నుడొఁజి మండ్రు.

5 ఎందానిజ్ ఇహిజు నండొండారె వాజు, నా పేరు ఇడెఁ ఆజు, “నాని క్రీస్తు” ఇజి వెప్పి నండొండారెజ్ మొసెం కినార్.

6 మీరు విదెమ్మకు వందిజ్ వెనిదెర్లె. మరి విదెమ్మకు వానెలె ఇజి సాటిన్సికబా వినిదెర్లె. అయావలె తియెల్ ఆవిండ మండ్రు. యాకెజ్ విజు జర్గిడెజ్వెలె. గాని యాక ఆక్కర్ ఆవిద్.

7 లోకుర్ మున్ను లోకుర్ని దేసమ్కాజ్ మున్ను దేసమ్మకు పగ ఆజు మంజిన్. అబ్బె ఇబ్బె నండొ నాహ్మాజ్ కరు, బూమి కర్ణినికెజ్ వానెలె.

8 యాకెజ్ విజు ఉండ్రె బోదెలి కీదు అన్జెజ్ ముజాల వాని నొప్పి మొదోల్సి లెకెండె.

9 నన్సివలె లోకుర్ మిజి అసి తొప్పి హిమ్మెజ్ కిజి నప్పెజి ఒపజెప్పారెలె. నా మున్ను, నమకు ఇట్టి వందిజ్ లోకామదు మన్ని విజు జాతిదికార్ మిజి ఇన్జం కివెండ ఆనార్.

10 నండొండారె వరి నమకు డిన్ను సినారెలె. ఒరెన్ మరి ఒరెన్ వన్నిజ్ మొసెం కినాన్. ఒరెన్ మరి ఒరెన్ వన్నివెబు పడిఁవిండ ఆనాన్.

11 నండొండారె డొజ ప్రవక్తరు వాజు తప్ప బోదెజ్ నెస్సిని లోకురిజ్ తప్ప న్నర్ నడిఁపిసి, నండొండారెజ్ మొసెం కినార్.

12 దేసమ్మది రూలుజ్ లోజివిండ బల్లిజునికార్. ఆజనిజ్ లోకుర్ ప్రేమ సిల్లికార్ ఆనార్. మహివరిజ్ ప్రేమిన్సి ప్రేమ సిల్లెండొజు మంజినార్.

13 గాని ఆక్కర్దాక కళ్ళమ్మకు ఓరిసిని వన్నిజ్ దేవుణు రక్కిస్సాన్లె.

14 దేవుణు విలుబడిఁ కిని వందిజ్ సువార్ బూమి మున్ను మని లోకాజ్ విజు ఉండ్రె సాకెసెం లెకెండె వెహా అనాదలె. నన్సివలె యా తరమదిజ్ ఆక్కర్ వానాద్.

15 ప్రవక్త ఆతి దానియేలువెబు దేవుణు ముజాల వర్గితి మహి లెకెండె, “నాననం కిని సెజు అతిక* దేవుణు గుడిఁదు నెగ్గ బాడిఁదు నిల్సి మంజనిక నూణివెలె (యాక నద్వినికాన్ నెసి అర్లం కిదెజ్) అయ గడిఁయ వానాదలె.

16 నన్సివలె యూదయ దేసమ్మదు మంజనికార్ గొరొకాజ్ ఉహ్కెజ్ వలె.

17 మిదె మున్ను మంజనికాన్ ఇండ్రెణిజ్ ఇనికబా వెల్లి ఒతెజ్ ఇజి డిగ్గెజ్ ఆవిద్.

18 మడిఁజు మంజనికాన్ వన్ని సొల్లెజ్ ఒత్తెజ్ ఇజి ఇండ్రె వాదెజ్ ఆవిద్.

19 అయ దిసమ్మకు కొణెఁరిజ్ పాలు ఉట్టిన్సి అయసికాజ్, పొటాదు మన్ని బోదెకాజ్ ఎస్సానొ కళ్ళమ్మకు మన్నికెజె.

20-21 అయాకెజ్ ఉండ్రె పినికాలమ్మదునో, రోమ్ని దిసమ్మదునో రెవిండ ఆవిద్ ఇజి పార్లనం కిజి మండ్రు. ఎందానిజ్ ఇహిజు, లోకం మొదోల్సి బాణిజ్ అసి ఏలుదాక రెజ నని కళ్ళమ్మకు వానె. అందెజి అయా కళ్ళమ్కాణిజ్ తప్ప అదెజ్ ఇజి మీరు ఉహ్కెక్కి సొనిక ఉండ్రె పిన్నికాలమ్మదునో, విస్తాతిదిసమ్మదునో* ఆవిండ మండ్రెజ్ ఇజి పార్లనం కిజి మండ్రు.

22 అయా కళ్ళమ్మకు మన్ని దిసమ్మకు తక్కు కిదెజ్ ఇజి దేవుణు బడిఁవిండ మహిజు బూమి మున్ను మున్నుకాన్ ఎయెన్బా తప్ప అదెజ్ అటెవన్. గాని దేవుణు ఎరెలిన్సి మన్ని వరి వందిజ్ అయా దిసమ్మకు తక్కు కినాన్లె.

23 అయా కాలమ్మదు ఎయెన్బా మిజి, “ఇదిలో క్రీస్తు ఇబ్బె మనాన్”, నిల్లిజు, “వాండ్రు అబ్బె మనాన్” ఇజి వెప్తాజు వరి మాటెజ్ అస్సాట్.

24 నన్సివలె డొజక్రిస్టర్, డొజ ప్రవక్తరు వాజు నండొ బమ్మాతి పణిజ్, ముజాల ఎనెజ్బా తోఁజు నని బమ్మాతి పణిజ్ కిజి, అట్టిజు దేవుణు ఎరెలిన్సి మన్నివరిజ్బా మోసెం కిదెజ్ నూణార్.

25 జాగర్ మండ్రు! ఏలె అక్కెజ్ ఇనిక్కెజ్బా జర్గినె ముజాలె నాను మిజి వేప్తా మన.

26 అందెజి ఎయెన్బా, “ఇదిలోన్ వాండ్రు అబ్బె బిడిఁమ్బూమిదు ప్రాంతమ్మదు మనాన్” ఇజి వెప్తాజ్బా మీరు సొన్మాట్. నిల్లిజు, “ఇదిలోన్ వాండ్రు ఇబ్బె గొనె మనాన్” ఇజి వెప్తాజ్బా నమ్మిమాట్.

27 ఎందానిజ్ ఇహిజు, మిర్చినిక ఎలాగ తూర్పుదాన్ పడమర దాక తోరె ఆజినాదొ, అయలెకెండెన్ లోకు మరిసి ఆతి నాను వానివలెబా మంజినాద్.

28 డేగెజ్ వానివలె పిసుగుజ్ మంజిన్ ఇజి గుర్తు కిదెజ్ అట్టిలెకెండె యేసు వానిదన్నిజ్బా టెటాజ్ తోర్ని గుర్తుజ్ మంజిన్.

29 అయా కళ్ళమ్మకు మని దిసమ్మకు వీజితివెటెనె, “పొద్దు సీకటి అనాద్, నెల జాయ్ సివిద్, ఆగాసమ్మదు మని సుక్కెజ్ రాల్చె. ఆగాసమ్మదు మన్నిలావరకమ్మది నత్తు మన్నికెజ్ కర్ణిన్.*

* 24:15 24:15 దాని 9:27; 11:31; 12:11. * 24:20-21 24:20-21 పిన్నికాలమ్మదు గొప్ప పెరి పిరు వాజు మహూద్. అందెజి విజుబాన్ గడ్డెజ్ నిండ్రెజు మన్నికె పిన్నికెజ్ పయనం కిదెజ్ గొప్ప కళ్ళమ్మజు మంజినాద్ మండ్రెజ్ బాడ్డి దొహ్కెజ్నో, తిండి దొహ్కెజ్నో గొప్ప కళ్ళమ్మజునాద్ యూదు రూలుజ్ వజ విస్తాతిదిసమ్మదు మూడు నాలెగి ములుదిజ్ లావ దూరం పయనం కిదెజ్ ఆవిద్ ఇజి మహూద్. * 24:29 24:29 యెసయ 13:10; 34:4.

30 నన్నవలె లోకుమరిసి అతి నాను వానిదనిజ్ గుర్తు ఆగానమదు తొర్వాద్. బూమి మున్ను మని నంణొ తెగ్గెజాణికార్ గుండె కొత్తె ఆజి అడఃబనార్. నన్నవలె లోకుమరిసి అతి నాను గొప్ప నత్తుదాన్ దేవుణు జాయ్దాన్ ఆగానమదు మని మొసాపు మున్ను వానిక వారు సూణార్లె.

31 జోడుబురెజి జూబుదాన్ నాను నా దూతెజ్ పొక్కు. వారు ఆగానమదు యా కొసాదాన్ అయా కొసాదాక నాలగ్ దిక్కుజాణిజ్ దేవుణు ఎర్రలిస్తే మన్ని వరిజ్ ఉండ్రెబాన్ కినార్.

32 ఇదిలో బోడె మరాన్దిజ్ సుడఃజి యాక మీరు నెస్తు. బోడె మరాన్ అకు రాల్లి సిగ్గిస్సివెలె, ఎండె కాలం డగ్గు అతాద్ ఇజి మీరు నెసినిదెర్.

33 అయలెకెండెనే మీరు యాకెజ్ విజి జగ్గినిక సూణివెలె, నాను దారబంద్రమదునె మన్న ఇజి మీరు నెస్తు.

34 యాకెజ్ జగ్గినిదాక యా తరమదికార్ తవ్విండ బత్తిజి నె మంజినార్ ఇజి నాను మిజి నిజం వెప్పిన.

35 ఆగానమని బూమిబా నిల్లెండ అనె, గాని నా మాటెజ్ వెనెజ్ బా అయలెకెండె సాన్ ఉ.

36 అయ దినం వందిజ్ అయ గడియ గడియ ఎయర్ బా నెన్వర్. వరలోకామదు మన్ని బుబ్బాతి దేవుణు ఆవిండ దేవుణు దూతార్ గాని మరిసిబా నెన్వన్.

37 నోహూను కాలమదు ఎలాగ మనెనో, అయలెకెండెనే లోకుమరిసి అతి నాను వానికబా మంజినాద్.

38 గడ్డ నిండ్రని ముజాల నోహూను ఓడః లోక డుగితిమహి దినమ్ దాక లోకర్ ఉణిజి, తింజి, పెండ్లి ఆజి, పెండ్లిదిజ్ సీజి మహార్.

39 బూమి విజి ముడిగిని లెకెండె గడ్డ నిండ్రజి విజెరిజ్ పేర్రి ఒతిదాక, ఇనిక జగ్గినాద్లె ఇజి వారు నెన్వండ మహార్. అయా లెకెండెనే లోకుమరిసి అతి నాను వానివలెబా మంజినాద్.

40 రిఎర్ ముడిజి మంజినార్. ఒరెన్ వన్నిజ్ డిఃసి ఒరెన్ వన్నిజ్ కూక్కు ఒనాన్.

41 రుండి బోడె ఉండ్రె జెత్త వణకుదు సూర్తి మంజినె. ఉండ్రె దనిజ్ డిఃసి ఉండ్రె దనిజ్ కూక్కు ఒనాన్.

42 ఎమేణి దినమదు మీ ప్రబు వానాండ్రె ఇజి మిజి తెలివద్. అందెజె మీరు జాగరత్ దాన్ ఎద్దు సుడఃజి మండ్లు.

43 యాక మీరు అర్థం కిజి నెస్తు. ఎమేణి గడియూదు డోజారి వానానెజి ఇండ్రెజి ఎజుమాని నెస్సిజ, డోజారి ఇండ్రె డుగిదెజ్ సరి సివిండ తెలి మంజి సుణాన్.

44 మీరు నా వందిజ్ ఒడఃబిజి గడియూదు, లోకు మరిసి అతి నాను వాన. అందెజె మీరు ఎద్దివలెబా తయార్ ఆజి మండ్రెజ్ వెలె.

45 బుద్దిమని నమిదెజ్ అట్టిమని పణిమన్ని ఎయెన్? ఇండ్రెజి వరిజ్ విజెరిజ్ నెగెణ్ సుడఃజి సరి అతి వేలాదు, వరిజ్ సరి అతి బోజునం సీదెజ్ ఇజి ఇండ్రెజి ఎజుమాని ఒపజెప్పి లెకెండె మన్నికాండ్రె బుద్ది మన్ని పణిమనిసి.

46 అయ ఎజుమాని మరజి వానివలె, వన్నిజ్ ఒపజెప్పి లెకెండె అయా పణిమన్ని కిజి మంజినిక ఇహి అయ ఎజుమాని సుడఃజి అయ పణిమన్నిజ్ నెగెద్.

47 అయ ఎజుమాని వన్నిజ్ కల్లితిమని విజి దనిజ్ సూణికాన్ లెకెండె అయ పణిమనిసి కినాన్ ఇజి నాను మిజి నిజం వెప్పిన.

48-49 “గాని అయ పణిమనిసి సెఇకాన్ ఆజి నా ఎజుమాని వాదెజ్ నంణొ ఆలస్యం ఆనాద్”, ఇజి అయ సెఇ పణిమన్ని వన్ని మన్నుదు ఆలోసనం కిజి వన్నివెలె పణికిని వరిజ్ డెయెజి, మరి ఉణివరివెలె కూడఃజి ఉణిజి తింజి మంజినాన్.

50 వాండ్రు తొక దినమదు ఒడఃబిజి గడియూదు వన్ని ఎజుమాని వానాన్.

51 అయ ఎజుమాని వన్నిజ్ కత్తు, ఒక్కి మనికామ్ ఇజి పొణిజిని వరివెలె వరివందిజ్ తయార్ కిత్తిమన్ని బాడిఃదు పొక్కున్. అబ్బి పల్కు కొహొక్కి, అడఃబాజి మంజినార్.

25

పదిమణిసి విడిః బోదెక్

1 మరి దేవుణు ఏలుబడిః కినిక ఇహిజి వరి నూనెజాణి దీవెజ్ అసి పెండ్లి దబడః వన్నిజ్ ఎద్దు సుడఃదెజ్ సాహిమహి పదిమన్ని విడ్డిః బోదెకాజ్ పొలిత మనాద్.

2 వినకాజ్ లోక అయదుగురు బోదెక్ బుద్ది సిలికెజ్, అయదుగురు బోదెక్ బుద్ది మనికెజ్.

3 అయ బుద్ది సిలికెజ్ వనక దీవెజ్ అస్సి గాని నూనెజ్ ఒఉఃతె.

4 బుద్ది మనికెజ్ వనక దీవెజ్ వెలె సీనెజ్ నూనెబా ఒతె.

5 పెండ్లి దబడఃయెన్ వాదెజ్ ఆలస్యం అతిజ్ అవిక్ విజి కొహొజి నిద్ద కిజి మమె.

6 మదరెయ్యు, “ఇవిలోన్ పెండ్లి దబడఃయెన్, వన్నిజ్ ఎద్దు సుడఃదెజ్ వాతి బోదెకాండె వెల్లి రదు”, ఇజి ఉండ్రె గగోలిదాన్ జామ వాతాద్.

7 నన్నవలె బోదెక్ విజుండెక్ నిజిజ్ వన్నా నూనెజాణి దీవెజ్ సాడిఃతిజ్ ఎకిసి నెగెండె కిత్తె.

8 గాని అయ బుద్ది సిలికెజ్, “మా దీవెజ్ నమ్మజి సొస్సినె. అందెజె మీ నూనె లోకండెక్ మజిబా నిదాల్”, ఇజి బుద్ది మని వనకాజ్ లొన్నె.

9 అయావలె బుద్దిమని బోదెక్, “సిల్లె, సిత్తిజి మజిని మిజి సాల్విండ ఆనాద్. అందెజె మీరు పొర్తివరిబాన్ సొస్సి కొండు”, ఇజి వెప్తా.

† 24:38 24:38 దేవుణు బూమి విజి ముడుగిని సి లెకెండె పేరు రపిసి గడ్డ నిండ్రని ముజాల ఉండ్రె ఓడః తాయార్ కిదెజ్ ఇజి నోహూణి వెప్తాన్. అయా ఓడః 300 మూరెజ్ సొంపు 50 మూరెజ్ వెడబ్బు 30 మూరెజ్ ఎత్తు మన్నిక. నోహూని వన్ని ఇండ్రెజికార్ విజెర్, మరి విజి జంతుజ్ పొట్టిజ్ పొర్లిజ్ అందు పొట్టె జత్త లెక్కు ఒడాదు డుగి దిదు లోస్సు. వెసుక పేరు వాదెజ్ మొబొల్లిదాక లోకర్ వరిజ్ అలవాటుజ్ లెకెండె బత్తిజి మహార్.

10 అవి నూనె కొండెట్ల సొన్ని మహిషా పెండ్లి దజడః వాతాన్. నస్తివలె తయారా ఆతి మనికెట్ల వన్నివెట పెండ్లి విందుదిట్ల లొఱ సాహె. దని వెనుక నీహాలెక్ కెహెవె అతె.

11 దన్ని వెనుక, మహి బుద్ధినిల్లి బోదెక్ వాజి, “బాబు, బాబు మజీ సెప్ట రెఱ”, ఇజ కూక్తె.

12 వాండ్తు వరిట్, “నాను మిజి నిజం వెహ్సాన, నాను మిజి నెన్ఎ”, ఇజ వెహ్సాన్.

13 నాను వాజిని రోజు గాని అయ గడియబా మీరు నెన్ఇతిదెర్, అందెజ్ మీరు తెలి ఆజి మండ్తు.

మూఎర్ పణిమణిసిర్

14 మరి దేవుణు ఏలుబడిః కినిక ఇహిజ ఒరెన్ దేసం సొండ్రెట్ ఇజి వన్ని పణిమస్పిరిట్ల కూక్సా, వన్ని అస్తి వరిట్ ఒపజెప్తి వన్ని లెకెండ్ మనాద్.

15 వండ్తు ఒరెన్ పణిమస్పిక్ అయదు తాలంతుట్. మరి ఒరెన్ వన్నిట్ రుండి, తాలంతుట్ మరి ఒరెన్ వన్నిట్ ఉండ్రి తాలంతుట్ యాలెకెండ్ ఒరెన్ ఒరెన్ దన్ని వెట పణికిదిట్ అట్టి లెకెండ్ వరిట్ సీతాన్. వెనుక వాండ్తు పయనం కిజి దేసం సాహెన్.

16 అయదు తాలంతుట్ లొస్సికాన్ వెటనె సొన్ని వనకవెట బేరం కిజి మరి అయదు తాలంతుట్ గణస్తాన్.

17 రుండి తాలంతుట్ లొస్సికాన్బా అయా లెకెండ్నె కిజి మరి రుండి గణస్తాన్.

18 గాని ఉండ్రి తాలంతు లొస్సికాన్ సొహండ్రె బామిదు గాండ్ కారిసి వన్ని ఎజుమాని డబ్బు మూస్తాన్.

19 లావ్కాలం సొహి వెనుక పరి ఎజుమాని మరజి వాతండ్రె పరి సిత్రి డబ్బుజాణిట్ వారు ఇనిక కిత్త మనార ఇజి నుడఃతాన్.

20 నస్తివలె అయదు తాలంతు లొస్సికాన్, మరి అయదు తాలంతుట్ తతాండ్రె, “బాబు నీను నజీ అయదు తాలంతుట్ ఒపజెప్తి గదె, ఇదిలో అకెజె అవిండ్ మరి అయదుబా నాను కుడుప్త”, ఇజి వెహ్సాన్.

21 వన్ని ఎజుమాని వన్నిట్, “నమకం ఇడెదెట్ అట్టి నెగ్గి పణిమస్పి, నీను నెగెండ్ కిత్తి. యా కండెక్బాన్ నిజీ నమిదెట్ అట్టి నని పణి నీను కిత్తి. అందెజె నండ్ వనకాట్ నాను నిజీ ఒపజెప్తాలె. నీను వాజి నీ ఎజుమానివెట సర్గ్ ఆజి మన్అ”, ఇజి వెహ్సాన్.

22 రుండి తాలంతుట్ లొస్సికాన్ వాతాండ్రె, “ఎజుమాని నీను నజీ రుండి తాలంతుట్ ఒపజెప్తి గదె, ఇదిలో అకెజె అవిండ్ మరి రుండి తాలంతుట్గణస్తాన్”, ఇజి వన్నిట్ వెహ్సాన్.

23 ఎజుమాని వన్నిట్, “నమకం ఇడెదెట్ అట్టి నెగ్గి పణిమనిసి, నీను నెగెండ్ కిత్తి. యా కండెక్బాన్ నీను నమిదెట్ అట్టి నని పణి నీను కిత్తి. అందెజె నిజీ నండ్ వనకాట్ ఒపజెప్తి. నీను వాజి నీ ఎజుమాని వెట సర్గ్ ఆజి మన్అ”, ఇజి వెహ్సాన్.

24 నస్తివలె ఉండ్రి తాలంతు లొస్సికాన్ వాతాండ్రె, “బాబు నీను వితెఱ బాడిదాన్ కొయెనికి, మరి ఉణానె బాడిదాన్ పంట కొయెని మూరకతం మనిక ఇజి నాను నెస్త.

25 అందెజె నాను తియెల్ ఆజి బామిదు గాండ్ కార్తి నీ డబ్బు డాప్త. ఇదిలో నీది, నీను లొన్అ”, ఇజి వెహ్సాన్.

26 అందెజె వన్నిట్ నుడఃజి అయ ఎజుమాని, “బడకమాతి సెఱ పణిమస్పి, నాను వితెఱ బాడిదాన్ కొయెనికాన్, ఉణానెఱ బాడిదాన్ పంట కొయెనికాన్ ఇజి నీను నెస్త?

27 అహిజ నా డబ్బు వడ్డి నీసి నెవకారిజబాన్ నీను సీని మంజినిక ఇహిజ నాను వాతివెలె వడ్డి కుడుఱ్పి నా డబ్బు నజీ దోహ్కాద్ మరి.

28 అయ ఉండ్రి తాలంతు వన్నిబాణిట్ లాగ్జె వది తాలంతుట్ మనివన్నిట్ సీఅ.

29 నమిదెట్ అట్టికాన్ ఎయెండ్రె, వన్నిట్ మరి లావ్ దోహ్కా, వరిట్ మరి నండ్ కల్గిజ మంజిని. నమిదెట్ అట్ఱెఱ వన్ని బాణిట్, వన్నిట్ కల్గితిమస్పి ఇజెరికబా లాగె ఆనాద్.

30 పణిదిట్ రెఱ యా పణిమస్పిక్ వెల్లి సీకటుదు విసిర్దు. అట్టి వల్కు కొహ్కాట్టెఱజిజి మంజినాద్.

మెండ్ గొరెట్ని ఎలెటి గొరెట్

31 నస్తివలె యేసు కహు వెహ్సాన్. “లోకుమరిసి ఆతి నాను నా గొప్పు గవరమదాన్, నా విజు దూతెజ తోడుః అసి వన్నివెలె, రాజు వజి ఏలుబడిః కిదెట్ దేవుణు మంజిని బాడిదు మంజిని గొవ జాయదాన్, విజు దూతారిట్ నావెట తోడు అసి వానివలె, రాజువజి ఏలుబడిః కిదెట్ పరలోకమదు మంజిని గొప్పు జాయ మస్పి నా సెహ్సానమదు బసి మంజిని.

32 నస్తివలె బామి ముస్సు మని లోకుర్ విజెరె నా ఎర్దు కూడఃజి వానార. గొరెట్ మేప్పి గవడుఱయెన్ ఎలిటి గొరెజాణిట్ మెండ్ గొరెజి ఎరెలిసినిలెకెండ్ నాను లోకాట్ ఒరెన్ ఒరెన్ వన్నిట్ ఎర్లిస్సాలె.

33 నాను ఉణెరెపడఃక మెండ్ గొరెజి, డేబపడఃక ఎలిటి గొరెజి నిల్వాలె.

34 రాజు ఆతి నాను నా ఉణెరె పడఃక మని వరిట్ నుడఃజి, “నా బుబ్బాతి దేవుణు సెజిని దీవనమకు మంజి వన్నిట్ సెందితికిదెరా, లోకం పుట్టి బాణిట్ అసి దేవుణు మీ వందిట్ తయార కితిమస్పి దేసం మీ సొంత కిజి మండ్తు.

35 ఎందానిట్ ఇహిజ, నజి బజి కట్టిట్ మీరు బోజనం సెతిదెర్, ఏహ్కా కట్టిట్ ఏరు సెతిదెర్, నాను ఆఱకాన్ ఆతిమహిట్ నజి డగ్గు కితిదెర్.

36 నాను డుమేడ్ ఆతిమహిట్ నజి సొక్కాట్ సెతిదెర్. జబుదాన్ మహిట్ నజి నెగెండ్ నుడఃతిదెర్, నాను జెలిదు మహివలె నుడఃదిట్ వాతిదెర్, ఇజి వెహ్సాన్.

37 నస్తివలె దేవుణుదిట్ లోజితిమహి నీతినిజాయిమస్పికార ఆతి వారు, “ప్రబువా, ఎస్తివలె నిజి బజిదాన్ నుడఃతిట్ నిజి బోజనం సీతావ్? ఎస్తివలె ఏహ్కా కట్టిట్ మూపు నిజి ఏరు సీతావ్?

38 ఎస్తివలె ఆఱకి ఆతిమహిట్ నుడఃజి నిజి డగ్గు కితివ్? ఎస్తివలె డుమేడ్ ఆతి మహిక్ నుడఃజి నిజి సొక్కాట్ సీతావ్?

* 25:15 25:15 ఉండ్రి తాలంతు ఇహిజ దినారముకు అయాలెకెండ్ ఇహిజ అరు వెయిట్ రోస్సు. పణికితిజి దోహ్కా కాలిదిట్ సరియతి డబ్బుక్ నేహి లెక్కదిట్ నుడఃజి ఇంసు మింసు అరు లెక్కెట్ రూపాయ మంజిని.

- 39 ఎన్నివలె నీను జబుదాన్ మహిళ, జెలిదు మహిళ సుడేజి నీ డగ్రు వాతాప్?”, ఇజి వన్నిజ్ వెన్బానారలె.
- 40 నస్తివలె రాజుఅతి నాను, “నా తందెరిజ అతివరి లొణ ఇజరికాన్ అతి ఒరెన్వన్నిజ్ మీరు ఇనిక కితిదెరో”, అయోక మీరు నజీ కిత్తిదెరో, ఇజి నాను నిజీ నిజం వెహ్సాన్”, ఇజి వరిజ్ వెహ్సా.
- 41 నస్తివలె వాండ్రు డేబ్రి వడణకాదు మని వరిజ్ సుడేజి, “సయెమ్ పొందితికిదెరా, నా డగ్రుహాన్ సొండ్రు, నయితానుజ్ని వన్ని దూతర వందిజ్ తయారో కితి మని ఎలాకాలం సిను మంజిని బాడిడు సొండ్రు.
- 42 ఎందనిజ్ ఇహిజ, నాను బజ సాత, గాని మీరు నజీ బోజనం సిఇతిదెరో. ఎహ్కి కట్టిజ్ ఉండజ్ ఇనిక సిఇతిదెరో.
- 43 ఆఇకానాతి మహిజ్ మీరు నజీ డగ్రు కిఇతిదెరో. డుమడ అతిమహిజ్ మీరు నజీ సొక్కెజ్ సిఇతిదెరో. జబ్బుదాన్ మహివలె జెలిదు మహివలె మీరు నజీ సుడేదెజ్ రెఇతిదెరో”, ఇజి వెహ్సా.
- 44 వారుబా వన్నిజ్, “ప్రబువా ఎన్నివలె నీను బజదాన్మహిళ, ఆఇకి అతి మహిళ, డుమడ మహిళ, జబుదాన్మహిళ, కయెదు మహిళ సుడేజి నిజీ సొయం కిపితాప్?”, ఇజి వెన్బానార.
- 45 నస్తివలె నాను, “యా ఇజరి వరి లొణ ఒరెన్ వన్నిజ్ ఇనిక మీరు కిఇతిదెరో, అయోక నజీబా మీరు కిఇతిదెరో”, ఇజి వరిజ్ వెహ్సా.
- 46 నస్తివలె వారు ఎలాకాలం మంజిని సిక్యాదు సొనారలె, గాని దేవుణుదిజ్ లోజీతికారో ఎల్లకాలం మంజిని బత్తుదు సొనారో.”

26

యేసుజ్ వడిఎండ కుట్ర ఆజినారో

- 1-2 యేసు యొకెజ్ విజు వెహ్సా విజితి వెనుక వన్ని సిసూరజ సుడేజి, “రుండి లోస్సు వెనుక వన్ను వండోయే* వాజినాద్ ఇజి మీరు నస్తిదెరో. నస్తివలె లోకు మరిసి అతి నాను సిలువ పొకె ఆదిజ్ ఇజి ఒవజెవె ఆనాలె”, ఇజి వరిజ్ వెహ్సాన్.
- 3 నస్తివలె పెరి పుజెరిబుని లోకురి పెద్దెల్లజి విజెరో, విజెరో విజు పుజెరిజ మున్ను పెరి పుజెరి అతి కయవ ఇండ్రో కూడేజి వాతారో.
- 4 యేసుజ్ ఎలాగబా ఉపాయో కిజి అసి నస్తిజ్ ఇజి అబ్బె వారు ఉండ్రీ ఆలోసనం కితారో.
- 5 “మాపు ఏలు వన్నిజ్ అస్తిజి లోకురో వెట గొడబ కిసాల్లె, అందెజె యా పండోయెదు పొని”, ఇజి వారు వర్గితారో.

ఉండ్రీ బోదెలి యేసు బురారు వాననం మన్ని నూనె వక్కినాద్.

- 6-7 యేసు బితానియ ఇని నాటో ముజాల కుస్తురోగిమ్దాన్ మహి సిమోసు ఇండ్రో వాతిజ్, అబ్బె వాండ్రు బోజనమందిజ్ బస్తాన్. నస్తివలె ఉండ్రీ బోదెలి నూన్నాజ్ పణకుదాన్ తయారో కిత్తి ఉండ్రీ సీసాదు†, నండో ఏలువమని, నండో వాననం మని నూనె ఉండ్రీ పెరి సీన తత్తాదె వన్ని బుర్ల మున్ను వాక్రాద్.
- 8-9 సిసూర అక్క సుడేజి కోపం అతారె, “ఎందనిజ్ యా జిదిజ్కెరె ఇ? యాక నండో డబ్బుదిజ్ పొరెసి, అయ డబ్బు బీదవరిజ్ సిదిజ్ ఆనాద్ గదె?”, ఇజి వెహ్సాన్.
- 10 యేసు అక్క నెస్తాండ్రె, “యా బోదెలి నా వందిజ్ ఉండ్రీ నెగ్గి పణి కితాద్ మీరు ఎందనిజ్ దన్నిజ్ అర్ల కిజినిదెరో?
- 11 బీదాదికారో మీవెట ఎన్నివలెబా మంజినారో. గాని నాను ఎలాకాలం మీ వెట మన్వె.
- 12 నజీ మూస్సి వందిజ్ తయారో కిత్తి లెకెండె యా బోదెలి యా నూనె నా ఒడోలెత్ మున్ను వాక్రాద్.
- 13 యా బూమి మున్ను ఎంబెబా యా దేవుణు ఏలుబడిజ్ కిని వందిజ్ సువార్త సొటిస్సివెలె అది కితి యా పణి దన్నిజ్ ఎత్తుకిత్తి లెకెండె సొటిసి మంజినాద్లె”, ఇజి వెహ్సాన్.
- 14-15 నస్తివలె వస్సెండు మణినిరో సిసూర లొణ ఒరెన్ ఇన్నురియోతు యూద్ ఇనికాన్ పెరి పుజెరిజ డగ్రు సొహండ్రె, “నాను యేసుజ్ మిజి ఒవజెప్తిజి నజీ ఇనిక సినిదెరో?”, ఇజి వెన్బాతాన్. అందెజె వారు ముప్పుయె వెండ్రీ రూపయెబు తూస్తారె వన్నిజ్ సిత్తారె.
- 16 అబ్బెణిజ్ అసి యూద్ యేసుజ్ వరిజ్ ఒవజెప్తిజ్ ఉండ్రీ అవ్కానం సుడేజి మహాన్.

ప్రబు ఏర్పాటు కిత్తి బోజనం

- 17 పులాజ్ సిల్లి రొట్టెజ్ తయారో కిని వన్ను పండోయెది మెదొహి దినమదు వన్ని సిసూర యేసు డగ్రు వాతారె, “వన్ను ఉండెజ్ నీ వందిజ్ మాపు ఎంబె తయారో కిదిజ్, ఇజి నీను కోరిజిని?”, ఇజి వన్నిజ్ వెన్బాతారె.
- 18 వాండ్రు వరిజ్, “మీరు వట్టుమదు వలానివన్నిబాన్ సొస్సి, నా నమయం డగ్రు ఆతారె. నా సిసూర వెట కూడేజి సి ఇండ్రో వన్ను పండోయె కిదిజ్ ఇజి బోదెలికాన్ వెహ్సానాన్, ఇజి వన్నిజ్ వెహ్సా”, ఇజి వరిజ్ వెహ్సాన్.
- 19 వన్ని సిసూర సొస్సి యేసు వరిజ్ వెహ్సా లెకెండెన్ వన్ను పండోయెదిజ్ తయారో కితారె.
- 20 పొర్లు అతివెలె వన్ని వస్సెండు మన్ని సిసూర వెట బోజనమందిజ్ బస్తాన్.
- 21 వారు బోజనం కిజి మహివలె వాండ్రు, “మీ లొణ ఒరెన్ నజీ ఆఇవరి కీదు ఒవజెప్పొన్లె, ఇజి నాను మిజి నిజం వెహ్సాన్”, ఇజి వెహ్సాన్.

* **26:1-2 26:1-2** యూదురు పరి ఆని గొగొరిజ్ దేవుణు అయగుప్ప దేనమదు వెటిపణి కిజి మహిబాణిజ్ నండో వందిజ్ ముజాల ఊప్పిని తత్తి దన్నిజ్ ఎత్తు కిజినికారె వన్ను పండోయె వన్ను ఇహిజ దాట్టి సొహిళ ఇహిజ సప్పికానాతి దేవుణు దూత, మెండగొరెది నల దారబంద్రమికాణి రాని అతి మన్ని ఇల్లాజ్ డట్టి సొహి నమయమందిజ్ గుర్తిసినాద్. అయ ఇల్లా పుట్టి పెరి వన్నిజ్ దేవుణు దూత నవ్విత్తాన్ గాని మెండ గొరెది నల దారబంద్రమికాణి రాని అయగుప్ప దేనమది వరి విజు ఇల్లాజ్ పుట్టి పెరి వరిజ్ విజెరిజ దేవుణు దూత సప్తాన్. యా పండోయె విజు నమయమందిజ్ కిసార యూదురు విజు దేనమికాణి పండోయె కిదిజ్ ఇజి యెరునల్లెమదు కూడేజి వానార నిర్లమ 12. † **26:6-7 26:6-7** యా నూన్నాజ్ పణకు పెరు అలబాస్తారు ఇజి యా పణకు నండోకిదిజ్ తెల్లాజ్ మంజినాద్ యాక లీసి లోకురో వ్పనిజ్ తయారోకిజినారో

22 వారు విజేరె నండో దుకం ఆజి ప్రతి ఒరెన్ ఒరెన్, “ప్రబువా, నిజమె నాను ఆవి గదె?”, ఇజి వన్నిజ్ వెన్బాతాన్.

23 యేసు, “నావెట గెనెదు కియు ముడుఁకీకాన్ ఎయెండ్రొ వాండ్రె నజీ ఒపజెప్పికాన్.

24 లోకుమరిసి అతి నా వందిజ్ దేవుణు మాటదు రాస్తిమహి లెకెండో నాను సానాలి, గాని లోకు మరిసి అతి నజీ ఎయెన్ ఒపజెప్పొండ్రొ వన్నిజ్ కస్టమెన్. వాండ్రు పుట్టివండ మంజనిక ఇహిజ వన్నిజ్ ఎస్సానో బాగ మహోద్ మరి”, ఇజి వెప్తాన్.

25 వన్నిజ్ ఒపజెప్పి యూద, “బోదకినికి నాను ఆవి గదె?”, ఇజి వెన్బాతాన్. యేసు, “ఒఒ నీన”, ఇజి మరజి వెప్తాన్.

యేసుజ్ ఒపజెప్పెజ్ యూద ఒపు కొడ్డినాన్.

26 వారు బోజనం కిజి మహిజ్ యేసు ఉండ్రొ రొట్టె అస్తాండ్రె దేవుణుదిజ్ వందనమ్మకు వెప్పి, అయాక రుక్కి, వన్ని సిసూర్జి సితాండ్రె, “మీరు యాక లోసి తిండ్రు, యాక నా ఒడోల్”, ఇజి వరిజ్ వెప్తాన్.

27 మరి వాండ్రు గిన్న అసి దేవుణుదిజ్ వందనమ్మకు వెప్పి, అయాక వరిజ్ సీజి, “దిన్ని లోఇ మనిక విజేరె ఉండు.

28 యా గిన్నాదు మన్నిక నా నల, నండోండారిజ్ వరి పాపమ్మకు సెమ్మిజ్ ఇజి కారిసిని నా నల. ఇక్కడె దేవుణు నా నలదాన్ కిజిని ఒపుమానం.

29 నా బుబ్బాతి దేవుణు కిని ఏలుబడిదు మరి మీ వెట కొత్తాజ్ ఉణిదాక ద్రాక్కు పట్టు. రనం మరి ఎనజ్బా నాను ఉణివలె, ఇజి నాను మిజి వెప్పాన్”, ఇజి వెప్తాన్

30 మరి, ఉండ్రొ పాటో పార్దారె వారు ఒలివ మరెక్ మని గొరొన్ మున్ను, సాహార్.

పేతురు వన్నిజ్ నెన్వి ఇజి వెప్పాన్లె ఇజి యేసు మూజాల వెప్పానాన్.

31 నస్తివలె యేసు వరిజ్ సుడోజి, “గొరెజ్ అడివివన్నిజ్ నాను కత్తాలె, గొరెజ్ మంద నెదరినె సానెలి”, ఇజి దేవుణు మాటదు రాస్తి లెకెండో, యా పొదోయెన్ నా వందిజ్ నిల్దెజ్ అట్విండ మీరు విజెరె నజీ డిసి సానిదెరె.

32 గాని దేవుణు నజీ మరజి బత్తుదు నిక్కి వెనుక, మిజి ఇంక ముజాల గలిలయదు సానాలి”, ఇజి వెప్తాన్.

33 అందెజి పేతురు, “విజేరె మీ వందిజ్ నిల్దెజ్ అట్విండ డిస్తి సాహిజ్బా, నాను ఎనజ్బా నిజి డిసి సాన్వి”, ఇజి వన్నిజ్ వెప్తాన్.

34 యేసు వన్నిజ్, “యా పొదోయెన్ కొర్డు కెరెని ముజాల సీను, నజీ నెన్వి ఇజి మూండ్రొ సుట్టు, నీను వెప్పాలె, ఇజి నాను నిజి నిజం వెప్పాన్”, ఇజి మరజి వెప్తాన్.

35 పేతురు వన్నిజ్, “నాను నీ వెట సాదెజ్ ఇహిజ్బా గాని నిజి నెన్వి ఇజి ఎనజ్బా వెహివి”, ఇజి వెప్తాన్. మహి సిసూర్జిబా అయాలెకెండె వెప్తాన్.

గెత్తెమని బోట

36 నస్తివలె యేసు వన్ని సిసూర్జివెట గెత్తెమని ఇని బోటాదు సాహాన్. వాండ్రు వరిజ్, “నాను అబె సాస్సి పార్దనం కిజి మరజి వానిదాక ఇబ్బె బసి మండ్రు”, ఇజి వెప్తాన్.

37 పేతురుని జెబెదయి మరిసిరిజ్ వన్నివెట ఒతాన్. వాండ్రు నండో దుకం ఆజి బాద ఆదెజ్ మొదోల్స్తాన్.

38 వాండ్రు వరిజ్, “నాను సాదెజ్ డగ్రు అతిలెకెండో మన్ను ఓరిస్తెజ్ అట్వి నసా బాద నజీ కలిజిసాద్. మీరు ఇబ్బెనె బసి నావెట తెలి మండ్రు”, ఇజి వెప్తాన్.

39 యేసు అప్పెణిజ్ కండెక దూరం సాహోండ్రె ముణుకుజ్ ఉఱిజి, “నా బుబ్బు, నీను అట్టిజి యా కస్టమ్మకు నా బాణిజ్ లాగ్ అ. గాని నా ఇస్టం వజి ఆవద్, నీ ఇస్టం వజిని జర్పివద్”, ఇజి పార్దనం కితాన్.

40 వెనుక వాండ్రు సిసూర్జి డగ్రు మరజి వాతివెలె వారు నిద్ర కినిక సుడోజి, “ఉండ్రొ గంబానా నా వెట తెలి అజి మండ్రెజ్ మీరు అట్ఇతిదెరా? ఇజి పేత్తుజ్ వెన్బాతాన్.

41 “నయ్యూను మిజి వరిసి కిజి తప్పుదు సాన్విండ పార్దనం కిజి తెలి మండ్రు. అత్తు తయారెనె గాని ఒడోల్ నత్తు సిల్లెండ అజిసాద్.”

42 మరి రుండి సుట్టు, సాస్సి, “నా బుబ్బు, యా కస్టమ్మకు నాబాణిజ్ లాగ్జెజ్ ఆవద్, నాను ఓరిస్తెజ్వలె ఇహిజి నీను ఇస్టం అతి లెకెండో, అయావజిని జర్పివద్”, ఇజి పార్దనం కితాన్.

43 మరి వాండ్రు మరజి వాతివెలె, వరి కణక రెపెజ్ బరుదాన్ మూగ్గి మహిజ్ వారు మరి నిద్ర కిజినిక సుడోజాన్.

44 వాండ్రు మరజి సాహోండ్రె మూండ్రొ సుట్టు,బ అయా మాటెజ్ నె వెప్పొ పార్దనం కితాన్.

45 వెనుక వాండ్రు వన్ని సిసూర్జి డగ్రు వాత్తాండ్రె వరిజ్ సుడోజి, “ఏలుబా మీరు నిద్ర కిజి రోమ్జినిదెరా? ఇదిలో లోకుమరిసి అతి నజీ సెఇవరి కియుదు ఒపజెప్పికా గడియ డగ్రు అతాద్.

46 ఇదిలో నజీ ఒపజెప్పికాన్ వాజిసాన్, లెదు మాటె వరి వెట దనూల్ ఆదెజ్ సానాట్”, ఇజి వెప్తాన్.

యేసుజ్ అసి తోనాహ్పినాన్

47 వాండ్రు వర్గిజి మహివలె, వస్సండు మణిని సిసూర్జి లోఇ ఒరెన్ యూద వాతాన్. పెరి పుజెరిబు, లోకురి పెద్దెల్జి పోక్కిమని మంద లోకుర్ కూడమ్మకు, డుడ్బు అస్తారె వన్ని వెట వాతాన్.

48 యేసుజ్ ఒపజెప్పికాన్, “నాను ఎయెరిజ్ ముదు కిజినినో, వన్నిజ్ అస్తు”, ఇజి ఉండ్రొ గుర్తు లెకెండోముజాల వరిజ్ వెప్తా మహాన్.

49 యూద వెటెన యేసు డగ్రు వాతండ్రె, “బోదకినికి”, ఇజి వెప్తాండ్రె పొమ్జిజి వన్నిజ్ ముదు కితాన్.

50 యేసు వన్నిజ్, “కూలాయెన్, నీను ఇనిక కిదెజ్ వాతిదో అక్కు కిత”, ఇజి వెప్తాన్. నస్తివలె లోకుర్ ముజాల వాజి వన్ని మున్ను అరెసి వన్నిజ్ అస్తారె తోప్తాన్.

† 26:30 26:30 మాములుగ కీర్తన 113-114. పన్ను పండ్లియదిజ్ బోజనం కిదెజ్ మొదోల్పిని వెలె పార్దాన్. 115-118 బోజనం కిట్టి వీజితిజి పారజి మహాన్.
 ✧ 26:31 26:31 జెకె 13:7.

- 51 అయావలెనె యేసు వెట మహికాన్ ఒరెన్ వన్ని కియు సాప్పి కుర్త లాగితాండై వెరి పుజెరిజ్ పణిమన్ని గిబ్బి తెప్ప కత్తాన్.
- 52 యేసు వన్నిజ్, “నీ కూడం మరణి బలాడు ఇడోజు, కుర్త అస్సికార్ విజెరె కుర్తదానె సానార్.
- 53 నాను ఏలు నా బుబ్బిజ్ సాయం లోన్జు, నా బుబ్బు వన్నెండు గుంపుజ్ నయనమది వరిజ్ ఇంక లావ్దూతజు నా వందిజ్ పోకోవొండ్రో? మీరు ఇనిక బడోబిజనిదెరె?”
- 54 గాని నాను అయలెకెండే లోన్జుజు, యాలెకెండెనె ఇకెజ్ జరగిదెజ్ ఇజ దేవుణు మూడు రాన్సి మహిక ఎలాగ పూర్తి అనాద్?
- 55 అయావలె యేసు మంద లోకురిజ్ నుడోజు, “నాను ఒరెన్ డోజు కినికాంత్రో? మీరు కుర్తజాణిజ్, కొణెజాణిజ్ నజి అస్తజ్ వాతిదెరా? విజు రోన్సు, నాను దేవుణు గుడోడు బని బోదిసి మహాగదె. అయావలె మీరు నజి అనిఇతిదెరె.
- 56 ఎండనిజ్ ఇహిజు ముజాల దేవుణు వర్తితి మాటజ్ ప్రవక్తరు రాన్సి మహికెజ్ అయాలెకెండే పూర్తి అదెజ్ యాకెజ్ విజు జర్తితె”, ఇజ వెప్తాన్. నస్సవలె వన్ని సిసూర్ విజెరె వన్నిజ్ డోస్తారె ఉహొక్త సాహార్.

యేసు యూదురి కొర్దుదు

- 57 యేసుజ్ అస్సికార్ వన్నిజ్ విజు పుజెరిజు మున్ను వెరి పుజెరి అతి కయవ ఇండ్రో తత్తార్. అబ్బె వెరి పుజెరిజు లోకురి పెదలుజు కూడిత వాత మహార్.
- 58 దినిజ్ అత్కర్ ఇనిక అనాద్ ఇజ నస్తజ్, పేతురు కండెక్ దూరమదాన్ వన్ని వెనుక సాన్సు విజు పుజెరిజు మున్ను వెరి పుజెరి ఇలు అరబుదు కావ్కిని వరి వెట బస్తాన్.
- 59 వెరి పుజెరిజు, నన్పాద్రి నజుం⁵ ఇజ యూదురి కోర్టుదికార్ విజెరె యేసుజ్ నస్తజ్ తగితి రుజువ్ వందిజ్ వన్ని ఎర్దు అబద్దం సాక్యం వెప్పివరిజ్ రెబాజు మహార్.
- 60 వన్ని ఎర్దు అబద్దం సాక్యం వెప్పికార్ నండోండార్ వాతార్ గాని వన్నిజ్ నస్తజ్ తగ్గి ఇనికబా దొమ్మావితాద్.
- 61 కడోవేరిదు రిపెర్ ముజాల వాజు, “నాను దేవుణు గుడోదిజ్ అరప్పి మరి మూండ్రో రోస్కాజ్ లోజు దనిజ్మరణి తొవ్తాజ్ అట్టు ఇజి వాండ్రు వెప్తాన్”, ఇజ వారు వెప్తాన్.
- 62 నస్సవలె విజు పుజెరిజు మున్ను వెరి పుజెరి అతికాన్ నిజితాండ్రై యేసుజ్, “నీను ఇనికబా మరణి వెహొఇదా? వీరు మీ మున్ను వెప్పిని యా మాటజ్ ఇనికెజ్?”
- 63 గాని యేసు ఇనికబా వర్తింపడ జమన మహాన్. అందెజి విజు పుజెరిజు మున్ను వెరి పుజెరి అతికాన్ వన్నిజ్ నుడోజు, “బత్తిజుని దేవుణుదిజ్ తోడు అని నీ వెట ప్రమాణం కిజి నాను నిజి వెనబాజున, “నీను క్రీస్తు నా. దేవుణు మరినినా? అహిజు నజి వెహొఅ”, ఇజ వెప్తాన్.
- 64 యేసు వన్నిజ్, “నీను వెప్తిక నిజమె. గాని లోకుమరిసి అతి నాను, వాని గొప్పు అతికారం మన్ని కాలమదు దేవుణు ఉణెరె పడోకాదు బనిముజ అగానమదాన్ మొసొపు మున్ను వానిక మీరు నూణిదెరె ఇజ నాను మిజి విజెరిజ్ నిజం వెప్పిన”, ఇజ వెప్తాన్.
- 65 నస్సవలె విజు పుజెరిజు మున్ను వెరి పుజెరి అతికాన్ నండో కొపం అతండ్రై, వన్ని సొక్కెజ్ కిని అజి, “వాండ్రు దేవుణుదిజ్ దూసిసి వర్గితాన్! మరి ఇంక సొక్కెరిజు అవనరం సిల్లెద్. ఇదిలో వాండ్రు దేవుణుదిజ్ దూసిసి వర్తితిక మీరె వెహొదెరె.
- 66 మీరు ఇనిక బడోబిజనిదెరె?”, ఇజ వరిజ్ వెప్తాన్. అందెజి వారు”, వీండ్రు సొప్పదిజ్ తగ్గికాన్”, ఇజ వెప్తాన్.
- 67-68 నస్సవలె వారు వన్ని మొహొమదు పూని, ముటి అని గుదితార్. నెగొండార్ కియదాన్ డెయేజి, “క్రీస్తు నిజి డెయేతికాన్ ఎయెండ్రో ఇజి మజి వెహొఅ, నీను దేవుణు ప్రవక్తగదె?”, ఇజ వెప్తాన్.

పేతురు యేసుజ్నెనెవి ఇజి మూండ్రై నుటు వెప్పినాన్.

- 69 అయావలె వెల్లి అరబుదు పేతురు బన్ని మహికెజ్ పణిమన్ని అతి ఉండ్రై బోదెలి వాతాద్, “నీనుబా గలీలయోదికాన్ యేసు వెట మహికె”, ఇజ వెప్తాద్.
- 70 పేతురు, “నీను ఇనిక వర్తిజనిదె నజి తెలివిద్”, ఇజి బాన్మహి విజెరె ఎర్దు వెప్తాన్.
- 71 వాండ్రు అబ్బెణిజ్ వెల్లిహి గప్పని డగ్రు సొహొజ్, మరి ఉండ్రై పణిమన్ని అతి బోదెలి వన్నిజ్ నుడోజు, “వీండ్రు నజెరెతుదికాన్ అతి యేసు వెట మహాన్”, ఇజి అబె మహివరిజ్ వెప్తాద్.
- 72 వాండ్రు నాను వన్నివెట మండ్రెజ్ సిల్లెద్ ఇజి ప్రమాణం కిజి, “నాను వన్నిజ్ నెనెం”, ఇజ వెప్తాన్.
- 73 కండెక్టియం అతి వెనుక అబ్బె నిహొమహికార్ పేతురు డగ్రు వాజు, “నిజమె, నీనుబా వన్నివెట మహికె. నీను వర్గిని మాట విహొజానె తెలిజనాద్”, ఇజ వెప్తాన్.
- 74 నస్సవలె వన్నిజ్ వాండ్రై నయంవనిబె అజి ప్రమాణం కిజి, “నాను వన్నిజ్ నెనెం”, ఇజి వరిజ్ వెప్తాన్. వెటనె కొరు కెరెతాద్.
- 75 నస్సవలె, “కొరు కెరెని ముజాల నజి నెనెం ఇజి మూండ్రై నుటు. నీను వెప్పెలై”, ఇజి యేసు వన్నిజ్ వెప్తి మాట ఎటె కితాండ్రై పేతురు వెల్లి సొహొండ్రై గుండె కొతె అజి డటం అడోబతాన్.

27

యూద, వన్నిజ్ వాండ్రై ఉరి అజినాన్

- 1 పెందాల, వెరి పుజెరిజుని లోకురి పెద్దెల్లెజి విజెరె యేసుజ్ నస్సెజ్ ఇజి ఉండ్రై నిర్దెం కిదిన్జెజ్ ఇజి ఉండ్రై కుల్లు అతార్.
- 2 వారు వన్నిజ్ తొవ్తారె, రోమఅతికారి అతి పీలాతు డగ్రు తత్తారె వన్నిజ్ ఒవజెప్తారె.

§ 26:59 26:59 సిన్హాద్రి నజుం ఇహిజు 71 లోకుర్ మంజెని యూదురి వెరి కోర్టులెకెండే మహాద్ విజెరె పుజెరిజు మున్ను వెరిపుజెరిఅతికాన్ మరి వెరి పుజెరి ఇనికాన్ ఇజెరి నజతిజు వందిజ్ తీర్పు తీరిసి మహార్. సిన్హాద్రి నజమదు అయ సమయమది వెరి పుజెరి వన్ని ఇండ్రోజి మొగవారు, మహి ముకెలహతి పుజెరి ఇండ్రోజికార్ దేవుణు గుడోజు కావ్ కినివరి నెయ్యి ముజాల వెరి పుజెరిలెకెండే మహికార్ మంజెనార్. యెరూసలైమ్దు మన్ని సిన్హాద్రి నజమదిజ్నె వెరి నజతిజు వందిజ్ తీర్పు తీర్పెజ్ అతికారం మనాద్.

3 నస్తివలె వన్నీళ్ల బవజెప్పి యూద, వారు యేసును సప్తజ్ఞ ఇజి తీర్పు కితారొ ఇజి నెస్తాండ్రె, మన్నుదు నండో దుకుం ఆజి అయ మువయేవెండి రుపయెబు పెరి పుజెరిబుని వెద్దెల్లెట ఎర్దు ముచ్చా తత్తాన్.

4 “ఇని తప్ప సిలివన్నీళ్ల బవజెప్పానె నాను పాపం కిత”, ఇజి వాండ్రు వెచ్చాన్. “దనిజ్ నజీ ఇని పొతు సిల్లెద్. అయాక సి బాజిత”, ఇజి వారు వెచ్చాన్.

5 అందెజి యూద అయ వెండి రుపయెజి దేవుణుగుడిః లొఇ విసీరెత్తాండ్రె సాహాన్. వెనుక సొన్న వన్నీళ్ల వాండ్రె ఉరి లాగి అత్తాన్.

6 పెరి పుజెరిబు అయ వెండి రుపయెబు పెచ్చారె, “ఇకెజ్ ఒరెన్ వన్నీళ్ల సప్పి వందిజ్ సిత్తి డబ్బుజ్, అందెజి నంద పెటిదు అరెప్పిక్ దేవుణు రూలుదిజ్ వడిఃవిద్”, ఇజి వర్గతారె.

7 వారు అయ డబబూన్ ఆఇ దేనిమది వరిజ్ మూస్తాజ్, కుమెరివన్న మడిఃజ్ కొణాల్ ఇజి ఉండ్రె నిర్దెం కితారె.

8 అందెజి ఏలుదాక అయ మడిఃజ, “నల మడిఃజ’ ఇజి కూకె ఆజినాన్.

9-10 “దేవుణు నజీ ఆడ్రె సిత్తిలెకెండ, ఇస్తాయేలు లోకుర వన్న వందిజ్ ఏలువ లెకెండ సిత్తి ముచ్చయ వండి రూపయెజ్ వారు లాగితారె కుమెరి వన్న బూమి కొండెజ్ సితారె”^{*}. ఇజి దేవుణు ముజాల ప్రవక్త అతి యిరిమ్మ వెట వర్గితిక యా లెకెండ పూర్తి అత్తాన్.

యేసు పీలాతు ఎర్దు నిల్చినాన్

11 యాకెజ్ జరిగిజ మహివలె యేసు పెరి అతికారి అతి పీలాతు ఎర్దు నిల్చి మహాన్. నస్తివలె అతికారి అతి పీలాతు, “యూదురిజ్ రాజు అతికి నీనెనా?”, ఇజి వన్నీళ్ల వెన్బాతాన్. “నిజమె, నీను వెప్పి లెకెండనె”, ఇజి యేసు మరజి వెచ్చాన్.

12 పెరి పుజెరిబు, వెద్దెల్లెట వన్న మున్ను తప్పజ్ మోప్పివెలె వాండ్రు ఇనికబా మరజి వెహావితాన్.

13 నస్తివలె పీలాతు, “పీరు నీ మున్ను ఎసా తప్పజ్ మోప్పినాన్, యాకెజ్ వినెఇతిదా?”, ఇజి వన్నీళ్ల వెన్బాతాన్.

14 వాండ్రు వారు వెప్పి మూటెజ్ఉండ్రె దనిజ్బా మరజి ఇనికబా వెహావితాన్. అందెజి అతికారి నండో బమ్మ అత్తాన్.

15 వన్నవండోయెదిజ్ జెలిదు మున్నవరి లొఇ, లోకుర కొరజిని ఒరెన్ వన్నీళ్ల విడుదల కిని అలవూ అతికారిజ్ మనాద్.

16 అయవలె బరాబ ఇని ఒరెన్ మూరకతం మున్ను అన్నయ వాండ్రుననికాన్ ఒరెన్ జెలిదు మహాన్.

17 అందెజి లోకుర విజెరె కూడెజి వాతివెలె పీలాతు, “నాను ఎయెరిజ్ విడుదల కిదెజ్ ఇజి మీరు కొరెజినిదెరె? బరబ్బినా, సిల్లిజ క్రీస్తు ఇజి కూకె ఆజిని యేసుజా?”, ఇజి వరిజ్ వెన్బాతారె.

18 వారు యేసు మున్ను గోన అత్తారె వన్నీళ్ల బవజెప్ప మనార ఇజి వాండ్రు నెన్న మనాన్.

19 పీలాతు నాయం తీరిస్సి బాడిఃదు బన్సి మహివలె వన్న అల్చి, “ఇని తప్పబా సిల్లి అయా నెగ్గవన్నీళ్ల ఇనికబా కిదెజ్ నీను కూడెడిజ్ అవిద్. వన్న వందిజ్ నెండ్రు ఉండ్రె కలాదు నాను నండో బాద్ కల్లిత మన”, ఇజి వన్నీళ్ల కబ్బురు పొక్కాద్.

20 పెరి పుజెరిబుని వెద్దెల్లెట, బరబ్బిజ్ డిఃసి సీజి యేసుజ్ సప్తజ్ ఇజి అతికారి ఒప్పిలెకెండ వెచ్చాజ్ ఇజి లోకురిజ్ రేప్పి మహారె.

21 “యా రిఎరె లొఇ ఎయెరిజ్ నాను డిఃస్తాజ్ ఇజి మీరు కొరెజినిదెరె?”, ఇజి అతికారి వరిజ్ వెన్బాతిజ్, “బరబ్బిజ్నె”, ఇజి వారు మరజి వెచ్చారె.

22 “అహొజ క్రీస్తు ఇజి కూకె ఆజిని యేసుజ్ నాను ఇనిక కిదెజ్?”, ఇజి వరిజ్ వెన్బాతిజ్ “వన్నీళ్ల సిలువ పొకెఅ”, ఇజి విజెరె వెచ్చారె.

23 “ఎందానిజ్ వన్నీళ్ల సిలువ పొక్కెజ్, వాండ్రు ఇని తప్ప వణి కితాన్?”, ఇజి పీలాతు వరిజ్ వెచ్చాజ్, “వన్నీళ్ల సిలువ పొకెఅ”, ఇజి మరి ఒది వారు డేల్చి వెచ్చారె.

24 గగోలెని లావెజినిక అవిండ మరి ఇనికబా కిదెజ్ అట్విన్ ఇజి నెస్తాండ్రె పీలాతు, లోకుర విజెరె ఎర్దు ఏరు లోసి వన్న కికు నొరెబజి, “ఇని తప్పసిల్లి వన్న నలదిజ్ నజీ ఇని నమందం సిల్లె, మిజీనె నమందం మనాద్”, ఇజి వెచ్చాన్.

25 అందెజి లోకుర విజెరె, “వన్న నల మా మున్నుని మా కొడోరె మున్ను మనిద్”^{*}, ఇజి మరజి వెచ్చారె.

26 నస్తివలె వారు కొరితి లెకెండనె వాండ్రు బరాబెజ్వరి వందిజ్డిఃస్త సితాన్. గాని యేసుజ్ కొరెడిజాణిజ్ డిఃయెజి సిలువ పొక్కెజ్ బవజెప్పాన్.

సయనమదికారె యేసుజ్ వెక్రిసినారె.

27 నస్తివలె అతికారి సయనమదికారె యేసుజ్ వారు బత్తిజిని ప్రిటోరియం ఇని ఇండ్రె ఒత్తారె, సయనమదికారె విజెరె వన్న సుటులం కూడిఃతారె.

28 వారు వన్న నీరి సొకెజ్ లాగితారె మరి ఉండ్రె ఎరాని నీరి సొక వన్నీళ్ల తొడుఃగిస్తాతారె.

29 వారు సాప్పాణిజ్ అటారె ఉండ్రె టోపి తయారె కిజి వన్న బురారు ఇత్తారె. ఉండ్రె డుడు వన్న ఉణిరికియుదు అన్నస్తారె వన్న ఎర్దు మూణుకుజ్ ఊరెజి, “యూదురిజ్ రాజు అతికి గెలిసెఅ”, ఇజి వెప్పి వన్నీళ్ల వెక్రిస్తారె.

30 వన్న మున్ను పూసి, అయ డుడు లాగ్చి వన్న బురారు మరి మరి డెయెతారె.

31 వన్నీళ్ల వెక్రిసి వీజితి వెనుక వన్నీళ్ల తొడుఃగిస్త మహి నీరి సొక్క లాగితారె, వన్న నీరి సొక్కెజ్ తొడిగిస్తారె సిలువ పొక్కెజ్ వారు వన్నీళ్ల ఒత్తారె.

యేసు సిలువ పొకె ఆజినాన్

32 వారు సొన్న మహివలె కురెనియ ఇని పట్టుమదికాన్ సీమోను ఇని ఒరెన్ వన్నీళ్ల నుడెఃతారె, సిలువ పిండెడిజ్ వన్నీళ్ల బలవంతం కితారె.

^{*} 27:9-10 27:9-10 జీకరి 11:12,13; యర్థియా 19:1-13; 32:6-9. * 27:25 27:25 వన్న నల మా మున్నుని మా కొడోరె మున్ను రసిద్ - తెలుగు

- 33 బుర్ర పెణకి ఇని అర్ధం ఆని పేరుమని గోల్ గోత్ర ఇని బాడిఃదు వాతార్.
- 34 అవి సేందు కలప్పి ద్రాన కడు వన్నిజ్ ఉండెజ్ సిత్రార్ గాని వాండ్రు వెవితాన్,
- 35 వన్నిజ్ సేలువ పొక్కి వెనుక వన్ని సొక్కెజ్ ఎయెరిజ్ దొహెప్పొ ఇజి నెస్తెజ్ సీటిజ్ పొక్కార్ వన్ని సొక్కెజ్ సీటి ఆతార్.
- 36 దన్ను వెనుక వారు అబ్బొ బని వన్నిజ్ కావకిజి మహార్.
- 37 “పీండ్రు యూదురిజ్ రాజు ఆతి యేసు”, ఇజి వాండ్రు కితి తప్ప రాసి వన్ని బురాదిజ్ మున్ను ఇట్టార్.
- 38 వన్ని ఉజెర్ పడకాదు ఒరెన్ వన్నిజ్, వన్ని డేబ్బ పడకాదు ఒరెన్ వన్నిజ్ రిఎర్ డొజారిజి వన్ని వెట సేలువ పొక్కార్.
- 39-40 అయి స్త్రు సానికార్ విజెర్ బుర్ర దుక్కొ, “దేవుణు గుడిఃదిజ్ అరిప్పి మూండ్రు దినమ్కాజ్ మరజి తొప్పొక్కి, నీను దేవుణు మరిసి ఇహిజి నిజి నీని రక్కినెఅ, సేలువదాన్ డిఃగ్జి రఅ”, ఇజి వన్నిజ్ వడిఃఎండ సెఇ మటిజ్ వెప్పొ మహార్.
- 41 అయి లెకెండెనన, పెరి పుజెరిబు, లోకురి పెద్దెల్లెజ, దేవుణు మోసెజ్ సీటి రూలుజ్ నెస్సిన్సికార్ విజెర్ వన్నిజ్ వెక్కిస్తార్.
- 42 “పీండ్రు మహి వరిజ్ తప్పిస్తాన్, గాని వన్నిజ్ వాండ్రె తప్పె ఆదెజ్ అటవితాన్. వాండ్రు ఇస్తాయేలుది రాజు ఇహాన్. ఏలు వాండ్రు సేలువ మున్నుహాన్ డిఃగితిజి వన్నిజ్ మూప్ప నమినాన్.
- 43 వాండ్రు దేవుణు మున్ను నమకం ఇట్టాన్. “నాను దేవుణు మరిసి” ఇజి వెప్తాన్. అందెజి దేవుణుదిజ్ వన్నిజ్ సేలువదాన్ రక్కిస్తాండ్రా, ఇజి మాటు సూణాట్ దేవుణు వన్నిజ్ తప్పిసీన్ ఇజి వారు వెప్తాన్.
- 44 అయి లెకెండెన వన్నివెట సేలువ పొకె ఆతి మని డొజారిజ్ బా వన్నిజ్ వెక్కిస్తార్.

యేసు సేలువారు సాజినాన్

- 45 ముదెనమ్దాన్ మూండ్రు గంటిజ్ దాక దేసెం విజు సీకటి ఆతాద్.
- 46 డగ్ర మూండ్రె గంటిజ్ ఆతివెలె యేసు, “ఏలి, ఏలి లమ నబక్కాన్”, ఇజి నండొ డేల్లివెప్తాన్. “నా దేవుణు, నా దేవుణు నజి ఎండనిజ్ కియె డిఃస్సి?”* ఇజి యా మాటదిజ్ అర్ధం.
- 47 అబ్బొ నిహి మహికార్ నెగెండార్ యా మాట విహార, “వాండ్రు ఏలియెజ్ కూక్కినాన్”, ఇజి వెప్తార్.
- 48 వెటని వరి లొఇ ఒరెన్ ఉహెక్కి సొన్ని దూది తత్తాండ్రె పులెని రనమ్దు ముడుక్కి యేసుజ్ ఉండెజ్ ఉండెజ్ డుడుదాన్ వన్ని వెయేదు అందిస్తాన్.
- 49 మహికార్”, ఇనిక కిమ, ఏలియె వాజి వన్నిజ్ తప్పిస్తాన్, సూణాట్”, ఇజి వెప్తార్.
- 50 యేసు మరి డటం డేల్లిస్తాండ్రె పాణం డిఃస్సాన్.
- 51 అయి గడిఃయాదున దేవుణు గుడిఃదు మని తెర మున్నుహాన్ అడ్డి దాక కింజితాద్ రుండి ముకెజ్ ఆతె. బూమి కద్దితాద్. నటుజ్ బదెజ్ ఆతె.
- 52 దూకిజ్ రె ఆతెన ముజాల సాతి మహి సీటి నిజాయితి మరికార్ నండొండార్ ఒడొలదాన్ మరజి నీజితార్.
- 53 వారు దూకిజాణిజ్ వెల్లి వాజి, యేసు సాతి వరిబాణిజ్ మరజి నిజితి వెనుక దేవుణు వన్నివందిజ్ కేట కిత్తి పట్టుమ్దు† సొన్ని నండొండారిజ్ తోర్ ఆతార్.
- 54 నదూతివతి‡ వెటయేసుజ్ కావకిజి మహికార్ బూమి కద్దినిక, మరి జగ్గితికెజ్ విజు సుడఃజి నండొ తియెల్ ఆతార్. “పీండ్రు, నిజమె దేవుణు మరిసిన్”, ఇజి వెప్తార్.
- 55 నండొండెక్ బోదెక్ కండెక్ దూరమ్దాన్ సుడఃజి మహి. వారు యేసుజ్ అవనరం ఆతికెజ్ కిజి గలీలయదాన్ వన్నివెట వాతికెజ్.
- 56 వన్యా లొఇ మగ్గలెన మరియాని, యాకోబు, యోసె ఇని వరి అయేసి ఆతి మరియని జెబెదాయి మరిసిరిజ్ అయేసి బానె మహార్.

యేసుజ్ మూస్సిక

- 57-58 యేసుజ్ లొజిజి మరికానాతి అరిమతా ఇని పట్టుమ్దికాన్ యోసేపు ఇని ఒరెన్ ఆస్సి మన్నికాన్. పొద్దు ఆతివెలె, వాండ్రు పిలాతు డగ్రు సొహండ్రె యేసు ఒడొలె లొస్తాన్. యేసు ఒడొలె వన్నిజ్ సీదెజ్ ఇజి పిలాతు ఆడ్ర సితాన్.
- 59 యోసేపు అయి ఒడొలె లొస్తాండ్రె నిగ్గె తెలాని పొతెజాణిజ్ కి సుటిసి, నటుదిజ్ దొలెప్పిన్, వన్ని వందిజ్ తయార్ కితి మహి కొత్త దూకిదు ఇడఃతాన్.
- 60 ఉండ్రె గుండ్రాని సెప్త పణకు నడిపిసి దూకిదిజ్ అడు కితాండ్రె సొహాన్.
- 61 మగ్గలెన మరియాని మరి ఉండ్రె మరియె అబ్బొ దూకిదిజ్ ఎద్రు బస్తమహి.
- దూకిదిజ్ కావ కిజినార్.
- 62-63 మగ్గనాండెక్, ఇహిజి విస్తాంతిదినం వందిజ్ తయార్ ఆని దినం వెనుక, పెరి పుజెరిబుని, పరినయేరు పిలాతు డగ్రు కూడఃజి వాతార్, “బాబు, అయి అబద్దం వెప్పొ మొసెం కితికాన్ బత్తితి మహివలె, “మూండ్రె దినమ్కు ఆతి వెనుక నాను మరజి నీజ్ నాల” ఇజి వెప్పొ మహిక మజి ఎతు మనాద్.
- 64 అందెజి మూండ్రె దినమ్కుదాక దూకిదిజ్ నెగెండ సుడఃదిజ్ ఆడ్ర సీఅ. సీల్లిజి వన్ని సినూర్ వాజి వన్నిజ్ పెరజి ఒసి, వాండ్రు సాతి వరి బాణిజ్ మరజి నిజితాన్, ఇజి లొకురిజ్ వెహ్పార్. ఆహె కితిజి కడఃవెరిదిక మొదొహాదనిజ్ ఇంక మరి ఒదె మోసెం ఆనాద్”, ఇజి వెప్తార్.
- 65 అందెజి పిలాతు, “కావ్ కినివరిజ్ ఒసి మీరు కియదాన్ కిదిజ్ అట్టి లెకెండె దూకిదిజ్ జాగర్త కావకిదు”, ఇజి వరిజ్ వెప్తాన్.
- 66 వారు సొన్ని అయి దూకిదిజ్ సేలు పొక్కిస్తాం, జాగర్త సుడఃదిజ్ కావ్ కిని వరిజ్ బ ఇడఃతార్.

* 27:46 27:46 క్రిప్తన 22:1. † 27:53 27:53 యెరూసలేం. ‡ 27:54 27:54 నయనమ్ది వంద మణిసిరిజ్ నడిపిసికాన్. § 27:59 27:59 ఉండ్రె రకం గొప్ప విలువతి సునాజ్ మన్ని పాతెజ్.

28

యేసు మరణి నిజీజినాన్

¹ విస్త్రాంతిదినం గడన్సి సాహి వెనుక, వారమ్దిజ్ మొదోహి దినమ్దు జాయ్అజి మహివలె, మగ్గలెని మరియాని మరి ఉండ్రీ మరియ దూకిదు సుడెడిజ్ సాహోర్.

² వెటనె బూమి కద్దితాద్. ఎందనిజ్ ఇహిజ పరలోకమ్దాన్ ఒరెన్ దేవుణు దూత డిగిత వాత్తాండ్రె అడు మహి వణుకు ఎర్లిసి దని మున్సు బున్దు మహోన్.

³ ఆయ దూత ఒడోల్ మిర్సిని జాయ్లెకెండ్రీ మహోద్. వన్ని సొక్కజ్ గాంతులెకెండ్రీ తెలాజ్ మహె.

⁴ వన్నిజ్ సుడెజి కాప్ కినికార్ తియెల్ ఆతారె వణక్కి పరి పాణం సాహి లెకెండ్రీఅత మహోర్.

⁵ దేవుణు దూత ఆయ బోదెకాజ్ సుడెజి, “మీరు తియెల్ అమాట్. సిలువ పొకె అతిమన్ని యేసుజ్ మీరు రెబాజినిదెర్ ఇజి నాసు నెనిన.

⁶ వాండ్రు ఇబ్బె సిల్లెన్. వాండ్రు వెప్టి లెకెండ్రీ మరణి నిజీతాన్. రదు, వాండ్రు గూర్తిమహి బాడిః సుడెడు.

⁷ మీరు బేగి సాన్సి వాండ్రు సాతి వరిబాణిజ్ మరణి నిక్తాన్. వాండ్రు మిజి ఇంక ముజాల గలీలయ సాన్సి నాన్. మీరు అబ్బె వన్నిజ్ దనుల్ ఆనిదెర్, ఇజి వన్ని సిసూరిజ్ వెప్టు. ఇదిలో యాక ఏలు నాసు మిజి వెప్సిని ఇజి వరిజ్ వెప్టోన్.

⁸ అందెజి అవిక్ తియెల్ ఆజి గొప్ప సర్దదాన్ వన్ని సిసూరిజి యా మాటజ్ వెప్టాజ్ ఉహ్కొక్కి సాహె.

⁹ వెటనె యేసు వన్నా ఎర్దు తొర ఆతాండ్రె, “మిజి నెగెండ్రీ మనిద్”, ఇజి వెప్టోన్. అవిక్ వన్ని డర్దు వాజి పాదమ్కు అసి వన్నిజ్ వడ్డిగి మాడిస్సి.

¹⁰ నస్తివలె యేసు, “మీరు తియెల్ అమాట్. మీరు సాన్సి నా కాలెజి వెట గలీలయదు సాండ్రు ఇజి వెప్టు. వారు అబె నజీ దనుల్ ఆనారె”, ఇజి వనకాజ్ వెప్టోన్.

¹¹ అవిక్ సాన్సిమహిజ్, దూకిదిజ్ కాపకిజి మహికార్ నెగెండ్రీ పట్టుమ్దు సాహె, జర్లితి నజతిజ్ విజి పెరి పుజెరిజి వెట వెప్టోర్.

¹²⁻¹³ అందెజి వారు లోకురి పెద్దెల్జి వెట కూడెజి వాతారె ఉండ్రీ ఆలోసనం కితార్. వారు ఆయ సయనమ్ది వరిజ్ సండ్రీ డబ్బుజ్ సితారె, “మాపు నిద్ర కిజి మహివలె వన్ని సిసూర్ మదరెతు వాతారె వన్నిజ్ పెప్టా ఒతారె ఇజి మీరు వెప్టు.

¹⁴ యా మాట అతికారి గిబ్బిదు సాహిజి మాపు వన్నివెట వర్లిజి మిజి ఇనికబా రెవిండ్రీ సూణావలె”, ఇజి వరిజ్ వెప్టోర్.

¹⁵ అందెజి ఆయ సయనమ్దికార్ డబ్బు ఎస్తారె వరిజ్ వెప్టావజెనె కితార్. యా డొజకత ఏలుబా యూదురి లోఇ సాటె ఆజినె మంజినాద్.

¹⁶ పదకొండు మన్ని సిసూర్ యేసు వరిజ్ వెప్టి మన్ని గలీలయాది గొరొత్ సాహోర్.

¹⁷ వారు వన్నిజ్ సుడెతిజ్ వన్నిజ్ పొగడిజి మాడిస్సార్. గాని నెగెండ్రీ అనుమానం ఆతారె.

¹⁸ నస్తివలె యేసు పరి డర్దు వాతండ్రె, “పరలోకమ్దుని బూమి మున్సు విజి అతికారమ్కు దేవుణు నజి సిత మనాన్.

¹⁹ అందెజి మీరు సాన్సి విజి జాతిజాణి వరిజ్ నా సిసూర్ కిదు. బుబ్బు పేరుదాన్, మరిన్ పేరుదాన్, దేవుణు ఆత్మ పేరుదాన్ వరిజ్ బాప్టిసం సీదు.

²⁰ మరి నాసు మిజి ఆగ్ని సితెలికెండ్రీ, నాసు మిజి నెన్పిన్సి విజి వనకాజ్లోజిజి మండ్రెజ్ ఇజి వరిజ్ నెస్సిన్సు. ఇదిలో నాసు యా లోకమ్ది ఆక్రర్ దాక ఎలాకాలం తప్పిండ్రీ మీవెట మంజిన”, ఇజి వరిజ్ వెప్టోన్.

మార్కు రాస్తి సువార్త

నెల్ల కిబిసినిక

యా పుస్తకం రాస్తికాన్ మార్కు. వీండ్లు బర్లుబెక్ దడ్తుదికాన్. విన్నిక్ మరి ఉండ్రి పేరు యోహాను ఇజబా కుక్కార్. బర్లుబని పవులు నెల్లదాన్ పేతురువెట కూడొజి క్రీస్తు సేవపణి కిదెక్ మార్కుక్ అవ్కానం దొవ్కాత్తా. యా సువార్త రాస్తిక్ పేతురుబాణిక్ నెస్టాండ్ రాస్తిన్ ఇజ అర్తమాజినాద్. రాస్తి కాలం క్రీస్తు యా లోకమ్దు వాజి సాజి మర్రి నిజితివెనుక సిగం పంటిక్ గడొస్తివెనుక రాస్తిన్. ముకెలమతిక, క్రీస్తు గొప్ప పెరి బమ్మాతి పణిక్ కిత్తి దేవుణు మరిసి ఇజ, దేవుణుదిక్ సేవ కితికాన్ ఇజ, మార్కు రాసి తోర్స్తాన్. క్రీస్తు వెప్పి బోదదిక్ ఇంక క్రీస్తు కిత్తి బమ్మాతి గొప్ప పెరి పణిజ వందిక్ లావు వెప్పి రాస్త మనాన్. క్రీస్తు కిత్తి గొప్ప పెరి బమ్మాతి పణిక్ పద్దెనిమితి రాస్త మనాన్. నాలిగినె కతెక్పజ రాస్తిన్.

యోహాను దేవుణు మాటసాటిసినాన్

- 1 దేవుణు మరిసి ఆతి యేసు క్రీస్తు* వందిక్ సువార్త ఇబ్బె మొదొల్సినాద్.
- 2 పూర్ దినిమకాక్ ముజాల్ దేవుణు వన్ని మరిసిక్ వెప్పి మాటిక్ యెనయ ప్రవక్త ఈహు రాస్త మహాన్. “ఇదిలో, నాను నా కబ్బ తన్నివన్నిక్ నీ ముజాల పొక్కిన. లోకు నిజి ధ్గుం కిదెక్ ఇజి వాండ్లు నీ ముందల నీ సరి నెగెండ్ కినాన్†.
- 3 బిడిఃమబామిదాన్ వాండ్లు ఈహు డేల్లి వెప్పిసాన్ ప్రబుక్ లోకుడర్లు వాదెక్ సరి తయర్దికాన్. ప్రబుక్ లోకుడర్లు వాదెక్సరి తినాక్ కిదు‡”.
- 4 యెనయ ప్రవక్త వెప్పివజి యోహాను బిడిఃజి బామిదు వాతాన్. “లోకుర్ పాపమ్కు డిఃసినీజి బాప్తినం లాగి అదు. దేవుణు పాపమ్కు సెమిస్సాన్ ఇజి వెప్పి యోహాను బానె లోకాక్ బాప్తినం సీజి మహాన్.

యేసు బాప్తినం లాగి ఆజినాన్

- 5 యూదయ దేసెమ్దికార్ విజెరె, యెరూసలేం పట్టుమ్దికార్ విజెరె సోత్తారె యోహాను డర్లు వాతార్. వారు పాపమ్కు ఒప్ప కొటార్. యోహాను వరిక్ యొర్దాన్ గడ్డాదు బాప్తినం సితాన్.
- 6 యోహాను ఒంటి బులుస్కాణిక్ తయార్ కిత్తి సాక్కు పొర్వాజి, నడఃముదు తోలు బెల్లు తోప్తా మహాన్. వాండ్లు మెపిలెక్కి అడిఃవి తేనే తిలజి మహాన్.
- 7 యోహాను లోకాక్ ఈహు వెప్పి వెప్తాన్, “నా వెనుక ఒరెన్ వానాన్లె. వాండ్లు నజి మిస్తి నండ్రి పెరికాన్. వన్ని జోడు బెల్టు కూతెజిబా నాను ఏవటితికాన్ అవి.
- 8 నాను మిజి ఏరుదు బాప్తినం సీజిన. నా వెనుక వానికాన్ దేవుణు అత్తుదాన్ బాప్తినం సీనాన్లె”.
- 9 ఆ దినిమకాక్ ఒర్పొండు యేసు గలిలయదు మన్ని నజెరెతుదాన్ యొర్దాన్ గడ్డాదు వాతాన్. అబ్బె యోహాను యేసుక్ యొర్దాను గడ్డాదు బాప్తినం సితాన్.
- 10 గడ్డదాన్ వెల్లి వాజిమహిక్ ఆగానం రే అతాదె దేవుణు అత్తు పావరపాటి లెకిండ్ వన్ని మున్సు. వానిక యేసు నుడొతాన్.
- 11 “సీను నాను ప్రేమిసిని నా మరిన్. నీ వందిక్ నాను నండ్రి సర్ల ఆజిన”, ఇజి పరలోకమ్దాన్ ఉండ్రి కంటం వాతాద్.
- 12 వెటన దేవుణు అత్తు యేసుక్ బిడిఃజి బామిదు పొక్తాన్.
- 13 వాండ్లు అబ్బె సలవయ రోస్కు రెయుపొగల్ మహాన్. సయ్యాన్ యేసుక్ తప్ప కిబిన్లక్ పరిస కిజి నుడొతాన్. అబ్బె అడిఃవి జెతుక్వెట మహాన్. దేవుణుదూతార్ వన్నిక్ నెగెండ్ నుడొతాన్.

యేసు సినూరిక్ కూక్కినాన్.

- 14 హేరోదు రాజు యోహానుక్ జెలిదు ఇడిఃతివెనుక యేసు గలిలయదు సాహండ్రి దేవుణుసువార్త బోద్దిస్తాన్.
- 15 “దేవుణు ముజాల్పె ఏర్పాటు కిత్తి టయం ఏలు వాతాద్. దేవుణు ఏలుబడిః కిని గడిఃయ డర్లు అత మనాద్. మీ పాపమ్కు ఒప్పకొడిఃజి డిఃసినీదు, నాను వెప్పి సువార్త నమ్మిదు”, ఇజి యేసు వరిక్ బోద్దిస్తాన్.
- 16 యేసు గలిలయ నమ్దరం ఒడ్డుదాన్ సాన్నిమహిక్ సీమోసుక్ని వన్నితంబెరెనియాతి అంద్రెయెక్ నుడొతాన్ వారు నమ్దరమ్దు వల పొక్కి మొయెక్ అసి మహాన్. ఎందానిక్ ఇహిజ వారు జాలెరిజు.
- 17 “నా వెట రదు. లోకాక్ ఎలాగ నా సినూర్ కిదెక్ ఇజి నెస్తిస్తాలె”, ఇజి యేసు వరిక్ వెప్తాన్.
- 18 వారు వెటనె వలేక్డిసిని వన్నివెట సాహాన్.
- 19 యేసు కండెక్ దూరం నడిఃజి సాహిక్ జెబెదెయ మరిసి యాకోబుని, యాకోబు తంబెర్ని యోహాను, పరిడోణిదు బసి వలేక్ నెగెండ్ కిజి మహిక్ నుడొతాన్.
- 20 యేసు వరిక్ నుడొతివెటనె కూక్తాన్. వారు అప్పొనిక్, వన్నివెట కూడిఃజి పణికినివరిక్ డోణిదు డిఃసి యేసువెట సాహాన్.

యేసు దెయమ్దిక్ ఉల్పెనాన్

- 21 యేసుని వన్నిసినూర్, కవర్తహము ఇని పట్టుమ్దు సాహాన్. విస్తాంతిదినమ్దు యేసు యూదురి మీటిక్ ఇండ్రి సాహండ్రి నేర్పిన్లక్ మొదొల్సినాన్.
- 22 యేసు నెస్తిన్లక్ విహారె లోకుర్ నండ్రి బమ్మ ఆతార్. ఎందానిక్ ఇహిజి యూదురి రూలు నెస్తిన్లక్పరి లెకిండ్ అవండ్ నండ్రి అతికారమ్దాన్ మన్ని వన్లలెకిండ్ నెన్పిన్తాన్.

* 1:1 1:1 లోకాక్ రక్తిన్లక్ దేవుణు ఏర్పాటు పొక్కినాన్. † 1:2 1:2 మలాకి 3:1. ‡ 1:3 1:3 యెనయ 40:3.

- 23 నన్నివలె వరి మీటిళ్ల ఇండ్రో దెయం అన్సి మహికాన్ ఒరెన్ మహాన్.
- 24 వాండ్రు “నజరేతుదికి యేసు, మా వెట నిజి ఇని పణి? మా పణి విజి అదు కిదెళ్ల వాతిదా? నీను ఎయెండ్రో ఇజి నాను నెసిను. నీను దేవుణు బాణిళ్ల వాతి నెగ్గి వాండ్రు”, ఇజి డటం గగ్లొజి వెప్తాన్.
- 25 అందెజె యేసు, “అల్లెజి మన్అ. విన్సిజ్ డిసి వెల్లి రఅ”, ఇజి ఆ దెయమదిళ్ల కోపం దాన్ వెప్తాన్.
- 26 అయవలె అయ దెయం అది అన్సిమహివన్సిజ్ దూక్కి డట్టం డేల్స్తాదె డిస్స సాచాద్.
- 27 అబ్బె మనికార్ విజేరె ఇక సుడెతారె నండో బమ్మ అతార్. “ఇక ఇనిక? వీండ్రు కొత్త సజతిళ్ల నెర్పిసినాన్. దేవుణు సత్తు దాన్ అతికారమదాన్ వీండ్రు సాన్అ ఇజి దెయమకాళ్ల వెప్సానాన్. అవి డిసి సాన్సిన్”, ఇజి ఒరెన్ వెట ఒరెన్ వర్గితార్.
- 28 వన్ని వందిళ్ల మాణిళ్ల అయా గలీలయ ప్రాంతం సుటుల విజి వెటని నిద్రితె.

యేసు నండోదారిళ్ల నెగెండ కిజినాన్.

- 29 వారు మీటిళ్ల కిని ఇండ్రోణాళ్ల సాన్సి యాకోబు, యోహానువెట, కూడితారె సీమోను, అంద్రెయ ఇని వరి ఇండ్రో సాహార్.
- 30 సీమోను మీప్పి నోబు అన్స మహాద్. వారు వెటని దని వందిళ్ల యేసు వెట వెప్తాన్.
- 31 యేసు దని డగ్గు వాజి కీదిళ్లఅసి దనిజన్సిక్రాన్. నన్నివలె నోబు డిస్సాదె. నోబు డిస్సెళ్ల అది వరిళ్ల ఉండెళ్ల సితాద్.
- 32 పొద్దు సాహి అతివలె లోకురె నండో నండో రకమకాణిళ్ల బాద అజి మహివరిళ్ల దెయమకు అన్సివరిళ్ల విజెరిళ్ల యేసు డగ్గు తత్తార్.
- 33 పటనమదికార్ విజేరె ఆ ఇల్లు ముజాల్ కూడిత మహాద్.
- 34 యేసు నండో రకమకాణి జబ్బుమహి నండోదారిళ్ల నెగెండ కిత్తాన్. దెయం అన్సివరిబాణిళ్ల వన్యాళ్ల ఉల్పాన్. వీండ్రు దేవుణు మరిసి ఇజి దెయమకు నెన్సె మహా అందెజె వాండ్రు వన్యాళ్ల వర్గివిండ కిత్తాన్.

యేసు గలీలయదు సాటిసినాన్

- 35 మర్గు నాండెళ్ల యేసు సికటి ముజునె నిజ్జె పెందల ఎయెర్ సిల్లి ఉండ్రెబాడ్డిదు సాహోద్రె పార్దనం కిత్తాన్.
- 36 సీమోను, వన్సి వెట మహికార్, యేసుజ్దరెబాజి మహాద్.
- 37-38 యేసుజ్ల సుడెతారె, “విజేరె నిజి రెబాజినార్”, ఇజి వెప్తాళ్ల యేసు, “డగ్గు మని మరి పట్టమకాణిబా సానాట్. నాను అబెబా దేవుణు మాణిళ్ల సాటిన్సెజ్వలె. దన్ని వందిజె నాను వాత మన్స”, ఇజి వెప్తాన్.
- 39 యేసు గలీలయ విజి బూలాజి యూదురు మీటిళ్ల కిని ఇల్కాళ్ల బోద్రిస్తాన్. దెయం అన్సి వరిబాణిళ్ల వన్యాళ్ల ఉల్పాన్.

యేసుప కుస్తు రోగం అతివన్సిజ్నెగెండ కిజినాన్.

- 40 ఒరెన్ కుస్తు రోగం మనికాన్ యేసు డగ్గు వాజి ముణుకుళ్ల ఊరెజి, “నిజి ఇన్సం మహిజ నజి నెగెండ కిదెళ్ల అటన్సి”, ఇజి బతిమాళితాన్.
- 41 యేసు వన్సి మున్సు కనికారం అజి కియు సాఫ్సి వన్సిజ్ల ముట్టి, “నజి ఇన్సమనె, నీను నగెండ అఅ”, ఇజి వెప్తాన్.
- 42 వెటని వన్సిజ్ల మహి జబ్బు డిస్సాదె. వాండ్రు నెగెండ అతాన్.
- 43-44 అయవలె యేసు, “ఎయెవెటబా ఇనికబా వెప్సా. నీను తినాళ్ల సాన్సి నీ ఒణోల్యూద వుజేరిళ్ల తోరిన్అ. నీను నెగెండఅతి వందిళ్ల మోని ముజాల్ అత్త నితివజ దేవుణుదిళ్లనంత నిఅ” అహా నీను నెగెండ అతి ఇజి లోకురిళ్ల తోరిన్అ”, ఇజి కనీతం వెప్సా ప్రోక్రాన్.
- 45 గాని ఆ నెగెండఅతికాన్ సాన్సి వాండ్రు నెగెండఅతిక విజేరిళ్ల మరి ఒద్దె వెప్తాన్. అహిబా విజిబాణిళ్ల నండో లోకురె యేసుబాన్ వాతార్.

2

యేసు కిక్కు కాల్కు అర్దివన్సిజ్ల నెగెండ కిజినాన్

- 1 నెగం రోన్సు అతి వెనుక యేసు మరి కపెర్నహముదు వాతాన్. వాండ్రు ఇండ్రో వాతాన్ ఇని విజెరె వెహార్.
- 2 నండో లోకురెబాన్ కూడిజి వాతార్. అన్సిజ్ అట్లె లోకురెవాతార్. అందెజె ఇల్లు లోఇబా అరెబుదుబా బాడ్డిజి సిల్లెండ అతాద్, యేసు వరిళ్ల దేవుణు మాణిళ్ల బోద్రిస్తాన్.
- 3 కికు కాల్కు అర్ది వన్సిజ్* నాల్విర్ పిండిత తతారె నెగెండార్ యేసుబాన్ వాతార్.
- 4 అబ్బె నండో లోకురె మహిజ్ల వన్సిజ్ల యేసు డగ్గు ఒత్తెజ్ అట్లెవిండ అతార్. అందెజె యేసు నిహిమహి జాగమున్సు వెడదిళ్ల బోరోకితారె ఆ జబ్బు అతివన్సిజ్ల సాపదాన్ యేసు నిల్పిమహిబాన్ డిప్తార్†.
- 5 వన్సిమున్సు. మని వరి నమకం సుడెతారె, యేసు జబ్బు అతివన్సివెట కాలయెజ్ల నీ పాపమకు సెమి అతె మన్సె”, ఇజి వెప్తాన్.
- 6 అబ్బె నెగెండార్ యూదురి రూలు నేర్పిన్సికార్ బస్స మహాద్. వారు మనున్సుదు.
- 7 వీండ్రు ఎందానిళ్ల ఈహు వెప్సానాన్. వీండ్రు దేవుణువెట సమానం అతికాన్ ఇజి దేవుణుదిళ్ల దూసిసినాన్. దేవుణు ఒరెండ్రె పాపమకు సెమిన్సిక్రాన్ గదె”, ఇజి వారు ఒడిజెబితార్.
- 8 వారు ఈహు ఒడిజెబిజనిక యేసుజ్ల వెటని తెలితాద్. యేసు వరిళ్ల వెప్తాన్, “ఎందానిళ్ల మీరు మీ మనున్సుదు అహా ఒడిజెబిజనిదెరె?

* 2:3 2:3 పళ్లవయ్యు ఇనిజబ్బుదాన్ నడిచెళ్ల అట్నాన్ † 2:4 2:4 అయ దేనంత మెడడెళ్ల ఎలాగ తయార్ కినార్ ఇహిజ పదిళ్ల పప్పా దన్నిమున్సు. దుల్లిదాన్ పణుకుట్దాన్ మెడ పొక్కార్. మెడ మున్సు ఎక్కెళ్ల ఇహిజ పాపముజ్ల మన్సె

9 యా జబ్బుది వచ్చి నీ పాపముకు సెమ అత మన్న ఇజ వెప్పొక నులునా? నీను నిజ్జ సాప వెర్రి నడిజ అ ఇజ వెప్పొక నులునా?

10-11 లోకు మరసి అతి నజ్జి లోకురి పాపముకు సెమిస్తెజ్ బూమి మున్ను అతికారం మనాద్. ఇజ మీరు నెస్తెజ్ వలె ఇజ వెప్పొత్తె కిక్కు కాల్కు అర్రి వచ్చిజ్ “నాను నిజ్జి వెప్పొన, నిజ్జ అ, నీ సాప అసి ఇంత్తొ సొన అ”, ఇజ వెప్పొన.

12 వెటనె ఆ కిక్కు కాల్కు అర్రికాన్ నిజ్జ్జ వచ్చి సాప అసి వారు విజ్జెరె నుడిజ్జి మహిజ్జి నడిజ్జి సాహ్. అక్కు నుడిజ్జెరె వారు విజ్జెరె బమ్మ అత్తార. “నిన్ను పణి మాట్ ఎనెజ్జ బా తోపట్” ఇహారె దేవుణుడిజ్జి న్నుతి కిత్తార.

పను పెర్రికాన్ లేవిజ్జ్ యేను కూక్కినాన్

13 యేను మరి గలీలయ నమదరం గట్టుదు సాహ్. లోకుర్ వచ్చి డగ్గు వాతిజ్జ్ వరిజ్జ్ దేవుణు మాటిజ్జ్ నెస్సిస్తాన్.

14 యేను నడిజ్జి సొన్ని మహిజ్జ్ అలవయె ఇని వచ్చి మరసి లేవిః ఇని పను పెర్రికాన్ ఒరెన్ వచ్చి ఆపినుదు బన్దుమహిజ్జి నుడిజ్జెరె. యేను వచ్చిజ్ “నీను నా సినుడు ఆల. నా వెట రఅ”, ఇజ వెప్పొన. లేవి నిజ్జెత్తొత్తె యేనువెట సాహ్.

15 వెనుక యేను లేవి ఇంత్తొ బోజెనమ్మదిజ్జ్ బస్తాన్. సెజ పణి కినికార అబ్బొ మహ్. పను పెర్రికార వారు యూదురు వెప్పొ రూలు వజ నడిజ్జెకార. ఎసొండాలో లోకుర్ యేనువెట మహ్. వారుబా యేను, వచ్చి సిసూరెవెట బోజెనమ్మదిజ్జ్ బస్తార.

16 పరిసయరు లోజ మచ్చి యూదురి రూలుజ్ నెన్పెన్సికార వనిజ్ నుడిజ్జి “ఎందనిజ్జ్ పేంత్రు వన్నుపెర్రివరివెటని పాపం కినివరివెట ఉణిజ్జినాన్”, ఇజ సిసూరెజ్ వెన్బాత్తార.

17 యేను ఆ మాట వెంజ “నెగెండ్ సిల్లివరిజ్ డాక్టరు కావాలి. నెగెండ్ ముచ్చివరిజ్ ఎందానిజ్జ్లు మరి డాక్టరు. నీతి నిజ్జమాతి ముచ్చివరిజ్ అవిద్. పాపం కితివరిజ్ కూక్కిజ్జె నాను వాత మన్ను ఇహ్.

ఉపాన్ వందిజ్జ్ యేనుజ్ వెన్బాత్తార

18 అయవలె బాప్తినం సీని యోహాను సిసూరెని, పరిసయరు, యూదురి రూలువజ ఉపాన్ కిజ్జి మహ్. నెగెండాలో లోకుర్ వాజి యేనుజ్ వెన్బాత్తార. “యోహాను సిసూరె ఉపాన్ కిజ్జెనార, పరిసయరి సిసూరె ఉపాన్ కిజ్జెనార, ఎందానిజ్జ్ నీ సిసూరె ఉపాన్ కివి?”

19 యేను ఈహు వెప్పొన, “పెండ్లి కూలెజ్ పెండ్లిదజ్జెజ్జెవెట ముచ్చివెలె ఉపాన్ ముండ్రెజ్ అట్టూరా? పెండ్లిదజ్జెజ్జెవరివెట ముచ్చివలె వారు ఉపాన్ ముండ్రెజ్ అట్టివరి.

20 పెండ్లిదజ్జెజ్జె వరి నడిజ్జెమహ్ ఒని దినం వానాద్. అయ రోజు వారు ఉపాన్ మంజినార.

21 యేను మరి వెప్పొన: “ఎయెరెబా పాడాయ్ పాతదు కొత్త ముక్కు కూడిప్పి గుత్తివరి. ఆపా కితిజ్ అయకొత్త పాత ముక్కు పడాయి పాతదిజ్జ్ లాగ్గాద్ బోర్ ఒడ్డొ లాపు ఆనాద్.

22 “ఎయెరెబా పడాయ్ తోలునన్నుదు కొత్త ద్రాక్కులు వాక్విన్. అపా కితిజ్ కొత్త ద్రాక్కులు పొజు వాజి అయ సచ్చి వెడెలనాద్. ద్రాక్కులు విజ్ వాజ్న సానాద్. సచ్చి పాడునాద్. అందెజ్ కొత్త ద్రాక్కుల్లు కొత్త తోలు సచ్చిదునె వాక్కిజ్”.

యేను విజ్జ వన్నాజ్ మున్ను ప్రబు

23 ఉండ్రి విస్త్రాతి దినమ్మదు యేనుని సిసూరె వంట గుడ్డెదాన్ నడిజ్జి సొన్ని మహ్. అయవలె సిసూరె సెరేక్ తెప్పి మహ్.

24 పరిసయరు అయక నుడిజ్జెరె, “ఇదిలో ఎందానిజ్జ్ వారు విస్త్రాతి దినమ్మదు రూలుదిజ్జ్ తప్పినార. ఇజ వచ్చిజ్ వెప్పొన.

25 అయవలె యేను వెప్పొన, “దావీదురాజు, వచ్చివెట మహి లోకుర్ బజ కట్టిజ్ వాంత్రు ఇనిక కిత్తొంత్తొ ఇజ మీరు ఎనిజ్జెబా నద్విఇదెరా?

26 అబ్బొత్తారు ఇనికాన్. విజెరె పుజెరిజ్ మున్ను పెరి పుజెరి మహివలె దావీదురాజు సమాజ గుడారమ్మదు డుగితొండ్రె, దేవుణు ఎర్దు ఇడ్డి రొట్టెజ్ లాగితొండ్రె తిహ్. అక్కు పుజెరి తప మరి ఎయరెరబా తిండ్రెజ్ అవిద్ గాని తిహ్ండ్రె వచ్చివెట మహివరిజ్జెబా సెత్తార.

27 వెనుక యేను వరిజ్జ వెప్పొన, “ముజాల్ దేవుణు లోకుదిజ్జ్ విస్త్రాతిదినం ఏర్పాటు కిత్తార. గాని విస్త్రాతి దినమ్మందిజ్జ్ లోకుదిజ్జ్ ఏర్పాటు కిప్పిన్.

28 లోకుమరసి అతి పిట్టి నజ్జి విజ్జ వన్నాజ్ మున్ను అతికారం మనాద్. మరి, విస్త్రాతి దినమ్మదు ఇనిక కిదిజ్ ఇజ లోకాజ్ వెప్పొజ్జెబా అతికారం మనాద్.

3

యేను కియు అర్రివచ్చిజ్ నెగెండ్ కిజ్జినాన్

1 మరి యేను యూదురి మీటిజ్ ఇంత్తొ సాహ్. అబె ఉండ్రి కియు అర్రికాన్ ఒరెన్ మహ్.

2 అబ్బొ మహికార నెగెండాలో యేను యా జబ్బుదివచ్చిజ్ విస్త్రాతిదినమ్మదు నెగెండ్ కినాంత్తొ ఇజ బాగ నుడిజ్జెరె మహ్. ఎందనిజ్జ్ ఇహిజ్ విస్త్రాతిదినమ్మదు ఇని పణిబా కిదిజ్ అవిద్ కాక యేనుజ్ ఇని దచ్చిజ్జెబా తప్ప మొప్పెజ్ ఇజ నుడిజ్జెరె మహ్.

3 యేను కియు అర్రివచ్చిజ్, “విజెరి ముజాల వాజి నిల అ”, ఇజ వెప్పొన.

4 సచ్చివలె యేను, “దేవుణు మోసజ్జి నీతి రూలువజ్ విస్త్రాతి దినమ్మదు నెగ్గి పణి కిదిజ్, సెజ పణి కిదిజ్? పాణం అర్పెజ్నా? ఇజ వరిజ్జ వెన్బాత్తార. గాని వారు అలెత్తార.

5 వరి మన్ను గ్రాజిమహిజ్జె యేను నండ్రి దుకం ఆత్తాన్. కోవం దాన్వరిజ్ నుడిజ్జెరె. అయ కియు అర్రివచ్చివెట, “నీ కియు సవ అ”, ఇజ వెప్పొన. వాంత్రు కియు సాప్పిజ్ ఆ కియు నెగెల్ అత్తార.

6 సచ్చివలె పరిసయరు వెల్లి సాహి వెటనె హెలోద్ ఇని వరివెట కూడిజ్జి యేనుజ్ ఎలాగ్నప్పెజ్ ఇజ ఆలోసనం కిత్తార.

† 2:14 2:14 వచ్చిజ్ మరి ఉండ్రి పేరు మత్తయి వచ్చి పణి వన్నుపెర్రికాదె.

యేసువెట మంద లోకుర్ సొన్నినార్

7 అందెజె యేసు వన్ని సిసూర్వెటె గలీలయ సమదరంబాన్ సొహాన్. మందలోకుర్ గలీలయదాన్ వరివెనుక సొహాన్.

8 యేసు కిత్తి గొప్ప పణిజ వెంజి యూదయ దేనిమదు మన్ని విజు నావ్యాణికార్, యెరూసలేందాన్, సమదరం పడకాద్ తూరు సీదోసు ఇని పట్టామి ప్రాంతమకాజ్ వాతి నండో లోకుర్ వన్నిబాన్ వాతార్.

9 నండో లోకుర్ వాజి మహిజ్ నిల్పిమండ్రెజ్ ఇహాకు అజి దన్ని మున్ను అవండ మండ్రెజ్ ఉండ్రె ఇజ్జి డోణి తని బాని ఇడదు ఇజి సిసూర్ వెట యేసు వెహ్సాన్.

10 ఎందానిజ్ ఇహిజ నండోదారిజ్ యేసు నెగెణ్కితాన్. అందెజె జబ్బు అతిమహికార్ విజేరి యేసుజ్ ముట్టజ్ ఇజి నెక్కె అజి సొహాన్.

11 దెయం అస్తికార్ యేసుజ్ సుడతెవెటని వన్ని ముజాల ముణుకుజ్ ఊరిజి, వడగజి మాడిసాంరె “నిను దేవుణు మరిసి”, ఇజి గగోలాతార్.

12 “నాను ఎయెన్ ఇజి ఎయేరవెట వెహ్సాట్”, ఇజి యేసు వరివెట కనితం ఆడ్ర సిత్తాన్.

యేసు వన్నెండు మణిసిరిజ్ అపొస్తురువజి ఏర్పాటు కిజినాన్.

13 వెనుక యేసు ఉండ్రె గొరేత్ ఎక్కి సొహాండ్రె వన్నివెట ఒతెజ్ వాండ్రు కోరితివెజ్ వన్ని డగ్రు కూక్తాన్. వారు వన్నిబాన్ సొహాన్.

14 యేసు వన్నెండు మనిసిరిజ్ వన్నిబాన్ మండ్రెజ్ ఇజి, దేవుణు మాట విజేరిజ్ వెప్పివందిజ్ పోక్తెజ్ ఇజి ఏర్పాటు కిత్తాన్. (విరిజె అపొస్తురు ఇజి కూక్తాన్)

15 దెయమకాజ్ ఉల్ఫెజ్ అతికారం వరిజ్ సిత్తాన్.

16-19 యా వన్నెండు మణిసిరి ఎయెర్ ఎయెర్ ఇహిజ సిమోసు (యేసు వన్నిజ్ పేతురు ఇని పేరు సిత్తాన్) జెబెదయ మరిసిరి యాకోబు, వన్ని తంబెరిసి యోహాను ఇనికార్ (యేసు వరిజ్ బొయనర్లసున్ ఇని పేరు సిత్తాన్. దన్ని అర్లం ఇనిక ఇహిజ దీడెజినికార్ ఇజి) అంద్రెయ, పిలిప్ప, బర్తిలోమయ, మత్తయి, తోమా, అల్తుయ మరిసి యాకోబు, తద్దయ, యుదయ దేనంవందిజ్ ఉసారాజిని సిమోసు*, యేసుజ్ యూదురు అతికారిజి కీదు ఒవజెప్పికానాతి ఇస్సరియోతు యూద.

యేసు బయల్జెబ్బులు ఇని దెయం సాయందాన్ దెయమకాజ్ ఉల్ఫెన్నాన్ ఇహాన్.

20 యేసు ఉండ్రె ఇండ్రె వాతిజ్ మరి నండో లోకుర్ అబ్బె కూడితార్. అందెజె యేసుజ్ని సిసూరిజ్, బోజనం కిదెజ్బా కాలి సిల్లెతాన్.

21 యేసు ఇండ్రెణికార్ యా సజతి విహార వన్నిజ్ మత్తి సెద్రితాన్ ఇజి వెప్పి వన్నిజ్ అన్నెజ్ సొహాన్.

22 యెరూసలేమదాన్ వాతి యూదురి రూలుజ్ నెస్సిస్సికార్ వెహ్సాన్, “దెయమకాజ్ నెయికి అతి బయల్జెబ్బులు† విన్నిజ్ అన్నాన్. వన్ని సత్తుదాన్ వీండ్రు దెయమకాజ్ పేర్జినాన్”, ఇజి వెహ్సాన్.

23 సన్నివలె యేసు వరిజ్ కూక్కి వరిజ్ అర్థమాదెజ్ కత వజి ఈహం వెహ్సాన్, “సయ్యాన్ సయతాసుజ్ ఎలాగ ఉల్ఫెన్నాన్.

24 ఉండ్రె దేనమదికార్ వరిజ్ వారి జటిజాజి ఎరిలిజి మహిజ అయ దేనిం పాడానాన్.

25 ఉండ్రె ఇండ్రెణికార్ వరిజ్ వారి జటిజాజి ఎరిలిజి మహిజ ఆ కుటం పాడానాన్.

26 సయ్యాన్ వన్ని గుంపుదు మన్నివరివెట జటిజాజి కేటి అతిజి నండో కాలం వరిమున్ను ఏలుబడికి కిదెజ్ అబ్విన్.

27 ఒరెన్ సత్తుమన్ని వన్నిజ్ ముజాల తోమావండ, ఎయెర్బా వన్ని ఇండ్రె డుగేజి సామనమకు ఒత్తెజ్ అబ్విన్. ముజాల వన్నిజ్ తోహిజాన్ డోజి కిదెజ్ అట్టార్.†

28 నాను నిజం వెప్పాన్, లోకుర్ కినివిజు పావమకాజ్ని, దూసినిని మాటెజ్ దేవుణు సెమిస్సాన్.

29 గాని దేవుణు అత్తదిజ్ దూసిస్తిజి వన్ని పావం ఎనెజ్బా సిమిన్విన్. వన్ని పావం ఎలా కాలం మంజినాన్”.

30 యేసు ఈహం ఎందానిజ్ వెహ్సాన్ ఇహిజ సయ్యాన్ సాయమదాన్ యేసు దెయమకాజ్ ఉల్ఫెన్నాన్ ఇజి యూదురి రూలుజ్ నేస్సిసికార్ వెహ్సాన్.

యేసు అయెసి తంబెరిసిర్

31 యేసు అయెసిని తంబెరిసిర్ వాండ్రు మన్ని ఇల్లుముజాల వాతార యేసుజ్ కూక్కి తగల ఇజి ఒరెన్వన్నిజ్ ఇండ్రె పోక్తార్.

32 అయ ఇండ్రె యేసు సురుల నండో లోకుర్ బస్త మహాన్. వారు వెహ్సాన్, “ని యాయ తంబెరిసిర్ వెల్లి నిహార నిజి కూక్కినార్”.

33-34 దనిజ్ యేసు, “నా యాయ? నా తంబెరిసిర్ ఎయెర్ ఇజి నాను వెహ్సాన్”. అబ్బె సురుల బస్తిమనివరిజ్ సుడెజి యేసు వెహ్సాన్, “ఇదిలో నా యాయని, నా తంబెరిసిర్”.

35 “ఎందనిజ్ ఇహిజ దేవుణుదిజి ఇస్సమాతివజి కినికాండ్రె నా తంబెరి, నా తజి, నా యాయ ఇజి వెహ్సాన్.

4

విత్తు విత్తివన్ని కత

1 యేసు మరి ఒర్బు గలీలయ సమదరం పడకాదు నెన్పిస్తిజ్ మొదోల్స్తాన్. మందలోకుర్ వన్ని డగ్రు వాతిజ్ సమదరమదు ఉండ్రె డోణిదు ఎక్కి బస్తాన్. లోకుర్ విజెరి సమదరం పడకాదు నిహాన్.

2 అయవలె వాండ్రు నండో సజతిజి కతవజి వరిజ్ నెస్సిస్సాన్. వాండ్రు ఉండ్రె సజతి కత వజి ఈహం వెహ్సాన్.

* 3:16-19 3:16-19 లోపాది విలుబడిదాన్ యూదురు దేనమదిజ్ విడుదల కిదెజ్ ఉసారదాన్ సుడెజిని యూదురు సజం మదాన్. అయా సజమదికాన్ ఒరెన్ సిమోసు † 3:22 3:22 యాక సయ్యానుజ్ మరి ఉండ్రె పేరు ‡ 3:27 3:27 సత్తుమన్నికాన్ ఇజి యేసు సయ్యాన్ పందిజ్ వెప్పిసాన్. సయ్యాన్ మున్ను యేసుజ్ సత్తు మదాన్ ఇజి వెప్పిసాన్.

- 3 నుడోడు, ఒరెన్ రయ్యు వాండ్లు విత్తు, విత్తెజ్ సాహాన్.
- 4 వాండ్లు విత్తు మహాజ్ సెగం విత్తు, సరి పడోకాదు అర్తె. ఆ పొటిజ్ వనకాజ్ పెస్తా తిపా.
- 5-6 మరి సెగం విత్తు, నటు మున్సు, లావ్ డుల్లి సిల్లిబాన్ అర్తె. డుల్లి లాపు సిల్లితిజ్ అవి వెటన నేర్తెగాని వెల లొక సాన్ ఇజ్ పొడ్డు సాన్ ఎండ తాక్తివలె అవి సాతె సాపా.
- 7 మరి సెగం విత్తు, సాప్పు, తువెజ్ లొక అర్తె. సాప్పు, తుప్పెజ్ పిరిజి వనకాజ్ తిగితె. అందెజె పంట పండోవితాద్.
- 8 మరి సెగం నెగ్గి బూమిదు అర్తె. అక్కజ్ నేర్జి పిరితెనె విత్తి విత్తుదిజ్ ముప్పుయ్ వంతుజ్ లెక్క పండెతె.
- 9 యేసు మరి వెప్తాన్, “గిట్టిజ్ ఒడోజి వెంజి అయవజి నడిజి మండ్రు”.
- 10 యేసు ఒరెండ్రె మహాజ్ వన్నెండు మణిసిరి సిసూరన్ మరి సెగెండార్, “నీను కత వజి నెన్ పిన్తి మాటిజి అర్తం ఇనిక?”, ఇజి వన్నెజ్ వెన్ బాతార్.
- 11-12 అందెజె యేసు, “దేవుణు కిని ఏలుబడిః వందిజ్ డాజితిమహి గొప్ప సజతిజ్ దేవుణు మిజి తెలివి కిత్తి మనాన్. గాని మహావరిజ్ విజుబా కతవజి నెన్ పిన్తిజ్ ఎందానిజ్ కతవజి వెస్తా ఇహిజి “వారు నుడోకాన్ గాని తోవిరె. వెండ్రెజ్ ఇహిజి వెంజినార్ గాని అర్తం కిదెజ్ అబ్విరె. ఎందానిజ్ ఇహిజి వారు అర్తం కిజి పరి పావమకు సెమిస్సాన్*” ఇహాన్.
- 13 యేసు వరివెట వెప్తాన్, “రయ్యువన్నె వందిజ్ నాను కతవజి వెప్తాక మిజి అర్తం అవిదా? అహిజి నాను కతవజి వెప్తాకెజ్ విజు మిజి ఎలాగ తెలినాద్?
- 14 విత్తికాన్ దేవుణు మాట వెప్పికాన్.
- 15 సెగెండార్ విత్తు, అర్తి సరి పడోకనన్సికార్. వారు వెహివెటనె సయ్యూన్ వాజి ఆ మాటిజ్ లాగ్గి ఒసినాన్.
- 16 మరి సెగెండార్ విత్తు, అర్తి నటువణుకు మున్సు, మన్ని ఇస్కా, నన్సికార్. వారు దేవుణుమాట వెహివెటనె సర్దదాన్ మున్సుదు ఇడ్వార్.
- 17 గానివెల లొక సాన్ ఇలెకిండ్ దేవుణుమాట వరి మన్సు లొక సాన్విద్. వారు కండెక్ కాలం నమ్మిజి మంజినార్. దేవుణుమాట నమ్మితి వందిజ్ కన్యమకు మాల్లెజ్, వానెవెలె దేవుణు మున్సు, మన్ని వరి నమకు వెటనె డిన్ను సీనార్.
- 18-19 మరి సెగెండార్ విత్తు, అర్తి సాప్పు, తువెజ్ నేర్సి బూమివజి మనార్. గాని ఎలాగ బత్తికెజ్ ఇని వందిజ్ మన్ని విసారం, డబ్బు గణిసిని వందిజ్ మన్ని అన విజు కూడిజి వారు దేవుణుదిజ్ నమ్మింపండ కిదెజ్ వారు వెహి మాటదిజ్ అణును తిగిజి. పంట పండోవండ అతిలెకిండ్ వారుబా అజినార్.
- 20 సెగెండార్ అర్తి విత్తునెగ్గి బూమిదువజి మనార్. వారు దేవుణుమాట వెంజి అరదం కిజి దేవుణు మున్సు, నమకు ఇడ్వార్. నెగ్గి బూమిదు అర్తి విత్తు, బన్సికెదిజ్ ముప్పుయ్ బన్సిజ్ అరవయ్ బన్సిజ్ వంద బన్సిజ్ పండ్లివజి వారు మంజినార్.”
- దీవ జాయ్ సీనివజి ఈతుద్ ఇడ్లెజ్
- 21 యేసు వరివెట ఈహు వెప్తాన్, “దీవ కసిని అబల మూక్కినొ మన్సు అడిగినొ ఎయెరుబా ఇడ్విరె. జాయ్ సీనివజి దీవ కంతుదు ఇడ్వార్.
- 22 ఎందానిజ్ ఇహిజి ఏలు డాజితి మన్సికెజ్ విజు ఒర్పెండ్రె తోరె అనె.
- 23 మీరు గిట్టిజ్ ఒడోజి వెంజి అయవజి నడిజి మండ్రు”.
- 24 యేసు మరి వెప్తాన్, “మీరు వెహిక జాగర్త అరదం కిదెజ్వలె. మీరు నెగ్గెండ్రె అరదం కిజి మహిజి, దేవుణు వన్ని మాటిజ్ అరదం కిబిస్సాన్లె. ఒఒ మరి ఒద్దె అరదం కిబిస్సాన్లె.
- 25 నాబాణిజ్ వెంజి అరదం కిజినివన్నెజ్ దేవుణు మరి తెలివి కినాన్. గాని వెంజి అరదం కిజివన్నెజిణిజ్ వాండ్లు అరదం కిత్తి మన్సికెజ్బా లాగ్వాన్”.
- నేర్జి పిరిసిని విత్తు, వందిజ్ కత
- 26 యేసు మరి వెప్తాన్, “దేవుణు ఏలుబడిః ఈహు మనాద్. ఒరెన్ రయ్యు వాండ్లు విత్తు, బూమిదు విత్తినాన్.
- 27 వాండ్లు రెయ్యూజ్ నిద్ర కిజి పెందల నిజ్జి మంజినాన్. వన్నెజ్ తెలివండ ఆ విత్తు, నేర్జి పిరిసిని.
- 28 ముజుల ఆకు, దన్ని వెనుక సెరెన్, దన్ని వెనుక సెరెన్దు గింజి ఇక విజు బూమినె పుటిసినాద్.
- 29 పంట పండ్రాద్. కొయ్ సెకాలం వాతిజ్ వాండ్లు కొడుఃవేలి అసి కొయ్ జినాన్”.
- సర్పుగింజి వందిజ్ కత
- 30 మరి యేసు ఈహు వెప్తాన్, “దేవుణు వన్నెలోకురిజ్ కిని ఏలుబడిః ఇని దనివెట పొలిస్తెజ్ ఆనాద్? మాటు ఎవెణి కతవజి అయక నెన్ పిన్తిజ్ అటూట్?
- 31 అయక సర్పు గింజిదిజ్ పొలిత మనాద్. అక్క బూమిదు విత్తివలె లోకమదు మన్ని విజు విత్తూజ్ లొక ఇజిరికాద్.
- 32 అహిజిబా అక్క, విత్తివలె నేర్జి పిరిసి విజు కున మొక్కజిలొక పెరిక ఆనాద్. దన్ని కొమెజ్ వెరికెజ్ అనె. ఆగనమదు ఎగ్రిజిని పొటిజ్ వాజి దన్ని నీడోడు గూడుక్ తోప్పినె”.
- 33 వారు అరదం కిదెజ్ అట్టి సనా దేవుణు మాటిజ్ ముజుల వెప్తా లెకెండ్రె కత వజి యేసు నండో వెప్తాన్.
- 34 కత వజి అవిండ్రె యేసు వరిజ్ ఇనికబా నెన్ పిన్తివితాన్. అహిజి యేసు వన్ని సినూర వెట ఒరెండ్రె మహివలె విజు వన్నాజ్ అరదం కిజి వెప్తాన్.
- యేసు తుపాన్దిజ్ నిల్పినాన్
- 35 ఆ పొడొయ్ నమదరం అతాహా పడక సానాజ్ ఇజి యేసు సినూర వెట వెప్తాన్.
- 36 లోకాజ్ డిసిని యేసు మహి డోణిదు ఎక్కి సినూరు వన్నెజ్ ఒతార్. మరి సెగం డోణిజ్బా వరి వెట మహా.

* 4:11-12 4:11-12 మెనయ 6:9,10.

- 37 వారు సొన్ని మహిజ్ పెరి తుపాన్ వాతాద్. ఉల్కేణ్ విజు డోణిదు డెయ్తె విరుడోణిదు నిండ్రితె.
- 38 యేసు డోణి వెనుకపడక బుర్రగడిః మున్ను నిర్త కిజి మహాన్. సిసూరు వన్నిజ్ నిక్కి, “బోదకినికి, మాటు విజు ముడఃగిజునాట్. నిజి విసారం సిలెదా?”, ఇజి వన్నిజ్ వెహ్తార్.
- 39 యేసు నిజ్జి గాలిదిజ్ ఉల్కేజు, పల్లక్ ఆదు ఇజి వెహ్తాన్ పెరి గాలి అణస్తాద్ విజు అలెతాద్.
- 40 నస్తివలె వాండ్రు, “మీరు ఎండనిజ్ తియెల్అజనిదెర్? మిజి నా మున్ను నమకు సిలెదా?”, ఇజి సిసూర్ వెట వెహ్తాన్.
- 41 వారు గొప్ప తియెలాతార్, “పిండ్రు ఎలాగ మహ్తాకాండ్రి గొని, గాలి సమదరమబా విన్ని మాటదిజ్ లోజిత్తె”, ఇజి ఒరెన్వెట మరి ఒరెన్ వర్గితార్.

5

యేసు దెయం అస్తిమహివన్నిజ్నెగెణ్కిజినాన్

- 1 యేసుని సిసూర్ సమదరం అతాహ పడక గెర్రెసిసు ఇని లోకురి ప్రాంతమదు వాతార్.
- 2 యేసు డోణి డిగెతి వెటనె దెయం అస్తికాన్ ఒరెన్ దూకిజాణ్ ఎద్దు వాతాన్.
- 3 వాండ్రు దూకిజాణిజ్ బత్తిజి మహాన్* వన్నిజ్ గొల్కుడాన్బా తోహ్రాజ్ ఎయెర్బా అట్విర్.
- 4 నండ్రి నుట్టు వన్ని కాల్యాజ్ కిక్కాజ్ గెల్సొణిజ్ తోహ్రాజ్బా వాండ్రు గెల్సొణి తప్పి ముక్కజ్ కిత్తాన్. ఎయెరుబా వన్నిజ్ సాదిస్సజ్ అట్వితార్.
- 5 వాండ్రు రెయెబా వెడెకబా దూకిజాణ్ గొర్రెకాణ్ గగోలాజి వన్నిజ్ వాండ్రి వణుకుజాణ్ డెయె ఆజి మహాన్.
- 6 వాండ్రు దూరమదాన్ యేసుజ్ సుడెతాండ్రి ఉహ్కీవాజి ముణుకుజ్ ఊర్జి మాడిస్తాన్.
- 7 విజు దన్నిజ్ అతికారం అతి దేవుణు మరిసియాతి, యేసువా, నా వెట నిజి ఇని వణి? నజి బాద్ కిపి ఇజి దేవుణు పేరు అసి సిసు ఒట్టు కితా”, ఇజి డేల్ని వెహ్తాన్.
- 8 ఎందానిజ్ ఇహిజి యేసు, ఓ దెయం, విన్నిజ్ డిసి వెల్లి సొన్అ”, ఇజి వెప్పా మహాన్.
- 9 యేసు, “నీ పేరు ఇనిక? ఇజి వెన్బాతాన్. వెన్బాతిజ్, నా పేరు సేన, ఇహిజి మాపు నండ్రిండార్ ఇజి వెహ్తాన్.
- 10 మజి యా దేసెమదాన్ ఉల్పొ ఇజి దెయం అస్తికాన్ యేసుజ్ మరి మరి బతిమాలితాన్.
- 11 అయావలె పండ్రిజ్ మంద గొర్రెన్ సిల్కుదు మెయ్జి మహా.
- 12 ఆ దెయమకు, మజి పండ్రిజ్ లోజాబా పోకత. వనకలోఇ సొండ్రిజ్ మజి సిలువ సిదా”, ఇజి యేసుజ్ బతిమాలితె.
- 13 అందెజి వాండ్రు వన్కాజ్ సెలవ సిత్తాన్ అయావలె దెయమకు వన్నిజ్ డిసిన్ పండ్రిజ్లోఇ సొహా. అయపండ్రిజ్ మంద విజు గొర్రెకాణ్ ఉహ్కీ వాజి ఒడ్డుదాన్ సమదరమదు అర్రినె సాతె. అక్కజ్ డగ్గు రుండి వెయిజ్ పండ్రిజ్ మహా.
- 14 పండ్రిజ్ మేప్పికార్ ఉహ్కీ సొన్ని పట్టమది వరిజ్ పట్టమది వల్సెజి మన్నివరిజ్ జర్గితిక్కజ్ వెహ్తార్. లోకుర్ జర్గితిక సుడెదెజ్ సొహార్.
- 15 వారు యేసు డగ్గు వాతిజ్ నండ్రి దెయమకు అస్తిమహికాన్ సొక్కజ్ తోడిగిజి నెగ్గి బుదిదాన్ అబ్బెబస్తిమహిక సుడెతాన్. సుడెతాండ్రి తియెలాతార్.
- 16 యాక సుడెతికార్ దెయమకు అస్తివన్నిజ్ ఇనిక జర్గితాద్, పండ్రిజి ఇనిక జర్గితాద్ ఇజి విజు లోకాజ్ వెహ్తార్.
- 17 అయవలె లోకుర్ యేసుజ్, “మా ప్రాంతం డిసి సొన్అ”, ఇజి బతిమాలితార్.
- 18 యేసు డోణి ఎక్కిజి దెయమకు అస్తిమహికాన్ వన్ని డగ్గు వాతాండ్రి, నీ వెట నానుబా వాన్ ఇజి బతిమాలితాన్.
- 19 గానియేసు సరి సివితాన్, నీసు ఇండ్రి సొన్ని ప్రబు నీ వందిజ్ కిత్తి గొప్ప వణివందిజ్ వాండ్రు నీ మున్ను ఎలాగ కనికారం తోర్స్తాన్ ఇనివందిజ్ వరిజ్ వెహ్తా ఇజి వెహ్తాన్.
- 20 వాండ్రు సాహ్రాండ్రి యేసు వన్ని వందిజ్కిత్తి గొప్ప వణిదెకపొలీదు వెహ్రాజ్ మొదోల్స్తాన్. అక్క వెంజి విజెర్ బమ్మ అతార్.

యేసు సాతి అయ్లిజ్ నిక్కినాన్, జబ్బు ఆతిమహి అయ్లికోడోదిజ్ నెగెండ్రి కిజినాన్

- 21 యేసు డోణిదు ఎక్కి సమదరం అతాహ పడక మరి సొహాన్. నస్తివలె నండ్రి లోకుర్ వన్ని డగ్గు వాతార్. యేసు సమదరం ఒడ్డుదు నిహ మహాన్.
- 22-23 నస్తివెలె ఉండ్రి యూదురి మీటిజ్ ఇండ్రిణి అతికారి యాయూరు ఇని ఒరెన్బానె వాతాన్. వాండ్రు యేసు డగ్గు వాజి వన్ని పాదమకాజ్ మాడిస్తాండ్రి, నా ఇజ్రి గాలు నాజినాద్, దయకిజి నీసు వాజి అది బత్తిని వజి దని మున్ను కిక్కు ఇడఃజి నెగెణ్ కితా, ఇజి బతిమాలితాన్.
- 24 యేసు వన్నివెట సొహాన్. సేన లోకుర్ నెక్కె ఆజి యేసువెట సొహార్.
- 25 వరిలోఇ ఉండ్రి అయ్లి కోడో మహాద్. అది వన్సెండు పండ్రిజాణ్ వెల్లి ఆని జబ్బుదాన్ బాద్ ఆజి మహాద్.
- 26 అది సేన డాక్టరుజాబాన్ నెగెణ్అదిజ్ సొహాద్ గాని ఆ జబ్బు సొన్ ఏతాద్. అకాద్ అవిండ్ దనిజ్మని డబ్బు విజు కర్బు ఆతిజిబా ఆ జబ్బు సొన్విండ్ మరి నండ్రి అతాద్.
- 27-28 అది యేసువందిజ్ వెహ మహాద్. యేసు అయ సరిదాన్ వాజినాన్ ఇజి వెంజి యేసు తోడిగితి మన్ని నిర్రి సొక్క† సెంగుదు ముట్టిజనరి నెగెణ్ ఆన ఇజి ఒడఃబితాద్. అది లోకుర్ వెట సొన్ని యేసు వెనుక వాతాద్ వన్ని నీరిసొక్కది సెంగుదిజ్ ముట్టాద్.
- 29 వెటనె వెల్లి సొనిక నిహాద్. దనిజ్ మహి జబ్బు డిస్తాద్ ఇజి అది నెస్తాద్.

* 5:3 5:3 అయ దేసెమదికార్, సట్టుబొర్రెకిజి సాలమెలికెండ్ అయార్ కిజి సాతివరిజ్ సమాది కిజి మహాన్. పీసుగు సాలమెలికె ఇక్కి పణకుదాన్ సాలమదిజ్ మూసి మహాన్. యా దెయం అస్తిమహికాన్ బానె మహాన్. † 5:27-28 5:27-28 అయ కాలమదు అయ దేసెమది మొగవారు నీరి సొక్క తోడిగిజి మహాన్. దన్ని అదిగి మాముల్ సొక్కని బెట్టు తోడిగిజి మహాన్

30 వన్నెలో ఇహాన్ దేవుణు నత్తు వెల్లి సాహాద్ ఇజి యేసుజ్ తెలితాద్. వెటనె వాండ్రు లోకురిజ్ మరజి నుడేజి, ఎయెర్ నా సాక్కరు ముట్టాన్? ఇజి వెన్బాతాన్.

31 దన్నె సినూర్, సీన లోకురెనెకె ఆజి నిజి ముట్టినార్ గదె. అహా అతిజ్బా నజి ఎయెర్ ముట్టార్ ఇజి ఎందనిజ్ వెస్సినె? ఇజి యేసుజ్ వెప్టార్.

32 నజి ముట్టినార్ ఎయెండ్రో ఇజి వరివందిజ్ యేసు సురుల నుడేజి మహాన్.

33 అయవలె అయ బోదెలి అది నెగెణ్ అతిక నెసి నండో తియెల్ అజి వన్నెపాదమకుజ్ మూడికుజ్ ఊరజి వజిత్తాద్. దన్నెజ్ జర్జితక విజు వెప్టార్.

34 యేసు దనిజ్, బయి సీను నా మున్ను నమకం ఇడ్డి అందెజె సీను నెగెణ్ అతి. నమదనమదాన్ సాన్అ. సీను నెగెండ్రో అతి ఇహాన్.

35 యేసు వర్జిజమహిజ్ యాయారు ఇండ్రోణిజ్ నెగెండ్రో వాజి, సీ గాలు సాతాద్. బోదకిని వన్నెజ్ యేలు బాద కిదెజ్ అక్కర్ సిల్లెద్ ఇజి యాయారుజ్ వెప్టార్.

36 వారు వెప్టిక వెన్ఇవజి యేసు అయ అతికారిజ్, తియెల్అమ, నా మున్ను నమకం ఉండ్రో ఇడేఅ ఇజి వెప్టాన్.

37 యేసు వేతురు, యాకోబు, యాకోబు తంబెర్ని యోహాను మరి ఎయెజ్బా వన్నెవెట ఒవెతాన్.

38 వారు యూదురి మీటిజ్ ఇల్లు అతికారి ఇండ్రో సాహాద్. అయవలె అబ్బె లోకుర్ గగోలాజి అడేబాజి మహిక నుడేతార్.

39 యేసు ఇలు లోఇ సాస్సి వరిజ్ వెప్టాన్, మీరు ఎందనిజ్ గగోలాజి అడేబాజినెర్? యా ఇజ్జికాద్ సావిద్ ఇది నిద్ర కిజినాద్.

40 వారు యేసుజ్ వెక్సి సికితార్. యేసు అడేబాజి మహి లోకాజ్ విజెరిజ్ వెల్లి పోక్తాన్. వెల్లి పోక్సి, అయెసి అపాసిరిజ్, వన్నెవెట మహి సినూరిజ్ అసి యేసు ఆ ఇజ్జికాద్ మహి గదిదు సాహాన్.

41 ఆ ఇజ్జెదన్నెజ్ కీదు అస్తాండ్రె, తలీత కుమి ఇజి వెప్టాన్. అయ మాటదిజ్ అర్థం ఇనిక ఇహిజ ఇజ్జె అయెలి నిజ్అ ఇజి నాను నీ వెట వెస్సిన ఇజి,

42 అయెలి వెటనె నిజిజ నడితాద్. దనిజ్ వన్నెండు వండెజ్ వయసు. అబ్బె జర్జితక నుడేతార్ అయెసి అపాసిరు, సినూరు బమ్మ అతార్.

43 జర్జితక ఎయెజ్బా వెహ్యజ్ ఇజి యేసు వరిజ్ కసితం ఆడ్ర సితాన్. దన్నెజ్ బోజనం సీదు ఇజి అయెసి అపాసిరిజ్ వెప్టాన్.

6

యేసుజ్ సొంతనాటో గవరం సిఎతార్

1 యేసు అబ్బెణాన్ వన్నె సొంత పట్టుమాతి నజరేతు సాహాన్. సినూర్బా వన్నె వెట సాహాద్.

2-3 విస్త్రాంతి దినమదు వాండ్రు యూదురి మీటిజ్ ఇండ్రో నేర్పెన్జె మొదలొస్తాన్. అక్క వెహికార్ నండోండ్రో బమ్మ ఆజి, వీండ్రు ఎమేణిజ్ నెస్తాన్? విన్నెజ్ నిన్ని గెణం ఎమేణిజ్ దోహాక్తాద్? వీండ్రు బమ్మాని పణిజ్ కిజినాన్. వీండ్రు మాపు నెసిని కనెల్ వాండ్రు గదె. వీండ్రు మరియమ్మ మరిసిగదె. యాకోబు, యోసె, యూద, సీమోను, విని తంబెర్నిర్ గదె. విన్నె తజిసిక్ మా వెట మన్నెగదె. ఇజి వెప్టార్. వారు వన్నెమున్ను కోపమాజి మహాద్.

4 దన్నెజ్ యేసు ఇనిక ఇజి వెప్టాన్ ఇహాజి, ఒరిని ప్రవక్తెజ్ సొంత పట్టుమదు, సొంత ఇండ్రో, సొంత కుటుమదివరిబాన్ గవరం సిల్లెద్. మరి ఎంబె సాహిజ్బా వన్నెజ్ గవరం మనాద్.

5 నెగెండ్రో జబ్బు అతివరిజ్ కియూదాన్ ముట్టి నెగెణ్ కిత్తాన్ గాని అబ్బె నండో బమ్మాతి పణికిదెజ్ యేసు అట్వెతాన్.

6 వన్నె మున్ను వరిజ్ నమకం సిల్లిదిజ్ వాండ్రు బమ్మ అతాన్. యేసు సురుల మన్నె నాహ్యజ్ బూలాజి నేర్పెస్తాన్.

యేసు వన్నెండు మణిసిర్ సినూరిజ్ పోక్సినాన్

7 యేసు వన్నెండు మణిసిర్ సినూరిజ్ వన్నె డర్చు కూక్తాండ్రె రిఎరిజ్ రిఎరిజ్ పోక్తాన్. వరిజ్ దెయమకాజ్ పేర్దెజ్ అతికారం సిత్తాన్.

8-9 మీరు ప్రయెనం కినివెలి కియూదు ఉండ్రె డుడ్డునె ఒత్తెజ్. బోజనం గాని నన్నె గాని డబ్బు గాని ఒత్తెజ్ అవిద్. సొండ్రెజ్ కాల్యాజ్ జోడ్బు ఒత్తగని, పొర్పాదెజ్ రుండి సాక్సిజ్ ఒమాట్”, ఇజి యేసు వెప్టాన్.

10 మీరు ఎయె ఇండ్రో సానిదెరో, అయ పట్టుం డిస్సిదాక బానె మండ్రు.

11 ఎంబెబా మిజి లోకుర్ డర్చు కివంద మహిజ మీ మాట వెండ్రెజ్ కెఇతిజ, అబ్బెణిజ్ మీరు డిసి సొనివెలి మీ పాదమక డుల్లి దులుప్తు. వరిమున్ను వారి దేవుణుబాణిజ్ సిక్సి తప్పె ఆజినార్ ఇన్నిదన్నెజ్ గుర్తులెకెండ్రో అహా డుల్లి దులుప్తు”.

12 సినూర్సాస్సి లోకాజ్, పాపమకు డిస్సు ఇజి బోదిస్తార్.

13 లోకురిజ్ అస్సి నండో దెయమకాజ్ పేర్జి, జబ్బు అతి నండోండ్రోజ్ నూనె రాసి నెగెండ్రో కిత్తార్.

బాప్తినం సీని యోహానుజ్ రాజా నస్తాన్

14 యేసు పేరు విజబాన్ సారత సాహాద్. అందెజె యేసు కిత్తి గొప్ప పణిజవందిజ్ హేరోదురాజా వెహాన్. నెగెండ్రో ఇనిక వెప్టార్ ఇహిజ “వీండ్రు సాతివరిబాణిజ్ మరజి నిజితి బాప్తినం సీని యోహాను అందెజె యా బమ్మాతి పణిజ్ కిదెజ్ నత్తు వన్నెలోఇ మంజినాద్” ఇహాద్.

15 నెగెండ్రో వీండ్రు ఏలియ ప్రవక్త ఇహాద్. మరి నెగెండ్రో వీండ్రు ముజల్ మహి దేవుణు ప్రవక్తలోఇ ఒరెన్ ప్రవక్త వజి మనాన్ ఇజి వెప్టార్.

16 హేరోదురాజా యాక విజ వెంజి నాను బుర డియెస్సి యోహాను నిజ్జి బత్తితికాండ్రె యేసు ఇజి వెప్టాన్.

17-18 హేరోదురాజు ఎందానిజ్ ఈహు వెహ్సన్ ఇహిజు, వాండ్రు వన్ని తంబెర్సియాతి పిలిపు ఆల్సి హేరోదియెజ్ తతాన్. యోహూసు హేరోదుజ్, ని తంబెర్సి ఆల్సిజ్ నీవందిజ్ ఇడె ఆతిక దేవుణు మోసిజ్ సిత్తి రూలుదిజ్ వడివిదె ఇజ వెహ్సన్. అందెజె దన్ని వందిజ్ వాండ్రు యోహూసుజ్ అసి త్హాండ్రె జెలిదు ఇడిస్తాన్.

19 అందెజె హేరోదియ యోహూసు మున్ను పగదాన్ మహాద్. వన్నిజ్ సపిన్సజ్ సుడెతాద్ గాని అటవతాద్.

20 ఎందానిజ్ ఇహిజు హేరోదు యోహూసుజ్ తియెలాతాన్. వాండ్రు ఒరెన్ నీతి నిజాయితి మన్నికాన్ ఇజ దేవుణు కేటాకాన్ ఇజ, హేరోదు రాజు నెస్తాన్. అందెజె జెలిదు ఇడ్డి కాపాడజి మహాన్. యోహూసు వెహ్సా మాటజ్ వెహివతి హేరోదురాజు అరెదం కిదెజ్ అటవతాన్ గాని సర్దదాన్ వెంజి మహాన్.

21 అహిజు యోహూసుజ్ సపిన్సజ్ హేరోదియెజ్ ఉండ్రి అవ్కానం వాతాద్. అక్క ఎలాగ ఇహిజు హేరోదురాజు వాండ్రు వుట్టిరోజు గుర్తు కిదెజ్ అయోనాండిజ్ ఉండ్రి పెరి విందు కితాన్. వాండ్రు గవేరుమెంటు అదికారిజ, నయ్యుమది వరిలోఇ పెరి అతికారి గల్లిలియ దేసెమది పెద్దెలిజ విజెరిజ్ విందుదిజ్ కూక్తాన్.

22-23 నస్తివతి హేరోదియ గాల్సి విందుదిజ్ వాతి వరిజ్ సర్ద కిబిన్సజ్ వరి ముజాల డాట్టి కరజతాద్. అక్క సుడితారె విజెరె సర్ద ఆతార. సర్ద ఆతిజ్ హేరోదురాజు, నిజ ఇస్సమాతిక ఇనికబా నజి లోన్అ, అక్క నాసు నిజి సీన, ఇజ దసివెట ఒట్టు కితాన్.

24 అది సాస్సి అయేసివెట, నాసు రాజుజ్ ఇనిక లొస్తజ్ ఇజ వెన్బాతాన్. అయేసి, బాప్తినం సీని యోహూసు బుర లోన్అ ఇజ వెహ్సాద్.

25 వెటని అది రాజు డర్సు సాస్సి బాప్తినం సీని యోహూసు బుర కత్తి ఉండ్రి వల్లెమదు ఇడెజి ఏలి నజి తసినిదా ఇజ వెహ్సాద్.

26 అక్క వెహండ్రె హేరోదురాజు గొప్ప బాద్ ఆతాన్ గాని, వాండ్రు కిత్తి ఒట్టువందిజ్ వన్నివెట బోజునమదిజ్ బస్సిమహి కూలెజి వందిజ్ దన్నివెట కిత్తి మాట తప్పెజ్ కెవతాన్, ఇజ వెహ్సాజ్ అటవతాన్.

27-28 వెటని రాజు యోహూసు బుర కత్తి త్రగ ఇజ జమానుజ్ ఆడ్ర సీజి పోక్తాన్. జమాను జెలిదు సాస్సి యోహూసు బుర కతాండ్రె ఉండ్రి వల్లెమదు ఇడెజి తత్తాండ్రె అయేలిదిజ్ సిత్రాన్. అది ఆ బుర అయేసిజ్ సిత్రాద్.

29 జగ్గతిక వెంజి యోహూసు సిసూర్ వాజి ఆ పీనుగుదిజ్ పెరజి ఒసి నమాది కిత్రాద్.

యేసు అయేదు వెయిజ్ మణిసిరిజ్ బోజనం సీజినాన్

30 అప్రాస్రురు మరజివాతాజి వారు కిత్తి పణిజ్ విజు, బోదిస్తి వన్యాజ్ వందిజ్ విజు యేసుజ్ వెహ్సాద్.

31 నస్తివతి యేసు “ఎయెరు సిల్లిబాన్ మాటి సాస్సి నజెం రోమ్మాజ్, ఇజ సిసూర్ వెట వెహ్సాన్. ఎందానిజ్ ఇహిజు నండ్ లోకుర్ వాదిజ్ సాండ్రెజ్ ఆతార. బోజనం కిదెజ్ బా కాలి సిల్లెండ ఆతాద్.

32 అందెజె వారు ఉండ్రి డోణి ఎక్కి ఎయెర్బా మనె ఇ బాడ్డిదు వారె సాహార్.

33 యేసుని, సిసూర్ సాస్సిమహిజ్ నండ్ లోకుర్ వరిజ్ సుడెతారె వరిజ్ గుర్తు అసి విజు పట్టుమకాణ్ ఉహాక్కి వరిజ్ ఇంక ముజాల బాన్ సాహారె అందితార.

34 యేసు డోణిదాన్ డిగితివతి మహి నండ్ లోకాజ్ సుడెజి వన్ని పాణం నొత్తాద్. ఎందానిజ్ ఇహిజు వారు గవేడుయెన్ సిల్లి నెద్రిత్తి గొర్రెజెలెకెండ్ మహార్. అందెజె యేసు వరిజ్ నండ్ నజతిజ్ నెన్ పిస్తాన్.

35-36 యేసు నెర్పిసి మహిజ్ పొద్దుఅజి మహాద్. సిసూర్ వన్నిడర్గు వాజి యాక ఎయెరు మనె ఇ బాడ్డి. ఏలి పొద్దు అజినాద్. పడకాద్ మన్ని నాహ్కాజ్ వలిసెజు సాస్సి బోజనం కెండ్జె విరిజ్ పోకల. ఇహార్.

37 గాని యేసు సిసూరిజ్ మీరి వరిజ్ తిండ్రెజ్ ఇనికబా సీదు”, ఇజ వెహ్సాన్. దన్నిజ్ వారు మాపు సాస్సి రుండి వంద దెనారిదిజ్* రొట్టెజ్ కొడెజి తత్తెజ్ బా నిస్సా లోకురిజ్ సాలిఎద్ ఇజ వెహ్సాన్.

38 మీబాన్ ఎస్సాడు రొట్టెజ్ మన్నె? సాస్సి సుడెదు”, ఇజ యేసు సిసూరిజ్ వెహ్సాన్. వారు సాస్సి సుడెతారె అయేదు రొట్టెజ్ రుండి మొయెజ్ మన్నె ఇజ వెహ్సాన్.

39 విజెరిజ్ పసిగడ్డి మన్నిబాన్ గుంపుజెలెకెండ్ బసికిదు ఇజ యేసు సిసూరిజ్ వెహ్సాన్.

40 లోకుర్ యాపయే మనిసిర్, గుంపుజె వంద మనిసిర్ గుంపుజ్ బస్తారె.

41 అయవతి యేసు అయేదు రొట్టెజ్, రుండి మొయెజ్ అసి, ఆగనం దరోట్ సుడెజి వనకవందిజ్ దేవుణుదిజ్ వందనమకు వెహ్సాన్. వెహ్సాండ్రె రొట్టెజ్ రుక్కి లోకురిజ్ సీబాజి సీదు ఇజ వెహ్సా సిసూర్జి సిత్రాన్. అయ మొయెజ్ బా విజెరిజ్ సీబాజి సీదు ఇజ సిత్రాన్.

42 వారు విజెరె పొట పంజు తిహార్.

43 మిగిలిత్తి రొట్టె ముక్కెజ్, మరి మొయెజ్ ముక్కెజ్ వన్నెండు గంపెజ్ సిసూర్ కెహ్సాద్.

44 రొట్టెజ్ తిహికారె మొగవారె అయేదువెయెజ్ లోకుర్ మహార్.

యేసు నమదరం మున్ను నడిజనాన్

45 యేసు లోకాజ్ పోక్కి మనక వెటని సిసూరిజ్ డోణిదు ఎకిసి అతాహపడెక బేత్తుయిదు ఇని నాటో వన్నిజ్ ఇంక ముజాల సాండ్రు ఇజ వెహ్సా పోక్తాన్.

46 వందె పోక్కి యేసు పార్దనం కిదెజ్ గొర్రె తరెండ్రె మహాన్.

47 పొద్దు ఆతివతి డోణి నమదరం నడిమి మహాద్, యేసు గొర్రె తరెండ్రె మహాన్.

48 గాలి ఎద్దు డెయ్యుజ్ డోణి నడెపిన్సెజ్ సిసూరిజ్ గొప్ప కన్సం ఆత్రాద్. అక్క యేసు సుడెతాన్. కోడిజం ఆజిమహిజ్ యేసు నమదరం మున్ను నడిజి వాతాండ్రె సిసూర్ మన్ని డోణి డాట్టి సాండ్రెజ్ నడిసి వాతాన్.

49 యేసు నమదరం మున్ను నడిజినిక సిసూర్ సుడెతారె అక ఉండ్రి దూబ ఇజ ఒడిబితారె. వారు డటం గగోల్ ఆతారె.

* 6:37 6:37 రోమది పరి కాలమదు మన్ని డబ్బు ఇక్క అయకాలమదు ఉండ్రి దినారి ఉండ్రి రోజుది కూలి.

50 అక్కడూబను ఇజ వారు నండో తియెలాతార. వెటనె యేసు వరివెట, “నమ్దరమ్దాన్ మండ్రు ఇక్క నానె తియెలాము”, ఇజ వరిజ్ వెప్తాన్.

51 నస్తివలె యేసు వరివెట డోణిదు ఎక్తాన్. గాలి విజు అణస్తాద్. వారు నండో బమ్మ ఆతార.

52 యేసు అయదు రొట్టెజ్ రుండి మొయెజాణ్ అయదువెయిజ్ లోకాజ్ బోజనం సీత్తిక నుడఃతిజ్బ యేసు కిత్తి అయూ బమ్మూతి పణివందిజ్ అర్తం కివితార. ఎందానిజ్ ఇహిజ వరి మన్ను గట్టిజ్ మహద్.

యేసు గెనేసెరెతు ఇనిబాన్ లోకాజ్ నెగెండ కిజినాన్

53 వారు సమ్దరం డాట్టి గెనేసెరెతు ఇనిబాన్వతారె డోణి అబ్బె త్తోస్తార.

54 వారు డోణి డిఃగితిజ్ సరి లోకుర్ యేసుజ్ గుర్తు అస్తార.

55 వెటనె ఆ దెనిమది నాహ్కాణికార విజెరె సొన్సి జబ్బు ఆతివరిజ్ యేసు మనాన్ ఇజ వెహి బాడిడు సాపాదు పిండ్డి తత్తెజ్ మొదో లోస్తార.

56 యేసు నాహ్కాజ్ పట్టుమకాజ్ ఎంబె సొహిజ్బా లోకుర్ జబ్బు ఆతివరిజ్ యేసు వాని సర్తు తత్తె ఇణ్ణెతార. యా జబ్బుఆతికార నీ సొక్క సెంగుదుబా ముట్టిజ్ నెల్వ సినా ఇజ బతిమాలజ్ యేసుజ్ మరి మరి వెప్తార. ఎస్సొండార వన్ని సొక్కదిజ్ ముట్టితారో వారు విజెరె నెగెండ ఆతార.

7

యూదపెదెలుజూ రూలుజ్ దేవుణు రూలుదిజ్తేడః వాతాద్

1-2 యెరూసలేమ్దాన్ వాతి పరిసయరుని, యూదురి రూలు నెస్సినెకార సెంగొండార యేసుబాన్ కూడఃజి వాతార. యేసు సినూర్ యూదురుజ రూలుదు వెప్తిలెకెండ కిక్కు, నొరబవిండ బోజనం ఉణిజి మహిక వారు అబ్బె నుడఃతార. అక్క పరిసయరు నుడఃతిజ తప్ప.

3 పరిసయరు, యూదురు, విజెరె, పూర్బమ్దికార వెప్తిరూలు వజ కిక్కు, నొరబతి వెనకనె ఉణార.

4 వారు సత్తదాన్ వాతిజ, రూలువజ ఏరు లొంజి ఆవిండ ఇనికబా ఉణివెర్. ఇక్కాడె ఆవిండ గెన్సిజ్ కుండెజ్ మరి కంసు బిందిజ్ ఎలాగ మిడిస్సిజ్ ఇజ నండో రూలుజ్ వరిజ్ మన్నె. ఆ రూలుజ్వజ వారు కిజినార.

5 అందెజ్ పరిసయరుని, యూదుర్ రూలుజ్ నెన్పెసినికార, “ఎందానిజ్ నీ సినూర్ పూర్బమ్దికార వెప్తి రూలువజ నడివండాజనార ఎందానిజ్ వారు కిక్కు, నొరబవిండ బోజనం కిజినార”, ఇజ యేసుజ్ వెన్బాతార.

6-7 యేసు వరిజ్, “వేసం కినికారతి మీ వందిజ్ యెనయ ప్రవక్త ఎప్తిక నిజమె. యా లోకుర్ నజి వెయూదాన్ గవరం సీజినార గాని వరి మన్ను నాబాణిజ్ దూరం మూద. వారు నజి పొగిడిజి మాడిసినిగార గాని అక్క పణిదిజ్ రెవిద్. ఎందానిజ్ ఇహిజ వారు లోకుర్ వెప్తి రూలు దేవుణు మాట ఇజ లోకాజ్ నెస్సినినారో”.

8 దేవుణు వెప్తి రూలు డిఃసిసీజ, మీరు పూర్బమ్దికార వెప్తి రూలువజ నడిఃజనిదెర్”, ఇజ వెప్తాన్.

9 యేసు వరిజ్ మరి వెప్తాన్, “పూర్బమ్దికార వెప్తివజ నడిఃదెజ్, ఇజ దేవుణు ఆత్తెజ్ పడఃకాదు నెక్తెజ్ మిజి బాగ తేలినాద్.

10 ఎలాగ ఇహిజ మీ యూదు బుబ్బురిజ్ గవరం సీజి బాగ నుడఃదెజ్ ఇజ యాయెజ్ గాని బుబ్బెజ్ గాని దూసిస్సిజ వన్నిజ్ నప్తెజ్ ఇజ దేవుణు మోనిజ్ సీత్తి రూలు మనాద్.

11-12 గాని ఒరెన్ వన్ని అయేసి అపొసిరెజ్, నాను మిజి ఇనికబా ఉంత్రి సాయమ్లెకెండ కిన్ ఇజ ఇడ్డిమన్నుక కొరబాన్ ఇజ వెప్తిజ నాండిజ్ అసి వాంత్రు అయేసి అప్పొసిరిజ్ ఇనికబా సాయం కిదిజ్ అవనరం సీల్లెద్ ఇజ మీరు నెన్పెసినిదెర్. (కొరబాన్ ఇహిజ దేవుణుదిజ్ సీన్ ఇజ ఒట్టు కినిక ఇజ అర్తం)

13 ఈహు మీ పూర్బమ్దికార వెప్తివజ నడిఃజి మీరు దేవుణు వెప్తి రూలుదిజ విలువ సీల్లెండ కిజనిదెర్. నిన్ని నజతిజ్ నండో మీరు కిజనిదెర్”.

14 యేసు లోకాజ్ మరి వన్నిడగ్రు కూక్తాంత్ “నాను వెప్సినిక మీరు విజెరె జాగ్రవంజె నెగెండ అరదం కిదు.

15-16 వెయూదాన్ లొఇ సొనికెజ్ ఇనికబా లోకాజ్ మయ్ల కిదిజ్ అట్విద్. గాని మన్ను లొఇహాన్ వెల్లి వానికదె లోకాజ్ నెవిణ్ కిజినాద్”.

17 యేసు లోకాజ్ డిఃసి ఇండ్రి వాతివెనుక వన్ని సినూర్, కతవజ వెప్తి దన్నిజ్ అర్తం వెన్బాతార.

18-19 యేసు వరిజ్ ఈహు వెప్తాన్ “మీరుబా ఆఇవరిలెకెండ అర్తం కిదిజ్ అట్విదెరా? వెల్లిహాన్ పొటలొఇ సొని ఇని బోజనమ్బా లోకాజ్ మయ్ల కివిద్. ఎందనిజ్ ఇహిజ అక్క మన్నుదు సొన్పిండ వన్ని పొటాదునె సొన్సినాద్. అక్క పొటాదాన్ బయలు బన్నివలె వెల్లి సొన్సినాద్. ఇజ మీరు నెన్పెసిదెర్”. (ఇబ్బు నుడఃతి ఇని బోజనమ్బా ఉండెజ్ ఆనాద్ ఇజ యేసు నెలవ సీత్తాన్)

20 మరి యేసు వెప్తాన్, ఒరెన్ వన్ని మన్నులొఇహాన్ వెల్లి వానికదె వన్నిజ్ మయ్ల కిజినాద్.

21-22 మన్నులొఇహాన్ వానిక ఇనికెజ్ ఇహిజ, నెఇ అలోసనమ్కు, కెలారబూలానిక, లోకాజ్ నప్పిజెజ్, రంకు బూలానిక, ఆఇవరిజ్ మన్నుకెజ్ దోహ్కెజ్ ఇజ ఆన, నెఇ వణి కినిక, మొసెం కినిక, మన్నుదు అననె ఆజ మండ్రెజ్ అట్విజ, గోస దూసిసినిక, నానె పెరికాన్ ఇజ గర్త ఆనిక, అర్తం కిజ మన్ను మన్నిక.

23 యాక్కెజ్ విజు లోకుర్ మన్నులొఇహాన్ వెల్లి వాజ ఒరెన్ వన్నిజ్ మయ్ల కినె.

ఉంత్రి కనానియది అయేలి కొణో యేసు మున్ను. ఇడ్డి నమకం

24 యేసు అబెణిజ్ నండో దూరం సొన్సి ఉంత్రి గొరెన్ ఎక్కి డిఃగితాంత్తె తూరు సీదోసు ఇని పట్టుమ్కాజ్ డగ్రు మన్ని ముటెజ సొహాన్. బానెఉంత్రి ఇండ్రి సొన్సి ఎయెజ్బా తెలివిండ మంజిని ఇజ మన్నుదు ఒడిఃబితాన్. గాని వాంత్రు అట్వితాన్.

25-26 యూదురు అణ జాతిదు పుట్టి సరోవెకొనియదికాద్ ఉండ్రీ అయిలి కొడోః యేసు అబ్బె మనాన్ ఇజి వెంజి వెటనె అబ్బె వాతాదె యేసు పాదమకాజ్ అర్తాదె మాడిస్తాదె. దన్ని గాల్కుజ్ దెయం అన్న మహాద్. “నా గాలుజ్ అస్త్రీమన్ని దెయంమదిజ్ ఉలివ్అ”, ఇజి యేసుజ్ బతిమాలితాదె.

27 దన్నిజ్ యేసు, “ముజాల్ కొడోరిజ్ పొట పంజు బోజనం తీపిస్తజె. కొడోరి తిండ్రెజ్ మన్ని రొట్టెజ్ లాగజె నుకుడిజ్ సీనిక తగ్గవద్”, ఇజి వెప్సాన్†.

28 అది, “ప్రబు, సీను వెప్సాక నిజమె. గాని నుకుడిజ్బా కొడోరి ఉణిజి బల్ల అడిగి అరిప్పిక ఉణిజినె గదె ఇజి వెప్సాద్.

29 యేసు, సీను బాగ వెప్సా. సీను ఇండ్రొ సాన్అ. ఆ దెయం సీ గాలుజ్ డిస్త్ర సాహద్ ఇహాన్.

30 అది ఇండ్రొ సాన్ని సుడోతిజ్ గాల్కి మన్నం మున్ను గూర్త మహాద్. దెయం దనిజ్ డిస్త్ర సాహద్.

యేసు బోయర నతి అతివన్నిజ్ నెగెండ్ కిజినాన్

31 యేసు తూరు ప్రాంతం డిసి, సీదోను, దెకపాలి ప్రాంతమదాన్ గలీలయ నమదరం డగ్రు వాతాన్.

32 నస్త్రవలె బోయర నతియాతి ఒరెన్వన్నిజ్ సెగెండార్ యేసుబాన్ తత్తూర్. “విన్ని మున్ను కియు ఇడోజి నెగెండ్ కిఅ”, ఇజి బతిమాలజి వెప్సార్.

33 యేసు లోకురబాణిజ్ వన్నిజ్ అజి ఒసి, డెస్కెజ్ వన్ని గిబ్బిదు ఇడ్తాన్. వన్ని సొంత డెస్కెజ్ పూస్తాండ్రె గుల్ల వన్నిజ్ నాలికాదు ముట్టాన్.

34 ముట్టాండ్రె ఆగనం దరోజ్ దేవుణుదిజ్ సుడోజి ఉసుర్ గొటాండ్రె బాదఅజి ఎపాత ఇజి వెప్సాన్. దని అర్దం ఇనిక ఇహిజ రే అదెజ్ ఇజి.

35 వెటనె వన్నిగిబ్బిజ్ వెండ్రెజ్, వన్ని నాలిక వర్గదిజ్ వాతాద్. వాండ్రు బాగ వర్గదిజ్ మొదలస్తాన్.

36 “ఎయెవెట వెహ్బట్”, ఇజి యేసువరిజ్ కనితం వెప్సాన్. నా వందిజ్ వెహ్బట్ ఇజి నండో వెప్సాజిబా అలెవిండ వారు యేసువందిజ్ మరి నండో వెప్సార్.

37 యేసు విజు బాగ కిత్తూన్. బోయరవన్నిజ్బా వెనివజ, గుల్లవన్నిజ్బా వర్గినివజ కిజినాన్ ఇజి వారు వెప్సారె బమ్మ అతార్.

8

యేసునాల్లివెయిజ్ మణిసిరిజ్ బోజనం సీజినాన్.

1-2 అ దినమ్కాజ్ మరి బర్గు నండో లోకుర కూడ్డి వాతార్. వరిజ్ ఉండ్రెజ్ బోజనం ఇనికబా సిలిజ్ యేసు వన్ని సిసూరిజ్ కూక్తాండ్రె వెప్సాన్, నజి యా లోకుర నావెట వాజి మూండ్రె రొస్సు అతె. వరిజ్ తిండ్రెజ్ ఇనికబా సిల్లెద్. అందెజి విరి వందిజ్ నా పాణం నోజిన.

3 విరిజ్ నాను బోజనం సివిండ ఇల్కాజ్ పోక్కిజ కణుకు తర్వజి సర్గు అర్పార్. ఎందనిజ్ ఇహిజ వరిలోఇ సెగెండార్ నండో దూరమదాన్ వాత మనార్”, ఇజి వెప్సాన్.

4 అయవలె వన్ని సిసూర్ వెప్సార్, బిడిమబూమిదు విరిజ్విజెరిజ్ బోజనం సీదెజ్ ఎమేణిజ్ తతెజ్?

5 మీ బాన్ఎసోడు రొటెజ్ మన్నె? ఇజి యేసు సిసూరిజ్ వెన్బాతాన్. మా బాన్విడు మన్నె ఇజి సిసూర్ వెప్సార్.

6 అయవలె యేసు లోకాజ్ బూమిదు బమ్మ ఇజి వెప్సాన్. ఆ విడు రొట్టెజ్అసి దేవుణుదిజ్ వందనమ్కు కితాండ్రె. వన్నాజ్ రుక్కి లోకాజ్ సీబాజి సీదెజ్ సిసూరిజ్ సిత్రాన్. వారు లోకాజ్ సీబాజి సిత్రాన్.

7 వరిబాన్ సెగం ఇజ్జె మొయిజ్బా మహా. యేసు వన్నాజ్బా వందనమ్కు వెప్పి సీబాజి సీదు ఇజి సిసూరిజ్ సిత్రాన్.

8 లోకుర విజెరె పొట పంజు తిహార్. వెనుక సిసూర్ మిగ్గితి రొట్టె ముక్కెజ్ విడుః గవెజ్ కెప్సార్.

9-10 డగ్రు నాల్లి వెయిజ్లోకుర అబ్బె మహాల్. లోకాజ్ విజెరిజ్ పోక్కి యేసు సిసూర్వెట ఉండ్రె డోణి ఎక్తాండ్రె దల్లనుత ఇని ప్రాంతం సాహాన్.

11 సెగెండార్ పరిసయరు వాతార్ యేసువెట తర్కిస్తెజ్ మొదలస్తార్. దేవుణుని వన్నిజ్ పోక్తాన్ ఇనిదన్నిజ్ రుజువ్లికెండ్ అగనమదాన్ ఉండ్రె బమ్మాతి వణికిజి మజి తోరిన్అ ఇజి వెప్సార్.

12 యేసు మన్నుదు గొప్ప బాదఅజి ఉసుర్కొటాండ్రె యా లోకుర ఎందనిజ్ బమ్మ ఆని పణి తోరిన్అ ఇజి వెప్పినార్. యా లోకాజ్ గుర్తులికెండ్ ఇని బమ్మమాని పణిబా దేవుణు తోరిన్విన్ నిజమెఇజి వెప్సాన్.

13 నస్త్రవలె యేసు వరిజ్ డిస్త్రాండ్రె డోణి విక్కి నమదరం డాట్టి అతాహా పడజ్ సాహాన్.

యేసు పరిసయరువందిజ్ హేరోదువందిజ్ వెప్పినాన్

14 అహిజ సిసూర్ రొట్టెజ్ తత్తెజ్ పోస్తార్. వరిబాన్ డోణిదు ఉండ్రె రొటె మహాద్.

15 యేసు సిసూరిజ్ వెప్సాన్. పరిసయరుది పులాజ్ కిని దూరు* వందిజ్, మరి హేరోదురాజుది పులాజ్ దూరు వందిజ్ మీరు జాగర్త మండ్రు.

16 మాటు రొట్టెజ్తెఇతిజ్ యేసు ఈహు వెప్పినాన్, ఇజి వారు ఒరెన్వెట ఒరెన్ వర్గతార్.

17 వారు వెహ్సానిక యేసు నెసి ఎందానిజ్ మీరు రొట్టెజ్ సెల్లితివందిజ్ వర్గిజనిదెర్? ఏలుబా అర్దం కిజి నెస్తెజ్ అబ్బెఇదెరా? మీ మన్ను గట్టి అత మనాదా?

18 మీజి కణుకు మంజిబ తోఇదెరా? గిలిజ్మంజిబా వెన్ఇదెరా? ఇనికబా ఒడోబిఇదెరా?

† 7:27 7:27 యేసు వెప్సా దన్ని అరదం ఇనిక ఇహిజ మజుల వన్నిసొంత లోకురాతి యూదురిజ్ వాండ్రు సెగెండ్ కిదెజ్వలె వరిజ్ వానికెజ్ ఆఇవరిజ్ సీదెజ్ అవిద్ ఇజి * 8:15 8:15 హేరోదురాజు కితి తప్ప వణిజ్ని పరిసయరు నెస్సెత్త తప్ప బోదెజ్ పులాజ్ దూరు పులాజ్ కినిలికెండ్ లోకాజ్ సెజ్ కిజినాద్ ఇజి యేసు వెప్పినాన్.

19 అయ్యదు కొట్టెజ్ ముక్కెజ్ కిజి అయ్యదు వెయిజ్ లోకాజ్ సీబాతి సిత్తిజ్ మిగ్గితిక్కెజ్ ఎసాడుః గంపెజ్ మీరు కెప్తిదెర్? ఇజి యేసు సిసూరిజ్ వెనబాతాన్. అందెజి సిసూర్ వన్నెండ గంపెజ్ కెప్తాన్ ఇహార్.

20 యేసు మరి వెనబాతాన్, ఏడు రొట్టె ముక్కెజ్ కిజి నాల్గె వెయిజ్ లోకాజ్ సీతి వెనుక మిగ్గితికెజ్ ఎసాడు గంపెజ్ కెప్తిదెర్? ఏడు గంపెజ్ ఇజి వారు వెప్తార్.

21 యేసు సిసూరిజ్ వెప్తాన్, మీరు ఏలుబా నాను కితి బమ్మాతి వణిజి వందిజ్ అర్ధం కిదెజ్ నెన్ఇదెరా?

యేసు బేతేనెయ్య పట్టుమదు ఒరెన్ గుడ్డివన్నిజ్ నెగెండే కిజినాన్

22 యేసుని, వన్ని సిసూర్ బేతేనెయ్య ఇని నాటో వాతార్. అయవలె నెగెండార్ ఒరెన్ గుడివన్నిజ్ యేసుబాన్ తత్తార్. యేసు, నీను విన్నిజ్ ముట్అ”, ఇజి వాండ్రు నెగెండే అనివందిజ్ బతిమాలితార్.

23 యేసు అయ గుడివన్నిజ్ కీదు అస్తాండ్రె వారు డాటిన్ ఒత్తాన్. అయ గుడివన్ని కణుకాజ్ పూసి డెన్సిజాణ్ ముట్టి “నిజి ఇనికబా తోరజినాదా”, ఇజి వెనబాతాన్.

24 వాండ్రు కణుకు పెరిజి, సెడిబా తోర్తినాద్, గాని లోకు మరెక్ సడిజిని వజి తోరజినాద్ ఇజి వెప్తాన్.

25 మరి ఒర్పు యేసు వన్ని కణుకెజి ముట్టాన్. నస్తివలె వన్ని కణుకు నెగెండే అతిజి విజి నెగెండే సుడెతాన్.

26 యేసు వన్నిజ్ బేతేనెయ్య మరజి సాన్యా ఇజి వెప్పొ వన్ని ఇండ్రో పొక్తాన్.

యేసు ఎయెన్ ఇజి పేతురు వెప్పొనాన్

27 యేసుని, వన్ని సిసూర్ పిలిపుది ఆతి కయసరయ పట్టుమదిజ్ డగ్రు మన్ని నాహ్కాజ్ పయనం కిజి మహార్. సాన్సి మహిజ్ సగ్రు యేసు వరిజ్ వెనబాతాన్, నాను ఎయెన్? ఇజి లోకుర్ వగ్గెనార్?

28 దన్నుజ్ సిసూర్, నెగెండార్ నీను బాప్తీసం సీని యోహాను ఇజినార్. మరి నెగెండార్ నీను పూర్బమదాన్మహి ఏలియ ప్రవక్త ఇజినార్. మరి నెగెండార్ నీను పూర్బమదుమహి ప్రవక్తలోఇ ఒరెన్ ఇజి వెహాసినార్, ఇహార్.

29 అహ్మె మిరు నజి ఎయెన్ ఇజి వెహాసినెదెర్? ఇజి యేసు సిసూరిజ్ వెనబాతాన్. నస్తివలె పేతురు, నీను క్రీస్తు ఇహిజి దేవుణు ఏర్పాటు కితిపొక్తాన్”, ఇజి వెప్తాన్.

30 యాక ఎయెర్వెటబా వెహ్బాజ్ ఇజి కనితంవరిజ్ ఆడ్రె సిత్తాన్.

యేసు వన్ని సాపువందిజ్ వెప్పొనాన్

31 యేసు వరిజ్ నెన్పిన్సెజ్ మొదెల్స్తాన్, లోకుమరిసి ఆతి నాను నండో మాలెజ్ ఒరిన్సెజ్వలె. యూద్ పెద్దెల్జ, పెరి పుజెరిజు, యూదురి రూలుజ్ నెన్పిన్సికార్ నజి నక్కుపొక్తార్ లోకుర్ నజి సప్పారెలె. సాజి మూండ్రె దినమకాజ్ దేవుణు నజి మరజి నిక్తాన్లె.

32 యేసు యాకెజ్ విజి డావంపండ వెప్తాజ్ పేతురు యేసుజ్ ఉండ్రెపడెకాదు ఒసి, ప్రబువ నిజి యెలెకెండే జగ్గిదెజ్ అవిద్ ఇజి గటిజి వెప్తాజ్ మొదెల్స్తాన్.

33 యేసు సిసూర్దరోజ్ మరజి సుడెజి కోపమదాన్ పేతురుజ్ వెప్తాన్. “ఒ నయ్యనా నాబాణిజ్ డిసి సాన్అ. నీ మన్నుదు మన్ని ఆలోసనమకు దేవుణుబాణిజ్ వాతికెజ్ అఉ. లోకుబాణిజ్ వాతికెదె నీను ఆలోసనం కిజిని”.

34 నస్తివలె యేసు లోకాజ్ విజెరిజ్, సిసూర్జి వన్నిబాన్ కూక్సీ ఈహు వెప్తాన్. ఎయెన్బా నావె వాదెజ్ ఇహిజి వాండ్రు వన్ని సాంత ఇస్టమకు నజి నమ్మితివందిజ్ వన్నిజ్ వాని ఇని మాలెజ్బా ఒరిన్సెజ్ తయారాజి నావెలె వాదెజ్”.

35 ఎయెర్బా వన్ని పాణిదిజ్ కాపాడెజ్ సుడెతిజి వన్నిజ్ ఎలాకాలం దేవుణువెలె బత్తిని బత్తు దొహ్కావిద్. గాని ఎయెన్బా నా వందిజ్, సువార్త వందిజ్ వన్ని పాణం సీతిజి వన్నిజ్ ఎలాకాలం దేవుణువెలె బత్తిని బత్తు దొహ్కానాద్.

36 ఒరెన్ వాండ్రు కొరితివజి యా లోకమది ఆస్తిసుకం విజి దొహ్కాఅజి వన్నిజ్ ఎలాకాలం దేవుణువెలె బత్తిని బత్తు దొహ్కావండా మహిజి, ఇని లాబం ఇని లాబంబా సిల్దెద్.

37 ఎందానిజ్ ఇహిజి ఎలాకాలం బత్తిని పాణమదిజ్ బదులు ఇనికబా సీదెజ్ లోకఅబ్విన్.

38 యా తరమదికార్ నండో నిజకార్ దేవుణువందిజ్ మన్ను సిల్లెండ మన్నికార్. నా బుబ్బు అతి దేవుణుజాయ్దాన్ దేవుణు దూతెజి వెలె వానివలె, నా వందిజ్ నామాబిజివందిజ్ సిగు అనివరివందిజ్ లోకుమారినియాతి నానుబా సిగు ఆన్”.

9

1 యేసు వరిజ్ ఈహు వెప్తాన్, “నాను నిజం వెప్పొన. ఇబ్బె నిహిమహి వరిలోఇ నెగెండార్ దేవుణు గొప్పునత్తుదాన్ వన్ని లోకురిజ్ ఏలుబడిః కిజినిక సూణిదాక సావిర్”.

యేసుప్రబుజ్ మూర్తి మారిసినాద్.

2 ఆరు రొన్నుసాహివెనుక యేసు పేతురు, యాకోబు, యోహానుజ్ వన్నివెటె ఉండ్రె పెరి గొరోత్ కూక్ ఒత్తాన్. ఆ నాలేవెర్తప్ప అబ్బె మరి ఎయెర్బా సిల్లెర్. అబ్బె వరిఎగ్రు వన్నిమూర్తి మారితాద్.

3 యేసు పొర్పాతి మహి సాక్కు జిగిజిగి మెరిసిని తెల్లనిజాయ్ వజి ఆతాద్. యా లోకమదు నసా తెల్లాజ్ నొర్బానికార్ ఎయెర్ సిల్లెర్.

4 మోసని, ఏలియ వరిజ్ తోర్ ఆతార్. వారు యేసువెటె వగ్గెజి మహార్.

5-6 అక్కు సుడెజి సిసూర్ తియెలాతార్. అందెజి పేతురు ఇనిక వెప్తాజ్ నెన్వింద, “ప్రబు, మాటు ఇబ్బె మహిజెనెగెద్. అందెజి మూండ్రె గుడెనిజ్ తొప్పాట్. నిజి ఉండ్రె, మోసజ్ ఉండ్రె, ఏలియజ్ ఉండ్రె” ఇహ్విన్.

7 అయవలె ఉండ్రీ మొసావ్ వరిజ్ పిడేగితాద్. అయవలె అయ మొసావ్ లోఇహాన్, “వీండ్రు నా ఇన్దమాతి నా మరిన్. విన్నిమాట వెండ్రు”, ఇజ ఉండ్రీ కంటం వాతాద్.

8 వెటనె వారు సురుల సుడేతిజ్ వరివెట యేసు తప్ప ఎయెర్బా తొరవితార్.

9 వారు గొరొన్ డిగ్జిజవాజ మహివలె, “లోకుమరిసియాతి నాను సాతివరిబాణిజ్ మరజ్ నిజీనిదాక మీరు సుడేతిక మహిక ఎయెబ్బా వెహ్లాట్”, ఇజ యేసు వరిజ్ కనితం వెహ్లాన్.

10 యేసు వెహ్లావజ వారు ఎయెజ్ వెహ్విండ వరిమున్దురు ఇడేజి వరిలోఇ వారి వర్గితార్, “సాజి నిజీనిక ఇహిజ అర్దం ఇనిక?”.

11 నన్దవలె వారు యేసుజ్ వెన్బాతార్, “ఏలియ ముజాల్ వాదెజ్వెలె ఇజి యూదురి రూలు నెన్పిన్సికార్ ఎందానిజ్ వెహ్లాన్?”

12 యేసు ఎలియ ముజాల్ వానాన్ ఇజి వెహ్లాక నిజమె. వాండ్రు వాజి విజి కొత్తజ్ కిన్నాన్*. గాని లోకుమరిసియాతికాన్ నండొ కన్దమకు ఓరిసి మాలెజ్ అజి లోకువన్దిజ్ నెక్కిపాక్యాదై ఇజి రాన్సి దనిజ్ అర్దం మిజి తెలినాదా?

13 గాని నాను మిజి వెహ్లాన్, ఏలియ వాతాన్. వన్ని వందిజ్ రాన్సి లెకెండ వరిజ్ ఇన్దం ఆతి వజి వారు వన్దిజ్ కితార్. ఇజి వెహ్లాన్.

దెయం అన్సికొడేదిజ్ యేసు నెగెండ కిజినాన్

14 యేసుని, సిసూర్, మహి సిసూర్ మహిబాన్ వాతిజ్ సిసూర్ సురుల నండొ లోకుర్ కూడేతి మహిక సుడూతార్. యూదురి రూలు నెన్పిన్సికార్ సిసూర్వెట వాదిసి మహోర్.

15 అబ్బె మహి లోకుర్ విజిరె యేసుజ్ సుడేతారి నండొ బమ్మ అజి వెటని వన్దిబాన్ ఉహ్కాన్సివాజి వన్దిజ్ మాడిస్తార్.

16 నన్దవలె యేసు, “మీరు ఇనిదన్దిజ్ సిసూర్వెట వాదిసి మహిదెర్? ఇజి వెన్బాతాన్.

17 ఆ ఇజనమ్లోఇ బరెన్ ఈసా వెహ్లాన్, “వేన్దర్, నా మరిసిజ్ నీ డగ్రు తత్త, వన్దిజ్ ఉండ్రీ దెయం అస్తాదె వన్దిజ్ వర్గివిండ కితాద్.

18 ఆ దెయం నా మరిన్అన్సి వేడేదు అబ్బెనె వన్దిజ్ అర్ప్పినాద్. నన్దవలె వాండ్రు వెయూదాన్ పెంపులు కక్కి పల్కు కొహ్సినాన్. వాండ్రు డుద్దవజ డజ్జన్ అజినాన్. ఆ దెయమదిజ్ ఉల్తప్ప ఇజి నీ సిసూర్ వెట నాను వెహ్లా గాని సిసూర్ అటవితార్.

19 యేసు వెహ్లాన్, “నమకం సిల్లి యా తరమ్దికిదెరా, నాను ఎస్సాకాలం మీవెట మంజిన? మీరు కిజినికెజ్ ఎస్తా ఓరిన్దెజ్? వన్దిజ్ నా డగ్రు తగ్గెఅ”.

20 నన్దవలె వారు ఆ కొడేదిజ్ యేసుడగ్రు తత్తార్. ఆ దెయం యేసుజ్ సుడేతిజ్సరి వన్సిబ్డోల్ విజి వణకిసి బూమిద్ అర్ప్పాదె. అర్ప్పాదె వాండ్రు సుడేబాజి పొజు కక్లాన్.

21 నన్దవలె యేసు, “విన్దిజ్ దెయం అసి ఎస్సాకాలం ఆతాద్?”, ఇజి అపాసిజ్ వెన్బాతాన్. “ఇజ్జి వెలెహానె”, ఇజి అప్పాసి వెహ్లాన్.

22 “ఆ దెయం కొడేదిజ్ నప్పజ్ ఇజి నండొసుట్టు సిసూద్, సిల్లిజి ఎరుదు అర్ప్పి మహోద్. నీను ఇనికబా కిదెజ్ అట్టి ఇహిజ మా మున్సు కనికారం అజి మజి సాయం కిత”, ఇజి అప్పాసి యేసుజ్ వెహ్లాన్.

23 యేసు వెహ్లాన్, “నీను ఇనికబా కిదెజ్ అట్టిజి ఇజి మీరు నజి వెహ్లాదెరా? ఎయెన్బా దేవుణు మున్సు, నమకం ఇడ్డిజి వన్దిజ్ దేవుణు ఇనికబా కిదెజ్ అట్టాన్”.

24 వెటనె ఆ ఇజ్జి వన్సి అప్పాసి, “నాను నమిజిన. అనుమానం సిల్లెండ నమనివజి నాను నిజి నమ్మిదెజ్ సాయం కిత”, ఇజి డటం వెహ్లాన్.

25 అబ్బె లోకుకూడేజి ఉహ్కాన్సి వానిక యేసు సుడేజి ఆ దెయమదిజ్ “ఓ గుల్లబ్రియెర్ దెయం, యా కొడేదిజ్ డిసి వెల్లి సాన్అ ఇజి నాను అడ్డ సిజిన. ఎనెజ్బా మరజి వన్సి లోఇ రమ”, ఇజి డటిసి వెహ్లాన్.

26 నన్దవలె ఆ దెయం గగ్లొజి వన్దిజ్ గొప్ప వణకిసి డిస్త సాహోద్. ఆ కొడేదిజ్ సుడేతిజి సాతివన్దివజి మహాన్. అక్క సుడేజి నండొండార్ “యా కొడేసి సాత సాహోన్” ఇహోర్.

27 గాని యేసు వన్సి కిదు అసి నిక్కిజ్ వాండ్రు నిహోన్.

28 యేసు ఉండ్రీ ఇండ్రొ సాహివసుక, యేసు అజి మహిజ్ వన్సినిసూర్, “మాపు ఎందానిజ్ ఆ దెయమదిజ్ ఉల్తప్పజ్ అటవితావ్? ఇజి వెన్బాతార్.

29 అందెజి యేసు, “యా రకం దెయమకు పార్దనం వెలెనె గాని మరి ఇనిదనివెలెబా సాన్ఉ”, ఇజి వెహ్లాన్.

యేసు వన్సి సావువందిజ్ మరి వెహ్లాన్

30 వారు అబెణిజ్ సాన్సి గలీలయదాన్ సాన్సి మహోర్. వారు ఎంబె మంజినారొ ఇజి ఎయెజ్బా తెలిదెజ్ యేసుజ్ఇన్దం సిల్లెతాద్.

31 ఎందానిజ్ ఇహిజ, యేసు వన్సి సిసూర్జి నెన్పిసి మహోన్. ఇనిక ఇహిజ, “లోకుమరిసియాతి నజి లోకాజ్ ఒవజెప్పారె. వారు నజి నప్పారె. ముండ్రీ రోస్కాజ్ నాను బన్దిజి నిజ్నాలె.

32 గాని యేసు వెహ్లామాట సిసూర్ అర్దం కివితార్. ఆ మాటెజి వందిజ్ వన్దిజ్ వెన్బాదెజ్ వారు తియెలాతార్.

విజిరిజ్ మున్సు పెరికాన్ ఎయెన్?

* 9:12 9:12 వడాయ ప్రహణమదు మన్సి మలాకి ప్రవక్త రాసి పుస్తకమదు రాన్సిమన్సిలెకెండ ఇహిజ ఏలియ ముజాల్ వాదెజ్ ఇజి యూదురి నమ్మిజినార్. మలాకి 3:1; 4:5-6.

33 వారు కపెర్నహము ఇని పట్టుమీదు వాతార. వారు ఇండ్లో వాతిజ్ యేసు మీరు నర్దు ఒరెన్వెటె ఒరెన్ ఇనిదని వందిజ్ వాదిసి మహిదెర్. ఇజి వెన్బాతాన్.

34 గాని వారు ఇనిక పర్లివండ అలెతార. ఎందానిజ్ ఇహిజి వానివలె నర్దు 'మా లోఇవయెన్ పెరికాన్' ఇజి ఒరెన్వన్నవెటె మరిఒరెన్ వాదిసి మహోర్.

35 నస్తివలె యేసు బస్త్రాండ్ర వస్త్రాండు మణిసిర్ సిసూరిజ్ కూక్కి ఈహు వెప్తాన్, ఎయెన్ మహి వరిమున్ను పెరికాన్ ఆనాండ్రో, వాండ్రు విజెరి ఇంక అగిజి మండ్రెజ్. వాండ్రు విజెరిజ్ సీవ కిదెజ్.

36-37 వెనక యేసు ఒరెన్ ఇజ్రి కొడోడిజ్ తసి వరినడిమి నిల్పాన్. మరి ఆ కొడోడిజ్ ఎతాండ్రె ఈహు వెప్తాన్, "ఒరెన్ ఇజ్రి కొడోడిజ్ ఎయెర్ నా పేరు అసి వరిఇండ్రె డగ్రు కినారో వారు నజీ డగ్రు కినార. ఎయెర్ నజీ డగ్రు కినారో నజీ అవండ నజీ పోక్తివన్నెజ్ డగ్రు కినార.

మా మున్ను పగసిల్లికాన్ మా పడకారు మన్నికాండ్రె

38 యోహాను వెప్తాన్, "మెష్టర్, ఒరెన్ నీ పేరు అసి దెయమకాజ్ ఉల్పిజ్ మావ్ నుడోతావ్. వాండ్రు మాలోఇ మనికాన్ ఆవిన్. అందెజి మాపు వన్నెజ్ అడ్డు కిత్తావ్.

39 యేసు వెప్తాన్, "వన్నెజ్ మీరు అడ్డు కిమాజ్. నా పేరు అసి యేలు బమ్మాతి పణికినికాన్ వెటెనె నా వందిజ్ సెఇక వెహావ్.

40 మా మున్ను పగ సిల్లికాన్ మా పడకారు మన్నికాండ్రె.

41 నాను నిజం వెప్పిన, ఎయెర్ బా మీరు క్రీస్తు వారుఇజి వెప్పి, నా పేరు అసి గినాడు ఏరుఉండెజ్ మిజీ సీతిజి దేవుణు వరిజ్ నిజం ఇనాయం సినాన్.

తప్పకిబిసినివన్నెజ్ నండో సిక్కి వానాద్

42 నామున్ను నమ్మకం ఇడ్డి యా ఇజెరి కొడోడిసన్ను వరిలోఇ ఒరెన్వన్నెజ్ ఎయెర్ బా తప్పకిదెజ్, సరి తోరిస్తిజి వాండ్రు మెడోదు పెరి ఇజవణుకు తోవా ఆజి నమదరమదు అడోగి ముడిగి సానోక వన్నెజ్ నెగెద్. ఎందానిజ్ ఇహిజి తప్పకిబిస్తివన్నెజ్ ఒడ్డి సిక్కి వాన్.

43 నీ కియు నిజి తప్ప కిబిస్తిజి దనిజ్ కత్తి విసిర్ అ.

44 రుండె కితి మంజి ఎలాకాలం సిను మంజినిబాన్ సాన్ ఏండ ఉండ్రె కియు మంజి ఎలాకాలం బత్తిదెజ్ దేవుణుబాన్ సానిక నెగెద్.

45-46 నీ కాల తప్పకిబిస్తిజి దన్నెజ్ కత్తి విసిర్ అ. రుండి కాల్యు మంజి ఎలాకాలం సిను మంజినిబాన్ దేవుణు నిజి అర్వివండ, సొట వాండ్రు ఆజి ఎల్ల కాలం బత్తిదెజ్ దేవుణు బాన్ సానిక నెగెద్.

47 నీ కణుక తప్పకిబిస్తిజి దన్నెజ్ లాగ్ విసిర్ అ. రుండి కణుకు మంజి దేవుణు నిజి నరకమదు అర్వివండ ఉండ్రె కణక మంజి దేవుణు ఏలుబడిడు మంజినిక నెగెద్.

48 బానె వరి పిడుకు? సాఉ. సిను నమవిద్."

49 సోరుదాన్ ఇడ్డివజి దేవుణుదిజ్ నమ్మిని వన్నెజ్ సిను నని కస్తందాన్ ఇడ్డాన్.

50 సోరు, నెగ్గికాదె గాని దన్నెజ్ మని రుని సాహిజి ఎలాగ మరి దన్నెజ్ రుని తప్పిజ్ ఆనాద్? మీరుబా సోరు రుని సీనివజి ఒరెన్వెటె ఒరెన్ సమనం కల్లిజి మండ్రెజ్".

10

అల్లిజ్ డిస్టెజ్ నాయమనా ఇజి యేసు నెన్ పిసినాన్

1 యేసు, వాండ్రు మహిబాణిజ్ డిసిని యూదరు ప్రాంతమదు వాజి యెర్దాన్ గడ్డ డాట్టాన్. మరి వన్నెబాన్ నండో లోకుర్ వాతార. ఎనెజ్ బా నెన్ పిసినిలెకిండ యేసు వరిజ్ నెన్ పిస్తాన్.

2 నెగెండార్ వరినయెరు యేసుడగ్రు వాజి వన్నిమాటిజి తప్ప అస్టెజ్ నుడోతార. వారు యేసుజ్ వెన్బాతార, మోసి సీతి రూలువజి ఒరెన్ వన్నిఅల్లిజ్ డిస్టెజ్ తగితి రూలుమనాదా?

3 అందెజి యేసు, మోసి ఇని రూలు మిజి సితాన్? ఇజి వరిజ్ వెన్బాతాన్.

4 ఒరెన్ వన్ని అల్లిజ్ డిస్టెజ్ ఇహిజి ఉండ్రె అక్కు, రాసిసీజి దన్నెజ్ డిస్టెజ్ ఆనాద్. ఇజి మోసి సీతి రూలుదు మనాద్, వారు వెప్తార.

5 యేసు వెప్తాన్, మీ మన్నుజ్ నస్సా గర్త అతిజెనె యా ఆడ్ర రాసి సితాన్.

6 గాని దేవుణు లోకాజ్ పుటిస్తివలె మొగకొడో అయెలి కొడోలెకిండ వరిజ్ పుటిస్తాన్.

7 అందెజి మొగవాండ్రు వన్ని అయెని అహానిజ్ డిసిని వన్ని అల్లివెటె కూడోజి మంజినాన్.

8 రిఎర్ ఉండ్రె ఒడోలేవజి ఆజిమంజినార్. అందెజి మరి ఎనెజ్ బా వారు రిఎర్ అవండ ఉండ్రె లోకున్.

9 అందెజి దేవుణు జత్తకూడిప్పివరిజ్ లోకు అజి కినిక ఆవిద్.

10 వారు ఇండ్రో మహివలె సిసూర్ యా నజితి వందిజ్ యేసుజ్ మరి వెన్బాతార.

11 యేసు వెప్తాన్, "ఒరెన్ అల్లిజ్ డిసిని మరిఉండ్రె దనిజ్ ఇడ్డెఅతిజి వాండ్రు రంకు బూలాజినాన్.

12 అయె లెకిండ అయెలికొడో మహిజ్ డిసిని మరి ఒరెన్వన్నెజ్ ఇడ్డెఅతిజి అది రంకుబూలాజినాన్".

యేసు ఇజెరి కొడోరిజ్ దీవినినాన్

† 9:48 9:48 సల్లిసానిదన్నెజ్ లోఇమన్ని పిడుకుజ్

13 లోకుర్, వరిఇజరి కొడోరింక్” వరిమున్ను వన్ని కిక్కు ఇడ్డెదెక్ ఇజి యేసుబాన్ తత్తార్. అక్కు నుడోతారె సిసూర్ వరిక్ జట్టిక్ అతార్.

14 గాని యేసు అక్కు నుడోతారె సిసూర్మున్ను కోపం అతాన్. “యా ఇజరి కొడోరింక్ నా డగ్గు రపెర్. వరిక్ అడ్డు కిమాల్. ఎందానిక్ ఇహొజి యాలెకండ్ మన్నికారె దేవుణు ఏలుబడిదు మంజనార్.

15 నాను వెహొక నిజమె. ఇజరి కొడోరింక్ నమకం ఇడ్డివజ దేవుణుమున్ను నమకం ఇడ్డికారె దేవుణు ఏలుబడిదు మంజనార్. సిల్లికార్ సాన్వర్”, ఇజి యేసు వెప్తాన్.

16 నస్తివలె యేసు అయ ఇజరి కొడోరింక్ ఎత్తి, వరి మున్ను కిక్కు ఇడ్డిక్పొమ్జి దీవిస్తాన్.

అస్తి మనికాన్ యేసుడగ్గు వాజినాన్

17 యేసు అబ్బొణాన్ సొండ్రెక్ సొత్తిక్ ఒరెన్ ఉహొక్కి వాజి వన్ని ముజాల్ ముణుకుక్ ఊరిజి మాడిస్తాన్, “ఓ నెగ్గి బోదకినికి, దేవుణువెట ఎలకాలం మంజిని బత్తుడు మండ్రెక్ ఇహొజి నాను ఇనిక కిదెక్”, ఇజి యేసుక్ వెనబాతాన్.

18 “నీను ఎందానిక్ నజీ నెగ్గికి ఇజి వెహొసిని? దేవుణు ఒండ్రె నెగ్గికాన్. మరి ఎయెన్బా నెగ్గికాన్ అవీన్.

19 దేవుణు వెహొ రూలువిజా నిజీ తెలినాద్. లోకాక్ నప్పజ్ అవిద్, రంకు బూలొదెక్ అవిద్, డొజి కిమా అబద్దమ్దిక్ సాన్య వెహొ, ఎయెట్బా వెసెం కినిక అవిద్, యాయ బుబ్బురిక్ గవ్ రమ్దాన్ నెగ్గెండ్ నుడిదెక్”, ఇజి యేసు వన్నిక్ వెప్తాన్.

20 వెహొక్ “బోదకినికి, ఇజరి వెలిహాన్ అసి యా విజువనకాక్ లోజీజెని నాను మంజిన్”, ఇజి వాండ్రు వెప్తాన్.

21 యేసు వన్నిక్ నుడోజి వన్నిక్ ప్రేమిస్తాన్. “నీను ఉండ్రె కిదెక్ మనాద్. అక్కు ఇనిక ఇహొజి నీను సొన్ని నిజీ కల్లితిమనిక విజు పొర్తి అయ డబ్బుక్ బీదాతివరిక్ సీఅ. అయవలె పరలోకమ్దు నిజీ అస్తి దోహొక్కాద్. వెనుక వాజి నా సిసూ అఅ”, ఇజి యేసు వెప్తాన్.

22 యామాట వెహొండ్రె వాండ్రు మొకిం ఉతాండ్రె మన్నుడు దుకమాజి సాహ్. ఎందానిక్ ఇహొజి వాండ్రు నండో అస్తి మన్నికాన్.

23 నస్తివలె యేసు సురుల నుడోజి సిసూరిజి వెప్తాన్. “అస్తి మన్నికాన్ దేవుణు ఏలుబడి అడిగి మండ్రెక్ ఎస్సానొ కన్టం.

24 యేసు వెహొ మాటిక్ సిసూర్ వెహొరె బమ్మ అతార్. యేసు మరి వెప్తాన్, “కొడోరాండె దేవుణు ఏలుబడి అడిగి మండ్రెక్ ఎస్సానొ కన్టం.

25 అస్తిమన్నికాన్ దేవుణుకిని ఏలుబడిడిక్ లోజీజి మండ్రెక్ ఇహొజి కన్టం. ఉండ్రె ఒంటి బొహసం బొరోదాన్ డూగ్గెనిక దన్నిక్ ఇంక సులునె”.

26 యాక వెంజి సిసూర్ మరి ఒద్దె బమ్మ అతార్. అహొజి దేవుణు రక్తిస్తిలికెండ్ ఎయెన్ మండ్రెక్ అట్టాన్? ఇజి వారు ఒరెన్వెట మరి ఒరెన్ వెప్తాన్.

27 నస్తివలె యేసు వరిక్ నుడోజి, అయా లోకాక్ అల్ ఇకాదె గాని దేవుణు విజు కిదెక్ ట్టాన్”, ఇజి వెప్తాన్.

28 నస్తివలె పేతురు, మాపు విజు డోస్తాంబె నీవెట వాతావ ఇజి యేసుక్ వెప్తాన్.

29-30 యేసు మరి వెప్తాన్, నాను వెహొక ఇనిక ఇహొజి, నా వందిక్, నువార్త వెహొ వందిక్, ఇలుజొట్టు నా దాదతంబేరిజు, తజీబీదికాక్, కొడోరింక్, అయెన్ అపొసిరిక్, బూమిక్ డోస్తివన్నిక్ యా లోకమ్దుని వంద వందుక్ ఇల్లు, దాదతంబేరిక్, బీబితజీకు, కొడోరింక్, అయెన్ అపొసిరి, బూమి, కల్లినాద్. అక్కాదె అవింద దేవుణుదిక్ నమ్మితివరిక్ యా లోకమ్దు కన్టమ్కుబా వానె. గాని దేవుణు రాజువజి వానివలె వాండ్రు ఎలకాలం దేవుణువెట బత్తికాన్.

31 అయలెకెండ్ నె కడెవెరిదికార్ ఇజి ఒడిబినికార్ మొదోహొకార్ అనార్. ముందహొకార్ ఇజి ఒడిబినికార్ కడెవెరిదికార్ అనార్.

యేసు మరిఉండ్రె నుటు వన్నిసాపు వందిక్ వెహొనాన్

32 యేసుని, సిసూర్ యెరూసలేమ్దు సొన్ని మహార్. లోకుర్బా వరివెట సొన్ని మహార్. యేసు పరి ముజాల్ నడితాన్. యేసు యెరూసలేమ్దు సొన్నిని వందిక్ సిసూర్ బమ్మ అతార్. లోకుర్ తియెలాతార్. యేసు వన్నెండు మణిసిర్ సిసూర్ వన్నిడగ్గు కూక్కి, వన్నిజ్ జగ్గినిక వరిక్ వెప్తాన్.

33 “ఇదిలో మాటు యెరూసలేమ్దు సొన్నినాల్. లోకుమరిసియాతి నాను వెరి పుజెరిజి, యూదురి రూలువెహొ వరిక్ ఒవజెప్పార్లె. వారు నజీ సాపుదిక్ సిక్కి నిజి యూదురు అఇవరిక్ నజీ ఒవజెప్పార్లె.

34 వారు నజీ వెక్కిసి, నా మున్ను పూని, కొర్దాన్ డెయేజి నప్పార్లె. మూండ్రె రొన్నొజీక్ మరజి నిజ్నాలె”, ఇజి వెప్తాన్.

యాకోబుని యోహాను యేసువెట ఉండ్రెమాట వెహొసినార్

35 నస్తివలె జెబెదయ మరిసిరాతి యాకోబు యోహాను ఇనికార్ యేసుడగ్గు వాతారె, “ఓ బోదకినికి, మాపు ఇనికబా లొస్తిజి అక్కు మజీ సీదెక్వెలె” ఇహార్.

36 యేసు వరిక్ “నాను మీ వందిక్ ఇనిక కిదెక్?”, ఇజి వెనబాతాన్.

37 వారు, “నీను రాజువజి ఏలుబడి కినివలె మజి ఒరెన్వన్నిక్ నీ ఉణెర్ పడకాదు ఒరెన్వన్నిక్ నీ డేబ్రు పడకాదు బని కిఅ ఇజి కోరిజనావ్”, ఇజి వెప్తాన్.

38-39 యేసు వరిక్ “మీరు ఇనిక లొసినిదెరో మీరు నెన్ ఇదెర్. నాను ఓరిస్తిక్ మన్ని నండో బాదెక్ మీరు ఓరిస్తిక్ అట్టిదెరా? నాను పొందిని బాప్తీసం పొందిదెక్ అట్టిదెరా?”, ఇజి వరిక్ వెనబాతిక్ వారు, “మావ్ అట్టావ్ ఇహార్. దనిజీ యేసు నాను ఓరిస్తి నండోబాదెక్ మీరు ఓరిస్తిదెర్. నాను పొందిని బాప్తీసం మీరు పొందిదెక్.

40 గాని నా ఉణెర్ పడకాద్ డేబ్రు పడకాద్ ఎయెర్ బస్తిజి ఇజి తీర్తనం కితిక్ నాను అవి. దన్ని వందిక్ దేవుణు తీర్తనం కిత్త మనాన్. వాండ్రు తీర్తనం కితివరిక్ అక్కు సీనాన్.

41 మహి వది మన్ని సిసూర్ యా మాట వెహొరె యాకోబుని యోహాను మున్ను కోవమాతార్.

42 యేసు సిన్హారిజ్ విజేరిజ్ కూక్కి ఈహు వెప్సాన్, “యూదురు ఆజవరిలోజ ఏలుబడిః కిదెజ్ అతికారం మన్నికార్ వరిమున్ను అతికారం తోరిస్సార్ వరిలోజ పెరికార్ వరిజ్ మన్ని అతికారముదాన్ లోకురిజ్ అణసు తిగ్గినార్ ఇజ మిరు నెన్సిదిర్.

43 మీరు వరిలెకెండ్ర మండ్రెజ్ ఆవిర్. గాని మీ లోజ ఎయెన్బా పెరికానాదెజ్ ఇహిజ వాండ్రు మిజి పణిముణిసిర్ లెకెండ్ర ఆదెజ్ వలి.

44 మరి ఎయెన్బా మిజి విజేరి మున్ను, నెయ్ కి ఆదెజ్ ఇహిజ వాండ్రు మిజి విజేరిజ్ వెటిపణిముణిసిల్లెకెండ్ర ఆదెజ్ వలి.

45 ఎదానిజ్ ఇహిజ లోకు మరిసిఅతి నానుబా లోకాజ్ సేవ కిదెజ్ వాత గాని సేవ కితి ఆదెజ్ రెవిత. మరి నండొండారిజ్ వరి పాపమ్కాణ్ విడుఃదల కిదెజ్ నా పాణం సీదెజ్ వాత మన్ను”.

యేసు గుడ్డిఅతి బర్తిముయిజ్ నెగెండ్ర కిజినాన్

46 యేసుని సిన్హారి యెరికొవట్టుమ్దు వాతార్. వారు నండ్ర లోకురవెట పట్టుమ్దున్ సొన్ని మహిజ్ తిమాయి మరిసి అతి బర్తిముయి ఇని గుడ్డివాండ్రు సరి వడఃకాదు లొన్పాదెజ్ బన్న మహాన్.

47 సరి దాన్ వాజనికాన్ నజరేతువాండ్రు యేసు ఇజ వెంజి, “ఓ యేసు, దావీదుమరిసి నా మున్ను కనికరం తోరిన్అ”, ఇజ డటం గగోల్అతాన్.

48 సీన్ లోకువన్నిజ్ “పలాక్ మండ్రు ఇజ గేల కిత్తార్. గాని వాండ్రు “ఓ “దావీదుమరిసి, నా మున్ను కనికారం తోరిన్అ”. మరి ఒద్దె డట్టం డేల్స్సాన్.

49 యేసు నిహండ్రె, “వన్నిజ్ కూకల”, ఇజ వెప్సాన్. వెప్సాజ్ వారు ఆ గుడ్డివన్నిజ్ కూక్కి, “దయరం మన్అ, యేసు నిజి కూక్కినాన్, నిజ్అ”, ఇజ వెప్సార్.

50 వెటనె వాండ్రు వన్ని నీరి సొక్క విసీర్తాండ్రె నిజ్జె యేసు బాన్వాతాన్.

51 యేసు వన్నివెట, “నాను నిజి ఇనిక కిదెజ్ఇజి నీను కోరిజని?”, ఇజ వెన్బాతాన్. నస్తివలి వాండ్రు, “యేసు, నాను బేన్జెజ్ ఆపిద్”, ఇజ వెప్సార్.

52 యేసు, “నీను నా మున్ను నమకం ఇడ్డి అందెజి నీను నెగెండ్ర అతి నీను ఇండ్రె సొన్అ” ఇహాన్. వెటనె నుడుఃదెజ్ అట్టాన్. వాండ్రు యేసువెట సొహాన్.

11

యేసుజ్ రాజుపజ మర్యాద సీజినార్

1-2 యేసుని, వన్నిసిన్హారి యెరూసలేం డగ్రుమన్ని బెత్పాగె బేతానియ ఇని నాహ్కాజ్ వాతార్. యా నాహ్కాజ్ ఒలివ గొరొన్డగ్రు వన్నె అబ్బె పాతిజ్ యేసు సిన్హారి రివిరిజ్ కూక్కి, “మీరు ఎగ్రు మని నాటో సొండ్రు. అబ్బె సొహిజనరి తోప్తా మని ఉండ్రె పెరి గాడెది పిల్ల మీరు నూణిదిర్ దని మున్ను ఎయెర్బా ఎనిజ్బా బన్వితార. దనిజ్ కుత్తి నాబాన్ పేరిజ తగాట్”.

3 “మీరు ఎందా కుత్తినిదిర్ ఇజి ఎయెర్బా వెప్సాజ, యాక ప్రబుజ్ కావాలి. మరి వెటనె దన్నిజ్ మరజి పోక్సాన్ ఇజి వెప్తు” ఇహాన్.

4-5 వారు సొన్ని ఇల్లుముజాల్ వీదిదు తోప్తా మని ఉండ్రె గాడెది పిల్లదిజ్ నుడతార్. వారు దనిజ్కుత్తి మహిజ్, అబ్బె మనికార్, “ఎందానిజ్ మీరు యా గాడెది పిల్లదిజ్ కుత్తినిదిర్”, ఇజ వెన్బాతార్.

6 యేసు వరిజ్ వెప్సాజి వజనె సిన్హారి వెప్సార్. అబ్బె మహికార్ వరిజ్ నరిసిత్తార్.

7 వారు గాడెది పిల్లదిజ్ యేసుబాన్ తత్తార్. దన్నిమున్ను బన్నిజ్ వరి పాతెజ్ పప్సాజ్ యేసు దన్నిమున్ను ఎక్కి యెరూసలేమ్దు సొండ్రెజ్ సోతాన్.

8 సొహిజ్ సీన్ లోకు వరి నీరి సొక్కెజ్ సగ్రు పప్సార్. మరి నెగెండ్రగుడ్డెదు మని మరకాణి కొమ్మెజ్ తతార సగ్రు పప్సార్. ఆహె కిజి వారు యేసుజ్ మర్యాద కిత్తార్.

9-10 ముజాల్ సొన్ని మహికార్, వెనుక వాజి మహికార్, “ఓనన్న! ప్రబు సిత్రె అతికారముదాన్ వాజనికాన్ పొగ్గెః ఆనికాన్* . మా అని గొగోఅతి దావీదు రాజుపజ ఏలుబడిః కిదెజ్ వాని ప్రబు గొప్ప వాండ్రు వరలోకమ్దు మన్ని దేవుణుదిజ్ ఓనన్న!”, ఇజ డేల్స్సార్.

11 యేసు యెరూసలేమ్దు వాజి దేవుణు గుడిఃదు సొహాన్. అబ్బె మహి విజదనిజ్ యేసు నుడతాన్. గాని పొడ్డు అతిజ్ వన్నెండు మణిసిర్ సిన్హారివెట బేతానియ నాటో సొహాన్.

పట్టు, సిల్లి బొడెమరాన్

12 మర్కు నాండిజ్ యేసు, వన్ని సిన్హారు బేతానియదాన్ సొన్నిమహిజ్ యేసుజ్ బజ కట్టాద్.

13 యేసు దూరమ్దాన్ ఉండ్రె బొడెమరాన్ నుడతాన్. పట్టు కాలం ఆజెబా మరాతు ఆకుజ్ మహె. మరాత్పట్టు మంజినె ఇజి డగ్రు సొహండ్రె నుడతాన్. గాని ఆకు తప పట్టు, సిల్లు.

14 యేసు ఆ మరాతిజ్” నీ పట్టు మరి ఎనిజ్బా లోకురతిన్విండ్ర ఆపిర్” ఇజ వెప్సాన్. వాండ్రు వెప్సాక సిన్హారి వివార్.

యేసు యెరూసలేమ్దు మన్ని పెరిదేవుణుగుడిఃదు సొహాన్

15 యేసుని వన్ని సిన్హారి యెరూసలేమ్దు వాతిజ్, యేసు అబ్బెమహి యూదురి దేవుణు గుడిఃదు సొహాన్. అబ్బెగుడిః అర్బుదు మహి కొణి వరిజ్ పొర్పివరిజ్ విజేరిజ్ వెల్లి పోక్సాన్. డబ్బు మారిస్సి వరి బల్లెజ్ని పాపురపొటిజ పొర్పిని వరి పిటెజ్ మప్తా విసిర్తాన్.

* 11:9-10 11:9-10 క్రిస్ట 118:26.

16 ఇని సామానముబా ఎయెర్బా దేవుణు గుడిః బాడిఃదాన్ బరు మోస్త్రెక్ యేసు సరి సిమతాన్.

17 యేసు వరిక్ నెన్పిసినివెలె ఈహు వెప్తాన్, “నా గుడిః విజెరి లోకాక్ పార్దనం కిని గుడిః ఇజి కూకె ఆనాదిలె†, ఇజి దేవుణు మాటదు రాస్త మనాద్. గాని మీరు దన్నిజ్ డోజారిజ సాలం‡ లెకెండ్ కిత్తి మన్నిదెరి”.

18 యేసు వెప్తాక్ లోకర్ విజెరి వెంజి బమ్మ అతార్. అబ్బె మహి పెరిప్పజెరిబు, యూదురి రూలుజ్ నెన్పిసినికార్ అక్క సుడఃజి తియెలాతార్. యేసుజ్ ఎలాగ నప్పెజ్ ఇజి ఆలోసనం కిత్తార్.

19 పొద్దు అతివలె యేసుని, వన్ని సిసూర్ ఆ పట్టుమదాన్ సాహార్.

పట్టు సిల్లి బోడెమరాన్ వందిజ్ యేసు వెప్సిసాన్

20 పెందాల్పె వారు సాన్నిమహిజ్ యేసు పట్టు రెబాతి బోడెమరాన్ వెలెజాణిజ్ మరాన్ విజి సాతిక వారు సుడుఃతార్.

21 పేతురు యేసు వెప్తాక్ గుర్తు కిత్తాన్. “ప్రబు సీసు నయవ్ సిత్తి బోడెమరాన్ సాత మనాద్”, ఇజి వెప్తాన్.

22-23 యేసు వరివెలె ఈహు వెప్తాన్, “మీరు దేవుణు ముస్సు నమకం ఇడుఃదు. నాను నిజం వెప్సిసాన్. ఎయెర్బా యా గొరోణిదిజ్” పెర ఆజి నమ్దరమ్దు అరఅ” ఇజి వన్ని మన్నుదు అనుమానం సిల్లెండ్ నమిజి వెప్తాజి ఆ పజనె జర్గినాద్”.

24 అందెజె నాను వెప్సిసాన్, మీరు పార్దనం కినివెలె మీరు ఇనికెజ్ లోసినిదెరి అక్కెక్ దోహాకెండ్ ముజాలె అక్కెక్ దోహాక్తాద్ ఇజి నమ్మిదు. నస్తివలె అక్కెక్ విజి మిజి కల్లినె.

25 మీరు ఎనికేబా పార్దనం కినివెలె ఎయెన్బా మీ ముస్సు తప్పకత్త మనాన్ ఇహిజి వన్నిజ్ నెమ్మిస్తెక్.

26 నస్తివలె పరలోకమ్దు మన్ని సి బుబ్బాతి దేవుణు మీ తప్పజ్బా నెమ్మిస్తాన్.

యేసుజ్ ఎయెన్ అతికారం సితాన్ఇజి వెన్బాజినార్

27 యేసుని, వన్నిసిసూర్, మరి యెరూసలేమ్దు వాతార్. యేసు అబ్బె దేవుణుగుడిః నడిఃజి మహిజ్ పెరిప్పజెరిబు యూదురి రూలుజ్ నెన్పిసినికార్ యూదప్పెల్లెజ్ వన్నిజాన్ వాతార్.

28 వారు యేసుజ్ వెన్బాతార్, “సీసు ఇని అతికారమ్దాన్ యా పణిజ్కిజిని? యాపణిజ్ విజికిదిజ్ ఎయెన్ నిజి అతికారం సితాన్?”.

29 యేసు వెప్తాన్, “నాను మిజి ఉండ్రిమాట వెన్బాన్. నజి జబాబ్ వెప్తాం. అయవలె యా పణిజ్ ఎమేణి అతికారమ్దాన్ కిజి న ఇజి నాను మిజి వెప్తాం.

30 యోహానుజ్ బాప్తినం సిదెజ్ అతికారం ఎంబెణిజ్ వాతాద్? దేవుణు బాణిజ్నా, లోకర్బాణిజ్నా? నజి వెప్తాం.

31-32 యేసు వెప్తామాట వెంజి వరిలోఇ వారి ఒడిఃబితార్. దేవుణుబాణిజ్ వాతాద్ ఇజి వెప్తాజి అయవలె ఎంధనిజ్ మీరు వన్నిజ్ నమ్మిఇతిదెరి ఇజి వెన్బానాన్. లోకర్ బాణిజ్ వాతాద్ ఇజి వెప్తాజి వారు లోకాజ్ తియెల్ అతార్. ఎందానిజ్ ఇహిజి యోహాను దేవుణు మాట వెప్సి ప్రవక్త ఇజి లోకర్ నమ్మితార్.

33 అందెజె వారు, “మజి తెలివెద్”, ఇజి మరజి వెప్తార్. అయవలె యేసు, “అహిజి, యా ఎంమేణి అతికారమ్దాన్ యా పణిజ్ కిజి న ఇజి మిజి నానుబా వెహాం”, ఇజి వెప్తాన్.

12

పాలిసిత్తి టోటకత

1 యేసు వరిజ్ కతవజి ఈహు వెప్తాన్. “ఒరెన్వన్నిజ్ కండెక్ బూమి మహాద్. వాండ్రు ఆ బూమిరు ద్రాసమ్మెకెక్ ఉణుస్తాన్. దన్ని సురుల కోటి తోహాస్తాన్. దన్నిలోఇ ద్రాక్పట్టుదనం పీర్లెజ్ పణుకుదు ఉండ్రి గనగు తయార్ కిబిస్తాన్. టోట కాపికిదిజ్ ఉండ్రి ఎత్తుమన్ని ఇల్లుబా తయార్ కిత్తాన్. వెనుక ద్రాసటోట సెగెండార్ రెయ్యుతురిజ్ పాలిదిజ్ సిత్తాండ్రె వయనం కిజి మరి ఉండ్రి దెనెం సాహాన్.

2 పట్టు పంటిన్ కాలమ్దు ఆ టోట ఎజమాని వన్నిజ్ వానివంతు లోసి తగ్అ ఇజి ఒరెన్ పణిమన్నిజ్ పాలి అస్తిమన్నివరిడర్దు పోక్తాన్.

3 గాని పాలి అస్తిమన్నికార్ వన్నిజ్ డెయ్యారె పహి కిదాన్ మర్రి పోక్తార్.

4 అయవలె ఆ టోట ఎజమాని మరి ఒరెన్ పణిమణిసిజ్ వరిడర్దు పోక్తాన్. వారు వన్నిజ్బురారు గాయం ఆనివజి డెయ్యెజి సిగు కిజి పోక్తార్.

5 యజమాని, వెనుక, మరి ఒరెన్వన్నిజ్ వరిబాన్ పోక్తాన్. వన్నిజ్ వారు డెయ్యె సప్తార్. అయవజి నె ఎజమాని వన్ని పణిమణిసిన్ సేన లోకర్విజ్ పోక్తాన్. సెగెండారిజ్ వారు డెయ్యెతార్. మహివరిజ్ సప్తార్.

6 అక్కెర్దిదిజ్ అయ ఎజమానిజ్ వాండ్రు ప్రేమ కిత్తి ఒరెండ్రెమహి మరిసి మిగిలెత్తాన్. అందెజె వన్నిజ్ పోక్తాన్. ఆ పాలి అస్తిమన్నికార్ నా మరిసిజ్ గవరం సీసారలె ఇజి వరిబాన్ పోక్తాన్.

7 ఆ పాలి అస్తిమన్నికార్ ఎజమాని మరిసిజ్ సుడఃతారె వీండ్రు యా టోటదిజ్ అక్కుమన్నకాన్ రడ్డు మాటు విన్నిజ్ సప్ప యా టోట మాది కినాబ్”, ఇజి వారు కూడిఃజి వర్గితార్.

8 అందెజె వారు ముస్సు అర్తాండ్రె వన్నిజ్ సప్తార్. సప్తార్ టోట వెల్లి విసిర్తార్.

9 ఆ టోట ఎజమాని వరిజ్ ఇనిక కినాన్? వాండ్రు వాజి ఆ అస్తిమహివరిజ్ సప్పాండ్రె ఆ టోట ఆఇ రెయ్యురిజ్ పాలిదిజ్ సీసాన్.

10-11 యేసు మరి వెప్తాన్. “ఇల్లు తోహాక్తార్ నెక్కిపొక్తి పణుకుని మూలదిజ్ ములపణుకు ఆతాద్. యాక దేవుణు కియుదాన్ జర్గితిక. యక మా కణుకెజి బమ్మతిక* ఇజి దేవుణు మాట రాస్తి మన్నిక మీరు నద్విఇదెరా?

† 11:17 11:17 యెసయ 56:7. ‡ 11:17 11:17 యెసయ 7:11 * 12:10-11 12:10-11 కీర్తన 118:22,23.

12 యేసు యీ కతవజ నెన్పిస్తాక వెహారె 'మా వందిజ్ వెహ్సాన్' ఇజ పెద్దెలుజు నెస్తారె యేసుజ్ అన్జెజ్ ఇజ నుడేతార. గాని మందలోకురిజ్ తియెలాతార వన్నిజ్ డిస్తారె సాహార్.

పన్ను సీదెజా పోనినా ఇజ వెన్బాజినార్

13 వెనుక వారు పరిసయరుజ్ని హెరోదురాజు పార్తిలోఇ సెగెండారిజ్ యేసుమాటదు తప్ప అన్జెజ్ వన్నిబాన్ పోక్తార్.

14 వారు వన్ని డర్సు వాజి, ఓ బోడకినికి, నీను నిజం వెహ్సాకి ఇజ మాప్సెన్సాప్. నీను ఇజరికార్ ఇజ పెరికార్ ఇజ తేడ తోజి వరిజ్ ఇస్సమాతిలెకెండ్ వర్గినికి ఆఇ దేవుణు సరి వందిజ్ నిజమేదాన్ నెన్పెసినికి. కయెనరుజ్ వన్ను సీనిక నాయమేనా అవదా?

15 యూదురు అతి మాపు అక్కసీదెజా పోనినా? ఇజ యేసుజ్ వెన్బాతార్. వారు వేసం కినికార్ ఇజ నెసి "వీరు నా మాటదు ఎందానిజ్ తప్ప అన్జెజ్ నుడేజనిదెర్? ఇజ యేసు వెన్బాతాన్. యేసు మరి వెహ్సాన్, ఉండ్రీ దినారి కాను తసి నజీ తోరిస్తు".

16 వారు తసి వన్నిజ్ తోరిస్తార్. నన్సివలె వాండ్రు, దిన్నిమున్ను మన్ని బొమ్మ ఎయెది, దని మున్ను, రాన్తి రాంత ఎయెది? ఇజ వెన్బాతాన్. "కయెనరుది", ఇజ వారు వెహ్సాన్.

17 అయవలె యేసు కయెసురుజ్ నందితికెక్ కయెసురుజ్ సీదు. దేవుణుదిజ్ నందితికెక్ దేవుణుదిజ్ సీదు ఇజ వెహ్సాన్. యేసు వెహ్సాక వారు వెంజి బమ్మ ఆతార్.

సాతి వెనుక బత్తిఎరెఇజ సెగెండార్ వెహ్సానినార్

18 నన్సివలె సాతివెనుక మరజి నిజినికె సిల్లెద్ ఇజ నెన్పెసిని నదుకయరు ఇనివరి లోఇ సెగెండార్ యేసుడర్సు వాతార్. వారు యేసుజ్ ఉండ్రీ ప్రస్తు వెన్బాతార్.

19 "ఓ బోడకినికి, ఒరెన్ పెండ్లి ఆతి వెనుక కొడోర్ సిల్లెండ సాతిజి వన్ని తంబెరెసి ఒన్నినిజ్ ఇడె ఆజి కొడోర్ ఇడిదెజ్. అహె సాతివరి వందిజ్ కొడోర్ పుట్టెన్జవలె ఇజ మోసి సత్తి రూలుదు మనాద్.

20 ఏలు నుడేజి ఉండ్రీ కాలమేదు ఏడుగురు తంబెరిబు మహార్. తోల్నరందికాన్ ఉండ్రీ బోదెలిదిజ్ పెండ్లి ఆతాన్. కొడోర్ సిల్లెండ సాతాన్.

21 సాతిజ్ నడిపి వాండ్రు ఒనిసిజ్ పెండ్లి ఆతాన్. వాండ్రుబా కొడోర్ సిల్లెండ సాతాన్. వెనుక కొగ్రి నడిపి డన్నిజ్ ఇడె ఆతాన్.

22 అహె ఏడుగురుబా డన్నిజ్ పెండ్లి ఆజి కొడోర్ సిల్లెండ సాత సాహార్. కడెవెరిదు అయ బోదెలిబా సాతాద్.

23 అహెజ సాతివరిబాణిజ్ మరజి నిజినివలె అ బోదెలి అయా ఏడు గురు లోఇ ఎయెజ్ ఆల్పి ఆనాద్? ఏడుగురుదిజ్బా ఆది ఆల్పి ఆత మహాద్గెద?

24 యేసు వరిజ్ ఈహు వెహ్సాన్. "దేవుణు మాటిజ్ మీరు నెన్ఇదెర్. దేవుణునత్తు ఎస్సా ఇజ మిజి నెన్ఇదెర్. అందెజి మీరు తప్ప వెహ్సానిదెర్.

25 సాతి వరిబాణిజ్ మరజి నిజినివలె ఎయెర్బా పెండ్లి ఆవెర్. పెండ్లిదిజ్ సివర్ వారు పరలోకమేదు మన్ని దేవుణు దూతెజలెకెండ్ మంజినార్.

26 సతి వరిజ్ దేవుణు మరజి నిక్కివందిజ్ మోసి రాన్తి పుస్తకమేదు, వెయెజి మహి తుమెజా డర్సుహోన్ దేవుణు మోసెజ్ వర్గితి మాట మీరు నదెవిఇదెరా? నాను, అబ్రాహం దేవుణు, ఇస్సాకు దేవుణు, యాకోబుదేవుణు, ఇజ దేవుణు అయవలె వెహ్సాన్

27 అందెజి వాండ్రు సాతిసాహికార్ మాడిసిని దేవుణు ఆవెన్ బత్తిజి మన్నికార్ మాడిసిని దేవుణు ఇజమాటు నుడిజినాట్. సాతికార్ బత్తిఎరె ఇజ మీరు వెహ్సాక గొప్ప తప్ప.

విజు రూలుదు లోఇ ముకెలమాతి రూలు ఎమేణికి?

28 యూదురిజ్ రూలు నెన్పిస్తివరి లోఇ ఒరెన్బానె వాజి యేసు నదుకయరుజువెట వాదిసినిక వెహ్సాన్. వారు మరజి వెహ్సాజ్ అల్లెవజ యేసువరిజ్ జబాబ్ సితాన్ ఇజ నుడేజి వాండ్రు వెన్బాతాన్ దేవుణు సత్తి విజు రూలుబలోఇ ముకెలమాతిక ఎమేణికి?".

29 దన్నిజ్ యేసు వెహ్సాన్, "విజు వన్యాజ్ లోఇ ముకెలమాతిక యాకదె, "ఓ ఇస్రాయేలుదికిదెరా, మీరు వెండ్రు. ప్రబుమాతి మా దేవుణు ఒరెండ్రె.

30 నీను నీ పూర్తి మన్నుదాన్, పూర్తి పాణమేదాన్, పూర్తి బుద్ధిదాన్, పూర్తి సత్తుదాన్ ప్రబుమాతి దేవుణుదిజ్ ప్రేమిస్సెజ్".[‡]

31 దిన్ని వెనుక ముకెలమాతి రూలు ఇనిక ఇహెజ, "నీను నిజెనె ప్రేమిస్సిలెకెండ్ మహివరిజ్ విజిజె ప్రేమిన్అ",[§] యీ రుండి రూలుబ మిస్తిక రూలుజ్ మరి ఎమేణికలా సిల్లెద్.

32 నన్సివలె అయ మణిసి వెహ్సాన్. ఓ బోడకినికి నీను బాగ వెహ్సా. "దేవుణు ఒరెండ్రె. వాండ్రు తప్ప మరి ఎయెన్ దేవుణు సిలెన్", ఇజ నీను వెహ్సాక నిజమె.

33 నీ పూర్తి పాణమేదాన్, పూర్తి బుద్ధదాన్ పూర్తి సత్తుదాన్ నీ దేవుణుఅతి ప్రబుజ్ ప్రేమిస్సెజ్, నిజి నీనె ప్రేమిస్సివజ మహివరిజ్ ప్రేమిస్తిక, దేవుణుదిజ్ సీజని విజు పూజెజ మున్ను, దేవుణుదిజ్ కిజని దూపమకాజ్ మున్ను. నండొ ముకెలమాతిక".

34 యేసు వెహ్సాక వాండ్రు నెగ్రెండ అర్దం కిజి జబాబ్ వెహ్సాన్ ఇజ నుడేజి యేసు ఈహు వెహ్సాన్. "నీను దేవుణుదిజ్ ఏలుబడిజ్ అడిగి మండ్రెజ్ డర్సు ఆతి. అబ్బెణాన్ ఎయెన్బా యేసుజ్ ఇనికలా వెన్బాదెజ్ దయెరం సిల్లెద్.

† 12:27 12:27 అబ్రహాము, ఇస్సాకు, యాకోబు ఇనికార్ యూదురు పెరి అనిగెగెరు వారు నండొ వంటిజ ముందాల సాతసాహార్. గాని వారు ఏలు దేవుణుబాణిజ్ బత్తిజి వన్నిజ్ మాడిసి మంజినార్. ‡ 12:30 12:30 దిన్నిజ్ 6:4,5. § 12:31 12:31 తేవి 19:18.

35 ఒప్పు యేసు దేవుణుగుడిడు నెన్పిసి మహిజ్ ఈహు వెన్బాతాన్. రాజువజు వానిక్రీస్తు పూర్వమదు మహి దావీదురాజు కుటుంబు పుట్టాన్ ఇజి యూదురిజ్ రూలుజ్ నెన్పిసికార్ ఎండనిజ్ వెప్పినార్?

36 దావీదురాజు దేవుణుఅత్తుదాన్ ఈహు వెప్తాన్: “నాను నీ పగ వరిజ్ నీ పాదం అధ్రి ఇడ్పిదాక నీను నా ఉణెర్ పడక బని మన్అ ఇజి ప్రబు నా ప్రబువెట వెప్తాన్*.

37 దావీదురాజు క్రీస్తుజ్ ప్రబుఇజి కూక్కినాన్. అహిజ ఎలాగ క్రీస్తు వన్ని మరిసి ఆనాన్?”. యేసు వెప్తాక వెంజి లోకుర్ విజెరె నండొ సర్త అతార్.

38 యేసు లోకాజ్ నెన్పిసినివెల ఈహు వెప్తాన్. “యూదురి రూలుజ్ నెన్పిసినివరి వందిజ్ జాగర్త మండ్రు. వారు నండొ దరది నీరి సాక్కు† తొడగిజి బూలాదెజ్ కొరిజనార్. సత్తజ నడిమి పెరికార్ ఇజి మాడిసి అదెజ్ కొరిజనార్.

39 యూదురి మీటిజ్ ఇండ్రొ సాహిజ ముకెలమాతి బాడ్డిదు బస్తెజ్, విందుదు సాహిజ బస్తెజ్ ముకెలమాతి బాడ్డిదు వారు కొరిజనార్.

40 ఇనిక సిల్లి ముండమణిసిజ్ మొసెం కిజి వన్కాజ్ కల్లితిక వారు ఒనార్. లోకుర్ విజెరె విరిజ్ నుడేజి గొప్పు నెగ్గికార్ ఇజి వెప్పివజు వారు నండొ పార్తనం కిజనార్. నిని లోకాజ్ గొప్పు సిక్కు వానాద్”.

ముండ మన్ని అర్పి నంద

41 యేసు దేవుణుగుడిడు సంత సీనిపెటి ఎర్దుబస్తాన్. దేవుణుగుడిడు వాతికార్ సంత పెటిదు డబ్బు అర్పిమహిక వాండ్రు నుడేజి మహాన్. ఆస్తిమన్కూర్ నండొండార్ నండొ డబ్బుజ్ ఆ పెటిదు అర్పూర్.

42 సన్దివలె ఉండ్రీ బీద ముండ మన్ని వాజి రుండి కాణిజ్ అర్పూర్.

43 యేసు సిసూరిజ్ వన్సిడర్త కూక్కి, “నాను నిజం వెప్పిన, దేవుణు నుడతిజ్ యా ఇనిక సిల్లి రాండి బోదెలి మహివిజెరిజ్ మున్కు లావు అర్పూర్.

44 ఆస్తిమన్కూర్ వరిజ్ కల్లితి ఆస్తిబాణిజ్ అర్పూర్. గాని అది దన్నుజ్ సిల్లిబాణిజ్ దన్నుజ్ బత్తిదెజ్ మన్నికెజ్ విజు సంత పెట్టెదు అర్పూర్”, ఇజి వెప్తాన్.

13

యేసు గుడిపందిజ్ వెప్పినాన్

1 యేసు దేవుణుగుడిదాన్ సొన్ని మహిజ్ వన్ని సిసూర్ లొఇ ఒరిన్, “ప్రబు యా పణుకుజ్ ఎస్సా గొప్పవి యా మేడెజ్ ఎస్సా గొప్పవి”, ఇజి వెప్తాన్.

2 పన్నుజ్ యేసు వెప్తాన్, “మీరు ఏలు నుడేజిని యా గొప్ప నెగెండ తొరిజిని మేడెజ్ ఉండ్రీ పణుకు మున్కు మరి ఉండ్రీ పణుకు నిల్లిమన్విండ లోకుర్ వనకాజ్ లాగ్గు అర్పూర్ పూర్తి నానసం కినాలె”.

3 యేసు దేవుణుగుడి ఎర్దు బలివ గొరెత్, బన్సి మహిజ్ పెతురు, యాకోబు, యోహాను, అంద్రెయ ఇనికార్ మరి ఎయెర్బా వెన్ఎండ యేసుజ్ వెన్బాతార్.

4 “యాకెజ్ ఎనిజ్ జర్గెనెలె? ఇక్కెజ్ విజు జర్గెదెజ్ డర్గు అతాద్. ఇజి తొరిసిని గుర్తు ఇనిక? మజ్ మెవ్అ.

5 యేసు వరిజ్ వెప్తాన్, “ఎయెర్బా మిజ్ మోసెం కిఎండ జాగర్త నుడేడు మండ్రు.

6 నండొ లోకుర్ నా పేరు ఇడెఆజి వానాలె. “దేవుణు ఏర్పాటు కిత్తి పొక్తి క్రీస్తు నాన్”, ఇజి వెప్పి నండొండారిజ్ మోసెం కినాలె.

7 మీరు విద్దెమ్కు వందిజ్ వినిదెర్లె. మరి విద్దెమ్కు వానెలె ఇజి సాటిసినిక వెనిదెర్లె. అయవలె తియెలామ. అక్కెజ్ విజు జర్గెదెజ్ వెలె. గాని యాక అక్కర్ ఆవిద్.

8 లోకుర్ మున్కు లోకుర్ని దేసమ్కాజ్ మున్కు దేసమ్కు విద్దెం ఆనాలె. అబ్బె ఇబ్బె నండొబాన్ బూమి కర్ణినాద్దె. కరు వానాద్దె. యాక్కెజ్ విజు ఉండ్రీ బోదెలి కియుదు అస్తెజ్ ముజల వానినొవిజ్ మొదొల్లిన్లెకెమడ ఇక్కెజ్ విజు జర్గెజి మహిజ అక్కర్ దిసమ్కు వాజినాద్ ఇజి నస్తెజానాద్.

9 మీరు జాగర్త మండ్రెజ్. లోకుర్ మిజ్ కొర్టుదు ఒప్పజెప్పివెలె మీరు అబ్బె ఇనిక వెప్తాజ్ ఇజి బెజ అమాట్. అయవలె దోహ్కెలె. వెప్పికిదెర్ మీరు అఇదెర్ దేవుణు అత్తు మిజ్ వెప్పికాదె మీరు వెప్పిదెర్”.

10 దేవుణు సువార్త బూమిమున్కు మని విజెరిజ్ అక్కర్ దిసమ్కాజ్ ముజల వెప్తాజ్ వలె.

11 వారు మిజ్ తొప్పి ఒసి కొర్టుదు ఒప్పజెప్పివెలె మీరు అబ్బె ఇనిక వెప్తాజ్ ఇజి బెజ అమాట్. అయవలె దోహ్కెలె. వెప్పికిదెర్ మీరు అఇదెర్ దేవుణు అత్తు మిజ్ వెప్పికాదె మీరు వెప్పిదెర్”.

12 యేసు మరి వెప్తాన్. “దాద్ది తంబెర్లిజ్ తంబెర్సి దాద్దిజ్ అప్పాసి మరిసిజ్ సప్తెజ్ ఒప్పజెప్పాన్లె. కొడెర్ అయ్సి అప్పాసి మున్కు గొడెబఅజి వరిజ్ సప్పూర్లె.

13 మీరు నా మున్కు. నమకం ఇట్టివందిజ్ విజెరె మీ మున్కు పగదాన్ మంజనాలె. అక్కర్దాక ఓరిన్సి వన్నుజ్ దేవుణు రక్కినార్లె.

దేవుణుగుడి లొఇ నండొతియెల్ అనిక ఉండ్రీ వానాద్దె

* 12:36 12:36 క్రీస్తున 110:1. † 12:38 12:38 యా నండొ దరది నీరి సిక్కు పెరి లోకు తొడగిజి మహాన్.

14 దేవుణుగుడిః లోక మండ్రెజ్ అక నాననం కిని నెకక అతిక ఉండ్రీ* దేవుణు గుడిఃదు నెగ్గి బాట్టిదు నిల్పి మంజనిక నూణివలె (యాక నదవినికాన్ అర్థం కిదెజ్వలె) యూదరు దేనిమదు మంజనికార్ గొరొకాజ్ ఉప్తాజ్ వెలె.

15 ఇల్లు ముస్సు మన్నికార్ ఇనికబా సామానం తత్తెజ్ ఇజి మరజి ఇండ్రొ సాన్యాట్.

16 గుడెదు పణి కిజి మహికార్ వరి పాత తత్తెజ్ ఇజి మరజి ఇండ్రొ సానిక అవిద.

17 ఆ దినమకాజ్ పోటద మన్ని వన్యాజ్ పాలు ఊట్పిసిని వనకాజ్ గొప్ప కన్సం.

18 ఇక పినికాలమదు రెవిండ పార్దనం కిదు.

19 ఎందానిజ్ ఇహిజ దేవుణు యా లోకం పుట్టిస్తాబాణిజ్ అసి ఏలుదాక రెకనిన్ని గొప్ప కన్సమ్కు వానె. నిన్నికెజ్ మరి ఎనిజ్బా రెఉ.

20 దేవుణు ఆ కన్సం అతి రోస్సుతకు కివిండ మహిజ ఎయెన్బా తప్తె ఆదెజ్ అఅట్విన్. గాని దేవుణు ఎర్లిన్సివరి వందిజ్ ఆ రోస్సుకు దేవుణు తక్కు కిత్తాన్.

21 ఆ రొస్యాజ్ ఎయెర్బా ఇదిలో క్రిస్తు అబ్బె మనాన్, సిల్లిజ క్రిస్తు ఇబ్బె మనాన్, ఇజి వెప్తాజి వరి మాట నమ్మిమాట్.

22 ఆ కాలమదు నాన్ క్రిస్తు ఇజి అబద్దం వెప్సికార్, నాన్ దేవుణు పోక్తి ప్రవక్త ఇజి అబద్దం వెప్సికార్ వానార్. వారు నండో బమ్మాతి పణిజ్ ముజాల ఎనిజ్బా తొక నన్ని బమ్మాతి పణిజ్కిజి మోసం కిదెజ్ సూణార్. అట్టిజ దేవుణు ఎర్లిన్సి మన్ని వరిజ్బా మొసం కిదెజ్ సూణార్.

23 అందెజి మీరు జాగర్త మండ్రెజ్. నాను ముజాలె విజు మిజి వెప్తా మన్ను.

లోకుమరిసి దేవుణుజాయ్దాన్ వానిరోజు

24-25 ఆ కన్సమాతి రోస్సుసాహి వెనుక పొదు సీకటి ఆనాద్. నెల జాయ్ సివిద్. సుక్యెజ్ ఆగనమ్దాన్ రాల్తె. ఆగానమ్దు మన్నికెజ్ కద్దినె.

26 నన్సివలె లోకు మరిసియాతి నండో నత్తుదాన్ గొప్ప జాయ్దాన్ కూడితి సాకుదాన్ మొసాప్ ముస్సువానిక లోకుర్ సూణార్లె.

27 నాను నా దూతరిజ్ పోక్యానె యా లోకమ్ది కొనెజుదాన్ ఆగనమ్ది కొనెజుదాక నాల్లి మూలెజాణిజ్ దేవుణు ఎర్లిన్సి వరిజ్ ఉండ్రెబాన్ తపిస్సు.

బోడెమరాన్ది నజతి

28 బోడెమరాన్దిజ్ సుడెజి యాక మీరు నెస్సు. దన్ని అక్కుజ్ రాలజి సిగ్గిసినివలె ఎండకాలం డగ్రు ఆతాద్ ఇజి మీరు నెస్సిదెర్.

29 అయలెకెండెన మీరు యాక్యెజ్ విజు జగ్గిజనిక సుణివలె నాను మరజి వాదెజ్ డగ్రు ఆతాద్ ఇజి నెన్సినిదెర్లె.

30 యా నజతిజ్ విజు జాగ్గిని ముందాల య తరమ్దికార్ సావిర్ ఇజి నాను మిజి నిజం వెప్సిన్.

31 ఆగనం బూమి సిల్లెండ ఆనె. గాని నా మాటెజ్ ఎలాకాలం మంజినె.

ఎయెన్ నెన్ఇ రోజు, ఎయెన్నెన్ఇ గడిఃయ

32 నాను మరజి వాని రోజుపమదిజ్, గడిఃయవందిజ్ ఎయెజ్ నెన్విర్. బుబ్బునె అవిండ పరలోకమ్దు మన్ని దూతారబా మరిసిబా నెన్విర్.

33 యేసు మరి వెప్తాన్, “మీరు పార్దనం కిజి జాగర్త మండ్రు. ఆ రోజు ఎనిజ్వానాదొ మిజి తెలివిద్.

34 ఎలాగ ఇహిజ ఒరెన్, ఎజుమాని వన్ని ఇల్లు వన్ని పణిమన్నిరిజ్ ఒపజెప్పి, వరివరిపణిజ్ వరి వరిజ్ తోరిసి, ఇల్లు కాపుదిజ్ ఒరెన్ వన్నిజ్ ఇడ్డి దేసం సాండ్రెజ్ సాహి వజనె.

35 అందెజి మీరు జాగర్త ఎద్దుసుడిఃజి మండ్రు. ఎందనిజ్ ఇహిజ ఇల్లు ఎజుమాని పొద్దు అతివెలె వానానో, మదరెయ్యు వానానో, కొరు కెరెని వెలె వానానో, సిల్లిజ జాయ్అతిజి వానానో మిజి తెలివిద్.

36 ఎజుమాని వందిజ్ ఎద్దు సుడిఃజి గడిఃయదు వెటనె వాతిజి మీరు నిర్త కిజి మనికవాండ్రు సుడుఃదెజ్ అవిద్.

37 నాను మిజి వెప్తాకది విజెరిజ్బా వెప్సిన్. జాగర్త కావ్కిదు”.

14

1 పన్ను పండోయెని, పులాజ్ అక రొట్టెజ్* పండోయెవాదెజ్ రుండి రోస్సు మానాద్. పెరిపుజెరిజుని, యూదుర్ రూలు నెన్పిసినికార్ యేసుజ్ ఎలాగబా ఉపాయ్కిజి అసి నప్తెజ్ సుడిఃజినార్.

2 “పండోయెలోక వన్నిజ్ తొప్తాజి లోకు గొడఃబ కినార్ అందెజి పండోయెచ లోక పొని ఇజి వారు వెప్తార్.

ఉండ్రీ అయ్లికొడెః యేసు బురాదు వాననం నూనె వాక్రాద్

3 యేసు బేతనియ ఇనినాబో సీమోను ఇన్ని వన్ని ఇండ్రొ బేజునమ్దిజ్ బస్తాన్. వింత్తు కున్సరోగం ఆస్తిమహిజ్ యేసు నెగెండో కిత్త మహాన్ నన్సివలె ఉండ్రీ బోదలి నూనజ్ పణెకుదాన్ తయారొ కిత్తి ఉండ్రీ సీసాదు† నండో విలువమున్ని జటమామ్మి ఇని నెగ్గి వాననం మన్ని సూనె తత్తాద్ మూతడగ్రు రెక్కి యేసు బురాదు వాక్రాద్.

* 13:14 13:14 యా సెకక ఇనికెజి వెప్తాజ్ సిల్లెద్ ఆక దేయమక మాతిపిట వందిజ్ నొ క్రిస్తుజ్ ఎర్లిసిని వన్ని వందినో వెప్సిన్. దిన్ని వందిజ్ దానియెల్ ప్రవక్త రాస్సు మహాన్ 9:27; 11:31; 12:11. † 14:1 14:1 వినకవందిజ్ ముకెలమాతి మాటిజి అర్థం వెప్సిన్ బుకుదు పండోయె మాట రాస్సిబాన్ సుడుఃదు † 14:3 14:3 యా సూనాజ్ పణెకు పేరు అలవాట్లరు ఇజి యా పణెకు నండో కరిదితిక తెల్లాజ్ మంజినాద్. యక గిని లోకుర్ పునెజ్ తయారొ కిజినార్

4-5 అబ్బె మహికార్ నెగొండార్ యాక నుడేజి కోపమాజి వరిలోఇ వారె వెహ్లో, “ఎందానిజ్ యా నూనె పాడు కిజినాద్? యా నూనె మూండ్రి వందెజ్ దినారవమ్జ్ మున్ను డబ్బుదిజ్ పొర్ని అయ డబ్బు బీదది వరిజ్ సీదెజ్ అనాద్ గదె”, ఇజి దన్నెజ్ గోల* క్రితార్.

6 నస్తివలె యేసు, “దన్నెజ్ ఉండ్రి డిఃస్తు ఎందనిజ్ దన్నెజ్ అర్ల కిబిసినిదెర్? అది నజీ నెగ్గి పణి క్రితార్.

7 బీదదికార్ ఎస్తివలెబా మీవెట మంజినార్. వరిజ్ ఎనెజ్బా మీరు సాయం కిదిజినాద్. గాని నాను ఎలాకాలం మీవెట మన్వ.

8 అది కిదెజ్ అట్టిపణి విజు క్రితార్. నజీ నమాది కిని ముజాల పీనుగు తయారకిని అలవాటుమజ నా ఒడోలదిజ్ వాననం నూనె వాక్కి అది నజీ తయార క్రితార్.

9 నాను మీవెట నిజం వెహ్సిన, యా బామి మున్ను ఎంబెబా దేవుణు సువార్ల అది విలుబడిః వందిజ్ సువార్ల సాటిసినివలె అది కిత్తి యా నెగ్గిపణి దన్నెజ్ ఎత్తు కినిలెకెండ్ సాటిసి మంజినాదెలె”.

10 నస్తివలె పన్నెండు మణిసిన్ల సిసూరలోఇ ఒరెన్ ఇస్కరియోతు యూద ఇనికాన్ యూదురి పెరిపుజెరిబజాన్ సాన్ని యేసుజ్ ఒపజెప్తెజ్ తోడుః కిని ఇజి వెహ్సన్.

11 యూదవెహ్సాక వెంజి పెరిపుజెరిబు సర్ల అతార్. వన్నెజ్ డబుజ్ సీనావెఇజి వారు ఒట్టు క్రితార్. అందెజి యేసుజ్ ఒపజెప్తెజ్ యూద ఉండ్రి అవకానం నుడేజి మహాన్.

యేసు సిసూరవెట పన్ను బోజనం ఉణిజినాన్

12 పులాజ్ సిల్లి రొట్టెజ్ తయార కిని పన్నువండ్రియెది మెదోహా దినం వాతాద్. అయ దినం దేవుణుదిజ్ మెండ్ గొరె పిల్లాదిజ్ పూజి కినిక యూదురి అలవాట్. యేసు సిసూర వన్నె డర్లు వాజి, పన్ను బోజనం ఉండ్రిజ్ నీవందిజ్ మావుఎంబె సాన్ని తయార కిదెజ్ నీను కొరిజిని? ఇజి వెనెత్తార్.

13 యేసు రివెర్ సిసూరిజ్ కూక్కి, “మీరు పట్టుమేదు సొండ్రు. అబ్బె ఒరెన్, కుండాదు ఏరు పెండ్జి మీ ఎర్లు వానాన్. మీరు వన్నెవెట సొండ్రు.

14 వాండ్రు సాహి ఇండ్రోణి ఎజుమానిజ్, “నా సిసూర వెట పన్ను బోజనం కిదెజ్ఎంబె గది మనాద్ ఇజి బోదకినికాన్ నిజి వెనెబాజినాన్”, ఇజి వెహ్సన్.

15 నస్తివలె ఆ ఇల్లు ఎజుమాని విజు తయారఅతి మేడమున్ను మని పెరి గది ఉండ్రి తోరిస్సాన్. అబ్బె మజి పన్ను బోజనం తయారకిదు”, ఇజి వెహ్సండ్రి పొక్తాన్.

16 సిసూరపట్టుమేదు సాహిరె యేసు వెహ్సాలెకెండ్ నె విజు నుడేజాతార్. వారు పన్ను బోజనం తయార క్రితార్.

17 పొద్దు ఆతిజయేసు పన్నెండు మంది సిసూరవెట అబ్బె వాతాన్.

18 వారు బోజనం కినివెలె యేసు వెహ్సాన్, “మీ లోఇ ఒరెన్ నజీ పగాతివరి కియుదు ఒపజెప్పాన్లె ఇజి నాను నిజం వెహ్సిన”.

19 అక్క వెంజి వారు నండ్రివకం ఆజి ఒరెన్ వెనుక ఒరెన్ “నాను ఆవిగదె? ఇజి వన్నెజ్ వెనెబాతార్.

20 యేసు వెహ్సాన్, “మీరు పనెండు మనిసిన్లలోఇ ఒరెన్, నావెట గినెదు రొట్టె ముడోక్కికాండ్రె”.

21 లోకుమరిసి నా వందిజ్ దేవుణు మాటదు రాస్తి మహాలెకెండ్ నాను సానాన్లె. గాని లోకు మరిసియాతి నజీ ఒపజెప్పి వన్నెజ్ గొప్పు కన్లం. వాండ్రు పుట్వెండ్ మంజినిక ఇహిజ వన్నెజ్ ఎస్సానొ బాగ మహాద్ మరి”.

యేసుజ్ గుర్తుకిని బోజనం

22 వారు బోజనం కిజిమహిజయేసు ఉండ్రిరొట్టె అస్తాండ్రి దేవుణుదిజ్ వందనమకు వెహ్సి ముకెజ్ కిజి సిసూరిజ్ సితాన్. “మీరు యక లోసితిండ్రు, ఇక నా ఒడోల”, ఇజి వరిజ్ వెహ్సాన్.

23 వెనుక యేసు ద్రాక్ కల్లు మన్ను గిని అసి దేవుణుదిజ్ వందనమకు కిజి వరిజ్ సితాన్. వారు విజెరె ఆ గినదిక ఉటార్.

24 యేసు మరి వెహ్సాన్. “ఇక్క నా నల, నండ్రివారిజ్ వరి పాపమకు నెమిస్తెజ్ ఇజి కారిసిని. నా నల ఇక్కాదె దేవుణు నలదాన్ కిజిని ఒప్పమానం.

25 నాను నిజం వెహ్సిన, దేవుణు కినిఎలుబడిఃదు నాను కొతాజ్ ఉణి దినం దాక మరి ఎనెజ్బా ద్రాక్ కల్లు ఉణెవి”.

26 మరి ఉండ్రి పాట* పార్తార ఒలివ మరెక్ మన్ని గొరెన్ మున్ను సాతార్.

పేతురు యేసుజ్ నెన్వ ఇజి వెహ్సాన్లె ఇజి ముజాల వెహ్సినాన్

27 వారు సానివెలె యేసు వరిజ్ వెహ్సాన్. మీరు విజిదెరె నజీ డిఃసి సానిదెర్లె. ఎందనిజ్ ఇహిజ దేవుణు మాటదు యాలెకెండ్ రాస్తి మనాద్. “గొరెజ్ అడినివన్నెజ్ నాను కత్తాలె. గొరెజ్ మంద నెద్దినె సానెలె”.†

28 గాని దేవుణు నజీ మరెజి బత్తుదు నిక్కివెనుక మిజి ఇంక ముజల గలిలయదు సానాలె. ఇహ్సాన్.

29 నస్తివలె పేతురు, “విజెరె మీ వందిజ్ నిల్లెజ్ అట్వెండ్ డిఃసి సాహిజా నాను నిజి డిఃసి సాన్వ”.

30 యేసు వెహ్సాన్, “ఓ పేతురు, నాను నిజి నిజం వెహ్సిన, యా పొదోయి కొరు రిజెరెని ముజల నీను నజి నెన్వ ఇజి ముసారె వెహ్సాలె”.

31 గాని పేతురు ఒప్పకొడోవెండ్ ఒద్దె డట్టుం వెహ్సాన్, “నాను నీ వెట సాతిజి సాన. నాను నిజి నెన్వ ఇజి వెహ్సాన్”. అయ వజనె వారు విజెరె వెహ్సార్.

యేసు గెత్తేమనె టోటదు పార్లనం కిజినాన్

* 14:4-5 14:4-5 అయాకాలమేదు ఉండ్రి దినారి ఉండ్రి రోజుది కూలి S 14:20 14:20 యేసుని వన్నె సిసూర బోజనం కితివెలె ఉండ్రి గినాది వట్టురెవన్ను రొట్టె ముడుకార్ల డర్లుమన్ను కూలెజ్ నె ఉపా గిన్నదాన్ తినార్ * 14:26 14:26 కర్లన 115-118 బోజనం కిత్తి విజిత్తిజి పారెజి మహా† 14:27 14:27 జెకరియ 13:7.

32 నన్నవలె యేసు, వన్నిసినూర్వెటె గెత్తేమునె ఇని బోటదు సాహార్. యేసు సినూరిజ్, “నాను సొన్ని పార్దనం కిజి మరణివాని దాక మీరు ఇబ్బె మండ్రు”, ఇజి వెహ్సాన్.

33 యేసు పేత్త్రుజ్, యాకోబుజ్, యోహానుజ్ వన్ని వెటె ఒత్తాన్. వాండ్రు నండో దుకం ఆజి బాద ఆదిజ్ మొదోల్స్తాన్.

34 వాండ్రు వరిజ్ వెహ్సాన్, “సాదెజ్ డగ్రు ఆతిరికెండె మున్ను బరిస్తెజ్ అటోఇ నసాని బాదనజి కల్లిజినాద్. మీరు ఇబ్బెనె బని నా వెటె తెల్లి మండ్రు.

35 యేసు అబ్బెణిజ్ సెగం దూరం సొహాండ్రె పడిగిజి అర్థాండ్రె “ఓబా, నిజి ఇష్టమాతివజ యా కష్టమోకాన్ నజి తప్పినెఅ”, ఇజి పార్దనం కిత్తాన్.

36 యేసు దేవుణుదిజ్ ఈహు వెహ్సాన్, “ఓ బా నీను విజు కిదెజ్అట్టి. యా కష్టమకు నా బాణిజ్లాగఅ. గాని నా ఇష్టమవజి ఆవెద్, నీ ఇష్టంవజి నె ఆవెద్”.

37 పార్దనం కితివెనక యేసు సినూర్డగ్రు సొహాజ్ వారు నిద్ర కిజి మహార్, “ఓ సీమోను, నీను నిద్ర కిజినిదా? ఉండ్రె గంటబా తెలి ఆజి మండ్రెజ్ మీరు అటోఇదెదె?”, ఇజి పేతురుజ్ వెన్బాత్తాన్.

38 నయ్యును మిజి వరిస కిజి తప్పదు అనెవిండ ఇహిజి పార్దనం కిజి తెలి ఆజి మండ్రు అత్త తయారెనె, గాని ఒడోలేదిజ్ సత్తు సిల్లెండ ఆజినాద్.

39 యేసు మరి ఒర్పు సొన్ని ముజాల్ వెహ్సా మాటెజ్ నె వెహ్సా పార్దనం కిత్తాన్.

40 యేసు మరణివాజి సుడోతిజ్ సినూర్ మరి నిద్ర కిజి మహార్. ఎందానిజ్ ఇహిజి వరి కణుకు రెప్పెజ్ బరుదాన్ ముగిజి మహా. నస్తవలె వారు యేసుజ్ ఇనిక వెహ్సాజ్ తెలిపెత్తాన్.

41 యేసు ముసారి వాజి సినూర్ నిద్ర కిజి మహిక సుడోజి వరిజ్ వెహ్సాన్, “ఏలుబ మీరు నిద్ర కిజి రోమ్జినిదెదా? ఏలు ఆనాద్. ఇదిలో, లోకుమరిసియాతి నజి సెఇవరికియుదు ఒవజిప్పి గడియె డగ్రు వాత్తాన్.

42 లెదు, ఏలు మాట్ వరివెటె. దసూలాదెజ్ సానాట్ ఇదిలో నజి ఒవజిప్పికాన్ వాజినాన్”.

యేసుజ్ అరెస్టి కిజినార్

43 యేసు యా మాటెజ్ వెహ్సామహిజ్ వన్నెండ మనిసిర్ సినూర్లోఇ ఒరెనాతి ఇన్నురి యోతు యూద ఇనికాన్ అబ్బె వాత్తాన్. పెరిపుజెరిజి లోకురి పెద్దలుజు పోక్కిమన్ని ముందలోకుర్ కూర్జెజ్, కోణెజ్ అస్తారె వన్నివెటె వాత్తర్.

44 యేసుజ్ ఒవజిప్పికాన్, “నాను ఎయెరికె ముద్దు కినానో వన్నిజ్ మీరు తోహాన్ జాగ్ర ఒతు”, ఇజి ముజల వరిజ్ ఉండ్రె గుర్తులెకెండె వెహ్సా మహాన్.

45 యూద వెటెనె యేసుడగ్రు వాత్తాండ్రె, “ఓ బోదకినికి” ఇజి వెహ్సా వన్నిజ్ పొంబిత్తాండ్రె ముదు కిత్తాన్.

46 నస్తవలె వన్నివెటె వతిమహిలోకుర్ యేసుజ్ అస్తారె తోహ్తార్.

47 వెటెనె యేసుడగ్రు మహిసిసూర్ లోఇ ఒరెన్, వన్ని కూర్జె లాగ్గి విజెరి మున్ను పెరిపుజెరిజి మున్ను మన్ని పణిమనిసి ఆతి వని గిబ్బి తెప్ప కత్తాన్.

48 యేసు వెహ్సాన్, “నాను డెజివాండ్రునా? నజి అస్తెజ్ కూర్జెజ్ కోణెజ్ అసి ఎండనిజ్ మీరు వాతిదెర్?

49 రోజు నాను మీ వెటెనె మంజి దేవుణుగుడిదు నెన్పెన్స గదె. అయవలె మీరు నెన్ ఎండనిజ్ అనెఇతిదెర్? గాని దేవుణు మాటదు రాస్తవజి ఇక విజు ఈహు జగ్గిదెజ్ వెలె”.

50 నస్తవలె వన్ని సినూర్ విజెరి వన్నిజ్ డిజెస్తారె ఉహాక్త సాహార్.

51-52 ఒరెన్ దజిడాఱయెన్, యేసు వెనుక, లోకుర్ వెటె సొన్ని మహాన్. వాండ్రు సొక్క తోడెగివిండ ఉండ్రె పాతనె పిడెగిత మహాన్. వారు వన్నిజ్ అస్తెజ్ వాండ్రు పిడిగితిమన్ని పాతడిసి డుమడ ఆత్తాండ్రె ఉహాక్తాన్.

యేసుజ్ ననహద్రి సజంజని యూదురి కొరటునడిఱమి నిల్వ్తార్.

53 యేసుజ్ తోహ్సా ఒతికారె వన్నిజ్ విజెరిపుజెరిజి మున్ను పెరిపుజెరిబాన్ తత్తార్. పెరిపుజెరిజ్ విజెరి, పెద్దెల్లు, యూదురి రూలుజ్ నెన్పెసినికారె అబ్బె కూడ్డి వాత్ మహార్.

54 యేసుజ్ విజెరి మున్ను పెరిపుజెరిజి ఇండ్రె ఒసిమహిజ్, పేతురు వెనుక దూరమదాన్ సొన్ని డేవ దాక వాత్తాన్. వాండ్రు అబ్బె కావకినివరివెటె బస్తాండ్రె సిను కాయ్జె మహాన్.

55 పెరిపుజెరిజి విజెరి, అబ్బె కూడ్డి వాతి ననహద్రి సజం విజు యేసుజ్ సప్తెజ్ తగితి రుజువ్ వందిజ్ వన్ని ఎద్దు అబద్దం వెహ్సావరిజ్ రెబాజి మహార్. గాని వన్నిజ్ సప్తెజ్ అగితి రుజువ్ వెహ్సా ఎయెర్బా దోహాక్వెత్తార్.

56 నండెండార్ వన్నిమున్ను అబద్దం సానెమకు వెహ్తార్. గాని ఒరెన్ వెహ్సా మరి ఒరెన్ వెహ్సా దనిజ్ తేడఱ మహాన్.

57 నస్తవలె నెగెండార్ వన్నిమున్ను ఈహు అబద్దం సానెమకు వెహ్తార్.

58 “లోకు తోహ్సా యా దేవుణుగుడిదిజ్ నాను అరెస్టి విసిర్జి, మూండ్రె రోస్కాజ్ లోకు కీదు పణి ఆవెండ మరి ఉండ్రె దేవుణుగుడి తోహ్సా ఇజి వాండ్రు వెహ్సాక్ మావ్ వెహావ్”, ఇజి వారు వెహ్తార్.

59 గాని వారు వెహ్సా సాస్యెమ్బా ఒరెన్ వెహ్సా మరి ఒరెన్ వెహ్సా దనిజ్ తేడఱ ఆత్తాన్.

60 నస్తవలె విజెరి మున్ను పెరిపుజెరి నిజిత్తాండ్రె యేసుజ్ వెన్బాత్తాన్, “నీను ఇనికబా మరణి వెహాఇదా? వీరు నీ మున్ను వెహ్సాని యా మాటెజ్ ఇనికెజ్?”.

61 గాని యేసు ఇనికబా మరణి వెహావిండ అలెత్తాన్. విజెరి పుజెరిజి మున్ను పెరిపుజెరి యేసుజ్ మరి వెన్బాత్తాన్, “నీను దేవుణు మరిసిఆతి క్రీస్తునా?”.

62 యేసు వెహ్సాన్, “నానె, లోకుమరిసియాతి నాను గోప్ప అతికారం మన్ని దేవుణు ఉణెర్ పడఱకాదు బనిమంజినిక, సయెణిదెర్ మరి ఆగనెమదు దాన్ మెసావ్ మున్ను. నాను వానిక మీరు నూణిదెర్”.

63-64 విజిరి పెరిపుజెరి మున్ను పెరి పుజేరి యేసు వెహిక వెంజి వన్ని సొక వాండ్రె కిసి ఆతాండ్రె. వెహ్సన్, “మరి ఇంక సాసిరిజ్ అవ్వనరం సిల్లెద్. వాండ్రు వెహ్సిక మీరు వెహిదెర్. వాండ్రు దేవుణు దూసిసి వర్గితిక మీరు వెహిదెర్ దన్నివందిజ్ మీరు ఇనిక వెహ్సానిదెర్? యేసు దేవుణుదిజ్ దూసిస్తి వందిజ్ సిక్కు కిజి సప్తజె ఇజి విజెర్ బప్పుకొటార్.

65 నస్తివలె నెగొడార్ యేసు మున్ను వూస్తార్. వారు గరండదాన్ వన్ని కణుకెజి తొహ్సె కణుకెజి మూక్తారె వన్నిజ్ గుతార్. నిజి ఎయెర్ గుతార్ ఇజి తొవింజ వెహ్తా”, ఇజి వన్నివెట వెహ్సార్. జమానుబుబా యేసుజ్ కిరాణిజ్ డెయెతారె ఒత్తార్.

యేసుజ్ నానునెన్ఎ ఇజి పేతురు వెహ్సానాన్

66 పేతురు విజెరి మున్ను పెరి పుజెరి అరబుదు మహివలె అయ ఇండ్రెణి వణి మన్ని ఉండ్రె అబ్బె వాతాన్.

67 పేతురు సిను కాయెజిమహిక సుడెజిజి వాండ్రు ఎయెన్ ఇజి నెస్టెజ్ అది నెగ్రెండ సుడిజాతాన్. “సినుబా నజరేతు వాండ్రు ఆతి యేసువెట మహికి”, ఇజి అది వెహ్సార్.

68 అందెజి పేతురు, “సిను ఇనిక వర్గిజినిదో నజి తెలివద్”, ఇజి వెహ్సె వెల్లి గవునిడగ్రు సాహాన్. నస్తివలె కొరు కెరెతాన్.

69 అయ వణికిసికాద్ పేత్రుజ్ గవునిడగ్రు సుడెజిజి అబ్బె నిహిమహి వరివెట మరి వెహ్సార్, “పిండ్రు వరిలోఇమహాకాన్ బరేన్”.

70 గాని పేతురు మరి, “నాను ఆవి ఇజి వెహ్సన్. నణెం సాహివెసుక పేతురు డగ్రు నిహిమహికార్, “సిను గలియయికి, నిజం సినుబా వరిలోఇ బరేన్”, ఇజి వెహ్సార్.

71 నస్తివలె పేతురు, “మీరు వెహ్సాని వన్నిజ్ నజి నెన్ఎ ఇజి వెహ్సె వన్నిజ్ వాండ్రె నయివ సిబెఆజి ఒట్టు కితాన్.

72 వెటనె రిజి ఒర్పు కొరు కెరెతాన్. నస్తివలె పేతురు, యేసు వన్నివెట, “కొరు రిజి కెరెని ముజల సిను నజి నెన్ఎ ఇజి ముసారె వెహ్సెలె”, ఇజి వెహ్సెమాట ఎత్తు కితాండ్రె నండో దుకమాజి అడెబతాన్.

15

యేసుజ్ తొహ్సెపిలాతుజ్ బవజెహ్సాన్

1 పెందాల సీకటి మనబునె, పెరిపుజెరిబు, యూదవెదెలుబు, యూదురి రూలుజ్ నెన్పిసినికార్, నన్హాద్రిం నజమదికార్ విజెర్ కూడ్రి యేసుజ్ ఎలొగ నప్తెజ్ ఇజి ఆలోననం కితార్. వారు వన్నిజ్ తొహ్సె ఒత్తారె లోమ దేనెమ్ది అతికారెఆతి పిలాతుజ్ బవజెహ్సార్.

2 “సిను యూదురి రాజునా?”, ఇజి పిలాతు యేసుజ్ వెన్బాతాన్. నస్తివలె యేసు, “ఒఒ సిను వెహ్సెలెకెండెన్”, ఇజి వెహ్సన్.

3 పెరిపుజెరిబు యేసుమున్ను నండో తప్పజ్ మొప్పార్.

4 నస్తివలె పిలాతు యేసుజ్ మరి వెన్బాతాన్, “సిను మరజి ఇనికబా వెహ్సాదా? మీరు సి మున్ను ఎసొ తప్పజ్ మొప్పనార్ గద్”.

5 అబా వెహ్సెతిజిబా యేసు ఇని మాటబా మరజి వెహ్సెతాన్. అక్క సుడెజిజి పిలాతు బమ్మ అతాన్.

6 ఏంటు ఏంటు కిని వన్ను పండొయ్లెజ్ లోకుర్ కోరిజిని ఒరెన్ కయదువన్నిజ్ ఏడుదల సిదెజ్ పిలాతుజ్ అలవాటా.

7 అయవలె బరబ్బుఇనికాన్ ఒరెన్ అన్యవాండ్రు నన్నికాన్ జెలిదు మహాన్. వాండ్రు, వన్నివెట మహికార్, ఏలుబడిజి కినివరిజ్ ఎద్రిస్తారె నెడొందారిజ్ సప్త మహార్. అందెజి వరిజ్జెలిదు ఇట్త తమహార్.

8 లోకుర్ పిలాతుబాన్ వాజి, “సిను కిని ఆలవాటువజి ఒరెన్వన్నిజ్ డిసి సిల”, ఇజి వెహ్సార్.

9-10 పెరిపుజెరిబు గొన ఆతారె యేసుజ్ నజి బవజెహ్సార్ ఇజి పిలాతు నెస్తాన్. అందెజి వాండ్రు “యూదురిరాజుజ్ నాను మిజి డిసి సిదెజ్ కొరిజినిదెరా? ఇజి వెన్బాతాన్.

11 గాని పెరిపుజెరిబు బరబ్బేజ్ డిసి సిజి యేసుజ్ సప్తెజ్ ఇజి ఆతికారె ఒప్పెలెకెండె వెహ్సన్ ఇజి లోకుర్లిజి రేప్పి మహార్.

12 నస్తివలె పిలాతు, “యూదురిరాజు ఇని మీరు వెహ్సానివన్నిజ్ నాను ఇనిక కిదెజ్?”, ఇజి వెన్బాతాన్.

13 వారు, “వన్నిజ్ సిలువ పొక్తా”, ఇజి నండో డెల్స్తారె.

14 అందెజి పిలాతు, “ఎందనిజ్ వన్నిజ్ సిలువ పొక్తెజ్? వాండ్రు ఇని తప్పవణి కివిన”, ఇజి వెహ్సన్. గాని వారు, “వన్నిజ్ సిలువ డెయెజి నవ్తా”, ఇజి నండో డెల్స్తారె.

15 పిలాతు లోకాజ్ నర్ల కిదెస్టెజ్ బరబ్బేజ్ ఏడుడల కితాన్, యేసుజ్ కొర్లెజిజిజ్ డెయెబిసి. సిలువ పొక్తెజ్ బవజెహ్సాన్.

నయనమ్దికారయేసుజ్ వెక్రిస్తారె

16 నస్తివలె నయనమ్దికారె యేసుజ్ ప్రెజిరొయం ఇని పిలాతుని పెరిఇండ్రె ఆతారె అబ్బె మహి నయనమ్ది వరిజ్ విజెరిజ్ కూడుప్పార్.

17 వారు యేసుజ్ ఎరాని రంగుది నీరి సొక్క పొర్నీసి సాహ్కాణిజ్ అటారె ఉండ్రె టోపి తయార్ కిజి బురారు ఇడెతారె.

18 “యూదురి రాజు గెల్లితా? ఇజి వెహ్సె వారు యేసుజ్ వెక్రిస్తారె.

19 వారు మరి మరి డుడుదాన్ వన్ని బురారు డెయ్యారె వన్నిమున్ను వూస్తారె. వెనుక ముణుకుజ్ ఊరెజి వన్నిజ్ మాడిసి వెక్రిస్తారె.

20 వారు వెక్రిసి విజతి వెనుక వన్నిజ్ తొడిగెసి మహి ఎరాని సొక్క లాగ్లి వన్ని నీరి సొక్క తొడిగెస్తారె సిలువ పొక్తెజ్ వన్నిజ్ ఒత్తారె.

యేసుజ్ సిలువదు డెయెజినారె

† 14:63-64 14:63-64 నండో కోవం ఆతాన్ ఇజి తొరెస్టెజ్ సొక్క కిస్తారె. గాని విజెరి పుజెరి మున్ను మన్ని పెరి పుజెరి వన్ని సొక్కకెస్టెజ్ అవద్ ఇజి లేవి. 21:10 దు రాస్త మనాద్.

21 కుర్రేనియాదికాన్ సీమోసు ఇని ఒరెన్ ఉండ్రీ నాటోహాన్ అయనరి వాజి మహాన్. నస్తివలె యేసువందిక్ సిలువ పిండెదెక్ నయనమదికార్ సీమోసుక్ బలవంతం కిత్తార్. సీమోసు, అలెక్సందరుని, రూపుఇని వరి అప్పొసి.

22 వారు గొల్లొతఇని బాడ్డిమ యేసుక్ తత్తర్. గొల్లొత ఇహిజ బుర్ పిణికి బాడ్డిఇజి అర్థం.

23 అబి యేసుక్ ఉండెక్ ద్రాక్కులదు బోలం* ఇని సేందుమాయం కలెప్పి సత్తర్. గాని వాండ్రు కెవెత్తాన్.

24 నయనమదికార్ యేసుక్ సిలువదు డెయ్యార్. వెనుక వన్ని సొక్కెక్ ఎయెక్ దోహొక్కె ఇజ నెస్టెక్ సీటిక్ పొక్కార్ వని సొక్కెక్ సిజి ఆత్తార్.

25 పెందాల తొమ్మిది గంటిక్ యేసుక్ సిలువ డెయ్యార్.

26 “యూదురిక్రాజు”, ఇజి యేసుమున్ను మోప్పి నేరం బోర్దుదు రాసి సిలువదు ఇత్తార్.

27-28 యేసువెట రిఎర్ డొజారిక్ సిలువదు పొక్కార్. ఒరెన్వన్నిక్ ఉణెర్ పడెకాదు ఉండ్రీ సిలువదు, మరి ఒరెన్ వన్నిక్ డేబ్రు పడెకాదు ఉండ్రీ సిలువదు.

29-30 నస్తివలె అయ నరిదాన్ సొన్నిమహికార్ వరి బురదూక్కి యేసుక్ దూసిస్తార్, “ఒహొ దేవుణుగుడిడిక్ అరిప్పి విసీరిజి మూండ్రీ లొక్కెక్ నాను తొవ్వాక్కి నిజి నీని రక్కిసి. సిలువదాన్ డిగిజి రల” ఇహార్.

31-32 అయవజనె పెరిప్పజెరిబుని యూదురి రూలునెపిసినికార్, “పిండ్రు మహివరిక్ రక్కిస్తాన్. గాని పిండ్రు వినిజె రక్కిస్తెక్ అటేవన్. ఇస్రాయేలురాజు ఆతి క్రీస్తు ఏలు సిలువదాన్ డిగిజి వాతిజి అక్క నూణావ మూపు నమినావ”, ఇజి ఒరెన్ వెట ఒరెన్ వెప్పి వన్నిక్ వెక్కిస్తార్. యేసువెట సిలువ డెయెఆతి డొజారుబుబా వన్నిక్ వెక్కిస్తార్.

యేసు సిలువమున్ను పొణం డిస్తాన్

33 వేడెక్ పన్నెండు గంటిబాణిక్ మూండ్రీ గంటిక్దాక దేసం విజు సీకటి ఆత్తాన్.

34 మూండ్రీ గంటిక్ యేసు, “ఎలోయ, ఎలోయ లమ నబక్కాని”, ఇజి డటం డేల్లి వెహ్సాన్. దని అర్థం ఇనిక ఇహిజ, “నా దేవుణు, నా దేవుణు నజి ఎందనిక్ నీను డిస్తాన్” ఇజి.

35 బానె నిహికార్ నెగొండార్ యూమాట వెహొర్, “ఇదిలో పిండ్రు ఎలియేక్ కూక్కినాన్” ఇహార్.

36 ఒరెన్ ఉహొక్కి సొన్ని దూతి తత్తూడ్రె నందు ద్రాక్కు కలుదు ముడెక్కి ఉండ్రీ డుడ్డుదాన్ యేసుక్ ఉండెక్ వెయ్యు అందిస్తాన్. “నణెం వండ్రు, ఏలియ వాజి వినిక్ డిప్పొండ్రొ సీలేనొ నూణాట్”, ఇజి వాండ్రు వెహ్సాన్.

37 నస్తివలె యేసు డటం డేల్లిస్తాండ్రె పొణం డిస్తాన్.

38 అయవలె యెరూసలేమ్దు మహి దేవుణు గుడిడు మహి తెర మున్నుహాన్ అడిగిదాక కింజిత్తా దె రుండి ముక్కెక్ ఆతె.

39 సిలువ డెయ్యుబాన్ నిహిమహి నయనమది మంద మణిసిరిక్, యేసు ఈహు డేల్లిస్తాండ్రె పొణం డిస్తాన్ సుడెజి, “పిండ్రు నిజం దేవుణు మరిసినె”, ఇజి వెహ్సాన్.

40 నెగొండెక్ అయెలికొడెక్ దూరం నిల్చి నుడెజిమహి. వన్నాక్ లొఇ మర్గలేనె మరియ, ఇజిరి యాకోబు, యోనె ఇనివరి అయెసిఆతి మరియ, సలోమి ఇనికెక్మహె.

41 యేసు గలీలయదు మహివలె ఇవిక్వన్నివెట సొన్ని వన్నిక్ అవనరమాతికెక్ కిజిమహె. ఇవిక్అవండ యెరూసలేమ్దు యేసువెట వాతి నండె అయెలికొడెక్బా అబ్బొ మహె.

యేసు పినుగు సమాదిదు ఇత్తార్

42-43 అరిమతయ ఇని పట్టమదికాన్ యోసేపుఇని ఒరెన్ అబ్బొ మహాన్. వాండ్రు ననహొద్రిం నజమదు మన్నివరిలొఇ పెరికాన్ ఒరెన్. దేవుణు ఏలుబడి వందిక్ వాండ్రు ఎర్దు సుడెజి మహాన్. పిండ్రు సొన్ని, దయరమ్దాన్, యేసు పినుగు సిలువ మున్నుహాన్ జాయ్ మనుబునె డిప్తెక్ పిలాతుబాన్ సెలవలొస్తాన్. అయ దిసం విస్తాంతిదినం ముజాల మహి తయార్ కినిదినం. అందెజె అయ తయార్ కినిదినం పొదొయెనె యోసేపు పిలాతుబాన్ సెలవ లొక్కెక్ సొహాన్.

44 యేసు ఎస్కాండె సాతాన్ ఇజి వెంజి పిలాతు బమ్మ ఆత్తాన్. నయనమది వరిఅతికారిక్ కూక్కి వెనబాతిక్ యేసు ఎస్కాండె సాతాన్ ఇజి నెస్తాన్.

45 యేసు సాతాన్ ఇజి నయనమది వరిఅతికారి వెహి మాట పిలాతు వెంజి యోసేపుక్ యేసుక్ పినుగు ఒవజెప్తాన్.

46 యోసేపు నెగ్గె తెల్లని పాత కొడెజితని, పినుగు సిలువదాన్ డిప్పి అయ పాతెజాన్ పినుగుదిక్ సుటిసి నటుదిక్ దొల్లిన్సి దూకిదు ఇత్తాన్. ఉండ్రీ గుండ్రని సెప్త పణుకు నడిపిసి దూకిదిక్ అడ్డు కిత్తూండ్రె మూక్కాన్.

47 మర్గలేనె మరియ, యోనె అయెసిఆతి మరియ యేసు పినుగుదిక్ ఇడ్డెబాడ్డి సుడెజె.

16

యేసు మర్రి నిజెత్తాన్

1 విస్తాంతిదినం గడిస్తెసొహివెనుక, మర్గలేనె మరియ, యాకోబు అయెసి మరియ, సలోమి, ఇనికెక్ యేసు పినుగుదిక్ రాస్టెక్ వాసనం నూనె కొడిజె తత్తె.

2 వారమ్దిక్ మొదొహి దినమ్దు పెందాల్చి నిజెజి పొడ్డు సొని మహివలె అవిక్నమాది డర్దు సొహె.

3 సమాది డర్దు సొన్ని మహిక్ అవిక్ “సమాది మూక్కి పణుకు మా వందిక్ ఎయెర్ గూర్ప్పార్?” ఇహె.

4 నస్తివలె అవిక్ సుడెజిక్ ఎయెర్ అయ పెరిపణుకు సమాదిదాన్ గూర్ప్పిలెకెండ్ తొరిత్తాన్. అది ఒడ్డె వెరిక

5 నస్తివలె అవిక్అయ సమాది లొఇ పడెజి సొహిక్ నీరి తెల్లని సొక్కె పొర్పాజి ఉణెర్ పడెకాద్ బన్సి మహి ఒరెన్ దక్డెయెసుక్ సుడెజె. వన్నిక్ సుడెజె అవిక్నండె తియెల్ఆతె.

* 15:23 15:23 బోలం కల్పతిజ నొప్పి నెన్మిండ ఆనాద్

6 అయ దజ్జడాఱయెన్ వరివెట, “తియెల్ ఆమాట్, సిలువ పొకె ఆతి మన్ని నజరేతు వాండ్రు ఆతి యేసుజ్ మీరు రెబాజనిదెరా? వాండ్రు ఇబ్బె సిల్లెన్. వాండ్రు బత్తిజి నిజిత మనాన్. వన్నిజ్ ఇడ్డి బాడ్డి నుడేదు.

7 వాండ్రు మిజి ఇంక ముజాల గలీలయ మీరు సొన్నినాన్ వాండ్రు మిజి వెస్తావజ మీరు అబ్బెవన్నిజ్ నూణిదెల్లె ఇజి సిసురిజ్ మరి పేతురుజ్ వెప్టూ”, ఇజి వెప్టూన్.

8 అక్క, వెపానె అవిక్ వణకిన్ బమ్మ ఆజి సమాదిదాన్ వెల్లి వాజి బాణిజ్ ఉహొక్కి సొహె. అవిక్ తియెల్ ఆతెనె ఎయెర్వెటబా ఇనికబా వెహొఉతె.

యేసు మగ్గలేని మరియెజ్ తోరె ఆతాన్

9 యేసు ఆదివారం పెందాల్పు సమాదిదాన్ బత్తిజినిజ్జ మగ్గలేనె మరియెజ్ తోరె ఆతాన్. యా మరియ ఎయెర్ ఇహిజి యేసు ఏడు దెయమ్కాజ్ ఉల్పై నెగెండ్ కిత్తి అయ్యలి కొడొఱి.

10 యేసువెట మహికార్ యేసు సాతిజ్ దుకమ్దాన్ ఒడేబిజి అడేబాజి మహిజ్, అది సొహాదె విజు సజతిజ్ వరిజ్ వెప్టూద్.

11 యేసు బత్తిజి నిజితాండ్రె నజి తోరె ఆతాన్ ఇజి అది వెప్టూ మాట వారు నమ్మివితార్.

యేసు రివెర్ సిసురిజ్ తోరెఆతాన్

12 వెనుక రివెర్ సిసుర్ ఉండ్రి నాటొ నడిసి సొన్నిమహిజ్ యేసు వరిజ్ తోరె ఆతాన్. గాని ఆఇ మూర్తి వజ తోరెఆతాన్.

13 వారు సొన్ని, మహి సిసురిజ్ యా సజతి వెప్టూర్. గాని వారు యా రివెర్ మాటేబా నమ్మివితార్.

యేసు పదకొండు మణిసి సిసురిజ్ తోరెఆతాన్

14 మరి ఒర్పుపదకొండు మణిసి సిసుర్ బొజనం కిజిమహివలె యేసువరిజ్ తోరె ఆతాన్. యేసు నిజితి వెనుక వన్నిజ్ నుడేతివరి మాట నమ్మిందాతివందిజ్, వరి అనుమానమ్దిజ్ యేసు వరిజ్గటిజి వెప్టూన్.

15 యేసు వరివెట, “మీరు లోకం మున్ను మని విజు దేసమ్కాజ్ సొన్ని దేవుణు సువార్త విజేరిజ్ వెప్టూ.

16 ఎయెర్బా నా మున్ను నమకం ఇడేజి బాప్తిసం లాగెఆతిజి వరిజ్ దేవుణు రక్కిస్సాన్. గాని నా మున్ను నమకం ఇడేఇతి వరిజ్ సిక్కు వానాద్.

17 ఎయెర్ నజి నమ్మినారొ వారు యా బమ్మాతి పణిజ్కిదెజ్ అట్నూర్. అక్కెజి ఇనికెజ్ ఇహిజి నా పేరుదాన్ వారు దెయమ్కాజ్ ఉల్పేవూర్. వారు కొత్తబానిజ్ వర్గినార్.

18 సారాస్కాజ్ అస్తిజ్బా అవిక్ కట్టిజ్బా సావిర్. ఇనికబా గొప్ప వినమాతిక ఉటిజ్బా సావిర్. జబ్బు ఆతివరి మున్ను కికు ఇట్టిజి వారు నెగెండ్ ఆనార్”, ఇజి వెప్టూన్.

దేవుణు యేసుజ్ పరలోకమ్దు ఒత్తాన్

19 యేసు యాకెజ్ విజు వెస్తావెనుక దేవుణు యేసుజ్ పరలోకమ్దు ఒత్తాన్. యేసు అబ్బె దేవుణు ఉణెర్ పడకాద్ బస్తాన్.

20 యేసు సిసుర్ విజుబాన్ సొన్ని దేవుణు సువార్త వెప్టూర్. వారు కిత్తి విజు పణిదిజ్ దేవుణు సాయం కితాన్. వారు కిత్తి బమ్మాతి పణిజాణ్ వారువెస్తా మాట నిజం ఇజి దేవుణు తోరిస్తాన్.

లూక రాస్తి సువార్త

నెల్వ కిబిసినిక

యా సువార్త లూక ఇని ఒరెన్ డాక్టరు, దెయింపిలెట్ రాస్తికాదె. యేసు యా లోకమ్దు బత్తివలె జరిగితి దన్నివందిక్ కత వజ రాస్త మనాన్. యేసు పుడుగు వందిక్ మహి సువార్త ఇంక లాపు వెప్తా మనాన్. మరి యేసు కిత్తి నండొ బమ్మాని పణిజ వందిక్, నండొండార్ జబ్బుదాన్ మహి వరిక్ నెగెణ్ కిత్తిదన్ని వందిక్ వెప్పానాన్. యేసు దేవుణు మరిసి ఇహోజ్బా లోకు వజ పుట్టి, లోకురి పావమకాజ్ వందిక్ సాజి, మరి దేవుణువెట ఎలాకాలం బత్తిని బత్తుదు నడిపిసినాన్ ఇజి యా సువార్తదు వెప్పానాన్.

1-4 లూక తియింపిలెట్ రాసినాన్. మా నడిమి జరిగితి నజతిజ వందిక్ కతవజ రాస్తిక్ నండొండార్ సుడతార్. మొదోహానె, యా నజతిజ సుడతె సాసిర్, మరి, సువార్త బోద్దిస్తార్ మజి వెప్తార్. వారు మజి వెప్తా వజనె, వీరు రాస్తార్. నాను యా నజతిజ్ విజా మొదోహానె బాగ నెస్త మహా. అందెజి అయాకెక్ నీ వందిక్ వరస రాస్తిజ బాగ మంజినాద్ ఇజి నాను ఒడతెబిత. ఎందానిజ్ ఇహిజ, అయావలె నిజి నెన్పిస్తి విజా వన్మాజ్ పూర్తి అర్థం నిజి నెన్జానాద్.

బాప్తిసం సీని యోహాను పుడగు వందిక్ వెప్పానాన్.

5 వారోదురాజు యూదయ దేనం ఏలుబడిః కిజి మహివలె, జెకరియ ఇని ఒరెన్ పుజెరి మహాన్. వీండ్రు అబియ పుజెరి జట్టుదు మహికాన్. విన్ని అల్ని ఎలిసబెతు. అది అహారోసు పుజెరి కుటుమ్దికాదెన్.

6 వీరు రిఎర్బా, నింద సిల్లెండ్ర ప్రబు సీతి ఆడ్రెజ, రూలుజ విజా లోజిజి, దేవుణు ముందాల సీతినిజాయితిదాన్ మహార్.

7 ఎలిసబెతు గొడ్డు బోదెలి. అందెజి వరిక్ కొడోర్ సిల్లెర్. వారు రిఎర్బా నండొ డొక్త ఆతార్.

8 ఉండ్రీ నట్టు జెకరియ జట్టుజ్ పుజెరి పణికిదెక్ వంతు వాతాద్. అయావలె జెకరియ దేవుణు ముందాల పుజెరి పణి కిజినాన్.

9 పుజెరిజ మన్ని అలవాటు లెకెండ, సీటి పోక్తార్, జెక్యెక్ ఏర్పాటు కితార్. దేవుణు గుడిడు సొస్తి దూపం సురుదెక్ వన్నిజ్ ఏర్పాటు కితార్.

10 దూపం సురుదెక్ వేల ఆతాద్. నన్పవలె అబ్బె కూడితిమహి మందలోకుర్ విజెర్ వెల్లి మంజి పార్తనం కిజి మహార్.

11 నన్పవలె, దేవుణుదెక్ దూపం సుర్తి మాలి పిటి ఉణెర్పడకాద్ దేవుణు దూత నిహాన్. నిహండ్రె వన్నిజ్ తోర్ ఆతాన్.

12 జెకరియ, దేవుణు దూతెక్ సుడతాండ్రె, గజిబిజి ఆజి నండొ తియెల్ ఆతాన్.

13 అయావలె దేవుణు దూత వన్నిజ్, “జెకరియ, నీను తియెల్ ఆమ. నీ పార్తనం దేవుణు వెహాన్. నీ ఆలు ఎలిసబెతు ఒరెన్ కొడోః ఇద్దాద్దె. వన్నిజ్ యోహాను ఇజి వీరు ఇడదెక్.

14-17 వాండ్రు ప్రబు ఎర్దు పెరికాన్ ఆనాన్. ద్రాక్త కలుని మరి సొస్తిక ఇనికబా వాండ్రు ఉణెవెన్. అయిని పొటలోః ఇ పెండం ఆతి బాణిక్ మొదోల్ని దేవుణు అత్తు వన్నిజ్ నడిపిస్తాన్. ఇస్తాయెలు దేనమది లోకురిక్ నండొండారిక్ వరి దేవుణు ఆతి ప్రబు దరోల్ మహి తనాన్. ఏలియ ప్రవక్త లెకెండ నండొ గొప్ప నత్తుదాన్ వాండ్రు ప్రబు ముజాల సొనాన్. ఎందానిజ్ ఇహిజ, అప్పొసి మరిసిరిక్ కూడుస్తాజ్. నాయం మన్నికార్ బుద్దిదాన్ నడిపివజ, విరి సరిదు దేవుణుమాట వెన్ఇవరిక్, నడిపిస్తాజ్ ప్రబు వానివలె, వన్నిజ్ ఎర్దు సుడతెక్ లోకాజ్ తయార్ కినివందిక్ యా లెకెండ కినాన్లె. అందెజి వాండ్రు పుట్టివెలె మిజి గొప్ప నర్ద కినాన్లె. మరి, నండొండారిక్ నర్ద కిబిస్తాన్లె”, ఇజి వెప్తాన్.

18 నన్పవలె జెకరియ దేవుణు దూతెక్ వెన్బాతాన్, “యాక ఎలాగ నాను నెన్జెక్? నాను డొక్త. నా బోదెల్బా డొక్తి ఆతాద్”, ఇజి.

19 అందెజి దేవుణు దూత, “నాను గబ్రియెలు. దేవుణు పడకాద్ నిల్ని మంజినికాన్. నీ వెట వర్తిజి, నిజి యా నెగ్గి కల్లు వెప్తాజ్ దేవుణు నజి పోక్త మనాన్.

20 గాని నాను వెప్తా మాటెక్ నీను నమిఇతి. అందెజి యాకెక్ జగ్గినిదాక, నీను గుల్ల ఆజి మంజినిలె. నాను వెప్తాకెక్ జగ్గిదెక్ దేవుణు ఏర్పాటు కితి కాలమ్దు, పూర్తి ఆనెలె”, ఇజి వెప్తాన్.

21 నన్పవలె లోకుర్ జెక్యెక్ కాన్ కిజి మహార్. వీండ్రు ఎందనిజ్ దేవుణు గుడిడు నిసా ఆల్సెం ఆతాన్ ఇజి బమ్మ ఆజి మహార్.

22 వాండ్రు వెల్లి వాతివెలె, వరి వెట వర్గిదెక్ అణెవతాన్. అయావలె దేవుణు గుడిడు వినిక్ దేవుణు ఇనికదో ఉండ్రె దర్నసం* తోర్స్తాన్ ఇజి నెస్తార్. వెయు రజతిక్, వాండ్రు వరిక్ కియు నయన్ కితాన్. వాండ్రు గుల్ల ఆజి మహాన్.

23 వన్ని పణి కాలం వీజితిక్ వాండ్రు వన్ని ఇండ్రె సొహాన్.

24 నెగం రోస్సు, సొహా వెన్మా, వన్ని అల్ని ఎలిసబెతు పాత డిస్తాద్. అయెదు నెలదాక అది ఇండ్రెన్ మహాద్.

25 “ప్రబునె నా వందిక్ యాక కితాన్. ఏలు నా మున్సు కణక వెప్తా బస్తాండ్రె లోకుర్ ఎర్దు నజి మహి సిగునట్టు లాగితాన్”, ఇజి వెప్తాన్.

యేసు పుడుగు వందిక్ వెప్పానాన్

26 ఎలిసబెతు పాత డిసి ఆరునెలాదు, దేవుణు గబ్రియెలు దూతెక్, గలిలయ ప్రాంతమ్దు మన్ని నజరెతు ఇని పట్టుమ్దు పోక్తాన్.

* 1:22 1:22 దర్నసం ఇహిజ ఇనికాదొ ఉండ్రె నజతి కల లెకెండ టిబాక్ తోర్ ఆనికాదె అయాక దేవుణు నత్తెదాన్ తోర్ ఆజినాద్

27 యోసేపు ఇన్ని ఒరెన్ వన్నిజ్ వెనబాతి ఉండ్రీ విడ్డి బోదెలిబాన్ దేవుణు దూత సాహన్. అయి విడ్డి బోదెలి పేరు మరియి. యోసేపు దావీదు కుటుంబిదాన్.

28 దేవుణు దూత లోఇసాహండ్రె, మరియామ్మోజ్ సుడూజ, “వందనం, ప్రబు నీ వెట మనాన్. నిజీ నెగెండ దీవిస్త మనాన్”, ఇజి వెప్సాన్.

29 అయి మాటోజ్ వెహదె, మరియి నండో బాద ఆతాద. వన్ని మాటోజిదిజ్ అర్థం ఇనికదో ఇజి దన్ని గర్భమదు బమపు ఆతాద.

30 అయావలె దేవుణు దూత దన్నిజ్, “మరియి నీను తియెల్ ఆమ. దేవుణు నీ మున్ను, కనికారం తోరిస్త మనాన్.

31 నీను పాత డిజిస్తె, ఒరెన్ కొడోడిజ్ ఇడ్పిలె. వన్నిజ్ యేసు ఇజి పేరు ఇడూఆ.

32 వాండ్రు పెరికాన్ ఆనాన్. విజుదనిజ్ అతికారం మని దేవుణు మరిసి ఇజి కూక ఆనాన్లె. వన్ని అనిగోగోర్ అతి దావీదు రాజు అతివజ, దేవుణుఅతి ప్రబు వన్నిజ్ రాజు కినాన్లె.

33 వాండ్రు, యాకోబుజ్ తెగ్గతివరిజ్ ఎలాకాలం ఏలుబడిః కినాన్లె. ఏలుబడిః కిదెజ్ అతికారం వన్నిజ్ ఎలాకాలం మంజనాదెలె”, ఇజి వెప్సాన్.

34 అయావలె అది, “నాను ఎనెజ్బా మొగకొడోః వెట కూడఃఎనె. యాక ఎలాగ జర్గినాదె?”, ఇజి దేవుణు దూతెజ్ వెనబాతాన్.

35 అందెజె దేవుణు దూత, “దేవుణు ఆత్మ నీ మున్ను. వానాన్లె. మొసావ్ కితిజి నీడ పిడఃక్కాద. అయిలెకెండ, విజు దన్నిజ్ అతికారం మన్ని దేవుణు సత్తు నిజి పిడఃక్కాదె. అందెజె పుట్టికాన్ దేవుణు బాణిజి వానికాన్. వాండ్రు దేవుణు మరిసి ఇజి కూక ఆనాన్లె.

36 నీ డగ్రుహె లోకుఅతి ఎలిసబెతు డోక్రి కాలమదు ఒరెన్ బయిజ్ పాత డిజిస్త మనాద. గొడ్డు బోదెలి ఇజి కూక ఆతిదనిజ్ ఏలు ఆరు నెలెజ్.

37 విజు కిదెజ్ దేవుణు అట్టికాన్”, ఇజి వెప్సాన్.

38 అయావలె మరియి, “ఇదిలో, నాను దేవుణు పణిమణిసి. నీను వెప్తి లెకెండెన నజీ జర్గిపిద”, ఇజి వెప్సాద. అకవహండ్రె దేవుణు దూత దని బాణిజ్ సాహన్.

మరియి ఎలిసబెతుబాన్ ససాన్సినాద

39 అయావలెనె, మరియి తయార్ ఆతాద. ఆతాదె, యూదయ దేనెమది గోరోజ్ ప్రాంతమదు మని ఉండ్రీ పట్టమదు బేగి సాహద.

40 అబ్బె మని జెకరియి ఇండ్రో సాహదె, ఎలిసబెతుజ్ దసూల్ఆతాదె, నమొస్తె వెప్సాద.

41-42 మరియి వెప్తి వందనం ఎలిసబెతు వెహవెలె, దన్ని పొటాద మన్ని పిండం సర్దదాన్ కర్ణితాద. ఎలిసబెతు దేవుణు ఆత్మ దాన్ నిండ్రీజి సర్ద ఆజి ఈహు డటం వెప్సాద. “అబ! బోదెకా లోఇ, దేవుణు నిజీనె నెగెండ దీవిస్తాన్. నీ పొటాద మన్ని కొడోడిజ్బా దీవిస్తాన్.

43 నా ప్రబుజ్ అయేసి నా డగ్రు వాదిజ్ నాను ఏపటిదిక ఆవె.

44 ఇదిలో నీ వందనం నా గిబ్బిదు అర్జిజ్, నా పొటాద మన్ని పిండం సర్దదాన్ కర్ణితాద.

45 ప్రబు దనిజ్ వెప్తి మాటోజ్ జర్గినాదె ఇజి నమకం ఇట్టికాద గొప్పది.

మరియి దేవుణుదిజ్ పొగిడిఃజి పొర్జినాదె.

46 అయావలె మరియి ఈహు వెప్సాద. “నా పాణం ప్రబు గొప్ప పెరికాన్ ఇజి వెప్సినాద.

47-49 వాండ్రు వన్ని పణిమణిసెఅతి నా ఇజి బత్తుదిజ్ సుడూజాన్. అందెజె నా పాణం నజీ రక్సిన్ని దేవుణు బానె సర్ద ఆజినాద. గొప్ప సత్తు మన్ని దేవుణు నా వందెజి గొప్ప పణిజి కితాన్. అందెజె ఏలుదాన్ లోకర్ విజెరి నా వందెజి, దేవుణు దీవిస్తకాద ఇజి వెహర్లె. వాండ్రు నెగ్గి దేవుణు.

50 వన్నిజ్ తియెల్ అనివరి మున్ను, వన్ని కనికారం తర తరం మంజనాద.

51 వాండ్రు వన్ని సత్తుదాన్ గొప్ప పణిజి కితాండ్రె తోరిస్తాన్. నానె పెరికాన్ ఇజి వరి లోఇ ఒడఃబిజి గర్భ అతి వరిజ్ వాండ్రు నెద్దిస్తాన్.

52 గర్భ మని అతికారిజ, అతికారం దాన్ డిఃప్రాండ్రె ఇజిరి వరిజ్ పెరికార్ కితాన్.

53 బజాతివరిజ్ నెగ్గి టిండి సీజి సర్ద కిబిస్తాన్. మని వరిజ్ వహి కిదానె పొక్కాన్.

54-55 మా అనిరిజ్ ‘కనికారం తోరిస్త’ ఇజి ఒట్టు కితి వజి వాండ్రు కితాన్. వన్నిజ్ నీవ కిని ఇస్తాయేలు లోకాజ్ కనికారం ఆజి సాయం కితాన్. అబహమ్ముజ్ వన్ని కుటుంబిది వరిజ్ విజెరిజ్ ఎలాకాలం కనికారం తోరిస్త ఇజి ఒట్టు కితాన్. అయాక వాండ్రు ఒడఃబితాన్”, ఇజి మరియి వెప్సాద.

56 అది డగ్రు మూండ్రీ నెలెజ్ దాక ఎలిసబెతు బాన్ మహాదె దని ఇండ్రో మరీజి సాహద.

బాప్తిసం సీని యోహాను పుట్టినాన్.

57 నెలెజ్ నిండ్రీతివలె, ఎలిసబెతుజ్ ఒరెన్ కొడోః పుట్టాన్.

58 ప్రబు దన్నిమున్ను, కణక వెప్తి బేస్తాన్ ఇజి పడఃకాదికార్ని కూలెజ్ వెహరె, దన్నివెటె నండ్రె సర్ద ఆతార్.

59 కొడోః పుట్టి ఎనిమిది దినమదు వన్నిజ్ సునతి కిదెజ్ కూడితార్. కొడోడిజ్ అప్పాసి పేరు నన్నిక ఇడదెజ్ వారు ఒడఃబితార్.

60 నస్తివలె అయేసి, “అహు పోని! వన్నిజ్ యోహాను ఇజి పేరు ఇడఃదెజ్”, ఇజి వెప్సాద.

61 అందెజె వారు, “మీ కూలెజి లోఇ ఎయెరిజ్బా నిన్ని పేరు నెల్లెద”, ఇజి దనిజ్ వెహర్.

62 వనిజ్ ఇన్ని పేరు ఇడదెజ్ అప్పాసి కొరిజనాన్ ఇజి నెస్తాజ్ వారు కియు నయన కిజి జెక్రయెజ్ వెనబాతాన్.

- 63 నన్నవలె వాండ్లు ఉండ్రీ రాసిని బల్ల లొస్తాండ్రె, “విన్ని పేరు యోహాను”, ఇజి రాస్తాన్. వారు విజెరె నండో బమ్మ అతార్.
- 64 వెటనె, వన్నిజ్ వరగదెజ్ వెయి వాతాద్. దేవుణుదిజ్ పొగిడిజి వర్గిదెజ్ మొదోల్స్తాన్.
- 65 పడకాకాదెకార్ విజెరె గొప్ప తియెల్ అతార్. యూదయ దేసెమది గొరొణి ప్రాంతం విజి లోకుర విజెరె యా జర్గితె నజతిజి వందిజ్ వర్గిజి మహార్.
- 66 యాక వెహికార్ విజెరెబా దని వందిజ్ ఒడిబిజి, “యా కొడో: ఎలాగ మహికాన్ ఆనాన్లెనా”, ఇజి వెహ్సాన్. ప్రబు నత్తు వన్నివెట మహార్ ఇజి వారు నెస్తార్.

జెకరియ పొగిడిజి పార్జనాన్

- 67 నన్నవలె వన్ని అప్పాసి జెకరియ, దేవుణు అత్తదాన్ నిండ్రెజి, దేవుణు వెహ్సాజ్ మని నజతిజి వందిజ్ ఈహు వెహ్సాన్.
- 68 “ఇస్తాయెలు లోకురి దేవుణుదిజ్ పొగిడిజినాట్. ఎందనిజ్ ఇహిజ, వాండ్లు వన్ని లోకురిజ్ డిబిన్నీ వందిజ్ వాత మనాన్.
- 69 ఒరెన్ నత్తు మని మజి గొప్పజి రక్కిన్నీవన్నిజ్ మా వందిజ్ సిత మనాన్. అయి వాండ్లు వన్ని వణి మణిసి అతి దావీదు కుటుమ్దు మనికాండ్రె.
- 70-71 సెన దినమ్కాజ్ ముజాలె, దేవుణు వన్ని బాణిజ్ వాతి ప్రవక్తెజివెట ఒట్టు కిత మనాన్. ఒట్టు ఇనిక ఇహిజ, “మా పగాతివరి బాణిజ్ మజి రక్కిన్నుఇజి. “మజి దూసిన్నీ వరిబాణిజ్ రక్కిన్ను”, ఇజి. అయా ఒట్టువజనె, మజి రక్కిన్నీ వన్నిజ్ సితాన్.
- 72 మరి వాండ్లు వెహ్సాన్, “మా అనిరిజ్ ఒట్టు కితీ వజి కనికారం తోరిన్ను ఇజి. వన్ని వందిజ్ కేట అతి ఒప్పమానం ఒడోబిన ఇజి.
- 73-74 మా బుబ్బు అతి అబ్రాహము వెట ఒట్టు కితాన్, మా పగ అతివరి బాణిజ్ మజి తప్పిన్ను ఇజి, తియెల్ సిల్లెండ వన్నిజ్ సెన కిదెజ్ మజి సాయం కిన్ ఇజి.
- 75 మరి, మాటు దేవుణుదిజ్ కేట అతి లోకుర వజి సీతి నిజాయితిదాన్ మా బత్తు విజి వన్ని ఎద్దు మండ్రెజ్ మజి తయార కిన్ ఇజి”, వెహ్సాన్.
- 76 మరి, నా కొడో: నీను విజి దన్నిజ్ అతికారం మన్ని దేవుణు ప్రవక్త ఇజి కూకెఅనిలె. ఎందానిజ్ ఇహిజ, నీను ముజాలె సాసిన్ ప్రబుజ్ లోకుడగ్రు వాదెజ్ సరి నెగెణి కినిలె.
- 77 నీ వన్ని లోకాజ్ వెహ్సాలె, “దేవుణు వరి పాపమ్కు సెమిసి వరిజ్ రక్కిన్నాన్లె”, ఇజి.
- 78 మా దేవుణు నండో కనికారం మనికాన్. వాండ్లు దేవుణు మంజిని బాడ్డిదాన్ పొద్దు సాని లెకెండ్ రక్కిన్నీ వన్నిజ్ తపిస్తాన్లె.
- 79 ఎందానిజ్ ఇహిజ, సీకటిదు మని వరిజ్ సాపు బత్తుదు మని వరిజ్ జాయ్ సిదెజ్. మజి సమాదనం దాన్ నడిపిస్తెజ్. దిని వందిజి వాండ్లు రక్కిన్నీ వన్నిజ్ తపిస్తాన్లె”, ఇజి జెకరియ వెహ్సాన్.
- 80 కొడో: పిరితాన్. దేవుణు అత్తు నత్తు దాన్ పిరితాన్. వాండ్లు ఇస్తాయెలు లోకురిజ్ తోర్ని దాక యెరూసలేమ్దిజ్ వెల్లి బిడిజిమ్ బూమిదు ఒరెండ్రె బత్తితాన్.

2

- 1 అయి కాలమ్దు రోమ గవర్నెంటు అడిగి మన్నివిజి లోకురిజ్ జమబంది లెకెజ్ రాస్తెజ్ ఇజి కయినరు అయిగున్ను ఉండ్రె ఆడ్రె సితాన్.
- 2 కురెనియ ఇని ఒరెన్ సీరియ రాస్త్రందిజ్ సుడోజి మహివలె యా మొదోహి జమబంది లెకెజ్ రాస్తార్.
- 3 విజెరె వరి వరి పట్టుమ్కాజ్ పేర్కు రాన్ ఆదెజ్ సాహార్.
- 4 అయిలెకెండ్ యోసేపు ఇనికాన్ ఒరెన్బా సాహాన్. వీండ్లు దావీదు కుటుమ్దికాన్. దావీదు పట్టుం బేత్తెహము. అందెజె వాండ్లు గలలయ ఇని ప్రాంతమ్ది నజరేతు ఇని పట్టుం దాన్, యూదయ ప్రాంతమ్దు మని బేత్తెహము ఇని పట్టుమ్దు సాహాన్.
- 5 వన్నిజ్ వెనెబాతి మహి మరియ వెట జమబంది రాన్ ఆదెజ్ సాహాన్. అయావలె దన్నిజ్ నెలిజ్ నిండ్రెతె మహె.
- 6 వారు అబె మహివలె దనిజ్ నోపిజ్ వాతె.
- 7 అది దని తోరెసుర్ కొడోదిజ్ ఏరుకావతాద్. వరిజ్ మండ్రెజ్ లార్జి ఇలు దోహకెతాద్. దోహ్కెతిజ్ పుట్టి కొడోదిజ్ కనలిజాణిజ్ సుటిస్తారె, కొడ్డిజి సాలాది డోణిద్ త్రెప్తారె.

గొరెజ్ గవుడుజ దేవుణు దూత నెగ్గెట్టు వెహ్సాన్

- 8 నన్నవలె, అయి ప్రాంతమ్దు సెగెందార్ గొరెజ్ గవ్డుజ్ వరి గొరెజ, మడిజి ముంద కితారె రెయ్తు కాపుకిజి మహార్.
- 9 అయావలె ఒరెన్ దేవుణు దూత వరిజ్ తోరె అతాన్. ప్రబు జాయ్ వరి సుటులం వాతాద్. వారు నండ్రెతియెల్ అతార్.
- 10 అయావలె దూత వరిజ్, “మీరు తియెల్ ఆమాట్. లోకురిజ్ విజెరెజ్ నండో సరెద కిబిన్నీ నెగ్గె కబ్బు నాను వెహ్సా.
- 11 నేండ్లు దావీదు పట్టుమ్దు మిజి రక్కిన్నీకాన్ ఒరెన్ పుట్ట మనాన్. వాండ్లు ప్రబు అతి క్రీస్తు.
- 12 యాకదె నాను మీజి వెహ్సాదనిజ్ గుర్తు “ఒరెన్ బయిదిజ్ కనలిజాణిజ్ సుటిస్తారె, సాలాది డోణిద్ త్రెప్తి మనిక సూణిదెర్”, ఇజి వెహ్సాన్.
- 13-14 వెటనె, దేవుణు మంజిని బాడిది నండో దూతెజ్ అయి దూతవెట కూడితె. కూడితారె, “విజి దన్నిజ్ అతికారం మన్ని దేవుణుదిజ్ పొగిడిజినాట్. యా లోకుమ్దు వాండ్లు ఇస్తం కిని లోకురిజ్ సమాదనం మనిద్” ఇజి దేవుణుదిజ్ పొగిడిజి మహార్.
- 15 దూతెజ్ వరిజ్ డిబిస్తారె, దేవుణు మంజిని బాడిదు సాహార్. సాహి వెనుక గొరెజ్ గవ్డుజ్, “మాటు బేత్తెహముదు సాన్ని, ప్రబు మజి వెహ్సాన్లె యా జర్గితె నజతిజి నూణాట్”, ఇజి ఒరెనిదిజ్ ఒరెన్ వర్గితార్.

- 16 వారు బేగి సొహార, మరియుమొక్క, యోసేపుజ్, డోణిదు త్రెప్తి మని కొడోడిజ్ నుడోతార.
- 17 వారు వన్నిజ్ నుడోతార, యా కొడోః వందిజ్ వరిజ్ వెప్తొ మాటోజ్ విజేరిజ్ వెప్తార.
- 18 గొర్రెజ్ గప్పుడుజ్ వెప్తొకెజ్ వెహికార విజేరి నండో బమ్మ అతార.
- 19 గాని మరియు జర్గతి నజతిజ విజా గర్భమదు ఇడ్డి దన్నివందిజ్ ఎత్తుకిజి మహాద్.
- 20 గప్పుడుజ్ వరిజ్ వెప్తొకెజ్, వారు నుడోతికెజ్ విజా వన్యా వందిజ్ దేవుణుదిజ్ గవరం సీజి వన్నిజ్ నండో పొగడిజి మహ్తా సొహార. దేవుణు దూత వరిజ్ వెప్తొ వజనె విజా జర్గితె.
- 21 పుట్టి ఎనిమిది రోమ్మ అతిజ్, బయిజ్ సునతి కితార. అయావలె వారు వన్నిజ్ యేసు ఇజి పేరు ఇట్టార. పాత డోనెంండ ముజాలె దేవుణు దూత వెప్తొ పేరునె ఇట్టార.
- 22 దేవుణు మోసెజ్ సీతి రూలుజ్దు మన్నివజి సుబ్రమవందిజ్ పూజెజ్ కిదిజ్ దినం అతాద్. అయావలె యోసేపుని మరియు బయిజ్ దేవుణుదిజ్ ఒవజెప్తెజ్, యెరూసలేమదు ఒత్తార.
- 23 ఎందానిజ్ ఇహిజ, మోసె రొస్తెజ్ ప్రబు వెప్తొ రూలుదు మనాద్, “విజా తొలిత పుట్టి కొడోడిజ్ దేవుణు వందిజ్ కెట ఇడోడిజ్*.
- 24 మరి, మోసె రొస్తెజ్ ప్రబు వెప్తొ రూలుదు మని వజి, “జత గుండెజ్నో రుండి పార పొటి పిలికుజ్నో పూజి సీదిజ్†”, ఇజి. అయావజి ఒత్తార.
- 25 అయావలె, సుమెయోసు ఇనికాన్ ఒరిన్ యెరూసలేమదు మహాన్. వీండ్లు సీతి నిజయతి మనికాన్. దేవుణుదిజ్ తియెల్ అతికాన్. ఇస్రాయేలు లోకాజ్ రక్తిస్సి వన్ని వందిజ్ ఎద్రు నుడోజి మహాన్. దేవుణు అత్తు వన్ని వెట మహాన్.
- 26 ప్రబు ఏర్పాటు కితి పొక్తి క్రిస్తుజ్ తొవిండ, నీసు సాఇలె, ఇజి దేవుణు అత్తు వన్నిజ్ వెప్తొ మహాన్.
- 27 దేవుణు వన్నిజ్ నడిపిస్తెవజి వీండ్లు దేవుణు గుడియె సొహాన్. నస్తవలె, దేవుణు మోసెజ్ సీతి రూలుదు మని లెకెండ్ కిదిజ్ అయేసి అపొసీర్ కొడోః ఆతి యేసుజ్ తత్తార.
- 28 అయావలె సుమెయోసు కొడోడిజ్ కికాణిజ్ పెప్తొండ్ దేవుణుదిజ్ పొగడిజి ఈహు వెప్తొన్.
- 29 “ప్రబువా, నీసు వెప్తొ మాటోజ్ వజి నాసు వన్నిజ్ నుడోత. అందెజి నీ పణి మణిసి ఆతి నజి ఏలు నమాదనం దాన్ కూక్తి ఒఅ.
- 30-31 ఎందానిజ్ ఇహిజ, లోకుర్ విజేరి నుడోడిజ్ నీసు తయార కితి రక్తిస్సివన్నిజ్నా కణకాణిజ్ నాసు నుడోత మన్ను.
- 32 వాండ్లు ఇస్రాయేలు ఆఇ వరిజ్ దేవుణు సరిదు నడిపిస్తెజ్ జాయలెకెండ్ అనాన్లె. నీ ఇస్రాయేలు లోకాజ్ గొప్ప గవరం వాండ్లు కల్గిస్తాన్లె.
- 33 అయావలె వాండ్లు కొడోః వందిజ్ వెప్తొ మాటోజ్ వెహారె అయేసి అపొసీర్ నండో బమ్మ అతార.
- 34-35 సుమెయోసు వరిజ్ దీవిస్తాండ్, వన్ని అయేసి అతి మరియెజ్, “ఇస్రాయేలు లోకుర్ నండోదార నానసం అనివందిజ్, నండోదారె బత్తిని వందిజ్ దేవుణు వినిజె ఏర్పాటు కితార. వీండ్లు దేవుణు ఏర్పాటు కితి ఉండ్రి గర్దు. లోకుర్ అయోక నెక్కు పొక్కార. ఆహా, వారు మన్నుదు విని వందిజ్ ఒడోబితికెజ్ వెల్లి ఆనె. అయోక నీసు నూణివెలె కూడం గుత్తి సొహి లెకెండ్ నీ మన్నుదు దుకం వానాదలె”, ఇజి వెప్తొన్.
- 36-37 నస్తవలె పసుయేలు గాడ్చె అతి అన్న ఇని ఉండ్రి ప్రవక్త మహాద్. అది ఆసీరు ఇని జాతిదు మనికాన్. అది పెండ్లి ఆజి ఏడు పంటిజ్ మాసి వెట బత్తితాద్. ఎనబయేనాల్లి పంటిజ్ దాక ముండ మొప్ప మహాద్. అది నండో డొక్క అతాద్. దేవుణు గుడిః దాన్ ఎనెజ్బా డోనెంండ, రెయు పొగాల్ ఉహాన్దాన్ పార్దనమ్దాన్ దేవుణుదిజ్ పొగడిజి మాడిసి మహాద్.
- 38 ఆ గడియదునె, అది దేవుణు గుడియె యోసేపు, మరియు, యేసుబాన్ సొహాదె దేవుణుదిజ్ పొగడితాద్. యెరూసలేమది లోకుర్ రోమ అతికారిజ్ అడిగి మహార. వారు వరిజ్ డోబిన్ని ఒరిన్ వన్నిజ్ ఎద్రు నుడోజి మహార. ఆహా ఎద్రు నుడోజి మహి వరివెట కొడోఃవందిజ్ వెప్తొద్.
- 39 యోసేపుని మరియు మోసె రొస్తెజ్ ప్రబు వెప్తొ రూలుజ్దు కిదిజ్ వెప్తొ మనికెజ్ విజా కితార. కితి వెనుక, మహ్తారె గలిలయదు మని నజరేతు ఇని వరి పట్టుమదు సొహార.
- 40 కొడోః నత్తు దాన్ పిరితాన్. వన్నిజ్ నండో బుద్ది మనాద్. దేవుణు వన్నిజ్ దీవిసిన్ మహాన్.
- యేసు పెద్దలిజవెట వర్గిజినాన్.
- 41 ఏంటు ఏంటు యేసు అయేసి అపొసీర్ యెరూసలేమదు పన్ను‡ పండ్యెదిజ్ సొన్ని మహార.
- 42 వారు ఏంటు సొన్ని మహి అలవాటువజి, యేసుజ్ వన్నెండు పంటిజ్ మహివలె పండ్యెదిజ్ సొహార.
- 43 పండ్యె వీజితిజ్, వారు మరజి వాజి మహార. గాని కొడోః అతి యేసు యెరూసలేమదు నిహాన్. వన్ని అయేసి అపొసీర్ అయోక నెన్లెత్తార.
- 44 వీండ్లు మంద లోఇ మనాన్ ఇజి ఒడోబిజి, ఉండ్రి రోజు వారు నడిజి వాతార. వెనుక వారు పరి కూలెబజాన్ నెల్వ అతి వరిబాన్ వన్నిజ్ రెబాజినార.
- 45 వాండ్లు తోరెఇతిజ్, వన్నిజ్ రెబాజి యెరూసలేమదు మరజి వాతార.
- 46 మూండ్రి దినమకు వెనుక, వాండ్లు, దేవుణు గుడియె బోద కినివరి నడిమి బున్జి నుడోతార. వాండ్లు పరి మాటోజ్ వెంజి, వరిజ్ మరి వెన్బాజి మహాన్.
- 47 వన్ని మాటోజ్ వెహికార విజేరి, వాండ్లు మహి వెప్తొ మాటోజ్ వందిజ్, వన్ని బుద్ది వందిజ్ నండో బమ్మ అతార.
- 48 వన్ని అయేసి అపొసీర్ వన్నిజ్ నుడోతికెజ్ నండో బమ్మ అతార. వన్ని అయేసి ఈహు వెప్తొద్ “నా మరిన్, నీసు ఎందనిజ్ మజి ఈహు కితి? ఇదిలో నీ బుబ్బని నాసు నండో బాద ఆజి నిజి రెబాజి వాతామ్”, ఇజి వెప్తొద్.

* 2:23 2:23 నల్లమ 13:2,12. † 2:24 2:24 లేవి 12:8. ‡ 2:41 2:41 పులాజ్ సీల్ రొజ్జతయార కిజి తిని పండ్యెన్ పన్ను పండ్యె

49 దనిజ్ వాండ్లు, “మీరు నజీ ఎందనిజ్ రెబాతిదెర్. నాను నా బుబ్బు వణిదు మండ్రెజ్వలె ఇజి మీరు నెన్ఇదెరా?”, ఇజి వెప్తాన్.

50 గాని వాండ్లు వరిజ్ వెప్పె మాటెజ్ వారు అర్థం కివెతార్.

51 వెనుక వాండ్లు వరిజ్ సొతాండ్రె నజరేతు వాతాన్. అబ్బె వరిజ్ లోజేజి మహాన్. వన్ని అయసి యా జగ్గిజిని విజి నజతిజ్ దని మన్నుదు ఇడ్లి మహాద్.

52 యేసు బుద్దిదు, వయసుదు పిరితాన్. దేవుణు, లోకుర్ మరి మరి వన్నిజ్ ప్రేమిసి మహార్. వన్ని మున్ను నరద ఆజి మహార్.

3

1 పొంతి పిలాతు ఇనికాన్యూదయ రాస్త్రం ఏలుబడిః కిజి మహాన్. హేరోదు గలిలయ రాస్త్రం మదిజ్ అతికారి. హేరోదుజ్ తంబెర్సిఆతి పిలుప్పు ఇతూరియని త్రకొసీతి రాస్త్రం మకాజ్ అతికారి. అబిలేసి రాస్త్రం మకాజ్ లుసానియ అతికారి. అయావలె తిబెరియ కయసురు ఇనికాన్ విరిజ్ విజెరె మున్ను రాజు. వాండ్లు పదిహేసు పంట్లజాణిజ్ విరిజ్ ఏలుబడిః కిజెన వాజినాన్.

2 అయావలె, అన్నని కయప పుజెరిజి మున్ను పెరి పుజెరి. అయావలె బీడిమ్ బూమిదు, జెకరియ మరిసి ఆతి యోహాను వెట దేవుణు వర్గితాన్.

3 అందెజె వాండ్లు, “మీరు పాపమకు డిసి బాప్తీసం లాగి ఆదు. దేవుణు మీ పాపమకు నెమిస్సాన్”, ఇజి యెర్దాను గడ్డ పడఃకాదు మన్ని ప్రాంతం విజి సొన్నిబోదిసి మహాన్.

4 యెసయ ప్రవక్త రాస్తివెలె విన్నివందిజ్ ఈహు వెప్పెనాన్. “బీడిమ్ బూమిదు ఒరెన్ ఈహు డేల్లి వెప్పెనాన్. “ప్రబుజ్ లోకుడగ్గు వాడెజ్ సరినెగెణ్ కిల. వన్నిజ్ నడిడెజ్ సరితినాజ్ కిదు.

5 విజి గాతెజ్ నిండ్రీఅ. విజి గోరోకని మెటెజ్ బయలు కిల. వెకొ సరిజ్ తినానికెజ్ కిల. కరుకు సరిజ్ నున్నజ్తికెజ్ కిల.

6 అయావలె విజెరె, దేవుణు వరిజ్ రక్తిన్ని దన్నివందిజ్ నూణార్లె*”, ఇజి. ఆహె రాస్తిపహి లెకెండె యోహాను బోదిస్తాన్.

7 యోహాను వన్నిడగ్గు బాప్తీసం లాగిఆదెజ్ వాజిని మంద లోకురిజ్ ఈహు వెప్తాన్ “మీరు వినం మన్నిసరాన్ లెకెండె మన్నికిదెర్, దేవుణుబాణిజ్ కోపం వాజినాన్ ఇజి నమ్మిజి మీరు వాతిదెరా? సిల్దెద్. వన్ని కొపమదాన్ తప్పఅదెజ్ ఇజి మీరువాతిదెరా? నిజమె అయలెకెండె ఇజి నాను ఒడిఃబిదెజ్ సిల్దెద్.

8 మీ పాపమకు ఒప్పకొడెఃజి డిసి సీజి దన్నిజ్ తగితి పణిజ్ కిజి తోరిస్తు. “మాపు అబ్రాహము తెగ్గొతికామ్”, ఇజి మీరు మీ మన్నుదు వర్గిమాట్. ఎందానిజ్ ఇహిజ, యా పణుకుబాణిజ్ అబహముజ్ కొడెఃరిజ్ తయార్ కిదెజ్ దేవుణు అటూన్”, ఇజి నాను మిజి వెప్పెన.

9 దేవుణు మరిజె మొదొల్తత్తి విసీరదెజ్ కియదు గొడెలి అస్తి వన్నిజ్ పోలిత మనాన్. నెగి పట్టు అన్ ఇ మరికాజ్ విజి కత్తి సిసుద్ విసీరనాణ్”, ఇజి వెప్తాన్.

10 అయావలె లోకుర్ విజెరె, “అహిజ మాపు ఇనిక కిదెజ్?”, ఇజి వెన్బాతార్.

11 యోహాను వెప్తాన్, “రుండి సాకెజ్ మన్నికాన్ ఉండ్రీ నీలివన్నిజ్ సీదెజ్. అయలెకెండె టిండి మన్నికాన్ సిల్లివన్నిజ్ సీదెజ్”, ఇజి.

12 వన్ను వెర్నికార్ బా బాప్తీసం లాగి ఆదెజ్ వాతార్. వారు, “ఓ బోదకినికీ, మాపు ఇనిక కిదెజ్?”, ఇజి వెన్బాతార్.

13 దనిజ్ వాండ్లు, “మిజి ఎసా లొన్నెజ్ ఆడ్రె సిత మనాదొ, నసా లొన్నె. నండొ లొన్నాట్”, ఇజి వెప్తాన్.

14 నస్తివలె నెగెండార్ ఉడ్లం కినికార్, “మాపు ఇనిక కిదెజ్?”, ఇజి వెన్బాతార్. అందెజె వాండ్లు, “బెద్రిసి ఎయెబాన్ డబ్బు డిబిన్నాట్. అనయం వెప్పె డబ్బు లొన్నాట్. మీ జితం దానె సర్దు ఆదు”, ఇజి వెప్తాన్.

15 వొండ్లు క్రీస్తును ఇజి యోహాను వందిజ్ లోకుర్ విజెరె పరి మన్నుదు ఒడిఃబితార్. వారు ఆన దాన్ క్రీస్తుజ్ ఎర్దు నుడఃజి మహార్.

16 అయావలె యోహాను వరిజ్ విజెరిజ్ వెప్తాన్, “నాను మిజి ఏరుదాన్ బాప్తీసం సీజెన. నజి మిస్సి నండొ పెరికాన్ మరి ఒరెన్ వాజినాన్. వన్ని జోడ్డు బేలేటు కుతెజ్ నాను ఏపటితికాన్ ఆఎ. వాండ్లు మిజి దేవుణు ఆత్మదాన్ సిసుదాన్ బాప్తీసం సీనాన్లె.

17 వాండ్లు గాలి ఇడన్ సేహి కీదు అస్త మనాద్. వాండ్లు వన్నికలమదిజ్ సుబ్బురం కిజి, గింజెజ్ కొటు కిజి గాలి ఇడఃజినాన్. గింజెజ్ గాదిద్ ఇడాన్. పొటుదిజ్ నమ్మిఇ సిసుదు నురనాన్.

18 యా మాటెజ్ అవిండ, మరి నండొ నజతిజ్ వెప్పె లోకురిజ్ పణిసి వెప్తాన్. సువార్ బొద్దిసి వెప్తాన్.

19 వాండ్లు హేరోదు ఇని అతికారిజ్ వెప్తాన్, వన్ని కొడెఃసి హేరోదియవెట హేరోదు పాపం కిత్తాన్ ఇజి. మరి, హేరోదు కితి విజి తప్పుజబా వెప్తాన్.

20 అందెజె వాండ్లు యోహానుజ్ జెలిదు ఇట్టాన్. ఆహె హేరోదు కిత్తి విజి తప్పుజవెట యోహానుజ్ జెలిదు ఇడిస్సి తప్పబా కూడిఃతాద్.

యేసు బాప్తీసం లాగిఆజినాన్

21 యోహానుజ్ జెలిదు ఇడ్లి ముజాల, ఉండ్రీ రోజు లోకుర్ విజెరె బాప్తీసం లాగి ఆతార్. అయావలె యేసు బా బాప్తీసం లాగి ఆతాన్.

22 వాండ్లు పొద్దనం కిజి మహివలె, ఆగానం రెయ్ ఆతాదె దేవుణు ఆత్మ ఉండ్రీ పార్ పొటిజ్ మూర్తి లెకెండె డిఃగిజి వన్ని మున్ను వాతాద్. అయావలె, “సీని నాను ప్రేమిస్సి నా మరిన్. నీ వందిజ్ నాను నండొ సరద ఆజెన్”, ఇజి పరలోమదాన్ ఉండ్రీ జాటు వాతాద్.

* 3:6 3:6 యెసయ 40:3-5.

- 23 యేసు వచ్చి సేవపణి మొదొల్నివెలె వచ్చిజ్ డగ్రుదిజ్ ముప్పుయ వంటిజ్ వయసు మహాన్. వీండ్రు యోసేపు మరీన్ నె ఇజి ఒడిజిజి మహాన్. యోసేపు హెలి మరసి
- 24 హెలి మత్తతు మరసి మత్తతు లేవి మరసి లేవి మెల్క మరసి మెల్క యన్న మరసి యన్న యోసేపు మరసి
- 25 యోసేపు మత్తతియ మరసి మత్తతియ ఆమోసు మరసి ఆమోసు నాహోము మరసి నాహోము ఎస్సికి మరసి ఎస్సికి నగ్గయ మరసి
- 26 నగ్గయ మయతు మరసి మయతు మత్తతియ మరసి మత్తతియ సిమియ మరసి సిమియ యేనెక మరసి యేనెక యోదా మరసి
- 27 యోదా యోహాన మరసి యోహాన రేపా మరసి రేపా జెరుబాబెలు మరసి జెరుబాబెలు సయల్తీయెలు మరసి సయల్తీయెలు నేరి మరసి
- 28 నేరి మెల్క మరసి మెల్క అది మరసి అది కోసాము మరసి కోసాము ఎల్కాదాము మరసి ఎల్కాదాము ఏరు మరసి
- 29 ఏరు యోహానవ మరసి యోహానవ ఎలియెజెరు మరసి ఎలియెజెరు యోరియ మరసి యోరియ మత్తతు మరసి మత్తతు లేవి మరసి
- 30 లేవి సిమెను మరసి సిమెను యూద మరసి యూద యోసేపు మరసి యోసేపు యోనాము మరసి యోనాము ఎల్కాకిము మరసి
- 31 ఎల్కాకిము మెలెయో మరసి మెలెయో మేన్నా మరసి మేన్నా మత్తత మరసి మత్తత నాతాసు మరసి నాతాసు దావీదు మరసి
- 32 దావీదు, యెసయ మరసి. యెసయ ఓబెదు మరసి ఓబెదు బోయసు మరసి బోయసు సల్కసు మరసి సల్కసు నయస్సోసు మరసి
- 33 నయస్సోసు అమ్మినదాబు మరసి అమ్మినదాబు అరాము మరసి అరాము ఎస్రోము మరసి ఎస్రోము పెరెసు మరసి పెరెసు యూదా మరసి
- 34 యూదా యాకోబు మరసి యాకోబు ఇసాకు మరసి ఇసాకు అబ్రాహము మరసి అబ్రాహము తేరహు మరసి తేరహు నాహోరు మరసి
- 35 నాహోరు సేరుగు మరసి సేరుగు రయూకు మరసి రయూకు వెలెగు మరసి వెలెగు హెబెరు మరసి హెబెరు సేలహు మరసి
- 36 సేలహు కెయనాసు మరసి కెయనాసు అర్బక్కుదు మరసి అర్బక్కుదు సేము మరసి సేము నోపహు మరసి నోపహు లెమెకు మరసి
- 37 లెమెకు మెతుసెలె మరసి మెతుసెలె హనోకు మరసి హనోకు యెరుదు మరసి యెరుదు మహాలెలు మరసి మహాలెలు కేయనాసు మరసి
- 38 కేయనాసు ఎసోసు మరసి ఎసోసు సేతు మరసి సేతు ఆదాము మరసి ఆదాము దేవుణు మరసి.

4

- యేసుజ్ పరిస కిజినాన్
- 1 యేసు దేవుణు ఆత్మదాన్ పూర్తి వంద్రితాండ్రె, యోర్దాన్ గడ్డదాన్ మర్జి వాతాన్.
- 2 నలపయ రోస్సు దేవుణు ఆత్మ వచ్చిజ్ బీడిమ్ బూమిదు సడిసిస్తాన్. అజి, నయతాసు వచ్చిజ్ పరీన కిదిజ్ సుడిజతాన్. వాండ్రు అయో రోస్సాజ్ ఇనికబా ఉణెఎండ మహాన్, కడవెరిదు వచ్చిజ్ బజ కట్టాన్.
- 3 అయోవలె నయ్తాన్, “నీను దేవుణు మరసి ఇహిజ, యా పణుకు టిండి అని లెకెండ వెహాల”, ఇజి వెప్తాన్.
- 4 అందెజె యేసు, “లోకు బత్రిజనిక టిండిదానె అవిద్”, ఇజి దేవుణు మాటదు రాస్త మనాద్”, ఇహాన్.
- 5-6 అయోవలె నయతాన్ వచ్చిజ్ ఎత్తు మని బాన్ ఒతండ్రె, లోకమ్దు మని విజు దేసెమ్కు జామె తోరిస్తాన్. “యా లోకమ్ది అతికారం సంసారం, విజు నాసు నిజి సీన. ఎందనిజ్ ఇహిజ అయోకెజ్ విజు నజినె దేవుణు ఒపజెప్త మనాన్. నజి ఇన్సం ఆతి ఎయెరిజ్బా సీదెజ్ నజి అక్కు మనాద్.
- 7 అందెజె సీను నజి పొగడిజి మాడిసిజు, యాకెజ్ విజు నీవి ఆనె”, ఇహాన్.
- 8 నస్సెవలె యేసు, “నీను నీ దేవుణు ఆతి ప్రబుజ్ నె పొగడిజి మాడిసి, వచ్చిజ్ సేవకిదెజ్” ఇజి దేవుణు మాటదు రాస్త మనాద్”, ఇజి మర్జి వెప్తాన్.
- 9 వెన్నా వచ్చిజ్ యెరుసలెమ్దు కూక్ ఒత్తాండ్రె, దేవుణుగుడి కోసాదు నిల్పాండ్రె, “నీను దేవుణు మరసి ఇహిజ ఇబ్బెణిజ్ అడిగి డాటెల.
- 10-11 ఎందానిజ్ ఇహిజ, “నిజి నెగ్గెండ కాపాడెదెజ్ నీ వందిజ్ వచ్చి దూతారిజ్ దేవుణు ఆత్మ సీనాన్. నీ పాదుం పణుకుదు తగ్గిఎండ వారు నిజి పరి కికాణిజ్ పెర్న అస్సార్”, ఇజి దేవుణు మాటదు రాస్త మనాద్”, ఇజి వచ్చిజ్ వెప్తాన్
- 12 అందెజె యేసు, “ నీ దేవుణుఆతి ప్రబుజ్, పరిస కిదిజ్ అవిద్”, ఇజి దేవుణు మాటదు రాస్త మనాద్”, ఇజి మర్జి వెప్తాన్.
- 13 నయతాన్ విజు పరీసిజ్ వీస్తాండ్రె సెగం కాలం వచ్చిజ్ డిజెస్తసాహ మహాన్.
- యేసు గలీలయదు వచ్చి సేవపణి మొదొల్నినాన్
- 14 యేసు దేవుణు ఆత్మ సత్తుదాన్ గలీలయ ప్రాంతమ్దు మర్జి సాహాన్. అయో ప్రాంతం విజు వచ్చి వందిజ్ మాటెజ్ సెద్రితె.
- 15 వాండ్రు యూదురి మీటిజ్ ఇల్కాజ్ నేరిసిస్తాన్. విజెరె వచ్చిజ్ పొగడిజెతాన్.

* 4:4 4:4 ద్వితీ 8:3. † 4:8 4:8 ద్వితీ 6:13. ‡ 4:10-11 4:10-11 కీర్తన 91:11-12. § 4:12 4:12 ద్వితీ 6:16.

యేసుజ్ నజరేతుదాన్ పేరజనాన్

16 వెనుక, వాండ్లు పిరితి వన్ని పట్టుమదు సాహాన్. అయాక నజరెతు. వన్ని అలవాటు వజ విస్త్రాతి దినమదు యూదురి మీటిజ్ ఇండ్రో సాహాండ్ర దేవుణు మాట నదవిదెజ్ ఇజ నిహాన్.

17 మీటిజ్ ఇండ్రోణి పణిమణిసి వన్నిజ్ యెసయ ప్రవక్త రాస్తి పుస్తకం సితాన్. వాండ్లు అయాక రక్తిజ్ ఈహు రాస్తి మనికెజ్ వన్నిజ్ దోహాక్రాద్.

18-19 “ప్రబు పోక్తి దేవుణు అత్తు నావెట మనాన్. అందెజె వాండ్లు బీద ఆతి వరిజ్ సువార్త వెప్తాజ్ నజి ఏరపాటు కితాన్. తోహా ఆతి వరిజ్, “మిజి విడుదల వాతాద్”, ఇజ వెప్తాజ్, గుడ్డి వరిజ్, “మి కణుకుజ్ తోరనె”, ఇజ వెప్తాజ్, నల్లితి వరిజ్ డిసేపిస్తాజ్, దేవుణు వన్ని లోకురిజ్ రక్తిస్కాలం వాతాద్ ఇజ వెప్తాజ్ వాండ్లు నజి పోక్త మనాన్*”, ఇజ రాస్తి మనికెజ్ వన్నిజ్ దోహాక్రాద్.

20 యాకెజ్ సదవిజి, పుస్తకం మూక్తాండ్రె పణిమణిసిజ్ ముచ్చా సితండ్రె బస్తాన్. మీటిజ్ ఇండ్రో మహికార్ విజెరె వన్నిజ్ డిట బిస్తాన్.

21 వాండ్లు వరిజ్, “ఏలు నాను సదవితి దేవుణు మాటిజ్ మీరు వెహివెలెనె అయాక పూర్తి ఆతె”, ఇజ వెప్తాజ్.

22 వారు విజెరె వన్ని వందిజ్ నెగ్గికెజ్ వెప్తాన్. వన్ని వెయదాన్ వాతి నెగ్గి మాటిజ్ బమ్మ ఆజి, “వీండ్లు యోసేపు మరిసి గదె?”, ఇజ వెప్తాన్.

23 యేసు వరిజ్ వెప్తాన్, “ఓ గురు, నిజి సీనె నెగెణ్ కిబ్బె అత”, ఇని బుద్ది మాట మీరు తవ్వెండ నజి వెప్పాదెర్. మరి, మీరు నజి, ‘సీను కపర్నూము ఇని పట్టుమదు కిత్తి వణిజ్ మాపు వెహావ్. అయా పణిజ్ ఇబ్బె సీ సొంత పట్టుమదుబా కిత’, ఇజ వెప్పాదెర్.

24 ఎమేణి ప్రవక్తెజ్ బా సొంత పట్టుమదు లోకుర్ గవరం సెవెర్, ఇజ నిజం నాను మీ వెట వెప్పాన్.

25 వెండ్లు, ఏలియ దినమకాజ్, ఇస్రాయేలు దేనమదు మాండ్రి పంటిజ్ ఆరు నెలెజ్ దాక పిరు రవెండ మహాద్. గొప్ప కరు వాతివలె, అజె నండ్రో రాండి బోదెక్ మహా ఇనిక నిజమనె.

26 గాని, దేవుణు ఏలియెజ్ వరి ఎయెర్బానెబా పోకివతాన్. సీదోను ప్రాంతమది సారెపాతు ఇని నాటోణి రాండి బోదెలిబానె పోక్రాన్.

27 అయాలెకెండ్, ఏలీసా ప్రవక్త కాలమదు, ఇస్రాయేలు దేనమదు నండ్రోడారె పెరికన్డం దాన్ మహాన్. గాని వారు ఎయెర్బా నెగెణ్ ఆవతాన్. సిరియ దేనమదు మని నయమాన్ ఒరిండ్రె నెగెణ్ ఆతాన్”, ఇజ నాను మిజి వెప్పాన్. ఇజ యేసు వెప్తాన్.

28 యా మాటిజ్ వెహివలె, యూదురి మీటిజ్ ఇండ్రో మహికార్ విజెరె వెరి కోపం ఆతాన్

29 వారు నిహారె, పట్టుమదు వన్నిజ్ పేర్తారె. వారు వన్నిజ్ మెటుదు ఒతారె. వరి పట్టుం అయా మెటుద్నె తయారె కిత మనాద్. గడియ బుర్ర కిజి వన్నిజ్ అరిప్తెజ్ ఇజి ఒతారె.

30 గాని మంది నడిమిజానె, వన్నిసరి వాండ్లు సాహాన్.

యేసు దెయమదిజ్ పేరజనాన్

31 వెన్యా వాండ్లు గలిలియతి కపెర్నూము ఇని పట్టుమదు వాతాన్. విస్త్రాతి దినమదు యూదురి మీటిజ్ ఇండ్రో బస్తాండ్రె లోకురిజ్ నేరెపిసి మహాన్.

32 వాండ్లు నెన్పిస్తి మాటిజ్ వెహారె, లోకుర్ నండ్రో బమ్మ ఆతారె. ఎందనిజ్ ఇహిజ, నండ్రో అతికారం దాన్ వాండ్లు వెప్తాన్.

33-34 యూదురి మీటిజ్ ఇండ్రో, ఒరెన్ దెయం అన్సికాన్ మహాన్. వాండ్లు, “నజరెతు వాండ్లు ఆతి యేసువా, మా వెట నిజి ఇని పణి? మజి నానం కిదెజ్ వాతిదా? సీను ఎయిదో ఇజి నాను నెస్సె. సీను దేవుణు బాణిజ్ వాతి నెగ్గి వాండ్లు”, ఇజ డటం గగోల్ ఆజి వెప్తాన్.

35 అందెజె యేసు, “అలెజి మన్అ. వినిజ్ డిసి వెల్లి రఅ”, ఇజ డటం అయా దెయమదిజ్ వెప్తాన్. నస్తివలె అయా దెయం, అది అస్తి వన్నిజ్, వరి విజెరె నడిమి అరిప్తాదె వన్నిజ్ ఇని నస్టం కిఎండ డిస్ట సాహాద్.

36 అయావలె లోకుర్ విజెరె నండ్రో బమ్మ ఆతారె. “అబ్బు, యాక ఎసాహి మాట. వీండ్లు దేవుణు నత్తుదాన్, అతికారమదాన్ సాన్అ ఇజ దెయమకాజ్ వెప్పానాన్. అవి డిసి సాస్సినె”, ఇజ ఒరెనదిజ్ ఒరెన్ వర్గితారె.

37 వన్ని వందిజ్ మాటిజ్ అయా ప్రాంతమదు విజా నెద్రితె.

యేసు నండ్రోడారిజ్ నెగెండ్ కిజనాన్

38 యేసు యూదురి మీటిజ్ ఇండ్రోణాజ్ నిజితండ్రె, సిమెసు వన్ని ఇండ్రో సాహాన్. అయావలె వన్ని మీమసి నండ్రో నోబు దాన్ మహాద్. దనిజ్ నెగెణ్ కిత ఇజి వారు బతిమాలోతారె.

39 అందెజె వాండ్లు దని డగ్రు సాహాండ్రె, “నోబు సాన్అ”, ఇజి డటం వెప్తాన్. డటం వెప్తాజ్ నోబు దనిజ్ డిస్ట సాహాద్. వెటనె అది నిజితాదె, వరిజ్ మర్యాద కితాద్.

40 పొదు అర్పి మహాద్. అయావలె లోకుర్ నండ్రో రకమకాణిజ్ బాద ఆజి మహి వరిజ్ విజెరిజ్ వన్ని డగ్రు తతారె. కన్యమదాన్ మహి వరి విజెరె ముస్సు కికు ఇడ్డి వరిజ్ నెగెణ్ కితాన్.

41 యాకదె ఆవిండ, నండ్రో దెయమకు, సీనె దేవుణు మరిసి, ఇజి గగోల్ ఆజి నండ్రోడారిజ్ డిస్ట సాహా. వాండ్లు అలెజి మండ్లు ఇజి వన్యాజ్ డటం వెప్తాన్. వాండ్లు క్రీస్తు ఇజి దెయమకు నెస్ట మహా. అందెజె వాండ్లు వన్యాజ్ వర్గిఎండ కితాన్.

42 పెందాల్చి వాండ్లు సోతాండ్రె బిడిమ్ బూమిదు సాహాన్. లోకుర్ వన్నిజ్ రెబాజి వాతారె. వన్నిజ్ సుడెతిజ్ వాండ్లు వరిజ్ డిసి సాన్ఎండ, వన్నిజ్ అవ్ కిదెజ్ సుడెతారె.

* 4:18-19 4:18-19 యెసయ 61:1-2.

43 గాని వాండ్లు, “నాను మహి పట్టమకాజ్ బా దేవుణు ఏలుబడిః కిని కాలం వందిజ్ నువార్త వెవ్రాజ్ వలె. దిని వందిజ్ దేవుణు నజీ పోక్తాన్”, ఇజి వరిజ్ వెప్తాన్.

44 వెన్కా వాండ్లు యూదయ దేసమ్మదు మని యూదురి మీటిజ్ ఇల్లాజ్ బోదిసి మహాన్.

5

యేసు సిసూరిజ్ కూక్కినాన్

1 ఉండ్రి రోజు, యేసు గనెనరెతు సెరుడగ్రు నిహమహాన్. నండ్ లోకుర్ దేవుణు మాటజ్ వెండ్రెజ్ నెకెఆజి వన్ని మున్కు అర్పి ముహార్.

2 నస్తివలె జాలెరిబు సెరు దరీద్ డిఃస్తి మహి రుండి డోణిజ్ వాండ్లు సుడఃతాన్. అయా జాలెరిబు వరి పల్లెజ్ నోరిజి మహార్.

3 వాండ్లు దని లోఇ ఉండ్రి డోణిద్ ఎక్తాన్. ఆక సిమెసుతి. ఎక్తాండ్రె దరిదాన్ కండెక్ నెక్తు ఇజి వన్నిజ్ వెప్తాన్. వాండ్లు డోణిద్ బస్తాండ్రె నండ్ లోకాజ్ నెస్తిసి మహాన్.

4 వాండ్లు వెస్పి వీజితివలె, సిమోనుజ్, “ఏరు నిరీ మని బాన్ డోణి నడిఃసిన్ అ. మెయెజ్ అన్వెజ్ మీ వల్లెజ్ విసిర్తు”, ఇహాన్.

5 అందెజె సిమెసు, “ఓ బోదకినికి, రెయు విజు మాపు అరల ఆతావ్. గాని మజి ఇనికబా దోహ్యుతె. అహిజ్ బా నీను వెస్పిని మాట వజి వల్లెజ్ పోక్తాన్”, ఇజి వన్నిజ్ వెప్తాన్.

6 వారు అయాలెకెండ్ కిత్తార్. నండ్ మెయెజ్ అస్తార్. వరిపల్లెజ్ కింజిని వజి ఆతె.

7 అయావలె వారు వేరి డోణిద్ మని, వరి జత్త కూడఃజి పణికిని వరిజ్, “వాజి మజి తోఃమః కిదు”, ఇజి కియు సయన్ కిత్తార్. వారు వాతారె, రుండి డోణిజ్ మెయెజ్ నిస్తార్. డోణిజ్ ముడుగ్గులెకెండ్ ఆతె.

8 సిమోను ఇని పేతురు యాక సుడఃతాండ్రె, యేసు కాల్యు ఎద్రు ముణుకుజ్ ఊరితండ్రె, “ప్రబువా, నజీ డిఃసి సోన్ అ, నాను పాపం కితికాన్”, ఇజి వెప్తాన్.

9 ఎందానిజ్ ఇహిజు, వాండ్లుని వన్నివెట మనికార్ విజెరె వారు అస్తి యా మెయెజ్ కొట్టు సుడఃతారె నండ్ బమ్మ ఆతార్.

10 అయాలెకెండ్ నె, సిమోనువెట కూడఃజి పణి కిని యాకోబు ని యోహూనుబా బమ్మ ఆతార్. వారు జెబదయి మరిసిర్. అందెజె యేసు, “తియెలతమా. నిసా కాలం నీను మెయెజ్ అన్వె పణికితి. ఏలు లోకాజ్ నా నీసూర్ కిదెజ్ నెన్ పిస్సాలె”, ఇజి సిమోనుజ్ వెప్తాన్.

11 వారు వరి డోణిజ్ సెరు ఒడ్డుదు తత్తారె, విజు డిఃస్తార్. వన్నివెట సాహార్.

కృస్తురోగం ఆతివన్నిజ్ నెగెండ్ కిజినాన్

12 యేసు ఉండ్రి పట్టమదు మహివలె కృస్తురోగం* ఇనిపెరి జబ్బు లాపుఆతి ఒరెన్ అబ్బె మహాన్. వాండ్లు యేసుజ్ సుడఃతివెలె ముణుకుజ్ ఊరిజి మాడిఃస్తాండ్రె, “ప్రబువా, నాను నెగెండ్ అదెజ్ ఇజి నజీ మన్కు మహిజు నజీ నెగెణ్ కిదెజ్ అట్టి”, ఇజి బతిమాల్ తాన్.

13 అందెజె యేసు వన్నికియు సాప్పి వన్నిజ్ ముట్టి, “నజి మన్కు మనాద్, నీను నెగెణ్ ఆల”, ఇజి వెప్తాన్. వెటనె వన్నిజ్ మహి అయా కృస్తురోగం వన్నిజ్ డిఃస్తాద్.

14 యేసు వన్నిజ్, “ఎయె వెటబా ఇనికబా వెహ్యూ. గాని నీను తినాజ్ సాస్తి నీ ఒడోలె పుజెరిజ్ తోరిన్ అ. నీను నెగెణ్ ఆతి వందిజ్ మోను ముజాలె ఆడ్రెసితి వజి దేవుణుదిజ్ నంత సి అ. ఆహె నీను నెగెణ్ ఆతి ఇజి లోకురిజ్ తోరిన్ అ”, ఇజి కసితం వెప్తా పోక్తాన్.

15 గాని వన్ని వందిజ్ మాటజ్ మరి ఒదె, నాహ్యుజ్ విజు నెత్రితె. అందెజె నండ్ లోకుర్ వన్నిమాటజ్ వెండ్రెజ్, వరి కన్వమకాణిజ్ నెగెణ్ అదెజ్ ఇజి వన్నిడగ్రు కూడఃజి వాజి మహార్.

16 గాని వాండ్లు, నడిఃమి నడిఃమి పార్దనం కిదెజ్ ఇజి ఎయెర్ సిల్లి బాడిడు సాస్తి మనాన్.

కిక్కు కాల్యు అర్పి వన్నిజ్ నెగెండ్ కిజినాన్.

17 ఉండ్రి నాండిజ్, యేసు ఉండ్రి ఇండ్రిబని బోదిసి మహాన్. గలీలయ, యూద దేసమ్మదు మన్ని విజు నాహ్యుణిజ్, యెరూసలెమ్ దాన్ వాతి పరిసయరుని యూదురి రూలు నెస్పిన్ కార్ అబ్బె బని వెంజి మహార్. కన్వమదు మన్నివరిజ్ నెగెణ్ కిదెజ్ దేవుణుసిత్తి సత్తు వన్నివెట మనాద్.

18 నస్తివలె, కిక్కు కాల్యు అర్పి పక్వవాయు ఇని జబ్బుది వన్నిజ్, నెగెండార్ ఉండ్రి సాపాద్ పిండిత తత్తార్. లోఇబని యేసు ఎద్రు ఇడెదెజ్ నండ్ అరల ఆజి మహార్.

19 అబ్బె మందలోకుర్ మహిజ్, వన్నిజ్ యేసు డగ్రు ఒతెజ్ అట్ అతార్. అందెజె వారు వన్నిజ్ ఇల్లు మున్కు ఒతార్. ఒతారె, రేకం బోరో కిత్తారె సాపదాన్ మంద నడిఃమి యేసు ఎద్రు డిప్తార్.

20 యేసు వన్నిమున్కు మన్ని వరి నమకం సుడఃతాండ్రె, “కూలాయెన్, నీ పావమకు నాను సెమిన్త మన్వ”, ఇజి వన్నిజ్ వెప్తాన్.

* 5:12 5:12 కిక్కుజ్ పాదమకాజ్ డెస్సెజ్ తెవజ్ సాని పెరిజబ్బుని ముజాలె కృస్తురోగం జబ్బు వాతిబాన్ ముట్టిజు వారు నెన్ ఏర్ ముజాలె కృస్తురోగం మన్నికార్ నాటో మండ్రెజ్ అక్కుసిల్లెద్ వారు పట్టుం వెల్లి మండ్రెజ్ వారు సుబ్బురం ఆకారం మటిలె ఆతికారంజని ఒడిబినార్ అందెజె, వారుపుజెరిజు డగ్రు సాస్పినెండ్ అతారె ఇజి పుజెరిజు వెప్తాణాని నాటో వాదెజ్ అనాద్. అయవలె వారు సుబ్బురం ఆతమనార్ ఇజి నమకం

21 అయావలె పరిసయరు ని యూదురి రూలుజ్ నెస్సిస్సికార్ వరి లొఇ ఈహు వర్తితార్. “వీండ్రు ఎయెన్? నాసు నీ పాపమకు సెమిస్త మున్న ఇజి వెప్పొ దేవుణు వెట నమానం ఆజి దేవుణుదిజ్ దూసిస్సాన్. దేవుణు ఒరెండ్రె పాపమకు సెమిస్సికాన్ గదె”, ఇజి.

22 వారు ఒడోబితక యేసుజ్ తెలితాన్. వాండ్రు వరిజ్, “ఎందనిజ్ మీరు అపా మి మున్నుదు ఒడోబిజినిదెర్?”

23 యా జబ్బుది వన్నిజ్ నీ పాపమకు నాసు సెమిస్త మున్న ఇజి వెప్పొక సులునా? నీసు నిజ్జి నడియ ఇజి వెప్పొక సులునా?

24 లోకు మరిసి ఆతి నజి లోకు పాపమకు సెమిస్తజ్ బూమి మున్ను అతికారం మనాద్ ఇజి మీరు నెస్తజ్ వలె ఇజి వెస్తాండ్రె, అయా కికు కాల్కు అర్తి పక్కువాయు వన్నిజ్, “నాసు నిజి వెప్పొన, నిజ్జి సాప అసి ఇండ్రొ సాన్ అ”, ఇజి వెస్తాన్.

25 వెటని వాండ్రు విజెరె ముజాలె నిజిత్తండ్రె, వాండ్రు గూర్తి మని సాప నిక్రాండ్రె దేవుణుదిజ్ పొగడిజి ఇండ్రొ సాహాన్.

26 వారు విజెరె నండో బమ్మ అతారె, దేవుణుదిజ్ పొగడితారె. వారు దేవుణుదిజ్ నండో తియెల్ ఆజి, “అబ్బు! మాటు నేండ్రు నండో బమ్మ అతి పణిజ్ సుడోతాట్”, ఇజి వెస్తాన్.

లేవి ఇన్ని ఒరెన్ వన్నిజ్ కూక్కినాన్

27 యాక కితి వెన్నా, యేసు సోతాండ్రె, లేవి ఇని ఒరెన్ పన్ను పెర్తివన్నిజ్ సుడోతాన్. వాండ్రు వన్ను పెర్తి వరి ఆపిసుదు బస్త మహాన్. యేసు వన్నిజ్, “నీసు నా సిసూడు అఆ. నా వెట రఅ”, ఇజి వెస్తాన్.

28 లేవి విజు డిస్తాండ్రె, నిజ్జి వన్ని వెట సాహాన్.

29 వెనుక లేవి యేసు వందిజ్ వన్ని ఇండ్రొ ఉండ్రె పెరి విందు కితాన్. పన్ను పెర్తికార్ని మరి నండోడార్ వరి వెట ఉండోజ్ బస్తాన్.

30 అయావలె పరిసయరు ని వరి జటుద్ మని యూదురి రూలుజ్ నెస్సిస్సికార్ యేసు సిసూరిజ్, “ఎందనిజ్ మీరు వన్ను పెర్తివరివెట, మరి సెఇ వరివెట ఉణిజి తింజినిదెర్”, ఇజి మెరొ అతారె.

31 అందెజె యేసు వరిజ్, “నెగెండ సిల్లి వరిజె డాక్టరు కావాలి. నెగెండ మన్నివరిజ్ ఎందనిజ్లు మరి డాక్టరు.

32 నాసు పాపం కిజిని వరిజ్ కూక్కి, వరి పాపమకు వారు ఒప్పుకోడిజి డిన్ పిసిని వందిజ్ వాత మన్ను. మాపు నీతినిజాయతి మనికావ ఇజి ఒడోబిని వరిజ్ కూక్కి రవి”, ఇజి వెస్తాన్.

ఉపాన్ వందిజ్ యేసుజ్ వెన్ బాజినార్

33 అయావలె, పరిసయరుని వరి జటుద్ మని యూదురి రూలు నెస్సిస్సికార్ వన్నిజ్, “యోహాసు సిసూర్ డిసిడిజ్ ఎండ ఉపాన్ కిజి పార్లనం కిజినార్. అయలెకెండెన్ పరిసయరు సిసూర్ బా. గాని నీ సిసూర్ ఉణిజి తింజి మంజినార్”, ఇజి వెస్తాన్.

34 అందెజె యేసు, “పెండ్లి దబడోజ్ పెండ్లి కాలజెవెట మన్నివెలె వారు ఉపాన్ కిజినారా?”

35 పెండ్లి దబడోజ్ వరి నడిమిహాన్ ఒని రోస్సు వాలెలె. అయావలె వారు ఉపాన్ అయా రోస్సుజ్ మంజినార్”, ఇజి వెస్తాన్.

36 వాండ్రు వరిజ్ కతవజ ఉండ్రె నెస్సిస్తాన్. “ఎయెన్ బా కొత్త సొక్కుదాన్ ఉండ్రె ముక్కు కిసి వడాయి దనిజ్ పొక్విన్. అయలెకెండె కితిజి, వాండ్రు కొత్త సొక్కు కిసివస్సాన్. కింజితి కొత్త ముక్కు వడాయి దనిజ్ తగ్గివెన్.

37 మరి, ఎయెన్ బా కొత్త ద్రాక్కుళ్లు వడాయి తోలు సన్నిదు వాక్విన్. అయలెకెండె వాండ్రు వాక్కిజి కొత్త ద్రాక్కుళ్లు పొబువాజి అయా తోలుసన్ని పెడెల్ నాద్. ద్రాక్కుళ్లు విజు వాజ్ న సానాద్. సన్నిపాడానాద్.

38 అందెజె కొత్త ద్రాక్కుళ్లు కొత్త తోలు సన్నిదు వాక్కిజెవెలె.

39 ఎయెన్ బా వడాయి ద్రాక్కుళ్లు ఉటివెనుక కొత్తక కోరివెన్. ఎందనిజ్ ఇహిజ, ‘వడాయిక నెగ్గి’, ఇజి వెప్పొన్”.

6

1 ఉండ్రె విస్తాంతి దినమ్దు యేసుని వన్ని సిసూర్ పంతు గుడ్డెదాన్ సొన్ని మహార్. అయావలె వన్ని సిసూర్ సెరిక్ తెస్తారె, వరికిదాన్ సులుసి, తింజి మహార్.

2 సన్నివలె నెగెండార్ పరిసయరు, “ఎందనిజ్ మీరు దేవుణు మోసజ్ సీతి రూలుజ్ తప్పినిపణి విస్తాంతి దినమ్దు కిజినిదెర్?”, ఇజి వెన్ బాతారె.

3 అయావలె యేసు, “దావీదు రాజుని వన్నివెట మహికార్, బజి కట్టివెలె, ఇనిక కితాండ్రె ఇజి మీరు దేవుణుమాటుడు ఎసెజ్ బా సద్ విజతిదెరా?”

4 వాండ్రు ఇనిక కితాన్ ఇహిజ, దేవుణుగుడియ డుగితాండ్రె దేవుణు ఎర్దు ఇడ్డి రొట్టెజ్ లాగితండ్రె తిహాన్. పుజెరిజ్ తప్ప మరి ఎయెర్ బా అయాకెజ్ తిండ్రెజ్ ఆవిద్. గాని వాండ్రు తిహండ్రె వన్నివెట మన్నివరిజ్ బా నెస్తాన్.

5 అందెజె లోకు మరిసి ఆతి నజి విజు వన్నాజ్ మున్ను అతికారం మనాద్. మరి, విస్తాంతి దినమ్దు ఇనిక కిదెజ్ ఇజి లోకాజ్ వెస్తాజెబా అతికారం మనాద్”, ఇజి వరిజ్ వెప్పొన్.

6 ఉండ్రె నూడిజ్ విస్తాంతి దినమ్దు, యూదురి మిట్జ్ కిసి ఇండ్రొ సాహాండ్రె, నెస్సిసి మహాన్. అబ్బె ఉణెర్ కియు అర్తికాన్ ఒరెన్ మహాన్.

7 పరిసయరు ని యూదురి రూలుజ్ నెస్సిస్సికార్, యేసుజ్ ఇన్ని దనిజ్ బా నేరం మొప్పెజ్ ఇజి సుడోజి మహార్. అందెజె, యేసు యా జబుది వన్నిజ్ విస్తాంతి దినమ్దు నెగెణ్ కిసాండ్రె ఇజి బాగ సుడోజి మహార్.

8 అహిజ, యేసు వారు ఒడోబిజినిక నెస్తాండ్రె, కియు అర్తి వన్నిజ్, “నీసు వాజి విజెరె నడిమి నిల్ అ”, ఇజి వెప్పొన్. అయావలె వాండ్రు నిజిత్తండ్రె అబ్బెనిహాన్.

9 అయావలె యేసు వరిజ్”, నాసు మిజి వెన్ బాజిన, దేవుణు మోసజ్ సీతి రూలుజ్ వజ, విస్తాంతి దినమ్దు నెగ్గి పణిజ్ కిదెజా, సెఇ పణిజ్ పణి కిదెజా? పాణమిదిజ్ నిల్ ప్తెజా, పాణమిదిజ్ అర్తిపెజా?”, ఇజి వెన్ బాతాన్.

10 వెనబూతాండ్రై వరిజ్ విజెరిజ్ బుస్తాండ్రై, అయా కియు అర్తి వన్నిజ్, “నీ కియు నవ్అ”, ఇజ వెహ్సాన్. వాండ్రు ఆహా కితాన్. వన్ని కియు నెగెణ్ అతాద్.

11 అయావలె వారు వెర్రి కోపమదాన్ నిండ్రితారె, యేసుజ్ ఇనిక కిదెజ్ ఆనాద్ ఇజ ఒరెన్దిజ్ ఒరెన్ వర్గితార్.

వన్నెండు మణిసీర్ సిసూర్

12 ఆ దినమకాజ్ ఉండ్రై నాండేజ్ యేసు పార్దనం కిదెజ్ ఇజ గొరోత్ సాహాన్. సాహాండ్రై ఆ రయ్యూ విజు దేవుణుదిజ్ పార్దనం కితాన్.

13 వెందాల్ అతివెలె వాండ్రు వన్ని సిసూర్జు కూక్తాండ్రై, వరిలోఇ వన్నెండు మణిరిజ్ ఎర్పాటు కితాన్. వరిజ్ అపొస్తూడు ఇజ కూక్తాన్.

14-16 మీరు ఎయెర్ ఇహొజు, మేతురు ఇజ వాండ్రు పేరు ఇడ్డి సిమెసు, వన్ని తంబెర్ని అతి ఆంద్రెయ, యాకోబు, యోహాను, పిలిపు, బర్తలోమాయి, మత్తాయి, తోమా, అల్పాయి మరిసి అతి యాకోబు, యూదయ దేసం వందిజ్ ఉసార్ ఆజని సిమోను*, యాకోబుజ్ మరిసి అతి యూద, ఇస్కరియోతు యూద. యా ఇస్కరియోతు యుదనె, వెన్నా యేసుజ్ యూదురు అతికారిజు కీడు ఒపజెప్పికాన్.

17 వాండ్రు యా వన్నెండు మణిసీర్ సిసూర్వెటె డిఃగిజు వాతండ్రై, ఉండ్రై బయలుదు నిహన్. వన్ని సిసూరు నండెండార్, యూదయ దేసమదు మని విజు నాహ్లాణికార్, యెరూసలెమదాన్, నమదరం వడజుకాద్మని తూరు, సిదోను పట్టుమ ప్రాంతమకాజ్వాతి నండో లోకర్ అబె మహార్. వారు వన్ని మాటజ్ వెండ్రెజ్, వరిజ్ మన్ని కర్ణమకు సాన్వె అదెజ్ ఇజ వాతార్.

18 దెయమకు అస్సి నండో బాద్ ఆజ మహికార్ నెగెణ్ అతార్.

19 దేవుణు సత్తు వన్నిబ్రాణిజ్ వాజు విజెరి నెగెణ్ ఆజ మహార్. అందెజ్ లోకు విజెరి వన్నిజ్ ముట్టెజ్ ఇజ ఆస అతార్.

20 అయావలె వాండ్రు వన్ని సిసూర్జు సుడఃతాండ్రై, ఈహు వెహ్సానాన్. “బీదదికార్ అతి మీరు గొప్ప వారు. ఎందనిజ్ ఇహొజు, దేవుణు మిజి ఎలుబుడః కిజినాన్.

21 ఎలు బుజు సాజని మీరు గొప్ప వారు. ఎందానిజ్ ఇహొజు, దేవుణు మిజి కావాలస్తెకెజ్ మీ మన్ను నిండ్రు సీనాన్. యేలు అడఃబాజని మీరు గొప్ప వారు. ఎందనిజ్ ఇహొజు, మీరు సిక్కిదెర్రి.

22 లోకు మరిసి అతి నజి నమ్మితి వందిజ్ లోకుర్ మిజి దూసిసి కేట కినార్. నిందెజ్మొప్పి నీసు సెఇజు ఇజ వెహ్సి నెక్కు పొక్కార్. అయావలె మీరు గొప్ప వారు.

23 నిన్ని కర్ణమకు వానివలె నరద ఆజ డాట్తు. ఎందనిజ్ ఇహొజు, దేవుణు మంజని బాడిఃదు మిజి మన్ని పలితమకు గొప్ప నండో మనె. యా లెకెండనె, మిజి బాద్ కిజని విరి అనిసిర్, వరి కాలమదు మహి ప్రవక్తెజు బాద్ కితార్.

24 గాని, ఓ అస్సిమనికిదెరా, అబాయా మిజి ఎసా గొప్ప బాదెజ్ వానెలె. ఎందానిజ్ ఇహొజు, మిజి విజు సుకు దోహ్క మనాద్.

25 ఎలు పొట వంజు ఉణిజనికిదెరి, అబాయా మిజి ఎసా గొప్ప బాదెజ్ వానెలె. మీరు బజు సానిదెరిలె. యేలు సిక్కినికిదెరి. అబాయా మిజి ఎసా గొప్ప బాదెజ్ వానెలె. మీరు దుకం కిజి అడఃబానిదెరిలె.

26 లోకు విజెరి మీ వందిజ్ నెగ్గెకెజ్ వెహ్సి వెలె, అబాయా మిజి ఎసా గొప్ప బాదెజ్ వానెలె. ఎందానిజ్ అయలెకెండనె వరి అనిసిర్ అబద్దం వర్గిని ప్రవక్తెజు కితార్.

ప్రేమ వందిజ్ వెహ్సానాన్

27 నా మాటెజ్ వెంజని మిజి నాను వెహ్సాన, మీ వగాతివరిజ్ ప్రేమిస్తు. మిజి దూసిస్సివరిజ్ నెగ్గెకెజ్ కిదు.

28 మిజి సాయెస్ సీని వరిజ్, “దేవుణు మిజి నెగ్గెకెజ్ సిపిన్”, ఇజ దీవిస్తు. మిజి బాదెజ్ కిని వరి వందిజ్ పార్దనం కిదు.

29 ఎయెన్బా మిజి ఉండ్రై లెపాద్ డెఃయితిజు, మరి ఉండ్రై లెప బా తోర్నిస్తు. ఎయెన్బా మీరు వ్డఃగితి మని సొల్లు ఒతిజు, వన్నిజ్ మీ సొక్కబా సిఅ.

30 మిజి లొస్సావరిజ్ విజెరిజ్ సీదు. మీ సొంతతిక పెర్రి ఒసిని వరిజ్ ఆక మరి లొస్మాట్.

31 లోకుర్ మిజి ఎలాగ కిదెజ్ ఇజ మీరు కోరిజనిదెరో అయాలెకెండ మీరు వరిజ్ కిదు.

32 మిజి ప్రేమిస్సివరిజ్ మీరు ప్రేమిస్తిజు, దేవుణు మిజి ఇనాయం సీనాన్ ఇజ ఒడిఃబిజనిదెరా?. పాపం కినికార్బా వరిజ్ ప్రేమిస్సి వరిజ్ ప్రేమిస్సార్.

33 మిజి నెగ్గెకెజ్ కినివరిజ్ మీరు నెగ్గెకెజ్ కితిజు, దేవుణు మిజి ఇనాయం సీనాన్ ఇజ ఒడిఃబిజనిదెరా? పాపం కినికార్బా అహా కిజినార్.

34 అప్పు మరజు సీనార్ ఇజ నెస్సివరిజ్ మీరు సితిజు, దేవుణు మిజి ఇనాయం సీనాన్ ఇజ ఒడిఃబిజనిదెరా? పాపం కినికార్బా అహా కిజినార్. వారు సితికెజ్ విజు మరజు సీనార్ ఇజ ఒడిఃబిజి పాపం కిజని వరిజ్ సీజినార్.

35 గాని మీరు మీ పగ్ అతి వరిజ్ ప్రేమిస్తు. వరిజ్ నెగ్గెకెజ్ కిదు. మరజు సీనార్ ఇజ ఆస సిల్లెండ, అప్పు సీదు. అయావలె మిజి నండో ఇనాయమకు ఆనెలె. మీరు విజు దనిజ్ అతికారం మని దేవుణు మరిసిర్ ఆనిదెర్. ఇహొజు, మీరు వాండ్రు కినిలెకెండ కినిదెర్. ఎందనిజ్ ఇహొజు, దేవుణు మేలుదిజ్ నెనెఇవరిజ్బా సెఇ వణిజ్ కిని వరిజ్బా దయ తోర్నిస్తు.

36 మీ బుబ్బు అతి దేవుణు ఎలాగ కనికారం అతికాండ్రై అయావజు మీరుబా మండ్రు.

తీర్పు కిదెజ్ అవద్

37 ఒరెన్ వన్ని మున్ను వెహ్మాట్. అయ లెకెండ దేవుణు మీ మున్ను వెహ్పావెన్. లోకు కిని వన్నాజ్ మీరు తీర్పు కిమాట్. అయాలెకెండ మీ మున్ను దేవుణు తీర్పు కివెన్. లోకుర్ మిజి బాదెజ్ కితిజు, మీరు మరజు కిపిండ వరిజ్ డిఃస్తు. అయాలెకెండ దేవుణు మిజి డిఃస్సానెలె.

* 6:14-16 6:14-16 లోమది ఎలుబుడిబాన్ యూదయ దేసమదిజ్ విడుదల కిదెజ్ ఉసార్దాన్ సుడిఃజని యూదయ సజం మనాద్. అయాసజుమదికాన్ ఒరెన్ సిమోను

38 మహి వరిజ్ నీదు. దేవుణు మిజి సీనానలె. మిజి నండో సీనానలె. తిగిజి, కుదిలిసి, వజ్జి సాని లెకెండ మీ ఒడింద సీనానలె. మీరు కొలిజి సితవజనె మిజి దోహక్కాద్లె.

39 నస్తివలె వాండ్రు కత వజి యాక నెన్పిస్తాన్. అయాక ఇనిక ఇహిజ, “ఒరెన్ గుడ్డి వన్నిజ్ మరి ఒరెన్ గుడ్డి వాండ్రు సరి తోరెన్జిజ్ అటనాండ్రా? తోరెన్జిజ, వారు రిఎర్బా గాతదు అర్చార్గదె?

40 సద్వినికాన్ నెన్పిసిన్ వన్నిమున్ను, పెరికాన్ అవన్. గాని సదు పూర్తి నెన్సికాన్ ఎయెన్బా వన్నిజ్ నెన్పిన్జి వన్నివజి మంజినాన్.

41 మీ కణకాదు మన్ని తూలం నన్నిక సుడోవండ మీ తంబెరిజి కణకాద్ మన్ని కానరాదిజ్ ఎందానిజ్ బేసిని?

42 నీ కణకాదు మన్ని తూలం నన్నిక లాగ్ఎండ, మీ తంబెరిజ్, ‘ఓ తంబెరి నీ కణకాదు మన్ని కనరాదిజ్ లాగ్న’, ఇజి ఎలాగ వెహ్జిజ్ అనాద్. వేసం కినికిదె, మీ సాంత కణకాదు మన్ని తూలం ననిక ముజాలె లాగ్గు. అయావలె మీ తంబెరిజి కణకాద్ మన్ని ఇజిరి కనరాదిజ్ నెగెండ సుడోజి లాగ్దెజ్ అట్టి.

43 నెగ్గి మరాత్ సెజ పట్టు అన్ఉ. అయాలెకెండ సెజ మరాత్ నెగ్గి పట్టు అన్ఉ.

44 విజి మరెకాణ్బా పట్టు సుడోజి నెన్జిజ్ అనాద్. ఎయెర్బా బోడె: పట్టు సాప్పు, తువెజిణిజ్కోయిఎర్. అయాలెకెండ డ్రాక్కు పట్టు, బా సాప్పు, అటదాన్ కోయిఎర్.

45 నెగ్గి మన్ను మన్నివన్నిజ్ కూలిజ్ కోట్టు కిత్తి మన్నిలెకెండ వన్ని మన్నుదు నెగ్గికెజి మంజినె. అందెజి వన్ని వెయిదాన్ నెగ్గి మాటిజ్ వానె. సెజ మన్ను మన్నివన్నిజ్ సెజెజి మంజినె. అందెజి వన్ని వెయిదాన్ సెజ మాటిజ్ వానె.

46 నాను వెహ్జి మాటిజ్పజి మీరు కివండ మరి మీరు ఎందనిజ్ ప్రబువా, ప్రబువా ఇజి నజి కూక్కినిదెర్?

47 నా డర్బువాజి నా మాటిజ్ వెంజి అయావజి కినికాన్ ఎయెరిజ్ పోలిత మనాండ్రో ఇజి నాను నెన్పిసిన్.

48 వాండ్రు పునాది నిరీడ్ కార్నీ సట్టుమున్ను, పునాది కితాండ్రె ఇల్లు తోహ్పి వన్ని లెకెండ మనాన్. పెరి గడ్డ వాతాద్. ఇల్లుదిజ్ పెరి గడ్డ డె:యితిజ్బా అది అర్ఎతాద్. ఎందనిజ్ ఇహిజ, అది నెగ్గెండ తోహ్ ఆత మనాద్.

49 గాని నా మాటిజ్ వెంజిబా అయావజి కిణకాన్, బూమి మున్ను, పునాది పోవండ ఇల్లు తోహ్పి వన్ని లెకెండ మనాన్. పెరిగడ్డ డె:యితిజ్ నణమె అయా ఇల్లు అర్చాద్. ఇల్లు పూర్తి పాడాతాద్.

7

1 వాండ్రు వెహ్జిజ్ మన్నిమాటిజ్ విజి లోకురిజ్ వెన్పిసి వీస్తాండ్రె, కపెర్నహుము ఇన్ని పట్టుమీదు వాతాన్.

2 అబ్బె రోమ సయిసమేదిజ్ నదాతివతి* ఒరెన్ మహాన్. అతికారిజ్ నండో ఇస్తం ఆతి ఒరెన్ వెట్టిపణి కినికాన్ వన్నిజ్ మహాన్. వాండ్రు ఇబు లాపు ఆతాద్ సాదెజ్ డగ్గు ఆత మహాన్.

3 అయా అతికారి యేసు వందిజ్ వెహ్ండ్రె, నెగెండార్ యూదుర్ పెద్దెలజి వన్ని డగ్గు పోక్కార్. ఎందనిజ్ ఇహిజ, వాండ్రు వాజి వన్ని వెటి పణి కిని వన్నిజ్ నెగెణ్ కిదెజ్ ఇజి.

4-5 వారు వన్ని డగ్గు వాతార, “యా అతికారి మా లోకాజ్ నండో ప్రేమిస్తాండ్రె మజి మీటిజ్ కిదెజ్ ఇజి ఇల్లు తోహ్పిన్ సితాన్. అందెజి నీను వాజి వన్ని వెటి పణిమణిసిజ్ నెగెణ్ కిదెజ్ వాండ్రు తగ్గికాన్”, ఇజి మరి మరి బతిమాల్తార.

6 అందెజి యేసు వరివెట సాహాన్. వాండ్రు ఇల్లు డగ్గు వాతాన్. అయావలె నతాదివ కూలెజి, “మీరు యేసు బాన్ సాన్ని కఠు వెహ్చు, “ప్రబువా, నీను వందమా. నా ఇండ్రె నీను వాదిజ్ నాను ఏవటికాన్ అవు.

7 గాని నెగెణ్ ఆల ఇన్ని నీ మాటదాన్ నా వెట్టిపణి మణిసి నెగెండో అనాన్లె, ఇజి నాను సెసిన్.

8 ఎందానిజ్ ఇహిజ, నా మున్ను అతికారం మనికార్ మనార్. నా అడిగి ఉద్దం కినికార్ మనార్. నాను ఒరెన్ వన్నిజ్ సాన్ అ ఇహిజ సానాన్. మరి ఒరెన్ వన్నిజ్ రల ఇహిజ, వానాన్. నా పణిమణిసిజ్ యాక కీల ఇహిజ కినాన్”, ఇజి వెహ్ండ్రె పోక్కాన్.

9 యేసు యా మాటిజ్ వెహ్ండ్రె, వన్ని వందిజ్ బమ్మ ఆతాన్. వాండ్రు వన్ని వెట వాతిమన్ని లోకుదరిజ్ మహ్తాండ్రె, “అబ్బె, ఇస్తాయెలు లోకుర్ లోఇబా విన్నిజ్ మన్ని నమకం లెకెండ, నమకం మని ఒరెన్ వన్నిజ్బా నాను సుడోవెత ఇజి మీ వెట నాను వెహ్చాన్”, ఇజి వెహ్చాన్.

10 వన్నిబాన్ వాతివరిజ్ యేసు మహ్తా పోక్కాన్. వారు ఇండ్రె సాహారె, నెగెణ్ ఆతి వెటిపణి మణిసిజ్ సుడోతార.

సాతి వన్నిజ్ బత్తిస్తాన్

11 యాక కితి వెన్యా, యేసు నాయ ఇని పట్టుమీదు సాన్ని మహాన్. వన్ని సిసూర్ని మంద లోకుర్ వన్నివెట కూడోజి సాన్ని మహార్.

12 వాండ్రు పట్టుం వెల్గు డగ్గు వాతివెలె సాతికాన్ ఒరెన్ వన్నిజ్ సోవ్తారె, నెగెండార్ పిండిజి ఒసి మహార్. సాతికాన్ అయేసిజ్ ఒరెండ్రె మరిసి. అది ముండ బోదెలి. పట్టుమీదు మంద లోకుర్ దన్నివెట మహార్.

13 ప్రబు ముండ బోదెలిదిజ్ సుడోతివెలె, వన్ని పాణం నోతాద్. అడోబామా’, ఇజి దన్నిజ్ వెహ్చాన్.

14 వాండ్రు డగ్గు వాతండ్రె, జజూద్ ముట్టిజ్, పిండిజి ఒసి మహికార్ నిహార్. యేసు సాతి వన్నిజ్, “ఓ దజడో, నాను నిజి వెహ్చాన్, నిజ్ అ ఇజి”, ఇజి వెహ్చాన్.

15 అయావలె సాతికాన్ నిజ్జి బస్తాండ్రె, వర్గిదిజ్ మొదోల్స్తాన్. యేసు, వన్నిజ్ అయేసిజ్ ఒవజెహ్చాన్.

16 వారు విజెరె బమ్మ ఆజి తియెల్ ఆతార. “ఒరెన్ పెరి ప్రవక్త మా నడిమి వాతాన్. వన్ని లోకురిజ్ సాయం కిదెజ్ దేవుణు వాతాన్”, ఇజి వెహ్చార దేవుణుదిజ్ పొగిడితార.

17 యేసు వందిజ్ యా మాటిజ్ యూదరు దేసిం ని డగ్గు మని ప్రాంతముకాజ్ విజి సెద్రితె.

* 7:2 7:2 వంద విధం కినివరిజ్ సడోపిసినికాన్.

యేసుని యోహాను సిసూరు వర్ణింపనార్.

18-19 బాప్తిసం సీని యోహానుజ్ సిసూర యా జగ్గితి వణిజి వందిజ్ యోహానుజ్ వెవ్వార్. నస్తివలె వాండ్రు వరి లోఱహాన్ రిఎర సిసూరజ్ కూక్రాండ్రె, “వానికి నీనెనా? సీలిజ, మాపు మరి ఒరెన్ వందిజ్ ఎద్రు నుడెదెజా?”, ఇజ ప్రబుజ్ వెన్బాదెజ్ యేసుడగ్రు పోక్తాన్.

20 వారు యేసుడగ్రు వాతార, “నీనెనా వాజినికి? సీలిజ మాపు మరి ఒరెన్ వన్నిజ్ ఎద్రు నుడెదెజా? ఇజ వెన్బాదెజ్ బాప్తిసం సీని యోహాను మజి నీ డగ్రు పోక్తాన్”, ఇహార్.

21 అయావలెనె, యేసు జబ్బుదివరిజ్ బాదదాన్ మన్ని వరిజ్, దెయమ్మకు అస్తి వరిజ్ నండొబాదిజ్ నెగెజ్ కితాన్. నండొ గుడ్డిది వరిజ్ నూణిలెకెండె కితాన్.

22 అందెజె వాండ్రు వన్నిడగ్రు వాతివరిజ్, “గుడ్డిదికార నుడెఱ జెనార్. సొటదికార నడెజెనార్. కన్దమదికార ఇని పెరిజబ్బు మన్నికార నెగెజ్ అజనార్. బొయిరదికార వెంజెనార్. సాతికార నికెజెనార్. బీదాతివరిజ్ నువార్త వెహెఅజనాద్. ఇజ యాలెకెండె మీరు నుడెఱకెజ్, వెంజెనికెజ్ మర్తి సొన్ని యోహానుజ్ వెవ్వారు.

23 నా మున్ను నమకం డీసెవెండ మంజినికాన్ దేవుణు సీని దీవనమ్మకు మంజినికాన్అనాలె”, ఇజ వరిజ్ వెవ్వూన్.

24 యోహాను సిసూర సొహె వెనుక, యేసు యోహాను వందిజ్ మంద లోకు వెట కహు వెవ్వైజ్ మొదెలోస్తాన్. “ఇనిక నుడెదెజ్ మీరు బీడెమ్బూమె ప్రాంతమ్మదు సొహెదెర? గాలిదిజ్ కర్ణిజని గడ్డిదిజ్ నుడెదెజా?”

25 సీలిజ, మరి ఇనిక నుడెదెజ్ సొహెదెర? మెతాని సొక్కెజ్ తొడిగెతి మని ఒరెన్ వన్నిజ్ నుడెదెజా? సిల్లె, నండొ దర మన్ని సొక్కెజ్ తొడిగెజి, నుకం బత్తినికార రాజురి ఇల్కాజ్ మంజనార్.

26 అహెజ, మీరు ఇనిక నుడెదెజ్ సొహెదెర? ఒరెన్ ప్రవక్తెజ్నా? ఒఒ, ఒరెన్ ప్రవక్త మున్ను పెరివన్నిజ్ నుడెదెజ్ సొహెదెర ఇజ నాను మిజి వెప్పొన

27 విన్నివందిజ్ దేవుణు మాటదు కహు రాస్త మనాద్, “ఇదిలో, నాను నా కబ్బుతనివన్నిజ్ నీ ముజాల పోక్కిన వాండ్రు నీ ముజాల నీ సరి నెగెజ్ కినాన్”.

28 బోదెకాజ్ పుట్టి వరిలోఱ యోహాను ఇంక పెరికాన్మరి ఎయెన్బా సెలెన్. గాని దేవుణు ఏలుబడిఱ కిని లోకుర లోఱ తగిసి కొటికాన్ యోహాను మున్ను పెరికాన్ ఇజ నాను మిజి వెప్పొన”.

29 యేసు వెవ్వైకెజ్ వెహార లోకుర విజెర వన్ను పెర్నికారబా దేవుణు కిజనిక విజు నాయమ్దానె కిజనాన్ ఇజ లోకుర ఎద్రు ఒప్పుకోటార్. ఎందనిజ్ ఇహెజ, వారు యోహాను బాణిజ్ బాప్తిసం లాగ అత మహార్.

30 గాని పరినయేరుని యూదురి రూలు నెప్పొన్సికార యోహాను సీని బాప్తిసం లాగ అవతార. వారు వరి వందిజ్ దేవుణు ఎత్తి నజతి నెక్త పోక్తార్.

31 యా తరమ్మది లోకాజ్ నాను ఇన్ని దని దనటాన్ పోలీసి వెవ్వైజ్? వారు ఇని దనిజ్ పోలిత మనార్?

32 వారు, నతూదు బని మంజె పెండ్రె ఇండ్రె ని సాతి ఇండ్రె జగ్గిజని దని వందిజ్ఎత్తు కిజ కరెజెజని కొడెఱకెజ్పోలిత మనాద్. అయా కొడెఱకె ఒరెన్దిజ్ ఒరెన్ కూకె అజ కహు కరెజెజనార్. “మాపు పిరుడిఱ ఊహెక్తామ్ గాని మీరు కరెజెజతిదెర. మాపు సాతి ఇండ్రెఱి పాటిజ్పార్తామ్ గాని మీరు అడెబాఇతిదెర”.

33 ఎందానిజ్ ఇహెజ, బాప్తిసం సీని యోహాను మాముల్ బోజనం ఊణిజి, ద్రాక్కు కడం ఊణెవండ వాతాన్. అందెజె మీరు, “వినిజ్ దెయం అస్తాద్”, ఇజ వెప్పొనిదెర.

34 లోకు మరిసిఅతి నాను ఊణిజి తింజి వాజినాన్. అందెజె మీరు ఇదిలో వీండ్రు టిండి కకురెతికాన్, సొప్పొనార్, వన్ను పెర్నివరిజ్ పాపం కినివరిజ్ కూలాయెన్ ఇజ వెప్పొనిదెర.

35 గాని దేవుణుబాణిజ్ వాతి గెణం మనికార అయా గెణం నిజమాతిక ఇజ వరి విజు నెగ్గి పణిజాణిజ్ రుజామ్ కిజనార్.

పాపం కిత్తి బోదెలదిజ్ నెమిసినాన్

36 పరినయేరు లోఱ ఒరెన్ వన్నివెట బోజనం కిదెజ్ యేసుజ్ కూక్తాన్. అందెజె యేసు పరినయేరు ఇండ్రె సొహండ్రె, వన్ని వెట బోజెనమ్మదిజ్ బస్త మహాన్.

37 ఆ నాటో పాపం కిజి మహె ఊండ్రె బోదెలి మహాద్. యేసు పరినయేరు ఇండ్రె బోజెనమ్మదిజ్ బస్త మహాన్ ఇజ నెస్తాదె, నూనాజ్ పణుకుదాన్ తయార్ కితి ఊండ్రె సీసాదు నెగ్గి వానం సీని నూనె తత్తూద్.

38 యేసు, కాల్యు వెన్నా మవ్హండ్రె బస్త మహాన్కాక అది వెనక వన్ని పాదమ్మక డగ్రు నిహాద్. నిహాద్ అడెబాజి మహాద్. అది దన్ని కణెరదాన్ వన్ని పాదమ్మకాజ్ ఊత్తాద్ దని కొప్పుదాన్ తెల్తాద్. వన్ని పాదమ్మకాజ్ ముదు కితాద్ వానం సీని జటమామ్సి నూనె రాస్తాద్.

39 వన్నిజ్ కూక్తి వరినయె వాండ్రు యాక నుడెఱకెండ్రె, వీండ్రు నిజం ఇక ఒరెన్ ప్రవక్త ఇహెజ, వినిజ్ ముట్టి బోదెలి ఎయిదొ ఎలాగ మర్తికాదొ ఇజ నెస్తాన్ మరి. ఎందనిజ్ ఇహెజ, ఇది పాపం కినికాద్, ఇజ మన్నుదు ఒడిబితాన్.

40 అందెజె యేసు, “ఓ సెమాను నీవెట ఊండ్రె మాట వెవ్వైజ్ మనాద్”, ఇజ వన్ని వెట వెవ్వైజ్, “బోదెకినికి వెహెఅ”, ఇహాన్.

41 అయావలె యేసు, ఒరెన్ అప్పు సీతి వన్నిజ్ రిఎర అప్పు లొన్సికార మహార్. వరి లోఱ ఒరెన్ అయెదు వందిజ్ వెండి రుపాయిజు వరి ఒరెన్ యాబయె వెండి రుపాయిజు సీదెజ్ మనాద్.

42 అప్పు తిర్నెజ్ వరిజ్ డబ్బు సీల్దెద్. అందెజె వరిజ్ రిఎరెజ్బా డబ్బు లోసెవండ డిఱస్తాన్. ఏలు, విరి లోఱ ఎయెన్ వన్నిజ్ నండొ ప్రేమిస్తాన్? ఇజ వెన్బాతాన్.

† 7:27 7:27 మలాకి 3:1. ‡ 7:37 7:37 యా నూనాజ్ పణుకు పేరు అలబాస్తరు ఇజ యా పణుకు నండొ కరిదితిక తెల్లాజ్ మంజనాద్ యాక గీసి లోకుర పునెజ్ తయార్ కిజనార్.

43 అందెజె సేమాను, “వాండ్లు ఎయెరిజ్ నండో సితండ్రె, లోన్ఎండ డీస్స సితాండ్రొ వాండ్రె నండో ప్రేమిస్సాన్, ఇజ నాను ఒడోబిజిన”, ఇహోన్. అందెజె యేసు, “నీను నెగండ ఎత్తు కితదె వెప్తి”, ఇహోన్.

44 ఇవాండ్రె, ఆ బోదెల్ దరోజ్ సుడోజి సిమోనుజ్ ఈహు వెప్తాన్. “యా బోదెల్దిజ్ నీను సుడోజిని గదె. నాను నీ ఇండ్రొ వాత. నీను నా పాదమకు ఊరపాదెజ్ ఏరు సిఇతి. గాని ఇది దని కణెరదాన్ నా పాదమకు ఊతెతాదె, దని కొప్పదాన్ తేలితాదె.

45 నీను నజీ ముదు కిజి డర్పు కిఇతి. గాని ఇది నాను వాతి బాణిజ్ అసి నా పాదమకు ముదు కిజినె మనాదె.

46 నీను నా బురారు నూనె రాసిఇతి. గాని ఇది నా పాదమకాజ్ వాసనం సీని నూనె రాస్తాదె.

47 అది నండో ప్రేమిస్సాదె. అందెజె దని నండో పాపమకు దేవుణు సెమిస్సాన్, ఇజ నాను నీ వెట వెప్సిన్. ఎయెరిజ్ దేవుణు తక్కు సెమిస్స మనాండ్రొ, వాండ్లు తక్కునె ప్రేమిస్సాన్”.

48 మరి యేసుదనిజ్, “దేవుణు నీ పాపమకు సెమిస్స మనాన్”, ఇజి వెప్తాన్.

49 వన్నె వెట ఉండెజ్ బస్తి మహికార్, “పాపమకు సెమిస్స మన్న ఇజి వెప్తాజ్ వీండ్లు ఎయెన్?”; ఇజి ఒరెనదిజ్ ఒరెన్ వర్గిజి మహార్.

50 అందెజె యేసు, “నీను నా మున్ను నమకం ఇడ్తి. అందెజె నీ పాపమకాణిజ్ దేవుణు రక్తిస్సాన్ ఇజి ఆ బోదెల్దిజ్ వెప్తాన్.

8

యేసు విత్తు వందిజ్ వెప్సిని కత

1 సెగం లోన్సు సాహి వెనుక, యేసు, దేవుణు కిని ఏలుబడి: వందిజ్ సువార్త పట్టుమకాజ్ నాహ్కాజ్ బోదెని వెప్సి వాజి మహాన్.

2-3 వన్నెండు మణిని సినూరు వన్ని వెట మహార్. దెయం బాణిజ్, కస్టమకాణిజ్ నెగెజ్ అతి సెగండెక్ బోదెక్ బా వన్ని వెట మహా. వన్నా లోఇ ఏడు దెయమకాణిజ్ యేసు డీసెప్పిన్తి మగదలెనె ఇని మరియ, హారోదె ఇండ్రొ ఎజిమాని పణి కిజి మహి కూజి ఇని వన్ని అల్లి యిహాన, సుననయ, మరి నండో బోదెక్ బా మహా. వన్నాజ్ కల్లితి మన్ని లోఇ అవిక, యేసువన్నె సినూర్ వందిజ్ కర్పు కిజి మహార్.

4 విజి పట్టుమకాణిజ్ లోకుర్ యేసుడర్పు వాజి మంద ఆతివెలె, వాండ్లు ఉండ్రె కత వజి ఈహు నెన్సిస్సాన్.

5 “ఒరెన్ రయతు వాండ్లు విత్తు వితెజ్ సాహాన్. వాండ్లు విత్తు విత్తి మహిజ్ సెగం సరి పడెకాదె అరె. అర్రి విత్తాజ్ మట్టి సాన్సి మహార్. ఆగానమేది పొటిజ్ బా వాతెనె పెప్తా తిహా.

6 మరి సెగం నటు మున్ను మన్ని డులిదు అరె. నేరితె గాని తడి: సెల్లెండ ఆతిజ్ సాతె.

7 మరి సెగం సాప్పు తప్పుజ్ నడిమి అరె. సాప్పు తువెజ్ వెట పిరితె గాని వన్నాజ్ తిగితె.

8 మరి సెగం నెగ్గి బామిదు అరె. ఆకెజ్ పిరితెనె పంట నెగండ పండితాదె. నండో జణి ఆతాదె. విత్తి విత్తుదిజ్ వంత వంతుజ్ లెకెండె ఆతె. యేసు యా మాటెజ్ వెప్సి, ‘రుండి గిబిజాణిజ్ వెంజి అయావజి నడియ’”, ఇజి వెప్తాన్.

9 వెనుక వన్నిసినూర్ యా కతవజి నెన్సిప్పిన్తి దనిజ్ అర్లం ఇనిక ఇజి వెన్బాతాన్.

10 వెన్బాతిజ్ వాండ్లు, “దేవుణు కిని ఏలుబడి: వందిజ్ డాజెటి మహా సజతిజ్ దేవుణు మిజి తెలివి కిత మనాన్. గాని మహికార్ దేవుణు మాటదు వెప్తి లెకెండె, ‘సుడోజినార్ గాని తోవెర్, వెంజినార్ గాని అర్లం కివెర్*’. అందెజె పరిజ్ కతవజి నాను నెన్సిసిన.

11 యా కతవజి నెన్సిప్పి దనిజ్ అర్లం ఇనిక ఇహిజ, విత్తు ఇహిజ దేవుణు మాట.

12 విత్తు అర్లెనరి పడెకాదె పోలితికార్ ఎయెర్ ఇహిజ, దేవుణు మాట వెనికార్. గాని వారు దేవుణుదిజ్ నమిజి, వాండ్లు పరిజ్ రక్తిసెండె మంజిని వందిజ్ నయతాను వాజి పరి మన్నుదు మన్ని దేవుణు మాట వెల్లి ఒనాన్.

13 విత్తు అర్రి నట్టుమున్ను మని డుల్లిదిజ్ పోలితికార్ ఎయెర్ ఇహిజ, దేవుణు మాట వెనివెలె నర్లదాన్ మన్నుదు ఇడ్డికార్. గాని వెల్లి లోఇ సాని లెకెండె దేవుణు మాట పరి మన్ను లోఇ సాన్ఎదె. వారు సెగం కాలం నమినార్ గాని కస్టం వానివలె డి:స్సార్.

14 విత్తు అర్రి సాప్పు తప్పుజ్ నడిమి పోలితికార్ ఎయెర్ ఇహిజ, దేవుణు మాట వెంజి నమకం బా ఇడ్పార్. గాని వారు ఆహా బత్తిజి సానివలె బత్తువందిజ్ మన్ని వినారం, నంసారం, సుకం వందిజ్ ఒడోబిలార్. యాకెజ్ పరి నమకం తిగిజి పొక్కిన్. పరి బత్తుదాన్ ఇన్ని లాబంబా సెల్లెదె.

15 విత్తు అర్రి నెగ్గి బామిదిజ్ పోలితికార్ ఎయెర్ ఇహిజ, దేవుణు మాట వెనికార్. వారు పరిజ్ తగ్గి నెగ్గి మన్నుదు దేవుణు మాట ఇడ్పార్. కస్టమకు వాతిజ, వారు అయాకెజ్ ఒరిసి నమకమదాన్ పిరినార్.

దీవ వందిజ్ వెప్సిన్.

16 ఎయెన్బా దీవ కసిని వెన్నా తబల మూక్కినో, మంనం అడ్డినో ఇడెవెన్. గాని లోఇ వానిపరిజ్ జాయి తోరెదెజ్ ఇజి దీవ కంతుదునె ఇడ్పార్.

17 డాజెతిక ఇనికబా వెల్లి ఆనాదె. ముస్తిక ఇనికబా తోరెఅజి వెల్లితనె.

18 అందెజె మీరు వెంజినికెజ్ అర్లం కిజి మండ్లు. ఎందనిజ్ ఇహిజ, నా బాణిజ్ వెంజి అర్లం కిజిని వన్నిజ్ దేవుణు మరి తెలివి కినాన్. గాని వెంజి అర్లం కిజివన్నిజ్ వాండ్లు అర్లం కిత మన ఇజి ఒడోబితికెబా లాగ్నాన్.

19 నస్తివలె యేసు అయెన్సి తంబెరెసిర్ వన్నిజ్ సుడోదెజ్ వాతార్. గాని లోకుర్ నండో మహిజ్ వన్ని డర్పు సాండ్రెజ్ అట్వితార్.

20 అయావలె ఒరెన్, “నీ యాయ ని తంబెరిబు నిజి సుడోదెజ్ కోరిజి వెల్లి నిహా మనార్”, ఇజి వన్నిజ్ వెప్తాన్.

* 8:10 8:10 యెను 6:9.

21 వెహ్తాక్ యేసు, “దేవుణు మాటొక వెంజి అయావజ నడిఁనికారె నా యాయ నా తంబెరిబు”, ఇజి వెహ్తాన్.

యేసు పెరిగాలి తుపాన్దిట్ అవ్కిజనాన్

22 నస్తవలె ఉండ్రీ నాండిజ్ యేసు వన్సిసిసూరజ, “గనెనరతు ఇన్న సెరు అతాహు పడక సానాట్”, ఇజి వెహ్తాన్. అందెజె వారు ఉండ్రీ డోణిదు ఎక్తారె సాహార.

23 వారు సాన్ని మహాజ్, యేసు నిద్ర కితాన్. అయావలె పెరి గాలి తుపాన్సెర్దు మున్ను వాతాదె, డోణిదు ఏరు నిండ్రీజినాన్. వారు పెరి ప్రమాదమదు మనార.

24 అయావలె సినూరు వన్సి డగ్రు సాహార, “ప్రబువా, ప్రబువా మాపు సానా సానావ్లె”, ఇజి వన్సిజ్ నిక్తార. వాండ్రు నిజితండ్రె పెరిగాలి ఉల్లాలుబుదిజ్, “వలక్ ఆదు”, ఇజి డటం వెహ్తాన్. పెరిగాలి అణస్తాన్. విజు అలెతె.

25 అయావలె వాండ్రు, “ఎందనిజ్ మిజి నా మున్ను నమకం సిల్లెద్?” ఇజి వరిజ్ వెన్బాతాన్. వారు బమ్మజిజి తియెల్దాన్, “పీండ్రు గాలిదిజ్ ఏరుదిజ్ అణస్తా ఇజి ఆడ్ర వెహ్తాజ్ అవి లోజిజెన. పీండ్రు ఎయెండ్రో”, ఇజి ఒరన్వెట ఒరన్ వర్గితార.

దెయమకు అన్సివన్సిజ్ నెగెండ్ కిజనాన్.

26 వారు గరసినియ ఇని లోకురి ప్రాంతమదు వాతార. అయా ప్రాంతం గలిలయ ప్రాంతమదిజ్ ఎద్రు మనాద్.

27 వాండ్రు సెరుగటుద్ డిగితివెలె, ఆ పట్టుమదికాన్ ఒరెన్ యేసుడగ్రు వాతాన్. వాండ్రు దెయమకు అన్సికాన్. నండో కాలమ్కాణిజ్ సాక్యజ్ తోడిఁగిఎండ, ఇండ్రో మన్ఎండ, దూకిజాజ్ మహాన్.

28 వాండ్రు యేసుజ్ సుడఁతాండ్రె డటం డేల్సి వన్సి పాదమక ఎద్రు ముణుకుజ్ ఊరితాన్. ఊరితండ్రె, “విజు దనిజ్ అతికారం మన్సి దేవుణు మరిసి ఆతి యేసు, నా వెట నిజి ఇన్న పణి, నజి బాద కిమ ఇజి నిజి బతిమాల్లిన”, ఇజి డేల్సి వెహ్తాన్.

29 ఎందానిజ్ ఇహజ, యేసు, వనిజ్ డిఁసి వెల్లి సాన్అ ఇజి ఆ దెయమదిజ్ ఆడ్ర సిత మహాన్. అది వన్సిజ్ నండో సుట్టు అసి మహాద్. అందెజె వన్సిజ్ గెలుస్కాణిజ్ కాల్యాజ్ కికాజ్ తోహ్ని కామ్ కిని వరిజ్ ఇట్టాద్. గాని వాండ్రు గెలుస్కాజ్ తెప్పి, దెయమకు వన్సిజ్ బీడిమ్బూమిదు ఉలుప్పి మహా.

30 యేసు వన్సిజ్, “నీ పేరు ఇనిక?” ఇజి వెన్బాతాన్. నండో దెయమకు వన్సి లోజ మహాజ్ వాండ్రు, “సేన”, ఇజి వెహ్తాన్.

31 మజి డర్లిదు పోక్మా ఇజి మరి మరి బతిమాల్తె.

32 నస్తవలె నండో పండ్రీజ్ మంద గోరెన్ నెల్కాదు మెయిజ మహా. అందెజె వన్కా లోజ సాండ్రెజ్ మజి నెల్వ సిదా”, ఇజి వన్సిజ్ బతిమాల్తె. అందెజె వాండ్రు సెల్వ సితాన్.

33 అయావలె దెయమకు వన్సిజ్ డిఁసైని పండ్రీజ్ లోజ సాహా. ఆ పండ్రీజ్ మంద గోరెత్దాన్ ఉహ్కాక్కి వాజ సెర్దును అరైన్ సాతె.

34 పండ్రీజ్మేప్పి మహికార జర్గితి దనిజ్ సుడఁతారె ఉహ్కాక్కి సాన్ని ఆ పట్టుమది వరిజ్, పట్టుమది వల్సెజ మని వరిజ్ జర్గితికజ్ వెహ్తార.

35 లోకుర్ యా జర్గితికజ్ సుడఁదెజ్ సాహార. వారు యేసు డగ్రు వాతిజ్ దెయమకు డిఁసి సాహికాన్ సాక్యజ్ తోడిఁగిజ నెగ్గి బుద్దిదాన్ యేసు పాదమక అడిఁగి బన్సి మహి సుడఁతార. సుడఁతారె తియెల్ ఆతార.

36 యాక సుడఁతికారె దెయం అన్సికాన్ ఎలాగ నెగెన్ ఆతాన్ ఇజి మరి లోకురికజ్ వెహ్తార.

37-38 అయావలె గరసినియ లోకురి ప్రాంతమదు మన్సి లోకుర్ విజెర, నండో తియెల్ ఆతార. అందెజె, “మజి డిఁసి సాన్అ”, ఇజి యేసుజ్ వెహ్తార. అందెజె యేసు డోణి ఎక్తాండ్రె మరజి సాన్ని మహాజ్, దెయమకు డిఁసి సాహికాన్, “నాను బా నీ వెట వానా”, ఇజి బతిమాల్తాన్.

39 గాని యేసు, “నీను మరజి ఇండ్రో సాన్అ. దేవుణు నీ వందిజ్ కిత్తి గొప్ప పణి విజు వెహ్అ”, ఇజి వెహ్తాండ్రె పోక్తాన్. వాండ్రు సాహాండ్రె యేసు వన్సివందిజ్ కిత్తి గొప్ప పణి పట్టుం విజు వెహ్తాన్.

యేసు సాతి అయిలిజ్ నిక్కినాన్, జబ్బుఅతి మహిబోదెల్దిజ్ నెగెన్ కిజనాన్

40 యేసు మరజి వాతివెలె, నండో లోకుర్ వన్సిజ్ ఎద్రు సుడఁజి మహార. అందెజె వారు వన్సిజ్ డగ్రు కిత్తార.

41-42 నస్తవలె, యూదురి మీటిజ్ ఇండ్రోజి అతికారి యూయరు ఇనికాన్ యేసు పాదం మున్ను అర్తాండ్రె, “నజి ఒరెదె గాలు. అది సాదిజ్ డగ్రు అత మనాద్. దనిజ్ డగ్రు వనెండం పంటిజ. అందెజె నీను నా ఇండ్రో రఅ”, ఇజి బతిమాల్తాన్. వాండ్రు సాన్ని మహాజ్ నండో లోకుర్ వన్సి మున్ను నెజె ఆజి అర్గి మహార.

43 అయావలె ఉండ్రీ బోదెలి పనెండు పంటిజాణిజ్ వెల్లి అని జబుదాన్ బాద ఆజి మహాద్. ఎయెర్బా దనిజ్ నెగెన్ కిదెజ్ అట్వెతార.

44 యేసు వెన్కాజ్ వాతాదె, వాండ్రు తోడిఁగితిమన్సి వన్సినిరీ సాక్కది సెంగుదిజ్ ముట్టాద్. ముట్టి వెటనె దనిజ్ వాజ మహి నల అణస్తాద్.

45 యేసు, “నజి ముట్టికాన్ ఎయెన?” ఇజి వెన్బాతాన్. విజెరె, “మాపు నెన్ఎవ్”, ఇజి వెహ్తార. అయావలె పేతురు, “బోదెకినికా, నండో లోకుర్ కూడిఁతారె నీ మున్ను అర్గినార గదె”, ఇజి వెహ్తాన్.

46 గాని యేసు, “నజి ఎయెండ్రో ముట్టాన్. నా లోజదాన్ దేవుణు సత్తు వెల్లి సోసి సాని లెకెండ్ నజి తెలిజనాద్”, ఇజి వెహ్తాన్.

47 అయావలె అది యేసుజ్ డాణిజ్ సాండ్రెజ్ అట్వె ఇజి నెస్తాదె వణిక్కి వాతాదె వన్సి పాదం ఎద్రు ముణుకుజ్ ఊరిజి పజిత్తాద్. నాను ఎందనిజ్ వన్సిజ్ ముట్టు ఎలాగ వెటనె నెగెన్ అత ఇనిక విజెరె ఎద్రు అది వెహ్తాద్.

† 8:27 8:27 అయ కాలమదు మొడఁ సట్టు పణుకుదు దొలుప్పి సాలమదు ఇడిజి పెరి పణుకయదాన్ మూక్కి మహార.

48 అందెజె యేసు”, గాలు, నీను నా మున్ను, నమకం ఇడ్డి. అందెజె నీను నెగెన్ అతి. సమాదనమదాన్ సాన్ అ”, ఇజి దనిజ్ వెప్తాన్.

49 యేసువర్గిజి మహివలెనె, యాయెరు ఇండ్రెణికాన్ ఒరెన్ వాతండ్రె, “నీ గాలు సాతాద్. బోదకినివన్నిజ్ మురి వందిస్సు”, ఇజి వన్నిజ్ వెప్తాన్.

50 యేసు అయా మాట వెహండ్రె, “తియెల్ అము. నా మున్ను, నమకం ఉండ్రె ఇడెఱ. అది నెగెణ్ అనాద్”, ఇజి యాయరుజ్ వెప్తాన్.

51 యాయరు ఇండ్రె వాతివెలె, పేతురు, యాకోబు, యోహాను ఇని వరిజ్ ని ఇజ్జి దని అయిసి అప్పొసిరిజ్ బా లోఇ ఒతాన్. గాని మహివరిజ్ లోఇ సొండ్రెజ్ సరి సివితాన్.

52 విజెరె దన్ని వందిజ్ గుండెజు డెయెవ అజి, అడఱబాజి మహార్. యేసు వరిజ్, “అడఱబామాట్, అది నిర్త కిజినాద్ గాని సాఎద్”, ఇజి వెప్తాన్.

53 అది సాతాద్ ఇజి వారు నెస్త మహార్. అందెజె యేసుజ్ సెకాల్ కిత్తార్.

54 అహిజు, యేసు దన్నికిదు అస్తాండ్రె, “ఇజ్జి బయి నిజ్ అ”, ఇజి వెప్తాన్.

55 దనిజ్ వాణెం మరెజి వాతిజ్ అది నిజ్ అత్తాద్. అయివలె వాండ్రు దనిజ్ బోజనం సీదు ఇజి ఆడ్ర సితాన్.

56 దని అయేసి అపొసిరి నండె బమ్మ అతార్. గాని వాండ్రు యాక ఎయెరిజ్ బా వెహ్యట్ ఇజి వరిజ్ ఆడ్ర సితాన్.

9

సిసూరిజ్ పణి ఒవజెప్పినాన్

1 యేసు వన్నెండు మణిసి సిసూరిజ్ కూక్కి కుడుఱాండ్రె విజు దెయెమ్కాజ్ పేరిదెజ్, కప్టమ్కాజ్ నెగెణ్ కిదెజ్ వరిజ్ నత్తుని అతికారం సిత్తాన్.

2 వాండ్రు, “దేవుణు ఏలుబడిఱి కిసాన్ ఇజి సువార్త బోదిస్సెజ్, కప్టమ్కాణిజ్ మహి వరిజ్ నెగెణ్ కిదెజ్”, ఇజి వరిజ్ పొక్తాన్.

3 మరి వాండ్రు వెప్తాన్, “మీరు పయాణం వందిజ్ కీదు డుడ్డు గాని, నన్ని గాని రొట్టె గాని, డబ్బు గాని రుండి సాక్యెజ్ గాని ఇనికబా ఒత్తెజ్ ఆవిద్.

4 మీరు ఎయె ఇండ్రె సొనిదెరో, అయా పట్టుం డిఱిన్సిదాక బానె మండ్రు.

5 మిజి ఎయెర్ డగ్గు కివిండ మహిజు అ వట్టుమదాన్ డిఱిసి సొనివలె మీ పాదమ్కాణి డుల్లిబానె దుల్తప్ప. దేవుణు మాట వారు నెక్క పొక్కిజ్ దేవుణు వరిజ్ కోపం అతాన్ ఇజి తోరిస్సెజ్ అపా డుల్లి దులుప్పు”, ఇజి వరిజ్ వెప్తాన్.

6 అందెజె వారు సొతారె, నాహ్యాజ్ విజు బూలాజి, సువార్త బోదిసి, ఎంబెబా కప్టమ్కాన్ మహి వరిజ్ నెగెణ్ కిజి మహార్.

7-8 గలీలయ ముటదిజ్ రాజు అతి హేరోదు యేసుని వన్నిసిసూరు కిత్తి పణిజ్ వందిజ్ వెహివెలె అసల అర్థం అపండ మహాన్. ఎందనిజ్ ఇహిజు, సెగెండార్ యోహాను సాతండ్రె మరెజి నిజ్ అత్తాన్ ఇజి, సెగెండార్ ఏలియ ప్రవక్త తోరె అతాన్ ఇజి మరి సెగెండార్ పూర్బా కాలమ్దు మహి ఒరెన్ ప్రవక్త నిజ్ అత్తాన్ ఇజి యేసు వందిజ్ వర్గిజి మహార్.

9 అయావలె హేరోదు, “నాను యోహాను బుర్త డెయెస్సు గదె. మరి ఎయి వందిజ్ యా నజతిజ్ నాను వెణెసి? వాండ్రు ఎయెన్?”, ఇజి వన్నిజ్ సుడెఱెజ్ అస అతాన్.

అయదు వేలు లోకాజ్ బజ తిర్పినాన్.

10 అప్పొమ్దు మరెజి వాతారె, వారు కితి పణిజ్ విజు యేసుజ్ వెప్తార్. వాండ్రు వరిజ్ వెట కూక్తాండ్రె, బత్తెయదు ఇని పట్టుమదు కేట సాహార్.

11 గాని ముంద లోకురె ఆక నెస్తారె, వన్ని వెన్యా వాజి మహార్. వాండ్రు వరిజ్ డగ్గు కిత్తాండ్రె దేవుణు ఏలుబడిఱి వందిజ్ వరిజ్ వెప్తార్. కప్టమ్దు మహి వరిజ్ నెగెణ్ కిత్తాన్.

12 పొద్దు డిఱిగిజి మహివలె, వన్నెండు మణిసి సిసూరి వాతారె, “మాటు ఎయెర్ మన్ ఇ బాడిఱెద్ మనాట్. అందెజె యా లోకురిజ్ మండ్రెజ్ బాడిఱి, ఉండెజ్ టిండి, డోహాక్కిని వజు పడఱాద్ మన్ని నాహ్యాజ్ వల్లెనిజు పొక్తిం”, ఇహార్.

13 యాక వెహండ్రె, యేసు, “మీరు వరిజ్ తిండ్రెజినికబా సీదు”, ఇజి వెప్తాన్. వెప్తాజ్ వారు, “మాబాన్ అయదు రొట్టెజ్, రుండి మెయెజ్ మన. నిసా ముంద లోకుదిజ్ బోజనం కొండెజ్ మాపు అట్టాపా?”, ఇజి వెప్తార్.

14 (వాతి మని లోకురె లోఇ మొగ్గొడెర్ నె డగ్గు అయదు వేలుజ్ మనార్) వాండ్రు, “యాబయి మణిసిరె యాబయి మణిసిరె వర్స బని కీదు”, ఇజి వన్ని సిసూరిజు వెప్తాన్.

15 వారు అపా కిజి విజెరిజ్ బని కిత్తార్.

16 సన్నివలె వాండ్రు అయదు రొట్టెజ్ ని రుండి మెయెజ్ అస్తాండ్రె, ఆగసం దరోట్ బేసి, వన్యాజ్ వందిజ్ దేవుణుదిజ్ వందనం వెప్తాన్. అయాకెజ్ ముకెజ్ కిత్తాండ్రె లోకురిజ్ సిబాజి సీదు ఇజి వన్ని సిసూరిజు సిత్తాన్.

17 వారు విజెరె పొట పంజు తిహార్. తిహి వెనక మిగిలితి ముకెజ్ వనెండు గంపెజ్ సిసూరు కెప్తార్.

18 ఉండ్రె నాండిజ్ యేసు ఒరెండ్రె పార్తనం కిజి మహాన్. వన్ని సిసూర్ వన్ని డగ్గు మహార్. అయావలె వాండ్రు, “నాను ఎయెన్ ఇజి లోకురె వర్గిజినార్?”, ఇజి వరిజ్ వెనెబాతాన్.

19 వారు, “బాప్టిసం సీని యోహాను ఇజి సెగెండార్ వెప్పొనార్. సెగెండార్ ఏలియ ప్రవక్త ఇజినార్. మరి సెగెండార్ పూర్బా కాలమ్దు సాతి ప్రవక్తెజ్ లోఇ ఒరెన్ మరెజి నిజ్ అత్తాన్ ఇజి వర్గిజినార్”, ఇజి వన్నిజ్ వెప్తార్.

20 “అహిజు, మీరు నాను ఎయెన్ ఇజి వెప్పొనిదెరో?”, ఇజి వరిజ్ వెనెబాతిజ్, పేతురు, “దేవుణు ఏర్పాటు కితి పొక్కి క్రిస్సు”, ఇజి వెప్తాన్.

21 యాక ఎయెవెట వెహ్యట్ ఇజి కనితం వరిజ్ ఆడ్ర సితాన్.

22 మరి, “లోకు మరిసి ఆతి నాను నండో కష్టమకు ఓరిస్తాడవలె. యూద వెదైల్లజ, పెరి పుజెరిబు, యూదురి రూలు నెస్సిస్సికార్ నజి వెల్లి కినార్. లోకుర్ నజి వచ్చార్లె. సాజి మూండ్రి దినమకాజ్ దేవుణు నజి నిక్ నాన్లె”, ఇజి వెప్తాన్.

23 మరి వాండ్రు వరిజ్ విజెరిజ్ ఈహు వెప్తాన్. “ఎయెన్ బా నా వెట వాదెజ్ ఇహాజ, వాండ్రు వన్ని సొంత ఇష్టమకు డేసి, వన్నిజ్ వాని కష్టమకు రోజి ఓరిసి సాదెజ్ బా తయార్ ఆజి నా వెట వాదెజ్.

24 ఎయెన్ బా వన్ని సొంత పాణంమిడెజ్ కాపాడెదెజ్ సుడేతిజ, వన్నిజ్ ఎల్లకాలం దేవుణు వెట బత్తిని బత్తు దోహాకెవెదె. గాని ఎయెన్ బా నా వందిజ్ వన్ని పాణం సీతిజ, వన్నిజ్ ఎల్లకాలం దేవుణు వెట బత్తిని బత్తు దోహాకెవెదె.

25 ఒరెన్ వాండ్రు, వాండ్రు కోరితి విజి, యా లోకమది సంసారం సుకు విజి దోహాకె ఆజి, వన్నిజ్ ఎలాకాలం దేవుణు వెట బత్తిని బత్తు దోహాకెవెండ మహిజ, ఇన్ని లాబం?

26 నా వందిజ్ నా మాట వందిజ్ సిగు ఆని ఎంబె వన్నిజ్ బా నాను నెస్సు ఇజి వెప్తాజ్ లోకు మరిసి ఆతి నానుబా సిగు ఆన. నాను దేవుణు జాయదు ఒడేబిదెజ్ అట్టెజ నని సోకుదాన్ వానా. అయావలె నా బుబ్బుదిని, దూతెజది జాయ ఒడేబిదెజ్ అట్టెజ సోకుబా నా వెట ముంజినా. అయావలె నా వందిజ్ నా మాట వందిజ్ సిగు ఆతి వన్ని వందిజ్ నానుబా సిగు ఆన.

27 నాను మిజి నిజం వెప్తాన్, “ఇబ్బె సిహి మన్ని వరి లోక సిగెండా, దేవుణు వన్ని లోకురిజ్ ఏలుబడే కిజినిక సూజెదాక సావెర్”.

యేసుజ్ మూర్తి మారిసినాద్.

28 యా మాటెజ్ వెప్తా డగ్రు ఉండ్రి వారం వెన్నా, వాండ్రు, పేతురు, యాకోబు, యోహాను ఇన్ని వరిజ్ వెట్ట కూక్తాండ్రె, పార్దనం కిడెజ్ ఉండ్రి గొరెత్ ఎక్తార్.

29 వాండ్రు పార్దనం కిజి మహివలె వన్ని మొకమది మూర్తి మారితాద్. వన్ని సాకిజ్ తెలాజ్ ఆతె, జిగి జిగి మెరిసి మమా.

30-31 అయావలె, దేవుణు ముంజిని వాడ్డిదాన్ రివర్ వన్ని వెట వర్గిజ మహార్. దేవుణు బాణిజ్ వాతి జాయ వరి సుటులం మహాద్. వారు మోసి, ఏలియ ఇనికార్. యేసు యెరూసలెమేదు సాజి, ఆహా దేవుణు ఎతు కితిక బేగి పూర్తి కిని వందిజ్ వర్గితార్.

32 పేతురు ని వన్ని వెట మహికార్ బాగ నిద్ర కితార్. తెలి ఆతి మహిజ్ వారు యేసుజ్ మని దేవుణు జాయదిజ్ వన్ని వెట సిహి మని రివెరిజ్ బా సుడేతార్.

33 ఆ రివర్ వన్ని బణిజ్ సొన్ని మహిజ్, పేతురు యేసుజ్, “బాబు, మాటు ఇబ్బె మనిక గొప్పు నెగెద్. అందెజె నిజే ఉండ్రి మోసిజ్ ఉండ్రి ఏలియెజ్ ఉండ్రి మండ్రెజ్ మూండ్రి గుడూసెజ్ తోహానావ్.*

34 వాండ్రు ఆహా వర్గిజ మహిజ్ మొసావె వాతాదె వరిజ్ పిడేగితాద్. వారు మొసావె లోక సాహివలె సిసూరు తియెల్ ఆతార్.

35 అయావలె, “పీండ్రు నాను ఏర్పాటు కితి నా మరిసు. విని మాటెజ్ వెండ్రు”, ఇజి ఉండ్రి జాటు మొసావెదాన్ వాతాద్.

36 అయా జాటు వాతి వెసుకు యేసుజ్ న తోరితాద్. సిసూరు సుడేతిక వన్యాజ్ ఉండ్రి దనిజ్ బా అయా దినమకాజ్ మహి ఎయెరిజ్ బా వెహాంబె అల్లెత మహార్.

దెయం అస్తి ఒరెన్ కొడోడిజ్ నెగెణ్ కిజినాన్

37 ముహ్సా నాండిజ్, వారు ఆ గొరెణ్ డిగెజి వాతివలె నండో లోకుర్ వన్నిజ్ ఎద్రు వాతార్.

38 అయావలె ఆ మంద లోకు లోక ఒరెన్, “ఓ బోదకినికి, నా మరిసిజ్ కనికారం తోరినె అ ఇజి నాను నిజే బతిమాల్లిన. వాండ్రు నజి ఒరెండ్రె మరిసి.

39 ఉండ్రి దెయం వన్నిజ్ అస్సాద్. వెటని వాండ్రు డెడిసిస్సాన్. వెయెదాన్ పంపుల్ వాజి అది వన్నిజ్ గజగజి వణికిసి అర్పాద్. వన్నిజ్ నండో బాద కిజి వందిసిన్ డిసిస్సాద్.

40 దనిజ్ సాన్ పిస్సెజ్ సి సిసూర్ల బతిమాల్త గాని వారు కిదెజ్ అట్టెవతార్”, ఇజి మొరి కిత్రాన్.

41 అందెజె యేసు, “యా తరమేదు మనికిదెరా, మీరు తప్పు సరిదు నడవె ఆజినికిదెర్. నమకుం సిలికిదెర్. ఎస్సాడె రోస్సు. మీవెట మంజిన? మీరు కినికెజ్ ఎసా ఓరిస్సెజ్?”, ఇజి వెప్తాండ్రె, “నీ మరిసిజ్ ఇబ్బె తగల”, ఇజి వన్నిజ్ వెప్తాన్.

42 ఆ కొడో: వాజిమహివలె వన్నిజ్ అసి మహి దెయం వన్నిజ్ అర్పాదె గజి గజి వణికిస్తాద్. అయావలె యేసు ఆ దెయమిదిజ్ సాన్ అ ఇజి డటిసి వెప్తాన్. కొడోడిజ్ నెగెణ్ కితాండ్రె అహిసిజ్ ఒపజెప్తాన్.

43 లోకుర్ యా జర్గితిక సుడేతార్, దేవుణు గొప్పు సత్తు మనికాన్ ఇజి నండో బమ్మ ఆతార్.

44 యేసు కితి పణి వందిజ్ లోకుర్ విజెరి బమ్మ ఆజి మహివలె, వాండ్రు ఈహు వన్ని సిసూరిజ్ వెప్తాన్. “నాను యేలు వెప్తాన్ మాటెజ్ బాగ వెంజి పోన్ ఎండ మండ్రు. లోకు మరిసి ఆతి నాను లోకు కీదు ఒపజెవె ఆనాలె”, ఇజి.

45 గాని వాండ్రు వెప్తా మాటెజ్ వరిజ్ అర్దం అవతాద్. దేవుణు ఆక డాప్తాన్. ఎందనిజ్ ఇహాజ వారు అర్దం కిఎండ మండ్రెజ్. ఆ మాట వందిజ్ వన్నిజ్ వెన్ బాదెజ్ వారు తియెల్ ఆతార్.

పెరికాన్ ఎయెన్ ఇజి గొడబ రేప్పినార్

46 సిసూరు లోక ఎయెన్ పెరికాండ్రె ఇజి ఉండ్రి ఇజ్రి గొడబ వాతాద్.

47 యేసు వరి మున్నుదు మన్ని అలోనన నెస్సాండ్రె ఒరెన్ ఇజ్రి కొడోడిజ్ అస్సాండ్రె వన్ని పడకాద్ నిల్పాన్.

48 నిల్పె వెన్నా, వాండ్రు వరిజ్, “ఎయెన్ బా యా ఇజ్రి కొడోడిజ్ నా మున్ను నమకుం ఇజ్రికాన్ ఇజి ఒడేబిజి డగ్రు కితిజ, నజి డగ్రు కితి పజి. నజి డగ్రు కితికాన్ నజి పోక్తి దేవుణు డగ్రు కితి పజి. మీ లోక ఎయెన్ తగిజి మంజి నాండ్రె వాండ్రె పెరికాన్”, ఇజి వెప్తాన్.

* 9:33 9:33 వాండ్రు వెప్తా ఇనికెడె వన్నిజె తెలిమి

49 అయావలె యోహాను, “బోదకినికి, నీ నత్తుదాన్ దెయమకాజ్ పోక్కి మహి ఒరెన్ వన్నిజ్ మాపు నుడతావ్. వాండ్రు మా వెట మనికాన్ అవిన్. అందెజి మాపు వన్నిజ్ అడ్డు కిత్తావ్”, ఇజి వెప్తాన్.

50 అందెజి యేసు, “వన్నిజ్ అడ్డు కిమాట్. ఎందనిజ్ ఇహిజ, మీ మున్సు పగ సెలికాన్ మీ దరిజ్ మనికాన్”, ఇజి వన్నిజ్ వెప్తాన్.

యెరూసలెమ్దు వయాణం కిజినాన్

51 యేసు పరలోకమీదు సొండ్రెజి దినమీకుడగ్రు అతివెలె వాండ్రు మన్సు పూర్తి నమకం కిజి యెరూసలెమ్దు సొండ్రెజి సోతాన్.

52 వాండ్రు వన్నిజ్ మండ్రెజి బాడ్డిజి తయారొ కిదెజ్ ఇజి సెగొండారిజ్ ముజాలొ పోక్తాన్. వారు దని వందిజ్ సమరియ ఇనన్ని దేసెమ్ది ఉండ్రె నాటొ వాతార.

53 గాని నాటొణికారొ వన్నిజ్ డగ్రు కివెతార. ఎందనిజ్ ఇహిజ వాండ్రు యెరూసలెమ్దు మన్ని దేవుణు గుడిదు సొని ఒరెన్ యూద వాండ్రు.

54 సినూరిజ్ లొఇ యాకోబు, యోహాను ఇనికారొ యాక నుడతారె, “ప్రబువా, యా లొకురిజ్ నానసం కిదెజ్ ఆగాసం దాన్ మాపు సీను తప్పిన్జి నిజి ఇస్టమనెనా?”, ఇజి వెన్బాతార.

55 యేసు పరి దరొజ్ మహ్తాండ్రె వరిజ్ గటిజ వెప్తాన్.

56 నస్తివలె వారు మరి ఉండ్రె నాటొ సాహార.

57 వారు సరిదాన్ సొన్ని మహివలె, ఒరెన్, “నీను ఎంబె సొహిజ్బా నాను నీ వెట వానా”, ఇజి వన్ని వెట వెప్తాన్.

58 అందెజి యేసు, “నక్కెజి మండ్రెజ్ బొరొజ్మన్సు. ఆగాసమ్ది పొటిజ మండ్రెజి గూడూకు మనె. గాని లొకు మరిసి అతి నజి బుర్ర అడ్డు కిదెజ్బాడి సెల్లెద్”, ఇజి మరెజి వెప్తాన్.

59 వాండ్రు మరి ఒరెన్ వన్నిజ్, “నా వెట రఅ”, ఇజి వెప్తాన్. అయావలె అయో వాండ్రు, “ప్రబువా, ముజాలొ నాను సొన్ని నా బుబ్బొజ్ ముసి వానా”, ఇజి వెప్తాన్.

60 అందెజి యేసు, “సాతికారొ పరి సాతివరిజ్మున్సుజ్. గాని నీను సొన్ని దేవుణు ఏలుబడిజి వందిజ్ బోదెన్అ”, ఇజి వెప్తాన్.

61 మరి ఒరెన్, “ప్రబువా, నీ వెట నాను వానా. గాని నాను ముజాలొ మరెజి సొన్ని నా ఇండ్రెజి వరిజ్ వెప్పి వాన్”, ఇజి వెప్తాన్.

62 అందెజి యేసు, “మేడిజి మున్సు కియు ఇడ్డి వెన్యా మరెజి బేస్సికాన్ ఎయెన్బా దేవుణు ఏలుబడిజి కినివరి లొఇ ఎందనిజ్ పణిదిజ్ రజాకాన్”, ఇజి వెప్తాన్.

10

డబయ్ మణిసి సినూరిజ్ సువార్త వందిజ్ పోక్కినాన్.

1 యాక జగ్గొతి వెనుక, ప్రబు మరి డబయ్ మణిసి సినూరిజ్ ఏర్పాటు కిత్తాన్. వాండ్రు సొని విజు పట్టుమ్కాజ్ విజు బాడిదు వన్ని ముజలె రివెరిజ్ రివెరిజ్ పోక్తాన్.

2 పోక్కి, వాండ్రు వరిజ్ ఈహు వెప్తాన్, “కొయెదెజ్ మన్నిపంట లెకెండె లొకురొ నండెండారొ మన్సు. గాని తక్కున కొయెనికారొ తక్కునె అందెజి వన్ని పంట కొయెనివందిజ్ పణికిని వరిజ్ పోక్తె, ఇజి కొత్త విజుమానిజ్ బతిమాలొదు ఇజి వెప్తాన్.

3 మీరు సొండ్రు! ఇదిలొ, కారొనుకుడిజి నడిమి గొరె పిల్లకాజ్ పోక్కిలెకెండె నాను మిజి పోక్కిన.

4 మీరు నన్ని గాని, డబబ్బుజి ఇడ్డి నన్ని గాని, నన్నిదు మరి ఉండ్రె జత జోడికు గాని ఒతెజ్ ఆవెద్. మీరు సర్దు ఎయెరిజ్ నెగెణ్ మనిదా ఇజి నిల్చి వర్గెజి, నమయం పాడు కిమ.

5 మీరు ఎయె ఇండ్రె బా సొనివలె, “యూ ఇండ్రె మంజిని వరిజ్ నమాదనం కల్లిపిద్ ఇజి ముజాలొ వెప్తాన్.

6 నమాదనం కొరిజినికాన్ ఒరెన్ బాన్ మహిజ, మీ నమదనం వన్ని మున్సు మంజినాద్. సెలిజ, మరెజి మీ బానె వానాద్.

7 వారు ఇనిక సెటిజ్బా ఉణిజి తింజి బానె మండ్రు. ఎందనిజ్ ఇహిజ, పణి కిని వన్నిజ్ వన్నిజ్ కావాలస్తెకెడెదొకెత్తగ్గిక్తాన్. ఇల్పు ఇల్పు బూలమాట్.

8 మరి మీరు ఎమేణి పట్టుమ్దు సొనివలె వారు మిజి డగ్రు కిజి ఇనిక సెటిజి ఆకడె ఉండ్రు.

9 బాన్ మని కన్యమ్ది వరిజ్ నెగెణ్ కిదు. దేవుణు ఏలుబడిజి కిని కాలం మీ డగ్రు వాత మనాద్ ఇజి వరిజ్ వెప్తాన్.

10-11 గాని మీరు ఎమేణి పట్టుమ్దుబా సొనివలె వారు మిజి డగ్రు కివిండ మహిజ, అయా పట్టుమ్ది వీదిజి సొన్ని, “మా పాదమ్కాజ్ కన్య మన్ని మీ పట్టుమ్ది డుల్లిబా ఇబ్బొ దులెప్పె సొనెనావ్. ఎందనిజ్ ఇహిజ, దేవుణు మీ మున్సు కొపం ఆత మనాన్ ఇజి తొరెన్జె. గాని ఒడ్డిబిదు ఏలుబడిజి కిని కాలం డగ్రు ఆత మనాద్ ఇజి తవ్విండ నెన్సు”, ఇజి వెప్తాన్.

12 నాను మిజి వెప్పిన్, దేవుణు తీర్పు కిని దినమ్దు యా పట్టుమ్ది వరిజ్ సిక్కు మరి నండ్రె మంజినాద్. సొదొమ పట్టుమ్దు మహి లొకురిజ్ నసా మన్వెద్.

13 ఓ కొరాజి పట్టుమ్దు మనికిదెరా, అబాయా మిజి ఎసా పెరి కన్యమ్కు వానెలె. ఓ బెత్సెయుద్ పట్టుమ్దు మనికిదెరా, అబయా మిజి ఎసా గొప్ప పెరి కన్యమ్కు వానెలె. ఎందనిజ్ ఇహిజ, మీ నడిమి కితి బమ్మాతి గొప్ప పణిజ్ తూరు సీదొను ఇని పట్టుమ్కాజ్ కినిక ఇహిజ, వారు పూర్బమ్మదునె బన్స గరండెజ్ తొవొ ఆజి, నీరు వాకె అజి, పాపమ్కు డిస్ట్రాన్ ఇజి తొరెస్తారొ మరి.

14 దేవుణు తీర్పు కినివలె మీ పట్టుమ్కాజ్ సిక్కు, తూరు సీదొను పట్టుమ్కాజ్ నండ్రె మంజినాద్లె.

15 కపర్నూము పట్టుమ్దు మనికిదెరా, ఆగాసం దాక గొప్ప పెరికావ్ ఇజి ఒడ్డిబిజనిదెరా? సెల్లె, దేవుణు మిజి వాండ్రు మంజిని బాడిదాన్ అర్పిన్వాలె. ఇహిజ, దేవుణు మిజి నానసం కినాన్లె.

16 మరి యేసు వచ్చి సినూరిజ్, “మీ మాట వెనికాన్ నా మాట వెనాన్. మీ మాటదిజ్ నెక్క పొక్కికాన్, నా మాటదిజ్ నెక్క పొక్కికాన్. నా మాటదిజ్ నెక్క పొక్కికాన్, నజీ పొక్కి వచ్చిజ్ నెక్క పొక్కికాన్”, ఇజ వెప్తాన్.

17 డబయ్ మణిసి సిసూరు సరదాన్ మరజి వాతార్, “ప్రబువా, దెయ్ ముకబా, నీ అతికారం దాన్ సొండ్రు ఇజి మాపు ఆడ్ర సీజనివలె మజి లోబడిజెనె”, ఇజి వెప్తాన్.

18 నన్నవలె యేసు, “ఓబ, నయ్తాను మిరిస్సి లెకెండ్ వచ్చి అతికారం సిల్లెండ్ ఆగానమదాన్ అర్దిక నాను సుడోజ్

19 సారస్కాజ్ సార్కమపిజ మట్టిజ్ మిజి అతికారం సిత మన్ను. నయ్తాను సత్తుదిజ్ గెలిస్కెజ్ మిజి అతికారం సిత మన్ను. నయ్తాను మిజి ఇనికబా కిదెజ్ అటవన్.

20 దెయ్ ముక మిజి లోబడిజెనె ఇజి సరద లాపు ఆమ. గాని దేవుణు మీ పేరు వాండ్రు మంజిని బాడిడు రాస్త మనాన్ ఇజి నండ్ సరద ఆదు”, ఇజి వెప్తాన్

21 అయావలె యేసు, దేవుణు ఆత్మదాన్ నండ్ సరద ఆజి, “ఓ బా, నీనె ఆగానమదిజ్ బూమిదిజ్ ప్రబు. నాను నిజి పొగిడిజెనె. ఎండనిజ్ ఇహొజ, గెణం మని వరిజ, సదు మని వరిజ, యా నిజమాతి సజతి డాప్తిదె, ఇజ్ కొడో లెకెండ్ మని వరిజ్ తోరిస్సి. ఓబ బా, అయ్ లెకెండ్ కిదెజి నిజి ఇస్సం ఆతాద్.

22 నా బుబ్బు నజి విజు సజతిజ్ నా కిదు ఒప్పెజ్ మనాన్. మరిసి ఎయెండ్రో ఇజి అప్పొసి నెస్సాన్. మరి ఎయెన్ బా నెన్ ఎన్. అప్పొసి ఎయెండ్రో ఇజి మరిసి ని అప్పొసిజ్ తెలివి కిదెజ్ మరిసి ఎర్దికారన్ నెస్సార్. మరి ఎయెన్ బా నెన్ ఎన్”, ఇజి వెప్తాన్.

23-24 వాండ్రు సిసూర్ దలోట్ ముహ్తాడ్రె, “దేవుణు వందిజ్ వాండ్రు కిని ఏలుబడిజ్ వందిజ్ మీరు సుడోజి గొప్ప సజతిజ్ సుడోదెజ్ అట్టి మీరు అంతు సిల్లి సరద మంజినికార్. ఎండనిజ్ ఇహొజ, నండ్ ప్రవక్తురు, రాజురబు మీరు సుడోజినికెజ్, సుడోదెజ్ ఇజి ఆస ఆతార్ గాని సుడోదెజ్ అటవతార్. మీరు వెహికెజ్ వెండ్రిజ్ ఇజి ఆస ఆతార్ గాని అటవతార్”, ఇజి వచ్చి సిసూరిజ్ నె వెప్తాన్.

పడకాదికాన్ ఎయెన్ ఇనివందిజ్ యేసు వెప్పొనాన్

25 ఉండ్రి నాండిజ్, యూదురు రూలు నెన్ పిస్సాన్ ఒరెన్ నిజెజి, “ఓ బోదకినికి, ఎలాకాలం దేవుణు వెట బత్తిని బత్తు. దొవ్కా నాను ఇనిక కిదెజ్?”, ఇజి యేసుజ్ వరీక్కు కిజి వెన్ బాతాన్.

26 అందెజి వాండ్రు, యూదురి రూలుదు ఇనిక రాస్త మనాద్. బాన్ ఇనిక సదవిజిని?”, ఇజి వెప్తాన్.

27 వాండ్రు, “నీ ప్రబుఆతి దేవుణుదిజ్ నీ పూర్తి మున్నుదాన్, నీ పూర్తి పాణమదాన్, నీ పూర్తి సత్తుదాన్, నీ పూర్తి బుద్ధిదాన్ ప్రేమిస్కెజ్”. మరి, “నిజి నీను ప్రేమిసిని లెకెండ్ మహివరిజ్ ప్రేమిన్ అ ఇజి రాస్త మనాద్”, ఇజి వెప్తాన్.

28 అందెజి యేసు, “నీను నెగెజ్ వెప్తా. ఆహొ కిల. అయావలె నీను ఎలాకాలం దేవుణు వెట బత్తినిలె”, ఇజి వచ్చి వెట వెప్తాన్.

29 అయావలె అయా యూదురి రూలు నెన్ పిస్సాన్ నీతి నిజాయితి మనికాన్ నాను ఇజి తోరె ఆదెజి ఈహు వెన్ బాతాన్, “నా పడకాదికాన్ ఎయెన్?”, ఇజి.

30 అందెజి యేసు ఈహు మప్పొ వెప్తాన్. “ఒరెన్ యెరూసలెమ్ దాన్ డిగ్జె యెరికొ పట్టుమదు సొనివెలె సెగెండార్ డోజారి వచ్చిజ్ అస్సార్. అస్సార్, వాండ్రు తోడిగెతి మహికెజ్ లాగితార్. వచ్చిజ్ ఇజ్ పాణం ఇట్టార్ డెయెతార్ డిస్స సాహార్.

31 యావలె ఒరెన్ యూదురి పుజెరి ఆ సరిదాన్ సొండ్రిజ్ పణి తాక్తాద్. వాండ్రు వచ్చిజ్ సుడోజాండ్రె పడకదాన్ సాహాన్.

32 అయా లెకెండ్ నె, లేవి* ఒరెన్ ఆ సరిదాన్ సాహాన్. గాని వాండ్రుబా సుడోజాండ్రె పడకదాన్ ఎర్లిజి సాహాన్.

33-34 అయా సరిదాన్ ఒరెన్ సమరియ వాండ్రు పయాణం కిజి మహాన్. వాండ్రు అర్ది మని వచ్చిజ్ సుడోజాండ్రె వచ్చి పాణం నొతాద్. వచ్చి డ్రప్పు సాహాండ్రె ఒలివ ఇని నూనె, డ్రాక్కుకల్లు వాక్తాండ్రె వచ్చి గాయ్ మకాజ్ తోహొక్తాన్. వాండ్రు వచ్చి సొంత గాడెది మున్ను. ఎక్సిండ్రిజ్ ఉండ్రి లారజి ఇండ్రి సాహాన్. వచ్చిజ్ నెగెజ్ సుడోజాన్.

35 ముహ్మనాండిజ్ వాండ్రు రుండి వెండి రుపాయుజ్ లాగితండ్రె లారజి నవ్కారిజ్ సితాన్. సితండ్రె, “వినెజ్ నెగ్రెండ్ సుడోజి. వినెవందిజ్ మరి కర్చు అతి మహిజ నాను మరజి వానివలె అయా డబ్బు నిజి సీన”, ఇజి వచ్చి వెట వెప్తాండ్రె సాహాన్.

36 యా కత వెప్తా పిస్తి వెసక, యేసు వచ్చిజ్, “డోజారి అస్తి వచ్చిజ్ యా మువర్ లొజి ఎయెన్ పడకాదికాన్ ఆనాన్, ఇజి నీను వెహొల”, ఇజి వెన్ బాతాన్.

37 యూదురి రూలు నెన్ పిస్సాన్, “వచ్చి మున్ను. పాణం నొత్తికాండ్రె, వచ్చి పడకాదికాన్”, ఇహాన్. అందెజి యేసు, “నీను సొన్ని యా లెకెండ్ నె కిల”, ఇజి వెప్తాన్.

మార్త మరియ

38 యేసు ని వచ్చి సిసూరు వయనం కిజి సొన్ని మహార్. ఉండ్రి నాటో సాహార్. అబ్బె మార్త ఇచ్చి ఉండ్రి బోదెలి దచ్చి ఇండ్రి వచ్చిజ్ డ్రప్పు కిత్తాద్.

39 దనిజ్ మరియ ఇచ్చి ఉండ్రి తజిసి మనాద్. అది ప్రబు పాడమక డ్రప్పు బస్తాదె వచ్చి బోద వెంజి మహాద్.

40 మార్త విజు పణి వందిజ్ నండ్ బాద్ ఆజి వచ్చి డ్రప్పు వాతాద్. వాతాద్, “ప్రబువా, నాను ఒరెన్ పణి కిదెజ్ నా తజి డిస్స మనాద్. నిజి బాద్ సిల్లెదా? నజి తోడుజ్ కిల ఇజి దనిజ్ వెహొల”, ఇజి వెప్తాద్.

41-42 అందెజి యేసు, “మార్త, నీను నండ్ పణిజ వందిజ్ వినారిసి బాద్ ఆజిని. గాని ముకెలమతిక ఉండ్రి. మరియ అయా నెగ్గి దనిజ్ కోరతాద్. దచ్చిబాణిజ్ ఎయెన్ బా అయాక లాగ్జి ఒతెజ్ అటవన్”, ఇజి వెప్తాన్.

11

యేసు పార్వనం నెన్ పిస్సాన్

* 10:32 10:32 దేవుణుగడిదు లోజు సేవ కిని లేవి జాతిదు ముచ్చికాండ్రె లేవి ఇనికాన్.

1 ఉండ్రీ నాండిజ్ యేసు ఉండ్రీ బాడిడు పార్లనం కిజి మహాన్. వాండ్రు పార్లనం వీన్తి వెన్కా, వన్ని సినూర్ లొఇ ఒరెన్, “ప్రబువా, యోహాను వన్ని సినూరిజ్ పార్లనం నెన్పిస్తాన్. అయాలెకెండ్ మజిబా పార్లనం నెన్పిన్అ”, ఇజి వన్నిజ్ వెప్తాన్.

2 అందెజి యేసు వరిజ్, మీరు పార్లనం కినివెలె ఈహు వెప్తు. “మున్సు, మన్ని మా బుబ్బు, లోకుర్ విజెరి నీ పేరు గొప్ప నెగ్గిక ఇజి గవర్నం సిపిర్. నీను లోకుర్ విజెరిజ్ ఏలుబడి కిపిన్.

3 రోజు రోజు కావాలిన్తి టిండి మజి సిదా.

4 మజి పాపమకు కితి వరిజ్ మాపు సెమిన్తి వజి నీను మా పాపం సెమిన్అ. తప్ప కిబిన్సిఇ అనెజ్ మాలొఇ రెవెండ మజి ఇడిజిఅ”, ఇజి వెప్తాన్.

5-6 మరి యేసు వరివెట ఈహు వెప్తాన్. “మీ లొఇ ఒరెన్ వన్నిజ్ ఒరెన్ కూలాయెన్ మనాన్. నీను మదరెయితు వన్నిబాన్ సొన్సి, ‘ఓ కూలవాండ్రు, నజి మూండ్రీ రొట్టెజ్ బదలు సిదా. ఎండనిజ్ ఇహిజు, మరి ఒరెన్ కూలాయెన్ వయాణం కిజిని సరిదాన్ నా బాన్ వాత మనాన్. వన్నిజ్ సీదెజ్ నాబాన్ ఇనికబా నెల్లెద్”, ఇజి వెప్తాని.

7 అయావలె వాండ్రు లొఇహాన్, “నజి బాద్ కిమ. సెవాల కెప్తా మనాద్. నా ఇజ్జి కొడోర్ నా వెట నిర్త కిజినార్. నిజ్జి సీదెజ్ నాను అట్వ”, ఇజి వెహనండ్రా?

8 నాను మిజి వెహిన్, వన్నిజ్ నిజ్జి సీదెజ్ ఇన్తం సెలిజ్బా వాండ్రు నిజ్జి సీనాన్. ఎండనిజ్ ఇహిజు, వాండ్రు కూలాయెన్ ఇజి ఒడిబిజి అపా కిపిన్. గాని సిగు డిన్తాండ్రె ఏక ఏక లొసినాన్ ఇజి ఒడిబిజి నిజి కావలన్తిక విజు సీనాన్.

9 అందెజి నాను మిజి వెహిన్, మీరు ఇనిక లొన్సిదెరో, అక్క దేవుణు మిజి సీనాన్. ఇనిక మీరు రెబాజినిదెరో అక దేవుణు మిజి సీనాన్. కొత్తు, మీ వందెజ్ దేవుణు సేప్ప రెనాన్లె.

10 ఎందానిజ్ ఇహిజు, లొన్సి విజెరిజ్ డోహాక్చె. రెబాని వన్నిజ్ తోరె ఆజినాద్, కొత్తిని వన్నివందెజ్ సేప్ప రె ఆనాద్.

11 మీ లొఇ అప్పొసి అతికాన్ ఎయెన్బా, వన్ని మరిసి మెయి లొన్సిజు, సరాన్ సీనండ్రా?

12 కొరు గుడ్డు లొన్సిజు, సొరకుప్ప సీనండ్రా?

13 అహిజు, మీరు సెఇకిదెర్ ఆతిజ్బా. మీ కొడోరిజ్ నెగ్గి ఇనాయమకు సీదెజ్ నెన్సిదెర్. అహిజు, మున్సు, మన్ని మీ బుబ్బు వన్నిజ్ లొన్సి వరిజ్ ఎసొనో దేవుణు అత్తు సీనాన్”.

యేసు బయిల్జెబెలు

14 యేసు ఒరెన్ వన్ని బాణిజ్ గుల్ల దెయమదిజ్ పేరెజి మహాన్. ఆ దెయం డిన్సి సొహి వెన్కా, గుల్ల అతి మహికాన్ వర్గితాన్. ఆక సుడెజి లోకుర్ విజెరి బమ్మ అతార.

15 గాని వరి లొఇ సెగెండార్, “దెయమకాజ్ నెయికి అతి బయిల్జెబెలు సత్తుదాన్ వీండ్రు దెయమకాజ్ పేరెజినాన్ ఇజి వర్గితార్.

16 మరి సెగెండార్ వన్నిజ్ పరిన కిదెజ్ సుడెజి. దేవుణునె వినిజ్పోక్త మనాన్ ఇజి రుజువ్ కిదెజ్ ఉండ్రీ గుర్తు లెకెండ్ ఉండ్రీ బమ్మ అని పణికిజి తోరిన్అ ఇజి వెప్తార్.

17 వాండ్రు వరి అలోసన సెన్తాండ్రె వరి వెట ఈహు వెప్తాన్, “ఎమేజి దేనెమదికార్బా వరిజ్ వారి జటిజ్ ఆజి కేట ఆతిజు పాడానాద్. ఆహా, ఉండ్రీ కుటుమదికార్బా వరిజ్ వారి జటిజ్ ఆజి కేటఆతిజు, ఆ కుటుం నిల్వెద్.

18 అయాలెకెండ్ సయ్యూను దెయమకుబా వరిజ్ వారి జటిజ్ఆజి కేట ఆతిజు, సయతాను వరి మున్సు, కిని ఏలుబడి ఎలాగ నిల్నాద్? సయ్యూను సత్తుదాన్ నాను దెయమకాజ్ పేరెజిన ఇజి మీరు వెహినిదెర్ గదె.

19 అహిజు, మీ సొంత లోకుర్ ఇన్సి దని దనటాన్ దెయమకాజ్ పేరెజినార్. అందెజి మీ సొంత లోకుర్ నె మీరు తప్పిదెర్ ఇజి రుజువ్కిజినార్.

20 నాను దేవుణు సత్తుదాన్ దెయమకాజ్ పేర్త మన్సిఇహిజు దేవుణు ఏలుబడి కినిక మీడర్లు వాతమనాన్ ఇజి రుజువ్ ఆజినాద్.

21 విజు అయిదమకు తొడిగిజి ఒరెన్ సత్తుమనికాన్ వన్నిఇల్లు అన్సి విజు కావ్ కితిజు, ఇనికబా సొరిసొన్ఎద్.

22 గాని వినిజ్ మిన్సి నండ్రె సత్తు మనికాన్ ఒరెన్ వినిజ్ అస్తాండ్రె విని మున్సు, గెలిన్సిజు, వీండ్రు నమ్మితి అయిదమకు విజు వాండ్రు లాగ్గి, విని అన్సి సీబాన్ సీనాన్.

23 నా దరిజ్ మన్సిఇకాన్ నజి పగాతికాన్. నా వెట మంద కిఇకాన్, సెత్రిన్సాన్.

24 ఉండ్రీ దెయం ఒరెన్ వన్నిజ్ డిన్సి సొహి వెనుక, దనిజ్ మండ్రెజ్ బాడ్డి రెబాజి బయలుదు బూలాజినాద్. గాని ఎంబెబా దనిజ్ బాడ్డి డోహాకెఇతిజ్, “నాను డిన్సి వాతి నా ఇండ్రె మరెజి సొనాలె”, ఇజి వెప్తాన్.

25 మరెజి వాతిజ్ అది డిన్సివాతికాన్ సెగెండ్ సెపాజి సుబ్బరం కిజి ఇల్లు లెకెండ్, సెగెజ్ మనాన్ ఇజి సెన్తాద్.

26 నన్సివలె అది మర్రి సొన్సి దనిజ్ ఇంక సెఇకెజ్ అతి మరి ఏడు దెయమకాజ్ కూక్కు తనాద్, అవిక్ వన్ని లొఇ సొన్సి అబ్బు కిని. అయవలె వన్ని గతి ముందాహి దన్సిజ్ మున్సు, కన్త మనాద్.

27 యేసు యా మాటిజ్ వెహి మహివలె, ఆ మంద లొఇ మన్సి ఉండ్రీ బేదెలి, “నిజి కాన్సి పోసకితి నీ యాయ అంతు సిల్లి నరద మంజినికాద్”, ఇజి డటం వెప్తాద్.

28 అయవలె వాండ్రు, “నిజమెన్, గాని దేవుణు మాట వెంజి అయాపజు నడిని విజెరిబా అంతు సిల్లి నరద మంజినికార్”, ఇజి వెప్తాన్.

29 లోకుర్ మరి నండ్రె కూడితి మహివలె, వాండ్రు ఈహు వెప్తాన్. “యా తరమదికార్ నండ్రె సెఇకార్. వారు ఉండ్రీ గుర్తు లెకెండ్ ఉండ్రీ బమ్మ అని పణి కితి ఇజి వెన్బాజినార్. గాని దేవుణు ప్రవక్త అతి ఓనెజ్ జగ్గిదిక అండ, మరి ఇన్సి గుర్తుబా వరిజ్ తోరెవెద్.

30 నినవె పట్టుమీదివరికే ఓన ఎలాగ ఉండ్రీ గుర్తు మహండ్రో అయాలెకెండే లోకు మరిసిఆతి నాను యా తరమీదివరికే ఉండ్రీ గుర్తు మనాన్.

31 ఆక్కురి దినమీది తీర్పుడు, దసిణే దేనమీది రాణి యా తరమీది లోకుర వెట నిజ్నాదె వరి ముస్సు, నేరం మొప్పాద్. ఎండనికే ఇహాజ, సోలోమోను వెప్పొని గెంజం మన్ని మాటికే వెండ్రేకే బూమి కొసాదు మన్ని దని దేనమీదాన్ అది వాతాద్. ఏలు సోలోమొనుకే మిస్తి పెరికాన్ ఇబ్బె మనాన్.

32 కడెవేరి దినమీది తీర్పు, నినవె పట్టుమీది లోకుర యా తరమీది లోకుర వెట నిల్నారె, వరి ముస్సు, నేరం మొప్పాద్. ఎండనికే ఇహాజ, ఓన వెప్తి బోద వెహారె, వారు పాపముకు డిసి ఒప్పుకోటారె. ఏలు ఓనెకే మిస్తి పెరికాన్ ఇబ్బె మనాన్.

ఒడోలీది దీవవందికే వెప్పొనాన్

33 ఎయెరబా దీవ కసిని వెనుక డాప్పొనో, తూము ముసిని ఇడెవెర. గాని లోఇ వానివరికే జాయి తోరదెకే ఇజి దీవ కంతూరుదనె ముస్సునె ఇడ్పారె.

34 నీ ఒడోలీది దీవ తెకెండె నీ కణుకు. నీ కణుకు నెగ్రెండ మనివలె, నిజి విజు నుడోడెకే అనాద్. అయాలెకే నెఇకెకే ఆతిజ, నిజి నుడోడెకే అటోఇ.

35 అందెజె సీకటు మనెంండ, నాను నెస్సిస్తి నిజవూతి నజతికే ఆతి జాయి మీ ముస్సుడు మండ్రేకే నుడోడు.

36 అందెజె మన్ను పూర్తి అయాలెకే జాయి దాన్ నిడ్రెంతి మహిజ, అయాలెకే నాను నెనెప్పిస్తి వజ, నెగ్రెండ మీరు బత్తిజినిదెర ఇజి తోర్పాద్. ఉండ్రీ పెరి జాయి నీ ముస్సు. డియెతిజ ఎలాగ మంజినాదో, అయాలెకెండే అయాలెకే జాయి నాను నెనెప్పిస్తి వజ మీరు బత్తిజినిదెర ఇజి తోర్పాద్.

37 యేసు వర్గిజి వీస్తి వెనుక ఒరెన పరిసయు వాండ్రు, వన్ని వెట ఉండ్రేకే రల, ఇజి కూక్తాన్. అందెజె వాండ్రు లోఇ సోహండ్రే ఉండ్రేకే బస్తాన్.

38 ఊణి ముజాల వాండ్రు యూదురికే మన్ని అలవాటు వజ కియు నోరబావితాన్ ఇజి నెస్తాండ్రె, ఆ పరిసయు వాండ్రు బమ్మలతాన్.

39 అందెజె ప్రబు ఈహు వెప్తాన్, “పరిసయురుజాండె, లోకుర ముస్సుహాన్ మిడిసిన్ ఇట్టి గిన్నెజ్నీ సాడువెకే లెకెండే మన్నికెదెర? మీరు మిజిబా వెల్లిహాన్ నుడిజు నెగ్గవరి లెకెండే తోర అజినిదెర. గాని మీ మన్ను నెజ బుద్దిజాణికే, కకురతిదాన్ కూడితి అసదాన్ నిండ్రెతి మన్ను.

40 బుద్ది సీలికిదెరా, ఒడోలీ తయారె కిత్తి దేవుణునె మీ మన్నుడు మన్ని అలోసనముకు నెసినికాన్

41 మీరు కనికారం అజి, మిజి కల్లితి మన్ని లోఇహాన్ సీల్లి వరికే దానె సీదు. అయాలెకే దేవుణు ఎర్తు నెగ్గికిదెర అనిదెర.

42 పరిసయురుజాండె, అబాయా, మిజి ఎసానో కస్టముకు వాలెలె. ఎందానికే ఇహిజ, పుదిన, నదాప, విజు కునెకే, విజు దనికేబా దసం బాగం సీజినిదెర. గాని మీరు లోకురికే నాయం కిజెదెర. దేవుణుదికే ప్రీమిన్ ఇదెర. రుండిబా ఉండ్రెలెకెండే కిజి మంజినికే ఇహిజ ఒద్దె నెగ్గెండే మహాద్ మరి.

43 పరిసయురుజాండె, అబాయా మిజి ఎసానో కస్టముకు వాలెలె. ఎందానికే ఇహిజ, యూదురి మీటికే ఇల్కాకే ముకెలవూతి బాడిడు బున్జి మీరు అస అనిదెర. సతెజ నడిమి పెరికారె ఇజి మాడెని ఆదెకే కోరిజినిదెర.

44 పరిసయురుజాండె, అబాయా, మిజి ఎసానో కస్టముకు వాలెలె. ఎందానికే ఇహిజ, మీరు తోరకే దూకిలెకెండే మంజినిదెర. లోకుర యూకి ఇజి నెనెంండ వన్నా. ముస్సు, నడిజినిదెర.

45 అయాలెకే యూదురి రూలు నెనెప్పిస్సాన్ ఒరెన, “బోదకినికి, సీను యా లెకెండే వెప్పొ మజిబా దుసలాడిజిని”, ఇజి వెప్తాన్.

46 అందెజె యేసు, యూదురు రూలు నెస్సిస్తికిదెరా, అబాయా మిజి ఎసానో కస్టముకు వాలెలె. ఎందానికే ఇహిజ, లోకుర కిదెకే నసా కస్టం మన్ని యూదురి రూలుకే, అలవాటుకే వారు కిదెకే ఇజి వెప్పొనిదెర. గాని మీరు వరికే ఉండ్రీ డిడెస్సు దాన్ బా తోడెకే కిజెదెర.

47 యూదురి రూలు నెస్సిస్తికిదెరా, అబాయా మిజి ఎసానో కస్టముకు వాలెలె. ఎందానికే ఇహిజ, మీ అనిరికే సప్తి ప్రవక్తరి, దూకికే ముస్సు, మీరు గుండముకు వెరెజినిదెర.

48 అయాలెకే వారు కిత్తివణివెట మీరు కూడితి మనిదెర ఇజి రుజువ్ కిజినిదెర. సాక్సీలెకెండే మనిదెర వారు ప్రవక్తరికే సప్తారె. మీరు వరి గుండముకు వెరెజినిదెర.

49 అందెజె, దేవుణు వన్ని గెణెమదాన్, ‘నాను వరి నడిమి ప్రవక్తెజ, అపొస్తుడుజ పొక్కు. వరి లోఇ నెగెండారికే వారు సప్పారెలె. మరి నెగెండారికే మాలెకే కివారెలె.

50-51 యా లోకం పుట్టి బాణికే మొదెల్లి లోకుర సప్తి విజు ప్రవక్తరి సల్ల వందికే యా తరమీది లోకురికే సక్కు వానాద్. ఇహిజ, ఏవీలు నల దాన్ మొదెల్లి ఇకరియ నల దాక. ఇక్రయోకే నంద సుర్ని మాలి పీటని దేవుణు వందికే కేటాతి గది, దినికే నడిమినె సప్తారె. వరికే విజెరికే సప్తికేకే విజు యా తరమీదివరి వణినె ఇజి నాను నిజం మీవెట వెప్పొన.

52 యూదురి రూలు నెస్సిస్తికిదెరా, అబాయా, మిజి ఎసానో కస్టముకు వాలెలె. ఎందానికే ఇహిజ, దేవుణు వందికే మన్ని గెణెమదు నడిమిని సేవాలది తాలం మీరు అసినిదెర. మీరు దేవుణుదికే టెటాకే నెనెదెర. దేవుణుదికే సెన్తెకే అస మన్ని వరికే మీరు అడ్డు కిజినిదెర.

53-54 వాండ్రు అబెదాన్ సాహి వెనుక, పరిసయురు యూదురి రూలు నెస్సిస్తికారె నండో కోపముదాన్ వన్నిముస్సు, నేరం మొప్పారె. వన్ని వెయదాన్ వాని మాటిజ లోఇ తప్పకే అస్తెకే ఇజి నండో నజతిజ వందికే ప్రస్సెకే వెనబాజ మహారె.

12

1 నన్నవలె వెయ్యుకవెయ్యుక లోకంలో కూడోజు బాతార. ఒరెనదిజ్ ఒరెన్ మట్టె ఆజ మహార. అయావలె యేసు ముజాలె వన్నె సిసూర్ వెట కహు వర్గదిజ్ మొదల్స్తాన్. “మాపు నెగ్గకావ ఇజ పరిసయరు తోర అని వేసం, పులాని దూరు లెకెండ్ మనాద్. అందెజె జాగర్ల మండ్రు.

2 డాక్టెక మన్నెకెజ్ విజు తోరఅనెలె. నెన్విండ్ మున్ను మన్నెకెజ్ విజు నెనె అనెలె.

3 అందెజె మీరు సికటుదు వర్గతికెజ్ జాయిదు వెనార. ఇహిజు, డాజ్జె వర్గతికెజ్ విజెర వెనారలె. మీరు గదిజు, గిట్టెదు వర్గతికె మెడెజు మున్ను, సాట్టారలె.

4 నా కాలెజాతి మీ వెట వెప్సాన, ఒడోల్దిజ్ నప్తి వెనుక మరి ఇనికబా కిదెజ్ అటోజ వరిజ్ తియెల్ ఆమాట్.

5 గాని మీరు ఎయెరిజ్ తియెల్ అదెజ ఇజ నాను నెన్పిన్సు. ఒడోల్దిజ్ నప్తి వెనుక, ఎలాకాలం మంజిని బాడిఃదు పొక్తెజ్ అతికారం మన్ను వన్నెజ్ తియెల్ ఆదు. నిజమె నాను వెప్సాన, వన్నెజ్ తియెల్ ఆదు.

6 అయేదు పంట పొటిజు రుండి కానుదిజ్ పొర్నార గదె? గాని వన్నాలొఇ ఉండ్రె దనిజ్బా దేవుణు పొన్వెన్.

7 మీ బూదాది కొప్పు విజుబా దేవుణు లెకిన్త మనాన్. తియెలామాట్. మీరు నండో పంట పొటిజు మిన్నె విలువ మన్నెకిదెర్.

8 నాను మిజి వెప్సాన, లోకూర్ ముజాలెనజి ఒప్పకొణి ఎయెవన్నెజ్బా లోకుమరిసి అతి నాను దేవుణు దూతెజు ఎద్దు ఒప్పకొణా.

9 గాని లోకూర్ ఎద్దు నజి నెన్వె ఇన్నె వన్నెజ్ దేవుణు దూతెజ్ ఎద్దు నాను బా నెన్వె ఇజ వెవన్నె.

10 లోకుమరిసిఅతి నా మున్ను ఎయెన్బా వడోణ మూట వర్గతిజు, దేవుణు వన్నెజ్ నెమిస్సాన్. గాని దేవుణు ఆత్మదిజ్ దూసిన్నె ఎయెరిజ్బా దేవుణు నెమిన్వెన్.

11 వారు మిజి యూదురి మీటిజు ఇల్కాణిజ్ యూదురి అతికారిజు ఎద్దునో, పెద్దల్జు ఎద్దునో ఒనార. అయావలె ఎలాగ మరజె వెప్తాజ్, ఇనిక వెప్తాజ్, ఇనిక వర్గదిజ్ ఇజ బెజఅమాట్.

12 ఎందానిజ్ ఇహిజు, మీరు వర్గదిజ్ మనిక అయా గడిఃయద్నె దేవుణు ఆత్మ మిజి నెన్పిస్సాన్.

అస్తివన్నె బుద్ధిసిల్లి వన్నెవందిజ్నెన్పిసిని కత

13 అయావలె ఆ మందలొఇ ఒరెన్, “బోదకినికిదా, నా బుబ్బు గణస్తి దనిజ్ నజి వానివంటు సీబాజు సిఅ ఇజ నా అన్నెజ్ వెహాఅ”, ఇజ వెప్సాన్.

14 అయావలె యేసు, “ఒరె, మీ మున్ను తీర్పు కిని వన్నె వజనో, సీబాజు సీని వన్నె వజనో నజి ఎయెన్ నిల్స్తాన్?” ఇజ వెప్సాన్.

15 మరి వరిజ్ వెప్సాన్, “జాగర్ల మండ్రు. ఇని దనిజ్బా లావుఅనిజ్ అమాట్. ఎందనిజ్ ఇహిజు, ఎసా అస్తిమన్నెకాన్ అతిజ్బా, వన్నె అస్తిలొఇ వన్నె బత్తు అవిద్. ఇహిజు అస్తివన్నెజ్ నిజమాతి బత్తు సివిద్.

16 మరి వాండ్రు వరిజ్ కతవజు ఈహు నెన్పిస్తాన్. “ఒరెన్ అస్తి మనివన్నెజ్ బూమిదు నండో పంట పండితాద్.

17 అయావలె వాండ్రు, “నా గింజు ఇడెదెజ్ నజి బాడ్డి సాల్విద్. అందెజె ఇనిక కిదెజ్?”, ఇజ వన్నెమన్నుదు వాండ్రు ఒడిఃబితాన్.

18 ఒడిఃబితాండ్రె, ‘నాను ఈహుకీన. నా గాదిజ్ లాగ్లి పెరికెజ్ కీన. అబె నా గింజెజ్, మహీ సామానముకుజ్ విజు ఇట్టు’, ఇజ వెప్సాన్.

19 మరి నాను, నా వెట ఈహు వెవన్నె, ‘నజి నండో పంటిజ్ వందిజ్ నండో అస్తి కుడుప్ప మన్నె. నుకం ఆఅ. ఉణాల, తిన్అ, నర్ద ఆజ మన్అ’, ఇజ.

20 గాని దేవుణు వన్నెజ్, ఓ బుద్ధి సిలికి, యా రెయెన్ నీ పాణం లోసిన. అయావలె నీ వందిజ్ ఇడ్డి మనికెజ్ ఎయెరిజ్ అనెలె? ఇజ

21 సొంత బత్తు వందిజ్ అస్తి కుడుప్పి ఎయెరిజ్బా యా లెకెండ్ వానాద్. గాని, దేవుణు ఎద్దు, దేవుణుదిజ్ ఇస్టం అనివజు వాండ్రు అస్తిమన్నెకాన్ అవిన్”.

ఇని దనిజ్బా విసారిస్కాట్.

22 మరి, యేసు వన్నె సిసూర్వెట ఈహు వెప్సానాన్, “అందెజె, నాను మిజి వెప్సాన, మీరు ఇనిక ఉండెజ్ ఇజ పాణం వందిజ్ విసారిస్కాట్. ఇనిక తోడోగిదెజ్ ఇజ ఒడోల్పందిజ్ విసారిస్కాట్.

23 ఎందానిజ్ ఇహిజు, టిండి మున్ను, పాణం ముకెలమతిక. సొక్కెజ్ మున్ను ఒడోల్ ముకెలమతిక.

24 కాకిజువందిజ్ నుడెదు. అవి విత్తె, కొయిఉ, వన్నాజ్ గాదినో గప్పెజ్నో సిల్లు. గాని దేవుణు వన్నాజ్ తిండి సీజినాన్. అహిజు పొటిజు మున్ను మీరు ఎసా విలువ మనికిదెర్.

25-26 మీ లొఇ ఎయెన్బా విసారిని వన్నె బత్తుదిజ్ ఉండ్రె గంటబా కుడుప్పి మీ వయసు పిరిప్తెజ్ అటోనిదెరా? అటోఇదెర్. యా ఇజ్టె వణికిదెజ్ మీరు అటోఇదెర్ ఇహిజు మరి ఎందనిజ్ మహీ పెరి నజతిజు వందిజ్విసారిస్కాద్.

27 వూజుదిజ్ నుడెదు. అవి కన్జబడిః. సొక కిదెజ్ నూలుజ్ తయార కిఉ. ఆజబ విజు అస్తి కలిగితి మన్నె సొలోమోన్రాజు యా ఉండ్రె వూజులెకెండ్ సొకు మన్నె ఉండ్రె సొక్కె తోడిఃగివితాన్ ఇజ నాను మిజి వెప్సాన.

28 నేపత్తు మంజు విగహిజ్ ననూదు వినిర్ని ముడిఃజు మంజిని గడ్డిదిజ్ యా లెకెండ్ దేవుణు సొకు సితాన్, ఇహిజు ఇజరి నమకం మన్నెకిదెరా మరి ఒద్దె నెగెండ్ సొకెజ్ మిజిసొక్కెజ్ తోడిఃగిన్పివేంద్రా?

29 ఇనిక ఉండెజ్, ఇనిక తిండ్రెజ్ ఇన్నె దనిజ్ ఎత్తు కిజ విసారిస్కాట్.

30 ఎందనిజ్ ఇహిజు, దేవుణుదిజ్ నెన్ఇకారెన్ వన్నె వందిజ్ రెబాజినార. మిజి యాకెజ్ కావాలె ఇజ మీ బుబ్బుతి దేవుణు నెస్సాన్.

- 31 గాని దేవుణు మిజి ఎలుబడిః కిన్నాన్ ఇజి ఆసఅదు. అయవలె దేవుణు మిజి కావాలిస్తికెజ్ విజు సీనాన్.
- 32 ఇజిరిమంద తియెల్ అమాల్. దేవుణు, వన్నిబత్తుదు రాజులెకెండ ఇల్లి వరిజ్ నెగ్గికెజ్ సీదెజ్ మీ బుబ్బు ఇస్టంఆత మనాన్.
- 33 మిజి కల్లితి మనికెజ్ పొర్బు బీదవరిజ్ సీదు. అయవలె మీరు దేవుణు మంజని బాడిఃదు మీ వందిజ్ ఆస్తిగణస్సిదెర్. అబ్బె డొజారి రవన్. కరి తిన్వద్. అందెజె మీ ఆస్తితకు ఆవద్.
- 34 ఎందనిజ్ ఇహిజ, మీ ఆస్తిఎంబె మనాదొ, అబెనె మీ మన్నుబా మంజినాద్.
- 35-36 ఎస్తివలెబా పణికిదెజ్ నడుఃము తొహా ఆజి, తయారాజి మంజు. మీ దీవెజ్ ఎస్తివలెబా కసిని మంజు. పెండ్లి విందుదాన్ ఇండ్రి వాజిని ఎజుమానిజ్ ఎర్దు సుడఃజి మంజిని పణిమణిసిర్ పోలిసి మంజు. ఎజుమాని విందుదాన్ వాజి సేప్టా కొత్తివెలె వెటనె సేప్టా వాంజు రేనాన్. నన్నివరిజ్ పోలిసి మంజు.
- 37 ఎజుమాని వాతివెలె, వన్ని వందిజ్ తెలి మంజి ఎర్దు సుడఃజి మంజిని పణిమణిసిరిజ్ నెగెద్. నిజుమె నాను వెహ్సిన, ఎజుమాని, నడుఃము తొహా ఆజి, బోజెనమదిజ్ వాతి వరిజ్ బనె కిజి వరిజ్ తిండి సీనాన్.
- 38 మందరెయితున్ కోడిఃజామన్ ఎజుమాని వాతివెలె, వన్నివందిజ్ ఎర్దు సుడఃజి తెలి మంజిని వన్నిజ్ నెగెద్.
- 39 ఎమేణి గడిఃయదు డొజారి వానాన్ ఇజి ఇండ్రిజ్ విజుమాని నెస్తిజి వాంజు తెలిమంజి వన్నిఇల్లు బొరో కివిండ సుణాన్ ఇజి మీరు నెస్టు.
- 40 మీరు నా వందిజ్ ఎర్దు సుడఃజి గడ్డిఃయాదు, లోకు మరిసి ఆతి నాను వాన. అందెజె మీరు బా తయారా ఆజి మంజెజ్ వెలె.
- 41 అయవలె పేతురు, “ప్రబువా, యా కతవజ మజినె నెన్పిస్సిదా, విజెరిజ్ నెన్పిస్సిదా?” ఇజి యేసుజ్ వెనబాతాన్.
- 42 అందెజె యేసు, “నమకుం మని, బుద్దిమని గొత్తి మణిసి ఎయెన్? ఎయెన్ ఇహిజ, ఇండ్రిజి మహి గొత్తియారిజ్ సరిఆతి గడ్డిఃయా సుడఃజి వరి కారెడువజి వరిజ్ దొహ్క మన్ని తిండి సామనమకు సీదెజ్ ఇజి ఎజుమాని వరిముస్కు విరపాటు కిత్తికాండ్రి.
- 43 ఎజుమాని మరజి వానివలె వెహ్సాపజి పణికితి వన్నిజ్ నెగెద్.
- 44 అయ ఎజుమాని వన్నిజ్ కల్లితి మన్ని విజు దనిముస్కు అతికారం మని వన్నిలెకెండ వన్నిజ్ కిన్నాన్, ఇజి నాను నిజం వెహ్సిన.
- 45-46 గాని, ఉండ్రి వేలె యా గొతియయెన్, ‘నా ఎజుమాని వాదెజ్ ఆలెనె ఆజినాన్’ ఇజి వన్నిమన్నుదు ఒడిఃబిజి, మహి గొతియారిజ్ గొతియారిజ్కాజ్ డెయిజినాన్. వాంజు ఉణిజి, తింజి సోస్ట మహ్సాన్. ఆహె మహిజ్, వాంజు ఎర్దు సుడఃజి దినమేదు నెనెగ గడిఃయాదు వన్ని ఎజుమాని వానాన్. అయవలె వాంజు వన్నిజ్ కల్లి దేవుణుదిజ్ నమజి వరివెట వరి వందిజ్ తయారా కిత్తిమన్ని బాడ్డిదు పొక్కాన్.
- 47 ఎజుమాని ఇస్టమకు నెసిబా అయవజ కివిండ తయారాజి మనెవిండ మన్ని గొతియ వన్నిజ్ నండ్రి సిక్కుసీనాన్.
- 48 ఎజుమాని ఇస్టమకు నెన్విండ, సిక్కుదిజ్ తగితి పణిజి కితి వరిజ్ కండెక్ సిక్కు సీనాన్. ఎయెరిజ్ దేవుణు నండ్రి సిక్కు మనాండ్రి వన్నిబాణిజ్ నండ్రి లోస్సాన్. ఎయెన్బాన్ దేవుణు మరి నండ్రి ఒవజెప్ట మనాండ్రి, వన్నిబాణిజ్ నండ్రినె లోస్సాన్.
- 49 సిసు లెకెండ మన్ని దేవుణు సీని సిక్కు యా లోకమేదు తత్తెజ్ నాను వాతమన. ఆక విజెరిజ్ సురనాద్. ఏలెనె సురుదెజ్ మొదొల్స్తిజి బాగ మంజినాద్, ఇజి ఆస ఆజిన.
- 50 కస్టం ఇని ఉండ్రి బాప్టిసంబా లాగిఅదెజ్ మనాద్. ఆక్క పూర్తి కినిదాక నజి నండ్రి విసారం మంజినాద్లె.
- 51 యా లోకమేదు నమాదనం తత్తెజ్ నాను వాతమన్ను ఇజి మీరు ఒడిఃబిజినెదెరా? సిల్లె, కేటకిదెజ్ వాత మన్ను.
- 52 ఏలుదాన్ అయదుగురు మంజిని ఉండ్రి కుటుం వరిజ్ వారి కేట ఆనారలె. మువర్ ఉండ్రి పడఃకాద్ రివర్ మరి ఉండ్రి పడఃకాద్.
- 53 వారు కేట ఆనారలె. అప్సాని మరిసిజ్ని, మరిసి అప్సాని జ్ని, అయిసి గాల్సిజ్ని, గాడ్లి దని అయెసిజ్ని, మీమసి దన్ని కొడెసిజ్ని, కొడెసి దన్ని మీమసిజ్ని పడిఃవిండ మంజినాద్లె.
- 54 అయవలె వాంజు మందలొకుదిజ్ ఈహు వెహ్సాన్, “పడఃమటదాన్ మొసాద్ వాతిక సుడఃతిజి పిర్దు వానాద్లె, ఇజి మీరు వెహ్సిదెర్. ఆహె జర్గినాద్.
- 55 దనిణదాన్ గాలి వాతిజి గొప్పంండ కిన్నాద్ ఇజి వెహ్సిదెర్. ఆహె జర్గినాద్.
- 56 వేసం కినికిదెరా, మీరు బూమిదు ఆగామమదు జర్గినికెజ్ సుడఃజి గుర్దు అస్రెజ్ నెస్సిదెర్. మరి ఎందానిజ్ యా కాలమదు జర్గినికెజ్ గుర్దు అస్రెజ్ మీరు అటవిండ మంజినిదెర్?
- 57 ఎమేణిక నాయం ఇజి మిజి మీరి తర్పు కిదెజ్ అట్ఇదెరా?
- 58 మీ ముస్కు నేరం మొప్తివన్నివెట లాయిరి కొరెటుదు సొన్ని మహివలె సర్దు వన్ని వెట రాజనం ఆదెజ్ సుడఃదు. సిలిజి, వాంజు మిజి తీర్పు కిని వన్ని డర్పు ఈడిసి ఒనాన్. తీర్పు కినికాన్ జమానజి ఒవజెహ్సాన్. వాంజు మిజి జెలిదు ఇడ్వాన్.
- 59 తీర్పు కినికాన్ లొస్సి డబ్బు విజు సీనిదాక జెలిదాన్ వెల్లి వాదెజ్ అట్ఇదెర్ ఇజి నాను మిజి వెహ్సిన.

13

పాపం డిఃసిసీదు, సిల్లిజి నాననం వానాద్

- 1 అయవలె బాన్ మహికార్ నెగెండార్ యేసుజ్, గలిలియాతి నెగెండార్ వరిజ్ వెహ్సెర్. ఇనిక వెహ్సెర్ ఇహిజ, గలిలియాతికార్ పూజి కిజి మహివలె, పిలాతు వరిజ్ సపిస్సాన్. అయవలె పూజిసెత్తి నలని లోకురెనల కూడిఃతాద్.
- 2 అందెజె యేసు వరిజ్, “వరిజ్ సహ్తారె యా లెకెండ నండ్రి బాదెజ్ కిత్తార. అందెజె వారు మహి గలిలియాతి వరి విజెరి ఇంక నండ్రి పాపం కిత్తికార్ ఇజి మీరు ఒడిఃబిజినెదెరా?

- 3 సిల్లేద్ ఇజ మీవెట వెప్పొన. గాని మీరు పాపమకు డిసేసిదు. సిల్లిజ, మీరు విజదెరెబా అయాలెకెండ్ నాననం ఆనిదెర్.
- 4 మరి సుడేడు, సిలోయెము ఇని పట్టుమదు నిరిండ్ తొప్పొమున్ని గుడిః అర్రిజ, యెరుసలెమదు బత్తిజి మహికార్ పద్వెనిమితి మణిసి సాతార్. వారు బత్తిజిని వరి ఇంక నండ్ సెఇకార్ ఇజ మీరు ఒడిఃబిజినిదెరా?
- 5 సిల్లె ఇజ నాను మీ వెట వెప్పొన. గాని మీరు పాపం డిసేసిదు. సిల్లిజ, మీరుబా అయాలెకెండ్ నాననం ఆనిదెర్.
- 6 మర్రి వాండ్రు కతవజ ఈసు నెన్పిస్తాన్. ఒరన్ వన్నిజ్ ద్రాక్స టోట మనాద్. అబ్బె వాండ్రు బోడెమరాన్ ఉండ్రి ఉణుస్తాన్. వాండ్రు దన్నిపట్టు రెబాతివెలి ఇనికబా డొహ్కెవతాద్.
- 7 అందెజి వాండ్రు, 'ఇదిలో నాను మూండ్రి పంటిజాణిక్ యా మరాతి పట్టుజ్ రెబాజి వాజిన. గాని ఇనిక బా డొహ్కెవతాద్. దినిజ్ కత్తి విసిరెత్. దిన్నిదనాట్ యా బూమి ఎందనిజ్ పాడాఃదెజ్?', ఇజి టోట కాన్కెని వన్నివెట వెప్తాన్.
- 8 అందెజి వాండ్రు, "బాబు యా ఉండ్రి ఏంటు మనిద్. నాను నుటులం కార్సి గతం పొక్కి సూణాట్.
- 9 అక్కపట్టు అస్తిజ నెగెద్, అనఇజ కత్తి విసిరెత్", ఇజి వెప్తాన్.

విస్త్రాంతిదినమదు నడుఃము పజితి ఉండ్రి బోదెలిదిజ్ నెగెణ్కెజినాన్

- 10 ఉండ్రి విస్త్రాంతిదినమదు, యేసు ఉండ్రి యూదురి మీటిజ్ ఇండ్రి బోదె కిజి మహాన్.
- 11 అబె పద్వెనిమితి పంటిజాణిక్ నడుఃము వక్కి దెయం అస్తి ఉండ్రి బోదెలి మహాద్. దన్ని నడుఃము పజితిజ్, అనల నెగెణ్ నిల్దెజ్ అట్వద్.
- 12 యేసు దనిజ్ సుడేఃతాండ్రె, "రత్", ఇజి డర్దు కూక్తాన్. మరి, "బీబి, నిజి మన్ని కష్టమకాణిజ్ నాను డిసేపిన్న", ఇజి దనిజ్ వెప్తాన్.
- 13 మరి దనిమున్ను వన్ని కికు ఇట్టాన్. వెటని అది నెగెణ్ నిహదె, దేవుణుదిజ్ పొగిడిఃతాద్.
- 14 విస్త్రాంతి దినమదు యేసు నెగెణ్ కితిజ్, యూదురి మీటిజ్ ఇండ్రిజి అతికారి నండ్రి కోపం అతాన్. అతాండ్రె, లోకురిజ్ పణి కిదెజ్ అరు దినమకు మన. అందెజి మీరు ఆ దినమక లోఇ వాజి నెగెణ్ ఆదు. విస్త్రాంతి దినమదు రమాట్", ఇజి వెప్తాన్.
- 15 అందెజి యేసు, "ఓ వేనం కినికిదెరా, మీ లోఇ విజదెరెబా మీ డాఃనుదిజ్, మీ గాడెదిదిజ్ విస్త్రాంతి దినమదు సాలాదాన్, డిసే ఒసి ఏరు సీజినిదెర్ గదె?
- 16 అహ్వాజ, అబ్రాహముజ్ తెగ్రతి యా బోదెలిదిజ్ పద్వెనిమితి పంటిజ్ నయతాను తొప్తా ఇట్టా మనాద్. విస్త్రాంతి దినమదు దనిజ్ తొహ్కెక్ బాణిజ్ డిసేపిస్తిజ్ కూడెఃవదా?", ఇజి వరిజ్ వెప్తాన్.
- 17 వాండ్రు యా మాటెజ్ వెప్తావలె వన్ని పగాతికార్ విజెరి సిగు అతార్, మొకం డిప్తార్. గాని లోకుర్ విజెరి వాండ్రు కితి గొప్ప వెరిపణిజ్ వందిజ్ సర్ల అతార్.
- 18 మరి యేసు వన్ని లోకురిజ్, "దేవుణు వన్ని లోకురిజ్ కిని ఏలుబడిః ఇన్ని దనిజ్ పోలిత మనాద్. ఇనిదనివెట నాను పోలిన్న?
- 19 అక్కనరను గింజదిజ్ పోలిత మనాద్. ఒరెన్ ఆక ఒతండ్రి వన్ని బోటాదు ఉణుస్తాన్. ఆకపిరిని మరాన్ అతాద్. ఆగానం మున్ను ఎగ్రిజిని పొటిజ్ దనికొమెజ మున్ను గూడుక్ తొహ్కెక్", ఇజి వెప్తాన్.
- 20 మరి వెప్పొనాన్, "దేవుణు వన్ని లోకురిజ్ కిని ఏలుబడిః ఇని దని వెట పోలిత మనాద్?
- 21 అక్క పులాని దూరుదిజ్ పోలిత మనాద్. ఉండ్రి బోదెలి అక్కబతాదె మరి నండ్రి దూరు వెట కలప్తాద్. వాక్తి దూరుదిజ్ బా పులాజ్ కితాద్.

ఇహ్వా సరి

- 22 యేసు యెరుసలెమదు సాండ్రెజి ఇజి పయాణం కిజి మహివలె సరి పడకాడె మన్ని నాహ్వాజ్ పట్టుమకాజ్ బోదిసి మహాన్.
- 23 అయావలె ఒరెన్, "ప్రబువా, సెగెండాం దేవుణు సిక్కుదాన్ తప్తె ఆనారా?", ఇజి వెన్బాతాన్.
- 24 అందెజి వాండ్రు వరిజ్, "ఇహ్వా దార్బందరం దాన్ డుగ్దెజ్ నండ్రి కష్టబడిఃదు. ఎందనిజ్ ఇహ్వాజ, నండెండాం సాండ్రెజ్ సుడేఃజినార్. గాని వారు సాండ్రెజ్ అట్వద్ ఇజి మీ వెట వెప్పొన.
- 25 ఇండ్రిజి ఎజుమాని నిజ్జిజి సేప్తా కెహ్తి వెన్నా మీరు వెల్లినిల్లి, సేప్తా కొత్తి "బాబు, మజి సేప్తా రేత్", ఇజి వెప్పొనిదెర్. అయావలె వాండ్రు, "మీరు ఎమేఃకిదెరో నాను మిజి నెన్పి", ఇజి వెప్పొన.
- 26 అందెజి మీరు, "ని వెట మాపు ఉణిజి, తింజి మహువ్. నీను మా ఏదిజి బోదిస్తిగదె", ఇజి వెప్పొనిదెర్.
- 27 గాని వాండ్రు, "మీరు ఎమేఃకిదెరో, మిజి నాను నెన్పి. సెఇపణి కిని మీరు విజదెరి, నా బాణిజ్ డిసే సాండ్రు", ఇజి వెప్పొన, ఇజి వెప్తాన్.
- 28 మరి వాండ్రు, "అబ్రాహము, ఇస్సాకు, యాకొబురిజ్ విజెరి ప్రవక్తరు దేవుణు మంజిని బాడిఃదు వాండ్రు ఏలుబడిః కినివెలి మంజినిక సుడేఃజినిదెర్. గాని వాండ్రు మిజి వెల్లి కిన్. అయావలె, మీరు అడఃబాజి, పల్లూ కొహ్కెక్ ఎలాకాలం సిను మంజిని బాడ్డిదు మంజినిదెర్.
- 29 మరి, దేవుణు మంజిని బాడిఃదు వాండ్రు ఏలుబడిః కినివలె, తూర్పుదాన్ పడఃమటదాన్, ఉన్నదాన్, దనిణదాన్ నండ్రి యూదురు ఆఇకార్ వాజి వింతుదు బస్సార్.
- 30 ఇదిలో, పెరికావ్ ఇజి ఒడిఃబితికార్ ఇక్రకార్ ఆనార్. తగిజి మహికార్ ముజాల్ ఆనార్", ఇజి వెప్తాన్.
- యేసుయెరుసలెంపందిజ్ దూకమాజినాన్
- 31 అయావలెనె, సెగెండాం పరిసయేరు వాతార్, "నీను ఇబ్బెణిజ్ సోసి సాన్. హెరోదు నిజి సప్తెజ్ సుడేఃజినాన్", ఇజి యేసుజ్ వెప్తార్.

32 అందెజె వాండ్లు, “మీరు సొన్ని ఆ పొడు కిని నక్కవెట ఈహు వెప్తు. “నాను నేండ్లు, విగెహిజ్, దెయమ్మకాజ్ పేరజి, కప్పమదివరిజ్ నెగెణ్ కిజి, ముఎహి, దినమ్మదు పూర్తి కిన్.

33 గాని నాను నేండ్లు, విగెహిజ్, ముఎహిజ్ నా సరిదు నాను సొండ్లెజ్వెలె. ఎందానిజ్ ఇహిజ, ప్రవక్త యెరుసలెమ్దిజ్ వెల్లె సాదెజ్ అవన్.

34 ఓ యెరుసలెమ్దు మనికిదెరా, మీరు ప్రవక్తరిజ్ సప్తిదెర్. మీ డగ్గు దేవుణు పోక్తి వరిజ్ పణకాణిజ్ డెయతిదెర్. కొరు దన్నుపిల్లెకాజ్ దన్నురిక్కెకాజ్ అడిగి ఎలాగ ఇడ్వాదో, అయాపజ మిజి డగ్గు కిదెజ్ ఎసోడ్ సుట్టు నాను అన్ ఆత, గాని నిజి ఇష్టం సిల్లెండ మహద్.

35 ఇదిలో, దేవుణు వన్ను గుడిఃడిసి సొనానలె. ప్రబు సిత్తి అతికారమ్దాన్ వాతికాన్ పొగడెఃఅనికాన్* ఇజ మీరు వెప్పొదాక మీరు నజి తొఇదెర్ ఇజ మీ వెట వెప్పొన.

14

యేసు పరిసయ ఇండ్రో బోజనమ్దిజ్ సొనసినాన్

1 ఉండ్రి విస్త్రాంతి దినమ్దు, యేసు పరిసయరు అతికారిజ ఒరెన్ వన్ను ఇండ్రో బోజనమ్దిజ్ సొహాన్. అయావలె యేసు ఇనిక కినాండ్రో ఇజి వారు బాగసుడిఃజి మహోర్.

2 నస్తవలె కిక్కుకాలు. వాస్తాకిన్ ఒరెన్ వన్ను ఎద్దు మహాన్.

3 యేసు”, విస్త్రాంతి దినమ్దు నెగెణ్ కినిక మీ యూదురిజ్ రూలుజ్ తప్పికాదా సీలికాదా?”, ఇజ పరిసయరుజని యూదురి రూలు నెసప్పివరిజ్ వెనబాతాన్.

4 గాని వారు అలెత మహోర్. అందెజె యేసు అయా జబుది వన్నిజ్ డగ్గు కూక్రాండ్రె, నెగెణ్ కితాండ్రె పోక్తాన్.

5 వెనుక వాండ్లు వరిజ్, “మీ లోఇ ఎయెది బా గాడఃదె గాని కోడిః గాని విస్త్రాంతి దినమ్దు గుటాదెఅర్రిజ, దన్నుజ్ వెటనె వెల్లె లాగిఇదెరా?”, ఇజ వెనబాతాన్.

6 యా మాటెజ్ వారు మరజి వెప్రాజ్ అట్వతార్.

7 వాతి కూలెజ్, విందుదు ముకెలమాతి బాడిఃజి సుడిఃజి బాన్ బస్సిక సుడిఃతాన్. సుడిఃతాండ్రె కతవజి ఈహు నెసప్పిస్తాన్.

8-9 ఎయెనబా పెండ్లి విందుదిజ్ మిజి కూక్కివెలె, పెరికారబస్సిబాడిదు బస్కాట్. ఉండ్రి వేలా మిజి ఇంక పెరివన్నుజ్ వాండ్లు కూక్తాన్సు. వాండ్లు వాతిజ, మీ రిఎరిజ్ కూక్కికాన్ వాజి నిజి, “ఇదిలో, నీ బాడ్డిః వినిజ్ సిఅ”, ఇజ వెహ్నాన్. నస్తవలె మీరు సిగు ఆజి వెన్నాహి బాడిఃదు బస్సెజ్ సొనిదెర్.

10 అందెజె మిజి ఎయెనబా కూక్కిజ, మీరు సొన్ని వెన్నాహి బాడిఃదు బస్సు. అయావలె మిజి కూక్కికాన్ వాజి, “కూలాయెన్ నీను పెరికారబస్సి బాడిఃదు సొన్ని బసెఅ”, ఇజ వెహ్నాన్. అయావలె నీ వెట బస్సివరి ఎద్దు నిజి గొప్ప గవేరం వానాద్.

11 వన్నుజ్ వాండ్రె పెరికాన్ ఇజి ఒడిఃబిని ఎయె వన్నుజ్బా దేవుణు ఇజ్జకాన్ కినాన్. వన్నుజ్ వాండ్రె ఇజ్జకాన్ ఇజి తగిజి ఒడిఃబిని ఎయె వన్నుజ్బా దేవుణు పెరికాన్ కినాన్.

12 మరి, యేసు వన్నుజ్ విందుదిజ్ కూక్కి వన్నువెట, “నీను విందు కిదెజ్ ఇహిజ, నీ కూలెజనో, నీ అన్నారిజెనో, నీ నేస్తమ్కాజెనో, నీ పడకాదె మన్ను సెంసారిజనో కూక్కు. ఎందనిజ్ ఇహిజ, ఉండ్రి వేలా వారు నిజి మరజి కూక్కార్. అయావలె నీను కిత్తిదన్నుజ్ వారు మరజి కిజనార్.

13 అందెజె నీను విందు కినివెలె, బీదాతి వరిజ్, నీర్నమ్దివరిజ్, సొటవరిజ్, గుడ్డివరిజ్ కూకలె.

14 ఎందనిజ్ ఇహిజ, మిజి మరజి సిదెజ్ వారు అట్వెర్. అందెజె దేవుణు మిజి దీవిస్తానలె. దేవుణు తీర్పు కిని దినమ్దు నీతి మన్ను విజు లోకురివెట నీను సాజి మరజి నిజ్ని వెలె, నీను కితి నెగ్గి పణి వందిజ్ దేవుణు మిజి మరజి సినాన్.

పెరివిందు వందిజ్ వెప్పొనాన్

15 వన్ను వెట ఉండెజ్ బస్తిమహి వరిలోఇ ఒరెన్ యాక విహండ్రె, యేసుజ్, “దేవుణు ఏలుబడిః కినిక టుటాజ్ నూణివెలె, విందుద్ ఉణికాన్ అంతు సిల్లి నరద మంజనికాన్ ఆనానలె”, ఇజి వెహ్నాన్.

16-17 అందెజె యేను ఈహు వెహ్నాన్. “ఒరెన్ విందు కిదెజ్ ఇజి వన్ను నండ్రో కూలెజి కబ్బుజ్ పోక్తార్. విందు తయారె ఆతిజ్, వన్ను పణిమణిసిజ్ కూక్కాండ్రె, “ఉండెజ్ రెదు. విజు తయారె ఆతె ఇజి కబ్బు కిత్తివరిజ్ సొన్ని వెహాఅ”, ఇజి పోక్తాన్.

18 గాని కూలెజ్ ఉండ్రి లెకెండ్రి పణిజ్ వెప్పొ తప్ప అతార్. ముద్దెహికాన్, “నాను ఉండ్రి మడిఃజ్ కోట మన్ను. నాను అయక సొన్ని సుడిఃదెజ్వెలె, నజి సెమిసెఅ ఇజి బతిమాలజన”, ఇజి వెహ్నాన్.

19 మరి ఒరెన్, “నాను అయదు నిర్దు డాను కొట మన్ను. ఆకెజ్ నెగెణ్ మనెనో సిలెనో ఇజి సుడిఃదెజ్ సొన్నిన. నజి సెమిసెఅ, ఇజి బతిమాలజన”, ఇజి వెహ్నాన్.

20 మరి ఒరెన్, “నాను ఏలు పెండ్లి ఆత మన్ను. అందెజె వాదెజ్ అట్వె”, ఇజి వెహ్నాన్.

21-22 పణిమణిసి మరజి వాతండ్రె, యా మాటెజ్ వన్ను ఎజుమానిజ్ వెహ్నాన్. అయావలె అయా ఇండ్రో ఎజుమాని కొపం ఆతండ్రె, “నీను పట్టుమ్క వీదిజ, నందిజ, సందిజ బేగి సొన్ని బీదాతి వరిజ్, నీర్నమ్ది వరిజ్, సొటాది వరిజ్, గుడ్డి వరిజ్ కూక్కి తగిఅ”, ఇజి పణి మణిసిజ్ వెహ్నాన్. వాండ్లు, “బాబు నీను వెహ్నా లెకెండ్రి కిత్. గాని మరి నండ్రో బాడ్డి మనాద్”, ఇజి వెహ్నాన్.

23 అయావలె ఎజుమాని, “నా ఇల్లు నిండ్రిదెజ్, నీను నాహ్కా వీదిజ నందిజ సొన్ని లోకురిజ్ ఈడిఃసి తగిఅ”, ఇజి వన్ను పణిమణిసిజ్ వెహ్నాన్.

24 ఎందానిజ్ ఇహిజ, కూక్కి అయా కూలెజి లోఇ ఒరెనబా అ టిండి రుసి నెనెవెన్”, ఇజి మీ వెట వెప్పొన.

సినుడుఅనికాన్ ఎలాగమండ్రెజ్ ఇజి వెప్పొనాన్

* 13:35 13:35 కీక్రస 118:26.

- 25 ముంద లోకు వన్ను వెట సొన్ని మహివల వరిదరిజ్ నుడజి వాండ్లు ఈహు వెప్తాన్.
- 26 “ఎయెన్బా నా సిసూడుఁ ఆదెజ్ ఇహిజ, నజి ఇంక, వన్ను అయిన అపొసిజ్ వన్ను అలు ని కొడొరిజ్, వన్ను అన్న తంబెరిజ్, వన్ను తజి బీబిజ్ మరి వన్ను సొంత పాణమదిజ్బా నండొ ప్రేమిస్తాజ్ అవిద. వాండ్లు నండొ ప్రేమిస్తాజ్, నా సిసూడుఁ ఆదెజ్ అజ్విన్.
- 27 ఎయెన్బా కష్టమేకు ఓరిని సొదెజ్బా ఇన్టం ఆజి నా వెట వాతిజనె నా సిసూడుఁ ఆనాన్.
- 28 మీ లొజ ఎయెన్బా ఉండ్రి నిరీ గుడిజ్ తొహ్తెజ్ఆన వాతిజ, వాండ్లు ముజాల బసి, దనిజ్ కర్పు ఎనా ఆనాద్ ఇజి లెక్కనూణాన్. పణి పూర్తి కిదెజ్ వన్ను కీడు మనిక ఆనాది, సాలెవెదొ ఇజి నూణాన్ గదె?
- 29-30 అయక తొవిండ వాండ్లు పునాది పొక్కి, పూర్తి తొహ్తెజ్ అజ్ఇతిజ, అక్కనూణికార్ విజెరె, “వీండ్లు తొహ్తెజ్ మొదొల్స్తాన్ గాని పూర్తి కిదెజ్ అజ్వితాన్”, ఇజి వన్నుజ్ కరాయి ఇనాన్.
- 31 ఒరెన్ రాజు మరి ఒరెన్ రాజువెట ఉద్దం కిదెజ్ సొండ్రిజ్ ఇహిజ, వాండ్లు ముజాల బస్తాండ్రి నూణాన్, ఇరువయి వేలుజ్ లోకర్వెట అయా రాజు వాజనాన్. వన్ను మున్ను ఉద్దం కిదెజ్ నా పది వెయిజ్లోకుర్ వెట నాను అట్నూనా, సిలెనా ఇజి.
- 32 అజ్ఇజ, అయా రాజు దూరం మనివెలెనె నల్వాణిజ్ పొక్కి సమాదనం కిదెజ్ వాండ్లు నూణాన్.
- 33 అయలెకెండెన్, మీ లొజ ఎయెన్బా వన్నుజ్ కల్లితికెజ్ డిజ్ఎండ మహిజ, నా సిసూడుఁ ఆవిద.
- 34 సోరు నెగ్గదె, గాని దనిజ్ మన్ను రుని సొహిజ, ఎలాగ మరి రుని తపిస్తాజ్ ఆనాద్?
- 35 అయాక బూమిదిజ్బా గాని గత్తమదిజ్బా గాని పణిదిజ్ రవిద. అందెజె అయాక వెల్లి విసిర్నార్. గిబ్బుజ్ ఒడజె వెండ్లు. అయావజ నడిజె మండ్లు”, ఇజి వెప్తాన్.

15

మురుతి గొర్రె దొహ్కీనాద్

- 1 ఉండ్రి నాండిజ్ పన్ను పెర్సికార్ని పాపం కిజినికార్ ఇజి యూదురు నుడజెతికార్ విజెరె వన్ను బోద వెండ్రిజ్ వన్ను డర్పు కూడజ్ మహార్.
- 2 పరిసయ్యరు ని యూదురి రూలాజ్ నెస్పిన్కార్, “వీండ్లు పాపం కిజిని వరిజ్ డర్పు కిజి వరివెట కూడజె బోజనం కిజినాన్”, ఇజి నజిజితార్.
- 3 అందెజె వాండ్లు వరిజ్ కతవజ నెన్పిన్కాన్.
- 4 “ఉండ్రి వేల మీ లొజ ఒరెన్వన్నుజ్ వంద గొర్రెజ్ మనె. వన్నాలోజ ఉండ్రి గొర్రె మురుతిజ, వాండ్లు అయా తొమ్బలు తొమెది గొర్రెజ, అడివెదు డిసి మురుతి మని గొర్రెదొహ్కీనాద్ రెబానాన్గదె?
- 5-6 అది దొహ్కీవలె నరద అజి వన్ను గుంజుమదు పిండిజి ఇండ్రి తనాన్. మరి వన్ను కూలెజ పడజెకాతి వరిజ్ కూక్కి, “మురుతి మహి నా గొర్రె దొహ్కీ. అందెజె నా వెట నరద అదు”, ఇజి వెప్తాన్.
- 7 అయా వజనె, తొమ్బలు తొమెది మణిసిర్ పాపం ఒప్పుకొండెజ్ అవుసరం సిలి నీతి నిజూయిదికార్ మనార్. వరి వందిజ్ కల్లిని నరద మున్ను పాపమేకు డిసి నీతి వన్ను వందిజ్ దేవుణు మంజిని బాడిదు నండొ నరద కల్లినాద్, ఇజి నాను మీ వెట వెప్తాన్”.

మురుతి రుపయి దొహ్కీనాద్.

- 8 “మరి, ఉండ్రి బోదెలిదిజ్ పది వెండి రుపాయి మహా. వన్నాలోజ ఉండ్రి రుపాయి మురుతిజ, అది దీవ కసిసి, ఇల్లు సిపాజి, అది దొహ్కీనాద్ నెగండ రెబావిదా?
- 9 అక్కదొహ్కీవెలె దన్ను కూలెజాణిజ్, పడజెకాతి వన్నాజ్ కూక్కి, “నా మురుతి మహి రుపాయి దొహ్కీనాద్. అందెజె నా వెట నర్ద అదు”, ఇజి వెప్తాన్.
- 10 అయావజనె పాపమేకు డిసి నీతి వన్ను వందిజ్ దేవుణు వన్ను దూతెజ ఎద్దు నర్ద అజినాన్ఇజి నాను మీ వెట వెప్తాన్”.

తప్పి సొహి మరిని మరజి వాజనాన్

- 11 మరి వాండ్లు ఉండ్రి వెప్తాన్, “ఒరెన్ వన్నుజ్ రివర్ మరిసిర్ మహార్.
- 12 కొర్ మరిని, “ఓ బా, నీను గణెన్ దన్నులోజ నజి వానివంతు సిదా”, ఇజి అపొసిజ్ లొప్తాన్. అందెజె అపొసి వన్ను ఆస్తి వరిజ్ నీబాత సిత్తాన్.
- 13 నగం రోన్ను, సొహి వెనుక, కొర్ మరిని వన్నుజ్ కల్లితికెజ్ విజి కుడుఁప్పి, నండొ దూరం మన్ను దేసమదు సొహాన్. అబ్బె వాండ్లు నెజ అలవాటుజ అతాండ్రి వన్ను ఆస్తివిజు పాడు కిత్తాన్.
- 14 విజు కర్పు కిత్తివెనుక, ఆ దేసమదు గొప్ప కరు వాతాద్. వన్నుజ్ ఇనిక బా దొహ్కీవతాద్.
- 15 అందెజె వాండ్లు ఆ దేసమదు ఒరెన్ వన్ను డర్పు పణికిదెజ్ సొహాన్. వాండ్లు పండ్రిజ్ మెప్పజ్ వన్ను ముడిజి వన్నుజ్ పొక్తాన్.
- 16 పండ్రిజ్ తిని పొడుఁ తింజి బజి సొన్పిస్తాజ్ ఇజి ఆన అతాన్. గాని ఎయెన్బా వన్నుజ్ ఇనికబా సివితార్.
- 17 వన్నుజ్ బుద్ది వాతివెలె వాండ్లు ఈహు ఒడిజితాన్, “నా బుబ్బు డర్పు ఎసొండాలో పణిమణిసిర్ మనార్. వరిజ్ ఉండెజ్ అజ్ఇ నసొనా జావ దొహ్కీనాద్. ఇబ్బె నాను బజి సాజిన్.
- 18 నాను ఇబ్బె డిసి నా బుబ్బు డర్పు సొన్ను, ‘ఓ బా, నాను దేవుణుదిజ్ పడజె పణి కిత. నీ ఎద్దు పాపం కిత.
- 19 నీ మరిని ఇజి కూకె అదెజ్ నాను ఏవటితికాన్ అవి. నీ పణిమణిసి ఒరెన్ వన్నులెకెండె నజి నుడజె”, ఇజి నాను వెప్తాన్”, ఇజి ఒడజెలితాండ్రి అబెణిజ్ డిస్తాండ్రి వాజనాన్.
- 20 వాండ్లు దూరం మహివలెనె అప్నాసి వన్నుజ్ నుడజెతాన్. వన్ను పాణం నెతాండ్రి ఉహ్కీ సొన్ను పొందితాండ్రి ముదు కిత్తాన్.

21 నన్నవలె వాండ్లు అప్పొసిజ్, “ఓ బా, నాను దేవుణుదిజ్ వడఁజ పణి కిత్త. నీ ఎద్దు పాపం కిత్త. నీ మరిన్ ఇజ కూక ఆదెజ్ నాను ఏవటితకాన్ ఆవి”, ఇజి వెప్తాన్.

22 గాని అప్పొసి వన్ను పణిమణిసిర్ కూక్తాండ్రె, “సొక్క బేగి తగ్గల. వినిజ్ తోడిఁగిస్తు. బిందు ఇడఁకిస్తు. పాదమ్కాజ్ జోడఁకు తోడిఁగిస్తు.

23 బల్లిన్ దూడఁ తసి ఓవ్కా. మాటు తింజి సర్గ అనాజ్.

24 ఎందానిజ్ ఇహొజ, యా నా మరిన్ సొతి లెకెండ్ మహాన్. మరి ఏలు బత్తితాన్. మురుతి లెకెండ్ మహాన్. మరి యేలు దోవ్కాన్”, ఇజి వెప్తాన్. వారు సర్గ ఆజి మహార్.

25 అయావలె పెరిమరిన్ మడిఁజ సొహ మహాన్. వాండ్లు మడిఁజాణిజ్ వాజి ఇల్లు డగ్గు వాతివెలె, బాజెజ్ డెయిజినిక, కర్రజినిక వెహాన్.

26 అందెజి వాండ్లు పణిమణిసిర్ లొఇ ఒరెన్ వన్నుజ్ కూక్తాండ్రె, ఇనిక జరగిజనాద్, ఇజి వెనబాతాన్.

27 అయా పణిమణిసి, “నీ తంబెరి వాతాన్. వాండ్లు నెర్రిండ్ మరజి వాతివందిజ్ నీ బుబ్బు బలస్తి దూడఁ ఓవ్కాన్”, ఇజి వెప్తాన్.

28 పెరి మరిన్ కోపం అతండ్రె, లొఇ సొండ్రెజ్ కెవతాన్. అందెజి అప్పొసి వెల్లి వాతండ్రె, లొఇ రత, ఇజి వన్నుజ్ బతిమాలతాన్.

29 అయావలె వాండ్లు వన్ను అప్పొసి వెట, “ఇదిలో నిసాడు పంటిజాణిజ్ ఒరెన్ గొత్తియయెన్ లెకెండ్ పణి కిత్త. ఎనెజ్ బా, నీ మాటెజ్ నాను లోజివంది మన్ ఏవత. నా కూలెజ్ వెట సర్గ ఆదెజ్ నీను నజి ఉండ్రె గొర్రి పెల్లబా సిఇతి.

30 గాని సాని బూలాని వరిజ్ నీజి నీ అస్తి విజి పాడు కిత్తి యా మరిన్ వాతిజ్ బలస్తి దూడఁ ఓవ్కాన్”, ఇజి వెప్తాన్.

31 అందెజి అప్పొసి, “నా మర్రిన్, నీను ఎస్తివలెబా నా వెటనె మన్ని. నజి మనికెజ్ విజి నీవి.

32 మాటు విందు కిజి సరద అనిక నెగెద్. ఎందానిజ్ ఇహొజ, నీ యా తంబెరి సొతి లెకెండ్ మహాండ్రె, మరజి నిజితాన్. మురుతి లెకెండ్ మహాండ్రె దోవ్కాన్”, ఇజి వన్ను వెట వెప్తాన్.

16

తెలివి మన్ని పెరిగొత్తియవన్ను కత

1 మరి, యేసు వన్ను నిసూరజి ఈహు వెప్తాన్. ఒరెన్ సంసారం మన్ని వన్ను ఇండ్రెణి సజతిజి సూణి పెరి గొత్తియయెన్ ఒరెన్ మహాన్. యా గొత్తియయెన్ సామనమ్కూ పాడు కిజినాన్ ఇజి నేరం మొప్పిక వెహాన్.

2 అందెజి వన్నుజ్ కూకెప్పిస్తాండ్రె, “నీ వందిజ్ నాను వెంజిని యా మాట ఇనిక? ఇండ్రెణి పణిజి లెక్క తోరినల. ఎందానిజ్ ఇహొజ, నీను ఏలుదాన్ నా గొత్తియయెన్ ఆఇ”, ఇజి వన్నుజ్ వెప్తాన్.

3 యాక వెహాండ్రె వాండ్లు ఈహు ఒడఁబితాన్. “నా ఎజుమాని యా పణిదాన్ నజి లాగిజనాన్. అందెజి నాను ఇనిక కిదెజ్? కార్తెజ్ అటేవ. లొసి ఉండెజ్ సిగు వాజినాద్.

4 యా పణిదాన్ లాగ్గివెలె, లోకుర్ నజి డగ్గు కినిలెకెండ్ ఇనిక కిదెజ్ ఇజి నాను నెసిన్.

5 అందెజి వాండ్లు వన్ను ఎజుమాని బాన్ అప్పు ఒతివరిజ్ ఒరెన్ ఒరెన్ వన్నుజ్ కూకెప్పిస్తాన్. “నీను నా ఎజుమాని బాణిజ్ ఎసా ఒతిమన్ని?”, ఇజి మొదోహి వన్నుజ్ వెనబాతాన్.

6 వాండ్లు, “పంద కాయెజ్ నూనె”, ఇజి వెప్తాన్. అందెజి వాండ్లు, “ఇదిలో నీ సీటి. బేగి బసి యాబుయ కాయెజ్ ఇజి రాన్ అ”, ఇజి వెప్తాన్.

7 వెన్కాహివన్నుజ్, “నీను ఎసా ఒతిమన్ని?”, ఇజి వెనబాతాన్. వాండ్లు, “పంద తూముజ్ గోదము”, ఇజి వెప్తాన్. అయావలె వాండ్లు, “ఇదిలో నీ సీటి. ఎనబయ తూముజ్ ఇజి రాన్ అ”, ఇజి వెప్తాన్.

8 అనెయం కిత్తి యా పెరి గొత్తియయెన్ తెలివందిజ్ ఎజుమాని పొగిడఁతాన్. ఎందానిజ్ ఇహొజ, వానికాలమ్ది వన్ను బత్తు వందిజ్ వాండ్లు యా లెకెండ్ కితాన్. అందెజి యేసు, వెప్పొనాన్, “దేవుణుదిజ్ నమిజి వాండ్లు వెప్పొ వజి నడిఁనివరి మున్ను, అయా పెరి గొత్తియయెన్ లెకెండ్, యా లోకమ్ది సజతిజి వందిజి ఒడఁబినికార తెలిమనికార. వారు వరిలెకెండ్ మన్ని వరివెట కూడఁజి పాడిఁజి మండ్రెజ్ తెలిమనికార.

9 మీరు యా లోకమ్దు బత్తిజిని మనివలె ఇబ్బె మిజి మనికెజ్ విజి దని వెట మీరు నెర్రిండ్ తెలిదాన్ మండ్రెజ్ నుడఁదు. ఎందనిజ్ ఇహొజ, మీరు మీ బత్తు ఇబ్బె డిన్వివలె దేవుణు మిజి వాండ్లు మంజిని బాడిఁదు ఎలాకాలం మండ్రెజ్ డగ్గు కినిాలె.

10 తక్కు దన్నిమున్ను, నమకం మంజినికాన్ లాపు దన్నిమున్నుబా నమకమ్దాన్ మంజినికాన్. తక్కు దన్నిమున్ను, నమకం సిలికాన్, లాపు దన్నిమున్నుబా నమకం మన్ ఎన్.

11 అందెజి, మిజి మన్ని అస్తి నమకమ్దాన్ తోవిండ మహొజ, నిజమాతి అస్తి ఎయెర్ మిజి ఒపజెప్పారె.

12 పడఁకాతి వరి దన్నిమున్ను, నమకమ్దాన్ తోవిండ మహొజ, నీ సొంతదిక అతి నిజమాతి అస్తి ఎయెన్ మిజి సీనాన్.

13 ఎవేణి గొత్తియయెన్ బా రిపెర్ యజుమానరిజి వందిజ్ ఉండ్రె లెకెండ్ పణి కిదెజ్ అటేవన్. వాండ్లు ఒరెన్ వన్నుజ్ ఇస్టం కివిండ మరి ఒరెన్ వన్నుజ్ ప్రేమిస్తాన్. సీలిజ, ఒరెన్ వన్ను మాట వెంజి నమకమ్దాన్ మంజినికాన్. మరి ఒరెన్ వన్నుజ్ దుసలాడఁనాన్. అయలెకెండ్ నె దేవుణుదిజ్ నీ డబ్బుదిజ్ ఉండ్రె లెకెండ్ నెవకిదెజ్ మీరు అటేఇదెర్”, ఇజి వెప్తాన్.

14 డబ్బు ఆన మన్ని పరినయెరు యా మాటిజ్ విజి వెహారె, వన్నుజ్ వెక్కిస్తారె.

15 వాండ్లు వరిజ్ ఈహు వెప్తాన్, “లోకుర్ ముజాల మీరు సీతి నిజాయితి మనికిదెర్ ఇజి తోరిస్సిదెర్. గాని దేవుణు మీ మన్నుదికెజ్ నెస్తాన్. లోకుర్ ఎద్దు గొప్పు విలువ మనిక దేవుణుదిజ్ ఇస్టం సిల్లికాదె.

16 దేవుణు మోసాజ్ నీతి రూలుజ్ని ప్రవక్తరు రాస్తకెజ్ బాప్తిసం సీని యోహాను కాలం దాక బోదినీ మహార్. అబెణిజ్ అసి దేవుణు, వన్నిలోకరిజ్ కిని ఏలుబడి: వందిజ్ సువార్త వెహె ఆజి మహాద్. దేవుణు కిని ఏలుబడి: మండ్రెజ్లోకరినండో క్షుబడిజినాన్.

17 ఆగసం బూమి సిల్లెండ ఆదెజ్ నులునె, గాని దేవుణు సీతి రూలుబడి ఉండ్రీ గీతబా తప్పి సాన్ ఏవద్.

18 ఎయెన్ బా వన్ని అల్లిజ్ డిసి మరి ఉండ్రీ బోదెల్ దిజ్ ఇడ్డె: ఆతిజ, దని వెటె వాండ్రు రంకు బూలాజినాన్. మాసిజ్ డిస్సి దనిజ్ ఒరెన్ ఇడె: ఆతిజ, వాండ్రు రంకు బూలాజినాన్.

అస్సి మన్నికాన్ ని లోసి ఉణి లాజరు

19 ఒరెన్ అస్సి మన్నికాన్ మహాన్. వాండ్రు నండో కరిది సాక్కిజ్ తోడె: గిజి విజు దినమకు సుకం మున్సు, మహాన్.

20 లాజరు ఇని లోసి ఉణికాన్ ఒరెన్ మహాన్. వన్ని ఒడె: లోకండి విజు పుట్టు, మహా. అస్సి మన్ని వన్ని ఇండ్రెణి డేవాద్ వన్నిజ్ ఇట్టా మహాన్.

21 వన్ని బల్లదాన్ అర్తి జావ పరెజ్ ఉణిజి బజి సాన్ పిస్తాజ్ అస అజి మహాన్. సుకుడిజ్ బా వాజి వన్ని పుట్టు, నాక్సి మహా.

22 లోస్సి ఉణికాన్ సాతాన్. దేవుణు దూతెజ్ వన్నిజ్ దేవుణు మంజిని బాడి: దు అబ్రాహం పడె: కాదు ఒతాన్. అస్సి మన్నికాన్ బా సాతాన్. వన్నిజ్ ముస్తాన్.

23 వాండ్రు అయో లోకమదు బాద ఆజి, బుర్ పెర్తి మున్సు, బేస్తాన్. దూరం మన్ని అబ్రాహముజ్ ని వన్ని పడె: కాద్ మన్ని లాజరుజ్ సుడి: తాన్.

24 అందెజ్ వాండ్రు, “బుబ్బు ఆతి అబ్రాహము, నా మున్సు కనికారం తోర్నెత. నాను యో సినుదు నండో బాద్ ఆజి. అందెజ్ లాజరు వాజి వన్ని డె: స్సు, ఏరుదు ముడుక్సి నా నాలిక సలెజ్ కిదెజ్ వన్నిజ్ పోక్తె”, ఇజి డేల్ని వెస్తాన్.

25 అందెజ్ అబ్రాహము, “మరిన్ నీను బత్తితి కాలమదు సుకం మున్సు, మహా. గాని లాజరు క్షమదు మహాన్. ఏలు వాండ్రు ఇబ్బె సుకం దాన్ మనాన్. నీను క్షమదు మన్ని.

26 యాకదె అవిండ, ఇబ్బె కికార్ అబ్బె వాదెజ్ అబ్ ఏండ, అబెణికార్ ఇబ్బె వాదెజ్ అబ్ ఏండ మజి నిజి నడి: మి పెరిజోరె ఇట్టా మనాద్”, ఇజి వెస్తాన్.

27-28 అయోవలె వాండ్రు, “అహిజ, ఓ బా, నజి అయదుగురు దాదార్ మనార్. వారు బా యో క్షమకు మన్ని బాడి: దు రవిండ మండ్రెజ్ నా బుబ్బు ఇండ్రె లాజరుజ్ పోక్తె. వాండ్రు సాన్ని పరిజ్ వెహ్సాన్, ఇజి నాను నిజి బతిమాల్ జిన”, ఇహాన్.

29 అందెజ్ అబ్రాహము, “పరి డగ్రు మెని రాస్తకెజ్, ప్రవక్తరు రాస్తకెజ్ మని. వారు అయోకెజ్ వెంజి మండ్రెజ్”, ఇజి వన్నిజ్ వెస్తాన్.

30 వాండ్రు, “బుబ్బాతి అబ్రాహము, అహా వారు కిఎర్. సాతికాన్ ఒరెన్ పరి డగ్రు సాన్ని వెప్తిజినె, వారు పాపమకు డిసి సినార్”, ఇజి వెస్తాన్.

31 అందెజ్ వాండ్రు, “మెని రాస్తి మనికెజ్ ప్రవక్తరు రాస్తకెజ్ వారు వెనెండ మహిజ, సాతికాన్ మరజి నిజెజి సాన్ని వెప్తిజినె వారు నమ్మివర్”, ఇజి వెస్తాన్.

17

1 యేసు వన్ని సిసూర్జి ఈహు వెస్తాన్. “తప్పజ్ కిబిస్సి నజితిజ్ తవ్వెండ వానెలె. గాని యో నజితిజ్ ఎయెవెటె వానెనో వన్నిజ్ అబాయో, నండో బాద్.

2 ఎయెన్ బా నా మున్సు, నమకం ఇడ్డి మన్ని యో కొడె: నన్ని ఒరెన్ వన్నిజ్ తప్పకిబిస్తిజ్ సుడి: తిజి పెరిసిక్చ వానాద్. దిన్ని మున్సు, ఇజి రిసిక్చనె వన్ని మెడె: దు జత్త పణుకు తోహ్సా నందారమదు విసిర్ నిక. ఆకదె వన్నిజ్ నెగెద్.

3 అందెజ్ మీ వందిజ్ మీరి జాగర్త మండ్రు. నీ తంబెరినె, ఎయెన్ బా నిజి తప్ప కితిజి, వన్నిజ్ డటం బుద్ది వెహెత. వాండ్రు తప్పడిసి ఒప్పకొటిజి వన్నిజ్ సెమినెత.

4 ఉండ్రీ దినమదు ఏడు సుట్టు, వాండ్రు నిజి తప్పజ్ కిజి, ఏడు సుట్టు, నీ డగ్రు వాజి ‘నాను తప్పడిసి ఒప్పకొడి: జిన’, ఇజి వెప్తిజి నీను వన్నిజ్ సెమినెత”.

5 నస్సివలె వన్నిండు మణిని అపొస్తుడుజ, మజి నండో నమకం సిదా”, ఇజి ప్రబుజ్ లోస్తాన్.

6 అందెజ్ వాండ్రు, “మిజి నర్పుగింజి నస్సు నమకం మహిజ, యో మలబరి మరాతిజ్ సుడి: జి, “వెలెజాణిజ్ పెరె ఆజి నందారమదు ఉణునె ఆత”, ఇజి వెప్తిజి వెలె అది మిజి లోజినాద్.

7-8 ఉండ్రీ వేల, మీలోజి ఒరెన్ వన్నిజ్ డూదెజ్ నె గొర్రెజి మేప్తెజ్ నె వెట్టిపణి కినికాన్ ఒరెన్ మనాన్. వాండ్రు మడి: జుదాన్ వాతిజ, “బేగి రత, వాజి ఉణెత”, ఇజి వెహ్సాదెర్? సిల్లె, గాని, ‘సుబ్బురం ఆజి వరెత, నజి బాటె సీజి ఉణెతిని దాక మనెత. వెనుక నీను ఉణెత”, ఇజి వెహ్సాదెర్.

9 వన్నిజ్ ఒప్పజెప్తి పణి కితిజ్ ఎజుమాని వన్నిజ్ వందనమకు వెహ్సాద్రా?

10 అందెజ్ మీరు బా మిజి ఒప్పజెప్తి పణిజ్ విజు కితి వెనుక, “మాటు పణిమణిసిర్. వందనమకు వెహె ఆదెజ్ అవ్ నరం సిల్లెద్. మాటు కిదెజ్ మన్ని పణిని కితాట్”, ఇజి వెహ్సాజ్.

పది మణిసిర్ కుస్తులోగం మన్నికార్ నెగెజ్ ఆజినార్

11 యేసు యెరూసలెమదు సాన్ని మహివలె, సమరియ గలిలయ ముట్టు సరిఅడ్డుదాన్ సాన్ని మహాన్.

12-13 వాండ్రు ఉండ్రీ నాటో సాన్ని మహివలె పది మణిని కుస్తులోగం మనికార్ వన్నిజ్ ఎత్తు వాతార్. వారు దూరం నిహారె, “యేసు ఎజుమాని, మా మున్సు కనికారం తోర్నెత”, ఇజి డెడి: స్తాన్.

14 వాండ్లు వరిజ్ నుడఁజ్తాండ్రె, “సొన్ని, మీరు నెగెణ్ అతిదెర ఇజ పుజెరిజ తోర ఆదు”, ఇజ వెప్తాన్. వారు సొన్ని మహిజ్ నెగెణ్ అతార్.

15 వరిలోఇ ఒరెన్, నెగెణ్ అత ఇజ నెస్సాన్. వాండ్లు డటం దేవుణుదిజ్ పొగిడిఁజి మరజి వాతాన్.

16 వాతాండ్రె యేనుజ్ పాదముక మున్ను, ముణుకుజ్ ఊరజి మాడిఁస్తాండ్రె, వందనముక వెప్తాన్. వాండ్లు నమరియదికాన్.

17 అందెజె యేను, “పది మణిసిరీ నెగెణ్ అతార్ గదె. ఆ తోమెది మణిసిరీ ఎంబె మనారో?”

18-19 ఎందానిజ్ వీండ్లు ఒరండ్రె దేవుణుదిజ్ పొగిడిఁజి మరజి వాతాన్. వీండ్లు యూదురిజ్ నందఁజకాన్. ఇస్రాయేలుదికార ఎందనిజ్ తోర అతార్?” ఇజ వెప్తాన్. వెప్తాండ్రె, “నీను నిజ్జి సొన్ అ. నీను నా మున్ను, నమకం ఇడ్డి అందెజె నెగెణ్ అతి”, ఇజ వన్నిజ్ వెప్తాన్.

దేవుణు రాజువజి వానివందిజ్ వెప్పొనాన్

20 ఒర్పొండు, దేవుణు ఏలుబడిఁ కినిక లోకుర ఎనెజ్ నూణార ఇజ పరిసయిరు వన్నిజ్ వెన్బాతార్. అందెజె వాండ్లు, “దేవుణు రాజువజి వాని ముజాల్ తోర్ని గుర్తు ఇనిక సిల్లెదె.

21 దేవుణు మిజి ఏలుబడిఁ కినిక ఇయేలె మొదోల్స్త మనాన్. అందెజె, ఇదిలో ఇబ్బె మనాదె, అదిలో అబ్బె మనాదె ఇజ లోకుర వెప్పొ గుర్తు ఇనిక సిల్లెదె”, ఇజ వరిజ్ వెప్తాన్.

22 మరి వాండ్లు వన్ని సిసూరిజి వెప్తాన్, “లోకు మరిసి అతి నాను గొప్పు అతికారం దాన్ సొకుదాన్ ముజినిక కండెక్ టయం బా నుడఁజిజ్ ఇజ మీరు కోరిజిన్ రోస్సు, వానెలె. గాని ఆ రోస్సు లోఇ ఉండ్రె రోజుబా మీరు తోఇదె.

23 లోకుర మిజి, “ఇదిలో ఇబ్బె మనాన్, అదిలో అబ్బె మనాన్”, ఇజ వెప్తాన్. గాని వరి వెట సొన్యాత్. వరి మాట అస్యాత్.

24 ఎందానిజ్ ఇహిజి, ఆగనమేదు మెరిస్సివెలె ఉండ్రె పడఁకదాన్ మరి ఉండ్రె పడఁకదాన్ జాయ తోర్నివజిన్ లోకు మరిసి అతి నాను వానివలె ముజినాదె.

25 గాని ముజాలె యా తరమేదికార నజి నెక్కిపొక్కినార. వాండ్లు నండ్రె ఇమన్జి ఒరిస్సెజివెలె.

26 నోవాహు కాలమేదు మహిలెకెండెన్ లోకు మరిసిఅతి నాను వాని ముజాలె ముజినాదె.

27 నోవాహు ఒడఁడు సొనిదాక లోకుర ఉణిజి తింజి మహార. పెండ్లి అజి పెండ్లిదిజ్ నీజి మహార. నస్తవలె గడ్డ నిండ్రెజి, వరిజ్ విజెరిజ్ నాననం కిత్తాదె.

28 లోతు కాలమేదు మహిలెకెండెన్, నాను వాని ముజాలె ముజినాదె. లోకుర ఉణిజి, తింజి, కొడుజి పొర్ని మహార. పల వాక్కి, ఉణుసి, ఇల్కు తోప్పొ మహార.

29 లోతు సొదోమ డిస్సె సొహి నాండ్రె, ఆగనమేదాన్ నీను రంజికం పిరు లెకెండ్రె వాజి వరిజ్ విజెరిజ్ నాననం కిత్తాదె.

30 యా లెకెండ్రె, లోకు మరిసి అతి నాను వాని దినమేదు జర్జిజి ముజినాదె.

31 నాను వాని దినమేదు, మీద్రె మున్ను ముజినికాన్ ఇండ్రె మన్ని వన్ని సామనమకు ఒతెజ్ డిగిదెజ్ అవెదె. అయలెకెండ్రె నె మడిజి ముజినికాన్ ఇనికబా ఒతెజ్ మరజి వాదిజ్ అవెదె.

32 లోతు అల్సెజ్ ఒడఁబిదు. అది దేవుణు వెప్తా మాట వెన్ఇతిజ్ సాతాదె.

33 ఎయెన్బా వన్ని సొంత పాణమేదిజ్ కాపాడఁదెజ్ నుడఁజిజి వన్నిజ్ ఎలాకాలం దేవుణు వెట బత్తిని బత్తు దోహొక్ అవెదె. ఎయెన్బా నా వందిజ్ వన్ని పాణం సితిజి, వాండ్లు ఎలాకాలం దేవుణు వెట బత్తిని బత్తు దోహొక్ అవెదె.

34 నాను మీ వెట వెప్పొన్, అయా పొదోయి రిఎర ఉండ్రె మన్నుమేదు గూర్వార. ఒరన్ వన్నిజ్ దేవుణు ఒనాన్. ఒరన్ వన్నిజ్ డిఁస్సు సొనాన్.

35 రుండి బోదెక్ కూడఁజి నూరజి ముజిని. ఉండ్రె దనిజ్ దేవుణు ఒనాన్. ఉండ్రె దనిజ్ డిస్సు సొనాన్.

36 రిఎర మడిజి ముజినాదె. ఒరన్ వన్నిజ్ దేవుణు ఒనాన్. ఒరన్ వన్నిజ్ డిఁస్సు సొనాన్.

37 అయావలె సిసూరు, “ప్రబువా, ఎంబె యాక జర్జినాదె?”, ఇజ వెన్బాతార్. వెన్బాతిజ్ వాండ్లు, “పీనుగు ఎంబె ముజినాదె ఇజ నెస్సెజ్ డేగెజ్ ఉండ్రె గుర్తు ఆనిలెకెండ్రె, యేను వానిక నెస్సెజ్ టెటాజ్ గుర్తుజ్ మన్నె.

18

డిఁన్ ఏండ్ వాతి రాండిబోదెలి కత

1 వన్నిసిసూర డిఁన్ ఏండ్ ఎస్తివలెబా పార్చన కిజి మండ్రెజ్ ఇజ నేరీప్పిస్సెజ్ యేను వరిజ్ కతవజి ఈహు నెన్ పిస్సాన్.

2 అక్క ఇనిక ఇహిజి, ఉండ్రె పట్టమేదు ఒరన్ నాయం కినికాన్ మహాన్. వాండ్లు దేవుణుదిజ్ తియేలె ఆజకాన్. లోకాజ్ లనెం కిజకాన్.

3 ఆ పట్టమేదు ఉండ్రె రాండి బోదెలి మహాదె. అది వన్ని డగ్రు డిఁన్ ఏండ్ వాజి, “నా మున్ను పగ అతికాన్ ఒరెన్ మనాన్. వాండ్లు నజి సిదెజ్ మనిక సినిలెకెండ్రె నీను నాయం తీరిన్ అ”, ఇజ బతిమాలెజి మహాదె.

4-5 వాండ్లు నెగం కాలం కెపెత్తాన్. వెనుక వాండ్లు, “నాను దేవుణుదిజ్ తియేలె ఆజకాన్. లోకాజ్ లనెం కిజకాన్. గాని యా ముండ బోదెలి డిఁన్ ఏండ్ వాజి నజి ఏక ఏక లోనినాదె. అందెజె అది మరి మరి వాజి బాద కల్లీన్ ఏండ్ దన్నిజ్ నాయం తీరిన్”, ఇజ వన్నిజ్ వాండ్రె వెప్తాన్.

6 మరి యేను వెప్తాన్, “ఏండ్లు, యా నీతి నిజాయితి నీలి నాయం కినికాన్ ఇనిక వెప్తాన్ ఇజ.

7 అహిజి, నీతి నిజాయితి మన్ని దేవుణు, వాండ్లు ఏరీపాటు కితి వన్ని లోకుర రెయం పొకాల్ వన్నిజ్ పార్చనం కితిజి, వాండ్లు వరిజ్ నాయం తీరిన్ ఏండ్ ముజినాంద్రా? వాండ్లు అల్సెం కినికాంద్రా?

8 నాను మీ వెట వెప్పొన్, వాండ్లు బేగి నాయం తీరిస్సాన్. గాని లోకు మరిసి అతి నాను మరజి వానివలె, నా మున్ను, నమకం దాన్ మన్ని వరిజ్ నుణానా?

పరిసయిని పన్నుపెర్ని వన్ని కత

9 నెగెండాల్ మాపు నీతి మనికాన్ ఇజ వరిజ్ వారె గర్ర ఆజి మహిపరిజ్ దునలాడేతికార్ మహార్. నన్నువరిజ్ వాండ్రు కతవజ నెన్పిస్తాన్.

10 “రెవెర్ లోకుర్ పార్లనం కిదెజ్ ఇజ దేవుణు గుడిడు సాహార్. ఒరెన్ పరినయం వాండ్రు ఒరెన్ పన్ను పెర్నికాన్.

11 పరినయం వాండ్రు సాహోండ్రె, వన్నిలోజ వాండ్రు ఈహు పార్లనం కితాన్, “ఓ దేవుణు, నాను మహి లోకుర్ లెకెండ్ ఆవ. ఆనగోబులు లెకెండ్, అనయం కిని వరిలెకెండ్, రంకు బూలాని వరి లెకెండ్ ఆవ. యా పన్ను పెర్ని వన్ని లెకెండ్బా ఆవ. అందెజె నిజీ వందనమ్కు.

12 నాను వారమదిజ్ రుండి నుట్టు ఉపాన్ మంజిన. నజీ వాజిని విజు దన్నిలోజబా నిజీ దెనం బాగం సీజిన”, ఇజి వార్లనం కితాన్.

13 గాని పన్ను పెర్నికాన్ దూరం నివాన్. వాండ్రు ఆగానం దరోట్బా బేన్ఎండ, వన్ని గుండె కొత్తె ఆజి, “ఓ దేవుణు, నాను పాపం కితిక. నజీ కనికారం తోరెన్ఆ”, ఇజి వెప్తాన్.

14 నాను మీ వెట వెప్పిన, పరినయం వన్ని మున్ను, విని పాపమ్కునె దేవుణు నెమ్మిస్తాన్. వీండ్రు దేవుణు ముజాల నీతి నిజాయితి మనికాన్ ఇజ తీరెన్ అతంద్రె ఇండ్రో సాహోన్. వన్నిజ్ వాండ్రె పెరికాన్ ఇజ ఒడేబినికాన్ ఎయెన్బా ఇజ్జికాన్ ఆనాన్. వన్నిజ్ వాండ్రె తగిజ ఇజ్జికాన్ ఇజ ఒడేబినికాన్ ఎయెన్బా పెరికాన్ ఆనాన్.

ఇజిరికొడోరిజ్ యేసుడగ్రు కిజినాన్

15 నెగెండాల్, యేసుడగ్రు ఇజిరి బయిరిజ్బా తని మహార్. వరిమున్ను వన్నికికు ఇడదెజ్ ఇజ తత్తార్. అక్క నుడేతారె సిసూర్ వరిజ్ జిజిజ్ ఆతార్.

16 గాని యేసు, కొడోరిజ్ వన్ని డగ్రు కూక్తాన్. కూక్తాండ్రె, “యా ఇజ్జి కొడోరిజ్ నా డగ్రు రపిర్. వరిజ్అడు కిమాట్. ఎందానిజ్ ఇహిజ, యా కొడోరి లెకెండ్ మనికార దేవుణు ఏలుబడి కినివెలె మంజినార్.

17 నిజమె, మీ వెట వెప్పిన, ఇజ్జి కొడోరి నమ్మిని వజ, దేవుణుదిజ్ నమినికార్ దేవుణు ఏలుబడిడు మజినార్. నమ్మిఇకార్ మండ్రెజ్ అట్ఎర్”.

ఒరెన్ అస్తిమన్నికాన్ యేసువెట వర్జిజినాన్

18 ఒరెన్ అతికారి యేసుజ్ నుడేజి, “ఓ నెగ్గి బోదకినికి, ఎలాకాలం దేవుణువెట బత్తిని బత్తు దోహోకీదఇహిజ, నాను ఇనిక కిదెజ్?”, ఇజి వెన్బాతాన్.

19 అందెజె యేసు, “నాను నెగ్గికాన్ ఇజి ఎందనిజ్ నీను వెప్పిని దేవుణు ఒరెండ్రె నెగ్గికాన్. మరి ఎయెన్బా నెగ్గికాన్ ఆవెన్”, ఇజి వెప్తాన్.

20 మరి వన్నిజ్, “రంకు బూలామా. లోకుదిజ్ నవమా. డెజి కిమ. అబద సాక్సి వెమామా. నీ యాయ బుబ్బెజ్ గవరమ్దాన్ నెగెండ నుడేజి” ఇని మోసె సిత్తి ఆడ్రెజ్ నెనిసిగదె”, ఇజి వెప్తాన్.

21 వెప్తాజ్ వాండ్రు, “ఇజ్జివెలెహాన్ అసి యా విజు వన్నాజ్ లోజిజిన వాజిన”, ఇజి వెప్తాన్.

22 యేసు యాక వెహోండ్రె వన్నిజ్, “మరి ఉంత్రి బా నీన్ కిదెజ్ మనాద్. నిజీ కల్లితిమనికెజ్ విజు పొర్ని అయా డబ్బుజ్ బీద వరిజ్నీఅ. అయావలె దేవుణు మంజిని బాడిడు నిజీ సంసారం మంజినాద్. మరి, నీను వాజి నా నీసూడుజి ఆఅ”, ఇజి వెప్తాన్.

23 యా మాటిజ్ వెహిజ్, వన్ని మొకొం ఇజ్జిక ఆతాద్. ఎందనిజ్ ఇహిజ, వాండ్రు నండో అస్తిమనికాన్.

24 యేసు వన్నిజ్ నుడేజి, “అస్తిమనికార్ దేవుణు కిని ఏలుబడిడిజ్ అడిగి మండ్రెజ్ ఎసానొ కస్టం.

25 ఒరెన్ సంసారం మనికాన్ దేవుణు కిని ఏలుబడిడిజ్ అడిగి మన్ని దని మున్ను ఉంత్రి ఒంట దొబానం బొరోదాన్డుగదెజ్ నూలు ఆనాద్”, ఇజి వెప్తాన్.

26 అయావలె యా మాటిజ్ వెహికార్, “అహిజ, దేవుణు రక్కిన్తి లెకెండ్ ఎయెర్ మండ్రెజ్ అట్వార్?”, ఇజి వెన్బాతార్.

27 అందెజె యేసు, “లోకు కిదెజ్ అట్ఇక దేవుణు కిదెజ్ అట్వాన్”, ఇజి వెప్తాన్.

28 నన్తివలె పేతురు, “ఇదిలో, మాపు మజి కల్లితి మనికెజ్ విజు డిస్తాపె నీ వెట వాతాప్”, ఇజి వెప్తాన్.

29-30 అందెజె యేసు, “ఒరెన్ వన్ని మున్ను దేవుణు ఏలుబడి కిదెజ్ ఇజి ఇల్లుదిజ్బా ఆల్లిజబా, దాద తంబెరిజ్బా అయిసి అప్పొనిరిజ్బా కొడోకొకాదిజ్బా, డిక్కికాన్ ఎయెండ్రె వన్నిజ్ యేలు మరి నండో కల్గినాద్. వానికాలమ్దు వన్నిజ్ ఎలాకాలం దేవుణు వెట బత్తిని బత్తుదు బా మంజినాద్, ఇజి కనితం నాను మీ వెట వెప్పిన”, ఇజి వెప్తాన్.

యేసు వన్ని సాపువందిజ్ సిసూరిజ్ వెప్పినాన్

31 యేసు వన్ని వన్నాండు మణిసిర్ సిసూరిజ్ కూక్తి వరిజ్ ఈహు వెప్తాన్. “ఇదిలో మాలు యెరూసలెమ్దు సొన్నినాట్. లోకు మరిసి ఆతి నా వందిజ్ ప్రవక్తరు రాస్తి విజు మాటిజ్ అబ్బె పూర్తి ఆనాద్.

32-33 యూదురు ఆజి వరి కీదు నాను ఒపజెవె ఆన. వారు నజీ వెక్కిసి సిగు లాగ్గి, నా మున్ను పూసి కొరెడెజాణిజ్ డెయిజి నప్పార్. మూంత్రి దినమ్కాజ్ నాను మరజి నికెవె ఆనాలె.

34 గాని సిసూరిజ్ యా మాటిజ్ లోజ ఉంత్రిబా అర్థం ఆవితార్. దిన్ని అర్థం వరిజ్ డాజిజాత్. వాండ్రు వెప్తా నజిజిజ్ వారు నెన్పితార్.

గుడ్డి వాండ్రు బెస్సెజ్ అట్సినాన్

35 యేసు యెరికొ పట్టుమదిజ్ డగ్రు వాతివెలె, ఒరెన్ గుడ్డి వాండ్రు సరి పడేకాద్ బసి లోసె మహాన్.

36 సిన లోకుర్ అయా సరిదాన్ సొన్ని మహిక, వెహోండ్రె, ఇనిక జర్గిజినాద్ ఇజి వెన్బాతాన్.

* 18:20 18:20 నల్లమ 20:12-16, ద్వితీ 5:16-20.

- 37 వారు వచ్చి, “నజరెతు వాండ్లు ఆతి యేసు, సోన్‌సి నాన్”, ఇజి వెహ్సార్.
- 38 వాండ్లు, “ఓ దావీదు మరిసి ఆతి యేసువా, నా మున్ను కనికారం తోరినెఅ”, ఇజి డటం డేల్‌స్నాన్.
- 39 ముజాలి సొన్ని మహికార్, “అలెఅ”, ఇజి వచ్చి కనితం వెహ్సార్. గాని వాండ్లు మరి నండో దావీదు మరిసి, నా మున్ను కనికారం ఆఅ”, ఇజి మరి ఒది డటం డేల్‌స్నాన్.
- 40-41 యాక వెహ్సార్ డేసు అబ్బె నిహన్. “అయా గుడ్డి వచ్చి నా డగ్గు తగిఅ”, ఇజి వరిజ్ డటం వెహ్సార్. వాండ్లు వాతిజ్, నాను నిజి ఇనిక కిదిజ్ ఇజి కోరిజిని?”, ఇజి వచ్చి వెనెబాతాన్. దనిజ్ వాండ్లు, “ప్రబువా, నాను బేస్తజ్ ఇజి ఆన ఆజిన”, ఇజి వెహ్సార్.
- 42 అందెజె యేసు, “ఇదిలో నీను నూణిలె. నీను నా మున్ను నమకం ఇడ్డి. అందెజె నెగెణ్ ఆతి”, ఇజి వెహ్సార్.
- 43 వెటనె వాండ్లు బేస్తజ్ అట్టాన్. వాండ్లు దేవుణుదిజ్ పొగిడిజి యేసువెట సొహన్. యాక సుడేతిజ్ లోకుర్ విజెరెబా దేవుణుదిజ్ పొగిడిజెతార్.

19

- జకయ ఇని వచ్చు పెర్ని వచ్చిజ్‌కూక్కినాన్
- 1 యేసు నడిజి యెరికో పట్టమదు వాతండ్లె అయా సరిదాన్ సొన్ని మహాన్.
- 2 జెకయ ఇన్ని ఒరెన్ అబ్బె మహాన్. వాండ్లు వచ్చు పెర్ని వరిజ్ నెయ్‌కి. వాండ్లు గొప్ప అస్తిమన్నికాన్.
- 3 యేసుజ్ నుడేదిజ్ ఇజి వాండ్లు కోరితాన్. గాని నండో లోకుర్ మహిజ్ వచ్చి నుడేదిజ్ అటంవతాన్. ఎందనిజ్ ఇహిజు, వాండ్లు కురికాన్.
- 4 యేసు అయా సరిదాన్ వాజి మహిజ్, వాండ్లు ముజాలి ఉహాక్కి సొన్ని ఉండ్లె బోడ్డె మరాల్ ఎక్తాన్.
- 5 యేసు మరాన్ అడిగె వాతివెలె, మున్ను బేసి, “జెకయ, బేగి డిగిజి రల. నెండ్లు నాను నీ ఇండ్లె మండ్రెజ్ వెలె”, ఇజి వచ్చిజ్ వెహ్సార్.
- 6 అందెజె వాండ్లు గజిబిజి డిగితాండ్లె వచ్చి ఇండ్లె కూక్ట ఒతండ్లె సర్దదాన్ డగ్గు కిత్తాన్.
- 7 యాక సుడేతార్, లోకుర్ విజెరె సణిజెతార్. “వీండ్లు, పాపం కిని వచ్చి ఇండ్లె కూల సొహాన్”, ఇజి.
- 8 అయావలె జెకయ నిజితండ్లె, యేసుజ్ ఈహు వెహ్సార్. “ఇదిలో ప్రబువా, యేలు నా ఆస్తి లొఇ సగం బీదవరిజ్ సీజిన. అనయమదాన్ ఎయె బాన్‌బా ఇనిక లొస్తిజు, నాను దని నాల్లి వంతు మరజి సీన్”, ఇజి వెహ్సార్.
- 9 యేసు వచ్చి, “నెండ్లు యా ఇండ్లెజి వరి పాపమకు దేవుణు నెమిచ్చు మనాన్. ఎందానిజ్ ఇహిజు, విన్ని అనిసిఆతి అబ్రాహము దేవుణు మున్ను. నమకం ఇడ్డి వజి, వీండ్లుబా నమకం ఇట్టాన్.
- 10 లోకు మరిసి ఆతి నాను పాడాజి సొని వరిజ్ రెబాజి రక్కిస్తెజ్ వాత”, ఇజి వెహ్సార్.
- పణిమణిసిర్ కత
- 11 లోకుర్ యాకెజ్ వెంజి మహాన్. వాండ్లు యెరుసలెం డగ్గు ఆతాన్. దేవుణు రాజు వజి వెటనె వానాన్‌లె ఇజి లోకుర్‌బా ఒడిబెతార్. అందెజె వాండ్లు కత వజి వరిజ్ ఈహు నెన్‌పిస్తాన్.
- 12 ఒరెన్ రాజు వజి కుటుమదికాన్ వచ్చి దేసమదు రాజు ఆదిజ్ ఇజి ఉండ్లె దూరం మని దేసెం సొహాన్. మరి, మరజి వాదిజ్ ఇజి సొహాన్.
- 13 సొని ముజాలి, వచ్చి పణిమణిసిర్ లొఇ వది మణిసిర్ కూక్కి ఒరెన్ ఒరెన్ వచ్చిజ్ ఉండ్లె మీనా* సిత్రాన్. సిత్రాండ్లె, “నాను మరజి వాని దాక బేరం కిజి మండ్లు”, ఇజి వరిజ్ వెహ్సార్.
- 14 గాని వచ్చి పట్టమదికార్ వచ్చిజ్ ఇస్టం సిలెతాద్. అందెజె వారు, “వీండ్లు మజి ఏలుబడి కిదిజ్ మజి ఇస్టం సిల్లెద్”, ఇజి వచ్చి వెనుక పెరి రాజుజ్ కట్టు పోక్తార్.
- 15 అహిజెబా, వాండ్లు రాజు ఆతాన్. మరజి వాతివెలె, వాండ్లు డబ్బు సిత్ర మణిసిర్, అయా డబుదాన్ బేరం కిజి ఇనిక గణస్తార్ ఇజి నెస్తజ్ వరిజ్ కూక్కిస్తాన్.
- 16 వరిలొఇ మొదొహికాన్ వచ్చి డగ్గు వాజి, “బాబు, నీను సిత్ర యాబయి రుపాయుజాణిజ్, అయేదు వందెజ్ రుపయబు వాతె”, ఇజి వెహ్సార్.
- 17 వాండ్లు, “నెగ్గి పణిమణిసి నీను నెగెండ కితి. నీను ఇజి పణిదు నమకం దాన్‌మహి. అందెజె పది పట్టమక మున్ను అతికారి ఆఅ”, ఇజి వెహ్సార్.
- 18 అయావలె మరి ఒరెన్ వాజి, “బాబు, నీను సిత్ర యాబయి రుపాయుజాణిజ్ రుండి వందెజ్ యాబయి రుపాయబు వాతె”, ఇజి వెహ్సార్.
- 19 నీను బా అయేదు పట్టమక మున్ను అతికారి ఆఅ”, ఇజి వెహ్సార్.
- 20-21 అయావలె మరి ఒరెన్ వాజి, “బాబు, ఇదిలో నీ డబ్బు. నీను నీది ఆకక ఒనికి. నీను విత్‌ఇకెజ్ కొయ్‌జి ఒనికి. నీను గటి పాణం మనికి. అందెజె నిజి తియెల్ ఆజి యా డబ్బు రుమాల్‌దు మూట తోహాక్ ఇట్టా మహా”, ఇజి వెహ్సార్.
- 22-23 అందెజె వాండ్లు వచ్చిజ్ వెహ్సార్, “పణిదిజ్ రజి పణిమణిసి, నీ వెయిది సొంత మాటదిజెనె, నాను నిజి తీర్పు తిరిసిన. నాను నాది ఆకదనిజ్ పెర్ని ఒకకాన్ ఇజి, నాను విత్‌ఇకెజ్ కొయ్‌జి ఒనికాన్ ఇజి నీను నెస్తి గదె. నాను గటి పణం మనికాన్ ఇజి నీను నెస్తి. మరి ఎందనిజ్ నా డబ్బు బెంకుదు ఇడెఇతి? అహు ఇడ్డిక ఇహిజు, నాను మరజి వాతివెలె వడ్డిదాన్ దొహెక్తాద్ మరి.
- 24 విన్నిబాన్ మున్నిడబ్బు లాగ్గి పది పట్టమకాజ్ అతికారి ఆతి మొదొహివచ్చిజ్ సీదు”, ఇజి పడెకాద్ నిహి మహి వరిజ్ వెహ్సార్.

* 19:13 19:13 ఉండ్లె మీనా మూండ్లె నెలెజి పణిదిజ్ కూలి

- 25 వారు, “బాబు, వన్నిజ్ అయ్యదు వందెజ్ రుపాయ్జు మనె గదె”, ఇజి వెహ్సార్.
- 26 వెహ్సాజ్ వాండ్రు, “నమిదెజ్ తగ్గి వన్నిజ్ మరి నండో కల్లినాదలె. గాని నమిదెజ్ తగ్గె వన్నిజ్ కల్లితి మన్ని కండెకెబాలగ్నాన్, ఇజి నాను మీ వెట వెహ్సాన్.
- 27 మరి, నాను పరి మున్ను, ఏలుబడికి కిడెజ్ ఇస్టం సిల్లి నా వగ ఆతి వరిజ్ ఇబ్బె తగ్గె. వరిజ్ నా ఎద్దు కత్తు”, ఇజి వెహ్సార్.
- 28 యేసు యా మాటెజ్ వెహ్సా వెనుక, యెరుసలం సాండ్రెజ్ పరి ముజాల సాన్సినాన్.
- 29-30 ఒలివ గొలొజ్ డగ్గు మన్ని బెత్సెగె, బెతానియ ఇని నాహ్కాజ్ డగ్గు వాతాన్. వాతివెలె వన్ని సిసూర్ లొఇ రిఎరిజ్ కూక్కి, “మీ ఎద్దు మన్నినాటో సాండ్రు. అబె సాహెజ సరి, తొహ్కొత్తి మని గాడెది పిల్ల తొర్నాద్. దన్నిమున్ను ఎనెజ్బా ఎయెర్బా బన్ఎరె. దనిజ్ కుత్తి పేర్జి తగ్గెట్.
- 31 ఎయెన్బా, “మీరు ఎందనిజ్ దనిజ్ కుత్సినెదెర్, ఇజి వెన్బాతిజ, యాకెజ్ ప్రబుజ్ కావాలి, ఇజి వరిజ్ వెహ్సా”, ఇజి వెహ్సాండ్రె పొహ్సాన్.
- 32 పొక్కి మనికార్ సాన్సి వాండ్రు వరిజ్ వెహ్సా లెకెండెనె సుడెతార్.
- 33 వారు ఆ గాడెది పిల్లదిజ్ కుత్తి మహెజ్, దన్ని ఎజుమాసుర్, “మీరు ఎందానిజ్ గాడెది పిల్లదిజ్ కుత్సినెదెర్”, ఇజి వెన్బాతార్.
- 34 అందెజె వారు, “యాక ప్రబుజ్ కావాలి”, ఇజి వెహ్సార్.
- 35 వారు యేసుడగ్గు తత్తార్. తత్తారె, దన్నిమున్ను పరి పాతెజ్ వహ్సార్. యేసుజ్ దని మున్ను ఎకిస్తార్.
- 36 వాండ్రు సాన్సి మహెజ్, పరి పాతెజ్ సాన్సినె సద్దు వహ్సార్.
- 37 ఒలివ గొలొజ్ డిగ్గి వాని సద్దు వాతివెలె, వన్ని సిసూర్ ని వన్ని వెట మన్ని ముంద లోకుర్ విజెరె దేవుణుదిజ్ పొగిడితార్. వారు సుడెతి విజు గొప్ప వణిజి వందెజ్ సద్దుదాన్ దేవుణుదిజ్ డటం పొగిడితార్. వారు ఈహు పొగిడితార్.
- 38 “దేవుణు సెతి అతికారమదాన్ వాజెని రాజుజ్ పొగిడె ఆనికాన్†. పరలోమెదు సమాదనం మనాద్. మున్ను మన్ని దేవుణు గొప్ప పెరికాన్”,
- 39 నసీవలె ఆ ముంద లొఇ మన్ని నెగెండార్ పరిసయెరుజు, “ఓ బోదకినికి, నీ ముంద సిసూర్ విజెరిజ్ అలెజి మండ్రు ఇజి డటం వెహ్సా”, ఇజి వెహ్సార్.
- 40 అందెజె వాండ్రు, “మీరు అల్లెజ్ మహెజ, యా పణుకుజ్ డటం డేల్లి పొగిడిజెనె ఇజి నాను మీ వెట వెహ్సాన్”, ఇజి వెహ్సాన్.
- 41-42 వాండ్రు యెరుసలం పట్టుం డగ్గు వాతండ్రె, పట్టుమదిజ్ సుడెజి అబ్బె మన్ని లోకుర్ వందెజ్ అడెబతాన్. అడెబతాండ్రె ఈహు వెహ్సాన్. “మీరు యా దినమెదు బా సమాదనం అని సజతిజ నెస్తెజి మిజి ఎసానో మేలు మంజినాద్. గాని యేలు యాకెజ్ మీ కణకాజ్ తోర్ఎండ డాజెజ్ మనె.
- 43-44 దేవుణు మిజి రక్కిన్దిజ్ మీ డగ్గు వాతి కాలం మీరు నెన్ఇదెర్. అందెజె మీ పగ్ఆతికార్ మీ సుటులం కోట తొహ్కొత్తి వెల్లి సాన్ఎండ, లాప్ప అడ్డుజ్ కిసార్. వారు మిజి, మీ పట్టుమదిజ్ పూర్తి నాననం కిసార్. వారు పణుకు మున్ను, పణుకు మన్ఎండ పట్టుం పూర్తి నాననం కిని కాలం వానాదలె.
- యేసు గుడిదాన్ నవ్కారిజ పేర్జినాన్
- 45-46 యాకెజ్ వెహ్సాండ్రె, వాండ్రు దేవుణు గుడిడు సాహాన్. అయావలె అబ్బె నవ్కారిజు పొర్ని మహార్. వరిజ్, “నా గుడిః పార్చనం కిదిజ్ ఇడ్డి గుడిః‡ ఇజి దేవుణు మటదు రాన్మ మనాద్. గాని మీరు డొజొరె మంజిని సాలం[§] లెకెండె దనిజ్ కితిదెర్”, ఇజి వెహ్సాండ్రె వరిజ్ పేర్నాన్.
- 47 యేసు రోజు, గుడిడు బోదకిజి మహాన్. పెరిపుజెరిజు, యూదురి రూలుజ్ నెస్సిస్సికార్, లోకుర్ లొఇ మన్ని పెద్దెల్బుజు వన్నిజ్ సహ్సాజ్ సుడెజి మహార్.
- 48 గాని లోకుర్ విజెరె వన్ని మాటెజ్ బాగ వెంజి వన్ని సుటులం మహెజ్, వన్నిజ్ సహ్సాజ్ అటెవతార్.

20

- యేసు అతికారం వందెజ్ వెన్బాజినార్
- 1 అయా దినమకలొఇ ఉండ్రె నాండెజ్, వాండ్రు దేవుణు గుడిడు లోకాజ్ నేర్పెసి, సువార్ బోదని మహాన్. అయావలె పెరి పుజెరిజుని యూదురి రూలుజ్ నెస్సిస్సికార్, పెద్దెల్బుజు వెట కూడెజి వన్ని మున్ను వాతాద్.
- 2 నీను ఇనిఅతికారమదాన్ యా పణిజ్ కిజిని? ఎయెన్ నిజి యా అతికారం సితాన్? మజి వెహ్సా”, ఇజి వన్నిజ్ వెన్బాతార్.
- 3 అందెజె వాండ్రు, “నాను బా మిజి ఉండ్రె మాట వెన్బానా.
- 4 బాప్తినం సేదిజ్ అతికారం యోహానుజ్ ఎయె బాణిజ్ వాతాద్ దేవుణు బాణిజ్నా లోకు బాణిజ్నా నజి యేలు వెహ్సా? ఇజి వెహ్సాన్.
- 5 పరిలొఇ వారు ఈహు వర్గెతార్. దేవుణు బాణిజ్ వాతాద్ ఇజి మాటు వెహ్సాజ, ఎందనిజ్ మీరు వన్నిజ్ నమ్ఇతిదెర్ ఇజి వాండ్రు వెన్బానాన్.
- 6 లోకురి బాణిజ్ ఇజి మాటు వెహ్సాజ, లోకుర్ విజెరె మజి పణకాణిజ్ డెయూరార్. ఎందనిజ్ఇహెజ, యోహాను, ఒరెన్ దేవుణు ప్రవక్త ఇజి విజెరె పూర్తి నమ్మిజినార్.
- 7 అందెజె వారు, “అయాక ఎంబెణిజ్ వాతాద్ మజి తెలివద్”, ఇజి వారు మరజి వెహ్సార్.

† 19:38 19:38 కిర్వన 118:26. ‡ 19:45-46 19:45-46 యెసయ 56:7. § 19:45-46 19:45-46 యెర్మీయ 7:11.

8 అహీజ, ఎంబెణి అతికారముదాన్ నాను యా వణిజ్ కిజిన ఇజ నాను బా వెహాఎ”, ఇజ యేసు వరిజ్ వెహ్సాన్.

రయుజ కత

9 మరి, వాండ్రు ఉండ్రీ కత వజ లోకురిజ్ నెన్పిస్తాన్. “ఒరెన్ లోకు ద్రాక్కు టోట ఉణుస్తాన్. ఆ టోట నెగొండార్ రయ్తూజ తనక సితాన్. సితండ్ర నండ్రీ కాలం మండ్రెజ్ ఉండ్రీ దూరం దేసెం సాహ్సాన్.

10 పంట కొయ్యెని కాలమదు వన్నెజ్ వాని పట్టుజ వంతు లోని తగిఅ ఇజ ఒరెన్ గొతొయ వన్నెజ్ రయ్తూజ డగ్రు పోక్తాన్. అయా రయ్తూజ వన్నెజ్ డెయతారె వహి కీదాన్ మరజి పోక్తార్.

11 వాండ్రు మరి ఒరెన్ గొతొయవన్నెజ్ పోక్తాన్. వారు వన్నెజ్బా డెయిజి, సిగు కితారె వహి కీదాన్ పోక్తార్.

12 మరి బా, ఒరెన్ వన్నెజ్ పోక్తాన్. వారు వన్నెజ్ గాయమకు ఆని లెకెండ్ర డెయిజి వల్లె విసిర్తారె.

13 అయావలె ద్రాక్కు టోట ఎజమాని, “నాను ఇనిక కిదెజ్? నాను లాపు ప్రేమిస్సి నా సొంత మరిసిజ్ పోక్కు. వారు వన్నెజ్ గవరం సీనారలెసు”, ఇజ ఒడెబితాండ్రె పోక్తాన్.

14 గాని పాలి అస్తి మున్నెర్ వన్నెజ్ నుడెతారె, “పిండ్రు యా టోటాదిజ్ అక్కు మనికాన్. యా టోట మూది ఆదెజ్ వన్నెజ్ సప్పాజ్. రదు”, ఇజ వరి లోఇ వారు వర్గితారె.

15 అందెజి వారు వన్నెజ్ ద్రాక్కు టోటాదాన్ వల్లె పోక్తారె సప్తారె. అహీజ, ద్రాక్కు టోట ఎజమాని వరిజ్ ఇనిక కిసాన్?

16 వాండ్రు వాజి, అయా రయ్తూజ నప్పి మహి వరిజ్ టోట ఒపజెప్పాన్. లోకుర్ యాక వెహరె, “ఆ లెకెండ్ర కిదెజ్ ఆవెద్”, ఇజ వెహ్సార్.

17 యేసు వరిజ్ డిటం బేసి ఈహు వెన్బాతాన్, “అహీజ, ఇల్లు తోప్పికార్ నెక్తి పోక్తి వణుకు మూలదిజ్ మూల వణుకు ఆతాద్” ఇజ దేవుణు మాటదు రాస్తి మున్నె దన్ని అరదం ఇనిక?

18 అయా వణుకు మున్ను అర్చి విజెరె ముకెజ్ ఆనార్. అయా వణుకు ఎయెన్ మున్ను అర్చిజ, వాండ్రు సింద్సింద ఆనాన్”.

19 యూదురి రూలుజ్ నెస్సిన్సెకార్, పెరి పుజెరిబు, మా వందిజ్ నె పిండ్రు కత వజ వెహ్సాన్ ఇజ నెస్తారె, వెటిన వన్నెజ్ అనైజ్ నుడెతారె. గాని లోకురిజ్ తియెల్ ఆతారె, అన్వెతారె.

20 అందెజి వారు వన్నెజ్ వారు గురి కిజి మహార్. ఎందానిజ్ ఇహిజ, వాండ్రు వెప్పిని మాట లోఇ ఇని దనిజ్బా తవు అసి వన్నెజ్ తోప్పి అతికారిజ్ బాన్ ఒపజెప్పెజ్. దిని వందిజ్ వారు నండ్రెండ్రారిజ్ పోక్తిసారె. యా నెగొండార్ మూపు నీతి నిజాయతి మనికాన్ ఇజ వేసం కినికార్. సని వరిజ్ వన్నె డగ్రు పోక్తారె. వీరు సాస్తి వన్నె మాటజ్ లోఇ తవు అన్నెజ్ ఇజ.

21 వారు వాతారె వన్నెజ్, “ఓ బోదకినికి, నీను నిజమతిక వెప్పి బోదిసిని ఇజ మూపు నెస్తావ్. నీను ఇజ్జికార్ పెరికార్ ఇజ తేడ తోఇకి. దేవుణుదిజ్ ఇస్టం అతి నిజమాతి బత్తు వందిజ్ నీను నిజం నెస్సిన్సె ఇజ మూపు నెస్తావ్.

22 మూపు కయెనరుజ్ వన్ను సీనికెజ్ నాయమనా? అనయమనా?”, ఇజ వన్నెజ్ వెన్బాతారె.

23-24 వాండ్రు వరి నెఇ బుద్దిదిజ్ నెస్తాండ్రె వరిజ్, “ఉండ్రీ దినారి కాను తోర్స్టు. దిని మున్ను మన్ని బొమ్ము ఎయెది? రాస్తి మన్ని రాంత వెయెది?”, ఇజ వెన్బాతాన్. “కయెనరవి”, ఇహార్ వారు.

25 అందెజి వారు వాండ్రు, “కయెనరుది, కయెనరుజ్ సీదు. దేవుణుది దేవుణుదిజ్ సీదు”, ఇజ వెహ్సాన్.

26 వారు అబ్బె మంద ఎర్తు వాండ్రు వెహ్సా మాటదు తవు అనైజ్ అల్వెతారె. వాండ్రు మరజి వెహ్సా మాటదిజ్ నండ్రె బమ్ము ఆతారె అలెతారె.

27 నస్తివలె నెగొండార్ నదుకయెరు యేసు డగ్రు వాతారె. సాతి వెసుక మరజి నిజ్నిక సిల్లెద్ ఇజి వారు వెప్పిసారె. వారు వాతారె ఈహు వెన్బాతారె.

28 ఓ బోదకినికి, ఒరెన్ కొడెజిర్ సిల్లెండ్ర సాతిజ. వన్నె తంబెర్చి ఒన్నెజ్ ఇడ్డెజ్ ఆజి కొడెజిర్ ఇడెదెజ్. ఆహె సాతి వన్ని వందిజ్ కుటుం నిల్వెజ్, ఇజి మోస మజి రాస్తి సిత్రమానాన్.

29-31 యేలు నుడెఅ, ఉండ్రీ కాలమదు, దాదతంబెర్సిర్, ఏడు గురు మహార్. తోల్సుర్దికాన్ ఉండ్రీ బోదెల్దిజ్ పెండ్లి ఆతాన్. కొడెజిర్ సిల్లెండ్ర సాతాన్. సాతిజ్, నడిపి వాండ్రు దనిజ్ ఇడ్డెజ్ ఆతాన్. కొడెజిర్ సిల్లెండ్ర సాతాన్. వెసుక కొర్చి నడిపి దనిజ్ ఇడ్డెజ్ ఆతాన్. కొడెజిర్ సిల్లెండ్ర వాండ్రుబు సాతాన్. ఆహె ఏడు గురు బా కొడెజిర్ సిల్లెండ్ర సాతారె.

32 కడెవేరిదు ఆ బోదెల్బా సాతారె.

33 అందెజి సాతి వరిబాణిజ్ మరజి నిజ్ని వెలె, ఆ బోదెల్ ఎయెరిజ్ అల్చి ఆనాద్? ఆ ఏడు గురుదిజ్బా అది అల్చి ఆత మహాద్ గదె?”, ఇజ వెన్బాతారె.

34 అందెజి యేసు వరిజ్ ఈహు వెహ్సాన్, “యా లోకమది లోకుర్ పెండ్లి ఆజనాన్. పెండ్లిదిజ్ సీజనాన్.

35 గాని సాతి వరిబాణిజ్ మరజి నిజ్జిజ పరలోకమదు మండ్రెజ్ తగ్గికార్ పెండ్లి ఆవిర్. పెండ్లిదిజ్ సివిర్.

36 ఎంఅనిజ్ ఇహిజ, వారు మరి సావిర్. వారు దేవుణు దూతెజ్ పోల్తికారె. వారు సాపుదాన్ మరజి నిజ్నారె. అందెజి వారు దేవుణు కొడెజిర్.

37-38 సాతికార్ నిజ్నారె ఇజి మోస నెర్తెండ్ర రుజువ్ కిజనాన్. లట కన్నె బాన్ మోస సాహ్సాన్. అబ్బె, ‘అబ్రాహము దేవుణు, ఇస్సాకు దేవుణు, యాకోబు దేవుణు ఇజి వాండ్రు దేవుణు ఆతి ప్రబు వందిజ్ వెప్పిసారె. అయావలె అబ్రాహము, ఇస్సాకు, యాకోబు బత్తిజనార్ ఇజి తోర్పాద్. వాండ్రు బత్తితి మన్ని వరిజ్ నె దేవుణు. సాతి వరిజ్ దేవుణు ఆవిన్. ఎందనిజ్ ఇహిజ, వన్నె వెట కూడితి మనికార్ విజెరె బత్తిజనారె.

39 నెగొండార్, యూదురి రూలుజ్ నెస్సిన్సెకార్, “బోదకినికి, నీను నెగెండ్ర వెహ్సా”, ఇజి వన్నెజ్ వెహ్సార్.

40 వెసుక వారు వన్నెజ్ ఇనికబా వెన్బాదెజ్ ఎయెరిజ్బా దయెరం సాల్వెతారె.

41 యేసు వరివెట ఈహు వెహ్సాన్. “క్రిస్టు దావీదు తెగ్గాతికాన్ ఇజి ఎలాగ వారు వెప్పిసారె?

* 20:17 20:17 కీర్తన 118:22.

42-43 ‘నాను నీ వగాతి వరిజ్ నీ పాదమక అడిగి ఇడ్డిదాక, నీను నా ఉణెర వడఁకాదు బన్అ’, ఇజి ప్రబు నా ప్రబు వెట వెహ్లాన్’, ఇజి కీర్తన పుస్తకముడు దావిదున వెహ్లానాన్.

44 దావిదున వన్నిజ్, “ప్రబు” ఇజి కూక్కినాన్. అయావలె వాండ్రు ఎలాగ దావిదు మరిసి ఆనాన్.

45-46 లోకుర్ విజెర వెంజి మహివలె, యేసు వన్ని సిసూరిజ్ వెహ్లాన్, “మీరు యూదురి రూలుజ్ నెస్సిస్సివరి వందిజ్ జాగర్త మండ్రు వారు నిరీ సొక తొడఁగిజి బూలాదెజ్ ఇస్తం ఆతికార. సత నడిఁమి పెరికార ఇజి మాడఁ ఆదెజ్ కోరిజినార. యూదురి మీటిజ్ ఇండ్రో పెరికార బన్సి బాడిఁదు బన్సెజ్, విందుద్ నెగ్గి బాడిఁదు బన్సెజ్ కోరిజినార.

47 వారు రాండి బోదెక్ ఇల్లాణికిజ్ అనయమదాన్ లాగ్జినార. మహి వరి ఇంక నెగ్గికావ్ ఇజి తోర ఆదెజ్ నిరీ పార్తనం కిజినార. దేవుణు వరిజ్ నండో సిక్కు సీనాన్”.

21

1 యేసు దేవుణు గుడిఁదు బస్తాండ్రె, సుటులం బేస్తాన్. అయావలె అస్తిమున్సికార సంత పెట్టెదు పెరి సంత అర్పిసినక సుడఁతాన్.

2 ఇనిక సిల్లి ఉండ్రె రాండి బోదెలి సంత అర్పిస్సిక బా సుడఁతాన్. అది రుండి వయసెజ్ అరిప్తాద్.

3 వాండ్రు వరిజ్, “నాను నిజం మీ వెట వెహ్లాన్, యా ఇనిక సిలి రాండి బోదెలి మహి విజెర మున్సు లావు అరిప్తాద్.

4 వారు విజెర వరిజ్ కల్లితి మన్సి సంతారం బాణిజ్ అరిప్తాద్. గాని అది దనిజ్ సిల్లి బాణిజ్ దనిజ్ బత్తిదెజ్ మనికెజ్ అరిప్తాద్”, ఇజి వెహ్లాన్.

5 అయావలె వన్ని సిసూరిలా ఇ నెగొండార, అయా దేవుణు గుడిఁ వందిజ్ వర్గిజి మహార. నెగ్గి వణుకుదాన్ తొహ్కెకె యా గుడిఁ ఇజి వర్గెతార. సంద సిత్తి నెగ్గి ఇనాయమక ఇబ్బె ఇండ్రె మన. గొప్ప సొకు మనాద్”, ఇజి వర్గెతార.

6 అయావలె యేసు, “మీరు సుడఁతికిజ్ వణుకు మున్సు వణుకు మన్ఏండ అరి ఆని దినమక వానలె”, ఇజి వెహ్లాన్.

7 అయావలె వారు, “ఓ బోదెకిసికి, యాకెజ్ ఎనెజ్ జర్గిజినె? యాక జర్గిని కాలం డగ్రు ఆతాద్ ఇజి తోరిస్సి గుర్తు ఇనిక?”, ఇజి వెన్బాతార.

8 అందెజి వాండ్రు వెహ్లాన్, “మీరు మొసెం కిబె ఆఎండ జాగర్త మండ్రు. ఎందనిజ్ ఇహిజి నండ్రెండార నా పేరు అసి వానారలె. వారు, “నాన దేవుణు పొక్కి క్రీస్తు ఇజి, కాలం డగ్రు ఆతాద్ ఇజి వెహ్లాన్ వానార. వరి వెట సొన్నాద్.

9 మీరు విదిమక వందిజ్, జటిజ్ వందిజ్ వెనివెలి తియెల్ అమాల్. యాక ముజాలె జర్గిదెజ్ వెలి. గాని ఆక్కర రోజు వెటనె రిఉ.

10 మరి వాండ్రు వరిజ్ వెహ్లాన్, “లోకుర్ మున్సు లోకుర్, రాజెం మున్సు రాజెం జటిజ్ దిజ్ నిజ్ నాలై.

11 అబ్బె ఇబ్బె బూమి గొప్ప కర్ణినికెజ్ వానలె. నండో దేనమదు కర్తుజ్, నండో లోకురిజ్ నెద్రిజి అన్సి కర్ణమక వానలె. గొప్ప తియెల్ కల్లిస్సి గుర్తుజ్ అగానమదు పుట్టెలి.

12 గాని యాకెజ్ జర్గిని ముజాల, వారు మిజి అస్సారి, ఇమ్సెజ్ కినార. వారు మిజి యూదురి మీటిజ్ ఇండ్రెని, జెలిదు ఒవజెప్పార. రాజుజు ముజాల, మహి అతికారిజు ముజాల మిజి తనార. యాకెజ్ విజు నా మున్సు నమకం ఇడ్డి వందిజ్ జర్గిని.

13 అయావలె, యాకది మీరు నా వందిజ్ సువార్త వెహ్లాజ్ నెగ్గి నమయం.

14 వారు వెన్బానివెలె, వరిజ్ ఎలాగ మరజి వెహ్లాజ్ ఇజి ఒడఁబిజి ముజాల బాద ఆవి ఇజి తిరుమానం కిజి మన్అ.

15 ఎందానిజ్ ఇహిజు, మీ వగాతికార ఎయెరబా మిజి ఎద్రిన్ఎండ మంజిని వజి మీరు వెహ్లాజ్ మాటిజ్, గెణం నాను మిజి సీన.

16 మిజి మీ అయిసి అపొసీరబా దాదతందెరసిరబా కూలెజ్బా అతికారిజుబాన్ సిక్కు సిదిస్సెజ్ ఒవజెప్పార. మీ లోఇ నెగొండారిజ్ వారు సప్పార.

17 నా మున్సు నమకం ఇడ్డి వందిజ్ విజెర మీ మున్సు పగదాన్ మంజినార.

18 గాని మీరు ఎలాకాలం బత్తినార.

19 కర్ణమకు ఓరిసి మండ్రు. అయావలె మీజి ఎలాకాలం దేవుణు వెట బత్తిని బత్తు దొహ్కెదెర్.

20 యెరూసలెం పట్టం సుటులం ఉండ్రం కినికార కూడఁజి మహిక, మీరు సుడఁతిజి, దన్సి నానం డగ్రు ఆతాద్ ఇజి మీరు నెస్సెజ్ వెలి.

21 అయావలె నానం అవిండ మండ్రెజ్ యూదయ దేనమదు మన్సికార గొరొకాజ్ ఉహ్కెజ్ వెలి. యెరూసలెం పట్టం నడిఁమి మనికార వెల్లి ఉహ్కెజ్ వెలి. యెరూసలెం పట్టం వెల్లి మనికార లోఇ సాండ్రెజ్ అవిద్.

22 ముజాలె రాస్తి మనికెజ్ పూర్తి అందెజ్ యా సిక్కు దినమక.

23 ఆ దినమకాజ్ పొటాద్ మన్సి వన్యాజ్, పాలు ఉట్టిపిస్సి వన్యాజ్ గొప్ప కర్ణం. ఎందనిజ్ ఇహిజు, యూదయ దేనం మున్సు నండో కర్ణమకు వానలె. దేవుణు కోవం యా లోకుర్ మున్సు వానాల్లె.

24 వారు కూర్చెజికిజ్ సానారలె. నెగొండారిజ్ తొహ్కె పయ దేనమకాజ్ విజు ఒనారలె. దేవుణుదిజ్ నెన్ఇకార యెరుసలెమిదిజ్ ఏలుబడిఁ కినారలె. వరి ఏలుబడిఁ అబ్బె పూర్తి ఆని కాలమదాక యెరూసలెం వరి అడిఁగి ఆనాద్.

25 పొద్దుదు, నెలదు, సుక్కెజుదు బమ్మకిని గుర్తుజ్ తోరెనెలె. నమదరమెది ఉల్కెజ్ గొప్ప గగెల్ కిజి వరిజ్ తియెల్ కల్లిస్సి. ఆహా బూమిద్ మన్సి లోకుర్ విజెర ఇనిక కిదెజ్ ఇజి అర్దం కివిండ మంజినార.

26 ఆగనమదు మన్సి నండో రకమకాణికిజ్ కదలిసె. అందెజె లోకమదు జర్గిని వన్యాజ్ వందిజ్ ఎత్తు కిజి తియెల్ ఆజి లోకుర్ సానార.

† 20:42-43 20:42-43 కీర్తన 110:1.

- 27 అయావలె లోకు మరిసి ఆతి నాను మొసాపుడు వానిక వారు నూణార్. గొప్పు అతికారం దాన్ గొప్పు జాయ్దాన్ కూడితి సోకుదాన్ మొసావ్దు వానిక వారు నూణార్.
- 28 యాకెజ్ జర్గదెజ్ ముదెలెస్సెవలె నిల్లి బుర్ పెరదు. ఎందానిజ్ ఇహొజ, మీ కన్ఘకూణిజ్ విడుడల డగ్రు ఆజినాద్.
- 29 వాండ్రు వరిజ్ కతవజ నెన్పిస్తాన్. బొడెమరాతిజ్ని విజు మరెకాజ్ నుడేదు.
- 30 ఆకెజ్ సెగ్గిసినివెలె, జేట కాలం డగ్రు ఆతాద్ ఇజ మీర నుడేజి నెసినిదెర్.
- 31 అయా లెకెండెన, మీరు యా నజతిజ్ జర్గినిక నూణివెలె, దెవుణు యా లోకమ్దిజ్ ఏలుబడిః కిజినిక డగ్రు ఆతాద్ ఇజి నెసినిదెర్.
- 32 యా నజతిజ్ జర్గినిదాక, యా తరమ్దికార్ సావీర్, ఇజి నాను మీ వెట కనితం వెమ్మిన.
- 33 ఆగానం బూమి సిల్లెండ ఆనాద్. గాని నా మాటెజ్ ఎసెజ్బా అయాలెకెండె సాన్ఉ.
- 34 మీరు ఉణిజి తింజ మత్తుదాన్ మన్విండ యా లోకమ్ది బత్తు, వందిజ్ విసారిన్ఎండ జాగర్త మండ్రు. సిల్లిజ, లోకుమరిసిఅతి నాను వాని దినం ఉరి వాతి లెకెండె వెటనె వానాద్. అందెజి జాగర్త మండ్రు.
- 35 యా లోకమ్దు బత్తిజిని లోకుర్ విజెరి మున్ఘు అయా దినం నెన్ఎండ వావాద్.
- 36 యా జర్గదెజ్ మన్ని విజు వన్యాజ్ ఒరిసి మంజిని సత్తు వందిజ్, లోకు మరిసి ఆతి నా ముజాలె నిల్నీన సత్తు వందిజ్ ఎస్సివలె బా పొర్తనం కిజి జగర్త త మండ్రు.
- 37 యేసు రోజు దేవుణు గుడిడు వేడెక నెస్సిని మహాన్. రెయ్క ఒలివ గొరొత్ మండ్రెజ్ సొన్ని మహాన్.
- 38 లోకుర్ విజెరి పెందాలెనె, వన్ని మాటెజ్ వెండ్రెజ్ దేవుణు గుడిడు వాజి మహార్.

22

యేసుజ్ ఒవజెప్టెజ్ యూద ఒప్పుకొటాన్

- 1 పన్ఘ ఇని పులాజ్ సిల్లి రొట్టెజ్ తయారెకిని పండొయి డగ్రు ఆతాద్.
- 2 సన్ఘివలె పెరిపుజెరిబు, యూదురి రూలుజ్ నెస్సిన్కార్ యేసుజ్ ఎలాగ సప్తెజ్ ఇజి ఉపాయి నుడేజి మహార్. ఎందానిజ్ ఇహొజ, వారు లోకురిజ్ తియెల్ ఆజి మహార్.
- 3 అయావలె, పన్ఘెండు మణిసి సిసూర్ లోజు మన్ని ఇస్సెరియెతు ఇని యూదిజ్ సయూను అస్తాన్.
- 4 వాండ్రు పెరి పుజెరిబు, అతికారిజి బాన్ సొహొండ్రె ఎలాగ వన్నిజ్ వరికిదు ఒవజెప్టెజ్, ఇజి వరివెట వర్గెతార్.
- 5 అందెజి వారు సర్ద అతార్, వన్నిజ్ డబ్బు సీనావ్ ఇజి ఒప్పుకొటార్.
- 6 వాండ్రు దనిజ్ ఒప్పుకొటాన్. మంద లోకుర్ సిల్లివెలె వన్నిజ్ వరిజ్ ఒవజెప్టెజ్ తవ్కానం నుడేజి మహాన్.
- 7 పులాజ్ సిల్లి రొట్టెజ్ తయారెకిని పండొయి కిని దినం వాతాద్. ఆ దినమ్దు మెండ గొరె పిల్లెజ్ పూజి సీజి పన్ఘ బోజినం కిదెజ్.
- 8 అందెజి యేసు పేతురుజ్, యోహానుజ్, “మీరు సొన్ని, మాటు పన్ఘ బోజినం ఉండెజ్ తయారె కిదు”, ఇజి వెప్తాండ్రె వరిజ్ పోక్కినాన్.
- 9 వారు, “మాపు ఎంబె తయారె కిదెజ్ ఇజి నీను కోరిజిని?”, ఇజి వన్నిజ్ వెన్బాతార్.
- 10-11 అందెజి యేసు వరిజ్ ఈహు వెప్తాన్. “మీరు పట్టుమ్దు సొనివెలె, కుండాదు ఏరు పిణ్ణెజి ఒరెన్ మీ ఎర్తు వానాన్. వాండ్రు సొని ఇండ్రో వన్ని వెట సొండ్రు. సొన్ని ఆ ఇండ్రోణి యజమానిజ్, ఈహు వెప్తా, ‘నాను నా సిసూర్ వెట పన్ఘబోజినం కిదెజ్ గది ఎంబె మూద్ ఇజి బోదిస్సికాన్ నిజె వెన్బాజినాన్’, ఇజి.
- 12 అయావలె ఆ ఎజుమాని విజు తయారె కితి మేడః మున్ఘు మన్ని పెరి గది ఉండ్రె తోరిస్తాన్. అబ్బె మీరు తయారె కిదు”, ఇజి వెప్తాన్.
- 13 వారు పట్టుమ్దు సొహారె, యేసు వరిజ్ వెప్తావజి విజు నుడేజి తార్. వారు పన్ఘబోజినం తయారె కితార్.
- 14 పన్ఘబోజినం కిదెజ్ టయెం ఆతివెలె, వాండ్రు వన్ని పన్ఘెండు మణిసిర్ అపొస్తులు వెట బోజెనమ్దిజ్ బస్తార్.
- 15 అయావలె వాండ్రు వరిజ్, “నజె సప్పి ముజాల మీ వెట కూడేజి యా పన్ఘ బోజినం ఉండెజ్ నండొ ఆన అత.
- 16 ఎందానిజ్ ఇహొజ, యా పన్ఘ బోజెనమ్దిజ్ గుర్తు దేవుణు రాజెమ్దు పూర్తి అనిదాక నాను మరి ఎనిజ్బా ఉణెవి.
- 17 యేసు ద్రాక్కుకల్లు మన్ని గిన్న అని దేవుణుదిజ్ వందనం కితాన్. కితాండ్రె, “లోసి, మీరు సీబాజి ఉండు.
- 18 ఎందానిజ్ ఇహొజ, విలుదాన్ దేవుణు లోకురిజ్ విలుబడిః కినిక నూణిదాక నాను మరి ద్రాక్కు పట్టు రనం ఉణెవి ఇజి నాను మీ వెట వెస్సిన”, ఇజి వెప్తాన్.
- 19 మరి వాండ్రు రొట్టెఅసి దేవుణుదిజ్ వందనం వెమ్మి దనిజ్ ముకెజ్ కిజి వరిజ్ సితాన్. “ఇక మీ వందిజ్ సీజిని నా ఒడొలేదిజ్ గుర్తు. నజె ఎత్తు కిదెజ్ యాక కిజి మండ్రు”, ఇజి వెప్తాన్.
- 20 అయాలెకెండెన, బోజినం ఆతి వెనా. వాండ్రు వరిజ్ ద్రాక్కుకల్లు మన్ని గిన్న సితాన్. ‘యా గినెదు మనికెజ్ మీ పాపమ్క వందిజ్ వాక్కిని నా నలదిజ్ గుర్తు. యాకదె నా నలదాన్ దేవుణు ఇడ్డి కొత్త ఒప్పుమానం.
- 21 గాని నజె ఒవజెప్టికాన్ నావెట బోజెనమ్దిజ్ బస్త మనాన్.
- 22 దేవుణు ఏర్పాటు కితి వజి, లోకు మరిసి ఆతి నాను సానాలె. గాని నజె ఒవజెమ్మి వన్నిజ్ అబాయా గొప్పు కన్ఘం”, ఇజి వెప్తాన్.
- 23 వారు యా పణిజ్ వరి లోజి ఎయెన్ కినాన్ ఇజి వరి లోజి వారి వర్గెతార్.
- 24 మరి, వరిలోజి ఎయెన్ పెరికాన్ ఇజి ఉండ్రె ఇజ్జి గొడేబు వాతాద్.
- 25 అందెజి యేసు వరిజ్, “దేవుణుదిజ్ నెన్ఇ వరి రాజుర్ వరి మున్ఘు నండొ అతికారం కిజినార్. వరి మున్ఘు అతికారమ్దు మనికార్, ‘మాపు లోకురిజ్ కూలెజ్’, ఇజి అనువె ఆజినార్.

26 గాని మీరు అయి లెకెండే మనమాట్. మీలోఁగ వెరికాన్ ఆతికాన్తగిసి ఇజ్జి వన్నెలెకెండే ఆదెజ్. నెయ్కి సేవ కిని వన్నె లెకెండే ఆదెజ్.

27 నుడెడు, ఎయెన్ వెరికాన్. విందుదు బన్నెకాండ్రా, బాట కిజి సీనికాండ్రా? విందుదు బన్నెకాండ్రె గదె? గాని నాను మీ నడిమి, సేవ కిని వన్నె లెకెండే మన్నె.

28 నా కస్టమీదు మీరి నా వెట నమ్యకమీదాన్ నిహి మహికిదెర్.

29 నా బుబ్బు వన్నె లోకురిజ్ ఏలుబడిః కిదెజ్ అతికారం నజీ ఒపజెప్పి వజ, నాను మిజీ అయా అతికారం ఒపజెప్పిన్.

30 అందెజె నాను ఏలుబడిః కినివెలె నా విందుదు నా వెట ఉణిజి తినిదెర్. మీరు రాజార్ బసి మంజిని సింహసనమకాజ్ బసి ఇస్సాయెలురి వన్నెండు తెగ్గతి వరిజ్ ఏలుబడిః కినిదెర్.

పేతురు యేసుజ్ నెన్ఎఇజి వెప్పాన్ ఇజి యేసు వెప్పిన్నాన్.

31 “ఓ సిమోన్, సిమోన్, ఇదిలో రయ్యు వాండ్రు గింజెజి జలిన్నె వజ, నీ లోఁగ మన్నె నెగ్గెకెజ్ నెస్తెజ్ సయ్యూసు నిజీ పరిస కిన్నాన్. దిన్నివందిజ్ సెల్వ దొహ్క మనూద్.

32 గాని సిమోన్, నీను నమకం డీసెంండ మండ్రెజ్ నాను నీ వందిజ్ పార్దనం కిత మన్నె. నీను మరెజి నా దరిజ్ వానివలె, మహి సిసూరిజ్ పరి నమకం పిరివ్అ”, ఇజి వెప్పాన్.

33 అయావలె సిమోను, “ప్రబువా, నీ వెట జెలిదు వాదెజ్, నీ వెట సాదెజ్బా నాను తయార్నె”, ఇజి వెప్పాన్.

34 దన్నెజ్ యేసు, “పేతురు నాను వెప్పిన్నా, నేండ్రు కొరు కెరెయెండ ముజాల నీను నజీ నెన్ఎ ఇజి ముసార్ వెప్పిలె”, ఇజి వెప్పాన్.

35 మరి, వాండ్రు వరిజ్ వెన్బాతాన్, “డబ్బు ఇడ్చిససి, మరి ఉండ్రీ ససి, జోడ్బు సిల్లెండ నాను మిజీ పోక్రివెలె, మిజీ ఇనికబా తక్కు ఆతాదా?”, “సిల్లె”, ఇజి వారు వెప్పాన్.

36 “అహిజ, ఏలు, మిజి డబ్బు ఇడ్చిససి మహిజ, ఆక ఒతెజ్. అయిలెకెండెనె, మరి ఉండ్రీ ససి బా ఒతెజ్. మిజీ ఉండ్రీ కూడం సీలిజ, మీ సొక పొర్ని ఉండ్రీ కూడం కొండెజ్.

37 ఎదానిజ్ ఇహిజ, ‘జెలిదు మన్నె వరి వెట వన్నెజ్ కుడెఃవ్తార్*’, ఇజి దేవుణు మాటదు రాస్త మనూద్. నాను వెప్పిన్నా, అయా మాట నావెట పూర్తి అదెజ్వెలె. నిజమె నా వందిజ్ రాస్త మనికెజ్ పూర్తి ఆజినాద్”, ఇజి వరిజ్ వెప్పాన్.

38 అయావలె సిసూర్, “ప్రబువా, ఇదిలో ఇబ్బె రుండి కూణమక మనె”, ఇజి వెప్పాన్. దనిజ్ వాండ్రు, “ఆకెజ్ ఆనె”, ఇజి వెప్పాన్.

యేసు ఒలివ గొరెత్ పార్దనం కిజినాన్

39 యేసు పట్టు డిస్తాండ్రె వన్నెజ్ మన్నె అలవాటు లెకెండే ఒలివ గొరెత్ సొహాన్. వన్నె సిసూర్ వన్నె వెట సొహార్.

40 అబ్బె సొహాజ్, వాండ్రు వరిజ్, “నయ్తాన్ సీకుదు అరెపెండ పార్దనం కిదు”, ఇజి వెప్పాన్.

41 వాండ్రు వరి బాణిజ్ పణకు విసిర్చి ససా దూరం సొహాండ్రె, ముణుకుజ్ ఊరిజి పార్దనం కిజినాన్.

42 “ఓ బా, నిజి ఇస్సం ఆతిజి యా కస్టమీకు నా బణిజ్ లాగ్అ. అహిజ్బా నా ఇస్సం ఆవెద్, నీ ఇస్సంమెన్ ఆపిద్”, ఇజి.

43 అయావలె దేవుణు మంజిని బాడ్డిః దాన్ ఉండ్రీ దేవుణు దూత వన్నెజ్ తోరె ఆతండ్రె, వన్నెజ్ ఒదరిస్తాన్.

44 వాండ్రు ఒరిస్తెజ్ అబ్బె గొప్ప దుకమీదు మహిజ్, మరి నండో పార్దనం కితాన్. వన్నె రూణు నల బొటుజ్ లెకెండే బూమిదు అర్తె.

45 వాండ్రు పార్దనం కితి నిజితండ్రె, వెనుక సిసూర్ డగ్గు సొహాన్. సొహాజ్ వారు దుకం దాన్ నిద్ర కిజినిక నుడెఃతాన్.

46 అందెజె వాండ్రు వరిజ్, “ఎందనిజ్ మీరు నిద్ర కిజినిదెర్? నిజ్జి, సయ్యూసు మిజీ పరిస కిజి తప్పదు అరెవ్విండ పార్దనం కిదు”, ఇజి వెప్పాన్.

యేసుజ్ అరెస్టు కిజినార్

47 యేసు యా మాటెజ్ వెప్పి మహిజ్, నండో జెనం వాతాద్. పనెండు సిసూర్ లోఁగ మన్నె యూద ఇనికాన్ వరి ముజాల సొహాన్. వాండ్రు యేసుజ్ ముదు కిదెజ్ వన్నె డగ్గు వాతాన్.

48 అయావలె యేసు, “ఓ యూద, ముదు కిజిన్, నీను లోకు మరిసి అతి నజీ ఒపజెప్పిదా?”, ఇజి వన్నెజ్ వెన్బాతాన్.

49 యేసు వెట మహి సిసూర్ ఇర్దికెజ్ నుడెఃతిజ్, వారు, “ప్రబువా, మావు కూర్దదాన్ వరిజ్ కత్తెజ్?”, ఇజి వెన్బాతాన్.

50 వరి లోఁగ ఒరెన్ విజి పుజెరిజి మున్ను, వెరి పుజెరి పణిమణినిజ్ ఉణెర్ గిబ్బి తెప్ప కత్తాన్.

51 గాని యేసు, “అలె కిదు”, ఇజి వెప్పాండ్రె, అయా పణిమణినిజ్ గిబ్బిదిజ్ ముట్టాండ్రె వన్నెజ్ నెగెండే కిత్తాన్.

52 యేసు వన్నెజ్ అస్తెజ్ వాతి వెరి పుజెరిజు, దేవుణు గుడిః అతికారిజు పెద్దలెజి వెట, “నాను డెజి వాండ్రునా? నజీ అస్తెజ్ వెరి కూడెఃమక కొణెజ్ అని మీరు వాతిదెర్?

53 రోజు నాను మీ వెటనె మంజి గుడిఃదు నేరేప్పిన్ గదె. అయావలె మీరు నజీ తోహాతిదెర్. యాకదె నజీ తోహాత్తెజ్ దేవుణు మిజీ సత్తి సమయం. ఏలు సయ్యూన్ అతికారమీదు మనాన్”, ఇజి వరిజ్ వెప్పాన్.

యేసుజ్ నెన్ఎ ఇజి పేతురు వెప్పిన్నాన్

54 వారు వన్నెజ్ తోహాత్తారె, విజి పుజెరిజి మున్ను మన్నె వెరి పుజెరి అతి వన్నె ఇండ్రె ఒతాన్. పేతురు దూరం దాన్ వెన్నా సొన్నె మహాన్.

55 వారు డేవ నడిమి, సిను ఎరెసి కూడెఃజి బసి మహివలె, పేతురు వరి వెట బస్తాన్.

* 22:37 22:37 యెసయ 53:12.

56 అయా ఇంట్లోని వణిమణిని ఉండ్రి, పేతురు నీను డగ్గ బస్తిక నుడతాద్. వాండ్రు ఎయెన్ ఇజి నెన్జిక్ వన్నిక్ డిటాక్ బేస్తాద్. బేస్తాద్, “వీండ్రు బా వన్ని వెట మహాన్”, ఇజి అది వెప్తాద్.

57 అందెజి పేతురు, “ఓ బీ, నాను వన్నిక్ నెన్ఎ”, ఇజి వెప్తాన్.

58 సణెం వెనుక మరి ఒరెన్ వన్నిక్ నుడతాన్. “నీను బా వరి వెట మహాకిదె”, ఇజి వెప్తాక్, “బాబు, నాను వన్నిక్ నెన్ఎ”, ఇహాన్.

59 డగ్గు ఉండ్రి గంట వెన్కా మరి ఒరెన్ కనితం వెప్తాన్, “నిజమె, వీండ్రు బా వన్ని వెట మహాన్. ఎందనిక్ ఇహిజ, వీండ్రు గలిలియదికానె”, ఇజి.

60 దన్నిక్ పేతురు, “ఓ బాబు, నీను వెప్పిక నజీ తలిఎద్”, ఇజి వెప్తాన్. వాండ్రు వెప్పిమహివలె వెటనె కొరు కెరెతాద్.

61 యేసు వెనుక ముహ్లాండ్రె పేతురుక్ డిటాక్ బేస్తాన్. అయావలె ప్రబు వన్నిక్, నేండ్రు కొరు కెరెన్ ముజాల నీను నజీ నెన్ఎ ఇజి ముసారే వెప్పాలె ఇజి”, వెప్తా మాట పేతురు ఒడతాన్.

62 వీండ్రు వెల్లి సాహండ్రె నండ్రి దుకం అజి అడతాన్.

కాప్ కినికార్ యేసుక్ వెక్రిసినార్

63 యేసుక్ కాప్ కిజి మహికార్ వన్నిక్ వెక్రిసి డెయిదిక్ మొదొల్స్తాన్.

64 వారు ని కణకెజి కనెల్దాన్ తోహ్కార్, “ఓ ప్రవక్త, వెహాల, ఎయెన్ నిజి డెయితాన్ ఇజి”, ఇజి వెన్బాతార్.

65 వారు వన్నిక్ దూసిన్సి మరి నండ్రి మాటెక్ వన్నిక్ వెప్తార్.

యేసుక్ పిలాతుని హెరోదుక్ ముజాల నిల్స్తాన్.

66 పెందాలె అతివెలె, యూదురి పెద్దలుక్, పెరి పుజెరిబు, యూదురి రూలుక్ నెన్సిన్సికార్ విజెరె కూడితార్. యేసుక్ వరి ముజాల నిల్స్తాన్.

67-68 వారు వన్నిక్, “నీను క్రీస్తు నా, మజి వెహాల”, ఇజి వెన్బాతార్. అందెజి యేసు వరిక్, “క్రీస్తు ఇజి నాను వెప్తాజు, మీరు నమిఇదెర్. నాను మిజి వెన్బాతిజు మీరు మరజి వెహాఇదెర్.

69 గాని ఏలుదాన్, లోకుమరినెఅతి నాను గొప్ప అతికారం మని దేవుణు ఉణెర్ పడతాదు బుప్పలె”, ఇజి వెప్తాన్.

70 అయావలె వారు వరిజెర్, “అహిజ, నీను దేవుణు మరిసినా?”, ఇజి వన్నిక్ వెన్బాతార్. వెన్బాతిక్ వాండ్రు, “మీరు వెప్తా లెకెండెన, నానె దేవుణు మరిసి”, ఇజి వెప్తాన్.

71 అందెజి వారు, “ఎందానిక్ మజి మరి రుజువ్ వెప్పికార్. వన్ని వెయ్దానె మాట వెహాక్”, ఇజి వెప్తార్.

23

1 అయావలె, యూదురు అతికారిబు విజెరె నిహారె, యూదయ దేసెం నుడతాని రోమ అతికారి అతి పిలాతు బాన్ వన్నిక్ ఒత్తార్.

2 వారు, “వీండ్రు మా లోకుర్ నడిమి గొడబె రేప్పినాన్. రోమ రాజు అతి కయెనరుక్ వన్ను సీమాట్ ఇజి వెప్పినాన్. నానె క్రీస్తు అహిజ రాజు ఇజి వెప్పినాన్”, ఇజి వన్ని మున్ను నేరం మొప్తార్.

3 అందెజి పిలాతు యేసుక్, “నీను యూదురిక్ రాజునా?”, ఇజి వెన్బాతాన్. వెన్బాతిక్, “ఓఓ, నీను వెప్తా వజనె”, ఇజి మరజి వెప్తాన్.

4 పిలాతు పెరి పుజెరిబు వెట మంద లోకుర్ వెట, “విని మున్ను నజీ, ఇని తప్పు బా తోర్ఎద్”, ఇజి వెప్తాన్.

5 గాని వారు, “ఏక ఏక వెప్తార్”, “వీండ్రు యూదయ దేనెమది లోకుర్ విజెరిక్ వన్ని మాట నెన్సిన్ గొడబె రేప్పినాన్. యా పణి గలిలయదు మొదొల్లి ఇబ్బి దాక వాతాన్”, ఇజి.

6 యాక్ వెజి, “వీండ్రు గలిలయదికాండ్రా”, ఇజి పిలాతు వెన్బాతాన్.

7 యేసు హెరోదు ఏలుబడికి కిని గలిలయ ముటదికాన్ ఇజి పిలాతు నెస్తాన్. అందెజి వాండ్రు వన్నిక్ హెరోద్బాన్ పోక్తాన్. అయావలె హెరోదు బా యెరూసలెముదు మహాన్.

8 హెరోదు యేసుక్ నుడతెవెలె నండ్రి నరద ఆతాన్. ఎందనిక్ ఇహిజ, యేసు వందిక్ నండ్రి వెహా మహాన్. నండ్రి కాలమదాన్ వన్నిక్ నుడెదిక్ ఆన ఆజి మహాన్. యేసు కిని బమ్మ అని వణిజు నుడెదిక్ కొరితాన్.

9 అందెజి వాండ్రు నండ్రి మాటెక్ వెన్బాతాన్. గాని యేసు ఇనికబా మరజి వెహాపితాన్.

10 పెరి పుజెరిబు, యూదురి రూలుక్ నెన్సిన్సికార్ బాన్ నిల్సి, వన్ని మున్ను డణిసే నేరం మొప్పి మహాన్.

11 హెరోదుని వన్ని సయెనమదికార్ వన్నిక్ వెక్రిసి నెకాల్ కితార్. నండ్రి దర మన్ని గొప్ప ఉండ్రి సాక తొడతాన్ పిప్పాండ్రె పిలాతు డగ్గు మరజి పోక్తాన్.

12 అయా రోజునె పిలాతుని హెరోదు కాలెక్ ఆతార్. దిని ముజాలె వారు పగదాన్ మహాన్.

13-14 అయావలె పిలాతు, పెరి పుజెరిబు, అతికారిబు, లోకాక్ కూకప్పిస్తాండ్రె వరిక్, “లోకుర్ నడిమి గొడబె రేప్పినాన్ ఇజి వెప్పి వినిక్ మీరు నా బాన్ తతిదెర్. మీ ఎద్రు నాను వినిక్ వెన్బాత. గాని మీరు వెప్తా నేరం ఇనికబా విని లోఇ నజీ తోర్విత. 15 అయలెకెండెన, హెరోదుజబా తోర్ఎతాన్. వాండ్రు వినిక్ మా డగ్గు మరజి పోక్తాన్. ఇదిలో వీండ్రు సావదిక్ తగితి ఇన్ని పణి బా కిఎన్.

16 అందెజి నాను వినిక్ సిక్స సీజి డిన్ను సీన”, ఇజి వెప్తాన్.

17 (ఏంటు ఏంటు కిని వన్ను పండ్రియదిక్ లోకు కొరిపాతి ఒరెన్ జెలిదు మన్ని వన్నిక్ డిసి సీదిక్ పిలాతుక్ అలవాటు).

18 గాని లోకుర్ విజెరె, “నవె అ వన్నిక్ బరబెక్ మజి డిసి సిదా”, ఇజి ఉండ్రె లెకెండె డటం డేడిస్తాన్.

19 బరబ్బు పట్టుముదు గొడబె రేప్పిస్తాండ్రె, నెగొండారిక్ సప్తాన్. అందెజి వన్నిక్ జెలిదు ఇబ్బా మహాన్.

20 యేసుక్ డిస్పెక్ కొరిజి పిలాతు మరి లోకురిక్ నాను వన్నిక్ డిస్పెక్? ఇజి వెన్బాజినాన్.

21 గాని వారు, “వినీజ్ నిలువారు కుటిజాణిజ్ డెయిజి నవ్అ, నిలువారు కుటిజాణిజ్ డెయిజి నవ్అ”, ఇజి నండొ గగోల్ ఆత్తార్.

22 ముసారదెజ్ వాండ్రు వరిజ్, “ఎందానిజ్? ఇన్ని తప్పు వీండ్రు కితాన్? సావుదిజ్ తగితి ఇన్ని తప్పు బా నాను విని లొఇ తొపిత. అందెజె నాను వినీజ్ సిక్కు నీజి డిన్ను సీన”, ఇజి వెహ్సాన్

23 గాని వారు, “వినీజ్ నప్పజ్వెలె”, ఇజి మురి మురి డటం డేడిస్తార్”. ఆహె వరి గగోల్ గెలిస్తార్.

24 అందెజె పిలాతు వారు వెహ్సా వజ జర్గిపెద్ ఇజి తీర్పు సిత్రాన్.

25 పిలాతు వారు లొస్తి వన్నిజ్ డిస్త నిత్రాన్. అయా వాండ్రు పట్టుమదు గొడబు రేవేతి వందిజ్ సెగొండారిజ్ నప్పి వందిజ్ జెలిరు మహాన్. యేసుజ్ వారు కొరితివజ కిదెజ్ వరి కీదు ఒపజెహ్సాన్.

యేసుజ్ నిలువారు కుటిజాణిజ్ డెయిజినార్

26 వారు వన్నిజ్ ఒసి మహాన్. అయావలె, మురి ఉండ్రీ దేసెమది కురెనియ పట్టుమదికాన్ ఆతి సిమోన్ ఇనికాన్ ఒరెన్ యెరూసలెం పట్టుం వెల్లిదాన్ అయా సరి యెరూసలెం పట్టుమదు వాజి మహాన్. వారు వన్నిజ్ అస్తారె, యేసువెట, వన్ని వందిజ్ నిలువ పిండిదెజ్ వన్నిజ్ సిత్రాన్.

27 ముంద లోకర్ వన్ని వెన్నా, వాజి మహాన్. వరిలొఇ బోదెక్ వన్ని వందిజ్ గుండె కొత్తె ఆజి అడబబాజి వాజి మహా.

28 యేసు వరిదరిజ్ మరజి, “యెరూసలెమది బీబిడంకె, మీరు నా వందిజ్ అడబబామాల్. మీ వందిజ్ సీ కొఱోర్ వందిజ్ అడబబాదు.

29 ఎందానిజ్ ఇహిజ వారు, “గొడ్డు బోదెకాజ్ బా పాలు ఉటిపిన్ఇ వన్నాజ్ గొప్పు నెగెద్”, ఇజి వెహ్సా దినమ్మకు వానెలె.

30 అయావలె వారు, “మా మున్ను అరెఅ”, ఇజి గొరొకాజ్ వెట, మజి వడెగిత”, ఇజి మెటెజె వెట వెహ్సారెలె.

31 ఎందానిజ్ ఇహిజ, “మరాన్* పసీజ్ మనివెలె నిసా బాదెజ్ కితిజ మరాన్ వహ్సాజి మురి ఎసా బాద్ కినారొ”, ఇజి వెహ్సాన్.

32 మురి రిఎర్ డొజారిజబా వన్నివెట నప్పజె ఒసి మహాన్.

33 వారు బుర్ర పిఱికి ఇజి కూక్కి బాడిడు వాత్తార్. అబ్బె యేసుజ్ నిలువారు కుటిజాణిజ్ డెయెత్తార్. ఒరెన్ వన్నిజ్ ఉఱెర్ పడకాద్, మహి వన్నిజ్ డేబర పడకాద్. నిలువ పొక్కార్.

34 అయావలె యేసు, “ఓ బా, మీరు కిజెనెక్ ఇనిక ఇజి విరిజ్ తెలిపెద్. అందెజె విరిజ్ సెమిన్అ”, ఇజి పార్లనం కిత్రాన్. వారు వన్ని సొక్కెజ్ సీబె ఆదెజ్ సీటిజ్ పొక్కార్.

35 లోకర్ నిహారె సుడెజి మహివలె, అతికారమదు మనికార, “వీండ్రు మహి వరిజ్ రక్కిస్తాన్. వీండ్రు క్రీస్తు ఇహిజ, వినిజ్ వీండ్రె రక్కినె ఆపిన్”, ఇజి వెహ్సా వెక్కిస్తార్.

36-37 నయనమదికారబా వాత్తారె, వన్నిజ్ సెకాలె కిత్రాన్. వారు వన్నిజ్ సేందదిక ఉండ్రీ ఉండెజ్ సిత్రారె, “సీను యూదురి రాజు ఇహిజ, నిజి సీనె రక్కినె అఅ”, ఇజి వెహ్సా సెకాలె కిత్రారె.

38 “వీండ్రు యూదురిజ్ రాజు” ఇజి వన్ని మున్ను మొప్పి నేరం బోర్డుదు రాసి నిలువారు ఇట్టార్.

39 నిలువారు డెయితి డొజారిజ లొఇ ఒరెన్, “సీను క్రీస్తుగదె. నిజి సీనె రక్కినె ఆపిన్. మజి బా రక్కిన్అ”, ఇజి వన్నిజ్ దూసిస్తాన్.

40-41 గాని మహికాన్, “సీను దేవుణుదిజ్ తియెల్ ఆఇదా? వన్నిజ్ దోహొక్కి సిక్కునె నిజి బా దోహొక్కు మనాద్. నాయం దానె మజి సీక్కిస్తార్. ఎందనిజ్ ఇహిజ, మాటా కితి మని పఱిదిజ్ తగితి సిక్కు సిత్రాన్. గాని వీండ్రు ఇని తప్పు బా కిపిన్”, ఇజి వన్నిజ్ గోలె కిత్రాన్.

42 మురి, “యేసు, సీను రాజు ఆజి మరజి వానివలె, నజి ఒడెబిఅ”, ఇజి వెహ్సాన్.

43 అందెజె యేసు, “నిజమె నాను సీ వెట వెహ్సాన, నేండ్రు సీను నా వెట పరలోకమదు మంజనిలె”, ఇజి వెహ్సాన్.

యేసుసీలువ మున్ను పొణం డిస్తాన్.

44-45 అయావలె సమయం వేడిః పన్నెండం గంటజి ఆత్తాద్. మూండ్రు గంటజిదాక లోకం విజు సీకటి వాత్తాద్. పొదు జాయి సెవత్తాద్. యెరూసలెం గుడిః తెర మహి పాత మున్నుహాన్ అడ్డి దాక నడిమిహాన్ రుండి ముకెజ్ కింజిత్తాద్.

46 యేసు, “ఓ బా, నా పొణం సీ కీదు ఒపజెహ్సాన్”, ఇజి వెహ్సాన్. యా లెకెండె వహ్సాండ్రె వాండ్రు పొణం డిస్తాన్.

47 అయావలె నయనమదివరి అతికారి, జర్గితిక సుడెఃతండ్రె, “నిజమె వీండ్రు నీతినిజయదికాండ్రె”, ఇజి వెహ్సా దేవుణుదిజ్ పొగిడితాన్.

48 సుడెఃదెజ్ కూడితి వాతి లోకర్ విజెరె జర్గితికెజ్ సుడెఃజి, గుండె కొత్తె ఆజి మరజి ఇండ్రె సొహాన్.

49 గాని వన్నిజ్ నెల్లు అతికారి విజెరె, నెలవాతివరి లొఇ గలిలయదాన్ వన్ని వెట వాతి బోదెకు, దూరం నిల్చి యాకెజ్ సుడెఃజి మహాన్.

యేసుజ్ నమాది కిజినార్

50-51 అయావలె యోసేపు ఇనికాన్ ఒరెన్ మహాన్. వాండ్రు యూదురు దేసెమది అరిమతియ ఇన్ని పట్టుమదికాన్ వాండ్రు ననపాద్రి నజమదు మన్ని పరిలోఇ పెరికాన్ ఒరెన్. వాండ్రు సీతి నిజాయితి మనికాన్. యేసుజ్ నిలువారు డెయిజి నప్పజె యూద్ పెద్దలెజి కితి తిరుమానం ఒప్పుకొడెవిత్రాన్. దేవుణు ఏలుబడిః తోరె ఆనివందిజ్ వాండ్రు ఎర్రు సుడెఃజి మహాన్.

52 వాండ్రు పిలాతు డగ్రు సొహొండ్రె యేసు పీనుగు లొస్తాన్.

53 వాండ్రు, అయా పీనుగు నిలువ మున్నుహాన్ డిస్తాండ్రె తెల్లని పాతదాన్ సుటిసి నటు వణుకుదిజ్ దోల్సె దూకిదు ఇట్టాన్. అయా దూకిదు, ముజాలె ఎయెరిజ్ బా ఇడెవెరె.

* 23:31 23:31 యాక యూదురి ఉండ్రీ మాట. దిని అరెందం ఇనిక ఇహిజ తప్పకితి నజి వారు సిక్కు సీతిజ నండొ సెఇవరిజ్ దేవుణు ఎన్నా సిక్కు సీనాన్.

- 54 అయా రోజు, విస్త్రాంతి దినం ముజాల మన్ని తయారీ కిని రోజు. విస్త్రాంతిదినం మొదొల్స్తొజ్ టయం డగ్రు ఆజినాద్.
- 55 యేసు వెట గలీలయదాన్ వాతి బోదెకు యోసీపు వెట సాహెన, దూకి ని వన్నిజ్ ఇట్టిక సుడొతె.
- 56 వాండ్రు ఇండ్రొ మహార, పీనగుదిజ్ రాస్తొజ్ వాసనం నూనె తయారీ కితార. విస్త్రాంతి దినం మొదొల్స్తొజ్ యూదురి రూలుజ్ నమ్మిజ అవిక్ రొంబితార.

24

- యేసు మరణి నిజ్జినాన్
- 1 వారమ్దిజ్ మొదొహి రోజు కోడొజామన్, బోదెకు అవి తయారీ కితి వాసనం నూనెజ్ అస్తానె దూకిదు సాహె.
- 2-3 అవిక్ అబ్బె వాతిజ్, దూకి మూక్తి పెరిపణుకు గూరబాతి మహిక సుడొతె. అవిక్ లొఇ డుగితిజ్ యేసు పీనగు తొరవితాద్.
- 4 దిన్ని వందిజ్ బమ్మ ఆజ నిహి మహివలె, మిరిస్త్రివజ తెలాని సొక్కెజ్ తొడొగితి రిఎర్ మొగవారు వన్నా డగ్రు నిహార.
- 5 అవిక్ నండొ తియెల్ ఆజ ముణుకుజ్ ఊరిజ మాడిస్సె.
- 6 అయావలె అయా మొగవారు వన్నాజ్, “ఎందనిజ్ మీరు బత్తితి మన్నివన్నిజ్ సాతివరిబాన్ రెబాజెన్దెర్? వాండ్రు ఇబ్బె సిలెన్. నజీత మనాన్. మీ వెట గలీలయదు మహివలె వాండ్రు ఇనిక వెహ్సాన్ ఇజి ఎత్తు కిదు.
- 7 ఇనిక వెహ్సాన్ ఇహిజ, ‘లోకుమరిసి సిఇవర్ కిదు బవజెవె ఆదెజ్వెలె. సిలువారు పొక ఆజి, వాండ్రు సాజి మూండ్రొ రొస్సొజ్ నిజ్జినాన్లె’, ఇజి”, ఇజి వెహ్సాన్.
- 8 అయావలె అవిక్ యేసువెహ్సా మూట బడొబితె.
- 9 దూకిదాన్ మహెనె, అబె సుడొజితికెజ్ విజు వదకొండు మణిసి సిసూరిజ్ ని మహి వరిజ్ విజెరిజ్ వెహ్సా*.
- 10 అవిక్ ఎయెక్ ఇహిజ, మగ్గలెనె మరి, యోసన, యాకోబుజ్ అయిసి ఆతి మరియ, వన్నావరివెట మహి మరి సెగొండెక్ బోదెక్ ఇవికెనె జగ్గితికెజ్ అసాస్సుడురిజ్ వెహ్సాకెజ్†.
- 11 గాని వారు బోదెక్ వెహ్సా మాటిజ్ నమివెతార. ఎందానిజ్ ఇహిజ, ఆకెజి వంబర మాటిజ్ లెకెండ వారు బడొబితార.
- 12 అహిజ్బా, పేతురు నజీతండ్రె, దూకిదు ఊహొక్తి సాహెన్. వజీతి సుడొజితిజ్ పీనగు సుటిస్త్రి తెల్లాని పాతెజ్ అద్రి మహికదె సుడొజాన్. వాండ్రు జగ్గితికెజ్ వందిజ్ బమ్మ అజి ఇండ్రొ మరజి సాహెన్.

- యేసు రిఎర్ సిసూరిజ్ తొర ఆజినాన్
- 13 అయా రోజునె, సిసూరిలోఇ రిఎర్ ఎమాయుఇని ఉండ్రొ నాటొ సొన్ని మహార. ఎమాయు యెరుసలెమ్దాన్ వదకొండు కిలో మీటర్ దూరం మనాద్.
- 14 వారు రిఎర్ జగ్గితి విజు వందిజ్ వర్గజి మహార.
- 15-16 వారు ఆహె వర్గజి మహిజ్ యేసు వాండ్రె వాజి వరి వెట నడొజాన్. వారు వన్నిజ్ సుడొజాన్, గాని వన్నిజ్ గుర్తు అస్తొజ్ అటొవితార.
- 17 నస్తివలె యేసు, “మీరు నడొజి వర్గజిని యా మాటిజ్ ఇనికెజ్”, ఇజి వరిజ్ వెన్బాతాన్. వారు దుకందాన్ మొకొ డొప్తారె, కద్దిఎండ నిహార.
- 18 వెనుక వరిలోఇ క్లెయెమా ఇనికాన్ ఒరెన్ యేసుజ్, “యెరుసలెమ్దు కూల వాతి వరి లొఇ మంజె, సాహె రొస్సొజ్ జగ్గితికెజ్ నెనెఇతికి సీను ఒరిదె”, ఇజి వెహ్సాన్.
- 19 “ఇనికెజ్ జగ్గితె?”, ఇజి వాండ్రు వెన్బాతాన్. దనిజ్ వారు ఈహు వెహ్సార. “నజెరితుదికాన్ యేసుజ్ జగ్గితి నజటిజి వందిజ్ వర్గజినాన్. వాండ్రు ఒరెన్ ప్రవక్త. వాండ్రు కితి గొప్ప పణిజాణిజ్ వెహ్సా గొప్ప నజటిజాణిజ్ దేవుణు వన్నిజ్ ఇస్టం ఆతాన్. లోకుర్ విజెరి బా వన్నిజ్ ఇస్టం ఆతారె నమ్మితార.
- 20 మా పెరి పుజెరిబు, అతికారిబు, రోమ అతికారి కిదు సాపుదిజ్ సిక్స సీదెజ్ వన్నిజ్ ఒవజెహ్సార. వారు వన్నిజ్ సిలువారు కుటిజాణిజ్ డొయిజి నస్తారె.
- 21 వీండ్రునె ఇస్త్రాయేలు లోకాజ్ డిసిపిస్సికాన్ ఇజి మాపు ఎద్రు సుడొజి మహావ్. యాకదె ఆఎండ, యా నజటి జగ్గిజి నేహాన్ మూండ్రొ దినమొకు ఆతె.
- 22-23 మరి. మా లొఇ మన్ని సెగొండెక్ బోదెక్ మజి నండొ బమ్మ కిటిస్సె. ఎలగా ఇహిజ, కోడొజామన్ దూకిదు సాహె గాని వన్నాజ్ వన్ని పీనగు తొరవెతాద్. అవీకు మరజి వాతెనె మజి ఈహు వెహ్సా. దూతార వన్నాజ్ తొర ఆతారె, యేసు బత్తిత మనాన్ ఇజి వెహ్సార ఇజి.
- 24 మా వెట మనికార సెగొండార దూకిదు సాహారె, బోదెక్ వెహ్సా వజెనె సుడొజాన్. వన్నిజ్ వారు సుడొబితార.
- 25-26 అయావలె వాండ్రు వరిజ్, “బుద్ధి సెలికిదెర్, ప్రవక్తరు వెహ్సా మాటిజ్ విజు నమిదెజ్ మిజి నండొ కస్టం ఆజినాద్. క్రీస్తు యా లెకెండ మాటిజ్ ఒరిసి, దేవుణు మంజిని బాడిడు వన్నివెట అతికారమదు మండ్రెజ్ గదె?”, ఇజి వెహ్సాన్.
- 27 వాండ్రు దేవుణు మాటదు వన్ని వందిజ్ రాస్తి మన్ని దని అర్థం వరిజ్ వెహ్సాన్. మోసె రాస్తి పుస్తకమదాన్ మొదొల్లి ప్రవక్తరు విజెరి రాస్తి పుస్తకమ్ దాక మన్ని ముటిజ్ వెహ్సా వాతాన్.
- 28 వారు సొన్నిని నారు డగ్రు అతిజ్, వాండ్రు వరిజ్ డొసి మరి దూరం సొన్నిని లెకెండ నడొజాన్.

* 24:9 24:9 యా పస్సుపెర్కార యూదురి దేనమొదిజ్ బాదకిజిని రోమ ప్రబుత్వం వందిజ్ పణికికారి విరు యూదురిజ్ పడొజకార ఆకాదె ఆవిండ మీరు నండొ పస్సు లొసి యూదురిజ్ బాద కినార. ఆహె అనయమ్దాన్బా వారు ఆస్తి గణిస్సార. వారు యూదురి రూలుజ్ లొజివెర్ అందెజె యూదురు వరిజ్ పాపం కినికార ఇజి వెహ్సార. † 24:10 24:10 యాక యూదురి ఉండ్రొ మాట దిన్ని అరదం ఇనిక ఇహిజ తప్పకెఇతి నజి వారు సిక్ససితిజి నండొ సెఇవంజి దేవుణు ఎస్సొ సిక్స సిసాన్ ఇజి.

29 గాని వారు, “మా వెట మన్అ. పొద్దుఅజినాద్. సీకాట్ అతాద్”, ఇజి వెప్పి వన్నిజ్ మరి మరి వెప్తాన్. అందెజి వాండ్రు వరి వెట మండ్రెజ్ సాహాన్.

30 వాండ్రు వరి వెట ఉండెజ్ బస్తివెలె, రోటి అస్తాండ్రె దేవుణుదిజ్ వందనమకు వెప్పి దనిజ్ రుక్సి వరిజ్ సితాన్

31 వెటనె వారు వీండ్రు యేసు ఇజి గుర్తు అస్తార్. గాని వాండ్రు వరిజ్ తోర్వండ ఆతాన్.

32 అయావలె వారు రిఎర్, “వాండ్రు నర్దు, మా వెట వర్గిజి, దేవుణు మాటెజ్ మజి నెన్పిస్తివెలె, మా మున్నుదు నండొ సర్ద వాతి లెకెండ్ర్ అతాద్ గదె”, ఇజి ఒరెన్ వెట ఒరెన్ వర్గితాన్.

33-34 వెటనె వారు నిజితారె, యెరూసలెమ్దు సాహార్. అబె, వారు పదకొండు మజిసిర్ సిసూర్ని వరి వెట మహికార్ కూడెజి, “నిజమె, యేసు మర్జి నిజితాన్. సిమెనుజ్తోరె అతాన్ ఇజి వర్గిజి మహిక నుడెతాన్.

35 అయావలె వారు రిఎర్, నర్దు జర్గితికెజ్ యేసు రోటి రుక్సివెలె వారు ఎలాగ గుర్తు అస్తారొ దన్నివందిజ్ వెప్తార్.

సిసూర్ కూడితివెలె వరిజ్ తోరె అజినాన్

36 వారు వర్గిజి మహివలెనె యేసు వాండ్రె వరి నడిమి నిహండ్రె, “సమాదనం కల్లిపిద్”, ఇజి వెప్తాన్.

37 దూబ తోరితాద్ ఇజి ఒడిబిజి వారు నండొ తియెల్ అతారె.

38 నస్తివలె వాండ్రు, “ఎందనిజ్ మీరు తియెల్ అజినదెర్? ఎందనిజ్ అనుమానమకు మీ మున్నుద్ వాజినె?

39 నానె వాండ్రు ఇజి నమిదెజ్ నా కిక్కాజ్ కాల్యాజ్ నుడెదు. ఎందనిజ్ ఇహిజ, నజి మన్ని లెకెండ్ర్ దూబదిజ్ ఒడొల్ మన్ఉ.

40 యా మటెజ్ వెప్పి వాండ్రు వరిజ్ వన్ని కిక్కు కాల్యు తోరిస్తాన్.

41-43 అహిజబా వారు నర్దదాన్ బమ్మదాన్ ఇంక నమ్మిఎండ మహార్. అందెజి వాండ్రు వరిజ్, “తిండ్రెజ్ ఇనికబా మనాదా?”, ఇజి వెన్బాతిజ్, వారు ఉండ్రె నుస్తా మెయ ముకెజ్ సితార్. వాండ్రు లొస్తాండ్రె వరి ఎర్దు తిహాన్.

44 మరి వాండ్రు వరిజ్, “నాను మీ వెట మహివలె యాకెజ్నె మీ వెట వెప్తా. ఇనిక ఇహిజ, మోసె రాస్తి పుస్తకమ్దు, ప్రవక్తరు రాస్తి పుస్తకమ్దు, కీర్తన పుస్తకమ్దు నా వందిజ్ రాస్తి మనికెజ్ విజు పూర్తి అదెజ్వెలె”, ఇజి.

45 వాండ్రు దేవుణు మాటెజ్ అర్దం కిదెజ్ వరిజ్ సాయం కిత్తాన్.

46-47 వాండ్రు వరిజ్ ఈహు వెప్తాన్. “యా మాటెజ్ రాస్తి మనాద్. అయాక ఇనిక ఇహిజ, క్రీస్తు మాలెజ్ ఒరిసి, సాజి మూండ్రె రొస్సాణిజ్ సాపుదాన్ నిజనాలె. యెరూసలెమ్దు మొదొల్ని లోకాజ్ విజిరిజ్ వన్ని అతికారమదాన్ ‘పాపమకు ఒప్పుకోడెఅ’, దేవుణు నెమిస్తాన్”, ఇని మాట వెమో ఆనాల్లె.

48 మీరు నుడెతికెజ్ లోకాజ్ వెప్తాజ్.

49 నా బుబ్బు ఒట్టు కితి దేవుణు అత్తదిజ్ నాను మిజి పోక్కు. గాని మున్నుహాన్ నత్తు మీ మున్ను వానిదాక మీరు యెరూసలెం పట్టమదునె మండ్రు.

దేవుణు యేసుజ్ వలోకమ్దు ఒసినాన్

50 పట్టుం వెల్లి బెతానియ నారు డగ్రు దాక వాండ్రు వరిజ్ ఒతాన్. వాండ్రు కికు పెప్తాండ్రె, వరిజ్ దీవిస్తాన్.

51 దీవిసి మహివలె వాండ్రు వరిజ్ డిజిస్తాన్. దేవుణు వన్నిజ్ వాండ్రు మంజిని బాడిదు ఒత్తాన్.

52-53 వారు వన్నిజ్ మాడిస్తారె, నండొ నర్దదాన్ యెరూసలెమ్దు మర్జి వాతారె. వారు డిజిన్వండ గుడిదు మంజి, దేవుణుదిజ్ పొగిడిజి మహార్.

యోహాను రాస్తీ సువార్త

నెల్ల కిదిసినిక

వన్నెండు మణిసిరి సిసూర్ లోఇ ఒరినాతి యోహాను రాస్తీ పుస్తకమ్నె యాక. యేసు యా లోకమ్దు బత్తిజి మహివలె జగ్గితీ దన్నివందిక్ కతవజి వాండ్రు వహ్సాన్. యేసు ఎయెన్? వాండ్రు దేవుణు మరిసి, దేవుణు వెట మహికాన్, గాని వాండ్రు దేవుణునె. తయార్ కితిక ఇనికబా వాండ్రు సిల్లెండ కల్లివితాద్. వాండ్రు దేవుణు మాట, లోకురి విజెరి పావముకు సాన్పిస్తెక్ పూజి అతి మెండ గొర్రె పిల్ల లెకెండె వాండ్రు. ఎలాకాలం బత్తిని బత్తు, సీని టిండి లెకెండె వాండ్రు. లోకమ్దిక్ జాయ్ లెకెండె మనాన్. నెగ్గి గప్పడువన్ లెకెండె మనాన్, సాపుదాన్ మరజి నిజ్జితీ బత్తు, సీనికాన్ వాండ్రు ఇజి యేసు వందిక్ యా పుస్తకమ్దు వెహ్సాన్. యా సువార్త రాసి మహివలె, రోమ గవర్నెంతుదు మన్నికార్ దేవుణుదిక్ నమ్మితి వరిక్ నండో మాలక్ కిజి మహార్. అందెజి నమ్మితి వరిక్ దయరం సీదెక్ యోహాను రాస్తీకాదె యా పుస్తకం.

యేసు క్రీస్తు దేవుణు వాక్యం

1 లోకం పుటిన్విండ ముజాలె, దేవుణు వందిక్ వెహ్సాని వాక్యం ఇనికాన్ ఒరిన్ మహాన్. వాండ్రు దేవుణు వెట మహాన్. వాండ్రు దేవుణు.

2 వాండ్రు లోకం పుటిన్విండ ముజాలె, దేవుణువెట మహాన్.

3 విజి వన్నివెట దేవుణు తయార్ కితాన్. కల్లితిమన్నిక ఇనికబా వాండ్రు సిల్లెండ కల్లివితాద్.

4 జీవు వన్నిబాన్ మనాద్. అయా జీవు లోకురిక్ జాయి అత మనాద్.

5 జాయ్ సీకటిదు జాయ్ సీజినాద్. గాని సీకటిదుమన్నికార్ జాయ్దిక్ నెన్వితార్.

6 దేవుణు బాణిక్ పోక్తి ఒరిన్ మణిసి వాతాన్. వన్ని పేరు యోహాను.

7 వాండ్రు అయా జాయ్వందిక్ సాన్యం వెహ్సాక్ ఒరిన్ సాన్లెకెండె వాతాన్. ఎందానిక్ ఇహిజి, విన్నిబోద వెంజి లోకుర్ విజెరి అయా జాయ్దిక్ నమ్మిదిక్ వాతాన్.

8 యోహాను అయా జాయ్ అవిన్. గాని అయా జాయ్వందిక్ సాక్యం వెహ్సాక్ వాతాన్.

9 అయా జాయ్ని నిజమాతి జాయ్. నిజమాతి జాయ్ లోకమ్దు వాజి లోకురిక్ విజెరిక్ జాయ్ సీజినాన్. వాక్యంనె నిజమాతి జాయ్.

10 వాండ్రు లోకమ్దు మహాన్. లోకమ్దు మనికెక్ విజి వన్నివెటనె దేవుణు తయార్ కితాన్. గాని లోకుర్ వన్నిక్ పోలిస్తెక్ అటవితార్.

11 వాండ్రు వన్ని సొంత దేనమ్దు సొహాన్. గాని వన్ని సొంత యూదురి లోకుర్ వన్నిక్ డర్దు కివితార్.

12 వన్నిక్ ఎసాండార్ డర్దు కితార్, వారి వన్నిమున్ను, నమకం ఇట్టికార్. నన్నివరిక్ వన్నికొడోర్ ఆదెక్ వాండ్రు అతికారం సితాన్.

13 వారు అప్సాని వెట పుట్టికార్ ఆవిర్. ఒడోల్ అనదాన్ పుట్టికార్ ఆవిర్. వారు ఎత్తు కితివజి పుట్టికార్ ఆవిర్. దేవుణునె వరిక్ వన్ని కొడోర్ ఇజి ఇట్టాన్.

14 వాక్యం ఇనికాన్ లోకు అతాండ్రె మా నడిమి బత్తితాన్. వాండ్రు మా మున్ను వన్నిదయాదర్దు పూర్తి తోస్సాన్. వాండ్రు దేవుణు వందిక్ నిజమాతికెక్ పూర్తి తోస్సాన్. వాండ్రు ఎసా గొప్పపెరికాన్ ఇజి మాపు నుడోతావ్. బుబ్బి బాణిక్ వాతి ఒరిండ్రె మరిసి అతి గొప్ప పెరివన్నిక్ నుడోతావ్.

15 యోహాను వన్నివందిక్ సాక్యం వెహ్సాన్. వాండ్రు లోకురిక్, “నా వెన్యా వానికాన్ నజి మిస్తికాన్. ఎందానిక్ ఇహిజి, వాండ్రు నాను పుట్విండ ముజాలె మన్నికాన్ ఇజి నాను వెహ్సాన్ వీండ్రె”, ఇజి డటం డేల్లి వెహ్సాన్.

16 వన్ని పూర్తి దయాదర్దుమందాన్ వాండ్రు మజి విజెరిక్ దీవిస్తాన్. కాలముకు గడోప్పి మహికాబా వాండ్రు మజి దీవిసినె మంజినాన్.

17 యూదురిక్, రూలుక్ మోనెవెట దేవుణు సితాన్. వన్ని దయా దర్దుం ని వన్ని వందిక్ నిజమాతి నజతిక్ యేసు క్రీస్తు వెట వాతె.

18 ఎయెన్బా ఎసిక్బా దేవుణుదిక్తోవిన్. గాని అప్సాని వడోకాద్ మన్ని, దేవుణు వెట నమానుం అతి, ఒరిండ్రె మరిసినె దేవుణు ఎయెన్ ఇజి మజి తెలివి కిదిస్తాన్.

యోహాను యేసు వందిక్ వెహ్సాని సాన్యం

19-20 యెరూసలెమ్దాన్ యూదురి పెద్దలిజు, యోహాను డర్దు పుజెరిజు ని లేవి జాతిదు మన్ని వరిక్ పోక్తార్. “సీను ఎయెన్ ఇజి వెనె అజిని?”, ఇజి వెనెబాదెక్ వరిక్ పోక్తార్. నస్తివలె యోహాను ఈహు వరిక్ సాక్కి వెహ్సాన్. “నాను క్రీస్తు ఆవి”, ఇజి నెగ్గెండ వెహ్సాన్.

21 అయావలె వారు, మరి సీను ఎయి? సీను ఏలియ ప్రవక్తనా? ఇజి వెనెబాతార్. “అవి”, ఇహాన్. “సీను మాపు ఎద్దు నూణి ప్రవక్తనా?”, ఇజి వెనెబాతిక్, “అవి”, ఇహాన్.

22 అందెజి వారు, “సీను ఎయెన్? మజి పోక్తివరిక్ మరజి వెహ్సాక్ సీను ఉండ్రె జబాబు సిదా. నీ వందిక్ సీను ఇన్నిక ఇజి వెనె అజిని?”, ఇజి వెనెబాతార్.

23 దన్నిజ్క్ యోహాను యెసయ ప్రవక్త వెప్తావజ వెప్తాన్. “ ప్రబు వందిజ్ నరితినాజ్ కిదు, ఇజి బిడిఃమీ బూమిదు డేల్సినీవన్ని లెకెండ్* మన్న నాను”.

24-25 వన్ని డగ్రు వాతికార్ పరిసయరు పోక్తికార్. అయావలె, అయా పరిసయరుజ లోజ గెగెండార్ వన్నిజ్, “నీను క్రిస్తు అఇజ, ఏలియ ప్రవక్త అఇజ, మాపు ఎద్రు సూణి ప్రవక్త అఇజ, మరి ఎందనిజ్ నీను బాప్తిసం సీజని?”, ఇజి వెన్బాతార్.

26 దన్నిజ్క్ వాండ్రు, “నాను ఏరుదాన్ బాప్తిసం సీజని. గాని మరి ఒరెన్ మనాన్. వాండ్రు మీ నడిఃమి మనాన్. వన్నిజ్క్ మీరు పోల్సినెదెర్.

27 వాండ్రె నా వెన్కా వాజనికాన్. వన్ని జోడేకు బేల్లు కూతజ్బా నాను ఏవటితికాన్ అఎ”, ఇజి వెప్తాన్.

28 యొర్దాను ఇన్ని గడ్డ అతాహ వడేకాడ్ మన్ని బెతానియ ఇన్ని పట్టుమీదు యాకెజ్ విజు జగ్గిత. బానె యోహాను బాప్తిసం సీజి మహాన్.

29 మరననాండిజ్, యేసు వన్నిడగ్రు వాజనిక యోహాను సుడేతాన్. సుడేతండ్రె వాండ్రు, “ఇదిలో లోకురి పాపమీక వందిజ్ పూజ అడిజదేవుణు పోక్తి వన్ని మెండ గొరె పిల్ల. వాండ్రు లోకురి పాపమీకు సొన్నిసాన్”, ఇజి వెప్తాన్.

30 “నా వెన్కా ఒరెన్ వాజినాన్, వాండ్రు నజీ ఇంక మిస్తికాన్. ఎందనిజ్ ఇహిజ, వాండ్రు నాను పుట్వెండ ముజుజు వన్నికాన్ ఇజి నాను ఎయె వందిజ్ వెప్తానో వాండ్రె వీండ్రు”.

31 వీండ్రు ఎయెన్ ఇజి నానె నెన్ఎత. గాని ఇస్రాయేలు లోకురిజ్ వీండ్రు ఎయెన్ ఇజి తెలివి కిని వందిజి నాను ఏరుదాన్ బాప్తిసం సీజి వాత”, ఇజి వెప్తాన్.

32 మరి వాండ్రు నెస్తిక ఈహు సొక్తి వెప్తాన్: “దేవుణు ఆత్ము ఉండ్రీ పారబాటి లెకెండ్ అగానమదాన్ డిఃగ్జిజి వాజి వన్నిమున్ను మంజనిక నాను సుడేత”.

33 నానుబా వన్నిజ్క్ నెన్ఎండ మహ. గాని ఏరుదాన్ బాప్తిసం సీఅ ఇజి నజీ వెప్తి పోక్తి దేవుణుని నజీ వెప్తాన్, ‘దేవుణు ఆత్ము డిఃగ్జిజి ఎయెర్ మున్ను మంజనిక నీను సూజిదో వాండ్రె దేవుణు ఆత్ముదాన్ బాప్తిసం సీసాన్’, ఇజి.

34 వెప్తి లెకెండ్ వనిజ్ జగ్గితక నాను సుడేత. అందెజి నాను వెప్సిన్, ‘వీండ్రె దేవుణు మరిసి ఇజి’.

యేసు మొదోహి సిసూర్

35 మరననాండిజ్, మరి, యోహాను వన్ని రివిర్ సిసూర్ వెట నిహ మహాన్.

36 అయావలె యేసు అయా సరి సొన్ని మహిజ్, వన్నిజ్ డిటం సుడేజి, ‘ఇదిలో, పూజ అడిజ్ దేవుణు పోక్తి వన్ని మెండ గొరె పిల్ల’, ఇజి వెప్తాన్.

37 అయా రివిర్ సిసూర్ వాండ్రు వెప్తిక వెహారె, యేసు వెన్కా సొహార్.

38 యేసు మువ్తండ్రె, వారు వెన్కా వాజనిక సుడేతాన్. సుడేతండ్రె వరిజ్, “మీరు ఇనిక రెబాజనిదెర్?”, ఇజి వెన్బాతార్. వారు వన్నిజ్, “రబ్బి, ఇహిజ బోద్సికాన్, నీను ఎబె మంజని?”, ఇజి వెన్బాతార్.

39 వాండ్రు, “రదు, వాజి సుడేఱదు”, ఇహాన్. అందెజి వారు సొహారె, వాండ్రు మంజనిబాన్ సుడేతార్. అయా రోజు వారు వన్నివెట మహార్. అయావలె రహారమి పొగల్నాల్లి గంటజ్ అత మహార్.

40 సిమోన్ పేతురు తంబెర్సి అతి అంద్రెయ ఇన్నికానె యోహాను వెప్తిక వెంజి యేనువెట సొహి రివిర్ లోఇ ఒరెన్.

41 వాండ్రు వెటసి, వన్నిఅన్నసి సిమోనుజ్ రెబాతాండ్రె, “మాపు మెనయెజ్* నుడతావ్”, ఇజి వెప్తాన్.

42 వెప్తాండ్రె వన్నిజ్క్ యేసు డగ్రు తతాన్. యేసు సిమోనుజ్ సుడేజి, “నీను యోహాను మరిసి అతి సీమెను. నీను కేవ ఇజి కూకె ఆనిలె”, ఇజి వెప్తాన్. (గ్రీకు బానదు అయా మాట పేతురు ఇజి రాస్త మనాద్. దని అర్ధం ఇన్నిక ఇహిజ నటు ఇజి).

యేసుపిలిపుజ్ నతనయేలుజ్ కూక్సినాన్

43 మహ్నా నాండిజ్, గలిలయ ముటదు సొండ్రెజ్ ఇజి యేసు ఒడేబితాన్. అయావలె, వాండ్రు పిలిపుజ్ దనూల్ అతాతాండ్రె వన్నిజ్, “నా వెట వాజి నా సిసూడే అత”, ఇజి వెప్తాన్.

44 పిలిపు బెత్నెయ్ ఇని పట్టుమీదికాన్. పిలిపు, అంద్రెయ, పేతురు వీరు ఉండ్రె పట్టుమీదికార్.

45 పిలిపు నతనయేలు ఇని వన్నిజ్ రెబాతాండ్రె వన్నిజ్, “మోసె రాస్తి సీతి రూలుదు వాండ్రు రాస్తి మన్ని వన్నిజ్, ప్రవక్తరు బా రాస్తి మన్ని వన్నిజ్ మాపు దసూల్ అతావ్. వాండ్రు నజరేతుదికాన్ అతి యేసు. యోసేపు మరిసి”, ఇజి వెప్తాన్.

46 అందెజి నతనయేలు వన్నిజ్, “నెగ్గికెజ్ ఇనికబా నజరేతుదాన్ వానాదా?”, ఇజి వెన్బాతాన్. వన్నిజ్క్ పిలిపు, “వాజి సుడేత”, ఇహాన్.

47 యేసు నతనయేలు వన్ని డగ్రు వాజనిక సుడేతండ్రె, “ఇవిలోన్ నిజమాతి ఇస్రాయేలుదికాన్ వాజినాన్. విని లోఇ ఇన్ని సెఇకెజ్బా సిల్లు”, ఇజి వన్ని వందిజ్ వెప్తాన్.

48 అయావలె నతనయేలు వన్నిజ్, “నీను ఎలాగ నజీ నెస్సి?”, ఇజి వెన్బాతిజ్ యేసు, “పిలిపు నిజి కూకెవిండ ముజాలె, నీను బోడెమరాన్ అడిఃగి మనిక నాను సుడేత”, ఇహాన్.

49 నతనయేలు, “బోద్సికి, నీను దేవుణు మరిసి. నీను ఇస్రాయేలు లోకురి రాజు”, ఇహాన్.

50 అందెజి యేసు వన్నిజ్, “నీను బోడెమరాన్ అడిఃగి మంజనిక నాను సుడేత ఇజి నాను వెప్తిజ్ నీను నమిజిని. దినిజ్ ఇంక మిస్తి నండ్ పిరి పణిజ్ నీను సూజిలె”, ఇజి వెప్తాన్.

51 వాండ్రు వన్నిజ్, “నాను నిజం వెప్సిన్, అగానం రెయె అజి దేవుణు దూతజ్ లోకుమరిసిఅతి నా డగ్రు ఎక్సి సొనిక డిగ్జి వానిక నీను సూజిలె”, ఇజి వెప్తాన్.

* 1:23 1:23 యెసయ 40:3. † 1:41 1:41 మోసయ ఇహిజ దేవుణు వన్ని లోకురిజ్ రక్తిస్తిజ్ వీరపాటు కిత్తి పోక్తికాన్. ఇది ఏలి బాన

2

- యేసు కితి మొదోహా బమ్మ అతి పణి
- 1 రుండి దినమ్మకు సోహా వెన్యా, గలీలయ ముటది కానా ఇని పట్టుమ్దు ఉండ్రీ వెండ్లి జర్జితాద్.
 - 2 యేసు అయ్సినబాన్ మహాద్. యేసుజీని వన్ని సిసూర్జబా ఆ వెండ్లిదు కూక్టార్.
 - 3 ద్రాక్కుళ్లు వీజితివెలె, యేసు అయ్సిన వన్నిజ్, “ద్రాక్కుళ్లు వీజితాద్”, ఇజి వెప్టాద్.
 - 4 అయావలె యేసు, “ఓ యా, దిని వందిజ్ నీసు నజి ఎండనిజ్ పణసిని? నాసు ఎయెన్ ఇజి తోరి ఆదెజ్ దేవుణు నా వందిజ్ ఏర్పాటు కితి వేలా ఇంక రవదె”, ఇజి వెప్టాన్.
 - 5 యేసు అయ్సిన పణికినివరిజ్, “వాండ్రు మిజి ఇన్జిక వెప్టాజ్బా మీరు కిదు”, ఇజి వెప్టాద్.
 - 6 దేవుణుదిజ్ ఇన్సం ఆత్తివజ మండ్రెజ్ యూదురు నుబ్బరం ఆనార్. నుబ్బరం ఆనివందిజ్ వారు నోరబానార్. అయాక పరి ఉండ్రీ ఆసారం. ఆహా నోరబాని దన్నివందిజ్ పణుకుదాన్ తయార్ కితి గోలమ్మకు మహా. డర్బు తొబయ్దాన్ నూటి మువయ్ లీటర్ ఏరు అన్సి, నన్ను గోలమ్మకు ఆరుబాన్ మహా.
 - 7 యేసు, “అయా గోలమ్కాజ్ ఏరు నిహాతు”, ఇజి పణికిని వరిజ్ వెప్టాన్. వారు నిండ్రు నిప్టాన్.
 - 8 అయావలె వాండ్రు వరిజ్, “ముడుక్కి నవ్దెరి బాన్ ఒతు”, ఇజి వెప్టాన్. వారు అయా లెకిండ్ కితార్.
 - 9 నవ్దెరి యెలు ద్రాక్కు కడు అతి ఏరు రుసి నుడతాన్. అయా ద్రాక్కుళ్లు ఎమేణిజ్ వాతాదో ఇజి ఆ ఏరు ముడుక్కి ఒతి పణికిని వరిజ్ తెలినా ద్గాని నవ్దెరిజ్ తెలివెద్. వాండ్రు వెండ్లి మరిసిజ్ కూక్టార్.
 - 10 కూక్టాండ్రి వన్నిజ్, “విజెరి కూలిజ్ నెగ్గి ద్రాక్కుళ్లు ముందాలె సినార్. లావు ఉటి వెన్యా అడ్డెబెడ్డెదిక సినార్. గాని నీసు ఏలుదాక నెగ్గి ద్రాక్కుళ్లుని ఇడ్డి మన్ని”, ఇజి వెప్టాన్.
 - 11 యాకాద్ యేసు కితి మొదోహా బమ్మ అతి పణి. యాక గలీలయ ముటది కానా ఇన్ని పట్టుమ్దు జర్జితాద్. అయా లెకిండ్ కిజి, యేసు వాండ్రు గోవుపెరికాన్ ఇజి తోరిస్తాన్. వన్ని సిసూర్ వన్ని మున్ను, నమకం ఇక్టార్.
 - 12 దిని వెన్యా వాండ్రు వన్ని అయిసి, తంబెరిసిర్, సిసూర్ వెట కపరనహాముదు సూహాన్. అబ్బె సెగం దినమ్మకు మహా.
- యేసు దేవుణుగుడిదాన్ బేరం కినివరిజ్ వెల్లి పొక్కినాన్
- 13 యూదురి పన్ను వండొయి కిదెజ్ కాలం డర్బు ఆతాద్. అందెజె యేసు యెరూసలెమ్దు సూహాన్.
 - 14 బాన్ దేవుణుగుడిది అరుబుదు బేరం కిజిని వరిజ్ వాండ్రు నుడతాన్. కొడ్డిజ్, గొర్రెజ్, పూజ కిని వందిజ్ పారపొటిజ్ పొర్తి వరిజ్ నుడతాన్. పయు దేనమ్ది డబ్బుజ్ మరిసి యూదురి కానుజ్ సీజిని బేరం కిని వరిజ్బా నుడతాన్.
 - 15 అయావలె వాండ్రు నాసుదాన్ కొరడ కితాండ్రి, కొడ్డిజ్, గొర్రెజ్ వెట వరిజ్ విజెరిజ్ అరుబుదాన్ పేర్తాన్. డబ్బుమరిసి బేరం కినివరి డబ్బు విజు సెద్రిస్తాండ్రి, వరిబల్లెజ్ మహాన్.
 - 16 పార పొటిజ్ పొర్తి వరివెట, “విన్యాజ్ ఇబ్బెణిజ్ ఒతు. నా బుబ్బు ఇల్లు సత్తలెకిండ్ కిమాట్”, ఇజి వెప్టాన్.
 - 17 నన్జివలె వన్నిసిసూర్, “ఓ దేవుణు, నీ ఇల్లువందిజ్ నజిమన్ని గొప్ప ఆన, ఉండ్రీ నీసులెకిండ్ నా లొఇ కన్నాద్*”, ఇజి దేవుణు మాటదు రాస్తి మనిక వారు ఒడెబితార్.
 - 18 అయావలె యూదురు, యా పణిజ్ కిదెజ్ నిజి ఇని అతికారం మనాద్? ఉండ్రీ బమ్మ ఆని పణికిజి మజి తోరిసి అయాక రుజువ్ కితి, ఇజి వన్నిజ్ వెప్టాన్.
 - 19 “యా గుడి: డేయిజి అర్వం, మూండ్రీ రోన్యాజ్ నాసు మరి తొన్నా”, ఇజి యేసు వరిజ్ వెప్టాన్.
 - 20 దన్నిజ్ యూదురు, “యా గుడి: తొవ్వాజ్ నలవయ్ ఆరు పంటిజ్ ఆతాద్. నీసు మూండ్రీ రోన్యాజిజ్ తొప్పిదా?” , ఇహార్.
 - 21 గాని దేవుణుగుడి: వందిజ్ వెప్టావలె వన్ని ఒడెల్ వందిజె వెప్టాన్.
 - 22 వాండ్రు సాతాండ్రి మరంజి నిజితివెనుక, యా లెకిండ్ మాట వాండ్రు వెప్టాన్ ఇజి సిసూరు ఒడెబితార్. అందెజె దేవుణు మాట వారు నమ్మితార్. యేసు వెప్టా మాటబా నమ్మితార్.
 - 23 యేసు వన్నువండొయెది యెరూసలెమ్దు మహివలె, వాండ్రు కితి బమ్మ అతి పణిజ్ నుడతారె, నండొదార్ వన్నిజ్ నమ్మితార్.
 - 24 గాని వాండ్రు వరిజ్ వన్నిజె ఒపజెవ్ అవెన్. ఎండనిజ్ ఇహిజ, వాండ్రు విజెరిజ్ నెన్నాన్.
 - 25 ఎయెరబా వన్నిజ్ లోకుర్ వందిజ్ వెప్టాజ్ అవ్సరం సిల్లెద్. ఎందానిజ్ ఇహిజ, పరి మన్నుదు మన్ని ఆలోసనమ్మకు వాండ్రు నెసినాన్.

3

- యేసు నికొదిముజ్ నెన్పిస్తాన్
- 1 యుదురిజ్ అతికారి అతి నికొదిము ఇనికాన్ ఒరెన్ మహాన్. వాండ్రు పరినయిరుబు లొఇ ఒరెన్.
 - 2 వాండ్రు ఉండ్రీ పొదోయ్, యేసుడర్బు వాతాన్. వాతాండ్రి, “ఓ బోదకినికి, నీసు దేవుణు పొక్కి ఒరెన్ నెన్పిస్తాన్ ఇజి మాపు నెసినాన్. దేవుణు ఒరెన్ వన్నివెట సిల్లెండ్ మహిజ, నీసు కిజిని బమ్మ అతి పణిజ్ కిదెజ్ ఎయెరబా అట్వెన్”, ఇజి వెప్టాన్.
 - 3 అందెజె యేసు వన్నివెట ఈహు వెప్టాన్: “నాసు నిజమెన్ వెహిస్తాన్, ఒరెన్ మరి కొతాజ్ పుట్టిజెని, దేవుణు ఏలుబడిదు మంజినాన్”.
 - 4 అయావలె నికొదిము, “పిరితిలోకు ఒరెన్ ఎలగా మరి కొతాజ్ పుట్టాన్. వాండ్రు అయిసి పొటాద్ సొన్ని మరి ఉండ్రీ నుక్కు, పుట్టిజ్ అట్వెన్”, ఇజి వెప్టాన్.

* 2:17 2:17 కిధ్స 69:9.

5 యేసు వెచ్చాన్, “నాను నిజ్ న వెచ్చిన, ఒరెన్ బాప్తీసం లాగె ఆవండ మహిజ, దేవుణు అత్తు బాణిజ్ కొత్త బత్తు దొహ్కవండ మహిజ, వాండ్రు దేవుణు ఏలుబడిడు మనవెన్.

6 యాయ బుబ్బరవెటన కొడోరె కానినార. గాని దేవుణు అత్తు వెటన దేవుణు కొడోరె అనార.

7 “నీను మరి కొత్తాజ్ పుట్టజ్ వెలె”, ఇజ నాను వెప్తా మాటదిజ్ నీను బమ్మ అమా.

8 “గాలి దన్నిజ్ ఇస్టమాతి బాడిద డెయ్యాద్. నీను దన్నిజాటు వెని గాని అది ఎంబెణిజ్ వాజనాద్, ఎంబె సొన్నినాద్, ఇజ నిజి తెలివెద్. అయలెకెండెన, దేవుణు అత్తు ఒరెన్ వన్నిజ్ కొత్త బత్తు సీదెజ్ వన్నిజ్ ఇస్టమాతివజ విజా కిసాన్. వాండ్రు అయక ఎలాగ కిసాన్ ఇజ తెలివెద్”.

9 “యాక ఎలాగ జర్గినాద్?”, ఇజ నికోదెము యేసుజ్ వెనబాతాన్.

10 దనిజ్ యేసు, “ఇస్రాయేలుదు మన్ని బోదెసిని వరిలోఇ తగమాతికి ఒరెన్ నీను గదె? యాకెజ్ నీను నెన్ ఇదా?

11 నాను నిజం వెచ్చిన, మాపు నెస్టెజె వెచ్చినామ్, నుడెతికెజె వెచ్చినామ్. గాని మీరు అయాకెజ్ నమ్మెదెద్.

12 యా బూమిదు జర్గిని దన్నివందిజ్ నాను మిజి వెప్తా మన్న. గాని మీరు నమిఇ. అహిజ, నాను దేవుణు మంజిని బాడిడు మన్ని నజతిజ వందిజ్ వెప్తాజ, మరి మీరు ఎలాగ నమ్మనిదెర్?

13 ఎయెన్ బా ఎనిజెబా దేవుణు మంజిని బాడిడు సొన్ ఎతార. దేవుణు మంజిని బాడ్డి: దాన్ డిగెతి వాతి లోకుమరిసి అతి నాను ఆవిండ మరి ఎయెన్ బా దేవుణు మంజిని బాడిడు సొన్ ఎతాన్.

14-15 బీడిమ్ బూమిదు మోన్ కంసుదాన్ తయార కితి నరానిదిజ్ పెప్తా లెకెండె, లోకు మరిసి అతి నాను పెరె అనాలె. నా మున్ను నమకం ఇడ్చి వరిజ్ విజెరిజ్ ఎలాకాలం బత్తుని బత్తు దొహ్కవందిజె నాను పెరె ఆదెజ్ వెలె.

16 దేవుణు లోకురె విజెరిజ్ ఎసానో ప్రేమిస్తాన్. అందెజె వాండ్రు వన్ని ఒరెండ్రె ఒరెన్ మరిసిజ్ సాదెజ్ సితాన్. వన్నిజ్ నమినికారె ఎలాకాలం సిసుదు మనవండ, ఎలాకాలం దేవుణు వెట మంజిని వందిజ్ వాండ్రు మరిసిజ్ సితాన్.

17 దేవుణు లోకురిజ్ తీర్పు సీజి సిక్కు సీని వందిజ్ ఆవెద్, వాండ్రు వన్ని మరిసిజ్ లోకమదు పోక్తిక. గాని వాండ్రు వరిజ్ ఎల్లకాలం మన్ని సిక్కుదాన్ గెల్ వెస్తివందిజె పోక్తాన్.

18 మరిసిజ్ నమ్మిని ఎయెరిజ్ బా తీర్పు సీజి సిక్కు సీనిక సిల్లెద్. గాని వన్నిజ్ నమిఇ వరిజ్ ఏలున దేవుణు తీర్పు సీజి సిక్కు సిత మనాద్. ఎందనిజ్ ఇహిజ, దేవుణు ఒరెండ్రె మరిసిజ్ వారు నమ్మివెతార.

19 జాయ్ లోకమదు వాతమనాద్. గాని లోకురె జాయ్ దిజ్ ప్రేమిన్ ఎండ సీకదిదిజ్ ప్రేమిస్తార. ఎందనిజ్ ఇహిజ, వారు సెఇ పణిజ్ కిజనార. యాక నుడెజెన, లోకురిజ్ దేవుణు తీర్పు సీజి సిక్కు సీనాన్.

20 సెఇ పణిజ్ కిజనికారె విజెరె జాయ్ దిజ్ ఇస్టం కింపె. వారు జాయ్ దు రెపెర్. ఎందనిజ్ ఇహిజ, వరి సెఇ పణిజ్ విజా జాయ్ దు తోర్పు ఇజ తియెల్ అజనార.

21 గాని నిజమాతి పణిజ్ కినికాన్ ఎయెన్ బా జాయ్ దు వాజనాన్. ఎందనిజ్ ఇహిజ, వారు కిజిని పణిజ్ విజా దేవుణుదిజ్ లోజెజ కిజనార ఇజ జాయ్ వెల్లె తోర్పాద్”, ఇజ వెచ్చాన్.

బాప్తీసం సీని యోహాను యేసువందిజ్ సొని వెచ్చినాన్.

22 వెనుక, యేసుని, వన్నిసిసూరె యూదయప్రాతమదు సాహార. బాన్ వాండ్రు వరివెట నగం కాలం గడప్పి, లోకురిజ్ బాప్తీసం సీనిని మహాన్.

23 నలిముడగ్రు అయిన్ ఇన్ని బాడిడు యోహాను బాప్తీసం సీజి మహాన్. ఎందనిజ్ ఇహిజ, బాన్ నండో ఏరు మహె. లోకురె వన్ని డగ్రు సొన్ని బాప్తీసం లాగె అజ మహార.

24 యాక యోహానుజ్ జెలిదు ఒజ ముజాల జర్గితాద్.

25 యోహాను సిసూరెని ఒరెన్ యూద వాండ్రు సుబ్రం అని యూదురు రూలు వందిజ్ వెచ్చి గొడబె అతార.

26 వారు యోహానుడగ్రు వాతార, “బోదకినికి, యెర్దాను గడ్డ అతాలీని వెట ఒరెన్ మహాన్ గదె. నీను వన్ని వందిజ్ వెప్తా మన్ని. ఇవిలోన్ వాండ్రు ఏలు బాప్తీసం సీజినాన్. లోకురె విజెరె వన్నిడగ్రు సొన్ సిసూరె”, ఇజ వెచ్చార.

27 అందెజె యోహాను వెచ్చాన్, “దేవుణు ఇస్టం కితివజన ఒరెన్ వన్నిబత్తుదు విజా జర్గిజనాద్.

28 “నాను క్రీస్తు అవి. గాని వన్నిజ్ ఇంక ముజాల దేవుణు నజి పోక్తాన్”, ఇజ నాను వెప్తాక మీరు వెపాదెర్.

29 పెండ్లి అని వన్నిదిని పెండ్లి బోద్లె. పెండ్లి దుజుడె: కూలయెన్ వన్నిడగ్రు మంజి వాండ్రు వెప్తాకెజ్ వెంజినాన్. వెచ్చినానికెజ్ వెంజనికాదె కూలయెన్ వన్ని నరెద్. పెండ్లి దుజుడె: కూలయెన్ పెండ్లి దుజుడె:వెట నరెద్ అని లెకెండె నా నరెద్ క్రీస్తువెట పూర్తి అజనాద్.

30 వాండ్రు పెరికాన్ ఆదెజ్ వెలె. నాను ఇజ్జికాన్ ఆదెజ్.

31 పరలోకమదాన్ వాజనికాన్ విజెరె మున్ను పెరికాన్. యా లోకమదాన్ వాజనికాన్ యా లోకమదికాన్. వాండ్రు లోకమది నజతిజ వందిజ్ వెచ్చినాన్. పరలోకమదాన్ వాజనికాన్ విజెరె మున్ను పెరికాన్.

32 వాండ్రు నుడెతి వనకవందిజ్ వెహి వన్నా వందిజ్ వెచ్చినాన్. గాని నెగెండారె వాండ్రు వెచ్చినానికెజ్ డగ్రు కిసార.

33 వన్నిమాట వెంజనికాన్ దేవుణు వెచ్చినానికెజ్ నిజం ఇజ ముద్ర పోకె అజనాన్.

34 దేవుణు పోక్తాన్ దేవుణు మాటన వర్ణిజనాన్. ఎందనిజ్ ఇహిజ, దేవుణు వన్ని అత్తు అంతు సిల్లెండ వన్నిజ్ సీజినాన్.

35 అహిసాని మరిసిజ్ ప్రేమిస్తాన్. అందెజె వాండ్రు వన్నిజ్ విజాదనిజ్ అతికారం సిత్త మనాన్.

36 మరిసి మున్ను నమకం ఇడ్చి మన్నివన్నిజ్ ఎలాకాలం దేవుణువెట బత్తుని బత్తు మనాద్. గాని వన్నిజ్ లోజెజ వన్నిజ్ ఎలాకాలం బత్తుని బత్తు సిల్లెద్. గాని దేవుణు సిక్కు వన్ని మున్ను ఎలాకాలం మనాద్.

4

యేసు సమరియ దేసేమది బోదెలివెట వర్ణిజనాన్

1-2 యోహాను ఇక యేసు నంజెండారిజ్ వన్ని వెట కుడుఃఖ్పినాన్, వరిజ్ బాప్తీసం సీజనాన్ ఇజ పరిసయరు వెహర్. (నిజం ఇన్నిక ఇహిజ, యేసు ఎయెరిజ్ బాప్తీసం సివితాన్. వన్ని సిసూర్ నె సితార్)

3 ఆహా పరిసయరు వర్ణిజనార్ ఇజ యేసునెస్తాండ్రె, వాండ్రు యూదయ ప్రాంతం డిస్తాండ్రె గలిలయ ముటదు మరి మచ్చా సాహాన్.

4 వాండ్రు సమరియ దేసేమదాజె సాండ్రెజ్ సరి మనాద్.

5 అందెజె వాండ్రు సమరియ దేసేమదు మన్ని సుకారు ఇన్ని పట్టుమదు వాతాన్. అయా పట్టుం, పూర్ బమదు బత్తిజ మహి యాకోబు వన్ని మరిసి యెసెపుజ్ సీత్తి మన్ని బూమిడగ్రు మన్నికాద్.

6 యాకోబు కారిస్తి నూతి బాన్ మహాద్. యేసు పయిణం కిజ వందితాండ్రె అయా నూతి డగ్రు బస్తాన్. నస్తివలి, మదెసం.

7 అయావలి సమరియాతి బోదెలి ఉండ్రీ ఏరు ఒతెజ్ బాన్ వాతాద్. యేసు దని వెట, “ఏహా కట్టినాద్. ఏరు బుకెండ్ సిదా”, ఇహాన్.

8 (వన్ని సిసూర్ టిండి కొండెజ్ పట్టుమదు సాహ మహార్)

9 అయా బోదెలి వన్నిజ్, “నీసు యూద వాండ్రు. నాను సమరియ బోదెలి. అబాయా, నీసు నజీ ఏరు లొస్సిదా”, ఇహాద్. (ఎందనిజ్ ఇహిజ, యూదురు సమరియాతి పరి వెట కూడెజి మన్ ఏర్)

10 అందెజె యేసు, “నీసు దేవుణు సీనిక నెస్తి మంజినిక ఇహిజ, నిజీ ఏరు లొస్సికాన్ ఎయెన్ ఇజ నెస్తి మంజినిక హిహిజ, నీసు వన్నిజ్ దేవుణు సీనిక వెనెబాతి మరి. వాండ్రు నిజీ ఎలాకాలం బత్తిన్ పిస్సి ఏరు సితాన్ మరి”, ఇజ వెప్తాన్.

11 అయా బోదెలి వన్నిజ్, “బాబు నూతి నిరిక మనాద్. ఏరు లాగిదెజ్ నిజీ డొక్కు ఇన్నిక నిల్లెద్. మరి ఎలాగ నీసు బత్తిన్ పిస్సి ఏరు లాగ్తి?

12 మా అనిగొగ్గో యాకోబు యా నూతి మజీ సితాన్. వాండ్రు, వన్ని మరిసి, వన్ని కోడ్డిజ్, గొరెజ్ విజు యా నూతిది ఏరు ఉణిజ మహార్. నీసు వన్నిజ్ మిస్తికిదా?”, ఇజ వెప్తాన్.

13-14 అందెజె యేసు, “యా ఏరు ఉణి విజెరిజ్ బా మరి ఏహ్పి కట్టాద్. గాని నాను సీని ఏరు ఉణివరిజ్ ఎనెజ్ బా ఏహా కట్ ఏద్. నాను సీని ఏరు బూమిదాన్ సోసిని ఊట ఏరు లెకెండ్ వన్ని లొక మంజినె. అయాక వన్నిజ్ ఎలాకాలం దేవుణు వెట బత్తిని బత్తు సీజనాద్”, ఇజ వెప్తాన్.

15 నస్తివలి అది, “బాబు యా ఏరు నజీ సిదా. అయావలి ఎనెజ్ బా ఏహా కట్ ఏద్. ఇబ్బి వాజి ఏరు లాగ్తి ఒతెజ్ నజీ అవ్ సరం నిల్లెద్”, ఇజ వెప్తాన్.

16 యేసు దనిజ్, “సాన్ని నీ మానిజ్ ఇబ్బె కూక్కి తగ్ అ”, ఇజ వెప్తాన్.

17 దన్నిజ్ అది, “నజీ మాని సెలెన్”, ఇహాద్. అందెజె యేసు, “నజీ మాని సెలెన్ ఇజ నీసు వెప్తామాట నిజమనె.

18 నిజీ అయెదుగురు మాసీర్ మహార్. ఏలు నీ వెట మంజినికాన్ నీ మాని అవెన్. నీసు నిజమన్ వెప్తా”, ఇహాన్.

19 అయావలి అది వెప్తాద్, “బాబు నీసు ఒరెన్ ప్రవక్త ఇజ నాను నెసాన్.

20 మా సమరియది అనిగొగ్గో యా గొరొతెన్ దేవుణుదిజ్ పొగిడెజి మాడిసాం. గాని యూదురు ఆతి మీరు, దేవుణుదిజ్ పొగిడెజి మాడిసెజి మన్ని బాడ్డి యెరుసాలెం ఇజ వెహ్పానిదెర్”.

21 అందెజె యేసు, “బీబి, యెరుసాలెంబా, యా గొరొతెబా బుబ్బి ఆతి దేవుణుదిజ్ మీరు పొగిడెజి మాడిసెజి ఉండ్రీ కాలం వాజినాద్. నీసు నా మాట సమ్మి అ.

22 ఎలాగ మర్తి వన్నిజ్ పొగిడెజి మాడిసెన్ దెర్ ఇజ మిజి తెలి ఏద్. గాని యూదురు ఆతి మజి తెలి నాద్, ఎలాగ మర్తి వన్నిజ్ మాపు పొగిడెజి మాడిసెన్ ఇజ. ఎందానిజ్ ఇహిజ, యూదురు బాణిజె, లోకురిజ్ రక్తిస్సికాన్ వాజినాన్.

23 దేవుణు ఆత్మసత్తుదాన్ లోకుర్ బుబ్బెజ్, వరి మన్సు పూర్తి నిజం పొగిడెజి మాడిసెని ఉండ్రీ కాలం వాజినాద్. అయాక ఏలునె మనాద్. ఆహా పొగిడెజి మాడిసెని వరిజె దేవుణుదిజ్ ఇస్సం.

24 దేవుణు, ఆత్మనె. అందెజె వన్నిజ్ పొగిడెజి మాడిసెన్ కార్ వన్ని ఆత్మ సత్తుదాన్, నిజం ఇక వన్నిజ్ పొగిడెజి మాడిసెన్ వెలె”, ఇజ వెప్తాన్.

25 అయా బోదెలి వన్నిజ్, “క్రీస్తు ఇజ కూకె ఆని మిసియ వానాన్ ఇజ నాను నెస్సు. వాండ్రు వానివలి మజీ విజు వన్యా వందిజ్ టెటాజ్ వెహ్పాన్”, ఇజ వెప్తాన్.

26 అయావలి యేసు, “నీవెట వర్ణిజని నాను వాండ్రె”, ఇజ వెప్తాన్.

27 అయావలి వన్ని సిసూర్ మర్జి వాతార్. వాండ్రు అయా బోదెలి వెట వర్ణిజనిక సుడెతార్ నండో బమ్మ అతార్. గాని నిజీ ఇన్నిక కావాలి ఇజ బా, నీసు ఎందనిజ్ దన్నివెట వర్ణిజని ఇజబా ఎయెర్ బా వెన్ బావెతార్.

28-29 అయా బోదెలి దని కుండ డిస్తాండ్రె పట్టుం సాహాద్. సాహాద్, బాన్ మహి లోకురిజ్, “నాను కితి విజు వన్యా వందిజ్ నజీ వెప్తా ఒరెన్ వన్నిజ్ మీరు వాజి సుడెదు. వీండ్రు క్రీస్తు అవిండ్రా?”, ఇజ వెప్తాన్.

30 వారు పట్టుమదాన్ సోతార్ వన్నిడగ్రు వాజి మహార్.

31-32 అయావలి వన్ని సిసూరు, “మెస్సరు ఇన్నిక బా ఉణామె”, ఇజ వన్నిజ్ బతిమాలెతార్. ‘మిజి తెలిజ బోజనం నజీ ఉండెజ్ మనాద్”, ఇజ వాండ్రు వరిజ్ వెప్తాన్.

33 “వన్నిజ్ బోజనం ఎయెన్ బా తేతాండ్రా?”, ఇజ ఒరెన్ దిజ్ ఒరెన్ సిసూర్ వర్ణిజన్.

34 యేసు వరిజ్, “నజీ పొక్తాన్ నజీ వెప్తా వణి పూర్తి కినికాదె నా బోజనం లెకెండ్ మనాద్.

35 'నాల్లి నెల్లెళ్ళ మనాద్ వంట కొయిని కాలం', ఇజ మీరు వెప్పిదెర్గదె. నాను మిజి వెప్పిన, మీ కణుకు పెర్తి మడిజు నుడెను. ఆకెడె సోపాతెనె పండిత మన్నె.

36 నా మాటెజ్ వెండ్రెజ్ తయారె అతి మన్ని యా లోకురిజ్ నుడెఅ. కొయిదెజ్ సోపాతి మన్ని మడిజు లెకెండ్ మనార్. వరిజ్ ఎలాకాలం దేవుణు వెట బత్తుని బత్తు దోహోక్యార్ ఇజ నా డగ్రు తని వన్నిజ్ లాబం మనాద్. విత్తికాన్ కొయికాన్ రిఎర్ కూడెజి నరద ఆని లెకెండ్ వీంధ్రు ని విని ముజాల లోకురిజ్ నువ్వార్ వెప్పికార్ రిఎర్ కూడెజి నరద ఆనార్.

37 'విత్తికాన్ ఒరెన్. కొయికాన్ మరి ఒరెన్', ఇజ వెప్పిక నిజమెనె.

38 మహికార్ కష్టబడిజి పణి కితార్. మీరు కిఇతిదెర్. వారు కష్టపడిజి కితి పణిది లాబం లాగదెజ్ నాను మిజి పోక్కిన.

నండో సమరియదికార్ యేసుజ్ నమిజినార్.

39 "నాను కితి విజు వన్నా వందెజ్ వాంధ్రు నజి వెప్సాన్", ఇజ అయా బోదెలి మాట వెహారె, అయా పట్టుమది నండో సమరియదికార్ యేసుజ్ నమిజితార్.

40 అందెజి సమరియదికార్ వన్ని డగ్రు వాతార్, "మా డగ్రు మనెఅ ఇజ వన్నిజ్ బతిమాలితార్. అందెజి వాంధ్రు అబె రుండి రోస్సు మహాన్.

41 వన్ని మాట వెహారె, మరి నండోడార్ వన్నిజ్ నమిజితార్.

42 వారు అయా బోదెలిదెజ్, "నీను వెప్సా దనిదాన్ ఆఎద్ మాపు యేలు నమిజినక. గాని విని మాటెజ్ మాపు వెహాన్. నిజమె, వీంధ్ర లోకురిజ్ పాపమకాజ్ రక్తిన్నికాన్ ఇజ మాపు నెనినాన్. అందెజి మాపు వినిజ్ నమిజినాన్", ఇహార్.

యేసు అతికారి మరిసిజ్ నెగెణ్ కిజినాన్

43 రుండి రోస్సు బాన్ మహి వెన్నా, యేసు సమరియదాన్ గలీలయ ప్రాంతమదు సోహాన్.

44 (యేసునె వెప్సా మహాన్, "ఒరెన్ ప్రవక్తెజ్ వన్నిసాంత ప్రాంతమదు ఎయెర్బా గవెరం సిఎర్", ఇజ)

45 వాంధ్రు గలీలయదు వాతివలె, గలీలయదికార్ వన్నిజ్ డగ్రు కితార్. ఎందనిజిఇహిజ, వారుబా పస్సు పండొయిదిజ్ యెహూసలెమదు సోహ మహారె, వాంధ్రు అబ్బి కితి విజు పణిజ్ నుడెత మహాన్.

46 వాంధ్రు గలీలయది కానా ఇన్ని పట్టుమదు మరి వాతాన్. బానె వాంధ్రు ఏరుదిజ్ ద్రాక్కు కడు కితాన్. అబ్బి ఒరెన్ గవరెమెంటు అతికారి మహాన్. వన్ని మరిసి కవరెనహాముదు కన్సం అర్త మహాన్.

47 యేసు యుదయదాన్ గలీలయదు వాతాన్ ఇజ వెహివెలి వాంధ్రు యేసు డగ్రు వాతాన్. వాతంధ్రె, "నా మరిసి సాదెజ్ డగ్రు అత మనాన్. అందెజి నీను వాజి వన్నిజ్ నెగెణ్ కిత", ఇజ వన్నిజ్ బతిమాలితాన్.

48 యేసువన్నిజ్, "నండో బమ్మాని గుర్తుజ్ నుడెతిజనె మీరు నమినిదెర్", ఇజ వెప్సాన్.

49 అయా అతికారి, "బాబు, నా మరిన్ సాని ముజాల రఅ", ఇజ వెప్సాన్.

50 దన్నిజ్ యేసు వన్నిజ్, "సాన్అ. నీ మరిన్ బత్తునాన్", ఇజ వెప్సాన్. వాంధ్రు యేసు వెప్సామాట నమింతాంధ్రె సోహాన్.

51 వాంధ్రు సాన్ని మహివలె వన్ని ఇండ్రొణిజి పణి మణిసీర్ వన్ని ఎర్దు వాతార్, "నీ మరిన్ బత్తుత మనాన్", ఇహార్.

52 ఎనాడు గంటెజ్ వన్నిమరిసి నెగెణ్ అతాన్ ఇజ వరిజ్ వెనబాతిజ్ వారు, "ఇవన్ ఒంటి గంటదిజ్ నోబు డిస్తాద్", ఇజ వెప్సాన్.

53 నీ మరిన్ బత్తునాన్ ఇజ యేసు వెప్సా ఆ టయిమదునె, వన్నిమరిసి నెగెణ్ అతాన్ ఇజ బుబ్బు నెస్తాన్. అందెజి వాంధ్రు వన్ని కుటుమదికార్ యేసుజ్ నమిజితార్.

54 యాకదె యేసు యుదయదాన్ గలీలయదు వాతి వెనుక కిత్తి మరి ఉండ్రి బమ్మాతి పణి.

5

1 వెన్నా, యూదురజు పండొయె ఉండ్రి వాతాద్. అందెజి యేసు యెరూసలెమదు సోహాన్.

2 యెరూసలెం నుటలం తోహాక్తి కోటదు గొరెజ్ సాని గోరెజి ఉండ్రి మనాద్. దన్ని డగ్రు ఉండ్రి నెరు మనాద్. దన్ని పేరు ఎల్లి బాసదు బెదెన్ ఇజ. దన్నిజ్ అయెదు అరుబుజ్ నురులం మన్నె.

3-4 అయా అరుబుజు మందెజ్ మందెజ్ కన్సమ్కాణికార్ గూర్త మహార్. గుడ్డిదికార్, సాటాదికార్, కిక్కుకాల్లు అర్దికార్ బాన్ మహార్. ఎన్నివలెనో ఉండ్రి నుటు దేవుణు దూత ఒరెన్ అయా సెర్దుదు డిగ్గెజి ఏరుదిజ్ కర్ణినాన్. అయావలె ఎయెన్ ముజాల ఏరుదు డిగ్గెనాంధ్రె, వాంధ్రు ఎలాగ మర్తి జబ్బు అతికాన్ అతిజ్బా నెగెణ్ ఆనాన్. యా కన్సమ్కాణికార్ ఏరు కర్ణిన్ దన్నిజ్ ఎర్దునుడెజి మహాన్.

5 వరి లొఇ ఒరెన్ మహాన్. వాంధ్రు ముప్పుయెనిమిది పంటిజాణిజ్ కన్సమ్దాన్ మహాన్.

6 యేసు వన్నిజ్ నుడెతాన్. వాంధ్రు నండో పంటిజాణిజ్ కన్సమ్దాన్ మనాన్ ఇజ నెస్తాంధ్రె, వన్నిజ్, "నీను నెగెణ్ ఆదెజ్ కోరిజినిదా?", ఇజ వెనబాతాన్.

7 వెనబాతిజ్ అయా కన్సమ్దికాన్, "బాబు, ఏరు కర్ణినివలె నజి నెరుదు డిప్తెజ్, ఎయెనబా నజి నిల్లెన్. నాను డిగ్గెన్ ఇనిజ్, నజి ఇంక ముజాలా మరి ఒరెన్ డిగ్గెజినాన్", ఇజ వెప్సాన్.

8 యేసు వన్నిజ్, "నీను నిజెజి నీ సావ అసి నడిజెఅ", ఇజ వెప్సాన్.

9 వెటనె వాంధ్రు నెగెణ్ అతంధ్రె వన్ని సావ నిక్రాంధ్రె నడిజెతాన్. యాక విస్తాంతి దినమదు జర్గితాద్.

10 అందెజి యూదురు నెగెణ్ అతి వన్నిజ్, "నెంధ్రు విస్తాంతి దినం గదె. నీను సాపెజ్ నిక్కి ఒతెజ్ అఎద్. ఎందనిజ్ ఇహిజ, మోని సితి రూలుజ్దు వెప్పినాద్, ఇన్ని పణిబా విస్తాంతి దినమదు కిదెజ్ అఎద్ ఇజ", ఇజ వెప్సాన్.

11 దన్నిజ్ వాంధ్రు, "నజి నెగెణ్ కితికాన్, 'నీ సావ నిక్కి నిడిజెఅ', ఇజ నజి వెప్సాన్", ఇహాన్.

12 అందెజి వారు, "నీ సాపెజ్ నిక్కి నడిజెఅ ఇజి నిజి వెప్సాకాన్ ఎయెన్?", ఇజ వెనబాతాన్.

13 నెగెణ్ కిత్తికాన్ ఎయెన్ ఇజి వన్నిజ్ తెలివితాడ. ఎందనిజ్ ఇహిజ, అబ్బు మందలోకుర్ కూడిత మహార్. యేసు వరి లోఇహాన్ తప్తె ఆతండ్రె సాహాన్.

14 వెనుక యేసు వన్నిజ్ దేవుణు గుడిణు దుండేతాన్. సుండేతండ్రె వన్నిజ్, “సుండేత, నీసు ఏలు నెగెణ్ ఆతి. ఏలుదాన్ పాపమకు కిము. నీలిజ నిజి మరి బాదెజ్ లావు వాన్”, ఇహాన్.

15 వాండ్రు సాహండ్రె వన్నిజ్ నెగెణ్ కిత్తికాన్ యేసు ఇజి యూదురిజ్ వెప్తాన్.

16 అందెజె యా పణిజ్ యేసు విస్త్రాంతిదినమదు కిత్తిజ్ యూదురు వన్నిజ్ నండో మాలెజ్ కిత్తార్.

17 గాని యేసు వరిజ్, “నా బుబ్బు ఎస్తివలెబా నెగ్గి పణిజ్ మహి వరి వందిజ్ కిజిన ముజనాన్. నానుబా కిజిన”, ఇజి వెప్తాన్.

18 యా లెకెండే యేసు వెప్తిజ్, యూదురు వన్నిజ్ నప్పెజ్ మరి నండో సుండేతార్. ఎందానిజ్ ఇహిజ, వాండ్రు విస్త్రాంతిదినమదు రూలుజ్ తప్పికాదె అఎండ, దేవుణు వన్ని సొంత బుబ్బు ఇజిబా వెప్పినాన్. అయాలెకెండే, వాండ్రు దేవుణు వెట సహాను అతికాన్ ఇజి వెహా అజినాన్. అందెజె యేసుజ్ నప్పెజ్ మరి నండో సుండేతార్.

19 యేసు వరిజ్ కళహు మరజి వెప్తాన్. “నాను మిజి నిజం వెప్పిన, మరిసి అతి నాను ఇనికబా నా సొంత నత్తుదాన్ కిదెజ్ అటెవన్. నా బుబ్బు ఇన్ని ఇనికెజ్ కిజినక సుండేజినానో, అయాలెకెజ్ నాను బా కిజిన. బుబ్బు కిజినకెజ్ మరిసి బా కిజినాన్.

20 ఎందానిజ్ ఇహిజ, అపాసి మరిసిజ్ ప్రేమిస్తాన్. వాండ్రు కిజినకెజ్ విజా మరిసిజ్ తోరిస్తాన్. వాండ్రు వన్నిజ్ దినిజ్ మిస్తి మరి నండో పేరి పణిజ్ తోరిస్తాన్. అయాలెకెజ్ సుండేజి మీరు విజెర నండో బమ్మ అనిదెర్.

21 అప్పాసి ఎలాగ సాతివరిజ్ నిక్కి, వరిజ్ బత్కిసి నాండ్రో అయ లెకెండే, మరిసిబా బత్కిసి నాన్. వన్నిజ్ ఇస్టం మన్ని వరిజ్ బత్కిస్తాన్.

22-23 అప్పాసి ఎయెరిజిబా, వారు తీర్పు కిఎన్. గాని విజెరిజ్ తీర్పు కిదెజ్ మరిసిజ్ అతికారం విజా ఒపజెప్త మనాన్. అపాసిజ్ గవరం సీనిలెకెండే విజెర మరిసిజ్ గవరం సీదెజ్ నె యా అతికారం ఒపజెప్త మనాన్. మరిసిజ్ గవరం సీకెకాన్ ఎయెన్బా. వన్నిజ్ పోక్తి అపాసిజ్ గవరం సివిన్.

24 నాను మిజి నిజం వెప్పిన, నా మాట వెంజి, నజి పోక్తి వన్నిజ్ నమ్మిజినవన్నిజ్ ఎలాకాలం దేవుణు వెట బత్కిని బత్కు మనాడ్. వన్నిజ్ నాను తీర్పుసివి. వన్నిజ్ ఎలాకాలం మన్ని సిక్కి సిల్లెద్. గాని వాండ్రు ఎలాకాలం దేవుణు వెట బత్కినాన్.

25 సాతి లెకెండే మనికార్ దేవుణు మరిసి అతి నాను వెప్పి మాటెజ్ వెని కాలం వాజినాడ్. అయాలెకెండే వాత మనాడ్. నా మాటెజ్ వెంజి, అయ లెకెండే కినికార్ బత్కినార్, ఇజి నాను మిజి నిజమన వెప్పిన.

26 ఎందానిజ్ ఇహిజ, నా బుబ్బు బాణిజి బత్కు వానాడ్. వాండ్రు విజెర బత్కిసిని లెకెండే, నాను లోకురిజ్ బత్కిస్తెజ్ నజి అతికారం సిత మనాన్.

27 మరి లోకురిజ్ తీర్పు సీదెజ్ వాండ్రు నజి అతికారం సిత మనాన్. ఎందనిజ్ ఇహిజ, నాను లోకు మరిసి.

28 దిన్నివందిజ్ బమ్మ అమాట్. ఎందానిజ్ ఇహిజ, దూకిదు మనికార్ విజెర నా మాటెజ్ వెని కాలం ఉండ్రె వాజినాడ్.

29 వారు దూకిదాన్ వెల్లి వానార్. నెగ్గి పణిజ్ కిత్తికార్ నిజ్జి మరి ఎల్లకాలం దేవుణు వెట బత్కినార్. నెగ్గి పణిజ్ కిత్తికార్ నిజ్జి సిక్కి పొందినార్.

30 నా సొంత నత్తుదాన్ ఇనికబా కిదెజ్ నాను అటెవి. దేవుణు వెప్తి వజనె నాను తీర్పు సీజిన. అందెజె నాను తీర్పు సీజి సిక్కి సీనిక నాయం ఆత్తిక. ఎందానిజ్ ఇహిజ, నాను నజి ఇస్టం ఆతి పజి కివి, నజి పోక్తి వన్నిజ్ ఇస్టం ఆతివజనె కిజిన.

31 నా వందిజ్ నానె వెప్తిజ, నాను వెప్పిన వన్కాజ్ పేరు సిల్లెద్.

32 గాని నా వందిజ్ మరి ఒరిన్ సాక్తి వెప్పినాన్. వాండ్రు నా బుబ్బు. వాండ్రు నా వందిజ్ వెప్పిని సాక్తి నిజం ఇజి నాను నెసిన.

33 మీరు యోహాను డర్పు నెగ్గిందారిజ్ పోక్తిదెర్. వాండ్రు నా వందిజ్ నిజమాతి సాక్తి వెప్తాన్

34 లోకుర్ నా వందిజ్ వెప్పిని సాక్తి నజి అవునరం సిల్లెద్. గాని మీరు యోహాను వెప్తి మాటెజ్ నమిజి దేవుణు మిజి రక్కిస్తెజ్, నాను వాండ్రు వెప్తి దని వందిజ్ వెప్పిన.

35 ఉండ్రె దీవ కని జాను సీజినలెకెండే యోహాను నిజమాతికెజ్ నెన్పిస్తాన్. నెగం కాలం వన్ని మాటెజ్ వెంజి మీరు నరద అతిదెర్.

36 నాను కిజిన పణిజ్ యోహాను వెప్తి సాక్తి ఇంక గొప్ప పేరి సాక్కినె. ఎందనిజ్ ఇహిజ, నాను పూర్తి కిదెజ్ బుబ్బు నజి ఒపజెప్తికెజ్ నాను కిజిన పణిజ్. అయాలెకెజ్ బుబ్బు నజి పోక్తి మనాన్ ఇజి రుజువ్ కిజినె.

37-38 మరి, నజి పోక్తి బుబ్బున నా వందిజ్ నిజమాతికెజ్ వెప్పినాన్. మీరు వన్నిజ్ ఎనెజ్బా వెన్ఇతిదెర్. వన్ని రూపు ఎనెజ్బా తొఇతిదెర్. వన్ని మాటెజ్ మీ మున్నురు ఇడెఇతిదెర్. ఎందనిజ్ ఇహిజ, వాండ్రు పోక్తి నజి మీరు నమిఇదెర్.

39-40 మీరు దేవుణు మాట బాగ నడవిజినెదెర్. ఎందనిజ్ ఇహిజ, అయాలెకెజ్ మిజి ఎలాకాలం దేవుణు వెట బత్కిని బత్కు సీనాడ్ ఇజి ఒండేబిజినెదెర్. అయాలెకెజ్ నా వందిజ్ వెప్పినె. గాని దేవుణు వెట ఎలాకాలం బత్కిని బత్కు వందిజ్ నా డర్పు రెఇదెర్.

41 లోకుర్ పొగ్గిడేజినెకెజ్ నాను కోరివి.

42 గాని మీరు ఎలాగ మర్తికిదెర్ ఇజి నాను నెన్న. మీరు దేవుణుదిజ్ నిజం ప్రేమిన్ఇకిదెర్ ఇజి నాను నెన్న.

43 నా బుబ్బు సీత్తి అతికారమదాన్ నాను వాత మన్న. గాని మీరు నజి డర్పు కిఇదెర్. మరి ఒరిన్, వన్ని సొంత అతికారమదాన్ వాతిజ, మీరు వన్నిజ్ డర్పు కినిదెర్.

44 లోకుర్ పొగ్గిడేదెజ్ ఇజి మీరు కోరిజినెదెర్. ఒరింద్రె దేవుణు అతికాన్ మిజి పొగ్గిడేదెజ్ మీరు కోరిఇదెర్. మరి మీరు ఎలాగ నజి నమ్మినెదెర్?

45 నాను బుబ్బు డర్పు నేరం మోప్పాన్ ఇజి మీరు ఒండేబిమాట్. మీరు ఆన దాన్ ఎర్పు సుండేతి మోసెనె మీ మున్ను నేరం మోప్పాన్.

46 మీరు మోసాజ్ నమ్మినికెదెర్, నజీబా నమ్మితార్ మరి. ఎందానిజ్ ఇహిజ, మోసా నా వందిజ్ రాస్త మనాన్.

47 మీరు వాండ్రు రాస్తి మనికెజ్ నమ్మిఇదెర్. మరి ఎలాగ నాను వెప్పినిక నమ్మినిదెర్?”.

6

యేసు అయదు వేయు మొగ్గకొడొరిజ్ బోజనం సీజనాన్

1 దన్నువెనుక యేసు గలీలయ సమ్దరం డాట్టి అతాహ ఒడ్డుద్ సాహాన్. తిబెరియ సమ్దరం ఇజబా ఇనార్.

2 కస్తమదాన్ మహి వరిజ్ వాండ్రు నెగెణ్ కితి బమ్మ అతి వణిజ లోకుర్ సుడొతార్. అందెజె మంద లోకుర్ వన్ను వెట వాతార్.

3 యేసు అబెణి గొరోణ్ సెల్కాదు ఎక్తాండ్రె వన్ను సినూర్ వెట బస్త మహాన్.

4 నస్తివలె యూదురు కిని పన్ను ఇని వండెయ్ డగ్రు అత మహాద్.

5 యేసు కణక పెస్తా బెస్తిజ్, మంద లోకుర్ వన్ను డగ్రు వాజనిక సుడొతాన్. “మీరు ఉండెజ్ బోజనం ఎలాగ కొండెజ్ ఆనాప్?”, ఇజి పిలిపుజ్ వెన్బాతాన్.

6 ఇనిక కిదెజ్ ఇజి యేసు నెస్సాన్ గాని పిలిపుజ్ వన్నుమున్ను నమకం మనాదా ఇజి సుడొదెజె వాండ్రు అయా లెకెండె వెన్బాతాన్.

7 అందెజె పిలిపు, “వరి లొఇ ఒరెన్ ఒరెన్ కండెక్ కండెక్ ఉండెజ్బా రుండి వందెజ్ వెండి రుపాయిజాణి బోజనం కొటిజ్బా సాలెవద్”, ఇజి వన్నుజ్ వెప్తాన్.

8 అయావలె వన్ను సినూర్ లొఇ ఒరెన్ అతి అంద్రెయ ఇనికాన్ యేసుజ్ వెప్తాన్. వీండ్రు సిమోన్ పేతురుజ్ తంబెర్పి.

9 వాండ్రు ఇన్నిక వెప్తాన్ ఇహిజ, ‘ఇబ్బె ఒరెన్ ఇజ్జ కొడొ మనాన్. వన్నుబాన్ అయదు యావలె రొట్టెజ్, రుండి మెయెజ్ మనె. గాని నినా మందదిజ్ యాకెజ్ సాలెఉ”, ఇజి వెప్తాన్.

10 అయావలె యేసు, “యా లొఇ బనె కిదు”, ఇజి వెప్తాన్. అయా బాడిడు నండొ గడ్డి మనాద్. అందెజె మొగ్గకొడొర్ బస్తార్. వారి డగ్రు అయదు వెయెజ్ మహార్.

11 యేసు అయా రొట్టెజ్ అస్తాండ్రె, దేవుణుదిజ్ వందనమకం వెప్తాండ్రె, బస్తి వరిజ్ సీబాజి సితాన్. అయాలెకెండె మెయెజ్బా. వరిజ్ కావాలస్తి సనా సీబాజి సితాన్.

12 వారు పొటవంజు తిహి వెనుక, “ఇన్నిక పాడు అవండ, మిగిలితికెజ్ కొటు కిదు”, ఇజి సినూర్జి వెప్తాన్.

13 అందెజె మిగిలితికెజ్ సినూర్ కెప్తార్. లోకుర్ తిహి వెన్నా మన్ను అయదు యావలె రొట్టెజాణి ముకెజ్ కొటు కితారె, వన్నెండు గప్పెజ్ నివ్తార్.

14 యేసు కిత్తి యా బమ్మతి వణి సుడొతారె, “నిజమె, లోకమ్దు వాని ప్రవక్త వీండ్రె”, ఇజి వెప్తార్.

15 యా లోకుర్ వాజి, కెజ కెజ నజి రాజి కినార్ ఇజి యేసు నెస్సాన్. అందెజె వాండ్రు బాణిజ్ డిస్తాండ్రె ఒరెండ్రె మరి గొరోత సాహాన్.

యేసు సమ్దరం మున్ను నడిజినాన్

16-17 పొప్పు అతివెలె, వన్నుసినూర్ డిగెతారె, సమ్దరం ఒడ్డుదు వాతార్. అబ్బె వారు ఉండ్రె డొణిదు ఎక్తారె, సమ్దరం డాట్టి, కపరనహోముదు సొండ్రెజ్ ఇజి సొతార్. అయావలె సీకాట్ అతాద్. యేసు వరి డగ్రు ఇంక రవండ మహాన్.

18 నస్తివలె పెరి గాలి ఉండ్రె వాతాద్. నందారముదు లాపు ఉల్కెజ్ నిజెతె.

19 వారు రహూరమి మూండ్రె నాల్లి మయలు నడిపిస్తారె. అయావలె యేసు నందారం ఏరు మున్ను నడిజి డొణి డగ్రు వాజనిక సుడొతారె. అయాక సుడొతారె, వారు నండొ తియెల్ అతారె.

20 గాని వాండ్రు, “నానె, తియెల్ అమాట్”, ఇజి వరిజ్ వెప్తాన్.

21 అందెజె వారు వన్నుజ్ డొణిదు ఎక్సిస్తెజ్ ఇస్తారె అతారె గాని వెటనె వారు సొండ్రెజ్ సరి సొతి మన్ను గటుదు అందితారె.

22 సినూరు డొణి ఎక్సి సాని ముజాల నిహి మహి సమ్దరం ఒడ్డుదు మంద లోకుర్ మహార్. మహా నాండెజ్ వారు నెస్తార్, అబ్బె ఉండ్రె డొణిసె మహాద్. యేసు వన్ను సినూర్ వెట అయా డొణి ఎక్సి సాన్వెతాన్. సినూర్ నె ఎక్సి సాహార్ ఇజి.

23 నస్తివలె, తిబెరియదాన్ మరి డొణిజ్ వాతె. యేసు రొట్టెజి వందిజ్ దేవుణుదిజ్ వందనమకం వెప్తాన్. వెప్తి వెన్నా, లోకుర్ అయాక తివార్. వారు రొట్టెజ్ తిహి బాడిజ్ డగ్రు అయా డొణిజ్ వాతె.

24 యేసుని వన్ను సినూర్ బాన్ సిల్లెర్ ఇజి మంద నెస్తారె. ఆహా నెస్తివెలె, వారు డొణిజ్ ఎక్తారె, వన్నుజ్ రెబాజి కపరనహోముదు సాహార్.

25 వారు యేసుజ్ అతాహ ఒడ్డుదు సుడొతారె, “బోదకినికిదా, నీను ఎన్కాండె ఇబ్బె వాతి?”, ఇజి వన్నుజ్ వెన్బాతారె.

26 దన్నుజ్ యేసు వెప్తాన్, “నాను మీ వెట నిజం వెప్పెన్, మీరు పొట వంజు రొట్టెజ్ తిహిదెర్. అందెజె మీరు నజి రెబానిదెర్. గాని నాను కితి బమ్మ అతి వణి అర్థం నెస్సి వందిజ్ అవద్ రెబాజనిక.

27 పాడాజె సాని టిండి వందిజ్ కస్తబడంబాట్. గాని ఎలాకాలం దేవుణు వెట బత్తిని బత్తు సీని నిజమాతి టిండి వందిజ్ కస్తబడంబాట్. లోకు మరిసి అయా టిండి మిజి సీనాన్. ఎందనిజ్ ఇహిజ అయా టిండి సీదెజ్ వన్నుజ్ బుబ్బ అతి దేవుణు అతికారం సిత మనాన్.

28 వారు వన్నుజ్, “మాపు దేవుణు వణికిదెజ్ ఇహిజ, ఇన్నిక కిదెజ్వెలె?”, ఇజి వెన్బాతారె.

29 యేసు వరిజ్, “దేవుణు పొక్తి వన్నుమున్ను నమకం ఇడెజి మంజనికాదె దేవుణు సేవ పణి”, ఇజి వెప్తాన్.

30 అందెజె వారు, “అహిజ, నీను ఇని బమ్మాని పణికినిలె? అయాక సుడొజి నీ మున్ను నమకం ఇడెదెజ్ నీను ఇనిక కినిలె?”

31 మోసా వెట మహి మా అనిగొగొర్ టిడిమ్బూమిద్ మన్ను ఇని బోజనం ఉటార్. దేవుణు మాటదు రాస్త మనాద్, ‘వారు ఉండెజ్ దేవుణు మంజని బాడ్డిదాన్ వాండ్రు బోజనం సితాన్ ఇజి’ ”, ఇజి వెప్తాన్.

32 అందెజె యేసు వరిజ్ వెప్తాన్, “నాను మిజి నిజం వెప్పాన, దేవుణు మంజిని బాడ్డిదాన్ బోజనం మిజి సితికాన్ మోని అవెన్, గాని నా బుబ్బునె సితాన్. వాండ్రె మిజి దేవుణు మంజిని బాడ్డిదాన్ నిజమాతి బోజనం సీజనికాన్.

33 దేవుణు సీజిని బోజనికం ఇన్నిక ఇహిజ, వాండ్రు మంజిని బాడ్డిదాన్ డిగితి వాతి, యా లోకమిది లోకురిజ్ ఎలాకాలం దేవుణు వెట బత్తిజిని బత్తు సీజనికాన్”.

34 అహిజ, ప్రబువా, యా బోజనం ఎలాకాలం మజి సీజి మన్అ”, ఇజి వారు వన్నిజ్ వెప్తాన్.

35 అందెజె యేసు వరిజ్ ఈహు వెప్తాన్, “ఎలాకాలం దేవుణు వెట బత్తిదెజ్ లోకురిజ్ బత్తిన్పిన్ని టిండి నాని. నా డగ్రు వాజినికాన్ ఎనెజ్బా బజి సావన్, నజి నమ్మినికాన్ ఎనెజ్బా ఏప్పి సావన్.

36 నాను మిజి వెప్తి లెకెండ్, మీరు నజి నుడోతి మనిదెర్, గాని నజి నమిజదెర్.

37 బుబ్బు నజి ఒవజెప్తి లోకుర్ విజెరె నా డగ్రు వానార్. నా డగ్రు వాని ఎయెరిజ్బా నాను వెల్లి నెక్కి పోవ్.

38 ఎందానిజ్ ఇహిజ, నాను నజి ఇన్సం వాతి లెకెండ్ కిడెజ్ అవెన్, దేవుణు మంజిని బాడ్డిదాన్ డిగితి వాతిక. గాని నజి పోక్తి వన్నిజ్ ఇన్సం వాతి లెకెండ్ కిడెజ్ డిగితి వాత్.

39 నజి పోక్తి దేవుణు, నా బాణిజ్ ఇన్నిక కోరిజనాన్ ఇహిజ, వాండ్రు నజి ఒవజెప్తి వరి లోఇ ఎయెరిజ్బా నాను డిస్టెజ్ అవెన్. గాని వరిజ్ నాను మరి వాని కడెవెరి దినమేదు ఎలాకాలం బత్తిస్తెజె. యాకదె వాండ్రు నా బాణిజ్ కోరిజనాన్.

40 నా బుబ్బు కోరిజనిక ఇన్నిక ఇహిజ, నాను దేవుణు మరిని ఇజి నెసి నజి నమ్మిని ఎయెరిజ్బా ఎలాకాలం దేవుణు వెట బత్తిని బత్తు మండ్రెజ్ ఇజి. మరి నాను మరీజి వానివలె నాను వరిజ్ సాపుదాన్ బత్తిస్తెజె ఇజి. యాకదె నా బుబ్బు నా బాణిజ్ కోరిజనాన్.

41 యూదురు యేసువందెజ్ మొరో అతార. దేవుణు మంజిని బాడ్డిదాన్ డిగితి వాతి టిండి నాని, ఇజి వాండ్రు వెప్తాన్. దిని వందెజ్ వారు మొరో అతార.

42 వారు, “వీండ్రు యోసిపు మరిన్ అతి యేసు గదె? విని అయిని అప్పొసిరిజ్ మాటూ నెస్పాట్ గదె? మరి ‘నాను దేవుణు మంజిని బాడ్డిదాన్ డిగితి వాత్’, ఇజి వీండ్రు ఎలాగ వెప్పానాన్”, ఇజి వర్గిజనార్.

43 అందెజె యేసు, “మీ లోఇ మీరు మొరో అమాట్.

44 నజి పోక్తి బుబ్బు ఎయెరిజ్బా నా డగ్రు నుడోపిన్ఎండ మహిజ, వారు నా డగ్రు వాడెజ్ అట్వెర్. నాను వన్నిజ్ కడెవెరి దినమేదు నాను వానివలె సాపుదాన్ బత్తిస్తాలె.

45 ప్రవక్తరు దేవుణు మాటదు ముజాలె రాన్వ మనాద, ‘దేవుణుని లోకురిజ్ విజెరిజ్ నెన్పిన్సాన్’, ఇజి. బుబ్బు వెప్తి మాట వెంజె, అయోకెజ్ వన్ని బాణిజ్ నెన్సాన్ నాడగ్రు వానార్.

46 దేవుణు బాణిజ్ వాతికాన్ అవెండ మరి ఎయెన్బా బుబ్బెజ్ తోవెన్. వాండ్రు ఒరెండ్రె బుబ్బెజ్ నుడోజ్ మనాన్.

47 నాను మీ వెట నిజమెన్ వెప్పాన, నా మున్ను నమకం ఇడ్డివన్నిజ్ ఎలాకాలం దేవుణు వెట బత్తిని బత్తు మనాద.

48 ఎలాకాలం దేవుణు వెట బత్తిదెజ్ లోకురిజ్ బత్తిన్పిన్ని టిండి నాని.

49 మీ అనిరు బిడిమ్బూమిదు మున్ను ఇన్ని బోజనం ఉటార్. గాని వారు సాతార్.

50 గాని యా టిండి ఎయెర్ ఉటిజ్బా వారు సావర్. సాజి నని టిండిన దేవుణు మంజిని బాడ్డిదాన్ డిగితి వాతిక.

51 నాని దేవుణు మంజిని బాడ్డిదాన్ డిగితి వాతి ఎలాకాలం దేవుణు వెట బత్తిని బత్తు సీని టిండి. ఎయెన్బా యా టిండి తిహిజ, వాండ్రు ఎలాకాలం బత్తిస్తాన్. నా సాంత ఒడోల్నె నాను సీని టిండి. యా లోకమిదికార్ ఎలాకాలం బత్తిదెజె నాను అయక సీజన్”.

52 యేసు వెప్తాక వెహారె, అయావలె యూదురు వారె వరి లోఇ ఉండ్రె గొడెబ రేజెతాద. “విని ఒడోల్ ఎలాగ మాటూ తిండ్రెజ్ మజి సీనాన్”, ఇజి వర్గితార్.

53 అందెజె యేసు వరిజ్ వెప్తాన్, “నిజమె నాను మీ వెట వెప్పాన, లోకుమరిని అతి నా ఒడోల్ మీరు తిన్ఎండ మహిజ, నా నల మీరు ఉణెవండ మహిజ, మీరు ఎలాకాలం బత్తిఇదెర్.

54 నా ఒడోల్ తిని ఎయెరిజ్బా, నా నల ఉణె ఎయెరిజ్బా ఎలాకాలం దేవుణు వెట బత్తిని బత్తు మనాద. నాను వన్నిజ్ కడెవెరి దినమేదు నాను వానివలె సాపుదాన్ ఎలాకాలం బత్తిస్తాలె.

55 ఎందానిజ్ ఇహిజ, నా ఒడోల్, నా నల యాకెజె తిండ్రెజ్ ఉండెజ్ మనికెజ్. యాకెజె నిజమాతి టిండి.

56 నా ఒడోల్ తినికాన్, నా నల ఉణెకాన్, నా వెట కూడెజె మంజనాన్. నాను వన్ని వెట కూడెజె మంజన.

57 లోకుర్ విజెరిజ్ బత్తిదెజ్ పాణం సీజిని బుబ్బు నజి పోక్త మనాన్. వాండ్రు నజి బత్తు సీజనాన్. అయాలెకెండ్ ఎయెన్బా నా ఒడోల్ తిహిజ, నాను వన్నిజ్ ఎలాకాలం దేవుణు వెట బత్తిని బత్తు సీని.

58 నాని దేవుణు మంజిని బాడ్డిదాన్ డిగితి వాతి టిండి. మీ అనిరిజ్ ఉటి మున్ను ఇన్ని బోజనంలెకెండ్ అవెన్ యాక. వారు ఉటారె సాతార్. గాని యా టిండి తినికాన్ ఎయెన్బా ఎలాకాలం బత్తిస్తాన్.

59 కవెర్కూముదు మున్ని యూదురి మీటిజ్ ఇండ్రె నేరీపిసి మహివలె వాండ్రు యా మాటెజ్ వెప్తాన్.

60 వన్ని సినూర్ నండెండార్ యా మాటెజ్ వెహారె, “యా మాటెజ్ గొప్ప కన్సం అతికెజ్. ఎయెన్దనిజ్ అర్టం కిసాన్?”, ఇజి వర్గితార్.

61 వన్ని మాటెజ్ వందిజ్ వన్ని సినూర్ మొరో అజినార్ ఇజి యేసు నెస్తాండ్రె వరిజ్, “యా మాటెజ్ మిజి బాద కిజెననాన్?”, ఇజి వెన్బాతాన్.

62 “అహిజ, లోకు మరిని అతి నాను, ముజాలె నాను మహి బాడిదు ఎక్కి సానిక మీరు నూణివలె, మీరు ఇన్నిక ఒడోబినిదెర్?

63 దేవుణు అత్తన, ఎలాకాలం దేవుణు వెట బత్తిని బత్తు సీజనాన్. లోకుర్ అయోక సిడిజ్ అట్వెర్. నాను మిజి వెప్పాని మాటెజ్వెట, దేవుణు అత్త మీ మున్ను వాజనాన్. దేవుణు అత్త మిజి బత్తు సీజనాన్”, ఇజి వెప్తాన్.

64 “గాని మీ లోక సెగొండార్ నాను వెప్పి మాటెజ్ నమ్మిఇకార్ మనార్”. సిసూర్ లోక ఎయెన్ వాండ్రు వెప్పి మాటెజ్ నమ్మివీర్, ఎయెన్ వన్నిజ్ ఒపజెప్పొన్ ఇజ యేసు మొదోహానె నెన్న మహాన్. అందెజి వాండ్రు ఆహ వెచ్చాన్.

65 యేసు మరి వెప్పొనాన్, “మీ లోక సెగొండార్ నమ్మిఇదెర్. అందెజి నాను మీ వెట వెచ్చా మన్ను, బుబ్బు నరి సిఎండ మహిజు, ఎయెనబా నా డగ్గు వాడెజ్ అటోవెన్”, ఇజ.

66 దిన్ని వెనుక, వన్ని సిసూర్ లోక నండొండార్ వన్నిజ్ డిఃస్తారె వన్నివెట మరి సొన్ ఎతార్.

67 నన్నివలె యేసు వన్నెండ్రు మణిసి సిసూరిజ్, “మీరు బా నజి డిఃసి సొండ్రెజ్ కోరిజినిదెరా?”, ఇజ వెన్ బాతాన్.

68 అందెజి సిమోన్ పేతురు, “ప్రబుమా, ఎయెర్ బాన్ మాపు సొండ్రెజ్? నీ మాటెజ్ నె ఎలాకాలం దేవుణు వెట బత్తిని బత్తు వందెజ్ వెప్పొనె.

69 మాపు ఏలు నమ్మిజినాన్, మాపు నెస్తాన్, నీనె దేవుణు బాణిజ్ వాతికాన్ ఇజ”, ఇజ వెచ్చాన్.

70 అందెజి యేసు, మిజి వన్నెండ్రు మణిసిర్ సిసూరిజ్ ఏర్ పాటు కితిక నాన గదె. గాని మీ లోక ఒరెన్, నయ్యూసుజ్ మన్ని బుద్ది ననికాన్ మనాన్”, ఇజ వెచ్చాన్.

71 వాండ్రు ఇస్కరియోతు సిమోన్ మరిసి యూద వందెజ్ వెచ్చాన్. యూద సిసూర్ లోక ఒరెన్ ఆతిజ్ బా వాండ్రు యేసుజ్ వెన్యా ఒపజెప్పొన్ లె.

7

యేసు తంబెర్సిర్ వన్నిజ్ నమ్మివీర్

1 వెనుక, యేసు గలీలయ దేనమ్మదనె మంజి నాహ్మాజ్ బూలాజి మహాన్. వాండ్రు యూదయ దేనమ్మదు మండ్రెజ్ కెవితాన్. ఎందానిజ్ ఇహిజు, యూదురు వన్నిజ్ నప్పైజు నుడెజిజి మహాన్.

2 నన్నివలె, యూదురి ఉండ్రె వండ్రెయ్ డగ్గు ఆతాద్. అయా వండ్రెయ్ పేరునె గుడున వండ్రెయ్* ఇజ.

3 వండ్రెయ్ డగ్గు ఆతిజ్, యేసు తంబెర్సిర్ వన్నిజ్, “ఇబ్బెణిజ్ నీను యూదయ దేనమ్మదు సొన్ అ. ఎందానిజ్ ఇహిజు, నీ సిసూర్ ఆతికార్ నీను కిజిని బమ్మ ఆతి పణిజ్ నుడెడెజ్”, ఇజ వెచ్చాన్.

4 “పెరికాన్ ఆదెజ్ కోరిజినికాన్ ఎయెనబా డాప్పొ వన్ని పణి కిఎన్. విజెరె ఎద్రునె కినాన్. నీను యా బమ్మొని పణిజ్ కిజిని ఇహిజు, నిజి నీనె లోకమ్మది లోకుర్ ఎద్రు తోర్ ఆదెజ్ మరి. యా గలీలయదికార్ ఉండ్రె ఆవిండ”, ఇజ వెచ్చాన్.

5 వన్ని తంబెర్సిర్ బా వన్నిజ్ నమ్మిఎతార్.

6 అందెజి యేసు వరిజ్, “నాను వండ్రెయ్ దిజ్ సొండ్రెజ్ నమయం ఇంక రవిదె. గాని మిజి ఎస్తివలెబా సొండ్రెజ్ ఆనాద్.

7 యా లోకమ్మదు మన్ని దేవుణుదిజ్ దూసిస్సికార్ మిజి దూసిన్ ఏర్. ఎందానిజ్ ఇహిజు, మీరు బా వరి వెట మనిదెర్. గాని వారు నజి దూసిస్సార్. ఎందానిజ్ ఇహిజు, వారు నెఇకెజ్ కిజినార్ ఇజ నాను వెప్పొన్.

8 మీరు వండ్రెయ్ దిజ్ సొండ్రు. నాను ఏలు సొన్ ఏ. ఎందానిజ్ ఇహిజు, నాను సొండ్రెజ్ నమయం పూర్తి రవిదె”, ఇజ వెచ్చాన్.

9 యాక వెచ్చండ్రె వాండ్రు గలీలయదు మహాన్.

యేసు గుడుజన వండ్రెయ్ దిజ్ సొన్ సిసూన్

10 వన్ని తంబెర్సిర్ వండ్రెయ్ దిజ్ సొహి వెన్యా, వాండ్రు బా సాహాన్. లోకుర్ విజెరె వన్నిజ్ నెనె ఇ లెకెండ వాండ్రు డాజిజి సాహాన్.

11 గాని వండ్రెయ్ దు, యూదురు వన్నిజ్ రెబాజి, “అయా వాండ్రు ఒంబోవెన్”, ఇజ వెన్ బాజి మహాన్.

12 లోకుర్ లోక వన్ని వందెజ్ నండ్రె మొరె ఆతార్. సెగొండార్ వాండ్రు నెగ్గికాన్ ఇజ, మరి సెగొండార్, సిల్లె వాండ్రు లోకురిజ్ మోసెం కిజినికాన్ ఇజ మొరె ఆతార్.

13 గాని యూదురిజ్ తియలెజి, ఎయెర్ బా వన్ని వందెజ్ డటం వెహ్ ఏతార్.

యేసు వండ్రెయ్ దు నెన్ పిస్సాన్

14 వండ్రెయ్ దిన్ మకు సెగం ఆతాద్. అయావలె వాండ్రు దేవుణు గుడిడి అరుబుదు సొహండ్రె అబె మన్ని లోకురిజ్ నెర్పిసినాన్.

15 అందెజి యూదురు నండ్రె బమ్మ ఆతార్, “వీండ్రు బడిడు సొన్ నదేవికెతికాన్ గదె? మరి ఎలాగ వీండ్రు నీసా నెన్న మనాన్?”, ఇజ వర్తితార్.

16 నన్నివలె యేసు వెచ్చాన్, “నాను నేర్పిస్సి మాట నా సొంత మాట అఎదె. గాని అయాక నజి పొక్తి వన్ని బాణిజ్ వాజినాద్.

17 దేవుణు ఇస్సం కిదెజ్ కోరిజినికాన్ ఎయెనబా, నాను నేర్పిస్సి మాట దేవుణు బాణిజ్ వాజినాద్, నా సొంత అతికారం దాన్ నాను నేర్పిసినకాదో ఇజ నెస్సాన్.

18 సొంత అతికారమ్మదాన్ నెన్ పిస్సినికాన్ ఎయెనబా వన్నిజ్ గవరం వాదెజ్ నెన్ పిస్సాన్. గాని వన్నిజ్ పొక్తి వన్నిజ్ గవరం వాదెజ్ ఇజ కోరిజినికాన్ నిజామాతికాన్. వన్ని లోక ఇనితప్పబా సిల్లెద్.

19 దేవుణు మోసెజ్ సిత్తి రూలుజ్ వాండ్రు మిజి సితాన్ గదె? గాని మీ లోక ఒరెనబా ఆ రూలుజు వజ నడెఇదెర్. మీరు ఎందానిజ్ నజి నప్పైజ్ నుడెజినిదెర్?”, ఇజ వెచ్చాన్.

20 అయావలె మందలోకుర్, “నిజి దెయం అస్తాద్. ఎయెర్ నిజి నప్పైజ్ నుడెజినార్?”, ఇజ మరెజ వెచ్చాన్.

21 యేసు వరిజ్ వెచ్చాన్, “నాను బమ్మాతి ఉండ్రె పణి కితి. మీరు విజెరె నండ్రె బమ్మ ఆతిదెర్.

* 7:2 7:2 అయా వండ్రెయ్ కాలమ్మదు రొడ్డెబాణిజ్ గుడిజన తొప్పొరిబానె మంజినార్. వరి అన్నిసెర్ ఇస్రయేలు లోకుర్ నలపయం పంటిజ్ పయనం కిజి మహివలె గుడుజసాదు మహిదన్నవందెజ్ ఎత్తుకిజి యూదురు యా వండ్రెయ్ కిజినార్.

22 మీరు సునతి కిదెక్కడ ఇజ్రాয়েలు మిజీ రూలు సిత మనాన్. అందెజె మీరు కొడొడిదెక్ విస్త్రాంతి దినమేదు సునతి కిజనిదెర్. సుడెదు, మోస అవిన సునతి మొదొల్సినాన్, మీ అనిరెనె అయాక మొదొల్సినాన్.

23 విస్త్రాంతిదినమేదు ఒరెన్ కొడొడిదెక్ సునతి కిజనిదెర్. ఎందానిజ్ ఇహొజ, మోసెజ్ దేవుణు సీత్తి రూలుజ్ తప్పెజ్ అవెదెఇజ. అహొజ, నాను ఒరెన్ లోకుదిజ్ విస్త్రాంతి దినమేదు పూర్తి నెగెజ్ కితి వందిజ్ మీరు ఎందానిజ్నా మున్ను కోపం అజనిదెర్?

24 మీరు మున్ను తోరెజని దన్నివందిజ్ సుడొజె తీర్పు కిమాట్. గాని నిజమాతికెక్ సుడొజె తీరపు కిదు.

యేసు నిజం క్రీస్తునా ఇజి వెన్బాజినార్

25 నస్తివలె సెగొండార్ యెరునలెమేదికార్, “వినెజె గదె అతికారిజు నప్పెజె సుడొజెనార్.

26 ఇవెలోన్ వీండ్లు దయెరమేదాన్ విజెరె ఎద్రు వర్గెజినాన్. గాని వారు వన్నెజ్ ఇనికబా ఇన్ఎర. వీండ్లు క్రీస్తు ఇజ అతికారిజు నిజమె ఒప్పకొటారా?

27 క్రీస్తు వానివలె, వాండ్లు ఎమేజికాన్ ఇజ ఎయెరబా నెన్ఎర. గాని వీండ్లు ఎంబెజికాన్ ఇజ మాపు నెస్సామ్”, ఇజి వర్గెజార్.

28-29 అందెజె యేసు గుడొజె అరుజుదు నేరెపిని మహివలె, ఈహొ డటం వెప్సాన్. “నాను ఎయెన్, ఎమేజికాన్ ఇజ మీరు నిజం నెస్సిదెరా? నాను నా సొంత ఇస్సందాన్ వాతికాన్ అవె. గాని నజె పొక్తాన్ ఒరెన్ మనాన్. వాండ్లు నిజమాతి దేవుణు. మీరు వన్నెజ్ నెన్ఇదెర్. గాని నాను వన్నెజ్ నెన్ను. ఎందనిజ్ ఇహొజ, నాను వన్నె బాణెజ్ వాత మన్ను. వాండ్లు నజె పొక్తాన్”, ఇజి.

30 యొకెక్ వెహారె, వారు వన్నెజ్ అస్సెజ్ సుడొజెతార్. గాని ఎయెన్బా వన్నెజ్ అన్ఎతార్. ఎందానిజ్ ఇహొజ, వాండ్లు అస్సె అదెజ్ దేవుణు ఏరెపాటు కితి సమయం రెవెదె.

31 అహొజెబా లోకురె లొఇ నండ్డొరె వన్నె మున్ను నమకం ఇట్టార్. వారు, “వీండ్లు నండ్డొ బమ్మాని పణెజ్ కిత్తాన్. లోకురెజ్ రెక్సిస్సెజ్ దేవుణు ఏరెపాటు కితి పొక్తి క్రీస్తు వానివలె, వినె మున్ను మరి నండ్డొ బమ్మాని పణెజ్ వాండ్లు కిసాండ్రా?”, ఇజి వెప్సాన్.

32 లోకురె యేసు వందిజ్ అయాకెక్ మొరొ అజనికెక్ పరెనయెరు వెహార్. నస్తివలె పెరి పుజెరిజు ని పరినయెరు వన్నెజ్ తోహొ ఒతెజ్ దేవుణు గుడొడి జమనొజ పొక్తార్.

33 అందెజె యేసు, “నాను మీ వెటె సెగం కాలమేన మంజిని. వెన్మా నాను నజె పొక్తి వన్నె డగ్రు సొన్సిన.

34 మీరు నజె రెబానిదెర్. గాని తొఇదెర్. నాను మన్నె బాన్ మీరు వాదెజ్ అట్ఇదెర్”, ఇజి వెప్సాన్.

35-36 నస్తివలె యూదురు అతికారుజు, ఒరెన్వెటె ఒరెన్, “వీండ్లు మజె తోరెంండె ఎంబె సాండ్రెక్ సుడొజెనాన్? వాండ్లు, సెగొండార్ యూదురు మా బాణెజ్ సెద్రిజె బత్తిజిని గ్రీకు పట్టుమకాజ్ సొనాండ్రా? వాండ్లు యూదురు అజి వరిజ్ నేరెపిస్సాండ్రా? వాండ్లు వెహొనాన్, “మీరు నజె రెబానిదెర్. గాని తొఇదెర్. నాను మన్నె బాన్ మీరు వాదెజ్ అట్ఇదెర్” ఇజి. ఎందానిజ్ వాండ్లు అహొ వెహొనాన్?”, ఇజి వర్గెజార్.

37 పండ్డెయె కడెవెరి రొజు వాత్తాద్. కడెవెరి రొజునె ముకెలమాతి దినం. అయా నాండ్జెక్ యేసు నిహండ్రె ఈహొ డటం వెప్సాన్. “విప్పొ కట్టికాన్ ఎయెన్బా నా డగ్రు రఅ. నాను వన్నెజ్ ఉండెజ్ సీన.

38 దేవుణు మాటదు వెప్సావజ, “నా మున్ను నమకం ఇడ్డి ఎయెర్ గర్పం దాన్బా, నిజమాతి బత్తు సీని ఏరు సొన్ సొనలె. అయాక ఉండ్రి ఊటె సొన్ సొని లెకెండ్ సొనలె.

39 ఇట్టె యేసు నిజమాతి బత్తు సీని ఏరు ఇజి వెప్సాక దేవుణు అత్తు వందిజె. యా దేవుణు అత్తు, యేసు మున్ను నమకం ఇడ్డి వరిజ్, యేసుజ్ దేవుణు మంజిని బాడెడు బతి వెన్మా దొహొక్సాన్లె. గాని యేసు యొక వెప్సావలె, దేవుణు వన్నె అత్తు వన్నెజ్ నమ్మెతి వరిజ్ సీవెండ్రె. ఎందానిజ్ ఇహొజ, దేవుణు యేసుజ్ వన్నె వెటె వన్నె గొప్పె జాయెదు మండ్రెజ్ దేవుణు మంజిని బాడెడు ఒవెండ్రె.

40 వన్నె మాటెజ్ వెహారె, లోకురె లొఇ సెగొండార్, “నిజమె, వీండ్రె మాపు ఎద్రు సుడొజె మహి ప్రవక్త”, ఇజి వెప్సాన్.

41 మరి సెగొండార్, “సీత్తి వీండ్రె క్రీస్తు”, ఇహొర్. గాని సెగొండార్, “క్రీస్తు ఎలాగ గలీలయదాన్ వానాన్?

42 క్రీస్తు దావీదు రాజు కుటుమదాన్, దావీదు బత్తిజి మహి పట్టుమాతి బెత్తెహొమేదాన్ వానాన్, ఇజి దేవుణు మాటదు మనాద్ గదె”, ఇహొర్.

43 అహొ వన్నె వందిజ్ లోకురె ఎరెలితార్.

44 సెగొండార్ వన్నెజ్ అస్సెజ్ కోరెతార్. గాని ఎయెరబా వన్నెజ్ అన్ఎతార్.

45 అందెజె యేసుజ్ అస్సెజ్ వాతి దేవుణు గుడొడి జమానుజు మరెజె పెరి పుజెరిజు ని పరినయెరుజు బాన్ సొహార్. వారు జమాన్జ, “మీరు ఎందానిజ్ వన్నెజ్ అసి తెఇదెర్?”, ఇజి వెన్బాతార్.

46 దన్నెజ్ వారు, “వీండ్లు వెప్సా మాటెజ్ లెకెండ్ ఎయెరబా ఎనెజెబా వెహొమ్”, ఇహొర్.

47 పరినయెరుజు, “మీరు బా మొనం అత్తిదెరా?

48 అతికారిజు లొఇనొ పరినయెరుజు లొఇనొ ఎయెన్బా వన్నెజ్ నమితాండ్రా?

49 గాని యా మంద లోకురె దేవుణు మోసెజ్ సీత్తి రూలుజ్ నెన్ఎర. అందెజె వరిజ్ దేవుణు సాయెమ్ సీనాన్”, ఇజి వెప్సాన్.

50 నికొడిమొన్ ఇనికాన్ ఒరెన్ ముజాలె యేసు డగ్రు సొహొ మహాన్. వాండ్లు పరినయెరుజు లొఇ మన్నెకాన్.

51 నస్తివలె నికొడెము, “మా యూదురి రూలుజు వజ, ఒరెన్ వాండ్లు వెహొనికెక్ మాపు ముజాలె వెంజె, వాండ్లు కితికెక్ నెస్సి వెన్కనె వన్నె మున్ను తీర్పు కిదెజ్ అనాద్”, ఇజి వెప్సాన్.

52 అందెజె వారు, “నీను బా గలీలయదాన్ వాతికాండ్రా? నీను దేవుణు మాట బాగ నదెవిఅ. ఒరెన్ ప్రవక్తబా గలీలయదాన్ సొహార్, ఇజి నీను నస్తివలె నెస్సిలె”, ఇజి వెప్సాన్.

53 వెనుక వారు విజెరె పరిపరి ఇల్లాజ్ సొహార్.

8

రంకు బూలాజి మహి బోదెల్దెడ్ యేనుడగ్రు తసినార

1 గాని యేసు ఒలివ గొరొత్* సాహాన్.

2 జాయ్ అతివెలి మరి వాండ్రు దేవుణు గుడిది అరుబుదు వాతాన్. లోకుర్ విజెరె వాజి వన్నిడగ్రు కూడితార. వాండ్రు బస్తాండ్రె వరిజ్ నెన్పినినాన్.

3-4 నస్తవలె వరిసయరుని యూదురి రూలుజ్ నెస్సిస్సికార్ ఉండ్రె బోదెల్దెడ్ తతార. అది, రంకు బూలాజి మహివలె వారు దన్నిజ్ అస్తార. వారు దన్నిజ్ మంద ఎద్రు నిల్వెపారె యేనుజ్, “బోదెల్దెడ్ రంకు బూలాజి మహివలె, మాపు అస్తావ్.

5 మోన్ మజి రూలు సితెవెలి మజి ఆడ్ర వెహ్సాన్, “అహా బూలాని వన్యాజ్ పవణాణిజ్ డెయిజి నప్పజ్” ఇజి. గాని నీను ఇనిక వెహ్సాన్”, ఇజి వెన్బాతార.

6 వన్ని మున్ను నేరం మోహ్సెజ్ ఇజి వన్నిజ్ సెకుదు అర్పెజ్ అహు వెన్బాతార. గాని యేనువజితాండ్రె బూమిదు వన్ని డెస్సెదాన్రాని మహాన్.

7 వారు మరిమరి వెన్బాజి మహిజ్, వాండ్రు బుర్ పవ్హండ్రె వరిజ్, “మీ లోఇ పాపం కిఇకాన్ ముజాల దన్నిజ్ పవణకుదాన్ డెయేదు”, ఇజి వెహ్సాన్.

8 వెహ్సాండ్రె వాండ్రు మరి వజ్జి, బూమిదు రాసి మహాన్.

9 గాని వారు యా మాటెజ్ వెహార, ఒరెన్ వెన్యా ఒరెన్ డిస్స సాహార. ముజాలె పెరికార్ సాహార. వెన్యా ఇజ్జికార్. అహా విజెరె సాహార. యేసుని అయా బోదెల్దెడ్ బాన్ మహార. అది నిహిమహిబానె మహాన్.

10 యేసు బుర్ పవ్హండ్రె, దనిజ్, “వారు ఎంబె మనార? ఎయెరెబా, నిజి తీర్పు సీజి సిక్కు సిఎరా?”, ఇజి వెన్బాతాన్.

11 “సిల్లె బాబు”, ఇహాదె అది. అందెజె యేసు, “అహిజ, నానుబా, నిజి తీర్పు సీజి సిక్కు సివి. సాన్అ. ఏలుదాన్ మరి పాపం కిమా”, ఇహాన్.

యేసు లోకమది లోకురిజ్ జాయ్

12 మరి, యేసు లోకురిజ్ వెహ్సాన్, “నానె లోకమది లోకురిజ్ జాయ్. నా సిసూ ఆనికాన్ ఎయెన్బా సికటుదు మన్ఎన్. గాని వన్నిజ్ బుత్తు సీని జాయ్ మంజినాద్’.

13 నస్తవలె వరిసయరు వన్నిజ్, “నీని నీ వందిజ్ సాక్సి వెహ్సాని, మరి ఎయెరెబా అయోక నిజం ఇజి వెహ్సాండ. అందెజె నీ సాక్సుమదిజ్ నిజం సిల్లెద్”, ఇజి వెహ్సాన్.

14 అందెజె యేసు వెహ్సాన్, “నానె నా వందిజ్ సాక్సి వెహ్సాన్. అహిజబా నాను వెహ్సా సాక్సి నిజమెనె. ఎందానిజ్ ఇహిజ, నాను ఎమెజాజ్ వాత, ఎంబె సాన్సిన ఇజి నాను నెస్స. గాని మీరు నెన్ఇదెర్ నాను ఎమెజాజ్ వాత ఎంబె సాన్సిన ఇజి.

15 మీరు లోకుర్ సుడెజినికెజ్ సుడెజి తీర్పు సీజినిదెర్. గాని నాను అయాలెకెండె ఎయెరిజ్బా తీర్పు సివి.

16 నాను తీర్పు సితెబా నాను సితె తీర్పు నిజమెనె. ఎందానిజ్ ఇహిజ, నాను ఒరెన్ అవి తీర్పు సీజిన్. నజి పోక్సి బుబ్బు నా వెట మనాన్.

17 దేవుణు మోసెజ్ సితె మీ రూలుజ్ దు రాస్సు మనాద్, ‘రివిల్ వెహ్సాని సాని ఉండ్రె లెకెండె మహిజ, అయోక నిజం ఇజి’.

18 నానె నా వందిజ్ సాక్సి వెహ్సాన్. మరి నజి పోక్సి నా బుబ్బు బా నా వందిజ్ సాని వెహ్సానాన్’.

19 నస్తవలె వారు వన్నిజ్, “ఎంబె నీ బుబ్బు మనాన్?”, ఇజి వెన్బాతార. దన్నిజ్ యేసు”, మీరు నజి నెన్ఇదెర్. నా బుబ్బెజ్ నెన్ఇదెర్. మీరు నజి నెస్సికిహిజ, నా బుబ్బెజ్బా నెస్సిదెర్ మరి”, ఇజి వెహ్సాన్.

20 వాండ్రు యా మాటెజ్ దేవుణు గుడిదు నంత అర్పె పెటెజ్ ఇడ్డిబాన్ మంజి నెన్పిసి మహివలె వెహ్సాన్. గాని ఎయెన్బా వన్నిజ్ అన్పెతార. ఎందానిజ్ ఇహిజ, వన్నిజ్ అస్తెజ్ దేవుణు ఎత్తు కిత్తి నమయం రెవిది.

21 మరి యేసు వరిజ్, “నాను సానాలె. మీరు నజి రెబానిదెర్. మీరు పాపమకు కిజి మంజినె సానిదెర్. నాను సాని బాడిదు మీరు వాదెజ్ అట్ఇదెర్”, ఇజి వెహ్సాన్.

22 అందెజె యూదురు ఒరెన్ వెట ఒరెన్, “వన్నిజ్ వాండ్రె నపె ఆనాండ్రా? వాండ్రు వెహ్సానాన్ గదె నాను సాని బాడిదు మీరు వాదెజ్ అట్ఇదెర్ ఇజి’, ఇజి వర్పెతార.

23 యేసు వరిజ్ ఈహు వెహ్సాన్: “మీరు ఇబ్బె యా లోకమదికిదెర్. గాని నాను మున్ను దేవుణు మంజినె బాడిదికాన్. మీరు యా లోకమదికిదెర్. నాను ఇబ్బెకాన్ అపె.

24 నాను మిజి వెహ్సా మన్ను మీరు పాపం కిజి మంజినె సానిదెర్ ఇజి. నాను ఎయెన్ ఇజి వెహ్సానానో, నానె వాండ్రు ఇజి మీరు నమిప్పెండె మహిజ, మీరు నిజమెనె పాపమదు మంజినె సానిదెర్’.

25 వారు వన్నిజ్, “నీను ఎయెన్?”, ఇజి వెన్బాతార. ‘నాను ఎయెన్ ఇజి మొదోహానె వెహ్సా మనానో, నానె వాండ్రు’, ఇహాన్.

26 యేసు మరి వెహ్సాన్ “మీ వందిజ్ నండో వెహ్సెజ్ నజి మనాద్. మీ మున్ను నండో తీర్పుజ్బా మనాద్. గాని నజి పోక్సాన్ నిజామాతికాన్. వాండ్రు నజి వెహ్సా నజితిజ్ నాను లోకమది లోకురిజ్ వెహ్సాన్.

27 వాండ్రు దేవుణు మంజినె బాడిదు మన్ను వన్ని బుబ్బు వందిజె వరిజ్ వెహ్సానాన్ ఇజి వారు అర్థం కివెతార.

28 అందెజె యేసు వరిజ్, “మీరు లోకు మరిసి అతి నజి సిలువాదు సప్పివెలె, మీరు నస్సిదెర్, నాను ఎయెన్ ఇజి. మరి, నాను నా సొంత అతికారం దాన్ ఇనికబా కివి. గాని నా బుబ్బు నజి నెన్పిస్సివజినె నాను వెహ్సాన్, ఇజి మీరు నెస్సిదెర్.

29 నజి పోక్సాన్ నజి తోడుజ్ మంజినాన్. వాండ్రు నజి ఒరెన్ వన్నిజ్ డిస్ఎతాన్. ఎందానిజ్ ఇహిజ వన్నిజ్ ఇన్జం వాతికెజె నాను ఎస్సివలెబా కిజిన్”, ఇజి వెహ్సాన్.

* 8:1 8:1 అయా గొరొత్ ఒలివ మరెక్ నండో మన్ను అందెజె ఒలివ గొరొత్ ఇనార

30 వాండ్లు యా మాటోక్ వెప్తావలె నండ్రిండాం వన్ని మున్సు నమకం ఇడ్డార్.

అబ్రాహాము కొడోర్

31 వన్ని మున్సు నమకం ఇడ్డి యూదురిక్ వాండ్లు వెప్తాన్, “నాను వెప్తా మాటోక్ లోజీజు మహిజ, మీరు నిజమనె నా సీసూర్ అనిదెర్.

32 నస్తివలె మీరు దేవుణు వందిక్ నిజమాతికెక్ నెస్సిదెర్. అయ్యాక మిజి పాపమకాణిక్ డీసీపిస్సాద్”.

33 వారు వన్నిక్, “మాపు అబ్రాహాము తెగ్గదు పుట్టికావ్. మాపు ఎనిజ్బా ఎయె అడిగి వెట్టిపణి మణిసిర్ లెకెండ్ మన్ ఎవె. నస్తివలె ‘మీరు డీబె అనిదెర్’, ఇజ ఎలాగ వెప్సాని”, ఇజి వెప్తార్.

34 అందెజి యేసు, “ఒరెన్ వెట్టిపణి కినికాన్, ఎలాగ తోహె ఆతి మన్ని వజ ఎజమాని అడిగి మంజి నాండ్రి, అయాలెకెండ్ పాపం కిని విజెరె పాపమదెక్ అడిగి తోహె ఆతి లెకెండ్ మంజినాన్.

35 ఒరెన్ వెట్టిపణి కినికాన్ అక్క, మన్ని వన్ని లెకెండ్ ఎలాకాలం అయా ఇండ్రి మండ్రెక్ అట్ ఎన్. గాని అయా ఇండ్రిణి మరిసిక్ ఎలాకాలం అయా ఇండ్రి అక్క, మంజినాన్.

36 అందెజి దేవుణు మరిసి మిజి తోహె ఆతి బాణిక్ డీసీపిస్టిజ, మీరు నిజమనె డీబెఅనిదెర్.

37 నాను నెస్సు మీరు అబ్రాహాము తెగ్గాతికెదెర్ ఇజి. గాని మీరు నజీ నప్తెక్ సుడేజనిదెర్. ఎందానిక్ ఇహిజ నాను వెప్సాని మాటోక్ మిజి పడిఉ.

38 నా బుబ్బు నజీ తోరిస్తికెక్ నాను వెప్సాన్. గాని మీరు మీ బుబ్బు వెప్సానికెక్ కిజినిదెర్”, ఇజి వెప్తార్.

39 నస్తివలె వారు, “అబ్రాహామున మా బుబ్బు”, ఇజి వెప్తార్.

40 “మీరు అబ్రాహాము కొడోర్ ఇహిజ, మీరు అబ్రాహాము కితి పణిక్ నె కితిదెర్ మరి. దేవుణు బాణిక్ నాను వెహిజె మిజి వెప్తాక్ నాను ఎనిజ్బా సుడేత. గాని మీరు నజీ నప్తెక్ సుడేజనిదెర్. అబ్రాహాము యా లెకెండ్ ఇనికబా కిఎన్.

41 మీ బుబ్బు కిజినికెక్ మీరు బా కిజినిదెర్”, ఇజి వెప్తాన్. అయావలె వారు, “మాపు అప్సాని వెట పుట్టికావె. దేవుణు ఒరెండ్రి మా బుబ్బు”, ఇహోర్.

42 అందెజి యేసు వరిక్ ఈహు వెప్తాన్: “దేవుణునె మీ బుబ్బు ఇహిజ, మీరు నజీ ప్రేమిస్సిదెర్ మరి. ఎందానిక్ ఇహిజ, నాను దేవుణు బాణిక్ వాత. నాను యేలు ఇబ్బె మన్న. నాను నా సొంత ఇస్సమదాన్ రెవెత. గాని వాండ్లు నజీ పోక్తాన్.

43 ఎందానిక్ నాను వెప్సాని మాటోక్ మీరు అర్థం కిఇదెర్? ఎందానిక్ ఇహిజ, నాను వెప్సాని మాటోక్ వెండ్రెక్ మీరు కెఇదెర్.

44 మీ బుబ్బు నయతానె. మీరు వన్ని కొడోర్. మీరు వన్నిక్ ఇస్సం అతికెక్ కిదెక్ కోరిజినిదెర్. మొదోహాన్ అని వాండ్లు నప్పికాన్. వాండ్లు నిజమాతి బాడిదు నిల్ ఎన్. ఎందానిక్ ఇహిజ, వన్ని లోఇ నిజమాతికెక్ సిల్లు. వాండ్లు అబద్దం వర్గినివలె, వన్ని సొంత బుద్ధిదాజె వర్గిజనాన్. ఎందానిక్ ఇహిజ, వాండ్లు అబద్దం వర్గినికాన్. అబద్దం వర్గిని వరి అపాని.

45 గాని నాను దేవుణు వందిక్ నిజమాతికెక్ వెప్సాన్. అందెజి మీరు నజీ నెన్ ఇదెర్.

46 మీ లోఇ ఎయెనబా నాను తప్ప కితికాన్ ఇజి రుజువ్ కిదెక్ అట్ నాండ్రి? నాను నిజమాతికెక్ వెప్తాజ, ఎందానిక్ మీరు నజీ నమిఇదెర్.

47 దేవుణు కొడోర్ అతికార్ వన్ని మాటోక్ వెనార్. మీరు దేవుణు కొడోర్ ఆఇదెర్. అందెజి నా మాటోక్ వెన్ ఇదెర్”.

48 నస్తివలె యూదురు వన్నిక్, “నీను నమరియదికి, నిజి దెయం అప్సాద్ ఇజి మాపు వెప్సాని మాటదు తప్ప ఇనికబా మనాదా?”, ఇహోర్.

49 నజి దెయం అన్ ఏద్. నాను నా బుబ్బుక్ గవరం సీజన. గాని మీరు నజీ కరాయి ఇజినిదెర్.

50 నాను నా వందిక్ గవరం అన్ ఏ అదెక్ సుడేఎ. గాని అయ్యాకెక్ సుడేజినాన్ ఒరెన్ మనాన్. వాండ్రి నా వందిక్ నాయమదాన్ తిర్పు సీజనికాన్.

51 నా మాటోజవజ బత్తినికాన్ ఎయెనబా సాఎన్, ఇజి నాను నిజం మీ వెట వెప్సాన్”, ఇజి మరజి వెప్తాన్.

52 అయావలె యూదురు, “ఏలు మాపు నెస్సాప్ నీను దెయం అస్తికి ఇజి. అబ్రాహాము సాతాన్. అయా లెకెండ్ ప్రవక్తరుబా సాతార్. గాని నీను వెప్సాని, ‘నా మాటోజ వజ బత్తిజనికాన్ ఎయెనబా సాఎన్’, ఇజి.

53 నీను మా బుబ్బు ఆతి అబ్రాహాము ఇంక పెరికిదా? వాండ్లు సాతాన్. అయా లెకెండ్ ప్రవక్తరు బా సాతార్. నీను ఎయెన్ ఇజి నీను ఒడేబిజిని?”, ఇజి వెప్తార్.

54 అందెజి యేసు, “నాను నజీ పోగిడితిజ దనిక్ విలువ సిల్లేద్. గాని నజీ పోగిడినికాన్ నా బుబ్బునె. వన్నిజి మీరు, మా దేవుణు ఇజి వెప్సానిదెర్.

55 మీరు వన్నిక్ నెన్ ఇదెర్. గాని నాను వన్నిక్ నెస్సు. నాను వన్నిక్ నెన్ ఏ ఇజి వెప్తాజ, మీ లెకెండ్ ఒరెన్ అబద్దం వర్గినికాన్ అత మరి. గాని నాను వన్నిక్ నెస్సు. వన్నిమాటోజ వజ బత్తిజన.

56 మీ బుబ్బాతి అబ్రాహాము, నాను వాని దినం సుడేదెక్ అట్టు ఇజి నరద్ ఆతాన్. వాండ్లు అయా దినం సుడేతాండ్రి నరద్ ఆతాన్”, ఇజి వెప్తాన్.

57 నిజి ఏలు యూబయ్ పంటోక్ బా సిల్లు. నీను అబహాప్తుక్ సుడేతిదా?”, ఇజి యూదురు వన్నిక్ వెప్తార్.

58 అందెజి యేసు, “అబ్రాహాము పుట్ ఏండ్ ముజాలె నాను మన్న ఇజి నిజం మీ వెట వెప్సాన్”, ఇజి వెప్తాన్.

59 యాక వెహిక్, వారు వన్నిక్ డేయేదెక్ వణుకు పెప్తార్. గాని వాండ్లు డాజితాండ్రి గుడిదాన్ సాహాన్.

9

పుట్టివలెహాన్ అని గుడ్డి ఆతివన్నిక్ నెగెండ్ కిజినాన్

1 యేసు సొన్ని మహివలె, పుట్టిబాణిక్ అని గుడ్డి ఆతి ఒరెన్ వన్నిక్ సుడేతాన్.

2 నన్నీవలె వన్నీసూర వన్నిజ్, “బోదకిసికి, ఎయెర్ పాపం కితిజ్ వీండ్రు గుడ్డిదాన్ పుట్టాన్? వీండ్రునా వన్ని అయిసి అప్పొసిరనా?” ఇజి వెన్బాతార్.

3 అందెజె యేసు, “వీండ్రు పాపం కితిజ్ ఆవిద్, విన్ని అయిసి అప్పొసిర పాపం కితిజ్ ఆవిద్. గాని దేవుణు ఒరెండ్రె కిదెజ్ అట్నీ పణి వినిలో ఇ సుడెజిజె వీండ్రు గుడ్డి అతాండ్రె పుట్టాన్.

4 వేడె మనివలె, మాటు నజి పొక్కివన్ని పణి కిదెజ్వలె. సికట్ బేగి ఆనాద్. అయావలె ఎయెర్బా ఇనికబా కిదెజ్ అట్వేర్.

5 నాను యా లోకమ్దు మనివలె, యా లోకమ్దివరిజ్ జాయ్లికెండ్ మన”, ఇజి వెప్టాన్.

6 వెప్టాండ్రె, వాండ్రు బూమిదు పూస్తాన్. వన్ని పూసవలిదాన్ కండెక్ బుర్ద కితాండ్రె, అయా బుర్ల గుడిజ్ వన్ని కణెజి మున్ను రాస్తాన్.

7 రాస్తాండ్రె, “నీను సొన్ని సిలోయెము ఇన్ని గుమ్మిదు కణుకు నొరె అఅ”, ఇజి వెప్టాన్. (సిలోయెము ఇన్ని మాటదిజ్ పొక్కికాన్ ఇజినె అర్దం) వాండ్రు సాహండ్రె నొరె అతాన్. వన్ని కణుకు నెగెణ్ అతె. వాండ్రు మరజి వాతాన్.

8 అయావలె వన్ని పడకాదికారని వాండ్రు ముజాలె లోసపానిక సుడిజి మహికార్ వెన్బాతార్, “వీండ్రు అట్నీ బుసి లోసి మహికాన్ గదె”, ఇజి.

9 నెగెండార్, “వీండ్రు”, ఇజి. మరి నెగెండార్, “నీలె, వినిలెకెండ్ మన్ని మరి ఒరెనె”, ఇహార్. గాని వాండ్రు, “నానె లోసపాజి మహికాన్”, ఇజి వెప్టాన్.

10 అయావలె వారు, “నీ కణుకు ఎలాగ రెకె ఆతె?”, ఇజి వెన్బాతార్.

11 అందెజె వాండ్రు, “యేసు ఇజి కూక్కి ఒరెనెబుర్ద కితాండ్రె నా కణెజి మున్ను రాస్తాన్. సిలోయెము ఇన్ని గుమ్మిదు సొన్ని నొరె అఅ, ఇహార్. అందెజె నాను సొన్ని నొరె అత్తిజ్ నాను సుడెజిజె అట్నీ”, ఇహార్.

12 “ఎంబె మనాన్ అయా వాండ్రు”, ఇజి వారు వెన్బాతార్. “ఎము నాను నెన్వి”, ఇహార్ వాండ్రు.

13 ముజాలె గుడ్డిదాన్ మహివన్నిజ్ వారు పరిసయరుబు డగ్రు తత్తార్.

14 ఉండ్రె విస్తాంతి నాండిజె, యేసు బుర్ల కితాండ్రె అయా వన్ని కణుకు నెగెణ్ కితాన్.

15 పరిసయరు బా నీను ఎలాగ బేస్టెజ్ అట్నీ ఇజి వెన్బాతార్. వాండ్రు, “అయా వాండ్రు నా కణుకు మున్ను బుర్ల రాస్తాన్. నాను నొరెబాత్. ఏలు నాను బేసిస”, ఇహార్.

16 అందెజె నెగెండార్ పరిసయరు, “యా వాండ్రు దేవుణు బాణిజ్ వాతికాన్ ఆవిన్. ఎందానిజి ఇహిజ, విస్తాంతిదీనమ్దు అహు కిజి వాండ్రు రూలుజ్ తప్పనాన్”, ఇహార్. గాని మరి నెగెండార్, “ఒరెనెపాపం కిజినికాన్ ఎలాగ నిసా బమ్మాని పణిజ్ కిదెజ్ అట్నీ”, ఇహార్. అహా వారు కేటిజ్ అతార్.

17 అందెజె పరిసయరు మరి అయా గుడిదాన్ మహి వన్నిజ్, “వాండ్రు నీ కణుకునె రేక్తాన్. అందెజె నీను వన్ని వందిజ్ ఇన్నిక వెప్పొని”, ఇజి వెన్బాతార్. దనిజ్ వాండ్రు, “వాండ్రు ఒరెనె ప్రవక్త”, ఇహార్.

18 యా యూదురు అదికారిబు, వీండ్రు గుడిదాన్ మహాన్. వీండ్రు ఏలు రెకె ఆతండ్రె బేసిసాన్ ఇజి నమ్మివితార్. అందెజె వారు వన్ని అయిసి అపొసిజ్ రప్పిస్తార్.

19 రప్పిస్తార్ వరిజ్, “వీండ్రు మీ మరీనా? వీండ్రునా గుడిదాన్ పుట్టాన్ ఇజి మీరు వెప్పొనిదెర్. అహిజ, ఏలు వాండ్రు ఎలాగ బేసిసాన్?”, ఇజి వరిజ్ వెన్బాతార్. అహు వెన్బాని దాక, వాండ్రు గుడిదాన్ మహాన్. వాండ్రు నెగెణ్ అతాండ్రె బేసిసాన్ ఇజి నమ్మివితార్.

20 వన్ని అయిసి అప్పొసిర వెప్టార్, “వీండ్రు మా మర్రిన్, ఇజి మాపు నెన్నావ్. వీండ్రు గుడిజ్ దాన్ పుట్టాన్ ఇజి బా నెన్నావ్.

21 గాని ఏలు వాండ్రు ఎలాగ బేసిసాన్ ఎయెన్వన్ని కణుకు రెక్తాన్ ఇన్నిక మాపు నెన్వి. వాండ్రు బుద్ధి వాతికాన్ గదె. వన్నిజ్ వెన్బాదు. వాండ్రు వన్నిజ్ జర్గతిక వెప్పొన్”, ఇజి వెప్టార్.

22 వన్ని అయిసి అప్పొసిర అహా వెప్టార్. ఎందానిజి ఇహిజ వారు యూదురి అదికారిబు తియెల్ అతార్. యా యూదురు ఉండ్రె తిరుమానం కిత మహార్. ఎయెన్బా యేసు క్రీస్తు ఇజి ఒప్పుకోటిజి వన్నిజ్ యుదురి మీటిజ్ ఇండ్రెదాన్ వెల్లి కిదెజ్ ఇజి.

23 అందెజె వన్ని అయిసి అప్పొసిర, వాండ్రు బుద్ధి వాతికాన్ గదె, వన్నిజ్ వెన్బాదు”, ఇజి వెప్టార్.

24 అందెజె యూదురు అతికారిబు మరిబా గుడిదాన్ మహి వన్నిజ్ కూకప్పిస్తార్. కూకప్పిస్తార్, “నీను దేవుణుదిజ్ పొగిడిజి వెహాల. నీజి నెగెణ్ కితాన్ ఇజి నీను వెప్పొని యా వాండ్రు పాపం కిజినికాన్ ఇజి మాపు నెన్నావ్”, ఇహార్.

25 నన్నీవలె వాండ్రు, “వాండ్రు పాపం కిజినికాన్ నీలెనొ ఇజి నాను నెన్వి. ఉండ్రె నాను నెన్ను. నాను గుడిదాన్ మహా. ఏలు నాను బేసిస”, ఇజి వెప్టాన్.

26 వారు వన్నిజ్, “వాండ్రు నీజి ఇనిక కితాన్? వాండ్రు ఎలాగ నీ కణుకు రెక్తాన్?”, ఇజి వెన్బాతార్.

27 అందెజె వాండ్రు, నాను ముజాలె మిజి వెప్టా మన. గాని మీరు వినె ఇదెర్. ఎందానిజి మీరు మరిబా విండ్రెజ్? మీరుబా వన్ని సీసూర అదిజ్ కోరిజినిదెరా?”, ఇజి వెప్టాన్.

28 “నీను బా వన్ని సీసూనె. మాపు మోనె సీసూర్ జి.

29 దేవుణు మోసెటెట పర్గితాన్ ఇజి మాపు నెన్నావ్. గాని అయా వాండ్రు ఎమేణికాన్ ఇజి మాపు నెన్వి”, ఇజి వారు వన్నిజ్ నండో దూసిస్తార్.

30 అందెజె వాండ్రు ఈహు వెప్టాన్, “అట్నీ గొప్పు పణి యాక! వాండ్రు ఎమేణికాన్ ఇజి మీరు నెన్ ఇదెర్ గాని వాండ్రు నా కణుకు రెక్తాన్.

31 దేవుణు పాపం కినివరి మొరొ వినెవిన ఇజి మాటు నెన్నావ్. వన్నిజ్ గవరం సీజి వన్నిజ్ ఇస్టం అతి పణిజ్ కిని వరి మొరొ వాండ్రు వినాన్.

32 యూయ పొటలో ఇహానె గుడిదాన్ మహివన్ని కణుకు ఎయెన్బా ఎనెజ్ బా రెక్తిక వినెవెర్.

33 నా కణుకు రెక్తి యా వాండ్రు దేవుణు బాణిజ్ వాతికాన్ ఆవిన్ ఇహిజ నజి నెగెణ్ కిదెజ్ అట్నీ మిత్తాన్ మరి”.

- 34 దన్నిజ్ వారు, “నీను పాపమేదానె వుట్టికి. ఏలు మజి నెనపిస్తజ్ వాజనిదా?”, ఇజి వెవ్వరె వన్నిజ్ వల్లి కితార్.
- 35 అయా గుడ్డిదాన్ మహివన్నిజ్ పరిసయరు వెల్లి కితార్ ఇజి యేను విహన్. వాండ్రు వన్నిజ్ సుడఃతివెలె, “నీను లోకు మరిసిజ్ నమిజనిదా?”, ఇజి వెనబాతాన్.
- 36 వెనబాతిజ్ వాండ్రు, “బాబు నాను వన్నిజ్ నమిదెజ్ వాండ్రు ఎయెన్ ఇజి నజి వెహాఅ”, ఇహాన్.
- 37 అయావలె ఏలు, “నీను యేలు వన్నిజ్ సుడఃతి మన్ని. వాండ్రె నీ వెట వర్తిజనికాన్”, ఇజి వెవ్వన్.
- 38 నస్తివలె వాండ్రు, “ప్రబువా, నాను నిజి నమిజన”, ఇహాండ్రె యేను పాదమకాజ్ ముణుకుజ్ ఊరజి మూడిస్తాన్.
- 39 అందెజి యేను, “నాను లోకురికెకేట కిదెజి వాత మన. గుడివారు బేస్తజి బేస్తకార్ గుడిః ఆదెజ్ నాను వాత మన”, ఇహాన్.
- 40 నస్తివలె వన్నిజ్ ద్రు నిహి మహి సెగొండార్ పరిసయరు వాండ్రు వెహ్సానిక విహర్. విహరె, “ఇనిక? మాపు బా గుడిదికాపా?”, ఇజి వెనబాతార్.
- 41 అందెజి యేను, “మీరు గుడిదికిదెర్ ఇహిజ, దేవుణు మీ పాపముకు లెక్క కివితాన్ మరి. గాని ‘మాపు సుడఃజినాన్’ ఇజి మీరు వెహ్సానిదెర్. అందెజి మీ లోక పాపముకు నిహా మన”, ఇజి వెవ్వన్.

10

- 1 “గొరెజి సాలదు, సరిదాన్ డుగ్ ఏండ, ఆజ సరిదాన్ డుగ్నికాన్ డొజారి కజరి అత మనాన్.
- 2 గాని సరిదాన్ డుగ్నికాన్ గొరెజి గవుడుయెన్.
- 3 సాలదిజ్ రయక కావ్ కినికాన్, వన్నివందిజ్ సిష్టా రేనాన్. గొరెజ్ వన్నికంటం వెన్నె. వాండ్రు వన్నిసొంత గొరెజి పేరు అసి కూక్కి వన్కాజ్ వెల్లి సోహ్సాన్.
- 4 వన్ని సొంతవనకాజ్ విజా వెల్లి సోప్తి వెనుక, గొరెజి ముజాల వాండ్రు నడిఃనాన్. గొరెజ్ వన్ని కంటం నెన్నె. అందెజి అవి వన్నివెట సొనె.
- 5 గాని నెనఇవన్ని కంటం అవి నెన్ ఉ. అందెజి వన్నివెట సొన్ ఏండ, అవి వన్నిబాణిజ్ ఉహ్ వా, ఇజి నాను నిజం మీవెట వెహ్సాన్.
- 6 యేను అబ్బె నిహిమహిపారిజ్ కతవజి యాక నెనపిస్తాన్. గాని వారు వాండ్రు వెహ్సానిదనిజ్ అరదం కివితార్.
- 7 అందెజి వాండ్రు మరి పరివెట ఈహు వెవ్వన్: “నాను నిజం మీవెట వెహ్సాన్, నాన్ గొరెజ్ సరిలెకిండ్ మన్ను.
- 8 నా ముజాల వాతికార్ విజెరెబా డొజారి కజరి అత మనార్. గాని గొరెజ్ వరిజ్ విన్ ఉతె.
- 9 నాను దేవుణుడగు సొండ్రెజ్ సరిలెకిండ్ మన్ను. నా వెట డుఃగ్నికాన్ ఎయెన్ బా నెగ్రెండ ముజి నాన్. వాండ్రు లోక సొన్నె వెల్లి వాజి మేత మేజి ముజి నాన్.
- 10 డొజారి డొజి కిదెజ్ నో, సప్తెజ్ నో పాడు కిదెజ్ నో వానాన్. మరి ఇన్నిదనిజ్ బా రెవిన్. నాను నజి వెనివరిజ్ దేవుణువెట ఎలాకాలం బత్తిని బత్తు సీని వందిజి వాత మన్ను. అయాక హ్సార్ కిని వందిజి వాత మన్.
- 11 నాను గొరెజి నెగ్గి గవుడుయెన్. నెగ్గి గవుడుయెన్ గొరెజి వందిజ్ వన్ని పాణం సీనాన్.
- 12 జితం వందిజ్ గొరెజ్ అడిజినికాన్ గవుడుయెన్ అవన్. అక్కెజ్ వన్ని సొంతగొరెజ్ అఉ. అందెజి దుమూల్ గొండి వాజనిక సుడఃజి గొరెజి డిః ఉహ్ వాన్. అయావలె దుమూల్ గొండి వన్కాజ్ అసి నెద్రిస్తాన్.
- 13 వాండ్రు జితం వందిజ్ అడిజి నాన్. గొరెజి మున్ను. వన్నిజ్ బాజిత సిల్దెద్. అందెజి వాండ్రు డిఃస్సు ఉహ్ వాన్.
- 14-15 నాను గొరెజి నెగ్గి గవుడుయెన్. బుబ్బు నజి ఎలాగ నెనినాండ్రె, నాను బుబ్బుజ్ ఎలాగ నెనినానో, అయావజి నాను గొరెజి నెనిన. నా గొరెజ్ నజి నెనినె. నాను గొరెజి వందిజ్ నా పాణం సీజన.
- 16 యా మందదు మనికెజ్ అవిండ, మరి నెగం గొరెజి నజి మన్ను. వన్కాజ్ బా నాను పేరెజి తత్తెజ్ వెలె. అవి నా కంటం విని. అయావలె మంద ఉండ్రె అనార్. గవుడుయెన్ ఒరెన్ అనాన్.
- 17 నాను మరజి బత్తిని వందిజి, నా పాణం సీజన. అందెజి నా బుబ్బు నజి ప్రేమిస్తాన్.
- 18 ఎయెన్ బా నా పాణం నా బాణిజ్ లాగివన్. నా సొంత ఇన్వమదానె నా పాణం సీజన. నా పాణం సీదెజ్ నజి అతికారం మనాన్. మరజి లాగి అడిజి బా నజి అతికారం మనాన్. యా లెకిండ్ కిదెజ్ ఇజి నా బుబ్బు నజి అడ్రె సిత్రమనాన్”.
- 19 వాండ్రు వెహ్సా యా మాటెజి వందిజి, యూదురు లోక ఉండ్రి ఇజ్రి గొడఃబ వుట్టాద్
- 20 పరి లోక నండ్రిండార్, “వీండ్రు దెయం అన్సికాన్, వెరి వాండ్రు, విన్నిమాట ఏందానిజ్ వెంజినిదెర్”, ఇజి వెవ్వన్.
- 21 మరి నెగొండార్, “దెయం అన్సికాన్ ఒరెన్ యాలెకిండ్ వర్తివన్. దెయం గుడిఃదివరిజ్ నెగొండ్ కిదెజ్ అట్టాదా?”, ఇజి వెవ్వన్.

యూదురు యేనుజ్ నమ్మివర్.

- 22 అయావలె పిన్నికాలం. యెరూసలెమ్మదు యూదురు దేవుణుగుడిఃదు బనె ఆతి దినం వందిజ్ ఎత్తుకిని పండ్రియ్ కిజికార్”.
- 23 నస్తివలె యేను, దేవుణుగుడిఃదు మన్ని సొలోమోను అరుబు ఇజి కూకె అని అరుబుదు బూలాజి మహాన్.
- 24 అయావలె యూదురు వన్ని సుటులం ఆతార్, “ఎసొడ్ రోస్సు, నీను మజి బిటాజ్ వెహ్ ఏండ, అనుమానముకు ఇడిజిని? నీను క్రీస్తు ఇహిజ, మజి తినాజ్ వెహాఅ”, ఇహాన్.
- 25 అందెజి యేను, నాను మీవెట వెహ్సా. గాని మీరు నమ్మిఇదెర్. నా బుబ్బు నత్తుదాన్ నాను బమ్మాని పణిజ్ కిజి. అయా పణిజ్ నా వందిజ్ సాని వెహ్సానె.

* 10:22 10:22 యెరూసలెం గుడిః ముజాల నాననం కితార్ అయాక మరి తొవ్వరె గుడిఃదు పాద్రనం కిదెజ్ పూజిజ్ కిదెజ్ మొదెల్స్తార్. అయాకాలం ఒడిఃబిజి యూదురు కిని వందిజి యా గుడిఃదు బనె ఆతి దినం వందిజ్ ఎత్తుకిని పండ్రియ్.

- 26 గాని మీరు నమ్మితివదే. ఎందానిజ్ ఇహిజ, మీరు నా గొర్రెజ్ ఆఇదెర్.
- 27 నా గొర్రెజ్ నా కంటం వెంజినె. నాను వన్నాజ్ నెసిన. అవి నావెట వాజినె.
- 28 నాను వన్నాజ్ ఎలాకాలం దేవుణువెట బత్తిజిన బత్తు సీజిన. అవి ఎనెజీబా నానసం ఆఉ. వన్నాజ్ ఎయెనబా నా కీదాన్ ఒత్తెజ్ అటేవిన.
- 29 వనకాజ్ నజి సిత్రీ నా బుబ్బు విజెరిజ్ ఇంక పెరికాన్. అందెజె ఎయెనబా వనకాజ్ బుబ్బుకీదాన్ డెజి కిజి ఒత్తెజ్ అటేవిన.
- 30 నానునీ నా బుబ్బు, ఉండ్రె ఆత మనావ్”, ఇజి వెప్తాన్.
- 31 నన్నెవలె, యూదురు వన్నెజ్ మరి డెయెదిజ్ ఇజి పణుకు వెప్తార్.
- 32 గాని యేసు వరిజ్, “నా బుబ్బు నత్తుదాన్ నండో బమ్మె ఆని పణిజ్ కిజి మిజి తోరిస్త మన్ను. వనకలో ఇ ఎమేణి పణి పందిజ్ నజి మీరు పణుకుజాణిజ్ డెయెనిదెర్?”, ఇజి వెప్తాన్.
- 33 అందెజె యూదురు, “మాపు పణుకుజాణిజ్ డెయెజినక నీను కిత్రీ ఇని నెగ్గి పణిజవందిజ్ అవిద్. గాని నీను ఒరెన్ లోకుఆజి మంజి, నాను దేవుణు ఇజి వెఎ ఆజి దేవుణుదిజ్ దూసెన్సిపందిజె మాపు పణుకుజాణిజ్ డెయెనావ్”, ఇజి వెప్తార్.
- 34 అందెజె వాండ్రు వరిజ్ ఈహు వెప్తాన్, “మీరు దేవుణుజు’ ఇజి దేవుణుని వెప్తాన్”, ఇజి దేవుణు మాటదు రాస్త మనాద్ గదె?
- 35 దేవుణు మాటదు వెప్పెనికెజ్ ఎనెజ్ బా తవఉ. దేవుణు మాట సిత్రీ లోకురిజ్, ‘దేవుణుజు’, ఇజి దేవుణు కూక్కినాన్.
- 36 బుబ్బాత్రి దేవుణుని నజి వన్నె వందిజ్ కేట కిత్రాండ్రె యా లోకమేదు పోక్తాన్. అహిజ, ‘నాని దేవుణుమరిసి’ ఇజి నాను వెప్పెవలె దేవుణుదిజ్ దూసెన్సిపా ఇజి మీరు ఎలాగ వెప్పెనిదెర్.
- 37 నాను నా బుబ్బు వెప్తా పణికివిండ మహిజ, నజి నమ్మిమాట్.
- 38 గాని నాను కిత్రీ అయా పణిజ నమ్మిదు. నజి నమ్మెజ్ బా అయా పణిజ నమ్మిదు. ఎందానిజ్ ఇహిజ, బుబ్బు నావెట కూడెజి మంజనాన్. నాను బుబ్బువెట కూడెజి మంజన, ఇజి మీరు నెసి అర్తం కిజి మండ్రెజ్”.
- 39 యాకెజ్ విహార, మరి వారు వన్నెజ్ అన్నెజ్ సుడెజాతార్. గాని వాండ్రు వరి కీదాన్ తప్తె అత్రాండ్రె సాహాన్.
- 40 వాండ్రు యొర్దాను గడ్డ అత్రాహ పడెకాద్ మన్నె ఉండ్రె బాడిదు మరిబా సాహాన్. బానె యోహాను బాప్తీసం సీజి మహాన్. వాండ్రు బాన్ మహాన్.
- 41 నండోడార్ వన్నెడ్రు వాతార్. వారు, “యోహాను ఇని బమ్మాని పణిబాన్ కివితాన్. గాని విని వందిజ్ యొహాను వెప్తా నజితిజ్ విజి నిజమనె”, ఇజి వెప్తార్.
- 42 అబ్బు నండోడార్ యేసుమున్ను నమకం ఇడ్తార్.

11

సాతి లాజరుజ్ నిక్కినాన్

- 1-3 బెతానియ ఇన్ని నాటో లాజరు ఇన్నికాన్ ఒరెన్ మనాన్. వన్నె బీబిన్ మూర్త మరియ ఇనికెజ్. యా మరియనె యేసు పాదమకాజ్ అతరు ఇన్ని వానన నూనె వాక్తాదె, దన్నెక్కిప్పుదాన్ తెలతాద్. ఉండ్రె నాండిజ్ లాజరుజ్ జబ్బు వాతాద్. నీరసం లాపు ఆతిజ్, వన్నె బీబిన్ కి యేసుడగ్రు కల్లు పోక్తె, ‘ప్రబువా, నీను లాపు ప్రేమ కిజిని నీకూలాయెన్ నీరసం ఆత మనాన్’, ఇజి.
- 4 యేసు యా కల్లు విహారె, “వాండ్రు సావిన. సానివందిజ్ వాతిక ఆవిద్ యా నీరసం. గాని దేవుణు గొప్ప పెరికాన్ ఇజి లోకురిజ్ తోరిస్తెజ్. ఎందానిజ్ ఇహిజ, దిన్నెదటాన్ దేవుణు మరిసి గొప్పపెరికాన్ ఇజి తోరి అదెజ్”, ఇజి వెప్తాన్.
- 5 యేసు మార్కెజ్, దన్నెత్తజినె మరియెజ్, లాజరుజ్ లాపు ప్రేమిస్తాన్.
- 6 గాని లాజరు నీరసం లాపు అత్రా ఇజి కల్లు విహిజ్ బా వాండ్రు బేగి సాన్ ఏతాన్. వాండ్రు మహి బాన్ మరి రుండి రోన్నుబా మహాన్.
- 7 వెనక వాండ్రు వన్నె సిసూరిజ, “రదు, మాటు యూదయ దేనమేదు మరెజి సానాట్”, ఇజి వెప్తాన్.
- 8 అయావలె వారు, “బోదకినికి, యూదురు నిజి పణకాణిజ్ డెయెదిజ్ సెగం రోన్ను ముజాలె సుడెజాతార్ గదె. మరిబా నీను అబ్బె సాండ్రెజ్ సుడెజినదా?”, ఇహోర్.
- 9 అందెజె యేసు, “వెడకాజ్ వన్నెండ్రు గంటెజ్ మనె. సెలె? అందెజె ఒరెన్ వేడె బూలాతిజ, వాండ్రు తోరో ఇడెజి అరెన్. ఎందానిజ్ ఇహిజ, వాండ్రు యా లోకమేది జాయి సుడెజినాన్.
- 10 గాని వాండ్రు రెయతు బూలాతిజ, వాండ్రు తోరో ఇడెజి అర్నాన్. ఎందనిజ్ ఇహిజ, వన్నె లోఇ జాయి సెల్లెద్”, ఇజి వెప్తాన్.
- 11 యాక వెప్తాండ్రె, మరి సిసూరిజ్ వెప్పెనాన్, “మా కూలాయెన్ ఆతి లాజరు నిద్రకిజినాన్. వన్నెజ్ నికెజ్ నాను బాన్ సాన్సిన్.
- 12 వన్నె సిసూరు, “ప్రబువా, వాండ్రు నిద్రకిజినాన్ ఇహిజ, వాండ్రు నెగెణ్ ఆనాన్లె”, ఇహోర్.
- 13 లాజరు సాత మనాన్ ఇజి యేసు వెప్తాన్. గాని వన్నెసిసూర్ మాముల్ నిద్రవందిజె వాండ్రు వెప్పెనాన్ ఇజి ఒడిబిలాతార్.
- 14-15 అందెజె వాండ్రు వరిజ్ తినాజ్ వెప్తాన్, “లాజరు సాతాన్. అయావలె నాను వన్నెవెట మనవిత. అందెజె నాను మీ వందిజ్ నర్త ఆజిన. ఎందానిజ్ ఇహిజ, మీరు నజి నమ్మినిదెర్లె. అందెజె రదు, వన్నె బాన్ సానాట్”, ఇజి వెప్తాన్.
- 16 నన్నెవలె దిదుము ఇజి కూకె ఆని తోహా మహి సిసూరిజ్, “రదు మాటు బా సానాట్. వన్నెవెట సాదెజ్ సానాట్”, ఇహాన్.
- 17 యేసు వాతివలె, లాజరుజ్ సమాది కిజి సాల్లి దినమేకు అతె ఇజి నెస్తాన్.
- 18-19 బెతానియ యెరూసలెమ్ దాన్ ఎంజి ఇంసుమెంసు రుండి మయెలుజ్ దూరం మన్నె. నండోడార్ మార్కెజ్ మరియెజ్ ఒదిస్తెజ్ వాత మహోర్. వరి తంబెర్ని సాతి వందిజ్, వారు ఒదిస్తెజ్ వాతార్.

20 యేసువాణినాన ఇజ వెప్తా మాట విహదె, మార్త ఎర్దు సొహదె. వన్నిజ్ నుడెదెజ్ అది సొహదె. గాని మరియ ఇండ్రో బస్త మహదె.

21 నస్తవలె మార్త యేసుజ్, “ప్రబువా, నీను ఇబ్బె మంజనిక ఇహిజ, నా తంబెరి సొఅతాన్మరి.

22 గాని ఏలుబా నీను దేవుణుడెజ్ ఇనిక లోస్టిజ్బా వాండ్రు నిజి సీనాన్ ఇజ నాను నెన్ను”, ఇజ వెప్తాన్.

23 అందెజె యేసు, “నీ తంబెర్ని మరజి నిజ్నాన్లె”, ఇజ వెప్తాన్.

24 అయావలె అది, “యా లోకమ్దిజ్ కడెవెరి దినమ్దు, వాండ్రు మరి బత్మిన్వలె ఇజ నాను నెన్ను”, ఇహదె.

25-26 అందెజె యేసు దనిజ్ ఈహం వెప్తాన్, “నాని సొతి వరిజ్ నిక్కికాన్. వరిజ్ మరి బత్మిన్ సీనికాన్ నానె. నజి నమ్మినికాన్ ఎయెన్బా వాండ్రు సొతిజ్బా మరి బత్మిన్. నజి నమ్మిజు బత్మిజిని ఎయెన్బా ఎనిజ్బా సొవిన్. నీను యాకెజ్ నమిజినిదా?”

27 అయావలె అది, “ఓఓ, నాను నమిజిన, నీన దేవుణు మరిసి అతి క్రిస్తు ఇజ. నీన యా లోకమ్దు వాడెజ్మన్నికాన్ఇజ దేవుణు వెప్తాకి”, ఇజ వెప్తాన్.

28 యాకెజ్ వెప్తాదె, అది మరజి సొహదె, దన్నితజి మరియెజ్కూక్తాదె, “బోదెస్టికాన్ఇబ్బె మనాన్. నిజి కూక్కినాన్”, ఇజ గిబ్బి డగ్రు వెప్తాదె.

29 మరియ యాక విహిజ్, అది గజిబిజ నిజితాదె, వన్ని డగ్రు సొహదె.

30 అయావలె యేసు ఇంక ఆ నాటో రెండ్రె. మార్త వన్నిజ్ దనూలెఅత్తి బాడిసెన్ మహన్.

31 మార్తెజ్ ఓదరిసి దనివెట ఇండ్రో మహి యూదురు అది గజిబిజ నిజ్బా సొన్నిక నుడెతివలె, అది అడెబదెజ్ దూకిదు సొన్నినాన్సు ఇజ దన్నిదెనుక సొహర్.

32 యేసు మన్ని బాడిదు మరియ వాతాదె, వన్నిజ్నుడెతాదె, వన్ని పాదమ్కాజ్ అగ్రాదె. అగ్రాదె, “ప్రబువా, నీను ఇబ్బె మంజనిక ఇహిజ, నా తంబెరి సొఅతాన్మరి”, ఇహదె.

33 అది అడెబాజనిక యేసు నుడెతాన్. దని వెట వాతి యూదురు బా అడెబాజనిక నుడెతాన్. అయావలె వాండ్రు మన్నుదు బాద అతాండ్రె మొకిం డిజ్ప్తాన్.

34 “వన్నిజ్ఎంబె ఇడ్డి మన్నిదెరె?”, ఇజ వరిజ్ వెన్బాతాన్. “వాజి నుడెఅ ప్రబువా”, ఇహర్ వారు.

35 యేసు కనీర్డిజ్ప్తాన్

36 అయావలె యూదురు, “నుడెదు వాండ్రు ఎసొ వన్నిజ్ప్రేమిస్తాన్”, ఇజ వెప్తాన్.

37 గాని వరి లోఇ నెగొండార్, “వీండ్రు గుడిః వరిజ్ నెగెణ్కితాన్. మరి ఎందనిజ్లాజురు సొవిండ్ కిడెజ్అత్వితాన్”, ఇజ వర్గితార్.

38 అయావలె యేసు నండ్ బాద అతాండ్రె దూకిదు వాతాన్. అయాక ఉండ్రి సొలం. దన్నిముజాల ఉండ్రి పెరి పణుకు ఇడ్డ మహర్.

39 యేసు, “అయా పణుకు లాగదు”, ఇజ వెప్తాన్. నస్తవలె సొతివన్ని బీజిన్ మార్త వన్నిజ్, “ప్రబువా, వినిజ్ముని నాల్లె రోస్సు ఆజినాదె. అందెజె గొప్ప కంపు ఏలు మంజినాదెలె”, ఇజ వెప్తాన్

40 అందెజె యేసు దనిజ్, “నీను నమ్మితిజ, దేవుణు గొప్ప పెరికాన్ ఇజ నీను నూణిలె ఇజ నాను నిజి వెప్తా గదె?”, ఇజ వెప్తాన్.

41 అందెజె వారు పణుకు లాగితార్. యేసు కణుకు మున్ను బస్తాండ్రె, “ఓ బా నీను నా పార్దనం వెంజనిజ్నిజి వందనమ్కు.

42 నీను ఎస్తివలె బా నజి వెంజనిలె ఇజ నాను నెన్ను. గాని ఇబ్బె నిల్లి మంజని యా లోకురవందిజ్ నాను నిజి వందనమ్కు వెప్తా మన. ఎందానిజ్ ఇహిజ, నీన నజి పొక్కి మన్నికాన్ఇజ వారు నమిదెజ్, ఇజ పార్దనం కితాన్.

43 పార్దనం కితాండ్రె, వాండ్రు, “లాజురు వెల్లె రల”, ఇజ డేల్లి డటం వెప్తాన్.

44 అయావలె లాజురు వెల్లె వాతాన్. వన్ని కికు కాల్యు పాతిజాణిజ్నుట్టిస్త మహర్. వన్ని మొకిం రూమాల్దాన్ తోహ్కాత మహదె. యేసు వరిజ్, “వన్నిజ్నుట్టిస్త మన్నికెజ్లాగదు. వన్నిజ్ నడినిలెకొండె కిదు”, ఇహన్.

యేసుజ్నప్తెజ్ నుడెజినార్

45 అందెజె మరియెజ్ నుడెదెజ్ వాతి యూదురు లోఇ నండ్రిండార్, యేసు కితిక నుడెతాం, వన్ని మున్ను నమకు ఇట్టార్.

46 గాని వరి లోఇ నెగొండార్ పరినయరుజ డగ్రు సొన్ని, యేసు కితిక వరిజ్ వెప్తాన్.

47 నస్తవలె పెరి పుజెరిబు నీ పరినయరు, పెద్దలెజ కూకపిస్తారె, “వాండ్రు గొప్ప బమ్మ అని పణిజ్ కిజినాన్? అందెజె మాటు ఇన్సిక కిడెజ్?

48 మాటు వన్నిజ్ యా లెకొండె పణి కిడెజ్ సరి సితిజ, లోకుర విజెరి వన్నిజ్ నమినార్. రోమాదికార్ వానారె, మా గుడిః, యూదురు అతి మజి విజు నాననం కినార్”, ఇజ వర్గితార్.

49-50 నస్తవలె వరి లోఇ కయపొ ఇన్నికాన్ ఒరెన్ మహన్. వాండ్రు అయా ఏంటు విజు పుజెరిజ మున్ను పెరి పుజెరి. వాండ్రు వరిజ్, “మీరు ఇనికబా నెన్ఇతిదెరె. రోమాదికార్ మా గుడిః, యూదురు అతి మజి పూర్తి నాననం కినిదని మున్ను లోకుర వందిజ్ ఒరెన్ వాండ్రు సొనికాదె మిజి నెగెదె ఇజ మీరు నెన్ఇదెరా?”, ఇహన్.

51-52 వాండ్రు వెస్పాని దని అర్దం వాండ్రె నెన్వితాన్. గాని వాండ్రు ఆ ఏంటు విజు పుజెరిజ మున్ను పెరి పుజెరి. అందెజె యేసు యూదురు వందిజ్ సొనాన్లె ఇజ, యూదురు వందిజె అవిండ్, నెద్రితి మన్ని దేవుణు కొడెఃరిజ్ కుడుఃప్పి తనీ వరిజ్ ఉండ్రె లోకురకిడెజ్. దినివందిజ్ యేసు సొనాన్లె ఇజ వాండ్రు ఎత్తు కిజ జర్గెజ ముజాలె వెప్తాన్.

53 అందెజె అయా నాండిజ్అని వన్నిజ్నప్తెజ్ వారు నుడెజు మహర్.

54 అందెజె యేసు విజెరి వన్నిజ్ నెస్తిలెకొండె బూలావితాన్. గాని వాండ్రు ఎయెర్ మన్ఇ బాడిః డగ్రు మన్ని ఉండ్రి ప్రాంతమ్దు సొహన్. అయా ప్రాంతమ్దు మన్ని ఎప్రయెం ఇన్ని ఉండ్రి వట్టుమ్దు వన్ని సినూర్ వెట వాండ్రు మహన్.

55 యూదురి పస్కవంఠోయ్ డగ్రు వాతివలె, నండో ప్రాంతముకాణిజ్ నండోదార్ యెరూసలెమ్దు సాహార్. వండోయ్ ముజాల విజెరి సుబ్బరం మనిక ఉండ్రె అసారం. అందెజె, వారు సుబ్బరం మన్నివందిజ్ వారు యెరూసలెమ్దు వాతార్.

56 వారు యేసుజ్ రెబాజనె మహార్. వారు దేవుణు గుడిజ్ అరుజుదు నిహి మహివలె, ఒరెన్ వెట ఒరెన్, “ఇన్నిక ఒడిజెబిజెని? వాండ్రు వండోయ్దిజ్ వానాండ్రా, సిలెనా?”, ఇజె వర్గెతార్.

57 గాని పెరి పుజెరిబు ని పరిసయ్యరు ఉండ్రె ఆడ్రు సిత మనార్. ఎయెనబా యేసు ఎంబె మనార్ ఇజె నెస్తిజె, వాండ్రు వరిజ్ వెహైజ్. ఎందానిజ్ ఇహిజె, వన్నిజ్ అరెస్టు కిదిజ్.

12

1 పస్కవంఠోయ్ మెదొల్నైజ్ అరు దినమ్కు మనె. అయావలె, యేసు లాజరు మన్ని బెతానియ ఇని పట్టుమ్దు సాహార్. యా లాజరుజ్ నె యేసుసాపుదాన్ బత్తిస్తాన్.

2 అబ్బె వారు యేసువందిజ్ ఉండ్రె వింతు తయార్ కిత్తార్. మార్తనె వింతుదు నవ్దరెజి. బోజనమ్దిజ్ బస్తి మహిపరివెట లాజరుబా యేసువెట బస్తాన్.

3 నస్తివలె, మరియ ఉండ్రె సీసాదు మన్ని వాసన నూనె లాగితాదె, యేసు పాదముకాజ్ వాకాదె దనికొప్పుదాన్ వన్ని పాదముకు తెలితాదె. యా వాసన నూనె, నండో కరీద్తిక యాక జటమాసి ఇని ఉండ్రె మొకదానె, తయార్ కితిక. అది వాసన నూనె వాక్తివెలె, అయా ఇల్లు విజు నెగ్గి వాసనందాన్ నిండ్రెతాదె.

4-5 అయావలె వన్ని సినార్ లోజ ఒరెన్ అతి ఇస్కరియొతు యూద, “ఎందానిజ్ యా వాసనం నూనె మూండ్రె వందెజ్ వెండి రుపాయుజు పొర్చి అయా డబ్బు బీదాతి వరిజ్ సిఇతి?”, ఇజె వెహైజ్. యా ఇస్కరియొతు యుదనె, వెన్కా యేసుజ్ యుదురి అదికారిజ కీదు ఒవజెప్పిక్తాన్.

6 ఏలు వాండ్రు యా లెకెండ వెహైక, బీదాతివరిజ్ నెగండ సుడజెజెన ఇజె అవద్ గాని వాండ్రు డోజ వాండ్రు. పరి సేవపణి వందిజ్ లోకుర్ సీజని డబ్బు ఇడ్చి నన్ని విండ్రె అస్త మనాన్. వాండ్రు వన్కాలోఇహాన్ వన్ని సొంత కర్చు వందిజ్ డోజ కిజె మహాన్. అందెజె వాండ్రు అహ వెహైజ్.

7 అందెజె యేసు, “దనిజబాద కిమాజ్. నజె నమాది కిని దినమ్దాక అయొక దని బాన్ మన్నిద్.

8 బీదదికార్ ఎస్తివలెబా మీ వెట మంజనార్. గాని నాను ఎలాకాలం మీ వెట మన్ ఏ”, ఇజె వెహైజ్.

9 అహిజె, యూదుర్జ లోజ మంద లోకుర్, యేసు బెతానియదు మనాన్ ఇజె నెస్తారె అబె వాతార్. వారు యేసుజ్ సుడజెజెజెనె అవంద, వాండ్రు సాపుదాన్ బత్తిస్తాన్ లాజరుజ్ సుడజెజెబా వాతార్.

10-11 అందెజె పెరి పుజెరిబు, లాజరుజ్ బా నపైజ్ ఇజె అలోసనం కిత్తార్. ఎందానిజ్ ఇహిజె, వన్నిజ్ జగ్గితి దనివందిజ్ సుడజెజె యూదురు నండోదార్, పరి పెద్దలజె డిసె యేసుముస్సు నమకం ఇడజె మహార్.

12 మర్ననాండెజ్, పస్క వండోయ్దిజ్ యెరుసలెం పట్టుమ్దు వాతి మందలోకుర్ యేసు యెరూసలెమ్దు వాజెనాన్ ఇజె వెహార్.

13 అందెజె వారు ఈత మటెజ్ అస్తారె, పట్టుమ్దాన్ వెల్లి సాహార్. వన్నిజ్ ఎద్రు సొన్ని, “ఓనెస్సు ప్రబు సెత్తి అతికారమ్దాన్ వాజెని వన్నిజ్ పొగిడిపిద్. ఇస్తాయేలు లోకురిజ్ ఏలుబడిజె కినిరాజుజ్ పొగిడిపిద్”, ఇజె డటం డేల్చి వెహైజ్.

14-15 “ఓ నియోను గాల్సె”, తియెలామాజ్. ఇవిలోన్ మీ రాజు గాడజెది పిల్ల ముస్సు ఎక్త బస్తాండ్రె వాజెనాన్”, ఇజె దేవుణు మాటలు రాన్చి మన్నిలెకెండె, యేసు ఉండ్రె గాడజెది పిల్లదిజ్ సుడజెజెతాండ్రె దనిముస్సు బస్తాండ్రె వాజెనాన్.

16 అయావలె వన్ని సినార్ యా జగ్గితి వన్నిజ్ అరదం కివిత్తార్. గాని వెసుకయేసు సాజె, మరి బత్తిజె, దేవుణు మంజెని బాడిదు వన్ని వెట గొప్పు జాయ్దు మండ్రెజ్ దేవుణు వన్నిజ్ ఒతివెలెనె, యా జగ్గితి నజెతిజ్ వన్నివందిజ్ దేవుణు మాటదు ముజాలె రాస్త మనాద ఇజె అయొక వన్నిజ్ జగ్గిత్తాదె ఇజె వారు అర్థం కిత్తార్.

17 అహిజె, యేసు లాజరుజ్ దూకిదాన్ కూక్చి సాపుదాన్ మరి బత్తిస్తాన్ వలె వన్ని వెట మహి లోకుర్ నె, లాజరుజ్ జగ్గితిక సాటిసినార్.

18 యా లోకుర్ వెహైజ్ మాట విహారె, మంద లోకుర్ వన్నిజ్ ఎద్రు సొన్సినార్. ఎందానిజ్ ఇహిజె, వాండ్రు బమాత్తి గొప్పు పణిజ్ కిత్తాన్ ఇజె వెహార్.

19 అయావలె పరిసయ్యరుజు వరిజ్ వారె, “ఇదిలో, నండో లోకుర్ వన్ని వెన్కా సొన్సినార్. మాటు కిజెనికెజ్ ఇనికబా, వన్ని వెట సాన్ ఎండ వరిజ్ అవ్ కిఉ”, ఇజె వర్గెతార్.

యేసు వన్నిసాపు వందిజ్ వర్గెజాన్

20 నస్తివలె, పస్క వండోయ్ కినివలె దేవుణుదిజ్ పొగిడిజె మాడిస్టెజ్ యెరూసలెమ్దు వాతి పరి లోజ నెగెండార్ యూదురు అకార మహార్.

21 వారు గలిలయ ప్రాంతమ్ది బెత్సయిద పట్టుమ్ది పిలిపు డగ్రు వాతారె, “బాబు మాపు యేసుజ్ సుడజెజెజె అస ఆజెనావ్”, ఇజె వెహైజ్.

22 పిలిపుజ్ వెహైజ్, వాండ్రు అంద్రెయొజ్ వెహైజ్. వీరు రివీర్ కూడ్చి యేసుజ్ పరి అస వెహైజ్.

23-24 అందెజె యేసు పరివెట ఈహు వెహైజాన్. “లోకు మురిసి అతి నజె దేవుణు వన్ని వెట వన్ని జాయిదు మండ్రెజ్ వాండ్రు మంజెని బాడిదు ఒని దినమ్కు డగ్రు ఆతె మనె. నాను నిజం వెహైజాన్ ‘ఉండ్రె గోదము గిడ బూమిదు అర్చి సాంపం మహిజె, అది అయె లెకెండె మంజెనాదె. గాని ఆ గిడ సాతిజె నండో గిడెజ్ అనె.

* 12:14-15 12:14-15 జీకరి 9:9 † 12:14-15 12:14-15 నియోను గాల్సె ఇజె ఇబ్బె వెహైజాన్ యెరూసలెమ్దు మన్ని వరిజె.

25 ఎయెన్బా వన్ని సొంత పాణామ్దిజ్ లావు ప్రేమిస్తిజ, వాండ్రు వన్ని పాణం ఎలాకాలం దేవుణు వెట బత్కిని బత్కుడు మనిఎండ అయక పాడు కిజినాన్. గాని ఎయెన్బా యా లోకమ్దు బత్కినివలె, వన్ని సొంత పాణామ్దిజ్ లావు ప్రేమిన్విండ మహిజ, వాండ్రు ఎలాకాలం బత్కిని బత్కు వందిజ్ వన్ని పాణం కాపాడిజినాన్.

26 ఎయెన్బా నజి సేవ కితిజ, వాండ్రు నా సినూ ఆదెజ్వలె. నాను ఎంబె మంజినాన్, అబె నజి సేవ కినికాన్బా మంజినాన్. నజి సేవ కిని వన్నిజ్ నా బుబ్బు గవేరం సీనాన్”.

27 మరిబా వాండ్రు వెప్పినాన్, “ఏలు నా పాణం బాద అజిన. నాను ఇన్నిక ఇండ్రెజ్? ఓ బా, నజి వాని కష్టమ్దాన్ నజి తప్తినెఅ, ఇజి వెప్తాజా? సిలె. ఎందానిజ్ ఇహిజ, యా కష్టమ్కు ఓరిస్సి వందిజె నాను వాత మన.

28 ఓ బా, నీను గొప్ప పెరికి ఇజి లోకురిజ్తోర ఆఅ”, ఇజి వెప్తాన్. అయావలె ఆగానమ్దాన్ ఉండ్రీ జాటు వాతాద్. “నాను గొప్ప పెరికాన్ ఇజి నీను కితి పజిజాణిజ్ తోర ఆత మన. నీను సాజి మరి బత్కినివలె నాను మరి అయక తోర ఆన”, ఇజి జాటుదు దేవుణు వర్గితాన్.

29 నస్తివలె అబె నిహి మహి లోకుర అయక విహార, అయా జాటు ఆగానమ్దు దీడితిక ఇజి వెప్తాన్. గాని మరి సెగెండార్, “దేవుణు మంజిని బాడిదాన్దేవుణు దూత ఒరెన్ వన్ని వెట వర్గితాన్”, ఇహార్.

30 అందెజె యేసు, “ఏలు మీరు జాటుదాన్విహి మాటెజ్నజి దేవుణు పోక్తాన్ఇజి మీరు నెస్టెజ్మీ వందిజె వాతె. నా వందిజ్ అఎద్.

31 ఇయేలె, దేవుణు యా లోకమ్ది లోకురిజ్ తీర్పు సీని సమయం. ఇయేలె లోకమ్ది అతికారి ఆతి నయ్యానుజ్ వన్ని అతికారమ్దాన్ దేవుణు వెల్లి నెక్కి సమయం.

32 నజి బూమి మున్కుహాన్ సీలువాదు ఎక్కిస్తివలె, విజు దేసెమ్కాణి లోకురిజ్, నాను నా డర్పు తపిస్తాలె”, ఇజి వెప్తాన్.

33 వన్నిజ్ఎలాగ నప్పారలె ఇజి లోకురిజ్ తోరెస్టెజ్ వాండ్రు యా మాటెజ్జర్గిని ముజాలె వెప్తాన్.

34 అయావలె మంద లోకురవన్నిజ్, “దేవుణు మాటదు మాపు నద్విజినామ్గదె క్రిస్తు ఎలాకాలం బత్కినాన్లె ఇజి. మరి నీను ఎలాగ వెప్పిని, లోకు మరిసి ఆతి నిజి సీలువాదు ఎక్కిస్టెజ్వలె ఇజి. అహిజ, నీను వెప్పిని లోకు మరిసి ఎలాగ మర్గికాన్.

35 అందెజె యేసు, “వాండ్రె జాయి ఇజి వన్ని వందిజె వరిజ్ ఈహు వెప్పినాన్: “జాయి ఆతి నాను మీ వెట సెగం కాలమ్నె మంజినలె. అందెజె సీకట్వాని ముజాలె, జాయ్ఆతి నాను మనివలె మీరు నజి ఇన్టం ఆని వజి నడిడు. సీకట్దుదు నడిఃనికాన్ వాండ్రు ఎంబె సొనీనాండ్రో ఇజి వాండ్రు నెన్ఎన్.

36 అందెజె మీరు జాయ్దు బత్కిజిని నా కొడోజ్అందెజ్, జాయి ఆతి నాను మీ వెట మనివలె నజి నమ్మిదు. వాండ్రు యా మాటెజ్వెప్పండ్రె వరిబాణిజ్ సొహండ్రె వరిజ్ తోరెంండ డాజ్జి మహాన్.

37 వాండ్రు నిసా గొప్ప బమ్మాతి వణిజ్ వరిఎద్దు కితిజ్బా యూదురు లొజి నండో లోకుర వన్నిజ్ నవిఎతార.

38 ‘ప్రబువా మాపు వెప్తా మాటెజ్ ఎయెర్ నమ్మితార? ఎయెరిజ్ దేవుణు వన్నినత్తు తోరెస్టాన్?’, ఇజి యెనయ ప్రవక్త వెప్తా మాట పూర్తిఆని వందిజె వారు నమ్మివతార.

39-40 యెనయ ప్రవక్త మరి ఈహు వెప్తా మనాన్, ‘వారు వరి కణకాణిజ్ తోవిండ మండ్రెజ్ దేవుణు వరి కణుకు గుడిః కితాన్. వారు వరిదాన్ అర్థం కివిండ మండ్రెజ్ దేవుణు వరి మన్కుసు గటి కితాన్. వరిజ్ నెగెజ్ కిదిజ్ వారు నా డర్పు రెవిండ మండ్రెజ్ నాను అయా లెకెండ్ కిత’, ఇజి. అందెజె వారు యేసుజ్³ నమ్మిదెజ్ అట్విండఅతార.

41 యెనయ ఎందానిజ్ యా లెకెండ్ వెప్తాన్ ఇహిజ, యేసు గొప్ప పెరికాన్ ఇజి వాండ్రు సుడత మహాన్. వాండ్రు వెప్తా మాటెజ్ యేసు వందిజె వెప్పినె.

42 గాని యూదురు అదికారిజ్లొజి నండోండార్ యేసు మున్కు నమకం ఇట్టార. గాని వరిసయరు వరిజ్ ఇన్నిక కినార్ ఇజి తియేలె ఆజి వారు యేసుజ్ నమ్మిజినామ్ ఇజి లోకుర ఎద్దు వెహెతార. వరిజ్ యూదురి మీటిజ్ ఇండ్రెజిజ్ వెల్లి కినార్ ఇజి తియేలె ఆతార.

43 ఎందానిజ్ ఇహిజ, వారు దేవుణు వరిజ్ పొగిడిః దని మున్కు లోకుర వరిజ్ పొగిడిఃదెజ్ ఇజి నండో కోరతార.

44 మరి యేసు ఈహు డటం వెప్పినాన్, “నా మున్కు నమకం ఇడ్కాన్ ఎయెన్బా నజిన్ అఎండ, నజి పోక్తివన్నిజ్బా నమిజినాన్.

45 నజి సుడఃజినికాన్ ఎయెన్బా నజి పోక్తి వన్నిజ్బా సుడఃజినాన్.

46 నజి నమ్మినికాన్ ఎయెన్బా సీకట్దు బత్కిఎండ మంజిని వందిజ్ నాను జాయి లెకెండ్ లోకమ్దు వాత మన్కు.

47 నా మాటెజ్ వెంజి అయావజి కిజవన్నిజ్, తీర్పు సీజినాను సిక్కి నివి. ఎందానిజ్ ఇహిజ, అహె తీర్పు సీజి సిక్కి సీదెజ్ అఎద్ నాను అయా లోకమ్దాన్ వాతిక. గాని లోకురిజ్ రక్కిస్సి వందిజె వాత.

48 నజి నెక్కి పొక్కి నా మాటెజ్ వజి కిజవన్నిజ్, వాండ్రు కిజకాదె వన్నిజ్ ఎలాకాలం మన్ని సిక్కి సీనాద్. నాను వెప్తా మాటెజ్నె ఆకార్ దినమ్దు నాను మరజి వానివలె వన్నిజ్ తీర్పు సీనాద్.

49 ఎందనిజ్ ఇహిజ, నాను నా సొంత అతికారమ్దాన్ వెప్తాక అఎద్. గాని నజి పోక్తి నా బుబ్బునె, నాను ఇన్నిక వెప్తాజ్, ఎలాగ వెప్తాజ్ ఇజి ఆడ్ర సిత మనాన్.

50 వాండ్రు వెప్తా ఆడ్రెజ్ లోజిజినికాన్ ఎలాకాలం బత్కినాన్. అందెజె నా బుబ్బు నజి వెహెత ఇజి వెప్తాకెన్ నాను వెప్పినాన్.

13

యేసు వన్నిసినూరిజ్ పాదమ్కు నొరజినాన్

1 నన్నీవలె, వన్ను వండోయ్ కిని ముఱాహి దిను. యా లోకం డిఃసి బుబ్బు డగ్గు సొండ్రెజ్ టయం ఆతాద్ ఇజ యేసు నెస్తాన్. వాండ్రు ఎన్సీవలెబా వన్ను మున్ను నమకం ఇడ్డివరిజ్ ప్రేమిసి మహాన్. వాండ్రు సానిదాక ప్రేమిసి నె మహాన్.

2 యేసుని వన్ను సిసూరు పొదోయ్ బోజనమదిజ్ బస్త మహాన్. సిమెసు మరిసి అతి ఇస్కరియెతు యూద మన్నుదు నయూసు ముజాల ఉండ్రె ఆలోనన పుట్టిస్త మహాన్, యేసుజ్ సెఇవరి కీదు ఒపజెప్తజ్ ఇజ.

3 బుబ్బు వన్నుజ్ విజు దనిమున్ను అతికారం ఒపజెప్త మహాన్, ఇజి యేసు నెస్తాన్. వాండ్రు దేవుణుబాణిజ్ వాత మహాన్, దేవుణుడగ్గు సొన్నినాన్ ఇజబా నెస్తాన్.

4 అందెజి వాండ్రు బీజనమదిజ్ బస్తి మహిబాణిజ్ నిజితాండ్రె, వాండ్రు పిడేగితి మన్ని సొల్వ లాగితాండ్రె ఉండ్రె తువాలు నడుముదు తోహా ఆతాన్.

5 తోహాండ్రె, ఉండ్రె వల్లిమదు ఏరు వాక్తాండ్రె వన్ను సిసూర్ పాదమకు నొరజి వన్ను నడుముదు తోహాతి మహి తువాలోదాన్ వరి పాదమకు తేలిజనాన్.

6 ఆహా, వాండ్రు సిమెసు పెతురుడగ్గు వాతివలె, వాండ్రు, “ప్రబువా, నీను నా పాదమకు నొరదెజ్ సుడేజనిదా?” ఇజ వెనబాతాన్.

7 అందెజి యేసు, “నాను ఇనిక కిజన ఇజ ఏలు నీను నెన్ ఇ గాని వెనుక నీను అర్థం నెస్తిలె”, ఇజ వన్నుజ్ వెప్తాన్.

8 అయావలె పేతురు, “సిల్లె, నీను నా పాదమకు ఎనిజ్బా నొరదెజ్ ఆవిద్”, ఇజ వెప్తాన్. దనిజేయేసు, “నాను నీ పాదమకు నొరెండుమహిజ, నీను నా సిసూడు ఆజ”, ఇజ వెప్తాన్.

9 అయావలె సిమోన్ పేతురు, “అహిజ ప్రబువా, నా పాదమకునె అవిండ నా కికు, నా బుర్బా నొరెం”, ఇజ వెప్తాన్.

10 అందెజి యేసు, “ఏరుకెబతి వన్నుజ్ వన్నిబడోల్ విజు నొరదెజ్ అవనరం సిల్లెద్. వన్ను పాదమకునె నొరదెజ్. ఎందానిజ్ ఇహిజ, పాదమకునె వెటెనె డుల్లిఅనె. నా సిసూర్ ఆత్తి మీరు విజెదెరం సుబ్రం ఆతిదెర్. గాని ఒరెన్ ఆవిన్”, ఇజ వెప్తాన్.

11 వన్నుజ్ సెఇవరి కీదు ఒపజెప్తికాన్ ఎయెన్ ఇజి వాండ్రు నెసి మహాన్. అందెజి “మీరు విజెరం సుబ్రం ఆత్తికిదెర్ ఇఇదెర్”, ఇజి వాండ్రు వెప్తాన్.

12 వరి పాదమకు నొరజి వీస్తి వెన్నా, వాండ్రు లాగితి ఇడ్డి వన్ను సొల్వ పిడేగితాండ్రె, బోజనమదిజ్ బస్తిమహి బాడేదు సాహాన్. సాహాండ్రె వాండ్రు వరిజ్ వెనబాణనాన్, “నాను ఏలు మిజి కితిపణిది అర్థం మిజి తెలినాదా?”

13 మీరు నజి కూక్కివలె, ‘ఓ బోదకినికి’ ఇజనె, ‘ఓ ప్రబువా’ ఇజనె కూకిసినిదెర్. నాను బోదకినికానె. ప్రబునె. అందెజి మీరు కూక్కినిక తప్ప సిల్లెద్.

14 ఏలు మీ ప్రబు ఆతి, బోదకినిక ఆతి నాను నీ పాదమకు నొరత మన్ను. అందెజి మీరుబా ఒరెన్ మరి ఒరెన్ వన్ను పాదమకు నొరదెజ్.

15 నాను మిజి కితిలెకెండ్ మీరు బా కిని వందిజ్, అయా పణి ఎలాగ కిదెజిఇజ నాను మిజి తోరిస్త మన్ను.

16 నాను నిజం వెప్పిన, ఎమేణి పణి మన్నుసి బా వన్ను ఎజుమాని మున్ను పెరికాన్ ఆవిన్. అయె లెకెండ్ ఎమేణి కల్లు తనికానాదా వన్నుజ్ పొక్తి వన్ను మున్ను పెరికాన్ ఆవిన్.

17 మీరు ఏలు యా నిజమాతి సజతిజ్ నెస్తిదెర్. అందెజి మీరు అయా లెకెండ్ కితిజ మీరు గొప్ప వారు”.

యేసు వన్నుజ్ సెఇవరికీదు ఒపజెప్తి దనివందిజ్ జగ్గినిముజాలె వెప్పినాన్

18 “మీరు పాపమకాణిజ్ నొర ఆత్తిదెర్ ఇజి నాను వెప్పినక మీ విజెరం వందిజ్ ఆవిద్. నాను ఏరుపాటు కితికార ఎలాగ మర్రికారఇజి నాను నెస్తి. గాని, ‘నా వెటె బోజనం ఉణిజి మహికాన్ నజి పడేఇకాన్ ఆతాన్’, ఇజి దేవుణు మాటదు రాస్తి మన్ని మాట పూర్తి అదెజ్ నాను యా లెకెండ్ కిత్త.

19 అయాక జగ్గినివలె, నానె మెనయ ఇజి మీరు నమినివందిజె, అయాక జగ్గిని ముజాలె, యెలె నాను వెప్పిన.

20 నాను నిజం వెప్పిన, ఎయెన్ బా నాను పొక్తివన్నుజ్ డగ్గు కితిజ, వాండ్రు నజి డగ్గు కితి లెకెండ్. ఎయెన్ బా నజి డగ్గు కితిజ, నజి పొక్తి వన్నుజ్ డగ్గు కితి లెకెండ్”, ఇహాన్.

21 యేసు యాక వెప్పివలె వన్ను మన్నుదు బాద ఆతండ్రె, “నాను నిజం వెప్పిన, మీ లోజ ఒరెన్ నజి సెఇవరి కీదు ఒపజెప్పిస్తలె”, ఇజి వెప్తాన్.

22 అయావలె వన్ను సిసూర్ ఎయెన్ వందిజ్ వాండ్రు ఈహు వెప్తాన్ ఇజి అర్థం ఆజతిజ్ ఒరెన్ మొకొం ఒరెన్ సుడే ఆజినాన్.

23 బోజనమదిజ్ బస్తి మహివలె, సిసూర్ లోజ యేసు నండ్రె ప్రేమిస్తి సిసూర్ వన్ను డగ్గునె బోజనమదిజ్ బస్తి మహాన్.

24 సిమోన్ పేతురు వన్నుజ్ నయన కిజ, “ఎయెన్ వందిజ్ వాండ్రు వర్గిజనాన్ ఇజి వన్నుజ్ వెనబాఅ”, ఇజి వెప్తాన్.

25 అందెజి అయా సిసూడు యేసుజ్ రోన్ వె ఆజి, “ప్రబువా, వాండ్రు ఎయెన్?”, ఇజి వెనబాతాన్.

26 అందెజి యేసు, “నాను యా రోబె ముక పులాదు ముడుక్కి ఎయెన్ సిసూర్ వాండ్రు నజి ఒపజెప్తికాన్”, ఇజి వెప్తాన్. వెప్తాండ్రె ముక పులాదు ముడుక్కి సిమెసు మరిసి ఆతి ఇస్కరియెతు యుదెజ్ నిస్తాన్.

27 యూద అయా రొట్టెముక్కు తిహి వెటెనె నయతాను వన్ను లోజ డుగితాండ్రె వన్ను మున్ను అతికారం కితాన్. అయావలె యేసు, “నీను కిదెజ్ ఒడేబిజనిక బేగి కిత”, ఇజి వెప్తాన్.

28 గాని బోజనమదిజ్ బస్తివరి లోజ ఎయెరిజ్ బా ఎందానిజ్ యేసు ఆహా వెప్తాన్ ఇజి అర్థం ఆవిత్తాద్.

29 వరి కరెనువందిజ్ మన్ను డబ్బు విజు యూద కీదునె మనె. అందెజి పండ్రెయదిజ్ కావాలిస్తికెజ్, సొన్ని కొల్ల ఆజను, సిలిజ బీదాతివరిజ్ డబ్బు సి అ ఇజి వెప్పినాన్ ను ఇజి సిసూర్ నెగెండార్ ఒడేబితార్.

30 యూద ఆ రొట్టెముక్కు తిహివెటెనె వెల్లి సాహాన్. అక్కు రెయె.

31 వాండ్రు సాహా వెన్నా యేసు ఈహు వెప్తాన్, “లోకు మరిసి అతి నాను ఎసా గొప్ప పెరికాన్ ఇజి లోకుర్ ఏలునూణార్లె. దేవుణు ఎసా గొప్ప పెరికాన్ ఇజి నా వెటె నూణార్లె.

32 దేవుణు గొప్ప పెరికాన్ ఇజి లోకు మరిసి వెట తోరె ఆతిజ, లోకు మరిసి గొప్ప పెరికాన్ ఇజి దేవుణునె తోరిస్సాన్. అయాక వెటనె తోరిస్సాన్.

33 నాను ప్రేమిస్సికిదెరా, కండెక్ సమయమనె నాను మీ వెట మంజన. మీరు నజీ రెబానిదెర్, గాని యూదురు అదికారిజ నాను వెప్తై లెకెండె, “నాను సొని బాడిడు మీరు వాదెజ్ అట్ ఇదెర్” ఇజి ఏలు మీవెట వెప్సాన్.

34 నాను కొత్త ఆడ్ర మిజి సీజన. మీరు ఒరెన్ మరి ఒరెన్ వన్ని వెట ప్రేమిన్ అ, ఇజి. నాను మిజి ప్రేమిస్తిలెకెండె మీరు బా ఒరెన్ వన్ని వెట ఒరెన్ ప్రేమిస్టెజ్ వలె.

35 మీరు ఒరెన్ వన్ని వెట ఒరెన్ ప్రేమిస్తిజ, మీరు నా సిసూర్ ఇజి లోకుర్ విజెరె నెస్సాన్.

36 అయావలె సిమాన్ పేతురు, “ప్రబువా, నీను ఎంబె సొన్ సిని?” , ఇజి వెన్ బాతాన్. వెన్ బాతిజ్ యేను, “నాను ఏలు సొని బాడిడు నీను ఏలు వాదెజ్ అట్ ఇ. గాని వెన్కా వానిలె”, ఇజి వెప్సాన్

37 అందెజి పేతురు, “ప్రబువా, ఎందానిజ్ నాను ఏలు మీ వెట వాదెజ్ అట్ ఇ. నీ వందిజ్ సాదెజ్ బా నాను తయార్ నె”, ఇజి వెప్సాన్.

38 అందెజి యేను, “నా వందిజ్ సాదెజ్ బా నీను నిజం తయార్ నెనా? కొరు కెరెని ముజాలె, “నీను నజీ నెన్ ఏ” ఇజి ముసార్ వెప్సాన్”, ఇజి వెప్సాన్.

14

యేను వన్ని సిసూరిజ్ దయేరం సీజనాన్

1 యేను మరిబా వన్ని సిసూరిజ్ వెప్సానాన్, “మీ మన్నురు తియెల్ ఆజి బాద అమాట్. దేవుణు మున్ను నమకం ఇడ్డిదెర్. నా మున్నుబా నమకం ఇడ్డిదు.

2 పరలోకమదు నా బుబ్బు ఇండ్రె నండె గదిజ్ మనె. అయ లెకెండె సిల్లెండె మహిజ, నాను మిజి వెప్తా మరి. మిజి ఉండ్రె బాడిజ్ తయార్ కిదెజ్ నాను అబ్బె సొన్సిన్.

3 నాను సొన్సి మిజి ఉండ్రె బాడ్డి తయార్ కితి వెనుక, నాను మరజివాజి నావెట నాను మంజినిబాన్ మీరుబా మండ్రెజ్, కూక్కు ఒనాలె.

4 నాను సొన్సిని బాడిడు సొండ్రెజ్ సరి మీరు నెస్సిదెర్”, ఇజి వెప్సాన్.

బుబ్బుడగు సొండ్రెజ్ నానెసరి ఇజి వెప్సానాన్

5 అయావలె తోమా వన్నిజ్, “ప్రబువా, నీను ఎంబె సొన్సిని ఇజి మాపు నెన్ ఏవ్. అందెజి సరి మాపు ఎలాగ నెస్టెజ్ అనావ్?”, ఇజి వెప్సాన్.

6 అందెజి యేను వన్నిజ్, “నానె బుబ్బు డగు సొండ్రెజ్ సరి. నానె బుబ్బు వందిజ్ నిజమాతికెజ్ తోరిసి నెన్ పిస్సాన్. నానె ఎలాకాలం దేవుణు వెట బత్తిని బత్తు సీనికాన్. నా వెటనె లోకుర్ విజెరె బుబ్బుడగు సొనార్.

7 నాను ఎయెన్ ఇజి మీరు నెస్తి మహిదెర్ ఇహిజ, నా బుబ్బు ఎయెన్ ఇజిబా మీరు నెస్సిదెర్ మరి. ఏలుదాన్ మీరు వన్నిజ్ నెస్తి మనిదెర్, నుడితి మనిదెర్”, ఇజి వెప్సాన్.

8 నస్తివలె పిలిపు, “ప్రబువా, బుబ్బెజ్ మజి తోరిన్ అ. ఆకాదె మజి సాలు”, ఇజి వన్నిజ్ వెప్సాన్.

9 అందెజి యేను వన్నిజ్, నాను నిసా కాలం మీ వెట మహ. మహిజ్ బా నీను నజీ నెన్ ఇదా పిలిపు? నజీ నుడితికాన్ ఎయెన్ బా నా బుబ్బెజ్ నుడిత మనాన్. అయావలె బుబ్బెజ్ మజి తోరిన్ అ ఇజి ఎలాగ నీను వెప్తాజ్ అట్ సిని?

10 నాను నా బుబ్బు వెట కూడిత మన. బుబ్బు నా వెట కూడిత మనాన్ ఇజి నీను నమ ఇదా? నాను మీ వెట వెప్సాని మాట్ బా సొంత మాట్ బా ఆజ్. గాని నా వెట కూడితి మన్ని బుబ్బు బాటిజ్ మాతికెజి అయొకెజ్. వాండ్రు వన్ని పణిజ్ నావెట కిబిసినాన్.

11 నాను నా బుబ్బు వెట కూడిత మన, బుబ్బు నా వెట కూడిత మనాన్ ఇజి నాను వెప్సానిక మీరు నమ్మిదు. సీలిజ, నాను కిజిని విజా బమ్మ అని పణిజి నుడిజి అయొక నమ్మిదు.

12 నాను నా బుబ్బు డగు సొన్సిన్. అందెజి నజీ నిజం నమ్మితికాన్, నాను కిజిని బమ్మ అని పణిజి వాండ్రు బా కినాన్. ఒఒ, దనిజ్ ఇంక లాపు పణిజ్ వాండ్రు కినాన్ ఇజి మీ వెట నిజం ఇక వెప్సాన్.

13 నా ఇస్టమదిజ్ కూడితి మన్ని ఇనికబా మీరు లొస్తిజ, నాను అయొక కిన్. బుబ్బు గొప్ప పెరికాన్ ఇజి లోకురిజ్ తోరిస్టెజ్, మరిసి అతి నాను అయొక కిన్.

14 నా ఇస్టమదిజ్ కూడితి మన్ని ఇనికబా మీరు లొస్తిజ, నాను అయొక కిన్.

15 మీరు నజీ ప్రేమిస్తిజ, నా ఆడ్రెజ్ మీరు వెనిదెర్.

16 నాను బుబ్బెజ్ లొస్తి. మీ వెట ఎలాకాలం మండ్రెజ్ మరి ఒరెన్ తోడుః మంజిని వన్నిజ్ బుబ్బు మిజి సీనాన్.

17 వాండ్రు దేవుణు బాటిజ్ నిజమాతికెజ్ వెప్సాని దేవుణు ఆత్మ. క్రీస్తుజ్ నమ్మి ఇకార్ ఒరెన్ తోడుః మంజిని వన్నిజ్ పజి వన్నిజ్ డగు కిదెజ్ అట్ ఏర్. ఎందనిజ్ ఇహిజ, వారు వన్నిజ్ రెబావెర్. వన్నిజ్ నెన్ ఏర్. గాని మీరు వన్నిజ్ నెస్సిదెర్. ఎందానిజ్ ఇహిజ, వాండ్రు మీ వెట మంజినాన్. మీ లొక మంజినాన్.

18 నాను మిజి డీని సొనివలె, మిజి దిక్కు సీలి వరి లెకెండె డీని. నాను మరజి మీ డగు వానాలె.

19 నెగం కాలం వెన్కా, నజీ నమ్మి ఇకార్ నజీ మరి తొవలె. గాని మీరు నజీ నూజిదెర్. నాను బత్తిజన. అందెజి మీరుబా బత్తినిదెర్.

20 నాను నా బుబ్బువెట కూడిత మన్ను, మీరు నా వెట కూడితి మనిదెర్. నాను మీ వెట కూడిత మన ఇజి దేవుణు ఆత్మ మీ నడిమి మండ్రెజ్ వాని దినమదు మీరు నెస్సిదెర్.

21 నా ఆడ్రెక్ వెంజి అయావజ కినికాన్ నజీ ప్రేమిస్సికాన్. నజీ ప్రేమిస్సి వన్నిజ్ నా బుబ్బు ప్రేమిస్సాన్. నాను వన్నిజ్ ప్రేమిసి వన్నిజ్ తోరె ఆన్, ఇజి యేనువెహ్సాన్.

22 నస్తివలె ఇస్కరియోతు యూద ఆజ మరి ఒరెన్ యుద, “ప్రబువా నీను లోకురిజ్ విజెరిజ్ తోరె ఆవిండ, ఎలాగ నీను మజీ తోరె ఆనిలె?”, ఇజి వెన్ బాతాన్.

23 అందెజె యేను, “ఒరెన్ నజీ ప్రేమిస్తిజ, వాండ్రు నా మాటెజ్ వినాన్. అయావలె నా బుబ్బు వన్నిజ్ ప్రేమిస్సాన్. నా బుబ్బుని నాను వన్నిడగ్రు వాజి వన్నివెట మంజినావ్.

24 నజీ ప్రేమిస్తికాన్, నా మాటెజ్ వినవిన. మీరు వెంజిని యా మాటెజ్ నా సొంత మాటెజ్ ఆఉ. నజీ పోక్తి నా బుబ్బువినె.

25 నాను మీవెట మంజినె యా మాటెజ్ వెహ్తా మన్ను.

26 నా బుబ్బు, నా బదులు తోడూ మంజిని వన్నిజ్ ఇహిజ, దేవుణు ఆత్మదిజ్ పోక్తివెలె, వాండ్రు మిజీ దేవుణు వందిజ్ విజు నజితిజ్ నెన్ పిస్సాన్. నాను మిజీ వెహ్తా విజు వన్మాజ్ ఎత్తు కిబిసి మంజినాన్.

27 నాను మిజీ డేసి సొన్సిన్. గాని మీరు సమాదన మదాన్ మంజినిదెరె. అయా సమాదనం నా బాణిజ్ వాజినాన్. నజీ నమ్మి ఇ లోకురిజ్ మన్ని సమాదనం ననికాదె ఆవిదనా బాణిజ్ వాజనికాదె. మీ మన్నుదు విసారిసి బాద ఆమాట్. మీరు తియెల్ ఆమాట్.

28 ‘నాను సొన్సిన్. మరెజి మీ డగ్రు వానాల’, ఇజి నాను వెహ్తా మాట మీరు విహిదెరె. నా బుబ్బు నజీ ఇంక పెరికాన్. అందెజె మీరు నజీ నిజం ప్రేమిస్తిజ, వీండ్రు బుబ్బు డగ్రు సొన్సిన్ నాన్ ఇజి సరద ఆజినిదెరె.

29 యాకెజ్ జర్గినివలె, నాను వెహ్తాకెజ్ నిజం ఇజి మీరు నమ్మిని వందిజె, అయాకెజ్ జర్గిని ముజాల, ఇయెలె నాను మిజీ వెహ్తా మన్ను.

30 మరి నండో నమయం మీ వెట వర్గిదిజ్ నాను అట్వలె. ఎందానిజ్ ఇహిజ, యా లోకమ్ది అతికారి ఆతి నయ్తాను వాజినాన్. నా మున్ను, వన్నిజ్ ఇన్ని అతికారం సిల్లెదె.

31 గాని, నాను నా బుబ్బుజ్ ప్రేమిస్తి. అందెజె వాండ్రు వెహ్సినికెజ్ విజు అయావజ నాను కిజిన్ ఇజి లోకమ్దికారె నెస్సెజ్ వలె. రదు, ఇబ్బెణిజ్ సొనాట్”, ఇజి వెహ్సాన్.

15

1 నాను నిజమాతి ద్రాక్టబడ్డదిజ్ మొదెల్. నా బుబ్బు పణికినికాన్.

2 నా వెట కూడితి మన్ని పట్టు అన్ ఇ విజు కొనెజ్ వాండ్రు కత్తనాన్. పట్టు అన్ విజు కొనెజ్, మరి నండో పట్టు అన్ వందిజ్ తెహ్సాన్.

3 నాను మీవెట వెహ్తా మాటెజ్, మీ పావమకాణిజ్ నుబ్బరం కిత్తె మనె.

4 నాను మీ వెట కూడిజి మంజినిలెకెండో మీరు నా వెట కూడిజిని మండ్రు. ఇన్ని కొనెజ్ బా బడ్డదు మన్ విండ మహిజ, అవి పట్టు అన్ ఉ. పట్టు అస్సెజిహిజ, అవి బడ్డదు మండ్రెజ్ వలె. అయాలెకెండో, నా వెట కూడితి మహిజనె, మీరు పట్టు అన్ వందెరె.

5 నాను ద్రాక్టబడ్డదిజ్ మొదెల్. మీరు కొనెజ్. ఎయెన్ బా నా వెట కూడిజి మంజి, నాను వన్ని వెట కూడితి మహిజ, వాండ్రు నండో పట్టు అస్సాన్. నాను సిల్లెండ, నజీ ఇస్సం ఆతి నెగ్గెకెజ్ ఇనికెజ్ బా మీరు కిదిజ్ అట్ ఇదెరె.

6 వెల్లె విస్త్రి ఉండ్రె కొన వహ్తా లెకెండ, నా వెట కూడిజి మన్ ఇకాన్ మనాన్. వాండ్రు వెల్లె ఆజి పహ్సాన్. నన్ని కొనెజ, లోకుర్ కుంబ కిజి సుర్ నార్. ఆకెజ్ వెయెన్.

7 మీరు నా వెట కూడిజిని మంజి నాను వెహ్తాకెజ్ మీ లోజ మహిజ, ఇనికబా మీరు దేవుణుదిజ్ లోస్సు. వాండ్రు అయాక మిజీ సీనాన్.

8 మీరు నండో పట్టు అని ఆహె నా సిసూర ఇజి తోరె ఆతిజ, నా బుబ్బు గొప్ప పెరికాన్ ఇజి లోకురిజ్ తోరిసినిదెరె.

9 నా బుబ్బు నజీ ప్రేమిస్తి లెకెండ, నాను మిజీ ప్రేమిస్తి. నాను మిజీ ప్రేమిస్తి వందిజ్, నా వెట కూడిజిని మండ్రు.

10 నాను నా బుబ్బు వెహ్తా ఆడ్రెక్ లోజెజ్ మన. వాండ్రు నజీ ప్రేమిస్సాన్. అయాలెకెండో మీరు నాను వెహ్తా ఆడ్రెక్ లోజెజిజ, నాను మిజీ ప్రేమిస్తిని మంజినె.

11 నజీ మన్ని సరద మిజి బా మండ్రెజ్, మీ సరద పూర్తి అదెజ్, ముజాలె వెహ్తా యా మాటెజ్ నాను మిజీ వెహ్తా మన్ను.

12 నాను మిజీ ప్రేమిస్తివజ, మీరు ఒరెన్ వన్ని వెట ఒరెన్ ప్రేమిస్తి మండ్రు ఇజినె నా ఆడ్రె.

13 ఒరెన్ వన్ని కూలెజ వందిజ్ వన్ని సొంత పాణం సీనికాదె నండో ప్రేమ. దిని ఇంక మిస్తి మరి ప్రేమ సిల్లెదె.

14 నాను ఆడ్రె సతిక మీరు కితిజ, మీరు నా కూలెజె.

15 ఒరెన్ పణికినికాన్, వన్ని ఎజుమాని కిని పణిజ్ నెన్ ఎన్. అందెజె నాను మరి ఎనెజ్ మిజీ పణికినికారె ఇజి కూక్వ, గాని కూలెజ్ ఇజి కూక్వ మన. ఎందనిజ్ ఇహిజ, నాను నా బుబ్బు బాణిజ్ విహికెజ్ విజు మిజీ వెహ్తా మన్ను.

16 మీరు నజీ వీరపాటు కిజెదె. గాని నాను మిజీ వీరపాటు కిత్తె. పట్టు అన్ విజు, మీరు సొన్ని లోకురిజ్ నువార్త వెహ్సి దేవుణు దరోక్ మహ్సి తని వందిజె నాను మిజీ వీరపాటు కితానె పోక్తిన్. మీరు అన్ పట్టు ఎలాకాలం మంజినాన్. అయావలె మీరు నా ఇస్సమదిజ్ కూడితి మన్ని ఇనికబా బుబ్బుజ్ లోస్సిజ, వాండ్రు సీనాన్.

17 మీరు ఒరెన్ వన్నివెట ఒరెన్ ప్రేమిస్తిజ ఇజినె నాను సీజిని ఆడ్రె.

18 యా లోకమ్దు మన్ని దేవుణుదిజ్ దూసిస్సికారె, మిజీ దూసిస్సిజ, మీరు ఒడిబిదు వారు మిజీ దూసిస్సి ముజాలె నజీ దూసిస్సార్ ఇజి.

19 మీరు యా లోకమేదు మన్ని దేవుణుడిజ్ దూసిన్ని వరిలోఇ మన్నికిదెర్ ఇహిజ, వరి సొంత లోకుర్వజ వారు మిజి ప్రేమిస్తారే మరి. గాని నాను వరి లెకెండ్ మీరు మనెంండ, మిజి ఎర్లిస్త. అయావలి, మీరు వరి లోఇ మన్నికిదెర్ ఆఇదెర్. అందెజె వారు మిజి దూసినినార.

20 ఎమేణి పణిమణినినా వన్ని ఎజుచూని మున్ను పెరికాన్ ఆవన్*, ఇజ నాను వెహ్సా మాట మీరు ఎత్తు కిదు. వారు నజి హిమ్మెజ్ కితార్ ఇహిజ, మిజి బా హిమ్మెజ్ కినార్. వారు నా మాటెజ్ లోజితార్ ఇహిజ, మీ మాటెజ్ బా లోజినార్.

21 మీరు నజి నమ్మితి వందిజ్ వారు యా లెకెండ్ విజు మిజి కినార్. ఎందానిజ్ ఇహిజ, వారు నజి పోక్తి వన్నిజ్ నెన్వెర్.

22 నాను వాజి దేవుణు వందిజ్ నిజమాతికెజ్ వరిజ్ వెహ్సా వందిజ్ మంజునిక ఇహిజ, వారు పాపమేకు కితార్ ఇజ దేవుణు వరిజ్ నుడూవితాన్ మరి. అహిజ, ఏలు వారు వరి పాపమేకాణిజ్ తన్న ఆదెజ్ అటేవెర్. ఎందానిజ్ ఇహిజ, నాను వరిజ్ వెహ్సా మన్ను.

23 నజి దూసిన్నికాన్నా బుబ్బెజ్ దూసినినాన్.

24 ఎయెన్బా కిఇ బమ్మిని పణిజ్ నాను వరి నడిమి కిందిజ్ మంజునిక ఇహిజ, వారు పాపమేకు కితార్ ఇజ దేవుణు వరిజ్ నుడూవితాన్ మరి. గాని ఏలు వారు యా బమ్మి ఆని పణిజ్ నుడూత మనార్. అహిజబా, నజి ని నా బుబ్బెజ్ వారు దూసిన్త మనార్.

25 'ఇని కారణంబా సిల్లెండ్ వారు నజి దూసిస్తారే', ఇజ దేవుణు మాటదు రాస్తి మన్ని మాట పూర్తి అదెజె యా లెకెండ్ వారు కిజినార్.

26 నాను మీ డగ్గు తోడూ మంజుని వన్నిజ్ ఇహిజ, దేవుణుబాణిజ్ నిజమాతికెజ్ వెహ్సా తోరిస్సి దేవుణు ఆత్మెజ్ పోక్తి. వాండ్రు బుబ్బి బాణిజ్ మీ డగ్గు వానాన్. అయావలి నా వందిజ్ విజు వాండ్రు వెహ్సాన్.

27 నాను సేవ మొదలెస్సి బాణిజ్ మీరు నావెట మనిదెర్. అందెజె మీరు బా నా వందిజ్ విజెరిజ్ వెహ్సాజ్వలి.

16

1 "మిజి ఇమనెజ్ కినివలి, మీరు నమకం దాన్డిసెంపిండ్ మంజుని వందిజె, మిజి దూసిన్నికార్ కిని సజతిజ వందిజ్ నాను వెహ్సా."

2 వారు మిజి యూదురి మీటిజెకల్యాణిజ్వెల్లి కినార్. మిజి సమ్మికాన్ఎయెన్బా, వాండ్రు దేవుణుడిజ్ సర్ల కిజున ఇజ ఒడిజిబిని కాలం వాజినె.

3 వారు నన్నుకెజ్ కినార్. ఎందనిజ్ఇహిజ, బుబ్బెజ్నొ నజినొ నెన్వెర్.

4 అయ కాలం వానివలి, నాను దినివందిజ్ వెహ్సా మన ఇజ మీరు ఎత్తుకిని వందిజ్ నాను యాక మీ వెట వెహ్సా మన. నాను యాకెజ్ ముజాలె మిజి వెహ్సాజ్సెలి. ఎందానిజ్ఇహిజ, నాను మీవెట మహా*."

దేవుణు ఆత్మ కిని పణిజ్

5 "ఏలు నాను నజి పోక్తి వన్ని డగ్గు సొన్సిన. గాని మీ లోఇ ఎయెన్బా. 'నీను ఎంబె నాస్సిని?', ఇజ నజి వెన్బాఇదెర్".

6 నాను యా సజతిజ్ మిజి వెహ్సా మనిజ్, మీ మున్నును దుకమదాన్ నిండ్రిత మనాద్.

7 గాని నాను నిజం మీ వెట వెహ్సాన్, మిజి మేలు వాని వందిజె నాను సొన్సిన. నాను సొన్విండ్ మహిజ, తోడూ మంజునికాన్ మీ డగ్గు రెవెన్. గాని నాను సొహిజ, నాను వన్నిజ్ మీ డగ్గు పోక్తి.

8 వాండ్రు వాజి, దేవుణుడిజ్ నమ్మిఇవరిజ్ పాపం ఇహిజ ఇన్నిక ఇజ, నాను నీతి నిజాయితి మన్నికాన్ ఇజ, దేవుణు సీని ఎలాకాలం మన్ని సిక్కు ఇన్నిక ఇజ కసితం వెహ్సా తోరిస్సాన్.

9 వారు పాపం కిత్తమనార్ ఇజ వాండ్రు కసితం వెహ్సా తోరిస్సాన్. ఎందానిజ్ఇహిజ, వారు నజి నమ్మివెర్.

10 నాను నీతి నిజాయితి మన్నికాన్ఇజ వాండ్రు కసితం వెహ్సా తోరిస్సాన్. ఎందనిజ్ఇహిజ, నాను నా బుబ్బి డగ్గు సొన్సిన. మీరు నజి మరి తోఇదెర్.

11 దేవుణు సీని ఎలాకాలం మన్ని సిక్కు ఇన్నిక ఇజ వరిజ్ కసితం వెహ్సా తోరిస్సాన్. ఎందానిజ్ ఇహిజ, దేవుణుడిజ్ నమ్మిఇ వరి మున్ను అతికారం కిని నయ్తానుజ్, దేవుణు ఎలాకాలం మన్ని సిక్కు సీత్తమనాన్.

12 'నజి మరి నండ్ మిజి వెహ్సాజ్మనాద్, గాని ఏలు మీరు నసా అర్దం కిదెజ్ అటేఇదెర్.

13 గాని దేవుణు వందిజ్ నిజమాతికెజ్ నెన్పిస్సి దేవుణు అత్మ వానివలి, వాండ్రు దేవుణు బాణిజ్ వాజిని విజు నిజమాతికెజ్ మీరు నెన్పెజ్ మిజి నడిపినినాన్. వాండ్రు వన్ని సొంతదిక ఇనికబా వెహ్సాన్. గాని బుబ్బి వెహ్సానికెజ్వెంజి మిజి వెహ్సాన్. వాండ్రు జగ్గిని వన్యాజ్ వందిజ్ మిజి వెహ్సాన్.

14 నాను వెహ్సాని నిజమాతికెజ్ వెంజి, అయాక మిజి వెహ్సాన్. అయ లెకెండ్ నాను గొన్ను పెరికాన్ ఇజ మిజి తోరిస్సాన్.

15 బుబ్బెజ్ మన్నికెజ్ విజు నాదెని. అందెజె నాను వెహ్సా, నాను వెహ్సాని నిజమాతికెజ్ వాండ్రు వెంజి, అయాక మిజి వెహ్సాన్ ఇజ.

16 సిగం రోస్సు వెన్యా, నాను సొన. మీరు నజి మరి తోఇదెర్. మరి సిగం రోస్సు వెన్యా, మీరు నజి నూణెదెర్".

17 వన్ని సినూర్ లోఇ సెగెండార్ ఒరెన్ వెట ఒరెన్ ఈహు వెహ్సాన్, "సెగం కాలం వెన్యా మీరు నజి తోఇదెర్. మరి సెగం కాలం వెన్యా మీరు నజి నూణెదెర్. నాను నా బుబ్బి డగ్గు సొన్సిన. అందెజె మీరు నజి తోఇదెర్", ఇజ వాండ్రు వెహ్సాని తరదం అర్దం ఇనిక? ఇజ.

18 " 'సిగం కాలం' ఇజ వాండ్రు వెహ్సాని దని అర్దం ఇన్నిక? వాండ్రు వెహ్సాని దనిజ్ మిజి అర్దం రెంపిండ్ ఆజనాద్", ఇజ మరి వర్గిజని మహార్.

* 15:20 15:20 13:16 నుడూదు

19 దినివందికవారు వచ్చిజే వెనబాదెక్ కోరిజనార్ ఇజ యేను నెస్తాండ్రై, ఈహు వరిజే వెప్పినాన్, “నెగం కాలం వెన్యా మీరు నజీ తోఇదెర్. మరి నెగం కాలం వెన్యా మీరు నజీ నూణిదెర్, ఇజ నాను వెప్తా దని అర్తం ఇన్నిక ఇజనా మీరు ఒరెనదిజ్ ఒరెన్ వెనబాజనిదెర్?

20 మీరు దుకం కిజ అడఃబానిదెర్ గాని దేవుణుదిజ్ దూసిస్సికార్ సరద ఆనార్. మీరు దుకం కినిదెర్ గాని మీ దుకం వెనుక సరదమనాద్ ఇజ నాను మీ వెట నిజం వెప్పినాన్.

21 ఉండ్రై బోదెలి ఏరుకబదెక్ నోపిదిజ్ అడఃబానాద్. ఎందానిజ్ ఇహిజ, దనిజ్ నెగెండ్ అదెక్ కాలం అతాద్. గాని దన్నికొడోః పుట్టిజ, లోకమదు ఒరెన్ పుట్టాన్ ఇజ సరదదాన్ అయా బాదెక్ అది ఎత్తు కివద్.

22 అయాలెకెండె మిజి బా. మీరు ఏలు దుకం అనిదెర్. గాని నాను మరజి వానివలె మిజి మరి నూణ. అయావలె మీరు సరద అనిదెర్. అయా సరద ఎయెనబా మీ బాణిజ్ లాగ్ దెక్ అట్ ఎన్.

23 నాను నిజితి సాహి వెన్యా, మీరు ఇనికబా నెన్జెనజీ వెనబాఇదెర్. ఎందానిజ్ ఇహిజ, దేవుణు అత్తు మిజి నెన్ పిస్సాన్. నా ఇష్టమదిజ్ కూడితి మన్నికెజ్ ఇన్నికబా మీరు బుట్టెజ్ లోస్సిజ, వాండ్రు అయాక సీనాన్, ఇజ నాను నిజం మీ వెట వెప్పినాన్.

24 ఏలుదాక నా ఇష్టమదిజ్ కూడితి మన్నికెజ్ ఇన్నికబా లోన్ ఇతిదెర్. మీ సరద పూర్తి అని వందిజ్ లోస్సు. మిజి దోవ్కానాద్.

25 నాను మిజి కతవజ యా సజతిజ్ నెన్ పిస్సాన్ మన. గాని కతవజ నెన్ పిస్సాన్ ఏండ, బుట్టు వందిజ్ మిజి టెట అర్తం అనిలెకెండె వెప్పి కాలం వాజినాద్.

26 అయా కాలమదు, నా ఇష్టమదిజ్ కూడితి మన్నికెజ్ మీరు లోస్సిదెర్. మీరు లోస్సికెజ్ వరిజి సీత ఇజ బుట్టెజ్ వెప్పా ఇజ నాను వెహివ.

27 ఎందానిజ్ ఇహిజ, బుట్టునె మిజి నండో ప్రేమిస్సాన్. మీరు నజీ ప్రేమిస్సిదెర్. నాను బుట్టు బాణిజ్ వాత ఇజ మీరు నమిజనిదెర్. అందెజి వాండ్రు మిజి నండో ప్రేమిస్సాన్.

28 నాను బుట్టు బాణిజి యా లోకమదు వాత. ఏలు నాను యా లోకం డిసి మరజి బుట్టు డగ్రు సాస్సాన్”.

29 నెస్సవలె వన్ని సీసూర్, “ఇదిలో, వానివలె నీను కత లెకెండె ఆవిండ, అర్తం అని లెకెండె వెప్పినాన్.

30 నీను విజు నెస్సికి ఇజ ఏలు మాపు నెనీనావ్. ఎయెర్ బా నిజీ వెనబా ఏండ ముజాలె, వారు ఒడఃబిజనికెజ్ నీను నెనీని ఇజ మాపు నెనీనావ్. అందెజి నీను దేవుణు బణిజ్ వాతికి ఇజ మాపు నమ్మిజినావ్”, ఇజ వెప్కొర్.

31 అందెజి యేను, “మీరు ఏలు నమిజనిదెరా?

32 ఇదిలో, మీరు మీ ఇల్లాజ్ నెద్రిజి సాని కాలం వాజినాద్. అయాక ఏలె వాత మనాద్. మీరు నజీ డిసి సానిదెర్లె. నాను ఒరెనె ఆన. గాని నాను ఒరెన్ ఆవ. నా బుట్టు నావెట మనాన్.

33 మీరు నా వెట కూడితి మన్నిదెర్. అందెజి మీరు సమాదనం దాన్ మండ్రెజ్ నాను యా సజతిజ్ మిజి వెప్కొ మన. యా లోకమదు మిజి కష్టమకు బాదెక్ మనె. గాని దయెరమదాన్ మండ్రు. నాను యా లోకమదు మన్ని దేవుణుదిజ్ దూసిస్సివరిజ్ గెలన్ మన్సు.

17

యేను వన్నివందిజ్ పార్లనం కిజినాన్

1 యా మాటెజ్ వెప్పి వీస్టాండ్రై, యేను మున్సు, పరలోకం దరోట్ బేసి ఈహు పార్లనం కిజినాన్. “ఓ బా, నాను సాదెక్ నీను వీర్ పాటుకితి కాలండ్రు అత మనాద్. నీను గొప్పపెరికి ఇజ నీ మరెన్ అత్తి నాను తోరిస్సి వందిజ్ నీ మరెన్ అత్తి నాను గొప్పపెరికాన్ ఇజ నీను తోరిన్ అ.

2 నీను నజీ సీతిలోకుర్ విజెరిజ్ ఎలాకాలం దేవుణువెట బత్తినిబత్తు. నాను సీనివందిజ్, నీను లోకుర్ విజెరె మున్సు నజీ అతికారం సీత్తి.

3 ఒరెండ్రై నిజమాతి దేవుణు అతి నిజిని, నీను యా లోకమదు పోక్తి యేను క్రీస్తుజ్ నెస్సిజనె ఎలాకాలం దేవుణువెట బత్తినిబత్తు. మనాద్.

4 నాను కిదెక్ ఇజ నీను నజీ సీత్తి వణివిజు నాను పూర్తి కిజి నీను గొప్పపెరికి ఇజ బామిమున్సు. నాను తోరిస్స.

5 ఏలు ఓ బా, లోకం నీను పుటిస్సి ముజాలె నివెట నాను మహివలె నజీ గవేరం కితిలెకెండె, ఏలు నీ ఎద్దు నజీ గవేరం కితి.

యేను సినూర్ వందిజ్ పార్లనం కిజినాన్.

6 నీను నజీ సీతివరిజ్ నాను నీ వందిజ్ వెప్పి తోరిసి నెస్సిన్సు. వీరు దేవుణుదిజ్ దూసిస్సి ననికార్ ఆవిర్. వీరు నీ వారు. నీను వరిజ్ నజీ సీతి. నీ మాటెజ్ వారు లోజితార్.

7 నీను నజీ సీతి విజు సీబాణిజ్ వాతెమనె ఇజ ఏలు వారు నెస్టార్.

8 ఎందానిజ్ ఇహిజ, నీను నజీ సీతి మాటెజ్ నాను వరిజ్ సీత. వారు అయకెజ్ నమ్మితార్. నాను నీ బాణిజ్ వాతికాన్ ఇజ వారు అనుమానం సీల్లెండ నెస్టార్. నీనె నజీపోక్తి ఇజ వారు నమ్మిత మనార్.

9 నాను యా సినూర్ వందిజ్ పార్లనం కిజిన. యా లోకమది లోకుర్ విజెరె వందిజ్ నాను పార్లనం కివి. గాని నీను నజీ సీతి విరివందిజ్ పార్లనం కిజిన. ఎందానిజ్ ఇహిజ, వీరు నీ వారు.

10 నా వారు విజెరె నీ వారు. నీ వారు విజెరె నా వారు. అయలెకెండె వారు బత్తినారె, నాను గొప్పపెరికాన్ ఇజ వారు తోరిసినార్.

11 ఏలు నాను నీ డగ్రు వాజిన. నాను మరి యా లోకమదు మన్వి. గాని వీరు ఇట్టె మంజినార్. ఓ నెగ్గి బుట్టు, మాటు ఉండ్రై అతి లెకెండె వీరుబా ఉండ్రై అదెజ్, నీను నజీ సీతి సత్తుదాన్ వరిజ్ కాపాడె అ.

12 నాను యా లోకమీదు వరి వెట మహివలె, నీను నజీ సీతి సత్తుదాన్ వరిజ్ కాపాడఱత. నాను వరిజ్ నెగ్రెండ తప్తిసి మహా. వరి లోఇ ఎలకాలం నాననం ఆదెజ్ మన్నికాన్ ఆవిండ్, మహికార్ విజెరి ఎలకాలం నాననం ఆవతార్. దేవుణు మాటదు రాస్తి మనికెజ్ పూర్తి ఆదెజ్ యాకెజ్ విజు జగ్గిదెజ్ వలె.

13 నాను ఏటు నీ డగ్గు వాజన. నజీ మన్ని సరద వరి మన్నుదుబా నిండ్రు మంజని వందిజె, నాను యా లోకమీదు మన్నివలెనె యా నజతిజ్ వెప్పొన.

14 నాను వరిజ్ నీ మాటెజ్ సీత మన్ను. యా లోకమీదు మన్ని దేవుణుదిజ్ దూసిస్సికార్ వరిజ్ దూసిస్సార్. ఎందానిజ్ ఇహిజు, నాను లోకమీదికాన్ ఆఇలెకెండ, వారు బా లోకమీదికార్ ఆవిర్.

15 నీను వరిజ్ యా లోకమీదాన్ ఒఆ ఇజు నాను పార్లనం కీవి గాని సయ్యూను బాణిజ్ వరిజ్ కాపాడఱత ఇజనె పార్లనం కిజన.

16 నాను లోకమీదికాన్ ఆఇలెకెండ, వారు బా లోకమీదికార్ ఆవిర్.

17 నీ నిజమాతి మాటెజ్ నెనపిసి, వారు దేవుణువందిజ్ కేట ఆతిలెకెండ వరిజ్ ఇడఱత. నీ మాటెజ్ నిజమాతి మాటెజ్.

18 నీను నజీ యా లోకమీదు పోక్తి లెకెండ, నాను వరిజ్ లోకమీదు పోక్తి.

19 నిజమాతి మాట నెనె వారు వరిజె నీ కీదు ఒవజెప్పిని వందిజ్, నాను వరి వందిజ్ నీ కీదు ఒవజెవె ఆజన.

యేసు దేవుణుదిజ్ నమ్మితివరిజ్ విజెరివందిజ్ పార్లనం కిజనాన్

20-21 ఓ బా, నాను కిజని పార్లనం వరి వందిజె ఆవి. వరి మాటెజ్ వెంజి నమ్మిదెజ్ మన్ని వరిజ్ విజెరి వందిజ్ నాను పార్లనం కిజన. ఎందానిజ్ ఇహిజు, నీను నా వెట కూడఱజు మంజని లెకెండ, నాను నీ వెట కూడఱజు మంజని లెకెండ వారు విజెరి ఉండ్రె ఆదెజ్. నీను నజీ పోక్తి మన్ని ఇజి లోకమీది లోకుర్ విజెరి నమ్మినివందిజ్ వారు మావెట కూడఱజు మనీర్.

22 నాను వెరికాన్ ఇజి నీను నజీ గవేరం నాను వరిజ్ సీత మన. మాటు ఉండ్రె ఆతి లెకెండ వారు బా ఉండ్రె ఆదెజె నాను సీత.

23 వారు పూర్తి ఉండ్రె ఆవివందిజ్ నాను వరివెట కూడఱత మన. నీను నా వెట కూడఱతి మన్ని. నీను నజీ పోక్తి ఇజి, నీను నజీ ప్రేమిస్సి లెకెండవరిజ్ బా ప్రేమిస్సి ఇజి లోకుర్ విజెరి నెస్సి వందిజ్ వారు ఉండ్రె ఆదెజ్.

24 ఓ బా, నీను వరిజ్ నజీ సీతి. అందెజె నాను మంజని బాన్ వారుబా మండ్రెజ్ ఇజి నాను కోరిజన. ఎందానిజ్ ఇహిజు, నాను గొప్ప వెరికాన్ ఇజి నీను నజీ సీతి గవేరం వారు నుడఱదెజె. లోకం పుటెన్ వింపడ ముజాల, నీను నజీ ప్రేమిస్తి. అందెజె నీను నజీ అయా గవేరం సీతి.

25 నీతి నిజాయతి మన్ని బుబ్బు, లోకమీది లోకుర్ నిజి నెనెవర్. గాని నాను నెస్సు. నీను నజీ పోక్తి ఇజి వీరు నెనెనార్.

26 నాను వరి వెట కూడఱజు మంజని వందిజ్, నీను నజీ ప్రేమిస్తి లెకెండ, వారు బా మహివరిజ్ ప్రేమిస్తివందిజ్ నాను నీ వందిజ్ వరిజ్ నెనెపిస్త మన. నెనెపిసెనె మంజన.

18

యేసుజ్ అరెస్టు కిజనార్

1 యేసు పార్లనం వీస్తి వెన్కా, వన్ని సినూర్ వెట సోతాండ్రె, కెర్టెన్ ఇని జోరడాట్టి సాహాన్. అబ్బె ఉండ్రె టోట మహాద్. వాండ్రుని వన్నిసినూర్ అయా టోటాదు సాహాన్.

2 నండో నుటు, యేసుని వన్నిసినూర్ అబ్బె కూడఱజు మహార్. అందెజె యేసు అయా టోటాదు మంజనాన్ లె ఇజి యూద నెస్సాన్. వీండ్రె యేసుజ్ యుదురి అదికారిజు కీదు ఒవజెప్పికాన్.

3 అందెజె యూద అబె బాతాన్. వెరి పుజెరిజు పరిసయేరు పోక్తి నెగెండార్ దేవుణు గుడిది జమాణెణు, మరి రోమ సయేనమేది నెగెండారిజు బా వన్ని వెట కూక్త త్తాన్. వారు సీను బొద్దు, లాందెరిజు, కూణమకు అస్త మహార్.

4 యేసు వన్ని మున్ను, వానికెజ్ విజు నెనెనె, వాండ్రు సోతాండ్రె వరిజ్, “మీరు ఎయెరిజ్ రెబానిదెర్?”, ఇజి వెన్ బాతాన్.

5 దన్నిజ్ వారు, “నజరేతుది యేసుజ్”, ఇహార్. అందెజె వాండ్రు, “వాండ్రు నానె”, ఇజి వెప్తాన్. అయావలె యేసుజ్ ఒవజెప్పి యూద వరి వెట నిహా మహాన్.

6 ‘వాండ్రు నానె’, ఇజి యేసు వరిజ్ వెప్తివలె, వారు వెన్కా గునె ఆజు బూమిదు అర్తార్.

7 మరి వాండ్రు వరిజ్ వెన్ బాతాన్, “మీరు ఎయెరిజ్ రెబానిదెర్?”, ఇజి. “నజరేతుది యేసుజ్”, ఇహార్ వారు.

8 అందెజె యేసు, “నాను మిజి వెప్తాగది, వాండ్రు నానె ఇజి. మీరు నజీ రెబానిదెర్ ఇహిజు, నా సినూర్ ఆత్తి విరిజ్ పోక్తు”, ఇజి వెప్తాన్.

9 వారు సినూరిజ్ పోక్తిజ్, ‘నీను నజీ సీతి వరి లోఇ ఒరెన్ వన్నిజ్ బా నాను పాడుకివి’ ఇజి వాండ్రు ముజాలె వెప్తా మాటెజ్ పూర్తి ఆతె.

10 సిమోన్ పేతురు డగ్గు ఉండ్రె కూడం మహాద్. నస్తివలె వాండ్రు అయాక లాగితండ్రె, విజు పుజెరిజు మున్ను, వెరిపుజెరి పణిమన్నిసిజ్ ఉణెర్ గిది కత్తాన్. అయా పణిమన్నిసి పేరు మల్కు.

11 యేసు పేతురుజ్, “నీ కూడం దన్నిజురదు ఇడఱత. నాను ఓరిస్తెజ్ నా బుబ్బు ఏర్ పాటుకీతి స్రమెజ్ నాను ఓరిస్తెజ్ ఆవిడఱజు నీను ఒడఱబిజినిదా?”, ఇజి వెప్తాన్.

యేసుజ్ అన్న ముజాల ఒసినార్

12-13 నస్తివలె రోమ సయేనమేదికార్, వరి అతికారి, జమానుర్ యేసుజ్ అస్తాం తోవ్కాతార్. వారు వన్నిజ్ తోవ్కాతార్, ముజాల, అన్న ఇని వన్నిడగ్గు ఒత్తార్. వాండ్రు అయా ఏంటు విజు పుజెరిజు మున్ను, వెరి పుజెరి ఆతి కయపెజ్ మామెనె.

14 యా కయవనె, ‘లోకుర్ విజెరి వందిజ్ ఒరెన్ సానికాదె నెగెద్’ ఇజి యూదురి అతికారిజ్ బుద్ది వెప్తా మహాన్.

పేతురు యేసుజ్ నెనెవి ఇజివెప్పొనాన్

15 సిమోన్ పేతురు ని మరి ఒరెన్సినూ యేసు వెన్నా సాహార. అయా సినూ, విజు పుజెరిజ మున్ను పెరిపుజెరిజ్ నెల్లొ ఆతికాన్. అందెజె వాండ్రు యేసువెటె పెరిపుజెరి ఇండ్రోణి డేవారు సాహార.

16 పేతురు గప్పుని వెల్లి నిహముహాన్. పెరిపుజెరిజ్ నెల్లొ ఆతి అయా సినూ మరజి వాతండ్రె, గవ్నిడగ్రు నిల్లి మంజిని అయేలిదిజ్ వెప్రాండ్రె, పేతురుజ్ లోణ కూక్త ఒతాన్.

17 అయావలె అయా అయేలి పేతురువెటె, “నీసుబా వన్ని సినూలోణ ఒరిగదె?”, ఇజి వెన్బాతాన్. దన్నిజ్ వాండ్రు, “నాను ఆప్?”, ఇహాన్.

18 అయావలె గొప్పు పిని మహాద్. అందెజె అతికారిజుని పణిమన్నినీరీసను ఎరీసి దన్ని నుటులం నిల్లికాయజి మహార. పేతురుబా వరివెటె నిహండ్రె, సీసు కాయజి మహాన్.

పెరి పుజెరి యేసుజ్ వెన్బాజినాన్

19 అయావలె, విజు పుజెరిజ మున్ను మన్ని పెరిపుజెరి యేసుజ్ వన్నిసినూర్ వందిజ్ వాండ్రు నెన్పిన్ బోద్ వందిజ్ వెన్బాజి మహాన్.

20 అందెజె యేసు, “నాను లోకుర్ విజెరి ఎద్దుని వెప్రామను. యూదురు విజెరి కూడ్డి వాజి మంజిని, యూదురి మీటిజ్ ఇల్లాజ్ నీ దేవుణుగుడిదు ఎస్తివలెబా నేరీపిసి మహా. నాను ఇనికబా డోజునాటు వెవోవిత్.

21 మరి ఎందానిజ్ నజీ వెన్బాజిని? నా మాట విహిపరిజ్ వెన్బాఅ. నాను వెప్రాకెజ్ వర్తికెజ్ వారు నెస్సార”, ఇజి వెప్రాన్.

22 యేసు యాకెజ్ వెప్రాజ్, అబ్బొ నిహిమహి అతికారిజి లోణ ఒరెన్ యేసుజ్ ఉండ్రె లెవడెయితాండ్రె, “యాలెకెండ విజు పుజెరిజ మున్ను మన్ని పెరిపుజెరిజ్ మరజి వెప్సాని?”, ఇజి వెప్రాన్.

23 అయావలె యేసు, “నాను తప్ప ఇన్నిక వెప్రాజి, అయాక నజీ వెహాఅ. గాని నాను నిజం వెప్రాజి, ఎందనిజ్ నజీ డెయిజిని?”, ఇజి వెప్రాన్.

24 అందెజె అన్న వన్నిజ్ తోప్రా డాసని విజు పుజెరిజ మున్ను పెరిపుజెరి కయవడగ్రు పోక్రాన్.

యేసుజ్ నెన్పి ఇజి పేతురు మరివెప్సానాన్

25 పేతురు సీసు కాయజి నిహా మహాన్. అయావలె మహికార్ వన్నిజ్, “నీసుబా వన్ని సినూలోణ ఒరిగదె?”, ఇజి వెన్బాతాన్. గాని పేతురు, “నాను ఆప్”, ఇజి కెవితాన్.

26 నస్తివలె పేతురు గిల్లి తెన్కతి పణిమన్నినీ బంతుకులు ఒరెన్ అబ్బొ మహాన్. వాండ్రు విజు పుజెరిజ మున్ను మన్ని పెరి పెరి పుజెరి పణిమన్నినీలోణ ఒరెన్. వాండ్రు, “నిజీ వన్నివెటె లోటారు నాను నుడెతగదె?”, ఇహాన్.

27 మరిబా, “నాను నెన్పి”, ఇజి వెప్రాన్. వెటెని కొరు కెరెతాద్.

యేసుజ్ పిలాతు ముజాల ఒసినార

28 వెన్నా యూదురు యేసుజ్ కయవ బాణిజ్ లోమా గవర్నరు మన్ని పెరి ఇండ్రో ఒతార. అయావలె ఎందాలోతాద్. యూదురు ఆజి వన్ని ఇండ్రో డుగ్జి మయల ఆనావెజి ఒడిబిజి వారు గవర్నరు మన్ని ఇండ్రో డుగ్జివతార. ఎందానిజ్ ఇహిజ, వారు వన్ను బోజిసం ఉండెజ్ నువమ్మక్ మండ్రెజ్ వలె. అయాక ఉండ్రె ఆసారం.

29 అందెజె గవర్నరు అతి పిలాతు, వెల్లి వరిడగ్రు వాతండ్రె, విని మున్ను ఇనిని నేరమ్కు మొప్పినిదెర?”, ఇజి వెన్బాతాన్.

30 అయావలె వారు, “వీండ్రు తప్ప కిఇకాన్ ఇహిజ, నీ బాన్ తెవతామ్ మరి”, ఇజి మరజి వెప్రాన్.

31 పిలాతు వరిజ్, “మీర వన్నిజ్ ఒసి, మీ యూదురి రూలుదు మన్ని వజి తీర్పు సీదు”, ఇహాన్. దనిజ్ వారు, “ఎయెరిజ్ వా నప్పెజ్ మజీ అక్కుసిల్లెద్”, ఇహాన్.

32 యేసువలె గా మర్తి సాపు సానాన్ ఇజి వాండ్రు వెప్రా మాటెజ్ పూర్తి ఆదిజ్ యాక జగ్గితాద్.

33 పిలాతు వన్ని ఇండ్రో మరజి సాహండ్రె, యేసుజ్ కూక్తిస్తాండ్రె వన్నిజ్, “నీను యుదురిజ్ రాజునా?”, ఇజి వెన్బాతాన్.

34 అందెజె యేసు, “నీలోణహాన్ వాతి మాటనా, మహికార్ నా వందిజ్ నిజి వెప్రా?”, ఇజి వెన్బాతాన్.

35 అయావలె పిలాతు, “నాను యూద వాండ్రనా? నీ సొంత లోకుర్ ని సొంత పెరిపుజెరిజు నిజి నాబాన్ ఒవజెప్తార. నీను ఇన్నికెతి?”, ఇజి వెప్రాన్.

36 అందెజె యేసు, “నా అతికారం యా లోకమ్ది రాజురిజ్ మన్ని అతికారం లెకెండ వన్నిక ఆవద్. నన్నిఅతికారం నజీ మహిజ, యూదురు నజీ అరిస్తం కివిండ నా సినూర్ అడ్డు కిత్తార మరి. గాని నాను యా లోకమ్ది రాజు ఆప్”, ఇజి వెప్రాన్.

37 “అహిజ, నీను ఒరెన్ రాజునా?”, ఇజి పిలాతు వెప్రాన్. అందెజె యేసు, “నాను రాజు ఇజి నీను వెప్సాని. నిజమాతి మాటిజ్ వెప్సా వందిజి నాను పుట్టాన్ యా లోకమ్దు వాత. నిజమాతికెజ్ కొరిజినికాన్ నాను వెప్సాని మాటిజ్ వినాన్”, ఇజి వెప్రాన్.

38 అయావలె పిలాతు, “నిజమాతి మాటిజ్ ఇన్నికెజ్?”, ఇజి వెన్బాతాన్. వెన్బాతాండ్రె వాండ్రు వెల్లి యూదురు బాన్ సాహండ్రె, “వినిజ్ తిర్పు సీదెజ్ విని లోణ ఇన్ని నేరబా తోరెవద్.

39 గాని మీ అలవాటులెకెండ, ఏంటువెంటు వన్ను చండ్రయే కాలమ్దు, “కయదు మన్ని ఒరెన్ వన్నిజ్ మజీ డిసి పోకెఅ”, ఇజి మీరు లోస్సిదెర. అందెజె యుదురిజ్ రాజుజ్ నాను డిసి సీదెజ్ మీరు కొరిజినిదెరా?”, ఇజి వెన్బాతాన్.

40 అయావలె వారు, “పోని! వినిజ్ పోని. బరబెజ్ డిసి సీదా మజి”, ఇజి డేల్లి మరజి వెప్రాన్. యా బరబ్బొ ఒరెన్ కజారి.

19

1 అందెజె పిలాతు, “యేసుజ్ ఒసి కొరెడిజాణిజ్ డెయదు”, ఇజి నయనమ్దివరిజ్ వెప్రాన్.

2-3 నయనమ్దికార సాప్రాణిజ్ టోపి తయార కిత్తార వన్ని బురారు తోడిగిస్తార. వారు వన్నిజ్ నండ్రె ఎరాయి నరి సొక్కు తోడిగిస్తార, వన్నిడగ్రు సాన్ని, “యూదురిజ్ రాజు నిజి జెయము”, ఇజి వెక్రిని వెప్రాన్. వారు వన్ని లెహు డెయారు.

4 మరి ఉండ్రునుటుబా, పిలాతు వన్ని ఇండ్రోణిక్ వెల్లి వాతాండ్రె, మంద యూదురిక్” ఇదిలో, వన్ని లోఇ ఇనితప్పబా నజీ తోర్విద్ ఇజి మీరు నెన్జెనాను వన్నిక్వెల్లి మీ డగ్రు తపిన్ను”, ఇజి వెప్సాన్.

5 అందెజి యేసుజ్ సాప్పాణి టోపి ని ఎరాని సాక్క తోడేగిస్తారె వెల్లి తతారె. అయావలె పిలాతు వరిక్, “ఇవిలోన్వాండ్రు”, ఇజి వెప్సాన్.

6 పెరిప్పజెరిబుని దేవుణు గుడిది జమాజ్ణణు వన్నిక్ సుడితారె, “వన్నిక్ సిలువాదు కుటిజాణిక్ డెయిజి నవ్త, సిలువాదు కుటిజాణిక్ డెయిజి నవ్త”, ఇజి డేడిస్తారె. గాని పిలాతు, “విని లోఇ నజీ ఇన్ని తప్ప బా తోర్విద్. అందెజి మీరె వన్నిక్ఱని, సిలువాదు డెయిజి నప్ప”, ఇహోన్.

7 అయావలె వారు, “మజీ మా యూదురి రూలుక్మనాద్. అయా రూలుక్ వజి వీండ్రు సాదెక్వలె. ఎందానిక్ఇహిజ, వీండ్రు, “నాని దేవుణు మరిని ఇజి వెప్సాన్”, ఇహోన్.

8 పిలాతు యా మాటెక్విహిజ్మరి ఒద్ది తియెల్తతాన్.

9 వాండ్రు మరి వన్ని ఇండ్రె డుగితాండ్రె యేసుజ్, నీను ఎంబెణిక్ వాతికి? ఇజి వెన్బాతాన్. గాని యేసు మరజి ఇనికబా వెహావితాన్.

10 అందెజి పిలాతు, “నీను నా వెట వర్గెదా? నిజీ సిలువాదు కుటిజాణిక్ డెయిజి నప్పజిబా నజీ అతికారం మనాద్. విడుదల కిదెక్బా అతికారం మనాద్ ఇజి నీను నెన్ఇదా?”, ఇహోన్.

11 అందెజి యేసు, “నా మున్ను దేవుణు నిజీ అతికారం సితిక్నె, నిజీ అతికారం మనాద్. అందెజి నజీ నీ బాన్బవజెప్పికానిజి ఇంక లాప్ప పాపం కిత్తాన్”, ఇజి వెప్సాన్.

12 యా మాట వివాండ్రె పిలాతు యేసుజ్విడుదల కిదెక్నుడతాన్. గాని యూదురు, “నీను వినిక్డిసి సితిజ, నీను కయనరు రాజుక్కూలవాండ్రు ఆఇ. రాజు ఇజి వన్నిక్ వాండ్రె వెహా ఆనికాన్ ఎయెనబా కయనరుక్ వగ ఆతికాన్”, ఇజి మరి డటం డేల్స్తారె.

13 పిలాతు యా మాటెక్విహిజెలె, వాండ్రు యేసుజ్వెల్లి తతాన్. తతాండ్రె నాయం తిర్సికాన్ బన్ని కుర్సిదు బస్తాండ్రె యేసుజ్సిలువాదు డెయెల ఇజి తీర్పు నీతాన్. అయా కుర్సి వణకాణిక్ తయారె కితి బాడిః ఇజి కూక్కి బాడిఃదు మనాద్. అయా బాడిఃవెల్లి బాసదు గబత ఇనారె.

14 నన్జెవలె పన్జెవండ్రెయే నడిమి మన్ని విస్తాంతిదినం ముజాల మన్ని తయారెఆని రోజు. వెందాలతరు గంటెఆతాద్. అయావలె పిలాతు, “ఇవిలోన్ మీ రాజు”, ఇజి యుదురిక్ వెప్సాన్.

15 అందెజి వారు, “నవ్త అవన్నిక్, నవ్త అవన్నిక్, సిలువాదు వన్నిక్కుటిజాణిక్ డెయిజి నవ్త”, ఇజి డేడిస్తారె. “నాను మీ రాజుక్సిలువాదు కుటిజాణిక్ డెయిజి నప్పజా?”, ఇజి పిలాతు వెన్బాతాన్. అయావలె పెరి పుజెరబు, “కయనరు ఒరిండ్రె మా రాజు. మరి ఎమేణి రాజు మజీ సిల్లెన్”, ఇజి వెప్సాన్.

16 అందెజి పిలాతు యేసుజ్ సిలువాదు డెయిజి నప్పజి వరిక్ బవజెప్పాన్. వారు వన్నిక్ ఒతారె.

యేసుజ్ సిలువాదు పొక్కినారె

17 యేసు వన్ని సొత సిలువ పిండిజి, వట్టుం వెల్లి వాతండ్రె బుర్ర పిణిక్ ఇజి కూకె ఆని బాడిఃదు వాతాన్. ఎల్లి బాసదు దన్నిక్ గోల్గోత ఇనారె.

18 అబ్బె నయనమ్దికారె వన్నిక్ సిలువాదు కుటిజాణిక్ డెయెతారె. వారు రివిర్ లోక్కురిక్బా వన్నివెట సిలువాదు కుటిజాణిక్ డెయెతారె. యేసుజ్ నడిమి ఇట్టాన్. ఒరెన్ వన్నిక్ ఉణెరె వడకాద్. ఒరెన్ డెబర వడకాద్. ఆహా సిలువాదు డెయెరె.

19 పిలాతుబా ఉండ్రె బోర్డు తయారె కిటిస్తాండ్రె, సిలువాదు తోమ్కాత ఇట్టాన్. అయా బోర్డుదు, ‘నజరెతుదికాన్ ఆతి యేసు. యూదురిక్ రాజు’, ఇజి రాని ఇట్టాన్.

20 ఎల్లి, గ్రీకు, రోమ యా మూండ్రె బాన్జాణిక్ బోర్డుదు ఆహారాన్జ మహారె. యేసు ప్రబుక్ సిలువాదు డెయెతి బాడ్డిః వట్టుం డగ్రు మనాద్. అందెజి నండెండారె యూదురు అయాక నద్విత్తారె.

21 నన్జెవలె యూదుర్జి పెరి పుజెరిబు పిలాతుజ్, “యూదురిక్ రాజు ఇజి రాన్జు. గాని ‘నాని యూదురిక్ రాజు’, ఇజి వీండ్రు వెప్సాన్ ఇజి రాన్అ”, ఇహోన్.

22 అందెజి పిలాతు, “నాను రాన్జి మన్నికెద్ది మన్నిద్. మరి మారిన్వ”, ఇహోన్.

23 నయనమ్దికారె యేసుజ్ సిలువాదు కుటిజాణిక్ డెయెతివలె వన్ని సాక్కాక్ లాగితారె. వాండ్రు వేడిగితి మహి సాల్వదిక్నాల్లి ముకెక్కిస్తారె, ఉండ్రె మున్ ఒరెన్ వన్నిక్ ఆహా సీబె ఆతారె. పాదమ్దాక మంజిని ఉండ్రె నిరి సాక్కబ మహద్. అయాక కుటు సిలిక. మున్నుహోన్ అడ్డి దాక కుటు సిల్లెండ ఉండ్రె లెకెండ్రత మహద్.

24 ఒరెన్ మరి ఒరెన్ వెట, “అయాక కిన్కాట్. ఎయెరిక్ అయాక వనాద్ ఇజి సీటి పొక్కి నూణాట్”, ఇజి వర్జితారె. ‘నా సాల్జు వారు సీబె ఆతారె. నా నిరీ సాక వరిక్ సీటి పొక్కార్*’, ఇజి దేవుణు మాటదు రాన్జి మనికెక్ పూర్తి ఆని వందిక్ యాక జర్జితాద్. నయనమ్దికారె అయాలెకిడె కిత్తారె.

25 నన్జెవలె, యేసుజ్ డెయెతి సిలువ డగ్రు వన్ని అయిసి, వన్ని కొగ్రి అయిసి, క్లోపా ఇన్ని వన్ని ఆల్ని మరియ, మగదలెనె మరియ ఇనికెక్ నిహె మహె.

26 యేసువన్ని అయిసిని వాండ్రు నండ్రె ప్రేమిన్జి సినూ, డగ్రునిహె మహిక్ సుడతాండ్రె అయెనిక్, “ఓ యా, నేండ్రుహాన్ వీండ్రె నీ మరిని లెకెండ్ర మంజినాన్లె”, ఇజి వెప్సాన్.

27 మరి సిసూడజుక్, “ఇదిలో నీ యాయ”, ఇజి వెప్సాన్. నాండిహాన్అయా సిసూ దనిక్వవన్ని ఇండ్రె కూక్ ఒతాన్.

* 19:24 19:24 కీర్తన 22:18.

యేసు సాజనాన్

28 వెన్నా, బుబ్బు ఒపజెప్పి పణిజీ విజా ఏలు పూర్తిఅతె, ఇజి ఏలు నెస్తాన్. నెస్తాండ్రె, కీర్తన పుస్తకమదు రాస్తి మన్ని మాటిజ్ పూర్తి అని వందిజ్ 'నజీ ఏప్పి కట్టినాద్', ఇజి వెప్తాన్.

29 అయావతె అబె నండో సిందు ద్రాక్కు కడు మన్ని ఉండ్రె డోకు మహాద్. నయ్యమదికార్ ఉండ్రె దూది ననిక అయా సిందు ద్రాక్కుకల్లదు ముడుకతారె, అయాక ఇసాపు మరాతి కొమాదు తొప్తారె, వన్ని వెయ్యదు సిత్తారె.

30 వాండ్రు అయాక ఉటాండ్రె, "నా పణిజీపూర్తి అతాద్", ఇజి వెప్తాండ్రె, బుర్ర వక్కి పాణం డిస్తాన్.

31 నస్తవతె, అయా రోజు విస్తాంతిదినం ముజాల మన్ని తయారాని రోజు. ముప్పు నాండిజ్ విస్తాంతి దినం. యా దినం ముకెలమాతిక. ఎందానిజ్ ఇహాజ, యూదురి పన్ను పండోయి అయనాండిజి మొదోలేసినాద్. నాండిజ్ మొడ సిలువాదు మండ్రెజ్ వరిజ్ ఇన్టం సిల్లెద్. అందెజె యూదురు పిలాతుజ్, సిలువాదు పొక్కి వరి కాల్యు రుజు డెయేజి వరిజ్ బేగి నపిసి, వరి పీసుగు సిలువెజాణిజ్ డిప్పెజ్ నెల్వ లొస్తారె.

32 పిలాతు నెలవ సిత్తిజ్, నయనమదికార్ వాతారె, యేసువెట సిలువాదు డెయేజి మొదోహి వన్ని కాల్యు రుజు డెయేతారె. వెన్నా మహి వన్ని కాల్యు బా రుజు డెయేతారె.

33 గాని యేసుడగ్రు వాతిజ్, వాండ్రు ముజాలె సాతాన్ ఇజి వారు నెస్తారె. అందెజె వారు వన్ని కాల్యు రుజు డెయేవితారె.

34 గాని నయ్యమదివరి లొఇ ఒరెన్ బలెందాన్ ఉండ్రె పడకాదు గుతాన్. గుతిజ్వెటనె, ఏరు నల సోతె.

35 మీరుబా నమినివందిజ్, యాక జగ్గితివతె సుడెతికాన్ దనివందిజ్ వెప్తాన్. వాండ్రు వెప్తాక నిజమనె. వాండ్రు నిజం వెప్పినాన్ ఇజి వాండ్రు నెస్తాన్.

36-37 'వన్ని డుముక లొఇ ఉండ్రె బా రుజ్విద్', ఇజి, మరి, 'వారు గుతివన్నిజ్ వారు నూణారో', ఇజి రాస్తి మన్ని దేవుణు మాటిజ్ పూర్తిఅని వందిజె యా సజతిజ్ జగ్గితె.

యేసుజ్ నమాది కిజనారె

38 యోసేపు ఇనికాన్ ఒరెన్ మహాన్. వాండ్రు అరిమతియ ఇని పట్టమదికాన్. వాండ్రు యేసు సిసూ ఒరెన్. గాని వాండ్రు అయాక ఎయెరిజ్బా వెవోవితాన్. ఎందానిజ్ ఇహాజ, వాండ్రు యూదురిజ్ తియెలే అతారె. వెన్నా వాండ్రు యేసు పీసుగు సిలువదాన్ డిప్పె నమాది కిడెజ్ పిలాతుజ్ నెల్వ లొస్తారె. నెల్వ సితిజ్ వాండ్రు వాతండ్రె మొడక ఒతాన్.

39 నికొదిమె ఇనికాన్ ఒరెన్బా వన్ని వెట సాహాన్. యా నికొదిమెనె, ముజాలె, యేసుజ్రియెతు సాస్తి సుడెతికాన్. వాండ్రు డగ్రు ముప్పుయె నాల్లి కె. జి, బోలము కలప్తి అగరు ఇన్ని మొడక నబ్వెండ ఇడ్చి మాయముకు తత్తాన్

40 వారు రివేర్, యేసు పీసుగు ఒతారె, మాయముకు రాసి తెలాని పాతెజాన్ నుటిస్తారె. యూదురు నమాది కిని ముజాలె, పీసుగుతయారె కిని అలవాటు లెకెండ్ కహు కిత్తారె.

41 యేసుజ్ సిలువాదు డెయేతి బాడిదు ఉండ్రె తోట మనాద్. అబ్బె పణుకుదు దోలిస్తె ఉండ్రె కొత్తదూకి మహాద్. అబ్బె ఎయెరిజ్బా ఎనెజ్బా ఇడెవెర్.

42 అయా రోజు యూదురి విస్తాంతిదినం ముజాలె మన్ని తయారాని రోజు. మరి, అయా దూకిడగ్రు మహాద్. అందెజె వారు యేసుజ్ అబ్బె ఇట్టారె.

20

1 వారమదిజ్ మొదోహి రోజు పెందాల్, సీకట్మన్బునె మగ్గలెనె మరియ పీసుగు నూనెజ్ రాస్తెజ్ దూకిదు సాహాద్. అది వాతిజ్, పీసుగుఇడ్చి నమాదిదిజ్ మూక్కి పణుకు లాగితిక సుడెతాద్.

2 అందెజె అది ఉహ్యోజి సాస్తి, యేసు నండో ప్రేమిస్తె సిసూ బాన్, సిమోన్ పేతురుబాన్ వాతాదె వరిజ్, "ప్రబుజ్ నమాదిదాన్ వారు ఒతారె. వన్నిజ్ ఎంబె ఇడ్తారె ఇజి మాపు నెన్వెవ్", ఇజి వెప్తాద్. (మరియవెట మరి నిగొండెకబోదెకెవా మహె)

3 అందెజె పేతురుని, అయా సిసూ సోతారె నమాదిదు సాహారె.

4 వారు రివేర్ ఉహ్యోజి సాన్ సి మహారె. గాని అయా సిసూ పేతురుజ్ ఇంక బేగి ఉహ్యోతాండ్రె నమాది ముజాలె వాతాన్.

5 వాండ్రు వజ్జి సుడెతిజ్, తెలాని పాతెజ్ అబె అర్త మహిక సుడెతాన్. వాండ్రు లొఇ డుగ్గెవితాన్.

6-7 నస్తవతె సిమోన్ పేతురు వన్ని వెన్నా వాతండ్రె లొఇ డుగితాన్. వాండ్రు తెలాని పతెజ్ అర్త మహిక సుడెతాన్. యేసు బుర్ర నుటిస్తె మహి వననిబా అబ్బె అర్త మహిక సుడెతాన్. అయా వనని, తెలాని పాతెవెట కూడివెండ నుటిస్తెడకనెనె వేరె మహాద్.

8 వెసుక ముజాలె నమాదిదు వాతి సిసూబా డుగితాన్. వాండ్రు పాతెజ్ అర్త మహిక సుడెతాండ్రె, యేసు మరజి నిజితాన్ ఇజి నమ్మితాన్.

9 యేసు సాతి వరిబాణిజ్ తవ్వెండ మరజి నిజినాన్లె ఇజి దేవుణు మాటదు రాస్తి మన్ని మాటదిజ్ వారు ఇంక అర్థం కిఎర్.

10 సిసూర్ వరి ఇల్కాజ్ మరజి సాహారె.

యేసు మగ్గలెనె మరియెజ్ తోరెఅజినాన్

11 మరియ మరి నమాదిదు వాత మహాద్. అది వెల్లినిహాదె, అడకబాజి మహాద్. అడకబాజినె అది వజ్జిజి నమాది లొఇ సుడెతాద్.

12 అయావతె, తెలాని పాతెజ్ పొరెపాతి రివెర్ దేవుణు దూతెజి అది సుడెతాద్. యేసు పీసుగుమహి బాడిదు బస్త మహారె. పాదమక దరిజ్ ఒరెన్ బస్త మహాన్. బుర్ర గాడిద్ ఒరెన్ బస్త మహాన్.

13 వారు మరియొక, “ఓ బీ ఎందానిజ్ నీను అడఃబాజిని?”, ఇజి వెన్బాతాన్. అందెజె అది, “నా ప్రబు మొడః ఎయెరో పెప్తా బతార్. ఎంబె ఇథారో నజీ తెలివెద్”, ఇజి వెప్తాన్.

14 యా మాటెజ్ వెప్తాదె, వెన్యా మరజి బెస్సాద్. బెస్సిజ్ యేసు అబ్బె నిహి మహిక సుడఃతాద్. గాని వన్నిజ్ గుర్తు అన్వితాద్.

15 అయావలె యేసు, “ఓ బీ, ఎందానిజ్ నీను అడఃబాజిని? ఎయెరిజ్ రెబాజిని?”, ఇజి వెన్బాతాన్. పిండ్లు అయా టోటాదు పణి కినికాన్ ను ఇజి ఒడిబిజి, “బాబు, నీను వన్ని పీనుగుపిండితి ఒతి మహిజ, ఎంబె ఇడ్డి మన్నిదో నజీ వెవోత. నాను సొన్ని వన్నిజ్ పెర్తు ఒనాలె”, ఇజి వెప్తాన్.

16 నస్తివలె యేసు దన్నిజ్, “మరియ”, ఇజి కూక్తాద్. వెటనె అది మరజి వన్ని దరిజ్ మప్తాద్. వాండ్రు యేసు ఇజి గుర్తు అస్తాదె ఏల్లి బానదు, “రబుని”, ఇజి కూక్తాద్. దని అర్థం బోదిస్సికాన్ ఇజి.

17 అయావలె యేసు, “నాను నా బుబ్బుడగు ఇంక మరజి సొన్ ఎనె. అందెజె నజీఅసి మన్ మా. గాని నీను నా సిసూర్ డగు సొన్ని వరిజ్, “నాను నా బుబ్బుడగు మరజి సొన్ సిస. వాండ్రునె నా బుబ్బు మీ బుబ్బు. వాండ్రె నా దేవుణు మీ దేవుణు”, ఇజి వెవోత”, ఇజి వెప్తాన్.

18 అందెజె మగ్గలెనె మరియ సిసూర్ డగు వాతాదె, “ప్రబుజ్ నుడఃత”, ఇజి వెప్తాద్. మరి ప్రబు దన్నిజ్ వెప్తాకెజ్ బా వెప్తాద్.

యేసు వన్ని సిసూరిజ్ తోరె ఆజినాన్

19 అయా అదివారమనె, పొదోయ సిసూర్ కూడితారె, సేప్లా కెప్పి బస్త మహోర్. ఎందానిజ్ ఇహిజ, వారు యుదురిజ్ తియెలె ఆతారె. యూదురు వరిజ్ అదికారుజి ఒవజిప్పూర్ ఇజి. నస్తివలె యేసు వాతండ్రె వరినడిఃమి నిహండ్రె, “సమాదనం కల్లిపిద్”, ఇజి వెప్తాన్.

20 యాక వెప్తండ్రె, సిలువారు డెయెం ఆతివెలె వన్ని కికాజ్, వన్ని పడఃకాద్ వాతి గాయమకు వాండ్రు వరిజ్ తోరిస్తాన్. ప్రబుజ్ నుడఃతారె సిసూర్ నండ్రో నరద్ ఆతారె.

21-22 మరి బా యేసువరిజ్, “మిజి సమాదనం కల్లిపిద్. నా బుబ్బు వన్ని మాట బోదిస్తెజ్ నజీ యా లోకమ్ దు పొక్తి వజి నాను మిజి పొక్తిన్”, ఇజి వెప్తండ్రె, వరి మున్కు తూబితాన్. తూబితాండ్రె, వరిజ్, “దేవుణు ఆత్మదిజ్ మీ మున్కురు ఇడఃదు.

23 మీరు ఎయిపాపమ్ కు నెమిస్సిదెరో, వరి పాపమ్ కు నెమిస్ట మనె. ఎయిపాపమ్ కు మీరు నెమిస్ ఇదెరో, అయకెజ్ నెమిసి మన్ ఉ”, ఇజి వెప్తాన్.

యేసు తోమెజ్ తోరె ఆజినాన్

24 యేసు సిసూరిజ్ తోరె ఆతివలె, వన్యెండ్డు మన్నిసీర్ సిసూర్ లో ఇ మన్ని దిదుము ఇన్ని తోమా సిల్లెండ మహోన్.

25 అందెజె మహి సిసూర్, “మాపు ప్రబుజ్ నుడఃతామ్ ఇజి వెప్తాజ్, వాండ్రు, “నాను వన్ని కికాజ్ కుంటిజాణిజ్ డెయెతి గాయమది మనదిజ్ తోఎండ, అయా మనదు ముట్ ఎండ, వన్ని పడఃకాదు నాను కియు ఇడఃఎండ, వాండ్రు నిజీత మనాన్ ఇజి నమిఎ”, ఇహోన్.

26 ఉండ్రి వారు వెన్యా వన్ని సిసూర్ విజెరి మరిబా కూడితారె, ఉండ్రి ఇండ్రో మహోర్. తోమాబా వరివెట మహోన్. సేప్లా కెవె ఆత మహోద్. గాని యేసు వాతండ్రె వరినడిఃమి నిహండ్రె, “సమాదనం కల్లిపిద్”, ఇజి వెప్తాన్.

27 మరి తోమెజ్, “నీ డెస్సు ఇబ్బె ఇడఃత. నా కికాజ్ నుడఃత. నీ కియు సొప్పి నా పడఃకాద్ మన్ని గాయమదు ఇడఃత. అనుమానం సిల్లెండ నమిఎ”, ఇజి వెప్తాన్.

28 అయావలె తోమా, “నీనె నా ప్రబు. నీనె నా దేవుణు”, ఇజి వెప్తాన్.

29 అందెజె యేసు వన్నిజ్, “నీను నజీ నుడఃతిజ్ నిజీతమనాన్ ఇజి నమ్మితి. నజీ తోఎండ నమ్మితికార్ గొప్ప వారు”, ఇజి వెప్తాన్.

30 యేసు వన్ని సిసూర్ జి నడిమి, మరి నండ్రో బమ్మాని పణిజ్ కితాన్. అయకెజ్ యా పుస్తకమ్ దు రాన్ ఉ.

31 గాని, యేసు క్రీస్తు ఇజి, వాండ్రు దేవుణుమరిని ఇజి మీరు నమ్మినివందిజ్, వన్ని మున్కు మన్ని మీ నమకమ్ దాన్ మిజి ఎలాకాలం దేవుణువెట బత్సిని బత్సు దొప్పావందిజ్ యాకెజ్ రాస్త మన్ని.

21

1 దిని వెనుక, యేసు తిబెరియ నమదరం డగు మరి వన్ని సిసూర్ జి తోరె ఆజినాన్. వాండ్రు ఈహు తోరె ఆతాన్.

2 సిమోన్ పేతురు, దిదిమ ఇజి కుకెఅని తోమా, గలీలయ ప్రాంతమిది కానా ఇన్ని పట్టమిది నతనయేలు, జెబెదయ మరిసిరె ఆతి యాకోబు యోహాను, మరి రిచిర్ సిసూర్ కూడిత మహోర్.

3 సిమోన్ పేతురు, “నాను మెయెజ్ అన్సికాన్ సిస”, ఇజి వరిజ్ వెప్తాన్. అయావలె వారు, “మాపు బా నీ వెట వానాప్”, ఇహోర్. అందెజె వారు సొహారె, ఉండ్రి డోజి ఎక్తారె సొహారె. గాని ఆ రెయెతు ఇనికబా అన్వితారె.

4 పొద్దు సొని మహివలె, యేసు నమదరం దరిదు నిహాన్. గాని వన్ని సిసూర్ యేసు ఇజి గుర్తు అన్వితారె.

5 అందెజె వాండ్రు వరిజ్, “తంబెరిజాండె, మెయెజ్ ఇన్నికబా అన్సిదెరా?”, ఇజి వెన్బాతాన్. వారు, “సిల్లెద్”, ఇజి వన్నిజ్ వెప్తాన్.

6 నస్తివలె వాండ్రు, “డోజి ఉణెరి పడఃకాదు మీ వలెజ్ పాక్తు. మిజి దొవ్వానె”, ఇజి వెప్తాన్. వారు అయ లెకెండ్ కిత్రార్. మెయెజ్ నండ్రో అర్తె. వలె లాగిడెజ్ అట్ ఏతారె.

7 అయావలె, యేసు నండ్రో ప్రేమిస్సి నీనూ, “వాండ్రు ప్రబు”, ఇజి పేతురుజ్ వెప్తాన్. “వాండ్రు ప్రబు”, ఇజి అయా సిసూ వెప్తా మాట విహి వెటనె, సిమోన్ పేతురు వాండ్రు లాగితి ఇడ్డి సొల్లు వ్డెగితాండ్రె, నమదరమదు డాత్తూన్.

8 వారు గటూదాన్ ఎంజు మెంసు నూరు మూరికెన్ దూరం మనార్. అందెజె మహి సిసూర్ మెయెజ్ మన్ని వలె లాగిజెనె డోజిదు వాతారె.

- 9 వారు డిగ్గజి వాతిజ్గటుదు, సిసూ డిఘ్కుజ్ దనిముస్కు మొయెజ్ రొటెజ్ తోరితె.
- 10 యేసు వరిజ్, “మీరు ఎలు అస్తి మహి సెగం మొయెజ్ అగాట్”, ఇజి వెప్తాన్.
- 11 సిమోను పేతురు డోణి ఎక్రాండ్రె వల గటుదు లాగితాన్. అబె నూటి యాబయి మూండ్రె పెరి మొయెజ్ వలదు నిండ్రెత మహా. గాని నిసా మహిజ్ బా వల కింజ్ వితాద్.
- 12 యేసు వరిజ్, “రదు తిండ్రు”, ఇజి వెప్తాన్. వాండ్రు ప్రబు ఇజి వరిజ్ తెలితార్. అందెజె, నీను ఎయి ఇజి వన్నిజ్ వెన్ బాదెజ్ సిసూర్ లో ఇ ఎయెన్ వన్నిజ్ బా దయరం సిల్లెతాద్.
- 13 యేసు వాతాండ్రె, రొట్టెజ్ లాగితాండ్రె వరిజ్ సీబాత సితాన్. అయ లెకెండ్రె మొయెజ్ బా సిత్తాన్.
- 14 యేసు సాతి వరిబాణిజ్ బత్తితి వెన్యా, దినివెట ఎలు ముసార్ సిసూర్ జ తోరె ఆత్తాన్.
- 15 వారు తిహి వెన్యా, యేసు సిమెన్ పేతురుజ్, “యోహాను మరిసి ఆతి సిమెను, నీను మహి సిసూర్ జ ఇంక నీను నండ్రె నజీ ప్రేమిస్సిదా?”, ఇజి వెన్ బాతాన్. “ఒబ ప్రబువా, నాను నిజీ ప్రేమిస్సు ఇజి నీను నెస్సి”, ఇజి వాండ్రు వెప్తాన్. అందెజె యేసు, “నా గొరె పిలెకాజ్ మేవ్ అ”, ఇజి వెప్తాన్.
- 16 మరిబా యేసు వన్నిజ్, “యోహాను మరిసి ఆతి సిమెను, నీను నజీ ప్రేమిస్సిదా?”, ఇజి వెన్ బాతాన్. “ఒబ ప్రబువా, నాను నిజీ ప్రేమిస్సు ఇజి నీను నెస్సి”, ఇజి రిజి వెప్తాన్. అందెజె యేసు, “నా గొరెజ్ అడిజి అ”, ఇజి వెప్తాన్.
- 17 “యోహాను మరిసి ఆతి సిమెను, నజీ ప్రేమిస్సిదా?”, ఇజి ముసార్ వెన్ బాతాన్. నీను నజీ ప్రేమిస్సిదా ఇజి ముసార్ దిజ్ వెన్ బాతిజ్, పేతురు బాద ఆతాన్. “ప్రబు నీను విజు నెస్సికి. నాను నిజీ ప్రేమిస్సు ఇజి నీను నెస్సి”, ఇజి పేతురు వెప్తాన్. అందెజె యేసు, “నా గొరెజ్ మెవ్ అ”, ఇజి వెప్తాన్.
- 18 “నాను నిజం నివెట వెన్యాన్, నీను దబుడజ్ మనివలె, నీను తయార్ ఆజి నీ ఇస్టం ఆతి బాడిడు సాహి. గాని నీను డొక్ర ఆనివెలె, నీకికు నీను సాప్పి. మరి ఎయెన్ బా నిజీ తోప్పా నిజీ ఇస్టం సిల్లి బాడిడు పిండిజి బనాన్”, ఇజి వెప్తాన్.
- 19 పేతురు ఎలాగమర్రి సాపు సాజి దేవుణు గొప్పవెరికాన్ ఇజి తోరిస్సాండ్రె, దనివందిజ్ వాండ్రు యా మాటిజ్ వెప్తాన్. వెన్యా వన్నిజ్, “నా సిసూ ఆజి రఅ”, ఇజి వెప్తాన్.
- 20 పేతురు వెనుక ముప్తాండ్రె, యేసు నండ్రె ప్రేమిస్తి సిసూ, వరి వెన్యా వాజినిక సుడతాన్. (యా సిసూనె పస్కు బోజనం తిహివలె యేసు గుంజమదు ఒరిగితాండ్రె, “ప్రబువా, నిజీ అదికారిజి కీదు ఒపజెప్పికాన్ ఎయెన్”, ఇజి వెన్ బాతికాన్).
- 21 పేతురు వన్నిజ్ సుడతాండ్రె, “ప్రబువా, వినిజ్ ఇన్నిక జర్గినాద్?”, ఇజి వెన్ బాతాన్.
- 22 అందెజె యేసు, “నాను మరజి వానిదాక వాండ్రు బత్తిదెజ్ నజీ ఇస్టం ఆతిజి, నిజీ ఇన్నిక? నీను నా సిసూ ఆజి వెన్యా వాదెజ్ వలె”, ఇజి వెప్తాన్.
- 23 యేసు అయలెకెండ్రె వెప్తాజ్, యా సిసూ సావిన్ ఇజి ఉండ్రె మాట మహి వరి నడిమి సెద్రిస్సాద్. గాని వాండ్రు సావిన్ ఇజి యేసు వెహావితాన్. నాను వానిదాక వాండ్రు బత్తిదెజ్ నజీ ఇస్టం ఆతిజి, నిజీ ఇన్నిక?”, ఇజి నె వాండ్రు వెప్తాన్.
- 24 యా సజతిజి వందిజ్ వెప్తాకాన్ యా సిసూనె. వీండ్రె ఆయాకెజ్ రాస్త ఇట్టాన్. వాండ్రు వెప్తాకెజ్ నిజం ఇజి మాపు నెసినావ్.
- 25 యేసు మరి నండ్రె సజతిజ్ కిత్తాన్. ఆయాకెజ్ విజు రాసి ఇడదెజ్ ఇహిజు, రాసిని పుస్తకముకు అస్తెజ్ యా లోకమదు మన్ని బాడ్డి సాల్విద్ ఇజి నాను ఒడకీస్తు ఇజి.

అపొస్తురు కిత్తి పణిజ్

నెల్ల కిటిసినిక

లూక సువార్త రాస్తిమహి లూకనె యా పుస్తకం రాస్తాన్. లూక ఒరెన్ డాక్టరు. క్రీస్తు సకం 60-63 నడిమి యాక రాస్త మనాద్ ఇజి వెప్పొనార్. క్రీస్తు సాజి నిజితి వెన్కా మొదోహి 30 పంటిజ్ లోక జర్గితికిజి ఇబ్బె రాస్త మన్నె. లూక సువార్తరు యేసుక్రీస్తు కిత్తి గొప్ప పణిజి వందిజ్ లూక రాస్తాన్. వెనుక, యేసుక్రీస్తు పరలోకముదు సాహి వెనుక దేవుణు అత్తు వాతండ్రె వన్ని అపొస్తురు వెట గొప్ప బమ్మాతి పణిజ్ కిత్తాన్. యూదయదేసమదాన్ అంతియొకయూదు, బాణిజ్ రోమవట్టుం దాక యేసుక్రీస్తు వందిజ్ సువార్త సాహిస్తారె అపొస్తురు అయ కాలముదు కిత్తి పణిజి వందిజ్ ఇబ్బె రాస్త మనాద్.

దేవుణు యేసుజ్ పరలోకముదు ఒత్తాన్

1-2 నా త్రియమాతి దెయివెలా, నాను ముందాల్ రాస్తి పుస్తకముదు, దేవుణు యేసుజ్ పరలోకముదు ఒనెండ యేసు కిత్తి విజి పణిజి వందిజ్, యేసు నెన్పిస్తి విజి మాటెజవందిజ్ రాస్త మనాద్. దేవుణు యేసుజ్ పరలోకముదు ఒనిముందాల యేసు, వాండ్ల వీరపాటు కిత్తి అపొస్తురుజ్ వారు కిని పణిజ్ వందిజ్ దేవుణు అత్తు సత్తుదాన్ అత్త సిత్తాన్.

3 యేసు కన్నముక ఒరిసి సాతి వెనుక నిజితండ్రె, నాను బత్తిత్త ఇజి అపొస్తురు అనుమానం సిల్లిండ నమ్మిదెజ్ యేసు వరిజ్ తోరె అత్తాన్. నలవయ రోస్కాజ్ నండో నుట్టు, యేసు అపొస్తురుజ్ తోరె అతండ్రె దేవుణు ఏలుబడి: వందిజ్ వర్గితాన్.

4 వారు కూడెజి వాతివలె యేసు ఈహు అత్త సిత్తాన్, “యెరూసలేం పట్టుం డిసి సానూత్. నా బుబ్బి మిజి సీనా ఇజి ఒట్టు కిత్తి వన్ని అత్తు ఇని ఇనాయమవందిజ్ నాను ముందాల్ని వెప్తాగదె. దన్నివందిజ్ కావ్ కిజి మండ్లు.

5 యోహాను ఏరుదాన్ బాప్తిసం సిత్తాన్. గాని నెగం రోస్కు సాహిజ దేవుణు మిజి వన్ని అత్తుదాన్ బాప్తిసం సీనాన్”, ఇహాన్.

6 అపొస్తురు యేసు వెట కూడెజి వాతారె వెన్బాతారె, “ప్రబువా, ఏలునె మా ఇస్రాయేలు లోకాజ్ మా దేసమది ఏలుబడి: మరెజి సీనిలెనా?”.*

7 యేసు వెప్తాన్, “కాలం వందిజ్ నా బుబ్బానె ఏర్పాటు కిత్తాన్. అక్కెజ్ విజి నా బుబ్బాతి దేవుణు అతికారముదు మనాద్. యాకెజ్ విజి వెనెజ్ జర్గినాద్ ఇజి మీరు నెస్టెజ్ అవసరం సిల్లెద్.

8 అహిజ, దేవుణు అత్తు మీ మున్ను వానివలె మీరు సత్తు ఆనిదెరె. అయావలె మీరు యెరూసలేముదు, యూదయ దేసం విజి, సమరియ దేసం విజి, లోకం విజిబాన్ నా వందిజ్ వెప్పొ నా సాసిరె ఆనిదెరె”.

9 యా మాటెజ్ వెప్తాండ్రె వారు సుడెజిమహిజ్ దేవుణు యేసుజ్ పరలోకముదు ఒత్తాన్. అయావలె ఉండ్రి మొసాన్ వాతాదె అడ్డు కిత్తిజ్ వారు యేసుజ్ తోరెవండ అత్తారె.

10 యేసు అగాసం మున్ను, సాస్తి మహిజ్ వారు అగాసం దరోట్ని డిటం బేసి మహారె. అయావలె వెటనె తెల్లాని పాతెజ్ పారపాతిమహి రిఎరె దూత్తారె వరి డగ్గు నిహారె.

11 “ఒ గలిలయాదికిదెరా, మీరు ఎండనిజ్ అగాసం దరోట్ సుడెజినిదెరె? మీ డగ్గుహాన్ దేవుణు పరలోకముదు యేసుజ్ ఒత్తాన్. ఎలాగ సాహండ్రి అయావజనె మరెజి వానాన్లె”, ఇజి వారు వరిజ్ వెప్తారె.

త్రియొజ్ అపొస్తురు వెట కూడెజ్ వీరపాటు కిత్తారె

12 వెనుక అపొస్తురు ఒలివ మరెక్ మన్ని గొరొతాణి యెరూసలేం పట్టుముదు మప్తా సాహారె. (ఒలివ మరెక్ మన్ని గొరొన్ యెరూసలేం పట్టుం డగ్గునె. ఉండ్రి కిలో మీటెరె దూరం మనాద్)

13 వారు యెరూసలేముదు సాహారె వారు మహి మేడె: గదిదు ఎక్కారె. వారు ఎయెరె ఎయెరె ఇహిజ, పేతురు, యోహాను, యాకోబు, అంద్రెయ, పిలిపు, తోమా, బర్తొలోమయ, మత్తయ, అలీవయ మరిసి అతి యాకోబు, జలోతో ఇని మరి ఉండ్రి పేరు మహి సీవెను, యాకోబు మరిసి అతి యూద ఇనికారె.

14 వారు విజెరె కూడెజతారె ఉండ్రి మున్నుదాన్ డిసివండ పార్వసం కిజి మహారె. వరివెట సెగెండెక్ అయెలికొడెకెబా వాతె మహా. యేసు యాయ అతి మరియ, వన్ని తంబెరెనీరెబా అబ్బె మహారె.

15 నెగం రోస్కు, సాహి వెనుక డగ్గు డగ్గు నూట ఇరవయ మణిసిరె యేసుజ్ నమ్మితికారె కూడిత మహారె. పేతురు వరినడిమి నిహండ్రె ఈహు వెప్తాన్,

16 “తంబెరిజాండె, దేవుణు మాటదు రాస్తి మహిజ్ తవ్వండ జర్గితాద్. దేవుణు అత్తు సత్తుదాన్ దావీదు రాజా యూద వందిజ్ ముందాల్ని వెప్తాకాద్ జర్గితాద్. యా యూద యేసుజ్ అస్టెజ్ వాతివరిజ్ సరి తోరెస్తాన్.

17 వాండ్లు మా లోక ఒరెన్. ఎండనిజ్ ఇహిజ మాపు అపొస్తురు వెట కూడెజి పణి కిదెజ్ యేసు వన్నిజ్ వీరపాటు కిత్తాన్”.

18 (యా యూద మొసెం పణిదాన్ సంపాదిస్తి డబ్బుజాణ్ బూమి కొటాన్. అబ్బె గడియబుర కితాండ్రె అర్థాండ్రె సాతాన్.

అయావలె పాటు బదిజ్ ఆజి వన్నిజ్ ఏలు వెల్లి సాతె.

19 యెరూసలేముదికారె విజెరె యా సజతిజ్ వెహారె నెస్తారె. అందెజి యూద అర్చిసాతి యా బూమిదిజ్ వరి బాసాదు అక్కెల్లెమ ఇజి వెప్తారె. దన్ని అర్థం ఇనిక ఇహిజ, ‘ఒరెన్ లోకుదిజ్ సప్తి వందిజ్ దొప్పి డబ్బుదాన్ కొటి బూమి’ ఇజి అర్థం).

20 పేతురు మరి వెప్తాన్, “క్రీస్తుం పుస్తకముదు ముందాల్ని ఈహు రాస్త మనాద్: వన్ని ఇల్లు ఎయెన్బా మన్విండ ఆపిన్, దన్ని లోక ఎయెన్బా బత్తివండ ఆపిన్”. ఈహుబా రాస్త మనాద్: అపొస్తుడు* వజి వాండ్లు కిత్తి పణి మరి ఒరెన్ లాగ ఆపిన్.

* 1:6 1:6 అయ కాలముదు ఇస్రాయేలు లోకురి దేసం రోమాదికారె ఏలుబడి: కిజి మహారె. † 1:13 1:13 జలోతె ఇహిజ పటంబల మన్నికాన్ ఇజి అర్థం

‡ 1:20 1:20 అపొస్తురు. నెజిమిజ్ సుడెజి నడిపిస్తెజ్ వీరపాటు ఆజి పొకె అతికారె

21-22 అందెజె మాపు పదకొండు మణిసిర్ అపొస్తరు వెట కూడేజి మండ్రెజ్ మరి ఒరెన్ వన్నిజ్ వీర్పాటు కిదెజ్వలె. యోహాను యేసుప్రబుజ్ బాప్తిసం సీత్తి బాణిజ్ అసి యేసుప్రబు పరలోకమదు సొనిదాక మా నడిమినె కూడేజిపాడేజి మా వెట మహికాన్ ఒరిన్ వన్నిజ్ అవ్వనరం. ఎందనిజ్ ఇహొజ యేసు సాతి పరిబాణిజ్ మరెజ బత్తితాన్ ఇజి వాండ్రుబా మా వెట సాసి మండ్రెజ్.

23 అందెజె కూడేజి వాతి మహికార్ రిఎరి పేర్కు వెప్టార్. ఒరెన్ యోసేపు (వన్నిజ్ యుస్తు, బర్బుబ ఇని పేర్బుబా మపా) మరి ఒరెన్ మత్తియ.

24-25 అయావలె వారు ఈహు ప్పార్లం కిత్తార్, “ప్రబువా, విజెరి మన్నుదు మన్ని విజు ఆలోనమకు నీను నెసిని. యూద, వన్నిజ్ తగితి బాడ్డిదు సాహాన్. వాండ్రు డిసిసాహి పణి, ఇహొజ నజమదిజ్ నడిపిసి సేవకిని పణి సిదెజ్ వన్నిజ్ బదలు యూ రిఎరి లోఇ ఎయెజ్ నీను వీర్పాటు కిత్తి ఇజి మజి తోరినఅ”.

26 వెనుక వారు సీటిజ్ పొక్కార్. అయావలె మత్తియ ఇని పేరుదాన్ సీటి వాతాద్. అందెజె మత్తియెజ్బా పదకొండు మణిసిర్ అపొస్తరు వెట లెక్క కల్పెర్.

2

పెంతెకొస్తు పండోయ్ నాండిజ్ దేవుణు అత్తు వాజినాద్

1 పెంతెకొస్తు ఇని పండోయ్ నాండిజ్ యేసుజ్ నమ్మితికార్ విజేరెకూడేజి ఉండ్రె ఇండ్రె మహార్.

2 వెటనె ఆగానమదాన్ ఉండ్రె జాటు వాతాద్. అయ జాటు, పెరి గాలి వానివజ జాటుదాన్ వాతాదె వారు బస్తిమహి ఇండ్రె నిండ్రెతాద్.

3 వారు నుడేతిజ్ సినుబ్బొదు లెకెండ్ తోర్నిక ఉండ్రె వాతాద్ ఒరెన్ ఒరెన్ మున్ను ఉండ్రె ఉండ్రె కొనెజ్ డిగితె.

4 విజేరె మున్ను దేవుణు అత్తు నత్తు వాతిజ్ వారు, వరిజ్ నెన్ఇ బాసెజ్ వర్దిదెజ్ మొదొల్స్తార్. దేవుణు అత్తునె నెన్ఇ బాస వర్దిదెజ్ వరిజ్ నత్తు సితాన్.

5 అయావలె విజు దేసమకాణిజ్ వాతిమహి బక్తిమన్ని యూదురు యెరూసలేం పట్టుమదు మహార్.

6 యూదురు మంద లోకుర్ యా జాటు వాతిబాన్ కూడేజాతార్. వారు వర్గినిక వీరు వన్ని వన్ని సొంత బాసెజాణిజ్ వెహారి యా కూడేజి వాతి మహి యూదురు బమ్మ అతార్. “వీరు మాటు వర్గిని బాసెజ్ వర్గిజనార్ కొట”, ఇజి వెప్టార్.

7 అయావలె వాతి మహికార్ విజేరె ఒది బమ్మ అతార్ ఒరెన్ వెట ఒరెన్ వెప్టార్, “యూక ఎలాగ? వీరు విజేరె గలీలయాదికార్ ఆవిరా?”

8 గాని మాపు పుట్టిమహి నాహ్కాణి ఆఇ ఆఇ బాసెజ్ యా గలీలయాదికార్ వర్దిజనార్. యూక మాపు వెంజనాన్.

9-11 పొర్తియకు, మదియకు, ఎలామియకు, మెసాపొతేమియ, యూదయ, కపదోకియ, పొంతు, ఆసియ, పుగ్రియ, పంపులియ, అయగుప్పు, కురేన్ డగ్గు మన్ని లిదియ, రోసు దేసెమదాన్ కూల వాతికార్ (యూదురు, యూదమతం నమ్మితి యూదురు ఆఇకార్) క్రేతియరు, అరిబియరు, దేవుణు కిత్తి గొప్పు పణిజ్ మాటు విజెట పుట్టి బానాదు వెప్పెజ్ వెంజనాల్.

12 ఒడిబిత్తిజ్ మున్ను కూడేజివద్. యూక ఇనిక ఆనాద్లెనో”, ఇజి వారు విజేరె పంబ్ర అతార్ ఒరెన్ వెట ఒరెన్ వర్దితార్.

13 సిగెండార్ వీరు తియాజ్ ద్రాక్కు రసం ఉటారి సొస్త మనార్ ఇజి వరిజ్ సెకాల్ కిత్తార్.

పేతురు కూడేజి వాతి లోకుర్ వెట వెప్పొనాన్.

14 అయావలె పదకొండు మణిసిర్ అపొస్తరు వెట మహి పేతురు నిజేతండ్రె అబ్బె కూడేజి వాతి లోకుర్ వెట డటం వెప్టార్, “యెరూసలేమదు బత్తిజిని మా సొంత లోకుర్ ఆతి యూదయ లోకాండె, నాను వెప్పొక నెగ్రెండ వెండ్రు. వీరు విరిజ్ నెన్ఇ బాసెజ్ వర్దితిక మీరు వెహిదెన్.

15 మీరు ఒడిబిని లెకెండ్ వీరు సొస్తికార్ ఆవిర్. పొద్దు సోని ఏలు అంబెలి వేడేబా ఆవిర్.*

16 గాని దేవుణు మాటెజ్ వెప్టా యోవెల్ ప్రవక్త ముజాలె వెప్టాకదె మీరు నుడేజినిదెర్.

17 యోవెల్ ప్రవక్త ఇనిక వెప్టాన్ ఇహొజ ఆకార్ దినమకాజ్ నాను ఇనిక కిని ఇజి దేవుణు వెప్పొనాన్. విజు లోకాజ్ నా అత్తుదిజ్ సిన్. మీ మరిసిర్, మీ గాథ్రిక్, ప్రవక్తరు లెకెండ్ దేవుణు మాటెజ్ వర్గినార్లె. మీ దజ్డేజి దేవుణు బాణిజ్ వాని దర్బనమకు† నూణార్. మీ డొక్కార్బా దేవుణు బాణిజ్ వాని కలిజ్ నూణార్లె.

18 అయ ఆకార్ దినమకాజ్ నా మున్ను నమకం ఇడేతి పణి మణిసిరిజ్బా విజేరిజ్, అయేలి కొడొకాజ్, మొగ్గ కొడొకాజ్ నా అత్తు సీనా. వారు విజేరె దేవుణు మాటెజ్ వెప్పొర్లె.

19 ఆగానం మున్ను విజేరె సూణి వజ నాను గొప్పు బమ్మొతి పణిజ్ తోరిన్ను. యా బూమి మున్ను ఎయెర్బా తొఇ పణి నాను కిన్. నల, సిను, కర్నిగొయి బూమి మున్ను వానె.

20 ప్రబు మరెజి వాని అయ గొప్పు బమ్మొని దిసం వాని ముజాలె పొద్దు సీకటి ఆనాద్లె. నెల నల లెకెండ్ ఎరాజ్ ఆనాద్లె.

21 అయావలె ఎయెర్బా దేవుణు పేరు అసి వన్ని మున్ను నమకం ఇట్టిజి వరిజ్ విజేరిజ్, దేవుణు, తీర్పుదాన్ గెల్పిస్సాన్లె.

22 పేతురు మరి వెప్టాన్, “ఇస్రాయేలు లోకాండె, నెగ్రెండ వెండ్రు. నజరేతు వాండ్రు ఆతి యేసు అతికారం దేవుణు బాణిజ్ వాతిక ఇజి దేవుణు రుజువ్ కిత్తాన్. ఎలాగ ఇహొజ, యేసు వెట మీ లోఇ కిత్తి గొప్పు పణిజ్బాజ్, ఎయెర్ కిదెజ్ అట్ఇ బమ్మొతి పణిజ్బాజ్ రుజువ్ కిత్తాన్. యూక విజు మీరు నెసినిదెర్.

23 యా యేసుజ్, ఒరెన్ మణిసి మీ డగ్గు బజ్బెప్టాన్. యా నజతి దేవుణు ముందాల్పి సెస్సాన్. యూక దేవుణు ముందాల్పి వీర్పాటు కిత్తి నజతి. మీరు యేసుజ్ నెఇవర్ దర్బనదాన్ అస్సిదెర్ సిలువ మున్ను డెయెజి నస్తిదెర్.

* 2:15 2:15 యూదురు పండోయ్ వేడేబు పెందాల్పి ఉణెవిర్. పొద్దుం విజతి వెనుక తొబిద్ది గంట వెనుకాని ఉణార్ † 2:17 2:17 దర్బనమకు. దేవుణుబాణిజ్ వాని మాటెజ్ని బొమ్మెజ్ కలాదు నుడేతి లెకెండ్ తెలివి మహివలె సూణిక్

24 గాని దేవుణులు యేసును సామ్రాజ్యం తప్పిని బట్టిస్తానని. నండో మాలెజ్ ఆజి సాతాన్ గాని దేవుణులు వన్నెజ్ సామ్రాజ్యం డిసేవ్ తానని. యేసుజ్ ఎలకాలం తోప్పి ఇడెదెజ్ సామ్రాజ్యం అట్టెండ అతాన్.

25 యేసు మాటెజ్ దావీదురాజు ముందాల్ని ఈహు వెప్తాన్ నాను దేవుణుడిజ్ ఎల్లకాలం నా డగ్రు నుడెజి మహా. దేవుణులు నా ఉణెరె పడకక మనాన్. అందెజె నాను మన్నుదు మాలెజ్ అవి.

26 అందెజె నా మన్నుదు నాను గొప్ప నర్ల ఆజిన. నాను నర్ల ఆజి వర్గిజిన. నాను నా ఒడెజెల్ దేవుణుడిజ్ ఒపజెప్ప. ఎందనిజ్ ఇహిజ ఒడెజెల్ సాతి వెనుక మరి బట్టిని ఇజె నాను నెసిన.

27 ఎందనిజ్ ఇహిజ నీను నా పాణెమెదిజ్ డిసేవ్. నమ్మిడెజ్ తగ్గికాన్ అతి నీ సేవ కినివన్నీ పీనుగు నబ్జె సాండ్రెజ్ సరి సేవ.

28 నీను నజీ ఎలకాలం బట్టిని సరి తోరిస్తి. నీను నా వెట మహిజ్ నాను గొప్ప నర్ల ఆజిన”.

29 “నా తంబెరిజాండె, నాను దయరమదాన్ వెప్పిన, మా అనిగొగొ అతి దావీదురాజు సాతండ్రె వన్నెజ్ ముస్తాన్. వన్నెజ్ ముస్తా బాడ్డె ఎంబె మనాద్ ఇజె ఏలుబా మాటు నెసినాట్.

30 గాని దావీదురాజు దేవుణు ప్రవక్త. దేవుణు వన్నీ పేరు అనీ వాండ్రె దావీదురాజు వెట ఒట్టు పొక్కాన్. అక్క ఇనిక ఇహిజ, దావీదురాజు కుటుమదాన్ ఒరన్ వన్నెజ్ దావీదురాజు లెకెండ రాజు కిన్ ఇజె. యాక దావీదురాజు నెస్ మహాన్.

31 దేవుణు యేసుక్రీస్తుజ్ సాతి వరి బాణెజ్ డిసేవ్ ఇజె, యేసుక్రీస్తు పీనుగు నబ్జె సాన్ ఏదె ఇజె దావీదురాజు ముందాల్ని నెస్తాన్. ముందాల్ని నెస్తాండ్రె, యేసు సాతి వెనుక మరి మర్జి నిజ్ నాన్ లె ఇజె ముందాల్ని దావీదురాజు వెప్తాన్.

32 యా యేసుజ్ దేవుణు మర్జి బట్టిస్తాన్. దన్నెజ్ మాపు విజెవె సాన్.

33 అహిజ దేవుణు యేసుజ్ వన్నీ ఉణెరె పడకాద్ బన్ పిని వన్నెజ్ ఇంక మిస్తి గవరం ఏలు సెత్తాన్. దేవుణు సీనా ఇజె ఒట్టు కిత్తి వన్నీ అత్తు యేసుజ్ సెత్తాన్. ఏలు మీరు నుడెజెనికెజ్ వెంజెనికెజ్ యేసు మజి సీనా ఇజె వెప్తా దేవుణు అత్తునె.

34-35 దావీదురాజు వెప్తా వన్నీ వందిజె అవిద్. దావీదురాజు పరలోకమదు సాన్ ఏదె. గాని వాండ్రు ఈహు వెప్తాన్, నాను నిజి వడెజె వరిజ్ నీ సాదమకాజ్ ముణుకుజ్ ఊరెజి మాడిసేప్పిదాక నీను నా ఉణెరె పడకాదు ఒని మన్ అ ఇజె దేవుణు నా ప్రలు వెట వెప్తాన్.

36 పేతురు మరి వెప్తాన్, “ఇస్రాయేలు కుటుమదికార్ అతి మాటు విజెటి యాక అనుమానం సిల్లెండ నెత్తె వలె. మీరు సీలువాద్ నెస్తి యేసుజ్ దేవుణు ప్రలువజ, క్రీస్తువజ ఏర్ పాటు కిత్తాన్”.

37 యాక వెహెరె లోకుర వరి మన్నుదు నండో బాద ఆజి పేతురుజ్ మరి అపొస్తలురుజ్ వెన్ బాతార్, “దాదారండె, ఏలు మాపు ఇనిక కిదిజ్ అట్టావ్?”.

38 అయావలె పేతురు వెప్తాన్, “మీ పాపమకు విజు ఒప్పుకొడెజె డిసేవ్, దేవుణుడిజ్ లోజెజనావ్ ఇజె విజెరిజ్ తోరిస్టెజ్ యేసు, క్రీస్తు ఇజె, వాండ్రు, మీ ప్రలు ఇజె తోరిస్టెజ్ బాప్తినం లాగె ఆదు. అయావలె మీ పాపమకు నొరె అనె. దేవుణు సీనా ఇజె ఒట్టు కిత్తి దేవుణు అత్తు నిజి దోహక్కాద్ లె.

39 దేవుణు సీనా ఇజె ఒట్టు కిత్తి యా దేవుణు అత్తు మిజి, మీ కొడెరిజ్, దూరమది వరిజ్ విజెరిజ్ దేవుణు సీనాన్. వన్నీ మున్ను నమ్మిడెజ్ దేవుణు కూక్కి వరిజ్ విజెరిజ్ దేవుణు అత్తు సీనాన్”.

40 మరి నండో నండో మాటెజెజె పేతురు వరిజ్ గటిజ వెప్తాన్. దేవుణుడిజ్ డిసేవ్ సాని యా సెజ లోకాజ్ వాని తీర్పుదాన్ మీరు గెల్చి సాండ్రెజ్ ఇజె పేతురు వరిజ్ మరి మరి వెప్తాన్.

41 పేతురు వెప్తా మాటెజె నమ్మితికార్ బాప్తినం లాగె అతార్. అయా రోజు రమరమి మూండ్రె వేలు లోకుర యేసుజ్ నమ్మిత్తి వరివెట కూడితార్.

నమ్మితికార్ కూడిజె మంజినార్

42 వారు అపొస్తలురు నెన్ పిస్తి మాటెజ్ డిసేవ్ మహాన్. వారు యేసుజ్ నమ్మితికార్ కూడిజె మంజిని బాన్ డిసేవ్ మంజి కూడిజె వాతారె ప్రలు ఏర్ పాటు కిత్తి బోజనం కిజె మహాన్. డిసేవ్ మంజి పార్లనం కిజె మహాన్.

43 అపొస్తలురు దేవుణు నత్తుదాన్ నండో బమ్మాని వణెజ్ బమ్మాని గుర్తుజ్ కిత్తార్. అయావలె విజెరె నండో బమ్మ అతార్.

44 యేసుజ్ నమ్మితికార్ విజెరె ఉండ్రె మన్ను మంజి వరిజ్ కల్లితి మహిక విజు విజెరె వందిజ్ కర్చు కిత్తార్.

45 అక్కాదె అవిండ వారు వరి అస్తిజ్ పొర్చి ఎయెజ్ ఎయెజ్ అవ్ సరం మనాదో వరిజ్ కిత్తార్.

46 రోజు తవ్వెండ వారు యెరూసలేముదు మన్నీ దేవుణు గుడిది డెవాదు కూడిజె వాజె మహాన్. వారు విజెరె ఇల్లుదిజ్ తవ్వెండ కూడిజె వాతారె నర్ల ఆజె బోజనం కిజె మహాన్. ఎయెజ్ బా అవ్ సరం మన్నీ వరిజ్ వారు నర్లదాన్ సీజె మహాన్.

47 వారు దేవుణుడిజ్ స్తుతి కిజె మహాన్. బాన్ మహికార్ విజెరె యా యేసుజ్ నమ్మిత్తి వరి వందిజ్ ‘వీరు ఎసానో నెగ్గికార్’ ఇజె వెప్తాన్. రోజురోజు యేసుప్రలు మున్ను, నమకం ఇడెజె వరి లెక్క వాండ్రు నండో కిత్తాన్.

3

నడిదెజ్ అట్టె సాట వన్నెజ్ పేతురు నెగండె కిత్తాన్.

1 ఒర్బెండు వేలె మూండ్రె గంటెజ్ టయెముదు, లోకుర దేవుణు గుడిదు పార్లనం కిని టయెముదు పేతురు, యోహాను, రివెర్ కూడిజె దేవుణు గుడిదు సాన్ని మహాన్.

2 పుట్టి బాణిజ్ అసి నడిచెడె అట్లొక ఒకన్ సొట వాండ్రు అబ్బె దేవుణు గుడిచి లోక సొని సరివడకాద్ డబ్బు లొసి మహాన్. దేవుణు గుడిచి దేవాదు సొని అయ సరి పేరు సుందరం ఇహార్. అయ సొట వన్నిజ్ వన్ని లోకుర్ రోజు పిండిజ తసి అయ పడకాద్ ఇడిజి మహార్.

3 పేతురు యోహాను దేవుణు గుడిచు సొని సరి డగ్రు వాటిజ్ అయ సొట వాండ్రు డబ్బుజ్ లొస్తాన్.

4 లొస్టిజ్, పేతురు వన్నిజ్ డిటం బేస్తాన్. యోహానుబా వన్నిజ్ నె డిటం బేస్తాన్. పేతురు వన్నివెట, “నీను మా దరోట్టు బేసెఅ” ఇహాన్.

5 అందెజె సొట వాండ్రు, మీరు ఇనికబా సీనార్ ఇజి ఒడిబిజి వరి దరోట్టు బేస్తాన్.

6 గాని పేతురు, “నిజి సీదెజ్ నా బాన్ డబ్బుజ్ సిట్టు. గాని నా బాన్ మనిక నాను నిజి సీనా. నజరేతుదికాన్ యేసుక్రీస్తు అతికారముదాన్ నీను నడిచెఅ”, ఇహాన్.

7 పేతురు అయ సొట వన్నిజ్ ఉణికిదు అస్తాండ్రె నిక్రాన్. వెటనె వన్ని పాదముకు కణక కాల్కు సత్తు అతె.

8 వాండ్రు లిల్లెన్ నిజితండ్రె నడిచెతాన్. పేతురు యోహాను వెట దేవుణు గుడిచి దేవాదు నడిచె సొహండ్రె డాట్టి దేవుణుదిజ్ స్తుతి కిత్తాన్.

9 వీండ్రు నడిచెనిక, దేవుణుదిజ్ స్తుతి కినిక విజేరె సుడెతార్.

10 దేవుణు గుడిచు సొని సుందరం ఇని సరిడగ్రు బసి డబ్బు లొసి మహి అయ సొట వాండ్రు వీండ్రె ఇజి వారు గుర్తు అస్తాన్. వన్నిజ్ జర్గితిక సుడిచె వారు విజేరె గొప్ప బమ్మ అతార్.

దేవుణు గుడిచు మన్ని లోకుర్ వెట పేతురు వర్గిజనాన్

11 పేతురు, యోహానుని అయ నెగెండ అతికాన్ దేవుణు గుడిచు మన్ని సొలోమోను ఇని అరబుదు మహార్. ఆ నెగెండ అతికాన్ పేతురుజ్ యోహానుజ్ గటిజి కిక్కాజ్ అసి మహాన్. అబ్బె మహికార్ జర్గితిక సుడిచె గొప్ప బమ్మ అతార్ పేతురు యోహానుని నెగెండ అతి సొట వాండ్రు మహాబాన్ ఉహ్యోసి వాతార్.

12 లోకుర్ విజేరె కూడిజి వానిక సుడిచెతండ్రె పేతురు వరిజ్ వెనెబాతాన్, “ఇస్తాయేలు లోకాండె, ఇబ్బె జర్గితిక సుడిచె మిరు ఎందనిజ్ బమ్మ అజినిదెర్? మీరు ఎందనిజ్ మజి బేసినిదెర్? మా సొంత సత్తుదాన్, మా బక్తిదాన్ వీండ్రు నడిచెడె కిత్తావ ఇజి మీరు నడిచెబిజినిదెరా?

13 మా అనిగొగోర్ అతి అబ్రాహాం, ఇస్సాకు, యోహాను పార్దనం కిత్తి దేవుణు, యా సొట వన్నిజ్ నెగెండ కిజి వన్ని సేవ కినికాన్ అతి యేసుజ్ నండె మర్దాద్రె సిత్తాన్. గాని మీరు యా యేసుజ్ సప్తెజి ఒపజిప్తిదెర్. పిలాతు యేసుజ్ డిచెసిదెజ్ ఒడిచిత్తిజిబా మీరు పొని ఇహాదెర్.

14 పాపం సిల్లి నీతినిజయుమన్ని వన్నిజ్ మీరు పొని ఇజి వెప్తిదెర్. లోకాజ్ సప్పి ఒరెన్ వన్నిజ్ మీరు డిచెసిదు ఇజి వెప్తిదెర్.

15 విజు దన్నిజ్ బత్తు, సిత్తి వన్నిజ్ మీరు సప్తిదెర్. గాని దేవుణు వన్నిజ్ మరెజి నిక్రాన్. యా నజతి వందిజ్ మాపు విజెవె సాసిర్.

16 యేసు సత్తుదాన్ యా సొట వాండ్రు సత్తుఅతాన్. మీరు విజెదెర్ విలు సుడిచెనిక యేసు పేరుదు ఇడ్డి నమకమదానె వాతాద్. యేసు మున్గు ఇడ్డి నమకమదానె వన్నిజ్ సత్తు వాతాద్”.

17 “విలు నా తంబెరిజాండె, మీరుని, మీ పెద్దెలుజ్, యేసుజ్ కిత్తిక మీరు ఇనిక కిజినిదెర్ ఇజి నెన్విండ కిత్తిదెర్ ఇజి నాను నెస్సు.

18 దేవుణు నండె వంటిజ్ ముందాల్పు విజేరె ప్రవక్తర్ వెట ‘వన్ని క్రీస్తు కస్టముకు ఒరిస్తాలి’ ఇజి వెప్తా మహాన్. దేవుణు ముందాల్పు వెప్తివజెనె ఈహు జర్గితాద్.

19-20 దేవుణు మీ పాపముకు సెమ్మిన్ వందిజ్ మీరు మీ పాపముకు ఒప్పుకోడిజి డిచెసిజి దేవుణు డగ్రు మరెజి రదు. దేవుణు మీ అత్తుదిజ్ నెగ్గి పాణం సీని వందిజ్, దేవుణు మీ వందిజ్ ఏరెపాటు కిత్తి క్రీస్తు అతి యేసుజ్ మీ డగ్రు పొక్కి వందిజ్ దేవుణు డగ్రు మరెజి రదు.

21 దేవుణు ముందాల్పు వాండ్రు పొక్కి ప్రవక్తర్ వెట వెప్తివజె దేవుణు విజు దన్నిజ్ కొత్తాక లెకెండ కినిదాక యేసు పరలోకముదు మండ్రెజ్ వలి.

22 దేవుణు - ప్రవక్తరు లోక ఒరెన్ మోసె ఇనికాన్ ఈహు వెప్తాన్: “ప్రబు అతి మీ దేవుణు, నా లెకెండ ఒరెన్ ప్రవక్తెజ్ మీ లోకుర్ లోకహాన్ పుటిస్తాన్లి. వాండ్రు వెప్తిక విజు మీరు నెగ్రెండ వెంజి లోజిదెజ్ వలి.

23 ఎయెరెబా ఆ ప్రవక్త వెప్తిక వెంజి లోజివిండ మహిజి వాండ్రు దేవుణు లోకుర్ వెట మన్విండ పూర్తి పాడానా సొనాన్.

24 సముయేలు ప్రవక్త, వన్ని వెనుక వాతి ప్రవక్తరు విజేరె యా దినమకాజ్ వందిజ్ దేవుణు సిత్తి మాటిజ్ ముందాల్పు వెప్తా మహాన్.

25 దేవుణు ప్రవక్తర్ వెట కిత్తి ఒట్టు మీ వందిజె. దేవుణు మీ అనిగొగోరు వెట కిత్తి ఒట్టు మీ వందిజె. మీ అనిగొగోర్ అతి అబ్రాహాం వెట దేవుణు కిత్తి ఒట్టు ఇనిక ఇహాజి, మీ తెగాది వన్ని బాణిజ్ యా లోకముదు మన్ని విజేరిజ్ నాను దీవిస్సు.

26 అందెజె దేవుణు వన్ని సేవ కిని క్రీస్తుజ్ ఏరెపాటు కితాండ్రె ముందాల మీబానె పొక్తాన్. ఎందనిజ్ పొక్తాన్ ఇహిజి మీ సెజి వణిజాజ్ మజి డిచెసి దేవుణుబాన్ మరెజి తసి మిజి దీవిస్టెజ్ వన్నిజ్ పొక్తాన్”, ఇజి పేతురు వెప్తాన్.

4

పేతురుజ్ యోహానుజ్ అస్తాన్

1 పేతురు యోహాను లోకుర్ వెట వర్గిజ మహికాజ్ పుజేరిబి, సదుకెయరు, దేవుణు గుడిచు మన్ని జమాన్జ అతికారి పేతురు యోహాను బాన్ వాతార్.

2 అపొస్తలురు నెన్పిసినిక వెహారె వారు కోపం ఆతారె. ఎందనిజ్ ఇహిజ యేసు సాజి మరజి బత్తితారె ఇజి వెప్పి సాతికారె మరి బత్తినారె ఇజి వారు రుజుప్ కిత్తారె.

3 వారు పేతురుజ్ యోహానుజ్ తొస్త్రు ఒతారె ముక్క నాండిజ్ పెందాలే దాక ఇటిరు ఇట్టారె. ఎందనిజ్ ఇహిజ అయావలె పొదోయే అత మహాద్.

4 గాని వారు నెన్పిసినిక వెహికారె నండో లోకురె యేసుజ్ నమ్మితారె. యేసుజ్ నమ్మిత్తి వరి లెక్క ఏలు రమరమి అయేదు వేలు ఆతాద్.

5 మహ్న నాండిజ్ యూద అతికారిజ్, యూద పెద్దెలుజు, యూదురి రూలు నెస్పిసినికారె వీరు విజేరి యెరూసలేమ్దు కూడిత వాతారె.

6 విజేరి పుజేరిజు మున్ను పెరి పుజేరి ఆతి అనయు, కయపయు, పెరి పుజేరి కుటుమ్దికారె యోహాను, అలెక్సంతరు ఇనికారె, మరి సెగెండోర్ మొగకోడోర్ బాన్ కూడిత వాతారె.

7 వారు పేతురుజ్ యోహానుజ్ వరి ముందాల నిల్వారె వెనబాతారె, “మీరు ఎమేణి సత్తుదాన్, ఎయె పేరుదాన్ ఇక కిత్తిదెర్?”

8-9 అయావలె దేవుణు అత్తు సత్తు పేతురు మున్ను వాతాద్. అయ సత్తుదాన్ నె పేతురు వెహ్తాన్: “లోకాజ్ అతికారిజాండె, పెద్దెలుజాండె, యా సాట వన్నిజ్ కిత్తి నెగ్గి పణి వందిజ్ వాండ్రు ఎయె సత్తుదాన్ నెగెండో ఆతాన్ ఇజి మీరు మజి నేండ్రు కరాయి ఇజినిదెర్.

10 దిన్ని వందిజ్ మాపు వెహ్తాజ్ ఇహిజ, మీరు విజిదెరి, ఇస్రాయేలు లోకురె విజేరి యాక నెస్సెజ్ వలె. మీరు సిలువారు డెయేజి సస్తి యేసుక్రీస్తుజ్ దేవుణు మరజి బత్తిస్తాన్. సాతి బత్తితి నజరేతు వాండ్రు ఆతి యేసుక్రీస్తు సత్తుదాన్ నె వీండ్రు పూర్తి నెగెండో ఆజి మీ నడిమెదు మానాన్.

11 యా యేసుక్రీస్తు వందిజ్ ఈహు రాస్త్ర మనాద్. అక్క ఇనిక ఇహిజ, ఇల్లు తొప్పి మీరు నెక్తికొక్తి వణుకునె మూలదిజ్ మూలవణుకు ఆతాద్.

12 యేసునె మిజి వాజిని సిక్కుదాన్ గెల్పెస్సెజ్ అట్టాన్. ఎందనిజ్ ఇహిజ యా లోకమ్దు లోకాజ్ వాని సిక్కుదాన్ వరిజ్ గెల్పెస్సెజ్ మరి ఎయెరి పేరుబా దేవుణు సివితాన్. యేసు పేరునె సిత్తాన్.

13 పేతురు యోహాను తియెల్ ఆవిండ నెగెండో వర్గిని మాటెజ్ వెంజి నన్హాద్రిం సజమ్దికారె బమ్మ ఆతారె. ‘వీరు ఇనికబా నెన్ఇకారె, పెరి సదుపు నన్విఇకారె’ ఇజి నెస్తారె బమ్మ ఆతారె. పేతురు యోహాను యేసు వెట కూడిజి మహికారె ఇజి వారు నెస్తారె.

14 గాని ఆ నెగెండో అతికాన్ పేతురు యోహాను వెట నిల్పి మహిజ్ ఇనికబా మరజి వెహ్తాజ్ నన్హాద్రిం సజమ్దికారె అట్వెతారె.

15 అందెజి వారు పేతురుజ్ యోహానుజ్ నెగెండో అతి వన్నిజ్ సజమ్ లోఇహాన్ వెల్లి పోక్తారె వరి లోఇ వారె వర్గితారె.

16 “విరిజ్ ఇనిక కిదెజ్? వీరు కిత్తి బమ్మాని పణి వందిజ్ యెరూసలేమ్దికారె విజేరి నెనినారె. అక్క జర్గివెతాద్ ఇజి మాటు వెహ్తాజ్ అట్వెత్.

17 యేసు పేరు అని ఎయెన్ వెటబా ఎనెజ్బా ఇనికబా వెహ్తాజ్ ఇజి మాటు విరిజ్ గటిజ వెహ్తాజ్. యా సజతి మహికారిబా నెన్విండో మండ్రెజ్” ఇహారె.

18 అయావలె వారు పేతురుజ్ యోహానుజ్ లోఇ కూక్తారె, “ఎనెజ్బా యేసు పేరు అని వెహ్తాజ్. యేసు పేరు అని బోదిస్సాట్”, ఇజి ఆడ్ర సితారె.

19 గాని పేతురు యోహాను ఈహు వెహ్తారె, “ఏలు మీరి వెహ్తూ, దేవుణుదిజ్ లోబడెదెజా మిజి లోజేదిజా? దేవుణు నుడెతిజ ఎమేణిక సరియాతిక?

20 మాపు ఇహిజ, మాపు నుడెతి దన్ని - వందిజ్ మాపు వెహి దన్ని వందిజ్ వెహ్ - విండో మండ్రెజ్ అట్వెత్”.

21 పేతురుజ్ యోహానుజ్ ఎలాగ సిక్కు సిదెజ్ ఇజి వారు నెన్వితారె. ఎందనిజ్ ఇహిజ దేవుణు కిత్తి గొప్ప పణి వందిజ్ లోకురె విజేరి దేవుణుదిజ్ స్తుతి కిజి మహారె. అందెజి సజమ్దికారె పేతురుజ్ యోహానుజ్ ‘యేసు పేరు అని వెహ్తాజ్ ఆవిద్’ ఇజి గటిజ మరి బెద్రిసి వెహ్తారె డిస్తారె.

22 దేవుణు వన్ని సత్తుదాన్ బమ్మాతి పణి కిజి నెగెండో కిత్తి యా సాట వన్నిజ్ వయేసు నలవయే పంటెజ్ ఎక్కునె మహాద్.

నమ్మితి వరి పార్లనం

23 పేతురు యోహాను డిజెవి ఆతి వెటనె నమ్మిత్తి వరి డగ్రు సాహారె. సాహారె పెరి పుజేరిజు, పెద్దెలుజు వరి వెట వెహ్తాక విజి వెహ్తారె.

24 పేతురు యోహాను వెహ్తాక వెహారె వారు విజేరి కూడితారె ఉండ్రె మున్నుదాన్ దేవుణుదిజ్ ఈహు పార్లనం కిత్తారె, “విజి దన్నిజ్ ప్రబు ఆతి దేవుణు, నీనె ఆగానం, బూమి, నమ్దరం, వనక లోఇ మున్ను విజి దన్నిజ్ వట్టిసి.

25 దేవుణు, నీ సేవ కినికాన్ ఆతి మా అనిగిగొ దావీదురాజు వెహ్తాక నీ అత్తు సత్తుదాన్ నీనె వెహ్పిసి. అక్క ఇనిక ఇహిజ, యా యూదురు అఇకారె ఎందనిజ్ కోపం ఆజనారె. యా లోకురె ఎందనిజ్ ఇని దన్నిజ్ పణిదిజ్ రెవికెజ్ ఒడిబిజనారె?

26 బూ లోకమ్ది రాజురె, అతికారి లోకురె, ప్రబు ఆతి దేవుణు వెట, దేవుణు ఏరెపాటు కిత్తి క్రీస్తు వెట ఎద్రిస్సెజ్ కూడిజి వాజినారె.

27 ఆహె హేరోదు, పొంజి పిలాతు, యూదురు, యూదురు అఇ లోకురె వెట యా పట్టుమ్దు కూడిత మహారె. వారు నీను ఏరెపాటు కిత్తి పాపం సిల్లి నీ సేవ కినికాన్ ఆతి యేసుజ్ సహ్తెజ్ ఒడిబిజ మహారె.

28 దేవుణు, నీ సత్తుదాన్, నీ ఇష్టమ్దాన్ ఇనిక జర్గినాద్లె ఇజి ముందాల్పి నీను ఏరెపాటు కిత్తిదో అయాలెకెండో వారు కిత్తారె.

29 ఏలు ప్రబువా, వారు మజి బద్రినిని దన్నిజ్ నుడేఅ. మీ సేవ కినికార్ ఆతి మాపు నండో దయరమ్దాన్ నీ మాటిజ్ బోదిన్జెజ్ మజి సత్తు సిదా.

30 కష్టముకు మున్ని వరిజ్ నెగిండ కిజి మీ సత్తు తోరినఅ. మీ బాణిజ్ వాతి నమ్మిదెజ్ తగ్గికాన్ ఆతి మీ సేవ కినికాన్ ఆతి యేసు పేరుదాన్ గొప్ప బమ్మాతి పణిజ్ బమ్మాతి గుర్తుజ్ కిఅ”.

31 వారు పార్దనం కిత్తి వెనుక వారు కూడేజి మహి బాడ్డి కద్దితాద్. అయావలి దేవుణు ఆత్మ సత్తు వరి మున్ను వాతాద్. వారు దయరమ్దాన్ దేవుణు మాటిజ్ వెహ్కార్.

నమ్మితికార్ వరి ఆస్తి అపొస్తురుబాన్ తతార్

32 నమ్మితికార్ విజేరె ఉండ్రె మున్ను ఆజి ఎయెనబా సరినె వన్నిజ్ మున్నిదన్ని - బాణిజ్ ఇనికబా నాదిని ఇజి ఆవిద్ ఇజి వరిజ్ మున్నిక విజెరె వందిజ్ కర్పు కిత్తార్.

33 దేవుణు సత్తుదాన్ బమ్మాతి పణిజ్ కిజి అపొస్తురు ప్రబు ఆతి యేసు, సాతివరి - బాణిజ్ మరజి బమ్మిత్తాన్ ఇజి సాని వెహ్కా మహార్. దేవుణు దయాదర్లుం వరి మున్ను నండో మహాద్.

34-35 బామిజ్ ఇల్లు కల్గితి మహికార్ విజేరె అక్కెజ్ పొర్ని కల్గితి డబ్బు అపొస్తురు డర్లు తతార్. విజేరిజ్ వరివరి అవ్నరం నుడేజి సిబాజి సితార్. అందెజి వరి లొఇ ఎయెనబా సరి అవ్నరం వాతిజి తక్కు సిల్లెండ ఆతాద్.

36 కుప్ప దేనమదు పుట్టి లేవి కుటుమ్దికాన్ ఆతి యోసిపు ఇని ఒరెన్ మహాన్. వన్నిజ్ అపొస్తురు బర్లుబ ఇజి కూక్కి మహార్. (వన్ని పేరు అర్లం ఇనిక ఇహిజి సాయం కినికాన్ ఇజి)

37 వాండ్రు వన్నిజ్ మహి బామి ఉండ్రె పొర్ని అయి డబ్బు అపొస్తురు డర్లు తతాన్.

5

అననియ, సపీర

1 అయావలి అననియ ఇని ఒరెన్ మహాన్. వన్ని ఆల్ని పేరు సపీర. వారుబా ఉండ్రె బామి పొర్నార్.

2 పొర్నార్ మాసి సెగం ఇట్టాండ్రె మిగ్లితి డబ్బు అపొస్తురు డర్లు ఒతాన్. యాక విజి ఆల్నిబా నెస్తాద్.

3 అయావలి పేతురు అననియెజ్, “నీ బామి పొర్ని డబ్బుజాణి సెగం డాప్టి దేవుణు ఆత్మదిజ్ ఎందనిజ్ మొసెం కిత్తి? నన్ని మొసెం పణి కిదెజ్ నీను ఎందనిజ్ నీ మున్నుదిజ్ సయ్యానుజ్ ఒపజెప్తి?

4 బామి నీ బాన్ మహివలె నీదినిగదె. అక్క పొర్నివలెబా ఆ డబ్బు నీ సొంతన గదె. నన్ని పణి కిదెజ్ ఎందనిజ్ నీ మున్నుదు ఒడిజెబిత్తి? నీను లొకు వెటె ఆవిద్, దేవుణు వెటెన అబద్ధం వర్గితి”, ఇజి వెహ్కాన్.

5 అననియ యా మాటిజ్ వెహివెటెన అర్తాండ్రె పాణం డిస్తాన్. యాక మహికార్ విజేరె తియెల్ ఆతార్.

6 దజ్జిడాయెర్ వాతార్ పీనుగుదిజ్ పాతెజ్ సుట్టిస్తార్, పిండిజి ఒతార్ ముస్తార్.

7 రమరమి మూండ్రె గంటిజ్ వెన్కా వన్ని ఆల్ని జర్గితిక నెన్విండ లొఇ వాతాద్.

8 పేతురు దన్ని వెటె, “మీరు యా బామి నిస్తా డబ్బుదిజి పొర్నిదెరా, వెహిఅ”, ఇహాన్. వెనబాతిజ్ అది, “నిస్తాదిజి పొర్నావ్”, ఇహాద్.

9 పేతురు దన్ని వెటె, “మీరు రిఇదెర్ కూడేజి దేవుణు ఆత్మదిజ్ తప్పు వెహ్కాదెర్. దేవుణు ఆత్మదిజ్ తప్పు వెహ్కా మొసెం కిదెజ్ మీరు ఎందనిజ్ ఒడిజెబిత్తిదెర్? ఇదిలో నీ మాసిజ్ మున్నికార్ ఇచ్చి మనార్. వారు నిజేబా పిండిజి ఒనార్”, ఇహాన్.

10 వెటెన అది పేతురు పాదం డర్లు అర్తాద్ పాణం డిస్తాద్. అయి దజ్జిడాయెర్ లొఇ వాతార్ అది సాతాద్ ఇజి నుడేతార్ దన్నిజ్ పిండిత ఒతార్. ఒతార్ మాసి డర్లు ముస్తార్.

11 దేవుణు నజమదు మహికార్ విజేరె, యా మాటిజ్ వెహికార్ విజేరె గొప్ప తియెల్ ఆతార్.

అపొస్తురు నండో లొకాజ్ నెగిండ కిత్తార్

12 అపొస్తురు లొకర్ నడిమి నండో బమ్మాతి పణిజ్ బమ్మాతి గుర్తుజ్ కిత్తార్. నమ్మితికార్ విజేరె ఉండ్రె మున్ను ఆజి దేవుణు గుడిడు మున్ని సాలోమాను అరుబు ఇని బాడ్డిదు కూడేజి వాజి మహార్.

13 ‘యె నమ్మితికార్ ఎస్కానో నెగ్గికార్’ ఇజి లొకర్ వెహ్కార్. అహిజబా మరి ఎయెరబా నమ్మితికార్ వెటె కూడేదెజ్ తియెల్ ఆతార్.

14 గాని నండో లొకర్, మొగ్గకోడోకర్, అయెలికోడోకర్ యేనుజ్ నమ్మిత్తార్ నమ్మిత్తి వరివెటె కూడితార్.

15 అందెజి అపొస్తురు కిత్తి గొప్ప పణిజ్ నుడేతార్ కస్తం మన్ని వరిజ్ సాప మున్ను మున్ను మున్ను పేతురు నడిజి వాని సరిపడేకాదు తతార్. ఎందనిజ్ ఇహిజి పేతురు అయి సరి వానివలె వన్ని నీడేబా తాక్కిజి నెగిండ ఆనార్ ఇజి.

16 యెరూసలేముదు సురుల మన్ని నావ్కాణిజ్బా నండో లొకర్ బాన్ వాతార్. వరి లొఇ కష్టముకు ఆతివరిజ్, దెయమ్ కాణిజ్ మాలెజ్ ఆతివరిజ్ అబె తసి మహార్. విజేరె నెగిండ ఆతార్.

యూదురి అతికారిబు అపొస్తురిజ్ మాలెజ్ కిత్తార్

17 నన్నివలె విజేరె పుజేరిజి మున్ను పెరి పుజేరి, వన్ని వెటె కూడితి మహికార్ విజేరె, ఇహిజ, సదుకెయరు ఇని పార్ది లొఇ నెగిండో అపొస్తురు వెటె గొప్ప గోన ఆతార్.

18 వారు అపొస్తురుజ్ అస్తార్ పట్టుమదు మన్ని జెలిదు ఇట్టార్.

19 గాని దేవుణు దూత పొదోయ వాతండ్రి జెలిది సెప్లాజ్ రేతాండ్రె వరిజ్ వెల్లి తతాన్.

20 వెల్లి తతాండ్రె దూత, “మీరు దేవుణు గుడి డేవాదు సాన్ని లొకాజ్ విజెరిజ్ యా కొత్త బత్తువందిజ్ పూర్తి వెహ్కా” ఇహాన్.

21 వారు జాయ్ ఆని డగ్రు దేవుణు గుడిఁ డేవాదు సాహార దూత వెహ్ని వజ లోకాజ్ బోద్నిజ్ మొదొల్స్తార. వెనుక, విజేరె పుజేరిజ మున్సు, పెరి పుజేరి, వన్నివెట మహికార్ వాతారె సన్హద్రి సజమదు మహి యూదవెద్దెలుజ విజేరిజ్ కూక్కి మీటిజ్ కిత్తార. మీటిజ్దు కూడితారె జెలిదు మన్ని అపొస్తురుజ్ వరిబాని తత్తెజ్ జమానిజ పోక్తార.

22-23 గాని వారు జెలిదు సొన్ని సుడేతిజ్ పేతురుని యోహాను లోఱ సిల్లెర. వారు మప్తా వాతారె వెప్తార, “మాపు సొన్ని సుడేతిజ్ జేలిదు సేప్లాజ్ తాలం అరెప్త మహె, కావ్ కినికార సేప్లాజ ముందాలెనె నిహ మహార. గాని మావ్ సొన్ని సేప్లాజ్ రేనివరి లోఱ వారు సిల్లెర”.

24 వీరు వెహ్నిక వెహరె పెరి పుజేరిజ, దేవుణు గుడిఁది జమానిజ అతికారె గొప్పు బమ్మ అతారె, ‘ఇక ఇనిక ఆనాదెనె’ ఇజ ఒడిఁబితార.

25 అయావరి ఒరెన్ వాతంద్రె, “ఇదిలో మీరు జెలిదు ఇడ్డిమహి లోకుర ఏలు దేవుణు గుడిఁదు నిహారె లోకాజ్ బోద్నిసినార”, ఇజ వెప్తార.

26 వెహ్నిజ్, అతికారె జమానిజ వెట సాహంద్రె అపొస్తురుజ్ కూక్త తతార. ‘లోకు మజి వణుకుజాణిజ్ డెయెనారలెను’ ఇజ తియెల్ అతారె అపొస్తురుజ్ ఒపిసి కూక్త తతార.

27 వరిజ్ కూక్త తత్తారె సన్హద్రిం సజం నడిఁమి నిల్పార. నిల్పారె విజేరె పుజేరిజ మున్సు, పెరి పుజేరి వరివెట వెనబాతాన:

28 “యా యేసు పేరు ఆని బోద్నిస్మాజ్” ఇజ మాపు మిజి డటం బెద్రిసి వెహ్నివ్ గదె. గాని మీరు యెరూసలేమదు విజు మీ బోద్ సొట్టెదె. సాతి వన్ని వందిజ్ మావ్ వన్నిజ్ సప్టావ్ ఇజ మీరు మా మున్సు, తప్పు ఇడేఁదిజ్ సుడేజనిదెర”, ఇహన్.

29 దన్నిజ్ పేతురు మరి అపొస్తురు, “లోకాజ్ అవెద, దేవుణుదిజె మాపు లోజిదెజ్ గదె?

30 మీరు యేసుజ్ నిలువాదు డెయెజి సప్టిదెర. గాని మా అనిగొగొరి వరిహాన్ ఆని మన్ని దేవుణు, వన్నిజ్ సాతి వరి బాణిజ్ నిక్తాన్.

31 యా యేసుజ్ రాజు మరిసి వజ, విజెరిజ్ రక్కిసిని వన్ని వజ దేవుణు గొప్పు మర్యూద సితంద్రె వన్ని ఉణెరె వడేకాదు బన్పిస్తాన్. ఎందనిజ్ ఇహిజ ఇప్తాయేలు లోకురె వరి పాపమకు డిసి దేవుణుదిజ్ లోజిదెజ్. వరి పాపమకు నొరె ఆదెజ్ సరి సీదెజ్ ఇజ దేవుణు వన్ని ఉణెరె వడేకాదు యేసుజ్ బన్పిస్తాన్.

32 యా సజతిజ్ వందిజ్ మాపు సొనిర. దేవుణుదిజ్ లోజిని వరిజ్ దేవుణు సీని వన్ని అత్తబా యా సజతిజ్ వందిజ్ సొని”, ఇజ వెప్తార.

33 అపొస్తురు వెహ్నిక వెంజి విజేరె పుజేరిజ మున్సు, పెరి పుజేరి, వన్నివెట మహికార్ కోపం అతారె ‘వరిజ్ సప్టావ్’ ఇజ ఒడిఁబితార.

34 అయావరి సజమదు మహి పరిసయరు లోఱ ఒరెన్ గమాలియేలు ఇనికాన్ సన్హద్రిం సజమదు నిహంద్రె వెప్తార, “వీరు సణెం సజమదాన్ వెల్లినె మనిర”. గమాలియేలు ఎయెన్ ఇహిజ యూదురి రూలుజ్ నెన్నిసిని వరిలోఱ ఒరెన్. లోకురె విజేరె వన్నిజ్ మర్యూద సీజ మహార.

35 అపొస్తురుజ్ వెల్లి పోక్తారె గమాలియేలు సజమది లోకాజ్ ఈహు వెహ్ని, “ఇప్తాయేలు లోకాంఠె, యా లోకాజ్ మీరు ఇనిక కిదెజ్ ఇజ ఒడిఁబిజనిదెరొ జాగర్ల మంద్రు.

36 సెగం వంటిజ్ ముందాల దూద ఇనికాన్ ఒరెన్ నిజింద్రె నాను గొప్పువాంద్రు ఇజ వెహ్ని. రమరమి నాల్లి వందిజ్ లోకురె వన్నివెట కూడితార. ఎయెలో వన్నిజ్ సప్తార. వన్నివెట కూడితి మహికార్ విజేరె సెద్రితారె వరి వణి ఇని దన్నిజ్ రెవిండాతా సాహాద్.

37 వెనుక, లోకురె లెక్కు సుడేని జనాబా దిసమ్కాజ్ గలిలయ వాంద్రు ఆతి యూద ఇనికాన్ ఒరెన్ నిజిత్తాన్. మంద లోకురె వన్నివెట కూడితారె వారు ఏలుబడిఁ కినివరి మున్సు, ఎద్రిస్తార. వన్నిజ్ బా ఎయెలో సప్తార. వన్నివెట కూడితి మహికార్ విజేరె సెద్రిత సాహార.

38 అందెజె, నాను ఇనిక వెహ్నిన ఇహిజ, విరిజ్ ఇనికబా కిమాల్. విరిజ్ డిసిసిఅ. ఎందనిజ్ ఇహిజ విరి ఆలోసనమ్కు, విరి వణిజు లోకువరిహాన్ వాతిక ఇహిజ అది ఇనిదన్ని వణిదిజ్ రెవిండాన సానాద్.

39 గాని ఇక్కు దేవుణు బాణిజ్ వాతిక ఇహిజ విరిజ్ అడ్డు కిదెజ్ మీరు అల్ఱెదెర. అక్యూదె అవిండ మీరు దేవుణు వెట టంటిజ్ అతికారె ఇజ మిజి తెలినాద్”.

40 సజమదికారె గమాలియేలు వెహ్ని మాటదిజ్ ఒవుకోటార. వారు అపొస్తురుజ్ కూకీసిని వరిజ్ కొరెడెదాన్ డెయెబిసి యేసు పేరు ఆని ఎనిజ్ బోద్నిస్మాజ్ ఇజ డటం వెహ్ని వరిజ్ డిఁస్తార.

41 యేసు పేరు వందిజ్ మాలెజ్ ఒరిస్టెజ్ తగిలికారె ఆతి వందిజ్ అపొస్తురు డెయెతి దెబ్బ తిహిజ్ బా సర్ల ఆజి అబెణిజ్ సాహార.

42 లోఱు అపొస్తురు దేవుణు గుడిఁ డేవాదు, లోకురి ఇల్కాజ్ బోద్ని మహార. యేసు దేవుణు పోక్తి క్రిస్తునె ఇజి నెగ్గిమాలు వారు తవ్విండ బోద్ని మహార.

6

అపొస్తురు ఏడుగురు మొగ వరిజ్ ఏరెపాటు కిత్తార

1 యేసుప్రబుజ్ నమ్మితికారె ఆ కాలమదు నండొ లోకురె ఆజి వాతార. అయావరి ముండ మణిసిరిజ్ బోజనం సీని దన్నిలోఱ, మా ముండ మణిసిరిజ్ బోజనం సివెర ఇజ గ్రెకు బాన వర్గిని యూదురు ఏల్లి బాన వర్గిని యూదురు మున్సు, మొరొ అతార.

2 అయావరి పన్నెండు మణిసిరి అపొస్తురు నమ్మితి వరిజ్ విజెరిజ్ కూక్తర వెహ్ని, “మాపు బోజనం సీబాజి సీని వందిజ్ దేవుణు మాట నెన్నిస్టెజ్ డిసి సినిక తగివిద్.

3 తంబెరిజాండె, అందెజె ఏడుగురు మొగ వరిజ్ ఏర్పాటు కిదు. మీ లోక దేవుణు అత్తు నిండ్రీతి మన్ని, గెణం నిండ్రీతి మన్ని విజేరి ఒప్పుకోటి మని ఏడుగురు మొగ వరిజ్ ఏర్పాటు కిదు, మాపు వరిజ్ యా పణి ఒపజెప్పావ్.

4 అపొష మూపు పార్లనం కిదెజ్, దేవుణు - మాట నెస్సినైజ్ కేట మంజినావ్", ఇహోర్.

5-6 అపొస్తరు మాటిజ్ అబ్బి కూడితి మహి లోకాజ్ విజెరిజ్ ఇన్లం ఆతాద్. అందెజె దేవుణు మున్సు పూర్తి నమకం ఇడేజి దేవుణు అత్తు పూర్తి నిండ్రీతి మహి స్తెపాను, పిలిపు, ప్రొకొరు, నికనొరు, తిమొను, పర్తనసు, యూద మతమదు కూడితి అంతియొకియ దేనెమదికాన్ నికొలాను ఇని ఏడుగురు మొగవరిజ్, నమ్మితకార్ అపొస్తరు ముందాల తతార్. అపొస్తరు పార్లనం కితారె వరి మున్సు కిక్కు ఇడేజి వరిజ్ అయ్యా పణి కిదెజ్ అతికారం సితార్.

7 అందెజె మరి నండో లోకుర్ దేవుణు మాటిజ్ నమ్మితార్. యెరూసలేముదు మన్ని నమ్మిత వరి లెక్క నండో ఆజి వాతాద్. నండోడార్ పుజేరిబు యెనుప్రబు మున్సు నమకం ఇట్టార్.

లోకుర్ స్తెపానుజ్ అస్తార్

8 వరి లోక ఒరెన్, స్తెపాను ఇనికాన్, దేవుణు దయదర్మమదాన్ దేవుణు అత్తు నత్తుదాన్ నిండ్రీతాండ్రె లోకుర్ నడేమి గొప్ప బమ్మాని పణిజ్ బమ్మాని గుర్తుజ్ కిజి మహాన్.

9 గాని, కురినియ పట్టుమదికార్ యూదురు, అలెక్సాండ్రీయు పట్టుమదికార్ యూదురు, (వీరు లిబెర్తి ఇని యూదురు మీటిజ్ ఇండ్రోణి గుంపుదికార్) మరి కిలికియ దేనెమదాన్ వాతి యూదురు, ఆనియ దేనెమదాన్ వాతి యూదురు వాతారె స్తెపాను వెట తర్కిస్తార్.

10 గాని వాండ్రు వెప్సి మాటిజ్ ఎద్రిస్టెజ్ వారు అటండాతార్. ఎందనిజ్ ఇహిజ దేవుణు బాణిజ్ వాతి గెణమదాన్, దేవుణు అత్తు నత్తుదాన్ స్తెపాను వరివెట వర్గితాన్.

11 అయావలె వారు, 'వీండ్రు మోనె మున్సు, దేవుణు మున్సు దూసిసిని మాటిజ్ వర్గినిక మావ్ వెహావ్' ఇజి వెప్సిజ్ నెగొండార్ లోకాజ్ ఎయెర్ నెనవిండ నుత్తిస్తారె కూడుజెప్తార్.

12 కూడుజెప్తారె, లోకాజ్, పెద్దెలజ్, యూదురి రూలు నెస్సినెకార్ విజెరిజ్ రేప్తారె వన్ని మున్సు, వాతార్. వాతారె స్తెపానుజ్ అస్తారె యూద పెద్దెలజ్ ననహద్రిం ఇని పెరి నజమదు తతార్. బానె అబద్దం సాని వెప్పి వరిజ్ నిల్వ్తార్.

13 వారు ఈహు వెప్తార్, "వీండ్రు ఎస్సెవలెబా దేవుణుదిజ్ కేట కిత్తి యా దేవుణు గుడిదిజ్, మోనె సీత్తి రూలుజ వెత్తేకం వర్గజనాన్.

14 యా నజరేతు వాండ్రు ఆతి యేను యా దేవుణు గుడి పాడు కినాన్, మాటు ఎలగా నడిదెజ్ ఇజి మోనె మా అనిగొగొరిజ్ సీత్తి మాటిజ్ మారిస్తాన్ ఇజి వీండ్రు వెప్సిక మాపు వెహావ్".

15 ననహద్రిం నజమదికార్ స్తెపాను మొకొం డేటం నుడిజె మహిజ్ వన్ని మొకొం దేవుణు దూత మొకొం లెకెండో జాయ్ తోర్కిక వారు నుడిజెతార్.

7

స్తెపాను ననహద్రిం నజమదు మన్ని వరివెట వర్గజనాన్

1 అయావలె విజేరి పుజేరిబు మున్సు పెరి పుజేరి స్తెపానుజ్ వెనబాతాన్, "యా మాటిజ్ నిజమా? వీరు వెప్సి లెకెండో నీను వెప్సిదా నిల్దెదా?"

2 దన్నిజ్ స్తెపాను వెప్సిక ఇనిక ఇహిజ, "తంబెరిజాండె, బుబ్బరాండె, వెండ్రు, మా అనిగొగొ ఆతి అబ్రాహం ఆరోసు ఇని పట్టుమదు బత్తిఎండ ముందాల, మెసాపొతెమియ ఇని దేనెమదు బత్తిజి మహాన్. అయావలె నండో జాయ్ మన్ని దేవుణు వన్నిజ్ తోర్ ఆతాన్.

3 దేవుణు అబ్రాహం వెట ఈహు వెప్తార్, 'నీను నీ దేనెం డిసి, నీ సొంత లోకాజ్ డిసి నాను నిజి తోరిసిని దేనెం సొన్ అ'.

4 అయావలె వాండ్రు కల్లియుజ్ బత్తితి మహి మెసాపొతెమియ దేనెం డిసి ఆరోసు పట్టుమదు సాన్సి బత్తితాన్. వన్ని బుబ్బ సాతి వెనుక అబెణిజ్ మీరు ఏలు బత్తిజిని యా దేనెమదు బత్తిదిజ్ దేవుణు వన్నిజ్ కూక్ తతాన్.

5 అయావలె దేవుణు వన్నిజ్ ఉండ్రీ ముక బూమిబా అక్కు సివితాన్, యా దేనెమదు. గాని అయావలె అబ్రాహాముజ్ కొడోర్ సిల్లితిజ్ బా దేవుణు వన్ని వెట ఉండ్రీ మాట సితాన్. అక్క ఇనిక ఇహిజ, 'నిజి, నీ పొటిజాణి వరిజ్ విజెరిజ్ యా బూమి ఆనాద్'.

6 దేవుణు వన్ని వెట, 'నీ పొటిజాణికార్ ఆఇ దేనెమదు సానారె బానె ఆఇకార్ లెకెండో మనార్. అయ దేనెమదికార్ నీ లోకాజ్ నాల్లి వందెజ్ వంటిజ్ వెట్టిపణి కిజిని వరిలెకెండో పణి కిబిని వరిజ్ లోజెజి మంజిని వజ ఇడేజి మాలెజ్ కినార్'.

7 గాని వారు ఎమేణి దేనెమదు పణి కిజినారె అయ దేనెమది వరిజ్ నాను తీరిని సిన సీనారె. వెనక వారు ఆ దేనెం డిసి వాని యా బాడ్డిదు మంజి నజ్జి పొగడిజె మహిజ్ సాన్సార్ ఇజి వెప్సి మహాన్.

8 దేవుణు అబ్రాహం వెట 'విజెరి కుటుమకాజ్ పుట్టి మొగ్గ కొడోరిజ్ నునతి కిదెజ్ వలె', ఇజి వెహాన్. అందెజె అబ్రాహం, వన్ని మరిసి ఇస్తాకు పుట్టి ఏడు రోన్సు వెనుక మహ్న నాండిజ్, ఇహిజ, ఎనిమిది రోన్సాజ్ నునతి కిత్తాన్. ఇస్తాకు, వన్ని మరిసి యాకోబుజ్ నునతి కిత్తాన్. యాకోబు వన్ని వన్మొండు మంది మరిసిరిజ్ నునతి కిత్తాన్. యా పనెండు మందిని ఇస్తాయెలుది వనెండు కుటుమది అనిగొగొర్ ఆతార్.

9-10 యా వన్మొండు మంది అనిగొగొర్ వరి లోక తంబెరి ఆతి యోసేపు మున్సు గోస ఆతారె వన్నిజ్ గొత్తి పణి కిదెజ్ పొర్తార్. అపా యోసేపు అయగుపు దేనెమదు గొత్తి పణి కిత్తాన్. గాని దేవుణు వన్ని వెట మహండ్రె వన్నిజ్ వాతి విజు మాలెజాణిజ్ తప్తిస్తాన్. దేవుణు వన్నిజ్ గెణం సీత్తిజ్ అయగుపు రాజు ఆతి వరో యోసేపు మున్సు దయ తోరిస్తాన్. వరో

రాజు యోసేపుజ్ అయ్యగుప్పు దేనమేదిజ్ నడిపిసిని వన్నిలెకెండ్ నిల్వ్తాన్. వరో రాజుజ్ కల్లితి మహి విజు వనకాజ్ మున్ను నడిపిసిని వన్నిలెకెండ్ కిత్తాన్.

11 అయావలె అయ్యగుప్పు దేనమేదు విజు, మా అనిగోగరో బత్తిజు మహి కనాను దేనమేదు విజు పెరి కరు వాతాద్. కరు వాతిజ్ వండో మాలెజ్ వాతె. మా అనిగోగరో ఆతి వరిజ్ తిండి దొవ్వావండ ఆతాద్.

12 అయావలె, అయ్యగుప్పు దేనమేదు తిండి మనాద్ ఇజు యాకోబు వెహాన్. వెహండ్రె వన్ని మురిసిరిజ్, ఇహిజు, మా అనిగోగరోజ్ ముందాల్లి ఉండ్రె సుటు బాన్ పోక్తాన్.

13 వారు మురి ఉండ్రె సుటు సాహిజ్, యోసేపు, వన్ని దాదారిజ్ వాండ్రు ఎయెన్ ఇజు నెల్లు కిబె ఆతాన్. అయావలె యోసేపు కుటుమేది వరి వందిజ్ వరో రాజు నెస్తాన్.

14 వెనుక యోసేపు వన్ని బుబ్బు ఆతి యాకోబుజ్ వన్ని సొంత లోకాజ్ విజేరిజ్ అయ్యగుప్పు దేనమేదు రరు ఇజు కబ్బు పోక్తాన్. వారు మొత్తం డబయ్ అయ్యదుగురు మహారో.

15 అయావలె యాకోబు, వన్నివెట మహికార విజేరె అయ్యగుప్పు దేనం సాహారో. వారు అబ్బె బత్తిత్తారో. వెనుక యాకోబు, మహి అనిగోగరు బాన్ సాతారో.

16 వెనుక వరి డుముక్ నెకెం ఇని వట్టుమేదు మురజ తత్తారె, ముందాల అబ్రాహాం హామారు మురిసిరి బాణిజ్ కోటి దూకి లోఇ ముస్తారో*.

17 దేవుణు అబ్రాహాముజ్ ముందాల్లి సెత్తి మాట వజు ఇర్దిదెజ్ డగ్రు ఆజు వాతాద్. అయావలె మా లోకు అయ్యగుప్పు దేనమేదు నండో లోకు ఆజు వాతారో.

18 అయావలె, యోసేపు ఎయెన్ ఇజు నెన్ ఇ ఒరెన్ రాజు అయ్యగుప్పు దేనమేదిజ్ ఏలుబడిః కిదెజ్ మొదెల్వ్తాన్.

19 యా రాజు మా లోకాజ్ మాయ మాటిజ్ వెప్పొ మొనెం కిత్తాన్. గొప్ప మాలెజ్ కిత్తాన్. మొగ్గకోడోరె వుట్టెజు వరిజ్ సప్తెజ్ వెటన గడ్డుదు విసిర్లెజ్ వలె ఇజు యా రాజు ఆడ్రె సిత్తాన్. ఎండనిజ్ ఇహిజు వారు సాజు సొండ్రెజ్.

20 ఆ కాలమేదు మోసె ఇనికాన్ ఒరెన్ పుట్టాన్. వాండ్రు సుడెదెజ్ గొప్ప నెగ్గికాన్. వాండ్రు మూండ్రె నెలెజ్ దాక వన్ని బుబ్బు ఇండ్రె పిరితాన్.

21 మూండ్రె నెలెజ్ వెనుక వన్నిజ్ ఇండ్రె వెల్లి సొప్పె గడ్డు ఒడ్డుదు ఇట్టారో. అయావలె వరో రాజు గాల్పి వాతాద్ కోడెదిజ్ లాగితాదె దన్నె మురిసి లెకెండ్ పోన్ కిబిస్తాన్.

22 మోసెజ్ అయ్యగుప్పు వరి విజు తలివి నెన్ పిస్తాన్. వాండ్రు, వర్గిని మాటిజు లోఇ బాగ వర్గిదెజ్ అట్టాన్. కిని పణిజు లోఇ నెగ్రెండ్ కిదెజ్ అట్టాన్.

23 మోసెజ్ నలపయ్ పంటిజ్ ఆతివలె నా సొంత లోకుర ఆతి ఇస్తాయేలుర బాన్ సాన్ ఇజు బుద్ది పుట్టారో.

24 వాండ్రు సాహిజ్ అయ్యగుప్పుదికాన్ ఒరెన్, ఒరెన్ ఇస్తాయేలు వన్నిజ్ మాలెజ్ కిజు మహిజ్ సుడెఃతాన్. సుడెఃతండ్రె, ఇస్తాయేలు వన్నిజ్ గెల్పొస్తెజ్ ఇజు అయ్యగుప్పు వన్నిజ్ సప్తాన్. ఆహె నాయం తీరిస్తాన్.

25 ఇస్తాయేలు లోకాజ్ వరి బాదెజాణిజ్ డిఃబిస్తెజ్ దేవుణు నజె పోక్తాన్ ఇజు మోసె ఒడిఃబితాన్. గాని వారు అర్థం కివితారో.

26 ముహ్సానాడిజ్ మోసె ఇస్తాయేలు లోకాజ్ సుడెఃజు సాహాన్. రివెర ఇస్తాయేలు లోకుర టంటిజ్ ఆజు మహిజ్ మోసె వరిజ్ సుడెఃతండ్రె, 'ఒరి ఒరి బాబు, మీరు తంటెరి రిఇదెరెగదె? మీరు ఎండనిజ్ ఒరెన్ వన్ని మున్ను ఒరెన్ టంటిజ్ ఆజునిదెరె' ఇజు వెప్పండ్రె వారు రివెరిజ్ కూడుఃవ్తెజ్ ఇజు సుడెఃతాన్.

27-28 గాని ఆఇ వన్ని మున్ను అనయం కినికాన్ వెప్తాన్, 'మా మున్ను అతికారి వజు మండ్రెజ్, తీరిపు తీరిన్ని వన్నివజు మండ్రెజ్ నిజె ఎయెన్ ఏరెపాటు కిత్తాన్? నీను ఇవెన్ అయా అయ్యగుప్పు వన్నిజ్ సప్తెలెకెండ్ నజెబా సప్తెజ్ ఇజు సుడెఃజునిదా ఇజు వెప్పండ్రె మోసెజ్ నెక్కపోక్తాన్.

29 యాక వెహండ్రె మోసె తియెల్ ఆతాన్. వెటన అయ్యగుప్పు దేనం డిఃసె సాహాన్. మిద్యాను ఇని దేనమేదు సాహండ్రె ఆఇకాన్ లెకెండ్ బత్తిత్తాన్. బాన్ పెండ్రె ఆతండ్రె రివెర కోడెఃరిజ్ ఇట్టాన్.

30 నలపయ్ పంటిజ్ వెనుక, సినాయి ఇని పెరి గొరెన్ డగ్రు మన్ని బిడిఃమె బూమిదు మహిజ్, ఒరెన్ దేవుణు దూత మోసెజ్ తోరె ఆతాన్. యా దూత వెయ్యెజు మహి తుప్పెజు నడిఃమి ఉండ్రె సిను కొఇ లోఇ తోరె ఆతాన్.

31 మోసె అక్క సుడెఃతిజ్ బమ్మ ఆతాన్. బమ్మ ఆతండ్రె నెగ్రెండ్ సుడెఃదెజ్ తుప్పె డగ్రు సాహాన్. డగ్రు సాహిజ్ దేవుణు మాట ఊహు వెహాన్,

32 'నాను నీ అనిగోగరో ఆతి అబ్రాహాం, ఇస్సాకు, యాకోబు ఇని వరి దేవుణు'. యాక వెహండ్రె మోసె తియెల్ ఆజు వణెక్తాన్. సుడెఃదెజ్ బా అటివ్తాన్.

33 దేవుణు మురి వెప్తాన్, 'నీ జోడ్బు కుత్తి ఇడెఃఅ. నీను నిహిమన్ని బాడ్డి దేవుణుదిజ్ కేట ఆతి బాడ్డి!'

34 అయ్యగుప్పు దేనమేదు మన్ని నా లోకాజ్ మాలెజ్ నాను నెగ్రెండ్ సుడెఃత. వారు అడఃబానిక వెహా. అందెజె నాను వరిజ్ డిఃబిస్తెజ్ డిఃగిత వాత. ఏలర ఆ నిజె నాను అయ్యగుప్పు దేనం పోక్తి ఇజు వన్నివెట వెప్తాన్.

35 'మా మున్ను అతికారి వజు మండ్రెజ్ తగ్రు తెప్పికాన్ వజు మండ్రెజ్ నిజె ఎయెన్ ఏరెపాటు కిత్తాన్' ఇజు వెప్పొ ఇస్తాయేలు లోకుర, ముందాల నెక్కి పోక్తి యా మోసెజ్, దేవుణు అతికారి వజు, తప్పినికాన్ వజు వరిబాన్ పోక్తాన్. వెయ్యెజు మహి తుప్పె లోఇ తోరె ఆతి దేవుణు దూత సాయమేదాన్ మోసెజ్ దేవుణునె పోక్తాన్.

36 అయ్యగుప్పు దేనమేదు బమ్మ వణిజ్ కిజు మోసె ఇస్తాయేలురిజ్ తప్పిస్త తతాన్. ఎర్రజ్ నమదరంబాన్, మురి వారు నలపయ్ పంటిజ్ సుడెఃజు సాహిమహి బిడిఃమె బూమిదుబా మోసె బమ్మాని వణిజ్ బమ్మాని గుర్తుజ్ కిత్తాన్.

37 యా మోసెనె ఇస్తాయేలురు వెట, 'దేవుణు నజె పోక్తి లెకెండ్ మీబాణిజ్ ఒరెన్ ప్రవక్తెజ్ మీబాన్ పోక్తాన్', ఇహాన్.

* 7:16 7:16 అయ్య కాలమేదు అయ్యగుప్పు దేనమేదికార పీసుగుదిజ్ నూనె రాసి పాత లోఇ ఇద్దారో, సజ్విందం మండ్రెజ్

38 బిడిమే బూమిదు నజం కూడితి మహి ఇస్రాయేలు లోకుర్ వెట మహికాన్ యా మోసానె. మా అనిగగోర్ వెట మహికాన్ వీండ్రె. సీనాయి గోరతు దేవుణు దూత వన్నివెటనె వగ్గితాన్. మజీ సీదెజ్ దేవుణు బాణిజ్ ఎల్లకాలం బత్సిన మాటెజ్ తత్తికాన్ వీండ్రె.

39 గాని యా మోసాజ్ మా అనిగగోర్ లోజిజ మనవిండ నెక్కపాక్తార్. మరజి అయ్యగుప్పు దేనమదు సాహిజ నెగ్గెడ ఇజి వారు కోరితార్.

40 అయ్యగుప్పు దేనమదాన్ మజీ కూక్త తత్తి యా మోసా ఇనిక అతాండ్రో మజీ తెలివిద. అందెజె మరజి అయ్యగుప్పు దేనమదు సాండ్రెజ్ మజీ ముందాల నడిదెజ్ దెయమకు తయారో కిజి సిదా ఇజి మోసా అన్సని ఆతి ఆలోన వెట వెహ్తార్.

41 అయావలె వారు ఉండ్రె దూడః లెకెండ బొమ్మ తయారో కిత్తరె పూజ కిత్తార్. వరి కిక్కాణిజ్ తయారో కిత్తి దన్నిమున్ను వారు నండ్రో సర్వ ఆతార్.

42 గాని దేవుణు కోపం అతండ్రె వెసుకె వెసుక మహ్తాన్. ఆగానమదు మన్నికెజ్ సుడఃదెజ్, నెల పొద్దు సుక్కెజ్ విజి దన్నిజ్ పూజ కిదెజ్ వరిజ్ డిస్స సితాన్. ప్రవక్తరు ముందాల్రొ రాన్సిమహిక దిని వందిజె. అక్కు ఇనిక ఇహిజ “ఇస్రాయేలు లోకాండె, మీరు బిడిమే బూమిదు నలవయ పంటెజ్ నడిసి సాన్సి మహివలె పూజ కిత్తిక నజీనె ఆవిద.

43 మీరు పూజ కినాల్ ఇజి తయారో కిత్తి మొలూకు రెంపయు ఇని సుక్కెజాణి దెయమకాజె గూడాఠరమదు పిండిజి ఒసి మహిదె. వనకాజె పూజ కిత్తిదె. అందెజె బబులోను దేసెం అతాల్ మిజె తోహ్నొ ఒతెజ్ నాను సరి సీనాలె.

44 మా అనిగగోర్ బిడిమే బూమిదు సాన్సి మహివలె సాని గూడాఠం వరివెట మహ్తాద్. దేవుణు మోసాజ్ తోస్తి లెకెండె మోసా యా సాని గూడాఠం † తయారో కిత్తాన్.

45 మరి లావు పంటెజ్ వెసుక యెహ్సోసువ ఇనికాన్ అయ టయమదు యా సాని గూడాఠం పిండిత ఒతండ్రె మా అనిగగోరిజ్ నడిపిస్తాన్. అయావలె ఇస్రాయేలు లోకాజ్ సీనా ఇజి దేవుణు వెహ్నొ దేనమదు వారు సాహ్తార్. దేవుణు వరివెట మహిజ్ బానె మహి యూదురు ఆజి లోకుర్ వెట ఉద్దం కిత్తార్. గెల్సారె ఆ దేసెం సాంతం కిత్తార్. బానెబా మా అనిగగోర్ యా సాని గూడాఠం పిండిత ఒతార్. దావీదురాజు వరిజ్ ఏలుబడిః కిత్తి కాలమదాక యా సాని గూడాఠం బానె మహ్తాద్.

46 దావీదురాజు ఇహిజ దేవుణు వెహ్నొ వజ నడిఃతికాన్. దేవుణు దయ వన్నిమున్ను లావు మహ్తాద్. అహిజబా మా అనిగగోర్ ఆతి యాకోబు పార్దనం కిత్తి యా దేవుణుదిజ్ ఎలాకాలం మండ్రెజ్ ఉండ్రె గుడిః తోహ్నొజ్ దావీదు రాజు వెనబాతిజ్బా దేవుణు సరి సివితాన్.

47 గాని దావీదురాజు మరిసి ఆతి సాలోమెసుజ్నె దేవుణు గుడిః తోహ్నొజ్ సరి సితాన్.

48 అహిజబా విజెరిజ్ ఇంక గొప్పు వెరి దేవుణు, లోకు కిక్కాణిజ్ తయారో కిత్తి బాడ్డిదు మనవిన్.

49 దేవుణు మాటెజ్ ప్రవక్త క్రహం వెహ్నొనాన్: “వరలోకం నాను బనిని సిమననం‡. బూమి నా పాదమకు ఇడ్చి పీట. నాను మండ్రెజ్ ఉండ్రె గుడిః తోహ్నొజ్ మీరు అబ్బెదెర్.

50 ఏదనిజ్ ఇహిజ, పరలోకం, బూమి, దన్ని లోక మన్నికెజ్ విజి నానె వుటిస్స”.

51 మూర్కం బుద్ది మన్నికిదెరా, దేవుణు మాటెజ్ ఒప్పుకోటావ్ ఇజి మీరు సునతి కిత్తిదెర్ గాని దేవుణు మాటెజ్ గిబ్నొజాణి వెంజిబా సరినె వెనెజి లెకెండ మంజినిదెర్. వెహ్నొజ్ సరినె మన్నుదు ఇడఃవిండ లోజిఇదెర్. మీ అనిగగోర్ లెకెండ మీరుబా ఎనెజ్బా సరినె దేవుణు అత్తుదిజ్ నెక్కిపాక్కినిదెర్.

52 మీ అనిగగోర్ ప్రవక్తరిజ్ విజెరిజ్ గొప్పు మాలెజ్ కిత్తార్. దేవుణు పొక్కు ఇజి వెహ్నొ ఆ సీతి వాండ్రు వందిజ్ ముందాల్రొ వెహ్నొ ప్రవక్తరిజ్ బా మీ అనిగగోర్ సప్తార్. ఏలు ఆ సీతి వన్నిజ్ మీరు ఒవజెప్పిదెర్. వన్నిజ్ సప్తిదెర్.

53 దేవుణు వన్ని దూతవెట మిజి సీత్తి రూలుజ్ మిజి దోహ్నొక్త గాని మీరు దన్నిజ్ లోజిఇతిదెర్”.

స్టెపానుజ్ పణుకుజాణిజ్ డెయెజివార్

54 యా మాటెజ్ వెహరె వారు గొప్పు కోపం అతారె స్టెపానుజ్ సుడఃజి పల్కు కోహ్తార్.

55 గాని స్టెపాను దేవుణు అత్తు సత్తు పూర్తి నిండ్రెజి ఆగానం దరోట్ సుడఃతాన్. సుడఃతిజ్ దేవుణు గొప్పు జాయ్ సుడఃతాన్. యేసుప్రబు దేవుణు ఉణెర్ పడఃక నిహి మహిక సుడఃతాన్.

56 “సుడఃల, ఆగానం రే అతి మహిక, లోకు మరిసి అతి యేసు దేవుణు ఉణెర్ పడఃక నిహిమహిక నాను సుడఃజిన”, ఇజి స్టెపాను వెహ్నొన్.

57 గాని యా మాటెజ్ వెహరె వెటనె వారు గిబ్నొజ్ మూకె అతారె డటం గగోలాజి విజెర్ ఉండ్రె ఆజి వన్ని మున్ను వాతార్.

58 పట్టుమదాన్ వెల్లి లాగిత అతారె వన్నిజ్ పణుకుజాణి డెయెజి సప్తెజ్ మొదోల్స్తార్. పణుకుజ్ వీసీర్ని సాని లోకుర్ వరి సాక్కెజ్ ముందాల సవులు ఇని ఒరిన్ దజడాఃయెన్ పాదమకాజ్ డగ్రు తత్తారె ఇత్తార్.

59 వారు స్టెపానుజ్ పణుకుజాణిజ్ డెయెజి మహిక స్టెపాను, “యేసుప్రబువా నా పాణెమదిజ్ ఏలు నీ డగ్రు కూడావ్అ”, ఇజి పార్దనం కిత్తాన్.

60 వెసుక స్టెపాను ముణుకుజ్ ఊర్జి, “ప్రబువా, వీరు కిజిని యా పాపం విరి మున్ను మోహ్నొ”, ఇజి డటం డేల్స్తాన్. యా మాట వెహ్నొండ్రె వాండ్రు పాణం డిఃస్తాన్. స్టెపానుజ్ సప్తిక సవులు ఒప్పుకోటాన్.

8

దేవుణుదిజ్ నమ్మితి వరిజ్ సవులు పాడుః కిజివార్

1 ఆ దినమకాజ్ యెరూసలేమదు మహి దేవుణు నజమదిజ్ గొప్పు మాలెజ్ ఆజి మహ్తాద్. అపొస్తరు అవిండ మహి నమ్మితికార్ విజెర్ యూదయ సమరియ దేనమకాజ్ సద్రిత సాహ్తార్.

† 7:44 7:44 సాని గూడాఠం. దేవుణు ఇబ్బె మనాన్ ఇజి లోకాజ్ వెహ్నొ మహి గూడాఠం

‡ 7:49 7:49 సిమననం. తీర్పు కిదెజ్ రాజుర్ బనిని కుర్చి

- 2 బక్తి కల్గితి నమ్మితి లోకుర నైపానుజ్ నమాది కితార వన్ని వందిజ్ గొప్పు దుకం ఆజి అడఃబాతార్.
- 3 నన్నవలె నపులు ఇనికాన్ యేనుప్రబు మున్ను నమకం ఇడ్డిమహి వరి నమకం పాడుః కిదెజ్ నుడఃతాన్. ఇల్కాజ్ ఇల్కాజ్ డుగణి మొగ్గకొడోరిజ్ అయ్లికొడోకాజ్ ఈడిసి ఒసి జెలిదు ఇడఃజి, వాండ్రు నజమదిజ్ పాడుః కిదెజ్ మొదొల్స్తాన్.
- 4 నమరియ దేనమ్దు నువార్త సాటిస్తార
- 4 అయావలె సెద్రితి సాహి నజమదికార్ నువార్త సాటిసి విజు బాడ్డిజ విజెరిజ్ వెన్పిసి బూలాతార్.
- 5 అయావలె అపొస్తరు వీరపాటు కిత్తివరి లొఇ ఒరెన్ పిలిపు ఇనికాన్ నమరియ పట్టుమ్దు సాహిన్. అబ్బె యేను, క్రీస్తు* ఇజి బొద్దిస్తాన్.
- 6 పిలిపు వెప్తా మాటజ్ లోకుర విజెరె నెగ్రెండ వెహారె వాండ్రు కిత్తి బమ్మాని గుర్తుజ్ నుడఃతాన్.
- 7 కిక్కు, కాల్య, సాతికార్, సాటవారు నండొండార్ అబ్బె వాతార నెగెండ ఆతార్. నండొండార్ లోకుర దెయం అన్తి మహికార్ అబ్బె మహార్. దెయమ్కు నండొ గగోలాజి వరిజ్ డిస్సె సాహి.
- 8 అందెజె నమరియ పట్టుమ్దు నండొ సర్ల కల్లితాద్.

గార్లి పణి కిని సిమోను

- 9 నమరియ పట్టుమ్దు సిమోను ఇని ఒరెన్ మహాన్. సిమోను ఆ పట్టుమ్దు నెగం పంటిజ్ గార్లి విదె కిజి నాను ఒరెన్ గొప్పు వాండ్రు ఇజి వెప్పా మహాన్. అబ్బె మహి లోకాజ్ సిమోను బమ్మ కిబిసి మహాన్.
- 10 అయ పట్టుమ్దు మహికార్ ఇజెరికార్ పెరికార్ విజెరె వీండ్రు 'దేవుణు గొప్పు నత్తు ఇనికాన్' ఇజి వెప్పా వన్ని మున్ను నమకం ఇడఃతాన్.
- 11 నండొ కాలం సిమోను గార్లి పణి కిజి లోకాజ్ బమ్మ కిబిసి మహాన్. అందెజె వారు సిమోనుజ్ నమ్మితార్.
- 12 గాని దేవుణు విలుబడిః వందిజ్, యేనుక్రీస్తు వందిజ్ పిలిపు పట్టుమ్ది లోకాజ్ సాటిస్తిజ్ యా నువార్త వెహికార్. నమ్మితార్ మొగ్గకొడోరిజ్, అయ్లికొడోకాజ్ బాప్తీసం లాగి ఆతార్.
- 13 అయావలె సిమోనుబా నమ్మిజి బాప్తీసం పొందితాండ్రె పిలిపుజ్ డిఃవింఢ వన్నివెటెన మహాన్. పిలిపు కిని బమ్మాని గుర్తుజ్, బమ్మాని పణిజ్ నుడఃజి సిమోను గొప్పు బమ్మ ఆతాన్.
- 14 యేను ప్రబు వందిజ్ వెప్తా నువార్త నమరియ దేనమ్దికార్ ఒప్పకొటార్ ఇజి యెరుసలేమ్దు మన్ని అపొస్తరు వెహార్. వెహారె పేతురుజ్ యోహానుజ్ వరి డగ్రు పొక్తార్
- 15 వీరు వాతార నమరియ పట్టుమ్దు నమ్మితి వరి మున్ను, దేవుణు అత్తు నత్తు వాదెజ్ ఇజి పార్దనం కిత్తర్.
- 16 ఎందనిజ్ ఇహిజ అబ్బెకొ డాక దేవుణు అత్తు నత్తు వరి ఎయేరి మున్నుకా రెవింఢ మహాద్. వారు ప్రబువాతి యేను పేరుదాన్ బాప్తీసం ఉండ్రెనె లాగి ఆజి మహాన్.
- 17 అయావలె పేతురు, యోహాను వరి మున్ను, కిక్కు, ఇడ్డిజ్ దేవుణు అత్తు నత్తు వరి మున్ను, వాతాద్.
- 18-19 అపొస్తరు లోకుర మున్ను, కిక్కు, ఇల్లి వలె వారు దేవుణు అత్తుదాన్ నిండ్రెజినార్ ఇజి సిమోను నుడఃతాన్. నుడఃతండ్రె, "నాను ఎయేరి మున్ను, కిక్కు, ఇడ్డానో, వాండ్రు దేవుణు అత్తు నత్తుదాన్ నిండ్రెని వజి యా అతికారం నజిబా సిదా", ఇజి వెప్పా వరి ముందాల డబ్బు ఇట్టాన్.
- 20 అయావలె పేతురు, "నీను డబ్బు నీజి దేవుణు వరం సంపాదనం కిని ఇజి ఒడిఃబిత్తిదా? నీ డబ్బు నీ వెటె నాననం ఆపిద్.
- 21 నీ అలోసనం దేవుణు నుడఃతిజ్ నరి ఆతిక అపిద్. అందెజె మాపు కిని పణిదు నెజ్ ఇని వంతు సిల్లెద్.
- 22 అందెజె యా సెఇ అలోసనమ్కు డిఃసిసిజి దేవుణు డగ్రు వాజి పార్దనం కిదు. నీను ఒడిఃబిత్తి అలోసనమ్ వందిజ్ దేవుణు నెజి నెమిస్తాన్.
- 23 నీ మున్నుదు నండొ గోన నిండ్రెత మనాద్ ఇజి నాను నెస్తాన్. అక్కాదె ఆపింఢ నీ పాపమ్కు నెజి తొప్తా మన్నె ఇజి నాను నెస్తాన్", ఇజి పేతురు వెప్తాన్.
- 24 దన్నిజ్ సిమోను, "నీను వెప్తాకెజ్ ఇనికబా నా మున్ను, రెవింఢ మీరు నావందిజ్ యేనుప్రబుజ్ పార్దనం కిదు", ఇజి పేతురుజ్ యోహానుజ్ వెప్తాన్.
- 25 వెనుక పేతురు, యోహాను సాని వెప్పా, యేనుప్రబు నువార్త సాటిసి, యెరుసలేమ్దు మప్తా వాతార్. వాని సరి నమరియదు మహి నండొ నాహికాజ్ నువార్త సాటిసి వాతార్.

పిలిపు అయ్యుయిపియది వన్నిజ్ బాప్తీసం సెత్తాన్

- 26 అయావలె, ఒరెన్ దేవుణు దూత పిలిపుజ్ వెప్తాన్, "నీను దనిణం దరోట్ సాన్సి యెరుసలేమ్దాన్ గాజి ఇని పట్టుం సాని బిడిఃమ్ బూమిదు సాన్అ", ఇజి వెప్తాన్.
- 27-28 అందెజె పిలిపు సోతాండ్రె సాహిన్. సాన్సి మహిజ్ ఒరెన్ అయ్యుయిపియదికాన్ రదం* మున్ను, సాన్సి నాన్. వాండ్రు అయ్యుయిపియ దేనమ్ది రాజి కందెకెనాన్ ముకెలమతి పణి కినికాన్ ఒరెన్. ఇని పణి ఇహిజ దేనమ్ది డబ్బు నడిఃపిసిని దన్ని మున్ను, వీండ్రు మంత్రె. వీండ్రు యెరుసలేమ్దు పార్దనం కిదెజ్ సాహంత్రె మరెజి సాన్సి నాన్. సాన్సి మహిజ్ వీండ్రు రదమ్దు బసి యెనయ ప్రవక్త రాన్సి వున్తకం సదవిజినాన్.
- 29 అయావలె దేవుణు అత్తు పిలిపుజ్, "నీను రదం డగ్రు సాన్సి దన్ని వెటె నడిఃజి సాన్అ", ఇజి వెప్తాన్.
- 30 పిలిపు రదం డగ్రు ఉహొక్కి సాహిజ్ అయా అయ్యుయిపియదికాన్ యెనయ ప్రవక్త రాన్సి వున్తకం సదవిజినాన్. పిలిపు అక్క వెహాన్. వెహాండ్రె, "నీను సదవిజినక అర్దం కిజినదా?"", ఇజి వెన్బాతాన్.

* 8:5 8:5 క్రీస్తు (మొనయ) ఇహిజ దేవుణు వీరపాటు కిత్తి పొక్తాన్ ఇజి అర్దం † 8:27-28 8:27-28 రదం ఇహిజ గుర్తుమాకాజ్ ఉండ్రె బంటి వూట్టూర్

31 వెనబాతిక, “ఎలాగ అర్థం కిన్? ఎయెన్బా నజీ అర్థం వెహ్విండ మహిజ ఎలాగ అర్థం కినా? రదమ్ మున్సు, ఎక్కి నా వెట బనల్. దిన్ని అర్థం వెహ్వి సీదా” ఇహ్సాన్, అయ అయ్యుయెపియదికాన్. అందెజి పిలిపు రదం ఎక్కి వన్ని డర్సు బస్తాన్.

32 అయ అయ్యుయెపియదికాన్ నదవిజి మహి మాటిజ్ ఇనికెజ్ ఇహిజ “సవైజ్ ఒని గొర్ర వజి వన్నిజ్ బతార్. బుడుజున్సుజ్ కత్తినినివలె అలెజి మజిని మెండగొర్రెపిల్ల వజి అలెత మహ్సాన్. వాండ్రు ఇనికబా ఇన్ఎతాన్.

33 వారు వన్నిజ్ సిగు కిత్తార్. వన్నిజ్ నాయం దోహ్కేవిండాత సాహద్. వన్ని పొటిబాణి వరి వందిజ్ ఎయెరబా వెహ్విండ ఆనార్. ఎందనిజ్ ఇహిజ, వన్ని పాణమిదిజ్ బూమి మున్సుహ్సాన్ లాగితార్”.

34 అయ అయ్యుయెపియదికాన్ ఈహు వెనబాతాన్, “ప్రవక్త ఎయె వందిజ్ ఈహు వెహ్సినాన్? వన్ని వందిజెనా, మరి ఒరెన్ వందిజా? దయ కిజి వెహ్అ”.

35 అందెజి పిలిపు అయ అయ్యుయెపియదికాన్ నదవిజి మహి యెసయ ప్రవక్త రాస్తి పున్సుకమ్దు మహి మాటదాన్ మొదొల్లి యెసుప్రుబు వందిజ్ సువార్త వెహ్సాన్.

36 ఆహె వారు సొన్ని మహిజ్ ఏరు మహి ఉండ్రి బాడ్డిదు వాతార్. అయ అయ్యుయెపియదికాన్ వెహ్సాన్, “ఇబ్బె ఏరు మన్నె. నాను బాప్టిసం లాగె ఆదెజ్ ఇనికబా అడ్డు మనాదా?”.

37 దన్నిజ్ పిలిపు, “నీను మున్సు పూర్తి యెసుప్రుబుజ్ నమ్మిత్తిజి బాప్టిసం లాగె ఆదెజ్ ఇని అడ్డుబా సిల్దెన్”, ఇహ్సాన్. అందెజి వాండ్రు, “ఒజ, యెసుక్రీస్తు దేవుణు మరిసి ఇజి నాను నమ్మిజిన్”, ఇహ్సాన్.

38 అయావలె, “రదం నిల్వెఅ”, ఇజి అయ్యుయెపియదికాన్ ఆడ్డు సిత్తాన్. రదం నిల్వెండ్రి వాండ్రు, పిలిపు, రివెర్ డిగ్జి ఏరుదు డిగిత్తార్. పిలిపు అయ్యుయెపియది వన్నిజ్ బాప్టిసం సిత్తాన్.

39 వారు ఏరు లొఇహ్సాన్ వెల్లి వాతిజ్ వెటన దేవుణు అత్తు పిలిపుజ్ కూక్ బతాన్. అయ్యుయెపియదికాన్ పిలిపుజ్ మరి సుడెజితాన్. గాని వాండ్రు సరద ఆజి వన్ని సరినె సాహ్సాన్.

40 పిలిపు సుడెజిజ్ అజిత్తు పట్టుమ్దు మన్నె ఇజి నెస్తాన్. అబ్బెణిజ్ సొని వాండ్రు సొహి సరిదు మహి విజి పట్టుమ్కాజ్ యెసు ప్రబు వందిజ్ సువార్త వెహ్వి కయెసరియ ఇని పట్టుమ్దాక వాతాన్.

9

సపులు యెసుప్రుబుజ్ నమ్మిత్తాన్

1-2 అయావలె సపులు ఇనికాన్ యెసుప్రుబు మున్సు, నమ్మితి వరిజ్ బెద్రిసి మహ్సాన్. వరిజ్ మాలెజ్ కిజి మహ్సాన్. వాండ్రు విజెరె పుజెరిజ మున్సు, పెరి పుజెరిబాన్ సాహండ్రి దమన్సు, పట్టుమ్దు మన్ని యూదురి మీటిజ్ ఇల్కాణి పెద్దెల్జి సీదెజ్ ఉత్తమ్కు లొస్తాన్. ఇని ఉత్తమ్కు ఇహిజ, దమన్సు, పట్టుమ్దు యెసుప్రుబు మున్సు, నమకం ఇడ్డికార్ ఎయెరబా మహిజ, మెగ్గొకొడెర్ గాని అయెలికొడెర్ గాని వరిజ్ తొహ్సా ఒని యెరూసలేం పట్టుమ్దు తతెజ్ సపులుజ్ అతికారం మనాద్ ఇజి వెహ్సాని ఉత్తమ్కు.

3 విజెరె పుజెరిజ మున్సు, పెరి పుజెరి సిత్తి ఉత్తమ్కు అస్తాండ్రి సపులు దమన్సు, పట్టుమ్దు సాండ్రిజ్ సొత్తాన్. దమన్సు, పట్టుం డర్సు వాజి మహిజ్ గదెం అగనమ్దాన్ ఉండ్రి గొప్ప జాయ్ వన్ని సురులం డెయ్తాద్.

4 అయావలె సపులు బూమిదు అత్తాన్. అర్దిజ్, “సపులు, సపులు, నీను ఎందనిజ్ నజీ మాలెజ్ కిజిన్”, ఇజి వన్ని వెట వెహ్సా ఉండ్రి మాట వెహ్సాన్.

5 “ప్రబు, నీను ఎయె”, ఇజి సపులు వెనబాతాన్. “నీను మాలెజ్ కిజిని యెసుని నాను.

6 ఏలు నిజిజి పట్టుమ్దు సాన్అ. నీను ఇనిక కిదెజ్ ఇజి ఒరెన్ నిజి వెహ్సానాన్లె”, ఇజి మాట వెహ్సాన్.

7 సపులు వెట సొన్ని మహికార్ జాబు వెహ్సార్ గాని ఎయెరిజిబా తోరెవితార్. వారు అల్లెత నిహ మహ్సార్.

8 సపులు బూమిదాన్ నిజిత్తాండ్రి బేస్తాన్ గాని కణుకు తోరెవిండ అతె. అందెజి వారు వన్నిజ్ కికాజ్ అస్తాం దమన్సు, పట్టుమ్దు నడిపిసి ఒతార్.

9 వాండ్రు మూండ్రి లొన్ను కణుకు తోరెవిండ మహ్సాన్. ఇనికబా తిన్విండ ఉణెవిండ మహ్సాన్.

10 దమన్సు, పట్టుమ్దు యెసుప్రుబు సిసూడె ఒరెన్ అననియ ఇనికాన్ మహ్సాన్. యెసుప్రుబు వన్నిజ్ దర్సనమ్దు తోరె అత్తం, “అననియ”, ఇజి కూక్తాన్. కూక్తిజ్ అననియ, “ప్రబువా నాను ఇబ్బె మన్న”, ఇహ్సాన్.

11 యెసుప్రుబు వన్నివెట, “నీను బి.నాల్ ఇజి కూక్తి సరిదు సాన్అ. బానె యూద ఇని వన్ని ఇండ్రి సొన్ని తార్పు పట్టుమ్దికాన్ సపులు ఇని వన్ని వందిజ్ వెనబా. సపులు పూర్వం కిజి మంజినాన్. ఉండ్రి దర్సనమ్దు సపులు ఇనిక సుడెజితాన్ ఇహిజ,

12 అననియ ఇనికాన్ ఒరెన్ వాతండ్రి వన్ని కణెకెజ్ నెగెండ్ కిజి మరి సూణి లెకెండ్ ఆదెజ్ వన్ని బురారు కిక్కు ఇడ్డివజి సుడెజితాన్”, ఇజి వెహ్సాన్.

13 దన్నిజ్ అననియ వెహ్సాన్, “ప్రబు వీండ్రు యెరూసలేమ్దు నిజి కేట అతి వరిజ్ ఎస్తానో మాలెజ్ కిత్తాన్ ఇజి వన్ని వందిజ్ నాను నండ్రి వెహ్ మహ్సాన్.

14 ఇబ్బె యా పట్టుమ్దు నీ మున్సు, నమకం ఇడ్డి వరిజ్ తొహ్సా ఒని యెరూసలేమ్దు ఒతెజ్ వన్నిజ్ అతికారం సీని ఉత్తమ్కు పెరి పుజెరిజి బాణిజ్ అస్తాండ్రి వాత మహ్సాన్”.

15 యెసుప్రుబు అననియ వెట, “నీను సాన్అ. యూదురు ఆజి లొకుర్ నడిమి, రాజురిజి నడిమి, ఇస్తాయెలు లొకాజ్ నడిమి నా వందిజ్ వెహ్సాజ్ నాను వన్నిజ్ ఏరెపాటు కిత మన్న.

16 నా వందిజ్ వాండ్రు ఎస్తాన్ మాలెజ్ ఆనాన్ ఇజి నాను వన్నిజ్ తోరెన్న”, ఇహ్సాన్.

17 అందెజి అననియ అయ ఇండ్రి సాహండ్రి సపులు మున్సు, కిక్కు ఇట్టాన్. “సపులునా, నీను వాతి సరిదు నిజి తోరె అతి ప్రబు అతి యెసు నజి పొక్త మనాన్. నీను మరి సూణి వందిజ్ దేవుణు అత్తు సత్తు నీ మున్సు, వాని వందిజ్ నజి పొక్త మనాన్”, ఇజి సపులు వెట వెహ్సాన్.

18 అయావలె వన్ని కణకాణిక్ పొరొక్ నన్నికెక్ రాలిక్ నుడెదెక్ అట్టాన్. నవులు నిజేతండ్రె బాప్తినం లాగి ఆతాన్.

19 వెనుక బోజనం కితాండ్రె సత్తు అతాన్.

నవులు దమస్కు పట్టుమదు, యెరూసలేం పట్టుమదు యేసుప్రబు వందిక్ వెప్పొన్నాన్.

నవులు దమస్కు పట్టుమదు మహి యేసుప్రబు సిసూర్ వెట సెగం దినమ్మకు మహాన్.

20 యూదురి మీటిక్ ఇల్కాక్ తిన్నాక్ సాహండ్రె యేసునె దేవుణు మరిసి ఇజి యేసుప్రబు వందిక్ బోద్నిక్ మొదొల్స్తాన్.

21 అక్క వెహికార్ విజేరె నండొ బమ్మ అతాన్. యెరూసలేమదు యేసుప్రబుక్ నమ్మితి వరిక్ పాడుకెజి మహికాన్ వీండ్రెగదె. యేసుప్రబుక్ నమ్మితి వరిక్ తొప్పి పెరి పుజేరిరి డగ్రు కూక్కి ఒతెక్ ఇబ్బెబా వీండ్రు వాత మనాన్ ఇజి వెప్తార్.

22 అహిక్ బా పవులు మరి నండొ సత్తుదాన్ బోద్ని మహాన్. యేసునె దేవుణు పొక్కి క్రిస్తు ఇజి రుజువ్ కితాండ్రె దమస్కు పట్టుమదు మహి యూదురుక్ గాబ్ కితాన్.

23 నండొ రొమ్మ సాహి వెనుక నవులుక్ నప్తెక్ ఇజి యూదురు అలోసనం కితాన్.

24 గాని వరి అలోసనం నవులుక్ తెలితాద్. వన్నిక్ నప్తెక్ వారు రెయువేల పూర్తి పట్టుం వెల్లి సాని సిప్లా* బాన్ నుడెజి కాత మహాన్.

25 గాని వన్ని సిసూర్ రయ్య వన్నిక్ ఒతారె ఉండ్రె గంపదు బని కితారె పట్టుం నురుల మన్ని గోడెడు మన్ని ఉండ్రె కిటికి బోరొదాన్ వన్నిక్ అడిగి డిస్తార్.

26 నవులు యెరూసలేమదు సాహిక్ సిసూర్ వెట కూడెదెక్ నుడెజతాన్. గాని వాండ్రు సిసూర్ లొఇ ఒరెన్ ఆవెన్ ఇజి వారు ఒడిబితారె వన్నిక్ వరివెట కూడుప్పైక్ తియెల్ అతాన్.

27 గాని బరబ్బ ఇనికాన్ వన్నిక్ అపొస్తరుబాన్ కూక్కి ఒతాన్. నవులు దమస్కు పట్టుమదు సాహి సరిదు ఎలాగ యేసుప్రబు వన్నిక్ తొరె ఆతాన్ ఇజి, ఎలాగ యేసుప్రబు వన్నివెట వర్గితాన్ ఇజి, వెనుక నవులు ఎలాగ దమస్కు పట్టుమదు తియెల్ సిల్లెండ యేసుప్రబు వందిక్ బోద్నిస్తాన్ ఇజి బరబ్బ అపొస్తరు వెట వెప్తార్.

28 అయావలె అపొస్తరు నవులుక్ కూడుప్పైక్ వాండ్రు వరివెట కూడిత మహాన్. వరివెట కూడితాండ్రె యెరూసలేమదు విజు బాడ్డిదు సాన్ని తియెల్ సిల్లెండ యేసుప్రబు వందిక్ బోద్నిక్ మొదొల్స్తాన్.

29 గ్రీకు బాన్ వర్గిని యూదురు వెట వర్గితాండ్రె తర్కిస్తాన్. అందెజి వారు నవులుక్ నప్తెక్ నుడెజతాన్.

30 యాక తెలితారె సిసూర్ వన్నిక్ డిగు మన్ని కయెసరియాదు ఒతారె తార్కు పట్టుం పొక్తార్.

31 అయ కాలమదు యూదయ, గలిలయ, సమరియ దేసమ్కాక్ మహి దేవుణు నజం తియెల్ సిల్లెండ నమదానమ్దాన్ మహాన్. నజం దేవుణుదిక్ లోజిజి దేవుణు అత్తు సాయమ్దాన్ సత్తు ఆజి వాతె. నమ్మితికార్ నండొండార్ ఆజి వాతాన్.

పేతురు లుదదు యోపాదు బమ్మాతి వణిక్ కితాన్

32 అయావలె పేతురు నావ్కూనావ్కూ, పట్టుమకుపట్టుమకు సాన్ని లుద ఇని నాటో దేవుణుదిక్ కేట అతి వరిక్ నుడి సాహాన్.

33 బానె ఒరెన్ అయెనెయ ఇనికాన్ ఎనిమిది వంటిజాన్ అసి నిజేదెక్ అటోఇ వన్నిక్ నుడెజతాన్. వాండ్రు కిక్కు కాల్యు అర్తికాన్.

34 పేతురు వన్నిక్ నుడెజి, “అయెనెయ, యేసుక్రిస్తు నిజి నెగండ కిజినాన్. నిజేజి, నీ మంసం నీనె పెర్తి ఉండ్రె వడెకాద్ ఇడెఅ” ఇహాన్.

35 వెటనె అయెనెయ నిజేత్తాన్. లుదా నాటోదు, సారోసు దేసమ్దు మహికార్ విజేరె, వన్నిక్ జర్గితిక నుడెజతారె యేసుప్రబుక్ నమ్మితార్.

36 అయావలె యావ ఇని పట్టుమదు తబిత ఇని ఉండ్రె అయెలి కొడెక్ మహాద్. అదిబా యేసుప్రబు సిసూ. గ్రీకు బాసాదు దన్ని పేరు దొర్క. దొర్క ఇహిజ డుపి ఇజి అర్లం. అది ఎనెజ్ బా నెగ్గి వణి కిజి మహాద్. సిల్లి వరిక్ సాయం కిజి మహాద్.

37 గాని అది అయావలె ఉండ్రె కస్టం అస్తాదె సాతాద్. వారు పీనుగుదిక్ ఏరు వడిస్తారె మేడె ముస్కు మన్ని గదిదు తెర్పూర్.

38 లుద పట్టుం యావ పట్టుం డగ్రు మహాద్. పేతురు అబ్బె మనాన్ ఇజి యోపాదు మన్ని సిసూర్ వెహారె రిఎర్ మణిసిరిక్ పొక్కి, “దయ కిజి వెటనె రఅ”, ఇజి కల్లు పొక్తార్.

39 పేతురు నిజేతండ్రె వరివెట యోపాదు సాహాన్. వారు వన్నిక్ మేడెగది లొఇ ఒతారె. అబ్బె ముండ మణిసిక్ అడెబాజి, దొర్క వరివెట మహివలె గుత్తిసి సాక్సెక్ పాతెక్ తొరెసి వన్ని నురుల నిహె.

40 పేతురు విజేరిక్ వెల్లి పొక్తాండ్రె ముణుకుక్ ఊరెజి పార్దనం కితాన్. పీనుగుదిక్ నుడెజి, “తబిత, నిజేఅ” ఇహాన్. అయావలె అది బేస్తాదె పేతురుక్ నుడెజి నిజేత బస్తాద్.

41 పేతురు దన్నిక్ కిక్కు అస్తాండ్రె నిక్తాన్. నమ్మితి వరిక్, ముండ మణిసికాక్ కూక్కి అది బత్తిత్తాద్ ఇజి వరిక్ ఒవజెప్పాన్.

42 యాక యోపాదు మనికార్ విజేరె నెస్తారె నండొండార్ యేసుప్రబు ముస్కు నమకం ఇట్టార్.

43 పేతురు యోపాదు సీమాను ఇని ఒరెన్ తొల్కు పొర్ని వన్నిబాన్ యావ పట్టుమదు నండొ దినమ్మకు బత్తిత్తాన్.

10

పేతురు కొర్నెలియెక్ సువార్త వెప్పొన్నాన్

* 9:24 9:24 సిప్లా. దమస్కు పట్టుం నురుల పెరి గోడ్డె తొస్తా మహాద్. గోడాదు పట్టుం వెల్లి సాని సిప్లాక్ మహి. బానె పట్టుం కావె కిసికార్ కావె కిజి మహాన్

1 అయావలె కయనరియ ఇని పట్టుమీదు, ఉడ్డం కినివరి లోఇ కొర్నేలి ఇని ఒరెన్ సదాతివతి* మహాన్. వాండ్రు, వన్ని అడ్డి మహి ఉడ్డం కినికార్ ఇటలి దేనోమదాన్ వాతి మహి గుంపుదికార్ ఇజి కూకె ఆతమహూర్.

2 కొర్నేలి, వన్ని ఇండ్రోణికార్, బక్తి మనికార్. వారు దేవుణుదిక్ తియెల్ అతికార్. వాండ్రు సిల్లి వరిక్ వన్నిక్ మనిక సెడ్డినె సిజి మహాన్. దేవుణుదిక్ ఎన్న్యెవలెబా పార్వనం కినికాన్.

3 ఒర్టొండు మదెనం రమదమి మూండ్రె గంటజ, దేవుణు బాణిక్ వాతి ఒరెన్ దూత వన్నిబాన్ నిసాండ్రె, “కొర్నేలి”, ఇజి కూక్వాన్. కూక్తిక్ యా దూతెక్ టిటాక్ సుడెతాన్.

4 కొర్నేలి గొప్ప తియెల్ అతండ్రె, “ప్రబు, ఇనిక?”; ఇహాన్. దూత వెహ్సాన్, “నీను దేవుణుదిక్ కిత్తి పార్వనమకు, సిల్లి వరిక్ సీని దానం విజు దేవుణు సుడెతండ్రె నీ వందిక్ ఒడిబిజినాన్.

5 ఏలు యోప ఇని పట్టుమీదు లోకాక్ పోక్తి పేతురు ఇజి కూకె ఆని సీమోను ఇని వన్నిక్ కూక్తిన్ అ.

6 వాండ్రు నమదరం డర్లు మన్ని సీమోను ఇని తోల్కు తయార్ కినికాన్ ఒరెన్ వన్ని ఇండ్రో బత్తిజినాన్’.

7 యాక వెహ్సా దూత సాహిక్, కొర్నేలి వన్ని పణి మణిసీర్ రిఎరిక్ కూక్తిస్సాన్. ఎన్న్యెవలెబా వన్నివెట కూడెజి మంజిని బక్తి మన్ని ఒరెన్ ఉడ్డం కిని వన్నిజబా కూక్తిస్సాన్.

8 జర్గితక విజు వరివెట వెహ్సాండ్రె వరిక్ యోప పట్టుమీదు పోక్వాన్.

పేతురు సుడెతి దర్వనం

9 మర్వనాండిక్ వారు సాన్సి యోప పట్టు డర్లు ఆతార్. అయావలె మదెనం ఆతాద్. పేతురు పార్వనం కిడిక్ మేడె! మున్సు ఎక్వాన్.

10 పేతురు గొప్ప బజ కట్టిక్ ఇనికబా ఉండెక్ కోరితాన్. బోజనం తయారాజి మహిక్ వాండ్రు ఉండ్రె దర్వనం సుడెతాన్.

11 అక్కు ఇనిక ఇహిజ ఆగానం రే ఆజి నాల్లి నెంగుజ అసిమహి పెరి దుపాటి ననిక ఉండ్రె బూమిదు డివె అతిలికెండ్ సుడెతాన్.

12 దన్నె లోఇ బూమి మున్సు మన్ని నాల్లి కాల్యు మన్ని విజు రకం జంతుక్, బూమి మున్సు, ఊజి బూలానికెక్, ఆగనమ్ మున్సు ఎగ్ని పొటిక్ మహి.

13 అయావలె, “పేతురు, నిక్ అ, సప్పి తిన్ అ”, ఇజి, ఉండ్రె మాట పేతురు వెహ్సాన్.

14 దన్నెక్ పేతురు, “సిల్లి ప్రబువా, తిండ్రెక్ ఆఇకెక్ ఎనెక్ బా నాను తిన్ ఏ”, ఇజి వెహ్సాన్*.

15 వెహ్సాక్, మాట మరి వాతాద్, “దేవుణు నెగ్గిక ఇజి ఇడ్డికెక్ నీను సెవద్ ఇజి ఎర్గిన్సు”.

16 ఈహు మూండ్రె సుట్టు జర్గితాద్. వెటనె ఆ దుపాటి నన్నిక ఆగానమ్దు మర్జ పెరె ఆతాద్.

17 దర్వనమ్దు సుడెతి దన్నె అర్థం ఇనికాద్ ఇజి పేతురు గొప్పజ ఒడిబిజి మహాన్. అయావలె కొర్నేలి పోక్తి లోకుర్ సీమోను ఇల్లు ఎమెణిక్ ఇజి వెన్ బాజి నెస్తార్ వన్ని ఇల్లు ముందాల వాతార్.

18 “పేతురు ఇజి కూకె ఆని సీమోను ఇల్లు మనాండ్రా, సిల్లెండ్రా”, ఇజి పేరు అస్తార్ డేడిస్సాన్.

19 పేతురు దర్వనమ్దు సుడెతి దన్నె వందిక్ ఒడిబిజి మహివలెనె దేవుణు ఆత్మ వన్నివెట వెహ్సాన్, “సీమోను, మువెర్ లోకుర్ నిజి రెబాజినార్.

20 నీను నిక్ జి అడ్గి డేగ్ జి సాన్ అ. అనుమానం ఆవీండ వరివెట సాన్ అ. ఎండనిక్ ఇహిజ నాన్ వరిక్ పోక్ట్”.

21 పేతురు డేగ్ జి సాహండ్రె, “మీరు నజీనె రెబాజనిదెర్. ఎండనిక్ వాతిదెర్?”, ఇహాన్.

22 దన్నెక్ వారు, “సదాతివతి అతి కొర్నేలి మజి పోక్వాన్. వాండ్రు నీతి నిజాయితి మన్నికాన్. దేవుణుదిక్ తియెలాజి మన్నికాన్. వాండ్రు గొప్ప నెగ్గికాన్ ఇజి యూదురు విజెర్ వెహ్సాన్. ఒరెన్ దేవుణు దూత వన్నిక్ తోరె అతండ్రె, “పేతురుక్ నీ ఇండ్రో కూక్తి తని వన్ని మాటిక్ వెన్ అ’ ఇహాన్”, ఇజి వెహ్సాన్.

23 అయావలె పేతురు వరిక్ ఇండ్రో తతాండ్రె, “నేండ్రు మా బాన్ మండ్రు”, ఇహాన్.

పేతురు కొర్నేలి ఇండ్రో సాన్సి నాన్.

మహ్నా నాండిక్ పేతురు నిజెతండ్రె వరివెట పయనం ఆతాన్. యోపాదికార్ సెగిండార్ యేనుప్రబుక్ నమ్మితికార్ వరివెట సాహార్.

24 ఉండ్రె రోజు పయనం ఆతార్ మహ్నా నాండిక్ వారు కయనరియాదు అందితార్. కొర్నేలి వన్ని కుటుమ్ది వరిక్ వన్ని డర్లుకా కూడెజి ఇండ్రో కూడుప్రాండ్రె పేతురు వందిక్ కాప్ కిజి మహాన్.

25 పేతురు ఇండ్రో వాతిక్ కొర్నేలి సాహండ్రె వన్ని పాదమ్కాక్ ఆరాండ్రె వన్నిక్ మాడిస్సాన్.

26 గాని పేతురు వన్నిక్ నిక్తాండ్రె, “నిక్ అ, నానుబా నీ నన్ని లోకునె” ఇహాన్.

27 కొర్నేలి వెట వర్గిజి పేతురు లోఇ సాహిక్ మంద లోకుర్ బాన్ కూడెజి మహిక్ సుడెతాన్.

28 పేతురు వరి వెట వెహ్సాన్. “మా యూదురి రూలు వజ ఇహిజ యూదురు ఆఇ లోకుర్ వెట కూడెనిక అవిద్. వరివెట మంజినిక అవిద్. ఇక్కు మీరు నెసినిదెర్ గదె. గాని లోకాక్ ఎయెరిక్ బా తక్కుదికార్ ఇజి ఇండ్రెక్ అవిద్ ఇజి దేవుణు నజి తోరిస్వ మనాన్.

29 అందె నజి కూక్తిస్సాక్ నాను అడ్డు వెహ్వింద వాత. నజి ఎండనిక్ కూక్తిస్సాదెర్. ఏలు వెహ్ అ”, ఇహాన్.

30 అయావలె కొర్నేలి వెహ్సాన్, “నాల్లి దినమ్కు ముందాల యా గడియూదునె నాను మదెనం మూండ్రె గంటజ ఇండ్రో పార్వనం కిజి మహి. వెటనె మెర్నిని నన్ని పాతెక్ పొర్యాతి మన్ని ఒరెన్ నా ఎద్దు నిహాన్.

* 10:1 10:1 వంద మంది విదెం కినివరిక్ నడిప్పి లోమ అతికార్. † 10:9 10:9 మేడ మున్సు బాన్ మహి ఇల్లాక్ మున్సు మేడిక్ మన్నె. ఎక్కి సాన్సి బన్జెక్ ఆవాద్ ‡ 10:14 10:14 యూదురుక్ తిండ్రెక్ ఆఇకెక్ సిగం మన్నె అక్కిక్ తిన్ ఏర్

- 31 “కొద్దిలి, దేవుణు నీ పార్లనమ్మకు వెళ్ళాన్. సిల్లి వరిజ్ సిల్లికెక్ దేవుణు నుడఃతాన్.
- 32 యోసాదు కల్లు పోక్కి పేతురు ఇజ కూకె అని సీమోనుజ్ కూక్కిన్. వాండ్లు నమ్మదరం డగ్గు తోల్లు, తయారో కినికాన్ బరెన్ సీమోను ఇని వన్ని ఇండ్లె బల్కుజినాన్.
- 33 అందెజె వెటనె నిజీ కల్లు పోక్కి. నీను వాతికాదె నెగెద్. ఏలు మాపు విజెవె దేవుణు డగ్గు వాతావ్. మా వెట వెప్తాజ్ దేవుణు నిజీ అడ్ల సిల్లి విజు మాటెజ్ వెండ్రెజ్ మాపు వాతావ్.
- 34 దన్నిజ్ పేతురు వెప్తాన్, “దేవుణు విజెరిజ్ ఉండ్లె లెకెండ్ సుడఃజినాన్, ఇజ ఏలు నాను నిజిమ్నె నెస్సా.
- 35 ఏమేణి జాతి ఇహిజ్ బా దేవుణుదిజ్ తియెలాజి, నీతి నిజాతిదాన్ నడిఃతిజు దేవుణు వన్నిజ్ ఒప్పుకోణాన్.
- 36 యేసు క్రీస్తు విజెరిజ్ ప్రబు. దేవుణు వెట లోకాజ్ కూల తోహ్పొస్తెజ్ వాండ్లు యేసుజ్ పోక్కిన్. యేసువలెహాన్ ఇస్రాయేలు లోకాజ్ నమ్మదనం వాతాద్ ఇజ దేవుణు సువార్ల పోక్కిన్.
- 37 యోహాను దేవుణు మాటిజ్ బోదెసి బాప్తీసం సిల్లి వెనుక గలీలయోదాన్ మొదోల్లి యూదయ దేనమ్మదు విజు ఇనిక జగ్గితాద్ ఇజ మీరు నెసినిదెర్.
- 38 యాక ఇనిక ఇహిజు, దేవుణు, నజరేతు వాండ్లు అతి యేసుజ్ దేవుణు అత్తు సత్తు సీజి ఏర్పాటు కిత్తాన్. వాండ్లు సొస్సి నెగ్గి పఱిజి కిత్తాండ్లె సయ్యాన్ లోకురిజ్ కిజిని బాదెజాణిజ్ డిఃబిస్తాన్. దేవుణు వన్నివెట మహిజానె వాండ్లు అక్యెజ్ విజు కిదెజ్ అట్టాన్.
- 39 వాండ్లు యూదురి దేనమ్మదుని, యెరూసలేమ్మదుని, కిత్తి విజు వనకాజ్ మాపు సాసిర్. యూదురు వన్నిజ్ సిలువారు డెఃయ్యారె సప్తార్.
- 40 గాని మూండ్లె రోస్కాజ్ దేవుణు వన్నిజ్ సాతి వరిబాణిజ్ నిక్రాండ్లె మజి తోరిస్తాన్.
- 41 విజెరి లోకాజ్ వాండ్లు తోరె అవితాన్. దేవుణు ముజాలె ఏర్పాటు కిత్తి సాసిర్, ఇహిజు, మజిన్ వాండ్లు తోరె అతాన్. సాతి వరిబాణిజ్ నిజితి వెన్యా, మాపె వన్నివెట తింజి ఉఱిజి మహావ్.
- 42 సాతి వరిజ్, బల్కుజిని వరిజ్ తీర్ప సీదెజ్ దేవుణు యేసుజె ఏర్పాటు కిత్తాన్ ఇజ సాని వెప్సి సువార్ల సాటిస్తెజ్ యేసుప్రబు మజి అడ్ల సిత్తాన్.
- 43 ప్రవక్తరు విజెరి వన్ని వందిజ్ ఇని సాని వెప్తారె ఇహిజు, వన్ని ముస్సు, నమ్మకం ఇడ్లి విజెరి పాపం దేవుణు వన్ని వందిజ్ నెమిస్సొన్లె ఇజి.
- యూదురు ఆజ వరిజ్ దేవుణు అత్తు సత్తు, దోహొకీసి నాద్.
- 44 పేతురు యా మాటిజ్ వెప్సి మహిజ్ నె, వన్ని మాటిజ్ వెంజి మహిపరి ముస్సు దేవుణు అత్తు వాతాద్.
- 45 పేతురు వెట వాతి మహి నమ్మితికారె యూదురు, యాక నుడఃతారె బమ్మ అతారె. “యూదురు ఆజ వరిజ్ బా దేవుణు అత్తు సత్తు ఇని ఇనాయం దేవుణు సీజినాన్”, ఇజ బమ్మ అతారె.
- 46 ఎందనిజ్ ఇహిజు దేవుణు అత్తు సత్తు వరి ముస్సు, వాతిజ్ వారు ఆజ బాసిజ్ వర్గిజి దేవుణు ఎసానో వెరికాన్ ఇజ స్తుతి కినిక మీరు వెహారె.
- అయావలె పేతురు వెప్తాన్,
- 47 “మజి దేవుణు అత్తు దోహొక్కి లెకెండ్ విరిజ్ బా దోహొక్కిన్. ఏలు మీరు ఏరుదు బాప్తీసం లాగి అదెజ్ ఇహిజు ఎయెర్బా అడ్లు కిదెజ్ అట్టారా?”.
- 48 అందెజె యేసుక్రీస్తు మీరు అని ఏరుదు బాప్తీసం లాగి అదెజ్ పేతురు వరిజ్ అడ్ల సిత్తాన్. వెనుక, నెగం రోస్కా మా వెట మనఅ ఇజి వారు పేతురుజ్ వెప్తారె.

11

పేతురు జరిగితికెక్ వెప్సి నాన్.

- 1 యూదురు ఆజ లోకురిబా దేవుణు - మాటిజ్ నమ్మితారె ఇజ యూదయ దేనమ్మదు మన్ని నమ్మిత్తికారెన్, అపొస్తలురు వెహారె.
- 2-3 అందెజె పేతురు ఎక్కు యెరూసలేమ్మదు సాహివలె బానె మహి సునతి కిబె అతి యూదురు, వన్నివెట తర్కిస్తారె. “నీను సునతి కిజ లోకుర్ వెట కూడఱితి మహి, వరివెట ఉఱిజి మహి”, ఇజ వన్ని ముస్సు తర్కిస్తారె.
- 4 అయావలె పేతురు, జరిగితికెక్ విజు మొదోహాన్ అసి వరివెట వెప్తాన్.
- 5 “నాను యావ పట్టమ్మదు మహివలె బరెనెండ్ పార్లనం కిజి మహిజ్ ఉండ్లి దర్శనం నుడఃత. ఇనిక నుడఃత ఇహిజు, ఆగానం రే ఆజి నాల్లి నెంగుజి అసిమహి పెరి దుపాటి ననిక ఉండ్లి బూమిదు డిఃవె అతిలెకెండ్ నా డగ్గు డిఃగిజి వాతాద్.
- 6 అక్కు నెగెండ్ సుడఃతిజ్ దన్ని లోక నాల్లి కాల్యు మన్ని జంతుజ్, అడిఱి జంతుజ్, బూమి ముస్సు ఊజి బూలానికెక్, ఆగానం ముస్సు, ఎగ్గిని పొటిజ్ నజి తోరితె.
- 7 అయావలె, “పేతురు నిజ్ అ. సప్పి తిన్ అ”, ఇజి ఉండ్లి మాట వెహ.
- 8 దన్నిజ్ నాను, “సిల్లె ప్రబు, నెవెద్ ఇజి ఇడ్లికెక్ ఇనికెజ్ బా నాను ఎనికెజ్ తిన్ ఏ” ఇహ.
- 9 ఆగానమ్మదాన్ మాట మరి వాతాద్, “దేవుణు నెగ్గి ఇజ వెప్తాకెక్ నీను ఏరిన్లు”.
- 10 కఱహు మూండ్లి సుల్లు, వాతాద్. అక్కురిదిజ్ అక్యెజ్ విజు ఆగనమ్మదు మరెజి పెరి ఆతె.
- 11 యాక జరిగితి వెటనె కయ్యోరియదాన్ కొద్దిలి పోక్కి మువెర్ లోకుర్ నజి రెబాజి నాను మహి ఇల్లు డగ్గు వాతారె.
- 12 అయావలె దేవుణు అత్తు, “నీను ఇని అనుమానం సిల్లెండ్ వరివెట సాన్ అ” ఇహాన్. మీరు అరుగురు నమ్మిత్తికారె బా నావెట వాతారె. వాతారె మాపు కొద్దిలి ఇండ్లె సాహావ్.

13-14 కొర్నేలి ఇంట్లో సోహాజ్, దేవుణులు దూత వచ్చినవెట వెస్తికెజ్ విజు వెహ్సాన్. 'నీను యోషాదు లోకాజ్ పోక్తి పేతురు ఇజి కూకె అని సేమానుజ్ కూక్చీన్అ. వాండ్రు వానాండ్రె నీను, నీ కుటుమిదికార్ విజేరె పాపం కిత్తి దన్ని సీక్కుదాన్ ఎలాగ గెలిస్తేజ్ ఆనాద్ ఇజి వెహ్సానాలె' ఇజి వెస్తికెజ్ విజు కొర్నేలి మజీ వెహ్సాన్.

15 నాను పరివెట పర్గిదెజ్ మొదొల్స్తెజ్, మా మున్ను దేవుణు అత్తు తొలిత ఎలాగ వాతాదొ అయావజనె వరి మున్నుబా వాతాద్.

16 అయావలె నజీ ప్రబు మాటిజ్ గుర్తు వాతాద్. ఇనిక ఇహిజ, 'యోహూను ఏరుదాన్ బాప్తిసం సిత్తాన్. గాని మీరు దేవుణు అత్తుదాన్ బాప్తిసం లాగె ఆనిదెరెలె' ఇజి.

17 అహిజ మాపు ప్రబు అతి యేనుక్రీస్తు మున్ను, నమకం ఇట్టి వలె దేవుణు మజీ సీత్తి ఇనాయమెనె వరిజ్బా సిత్తాన్. దేవుణుదిజ్ అడ్రు కిదెజ్ నాను ఎపటిదికానా?"

18 యాక వెహారె వారు మరి ఇని అడ్రుబా వెహొవతారె. "నిజమెనె, యూదురు ఆఇ వరిజ్బా వరి పాపముక డిసేసిజి దేవుణుదిజ్ లోజిజి ఎలాకాలం బత్తిదిజ్ దేవుణు సరి సీజనాన్", ఇజి వెహ్సా వారు దేవుణుదిజ్ స్తుతి కిత్తారె.

అంతియొకయూదు నమ్మితి వరిజ్ క్రీస్తు లోకు ఇజి పేరు వాతాద్.

19 సోహానుజ్ సప్తివెనుక యేనుప్రబు మున్ను, నమ్మితి వరిజ్ లాపు మాలెజ్ వాతిజ్ వారు సెద్దితె సోహారె. సెద్దితికారె సెగొండారె పెనికె, కుప్రు, అంతియొకియ ఇని దేసమదాక సోహారె యూదురిజ్ ఉండ్రెనె దేవుణు మాటిజ్ వెహ్సారె.

20 గాని వరి లోక సెగొండారె కుప్రుదికారె, కురేనియదికారె మహారె. వారు సోని అంతియొకయూదు మన్ని గ్రీకు బాస వర్గిని వరిజ్బా యేను ప్రబు వందెజ్ నావూర వెహ్సారె.

21 ప్రబు సత్తు పరివెట మహాద్. అందెజి మంద లోకు దేవుణు మాట నమ్మిత్తారె ప్రబు మున్ను, నమకం ఇట్టారె.

22 యెరుసాలేమీదు మన్ని సజమదికారె యాక వెహారె బర్బుజిజ్ అంతియొకయూదు పోక్తారె.

23 బర్బుజి వాతండ్రె దేవుణు దయ వరి మున్ను వాతాద్ ఇజి సుడెతాండ్రె సర్ల ఆతాన్. దేవుణు మున్ను ఉండ్రె మన్నుదాన్ నమ్మిదు ఇజి వాండ్రు వరిజ్ దయరం వెహ్సాన్.

24 బర్బుజి దేవుణు అత్తు సత్తుదాన్, నమకమదాన్ నిండ్రెతికాన్, నెగ్గికాన్. వాండ్రు దేవుణు మాటిజ్ బోదిస్తెజ్ మంద లోకురె యేనుప్రబు మున్ను, నమకం ఇట్టారె.

25 వెనుక బర్బుజి నవులుజ్ రెబాజి తార్పు పట్టుం సోహాన్.

26 నవులుజ్ రెబాజి దోహొక్తిజ్ వచ్చిజ్ అంతియొకయూదు తతాన్. వారు రివెరె ఉండ్రె ఏడు బానె మహి సజమదికారె వెట కూడితారె మంద లోకాజ్ దేవుణు మాటిజ్ బోదిస్తారె. అంతియొకయూదునె, నమ్మితి వరిజ్ క్రీస్తు లోకు ఇజి పేరు తొలిత ఇడె: ఆత మహాద్.

27 యా కాలమీదు ప్రవక్తరు సెగొండారె యెరుసాలేమీదాన్ అంతియొకయూదు వాతారె.

28 వరి లోక అగబ ఇనికాన్ ఒరెనె దేవుణు అత్తుదాన్ నిండ్రెతాండ్రె రోమరాజు ఏలుబడి: కిని దేసమకాజ్ విజు ఉండ్రె పెరి కరు వానాద్లె ఇజి వెహ్సాన్. (క్రమదియ ఇని రాజు ఏలుబడి: కిత్తి కాలమీదు యా కరు వాతాద్)

29 అయావలె నమ్మితికారె విజేరె యూదయదు బత్తిని నమ్మిని వరిజ్ సాయం పోక్తెజ్ ఒడిబితారె. మాపు ఎసా సీనాపా ససా సీనావ్ ఇజి వారు ఒడిబితారె.

30 వరి సాయమకు వారు బర్బుజిని, నవులు వెట పెద్దలుజబాన్ పోక్తారె.

12

పేతురు జెలిదాన్ గెలిస్తాన్.

1 అయ కాలమీదు హేరోదు రాజు సజమది వరిజ్ సెగొండారిజ్ మాలెజ్ కిదెజ్ మొదొల్స్తాన్.

2 యోహూనుజ్ దాద అతి యాకోబుజ్ కుర్లదాన్ నపిస్తాన్.

3 యా సజతి యూదురిజ్ ఇన్సం ఆతాద్ ఇజి నెస్తాండ్రె హేరోదు రాజు పేతురుజ్బా తోహ్ని ఇడెదెజ్ ఆడ్రె సిత్తాన్. యూదురి పులాజ్ ఆఇ రొటిజ్ తిని వండ్రెయే దినమకాజ్ యాక జర్జితాద్.

4 పేతురుజ్ అరెస్టు కితారె వచ్చిజ్ జెలిదు ఇట్టారె. జెలిదు ఇట్టారె వచ్చిజ్ కావె కిజి మండ్రెజ్ పదహారు మణిసెరి జమానుజి ఒపజెప్తాన్. ఉండ్రె సుటు నాలెవెరి మణిసెరి కాపు ముజినారె. పన్ను వండ్రెయే వెన్నా లోకాజ్ నడిమి తని పేతురుజ్ తీరెపు తీరిస్తెజ్ హేరోదు రాజు ఒడితాన్.

5 ఆహా పేతురు జెలిదు మహాన్. గాని సజమదికారె వచ్చి వందెజ్ గటిజి దేవుణుదిజ్ పార్లనం కిజి మహారె.

6 మరెననాండిజ్ పేతురుజ్ తీరెపు తీరిస్తెజ్ వెల్లి తన ఇజి హేరోదు రాజు ఒడిబిత మహాన్. అయ పొదొయే పేతురు రివెరె జమానుజి నడిమి రుండి గెల్సెన్యాణిజ్ తోహా ఆజి నిద్ర కిజి మహాన్. రివెరె జమానుజ్ వెల్లి కాపు మహారె.

7 అయావలె వెటనె ఒరెనె దేవుణు దూత తోరె ఆతాన్. ఆ గది లోక జాయ నన్ని వెల్లూరె వాతాద్. దూత పేతురుజ్ పడకాదు డెయెజి బేగి నిజ్అ ఇజి వెహ్ని నిక్తాన్. వచ్చి కిక్యాణిజ్ గెల్సెన్యూ డెయెజి అర్చె.

8 దూత వచ్చినెట, "నీను నడుముదు తోహా ఆజి జోడు, తోడెగెఅ", ఇహాన్. పేతురు అక్కెజ్ తోహ్తెజ్ దూత, "నీ పాత పిడిగ్గి నా వెనుక రఅ", ఇహాన్.

9 పేతురు దూత వెనుక సోహండ్రె జెలిదాన్ వెల్లి వాతాన్. గాని జర్జినిక నిజమె అవెదొ ఇజి పేతురు నెనెవతాన్. యాక విజు దర్బనమీదు సుడెజిని ఇజి ఒడిబితాన్.

10 వారు ముందాల కావె కిని వరిజ్ డాట్టి వెనుకాది వరిజ్బా డాట్టి పట్టుం సోని ఇనుము గవుని డగ్రు వాతారె. వాతిజ్ అదిని రె ఆతాద్. వారు సోని వాజి ఉండ్రె వీది డాట్టిసోహి వెటనె దూత వచ్చిజ్ డిసెన్స సోహాన్.

11 అయావలె, జర్రికికెజ్ విజు నిజమె ఇజి పేతురు తెలి అతాన్. దేవుణు వన్ని దూతెజ్ పోక్తాండ్రె నజి హేరోదురాజు బాణిజ్ డిజిస్తాన్. యూదురు నజి ఇనిక కిదిజ్ ఒడిబిత్తారో దన్ని లోఇహానబా డిజిస్తాన్ ఇజి ఏలు నాను నిజం నెన్నా ఇజి ఒడిబిత్తాన్.

12 యాక నెన్నాండ్రె పేతురు, మార్కు ఇజి కూకె ఆని యోహానుజ్ అయెసి ఆతి మరయ ఇండ్రె సాహాన్. బాన్ మంద లోకుర్ కూడిత మహారె పార్లనం కిజి మహారె.

13 పేతురు వెల్లి మహి సేష్టాడు కొత్తాన్. ఎయెన్ ఇజి వెండ్రెజ్ రోద ఇని పణి మణిసిబాన్ సాహాద్.

14 అది పేతురు కంటం గుర్తు అస్తాదె గొప్ప సర్ద అతాద్. సేష్టా రేవిండ్ ఉహాక్కి సాహాదె, “పేతురు సేష్టా డగ్రు నిహ మనాన్”, ఇజి మహి వరిజ్ వెష్టాద్.

15 వారు, “నిజి వెరి మనాద్” ఇహారె. గాని అది మరి మరి వెష్టాజ్ వారు, “అహిజ వన్ని దూత వాతాద్” ఇహారె.

16 గాని పేతురు సేష్టాదిజ్ కొత్తి మహాన్. వారు సాన్ని సేష్టా రేతిజ్ పేతురుజ్ నుడతారె గొప్ప బమ్మ అతారె.

17 మీరు జమన మండ్రు ఇజి పేతురు వరిజ్ కియు సయన కితాండ్రె, దేవుణు వన్నిజ్ ఎలాగ జెలి లోఇహాన్ వెల్లి తత్తాన్ ఇజి వరిజ్ విజు వెష్టాన్. యాక యాకోబుజ్ ని మహి నమ్మితి వరిజ్ వెష్టా ఇహండ్రె మరి ఉండ్రె బాడ్డిదు సాహాన్.

18 పెందాహిజ్ జేలిదు మహి జమాన్జణు గొప్ప గాబ్ర అతారె. పేతురు ఇనిక అతాండ్రె ఎంబె సాహండ్రె ఇజి వారు గొప్ప గాబ్ర అతారె.

19 పేతురుజ్ రెబాజి దోహాకిన్జిజ్ హేరోదు రాజు ఆడ్ర సిత్తాన్. గాని వారు ఎసా రెబాతిజ్ బా తోరెవితాన్. అందెజ్ హేరోదు రాజు కాన్ కిజిమహి జమాన్జణు మరి మరి యా నజతి వందిజ్ వెన్బాజి పేతురు గెలప్ సాహాన్ కాక వరి మున్ను తీరెపు కితాండ్రె వరిజ్ నప్పెజ్ ఆడ్ర సిత్తాన్.

హేరోదు రాజు సాతాన్.

హేరోదు రాజు యూదయదాన్ కయెసరియారు సాహండ్రె బాన్ సెగం కాలం బత్తితాన్.

20 హేరోదురాజు తూరు పట్టుమది వరి మున్ను, సీదోసు పట్టుమదివరి మున్ను గొప్ప కోపం కల్గిజి మహాన్. అందెజ్ వారు ఉండ్రె మున్నుదాన్ వాతారె రాజు ఇండ్రెణి అతికారి ఆతి ఒరెన్ బ్లాస్టు ఇని వన్నిజ్ వరి పడకాడు కూడుస్తారె, రాజు వరి మున్ను నమదనం అదెజ్ ఇజి. ఎందనిజ్ ఇహిజ రాజు దేనమదాన్ వరిజ్ వంట దోహాక్కి మహాద్.

21 ఏరెపాటు కిత్తి రోజు, హేరోదు రాజు, రాజుర్ తోడిగిని సొక్కెజ్ పొరెపాతాండ్రె రాజు కుర్చిదు బస్తాండ్రె వాతివరివెటె మీటిజ్దు వర్గితాన్.

22 అక్క వెహారె లోకుర్, వీండ్రు ఒరెన్ దేవుణు లెకెండ్ వెప్పొనాన్, లోకు లెకెండ్ అవెన్ ఇజి గగోల్ కిత్తారె.

23 రాజు యాక వెహిజ్ దేవుణుదిజ్ స్తుతి కివితాన్. వెటెన దేవుణు దూత వన్నిజ్ ఉండ్రె కష్టం పుటిన్జిజ్ వాండ్రు పిడకెకు అజి సాతాన్.

24 గాని దేవుణు సువార్త మరి మంద లోకు వెహారెకాక దేవుణు మున్ను నమకం ఇట్టారె.

25 బర్చబని నవులు యెరూసలేమీదు సాన్ని వరి వణిజ్ వీస్తారె మార్కు ఇజి కూకె ఆని యోహానుజ్ కూడుస్తారె యెరూసలేమీదాన్ మరెజి వాతారె.

13

బర్చబెజ్ ని నవులుజ్ సువార్త సాటిన్జిజ్ దేవుణు సజమదికారె ఏరెపాటు కిత్తారె.

1 అంతియొకయారు మహి సజమదు, సెగెండారె ప్రవక్తరు, మరి సెగెండారె దేవుణు మాటిజ్ బోదెసినికారె మహారె. వారు ఎయెర్ ఇహిజ, బర్చబ, నిగెర్ ఇజి కూకె ఆని సిమెయోను, కురెనదికాన్ లూకియ, హేరోదు అంతిపాన్*.

2 వీరు దేవుణుదిజ్ పార్లనం కిజి ఉహాన్ కిజి మహివలె దేవుణు అత్త వెష్టాన్, “బర్చబెజ్ ని నవులుజ్ నాను కూక్కి పణి వందిజ్ మీరు ఏరెపాటు కిదు”.

3 వెహిజ్, సజం ఉహాన్ మంజి పార్లనం కితారె వరి మున్ను కిక్కు ఇట్టారె, దేవుణు వెహి పణి వందిజ్ పోక్తారె.

బర్చబని నవులు కుప్త ఇని ద్వీపుదు సాహారె.

4 దేవుణు అత్త పోక్కిజ్ బర్చబని నవులు డిగెగు నమదరం డగ్రు మన్ని నెలూకిన ఇని వట్టుం సాహారె ఒడకెడు ఎక్తారె కుప్త ఇని ద్వీపుదు† సాహారె.

5 వారు నలామి ఇని పట్టుమదు సాహారె బాన్ మహి యూదురి మీటిజ్ కిని ఇల్లాజ్ సాహారె దేవుణు మాటిజ్ సాటిసి మహారె. మార్కు ఇజి కూకె ఆని యోహాను వరివెటె వరిజ్ తోడిజ్ లెకెండ్ మహాన్.

6 వారు అయ ద్వీపు విజు వయనం కితారె పాపు ఇని పట్టుమదు వాతారె. బాని వారు బరయెను ఇజి కూకె ఆని ఒరెన్ యూద వన్నిజ్ నుడతారె. వాండ్రు ఒరెన్ సెట్టికాన్. వాండ్రు అబద్దం మాటిజ్ వెప్పొ ప్రవక్త. దేవుణు మాటిజ్ వెప్పొ ప్రవక్త ఇజి నాటిసినాన్ గాని అవెన్.

7 వాండ్రు రోమ గవర్నరు ఆతి సెర్గివపులు వెటె మహికాన్. అయ రోమ గవర్నరు ఇహిజ వాండ్రు తెలివి మన్నికాన్. వాండ్రు దేవుణు మాటిజ్ వెనా ఇజి బర్చబెజ్ ని నవులుజ్ కూకెప్పొస్తాన్.

8 గాని అయ సెట్టికాన్ వరిజ్ అడ్డు కిత్తాన్. (గ్రెకు బానదు వన్ని పేరు ఎలిమ) రోమ గవర్నరు ఆతి సెర్గివపులు యెనుప్రబు మున్ను నమకం ఇడెవండాదెజ్ నుడతాన్, యా గార్డి విది కినికాన్.

* 13:1 13:1 హేరోదు అంతిపాన్. మార్కు సువార్త బాప్తీసం సీని యోహానుజ్ జెలిదు ఇడ్రి వెనక వన్నిజ్ నప్పెజ్ ఆడ్ర సిత్తి హేరోదు రాజు వీండ్రె. (మార్కు 6:14-28) రాజు వెటె కూడిజ్ పిరితి మనయెను, నవులు ఇనికారె † 13:4 13:4 ద్వీపు. నురుల నమదరం మన్ని ఇజి దేను

9-10 అయావలె నపులు (వన్నిజ్ పవులు ఇని పేరుబా మహాద్) దేవుణు అత్తుదాన్ నిండ్రితాండ్రె ఎలీమేజ్ తినాజ్ సుడోజి వెప్తాన్, “నీను నయ్యాన్ పొటాదికాన్, నీతి నిజాయతి అతి విజు దన్నిజ్ పడోజికి. నీను పూర్తి నెఇకి, గొప్ప మొసం కినికి. నిజమాతి దేవుణు మాటోజ్ నిజం అకెకె ఇజ తోరినిసి.

11 ఇదిలో, దేవుణు ఏలు నిజ తీర్పు సీజి సిక్కు సీజినాని. నీను నెగం కాలం గుడ్డి అజి పొద్దుదిజ్ సుడోదిజ్ అటోవండ అనిలె” వెటని వాండ్రు గుడ్డి అతాన్. గోయ్ నన్ను గాండుదాన్ వన్ను కకెకెకె సీకటి అతె. ఎయెర్బా కికాజ్ అని బుల్లెయ్ కిబిస్తానా ఇజ అతాల్ ఇతాల్ బూలాజి మహాన్.

12 అయ రోమ గవర్నరు జర్గితక సుడోతివలె యేనుప్రలు ముస్సు నమకం ఇడ్తాన్. ఎండనిజ్ ఇహిజ యేనుప్రలు - వందిజ్ బోద వెంజి బమ్మ అతాన్.

పవులుని బర్పలు పిసిదియ దేనమ్దు మన్ని అంతియోకయాదు సువార్త వెప్పొనార్

13 వెనుక పవులుని వన్నివెట మహికార్ ఓడో ఎక్తారె పాపుదాన్ పంపులియాదు మన్ని పెర్గ ఇని పట్టుం సొహార్. బానె యోహాను వరిజ్ డిస్తారె యెరూసలేమ్దు మరజి సొహాన్.

14 వారు పెర్గ పట్టుమ్దాన్ సొత్తారె పిసిదియ దేనమ్దు మన్ని అంతియోకయాదు సొహార్. బానె వారు విస్తాంతి దినమ్దు యూదురి మీటిజ్ ఇండ్రె సొహారె బస్తారె.

15 మోసె సిత్తి రూలుదాన్, ప్రవక్తరు రాస్తి మాటోజిదాన్ నెగం సద్వితి వెనుక మీటిజ్ ఇండ్రెణి అతికారిజు పవులుని బర్పలు వెట. “దాదారండె, లోకాజ్ బోద్స్టెజ్ ఇని మాటోజిబా మహిజ వెప్తాన్” ఇహార్.

16 అయావలె పవులు నిజతండ్రె విజెరె అలెజి మండ్రు ఇజ కియు నయన్ కితాండ్రె వరివెట వెప్తాన్, “ఇస్తాయేలు లోకాండె, దేవుణుదిజ్ తియెల్ అని యూదురు అఇ లోకాండె, నా మాట వెండ్రు.

17 మా ఇస్తాయేలు లోకు పార్తనం కిని దేవుణు, మా అనిగగోరిజ్, వన్ని లోకుర ఇజ మండ్రెజ్ ఏర్పాటు కిత్తాన్. వారు అయగుప్ప దేనమ్దు అఇదేనమ్దివరిలెకెండె మహివలె వరిజ్ నండె లోకు ఎల్లిస్తాన్. వెనుక గొప్పనత్తుదాన్ వరిజ్ అబ్బెణాన్ గెల్పిసి తత్తాన్.

18 రహారమి నలవయ్ పంటిజ్ వారు బిడిమే బూమిదు సొస్తి మహివలె దేవుణు వరిజ్ ఓరిసి మహాన్.

19 కనాను దేనమ్దు మహి ఏడు జాతిజాణి వరిజ్ విదిం కిజి గెల్పిస్తాండ్రె వరిజ్ పాడు కిజి వరి దేసం వన్ని లోకాజ్ అక్కు లెకెండె సిత్తాన్.

20 యాకెజ్ విజు నాల్లి వందిజ్ యబాయ్ పంటిజాణి జర్గితె.

వెనుక సముయేలు ఇని ప్రవక్త పాతి కాలమ్దాక వరిజ్ ఏలుబడి: కిదిజ్ తీర్పు తీరిస్తి నెయ్యి లోకాజ్ దేవుణు ఏర్పాటు కిత్తాన్.

21 దన్ని వెనుక ఇస్తాయేలు లోకుర ‘మజి ఉండ్రె రాజుజ్ ఏర్పాటు కిత’ ఇజ వెప్తాజ్ దేవుణు వరిజ్ బెన్యమిను కుటుమ్దికాన్ కీను మరిసి అతి నపులుజ్ నలవయ్ పంటిజ్ ఏలుబడి: కిదిజ్ ఏర్పాటు కిత్తాన్.

22 వెనుక నపులుజ్ లాగితాండ్రె దావీదుజ్ రాజుపజ దేవుణు ఏర్పాటు కిత్తాన్. దావీదు వందిజ్ దేవుణు ఇని సాని వెప్తాన్ ఇహాజ, ‘యెసాయి మరిసి అతి దావీదు ఇహాజ నాను ఒడిబిని లెకెండె ఒడిబిజనాన్. నాను ఇన్డం అనికెజ్ వాండ్రు ఇన్డం అజనాన్. వాండ్రు ఇనిక కిదిజ్ ఇజ నాను కోరిజనానో అక్కెజ్ వాండ్రు కినాన్’.

23 యా దావీదు పొటిజాణిజి మా అనిగగోర్ వెట దేవుణు ఒట్టుకిత్తి లెకెండె ఇస్తాయేలు లోకాజ్ తప్పిస్తికాన్ అతి యేనుజ్ పుట్టిస్తాన్.

24 యేను వాని ముందాల యోహాను ఇస్తాయేలు లోకాజ్ బోద్స్టాన్. ఇనిక ఇహాజ ‘విజెరె పాపమ్కు ఒప్పుకోడోజి డిసెసిజి బాప్టిసం లాగి అదెజ్’ ఇజ.

25 యోహాను వన్ని పణి వీన్నివలె లోకాజ్ వెప్తాన్, ‘నాను ఎయెన్ ఇజ మీరు ఒడిబిజనిదెర్? మీరు ఒడిబిజనికాన్ అవన్ నాను. మీరు ఎద్దు సుడోజి మహికార్ వెన్కా వాజినాన్. వన్ని జోడ్కుబెట్టు కూతెజ్బా నాను ఏవటిదిక అవ’.

26 తంబెరిజాండె, అబ్రాహాం కుటుమ్దికిదెరా, దేవుణుదిజ్ తియెల్ అనికిదెరా, దేవుణు లోకాజ్ ఎలాగ గెల్లిస్తానె ఇజ కల్లు దేవుణు మజి విజెరిజె పొక్తాన్.

27 ఎండనిజ్ ఇహిజ యెరూసలేమ్దు మహికార్, వరి అతికారి లోకుర, యేను, దేవుణు పొక్తాన్ ఇజ గుర్తు అన్వితార్. విజు విస్తాంతి దినమ్దు వారు ప్రవక్తరు రాస్తి మాటోజి సద్వితార్ గాని అద్దం కివితార్. గాని ప్రవక్తరు ముందాలెప్పె వెప్తా అయ మాటోజ్ వజ జర్గిస్తారె. ఎలాగ ఇహిజ యేనుజ్ నప్పజి వారు తీర్పు కిత్తారె.

28 యేనుజ్ తీర్పు కిని వన్నిడగ్గు తని సాపుదిజ్ తగితి తప్పు ఇనికబా కివితాన్ ఇజ సుడోతిజ్బా గాని విన్నిజ్ సిలువ డెయేజి నప్ప ఇజ వారు పిలాతుజ్ బతిమాలితార్.

29 యేనుజ్ యూదురు ఇనికెజ్ ఇనికెజ్ కినాలో ఇజ ప్రవక్తరు రాస్తి మహికెజ్ విజు వారు కిత్తి వెనుక వన్ని సిసూర్ వన్ని పీనుగుదిజ్ సిలువదాన్ డిస్తారె సట్టుపణుకుదు దొలిస్తి సాలమ్ లోఇ ఇడ్తారె.

30 గాని దేవుణు యేనుజ్ సాతి వరిబాణిజ్ నిక్తాన్.

31 గలీలయదాన్ యెరూసలేమ్దు వన్నివెట సొస్తి మహి వరిజ్ యేను నండె రోస్సు తోర్ అతాన్. వారు ఏలు మాటు ఇస్తాయేలు లోకాజ్ నడిమి యేనుజ్ సానో.

32-33 ఏలు మాపు మిజి సువార్త వెప్పొనావ్. అయ సువార్త ఇనిక ఇహిజ దేవుణు యేనుజ్ సాతి వరిబాణిజ్ నిక్తాన్. యాక మా అనిగగోర్ వెట దేవుణు కిత్తి ఒట్టు. వరిజ్ కిత్తి ఒట్టు వరి పొటిజాణికార్ అతి మా వందిజ్ ఏలు జర్గిస్తాద్. “నీను నా మరిన్, నెండ్రు నాను నీ బుబ్బు అత మన్ను”, ఇజ కిర్తన రుండిదు రాస్తి మనిక దిన్నివందిజె.

34 దేవుణు వచ్చిన సాతి వరిబాణిజ్ నిక్రాన్. వన్ని పీనుగు సబ్విన్ ఇజి వన్నివందిజ్ దేవుణు మాటాడు ఈహు రాస్త మనాద్. “దాబీదుజ్ సీనా ఇజి ఒట్టు కిత్తి నెగ్గి దీవెనమకు నాను మిజి తవ్వందిజ్ సీనా”.

35 కీర్తన పుస్తకముడు మరి రాస్త మనాద్. అక్క ఇనిక ఇహిజ “నీను పొక్తివన్ని పీనుగు నబ్జి సొండ్రెజ్ నీను సరి సిఇ”.

36 అహిజ దాబీదురాజు దేవుణు వీరపాటు కిత్తి వజి వన్ని తరమది వరిజ్ నేవ కిజి వీస్తాండ్రె సాత సాహాన్. వన్ని అనిగోగోబాన్ వన్నిజబా ముస్తార్. వన్ని పీనుగు సబిత సాహాద్.

37 గాని సాతి వరిబాణిజ్ దేవుణు నిక్తి యా యేసు పీనుగు నబ్జి సొన్వితాద్.

38 అందెజె తంబెరిజాండ్రె, మిజి వెహిన్సి నువార్త యాకాదె. పాపముకు సెమిస్త్రెజ్ యేసు అట్యాన్. యాక మీరు నెగ్గిండ్రె నెస్త్రెజ్ ఇజి నాను అస ఆజిన.

39 మోసి నిత్తి రూలుజ్ ఒరన్ వన్నిజ్ వన్ని పాపముకాణ్ డిజివెస్త్రెజ్ అట్ఉ. గాని యేసు ముస్సు నమకు ఇట్టి వరిజ్ వరి పాపముకాణ్ యేసు పూర్తి డిజివెస్త్రెజ్.

40 ప్రవక్తరు వెహిజి మిజి రెవ్విండ్రె సుడెడు. వారు ఇనిక వెహ్టార్ ఇహిజ.

41 “సుడెడు, వెక్కినికిదిరా, మీరు బమ్మి నిదెరెలె గాని పాడాజి సొనిదెరె. ఎందనిజ్ ఇహిజ మీ కాలముడు నాను ఉండ్రె బమ్మాని వజి కిన. గాని అయ వజి వందిజ్ ఎయెరబా వెహ్టెజ్బా మీరు నమ్ఇదెర్”.

42 పవులుని బర్బులు యూదురి మీటిజ్ ఇండ్రెజిజ్ సొత్తిజ్, “వాని విస్త్రాంతి దినముడు వాజి యా మాటిజ్ మజి మరి వెహిన్సి నాదాట్”, ఇజి బానె కూడితి మహికార్ వరిజ్ బతిమాటితార్.

43 మీటిజ్ అతి వెనుక నండ్రెండ్రె యూదురు, నండ్రెండ్రె యూదు మతముడు కూడితి యూదురు ఆజి బక్తి మన్నికార్ పవులుని బర్బులు వెట సాహాన్. పవులు, బర్బులు వరివెట వర్తితార్. దేవుణు మిజి తోరిస్సి దయాదర్మముదిజ్ డిజివెస్త్రెజ్ ఎలాకాలం నడిచు ఇజి పవులుని బర్బులు వరిజ్ ఉసార్ కిబిస్తార్.

44 మరి వాతి విస్త్రాంతి దినముడు పట్టుముదికార్ విజెరి సాహి లెకెండ్రె మంద లోకుర్ దేవుణు మాట వెండ్రెజ్ ఇజి యూదురు మీటిజ్ కిని ఇండ్రె కూడిజి వాతార్.

45 పవులు వెహిన్సి మాటిజ్ వెండ్రెజ్ మంద లోకుర్ కూడిజినార్ ఇజి సుడెజతారి యూదురు గోస ఆతార్. వారు పవులు వెహిన్సి మాటిజ్ మరజి వెహ్టారి వన్నిజ్ దూసలాడితార్.

46 అయావలి పవులు, బర్బులు తియెల్ అవిండ్రె వెహ్టార్, “దేవుణు మాట ముందాల మిజి వెహ్టెజ్వలి. అందెజె మాపు ముందాల మిజి వెహ్టార్. గాని మీరు, ఎలాకాలం బత్తిని బత్తు దోహక్కికావ్ అవ్వి ఇజి మిజి మీరి నెక్కి పొక్తిదెరె తీర్పు కిజినిదెర్ కక మాపు మిజి డిజిని యూదురు ఆజి లోకుర్ బాన్ సొన్నినావ్.

47 దేవుణు మజి నిత్తి అత్త ఇనిక ఇహిజ, ‘యూదురు ఆజి వరిజ్ ఉండ్రె జాయ్ వజి మిజి ఇత్తా మున్. ఎందనిజ్ ఇహిజ యా లోకముడు మన్ని విజి లోకాజ్, వరి పాపముకాణ్ వాని సిక్కిదాన్ గెల్వెస్త్రెజ్’ ఇజి వెహ్టా మనాన్.

48 యూదురు ఆజి లోకుర్ విజెరి యా మాటిజ్ వెహారి సర్వ ఆతార్. దేవుణు మాటిజ్ ఎసొన్ నెగ్గికెజ్ ఇజి వారు వెహ్టార్. ఎలాకాలం బత్తిని బత్తుదిజ్ వీరపాటు అతికార్ విజెరి దేవుణు మాటిజ్ నమ్మితార్.

49 దేవుణు మాట అయ దేనుముడు విజి సాటి ఆతాద్.

50 గాని యూదురు ఆ పట్టుముడు బక్తి మన్ని పల్కుబడిజి మనికెజ్ అతి అయెలి కొడెకె వెట, పెరికార్ అతి మొగవరి వెట వర్తిజి కోపం రేప్తారి పవులు ముస్సు, బర్బులు ముస్సు. మాలెజ్ కితారి వరిజ్ అయా పట్టుముదాన్ నెక్కి పొక్తార్.

51 అందెజె పవులుని బర్బులు, వరి కాల్యాణి దూల్లి అయ పట్టుముది వరి ఎర్దు దుల్వోస్తార్. ఎందనిజ్ ఇహిజ వారు దేవుణు మాట నెక్కిపొక్తిజ్ వరిజ్ వాని సిక్కి వారి తవ్విస్తార్ ఇజి సాని లెకెండ్రె ముండ్రెజ్ ఇజి. వెనుక వారు ఇకోనియ ఇని పట్టుముడు సాహాన్.

52 అంతియోకయాదు మన్ని సిసూర్ ఎసొన్ సర్వ ఆతార్. దేవుణు అత్తి వరి ముస్సు పూర్తి వాతాద్.

14

పవులు, బర్బులు ఇకోనియాదు సువార్త వెహిన్సి నార్

1 పవులుని బర్బులు కూడిజి ఇకోనియాదు సాహారి అంతియోకయాదు కిత్తిలెకెండ్రె యూదురు మీటిజ్ కిని ఇండ్రె సాహాన్. వారు నెగ్గిండ్రె బోవ వెహ్టెజ్ నండ్రెండ్రె యూదురు, నండ్రెండ్రె యూదురు ఆజి ఇకారబా నమ్మితార్.

2 గాని నమ్మి ఇకార్ యూదురు, యూదురు ఆజి వరిజ్ రేప్తారి అపొస్తరుజి ముస్సు, కోపం పుటిస్తార్.

3 గాని పవులు, బర్బులు నండ్రె రోస్సు, బానె మహాన్. యేసువందిజ్ దయారముదాన్ వర్తితార్. వారు ప్రబు దయాదర్మము మందిజ్ వెహ్టా మాటిజ్ నిజం ఇజి ప్రబు విజెరిజ్ తోరిస్తాన్. ఎలాగ ఇహిజ బమ్మాతి వజిజి బమ్మాతి గుర్తుజ్ కిదిజ్ పవులుజ్ బర్బులుజ్ సత్తు సిత్తాన్.

4 అయ పట్టుముడు మహి లోకుర్ రుండి గుంపుజ్ ఆతార్. నెగ్గిండ్రె యూదురు పడెకాద్, మరి నెగ్గిండ్రె అపొస్తరురి పడెకాద్.

5 అయావలి నెగ్గిండ్రె యూదురు ఆజి ఇకార్, మరి నెగ్గిండ్రె యూదురు, యూదురి అతికారిజి వెట కూడిజి అపొస్తరురుజ్ అని వరిజ్ సిగు కిజి వణుకుబాణిజ్ డెయెజి సప్తజివలి ఇజి ఒడిబిజి మహాన్.

6-7 అపొస్తరురు అయ నజిత్ నెస్తారి లుకయొనియాదు మహి లునిత్త, దెరెబ ఇని పట్టుముకాణ్, వన్యా, సురుల మన్ని దేనుముకాణ్ ఉహ్వాసి సాహారి అబ్బె సువార్త సాటిస్తార్.

లునిత్త దెరెబ ఇని పట్టుముకాణ్ సొన్సి నార్

8 లునిత్త ఇని పట్టుముడు, నడిదెజ్ అట్టిజి సాట వాండ్రు ఒరెన్ మహాన్. వాండ్రు పుట్టిబాణిజ్ మొదొల్లి సాటాదికాన్ అతండ్రె ఎనెజ్బా నడిదెజ్ అట్విండ్రె బసినె మంజినార్.

9 పవులు బోదెని మహిజ్ వాండ్లు వెంజి మహాన్. పవులు వన్నిజె నుడేతిజ్ నెగెండే ఆన ఇజి వన్నిజ్ నమకం పుట్టినాద ఇజి నెస్తాన్.

10 అయవలె పవులు వన్నిజ్, “నిజ్త, నీ పాదమకు బూమిదు మొప్పి నిలత్”, ఇజి డటం వెస్తాజ్ అయ సొటాదికాన్ లిట్టు నిజితండ్రె డాట్టజ్ మొదొల్స్తాన్.

11 పవులు కిత్తి బమ్మాతి పణి నుడేతార బాన్ మహి లోకర లుకోనియ బాసాదు గగోలాతార్. “దెయమ్కు లోకు లెకెండే ఆత్తెన మాడగ్గు డిగిజి వాత్”, ఇజి డటం గగోలాతార్.

12 బర్నబెజ్ బ్రుహాన్పతి ఇజి పేరు ఇట్టార్. నండో బోద్ వెస్తా వందిజ్ పవులు పార్కు ఇజి పేరు ఇట్టార్.

13 పట్టుం వెల్లి మహి బ్రుహాన్పతి గుడిడి పుజేరి వాతండ్రె డాకుజ్, పూబుదండేజ్ అస్తాండ్రె పట్టుం వెల్లి మహి సేప్లా డగ్గు తత్తాన్. మంద లోకు కూడేజి వాతార పూజ కినాజ్ ఇజి అయ పుజేరిని, కూడితి మహి లోకర ఒడేబితార్.

14 బర్నబెని పవులు యాక నెస్తారె వారు కిని పణిదిజ్ ఒప్పుకోడేఎవ్ ఇజి తోరిసిని వందిజ్ వరి సొక్కేజ్ వాతేజ్ కిస్తారె లోకురి నడిమిదు ఉహాక్కి సొహారె డటం వెప్టార్.

15 “తంబెరిజాండే, మీరు ఎందనిజ్ ఈహు కిజినెదె? మాపుబా మీ నన్ని లోకునె. మీరు యా పణిదిజ్ రెకెకే డిసిసిజి ఆగానం, బూమి, నమ్దరం, బాన్ మన్ని విజు వనకాజ్ పుట్టిన్ బత్తిజి మంజిని దేవుణుదిజ్ నమ్మిదు ఇజి మిజి నువార్ల వెప్పినామ్.

16 గడ్డిన్సి కాలమ్దు విజు జాతిజ్ వరిజ్ వరిజ్ ఇస్తమాతి వన్నాజ్ పొగిడిజి మాడిన్సిజ్ దేవుణు డిన్సి సిత్రాన్.

17 అహిజ్ బా దేవుణు ఆగానమ్దాన్ మిజి పేరు, ఎమేణివేలె పంట అయవలె కనికారం ఆజి సీజనాన్. తక్కు సిత్రెండ బోజనం సీజనాన్. మీ మన్నుదిజ్ సర్ల కిబిని పోన్ కిజినాన్. ఈహు వాండ్లు ఎలాగ మప్పి దేవుణు ఇజి లోకాజ్ తోరిస్తాన్”.

18 అపొస్తురు యాలెకెండ్రె వెస్తాజ్ బా వారు విరిజ్ పూజ కివిండ ఆదిజ్ ఇజి లోకురిజ్ అడ్డు కిడిజ్ గొప్ప కన్యం ఆతాద్.

19 అయవలె అంతియోకయదాన్, ఇకోనియదాన్ సెగెండ్రె యూదురు వాతారె వరి మాటెజాణిజ్ నండో లోకాజ్ వరి పడకాదు కూడుస్తారె. కూడుస్తారె, పవులు మున్ను, పణుకుజ్ డెయ్యూర్. వాండ్లు సొతాన్ ఇజి ఒడిబితారె పట్టుం వెల్లి వన్నిజ్ ఈడ్డిస్తారె బానె డిస్తారె.

20 గాని సిసూర్ వన్ని సురుల కూడితి మహివలె పవులు నిజితండ్రె పట్టుమ్ లోక మరజి సొహాన్. మహ్న నాండిజ్ పవులు, బర్నబు కూడితారె దెరెబ ఇని పట్టుమ్దు సొహార్.

పవులుని బర్నబు సిరియాదు మన్ని అంతియొకయూదు మరజి సొహార్

21 పవులుని బర్నబు దెరెబ ఇని పట్టుమ్దు నువార్ల బోదిస్తారె. నండో లోకురె యేనుస్తబుజ్ నమ్మితారె. వెనుక పవులుని బర్నబు, లున్జ్, ఇకోనియ, అంతియొకయూదు మరజి వాతారె.

22 వాతారె, ఎమేణి పట్టుమ్ది వరిజ్ బాని సిసూరిజ్ ఉసారె కిబిస్తారె. “మీ నమకం డిసివిండ మండ్లు. మాటు నండో మాలేజ్ ఓరిసి దేవుణు రాజెమ్దు సాండ్రెజ్ వలె”, ఇజి మరి మరి పణిసి వెప్టార్.

23 పవులు, బర్నబు విజు నజమికాజ్ పెద్దెలజ్ ఏర్పాటు కితారె ఉసాన్ మంజి పార్లనం కిజి, వారు నమ్మితి దేవుణుదిజ్ వరిజ్ ఒపజిస్తారె.

24 వెనుక పిసిదియ దేనెం డాట్టారె పంపులియాదు వాతారె.

25 పెగ్ ఇనిబాన్ దేవుణు మాటెజ్ బోదిని వెనుక అతలియ పట్టుమ్దు డిగిజి సొహార్.

26 అప్పాణిజ్ ఓడే ఎక్కారె వారు మొదొహి సొత్తి సొహి అంతియొకయూదు మరజి వాతారె. యా అంతియొకయూదునె దేవుణు పణివందిజ్, వన్ని దయదార్లమ్దిజ్ ఒపజెవె ఆతారె. అయ పణి వీస్తారె ఏలు బానె మరజి వాతారె.

27 మరజి వాతారె నజమిది వరిజ్ విజెరిజ్ కూడుస్తారె, దేవుణు వరి వెటెని కిత్తి పణిజ్ విజు వెప్టార్. యూదురు ఆకారె దేవుణుదిజ్ నమ్మిదిజ్ వాండ్లు ఎలాగ నరి సిత్రాన్ ఇజి వెప్టార్.

28 వారు నండో కాలం బానె మంజి సిసూరి వెటె బత్తిత్తారె.

15

అపొస్తురు, పెద్దెలుజు అలోననం కిదెజ్ యెరూసలేమ్దు కూడేజి వాతారె

1 సెగెండ్రె యూదుయ దేనెమదికారె అంతియొకయూదు వాతారె. వారు అబ్బె మన్ని లోకాజ్ ఈహు నెస్సిన్సిజ్ మొదొల్స్తారె. ఇనిక ఇహాజ మోని సిత్రె రూలు వజ నునతి కిబె ఆవిండ మహిజ మీరు సిక్కుదాన్ గెలిన్సిజ్ అటెగదెరె ఇజి నెస్పిస్తారె.

2 పవులుని బర్నబు యా నజతి వందిజ్ కూడితారె యూదుయ దేనెమది వరివెటె నండో వర్గిజి ఆవో తర్కిస్తారె. అందెజె యా మాటెజ్ వందిజ్ పవులు, బర్నబు, వరివెటె అంతియొకయ దేనెమ్దు మన్ని మరి సెగెండ్రె ఎక్కు యెరూసలేమ్దు సొన్ని అబ్బె మన్ని అపొస్తురుజ, పెద్దెలజ్ డగ్గు సాండ్రెజ్ వలె ఇజి తీర్మానం ఆతారె.

3 ఆవో అయ నజమిది లోకురె వరిజ్ పోక్టారె. వారు పినెకె, సమరియ ఇని దేనెమ్కు సరి సొహారె బానె మహి వరివెటె యూదురు ఆకారె దేవుణు దరోట్ మహ్న వాతారె దేవుణుదిజ్ నమ్మిజనారె ఇజి విజు వెప్టారె సొహార్. అబ్బె మహి నమ్మితికారె యాక వెహారె గొప్ప సర్ల ఆతారె.

4 వారు యెరూసలేమ్దు వాతివలె నజమదికారె, పెద్దెలుజు, అపొస్తురు విజెరె వరిజ్ గవరం సీజి బనె కిత్రాన్. దేవుణు వరివెటె కిత్తి పణిజ్ వందిజ్ విజు వారు వెప్టార్.

5 గాని బాన్ పరినయరు ఇని జటుదు మహి నమ్మితికారె సెగెండ్రె నిజ్జి వెప్టారె, “నమ్మిత్తి వరి లోక యూదురు ఆఇ లోకురె నునతి కిబె ఆదిజ్ వలె. మోని సిత్రె రూలుదు మన్ని ఆద్రెజ్ విజు వారు ఒప్పుకోడేజి ఆవో కిదెజ్ వలె ఇజి మాటు వరిజ్ వెప్టాజ్ వలె”, ఇజి వెప్టార్.

6 అయావలె అపొస్తరు, పెద్దెలుజు యా నజతి వందిజ్ ఆలోననం కిదెజ్ కూడఃజి వాతార్.

7 నండొ తర్కిసి వెనుక పేతురు నిజితండ్రె వరివెట కఃహు వెహ్సన్. “తంబెరిజాండె, నాగం కాలమ్కాజ్ ముందాల్నై* యూదురు ఆజ లోకాజ్ నువార్త వెహ్సెజ్ మీ నడిమిహాని దేవుణు నజి వీరపాటు కిత్తాన్ ఇజి మీరు నెసినిదెర్. ఎందనిజ్ ఇహిజ వారుబా దేవుణు మాటు వెంజి దేవుణుదిజ్ నమ్మిదెర్.

8 లోకు ఒడిఃబినికెజ్ విజు నెసిని దేవుణు, దేవుణుదిజ్ నమ్మిత్తి యూదురు ఆజ లోకాజ్ బా వన్నిబాన్ కూడఃహ్వాన్ ఇజి తోరిస్తాన్. ఎలాగ తోరిస్తాన్ ఇహిజ మజి సత్తివజనె యూదురు ఆజ లోకాజ్ బా దేవుణు వన్ని అత్తు సిత్తాన్.

9 యూదురు అతి మజిని ఆజ లోకుర్ అతి వరిజ్ ఇని తేడ సిల్లెండ దేవుణు ఉండ్రె వజనె కిత్తాన్. ఎలాగ ఇహిజ వారు నమ్మిత్తిజ్ వరి మన్నుదు మన్ని పావమకు విజు లాగితండ్రె సుబరం కిత్తాన్.

10 అహిజ, మాపు గాని, మా అనిగగోర్ గాని పిండిదెజ్ అటఃజ బరుదిజ్ ఎందనిజ్ యా నమ్మిత్తి వరి మున్ను మొప్పినిదెర్? అహా మీరు కిత్తిజ మీరు దేవుణుదిజ్ కోపం రేప్పినిదెర్.

11 గాని ప్రబు అతి యేసు దయాదరమమదానె మాటు గెలిస్తమనాట్ ఇజి మాటు నమ్మిజినాట్. అయావజనె వారుబా గెలస్త మనార్”, ఇహ్సన్.

12 ఆజ జాతి లోకుర్ నడిమి దేవుణు వరివెట కిత్తి గొప్పు బమ్మాత్తి పఃజిజ వందిజ్ గొప్పు బమ్మాత్తి గుర్రుజ వందిజ్ పవులు, బర్దుబ వెహ్సెజ్, అబ్బె మహి లోకుర్ విజేరె జమనె అలెతారె వెహర్.

13 వారు వెహ్సి ప్సి వెనుక యాకోబు కఃహు వెహ్సన్. “తంబెరిజాండె, నా మాటు నెగ్గెండ వెండ్రు.

14 ఆజ జాతి లోకుర్ వెట దేవుణు ముందాల్నై దయ తోరిస్తాన్. అక్క ఎలాగ ఇహిజ వరి బాణిజ్ ఉండ్రె జుబు వన్ని సొంత లోకు వజి వీరపాటు కిదెజ్ దేవుణు వరిజ్ దయ తోరిస్తాన్. అక్క విజు పేతురు యెలె వెహ్స మనాన్.

15 ప్రవక్తరు ముందాల్నై వెహ్సికెజ్ యాకది. ఇని తేడ సిల్లెద్. వారు ముందాల్నై వెహ్సి మాటు ఇనిక ఇహిజ.

16 “దిన్ని వెనుక నాను మరెజి వాజి దావీదురాజుది అర్ది సొహి ఇల్లు తోహ్న. లాగి విసిరెజ్ దన్నిజ్ నాను మరెజి తోహ్ని దన్నిజ్ నాను ముందాల్ మహిలెకెండె కిన్.

17-18 అయావలె ఆజ జాతి లోకుర్ విజేరె నజి రెబానారెలె. ఆజ జాతి లోకుర్ బాణిజ్ నా పేరు అన్నెజ్ నాను వీరపాటు కిత్తికార్ విజేరె నజి రెబానారెలె ఇజి దేవుణుని వెహ్సి నాన్”, “యాక నండొ కాలమ్కాజ్ ముందాల్నై దేవుణు వెహ్స మనాన్”.

19 యాకోబు మరి వెహ్సన్, “నా మన్నుదు ఇనిక ఇహిజ, దేవుణు దరోజ్ మహ్సి వాతి ఆజ జాతి లోకురిజ్ మాటు మాలెజ్ కినిక ఆవిద్.

20 మాటు వరిజ్ ఉండ్రె ఉత్తం రాన్ పోక్తెజ్. అబ్బె ఇనిక రాన్సెజ్ ఇహిజ, బొమ్మెజ పూజ సిత్తి కండ తినిక ఆవిద్. అక్క సెఇక. సాని బూలానిక ఆవిద్. గొత్తిక పిడిఃక్కి నక్తక తినిక ఆవిద్. నల తినిక ఆవిద్. యాక విజు డిఃసిసిదెజ్. అక్కెజ్. మరి ఇనిక సిల్లెద్.

21 ఎందనిజ్ ఇహిజ యాక విజు రాన్సిమని మోనె సిత్తి రూలుజ్ ప్రతి విస్తాంతి దినమదు, నండొ కాలమ్కాజిక్† యూదురు మీటిజ్ కిని ఇల్లాజ్ నదివిజి మంజినాద్. మోనె వెహ్సి మాటిజ్ విజు పట్టుమదు బోదెసి మంజినాద్, అందెజి వన్నాజ్ విజు వారు లోబడఃదెజ్”, ఇజి వెహ్సన్.

అపొస్తరు ఉండ్రె ఉత్తం రాన్ పోక్తార్

22 అయావలె అపొస్తరు, పెద్దెలుజు, నజమదికార్ విజేరె కూడిఃతారె నమ్మిత్తి వరిలోఇహ్సన్ సెగొండారిజ్ వీరపాటు కిజి పవులుని బర్దుబవెట అంతియొకయాదు పోక్తెజ్ ఇజి తెగిస్తాన్. వారు బర్దుబ ఇని మరి ఉండ్రె పేరు మన్ని యూద్ వన్నెజ్, సీలెజ్ వీరపాటు కిత్తార్. యూదని, సీల రివెర్. అయ నజమదు ముకెలమతికార్.

23 వరివెట నజమదికార్ ఉండ్రె ఉత్తం రాన్ పోక్తార్. అబ్బె ఇనిక రాన్ మనాద్ ఇహిజ, ‘మీ దాదెసిర్ అతి అపొస్తరు, పెద్దెలుజు, అంతియొకయాదు, సీరియాదు, కిలిసియాదు మన్ని దేవుణుదిజ్ నమ్మిత్తి యూదురు ఆజ జాతిజి విజేరిజ్ వందనమకు పోక్కినార్.

24 సెగొండార్ మా డగ్రుహాన్ సొహారె వరి బోదదాన్ మజి మాలెజ్ కిత్తార్, మీ మన్నుజ విజు బాద్ కిత్తార్ ఇజి మాపు నెస్తాన్. గాని వరిజ్ మాపు పోక్తివితావ్, ఇని అతికారంబా సివితావ్.

25-26 అందెజి, మా యేసు ప్రబు వందిజ్ పాణం సాపుదిజ్ ఒవజెప్తి మా ప్రియమాతి బర్దుబ, పవులు ఇని వరివెట మా డగ్రుహాన్ సెగొండారిజ్ మీ బాన్ పోక్తావ్ ఇజి మాపు ఉండ్రె మన్ను అత్ మనాన్.

27 అందెజి మాపు యూద్, సీల ఇని రివిరిజ్ పోక్కినావ్. వారు వాజి మాపు రాన్సి మాటుని వెహ్సిర్.

28-29 మిజి అవనరం అతి ఆడ్రెజ్ ఇనికెజ్ ఇహిజ, దెయమ్కాజ్ పూజ కిత్తికెజ్ తిన్నాట్. నల తిన్నాట్. గొత్తిక పిడిఃక్కి సప్తివనకాజ్ తిన్నాట్. సాని బూలాదెజ్ ఆవిద్. యా పఃజిజ్ కివిండ మీరు దూరం మహిజ మిజిని నెగెద్. మిజి అవనరం అతి యా ఆడ్రెజ్ ఆవిండ మరి నండొ ఆడ్రెజ్ వెహ్సి మీ మున్ను. బరు ఇడ్డిక ఆవిద్ ఇజి దేవుణు అత్తని, మాపు ఉండ్రె మన్ను అజినావ్. మిజి మా వందనమకు.

30 అయావలె నజమదికార్ సెల్గు సిత్తిజ్ వారు సొత్తారె డిఃగు అంతియొకయాదు వాతార్. బానె నమ్మిత్తి వరిజ్ విజేరిజ్ కూడఃహ్సారె ఉత్తం సితార్.

31 వారు అయ ఉత్తం నదవితారె డటం సర్ల అతార్. ఎందనిజ్ ఇహిజ అయ ఉత్తం వరిజ్ దయరం కిత్తార్.

32 యూద్, సీల రివెర్ దేవుణు మాటిజ్ వెహ్సికార్. అందెజి వారు దేవుణు మాటిజ్ నండొ వెహ్సి అబ్బె మహి దాద్దిరిజ్ తంబెర్సిరిజ్ దయరం వెహ్సి ఇడ్డార్. అక్క వెంజి వరి మన్నుదు బలం ఆతార్.

* 15:7 15:7 యూదురు ఆజవరివెట సాన్సు నువార్త వెహ్సెజ్ దేవుణు పేతురువెట వెహ్సి కతవందిజ్ అపొస్తరు కిత్తి పఃజిజ్ 10:1-1; 1:18. దు నద్దిదు. † 15:21 15:21 నండొ కాలం ఇహిజ, రమరమ 200 మంబిజాణిజ్ 300 మంబిజ్ దాక.

33-34 వారు అట్టే సెగం రోస్సు గడఁపార. వెనుక, బాని మహి నమ్మితికార వరిజ్ యెరూసలేమ్దు వరిజ్ పొక్కి వరిబాన్ మరణి పొక్తార. “దేవుణు నమదనం మీబాన్ మనిద్”, ఇహారె పొక్తార.

35 గాని పవులుని బర్దుబ అంతియొకయూదు మహారె మరి నండో లోకుర్ వెట దేవుణు మాటిజ్ బోదిసి సువార్త వెప్పి మహార.

మార్కు వందిజ్ పవులుని బర్దుబ గొడఁబ అతార

36 సెగం రోస్సు అతి వెనుక పవులు బర్దుబెజ్, “ఏలు సొనాటి మాటు దేవుణు మాటు వెప్పి విజు పట్టుమ్కాజ్ మన్ని తంబెరిబు విజెరె ఎలాగ మనారొ ఇజ సూణ సొనాట్ ఇజ వెప్పాన్.

37 అయావలె మార్కు ఇజ అజ పేరు మన్ని యోహానుజ్ పరివెట కూక్కి ఒతెజ్ బర్దుబ ఇస్టం అతాన్.

38 గాని మార్కుజ్ పరివెట ఒతెజ్ అవిద్ ఇజ పవులు వెప్పాన్. ఎందనిజ్ ఇహిజ మార్కు ముందాల పరివెట పణిదిజ్ సొహిజ్ పూర్తి టయం మన్వీండ పంపులియదు వరిజ్ డిఁస్త సొహాన్.

39 మార్కు వందిజ్ పవులుని బర్దుబ నండో గొడఁబ అతారె రియాజ సొహార. బర్దుబ మార్కుజ్ వెట ఒతండ్రె ఒడఁ ఎక్కి కూపు ఇని ద్విప్పుదు సొహార.

40 గాని పవులు సీలెజ్ కూక్కి ఒతాన్. బాన్ మహి తంబెరిబు వారు రిఎరిజ్ దేవుణు దయాదరంమమిదిజ్ ఒపజెప్తారె వరిజ్ పొక్తార.

41 వారు సొత్తారె సిరియ కిలికియ పట్టుమ్కాజ్ మన్ని నజమ్కాజ్ సొహార. బాన్ దేవుణు ముస్సు, నమకం ఇడ్డివరి నమకం నత్తు కిదిస్తార.

16

పవులుని సీల వెట తిమోతి కూడఁజినాన్

1 పవులు, సీల వెట దెరిబ, లునిత్త ఇని పట్టుమ్కాజ్ వాతాన్. అట్టే తిమోతి ఇనికాన్ ఒరెన్ యేసుప్రబుజ్ నమ్మిత్తికాన్ మహాన్. వన్ని అయ్సిబా నమకం ఇట్టా మహాద్. అది యూద జాతిదికాద్. వన్ని బుబ్బ అజ జాతిదికాన్. వాండ్రు గ్రీసు దేసెమ్దికాన్.

2 తిమోతి వందిజ్ లున్త్రదు, ఇకొనియాదు నమ్మితికార వాండ్రు గొప్ప పేరు మన్నికాన్, ఇజ పొగడితార.

3 తిమోతిజ్ వన్నివెట ఒతెజ్ ఇజ పవులు అన్ అతండ్రె వన్నిజ్ సునతి కిదిస్తాన్. ఎందనిజ్ ఇహిజ వన్ని బుబ్బ అజ జాతిదికాన్ ఇజ అట్టే మహి యూదురు విజెరె నెప్ప మహార.

4 వారు పట్టుమ్కాజిజ్ సొన్ని మహిజ్, యేసుప్రబుజ్ నమ్మితికార ఎలాగ నడిదెజ్ ఇజ యెరూసలేమ్దు మన్ని అపొస్తరు, పెద్దెలుబు ఏరపాటు కిత్తి అడ్రెజ్ బోదిస్తారె అక్కెజ్ లోజిదెజ్ ఇజ వెప్పార.

5 అహా నజమ్దు మన్నివరి నమకం లాపు పిరితాద్. వరి లెక్క రోజు రోజు లాపు అజ మహాద్.

పవులు మసిదోనియ దేసెమ్ది వన్నిజ్ దర్గునమ్దు సుడఁజినాన్

6 అసియ ప్రాంతమ్దు దేవుణు మాటిజ్ వెప్పాక అవిద్ ఇజ దేవుణు అత్త వరిజ్ అడ్డు కిత్తిజ్ వారు పుగియ, గలతీయ దేసెమ్కాజిజ్ సొహార.

7 అయావలె మునియ బెతనియ డగ్రు వాతారె బెతనియ సొండ్రెజ్ ఇజ సుడఁజితార. గాని బాన్ సొండ్రెజ్ యేసుప్రబు అత్త వరిజ్ సరి నివితాన్.

8 అందెజ్ వారు మునియ ప్రాంతం డాక్టార డిఁగు నమ్దరం డగ్రు మని త్రోయ ఇని పట్టుమ్దు సొహార.

9 అయ పొదోయ పవులు, బాన్ మహిజ్, ఉండ్రె దర్గునం సుడఁజితాన్. అక్క ఇనిక ఇహిజ మసిదోనియ దేసెమ్దికాన్ ఒరెన్ నిల్పి, “నీసు మసిదోనియాదు వాజి మజి సాయం కిత”, ఇజ బతిమాలితి వజ దర్గునం సుడఁజితాన్.

10 పవులు అయా దర్గునం వాతిజ్, మాపు వెటనె మసిదోనియ సొండ్రెజ్ తయారె అతాప్. ఎందనిజ్ ఇహిజ, మసిదోనియాది వరిజ్ దేవుణు సువార్త వెప్పి వందిజ్ దేవుణు మజి కూక్త మనాన్ ఇజ మాపు నెస్తాప్.

లుదియ యేసుప్రబుజ్ నమ్మిజినాద్

11 మాపు త్రోయ పట్టుమ్దాన్ ఒడఁ ఎక్తావె తినాజ్ నమొత్త ఇని ద్విప్పుదు సొహాప్. మహ్నా నాండిజ్ నెయపొలి ఇని పట్టుమ్దు అందితాప్.

12 అట్టేజిజ్ పిలిప్ప ఇని పట్టుం వాతాప్. మసిదోనియ దేసెమ్దు పిలిప్ప పట్టుం ఉండ్రె ముకెలమాతి పట్టుం. అక్క నండోడారె రోహాదికారె బత్తిజి మహి పట్టుం. మాపు సెగం రోస్సు ఆ పట్టుమ్దు మహాప్.

13 ఏప్రాతి దినమ్దు మాపు పట్టుం వెల్లి వాతావె గడ్డ ఒడ్డు దరోట్ యూదురు పార్దనం కిని బాడ్డి మనాద్ను ఇజ వాతాప్. వాతిజ్, బాన్ బస్తావె కూడఁజి వాతి మహి అయిలి కొడోఁకెవెట వర్దిదిజ్ మొదోల్స్తాప్.

14 అయావలె లుదియ ఇని ఉండ్రె అయిలి కొడోఁ వెంజి మహాద్. అది తుయతయర పట్టుమ్దికాద్. అది లాపు దరది ఊద రంగుది పాతెజ్ పార్పికాద్. అది దేవుణుదిజ్ పార్పనం కినికాద్. దేవుణు మాటిజ్ అర్దం కిదిజ్ దేవుణు బుద్ది సిత్తిజ్ అది పవులు వెప్పి మాటిజ్ మన్నుదు ఇడఁజితాదె అయాపజనె నడితాద్.

15 అది, దన్ని ఇండ్రెకారె, విజెరె బాప్తనం లాగ అతార. వెనుక అది, “నాను దేవుణుదిజ్ పూర్తి నమ్మిజిన ఇజ మీరు ఒప్పుకోటిజు నా ఇండ్రె వాజి మండ్రు”, ఇజ మజి బతిమాలితాద్.

పవులుజ్ సీలెజ్ జెలిలోఇ ఇడ్తార

16 ఒకప్పుడు మాపు పార్లనం కిని బాడ్డిదు సొన్ని మహీజ్ ఉండ్రీ వెట్టిపణి కిని ఇజిరి అయిలి మా ఎర్లు వాతాద్. దన్నిజ్ పుత్రాన్* ఇని దెయం అన్లు మహోద్. అది జాతకం వెప్పొ దన్ని ఎజుమానురిజ్ నండో డబ్బు గణవిస్తాద్.

17 అది పవులుని మజి వెనుక వాజి డటం గగోల్ అజి వెప్టాద్, “యా లోకుర్, విజెరిజ్ ఇంక పెరి దేవుణుదిజ్ సేవ కినికార్. దేవుణు ఎలాగ మిజి గెల్పిస్తాన్లె ఇజి వీరు వెప్టాల్లె” ఇహోద్.

18 నండో లోస్సు అది ఆహా కిజి మహీజ్, పవులు మున్నుదు గొప్ప బాద అతండ్రె అయి దెయిమదిజ్ “సిను యా ఇజిరి దన్నిజ్ డిసి సొనెల ఇజి యేనుక్రీస్తు అతికారమ్దాన్ వెహాసిన్”, ఇజి వెప్టాన్. వెటని అయి దెయం అయిలిదిజ్ డిక్కు సొహోద్.

19 గాని దన్ని ఎజుమానిరు వరిజ్ వాని డబ్బు విజు సొహా ఇజి నుడోతారి పవులు సీలెజ్ పట్టుం నడిమి, అతికారిజి డర్లు ఈడిసి తతారి.

20-21 కోర్టు నడిపిసిని వరిబాన్ తతారి, “వీరు యూదురు. వీరు బోదీసిని అలవాటుజ్ మజి వడోఇకెజ్. మాటు రోమాదికాల్. మాటు అక్రెజ్ ఒప్పొకొణిక అవిద్, అయావజని నడినిక అవిద్. మా పట్టుముదు వీరు గొప్ప కలిబిలి కిజినార్”, ఇజి వెప్టాల్.

22 అయావలి బాన్ కూడితి మహీ లోకుర్ విజెరి పవులుజ్ని, సీలెజ్ ఎర్లు వాతారి నింద మొప్తారి గగోల్ ఆతారి. వరి సొక్రెజ్ లాగిజి వరిజ్ డెయ్యు ఇజి కోర్టు నడిపిసినికార్ ఆడ్ర సితారి.

23 వారు లావు దెబ్బెజ్ డెయ్యారి పవులు సీలెజ్ జెలి లోఇ ఇడ్డారి. “వరిజ్ జాగర్ల నుడోదు”, ఇజి జేలి ఎజుమానిజ్ ఆడ్ర సితారి.

24 అయి ఆడ్ర వాటిజ్ జెలి ఎజుమాని వరిజ్ జేలిదు లోఇ మన్ని గదిదు వరి కాల్యాజ్ డుకీజి లోఇ తోప్టాండ్రె ఇట్టాన్.

25 రవూరమి మదరయేతు పవులుని సీల దేవుణుదిజ్ పార్లనం కిజి పాటిజ్ పార్లు మహోద్. వీరు పారజి మహీజ్ జెలిదు తోమా ఆతి మహీకార్ విజెరి వెంజి మహోద్.

26 అయావలి వెటని బూమి విజు డటం కర్లతాది అయి జేలి పునాదిజ్ విజు కర్లతె. వెటని సిప్లాజ్ విజు రే ఆతె. జెలిదు మహీవరి విజెరి కట్టు. ఊడితితె.

27 అయి జేలి ఎజుమాని తెలి అతండ్రె జెలిది సిప్లాజ్ విజు రే ఆతిమనిక నుడోతాన్. నుడోతండ్రె జెలిదు మహీకార్ ఉహోక్త సొహోర్ ఇజి ఒడిబిజి కుర్ల లాగితండ్రె వన్నిజ్ వాండ్రె గుత్తె ఆజి నాదిజ్ తయారి ఆతాన్.

28 అయావలి పవులు, “సిను ఇని కూనిబా కిబె ఆమ. మాప్ విజెవి ఇబ్బెన్ మనూప్”, ఇజి డటం గగోల్ అజి వెప్టాన్.

29 అయి జేలి ఎజుమాని, దీవ తగల ఇజి వెప్పొ లోఇ ఉహోక్తి వాతాండ్రె వహిక్తి పవులు సీలారి పాదమ్కాజ్ డర్లు అర్తాన్.

30 వాండ్రు పవులుజ్ని సీలెజ్ వెల్లి తతాండ్రె వెన్బాతాన్, “బాబురాండె, నాను తవు అదిజ్ ఇహాజి ఏలు ఇనిక కిదిజ్?”.

31 “యేనుప్రబు మున్ను, నమకం ఇట్టిజి, అయావలి సిను నీ ఇండ్రోణికార్ విజిదెరి తవు అనిదెర్”, ఇజి పవులు సీల వెప్టాల్.

32 పవులుని సీల వన్నిజ్, వన్ని ఇండ్రోణి వరిజ్ యేనుప్రబు వందిజ్ నువార్ల వెప్టాల్.

33 ఆ పొదొయి అయా గడియూదుని వాండ్రు పవులుని సీలెజ్ ఒతాండ్రె వరి దెబ్బెజ్ నోప్టాన్. వెటని వాండ్రు, వన్ని ఇండ్రోణికార్ విజెరి బాప్టిసం లాగె ఆతారి.

34 వాండ్రు పవులుజ్ని సీలెజ్ వన్ని ఇండ్రో కూక్తి తసి బోజనం సిత్తాన్. దేవుణు మున్ను, నమకం ఇట్టి వందిజ్ వాండ్రు వన్ని ఇండ్రోణికార్ విజెరి నండో సర్ల ఆతారి.

35 పెందల కోర్టు నడిపిసినికార్, “అయి లోకాజ్ డిక్కు”, ఇజి ఆడ్ర సిత్తారి జమాన్జి జెలి ఎజుమానిబాన్ పోక్తార్.

36 జేలి ఎజుమాని అయి మాటిజ్ పవులు వెప్టాన్. “మిజి డిక్కు ఇజి కోర్టు నడిపిసినికార్ ఆడ్ర పోక్త మనార్. మీరు ఏలు జమన్ సొండ్రు”, ఇజి వెప్టాల్.

37 గాని పవులు, “మాపు వర్గదిజ్ అవకాసం సివిండ వారు తీర్పు కిజి విజెరి ముందాల డెయ్యారి. మాపు రోమాదిజ్ అక్కు మనికాప్ ఇహోజ్బా మజి జెలిదు ఇట్టారి. ఏలు మజి ఎయెర్బా నెన్విండ పోక్తెజ్ నుడోజినార్. మాపు ఒప్విప్. వారి వాజి మజి వెల్లి తసి పోక్తెజ్”, ఇజి జమానుజ్ వెప్టాన్.

38 యా మాటిజ్ అయి జమానుజ్ కోర్టు నడిపిసిని వరిజ్ వెప్టాల్. పవులుని సీల రోమాదిజ్ అక్కు మనికార్ ఇజి వెహారి వారు తియెల్ ఆతారి.

39 అయి కోర్టు నడిపిసినికార్ వాతారి పవులుజ్, సీలెజ్ సెమ లోస్తారి జెలిదాన్ వెల్లి కూక్తి తతారి ‘పట్టుం డిసి సొండ్రు’ ఇజి వరిజ్ వెప్పొ పోక్తార్.

40 వారు జెలిదాన్ వెల్లి వాతారి లుదియబాన్ సొహోర్. అబ్బె నమ్మిత్తివరి వెట వర్లజి వరిజ్ ఆదరిస్తారి వరి నమకందిజ్ నత్తు కిబిని దయెర్వ మున్ను. మండ్రు ఇజి వెప్టాల్. వెనుక వారు బాణిజ్ సొత్త సొహోర్.

17

పవులు తెనలోనికదు సొహోన్

1 అయావలి పవులుని సీల పిలిప్పి పట్టుముదాన్ సొత్తారి అంపిపొలి, అపొలోనియ పట్టుముకు డాట్టి దెనలోనిక* ఇని పట్టుముకు వాతారి. అబ్బె యూదురు మీటిజ్ కిని ఇల్లు ఉండ్రీ మహోద్.

2 పవులు, వాండ్రు ఒజి ఆతి లెకెండ్రె యూదురి మీటిజ్ కిని ఇండ్రో సొహోన్. సొహోండ్రె, బాని మహీ వరివెట మూండ్రీ విస్తాంతి దినముకు దేవుణు మాట వెప్పొమహోన్. ఇనిక ఇహాజి,

* 16:16 16:16 పుత్రాన్ ఇని దెయం యా అయిలిదిజ్ వాని కాలముదు జర్నిని నజతిజువందిజ్ నెస్సిని మహోద్. అక్కు వెప్టాజ్ లోకుర్ దన్నిజ్ డబ్బు సీజి మహోర్

* 17:1 17:1 దెనలోనిక పట్టుం మనిదోనిదు దెనముదు మహోద్. రోమదెనముదిజ్ రాజుదాని ఆతాద్ యా పట్టుం. నండో అప్తి మహోద్ బాన్. నండోడార్ రోమ లోకుర్ని యూదురు బాన్ బత్తిజి మహోర్

3 “క్రీస్తు ఇనికాన్ మాత్రే అజి సానాన్లె. సాజి మరజి నిజ్నాన్లె’ ఇజి ప్రవక్తరు రాస్తిక దేవుణు మాటాదు మనాద్. అయి లెకెండె జిర్గెదెజె. నాను మీ వెట సాటిసి వెప్పొ యా యేనుప్రబునె క్రీస్తు”. యా మాటెజాణిజ్ నదివిజి వెప్పొ సీత్తాన్.

4 యూదురు - లోఇహాన్ సెగెండార్ పవులు వెప్పొ మాటెజ్ ఒప్పకొటారు పవులు సీల వెట కూడితార. బక్తి మన్ని గ్రీకు జాతిదికార్ నండొండార్, ముకెలమాతి అయిలకొడోక్ నండొండెకేవారి పరివెట కూడితార.

5 అపొజి యూదురు గేన్ అతార. గేన్ అతార ఇని పణి సీల్లెండ తిరిగిని సెజి లోకాజ్ సర్దుహాన్ కూడుజ్ఞార మందెజ్ అజి పట్టుమీదు కలిబిలి కిజి యాసోను ఇని వన్ని ఇండ్రో సాహార్. ఇండ్రోజి సేప్టాదిజ్ డెయేత పొక్తార పవులుని సీలెజ్ లోకుర్ నడిమి అసి తనాట్ ఇజి లోఇ డుగెతార.

6 గాని పవులుజ్ని సీలెజ్ తోవెతారకాక యాసోనుజ్ మరి నమ్మితి వరిజ్ సెగెండారిజ్ పట్టు అతికారిజి డర్దు లాగిత తతార. “వీరు, యా లోకం విజి కలిబిలి కినికార్, ఇబ్బెబా వాత మనార్.

7 విరిజ్ యా యాసోను వన్ని ఇండ్రో ఇట్టా మహాన్. వీరు విజెరె యేను ఇజి మరి ఒరెన్ రాజా మనాన్ ఇజి వెప్పొ కయసరు రూలుజి లోజేవెండ నడిసినార్”, ఇజి డటం గగోలాజి వెప్తార.

8 యాక వెహార లోకుర్, పట్టు అతికారిజి గొప్పు కలిబిలి అతార.

9 అతికారిజి యాసోను బాణిజ్, అయి నమ్మిత్తి వరి బాణిజ్ డబ్బు తొప్పొస్తార వరిజ్ డిజి సీతార.

పవులు బెరెయాదు సాహాన్

10 సీకటి అతిజ్ వెటనె నమ్మితికార్ పవులుజ్, సీలెజ్ బెరెయి ఇని బాడ్డిదు పొక్తార. వారు బానె వాతారె యూదురు మీటిజ్ కిని ఇండ్రో సాహార్.

11 బెరెయాదు మహికార్ తెసలొనికదు మహి వరిలెకెండె అవెర్. వారు గొప్పు ఆసదాన్ దేవుణు మాటెజ్ వెహారె వనక వందిజ్ ఒడిబిజి మహార్. పవులుని సీల వెప్పొ మహి నజితిజ్ నిజమనెనో ఆవెదో ఇజి వారు రోజు దేవుణు మాటాదు సుడెజి నదివిజి మహార్.

12 అందెజె వరి లోఇ నండొండార్ యూదురు నమ్మితార. నండొండార్ గ్రీసు జాతిది వరి లోఇ పల్లుబడిజి మన్ని అయిల కొడోక్ని మొగకొడోర్ నమ్మితార.

13 గాని బెరెయాదుబా పవులు దేవుణు మాటెజ్ సాటిసినాన్ ఇజి తెసలొనికదు మన్ని యూదురు నెస్తార బాణిజ్ వాతారె బెరెయా లోకాజ్ కోపం పుటిస్తార కలిబిలి కిత్తార.

14 అయావలె నమ్మితికార్ పవులుజ్ వెటనె సమ్దరం డర్దు సాన్అ ఇజి పొక్తార. గాని సీలని, తిమోతి బెరెయాదునె నిహ మహార్.

15 పవులుజ్ పొక్తెజ్ సాహికార్ ఏదెన్ను పట్టుమదాకాన ఒతార. సీల, తిమోతి వెటనె నా బాన్ రద్దు ఇజి కల్లు సితండ్రె పవులు వరిజ్ మప్పొ పొక్తాన్.

పవులు ఏదెన్ను పట్టుమీదు సాహాన్

16 పవులు ఏదెన్ను పట్టుమీదు సీలెజ్ అతిమాతిజ్ ఎద్దు సుడెజి మహాన్. మహికే అయి పట్టుమీదు వారు మాడిజిస్తే మహి దెయమకాణి బొమ్మెజ్ †నండొ మహికే అక్సెజ్ సుడెజి మన్నుదు నండొ బాద అతాన్.

17 అయావలె యూదురు మీటిజ్ కిని ఇండ్రో సాహండ్రె యూదురు వెట, బక్తి మన్ని యూదురు ఆజి వరివెట పవులు వాదిస్తాన్. రోజు రోజు సత సహ్మా కూడిజి వాతి వరివెట వాదిసి మహాన్.

18 అబ్బె లాపు నదెవితి మన్నికార్ ఎపికారియి జటుదికార్ సెగెండారి స్టోయికుల లోకుర్ లోఇ సెగెండార్ మహార్. వారు పవులు వెట వాదిస్తార. సెగెండార్, యా బడాకి ఇనిక వెప్పొనాన్ ఇజి వెప్తార. యేనుప్రబు వందిజ్, సాతికార్ మరజి నిజ్ని వందిజ్ పవులు నెస్సిక్ అబ్బె మరి సెగెండార్ వీండ్రు అజి దెయమకాజ్ వందిజ్ వెప్పొనాన్ ఇజి వెప్తార.

19 వారు పవులు అరెయెపగు ఇని సర్దుదు లాగిత తత్తార, “నీను వెప్పొని యా కొత్త మాట ఎలాగ మర్రికాదో, మాపుబా నెస్సెజ్ అనాదా?

20 నీను సెగం కొత్త మాటెజ్ వెప్పొని. అక్సెజ్ మాపు ఎనిజ్బా వెన్ఇకెజ్. వన్యా అర్దం ఇనికాదో ఇజి నెస్సెజ్ మాపు కోరిజినావ్”, ఇజి వెప్తార.

21 ఆ ఏదెన్ను పట్టుమీదికార్ ఏజెరె, అబ్బె బత్తిజి మహి ఏదెన్ను పట్టుమీదికార్ ఆజకారబా ఇనికాదో ఉండ్రె కొత్త మాట విని వందిజ్, వర్గిని వందిజ్ లాపు ఇన్తమాజి వరి నమయం విజి బానె గడెప్పొ మహార్.

22 అయావలె పవులు అరెయెపగు సర్దుదు నిహండ్రె ఈహు వెప్తాన్, “ఏదెన్ను పట్టుమీదికిదెరా, మీరు విజి పణిజి లోఇ గొప్పు బక్తి మన్నికిదెర ఇజి నజి తోరిజినాన్.

23 ఏవందెజ్ ఇపొజి నాను బూలాజి బూలాజి మీ బొమ్మెజి నెగ్రెండ సుడెజి మహికే ఉండ్రె మాల్ పీట సుడెజి. దన్ని మున్ను, “నెన్ఇ దెయమీదిజ్” ఇజి రాస్తి మనాద్. అందెజె మీరు నెన్ఏవండ ఇని దన్నిజ్ మాడిసినెదెదో దన్ని వందిజ్ నాను మిజి బోదెసిన”, ఇజి వెప్తాన్.

24 పవులు మరి వెప్తాన్. “యా బూ లోకమీదిజ్, దన్ని లోఇ మన్ని విజివ సకాజ్, దేవుణునె పుటిస్తాన్. అయి దేవుణునె పరలోకమీదిజ్, బూమిదిజ్ ప్రబు ఆత మనాన్. అయి దేవుణు లోకు తొప్తా గుడిజు బత్తిఎన్.

† 17:15 17:15 ఏలు ఏదెన్ను పట్టు గ్రీకు దేనెమది ముకెలమాతి పట్టు ‡ 17:16 17:16 యా బొమ్మెజ్ అయి పట్టుమీదికార్ మాడిజిస్తే మహి దెయమకెలెకెండె తోరె S 17:18 17:18 ఎపికారియి లోకుర్, స్టోయికుల లోకుర్. వీరు గ్రీకుజాతిలోఇ ఎక్కు నదెవితి లోకుర్. ఎపికారియి లోకుర్ ఎపికరు ఇని ఒరెన్వన్ని బోదెజ్ వజి నడిసినార్. వన్ని బోద ఇనిక ఇపొజి, ఒడిలోదిజ్ మన్నుదిజ్ సర్వ కిటిసి బత్తిదిజి ఇజి మా బత్తిదిజి ఉదెనం ఇజి. స్టోయికుల లోకుర్ ఇపొజి జెన్ ఇనివన్ని బోదెజ్ వజి నడిసినార్. బత్తిదు ఇనిక జిర్గెదెజా జిర్గెమీద్ ఇజి వాద్దు బోదెస్తాన్. బాగ అలోసనం కిజెనె వారు విజి సాజారె

25 దేవుణుని విజు లోకాజ్ బత్తు, పాణం, విజు సీజినాన్. దేవుణుదిజ్ ఇనికబా తక్కు ఆవిండ మన్ఎద్. అందజె లోకు వన్నిజ్ ఇనికబా సీదెజ్ అవన్సరం సిల్లెద్.

26 దేవుణు ఒరెన్ వన్ని వెట విజు జాతి లోకాజ్ పుట్టిస్తాన్. ఎందనిజ్ ఇహిజు యా బూలోకం ముస్సు విజుబాన్ బత్తిని వందిజ్ పుట్టిస్తాన్. వారు ఎంబె బత్తిదెజ్ ఇజ, ఎమెణి కాలమ్దు బత్తిదెజ్ ఇజ దేవుణు ముందాత్ని ఏర్పాటు కిత మనాన్.

27 ఎందనిజ్ ఇహిజు ఉండ్రీ వేలా వారు నజె రెబాజు వానార్లు ఇజ ఇక్కెజ్ విజు దేవుణు ఏర్పాటు కిత్రాన్. దేవుణు మా డర్లుహోన్ దూరం మంజినికాన్ ఆవిన్.

28 మాటు దేవుణు వెటన బత్తినాట్, దేవుణు వెటన నడిసినాట్, దేవుణు వెటన మంజినాట్. మీ లోజు పాటిజ్ రాస్సికార్ వెప్పావజు 'మాటు దేవుణు కొడోరె'.

29 అందజె మాటు దేవుణు కొడోరె అతిజ్, లోకు, వరి ముస్సుదు మన్ని ఆలోసనం వజ, వారు నెస్తిమన్ని పణి వజ బజారమ్దాన్, వెండిదాన్, పణుకుజాణి తయారే కిత్ర బొమ్మజు వజ దేవుణు మనాన్ ఇజ ఒడిబెదిజ్ ఆవిన్.

30 నస్తివలె మాటు నెన్విండ మహివలె దేవుణు అక్క సుడెతిజ్బా సుడెజు లెకెం డెజెస్తాన్. ఏలు ఇహిజు ఎంబెబా సరినె, విజెరె లోకురె వరి పాపమ్కు డిసిసీజు దేవుణుబాన్ రద్దు ఇజ దేవుణు ఆడ్ర సీజినాన్.

31 ఎందనిజ్ ఇహిజు, దేవుణు విజెరె లోకాజ్ సీతినిజుద్దాన్ తీర్పు కిదెజ్ ఉండ్రీ రోజు ఏర్పాటు కిత మనాన్. అయా రోజు దేవుణు ఏర్పాటు కిత్ర ఒరెన్ లోకువెట తీర్పు తీరిస్తాన్. దేవుణు ఆ లోకుదిజ్ సాపుదాన్ మరెజు నిక్త మనాన్. ఎందనిజ్ నిక్తాన్ ఇహిజు ఆ లోకుదిజ్ తీర్పు కిదెజ్ అతికారం మనాద్ ఇజ విజెరిజ్ రుజువ్ కిదెజ్".

32 లోకు సాజు మరెజు నిజ్ని వందిజ్ వెహారె వరి లోజు నెగెండారే కరాయితార. గాని మరి నెగెండారే "దిన్ని వందిజ్ మరి వెహారె, వెనాప్", ఇజ పవులుజ్ వెహారే.

33 అహె మహిజ్ పవులు వరిబాణిజ్ సాహాన్.

34 అహిజు నెగెండారే పవులు వెప్పా మాటిజ్ నమ్మితారె వన్ని వెట కూడితార. పవులు వెట కూడితి మహి వరి లోజు అరయెపగు నర్దుదికాన్ ఒరెన్ దియెసుసియు, దమరి ఇని ఉండ్రీ అయెలి కొడో, మరి నెగెండారే మహారే.

18

పవులు కొరెంతు పట్టుమ్దు సువార్ల వెప్పినాన్

1 వెనుక, పవులు ఏదెన్ను పట్టుమ్దాన్ సోతాండ్రే కొరెంతు ఇని పట్టుం సాహాన్. అయె కొరెంతు పట్టుమ్దు సాహిజ్ బానె పొంతు దేనిమదికాన్ అక్కలు ఇని ఒరెన్ యూదు వన్నిజ్ని వన్ని అల్లి అతి స్త్రీనిలదిజ్ సుడెతాన్.

2 యూదురు విజెరె రోము పట్టుం డిసి సాండ్రెజ్వలె ఇజ క్షుద్దియె ఇని రోము వెరిరాజు ఆడ్ర సిత్రాన్. ఆడ్ర సిత్రెజ్ యా అల్లి మాసిరె ఇటలి దేనిం డెస్తారె కొరెంతు పట్టుమ్దు కొత్తాజ్ వాతార. పవులు వరిజ్ సుడెదెజ్ సాహాన్.

3 పవులు వరివెట బత్తిజు వరివెట కూడిజు పణి కిత్రాన్. ఎందనిజ్ ఇహిజు వారుని పవులు టంబుజ్ గుత్తికార.

4 ప్రతి విప్రాంతి దినుమ్దు పవులు యూదురు మీటిజ్ కిని ఇండ్రో సాహండ్రే, యూదురు వెట, గ్రీసు వరివెట తర్పిని వెప్పి వాండ్రు వెప్పికెజ్ నిజం ఇజ ఒపిసి మహాన్.

5 సీలు తిమోతి మసిదేనియదాన్ వాతారె పవులు వెట కూడితార. అయావలె పవులు పూర్తి టయం దేవుణు మాటిజ్ బోదీని మహాన్. యేసునె క్రీస్తు ఇజ యూదురుజు డటిసి సాసి వెప్పి మహాన్.

6 పవులు వెప్పా మాటిజ్ యూదురు నెక్తపాకారె పవులుజ్ దునలాడితార. అయావలె పవులు, "దేవుణు మిజి సెక్సీసిత్రెజు అక్క మీరె మీ ముస్సు తపినిదిరె. దిన్ని వందిజ్ నా బాన్ తప్పు సిల్లెద్. ఇప్పహాన్ నాను యూదురు అజ వరిబాన్ సానానె దేవుణు మాటిజ్ నెస్తిస్తాలె", ఇజ వెహండ్రే, సాక్సెజు దూల్లి దుల్లెహాన్.

7 పవులు యూదురు మీటిజ్ కిని ఇండ్రోహాన్ సోతాండ్రే వడెకాద్ మహి తీతియు యూస్తు ఇని వన్ని ఇండ్రో సాహాన్. తీతియు దేవుణుదిజ్ పార్దనం కినికాన్. వన్ని ఇల్లు యూదురు మీటిజ్ కిని ఇల్లు డర్లునె మహాద్.

8 యూదురి మీటిజ్ ఇల్లు నడిపిసినికాన్ అతి క్రీస్తును, వన్ని ఇండ్రోజికారె విజెరె యేసుప్రబుజ్ నమ్మితార. మరి కొరెంతు పట్టుమ్దికారె నండెండారెబా దేవుణు మాట వెహారె నమ్మితారె బాప్తీసం లాగె అతార.

9 ఒరెనెండ్ పోదోయె, దర్లనమ్దు యేసుప్రబు, "నిను తియెల్ ఆవిండ వర్గెలు. అలెజ మనెల.

10 ఎందనిజ్ ఇహిజు నాను సీవెటనె మంజన. నిజి పాడు కిదెజ్ నీ ముస్సు ఎయెనబా రెవిన్. ఎందనిజ్ ఇహిజు యా పట్టుమ్దు నాలోకురె నండెండారె మనార", ఇజ పవులుజ్ వెహాన్.

11 అందజె పవులు దేవుణు మాటిజ్ నెస్తిసి వరి నడిమి ఉండ్రీ ఎండుని ఆరు నెలెజ్ దాక మహాన్.

12 గాని గలియోను ఇనికాన్ అయె అకాయ దేనిమదిజ్ ఏలుబడి కినికాన్ అతివలె యూదురు ఉండ్రె జుబు అతారె పవులు ముస్సు వాతార. పవులుజ్ అస్తారె కోర్డుదు ఒతార.

13 వారు పవులు ముస్సు పేరార్ల కిత్రార. ఇనిక ఇహిజు, "దేవుణుదిజ్ ఎలాగ పార్దనం కిదెజ్ ఇజ మజి మన్ని రూలుదిజ్ ఎదిరిసివెప్పి వీండ్రు ఒపిసి మారిస్తిలెకెండ్ వెప్పినాన్"

14 పవులు వర్గిదెజ్ సుడెతాన్. అయావలె గలియోను యూదురిజ్ ఈహు వెహాన్, "యూదురాండె, ఇక్క ఉండ్రీ తప్పు పణి వందిజ్ ఇహిజు, ఉండ్రీ నెజు పణి వందిజ్ ఇహిజు నాను మీమాటిజ్ నెగ్రెండ్ వెండ్రెజ్ అనాద్.

15 గాని ఇక్క ఇనికాదో ఉండ్రీ మాటవందిజ్, పేర్కువందిజ్, మీ రూలుజ్ వందిజ్ తర్పిస్తెజ్ ఇహిజు మీరె పన్నిజ్ సుడెదు. నిన్ని నజతిజు వందిజ్ తీర్పు తీర్నెజ్ నజి ఇన్వం సిల్లెద్", ఇజ యూదురు వెట వెహాన్.

16 ఈహు వెహండ్రే వరిజ్ కోర్డుదాన్ పేర్దాన్.

17 అయావలె విజెరె కూడితారె యూదురి మీటిజ్ ఇల్లు నడిపిసినికాన్ అతి సాస్టనేసు ఇనివన్నిజ్ అస్తారె కోర్డు డర్లు తత్తారె డెయ్యార. అహిజుబా గలియోను యా నజతిజు వందిజ్ ఇనికబా ఇనివతాన్.

ప్రీస్టిలని అక్కల

18 పవులు దేవుణువెట మొకిత మహానీకాక అక్క వీస్తివల బుర్ర కత్తె అతాన్. కొరింతు పట్టుమీదు మరి నండొ రోస్సు ముజి వెనుక నమ్మిత్తివరిబాణిక్ నెలవ లొస్తాండ్రె సాహాన్. కెంకెయూదు సాహార బుర్ర కత్తె అతాన్. బాణిక్ ఓడె ఎక్రాండ్రె సీరియ ఇని దేనమేదిక్ ప్రీస్టిల, అక్కల వలె సాహాన్.

19 వారు ఎపెసు పట్టుమీదు వాతార్. ప్రీస్టిల అకులరిక్ డిసి పవులు సానివల వీరు యా పట్టుమీదుని ముజినార్. పవులు ఇహిజ ఒరెండ్రె బానె మహి యూదురి మీటిక్ ఇండ్రె సాహాన్. సాహాండ్రె యూదురు వెట తర్కిసి వర్గిజి మహాన్.

20 నెగం రోస్సు మా వెట మనఅ ఇజి యూదురు పవులు వెనబాతిక్ పవులు కెవితాన్.

21 వరిక్ డిసి సాహివలె, “దేవుణు ఇన్టం ఇహిజ మీ డగ్రు మరీజి వాన”, ఇజి వెక్రాండ్రె సొత్తాన్. ఓడె ఎక్రాండ్రె ఎపెసుదాన్ సాహాన్.

22 కయెసరియూదు అందితాండ్రె పవులు యెరూసలేం పట్టుమీదు ఎక్త సాహాన్. బానె మహి నజమేదివరిక్ నుడి సాహాన్. వెనుక అంతియొకయూదు సాహాన్.

23 బానె నెగం కాలం మహి వెనుక సొత్తాండ్రె గలతియ పుగ్రియ ఇని దేనమకాణిక్ వర్గ బూలాతాండ్రె నమ్మిత్తి వరిక్ నెస్సిస్తాన్. దేవుణుదిక్ డిసివిండ నెగ్రెండ్రె మండ్రు ఇజి వెప్సి వరిక్ దయరం సిత్తాన్.

అపొలో ఇనికాన్

24 అయావలె అలక్లంత్రియదికాన్ అపొలో ఇని ఒరెన్ యూదవాండ్రు ఎపెసు పట్టుమీదు వాతాన్. వాండ్రు గొప్ప నదేవితికాన్. దేవుణు మాటదు రాస్తిమన్సికెక్ విజు బాగ నెస్తిమనికాన్. దేవుణు మాట నెగ్రెండ్రె వర్గిదెక్ వాండ్రు అట్టాన్.

25 వాండ్రు యేసు ప్రబువందిక్ నెగ్రెండ్రె సురకుదాన్ నెన్పిస్తాన్. ఎలాగ బత్తిదెక్ ఇజి యేసుప్రబు నెన్పిన్ మాటిక్ వాండ్రు నెస్తాన్. గాని యోహాను లోకాక్ సిత్తి బాప్తీసం వందిజి వాండ్రు నెస్ మహాన్.

26 యూదురు మీటిక్ కీని ఇండ్రె దయరమదాన్ దేవుణు మాటిక్ వర్గితాన్. ప్రీస్టిల అక్కల విన్ని మాటిక్ వెహారి విన్నిక్ వరి ఇండ్రె కుక్క ఒత్తార్. ఒత్తార్ దేవుణు వరిక్ సిత్తి సువార్త వందిక్ వీండ్రు నెన్ఇ వనకవందిక్ వన్నిక్ నెన్పిస్తార్.

27 వెనుక అపొలో అకాయ దేనమీదు సొండ్రెక్ సుడెతిక్, ఎపెసుదు మన్ని నమ్మిత్తికారి, నీను సాన్అ ఇజి వెప్సి, అక్రాయూదు మహి నమ్మిత్తివరిక్, ‘విన్నిక్ మీ వెట కూడుఃపు’ ఇజి ఉత్తం రాస్తార్. వాండ్రు అబ్బి సాహాండ్రె దేవుణు దయారమదాన్ నమ్మిత్తి వరిక్ నండ్రె సాయం కిత్తాన్.

28 విజిరె కూడితి మహి బాడ్డిదు అపొలో యూదురువెట వాదిస్తాండ్రె వరి వాదం తప్పు ఇజి గటిజ వెక్తాన్. యేసుని క్రీస్తు ఇజి దేవుణు మాటదు రాస్తికెక్ వెప్సి రుజువ్ కిత్తాన్.

19

పవులు ఎపెసు పట్టుమీదు యేసువందిక్ వెప్సిగాన్

1 అపొలో కొరింతు పట్టుమీదు మహివలె పవులు, ముస్సుమన్ని దేనమేది నాహాకాణిక్ బూలాజి సువార్త వెప్సి ఎపెసు పట్టుమీదు వాతాన్. బాన్ నెగొండ్రె సిసారిక్ సుడెతికాన్.

2 “మీరు నమ్మిత్తివలె దేవుణు అత్తు నత్తు మీ ముస్సు వాతాదా సిల్లెదా?”, ఇజి వరిక్ వెనబాతాన్. వెనబాతిక్ సిల్లెద్, దేవుణు అత్తు మనాద్ ఇజి మావ్ ఎనెక్బా నెన్పివ్”, ఇజి వారు వెక్తార్.

3 దన్నిక్ పవులు, “మీరు ఎమెణి బాప్తీసం లాగ అతిదెర్”, ఇజి వెనబాతిక్, “మాపు యోహాను సిత్తిసన్ని బాప్తీసం లాగ అతావ్” ఇహార్.

4 పవులు మరి వెక్తాన్, “పావమకు ఒప్పుకోడిజి డిస్టివరిజి యోహాను బాప్తీసం సిత్తాన్. నా వెనుక వాని యేసు ముస్సు నమకం ఇడదు”, ఇజి వెక్రాండ్రె బాప్తీసం సిత్తాన్.

5 యాక వెహారి వారు యేసుప్రబు పేరు అస్తారె బాప్తీసం లాగ అతార్.

6 పవులు వరి ముస్సు కికు ఇడ్డిక్ దేవుణు అత్తు వరి ముస్సు వాతాద్. వాతిక్, వారు వరిక్ నెన్ఇ అఇ బానిక్ వర్గితార్. దేవుణుబాణిక్ వాతి మాటిక్ వెప్రాక్ మొదొల్స్తార్.

7 వారు డగ్రుడగ్రు పన్నెండు మణిసిరీ మొగకొడెర్ మహార్.

8 పవులు అయ ఎపెసు పట్టుమీదు మన్ని యూదురి మీటిక్ ఇండ్రె సాహాండ్రె దేవుణు ఏలుబడి వందిక్ తర్కిసి వర్గిజి వరిక్ ఒప్పుకోడిసి దయరమదాన్ వర్గితాన్. అహా మూండ్రె నెలిక్ బానె మహాన్.

9 గాని నెగొండ్రె గర్త అజి అసల నమ్మివితార్. వారు పవులు వెప్సి సువార్త వందిక్ విజిరె ముందాల దునలాడిజి వర్గితార్. అందజె పవులు వరిక్ డిసి నమ్మిత్తి వరిక్ వన్నివెట ఒత్తండ్రె రోజు రోజు తురాను ఇని ఒరెన్ వన్ని బడి ఇండ్రె నెస్తిస్త మహాన్.

10 రుండి వంటిక్ దాక పవులు యాలెకెండ్ వెప్సిసిత్తిమహిక్ అయ ఆనియ ప్రాంతమీదు బత్తిజిని యూదురు, యూదురు అఇకార్, విజిరె దేవుణు మాట వెహార్.

11 దేవుణు పవులువెట ఒగ్గె గొప్ప బమ్మిత్తి పణిక్ జర్గిస్తాన్.

12 వన్ని తువాలిక్, నడుఃముదు తొప్పొ కలు జబ్బు మన్నివరి డగ్రు తత్తిక్ వారు నెగండ్రె అతార్. దెయమకు విజు డిస్సి సాహా.

13 అయావలె యూదురు లోఇ నెగొండ్రె మోటిగురుక్ బూలాజి దెయమకాక్ పేరీజి మహార్. దెయమకాక్ పేరీజి నెస్తికార్ వారు. వారు యేసుప్రబు పేరు అని దెయమకాక్ పేరీజి సుడెతికాన్. “పవులు వెప్సి యేసు సత్తుదాన్ వెప్సిగాన్, నీను విన్నిక్ డిసిసి సాన్అ ఇజి నాను అత్త నీజిన”, ఇజి వారు దెయమకాక్ అస్తి వరిక్ వెప్సి మహార్.

14 స్పవ ఇని ఒరెన్ యూదపెరిపుజిరీ మరిసిరీ ఏడుగురు యా లెకెండ్ దెయమకాక్ పేరీదెక్ సుడెతిక్ మహార్.

- 15 గాని ఆ దెయం వరివెట, “నాను యేసుజ్ నెస్సా, పవులు నెసిన, గాని మీరు ఎయిదెరె?”, ఇజ వెనబాతాన్.
- 16 అయ దెయం అస్సిమహికాన్ వరిమున్ను, ఎర్రితాండ్రె విజెరిజ్ అడిగి అరెప్తాండ్రె గెలిస్తాన్. వరి పాతెజ్ కిన్ వీసిర్తాండ్రె గొప్ప దెబ్బిజ్ డెయ్తాన్. అందెజి వారు ఏడుగురు లోకుర డుమడ ఆతార దెబ్బిజ్ తాక్తిజ్ అయ ఇండ్రెణిజ్ సోత్తార ఉహ్కార.
- 17 అయ ఎపెసు పట్టుమదు మహి విజెరె యూదురు, యూదురు ఆజ జాతిదికార యాక వెహార గొప్ప తియలాతార. యేసుప్రబు పేరుదిజ్ గొప్ప గవరం సొత్తార.
- 18 కొత్తజ్ నమ్మితికార నండొండార వాతార వారు కిత్తి సెఇ పణిజ్ విజా విజెరి ముందాల వెప్తార ఒప్పుకోటార.
- 19 కొత్తజ్ నమ్మితి సెట్టిపణికినికార నండొండార మంత్రమకు రాస్సిమని పరి పున్తకమకు తత్తార విజెరి ముందాల అక్కెజ్ సుర్తార. వారు లెక్క సుడెతిజ్ వనక దర యబాయ్ వెయిజ్ వెండిరుపాయిజ్ * వాతె.
- 20 ఈహె దేవుణు - మాట విజుబాన్ సాటె ఆతాదె నండొండార నమ్మితికార ఆతార.
- 21 ఇక్కెజ్ విజా జర్రితి వెనుక పవులు మసిదోనియ అకాయ ఇని దేనమకాజ్ సొస్సి దేవుణు సజమకాజ్ సుడి సొస్సి వెనుక బాణిజ్ యెరూసలేం పట్టుమదుబా సొండ్రెజ్వలె ఇజ ఒడిఃఒడిఃబితాన్. వెనుక రోమ పట్టుమదుబా సొండ్రెజ్వలె ఇజ ఒడిఃబితాన్.
- 22 వన్నివెట కూడిఃజి పణి కిజిమహి తిమెతి, ఎరాస్తూ ఇనివరిజ్ మసిదోనియాదు పోక్తాండ్రె పవులు సెగం కాలం ఆనియ ప్రాంతమదు బత్తితాన్.

ఎపెసు పట్టుమదు గొడిఃబు జర్రితాది

- 23 అయ కాలమదు యేసుప్రబు మున్ను లోకుర నమకం ఇట్టి వందిజ్ ఉండ్రె గొప్ప గొడిఃబు వాతాది.
- 24 ఇక్క ఎలాగ ఇహిజ, దెమెత్తి ఇని ఒదెన్ సరాబు మహాన్. వాండ్రు వెండినా అర్రిమి ఇని దెయమదిజ్ ఇండ్రె ఇడ్డి ఇజెరి గుడిఃజ్ తయార కినికాన్. యా దెమెత్తిజ్, వన్నివెట మహి సరాబురిజ్ విజెరిజ్ యా పణిదాన్ నండొ లాబం దొహ్కె మహాన్.
- 25 యా దెమెత్తి యా పణికినివరిజ్, పరిలెకెండ్రె ఆఇపణిజ్ కిని వరిజ్బా కూడఃప్తాండ్రె ఈహు వెప్తాన్, “బూబరాండ్రె, యా పణిదానె ఎక్కె అస్సి మజి వానాద్ ఇజ మీరు నెసినదెరెగదె.
- 26 గాని కికాణిజ్ తయార కినికెజ్ దెయమకు ఆఉ ఇజ యా పవులు వెప్పె, ఎపెసు పట్టుమదు ఉండ్రె ఆవిద్, ఆనియ ప్రాంతమదు విజుబాణిలెకెండ్రె నండొండారిజ్ నమ్మిని మహ్కాన్. ఇక మీరు నుడిఃజనిదెరె. వెంజనిదెరె.
- 27 ఏలు గొప్ప ప్రమాదం ఆజినాద్. మా పణి వందిజ్ మన్ని నెగ్గి పేరు పాడాఃనాద్దె. అక్కాద్ ఆవిండ పేరి దెయమాతి యా అర్రిమి దెయమది గుడిఃబా ఎయెరిజ్బా అవనరం సిల్లెండ్రె ఆనాద్. ఆనియ దేనిమదికార విజెరె, బూలోకం విజు పూజ కిని యా అర్రిమి దెయమది గొప్ప పేరు సిల్లెండ్రె ఆనాద్”, ఇజ యా దెమెత్తి పరివెట వెప్తాన్.
- 28 యాక వెహార వారు గొప్ప కోపం ఆతార, “ఎపెసుదికార పూజకిని అర్రిమి దెయం గొప్ప పేరి దెయం”, ఇజ గొప్ప గగోల్ ఆతార.
- 29 అయ పట్టుమదు గొప్ప కలిబిలి ఆతాద్. వారు ఉండ్రె మన్ను ఆతార పవులువెట బూలాజి మహి మసిదోని - యూదికార గాయ, అరిస్తర్కు ఇని రివిరిజ్ అస్తార అయ పట్టుమదు మన్ని పేరి సద్దుడుః లాగిత ఒత్తార.
- 30 మంద కూడిఃతి మహి అయ సద్దురు సొండ్రెజ్ ఇజ పవులు ఒడిఃఒడిఃబితాన్. గాని నమ్మితికార వన్నిజ్ సరి సివితార.
- 31 పవులు కూలయెరె అతి అయ ఆనియ ప్రాంతమది అతికారి లోకుర నెగొండారబా లోకుర కూడిఃజివాతిమహిబాన్ సొన్నా ఇజ కల్టూ పోక్తార బతిమాతితార.

- 32 అయ సద్దురు గొప్ప కలిబిలి జర్రితాద్. సెగొండార అహు వెప్పె, మరి సెగొండార ఈహు వెప్పె గగోల్ ఆతార. గాని వారు ఇని దన్నిజ్ కూడిఃత మనారొ ఇజ నండొ లోకుర నెన్వితార.
- 33 యూదురు అలెక్జెండ్రె ఇనివన్నిజ్, విజెరె వందిజ్ నీనె వరగిల ఇజ లోకుర నడిఃమిహాన్ ముందాల నిల్వార. అలెజి మండ్రు ఇజ వాండ్రు కియు సొప్తాండ్రె ఉండ్రె మాట కివెహ్న ఇజ సుడిఃజి మహాన్.
- 34 గాని వాండ్రు యూద్ వాండ్రు ఇజ నెస్తార వారు రుండి గంటిజ్ దాక, ‘ఎపెసువరి అర్రిమి దెయం గొప్ప దెయం’ ఇజ ఉండ్రెలెకెండ్రె గగోల్ ఆతార.

- 35 అయావలె అయ పట్టుం కర్ణం * వాతాండ్రె లోకాజ్ విజెరిజ్ గగోల్ ఆవిండ్రె మండ్రు ఇజ వెప్తాన్. “ఎపెసు పట్టుమదికిదెరా, మాపు అర్రిమి పేరి దెయమది గుడిఃదిజ్ కాన్ కినికాన్ ఇజ విజెరె నెనిసారగదె. ఆగానమదాన్ అర్రి అర్రిమి దెయమది పణుకుదిజ్బా కాపు కినికార మాపె ఇజ విజెరె నెనిసారగదె.
- 36 యా సజతిజి విజా ఎర్రిసినిక ఆవిద్. అహిజ మీరు ఏలు అలెజి మండ్రెజ్ వలె. ఇనికబా గజబిజి ఆజ కిదెజ్ ఆవిద్.
- 37 మీరు యా లోకాజ్ లాగితి తత్తిదెరె. గాని మీరు గుడిఃబు డొజ కినికార ఆవిర్. మా దెయమదిజ్ దుసలాడిఃవర్.
- 38 దెమెత్తిజ్, వన్నివెట కూడిఃతి మహి పణిమణిసిరిజ్ ఎయెన్ మున్నుబా నేరం మొప్పెజ్ ఇహిజ, కోట్టెజ్ నడిఃసినె, అతికారి లోకుర మనార. బానె సొస్సి వారు ఒదెన్మున్ను మరి ఒదెన్ నేరమకు సిదెజ్.
- 39 గాని మరి ఇనివందిజ్ ఇనికబా తగ్గు మహిజ అక్క రోజు జర్రిని సద్దురు వర్ణిజి తీరపు తీరిస్తెజ్.

* 19:19 19:19 ఉండ్రె వెండి రుపాయి ఉండ్రె రోజుది కూలి † 19:24 19:24 ఇజెరి గుడిఃజి ఇహిజ అర్రిమి దెయమది గుడిఃది ఇజెరి బొమ్మెజ్ ‡ 19:29 19:29 సద్దు ఇహిజ స్థిడిఃయం లెకెండ్రె మహాన్. బానె లోకు కూడిఃజివార బేసు కర్రినార. లోకు సురుల బసారె. ఇరువయెఅరువెయి లోకుర బస్సెజ్ ఆనాద్ అయ సద్దురు. కొడిఃవెలి సని గుండ్రాజ్ మనాద్ అయ సద్దు. గాని మేడె సిల్లిద్. ఎపెసు పట్టుం సడిఃమిద్ మహాద్ యా సద్దు. § 19:33 19:33 గొడిఃబు కినికార మాపు యూదురు ఆవిద్, పవులుని వన్నివెట మన్నికార ఇజ వెప్తాజ్ సుడిఃతాన్ * 19:35 19:35 ముసెలమాతి ఒదెన్ అతికారి

40 నేండ్లు జర్జితి గొడబవందిక్ రోమ అతికారిబు మా మున్ను కేను పొక్కారో ఇజి నాను తియెలాజిన. జర్జితి గొడబవందిక్ వెహ్లాక్ ఇని మాబబా సిల్లెద్. ఎందానిజ్ ఇహిజ యాపజ కూడజి గగోలాజి వర్జినిదన్నిజ్ వెహ్లాక్ అసల కారణం సిల్లెద్, ఇజి వరివెట వెహ్లాన్.

41 వాండ్రు ఈహు వెహ్ని కూడితి మహి వరిజ్ విజిరిజ్ సొండ్రు ఇజి పొక్కాన్.

20

పవులు మసిదోనియ గ్రీసు దేసెమ్కాజ్ సొహాన్

1 అయ గొడబ అణస్తి వెనుక పవులు నమ్మిత్తివరిజ్ కూకపిస్తాండ్రె వరి నమకమదిజ్ సత్తు కిబిస్తాన్. దయరమ్మున్ను మండ్రు ఇజి వెహ్ని నెల్గు లొస్తాండ్రె మసిదోనియదాన్ సొండ్రెజ్ సొత్తాన్.

2 పవులు ఆ దేసెం విజు బూలాజి నమ్మిత్తి వరిజ్ సుడజి సొహాన్. వరి నమకమదిజ్ సత్తు కిబిస్తాన్. వెనుక అకాయ ఇజి కూక్కి గ్రీసు దేసెమ్దు వాతాన్

3 పవులు అబ్బి మూండ్రె నెలెజ్ మహాన్. ఓడజి ఎక్కి సిరియాదు సొన ఇజి మహిజ్ యూదురు వన్నిజ్ సప్తెజ్ కుట్ట ఆజి మహాన్ ఇజి వెహాన్. అక్క నెస్తాండ్రె మసిదోనియదాన్ నడిజి సొన్ని అబ్బిణాన్ ఓడజి ఎక్కి సొండ్రెజ్ ఒడిజిబితాన్.

4 పురు మరిసి ఆతి బెరెయ పట్టుమదికాన్ సొపత్తు ఇనికాన్, దెసలొనియదికార అరిస్తరకు, సెకుందు ఇనికార, దెరబ పట్టుమదికాన్ గాయి ఇనికాన్, మరి తివెతి, ఆసియ దేసెమ్దికార ఆతి తుకికు, త్రోపిము ఇనికార పవులు వెట సొహాన్.

5 వీరు ముందాల్ని సొహార త్రోయ ఇని పట్టుం మా వందిజ్ సుడజి మహాన్*.

6 పులాజ్ ఆణ రొట్టెజు వండెయ ఆతి వెనుక మాపు పిలిప్పి పట్టుం డిసె ఓడజి ఎక్కి అయదు రోన్కాణ్ త్రోయ† పట్టుం వాతాన్. అబ్బి ముందాల సొహెమహిపరివెట ఏడు రోన్ను మహాన్.

పవులు సాతివన్నిజ్ నిక్రాన్

7 వారమ్ది మొదోహి రోజు †బ్రబు ఏరపాటు కిత్తి బోజనం తిండ్రెజ్ మాపు కూడిత వాతాన్. అయావలె పవులు మర్చు నాండిజ్ సారాల ఇజి వరిజ్ నెస్తిస్తాన్. మదరెయం - దాక నండో మాటిజ్ వర్గిజి మహాన్.

8 మాపు కూడితి మహి మేడజి గదియ నండో దీవెజ్ మహి.

9 అయావలె అయ్యుకు ఇని ఒరెన్ దజ్డాఱయెన్ కిటికిదు బస్తాండ్రె వెంజిమహాన్. వెంజిమహిజ్ నిద్ర వాతాద్. పవులు లావు సుట్టు నెస్తిస్త మహిజ్ యా దజ్డాఱయెన్ నిద్ర లావాత్తిజ్ జోజితాండ్రె మూండ్రె అంత్రంకాణిజ్ అడిగి అర్తాన్. పెహ్లా సుడజితిజ్ సాత మహాన్.

10 గాని పవులు అడ్డి డిజితాండ్రె వన్ని మున్ను అర్చి వన్నిజ్ పొబిజి అస్తాన్. “మీరు బాద ఆమాట్. వన్ని పొణం వన్నిలొఇన మనాద్”, ఇజి వరివెట వెహ్లాన్.

11 పవులు మరి మేడజిమున్ను సొహాండ్రె రొబి రుక్కి వరివెట బోజనం కిత్తాన్. జాయానిదాక నండో మాటిజ్ వర్గిజి సొతాండ్రె సొహాన్.

12 వారు బత్తితి మహి అయ దజ్డాఱజ్ ఇండ్రె తతార గొప్ప సర్జ ఆతార.

పవులు ఎపెను పట్టుమది పెద్దెలుజవెట నెలవ లొస్తాండ్రె యెరూసలేమ్దు సొహాన్.

13 పవులు అసోసు ఇనిబాన్ నడిజి సొండ్రెజాతిజ్ మాపు వన్నిముందాల ఓడజి ఎక్కి అసోసు సొహాన్. వవులుజ్ బానె ఓడజిదు ఎక్కావ్ ఇజి మాపు ఒడిజిబితాన్.

14 అసోసుదు పవులు మా వెట కూడితివలె మాపు వన్నిజ్ ఓడజిదు ఎక్కిస్తాపె మితులె ఇని బాడ్డిదు వాతాన్.

15 బాణిజ్ సోని మహ్న నాండిజ్ కియోసు ఇని బాడ్డిజు ఎద్రు వాతాన్. మహ్న నాండిజ్ సమోసు ఇనిబాన్ సొహాపె బాణిజ్ మహ్న నాండిజ్ మెలితె ఇని బాడ్డిదు వాతాన్.

16 పెంతెకోస్తు ఇని పండోయనాండిజ్ యెరూసలేమ్దు అందిదెజ్వలె ఇజి పవులు తొత్త ఆతాన్. ఆసియదు సొహిజు అలన్యం ఆనాద్ ఇజి ఎపెను పట్టుమదు సొనెండ తినాజ్ సొండ్రెజ్ ఒడిజిఒడిజిబితాన్.

17 అందెజె పవులు మిలెతుదు అందితివలె ఎపెను పట్టుమదు మన్ని సజమ్ది పెద్దెలజ్ వన్నిబాన్ కూకపిస్తాన్.

18 వారు వన్ని డగ్రు వాతిజ్ పవులు వరివెట ఈహు వెహ్లాన్, “నాను ఆసియదు వాతి మొదోలి దిసెమ్కాజ్ ఎలాకాలం మీ నడిమి ఎలాగ బత్తిజి మహానో ఇజి మీరె నెస్తిదెరగదె.

19 యూదురు నజి సప్తెజ్ కుట్ట కిజ నజి మాఱెజ్ కిత్తార గాని నాను గొప్ప వాండ్రు ఇజి ఒడిజిబింద కణెరు వాక్కి దేవుణు వణి కిజి ఎలాగ మహానో ఇజి నిజెనె తెలినాద్.

20 సిక్చదాన్ ఎలాగ గెలిస్తెజ్ ఇని వందిజ్ అవసరవాతిక ఇనికబా సరినె మీలొకర నడిమి విజిరె కూడితి మహి బాడ్డిదు నాను సాటిస్త. మీ ఇల్లాజ్బా వాతాన్ మిజి నెస్తిస్త.

21 పాపమ్కు బప్పుకోడెజి డిసెనిసిజి, దేవుణుదిజ్ లొజిజి, మా బ్రబు ఆతి యేసుక్రీస్తు మున్ను నమకం ఇడదు ఇజి నాను యూదురిజ్ యూదురు ఆణ వరిజ్ సొని వెహ్లా.

22 ఇదిలో, నాను దేవుణు ఆత్మదిజ్ లొజితాన్ యెరూసలేమ్దు సొన్నిన. అబ్బి నజి ఇనిక జర్జినాడ్లెన్ నజి తెలివిద్.

† 19:40 19:40 ఎపెను పట్టుమదు మన్ని లొకరవందిజ్ యా ముకెలమాతి అతికారి, రోమ అతికారిబు వెట వర్జినికాన్. లోకు గొడబ పుట్టిజు వరిజ్ వాని అవుకామకు సిల్లిండ్ ఆని * 20:5 20:5 యా పుస్తకుం రాన్సిమహి లాక పవులువెట వయనం కిదిజ్ మర్చి వాతాన్ † 20:6 20:6 మసిదోనియ దేసెమ్దు మన్ని పిలిప్పి ఇనిబాణిజ్ ఓడజి ఎక్కి. గాలి వరి ఎద్రు దెయెతిజ్ త్రయ అందిదెజ్ అయదు రోన్ను ఆతి. సొహివలె రుండ్ రోన్నునె ఆతి మహి. 16:11 ‡ 20:7 20:7 యూదురి దిసెమ్కు లెక్కి కినిక ఎలాగ ఇహిజ ననివారు పొదెయె అరు గంటిజ్ కొత్త వారు మొదెల్లినాద్. లాక యా పుస్తకుం రాన్సివలె యాతెండ్ లెక్కి కిత్తార ఇజి బయెబిల్వందిజ్ ఎక్కు నదు కిత్తికార నండ్రిదార వెహ్నినార

23 గాని విజు పట్టుమ్కాజ్బా, నజీ మాలెజ్ వాజినె ఇజి, యెరూసలేమ్దు నజీ జెలిదు ఇడ్వార్దె ఇజి, దేవుణు అత్తు నజీ వెప్పొనాన్.

24 గాని నా పాణమిదిజ్ నాను కండెక్బా విలువ సివి. ఎందానిజ్ ఇహిజు ప్రబు ఆతి యేసు నజీ సత్తి పణి పూర్తి కిదిజె. అయ పణి ఇనిక ఇహిజు దేవుణు దయూదర్మమ్వందిజ్ మన్ని సువార్త వందిజ్ నాను సాని వెవ్జెజ్.

25 నాను బూలాజు దేవుణు ఏలుబడిః వందిజ్ మీ నడిఃమి వెవ్జా గాని మీలోఇ ఎయిదెర్బా మరి నజీ తోఇదెర్లె ఇజి నాను ఏలు నెస్సా.

26 గాని మీలోఇ ఎయిదెర్బా పాడాఃజి సాహిజు నా పూసి తెవితాద్ ఇజి నేండ్రు మీరి సాసిర్ ఆనిదెర్లె.

27 దేవుణు ఇస్టం పూర్తి నాను మిజీ నెస్సెర్. ఇనికబా డావ్విత.

28 దేవుణు వన్ని సొంత మరిసి నల సితండ్రె సజమ్దిజ్ నమ్పాదిస్తాన్. అయ సజమ్దిజ్ మీరు బాగ కావ్కిదిజె. దేవుణు అత్తు మిజీ సజమ్దిజ్ సుడఃదెజ్ బవజెప్తాన్. అయ పణిలోఇ నెగ్రెండ సుడఃదు. మీవందిజ్బా మీరు జాగర్త సుడఃదు.

29 నాను సాహి వెనుక క్రూరమాతి కార్నుకుడిఃజ్ నన్ని లోకుర్ మీలోఇ డుఃగ్నార్దె ఇజి నాను నెస్సా. వారు నమ్మితి పరి మున్ను కనికారం తోరిన్విర్. సజమ్దిజ్ పాడు కినార్.

30 మీలోఇహానె నెగెండార్, నమ్మితి పరిజె వెకొరి మాటెజ్ వెప్పొ నెగ్గి సరిదాన్ లాగ్గి సెజ సరిదు నడిఃపిసి, పరివెట కూక్కి బతెజ్ సూణార్దె.

31 అహిజు జాగర్త మండ్రు. నాను మూండ్రి పంటిజ్ దాక రెయిపాగలు కణెరు వాక్కి నమకమ్వందిజ్ విజెరిజ్, ఒరెన్ ఒరెన్ వన్నిజ్ డిఃన్విండ వెవ్జా మున్ను. అక్కు మీరు ఒడిఃబిజి జాగర్త మండ్రు.

32 దేవుణుదిజ్ నన్ని దయూదర్మం తోరిన్ని మాటదిజ్ మిజి బవజెప్తాన్. మీ నమకం నండ్రె కిదిజె అత్తి దేవుణు - మాటదిజ్ మిజి బవజెప్తాన్. దేవుణుదిజ్ కేట ఆతి పరివెట మిజి అక్కు సీదిజె అత్తి దేవుణుమాటదిజ్ మిజి బవజెప్తాన్.

33 నాను ఎయె డబ్బుదిజ్, బజరమ్దిజ్, సొక్కిజ్ పాతెజ్ వందిజ్ ఆన ఆవిత

34 నా అన్సరమ్వందిజ్ గాని నావెట మహిపరి అన్సరమ్కు వందిజ్ గాని నా కికాజిజి పణి కిజి బత్తిత్త ఇజి మీరు నెసినిదెర్.

35 నాను కత్తి విజు పణిజాజ్ మిజి నెన్పిస్తిక ఇనిక ఇహిజు మీరు డటం పణి కిజి సిల్లి పరిజె సాయం కిదిజ్. దిన్ని వందిజ్ యేసుప్రబు నెన్పిస్తి మాట గుర్తు కిదిజ్. అక్కు ఇనిక ఇహిజు సినివన్ని సర్గ లొస్సివన్ని సర్గ ఇంక వెరిక.

36 పవులు ఈహు వెవ్జాండ్రి ముణుకుజ్ ఊర్జి వారు విజెరి వెట పార్లనం కిత్తాన్.

37 వారు విజెరి పవులుజ్ పొబితారె వన్నిజ్ ముడ్రు కిజి లాపు అడఃబాతార్.

38 ఎందానిజ్ ఇహిజు, మీరు ఇబ్బోహాన్ నజీ సుడఃఇదెర్లె ఇజి పవులు వెవ్జా అయ మాటవందిజె గొప్ప దుకం ఆతార్. వారు ఓడః ఏక్కి అయ పవులు ఇట్టా వాతార్.

21

పవులు యెరూసలేం సొస్సిసాన్

1 మాపు పరిజ్ డిఃసిసొత్తి వెనుక ఓడః ఏక్రాపె తినాజ్ సొస్సి కోను ఇనిబాన్ వాతావ్. మహ్నా నాండిజ్ రోదు ఇనిబాన్ వాతాపె బాణిజ్ పతరు ఇనిబాన్ వాతావ్.

2 బానె వెనికెదిజ్ సాని ఉండ్రి ఓడః సుడఃతాపె, ఏక్రాపె సొహావ్.

3 సొహాపె కుప్త ఇని ద్విప్పు మా డెబ్బె పడఃకాద్ సుడఃతావ్ గాని దన్ని డెబ్బె పడఃకాద్ తినాజ్ సిరియ దరోట్ సొహాపె, తూరు ఇనిబాన్ డిఃగితావ్. బాన్ డిఃబెజ్ ఓడఃదు సాచునమ్కు మహా.

4 బాన్ సిసారిజ్ రెబాజి సుడఃతిజ్ పరివెట కూడిఃతాపె ఏడు రోస్సు బానె మహావ్. 'నీను యెరూసలేమ్దు సొస్సా', ఇజి దేవుణు అత్తు వెవ్జా లెకెండ్ పవులు వెవ్జార్.

5-6 గాని బాణిజ్ సొండ్రిజ్ టయం ఆతిపలి మాపు సొత్తాపె పయనం కిత్తావ్. నమ్మితికార్ విజెరి, అయలికోడెక్, కోడెర్, మా వెట పట్టు వెల్లిదాక ఇడ్డిః వాతార్. మాపు విజెపె నమ్దరం ఒడ్డుదు ముణుకుజ్ ఊర్జి పార్లనం కిత్తాపె ఒరెన్ వెట ఒరెన్ సెలవ లొస్సాపె ఓడః ఏక్రావ్. వారు పరి ఇండ్రి మర్జి సొహార్.

7 మాపు తూరుదాన్ సొత్తాపె తోలిమాయి ఇని పట్టుమ్దు వాతావ్. బాన్ నమ్మితి తంబెర్సిరిజ్ సుడః సొహాపె పరివెట ఉండ్రి రోజు మహావ్.

8 మహ్నా నాండిజ్ సొత్తాపె కయనరియాదు వాతావ్. బానె సువార్త వెప్పొకాన్ పిలిపు ఇండ్రి సొహాపె వన్ని ఇండ్రి మహావ్. పిలిపు యెరూసలేమ్దు మన్ని సజమ్దు ఏర్పాటు కిత్తి ఏడుగురు లొఇ ఒరెన్.

9 అయ్యా పిలిపుజ్ నాల్గురు విడ్డిః అయలిక్ మహా. అవిక్ దేవుణుబాణిజ్ వాని మాటెజ్ వెప్పొకెజ్.

10 మాపు నెగం రోస్సు బానె మహిపలి అగబు ఇని ఒరెన్ ప్రవక్త యూదయ ప్రాంతమ్దాన్ బానె వాతావ్.

11 అగబు మాపు మన్నిబాన్ వాతాండ్రి పవులు నడుముదు తొవ్వి మన్ని కటు కుతాన్. కుతాండ్రి, వన్ని కికాజ్ కాల్యాజ్ అగబు తొహా ఆతాన్. తొహా ఆతండ్రి, యా కటు ఎయెర్ది ఇహిజు వన్నిజ్ యెరూసలేమ్దు మన్ని యూదురు తొహి ఆఇ లోకాజ్ బవజెప్తార్దె ఇజి దేవుణు అత్తు వెప్పొనాన్ ఇజి యా అగబు వెవ్జాన్.

12 యాక మాపు వెహాపె మాపు, బానె మహి నమ్మితికార్, పవులు వెట, "యెరూ - సలేమ్దు సొస్సా", ఇజి బతిమాలితావ్.

13 దన్నిజ్ పవులు, "మీరు ఎందనిజ్ అడఃబాజి నజీ దుకం కిబిసినిదెర్? నా ప్రబు ఆతి యేసువందిజ్ తొహా అదిజె ఆవిద, వన్ని వందిజ్ యెరూసలేమ్దు సాదిజ్బా నాను బప్పుకోడఃజిన", ఇహాన్.

14 పవులు మా మాటెజ్ బప్పుకోడఃఇతిజ్ మాపు అలితావ్. దేవుణుదిజ్ ఇస్టమాతి పజి జగ్గివిద్ ఇహావ్.

15 అయ పట్టుమీదు సెగం రోస్సు మహి వెనుక మాపు సామనముకు విజు అస్తాపె ఎక్కు యెరూసలేం పట్టుమీదు సొండ్రేక్ సొత్తాన్.

16 క్రయసరియదాన్ సెగండాన్ సిసూర్ మా వెట వాతారె మాపు మండ్రేక్ ఇజ ఒడిబిత్తి మ్మాసోను ఇండ్రో ముజీ తతార. మ్మాసోను కుప్రదికాన్. మొదోహాన్ అసి యేనుప్రబు సిసూడుః ఆతికాన్.

పవులు యెరూసలేమీదు అందితాన్

17 మాపు యెరూసలేమీదు వాతిజ్ నమ్మిత్తి తంబెరసిం ముజీ సర్దదాన్ మర్యాద కిత్తార.

18 మర్న నాండిక్ పవులు మా వెట యాకోబు డగ్రు సాహాన్. సజం పెద్దెలుబు విజేరె బానె మహాన్.

19 పవులు వరిజ్ మాడిస్తాన్. వెనుక యూదురు ఆఇవరిలోఇ పవులు కిత్తి సువార్త పణిదాన్ దేవుణు జగ్గిస్తెకెక్ విజు పూర్తి వెప్సాన్.

20 వారు ఇక్కెజ్ వెహారె దేవుణుదిక్ స్తుతి కిత్తార. పవులు వెట వారు ఈహు వెప్సార్, “పవులునా, యూదురు లోఇ నమ్మిత్తికార నండో వెయిజ్ లోకుర మనార్ ఇజ సిను సుడేజనిగదె. వారు విజేరె దేవుణు మోసిజ్ సిత్తి రూలుజ్ వందిక్ నండో పటుదల మనికార.

21 ఇట్టి మన్ని యూదురు విజేరె సివందిక్ ఉండ్రి బోగోల్ వెహా మనార్. అక్క ఇనిక ఇహిజ, మోసె వెప్సాకెక్ విజు డిస్తెజ్ ఇజ సిను యూదురు ఆఇవరి లోఇ బత్తిని యూదురిక్ నెస్పిసిని ఇజ. వరి ఇజరి కోడోరిజ్ సునతి కినిక అవద్ ఇజ సిను నెస్పిసిని ఇజ. మరి, యూదురు ఎలాగ నడిదెజ్ ఇజ మహి వదతిజ్ వజ నడినిక అవద్ ఇజ సిను నెస్పిసిని ఇజ. వినకవందిక్ బోగోల్ వెహా మహాహి”, ఇహాన్.

22 “అహిజ మాటు ఇనిక కిదెజ్? సిను వాతివందిక్ విజేరె తవ్విండ వెనార్.

23 అందిజె మాపు వెప్సావజ సిను కిత. ఇనిక ఇహిజ మొకు నిల్పి మన్ని నాలవెర మొగవారు ఇబ్బెన్ మనార్.

24 సిను వరిజ్ వెట కూక్కి ఒసి వారు మొకుబడి సొన్పిస్తెజ్ వరివెట దేవుణు గుడిదు సొన్అ. వారు పూజ సీజ బుర్ బోడి కిదెజ్ మన్ని కర్న సిన్ సిత. అహిజ సివందిక్ లోకుర వెహిమన్ని బోగోల్ నిజం అవద్ ఇజ విజేరె నెస్సాన్. సిను మోసె సిత్తి రూలుజ్ లోజిజ నడిజనాన్ ఇజ విజేరె నెస్సాన్.

25 అహిజ యూదురు ఆఇ నమ్మిత్తి వరిజ్ మాపు ఇనిక తీరమానం కిజ రాస్త మనార్ ఇహిజ, బోమ్మెజ పూజ కిత్తి వన్యాక్ తినిక అవద్ ఇజ, నల తినిక అవద్ ఇజ, మెడః పిడికి వస్త వనకాక్ తినిక అవద్ ఇజ. రంకు బూలానిక అవద్ ఇజ”. ఈహు నజమీది పెద్దెలుబు పవులు వెప్సార్.

26 అందిజె పవులు, మహ్న నాండిక్ అయ నాలవెరిజ్ వెట కూక్కి ఒతండ్రె వరివెట సుబ్బురం ఆతాన్. వారు సుబ్బురం ఆజ మంజిని కాలం ఎనెజ్ అందినాద్, వరి లోఇ విజేరెవందిక్ ఎనెజ్ పూజ కిదెజ్, ఇక్కెజ్ వెప్సావందిక్ పవులు దేవుణు గుడిదు యూదురు లోఇ మొగవారు మండ్రేక్ మన్ని బాడ్డిదు సాహాన్.*

పవులు యూదురు అస్తార

27 సుబ్బురం ఆజమంజిని ఏడు రోస్సు డగ్రు ఆతాద్. అయావలె ఆసియదాన్ వాతిమహి సెగండాన్ యూదురు, దేవుణు గుడిదు యూద మొగవరిక్ మన్ని బాడ్డిదు పవులు సుడేజతారె, బానె మహి లోకాజ్ విజేరిక్ కలిబిలి కితారె వన్నిజ్ అస్తార.

28 “ఇస్తాయేలు లోకాండె, తోహు కిదెజ్ రద్దు. మా లోకాజ్ పడిఃఇకెక్, మోసె సిత్తి రూలుజ్ పడిఃఇకెక్, యా దేవుణు గుడిదిక్ పడిఃఇకెక్ విజు బాడ్డిజు సొన్పి లోకాజ్ విజేరిక్ నెన్పిసినికాన్ వీండ్రె. అక్కాద్ అవిండ, వీండ్రు యూదురు ఆఇ వరిజ్ దేవుణు గుడిదు కూక్కి తతాండ్రె దేవుణుదిక్ కేట కిత్తి యా బాడ్డి మయ్ల కిత్తాన్”, ఇజ నండో గగోలాతార.

29 ఎందానిజ్ ఇహిజ, పట్టుమీదు పవులు వెట యూదురు ఆఇ ఎవెనుదికాన్ త్రోపిమును ఇని ఒరెన్ వన్నిజ్ ముందాల్నె వారు సుడేజ తహాన్. వన్నిజ్ పవులు దేవుణు గుడిదు యూదురి మొగ్గ వరిజ్ మండ్రేక్ మన్ని బాడ్డిదు తతాన్ ఇజ వారు ఒడిబిత్తార్†.

30 పట్టుమీదు మహి లోకుర విజేరె కలిబిలి ఆతార. విజుబాణిజ్ లోకుర మందిజ్ మందిజ్ ఆజ ఉహాక్కి వాతారె పవులుజ్ అస్తారె దేవుణు గుడిదు యూదురి మొగ్గ వరిజ్ మండ్రేక్ మన్ని బాడ్డిహాన్ వెల్లి లాగితార. వెటనె యూదురి మొగ్గ వరిజ్ మండ్రేక్ మన్ని బాడ్డిదు సొన్ సేప్లాజ్ కెహా ఆతె.

31 పవులుజ్ వారు సప్తెజ్ ఇజ సుడేజమహిజ్ యెరూసలేం పట్టుం విజు కలిబిలి ఆతారె ఇజ అబ్బె మహి రోమ నయనమీది పెరి అతికారిజ్ కల్లు వాతాద్.

32 వెటనె అయ పెరి అతికారి నయనమీదివరిజ్, నదాతివతివరిజ్ వెట ఒతండ్రె కూడితి మహి లోకుర డగ్రు ఉహాక్కి వాతాన్. లోకుర అయ పెరి అతికారిజ్, వన్నివెట వాతి నయనమీది వరిజ్ సుడేజతిజ్ పవులుజ్ డెయ్డెజ్ డిస్తార.

33 అయ పెరి అతికారి డగ్రు వాతాండ్రె పవులు అస్తాన్. ‘రుండి గెలుస్యాణిజ్ వన్నిజ్ తొప్తూ’ ఇజ ఆడ్ర సిత్తాన్. వీండ్రు ఎయెన్? ఇనిక కిత్తాన్ ఇజ వెన్బాతాన్.

34 వెన్బాతిజ్ లోకుర నెగండాన్ ఈహు ఇజ, సెగండాన్ అహు ఇజ వెప్సా డేల్ని మహిజ్ గగోల్ లావాత్తిజ్ నిజం ఇనికాదో ఇజ నెన్విండ అతండ్రె ‘బారి గోడేలోఇ వన్నిజ్ ఒతు’ ఇజ ఆడ్ర సిత్తాన్.

35 పవులు పాపు అన్సు మున్సు వాతివలె లోకుర ఒద్ కోపమాజ్ లాగదెజ్ నెక్తెక్ కిత్తిజ్ నయనమీదికారె పవులుజ్ పిండితారె ఒతార.

36 ఎందానిజ్ ఇహిజ, వన్నిజ్ నవ్అ ఇజ లోకుర విజేరె డటం గగోలాజ వెటసాహాన్.

* 21:26 21:26 యా బాడ్డిదు మొగవారె మంజినార్. అయెలికొడాక్ బాన్ సొండ్రేక్ అవద్

† 21:29 21:29 యూదురు ఆఇకారె దేవుణు గుడి దేవారు సొండ్రేక్ అవద్. బాన్ యూద మొగవారి సొండ్రేక్ అనాద్ ఇజ రూలు మనాద్

పవులు లోకుర్ వెట వర్గజినాన్

37 మొదొహి పాపు అన్నుదాన్ ఎక్కి సొన్ని ఆకరి పాపు అన్ను దాక వారు సొహార్. సయనమదికార్ పవులుజ్ బారిగోడొలోఇ ఒతెజ్ సుడొజి మహిజ్ పవులు అయ పెరి అతికారి వెట, నీ వెట ఉండ్రీ మాట వెప్తాజ్ ఆనాదా ఇజి వెన్బాతాన్. అందెజి అయ అతికారి, “గ్రీకు బాస నీను నెనీనిదా?”, ఇజి వెన్బాతాన్.

38 “యా దినమకాజ్ ముండాల్తొ అతికారిజి ఎద్దువెప్పి లోకాజ్ నప్పి నాల్లి వెయి లోకాజ్ బిడిజ్బూమిదు వెట కూక్కి ఒసి మహి అయగుప్పు దేసమ్దికి నీను ఇకదా?”, ఇజి పవులుజ్ వెన్బాతాన్.

39 దన్నిజ్ పవులు, “నాను కిలికియాదు మన్ని తార్పు పట్టుమదికాన్ యూద వాండ్రు. నాను అయ గొప్పు పట్టుమది లోకు. లోకుర్ వెట వర్గదెజ్ నజీ నెల్వ సీదా”, ఇజి బతిమాలితాన్.

40 పవులు నెలవ లొన్జి పెరి అతికారి సరి సితాన్. అయావలె పవులు పాపు అన్ను మున్ను నివాండ్రె లోకాజ్ అలెజి మండ్రు ఇజి కియ నయ్య కితాన్. వారు అలెతి మహివలె పవులు యూదురి బాసాదు కుహు వెప్తాన్.†

22

1 “తంబెరిజాండె, బుబ్బరాండె, నా లొఇ ఇని తప్పుబా సిల్దెద్ ఇజి మీరు నెనీనివందిజ్ నాను వెప్పిని మాటెజ్ వెండ్రు”.

2 పవులు వరి సొంత బాసాదు వర్గనిక వెహార్ వారు జమన అల్లెత మహార్. అయావలె పవులు కుహు వెప్తాన్.

3 “నాను కిలికియాదు మన్ని తార్పు పట్టుమదికాన్ యూద వాండ్రు. అహిజి యా పట్టుమదు గొప్పు పేరు పొందితి మేస్టర్ గమాలియలు బాన్ వెనె మా అనిగొరింజి సీత్తి రూలుజి ఎలాగ లోబడొదెజ్ ఇజి నెగ్రెండ నెస్తానె పిరితా. మీరు విజిదెరె నేండ్రు ఎలాగ పటుదలదాన్ మన్నిదెరె అయ వజినె నానుబా యా రూలుజ్ వందిజ్ పటుదలదాన్ మహా.

4 నాను యేసుప్రబు మున్ను, నమ్మితి వరిజ్ మొగ్గొడొరింజ్, అయలి కొడొకాజ్ అసి తొప్పి జెలిదు ఇడెజి సానేండ మాలెజ్ కిత.

5 దన్ని వందిజ్, విజెరె ప్రజేరిజి మున్ను, పెరి ప్రజేరి, పెద్దెలుజు విజెరె నజీ సాసి ఆత మనార్. దమున్ను, పట్టుమదు మహి మా సొంత లోకురాతి యూదురు లొఇ మహి నమ్మితి వరిజ్బా అసి తొప్పి మాలెజ్ కిదెజి యెరూసలేమ్దు తతెజ్ ఇజి ప్రజేరిజి బాణిజ్ ఉత్తము. లొన్జి ఒతానె దమున్ను, పట్టుమదు మహి యూదురుబాన్ సాహ.

6 నాను పయనం కిజి దమున్ను, పట్టుండ్రు సొన్ని మహిజ్, మదినం వేడెజి, అగాసమ్దాన్ వెటని గొప్పు జాయ్ నా నుటులం డెయ్తాద్.

7 అయావలె నాను బూమి మున్ను, అర్తాన, ‘సవులు, సవులు, నీను ఎందానిజ్ నజీ మాలెజ్ కిజిని’, ఇజి నావెట ఉండ్రీ జాటు వాతిక వెహ.

8 ‘ప్రబు, నీను ఎయి’ ఇజి నాను వెన్బాత. వెన్బాతిజ్ వాండ్రు ‘నీను మాలెజ్ కిజిని నజరేతుదికాన్ ఆతి యేసునె నాను’, ఇజి నావెట వెప్తాన్.

9 నావెట సొన్ని మహికార్ అయ జాయ్ సుడొతార్ గాని నావెట వర్గితిమహివన్ని జాటు నెన్వితార్.

10 అయావలె నాను, ‘ప్రబు నాను ఇనిక కిదెజ్’ ఇజి వెన్బాతిజ్, ‘నీను నిజ్జె దమున్ను, పట్టుం సొన్వె. అబ్బి నీను ఇని పణి కిదెజ్ ఇజి నీ వందిజ్ నాను ఏర్పాటు కితికెజ్ విజా నిజి ఒరెన్ వెప్పానాలె’ ఇజి నావెట ప్రబు వెప్తాన్.

11 అయ సుడొదెజ్ అల్లెఇ నన్ని పెరి జాయ్ మహిజ్ నాను కణుకు తొరెదెజ్ అల్వెండొత. నావెట మహికార్ నా కికు అసి నడిపిసి దమున్ను, పట్టుమదు కూక్ తతార్.

12 అయావలె మొని సీత్తి రూలుజ్ లొజిజి, బక్కి మన్నికాన్ అననియ ఇనికాన్ ఒరెన్ బాన్ మహాన్. అబ్బి మహి యూదురు విజెరె యా అననియ, ఒరెన్ పల్కుబడి మన్నికాన్ ఇజి వెప్పి మహార్. వాండ్రు నా డగ్రు వాతాన్.

13 డగ్రు వాతండ్రె నా డగ్రు నిహండ్రె, ‘సవులునా, బేన్వె’, ఇజి వెప్తాజ్ వెటనె నాను బేస్తానె వన్నిజ్ సుడొత.

14 అయావలె అయ అననియ వెప్తాన్, ‘మా అనిగొరిం దేవుణు నిజి ఏర్పాటు కిత మనాన్. దేవుణు నిజి ఇని పణి వందిజ్ ఏర్పాటు కితాండ్రె అక్క నీను నెస్తెజ్. అందెజి నీను సుడొతిమహి, వెహిమహి నీతి నిజాయితి మన్నికాన్ నిజి ఏర్పాటు కితాన్.

15 ఎందనిజ్ ఇహిజ, నీను సుడొతికెజ్, నీను వెహికెజ్, విజా లోకాజ్ సొన్ని వెప్తాజ్, వన్నివందిజ్ ఉండ్రీ సానివజి నీను మంజిని.

16 ఏలు ఎందనిజ్ అలల్యమాజిని? నిజ్జె బాప్తిసం లాగ ఆల. యేసు పేరు అసి, పార్దనం కిజి నీ పావమకాణ్ నొరె ఆల’, ఇజి వెప్తాన్.

17 నాను యెరూసలేమ్దు మర్జి వాతానె దేవుణు గుడిడు పార్దనం కిజి మహా. పార్దనం కిజి మహిజ్ ఎద్దునె ఉండ్రీ దగ్రునం సుడొత.

18 అయ దగ్రునమ్దు నావెట, ‘నీను యెరూసలేం డిసి గజిబిజి సొన్వె. ఎందానిజ్ ఇహిజ నావందిజ్ నీను వెప్పి సాసి మీరు బమ్మకొడొవిరె’, ఇజి వెప్పి మహికా నాను సుడొత.

19 ప్రబు అయ మాట వెప్తాజ్ నాను, ‘నాను యూదురి మీటిజ్ ఇల్కాజ్ వరస సొన్ని మీ మున్ను, నమకం ఇట్టి వరిజ్ డెయ్జి జెలిదు ఇట్టా ఇజి వారు విజెరె బాగ నెనీనార్.

20 అక్కాదె అవిండ, నీవందిజ్ సాసి వెప్తా నైపానుజ్ నప్పివలె, నానుబా అక్క ఒప్పకొటనె వన్నిజ్ నప్పివరి సాల్వెజ్ కావ్కిజి మహాగదె’, ఇజి ప్రబు వెట వెప్తా.

21 గాని ప్రబు, ‘నీను సొన్వె, దూరం మన్ని దేసమ్దు బత్తిని యూదురు ఆజవరిబాన్ నాను నిజి షొక్కు’ ఇజి నావెట వెప్తాన్”.

పవులు రొమదిజ్ అక్కు అతికారి

† 21:40 21:40 యూదవరి బాస ఏత్రి బాస. యూద ప్రజేరిజు సద్వెతి మహి దేవుణు మాటెజ్ ఏత్రి బాసాదునె రాస్త మహాద్. వారు వర్గితి మాట అరామియ బాస

22 యా మాటదాక లోకుర పవులు వెంజి మహార. గాని యాక వెప్తాజ్, “నిన్ని వన్నిజ్ ఇడ్డాట్. విన్నిజ్ నప్పు. వీండ్రు బత్తిదెజ్ అవద్”, ఇజి వారు విజేర డటుం గగోలాత్తార.

23 ఈమా వారు గగోలాజి వరి సాల్వెజ్ కిసి విసీరతార దూల్లి అసి ఎగ్గిస్తార.

24 అయావలె ‘పవులుజ్ బారిగోడె: లోఇ తగల’ ఇజి రోమ సయనమది పెరి అతికారి ఆడ్ర సిత్తాన్. లోకు పవులు మున్ను ఎందానిజ్ ఈమా కోపం ఆతార గగోల్ ఆతార ఇజి నెన్ని వందిజ్ పవులుజ్ కొడ్డదాన్ డెయ్దెజ్ అయ అతికారి ఆడ్ర సిత్తాన్.

25 గాని పవులు డెయ్దెజ్ తోప్తాజ్ పవులు వన్ని డగ్గు మహి సదాతిపతివెట ఈమా వెనబాత్తాన్, “రోమదిజ్ అక్కు మన్నికాన్ అతి ఒరెన్ వన్నిజ్ తీరపు సివిండెన్ కొరడెదాన్ డెయ్దెజ్ రోమ రూలుజ్ వజి మిజ్ అతికారం మనాదా?”.

26 అయ సతాతిపతి యాక వెహండ్రె రోమ సయనమది పెరి అతికారిబాన్ సాహండ్రె ఈమా వెప్తాన్. “నీను ఇనిక కిదెజ్ నుడెజిని? వీండ్రు రోమదిజ్ అక్కు మన్నికాన్”, ఇజి వెప్తాన్.

27 అయావలె అయ పెరి అతికారి పవులుబాన్ వాతండ్రె, “నీను రోమదిజ్ అక్కుమన్నికిదెనా?”, ఇజి వెనబాత్తాన్. “ఒఒ”, పవులు ఇహన్.

28 దన్నిజ్ అయ పెరి అతికారి, “లాపు డబ్బు సిత్తానె యా రోమది అక్కు నాను పొందిత”, ఇహిజ్ పవులు, “నాను ఇహిజి పుట్టివలెహానె రోమదిజ్ అక్కు మన్నికాన్” ఇహన్.

29 అందెజి పవులు వెట డటిసి వెప్తాజ్ వాతికార వెటనె వన్నిజ్ డిశ్చ సితార. రోమదిజ్ అక్కుమన్ని వన్నిజ్ గొలుస్కాణిజ్ తోహాసిన్ మహ ఇజి నెసి అయ రోమ సయనమది పెరి అతికారి తియెలాత్తాన్.

పవులు యూద పెద్దెలజి నడిమి వర్గజనాన్

30 మహ్నా నాండిజ్, పవులు మున్ను యూదురు ఇని నేరం మొప్పారొ ఇజి నెన్దెజ్ అయ రోమ పెరి అతికారి ఆన ఆత్తాన్. అందెజి పవులు డిబిస్తాన్. పెరి పుజేరిజ్ ని సంహద్రి నజమదిజ్ కూకపిస్తాండ్రె ‘మిటిజ్ కినాట్’ ఇజి ఆడ్ర సిత్తాన్. వారు కూడెజి వాతివలె పవులుజ్ వరి ముందాల నిల్పాన్.

23

1 పవులు సంహద్రి నజమదివరిజ్ తినాజ్ నుడెజి ఈమా వెప్తాన్, “తంబెరిజాండె, గడిస్తి సాహి దినమీకు విజి నాను దేవుణు ఎద్రు నా గర్భం గదినవిండ మహా”.

2 అయావలె విజేరె పుజేరిజి మున్ను పెరి పుజేరి ఆతి అననియ పవులు డగ్గు నిల్పిమహివరివెట, “వన్ని వెయ్దు డెయ్అ”, ఇజి ఆడ్ర సిత్తాన్.

3 దన్నిజ్ పవులు, “నీను తెలాజ్ దూల్లి రాన్సి గోడె: * నన్నికి. దేవుణు నిజి డెయ్నాన్. మోసి సిత్తి రూలుజ్ తగితివజి నజి తీరపు కిదెజ్ నీను బస్సిమన్ని. గాని మోసి సిత్తి రూలుదిజ్ తగవిండ నజి డెయ్దెజ్ ఆడ్ర సిజినిదా?”, ఇహన్.

4 పవులుడగ్గు నిహికార. “నీను దేవుణు పెరి పుజేరిదిజ్ దుసలాడిజినిదా?”, ఇహన్.

5 దన్నిజ్ పవులు, “తంబెరిజాండె, వాండ్రు విజేరె పుజేరిజి మున్ను పెరి పుజేరి ఇజి నాను నెన్విత. మీ లోకాజ్ ఏలుబడి: కిసివరిజ్ దుసలాడిజినిక అవద్ ఇజి దేవుణు మాటదు రాన్ మనాద్ గదె”, ఇహన్.

6 యూద పెద్దెలజి పెరి నజమలొఇ సెగెండార పరిసయరు, సెగెండార సదుకయరు ఇజి పవులు నెస్తాన్. నెస్తాండ్రె వెనుక పవులు డటుం వెప్తాన్, “తంబెరిజాండె, నానుబా పరిసయ వాండ్రునె, పరిసయవన్నిజ్ పుట్టికాన్. దేవుణు సాతివరిజ్ నిక్కాన్ ఇజి నాను నమ్మిజి. అక్కు నాను ఎద్రు నుడెజి మంజి. దన్నివందిజ్ నామున్ను తప్పు మొప్పి తీరపు కిజినార్”.

7 పవులు యాక వెప్తావలె పరిసయరుజి సదుకయరుజి నడిమి గోడెబి పుట్టాద్. గోడెబి పుట్టాద్ వారు రుండి జటుజ్ ఆత్తార.

8 (ఎందానిజ్ ఇహిజి సాతికార మరజి బత్తిఎర్, దూతార సిల్లు, దెయమీకు సిలు ఇజి సదుకయరు వెప్పినార. పరిసయరు ఇహిజి అక్కిజ్ విజి మన్నె ఇజి వెప్పినార).

9 అయావలె అబ్బె గొప్ప గగోల్ ఆత్తాద్. పరిసయరులొఇ సెగెండార దేవుణు మోసిజ్ సిత్తి రూలుజ్ నెప్పిసినికార నిజిత్తార, “మాపు నుడెజిజ్, యా లోకు మున్ను ఇని తప్పుబా తోరెవద్. ఒరెన్ దూత గాని ఉండ్రె తోరెజ్ అట్ఇకాద్ గాని వన్నివెట వర్గిత్తాన్, ఇజి గోడెబిజ్ ఆత్తార.

10 వరి లొఇ గోడెబి లావాత్తిజ్ వారు పవులు కిన్ను విసిర్పారెను ఇజి తియెలాత్తాండ్రె అయ రోమ సయనమది పెరి అతికారి సయనమది వరిజ్ పోక్తాండ్రె పవులుజ్ వరి నడిమిహన్ లాగ్గి బారిగోడె: లొఇ తత్తెజ్ ఆడ్ర సిత్తాన్.

11 ఆ పొదెయ్ ప్రబు పవులు తోరె ఆతండ్రె, “దయరం మున్ను మన్అ. నీను యెరసలేమదు నావందిజ్ ఎలాగ సాసి వెప్తాదొ అయావజి రోమ పట్టుమదుబా సాసి వెహాఅ”, ఇజి వెప్తాన్.

పవులు సప్తెజ్ యూదురు కుట్టె కిత్తార

12 మర్న నాండిజ్ పెందల సెగెండార యూదురు కూడితార, ‘మాటు పవులు నవవిండ ఉండెజ్ తిండ్రెజ్ అవద్’ ఇజి ఒట్టు కిత్తార పవులు సప్తెజ్ ఇజి పూర్తి తెగిస్తార.

13 పవులుజ్ సప్తెజ్ అలోసనం కిత్తికార నల్పయం మున్ను మొగావారు మహార.

14 వారు పెరి పుజేరిజిబాన్ పెద్దెలుబాన్ సాహార వెప్తార, “మాపు పవులుజ్ నవవిండ ఇనికబా తిన్వివ్ ఉణివ్, ఇజి గటిజి ఒట్టు కిత మహావ్.

* 23:3 23:3 పవులు కోపమాజి వెప్తా మాటిజ్

15 అందెజె మీరు, సంహృద్ది నజమదికార విజేరె కూడఁజి రోమ నయనమది పెరి అతికారి వన్నిజ్ కల్లు పోక్త. అక్క ఇనిక ఇహిజ, పవులు మరి మాబాన్ రపిన్ ఇండ్రు. వన్నివెట మరి వర్గిజి వన్ని వందిజ్ మాపు విజు నెన్జె ఇజి నాటిసాన్ట్. వాండ్రు ఇట్టె అందివండని మాపు వన్నిజ్ సప్తెజ్ తయారాజి మనాప్.

16 గాని పవులుజ్ బణిజి అతికారి యాక నెస్సాండ్రె నెల్లు లోస్సాండ్రె బారిగోడఁ లోజు సాన్ని పవులుజ్ వెప్సాన్.

17 అయావరి పవులు సదాతివతిరిలోజు ఒరెన్ వన్నిజ్ కూక్రాండ్రె, “యా దక్షడెజ్ రోమ నయనమది పెరి అతికారిబాన్ ఒ.అ. పెరి అతికారి వెట వన్నిజ్ ఉండ్రె మాట వెప్సాజ్ మనాద్” ఇహాన్.

18 వెప్సాజ్ అయ సతాతివతిరి అయ దక్షడెజ్ పెరి అతికారిబాన్ ఒ.అ. బతండ్రె, “జెలిదు మన్ని పవులు నజి కూక్రాండ్రె యా దక్షడెజ్ మీబాన్ ఒ.అ. ఇజి వెప్సాన్. యా దక్షడెజ్ మీ వెట ఇనికాదో వెప్సాన్”, ఇజి వెప్సాన్.

19 అయ పెరి అతికారి అయ దక్షడెజ్ కీదు అస్సాండ్రె ఉండ్రె వడఁకాద్ ఒ.అ. “నా వెట వెప్సాజ్ ఇని మాట మనాద్?”, ఇజి వన్నిజ్ వెన్బాతాన్.

20 వెన్బాతిజ్ అయా దక్షడెజ్ యెన్, “విగహిజ్ పవులుజ్ సంహృద్ది నజం నడిమి తని వన్నివందిజ్ మరి నెన్జె ఇజి నాటిసి వన్నివెట మరి వర్గిడెజ్ నీబాన్ నెలవ లొన్జె ఇజి యూదురు ఒవుకొట మనార్.

21 గాని నీను వరిజ్ సరి సీమ. ఎందానిజ్ ఇహిజ నలవయ మణిసిరిజ్ మున్సు, మొగావారు, పవులు నవ్వింజ మాటు ఉండెజ్ తిండ్రెజ్ అవిద్ ఇజి ఒట్టు కితారి వన్ని వందిజ్ సరిదు నుడఁజినార్. వారు వన్నిజ్ సప్తెజ్ తయారాత మనార్. మీమాటదిజ్ కాపకిజినార్” ఇహాన్.

22 యాక వెహండ్రె అయ పెరి అతికారి, “నీను నజి యాక వెప్సా ఇజి ఎయెజ్బా వెహు”, ఇజి గటిజి వెప్సాండ్రె అయ దక్షడెజ్ యెనుజ్ పోక్తాన్.

23 వెనుక అయ పెరి అతికారి నదాతివతిరి లోజి రివిరిజ్ కూక్రాండ్రె, “యా పొదోయ తొమ్మిది గంటిజి కయసరియ దాక సాండ్రెజ్ తయార్ ఆదు. రుండి వందిజ్ నయ్యమదికార్, డబయమణిసిరి గుర్రమదాన్ సాని నయనమదికార్, రుండి వందిజ్ బల్లెమకు అస్సికార్ సాండ్రెజ్ వరి.

24 పవులుజ్ ఎకిసి ఒ.అ. గుర్రమకు సీదు. వన్నిజ్ గవర్నరు ఆతి పేలిక్కుబాన్ ఇని ప్రమాదం రెవింజ ఒ.అ. ఇజి వెప్సాన్.

25 అయ పెరి అతికారి ఈమా ఉండ్రె ఉండ్రె రాస్సాన్,

26 “కవుదియ లూనియ ఆతి నాను గొప్ప పేరు మన్ని పేలిక్కు గవర్నరిజ్ వందనమకు వెప్పిన.

27 వన్నిజ్ యూదురు అస్సారి సప్తెజ్ నుడఁజిజ్ నాను నా నయనమదివరివెట వాతాని వన్నిజ్ గెలిప్పెన్. ఎందనిజ్ ఇహిజి వీండ్రు రోమదిజ్ అక్కుమన్నికాన్ ఇజి నాను నెస్స.

28 వని మున్సు యూదురు ఎందనిజ్ నేరం మొప్పినార్ ఇజి నెన్జె నాను వన్నిజ్ యూదురి సంహృద్ది నజమి నడిమి ఒ.అ.

29 ఒ.అ.జ్, యూదురి రూలుజలోజు మన్ని ఇనికెజ్ వందిజ్ వారు వన్నిజ్ నేరం మొప్తార్ గాని, సప్తెజ్, జెలిదు పోక్తెన్ తగితి తప్పుజ్ తోరిఉ.అ.

30 వన్నిజ్ సప్తెజ్ ఇజి యూదురు కుట్ట కిజినార్ ఇజి నాను నెస్సాని వెటని వన్నిజ్ నీబాన్ పోక్తిన. వని మున్సు నేరం మొప్తికారిబా నీబాన్ వాజి వన్ని మున్సు, మన్ని నేరమకు విజు వెహెజ్ నాను వరిజ్ ఆడ్ర సిత్త”.

31 అయ రోమ నయనమది పెరి అతికారి ఆడ్ర సిత్తిరికెండ్ నయనమదికార్ పవులు ఆ పొదోయెన్ అంతివతిరి ఇని పట్టుమదాక కూక్ ఒ.అ.

32 మహు నాండిజ్ వారు పవులు గుర్రమకు అస్సి నయనమది - వరివెట పోక్తార్ మహికార్ మరజి వాతార్.

33 వారు కయసరియదు అందితిజ్ అతికారి పోక్తి ఉత్తం గవర్నరిజ్ సితార్. పవులుజ్బా గవర్నరుబాన్ ఒవజెప్తార్.

34-35 గవర్నరు అయ ఉత్తం నద్వితాండ్రె పవులు వెట, “నీను ఎమెణి ప్రాంతమదికి”, ఇజి వెన్బాతాన్. “కిలికియదికాన్”, ఇజి వెప్సాజ్, “నీ మున్సు నేరం మొప్తికార్ వానివరి నీ నజతి నూణ ఇజి వెప్సాన్. పవులు హేరీదు రాజు పెరిఇండ్ర ఇడెజి కాప కిజి మండ్రెజ్ ఆడ్ర సిత్తాన్.

24

పేలిక్కు గవర్నరుబాన్ పవులు నిల్పినాన్

1 అయదు రోస్సు సాహిజ్ విజిరె పుజిరిజి మున్సు పెరి పుజిరి ఆతి అననియ, వన్నివెట నెగొండార్ యూద్ పెడ్డెలుజు, తెర్తల ఇని ఒరెన్ తగ్గు వర్గినికాన్, డిగు మన్ని కయసరియాదు వాతార్. వాతార్ పేలిక్కు గవర్నరుబాన్, పవులు వందిజ్ మొప్తి నేరమకు వెప్సాన్.

2-3 పవులుజ్ కూక్కిసి కోర్దుదు నిల్పాన్. అయావరి తెర్తల ఇని తగ్గు వర్గినికాన్ పవులు వందిజ్ ఈహా నేరం మొప్తెజ్ మొదోల్పాన్, “పెరి పేరు మన్ని గవర్నరు ఆతి పేలిక్కు, నీను నండ్రె కాలం విలుబడిఁ కిజినిజ్ మాపు నమదానమదాన్ మంజి - నాప్. మా జాతివందిజ్ మీరు బాగ కిత్తిజ్ మజి నెగ్రిండ బత్తిదిజ్ అవసరం ఆతికెజ్ విజు మన్నె. మాపు విజెమ మీరు కిత్తి యా నెగ్రి వణిదిజ్ ఒప్పుకోడఁజి నిజి వందనమకు వెప్పినాన్.

4 గాని నాను నీ వణిదిజ్ అడ్డు కివింజ, మాపు ఎందానిజ్ మీబాన్ వాతాహ అయ నజతి వందిజ్ వర్గిన. దయ కిజి వెన్.అ.

5 యా పవులు గొప్ప గొడఁబ కినికాన్. లోకం విజు యూదురి నడిమి గొడఁబెజ్ రేప్పికాన్. వీండ్రు నజరేతుది జటుదిజ్ నెయ్య. యాక విజు మాపు నెసినాన్.

6-7 వీండ్రు యెరూసలేమదు మన్ని దేవుణు గుడిదిజ్ మయ్య కిదెజ్బా నుడఁజాన్. అందెజె మాపు వన్నిజ్ అస్సాప్. గాని రోమ నయనమది పెరి అతికారి లూనియ వాతండ్రె మాబాణిజ్ వన్నిజ్ లాగితాన్.

8 నీను వన్నిజ్ వెన్బా.అ. మాపు వన్నివందిజ్ వెప్పికెజ్ విజు నిజమె ఇజి నిజి నెన్జె ఆనాద్”.

9 తెర్తల వెప్సా మాటిజ్ విజు నిజం ఇజి బాని వాతిమహి యూదురుబా ఒప్పుకోబార్.

10 పవులు వర్గిదెజ్ గవర్నరు నయన కిత్తిజ్ పవులు వర్గిదెజ్ మొదొల్స్తాన్, “గవర్నర్ ఆతి పేలిక్కు, నీను నండొ పంటిజ్ యా యూదురి లోకాజ్ నెగ్రెండ విలుబడి: కిజిమహి. అందెజ్ నాను దయరమ్దాన్ వెప్పిన.

11 నాను యెరూసలేమ్దు దేవుణు గుడిడు పార్సం కిదెజ్ సోహిజ్ విలు వనెండు రోస్కునె ఆతె ఇజి విరిజ్ వెనబాతిజి నీను నెస్సి.

12 దేవుణు గుడి: లోఇబా, యూదురి మీటిజ్ ఇండ్రెబా, పట్టమదుబా నాను ఎయెన్ వెటబా లోకురిజ్ నెక్తి పొక్తిక, జుటు కిజి రేప్పిక, ఇనికబా యూదురు సుడేవితార్.

13 విలు నాపందిజ్ వీరు వెప్పికెజ్ నిజం ఇజి రుజువ్ కిదెజ్ వీరు అట్వెర్.

14 గాని నాను ఉండ్రె నిజం మాట వెప్తా. అక్కు ఇనిక ఇహిజ. నిజం ఆవద్ ఇజి వీరు వెప్పిన బోదవజి నాను నడిజెన. ఆహా నడిజె దేవుణు మోసాజ్ సీత్తి రూలుజ్ వజి విజి, ప్రవక్తరు రాస్తికెజ్ విజి నాను నమ్మిజి మా అనిగొగర్ పొగడిజి మాడిస్తి దేవుణుదిజ్ పార్సం కిజిన.

15 వీరు నమ్మినవజి నెగ్గెకార్, నెఇకార్ విజెరె సాతి వరిబాణిజ్ మరజి నిజ్నార్ ఇజి నానుబా దేవుణుదిజ్ నమ్మిజి ఆనదాన్ ఎర్దు సుడేజెన.

16 అందెజ్ నాను, దేవుణు ఎర్దుగాని, లోకుర్ ఎర్దుగాని నా గర్సం గదిన్విండ మండ్రెజ్ సుడేజెన.

17 నెగం పంటిజ్ సోహి వెనుక విలు నాను నా సొంత జాతిజ్ సాయం కిదెజ్, దేవుణు గుడిడు పూజి కిదెజ్ యెరూసలేమ్దు వాత.

18-19 దిన్ని వందిజ్ నాను దేవుణు గుడిడు సోహిమహిజ్, సుబ్బరం ఆతి వెనుకానె యూదురు నజి బాన్ సుడేతార్. అయావలె నావెట మంద లోకుర్ ఎయెర్ నిల్లెతార్. ఇని గొడేబ జర్గివితాద్. గాని నాను బాన్ మహివలె ఆనియ దేనెమ్దాన్ వాతిమహి నెగొదార్ యూదురు, బాన్ మహారె నా ముస్కు గొడేబ ఆతార్. నా ముస్కు వరిజ్ ఇని నేరం మహిజి వారి వాజి నీ వెట వర్గిదెజ్.

20 సిలిజి నాను సంపాద్రి సజమదు వర్గిజి మహిజ్ ఇని తప్పు వర్గిత ఇజి వీరు వెహిర్.

21 గాని ఉండ్రె మాట నాను వెప్తా. అక్కు ఇనిక ఇహిజ, సాతి లోకుర్ మరజి బత్తినార్ ఇజి నమ్మినవందిజ్ మీరు నేండ్రు నజి తీర్పు కిజినిదెర్ ఇజి నాను బాన్ డటం వెప్తా మహి”.

22 పవులు వెప్తి బోదవందిజ్ గవర్నరాతి పేలిక్కు నెగ్రెండ నెస్ మహాన్. అందెజ్ వాండ్రు, “రోమ నయనమది వెరి అతికారి ఆతి లూనియ వానివలె తీర్మానం కిన”, ఇజి వెప్తాండ్రె అయ సర్దు మీటిజ్ ముగిస్తాన్.

23 వెనుక పవులు జేలిదు ఇడేజి వన్నిజ్ కాపు ఇడేదెజ్ సదాతిపతిజ్ ఆడ్రె సిత్రాన్. వన్ని లోకుర్ వాజి వన్నిజ్ సుడేజి వన్నిజ్ సాయం కిదెజ్ అడ్డు కిమాల్ ఇజి ఆడ్రె సిత్రాండ్రె వన్నిజ్ కండెక్ సరి సిత్రాన్.

24 నెగం రోస్కు సోహిజ్ పేలిక్కు వన్ని ఆతి ధ్రుసెలవెట వాతాన్. అది యూదురి అయెలి కొడే: పేలిక్కు పవులుజ్ కూకేప్పినాన్. యేను క్రీస్తు ముస్కు మన్ని సమకంవందిజ్ పవులు వెప్పికెజ్ వెంజి మహాన్.

25 గాని పవులు సరియాతి వణి కిని వందిజ్, మన్నుదిజ్ అణెనె ఆజి ఇడ్డివందిజ్, దేవుణు, లోకుర్ ముస్కు, కిని తీర్పువందిజ్ గటిజి వర్గిదెజ్ పేలిక్కు తియెలాతాండ్రె, “ఆనె, విలు సాన్అ. మరి ఒర్దు టయం మహివలె కూకేప్పిన”, ఇజి వెప్తాండ్రె పోక్తాన్.

26 పవులు నజి డబ్బు సీనాస్సు ఇజిబా పేలిక్కు ఒడిబడిబితాన్. అందెజ్ పవులు మాట మాటదిజ్ కూకేప్పినాండ్రె వన్నివెట వర్గితాన్.

27 రుండి పంటిజ్ సోహిజ్, పేలిక్కు వెనుక పోర్కియం పెస్టు ఇనికాన్ గవర్నరు ఆతాన్. పేలిక్కు యూదురిజ్ సర్ల కిబిస్తెజ్ పవులుజ్ జెలిదునె ఇట్టాన్.

25

పవులు పెస్టు ఎర్దు నిల్పినాన్.

1 పోర్కియం పెస్టు అయ ప్రాంతమెదిజ్ గవర్నరు ఆజి మూండ్రె రోస్కు సోహిజ్ వాండ్రు కయెసరియాదాన్ ఎక్కి యెరూసలేమ్దు సోహాన్.

2 బానె వెరి పుజెరిజు యూదురి వెద్దెలుజు పవులు ముస్కు మహి తప్పుజవందిజ్ గవర్నరుజ్ వెప్తార్.

3 “దయ కిజి పవులు యెరూసలేమ్దు పోక్తా”, ఇజి వారు గవర్నరుబాన్ నండొ సుట్టు బతిమాళితార్. ఎందానిజ్ ఇహిజి పవులుజ్ సర్దు సప్పావ్ ఇజి వారు కుట్టి కిజి మహాన్.

4 గాని గవర్నరు, “పవులు కయెసరియాదు కావ్ ఇట్టా మనాద్. నాను వెటనె బానె సాస్సిన.

5 అందెజ్ మీలోఇ మన్ని వెరిలోకుర్ నావెట బానె సాండ్రెజ్. పవులు ముస్కు ఇని తప్పుబా మహిజి వీరు కోర్టుదు నేరమకు తోర్నెజ్ ఆనాద్” ఇహాన్.

6 గవర్నరు వరివెట ఎనిమిదినొ పది రోస్కునొ మహి వెనుక, డి:గు కయెసరియాదు సోహాన్. మహ్నా నాండిజ్ కోర్టుదు సోహాండ్రె తీర్పు కిదెజ్ ఇజి, తీర్పు కినిబాన్ బస్తాన్. ‘పవులు కోర్టుదు తగాల్’ ఇజి ఆడ్రె సిత్రాన్.

7 పవులు వాతిజ్ యెరూసలేమ్దాన్ డి:గు వాతి యూదురు వన్ని సుటులం నిహార వన్ని ముస్కు నండొ రకమది బల్మె ఆతి తప్పుజ్ మొస్తార్ గాని అక్కెజ్ నిజం ఇజి రుజువ్ కిదెజ్ వారు అట్వెతార్.

8 పవులు, “నాను యూదురు రూలుజ్ వందిజ్ గాని, యెరూసలేమ్దు మన్ని దేవుణు - గుడివందిజ్ గాని, రోమ దేనెమ్దిజ్ విలుబడి: కిని కయెసరువందిజ్ గాని ఇని తప్పుబా కివిత”, ఇజి వన్ని వందిజ్ వాండ్రె వెప్తాన్.

9 నాను నెగ్గికాన్ ఇజి యూదురు ఒడిబిదెజ్ ఇజి గవర్నరు నుడేతాన్. అందెజి వాండ్రు పవులు వెట వెన్బాతాన్, “యెరూసలేముదు సొన్ని బానె నీ వందిజ్ వీరు వెప్పికెజ్ నిజమన్ అబద్దమన్ ఇజి నాను తీర్పు కిదెజ్ నీను బప్పుకోడిజినిదా?”.

10 దన్నెజ్ పవులు, “రోము రాజు ఆతి కయనరుది కోర్డుదు నిల్పిన. యా కోర్డుదునె నజి తీర్పు కిదెజ్. యూదురిజ్ ఇని తప్పుబా నాను కివిత. అక్క నీను నెగ్గెండ నెన్నిగద.

11 నాను ఇని రూలుదిజ్బా తప్పజ, సొప్పుదిజ్ తగితి పణి కిత ఇహిజ, సిక్కదాన్ తప్ప అదిజ్ నాను నుడేవి. గాని నా మున్ను వీరు వెప్పికెజ్ నిజం ఆడ ఇహిజ నజి వరిజ్ ఒపజెప్పెజ్ ఎయెరిజ్బా అక్కు సిల్లెద్. నాను రోము పెరి రాజు ఆతి కయనరుబాన్ సొండ్రెజ్ ఆజిన”, ఇహాన్.

12 అయావలె గవర్నరు వన్నివెటమహి లోకుర్ వెట వర్గితాండ్రె పవులుజ్, “నీను కయనరుబాన్ సొన్ని వెప్టెజ్ ఇజి వెప్టె. అందెజి కయనరుబాన్ సొన్అ”, ఇహాన్.

పెన్ను అగ్రిప రాజు వెట పవులువందిజ్ వెప్పినాన్

13 నెగం రోన్ను సొహి వెనక రాజు ఆతి అగ్రిప *వన్ని తజిసి ఆతి బెర్నికయువెట కొత్త గవర్నరు ఆతి పొర్నియు పెన్నుజ్ మాడిస్టెజ్ కయనరియూదు వాతార్

14 వారు పెన్నువెట నండో రోన్ను మహర్. మహిజ్ పెన్ను పవులు వందిజ్ రాజు వెట వర్గితాన్, “గవర్నరు ఆతి పేలిక్కు పవులు ఇని ఒరెన్ వన్నిజ్ జెలిదు ఇడిస్సాన్.

15 నాను యెరూసలేముదు సొహివలె, యూదురి పెరి పుజేరిజు, పెద్దెలుజు విని మున్ను, నేరమకు మొప్పారె సిక్కనిఅ ఇహార్.

16 దన్నెజ్ నాను వరివెట వెప్టా, ‘రోము అలవాటు ఇహిజ, నిందెజ్ మొప్పికార్ ఎయెన్ మున్ను, తప్పు మొప్పారో, వాండ్రు వాజి వరి నడిమి వన్ని వందిజ్ వర్గిదెజ్ అవకాసం సివిండ ముందాల్పొ తీర్పు కిదెజ్ అవద్’ ఇజి.

17 అందెజి వారు నావెట ఇబ్బి వాతివలె నాను ఆలెసం ఆవిండ ముర్ననాడిజ్నె సర్దు కూడిష్టానె పవులు నాముందాల తప్పెన్.

18 నేరమకు మొప్పికార్ నిహివలె నాను ఒడిబిత్తిరికెండో వారు నేరమకు లోఇ ఉండ్రె నేరంబా వన్ని మున్ను మొవ్వితార్.

19 ఇహిజ, వరి మతంవందిజ్, సొతి సొహి యేను ఇని ఒరెన్వందిజ్ పవులు వెట గొడిబె ఆతికాదె తోరితాద్. పవులు ఇహిజ యేను బత్తిజినాన్ ఇజి వెప్పినాన్.

20 యా నజతివందిజ్ మరి ఇనిక కిదెజ్ ఇజి నెన్విండోతానె నాను పవులు వెట, ‘నీను యెరూసలేముదు సొన్ని బానె దిన్ని వందిజ్ తీర్పు తీరినె అదిజ్ మున్ను ఆజినిదా?’, ఇజి వెన్బాత.

21 గాని పవులు, ‘రోము రాజు ఆతి కయనరు నజి తీర్పు కిదెజ్’ ఇజి వెప్టెజ్ నాను వన్నిజ్ కయనరుబాన్ పొక్కేండ ఇబ్బి జెలిదునె ఇడెదెజ్ అడ్ర సిత్త”.

22 అగ్రిప రాజు పెన్నువెట, “అయ పవులు వెప్పికెజ్ వెండ్రెజ్ నాను ఇష్టమాజిన” ఇహిజ్, “విగిహిజ్ నీను వెండ్రెజ్ ఆనాద్”, ఇహాన్.

పవులు అగ్రిప రాజు ఎర్దు నిల్పినాన్

23 మహ్నా నాండిజ్ అగ్రిప రాజుని, వన్ని తజిసి ఆతి బెర్నికయు రాజు వర్గిని అతికారం ఇండ్రె వాతార్. వారు ఎసా గొప్ప పెరికార్ ఇజి తోరిసి కర్పు ఆతి రాజురి సొక్కెజ్ ఇట్కిజి, బజారం, వెండి ఇడ్డిజి రోము నయనముది పెరి అతికారి లోకుర్ వెట, పట్టుముది ముకెలమతివరివెట వాతార్. వాతార్ పవులుజ్ తగల ఇజి పెన్ను అడ్ర సిత్తిజ్ ఇమానుజ్ సొహారె పవులుజ్ వరి నడిమి తతార్.

24 అయావలె పెన్ను వెప్టాన్, “అగ్రిప రాజు, మాబాన్ కూడిజి వాతిమహి విజు లోకాండె, మీరు యా పవులు నుడేజినిదెర్. యెరూసలేముదు మరి ఇబ్బిబా యూదురు విజేరె పిండ్రు బతకినిక ఆవిద్ ఇజి గగోలాత్తారె నావెట పిరాడ్ కిత్తార్.

25 గాని సొప్పుదిజ్ తగితిక ఇనికబా పిండ్రు కివతాన్ ఇజి నాను నెస్సానె రోము రాజుబాన్ సొండ్రెజ్ పిండ్రు వెప్టెజ్ రోము రాజుబాన్ సొన్ని తీర్పు ఆపిద్ ఇజి నాను తీర్మానం కిత.

26 గాని నాను రోము రాజుజ్ విన్నివందిజ్ ఇనిక రాన్సి పొక్కెజ్ ఇజి తోర్విత. తీర్పు కిదెజ్ తగితిక ఇనికబా విని మున్ను సిల్లెద్. అందెజి మీరు విజెరె నడిమిని, అగ్రిప రాజు, నీ నడిమిబా విన్నిజ్ తత్తు మున్ను. మాపు విన్నివెట వర్గితెవనుక ఇనికబా రాన్సిజ్ నెస్సాను.

27 తొప్పి అని తీర్పు కిదెజ్ పొక్కివన్నిమున్ను. ఇని నింద మోప్ప మనాద్ ఇజి వెహవిండ వన్నిజ్ కయనరుబాన్ పొక్కెజ్ ఆవిద్ ఇజి నాను నెస్సా”.

26

1 అగ్రిప రాజు పవులుజ్ నుడేజి, “ఏలు నీ వందిజ్ వర్గిదెజ్ నాను సరి సీజిన”, ఇజి వెప్టాన్. అయావలె పవులు కియు సొప్పాండ్రె వన్ని వందిజ్ వాండ్రె ముదాయి ఇజి మొదోల్నాన్,

2 “అగ్రిప రాజు, యూదురు నా మున్ను మొప్పి నేరమకు నిజం ఆవిద్ ఇజి నావందిజ్ నీ ఎర్దు వర్గిదెజ్ నాను గొప్ప సర్ద ఆజిన.

3 ఎందానిజ్ ఇహిజ యూదురి అలవాటుజ్ విజు వరి గొడిబెజ్ విజు నీను బాగ నెనికి. అందెజి దరు కిజి నా మాట ఒరిసి వెండ్రు.

4 ఇజిరిపలెహాన్ అని నాను ఎలాగ మహ ఇజి, నా సొంత లోకుర్ నడిమి, నా సొంత దేసముదు, యెరూసలేముదుబా, ఎలాగ బత్తిజి మహ ఇజి, యూదురు విజేరె బాగ నెనినార్.

* 25:13 25:13 యూదరుదేసముదిక ఎక్కు వన్ని ప్రాంతముకాజ్ పిండ్రు రాజు

5 మా మతముదు పరిసయేరి జబుదికార ఉండ్రి రూలుబా తవ్వంద నీతి నిజాతిదాన్ నడిసార. వరి లోఇ ఒరెన్వజ నాను బత్తిజి ముహ ఇజి వారు నాపందిక్ సాసి వెహైజ్ ఇహిజ, సాసి వెహైజ్ అటనార. ఎందనిక్ ఇహిజ, వారు మొదోహన్ అసి నజి నెసిసార.

6 ఏలు ఇహిజ, దేవులు మా అనిగోగర్ వెట, సీనా ఇజి కిత్తి ఒట్టుదిజ్ ఎద్దునుడేజి మహీదన్నివందిక్ నజి తీర్పు కిజినార.

7 మా వస్సొండు తేగ్గదికారో యా ఒట్టువందిజె ఎద్దు సుడేజి దేవుణుదిక్ రెయు పొగల్ డిసేవంద పార్లనం కిజి ముజినార. ఓ రాజు, నానుబా ఆసదాన్ ఎద్దు సుడేజి ముజినిదన్నివందిజె యూదురు నా మున్ను నేరం మొప్పినార.

8 సాతివరిక్ దేవులు నిక్సాన్ ఇజి నమ్మిదిజ్ మాపు అట్వమ్ ఇజి మీరు ఎందనిక్ వెప్పినాదెర్?

9 నజరేతుదికాన్ యేనువందిక్ వెహైమని విజు దన్నిక్ నెక్కిపొక్తెక్ నాను అట్టి వజి విజు కిదెక్వల ఇజి నానుబా ముందాల ఒడిబిజి మహ.

10 అయావజని నాను యెరూసలేమ్దు కిత. పెరి పుజేరిక్ నజి అతికారం సిత్తిక్ నాను దేవుణుదిక్ కేట అతి నండొండొరిక్ జెలిదు ఇట్టా. అక్కాదె అవంద, వరిక్ సప్తైక్ తీర్మానం అతిక్ 'నానుబా ఒప్పుకోడేజి', ఇజి వెహై.

11 నాను నండొ సుట్టు యూదురి మీటిక్ ఇల్లాక్ ఇల్లాక్ సొన్ని నమ్మితి వరిక్ గొప్ప మాలెక్ కిత. యేను మున్ను, నమకం ఇడ్వీవ్ ఇజి వారు వెప్పాదాక్ నాను బలవంతం కిత. అక్కాదె అవంద వరి మున్ను ఒదె కోపం ఆతాని, ఆఇ పట్టుమ్కాజ్బా సాహని బాసబా మాలెక్ కిత'.

పవులు ఎలాగ యేనుప్రబుక్ నమ్మితికాన్ ఆతాన్ ఇజి వెప్పినాన్

12 "అహ నాను ఒర్పు, పెరి పుజేరిబు సిత్తి అతికారమ్దాన్ ఆడ్రదాన్ దమన్ను పట్టుమ్దు సొన్ని మహ.

13 ఓ రాజు, మదెనె అతివలె సద్దు సొన్ని మహివలె, అగాసమ్దాన్ వాతి పెరి జాయ్ సుడేత. అయ జాయ్ పొద్దు జాయ్ ఇకం పెరి జాయ్. అక్క నజి సుటులం, నావెట మహిపరి సుటులం డెయ్తాద.

14 మాపు విజెవె బూమిదు అర్దామ్. అయావలె, 'సవులు, సవులు, నీను నజి ఎందనిక్ మాలెక్ కిజిని? ముల్లు డుడ్డుదాన్ గుతివలె మరెజి వెనుక గుని అతిజ నండొ కన్టం తప్పిన్సి', ఇజి అరామియ బాసాదు వెహై మాట నాను వెహ.

15 'నీను ఎయి, ప్రబు', ఇజి నాను వెన్బాతిక్, 'నీను మాలెక్ కిజిని యేను నానె' ఇజి ప్రబు నావెట వెహైన్.

16 'ఏలు నిజ్జెనిలెఅ. నాను ఎందనిక్ నిజి తోర ఆత ఇహిజ, నాపందిక్ వజి కిదెక్, నాపందిక్ నేండ్రు సుడేతికెక్ విజెరిక్ వెప్పి, వాని కాలమ్దు నాను నిజి తోరిస్సికెక్ విజెరిక్ వెప్పి నజి ఉండ్రి సాసివజ మండ్రెక్ నిజి నాను వేరపాటు కిజన.

17 ఇస్రాయేలు లోకాణిక్ నిజి నాను గెలిపెన్న. యూదురు ఆఇ లోకాణిక్ గెలిపెన్న. యూదురు ఆఇవరినడిమి నాను నిజి పొక్కు.

18 ఎందనిక్ నిజి పొక్కిన ఇహిజ, వారు సీకటిదాన్ జాయ్దు వాజి వరి కణికెక్ తోర ఆదెక్. వరిక్ నయ్తాన్ సత్తుహాన్ దేవుణు దరోట్ మహైజ. నా మున్ను నమకం ఇడేజ, వరి పాపమ్కు నొరె ఆదెక్. నాపందిక్ కేట అతి వరివెట కూడేజి మండ్రెక్. దిన్నివందిజె నిజి వరి నడిమి పొక్కిన' ఇజి ప్రబు నావెట వెహైన్.

19 అందెజి ఓ అగ్రివ రాజు, నాను అగాసమ్దాన్ వాతి అయ మాటిజ లోజేత్త.

20 లోజేత్తానె తొలిత దమన్ను పట్టుమ్దు, వెనుక యెరూసలేం పట్టుమ్దు, మరి యూదయ ప్రాంతం విజు, యూదురు ఆఇ వరిక్బా నెప్పిన్. ఇనిక నెప్పిన్ ఇహిజ, విజెర్, పాపమ్కు డిసే దేవుణు దరోట్ మద్దు ఇజి. పాపమ్కు డిసేసిత్తిదన్నిక్ తగితికెక్ నెగ్గె పజిక్ కిదు ఇజి.

21 నాను ఈహా నెన్పిన్సి దన్నివందిజె యూదురు నజి యెరూసలేమ్దు మన్ని దేవుణు గుడియు సుడేతార నజి అస్సార సప్తైక్ సుడేతార.

22 గాని గడేస్తి సాహి కాలం విజు దేవుణు నజి తోడూ మహాన్. అందెజి నాను ఏలు ఇబ్బె నిల్లి తక్కువరివెట, పెరివరివెట నిజం వెప్పిన. వాని కాలమ్దు ఇనికెక్ జర్గినెలె ఇజి ప్రవక్తరుని, మోసా వెహైకెజె నానుబా వెప్పిన.

23 అక్సాక్ ఇనికెక్ ఇహిజ, క్రిస్తు నండొ మాలెక్ ఆజి సాతాన్. సాతి వరిబాణిక్ తొలిత నిజ్నాన్. నిజ్జె, యూదురిక్, యూదురుఆఇవరిక్ దేవుణు - దరోట్ సొండ్రెక్ జాయ్ తోరిస్సాన్'.

24 పవులు ఈహా, వన్ని వందిక్ వర్గిజి మహిక్ పెన్దు, "పవులు, నీను వెరి వాండ్రు. నండొ నదు కిత్తిక్ అక్క, నిజి వెరి కిటినిసార", ఇజి డటం వెహైన్.

25 దన్నిక్ పవులు, "గొప్ప వరికాన్ ఆతి పెన్దు, నాను వెరి వాండ్రు అవ. నాను నెగ్గిబుద్దిదాని నిజం వెప్పిన", ఇహాన్.

26 "రాజు యా నజతిజ వందిక్ నెసిసార. అందెజి వన్నివెట దిన్ని వందిక్ నాను అడ్డు సిల్లెండ వర్గిజి. దిన్ని వందిక్ ఇనికబా వన్నిక్ డాజ్జె మనిక సిల్లెద. ఎందనిక్ ఇహిజ, జర్గితికెక్ విజు ఉండ్రి మూల వడేకాద జర్గివతాద.

27 ఓ రాజు, ప్రవక్తరిమాటిక్ నీను నమ్మిజిని ఇజి నాను నెస్సా'.

28 దన్నిక్ రాజు, "నిస్సా సులువుదాన్ నజి క్రిస్తు లోకు కిదెక్ ఇజి నీను నజి ఒపిసినిదా?", ఇహాన్.

29 "సులువుదాన్ అలస్యమ్దాన్ నీను ఒరిదె అవ, నేండ్రు నజి వెంజినికారో విజెర్ నా వజి ఆదెక్ ఇజి నాను దేవుణుదిక్ పార్లనం కిజి. గాని నా వజి గోల్స్కాణిక్ తోహా ఆదెక్ పార్లనం కివి", ఇజి పవులు వెహైన్.

30 అయావలె రాజు, గవర్నరు, బెర్నిక్, వరివెట బస్సి మహికారో విజెర్ నిజ్జెత్తార.

31 వారు వెల్లి వాతార, "వేండ్రు సాపందిక్ గాని, తోహా ఆదెక్ గాని తగితి వజి ఇనికబా కివితాన్", ఇజి ఒరెన్ వెట ఒరెన్ వర్గితాన్.

32 "వేండ్రు 'కయ్సరు రాజుబాన్ సాన', ఇజి వెహివింద మహాన్ ఇహిజి విన్నిక్ డిసేసిత్తిక మరి", ఇజి అగ్రివ రాజు పెన్దుక్ వెహైన్.

27

పవులు ఓడఁ ఎక్కి రోమ పట్టుం సొన్నివాన్

1 మాపు ఓడఁ ఎక్కి ఇటలి దేసం సొండ్రెజ్ ఇజి ఆడ్ర వాతిజ్, పవులుజ్, మరి జెలిదు మహి సెగొండారిజ్ యూలి ఇని నదాతిపతిజ్ ఒపజెప్టార్. వాండ్రో మె నయనమ్లోఁ ఇ ఉండ్రి గుంపు ఆతి అవ్గుస్తు ఇని గుంపుదికాన్.

2 మాపు అద్రమత్తియదాన్ వాతి ఉండ్రి ఓడఁ ఎక్కాపె వయనం అతావ్. యా ఓడఁ ఆనియ ప్రాంతమ్దు నమ్దరం డగ్రు మహి పట్టుమకాజ్ సొనిక. దెనలోనిక పట్టుమదాన్ ఒరిన్ మసిదోని దేసమదికాన్ అరిస్టర్కు ఇనికాన్ మావెట మహాన్.

3 మహ్నా నాండిజ్ సీదోను ఇనిబాన్ వాతావ్. సతాతిపతి ఆతి యూలి పవులు మున్ను దయ తోరిస్తాండ్రె పవులు వన్ని కూలబాబుర్బాన్ సొన్ని వారు వన్నిజ్ నెగ్రెండ్ సుడఁదెజ్ నెల్వ సిత్తాన్.

4 వెనుక బాణిజ్ సోతావె కుప్త ఇని ద్వీపు ఓరమ్దాన్ గాలి తక్కు మహి బాడ్డిదు వయనం అతావ్. ఎందానిజ్ ఇహిజి ద్వీపుదాన్ గొప్పు గాలి నమ్దరం దరోట్ డెయ్జి మహాద్.

5 వెనుక మాపు కిలికియ, పంపులియ ఇని ప్రాంతమ్కాజ్ డగ్రు మహి నమ్దరం డాట్టాపె లుకియాదు మన్ని మూర ఇని పట్టుమదు వాతావ్.

6 బాని అరిక్కుంత్రియదాన్ వాతి ఉండ్రి ఓడఁ ఇటలి పట్టుం సొండ్రెజ్ తయారాత మనాద్ ఇజి రోమ సతాతిపతి సుడఁతాన్. సుడఁతండ్రె మజి అయ ఓడఁదు ఎక్కిసాన్.

7 మాపు నండ్రె రోస్సు మెలేక వయనం కిత్తాపె గాలివందిజ్ మాలెజ్ అతావె క్షీదు ఇని ద్వీపుదిజ్ ఎద్దు వాతావ్. గాలి మజి ఎద్దు డెయ్తిజ్ అయా సరి మరి సొండ్రెజ్ అట్వెతావ్. అందెజె మాపు గాలి తక్కు డెయ్తిమహి బాడ్డిదాన్ సాహవె సల్మీను ఇని బాడ్డి డాట్టి క్రేతు ద్వీపు ఓరదాన్ వయనం కిత్తావ్.

8 గాలి డెయ్తిజ్ మాలెజ్ ఆజి, ఓరదాన్ వయనం కిత్తాపె నెగ్గిబాడ్డి ఇని కూక్కి జాగదు వాతావ్. దన్ని డగ్రు లునియ పట్టుం మహాద్.

9 వయనం కిజినిజ్ నండ్రె రోస్సు అతె. యూదురి పండ్రెయ్ ఆతి ఉపాని రోజుబా గడఁస్త సాహాద్. నమ్దరమ్దు ఓడఁదు సొండ్రెజ్ ప్రమాదమాని కాలం అత మహాద్. అందెజె పవులు వరిజ్ బుద్ది వెప్తాన్.

10 “బాబురాండ్రె, మాటు ఏలు సొన్ని మహిజి ఓడఁదిజ్ ఇచ్చి మన్ని సామానమ్కాజ్, ప్పు నస్టమ్కు, మరి మా పాణమ్కాజ్బా నస్టమ్కు వానాద్, ఇజి నాను నెసాన్”.

11 గాని అయ రోమ సతాతిపతి పవులు వెప్తి మాట అన్వెండ, అయ ఓడఁ నడిపినివన్ని మాటెజ్ని అయ ఓడఁ ఎజుమాని మాటెజ్ అస్తాన్.

12 పిన్ని కాలమ్దు మండ్రెజ్ అయా బాడ్డి నెగ్గికాద్ అవిద్ ఇహిజ్ బాణిజ్ డిసి సోతెజ్ నండ్రెండ్రె వెప్తార్. క్రేతు మన్ని పీనిక్కు ఇనిబాన్ అందిజి బాని పిన్ని కాలం గడఁప్పాట్ ఇజి వారు విజెరి ఒడిఁబితార్. యా పీనిక్కు పట్టుం దనిఁ పడఁమర, ఉన్నన్ పడఁమర దరోట్ మొకిం మహ్నా మహాద్.

నమ్దరమ్దు ముసూర్ డెయ్జినాద్

13 దనిఁ దరోట్జ్ ఉండ్రి ఇజిరి గాలి డెయ్తిజ్ వారు సొండ్రెజ్ ఒడఁబిత్తిలెకెండ్ సొనాల్ ఇజి ఒడిఁబితార్, ఓడఁది లంగరు* లాగితార్ సోత్తార్. క్రేతు ఓర దాన్ సొన్ని మహాద్.

14 గాని నజెం వెనుక ఉన్నన్ తూర్పు దరోటాన్ ఊరకులోన్† ఇని పెరి గాలి ద్వీపుదాన్ గొప్పుజ్ డెయ్తాద్.

15 పెరి గాలి ఓడఁదిజ్ డెయ్తిజ్ గాలి ఎద్దు సొండ్రెజ్ అట్వెండాతాద్. అందెజె మాపు గాలి ఎద్దు సొండ్రెజ్ అట్వెండాతాన్ గాలి డెయ్తి మహి దరోట్టి ఓడఁ మహ్నాపె సాహాద్.

16 వెనుక కంద ఇని ఉండ్రి ఇజిరి ద్వీపు ఓరదాన్ సాహివలె అయ గాలి మా మున్ను డెయ్విండ అయ ద్వీపు మజి ముస్తాద్. నండ్రె కస్తబాడిఁతాపె ఇజిరి ఓడఁదిజ్ మున్ను లాగితావ్.

17 మున్ను లాగితాపె నెగ్రెండ్ తోహ ఇత్తావ్. వెనుక పెరి ఓడఁదిజ్ పెరి నాసుదాన్ సుటులం గటిజ తోహార్. మరి సుర్తిను ఇని ఇన్ను మెటు మున్ను ఓడఁ డెయ్నాద్ను ఇజి తియెలాతార్ ఓడఁ మెలేక సొనిద్ ఇజి ఓడఁది సాప† డిష్టార్ గాలి డెయ్నిదరోట్ సొనిద్ ఇజి డిఁస్తార్.

18 అయ ముసూర్ డిఁవిండ డెయ్జి మహిజ్ మహ్నా నాండిజ్ వారు ఓడఁదు మహి బరుజ్ నమ్దరమ్దు విసిర్డెజ్ మొదోల్స్తార్.

19 దన్ని మహ్నా నాండిజ్ వారు ఓడఁ నడపినిని సెగం సామానమ్కు వరి సొంత కికాణిజ్ నమ్దరమ్దు విసిర్డార్.

20 నండ్రె రోస్సు టొద్దు గాని సుక్కెజ్ గాని తోరివండ మహా. గాలి గొప్పుజ్ డెయ్జి మహాద్. మా పాణమ్దిజ్ ఎలాగ గెల్పెస్టెజ్, మాపు సానాస్టను ఇజి తియెలాతావ్.

21 వారు నండ్రె రోస్సు బోజనం కివిండ మహిజ్ పవులు వరి నడిఁమి నిహండ్రె వెప్తాన్, “బాబురాండ్రె, మీరు నామాట వెంజిమంజినిక ఇహిజి నెగ్రెండ్ మహాద్ మరి. క్రేతుదాన్ సోవిండ మహిదెర్ మరి. సోవిండ మంజినిక ఇహిజి, యా నస్టమ్కు కస్తమ్కు జగ్గిండాతాద్ మరి.

22 ఏలు ఇహిజి దయరమ్దాన్ మండ్రె ఇజి నాను గటిజ వెప్తిను. ఎందానిజ్ ఇహిజి మిలోఁ ఇ ఎయెన్బా సాజి సొన్ఇదెర్. గాని ఓడఁ ఉండ్రెని పాఠాన్ సొనాద్.

* 27:13 27:13 బరుమన్ని పంజుదాన్ తయార్ కిత్తిక. గెలుస్కాట్ తోహ్ని ఓడఁదు ఇద్దార్. నమ్దరమ్దు డిష్టిజి ఓడఁ బాని నిల్దాద్, సొన్విద్ † 27:14 27:14 ఊరకులోన్ ఇని తుపాన్ గాలి డెయ్జిజి ఓడఁ సొండ్రెజ్ గొప్పు కస్తమానాద్. అయ గాలి ఉన్నన్ తూర్పు దరోటాన్ డెయ్జినాద్ ‡ 27:17 27:17 గాలి వాజి నెక్కి ఒనిదన్నిజ్ ఓడఁదిజ్ తెరలెకెండ్ తోహ్నిక

23-24 ఎందానిజ్ ఇహిజ, పొదొయ్ నాను, ఎయె వాండ్రునొ, ఎమేణి దేవుణుదిజ్ పార్దనం కిజిననొ, అయ దేవుణు దూత నాబాన్ వాతండ్రె, 'పవులు, తియెల్ ఆము. నీను కయనరు రాజు ఎద్రు నిల్లెజ్వలె. దేవుణు కనికారమాతికాన్. నీపందిజ్ ఇదిలో నీ వెట బున్సువరి పాణుమకు దేవుణు గెల్లిపిస్సాన్లై' ఇజి వెప్తాన్.

25 అందెజె బాబురాండె, దయరమదాన్ మండ్రు. ఎందనిజ్ ఇహిజ దూత నావెట వెప్తావజ జర్గినాద్ ఇజి నాను దేవుణు మాట నమ్మిజిన.

26 గాని మా ఓడః గాలిదు సొన్ని ఎంబెబా ఉండ్రీ ద్రిప్పుదు పాడానాద్", ఇజి పవులు వరివెట వెప్తాన్.

27 పదినాల్గి రోస్సు అద్రియ ఇని సమదరమదు మాపు ముసూర్దిజ్ అబె ఇబ్బె బూలాజి ముహాద్. మదరయ్త అతిజ్ ఎంబెనొ ఉండ్రీ దేనమ దగ్గు వాజినావ్ ఇజి ఓడః నడిపినినివరిజ్ ఉదెనమదు వాతాద్.

28 అందెజె వారు ఇజిరి బరుదిజ్ తాడు తొప్పొ డిష్టారె ఎసొ లోతు మనాద్ ఇజి సుడఃతార. నూట ఇరవయ్ అడుఃగుజ్ లోతు మనాద్ ఇజి నెస్తార. సెగం వెనుక మరి డిష్టారె తొంబయ్ అడుఃగుజ్ లోతు మనాద్ ఇజి నెస్తార.

29 మా ఓడః ఓరయ మన్ని పణుకుముస్సు తగ్గినాదొ ఇజి తియెలాతారె వారు ఓడః వెనుకపడఃకదాన్ నాల్గి లంగరుజ్ డిష్టారె జాయ్ ఆనెండ పార్దనం కిజి మహార.

30 ఇహిజ్, ఓడః నడిపివార ఓడః డిసి సొండ్రెజ్ సుడఃతార. వారు ఓడః ముందాలిపడఃక మన్ని లంగరుజ్ డిష్టెజ్ ఇజి నాటిన్ ఓడఃదు మన్ని ఇజిరి ఓడః సమదరమదు డిష్టార. ఇజిరి ఓడఃదు ఎక్కిసొండ్రెజ్ అలోసనం కిత్తార.

31 పవులు అక్క నెస్తాండ్రె సాదాపతివెట, "నయనమదివరివెట, యా ఓడః నడిపినికార ఓడః డిసి సొనార ఇహిజ, మీరు తప్ప ఆదెజ్ అబ్బెదెర", ఇహాన్.

32 అందెజె నయనమదికార ఇజిరి ఓడః తొప్పొమహి నాను కుతారె సమదరమదు డిష్టెన్ సితార.

33 కోడిఃజామదు పవులు విజెరె వెట వెప్తాన్, "ఏలు బోజనం కిదు, మీరు బోజనం కివిండాజి పదినాల్గి రోస్సు అతె. నిస్సొ రోస్సు మీరు మస్సు బాద ఆజి ఇనికబా ఉణెంండ మహిదెర.

34 అందెజె నాను బతిమాల్లిన, బోజనం కిదు. ఎందనిజ్ ఇహిజ మీరు సావిండ మండ్రెజ్ వలె ఇహిజ బోజనం కిదెజ్వలె. తియెలామాట్. మీలోఇ ఎయె బురదాన్బా ఉండ్రీ కొప్పుబా రాలజి సొన్విద్ ఇహాన్.

35 ఈహు వెప్తా వెనుక పవులు రొట్టె అస్తాండ్రె వారు సుడఃజి మహివలె దేవుణుదిజ్ వందనమకు వెప్తాండ్రె రొట్టె ముకెజ్ కితాండ్రె తిండ్రెజ్ మొదొల్స్తాన్.

36 వారు విజెరె దయరం అతారె బోజనం కిత్తార.

37 అయ ఓడఃదు మాపు మొత్తం రుండివందెజ్ డబయ్అరు - మంది మణికిరీ మహావ్.

38 వారు పొటపంజు ఉణి వీస్తి వెనుక గొదుముజ్ సమదరమదు విసిరెతార ఓడః సుల్కాజ్ కిత్తార.

ఓడః బదెజ్ ఆజినాద్

39 పొద్దు సొత్తిజ్ వారు అందితి దేనం ఎంబెణి దేనం ఇజి నెన్వితారె గాని ఓడః ఉండ్రీ ఇస్సు మన్ని పడఃకాద్ ఒతిజ్ తగితి ఉండ్రీ నెగ్గి పడఃక సుడఃతారె బాన్ ఒనాట్ ఇజి ఒడిఃబితార.

40 అందెజె ఓడః నడిపినికార లంగరుజ్ తొప్పొమహి నాస్సుజ్ కుతారె సమదరమదు డిష్టార. ఓడః నడిపి సుకానుజ్ కట్టుజ్ కుతార. ముందాలి పడఃకాదు మహి సాప ఎక్కిస్తారె గాలి నెక్కి ఒనిలెకెండె ఓరయ నడిపిస్తార.

41 గాని ఓడః ఏరులోఇ మన్ని ఉండ్రీ ఇస్సు మెటదు డఃని అతాదె ఓడః ముందాపిక ఇస్కాదు నాడిఃతాద్. వెనుక పడఃకాదు పెరి ఉల్కెజ్ డెయ్తిజ్ ఓడః బదెజ్ బదెజ్ అత సాహాద్.

42 జెలిదాన్ ఒని మహి లోకుర సమదరమదు ఈత డెయ్జి తప్ప ఆజి సొనార ఇజి తియెలాతారె వరిజ్ నప్పెజ్ నయనమదికారె అలోసనం కిత్తార*.

43 గాని సతాతిపతి పవులు గెల్లిపిస్సెజ్ ఒడఃబిజి నయనమది వరి అలోసనమదిజ్ సరి సివితాన్. ఈత డెయ్జి నెస్సివారు ముందాల సమదరమదు డిఃగిజి గదెం డాట్టి ఈత డెయ్జి ఓరయ సొండ్రు ఇజి ఆడ్రె సితాన్.

44 మహివరిజ్ బల్లెజ్ నెక్కెజ్ ఓడఃది ముక్కెజ్ అని ఒడ్డుదు సొండ్రెజ్ ఆడ్రె సితాన్. ఈహా మాపు విజెపె గెల్లిస్తాపె ఒడ్డుదు అందితాన్.

28

మెలిత ద్రిప్పుదు అందిజినార

1 మాపు తప్ప అతి వెనుక అయా ద్రిప్పు పేరు మెలిత ఇజి నెస్తావ్.

2 అయ ద్రిప్పుదికారె మజి కిత్తి సాయం నిస్సొ నసొ అవిద్. వారు సిను ఎర్తారె మజి విజెరిజ్ కూడిఃష్టార. ఎందానిజ్ ఇహిజ పిరు డెయ్జిజ్ మొదొల్స్తిజ్ పిన్ని కితాద్.

3 పవులు ఉండ్రీ కట రివెజ్ వెప్తా తతాండ్రె దొస్తాన్. అక్క సినుముస్సు అరెప్తివలె గొప్ప విసం మన్ని ఉండ్రీ సరాన్ వేడిఃదిజ్ వెహాకాణ్ వెల్లి వాతాద్ పవులు కీదు కట్టాద్.

4 పవులు కీదు సరాన్ దూజ్జిమహిక అయ ద్రిప్పుదికారె సుడఃతిజ్ వారు ఒరెన్ వెట ఒరెన్ వర్తితార, "నిజమెన్, వీండ్రు లోకాజ్ సప్పికాండ్రె, ఏలు సుడఃఅ, సమదరమదాన్ గెల్లిసి వాతాన్ గాని నాయం సీని దేవుణు విన్నిజ్ బత్తిదెజ్ సరి సివెన్.

5 గాని పవులు అయ సరానిదిజ్ సినుముస్సు సుడఃతిజ్ అది సినుద్ అరెతాద్. పవులుజ్ ఇనికబా అవితాద్.

§ 27:40 27:40 ఓడః తిర్ప్పి ఇజిరి మర * 27:42 27:42 కర్ణువారు తప్ప అతిజి పరిజ్ కావ్ కిని నయనమది వరిజ్ వరి అతికారి లోకుర సప్పెజ్ ఇజి రోమ చాలు మహాద్

6 అ ద్వీపుదు మనికార్ పవులు ఉదినాన్, సిలిజ వెటనె సానాన్ ఇజి ఒడిబిజి సుడజి మహార్. గాని వారు సుడజిమహిజ్ పవులు ఇనికబా ఆదితాద్. అందెజి వారు వరి మన్ను మారిస్తారె, 'వీండ్రు ఒరెన్ దేవుణులికెండ్ మన్నికాన్' ఇజి వెస్తాన్.

7 అయ ద్వీపుది నెయ్యి. అతి పొట్టి ఇనివన్నిజ్ బానె డగ్రునె బూమిజ్ మహా. వాండ్రు ముజి వన్ని కూలిజ వజ మద్యుద సితండ్రె మూండ్రి రోస్సు వన్ని ఇండ్రె కూడుస్తాన్.

8 అయ నెయ్యి అపొస్తాని నోబుదిజ్, మరి నెత్తెరపొటాదాన్ బాద ఆజి మహాన్. పవులు, వాండ్రు మహి గదిలోఇ సోహండ్రె పార్లనం కితాండ్రె వన్ని మున్ను కికు ఇడజి వన్నిజ్ నెగెండ్ కితాన్.

9 ఇక జగ్గితజ్ అయ ద్వీపుదు కన్టం అస్తిమహికార్ విజెరె బానె వాతారె నెగెండ్ ఆతారె.

10 వారు ముజి నండ్రి ఇనాయమ్కు సిత్తారె నెగ్గక కితారె. వెనుక మాపు పయనమాతివలె ముజి అవనరం మనికెజ్ విజి ఒడిజు తత్తారె ఇట్టారె.

పవులు మెలిత ద్వీపుదాన్ రోమ పట్టుం సొన్నినాన్

11 ముండ్రి నెలెజ్ అతి వెనుక అలెక్కంత్రియదాన్ వాతి ఉండ్రి ఒడిజి ఎక్రాపె పయనమాతావ్. అయ ఒడిజి పిన్ని కాలమ్దు మెలిత ద్వీపుదు మహాద్. కాస్తరు, పొలుక్కు ఇని జవల దెయమ్కాణి బోవ్మొజ్ ఆ ఒడిజి ముండాహిబాన్ మహాద్.

12 మాపు సురకూన్ ఇనిబాన్ వాతాపె బానె ముండ్రి రోస్సు మహావ్.

13 బాణిజ్ పయనమాతాపె సుటులం తిన్వీజి రేగియం ఇనిబాన్ వాతావ్. ఉండ్రి రోజు వెనుక దసిణ దరోదాన్ గాలి దెయ్తిజ్ మహా నాండిజ్ పొలియెలి ఇనిబాన్ వాతావ్.

14 బానె నమ్మితి వరిజ్ నెగెండ్రిజ్ సుడజితావ్. 'మాబాన్ వారం రోస్సు మండ్రు' ఇజి వారు ముజి బతిమాలితారె. దన్నివెనుక మాపు రోమ పట్టుమ్దు వాతావ్.

15 రోమాదు మహి నమ్మితికార్ మాపు రోమాదు వాజనావ్ ఇజి కల్లు వెహారె నెగెండ్రి రోమ పట్టుమ్దాన్ అపియాదు* మహి సత దాక, మరి నెగెండ్రి ముండ్రి సత్తమ్కు† మహి బాడ్డిదాక ముజి కూక్కి అతెజ్ వాతారె. పవులు వరిజ్ సుడజితెజ్ దేవుణుదిజ్ స్తుతి కితాన్. వన్నిజ్ దయరం వాతాద్.

16 రోమ పట్టుమ్దు అందితిజ్ పవులుజ్, వన్నిజ్ కావ్కిని జమానివెటె ఉండ్రి ఆదు ఇండ్రో కేటె మండ్రెజ్ నెలవ దోవ్కాద్.

పవులు రోమాదు మన్ని యూరులిజ్ దేవుణు మాట వెప్పినాన్

17 ముండ్రి రోస్సు సాహి ముక పవులు బానె మహి యూద పెద్దెలిజి వన్నిబాన్ కూకపిస్తాన్. వారు కూడజి వాతివలె పవులు వరివెటె వెస్తాన్, "అంబెరిజాండ్, మా లోకాజ్ వడజిఇకెజ్ గాని, మా అనిగిగెరి అలవాటుజి వడజిఇకెజ్ గాని ఇనికబా నాను కివిత. ఇహిజ్బా, నజి యెరూసలేమ్దు అస్తారె రోమవరిజ్ ఒవజివ్తారె.

18 వారు నజి గపర్దురుబాన్ తత్తారె నండ్రి ప్రస్సుజ్ వెన్బాజి సుడజితివలె సాపుదిజ్ తగితి తప్పి ఇనికబా నాను కివిత ఇజి తెలితాద్. అయావలె నజి డిస్సెజ్ సుడజితారె.

19 గాని నజి డిస్సెజ్ యూదురు ఒప్పుకోడెవితారె. అందెజి నా సొంత లోకుమున్ను నజి ఇని మెరో సిల్లిజ్బా కయనరుబాన్ సాన్ని నావందిజ్ వెస్తాజ్ అత.

20 అందెజి నాను మిజి సుడజెదిజ్ మీ వెటె పర్గెదిజ్ మిజి కూకపిస్త. ఎందానిజ్ ఇహిజి ఇస్తాయేలు లోకు ఎయెప్పనివందిజ్ ఎద్దు సుడజిజి ముజిబారె వన్నివందిజి నాను ఏలు యా గెలుస్కాణ్ తోహా అత మన్ను", ఇజి వరివెటె వెస్తాన్.

21 దన్నిజ్ యూదురు, "యూదురు ప్రాంతమ్దు మన్ని మా లోకాణిజ్ మీవందిజ్ ముజి ఇని ఉక్రమ్బారెవితాద్. ఇబ్బె వాతి మా లోకు ఎయెరిబా మీ వందిజ్ ఇని సెజ మాటబా వెహావితారె. నీను ఇనికాదో తప్పి కిత్తి ఇజి మాపు వెన్వితావ్.

22 గాని యా సజితివందిజ్ మీ అలోసనం ఇనిక ఇజి వెండ్రెజ్ మాపు ఆన ఆజినావ్. ఎందానిజ్ ఇహిజి నీను కూడితి మహి యా జటువందిజ్ విజెరె లోకురె పగదాన్ వెప్పినారె ఇజి మాపు నెనినావ్", ఇహార్.

23 అందెజి వారు పవులు వెటె పలాన్ రోజు కూడెదిజ్ ఏర్పాటు కితారె పవులు బత్తినిబాన్ ముంద ఆజి వాతారె. పవులు పెందాహాన్ అని పొదెయదాక నెగెండ్ వరిజ్ వెప్పి దేవుణు ఏలుబడిజి వందిజ్ వరివెటె వెస్తాన్. మోని సిత్తి రూలుజ్ దాన్, ప్రవక్తరు రాస్సి మాటిజాణ్ యెనువందిజ్ తోరిని, వాండ్రు వెప్పికెజ్ నిజమె ఇజి వెప్పి తోరిస్తాన్. వరిజ్ ఒప్పుకోడిస్సెజ్ సుడజితాన్.

24 పవులు వెప్తి మాటిజ్ నెగెండ్రి నమ్మితారె, మహికార్ నమ్మివితారె.

25 వారు ఒరెన్ వెటె మరి ఒరెన్ వర్గిజి నెక్ పొక్తారె ఉండ్రి మన్ను అదెజ్ అట్మండాతారె మరజి సాహార్. వారు మరజి సాని ముందాల పవులు వరివెటె ఉండ్రి మాట వెస్తాన్, "దేవుణు అత్తి యెనయ ప్రవక్త దాన్ మీ అనిగిగెరి వెటె వెప్తి మాట నిజమె.

26 అక్క ఇనిక ఇహిజి, "నీను సాన్ని యా లోకాజ్ వెప్తు. 'మీరు బాగ వెంజనిదిరె గాని అర్థం కిదెజ్ అట్ఇదిరె. బాగ సుడజినిదిరె గాని తోఇదిరె'.

27 ఎందానిజ్ ఇహిజి యా లోకురి మన్ను బేగి అర్థం కిందె. వారు కణెకెజ్ గిబ్బిజ్ మూక్త మనారె. సిల్లిజ్ వారు కణెకాణ్ సుడజితారె మరి. మన్నుదు అర్థం కితారె మరి. నా దరోజ్ మహిజి నాను వరిజ్ నెగెండ్ కిన్", ఇజి దేవుణు వెస్తాన్.

28 అందెజి దేవుణు రక్సణ సీనాన్ ఇని సువార్త యూదురు ఆఇ వరిజ్ సీజనాన్ ఇజి, వారు అయ మాట వెనారె, ఇజి మీరు నెస్సెజ్ వలె".

29-30 రుండి వందిజ్ పూర్తి పవులు ఉండ్రి ఇల్లు అదె లోస్తాండ్రి బత్తితాన్. వన్నిబాన్ వాతివరిజ్ విజెరిజ్ వాండ్రు డగ్రు కితాన్.

31 దేవుణు ఏలుబడిజి వందిజ్, ప్రలు అతి యెనుక్కిస్తు వందిజ్ దయరమ్దాన్, ఇని అర్థం సిల్లిండ్, నెప్పిస్తాన్.

* 28:15 28:15 అపియాదు మహి సత రోమ పట్టుమ్దాన్ అరువయ్తొమ్మిది కిలో మీటర్ దూరం మహి గదిజి. ముండ్రి సత్తమ్కు మహి బాడ్డి రోమ పట్టుమ్దాన్ యాబయ్ ముండ్రి కిలో మీటర్ దూరం మహి

† 28:15 28:15 పయనం కినికార్ నిర్దెదిజ్ సాని

అపొస్తుడు ఆతి పవులు రోమ పట్టమదు మన్ని దేవుణు సజమదివరిజ్ రాస్తి ఉత్తం.

నెల్వ కిబిసిని

యా ఉత్తం రాస్తికాన్ ప్రబు ఆతి యేసుక్రీస్తుజ్ అపొస్తుడు ఆతి పవులు. రోమాదు మన్ని దేవుణుదిజ్ నమ్మిత్తివరిజ్ యా ఉత్తం రాస్తిన్. రాస్తి కాలం క్రీస్తుయేసు యా లోకమదు వాజి సిలువాదు సాజి, మర్తి నిజ్జి పరలోకమదు సాహివెనుక 56 నమస్తం నడిమి (ఏ.డి 55-56) రాస్తి మంజిన. యా ఉత్తమదు ముకెలమాతిక ఇనిక ఇహిజ, క్రీస్తువందిజ్ వెప్పి సువార్. సువార్ ఇహిజ ఇనిక, సువార్ నమ్మిత్తివరిజ్ ఇనికెజ్ జర్జినె, వినకవందిజ్ రాసినాన్. మరి, దేవుణు లోకురిజ్ సీతినిజయ్దు మున్సికార్ ఇజి ఎలాగ ఇడ్డినాన్, ప్రబు ఆతి యేసుక్రీస్తువరిహాన్ ఎలాగ విడుదల వానాద్ నన్ని నజతిజ వందిజ్ రాసినాన్.

1 క్రీస్తుయేసుజ్ పణి కినికానాతి పవులు ఇని నాను యా ఉత్తం రాసిన. సువార్ వెహైజ్ దేవుణు నజి అపొస్తుడుజ్ వజి నిల్వైన్.

2 సేన కాలమకు ముజాలె, ఇహిజ, యేసు ప్రబు యా లోకమదు వానెండ మహివలెనె, దేవుణు మాటిజ్ రాస్తి మహి ప్రవక్తరుబాన్ దేవుణు యా సువార్ వందిజ్ వెహై ఇజి ఒపందం కిత్తి మహాన్.

3 దేవుణు మరిసి వందిజె యా సువార్. వీండ్రు లోకు వజి దావీదు రాజు తెగాదు పుట్టికాన్.

4 వీండ్రు దేవుణు వజి ఇహిజ, దేవుణు మరిసి ఇజి గొప్ప నత్తుదాన్ తోర ఆతాన్. ఎలాగ ఇహిజ, వాండ్రు సాతి వరిబాణిజ్ మరజి నిజితాన్. వాండ్రు మా ప్రబు ఆతి యేసు క్రీస్తునె.

5 క్రీస్తు దయాదర్శమదాన్ అపొస్తుడు వజి దేవుణు నజి కూకాన్. ఎందానిజ్ ఇహిజ, విజు జాతిదికార్ క్రీస్తుమున్కు నమకం ఇడ్డి, పన్నెజ్ మాడిసి, పన్నెజ్ లోజిజ మండ్రెజ్ ఇజి.

6 రోమ పట్టమదు యేసు క్రీస్తుజ్ నమ్మిత్తికార్ ఆతి మీరుబా దేవుణు కూక్తి వరి లోఇ మున్సిదెర్.

7 దేవుణు ప్రేమ కిజి, వన్నిజ్ కేట ఆతి మిజి విజెరిజ్ నాను యా ఉత్తం రాసిన. బుబ్బాతి మా దేవుణుబాణిజ్, ప్రబు ఆతి యేసుక్రీస్తుబాణిజ్ కనికారమని నిపాతి మిజి మనీద్ ఇజి నాను పార్దనం కిజిన.

రోమ పట్టమదు మన్ని నమ్మిత్తివరిజ్ సొన్ని సుడెడెజ్ పవులు కోరిజనాన్

8 యా ఉత్తమదు తొలిత నాను మీరు విజిదెరి వందిజ్ దేవుణుదిజ్ వందనమకు వెప్పిన. యేసు ప్రబువలెహాన్ నమ్మిత్తి దన్నివందిజ్ రోమ దేనెమదికార్ ఏలుబడిజ్ కిని విజు బాడ్డిదు మన్ని లోకుర్ వెప్పినార్.

9-10 నాను ఎస్సెవలెబా పార్దనం కినివెలె మీ వందిజ్ వెప్పిని సువార్ పూర్తి మున్నుదాన్ నాను కిజిన ఇజి నెసిని దేవుణునె దిన్నిజ్ సాన్. గాని నాను ఎలాగ ఇహిజబా ఏలు వాజి మిజి సుడెడెజ్ దేవుణు సీత్తం ఆదెజ్ ఇజి పార్దనం కిజిన.

11 ఎందానిజ్ ఇహిజ, మిజి వాజి సుడెడెజ్ దేవుణు వందిజ్ బత్తిని బత్తుదు మిజి దయెరం కిబిస్తెజ్ ఇజి ఆన ఆజిన.

12 ఎలాగ దయెరం కిబిస్తెజ్ ఇహిజ మాటు ఒరెన్ వన్ని నమకమదాన్ మరి ఒరెన్ వన్నిజ్ దయెరం వెహైజ్వెలె.

13 నమ్మిత్తి తంబెరిజాండె, నాను నండో సుట్టు, మిజి సుడిజ్ వాదెజ్ ఇజి ఆలోననం కిత్తి ఇజి మీరు నెన్జివెలె. గాని అట్ఎండ ఆత. ఎందానిజ్ ఇహిజ, నండో అడ్డుజ్ వాతె. మీ బాన్ వాజి మిజి సుడెడెజ్ మి బాణిజ్ మజి గొప్ప లాబం వాని లెకెండె. ఎందానిజ్ ఇహిజ మీ నన్నినండో జాతిజ్ నడిమి నాను సొని లెకెండె మీ నడిమిబా నాను వాజి సువార్ వెహైజి ఇజి. సువార్ వెంజి నమ్మిత్తి దేవుణు కొడెర్ ఆనార్.

14 యూదురు ఆఇ వరిజ్ విజెరిజ్ సువార్ వెహైజ్ నాను ఉండ్రీ అప్పు మున్సికాన్. గ్రీకు బాన్ నెన్జి వరిజ్బా, నెన్ఇ వరిజ్బా, పెరి నదుపు మన్ని వరిజ్బా, నదుపు సిల్లి వరిజ్బా వెప్పి సీదెజ్ ఇజి నజి ఉండ్రీ అప్పు మనాద్.

15 అందెజె, రోమ పట్టమదు మన్ని మిజిబా యా సువార్ వెహైజ్ ఇజి నాను గొప్ప ఆన ఆత మన.

16 ఎందానిజ్ ఇహిజ, నాను సువార్ వెహైజ్ సిగు అవి. యేసుక్రీస్తు మున్కు, నమకం ఇడ్డి విజెరిజ్ వరి పాపమకాణిజ్ రక్కిస్తెజ్ యా సువార్దిజ్ దేవుణుబాణిజ్ ఒడ్డె నత్తు మనాద్. యా సువార్ తొలిత యూదురిజ్ వెనుక ఆఇ జాతిజ్ సాటి ఆజినాద్.

17 యా సువార్దు దేవుణు ఇనిక వెప్పినాన్ ఇహిజ, లోకు కిత్తి తప్పు పణిజ్ వందిజ్ వారు సిక్కు షొందిదెజ్ అక్కర్ సిల్లెద్ ఇజినె. వారు యేసుప్రబు మున్కు, నమకం ఇడ్డి వందిజె సిక్కుదాన్ తప్పె ఆతార్. యాక ముందాల్ ఒరెన్ దేవుణు ప్రవక్త రాస్తి లెకెండెన. "ఎయెర్ సీతినిజయ్కాన్ ఇజి నాను ఇడ్డ మనానో, వాండ్రు నా మున్కు, నమకం ఇడ్డి వందిజ్ ఎలాకాలం బత్తినాన్".

దేవుణు లోకుర్ మున్కు నండో కోపం ఆజినాన్

18 దేవుణువందిజ్ మున్కు సిల్లి లోకాజ్ విజెరిజ్ నెఇవణి కిని విజెరిజ్ దేవుణు సిక్కు సీనాన్ ఇజి పరలోకమదాన్ తోరిస్త మనాన్. ఎందానిజ్ ఇహిజ, వరి నెఇ వణిదాన్ దేవుణు వందిజ్ నెస్తిమన్ని నిజమాతికెజ్ విజు వారు అడ్డు కిజినార్.

19 దేవుణు వందిజ్ నిజమాతికెజ్ అర్దం కిదెజ్ వారు అటూర్. ఎందానిజ్ ఇహిజ, దేవుణు ఎలాగ మర్తికాన్ ఇజి వాండ్రు విజెరిజ్ తోరిస్త మనాన్.

20 మాపు దేవుణుదిజ్ నెన్ఏవ్ ఇజి ఎయెన్బా వెహైజ్ వీలు సిల్లెద్. ఎందానిజ్ ఇహిజ, దేవుణు ఎలాగ మర్తికాన్ ఇజి మాటు సుడెడెజ్ సిల్లె, గాని వాండ్రు లోకు తయార్ కిత్తిబాణిజ్ అసి లోకమదు తయార్ కిత్తి వనకబాణిజ్ వాండ్రు ఎలాగ మర్తికాన్ ఇజి

ఎలాకాలం మన్ని వన్ని పెరిసత్తు ఎలాగమర్దిక ఇజి మాటు సుడఃజినాట్. అందెజి దేవుణుదిజ్ నెన్విన ఇజి ఎయెనబా వెహ్లాజ్ వీలు సిల్దెద్.

21 యూదురు అఇకార్, దేవుణు ఎలాగ మర్దికాన్ ఇజి నెస్తిజ్బా దేవుణు ఇజి మాడిసిఎం, వాండ్రు కిత్తి దన్నివందిజ్ వందనముకు వెహ్వి. నస్తివలె వారు దేవుణు వందిజ్ అర్దం కిదెజ్ అట్వింండ ఆతార. వరి ఆలోసనముకు సెఇకెజ్ ఆతె.

22 వారు బుద్ది మన్నికార్ ఇజి వెహ్ ఆజి బుద్ది సిల్లి పణిజ్ కిత్తార్.

23 ఎలాకాలం మంజిని దేవుణుదిజ్ పొగడిజినగవరం సివండ బొమ్మెజి పొగడిజి గవరం సిత్తార్. నబ్బిసాని లోకులెకెండ, పొట్టిజ్ లెకెండ, జమతుజ్ లెకెండ, మరి బూమి మున్ను ఊజి బూలాని వనకాజ్ లెకెండ తోర్ని బొమ్మెజి తయార్ కిత్తార వనకాజ్ పొగడిజి గవరం సిత్తార్.

24 అందెజి వారు, కిదెజ్ ఆఇ అసెజ్ వరి మన్నుదు పుట్టి లెకెండ కిదెజ్, దేవుణు వరిజ్ సరి సిత్తాన్. ఇనిక ఇహిజి వారు వరిజె సుగు ఆతి సెఇ పణిజ్ కిత్తార్.

25 ఎందానిజ్ ఇహిజి, నిజమాతి దేవుణు వందిజ్, నిజమదిజ్ డిస్తారె నిజం ఆఇ దన్నిజ్ ఇడ్డార్. విజి దన్నిజ్ పుట్టిస్తికాన్ ఆతి బరిండ్రె దేవుణుదిజ్, మాడిసి వన్నిజ్ లోజిఎండ, దేవుణు పుట్టిస్తి వనకాజ్ మాడిస్తార, వనకాజ్ లోజిత్తార. గాని పుట్టిస్తికెజ్ విజి అయ దేవుణుదిజె ఎస్తివలెబా మాడిస్తిజ్ వెలె.

26 అందెజి సిగు ఆతి ఒడోల్ అసెజి వందిజ్ దేవుణు వరిజ్ ఒవజెప్తాన్. అందెజి వరిలోఇ అయ్లికొడోక్ మాసిరిజ్ సాన్విండ అయ్లికొడోకాజ్ దరోట్ ఒడోల్ ఆస ఆజి మహ్త.

27 అయావజెనె యూదురు అఇవరి లోఇ మొగకొడోర్ అల్నికాజ్ ఇడవిండ మొగకొడోర్ దరోట్ ఏక ఉత్వత్ ఆజి మహ్తార్. వారు మొగకొడోర్ వెట సిగు ఆతి పణిజ్ కిత్తార్. అయ ఒద్దె తప్పు ఆతి పణిజ్ వరిజ్ తగితి నక్కు ఆజి వరిమున్ను వాత్తాద్.

28 వారు దేవుణుదిజ్ నెక్కుకార వన్ని వందిజ్ నెస్తిమన్ని నిజమాతికెజ్ విజి డిస్తిసితార్. నస్తివలె వరి సెఇ బుద్దిదు నడికెదెజ్ ఇజి దేవుణు వరిజ్ డిస్తిసితాన్. అందెజి సరి ఆఇ పణిజ్ కిదెజ్ వరి బుద్ది మహ్తాద్.

29 విజి రక్మకాణి సెఇ పణిజ్ కిదెజ్ వారు ఏక ఒడఃబినార్. ఇనికెజ్ ఇహిజి, మహి వరిజ్ సెడ్డ కిదెజ్, మహివరిజ్ మన్నికెజ్ మజి దోహ్కెజ్ ఇజి సెఇ ఆస ఆదెజ్, ఎలాగబా మహివరిజ్ సెఇక కిదెజ్, మహివరి వెట గోన ఆదెజ్, సప్తెజి, గొడఃబ కిబిస్తిజ్, మొసెం కిదెజ్, మహివరివందిజ్ సెఇకెజ్ వెహ్లాజ్, సాండి వెహ్లాజ్.

30 నండో లోకుర్ మహివరివందిజ్ తప్పుజ్ వెహ్నినార్. నండోదార్ దేవుణు ఎర్దు వెత్తెకం కిజినార్, ఆఇవరిజ్ సిగు కిబిస్తియార్, గర్ అజినార్, పొణిజినికార్ అజినార్, మరి రెకరక్మది కెత్త సెఇపణిజ్ ఎలాగ కిదెజ్ ఇజి సుడఃజినార్, వరి కొడోర్ అయ్సి అప్పాసిరిజ్ లోజివెర్.

31 వారు అర్దం కిదెజ్ అట్విం. ఒవందం కిత్తిలెకెండ కివిర్. నండోదార్ వరి సాంత ఇండ్రోణివరిజ్ నెగెండ తోఎర్. నండోదార్ కనికారం సిల్లికార్ అజినార్.

32 నిన్ని పణిజ్ కనివరిజ్ సప్తెజి వలె ఇజి దేవుణు వెహ్ మనాన్ ఇజి నెస్తిజ్బా వారు నిన్ని సెఇ పణిజ్ కిజి మంజినార్. అక్కా దె అవండ నిన్ని సెఇ పణిజ్ కినివరిజ్ వారు డర్దు కిజినార్.

2

దేవుణు సరియాతి తీర్పు తీరిస్సాన్

1 మహికార్ తప్పు కినికార్ ఇజి మీరు వెహ్ని వరిమున్ను తీర్పు తీరిసినిదె? అహ్ వెహ్నిజి మీరు మిజిన్ తప్పు కినికిదెర్ ఇజి వెహ్నినిదెర్. మాపు తప్పు కిఇకావ్, ఇజి వెహ్లాజ్ మీరు అట్ఇదెర్. ఎందానిజ్ ఇహిజి, మీరుబా వరిలెకెండ తప్పు కినికిదెర్.

2 తప్పు కిని యూదురు అఇవరిజ్ దేవుణు తీర్పు తీరిస్తివలె వరిజ్ సరియాతి తీర్పు తీరిస్సాన్ ఇజి మాటు నెసినాట్.

3 అందెజి ఆఇ లోకుర్ పావం కినికార్ ఇజి వెహ్నిని మీరు అయ పావంకునె కిజి మహిజి దేవుణు తీర్పుదాన్ తప్ప ఆఇదెర్ ఇజి నెస్తిజ్వెలె.

4 దేవుణు మీవెట వన్ని గొప్ప విలువాతి దరు,కనికారం తోరిసినాన్. అక్క మీరు ఇజిగి కెకకదాన్ సుడఃజినిదె? దేవుణు మీవెట తోరిసిని కనికారం మీరు పావంకు ఒప్పుకోడఃజి డిసిసిని వందిజ్ నె ఇజి మీరు నెన్ఇదె?

5 గాని మీరు మీ మన్నుదు గొప్ప గర్ అజి పావంకు ఒప్పుకోడఃజి డిసిసివండ మహిజి దేవుణు తీర్పు కిని రోజుదు మీ మున్ను సిక్కు నండో కుంబ కిజినిదెర్. దేవుణు విజి లోకురిజ్ ఉండ్రె లెకెండ తీర్పు కిని దినముదు మిజిబా తీర్పు కినాన్.

6 దేవుణు ఒరెన్ ఒరెన్ వన్నిజ్ వారు కిత్తి పణిజ్ తగితిక మర్ది సినాన్లొ*

7 దేవుణుబాణిజ్ జాయ్ని గవరం, సాపు సిల్లి బత్తు దోహ్కెజ్ ఇజి డిసిఎండ నెగ్గి పణిజ్ కిజి మహివరిజ్ దేవుణు ఎలాకాలం బత్తిని బత్తు సినాన్.

8 గాని నజె నానె నెగెండ మండ్రెజ్ ఇజి సుడఃజిని వరిజ్, దేవుణు వెహ్నిని నిజమాతి మాటదిజ్ డర్దు కివిండ ఒద్దె సెఇపణిజ్ కినివరిజ్, దేవుణుబాణిజ్ గొప్ప కోపం వానాద్.

9 పావం కిజెనె మంజిని ఒరెన్ ఒరెన్ వన్నిజ్ బాదెజ్ వానె. కష్టమకు వానె. నన్ని కష్టమకు యూదురుజ్ మొదొల్లినె. వెనుక యూదురు అఇ వరిజ్ వానె.

10 గాని నెగ్గి పణిజి కినివరిజ్ దేవుణు వన్ని గొప్ప జాయ్ని గవరం, సాతి సినాన్. ముందాల యూదురిజ్ ని వెనుక యూదురు అఇ వరిజ్ సినాన్.

11 ఎందానిజ్ ఇహిజి, దేవుణు లోకాజ్ తీర్పు కినివలె తేడ తోవిండ తీర్పు కినానె.

* 2:6 2:6 కిర్కన 62:12; సామెత 24:12.

12 విజేరె లోకుర పాపం కిత్తిజ్ విజేరిజ్ నక్క వానాద్. దేవుణు మోసెజ్ సిత్తి రూలుజ్ వందిజ్ యూదురు ఆఇకారె నెన్వితారె. అందెజ్ “మీరు ఎందానిజ్ రూలుజ్ లోజేఇతిదెరె”, ఇజ వరివెట వెహావన్. దేవుణు మోసెజ్ సిత్తి రూలుజ్ నెన్వి యూదురుజ్ సిక్కిసిదెజ్ దేవుణు తీర్పు కినాన్. ఎందానిజ్ ఇహొజ వారు రూలుజ్ లోజేవితారె.

13 నిత్తినిజయ్కాన్ ఎయెన్ ఇహొజ, దేవుణు రూలుజ్ వెహికాన్ అవన్, అయ రూలుజ్ లోజేత్తికాండ్రె.

14 దేవుణు యూదురిజ్ సిత్తి రూలుజ్ యూదురు ఆఇవరిజ్ సివితాన్. అహొజ్ వారు అయ రూలుజ్ వజ బత్తిత్తిజ్, అయ రూలుజ్ వారు నెన్మనూరె ఇజ మాటూ నెసినాల్. అయ రూలుజ్ వరిజ్ సిల్లు గాని మన్విలెకెండ్ వారు నడిజెనూరె.

15 అయ రూలుజ్ వరి మన్పుదు ఇడె ఆతె మన్నే ఇజ వరి పణిజాన్ తోరిసినారె. ఒరెన్ నెగ్గి వణిజ్ కిత్తిజ్ బా సెఇ పణిజ్ కిత్తిజ్ బా ఆక్కెజ్ నెగ్గికెజ్, సెఇకెజ్ ఇజ వన్వి మన్పుదు నెసినాన్. అహొ దేవుణు సిత్తి రూలుజ్ వన్వి బుద్దిదు మన్వి.

16 లోకుర వరి మన్పుదు ఎయెరిజ్ నెన్విండ్ ఇడ్డిమన్వి ఆలోసనమకు వందిజ్ బా, దేవుణు తీర్పు కిని రోజుదు తీర్పు సీనాన్. యేసు క్రీస్తు వెట యాకెజ్ విజు జర్జెజెన ఇజ నాను వెహొని సువార్తదు మనాద్.

దేవుణు మోసెజ్ సిత్తి రూలుజ్ వజ నడినికాన్ ఇజ వెహొని యూదురువందిజ్

17 ఏలు యూదురు ఆతి మిజ్ ఉండ్రీ మాటూ నాను వెహ్పు. మాపు యూదురె ఇజ మీరు వెహొనిదెరె. దేవుణు మోసెజ్ సిత్తి రూలుజ్ వజ నడినికాన్, అందెజ్ దేవుణు తీర్పుదాన్ తప్తె అదెజ్ ఆనాన్, ఇజ మీరు ఒడిజెనిదెరె. దేవుణు కొడొరె ఇజ పొగ్గెజ్ ఆజెనిదెరె.

18 దేవుణుదిజ్ ఇన్మూతిక ఇనికెజ్ ఇజ మీరు నెన్విదెరె. దేవుణు రూలుజ్ వందిజ్ నెగెండ్ నెన్విజ్, డర్తు కిదెజ్ విజు దన్విజ్ మిన్వి ఏలువాతికెజ్ ఇనికెజ్ ఇజ మీరు నెసినెదెరె.

19 గుడ్డివరిజ్ సరి తోరిసి నడిపిసిని వరిలెకెండ్, యూదురు ఆఇవరిజ్ సరియాత్ సరి వెహొని నడిపెన్విజ్ అటూవ్ ఇజ మీరు వెహొనిదెరె. సికటిదు నడిపిసిని వరిజ్ జాను తోరిసిని వరిలెకెండ్ మీ మాటెజెజెజ్ యూదురు ఆఇవరిజ్ దేవుణు సరి తోరిసినిదెరె ఇజ వెహొనిదెరె.

20 బుద్ది సెల్లివరిజ్, యూదురు ఆఇవరిజ్ నెన్విన్విజ్ అటూవ్ ఇజ మీరు ఒడిజెనిదెరె. కొడొరె లెకెండ్ మన్వివరిజ్, ఇహొజ దేవుణు వందిజ్ నిజమాతికెజ్ నెన్వి వరిజ్ నెన్విన్విజ్ అట్టికాన్ ఇజ ఒడిజెనిదెరె. ఎందానిజ్ ఇహొజ, రాన్విమన్వి దేవుణు మాటదు మన్వి విజు వనకాజ్ ఇంక ఒడ్డె ఏలువాతి గెణం మరి నిజమాతి మాటూ మీబాన్ మనాద్ గదె.

21 మహివరిజ్ నెన్విసిని మీరు, మిజ్ మీరె నేర్చె ఆఇదెరా? డొజు కిమాల్ ఇజ గటిజు వెహొని మీరు డొజు వణి కిజెనిదెరా?

22 రంకు బూలాదెజ్ అవద్ ఇజ వెహొని మీరు రంకు బూలాజెనిదెరా? దెయమకాజ్ డొజ్ సిత్తి మీరు దెయమక గుడికెకెజ్ డొజు కిజెనిదెరా?

23 దేవుణు రూలుజ్ మాబాన్ మన్నే ఇజ వెహొని మీరు అయా రూలుజ్ లోజేవిండ్ దేవుణుదిజ్ సిగు తపిసినిదెరె.

24 “మీరు ఈహు కిత్తిజ్ దేవుణు పేరు యూదురు ఆఇకారె దూసిసినారె”, ఇజ దేవుణు మాటదు రాన్వి మన్విక, మీ వందిజ్ బా రాన్వి లెకెండ్ నె.

25 దేవుణు మోసెజ్ సిత్తి రూలుజ్ వజ మీరు నడిజెనిదెరె ఇహొజ మీరు సునతి ఆతి వందిజ్ మిజ్ లాబం మనాద్. గాని దేవుణు సిత్తి రూలుజ్ మీరు లోజేఇతిజు మీరు దేవుణు లోకుర ఇజ తోరిన్విజ్ సునతి కిబె ఆఇ యూదురు ఆఇవరిలెకెండ్ మీరు.

26 అయావజెనె, సునతి కిబె ఆఇతిజుబా దేవుణు సిత్తి రూలుజ్ వజ నడిని యూదురు ఆఇకారె వన్వి సొంతలోకుర లెకెండ్ వాండ్రు ఇడ్డాన్ గదె.

27 సునతి కిబె ఆఇకారె గాని దేవుణు రూలుజ్ లోజెని మిజ్ తీర్పు కినారె. ఎలాగ ఇహొజ, మిజ్ రూలుజు విజు రాన్వి మహొజ్ బా, సునతి కిబె ఆతిజ్ బా అయా రూలుజ్ లోజేఇతిజ్ యూదురు ఆఇకారె మిజ్ తీర్పు కినారె.

28 దేవుణు లోకుర ఇజ తోరిన్విజ్ ఇనికాద్ అలవాటుజ్ లెకెండ్ కినికాన్, నిజమాతి యూద్ వాండ్రు అవన్. దేవుణు లోకుర ఇజ తోరిన్విజ్ మీ ఒడొలేదిజ్ ఇనికాద్ కిత్తిజ్ దేవుణు ఒప్పకొణాన్ ఇజ ఒడిజెనిదెరె.

29 గాని, నిజమాతి యూద్ వాండ్రు ఎయెన్ ఇహొజ, మన్పు మారిన్వికాండ్రె నిజమాతి యూద్ వాండ్రు. దేవుణు అత్తుదాన్ మన్పు మారిన్వికారె దేవుణు లోకుర. దేవుణు లోకుర అదెజ్ ఇజ మరి ఇనికబా కిదెజ్ అవద్. నన్వి వరిజ్ లోకుర పొగ్గెజెతిజ్ గాని దేవుణు వరిజ్ పొగ్గెజెనాన్.

3

దేవుణు నమ్మిదెజ్ తగ్గికాన్.

1 అహొజ, యూద్ వాండ్రు ఇజ ఇని లాబం మనాద్? సునతి కిబె ఆతికాన్ ఇజ ఇని లాబం మనాద్ ఇజ మీరు వెహొదెరెను?

2 దన్విజ్ నాను వెహొని విజు సజతిజ్ లోఇబా గొప్ప లాబమనె! ఎలాగ ఇహొజ, దేవుణు వాండ్రు కిత్తిమన్వి ఒవందమకు మన్వి వన్వి మాటిజ్, ముజుల మా అనిగొగొంజ్ సిత్తాన్.

3 అహొజ, యూదురు సంఠెండారె దేవుణుదిజ్ నమ్మిదెజ్ తగ్గికారె ఆవితారె. వారు నమ్మిదెజ్ తగ్గికారె ఆఇతిజ్, దేవుణు వాండ్రు వెహొలెకెండ్ కివన్ ఇజ వెహొనిదెరా?

4 నాను వెహ్పు, అహొ ఇండ్రెజ్ అవద్. దేవుణు వెహొలెకెండ్ వాండ్రు కినాన్. లోకుర దేవుణు వెట వెహొలెకెండ్ కివిండ్ అబద్ధం వెహొకారె అతిజ్ బా, దేవుణు నిజమనె వెహ్పాన్. దావీదు రాజు దన్వివందిజ్ కీర్తన పుస్తకముదు ఈహు రాన్వి మనాన్. దేవుణు ఈహు వెహ్పాన్, “నీను వర్గినివతి నీ మాటిజ్ నిజమాతికెజ్ ఇజ లోకుర వెహ్పాన్. లోకు నీ మున్పు నేరం మొప్పెజ్ సుడిజెనివతి వారు గెల్లిన్విజ్ అట్విండానార్డె”.

* 2:13 2:13 దేవుణు మున్పు, నమకు ఇడ్డి మన్వి పాపమకు దేవుణు మాయిత్తికాన్. ✧ 2:24 2:24 యెసయ 52:5; యెహొ 36:22. ✧ 3:4 3:4 కీర్తన 51:4.

5 మాటు తప్పు కినివల దేవులు మా పాపముకు నెమిసి వాండ్లు నీతినిజయ్యు మన్నికాన్ ఇజ ఒద్దె తోరిసినాన్. అందెజె మాటు తప్పుజ్ కిత్తివందిజ్, మజీ సిక్కు సీత్తిజ దేవులు నాయం కినికాన్ ఆవిన ఇజ వెప్పొకార్ మనార్.

6 అపా ఇండ్రెజ్ ఆవిన. ఎందానిజ్ ఇహిజ దేవులు నాయం కినికాన్ ఆవిన ఇహిజ, విజేరి లోకాజ్ తీర్పు కిదెజ్ మన్ని అతికారు ఎలాగ మంజనాన్.

7 ఎయెనబా, “నాను తప్పు వెప్తా”, ఇజ వెప్పొన్ను. గాని నాను తప్పు వెప్తా ఇహిజ దేవులు నిజమన వెప్పొనాన్ ఇజ తోరిజనాన్. అందెజె లోకుర్ దేవులుదిజ్ పొడ్డిడినాన్. అహిజ దేవులుదిజ్ పొగ్డు వానివల నాను తప్పు కిత్తిదన్నుజ్ దేవులు నజీ తీర్పు సీజ సిక్కు సీదెజ్ ఆవిన ఇజ మీరు వెప్పొదెరు.

8 అయాలెకెండ్ వెప్పొక నిజం ఇహిజ, దేవులు పొగ్డె ఆవిన ఇజ మాటు పాపం కిజ మండ్రెజ్నా? నానుబా ఈహు వెప్పొన ఇజ నెగెండార్ తప్పు మొప్పొనార్. ఈహు వెప్పొచరిజ్ దేవులు తీర్పు తీరిసి తగితి సిక్కు సీనాన్.

దేవులు ఎద్దు నిజమాతికాన్ ఎయెనబా సిల్లెన్.

9 అహిజ ఏలు ఇనిక వెప్పొత్? మాటు యూదురు, యూదురు ఆఇవరిజ్ ఇంక వెరికాటా? ఆవెత్. యూదురిజ్ని యూదురు ఆఇవరిజ్ విజేరిజ్ దేవులు తీర్పు కిన్ ఇజ నాను వెప్తాగదె. ఎందానిజ్ ఇహిజ, పాపం విజేరిజ్ అడిగి ఇడ్డినాన్.

10 దేవులు మాటదుబా దిన్ని వందిజ్ రాస్తమనాన్. ఇనిక ఇహిజ, “ఎయెనబా నీతి మన్నికాన్ ఆవిన, నీతిమన్నికాన్ ఒరెనబా సిల్లెన్”.

11 సరియాతి ఇనిక ఇజ అద్దం కినికాన్ ఒరెనబా సిల్లెన్. దేవులుదిజ్ నెస్సెజ్ ఇజ రెబానికాన్బా సిల్లెన్.

12 విజేరి ఉండ్రెలెకెండ్ నిఇవణిజ్ కినికార్ ఆతారి దేవులుబాణిజ్ మస్తా సాచార్. సరియాతి వణి కినికార్ ఎయెరబా సిల్లెర్. ఒరెనబా సిల్లెన్”,

13 “లోకుర్ మాటెజ్ ఎలాగ మన్నె ఇహిజ, పీనుగుదిజ్ మూస్తి వెనుక మర్తి లాగితిజ ఎలాగ కంపు డెయేనాదో, అయాలెకెండ్నె. మాటిజాణిజె మొనం కిజనార్”. సరాసి వినం లోకాజ్ ఎలాగ పొడ్డి: కినాదో అయాలెకెండ్నె వారు మాటిజాణిజ్ పొడ్డి: కినార్”.

14 “వారు ఆఇవరిజ్ సయిమ్ కిజనె మంజనార్. ఆఇవరిజ్ దూసిసినార్.”*

15 లోకాజ్ సప్తెజ్ వరిజ్ సులునె వానాన్.

16 వారు సానిబాన్ విజు నాననం కిజనార్, లోకాజ్ గొప్ప కస్తమకు తపిసినార్.

17 ఆఇవరి వెట సమాదనమ్దాన్ బత్తిడిజ్ ఎనెజ్బా నెన్వర్.”*

18 వరి మన్నుదు దేవులు ఇహిజ ఇని తియెల్ సిల్లికార్.

19 దేవులు మాటాదు రాస్తిమన్నికెజ్ విజు దేవులు ఎయెరిజ్ వన్ని రూలుజ్ సిత్రాండ్రో వరివందిజె ఇజ మాటు నెసినాట్. అందెజె యూదురు గాని యూదురు ఆఇకార్ గాని మా పాపముక వందిజ్ దేవులు ఎద్దు ఇనికబా వెహ్విండ మంజనాట్. విజెరి తప్పుకిత్తికార్ ఇజ దేవులు వెప్పొనాన్.

20 దేవులు మోసెజ్ సీత్తి రూలుజ్ వజ కిత్తిదన్నువందిజ్ దేవులు ఎయెరిజ్బా నీతినిజయ్యుకాన్ ఇజ వెహ్విన్. ఎందానిజ్ ఇహిజ దేవులు రూలుజ్ నెస్తిమహిజ్బా మాటు ఎసానొ తప్పుజ్ కిత్తికాట్ ఇజ నెస్త మనాట్.

క్రీస్తుమున్ను, నమకం ఇడ్డికాండ్రె నీతిమన్నికాన్ ఆనాన్.

21 గాని లోకుర్ దేవులు ఎద్దు ఎలాగ నీతినిజయ్యుకార్ అదెజ్ అట్వార్ ఇజ దేవులు ఏలు మరి ఉండ్రె నుటు తోరిస్త మనాన్. మోసెజ్ సీత్తి రూలుజ్ లోజెత్తివలహాన్ ఆవిన. గాని దిన్నివందిజ్ మోసెజ్ సీత్తి రూలుదు మరి ఒరెన్ దేవులు ప్రవక్తరు రాస్తి మాటిజ్ లోఇబా తోరిస్త మహాన్.

22 యేసుక్రీస్తు మున్ను, నమకం ఇడ్డివరి పాపముకు విజు దేవులు మాయిస్తాన్. దేవులు సుడ్డితిజ యూదురుని యూదురు ఆఇకార్ ఇజ తెడె: ఇనిక సిల్లెద్. ఎయెర్ నమ్మిజనాలో దేవులు వరి పాపముకు విజు మాయస్తాన్. వారు నీతి నిజాయి మన్నికార్.

23 ఎందానిజ్ ఇహిజ, విజేరి పాపం కిత్తారి దేవులు తయార్ కితిమన్ని గొప్ప జాయ్ పొందిదెజ్ అట్వండాతార్.

24 గాని క్రీస్తుయేసు మా వందిజ్ సాతిజ్, అయ సాపుదాన్ మాటు కిత్తి పాపముకు వందిజ్ వాని సిక్కుదాన్ దేవులు మజీ డిబిస్తాన్. ఎలాగ ఇహిజ, తప్పు కిత్తికార్ ఇహిజబా, అయ తప్పుజ్ నాను నెమ్మిస్త మన్న ఇజ దయారర్మమదాన్ ఉండ్రె ఇనాయం లెకెండ్ నెడినె సీజనాన్.

25 లోకురి పాపముక వందిజ్ వాని సిక్కు వన్ని మున్ను, తపిసి, వన్ని సాపుదాన్ లోకురి పాపముకు వరి నమకమ్దాన్ దేవులు నెమిసిని వందిజె యేసుక్రీస్తుజ్ పొక్తాన్. ఎందానిజ్ ఈహు కిత్తాన్ ఇహిజ, దేవులు నీతినిజయ్యు మన్నికాన్ ఇజ తోరిస్తెజె. ఎందానిజ్ ఇహిజ యేసు వాని ముందల లోకుర్ పాపం కిత్తిమహివల దేవులు అక్కెజ్ ఒరిసి మహాన్. పాపం కిత్తివలె సిక్కు సివతాన్.

26 గాని దేవులు అయ పాపముకు పోన్విన. యేసు అక్కెజ్ విజు వన్నిమున్ను, ఒత్తాండ్రె వరివందిజ్ సాతాన్. దేవులు నీతిమన్నికాన్ ఇజ ఈహు తోరిస్తాన్. యేసు మున్ను, నమకం ఇడ్డికార్ నీతినిజయ్యుకార్ ఇజ ఇడ్డార్.

27 అందెజె ఏలు, మోసె సీత్తి రూలుజ్ లోజెత్తిజ్ నీతిమన్నికాట్ ఆతాట్ ఇజ పొగిడిదెజ్ అట్వెట్, యేసుక్రీస్తుజ్ నమ్మితిజానె మాటు కిత్తి పాపముకు విజు దేవులు మాయిస్తాన్ ఇజ దేవులు వహ్యాన్. అయవజనె మాటు నీతి మన్నికాట్ ఆనాట్.

28 రూలుజ్ లోజెత్తిజ్ ఆవిన, యేసుక్రీస్తుజ్ నమ్మితిజానె పాపముకు విజు మాయివె ఆజె నీతి మన్నికార్ ఆతార్ ఇజ దేవులు వెహ్యాన్. యాక మాటు నెసినాట్.

* 3:12 3:12 క్రిస్ 14:1-3; 53:1-3. * 3:13 3:13 క్రిస్ 5:9. * 3:13 3:13 క్రిస్ 140:3. * 3:14 3:14 క్రిస్ 10:7. * 3:17 3:17 మెనయ 59:7,8.

29 దేవుణు, వహి యూదురిజ్ న దేవుణు ఆవినగదె, మహి జాతిది వరిజ్ బా దేవుణుగదె. ఒఒ మహి జాతిదివరిజ్ బా దేవుణునె.

30 ఒండ్రె దేవుణునె మనాన్. వాండ్రు యూదురిజ్ నె యూదురు ఆఇ వరిజ్ నెని విజ్ జెరిజ్ వరి ననుకం వందిజ్ పాపముకు విజు మాయిప్పి, నీతి మన్నికార్ అతార్ ఇజ వెహ్సాన్.

31 అహిజ క్రిస్తు ముస్సు. ననుకం ఇడ్జిజ్ దేవుణు ఎద్రు నీతి మన్నికార్ ఇజ దేవుణు వెహ్సాజ, రూలుజ విలువ సిల్లెద్ ఇజ ఒడోబినిదెరెను. సిల్లె, రూలుజ్ విలువ సిల్లికెజ్ ఆఉ. యేసుక్రిస్తు ముస్సు. ననుకం ఇడ్జి మహిజ్ ఆయ రూలుజ్ మరి మరి లోజిదెజె.

4

ననుకమదాన్ అబ్రహాం నీతి నిజాయి మన్నికాన్ అతాన్

- 1 అహిజ గొప్పు పేరు మన్ని మా అనిగొగొ అతి అబ్రాహాము నీతిమన్నికాన్ ఇజ దేవుణు వెహ్సా వందిజ్ ఇనకం వెహ్సాజ్?
- 2 వాండ్రు కిత్తి నెగ్గి పణిజ వందిజ్ దేవుణు వన్నిజ్ నీతి నిజయికాన్ ఇజ ఇడ్జిజ్ దన్నువందిజ్ లోకురు వెట పొగిడోదెజ్ అటూన్ గాని దేవుణుబాన్ పొగిడో అదెజ్ అటోవన్.
- 3 ఎందానిజ్ ఇహిజ దేవుణు మాటాదు ఇనక రాస్త మనాద్ ఇహిజ, “దేవుణు అబ్రాహాము వెట కిత్తి ఒవందం వాండ్రు నమ్మిత్తాన్. అందెజె వాండ్రు నీతినిజయికాన్ ఇజ దేవుణు ఒప్పుకోటాన్”*.
- 4 ఒరెన్ పణి కిత్తిదన్నుజ్ కూలి దోహక్తిజ్ అయక ఇనాయం ఆవిద్ గదె. అక్క వన్ని కూలినె. నీతినిజయికాన్ అదెజ్ ఇహిజబా అయాలెకెండ్చె.
- 5 గాని, తప్పు కిత్తివన్ని తప్పుజ్ దేవుణు మాయిప్పి నీతినిజయి మన్నికాన్ ఇజ ఇడ్సాన్. నమ్మిని వన్ని ననుకమదాన్, వాండ్రు నీతినిజయికాన్ ఇజ దేవుణు ఇడ్సాన్. గాని, వన్ని పణిజాణిజ్ నీతినిజయికాన్ ఆవిన్.
- 6 దిన్నివందిజ్ దావీదురాజుబా కీర్తన పుస్తకముదు రాస్త మనాన్. ఇనక ఇహిజ, ననుకం ఇడ్జివందిజ్ నీతినిజయికార్ ఇజ దేవుణు ఇడ్జికార్ గొప్పు సర్ల అతికార్. వరి పణివందిజ్ ఆవిద్, ననుకం వందిజె.
- 7 పాపం కిత్తిదన్నుజ్ దోహక్తి నెమ వందిజ్ వారు సర్ల ఆనికార్. ఎందానిజ్ ఇహిజ, వరి తప్పుజ్ మరి ఎత్తు కెం ఇజ దేవుణు తీర్పునం కిత్తాన్.
- 8 ఎయెరెది పాపముకాజ్ దేవుణు లెక్క తోవండ్రో వాండ్రు సర్ల అతికాన్.*
- 9 పాపముకాజ్ దేవుణు నెమ్మిన్ దిన్నివందిజ్ మన్ని సర్ల సునతి అతి యూదురిజ్ నె ఆవిద్. సునతి కిబెఆఇ యూదురు ఆఇ వరిజ్ బా మనాద్. అబ్రహాం దేవుణు దేవుణుదిజ్ నమ్మిత్తాన్. అందెజె వాండ్రు నీతినిజయి మన్నికాన్ ఇజ దేవుణు ఒప్పుకోటాన్ ఇజ మాటు నెసినాట్ గదె.
- 10 ఎన్నివలె దేవుణు అబ్రహాం వందిజ్ యాలెకెండ్ వెహ్సాన్? సునతి కిబె ఆవిండ ముజాల్ నా? సునతి కిబె అతి వెనకానా? అబ్రహాం నీతిమన్నికాన్ ఇజ ఎన్నివలె దేవుణు వెహ్సాన్ ఇహిజ, సునతి కిబె ఆని ముందాలెన్ అబ్రహాం నీతిమన్నికాన్ ఇజ దేవుణు వెహ్సాన్.
- 11 వెనుక అబ్రహాం సునతి కిబె అతాన్. ఎందానిజ్ ఇహిజ దేవుణు ముస్సు. ననుకం ఇడ్జి వందిజ్ వాండ్రు నీతి మన్నికాన్ అతాన్ ఇజ గుర్తు వందిజె. సునతి కిబె ఆవిండ మహివలె దేవుణుదిజ్ నమ్మిత్తివరి పాపం దేవుణు మాయిప్తాన్. నన్నివరిజ్ బుబ్బలెకెండ్ దేవుణు అబ్రాహాముజ్ ఇడ్సాన్.
- 12 అయూజనె ననుకం ఇడ్జి సునతి కిబె అతివరిజ్ బా అబ్రహాం బుబ్బు లెకెండ్ నె. సునతి కిబె ఆవిండ మహివలె ననుకం ఇడ్జి బుబ్బాత్తి అబ్రహాం లెకెండ్ వారు. వారుబా అయా ననుకమనె ఇడ్సాన్.
- 13 దేవుణు అబ్రహాం వెట ఉండ్రె ఒట్టు కిత్తాన్. ఇనక ఇహిజ, అబ్రహాముజ్ నె వన్ని కొడో కొక్రారిజ్ యా లోకమదిజ్ సిన ఇజె. యా ఒట్టు అబ్రాహాముజ్ ఎలాగ దోహక్తాద్ ఇహిజ దేవుణు సత్తి విజు రూలుజ్ వాండ్రు లోజిత్తి వందిజ్ ఆవిద్. దేవుణు ముస్సు. ననుకం ఇట్టివెలె నీతినిజయికాన్ అతాన్ కాక యా ఒట్టు దేవుణు బాణిజ్ దోహక్తాద్.
- 14 రూలుజ లోజిత్తి వరిజె, దేవుణు సత్తి ఒట్టు దోహక్తాద్ ఇహిజ, దేవుణు ముస్సు. ఇడ్జి ననుకమదిజ్ ఇని విలువ సిల్లెద్. అహె అతిజ దేవుణు సత్తి అయ ఒట్టుబా విలువ సిల్లెండ్ మనాద్.
- 15 రూలుజ్ మన్ని ఇహిజ లోకు వనకాజ్ లోజివందిజ్ సిక్క తపెసినార్. ఎంటె రూలుజ్ మహిజ్ బా లోకర్ వనకాజ్ లోజివిర్.
- 16 ననుకం ఇడ్జి రూలుజ్ లోజిత్తి యూదురున్ ఆవిద్ అబ్రహాంలెకెండ్ దేవుణు ముస్సు. ననుకం ఇడ్జివరిజ్ విజ్ జెరిజ్ యా ఒట్టు దోహక్తాద్. దేవుణు ముస్సు. ననుకం ఇడ్జివరిజ్ అబ్రహాం ఒరెన్ బుబ్బువజనె.
- 17 “నాను నిజే నండో జతిజ బుబ్బు లెకెండ్ ఏరొట్టుకు కిత్తి మున్న”, ఇజ దేవుణు అబ్రహాం వెట కిత్తి ఒట్టు దేవుణు మాటాదు రాస్త మనాద్. సాతివరిజ్ బత్తు సీజనాన్. వన్ని మాటదాన్ సిల్లివనకాజ్ మన్నిలెకెండ్ కూక్కినాన్, యా దేవుణు. వన్నిజె అబ్రహాం నమ్మిత్తాన్. దేవుణు ఎద్రు, యా ఒట్టువలెహాన్ మజి విజ్ జెరిజ్ అబ్రహాం బుబ్బులెకెండ్ అతాన్.
- 18 దేవుణు అబ్రాహాముజ్ వెహ్సా మాటెజ్ ఇర్దిదెజ్ కస్తమాతికెజ్ గాని అక్కెజ్ ఇర్దిని ఇజని నమ్మిజి ఎద్రునుడోజి మహాన్. అందెజె నండో జాతిజ బుబ్బువజ ఆని ఇజ దేవుణు వెహ్సా మాటెజ్ లెకెండ్ వాండ్రు అతాన్. నీ కొడోర్ అగనముదు మన్ని లెక్క కిదెజ్ అటోజ్ సనొగ్గు సుక్కెలెకెండ్ నండోండో అనారెలె ఇజ దేవుణు వెహ్సా మాటెలెకెండ్ జర్గిత్తాద్.
- 19 అబ్రాహాముజ్ డగ్గు డగ్గు వంద పంటెజ్ అత మహాద్. “నాను నిస్సొ డొక్క అత. నా అల్లి సారాయిబా కొడోర్ ఇడ్జెజ్ అటోవిద్”, ఇజ ఒడోబిజ్ మహాన్. అహిజ్ బా దేవుణు వెహ్సా మాటెజ్ అబ్రహాం ఇని అనుమానం సిల్లెండ్ నమ్మిత్తాన్.

* 4:3 ఆది 15:6. * 4:8 4:8 కిర్తన 32:1,2.

20 వన్ని నమకం డిన్వితాన్. దేవుణు కిత్తి ఒట్టు వందిజ్ అనుమానం అవితాన్. దేవుణు వెహ్తాలెకెండ్ జర్గినాదలె ఇజి నమ్మితాండ్రె దేవుణుదిజ్ పొగడితాన్.

21 దేవుణు ఒవందం కిత్తిలెకెండ్ కిదిజ్ అట్నూన్ ఇజి పూర్తి నమ్మితాన్.

22 అందిజె దేవుణు మాటదు రాస్త మనాద్, “అబ్రహాం దేవుణుదిజ్ నమ్మితాన్. అందిజె దేవుణు వన్నిజ్ నీతినిజయ్ మన్నికాన్ ఇజి ఇడ్నాన్”, ఇజి

23 నీతినిజయ్కాన్ ఇజి ఇడె అతాన్”, ఇజి దేవుణు మాటదు రాస్తి మన్నిక అబ్రహాం ఒరెన్ వందిజె అవద్.

24 మా వందిజెబా నీతినిజయ్ మన్నికార్ ఇజి దేవుణు ఇడ్డ మనాన్ ఇజి రాస్త మనాద్. సాతివరిబాణిజ్ యేసుక్రీస్తుజ్ నిక్తి దేవుణు ముస్సు నమకం ఇడ్డి మా వందిజెబా నీతినిజయ్కార్ ఇజి రాసె అతమనాద్.

25 మా సెజి వణిజి వందిజె యేసు క్రీస్తుజ్ సప్తార్. సాతివరిబాణిజ్ దేవుణు వన్నిజ్ నిక్తిజ్, మా పాపమకు విజి సెమిస్తాండ్రె మజి దేవుణు వెట కూడిత్తికార్ ఇజి ఇడ్నాన్.

5

దేవుణు వెట మజి సాంతి సమదనమని సర్వ అజినాట్

1 మా ప్రబు అతి క్రీస్తు మావందిజ్ సాతాన్ ఇజి మాటు నమ్మితజ్, మాటు దేవుణు వెట కూడిజి మంజినాట్. అందిజె దేవుణు వెట సాంతి సమదనం వాత మనాద్.

2 యేసుక్రీస్తు మా వందిజ్ సాతిజ్ వెలు దేవుణు మజి తోరిస్తి దయాదర్మం మాటు నెస్త మనాట్. దేవుణు ఎస్సానో గొప్పవాండ్రు ఇజి సెస్తాట్ వన్ని గొప్ప జాయదు మాటుబా మంజినాట్ ఇజి ఎర్దుసుడేజి మంజినెలోక సర్వ అజినాట్.

3 అక్కాడె అవద్, క్రీస్తుముస్సు నమకం ఇడ్డి వందిజ్ వాని కన్మకలోక సర్వదాన్ మంజినాట్. ఎందానిజ్ ఇహిజ, అయ కన్మమకు వాతిజ్ అక్కెజె ఎలాగ బరిస్తిజి ఇజి మాటు నెస్తజ్ అనాద్.

4 కన్మమకు వానివలె అక్కెజె బరిస్తిజి మాటు నెగ్గి గుణమకు మన్నికార్ ఇజి దేవుణు మా వందిజ్ ఒప్ప కొడేజినాన్. నెగ్గి గుణమకు మన్నికార్ ఇజి ఒప్పకొటేజి మాటు అసదాన్ ఎర్దుసుడేజి మంజినాట్.

5 దిన్ని వందిజ్ మాటు ఎర్దు సుడేజి మన్నిజ్ అక్క నిజమనె జర్గినాద్ ఇజి సుడేజినాట్. ఎందానిజ్ ఇహిజ దేవుణు మజి ప్రేమిసినాన్ ఇజి మా ముస్సుదు మాటు నెగెండ్ సెస్తాట్. మజి సత్తి మన్ని దేవుణు అత్తుదానె దేవుణు మా ముస్సు మన్ని ప్రేమ వందిజ్ నెసినాట్.

6 ఎలాగ ఇహిజ, మాటు ఇనికబా కిదిజ్ అవద్విడ మహివలె దేవుణు ఏర్పాటు కిత్తి కాలమదు, దేవుణు వందిజ్ బక్తినిల్లి వరివందిజ్ క్రీస్తు సాతాన్.

7 నీతినిజయ్ మన్ని వన్నివందిజ్ ఒరెన్ సాదిజ్ ఇహిజ కన్మం. నెగ్గికాన్ అతివన్నివందిజ్ ఒరెన్ సానాన్సు.

8 గాని దేవుణు మజి ఎస్సానో ప్రేమిసినాన్ ఇజి తోరిస్తాన్. ఎలాగ ఇహిజ మాటు దేవుణు వెట వెత్తేకమదాన్ అఇసరి నడిసె మహివలెనె క్రీస్తు మా వందిజ్ సాతాన్.

9 అందిజె, క్రీస్తు మా వందిజ్ సాతిజ్ మాటు నీతిమన్నికాట్ ఇజి దేవుణు ఇడ్డిమన్నిక నిజమె. అహిజ, ఎలాకాలం మంజినె సక్కుదాన్ మాటు క్రీస్తువెట తప్ర అనాట్ ఇజి మన్నిక ఒడ్డె నిజమాతిక.

10 ఎందానిజ్ ఇహిజ, మాటు దేవుణు వెట వగ అస్తి మహివలె దేవుణు మరిసి మా వందిజ్ సాతాండ్రె మజి దేవుణు వెట కూడెస్తాన్. అహిజ వెలు దేవుణు వెట మాటు కూడితాట్ ఇహిజ, మరి నండ్ మజి గెల్లిస్తాజ్ క్రీస్తు అట్నూన్ ఇజి మాటు నెసినాట్. వాండ్రు మరేజి నిజిత్తిజెనె యా గెలుపు మజి వాతాద్.

11 అక్కాడె అవద్, మా ప్రబు అతి యేసుక్రీస్తు మా వందిజ్ సాతి వందిజెనె మా వందిజ్ కిత్తి వణి వందిజ్ సర్వ అజినాట్. యేసుక్రీస్తు బాణిజ్ మాటు దేవుణువెలె సమదనం మన్నికాట్ అతాట్.

ఆదాముని క్రీస్తు

12 వెలు నాసు ఉండ్రి వెప్పూ ఒరెన్ లోకు, ఇహిజ ఆదాం పాపం కిత్తిజ్ పాపం యా లోకమదు డూగితాద్. పాపం కిత్తిజ్ ఆదాం సాతాన్. అందిజె యా లోకమదు విజెరె సాజినార్. విజెరె పాపం కిత్తిజ్ విజెరె సాజినార్.

13 దేవుణు మోసవెట రూలుజ్ సివిడ మహివలె లోకురె పాపం కిజి మహార్. గాని వారు కిత్తి తప్పజు లెక్క సుడేవితాన్. ఎందానిజ్ ఇహిజ రూలుజ్ సిల్లెండ్ మహాదకాక రూలుజ్ తప్తార్ ఇజి ఇన్వినె.

14 గాని ఆదాం బత్తితి మహి కాలమదాన్ మోసె కాలమదాక బత్తిజి మహికార్ సాతార్. ఎందానిజ్ ఇహిజ ఆదాం కిత్తి పాపం లెకెండ్ వారు కిదితార్ గాని వారుబా పాపం కిత్తార్. ఆదాముని వెనుక వాతి క్రీస్తు ఉండ్రెలెకెండ్డె. ఎలాగ ఇహిజ ఆదాం కిత్తి వణి క్రీస్తు కిత్తి వణి విజెరెకె కూడిత వాతాద్.

15 గాని రివెరెబా ఉండ్రె లెకెండ్ అవర్. దేవుణు నెడినె సత్తి ఇనాయం తతాన్. మరి ఒరెన్ విజెరెకె సాపు తత్తాన్. గాని యేసు క్రీస్తు వన్ని దయాదర్మమదాన్ తత్తి ఇనాయం ఒడ్డె వెరికాదె. దేవుణు విజెరెకె నెడినె సత్తి వన్ని దయాదర్మమనె అయ ఇనాయం.

16 ఆదాం కిత్తి పాపమదాన్ వతిదన్నజ్ క్రీస్తు నెడినె సత్తి ఇనాయమదిజ్ లోక మరి ఉండ్రి తేడ మనాద్. ఇనిక ఇహిజ, ఆదాం ఉండ్రి పాపం కిజిజ్ దేవుణుబాణిజ్ తిర్పు తత్తాన్. గాని క్రీస్తు దేవుణుబాణిజ్ తత్తి ఇనాయం అయాలెకెండ్ అవద్. నెడినె దోహక్తి అయ ఇనాయం ఇనిక ఇహిజ దేవుణు లోకురెజ్ నీతినిజయ్కార్ ఇజి ఇడ్డికదె. నీతినిజయ్కార్ ఇజి దేవుణు లోకురెజ్ ఇడ్డిని అయ ఇనాయం వాతిజ్, లోకురె కిత్తి విజి పాపమక వందిజ్ “మీ పాపమకు విజి నాసు మాయిప్ప”, ఇజి దేవుణు వెహండ్రె వరిజ్ నీతినిజయ్కార్ ఇజి ఇడ్నాన్.

17 ఒరెన్ లోకు తప్పు కిత్తిజ్ లోకుర్ విజెర్ సాజనార్, సాపు లోకురిజ్ ఏలుబడిః కిజనాద్. గాని మరి ఉండ్రీ ఒద్దె నిజమె, ఇనిక ఇహొజ, యేసు క్రీస్తు ఇని మరి ఒరెన్ కిత్తి వణిదాన్, దేవుణు బాణిజ్ గొప్పు దయాదర్మమని నెడినె దొహక్కి నీతినిజయ్య ఇనికెజ్ వాతిజ్ అక్కెజ్ మా బత్తుడు ఏలుబడిః కిజనె.

18 అహొ ఒరెన్ వన్ని తప్పదాన్ దేవుణు బాణిజ్ తీర్పు వాతి లెకెండ, మరి ఒరెన్ వన్ని నీతి వణిదాన్ విజెర్ తీర్పుదాన్ తప్ప అదెజ్ అట్టాన్. యా నీతి వణి, వరిజ్ ఎలాకాలం బత్తుని బత్తు తత్తాద్.

19 ఎలాగ ఇహొజ ఒరెన్ లోకు దేవుణుదిజ్ లోజీవండ చుహివలె ఎలాగ లోకుర్ విజెర్ తప్ప కిత్తికార్ అతారో, అయాలెకెండెనె మరి ఒరెన్ లోకు దేవుణుదిజ్ లోజీతిజ్ దేవుణు లోకురిజ్ నీతినిజయ్య మన్నికార్ ఇజ ఇడ్తాన్.

20 దేవుణు రూలుజ్ లోకురిజ్ వాతివెలె తప్పజ్ నండో కిజనావ్ ఇజ లోకుర్ నెస్తార్. గాని తప్పజ్ నండో అతివెలె దేవుణుది గొప్పు దయాదర్మమబా దన్నిజ్ ఇంక నండో పిరిజి వాత్తాద్.

21 పాపం నండో అజి వాతివలె లోకుర్ సాపుదిజ్ తగిజి వాతార్. గాని ఏలు దేవుణు లోకురిజ్ నీతినిజయ్య మన్నికార్ ఇజ ఇడ్తెజ్ గొప్పు దయాదర్మం లోకుర్ మున్ను ఏలుబడిః కిజనాద్. ఎందానిజ్ ఇహొజ మా ప్రబు అతి యేసుక్రీస్తు కిత్తి వణిదాన్ ఎలాకాలం బత్తుని బత్తు వాదెజ్ ఇజ.

6

పాపం వందిజ్ సాతికాల్ గాని క్రీస్తువెలె బత్తునికాల్.

1 అహొజ, ఏలు ఇనిక వెప్పాట్? మాటు పాపం కిత్తివెలె దేవుణు గొప్పు దయాదర్మం తోరిస్తాన్ ఇహొజ ఏలు మరి నండో దయాదర్మం తోరిస్తెజ్ ఇజ మరి నండో పాపమకు కిజనె మండ్రెజ్నా?

2 అవిద్, మాటు పాపం కిజనె మండ్రెజ్ అవిద్. ఎందానిజ్ ఇహొజ, పాపం కిదెజ్ అన మాటు డిఃస్తాల్. నన్ని అనెజ్ డిస్టిజ్ పాపం కిజనె మండ్రెజ్ అట్విట్టె.

3 యేసు క్రీస్తు వెట కూడెదెజ్ ఇజ బాప్తిసం పొందినివలె మాటుబా వన్నివెలె సాతాల్ ఇజ విజెరిజ్ వెప్పినాట్. ఇక్క మీరు నెస్తెజ్ వలె.

4 అందెజి క్రీస్తు సాతి వెనుక బూమి లోజి వన్ని పీనుగు ఎలాగ మూనె అతారో, అయాలెకెండెనె బాప్తిసం పొందితివెలె మాటుబా వన్నివెలె మూనె అతి లెకెండ అతాల్. ఎలాగ ఇహొజ, పాపం కిదెజ్ మన్ని అనవందిజ్ బత్తిదెజ్ అట్విండ అజనాల్. బుబ్బాతి దేవుణుది గొప్పు జాయ్ మన్ని నత్తుదాన్ యేసుప్రబు ఎలాగ సాపుదాన్ మర్రి నీజితాండ్రో అయాలెకెండె మాటుబా ఉండ్రీ కొత్త బత్తుడు మండ్రెజ్ అట్టాల్.

5 మాటు మా పడాయే బత్తు, డిఃసీసిజి యేసుక్రీస్తు వెట వన్ని సాపుడు కూడిఃతాల్ ఇహొజ యేసుక్రీస్తు సాపుదాన్ మర్రి నిజిత్తి లెకెండె మాటుబా తవ్వించడం ఉండ్రీ కొత్త బత్తుడు వన్నివెలె కూడిఃజి మంజినాల్.

6 ఒరెన్ ఎజమాని అడిగి వణికినికాన్ లోజిజి మంజినిలెకెండ, మాటు పాపం కిదెజ్ మన్ని అనదిజ్ లోజిజి మండ్రెజ్ అవిద్. అందెజి యేసుక్రీస్తు సిలువాడు సాతివెలె పాపం కిదెజ్ మన్ని మా అనిజబా అయ సిలువాడు నస్తె లెకెండెనె. యాక మాటు గుర్తు కినాల్.

7 సాతిసాహికాన్ పాపం కిదెజ్ మన్ని అనిజాణిజ్ డిఃబె అతికాన్ గదె, అయాలెకెండె మాటుబా డిఃబె అతాల్.

8 అహొజ, మాటు క్రీస్తు వెట సాతి లెకెండ ఇహొజ, క్రీస్తు వెట బత్తిత్తి లెకెండె మాటుబా వన్నివెలె బత్తినాల్ ఇజ నమ్మిజనాల్.

9 క్రీస్తు సాతిజ్ దేవుణు క్రీస్తుజ్ సాతి వరిబాణిజ్ మర్రి నికాన్. వాండ్రు మరి సావన్. అందెజి సాపు వన్ని మున్ను అతికారం కిదెజ్ అట్విండ ఇజ మాటు నెసినాల్.

10 క్రీస్తు సాతివెలె లోకుర్ పాపమక వందిజ్ ఉండ్రె నుటునె సాతాన్. గాని మర్రి బత్తిత్తివెలె దేవుణు వందిజ్ బత్తిజనాన్.

11 అయాలెకెండె మీరుబా పాపం కిదెజ్ మన్ని అనదిజ్ సాతికార్ ఇజ మిజి ఇడ్డు. మరి యేసుక్రీస్తు వెట కూడిఃజి మహిజ్ దేవుణుదిజ్ ఇస్సమాతి బత్తు, బత్తిజనిదెర్ ఇజ ఇడ్డు.

12 అందెజి, పాపం కిదెజ్ మన్ని అనెజి, సాజి సాని మీ ఒడొల్దు ఏలుబడిః కిదెజ్ అవిద్. ఎందానిజ్ ఇహొజ, పాపం కిదెజ్ మన్ని అనెజ్ వజి కిబిస్తెజి అక్క సుడిఃజినాద్.

13 పాపం మీ మున్ను, ఏలుబడిః కిజి సెఇ వణిజి కిదెజ్ వాడుఃకొని అయందమకులెకెండె మీ ఒడొల్ది బాగమకాజ్ వాడుఃకొడెఃమాల్. గాని సాపుదాన్ బత్తుడు వాతివరిలెకెండె మీ ఒడొల్దిజ్ దేవుణుదిజ్ ఒప్పుజెప్తెజ్. నస్తెవలె మీ ఒడిఃల్లి బాగమకు నీతినిజయ్య మన్ని వణిజి కిదెజ్ వాడుఃకొని అయందమకులెకెండె అనె.

14 పాపం కిదెజ్ ఇజ అన మీ మున్ను, ఏలుబడిః కిదెజ్ అవిద్. ఎందానిజ్ ఇహొజ దేవుణు తీర్పుదాన్ తప్ప అదెజ్ ఏలు మోనె సత్తి రూలుజి లోజిదెజ్ అవ్సరం నెల్లెద్. గాని పాపం కిదెజ్ మండ్రెజ్ ఏలు దేవుణు దయాదర్మం మీ మున్ను, ఏలుబడిః కిజినాద్.

నీతినిజయ్య మన్ని బత్తు, బత్తిదెజ్ ఇజ మన్ని అనదిజ్ మీరు వెటివణి కినివరిలెకెండె లోజిజి మంజినిదెర్

15 ఏలు మాటు దేవుణు మోనెజి సత్తి రూలుజి అడిగి మంజినిజ్, పాపం కిజి మండ్రెజా? అవిద్, ఎనెజిబా అవిద్.

16 ఇనిక ఇహొజ యాక నిజం ఇజ మీరు నెసినెదెర్. ఎయెన్బా వెటివణి కినివన్ని లెకెండె ఒరెన్ ఎజమానిజ్ లోజిజి మండ్రెజ్ నూణివలె, అయ ఎజమానిజ్ వెటివణి కినికాన్ అజినాన్ గదె. పాపమందిజ్ లోజిత్తిజి సాపు తపిసినెదెర్. దేవుణుదిజ్ లోజిదెజ్ ఒప్పుకొటిజి దేవుణు మిజి నీతినిజయ్యకార్ ఇజ ఇడ్తాన్.

17 ముందాల్ మీరు ఇస్సం అతి వజి పాపం కిజి, పాపం కిదెజ్ మన్ని అన ఇని ఎజమానిజ్ వెటివణి కినికార్ లెకెండె మహిదెర్. గాని వెనుక మిజి దేవుణు వందిజ్ నెస్టిన్ దన్నివందిజ్ మీరు పూర్తి మన్నుదాన్ నెస్టిన్ లోజిత్తి మన్నిదెర్. దిన్నివందిజ్ నాను దేవుణుదిజ్ వందనమకు వెప్పినె.

18 పాపం కిదెక్ మన్ని ఆసెబాణిక్ దేవుణు మిజి డిబిన్సి దన్నుక్ నాను దేవుణుదిక్ వందనముకు వెప్పిన. దేవుణు ఎద్రు నీతినిజయ్యి మన్ని బత్తు బత్తిదెక్ ఇజి మన్ని ఆసదిక్ మీరు వెటిపణి కినివరికెండ్ లోజిజి మన్ని దన్నుక్ బా నాను దేవుణుదిక్ వందనముకు వెప్పిన.

19 దేవుణు వందిక్ నిజమాతికెక్ అర్థం కిదిన్సెక్ ఇజి నాను అర్థం కిదిసిని మాటెక్ వెప్పిన. ఏలుదాక్ మీరు వెటిపణి కినివరి కెండ్ మీ ఒడోలేది బాగముకు సెజపణిక్ కిదెక్ మరి ఒద్దె సెకెక్ కిజి, పాపం కిదెక్ మన్ని ఆసెక్ లోజిత్తి మహిదెర్. ఏలు దేవుణుదిక్ కేట అతివరికెండ్ నీతినిజయ్యి పణిక్ కిజి దేవుణుదిక్ వెటిపణి కినికార్ కెండ్ మీ ఒడోలేదిక్ నడిపిన్సు.

20 మిజి ఇన్సం అతివజ బత్తిజి పాపం కిదెక్ మన్ని ఆసెక్ లోజిజి మహివలె మీరు నీతినిజయ్యిదాన్ బత్తిదెక్ ఇజి ఎయెర్బా మిజి డటం వెహెవతార్.

21 గాని ఏలు మిజి సిగు తపిసిని నన్ని బత్తు మిజి ఇని లాబం తెవితార్. అయ బత్తుదాన్ దేవుణుబాణిక్ దూరం మండ్రెక్ నె అతార్. నన్ని బత్తు దేవుణు ఇనిక తనాద్ ఇహెజ సాపున తనాద్.

22 గాని ఏలు పాపం కిదెక్ మన్ని ఆస మీ మున్సు ఏలుబడి కివిండ్ మీరు దన్ని మున్సు గెలిన్సిదెర్. దేవుణుదిక్ వెటిపణి కినికార్ కెండ్ అతిదెర్. నన్ని బత్తుదాన్ వాతి ఉండ్రి వండులెకెండ్ మీరు దేవుణుదిక్ కేట అతి లోకుర్ అతిదెర్. నన్సవలె ఎలాకాలం బత్తిని బత్తు దోహెక్కాద్.

23 పాపమదిక్ లోజిజి మహివలె దోహెక్కి కూలి ఎలాకాలం మన్ని సాపు. గాని మా ప్రబు అతి క్రీస్తుక్ నమ్మితివరిజి ఎలాకాలం బత్తిని బత్తు దేవుణు సెడినె సిసాన్.

7

అలు మాసిర్ నడిపి మన్ని రూలుక్

1 యెసుప్రబుక్ నమ్మితి మా తంబెరిజాండ్, రూలుజి వందిక్ నెసినివరి వెటె నాను యాక వెప్పిన. ఇనిక ఇహెజ ఒరెన్ లోకు బత్తిజి మహివలె ఉండ్రినె రూలుజి లోజిజి మండ్రెక్ గదె.

2 ఎలాగ ఇహెజ, పెండ్లి అతివందిక్ మన్ని రూలుజి నుడోతిజి, ఉండ్రి అయేలి కొడో డన్ని మాసివెటె మంజినాద్ గదె. గాని మాసి సాతసాహెన్ ఇహెజ అది వన్నిక్ పెండ్లి అతిలెకెండ్ మండ్రెక్ అవనరం సిల్లెద్ గదె. అది మాసివెటె మండ్రెక్ ఇజి మన్ని రూలుజిబాణిక్ డెబె అతార్.

3 రూలుజి నుడోతిజి, మాసి బత్తిజి మహివలె మరి ఒరెన్ వెటె అది సాహెజ, అది రంకు బూలానికాద్ ఇనార్. గాని మాసి సాతిజి పెండ్లి అతి మన్ని రూలుదిక్ లోజిజి మండ్రెక్ అవనరం సిల్లెద్. వెనుక మరి ఒరెన్ వన్నిక్ పెండ్లి అతిజి అది రంకు బూలానికాద్ ఇజి ఇన్వెర్.

4 అయాలెకెండ్ నె మా తంబెరిజాండ్, యెసుప్రబు వెటె మీరుబా సాతిలెకెండ్ అతిదెర్. అందెజి దేవుణు మోసెక్ సిత్తి రూలుక్ లోజినిబాణిక్ మీరు డిబె అతిదెర్. మాసి సాతికాద్ మరి ఒరెన్ వన్నిక్ పెండ్లి అతిలెకెండ్ ఏలు మీరు, సాతివరిబాణిక్ దేవుణు నిక్కి క్రీస్తువెటె కూడితిదెర్. ఎందానిక్ ఇహెజ, మా బత్తుదాన్ దేవుణువందిక్ నెగ్గి వట్టు వండ్ దెక్ ఇజి.

5 ఒడోలేది సెజ ఆసెక్ వజి కిదెక్ ఆస ఆని మన్సు మజి అడిజిమహివలె పాపం కిదిన్సెక్ తగితి ఆసెక్ మా ఒడోలేది బాగముకాక్ ఏలుబడి కిజి మహె. దేవుణు మోసెక్ సిత్తి రూలుక్ మాటు నెన్సవలె యా ఆసెక్ పిరితిక్ పాపం కిజి మాటు సాపు తపిసిని వట్టు వండ్రిన్సాట్.

6 గాని ఏలు యెసుప్రబు వెటె సాతిలెకెండ్ మహెజ రూలుజి వెటిపణి కినిదన్నుటూన్ డిబె అతార్. రాస్తిమహె అయ రూలుజి ఏలు మాటు వెటిపణి కినికార్ అవట్. ఏలు మాటు దేవుణు అత్తుదిక్ వెటిపణి కినివరివజి ఉండ్రి కొత్త బత్తిజినాట్.

దేవుణు మోసెక్ సిత్తి రూలుక్

7 ఏలు మాటు ఇనిక వెహెట్? దేవుణు మోసెక్ సిత్తి రూలుక్ పాపం కిదెక్ మన్ని ఆసెక్ పుటిసినాద్. అందెజి అయ రూలుక్ సెకెక్ ఇజి వెహెట్? అట్టివట్, అహం వెహెట్ అవద్. గాని పాపం కిజిన ఇజి నాను ఎలాగ నెన్స ఇహెజ, దేవుణు మోసెక్ సిత్తి రూలుబాణిక్ నెన్సమన్సు. ఎలాగ ఇహెజ, అజవరిక్ మన్ని వనకాక్ వందిక్ ఆస అమాట్ ఇజి మోసి సిత్తి రూలుదు వెహెవండ్ మంజినిక ఇహెజ, అక్క దేవుణు ఎద్రు పాపముకు ఇజి నెన్వతా మరి.

8 అజ వరిక్ మన్ని వనకాక్ వందిక్ ఆస అమాట్ ఇజి రూలు మహిజెన్, నన్ని ఆసెక్ పుట్టిక్ నాను వనకవందిక్ ఆస అత. పాపం కిమాట్ ఇజి రూలుక్ సిల్లెండ్ మంజినిక ఇహెజ పాపం కిదెక్ మన్ని ఆస మా మున్సు ఏలుబడి కిద్.

9 రూలుక్ నెన్వండ్ మహివలె నాను ఇని బాద్ సిల్లెండ్ బత్తిజి మహె గాని రూలుక్ నెన్స వెనుక నాను తప్ప ఇజి నెన్స. దేవుణుబాణిక్ దూరం అత ఇజి నెన్స.

10 రూలుజి లోజితిజి ఎలాకాలం బత్తిని బత్తు వానాద్ ఇజి నాను ఒడోబిత్త గాని అయ రూలుబాణిక్ నా సాపుదిక్ తీర్పు వాత ఇజి నెన్స మన్సు.

11 ఎలాకాలం బత్తిని బత్తు వానాద్ ఇజి నాను మొసెం కిబె అత. అయ రూలుక్ నాను తప్పైని సాపుదిక్ తీర్పు తత్త.

12 అందెజి దేవుణు మోసెక్ సిత్తి రూలుక్ దేవుణుబాణిక్ వాతికెక్. లోకుర్ ఎలాగ నడిదిజె ఇజి మన్ని అడ్రెక్ నీతినిజయ్యిక్, నెగ్గెక్.

13 అహెజ, దేవుణు మోసెక్ సిత్తి రూలుక్ నెగ్గెక్ గాని నజి సాపుదిక్ తీర్పు తత్త ఇజి వెహెట్? అవద్, అహం అవద్. రూలుక్ నెగ్గెక్ గాని పాపం కిదెక్ నజి మన్ని ఆస యా రూలుబాణిక్ ఒద్దె పెరిక అజి తోర్ అతాద్ నాను దేవుణుబాణిక్ దూరం అత. రూలుక్ ఎందానిక్ సిత్రాన్ ఇహెజ పాపం కిదెక్ మన్ని మా మన్సు తోర్నెజి. రూలుజి వజి బత్తిదెక్ అట్టివండ్, మాటు పాపం కినికాట్ ఇజి తోర్నెజి ఇక్కెక్ పణిదిక్ వాత అహె మాటు ఎనిసాన్ పాపం కినికాట్ ఇజి నెన్సెజి యా రూలుక్ పణిదిక్ వాత.

- 14 దేవుణు మోసాజ్ సీత్తి రూలుజ్ దేవుణు అత్తుదాన్ వాతికెజ్ ఇజ మాటు విజేటి నెనినాట్. గాని నాను ఇహొజ నాపందిజె ఎత్తు కిజిని మన్నుదాన్ మన్ను. పాపం కిదెజ్ అన్నీ ఆసదిజ్ ఒరెన్ వెటిపణి కినివన్నితెకెండ్ లోజీజి మంజిన.
- 15 ఎలాగ ఇహొజ, నాను కినికెజ్ ఎందానిజ్ మహొ కిజిన ఇజ నాను అర్దం కివి. కిన్ ఇజ నండొ నుట్టు ఒడొబినికెజ్ కివిండ ఆజిన. కిదెజ్ ఇన్డం సిల్లికెజ్ నండొ నుట్టు కిజిన.
- 16 కిదెజ్ ఇన్డం సిల్లి సెకెజ్ నాను కినివెలె ఉండ్రీ నెనిన. ఇనిక ఇహొజ దేవుణు రూలుజ్ నెగ్గికెజ్ న ఇజ నెనిన.
- 17 అందెజె, కిదెజ్ ఇన్డం సిల్లి సెకెజ్ నాను కినివెలె, అక్క నాను ఆవి, నా లొజ మన్నీ పాపమనె అక్కెజ్ కిబినిసె.
- 18 ఒడొలీది సెజ ఆసెజ్ వందిజ్ ఎత్తు కిని నా మన్నులొజ నెగ్గికెజ్ ఇనికెజ్ సిల్లు ఇజ నాను నెనిన. ఎలాగ ఇహొజ, నెగ్గికెజ్ కిదెజ్ ఇన్డం మనాద్ గాని కిదెజ్ అట్వి.
- 19 కిన్ ఇజ ఒడొబిత్తి నెగ్గి పణిజ్ నాను కివి. కిదెజ్ అవిద్ ఇజ ఒడొబిత్తి సెజ పణిజ్ నె కిజిన. కిత్తిజ
- 20 కిదెజ్ అవిద్ ఇజ ఒడొబిత్తి సెజ పణిజ్ కిత్తిజ అక్క కినిక నాను ఆవి. నా లొజ మన్నీ పాపమనె అక్కెజ్ కిబినిసె.
- 21 అహొజ, ఇనిక జర్రిజనాద్ ఇహొజ నాను ఇనికాద్ ఉండ్రీ నెగ్గికెజ్ కిదెజ్ ఇజ నుడొబిజి నెఇకద్ కిజిన.
- 22 ఎందానిజ్ ఇహొజ దేవుణు రూలుజ్ వందిజ్ నాలొజ గొప్పు నర్ల ఆజిన.
- 23 గాని మరి ఉండ్రీ సత్తు నా లొజ ఏలుబడిః కినిక నాను నుడొబిజి. నాను కిన్ ఇజ నుడొబిజిని దన్నీజ్ అయ సత్తు నావెలె కాట్లాడజనాద్. పాపం కిదెజ్ నా ఒడొబిత్తి బాగమక లొజ మన్నీ ఆసెజ్ అడిగి నజి ఇడ్డెజ్ అయ సత్తు నుడొబిజి మంజినాద్. అందెజె గెల్లిసెజ్ అట్విందాజిన.
- 24 ఒజ, ఒజ దిన్నివందిజ్ మన్నుదాన్ గొప్పు కన్యపాతి మణిసి నాను. సాపుదిజ్ తీర్పు వాతి యా ఒడొలీదాన్ నజి డిబిన్సికాన్ ఎయెన్బా మంజనిక ఇహొజ బాగ మహాద్మరి.
- 25 మా ప్రలు ఆతి యెసు క్రీస్తు వెటనె మజి అయ విడొబదల వానాద్. దిన్నివందిజ్ నాను దేవుణుదిజ్ వందనమకు వెప్పిన. అహొజ దేవుణు సీత్తి రూలుజ్ లోజెదెజ్ నుడొబిజి. గాని ఒడొలీది సెజ ఆసెజ్ కిదెజ్ ఆస ఆని నా మన్ను నజి అడిజె దన్నీ అడిగి నజి ఇడ్డినాద్. అందెజె నాను ఏలుబా పాపమదిజ్ వెటిపణి కినికాన్ తెకెండ్.

8

దేవుణు అత్తు నడిపిసిని బత్తు.

- 1 అందెజె ఏలు యెసుక్రీస్తు మున్ను నమకం ఇడ్డి దేవుణు ఎర్దు నీతినిజయ్యారె ఆతివరిజ్ సిక్కు సిల్లెద్.
- 2 ఎందానిజ్ ఇహొజ, యెసుక్రీస్తుదాన్ వాతి కొత్త బత్తు బత్తిదెజ్ దేవుణు వన్నీ అత్తు మజి సత్తు మనాన్. అయ అత్తు సత్తుదాన్ పాపం కిదెజ్ మన్నీ ఆసదాన్ మాటు డిబె అత మనాట్. ఆహొ సాపుని సిక్కు తపిసిని పాపం కిదెజ్ మన్నీ ఆసెజాణిజ్ నాను డిబె అత మన్ను.
- 3 మాటు ఒడొలీది సెజ అసెజాణిజ్ మహొజ్ పాపమదాన్ గెల్లిసెజ్ దేవుణు సీత్తి రూలుజ్ అట్విండ మహాద్. ఎందానిజ్ ఇహొజ, ఒడొలీది సెజ అసెజ్ అడ్డ కిత్తాద్. గాని దేవుణు మజి డిబిన్సి. ఎలాగ ఇహొజ, మా పాపమకాజ్ వందిజ్ వన్నీ సొంత మరిసిజ్ యా లొకమదు షొకాండ్రె, ఒడొలీది సెజ ఆసెజ్ మా మున్ను ఏలుబడిః కినిదన్నదటాన్ మజి డిబిన్సి. వన్నీ మరిసి మా తెకెండ్ ఒడొలీదాన్ పుట్టాండ్రె మా పాపమకాజ్ వందిజ్ సాతాన్.
- 4 అందెజె ఏలు దేవుణు సత్తుదాన్ దేవుణు రూలుజ్ లోజెదెజ్ అట్టాట్. ఒడొలీది సెజ ఆసెజ్ లోజెదెజ్ అక్కరె సిల్లెద్. ఏలు దేవుణు అత్తుదిజ్ ఇన్డం ఆతి తెకెండ్ బత్తిదెజ్ అట్టాట్.
- 5 ఒడొలీది సెజ ఆసెజ్ లోజిజ బత్తినికారె దన్నీ వందిజె ఎత్తు కిజి మంజినారె. గాని దేవుణు అత్తుదిజ్ లోజిజ నడినికారె దేవుణు అత్తుదిజ్ తగిత్తికెజ్ ఒడొబినారె.
- 6 పాపం కిదెజ్ ఒడొబిత్తి మన్నీ సెజ ఆసెజ్ ఏలుబడిః కిని మన్ను మన్నీకారె దేవుణుబాణిజ్ దూరం ఆనారె సానారె. గాని దేవుణు అత్తుదిజ్ ఇన్డం ఆతితెకెండ్ బత్తినికారె దేవుణువెలె బత్తినారె వరిలొజ సొతి సమదనం మంజినాద్.
- 7 ఒడొలీది సెజ ఆసెజ్ ఏలుబడిః కిని మన్ను మన్నీకారె దేవుణువెలె కుత్తు మన్నీకారె. వారు దేవుణు రూలుజ్ లోజెజకారె. లోజిజెజ్ అట్విర్.
- 8 అందెజె ఒడొలీది సెజ ఆసెజ్ ఏలుబడిః కిన్ మన్ను మన్నీకారె దేవుణుదిజ్ ఇన్డం ఆతివజ నడిదెజ్ అట్విర్.
- 9 దేవుణు అత్తు మీ లొజ మహొజ అయ అత్తుదిజ్ లోజిజి మండ్రెజ్ అట్టిర్. ఒడొలీది సెజ ఆసెజ్ వందిజ్ లోజిజి మండ్రెజ్ ఎత్తు కిని మన్నుదిజ్ లోజిజి మండ్రెజ్ అక్కరె సిల్లెద్. క్రీస్తుబాణిజ్ వాజిని అత్తు సిల్లికాన్, క్రీస్తుజ్ నందితికాన్ అవిన్.
- 10 గాని మీ లొజ క్రీస్తుబాణిజ్ వాజిని అత్తు మహొజ మీ ఒడొలీ పాపమదాన్ సానాద్ గాని మీ అత్తు బత్తినాద్. ఎందానిజ్ ఇహొజ దేవుణు మీ పాపమకు విజె మాయిష్టాండ్రె నీతి మన్నీకారె ఇజ ఇడ్డ మనాన్.
- 11 సాతివరిబాణిజ్ యెసుజ్ మరి బత్తిన్నీ దేవుణు అత్తు మీలొజ బత్తుజమహొజ, సాతివరిబాణిజ్ క్రీస్తుజ్ మరి బత్తిన్నీ దేవుణు సాజెసాని మీ ఒడొలీదిజెబా బత్తిసాన్. మీలొజ మన్నీ దేవుణు అత్తుదాన్ యాక కినాన్.
- 12 అందెజె తందెరిజాండ్రె, మాటు ఉండ్రీ దన్నీజ్ లోజిజి మండ్రెజ్ బాజిత మన్నీకాట్ గాని అక్క ఒడొలీది సెజ ఆసెజ్ లోజినిక అవిద్.
- 13 ఎందానిజ్ ఇహొజ, మీ ఒడొలీది సెజ అసెజాణిజ్ ఏలుబడిః కిబె ఆని మన్ను వెప్పితెకెండ్ నడితిజ మీరు సాన్ సానారె. గాని దేవుణు అత్తుదాన్ మీ మన్నుదు మన్నీ సెజ ఆసెజ్ లాగ్లిపొక్తిజ ఎలాకాలం బత్తినిదిర్.
- 14 దేవుణు అత్తు నడిపిసిని వజ నడినికారె దేవుణు కొడొరె.

15 ఎందానిజ్ ఇహిజ, దేవుణు మజీ సీత్తి అత్తు మజీ తియెల్ తపిసి వెటి వణిమణిసిరి లెకెండ ముందాల్ మహివజు సిక్కు వానాద్ ఇజ తియెలాజ మండ్రెజ్ ఇడవన్. గాని మజీ దేవుణు కొడోరి ఇజ ఇడ్డ మనాన్. అందెజ మాటు ఏలు దేవుణుదిజ్ అబ్బ ఇజ కూక్కెజ్ అనాద్.

16 మాటు దేవుణు కొడోరినె ఇజ దేవుణు అత్తు మా అత్తువెట కూడితాండ్రె నిజం వెప్పొన్నాన్ ఇజ మాటు నెసినాల్.

17 మాటు దేవుణు కొడోరి కాక దేవుణు వన్ని కొడోరిజ్ ఇడ్డిమన్ని అన్సిదిజ్ అక్కు మజీ వానాద్. దేవుణు క్రీస్తుజ్ ఇడ్డిమన్ని అక్కుజ్ బా క్రీస్తువెట మజీ దోహక్కె. ఎలాగ ఇహిజ మాటు క్రీస్తువెట వన్ని గొప్పు గవరం దోహక్కెజ్ ఇహిజ వన్నివెట కస్టమకుబా బరిస్తజ్ వలె.

వాని కాలమ్దు తోర్ని సొకు

18 యా కాలమ్దు మజీ వాని కస్టమకు సుడతిజ అక్కెజ్ ఏవటిదిక్కెజ్ అజ ఇజ నాను ఒడోబిజన. గాని వాని కాలమ్దు దేవుణు మజీ తోరిసిని సొకు దిన్నిజ్ ఇంక ఎస్సా గొప్పు వెరిక.

19 దేవుణు కొడోరి ఎయెర్ ఇజ దేవుణు తోరిన్ని కాలం వందిజ్ దేవుణు తయార కిత్తికెజ్ విజు ఆనదాన్ ఎద్దుసుడోజు మంజినె.

20 ఎందానిజ్ ఇహిజ దేవుణు తయార కిత్తికెజ్ విజు పణిదిజ్ రెవిండ సిక్కు సీజ ఇడ్డాన్. ఎలాగ ఇహిజ అక్కెజ్ కిత్తిక ఆవద్. ఉండ్రె దిన్ని వందిజ్ వారు ఎద్దుసుడోజు మండ్రెజ్ ఇజ దేవుణునె అక్కు జర్పిస్తాన్.

21 ఇనిక ఎద్దుసుడోజు మంజినె ఇహిజ, దేవుణు తయార కిత్తికెజ్ విజు ఏలు పాడాజు సాని దన్నిజ్ అడిగి అతె మన్నె గాని దన్నిబాణిజ్ దేవుణు డిబిన్ని దన్నిజ్ ఎద్దుసుడోజు మంజినె. వన్ని కొడోరిజ్ తగితి లెకెండ గొప్పు జాయ కల్లితి మన్ని విడూదల సీనాన్ ఇజ ఎద్దుసుడోజునె.

22 ఏలుదాక, ఏరుకబాని ఆయెలికొడో నొప్పిదాన్ అడోబాలెకెండ, దేవుణు తయార కిత్తికెజ్ విజు ఉండ్రెలెకెండ మొరొ అజి మంజినె.

23 దేవుణు తయార కిత్తికెజ్ విజునె అజ, దేవుణు అత్తు దోహక్కె మాటుబా అడోబాజు మంజినాల్. మా లొఇ మన్ని దేవుణు అత్తు ఇహిజ తొలిత దోహక్కె ఉండ్రె ఇనాయం లెకెండ. వెనుక వాని పూర్తి ఇనాయమ్దిజ్, ఇహిజ దేవుణు వన్ని కొడోరిజ్ ఇడ్డిమన్ని గొప్పు అక్కువందిజ్ మాటు ఎద్దుసుడోజు మంజినాల్. నన్నివలె మా ఒడోబల్ కస్టమదాన్ డిబె అనాడ్డె.

24 దేవుణు మజీ రక్కీస్తిబాణిజ్ అసి మాటు మజీ వాని జాయ కల్లితిమన్ని విడూదలవందిజ్ ఎద్దు సుడోజు మంజినాల్. ఎద్దుసుడోజు మంజినెక సుడోతాన్ ఇహిజ ఒరెన్ దన్నివందిజ్ ఎద్దుసుడోజు మండ్రెజ్ అక్కర్ సిల్లెదగదె. ఎందానిజ్ ఇహిజ సుడోతి వెనుక దన్నివందిజ్ మరి ఎద్దుసుడోజు మనివెన్ గదె.

25 గాని మాటు సుడోఇ దన్నివందిజ్ ఎద్దుసుడోజు మహిజ్, దన్నివందిజ్ ఒరిరి మంజినాల్.

26 అయావజనె మా లొఇమన్ని అత్తు వందితిమన్నివలె దేవుణుఅత్తు మజీ సత్తు సీజనాన్. ఎలాగ పార్లనం కిదెజ్ ఇజ నెన్విండ మాటిబాణిజ్ వెస్తాజ్ అట్ ఇనన్ని గువె ఆనివలె దేవుణు అత్తునె మా వందిజ్ పార్లనం కిజనాన్.

27 మా మున్నుదు ఇనిక ఇజ దేవుణు సూణాండ్రె, దేవుణు అత్తు వెప్పొక అర్లం కిజనాన్. అక్కు ఇనిక ఇహిజ దేవుణు అత్తు దేవుణు వెట ఎలాగ పార్లనం కిదెజ్ ఇజ దేవుణు ఆన అజినాండ్రె అయావజ దేవుణు అత్తు వరివందిజ్ పార్లనం కిజనాన్.

విజువనకాజ్ మున్ను గొప్పుజ గెలిస్తాల్

28 దేవుణుదిజ్ ప్రేమినివరిజ్ వాండ్రు ఏరపాటు కిత్తిదన్నిజ్ ఎర్పిస్తవరిజ్, విజు నెగండ జర్పిసినాన్ ఇజ మాటు నెసినాల్.

29 దేవుణు ముందాల్నె వన్నిజ్ నమ్మని వరిజ్ నెస్తాండ్రె వరిజ్ ఎర్పిస్తాన్. వన్ని మురిసిలెకెండ అనార ఇజ దేవుణు వరిజ్ కేట ఇడ్డాన్. అహొ కిత్తిజ్ క్రీస్తు దేవుణుదిజ్ పెరిమరిసి లెకెండ అనాన్. దేవుణు కొడోరాతి మాటు యెసుజ్ తంబెరుబు లెకెండ అనాల్.

30 ఎయెర్ దేవుణుదిజ్ నమ్మినార ఇజ దేవుణు ముందాల్నె నెస్తాన్. వరిజ్ దేవుణు కూక్కాన్. దేవుణు కూక్కెజ్ వన్నిడర్లు సాహివరిజ్ వరి పావమకు విజు నెమిస్తాండ్రె దేవుణు వెట కూడిత్తికార ఇజ ఇడ్డాన్. కూడుప్పి వరిజ్ వన్ని గొప్పు జాయ సీత్తాన్.

దేవుణు ప్రేమ

31 ఏలు దన్నివందిజ్ మాటు ఇనిక వెహ్కెజ్. దేవుణు మా దరిజ్ మహిజ మా ఎద్దు ఎయెర్బా నిల్వెర్ ఇజనె వెహ్కెజ్.

32 దేవుణు వన్ని సొంత మరిసిజ్ సివిండ ఆవిత్తాన్. గాని గొప్పు కస్టమాతి సాపుదిజ్ ఒవజెత్తాన్. క్రీస్తుజ్ మజీ సీత్తి దేవుణు, మాటు వన్ని వందిజ్ బత్తుదెజ్ మజీ కావాలిస్తికెజ్ విజు సివిండ్రా? నిజం సీనాన్.

33 దేవుణు ఎర్పిస్తవరి మున్ను తప్పుజ్ మొప్పి వరి మున్ను గెలిస్తజ్ ఎయెర్బా అట్విర్. ఎందానిజ్ ఇహిజ, దేవుణునె మా పావమకు నెమిసి మజీ వన్ని వెట కూడుప్ప మనాన్.

34 మజీ సిక్కు సిదెజ్ ఇజ ఎయెనబా తీర్పు తీరిస్తజ్ అట్విన్. మజీ సిక్కు సిదెజ్ ఇజ యెసు తీర్పు సీనాండ్రా? సిల్లెన్. ఎందానిజ్ ఇహిజ, మా వందిజ్ సాతి యెసుజ్ దేవుణు వన్ని ఉణెర్ వడోకాదు బనయి కితాండ్రె గొప్పు గవరం సీత్తాన్. ఏలు క్రీస్తునె మా వందిజ్ దేవుణుబాన్ బతిమాల్లినాన్

35 క్రీస్తుజ్ మా మున్ను మన్ని ప్రేమదిజ్ అడ్డు కిదెజ్ ఇనిదన్నిజ్ బా అట్విద్. ప్రమెజ్ వాతిజ్ బా గాని, కస్టమకు వాతిజ్ బా గాని, మాలెజ్ వాతిజ్ బా గాని, కరు వాతిజ్ బా గాని, పొర్నాదిజ్ సొక్కెజ్ సీలితిజ్ బా గాని, ఇని ప్రమాదమకు వాతిజ్ బా గాని, మజీ సప్తిజ్ బా గాని క్రీస్తు ప్రేమ ఎనెజ్ బా డిన్విండ మంజినాద్.

36 యాకెజ్ విజు దావిదు రాజు రాన్ని లెకెండ మన్నె. "మావ మి లోకుర్ అతావ్ కాక అకార ఎనెజ్ బా మజీ సప్తిజ్ ఇజ సుడోజునార. గొరెజ్ కత్తికార వనకాజ్ కొయెదెజ్ సుడోనెలెకెండ మజీ సప్తిజ్ సుడోజునార".

37 యాకెజ్ విజు జర్పితిజ్ బా మాటు క్రీస్తు ప్రేమదాన్ విజు వనకాజ్ మున్ను గొప్పుజ గెలిసినాల్.

38-39 యాక నాను గట్టిజ నమ్మిజన. ఇనిక ఇహిజ, సాపు ఆతిజ్బా గాని, బత్తు ఆతిజ్బా గాని, దేవుణు దూతార ఆతిజ్బా గాని, దెయమక సత్తుజ్ ఆతిజ్బా గాని, ఏలు జర్నికెజ్ ఆతిజ్బా గాని, వాని కాలమదు జర్నికెజ్ ఆతిజ్బా గాని, ఏలుబడిజ్ కినికార ఆతిజ్బా గాని, పెరి ఎత్తుదు మన్నికెజ్ ఆతిజ్బా గాని, పెరి జోరెదు మన్నికెజ్ ఆతిజ్బా గాని, మరి ఇనికబా గాని దేవుణుదిజ్ మా మున్ను మన్ని ప్రేమదిజ్ అడ్డు కిదెజ్ వనకాజ్ అట్జ మా ప్రలు ఆతి యెనుక్రస్తు మా వందిజ్ కిత్తి గొప్ప పెరి పణిజాణిజ్ దేవుణు వన్ని ప్రేమ తోరస్తాన్.

9

యూదురు వందిజ్ పవులు విసారిసినాన్

1-2 ఏలు నాను ఉండ్రీ వెప్పా అక్క నిజమెన. అబద్ధం అవిద్. నాను వెప్పాక నిజమె ఇజి క్రీస్తు నెసినాన్. నాను వెప్పాక అబద్ధం అవిద్. నా సొంత జాతి ఆతి యూదురు వందిజ్ నా మన్నుదు గొప్ప బాద ఆజన. డెన్వింజ్ దుకం ఆజన. నాను వెప్పాక నిజమెన ఇజి నా మన్నుని దేవుణు అత్తు సాని వెప్పానార్.

3 నా సొంత జాతి ఆతి యూదురు, క్రీస్తుజ్ నమ్మిదెజ్ ఇజి నాను ఆన ఆజన. అక్క జర్నికెజ్ దేవుణు బాణిజ్ నా మున్ను నయవ్ పాతిజ్బా, క్రీస్తుబాణిజ్ నజీ ఎర్నిస్టెజ్ పరవ సిల్టెద్ ఇజి ఒడెబిజన.

4 వారు ఇస్రాయేలుదికార, వన్ని సొంత లోకుర ఇజి దేవుణు ఇడ్రికార. దేవుణు వన్ని గొప్ప గుణమదాన్ ఎయెరి సిల్లి బాడ్డిదు నడిపిస్తార. దేవుణు పరి వెటన ఒప్పుమానమకు కిత్తాన్. దేవుణుదిజ్ ఎలాగ మాడిస్టెజ్ ఇజి వరిజె వెప్తాన్. వరిజె దేవుణు సిన ఇజి ఒప్పుమానమకు కిత్త మనాన్.

5 వరి అనిగొగెరు ఆతి అబ్రహాం, ఇస్సాకు, యాకోబు ఇనికార ఇస్రాయేలు లోకుర లోఇ గొప్ప పేరు పొందితికార. దేవుణు పొక్క ఇజి ఒప్పుమానమకు కిత్తి రాజు యా యూదు జాతిలోఇన లోకు వజ పుట్టాన్. విజెరిమున్ను ఏలుబడిజ్ కిని దేవుణు ఎసిజ్బా పొగిడెజ్ ఆజి మనిన్.

6 అహిజ, దేవుణు ఇస్రాయేలు లోకురిజ్ వెప్పాకెజ్ జర్నివిత్తాద్ ఇజి ఇండ్రెజ్ అవిద్. ఎందానిజ్ ఇహిజ, ఇస్రాయేలు లోకుర ఇజి వెపా అనికార విజెరి దేవుణుదిజ్ సరియాతి సొంత లోకుర అవిద్.

7 అబ్రాహాం పొటాదికార విజెరి వన్ని తెగాదు పుట్టికార ఇజి దేవుణు ఇడెవన్. ఎందానిజ్ ఇహిజ “నీ కొడెజ్ ఆతి ఇస్సాకువెలిహన్ వానికార నీ జాతి ఆనార్”, ఇజి దేవుణు అబ్రహాం వెట వెప్తా మనాన్.

8 ఎలాగ ఇహిజ, అబ్రహాం తెగాదు పుట్టికార విజెరి దేవుణు కొడెజ్ అవిద్. గాని దేవుణు అబ్రహాముజ్ సిత్తి ఒప్పుమానం నమ్మితిజ్ దేవుణు కొడెజ్ అబ్రాహాముజ్ సరియాతి తెగాదికార ఇజి దేవుణు ఇడ్తాన్.

9 దేవుణు అబ్రహాం వెట కిత్తి ఒప్పుమానం ఇక్కాద్. “కాలెహిజ్ యా నమయమదు నాను వాన. నస్తివలె నీ అల్లి ఒరిన్ కొడెజ్ ఇడ్తాన్లె”^o.

10 అక్కాద్ అవిద్, రిజెక పొటాదివరిజ్ ఒరిండ్రె అపొస్సి, ఎయెన్ ఇహిజ మా అనిగొగె ఆతి ఇస్సాకు.

11-13 ఇస్సాకు అల్లి రిజెక పాత డెస్సి మహివలె, దేవుణు దస్సివెట వెప్తాన్. జవల మరిసిరి పుట్వింజ్ మహివలెనె, వారు తప్పు గాని నెగ్గెక గాని కివింజ్ మహివలెనె దేవుణు దస్సిజ్ వెప్తాన్, “పెరికాన్ ఇజిరి వన్నిజ్ అడిగి మంజనాలె”,^o ఇజి దేవుణు యాక వెప్తా నండ్రి పంటిజ్ వెనకు ఒరిన్ దేవుణు ప్రవక్త దేవుణు వెప్తా మాట వెప్తాన్. “యాకోబుజ్ నాను ప్రేమిసిన, ఏసాపు నజీ పణిజాణాన్”^o. ఇజి. ఎందానిజ్ ఇహిజ, వన్ని లోకుర వందిజ్ దేవుణుదిజ్ ఉండ్రీ ఉదిసం ముద్. అయాలెకెండ్ వాండ్రు నడెపిస్తాన్. లోకుర కిని పణిజాణిజ్ అవిద్. దేవుణు ఏర్పాబుదాని విజా జర్నిజన. దేవుణు ఏర్పాబు కినికెజ్ లోకుర ఒడెబినిలెకెండ్ అవిద్.

14 అహిజ, దేవుణు కొడెజ్ ఎయెరి ఇజి దేవుణు ఏర్పాబు కిత్తిదస్సి లోఇ దేవుణు తేడ నూణికాన్ ఇజి ఒడెబినిదిరెను. సిల్లె, దేవుణు అనయం కినికాన్ అవిద్.

15 ఎలాగ ఇహిజ, దేవుణు మోనెవెట ఈహు వెప్తాన్. “ఎయెన్ మున్ను దయ తోరిస్తెజ్ నాను ఇస్టం ఆజినానో వన్నిమున్ను దయ తోరిస్తు. ఎయెన్ మున్ను కనికారమాదెజ్ ఇజి ఇస్టం ఆజినానో వన్ని మున్ను కనికారం ఆజన”^o.

16 అందెజె, యాక లోకు ఆనదానె గాని వన్నిపణిజాణిజ్ గాని దోహక్తిజ్ అవిద్. దేవుణు దయదానె యాక జర్నిజనాద్.

17 దేవుణు మాటదు ఈహు మనాద్. దేవుణు వరోరాజు వెట ఇనిక వెప్తాన్ ఇహిజ, నాను ఎస్సానో నత్తు మన్నికాన్ ఇజి నీ వెలిహాన్ విజాబాణి లోకుర వెండ్రెజ్ నిజి రాజువజ ఇడ్డ మన్ను”^o ఇజి.

18 అహిజ, ఎయెన్ మున్ను దయ తోరిస్తెజ్ దేవుణు ఇస్టం ఆనాండ్రొ వన్ని మున్ను దయ తోరిస్తాన్. ఎయె మున్ను గర్త కిబిస్తెజ్ ఇస్టం ఆనాండ్రొ వన్ని మున్ను గర్త కిబిస్తాన్.

దేవుణు విజా జర్నిసినాన్

19 ఏలు మీరు మరి వెప్పాదెర్పు. దేవుణు ఇస్టమదిజ్ ఎయెన్బా ఎర్నిస్తెజ్ అట్విన్గదె. మరి దేవుణు ఇస్టం వజ లోకుర కిదెజ్ ఇజి విజా జర్నిస్సివలె, తప్పు కిత్తార ఇజి లోకుర వందిజ్ దేవుణు ఎలాగ వెప్తాజనాన్?

20 గాని దేవుణు ఎర్తు వర్గిదెజ్ లోకు సీను ఎయె?. “తయార కిత్తి వన్నివెట, తయార కిబె ఆతికెజ్ ఎందానిజ్ నజీ ఈహు తయార కిత్తి ఇజి వెన్బాదెజ్ ఆనాదా?”

21 కుండెజ్ తయార కినివన్నిజ్ ఉండ్రె ముదదాన్ రుండి రకమది కుండెజ్ తయార కిదెజ్ అక్క మనాద్గదె?. ఉండ్రీ కుండ లోకుర నుడెజి ఇక్క ఎస్సా నెగ్గెక ఇజి వప్పివందిజె మరి ఉండ్రీ కుండ మాములె పణిదిజ్ ఇడ్డి వందిజ్.

^o 9:7 9:7 అది 21:12. ^o 9:9 9:9 అది 18:10,14. ^o 9:11-13 9:11-13 అది 25:23. ^o 9:11-13 9:11-13 మలా 1,2,3. ^o 9:15 9:15 నిగ్గసు 33:19. ^o 9:17 9:17 నిగ్గసు 9:16.

22 దేవుణుడికిబా లోకురవెట ఇష్టమాతి వజ కిదెక్ అక్కు మనాద్. పాపం కిని వరి వెట వన్ని నండో కోపమదాన్ వాని గొప్ప నత్తు తోరిస్తెక్ అన ఆజినాన్. గాని వరివెట దేవుణు వెటనె కోపం అవిండ మహిజ, నానసం వందిక్ ఇడె ఆతి మన్ని వరి వెట కోపం అవిండ ఓర్పుదాన్ ముంజినాన్.

23 ఎందానిక్ ఇహిజ, వన్ని గొప్ప దయ దోహక్తి మజి, వన్ని గొప్ప జాయ్ వందిక్ తయార కిత్తివరిక్ దేవుణు వన్ని గొప్ప జాయ్ తోరిస్తెక్ అహె కిత్తాన్ ఇహిజ మాటు ఇనిక వెహ్నోట్?

24 ఏర్నాటు కిదె ఆతి మాటు ఎయెర్ ఇహిజ, యూదురిని యూదురు అజజాతికారబా.

25 యూదురు అజ జాతిదివరిక్ ఎర్గిసినివందిక్ హుసెయ ప్రవక్త వెట దేవుణు ఈహు వెహ్నోన్. “నా లోకు ఆజ వరిక్ ఏలు నా లోకుర్ ఇజ కూక్కు. నాను ముందాల ప్రేమ తోరినెజ వరిక్ నాను ప్రేమిసినికార ఇజ కూక్కు”.

26 దేవుణు అజ జాతిదివరి వందిక్ వెహ్ని మాటిక్ హుసెయ మరి వెహ్నోన్. “మీరు మా లోకుర్ అజదెర్ ఇజ నాను వెహ్నిబాన్, బత్తిని దేవుణు కోడోర్ ఇజ మీరు పేరు ఇడె అనిదెర్”⁵

27 యెసయ ప్రవక్త ఇస్రాయేలు లోకుర్ వందిక్ ఇనిక వెహ్నోన్ ఇహిజ, “ఇస్రాయేలు నమదరం ఒడ్డుదు మన్ని ఇన్సా లెకిండ్, లెక్కు కిదెక్ అల్తెజ నసన్సా లోకుర్ ఆతిజ్బా, వరిలోక ఉండ్రీ ఇజిరి గుంపుదిక్న దేవుణు రక్కిస్సాన్.

28 ఎందానిక్ ఇహిజ దేవుణు అల్పాయం అవిండ యా లోకం మున్సు తీర్పు కినాండ్రీ వన్ని వణి వెటనె పూర్తి కినాన్లె⁶”,

29 దేవుణు కనికారం తోరినెజ్ అయెనెబా సిక్కుదాన్ తప్తె అవిన్. యెసయ ప్రవక్త ముందాల వెహ్నిలెకిండ్, “విజు దన్నిక్ అతికారం మన్ని దేవుణు మా కోడోకోకారిక్ ఇడెవిండ పూర్తి సహ్నోన్ ఇహిజ, మాటుబా సోదోమం గొమెర పట్టుమది వరిలెకిండ్ పూర్తి పాడాత మహోట్ను⁷”. దేవుణు అయ పట్టుమదు మహివరిక్ పూర్తి విజిరిక్ నహ్నాన్.

యూదురు గెలిస్తెక్ అల్విండ ఆజినార్

30 అహిజ, ఏలు ఇనిక వెహ్నోక్? దేవుణు వరిక్ నీతినిజయ్ మన్నికార ఇజ ఇడ్డెక్ యూదురు అజకార సుడ్వితార్ గాని దేవుణు వరిక్ నీతినిజయ్ మన్నికార ఇజ ఇడ్డాన్. క్రీస్తు మున్సు నమకం ఇడ్డెక్ నీతినిజయ్ మన్నికార ఇజ ఇడ్డాన్.

31 గాని ఇస్రాయేలు లోకుర్ ఇహిజ దేవుణు మోసెక్ సిత్తి రూలుక్ లోజెతిజ నీతి మన్నికార అనార్ ఇజ నండో సుడ్వితార్ గాని అల్విండ అతార్.

32 ఎందానిక్ ఇహిజ వారు దేవుణు మున్సు, నమకం ఇడెవితార్. గాని వరి పనిజాణిక్ నీతినిజయ్కార అనార్ ఇజ నంబ సుడ్వితార్. అందెజ దేవుణు క్రీస్తు ఇజ ఎర్గిసి వన్ని మున్సు అడ్డు ఆతి పణుకు మున్సు అర్నిలెకిండ్ వారు తోరో ఒడిజె అర్దార్.

33 యాక ప్రవక్త రాన్సి లెకిండ్ మనాద్. “సుడోడు, నాను సియెనదు ఉండ్రీ వణకు నిల్పేన్. అక్కు అడ్డు అనాదె లోకాక్ తోరో ఒడిజె అర్పాద్. గాని వన్ని మున్సు, నమకం ఇడ్డికాన్ సిగు అవిన్⁸.”

10

1 తంబెరిజాండె, నా సొంత జాతి అతి యూదురిక్ దేవుణు రక్కిస్తెక్ ఇజ నాను గొప్ప అన ఆజి పార్దనం కిజెన్.

2 వారు దేవుణు వందిక్ గొప్ప ఉసారదాన్ మన్నికార గాని దేవుణుదిక్ పూర్తి నెన్విర్ ఇజ వరివందిక్ నాను వెహ్నోన్.

3 ఎందానిక్ ఇహిజ, దేవుణు లోకురిక్ ఎలాగ నీతినిజయ్కార ఇజ ఇడ్డాన్ ఇజ వారు అర్దం కివర్. నీతినిజయ్కార ఇజ దేవుణు ఇడ్డివందిక్ లోకు ఎలాగ నడిదెక్ ఇజ దేవుణు తోరిస్తె నర్దు నడివిండ నీతినిజయ్కార అదెక్ ఇజ వారు వరి సొంత రూలుక్ ఇడ్డార్.

4 క్రీస్తు వాతిక్ ఏలు దేవుణు మోసెక్ సిత్తి రూలుక్ లోకాక్ దేవుణుబాన్ కూడువేవిద్. క్రీస్తుమున్సు, నమకం ఇడ్డికార విజిరిక్ దేవుణు వన్నిబాన్ కూడుప్పాన్.

విజిరి వందిక్ ఉండ్రీ కోత సరి

5 దేవుణు మోసెక్ సిత్తి రూలుజాణిక్ నీతినిజయ్ మన్నికార అదెక్ సుడ్వెజిని వన్ని వందిక్ మోసెబా రాస్త మనాన్. ఇనిక ఇహిజ “రూలుజ వజ నడిదెక్ అన అనికాన్ వనకదటాన్ బత్తిదెక్వలె⁹”

6 గాని నమకం ఇడ్డివందిక్ నీతినిజయ్ మన్నికార ఇజ దేవుణు ఇడ్డిదన్ని వందిక్ మన్ని మాటారు మాటు ఇని ఇనికెక్ అవిద్ ఇజ వెహ్ని మనాద్. ఇనికెక్ ఇహిజ “రక్కుణ దోహ్కాద్ ఇజ పరలోకమదు ఎక్కి క్రీస్తుక్ అడిగి తత్తెక్ ఎయెన్ సొనాన్ ఇజ మీ మున్సుదు వెహ్నోక్ అవిద్”.

7 అయాలెకిండ్ సాతివరిబాన్ అయాలోకమదు సొన్సి క్రీస్తుక్ బాణిక్ తత్తెక్ ఎయెన్ సొనాన్ ఇజ మీ మున్సుదు వెహ్నోక్ అవిద్.

8 గాని అయ మాట ఇనిక వెహ్నోనాద్? ఇనిక వెహ్నోనాద్ ఇహిజ, “దేవుణు మాట డగ్రునె మనాద్. అయ మాటిక్ మీ వెయదునె మన్సె, వెహ్నోక్ అనిదెర్. మీ మున్సుదు మన్సె, ఒడ్డుబిదెక్ అనిదెర్”¹⁰ మాటు సాటిసిని యా మాట క్రీస్తు మున్సు, నమకం ఇడ్డు ఇజనె.

9 అయ మాట ఇనిక ఇహిజ, యెసయె ప్రణు ఇజి ఎయెనెబా లోకుర్ ముందాల వెహ్నిజ, అక్కుదె అవిద్, యెసుక్ సాతివరిబాణిక్ దేవుణు నిక్రాన్ ఇజి ఎయెనెబా వన్ని గర్భమదు నమ్మిత్తిజ దేవుణు వన్నిక్ రక్కిస్సాన్.

10 ఇనిక ఇహిజ, మీ మున్సుదు నమ్మిత్తిజ దేవుణు మిజి వన్నిబాన్ కూడుప్పాన్. అక్కుదె అవిద్, యెసు నీ ప్రణు ఇజి లోకుర్ ముందాల వెహ్నిజ దేవుణు నిజి రక్కిస్సాన్లె.

11 దేవుణు మాటదు ఇనిక రాస్త మనాద్ ఇహిజ, క్రీస్తు మున్సు, నమకం ఇడ్డికాన్ ఎయెనెబా సిగు అవిన్.

⁵ 9:25 9:25 హోసయ 2:23. ⁶ 9:26 9:26 హోసయ 1:10. ⁷ 9:28 9:28 యెసయ 10:22,23. ⁸ 9:29 9:29 యెసయ 1:9. ⁹ 9:33 9:33 యెసయ 8:14; 28:16. ¹⁰ 10:5 10:5 లెమ 18:5. ¹¹ 10:8 10:8 ద్వితీ 30:14.

12 యూదురుజ్ గాని ఆఇజాతిది వరిజ్ గాని దేవుణు ఉండ్రెలెకెండ నూణాన్. వాండ్రు ఒరెండ్రె విజేరిజ్ ప్రబు ఆతిజ్, వన్నుజ్ లోస్సివరిజ్ విజేరిజ్ వాండ్రు నండ్రె దివిస్సాన్.

13 యాక ఒరెన్ ప్రవక్త వెప్తైలెకెండ, “నజీ రక్సీఅ ఇజి దేవుణు వెట వెప్పివరిజ్ విజేరిజ్ దేవుణు రక్సీస్సాన్”^{*}.

14 గాని యూదురు వందిజ్ నెగెండారె వెప్పిస్సాన్సు. క్రీస్తుమున్ను నమకం సిల్లిజ “నజీ రక్సీఅ”, ఇజి క్రీస్తు వెట ఎలాగ ఇనార? క్రీస్తువందిజ్ వెండ్రెజ్ ఇహిజ వెన్ఇకార ఎలాగ వన్నుజ్ నమ్మినార? ఎయెరిజ్బా క్రీస్తువందిజ్ నెస్సినవీండ మహిజ వారు ఎలాగ వెనార?

15 ఎయెరిజ్బా దేవుణు షోకవీండ మహిజ నాటిస్సికారె ఎలాగ సానార. దన్నివందిజె దేవుణు మాటారు ఈహు రాస్త మనాద్. “దేవుణు సువార్త వెప్తాజ్ సాన్నిసిక ఎస్సా గొప్ప నెగ్గిక”^{*}.

16 దన్నిజ్ నాను వెప్పిన్. క్రీస్తువందిజ్ వెప్తాజ్ దేవుణు లోకాజ్ షోక్సాన్ గాని విజెరె సువార్తదిజ్ లోజివితార. దిన్నివందిజ్ యెనయ ప్రవక్త ఇనిక వెప్తాన్ ఇహిజ, “ప్రబు, మాపు వెప్తా మాటిజ్ ఎయెర్బా వెన్వితార”^{*}, ఇజి.

17 అహిజ క్రీస్తువందిజ్ విప్తాజానె నమకం ఇడ్వార. ఎయెర్బా సువార్త సాటిస్సిజానె క్రీస్తు వందిజ్ వెండ్రెజ్ ఆనాద్.

18 గాని నాను వెన్బాజిన, “యూదురు సువార్త వెన్వారా?”, “నిజవె వెహార”, ఇజి వెప్పా. కీర్తనదు రాస్త మన్ని లెకెండ, దేవుణు వందిజ్ వారు వెప్తాక లోకమేదు విజా బాడ్డిజ మన్నుకార వెహార. అందిదిజ్ అటజ బాడ్డిదుబా దేవుణు వందిజ్ మాటిజ్ అందితె మన్నె”^{*}.

19 మరి ఉండ్రీ ప్రస్తు వెన్బాన, “సువార్త వందిజ్ యూదురు అర్తం కితారా? నెగెండారె అర్తం కితారె గదె. దేవుణు ఇస్రాయేలు లోకాజ్ దిన్నివందిజ్ వెప్తాక మోన వెప్తాన్, “యూదురు ఆఇజాతిది వరివెట మిజి గోన కిదిస్సాలె. అర్తం కిదిజ్ అటజ వరిజ్ నాను దివిస్సాలె”^{*}

20 యెనయ ప్రవక్తబా దిన్నివందిజ్ గటిజ రాస్త మనాన్, “నజీ రెబాఇవరిజ్ నాను దోహక్కు. నజీ వెన్బాఇవరిజ్ నాను తోరె ఆస్”^{*}.

21 గాని ఇస్రాయేలు లోకరె వందిజ్ దేవుణు ఇనిక వెప్తాన్ ఇజి యెనయ రాస్తాన్, “నా మాటదిజ్ లోజివీండ నా వెట ఎద్రిసిని నా లోకు వందిజ్, వారు మర్రి వానిదాక నాను ఎద్రుసుడోజి మంజిన”^{*}.

11

యూదురిజ్ దేవుణు దయ తోరిస్సాన్.

1 అహిజ నాను వెన్బాజిన, దేవుణు వన్ని సొంత లోకురె అతి యూదురిజ్ డిస్స సిత్తాండ్రా? సిల్లెన్, ఎన్నుజ్బా డిన్విన. ఎలాగ ఇహిజ నానుబా యూదువాండ్రునె. అబ్రహాం తెగాదు పుట్టి బెన్యామిను కులమేదు పుట్ట మన్ను. గాని దేవుణు నజీ డిన్వీతాన్.

2 సిల్లె దేవుణు ముందాలన్ కూక్కి వన్ని లోకురె ఇజి కేటకిత్తి వరిజ్ నెక్కిపోవీతాన్. ఏలియ ప్రవక్త దేవుణువెట మెరొ అతాన్ ఇజి దేవుణు మాటారు రాస్తిమన్నుక గుర్తు కిజినెదెరెగదె. వాండ్రు ఇస్రాయేలు లోకురె వందిజ్ ఇనిక వెప్తాన్ ఇహిజ,

3 “ప్రబువా నిజి మహి ప్రవక్తరిజ్ విజేరిజ్ వారు నస్తార. నిజి నంత స్తురి సిని మాలోటిజ్ వారు డెయ్య పోక్తార. నిజి నమ్మిని వరి లోఇ నాను ఒరెన్ మిగిలిత మన్ను. ఏలు నజీబా నప్పజ్ నుడోజిజనార”^{*}.

4 గాని దేవుణు వన్నుజ్ ఇనిక వెప్తాన్ ఇజి గుర్తు మన్నుదెరా?. “నీను ఒరెదె ఆఇ బయూలు ఇని దెయమేదిజ్ మాడిన్ఇ ఏడు వెయిజ్ లోకురిజ్ నావందిజ్ నాను కేట ఇడ్డ మన్ను”^{*}.

5 అయాలెకెండ్రె యా కాలమేదుబా దేవుణు యూదురి లోఇ ఉండ్రీ ఇజిరి గుంపుదిజ్ కేట ఇడ్డాన్. వన్ని దయదర్శమేదానె వరిజ్ కేట ఇడ్డాన్.

6 లోకురె, వారు కిత్తి నెగ్గి వణిజ వందిజ్ ఆవీద్ గాని, దేవుణు దయదర్శమేదానె వన్నిమున్ను, నమకం ఇడ్డజ్ అట్టార. ఎందానిజ్ ఇహిజ వారు కిత్తి నెగ్గి వణిజ్ వందిజ్ దేవుణు వరిజ్ ఎద్రిస్సాన్ ఇహిజ, వన్ని గొప్ప దయ నడినె దోహక్కిక ఆవీద్గదె.

7 అందెజి ఇనిక జర్రితాద్ ఇహిజ, ఇస్రాయేలులోకురె నండ్రెండారె నండ్రె ఆనదాన్ రెబాతిక వరిజ్ దోహక్కిక ఆవీద్. దేవుణు ఎద్రిస్సి ఇద్రి ఇజిరి గుంపుదివరిజె అక్క దోహక్కాద్. మిగిలిత్తికారె దేవుణు వందిజ్ ఇనికబా నెస్సెజ్ అటజ లెకెండ్రె దేవుణు కిత్రాన్.

8 దిన్నివందిజ్ దేవుణు మాటారు రాస్త మనాద్. ఇనిక ఇహిజ, దేవుణు వరిమున్ను నిర్త కినివరి మన్నువజ కిత్రాన్. వరిజ్ కణుకెజ్ మహె గాని నుడోనెదన్నుజ్ అర్తం కివీర్. వరిజ్ గిబ్బుజ్ మహె గాని వెహెదన్నుజ్ అర్తం కివీర్”^{*}

9-10 దిన్నివందిజ్ దావీదు రాజబా వెప్తా మనాన్. వన్ని మున్ను పగాతి వరివందిజ్ ఈహు వెప్తాన్ “వారు సర్త ఆనివలి కిని వణిజ్ వరిజ్ ఉరి లెకెండ్రె ఆవీద్. నెగెండ్రె మంజినావ ఇజి ఒడోబినివలి వెటనె వరి మున్ను, నాసనం రపిద్. దేవుణు వందిజ్ నిజమాతిక నెనవీండ ఆనివందిజ్ వరి మన్ను సీకటి ఆజి సానీద్. వారు గొప్ప బరుదాన్ వజ్నెలికెండ్రె ఆవీద్”^{*}.

టోటారు పిరిజిని ఒటివ మరాతు అడివిది కొమెజ్ అంతు తోప్తాన్.

11 అహిజ, నాను వెన్బాజిన, యూదురు క్రీస్తుజ్ నెక్కిపోక్కిజ్ దేవుణు బాణిజ్ తెగు సాహారె ఇజి వెప్తాజ్నా? ఆవీద్ ఎస్సెజ్బా ఆవీద్. గాని వారు క్రీస్తు మున్ను, నమకం ఇడోఇతిజ్, క్రీస్తుజ్ నమ్మితిజ్ వాని అయ రక్తణ దేవుణు యూదురు ఆఇవరిజ్ సిత్తాన్. మజి వానిక వరిజ్ దోహక్కాదా ఇజి యూదురు గోన అడిజ్వలి ఇజి యాక జర్రితాదా?

* 10:13 10:13 యావేలు 2:32. * 10:15 10:15 యెనయ 52:7. * 10:16 10:16 యెనయ 53:1. * 10:18 10:18 కీర్తన 19:4.
 * 10:19 10:19 ద్వితీ 32:21. * 10:20 10:20 యెనయ 65:1. * 10:21 10:21 యెనయ 65:2. * 11:3 11:3 1రాజు 19:10,14.
 * 11:4 11:4 1రాజు 19:18. * 11:8 11:8 ద్వితీ 29:4; యెనయ 29:10. * 11:9-10 11:9-10 కీర్తన 69:22,23.

12 యూదురు క్రీస్తుజ్ నెక్కి పొక్కివలె యూదురు ఆఇజాతిదివరిజ్ దీవన దొమ్కాద్ ఇహిజ, వరిజ్ వాతి నన్నం ఆఇవరిజ్ లాబం ఆతాద్ ఇహిజ, దేవుణ ఎర్లిన్తి ఇడ్డి యూదురు దేవుణబాన్ మర్రి వానివలె, యా లోకమేది విజ జాతిదివరిజ్ మరి ఎస్సానో గొప్ప లాబమకు వాన!

13 ఏలు యూదురు ఆఇ మిజీ నాను వెహ్సాన. యూదురు ఆఇవరిజ్ అపొస్తుడు వజ దేవుణ నజీ ఇడ్డిజ్ దన్నువందిజ్ గొప్పజ గవరం దొమ్కాక్ మన్ను.

14 దేవుణ నజీ ఒవజెప్తి యా పణి కిజి ఎలాగబా నా సొంత జాతి అతి యుదురిజ్ గోన పుణిన్జిజ్ ఇజి నాను నుడజిన. ఎందానిజ్ ఇహిజ మిజీ దేవుణ దీవిన్తిలెకెండ్ వరిజ్ దొమ్కెజ్ ఇజి వారుబా ఆన అతిజ దేవుణ వరిలోజ సెగొండారిజ్ బా రక్కిస్సాన్.

15 దేవుణ మా సొంత లోకుర్ అతి యూదురు నండొండార్ నెక్కి పొక్కివలె యా లోకమదు మన్ని ఆఇజాతిది వరిజ్ నండొండారిజ్ వన్నిబాన్ కూడుప్తాన్, అహిజ దేవుణ యూదురుజ్ వన్నిబాన్ కూడుప్పివలె ఇనిక వానాద్? సాపుదాన్ బత్తునె వానాద్.

16 ఉండ్రీ దూరు ముదదాన్ తొలిత సుహ్పిక దేవుణుదిజ్ సీనిక ఇహిజ అయ ముద విజ దేవుణుదిజ్ సిత్తి లెకెండ్. అయవజనె యూదురు దేవుణ లోకుర్. ఎందానిజ్ ఇహిజ, వరి అనిగొగొరుబా దేవుణ లోకుర్. ఉండ్రీ మరాతి వెల నెగ్గిక ఇహిజ అయ మరాతి కొమెజ్ బా నెగ్గికెనె. అయవజనె, యూదురి అనిగొగొరు దేవుణ లోకుర్కాక వరి కొడజి కొక్కాదికారబా దేవుణ లోకుర్.

17 బోటాదు మన్ని నెగ్గి ఒలివ మరాతి కొమెజ్ సెగం రుక్కిపొక్కిలెకెండ్ దేవుణ యూదురి సెగొండారిజ్ నెక్కి పొక్కిన్. అడివిది ఒలివ మరాతి ఉండ్రీ కొమెలెకెండ్ యూదురు ఆఇ మిజీ బోటాదు మన్ని నెగ్గి ఒలివ మరాతు కూడుప్తాన్. అయ నెగ్గి ఒలివ మరాతు కుడుప్పిజ్ కొమెజ్, అయ మరాతి వెలెజాణిజ్ కన లాగ్గి సత్తు ఆనివజ మిజీబా యూదురుజ్ దేవుణ సిత్తి దీవన దొమ్కాక్ మనాద్.

18 మరాతాన్ కొమెజ్ కొయజి విసిర్పిలెకెండ్ దేవుణ యూదురిజ్ నెక్కి పొక్కిన్ గాని యూదురు ఆఇ మీరు గర్త అనిక ఆవిద్. మాపు వరిజ్ ఇంక పెరికావ్ ఇజి మీరు గర్త అతిజ యాక గుర్తు కిదెజ్. ఇనిక ఇహిజ వెలెజ్ బత్తునిక కొమెజాణిజ్ ఆవిద్. వెలెజ్ దానె మీరు బత్తుజనిదెర్.

19 మజీ కూడుప్పిజ్ నె దేవుణ యూదురిజ్ నెక్కి పొక్కిన్ ఇజి మీలోజ ఒరెన్ వెవర్సాన్సు.

20 యాక నిజమె గాని, ఉండ్రీ వెప్పా. యూదురు క్రీస్తు మున్ను నమకం ఇడజి వందిజె దేవుణ వరిజ్ నెక్కి పొక్కిన్. మీరు క్రీస్తుమున్ను నమకం ఇడ్డి వందిజెనె గణిజి నిల్పినిదెర్. అందెజె గర్త ఆవూజ్. జాగర్త మండ్రు.

21 ఎందానిజ్ ఇహిజ మరాతి కొమెజ్ ఇహిజ యుదురిజ్ దేవుణ నెక్కిపొక్కి లెకెండ్, మీరు నిల్వెండ మహిజ మిజీబా తవ్వెండ నెక్కి పొక్కిన్.

22 యాక గుర్తు కిదు. దేవుణ కనికారమదాన్ మనాన్. వాండ్రు కొవమ్దాన్ బా మనాన్. వన్నిజ్ నెక్కి పొక్కి యూదురువెట దేవుణ కొవమ్దాన్ మనాన్. గాని యూదురు ఆఇ మిజీ దేవుణ కనికారం తొరిసినాన్. గాని దేవుణ తొరిసె కనికారం మీరు నమ్మిత్తిజ్ నె మిజీ కనికారం తొరిసినాన్. సిల్లిజి మిజీబా కత్తు విసిర్పాన్.

23 యూదురు క్రీస్తుమున్ను నమకం ఇడ్డిజి మరాతు కొమెజ్ మరి అంతు తొప్పిలెకెండ్ దేవుణ వరిజ్ మరి వన్నిబాన్ కూడుప్తాన్. ఎందానిజ్ ఇహిజ వరిజ్ కూడుప్పిజ్ అటూన్.

24 యూదురు ఆఇ మీరు అడజివిదాన్ తత్తి ఉండ్రీ ఒలివ మరాతి కొమె లెకెండ్. బోటాదు పిరిజని ఒలివ మరాతు యా అడజివిది కొమెజ్ దేవుణ అంతు తొప్తాన్. యాక మాముల్ జర్దిదెజ్ కన్తం. అహిజ కత్తివిసిర్పి బోటమొక్కాది కొమెజ్ మరి అయ మరాతు అంతు తొప్తాజ్ ఎస్సానో సులు. అయా లెకెండ్ నెక్కి పొక్కి యూదురిజ్ మరి వన్నిబాన్ కూడుప్పిజ్ దేవుణుదిజ్ ఇని అడ్డు సిల్లెద్.

దేవుణ యూదురుజ్ రక్కిస్సాన్

25 నాను ప్రేమిసిని తంబెరిజాండె, ఏలు ఉండ్రీ డాజితి మన్ని గొప్ప సజతి మీరు నెన్జిజ్ ఇజి నాను వెహ్సాన్. నాను ఎందానిజ్ వెహ్సాన్ ఇహిజ దేవుణ మిజీ కూడుప్పివందిజ్ యూదురిజ్ ఇంక తెలిమన్నికావ్ ఇజి మీరు గర్త ఆవిండ మండ్రెజ్ ఇజిన. ఇనిక ఇహిజ యూదురు ఆఇ జాతిదివరి లోఇహాన్ దేవుణబాన్ వాదెజ్ ఇజి వాండ్రు కేట కిత్తి సస్సానాండార్ వన్నిబాన్ కూడుప్తా ఆనిపాక యూదురు దేవుణుదిజ్ నమ్మివెండ వరిలోజ నండొండారి మన్ను వాండ్రు గణి కీనాన్.

26-27 యూదురు ఆఇవరి లెక్క పూర్తి అతి వెనుక, దేవుణ యూదురుజ్ రక్కిస్సాన్. దేవుణ ప్రవక్త ఒరెన్ రాస్సిలెకెండ్ అక్క జర్దినాద్. ఎలాగ ఇహిజ, "లోకురిజ్ రక్కిస్సికాన్, దేవుణ లోకుర్ బాణిజ్ వాన. నన్నవలె వాండ్రు మా లోకాజ్ వరి పావం కిత్తి వందిజ్ ఎత్తుకిని బాణిజ్ డిజిబిస్సాన్. నాను ఒప్పమానం కిత్తిలెకెండ్ వరి పావమకు నాను లాగ్గు"*.

28 యూదురు సువార్త నెక్కి పొక్కిజ్ దేవుణ వరిజ్, వన్నిజ్ పడిఇవరివజ ఇడ్డార్. గాని, వారు దేవుణ ఎర్లిన్తి లోకుర్ కాక దేవుణ వరిజ్ ప్రేమిసిన్ మనాన్. ఎందానిజ్ ఇహిజ వన్ని అనిగొగొర్ వెట వాండ్రు ఒట్టు కత్తి దన్నువందిజె,

29 దేవుణ యూదురిజ్ ఏలుబా ప్రేమిసినాన్. ఎందానిజ్ ఇహిజ దేవుణ ఎస్సాజ్ బా వెహ్సాలెకెండ్ కీనాన్. వన్ని లోకుర్ ఇజి కూక్కి వరిజ్ ఎస్సెవలెబా ప్రేమిస్సాన్. వరిజ్ ఎస్సాజ్ బా దీవిస్సాన్.

30 యూదురు ఆఇ మీరు ముందాల దేవుణుదిజ్ లోజివెండ మహిదెర్. గాని యూదురు దేవుణుదిజ్ లోజివెండ అతిజ్ దేవుణ కనికారం మిజీ వాతాద్.

31 అయవజనె, యూదురు దేవుణుదిజ్ లోజివెండ అతిజ్ మిజీ ఏలు కనికారం తొరిస్సిలెకెండ్ వరిజ్ బా దేవుణ మరి కనికారం తొరిస్సాన్.

* 11:26-27 11:26-27 యెసయ 59:20,21; 27:9; యెర్మియా 31:33,34.

- 32 విజేరవెట కనికారం తోరిస్తే ఇజ దేవుణు విజేరిక వారు లోజివండ అతి మన్నిదన్ని లోజనె డింస్ సిత్రాన్.
- 33 దేవుణు బుద్ధి, గెణం ఎస్సానో గొప్ప పెరిక కొటె. వాండ్రు తీర్చనం కిత్తికెక్ ఎయెనబా అర్థం కిదెక్ అటవీన్. వాండ్రు కిని పణి వందిక్ ఎయెనబా అర్థం వెహ్లాక్ అటవీన్.
- 34-35 ప్రవక్త దేవుణు మాటు రాస్తిలెకెండ్ మనాద్ యాక. ఎలాగ ఇహిజ, "దేవుణు ఒడోబినికెక్ ఎయెనబా తెలివిద్. దేవుణు ఇని ఇనికెక్ కిదెక్ ఇజ వన్నుక్ బుద్ధి వెహ్లాక్ ఎయెనబా అటవీన్". "ఎయెనబా దేవుణుదిక్ ఇనికబా సీదెక్ సిల్లెద్. అందెజె దేవుణు ఎయెరిక్బా మర్చి సిదెక్ అక్కర్ సిల్లెద్".
- 36 యాక నిజం ఇజ మాటు నెసినాట్. ఎందానిక్ ఇహిజ, దేవుణు విజా తయార కిత్రాన్. అక్కెక్ విజా మన్నె. వాండ్రు సిత్తి సత్తుదాన్ అక్కెక్ బత్తిజనె. దేవుణుదిక్ పొగడిడికెనె అక్కెక్ మన్నె. విజేరె లోకర దేవుణుదిక్ ఎస్తివలెబా గొప్ప గవరం సిజ మనీద్. ఆమెన్.

12

కొత్త బత్తు.

- 1 అందెజె మా తంబెరిజాండె, నాను మీవెట బతి మల్లిన, దేవుణు మిజీ నిస్సా దయ తోరిస్తవందిక్ మీరు మిజీనె దేవుణుదిక్ పూజ లెకెండ్ సీదు. అయ పూజ బత్తిజ మంజిని వజ మండ్రెక్వలె, దేవుణుదిక్ కేట అతివజ దేవుణుదిక్ ఇష్టం అతివజ మండ్రెక్వలె. దేవుణుదిక్ సిదెక్ తగిలి పొగడిజ మాడిసినక ఇక్కాదె
- 2 యా లోకమెదికార బత్తిని వజ దేవుణుదిక్ వడివండ బత్తిదెక్ అవిద్. గాని మీ బత్తు అనివందిక్, మీ మన్ను పూర్తి కొత్తాక్ కిదెక్ దేవుణుదిక్ సరి సీదు. ఆహా కిత్తిజ మీరు ఇనిక కిదెక్ ఇజ దేవుణు కొరిజనాండ్రో అక్క ఎమెణిక ఇజ నెసి బప్పుకొండెక్ అనిదెర్. దేవుణు మీ వందిక్ కోరిజనిక నెగ్గికాదె, వన్నుక్ ఇష్టం అతికాదె, ఇని తక్కు సిల్లికాదె.
- 3 దేవుణు నజీ, వన్ను గొప్ప దయదాన్ నజీ అపొవండు వజ ఇడ్డాన్. అందెజె నాను మిజీ విజెరెరిక్ వెహ్లాన్. నాను ఎలాగ మర్చికాన్ ఇజ ఒరెన్ ఒరెన్ ఒడోబినివలె మీరు మన్నిదన్నిక్ ఇంక నండో మనాద్ ఇజ మీ వందిక్ ఒడోబిమాట్. గాని దేవుణు మిజీ సిత్తి సమకమదిక్ తగితివజ మిజీ మీరి సరిఅతి వజ కొల్ల కిదు.
- 4 ఉండ్రె ఒడోలేదు కాల్యు కిక్కు ఇజ రక రకమేది బాగమకు మనె, వనక వనక పణిక్ వేరె వేరె మన్నె.
- 5 అయవజనె, మాటుబా నండెండార గాని క్రీస్తు వెట కాల తోహ్లాక్ మాటు ఉండ్రె లెకెండ్ మనాట్. మాటు ఉండ్రె ఒడోలేదిక్ నెందితికాట్. ఒరెన్ మరి ఒరెన్ వన్నువందిక్ మనాన్.
- 6 దేవుణు వన్ను గొప్ప దయ మజీ సిత్తిక్ నండో రకమేది వరమకు* సిత్రాన్. యా వరమకు మాటు నెగెండ వాడొకొండెక్. దేవుణు సిత్తి మాటెక్ వెహ్లాక్ అల్లు ఇహిజ అక దేవుణు నివెట వెహ్లాన్ ఇజ నీను నమ్మిత్తి వజ వెహ్లాక్.
- 7 మహివరిక్ అవనరం అతికెక్ కిజ సీదెక్నా మీ వరం ఇహిజ, అక్క కిదెక్ దేవుణు మాటెక్ నెస్పిని సీదెక్నా మీ వరం ఇహిజ నెస్పిని సీదెక్.
- 8 మహివరిక్ దయరం వెహ్లాక్నా మీ వరం ఇహిజ దయరం వెహ్లాక్. సీబాజి సినకమీ వరం ఇహిజ అక్క కల్లి సిల్లి మన్నుదాన్ సీదెక్. నజమదిక్ నడిపినికాన్ బాగ నడిపిన్జెవెలె. బాద అతివరిక్ కనికారం తోరిస్సెకాన్, సర్దదాన్ కనికారం తోరిస్సెక్వెలె.

ఎలాగ ప్రేమకిదెక్

- 9 మీరు మహివరిక్ కల్లి సిల్లెండ్ పెమిస్తాక్. దేవుణుదిక్ వడిజ వనకబాణిక్ దూరం మండ్రెక్. అక్కెక్ ఒద్దె డింస్టెక్. దేవుణుదిక్ ఇష్టం అతి వనకాక్ డగ్గు కిదు.
- 10 సొంత ఇండ్రెణివరి లెకెండ్ ఒరెన్ మరి ఒరెన్ వన్నుక్ నండో ప్రేమిస్తాక్. మర్యాద సీని దన్నిలోజ ఒరెన్, మరి ఒరెన్ వన్నుక్ వాండ్రు నజీ ఇంక పెరికాన్ ఇజ మర్యాద సీజ మండ్రెక్.
- 11 దేవుణుదిక్ నెందితి నజతిజ లోజ ఉసారో ఆజి మండ్రు. బండెక్ అమాట్. ప్రబు పణి లోజ దేవుణు అత్తుదాన్ ఉసారో ఆజి పణికిదు.
- 12 దేవుణు మీ వందిక్ గొప్ప నజతిక్ కిసాన్ ఇజ ఎర్దు సుడోజి సర్దదాన్ మండ్రు. కష్టం వానివలె ఓరిసి మండ్రు. పార్దనం కిదెక్ మన్ని నజతిజ వందిక్ డింవండ పార్దనం కిదు.
- 13 దేవుణుదిక్ నమ్మిత్తి వరిక్ ఎయెరిక్బా ఇనికబా అవనరం అతిజ వరిక్ కావాలిస్తికెక్ సీదెక్. దూరమదాన్ వాజిని వరిక్ ఇండ్రో కూక్కి మిజీ మన్నిబాణిక్ సీజ మర్యాద కిదు.
- 14 మిజీ బాద కినివరి మున్ను కనికారం తోరినఅ ఇజ దేవుణుదిక్ పార్దనం కిదెక్. ఒబ వరిక్ దీమిస్తాక్ ఇజ దేవుణుదిక్ వెహ్లా వరిక్ నయివ్ సీఅ ఇజ వెహ్లాట్.
- 15 సర్ద అని వరివెట సర్ద ఆజి మండ్రు. దుకం అతి వరివెట వరి దుకమేదు కూడిజ మండ్రు.
- 16 ఒరెన్ మరి ఒరెన్వెట ఉండ్రె మన్ను ఆజి మండ్రు. గర్త్ర అమాట్. తకుదివరి వెట కూడిజ మండ్రెక్ మన్ను ఆదు. నానె గొప్ప బుద్ధి మన్నికాన్ ఇజ ఒడోబిమాట్.
- 17 మిజీ సెఇక కినివరిక్ మర్చి సెఇకెక్ కిమాట్. నెగ్గెక ఇజి విజేరె బప్పుకొడోని పణిక్నె కిదెక్.
- 18 విజేరె వెట సమదనమదాన్ మండ్రెక్ ఒద్దె నెగెండ సుడోదు.

* 11:34-35 11:34-35 మెనయ 40:13. ✱ 11:34-35 11:34-35 యోబు 41:11. * 12:6 12:6 వరమకు ఇహిజ ఉండ్రె పణికిదెక్ దేవుణు సీని ఇనాయం

19 నాను ప్రేమినిని కూలెజాండె, మిజీ ఎయెన్బా సెఇక కిత్తిజ వన్నుజ్ మర్రి సెఇక కిమాట్. గాని దేవుణు వన్నుజ్ సిక్కు సీదెజ్ డిసిసీదు. దేవుణు మాటడు దన్నువందిజ్ రాస్త మనాద్. ఇనిక ఇహిజ, “లోకు కిత్తి సెఇ పణి వందిజ్ నీను కోపం తీరిన్యా. అక్కు నాన తీరిన్సు. నిజి సెఇక కిత్తివన్నుజ్ నాను సిక్కు సీన్”, ఇజ దేవుణు వెన్నానాన్⁴.

20 గాని మురి మీరు ఇనిక కిదెజ్ ఇహిజ; నిజి పగాతి వన్నుజ్ బజ కట్టిజ వన్నుజ్ ఉండెజ్ సీఅ. వన్నుజ్ ఎమ్మొ కట్టిజ, ఏరు సీఅ. నన్నవలె వాంత్తు సిగు అనాంత్తె వన్ను కోపం డిసిస్నాన్”,⁵ ఇజ రాస్త మనాద్.

21 మురి ఒరెన్ కిత్తి సెఇ పణిదిజ్ తగితి పణి మీరు కిమాట్. గాని మీరు వరిజ్ కిని నెగ్గిపణిజాణిజ్ వరి సెఇ పణిదిజ్ గెలిస్తెజ్.

13

ఏలుబడి: కినివరిజ్ లోజీదు.

1 ఏజెరె ఏలుబడి: కినివరిజ్ లోజీజి మండ్రెజ్ వలె. ఎందానిజ్ ఇహిజ, ఏలుబడి: కినివరిజ్ అతికారు దేవుణుని సీజినాన్. వరిజ్ ఏర్పాటు కిత్తికాన్ దేవుణుని.

2 అందెజె ఏలుబడి: కినివరిజ్ లోజీఇకారు దేవుణు ఏర్పాటు కిత్తిదన్నుజ్ ఎద్రిసినారు. వరిజ్ తగితి తీర్పుదోహ్కాన్.

3 నెగ్గి పణిజ్ కినివరిజ్ అవిద్, సెఇ పణిజ్ కినివరిజె ఏలుబడి: కినికారు తియెల్ తపిస్సారు. అందెజె ఎయెన్బా ఏలుబడి: కినివరిజ్ తియెల్ సిల్లెండ మండ్రెజ్ ఇహిజ, నెగ్గి పణిజ్ కిజి మండ్రెజ్. నన్నవలె ఏలుబడి: కినికారు మీ వందిజ్ నెగ్గికెజ్ వెహ్సారు.

4 ఎందానిజ్ ఇహిజ మీ నడి:మి విజు నెగెండ జర్గిదెజ్ ఇజి పణికినికారు వీరు. దేవుణుదిజ్ పణికిదెజ్ దేవుణు ఏర్పాటు కిత్తికారు వీరు. మీ లోఇ ఎయెన్బా తప్పు కిత్తిజ వాంత్తు తియెల్ అదెజె. ఎందానిజ్ ఇహిజ తప్పు కిత్తివరిజ్ సిక్కు సీదెజ్ విరిజ్ అతికారు మనాద్. దేవుణు ఏర్పాటు కిత్తిజ్ దేవుణు వందిజ్ పణికినికారు లెకెండె, వారు తప్పు కినివరిజ్ సిక్కు సీనారు.

5 అందెజె అతికారు లోకాల్ లోజీజి మండ్రెజ్ వలె. సిక్కుదాన్ తప్ప అదెజ్ ఉంత్తె అవిద్, లోజీజి మంజినిక సరి అతికదె ఇజి నెస్సెబా లోజీదిజ్ వలె.

6 ఏలుబడి: కినికారు దేవుణుదిజ్ పణికిజినారు. వారు అయ ఏలుబడి: కినిపణి వందిజె కాలం విజు గడెప్పినారు. అందెజె మీరు వరి వందిజ్ వన్నుబా తొప్పినిదెరె.

7 ఎయెరిజబా ఇనికబా సీదెజ్ ఇహిజ అక్కాజ్ సీదెజ్. ఎంబెబా వన్ను తొప్తాజ్ మహిజ బాన్ వన్ను తొప్తాజ్. ఎయెరిజ్ మర్యాద సీదెజ్ ఇహిజ వరిజ్ మర్యాద సీదెజ్. ఎయెరిజ్ గవరం సీదెజ్ ఇహిజ వరిజ్ గవరం సీదెజ్.

ప్రబు మర్రి వాజిని కాలం డగ్గు ఆత మనాద్

8 ఎయెరిబాన్బా అప్పు తీరినెంండ ఇడెమాట్. ఎసెజ్బా ఒరెన్ మురి ఒరెన్ వెట ప్రేమిస్సికాదె అప్పు లెకెండె మనీద్. మహివరిజ్ ప్రేమిస్సికాన్ దేవుణు రూలుజ వూర్తి లోజీనాన్.

9 దేవుణు రూలుజ లోఇ రకరకమేవి రూలుజ్ మన. వనకలోఇ సెగు ఇనికెజ్ ఇహిజ, “రంకు బులాదెజ్ అవిద్. లోకాజ్ నప్పెజ్ అవిద్. డోజి కిదెజ్ అవిద్. ఆఇవరిజ్ మన్నుకెజ్ సజి కావాలి ఇజి సెఇ అన అదెజ్ అవిద్” గాని యా రూలుజ్ విజు కూడుప్పిజ, యాకాదె, “నీను నిజి ప్రేమిన్అ⁶”, ఇజిని.

10 మహి వరిజ్ ప్రేమిస్సిజ వరిజ్ ఇని తప్పుబా నీను కిజ గదె. అందెజె మహివరిజ్ ప్రేమినినికాన్ దేవుణు రూలుజ్ విజు వనకాజ్ వూర్తి లోజీజినాన్.

11 నాను వెస్టాలెకెండె మీరు కిజి మండ్రెజ్ వలె. ఎందానిజ్ ఇహిజ, మాటు బత్తిని యా కాలం నండ్లొ ముకెలమాతి కాలం ఇజి మీరు నెసినిదెరె. ప్రబు మర్రి వాజి మజి రక్కిసిని కాలం డగ్గు ఆత మనాద్ కాక నిర్దదాన్ నిజ్జె తెలి అతివరి వజ జాగర్త మంత్తు. తొలిత మాటు నమ్మిత్తి మహి కాలమదిజ్ ఇంక అయ నమయం డగ్గు ఆత మనాద్.

12 రెయం అందిజి వాజినిలెకెండె మా బత్తుబా అందిజి వాజినాద్. క్రీస్తు మర్రి వాని కాలం డగ్గు ఆత మనాద్. అందెజె సికటిదు కిని సెఇ పణిజ్ విజు డిసి సీదెజ్. వేడెక విదెమేదిజ్ సానికాన్ దన్నుజ్ కావాలిస్సికెజ్ తోడుగిజి విదెమేదిజ్ తయారు అనిలెకెండె, సెఇ వనకాజ్ ఎద్రిస్సిజ్ తయారు ఆజి మంత్తు.

13 సికటిదు కిని సెఇ పణిజ్ డిసి సీజి మాటు జాయదు నడి:సి మండ్రెజ్. కల్లు విందుజ్ సాన్ని ఉణిజి సాస్టెజ్ అవిద్. మొగ కొడోకార్ గాని అయెల్ కొడోకార్ గాని రంకు బులాదెజ్ అవిద్, టంటిజ్ అదెజ్ అవిద్, గోన అదెజ్ అవిద్.

14 మురి ఎలాగ మండ్రెజ్ ఇహిజ, మహి లోకురిజ్ తొర్నివజి మీరు ప్రబు అతి యేనుక్రీస్తు లెకెండె మంత్తు. మీ ఒడోల్లి సెఇ అసెజ వజ కిజి సర్ద అదెజ్ ఇజి ఒడోబిజి మంజిని మన్నుదాన్ మన్నాట్.

14

అనుమానం అని నమ్మితికారు వందిజ్

1 ఇని ఇనికెజ్ కిదెజ్ దేవుణు సరి సీనాంత్తె ఇజి అనుమానం అని నమ్మిత్తికారు మనారు. వారు నమ్మిత్తి దిన్నివందిజ్ వూర్తి అర్థం కికారు గాని వరిజ్ డగ్గు కిదు. గాని నమ్మిత్తికారు ఇని ఇనికెజ్ కిదెజ్ అనాద్ ఇజి ఒడోబిని దన్నులోఇ తేడ వానివలె వరివెట వాదిస్సాట్.

2 విజు తిండ్రెజ్ అనాద్ ఇజి ఒరెన్ నమ్మిజినాన్. మురి ఒరెన్ కునెజ్ ని తింజినాన్. ఎందానిజ్ ఇహిజ, వారు నమ్మిత్తి దిన్నివందిజ్ వూర్తి అర్థం ఇంక కివీన్.

3 విజు తినికాన్, విజు తినిఇ వన్నుజ్ తక్కుదికాన్ ఇజి సుడెదెజ్ అవిద్. విజు తిండ్రెజ్ అవిద్ ఇజి ఒడోబినికాన్ విజు తినికారు తప్పు కిజినారు ఇజి వెప్తాజ్ అవిద్. ఎందానిజ్ ఇహిజ దేవుణు వరిజ్ డగ్గు కిత్త మనాన్.

* 12:19 12:19 ద్విత్తి 32:35. * 12:20 12:20 సామెత 25:21,22. * 13:9 13:9 నగ్గమ 20:13-15,17.

4 మరి ఒరెన్ ఎజమానిజ్ వన్నీ పణిమణిసి కినికెజ్ సరియాతికెజ్నో, ఆకెకెజ్నో ఇజ వెహ్రాజ్ తగితికాన్ మీరు అకెదెర్. వాండ్రు కిజి సరిఅతికెదో ఆవిదో ఇజ వెహ్రాన్. ఎందానిజ్ ఇహిజ సరిఅతికె కిదెజ్ దేవుణు వన్నీజ్ సత్తు సిసానెలె.

5 నెగొండార్, ఉండ్రె రోజు మహి రోస్కాజ్ ఇంక నెగ్గి రోజు ఇజ ఒడోబిజనార్. మరి ఒరెన్ విజు రోస్కూ ఉండ్రె లెకెండో సుడోజినాన్. ఒరెన్ ఒరెన్ వన్నీజ్ వాండ్రె వన్నీ మున్నుదు ఒడోబినిక ఎందానిజ్ ఆహు ఒడోబిజనాన్ ఇజ టోటాజ్ నెసి తిరమానం కిదెజ్వెలె.

6 ఉండ్రె రోజు నెగ్గి రోజు ఇజ ఇడ్వికాన్ అక్క ప్రబు వందిజ్ ఇడ్వికాన్. విజు తినికాన్ ప్రబుజ్ వమదనమకు వెహ్ని ప్రబుజ్ గవరం సీదెజ్ ఇజ తింజనాన్. విజు తిన్ఇకాన్ తిని వనక వందిజ్ ప్రబుజ్ వందనమకు వెహ్ని ప్రబుజ్ గవరం సీదెజ్ ఇజ విజు తిన్ఎండ మజనాన్.

7 మా లోఇ ఎయెనబా వన్నీజ్ సర్ కిబిస్తెజ్ ఇజ బత్విఎన్. వన్నీ వందిజె సర్ కిబిస్తెజ్ ఇజ సాఎన్.

8 ఎందానిజ్ ఇహిజ మాటు బత్వినివెలె ప్రబుజ్ ఇస్టం కిబిస్తె లెకెండో బత్విదెజ్. సానివల ప్రబుజ్ ఇస్టం కిబిస్తె లెకెండో సాదెజ్వలె. అందెజె మాటు బత్వితిజ్బా సాతిజ్బా ప్రబుజ్ నెందితికాట్.

9 దినివందిజె సాతి వరిజ్ని బత్విని వరిజ్ విజేరిజ్ ప్రబు లెకెండో మండ్రెజ్ క్రీస్తు సాజ మర్రి బత్విత్తాన్.

10 అహిజ, ఎయెర్బా మరి ఒరెన్ వన్నీజ్ తీర్పు తీరిస్తెజ్ ఆవిద. ఎయెర్బా తకుదికాన్ ఇజ సుడోదెజ్ ఆవిద. ఎందానిజ్ ఇహిజ మాటు విజేట్ తప్పు కితికాట్, సరి అతికె కితికాట్ ఇజ దేవుణు తీర్పు కిదెజ్ వన్నీ ఎర్పు నిల్తాట్.

11 దినివందిజ్ మాటు ఎలాగ నెనినాట్ ఇహిజ, ప్రబు వెహ్ని మాటెజ్ ఈహు రాన్ మనాద్. ఇనిక ఇహిజ, “నాను ఒద్దె నిజం వెహ్ని, నా దేవుణు ఇజ లోకుర్ విజేర్ ఎర్పు ముణుకుజ్ ఊర్పార్. నా దేవుణు ఇజ లోకుర్ విజేర్ ఎర్పు వెహ్రాన్”.

12 అహిజ, ఒరెన్ ఒరెన్ కిత్తి దన్నీవందిజ్ దేవుణు ఎర్పు లెక్క ఒవజెప్తెజ్ వలె. దేవుణు తీర్పు తీరిస్తాన్.

13 అందెజె ఆకవరిజ్ తీర్పు తీరిసినిక డోసిసీనాట్. అక్కాదె అవండ, మరి ఒరెన్ నమ్మిత్తి వన్నీజ్ తప్పు సరిదు నడోపిసిని ఇనికబా కిదెజ్ ఆవిద ఇజ మీ మున్నుదు ఒప్పుకొండ.

14 నాను యేసుప్రబు వెట కూడితిజ్ ఉండ్రె నిజం నెసిన్. ఇనిక ఇహిజ, తిండ్రెజ్ ఆవిద ఇజ దేవుణు వెహ్ని తిండి ఇనికబా సిల్దె. గాని ఇనికాదో ఉండ్రె తినిక ఆవిద ఇజ ఎయెనబా ఒడోబిజెజ్ అక్క వాండ్రు తినిక తప్పు.

15 నీను ఇనికదో ఉండ్రె తిని దన్నీదాన్ మరి ఒరెన్ నమ్మిత్తికాన్ మున్నుదు బాద అతిజ నీను వన్నీ మున్ను ప్రేమ తోరిన్ఇ. నీను తినిదన్నీదాన్ మరి ఒరెన్ నమ్మిత్తి వన్నీ నమకమదిజ్ పాడు కిమా.

16 నెగ్గికెజ్ ఇజ ఒడోబిజి నీను కినికెజ్, మరి ఒరెన్ నమ్మిత్తి వన్నీజ్ పాపం కిబిస్తెజ్ తగితికెజ్ ఇహిజ అక్కెజ్ సెకెకెజ్ ఇజ వారు వెహ్రాన్. అందెజె నెగ్గిక ఇహిజ్బా కిమా.

17 దేవుణు ఎలుబడి: కినిదన్నీజ్ లోజెజి మండ్రెజ్ ఇహిజ, ఇనికెజ్ తిండ్రెజ్ ఉండెజ్ ఇజ రూలుజ్ అఉ. గాని దేవుణు ఎలుబడిదెజ్ ఎలాగ లోజెజ్ ఇహిజ, అత్తు సత్తుదాన్ దేవుణుదిజ్ ఇస్టం అతి వజ కిదెజ్, లోకుర్ వెట నమదనమదాన్ మండ్రెజ్, మున్ను లోఇ సర్ నిండ్రెజి మండ్రెజ్.

18 యా లెకెండో క్రీస్తుజ్ లోజెనికాన్ దేవుణుదిజ్ ఇస్టం కిబిస్తాన్. లోకుర్ వన్నీజ్ నెగ్గికాన్ ఇజ వెహ్రాన్.

19 అందెజె మాటు ఒరెన్ మరి ఒరెన్ వన్నీవెట నమదనమదాన్ మండ్రెజ్ సుడోదెజ్ వెలె. మాటు ఒరెన్ మరి ఒరెన్ వన్నీజ్ నమకమదు సత్తు కిబిస్తెజ్ సుడోదెజ్ వెలె.

20 ఇని తిండిబా తిండ్రెజ్ అనాద్ ఇజ ఒడోబిజి, దేవుణు కిత్తి పణిజ్ పాడో కిమా దేవుణు సుడోతిజ్ విజు రకమది బోజనమకుబా తిండ్రెజ్ అనికెజ్ గాని, నీను తినిక, తిండ్రెజ్ ఆకెకెజ్ ఇజ మరిఒరెన్ వన్నీజ్ తప్పు కిబిస్తెజ్ అక్క తినిక తప్పునె.

21 క్లంద తింజ గాని ద్రాక్క కల్లు ఉణిజి గాని, మరి నన్నుపణిజ్ ఇనికెజ్ గాని కిత్తిజ్ అక్క, మరి ఒరెన్ నమ్మిత్తి వన్నీజ్ తప్పు కిబిస్తెజ్ కూడితిజ్ అక్కెజ్ డోస్సికాదె నెగ్గిక.

22 నిన్ను సజతిజ్ వందిజ్ నీను నమినికెజ్ నీను ఆకవరిజ్ వెహ్రాజ్ పోని. నిన్ను సజతిజ్ నీనుని దేవుణు నెస్తిజ్ అని. ఉండ్రె పణికిత్తి వెనక, సరి అతికె కితానో, సిలిబ తప్పు కితానో ఇజ అనుమానం ఆవింద మహిజ నీను దేవుణుబాణిజ్ సర్గ తసిని.

23 గాని ఉండ్రె తినిక దేవుణు ఎర్పు సరిఅతికెదో ఆవిదో ఇజ అనుమానం అనికాన్, అక్క తిహిజ తప్పు కితానో ఇజ తిర్పు వానాద్. ఎందానిజ్ ఇహిజ, తిండ్రెజ్ ఆక ఇజ ఇడ్డిక వాండ్రు తిహాన్. మాటు ఇనిక కిత్తిజ్బా దేవుణు ఎర్పు సరి అతికె కిత ఇజ నమకం సిల్లిజ్ అక తప్పునె.

15

1 ఇనికెకెజ్ సరిఅతికెజ్ కిదెజ్ అని ఇజ మున్నుదు బాగ నెసిని నమ్మిత్తికాట్ అతి మాటు మజి ఇస్టం అతికెజ్ ఉండ్రెనె కిజి మండ్రెజ్ ఆవిద. గాని అనుమానం అతివరిజ్ మాటు బరిస్తెజ్ వలె.

2 మరి ఒరెన్ నమకమదు పిరినివందిజ్ మా లోఇ ఒరెన్ ఒరెన్ వన్నీజ్ నెగ్గికెజ్ కిజి సర్గ కిబిస్తెజ్.

3 క్రీస్తు కిత్తి లెకెండో మాటు కిసాట్. క్రీస్తు వన్నీ సర్గ ఉండ్రె వందిజ్నె తోఎండ దేవుణుదిజ్ ఇస్టం అతిలెకెండో కితానో. కీర్తన పుస్తకమదు రాన్ లెకెండో. “లోకుర్ నీడె నింద కిత్తివెలె, అయ నింద నజి వెహ్ని లెకెండో”, ఇజ క్రీస్తు దేవుణుదిజ్ వెహ్రాన్.

4 దేవుణు మాటుదు ముందాలో రాన్ మన్నీకెజ్ విజు మజి నెస్తిస్తెజె రాన్ అత మనాద్. ఎందానిజ్ ఇహిజ, మాటు ఓర్పుదాన్ మంజి దేవుణు మాటెజ్ మజి ఉసారో కిబిసి, మాటు అనదాన్ ఎర్పు సుడోజి మండ్రెజ్ వలె.

5-6 మజి ఓర్పుని ఉసారో కిబిస్తెజ్ దేవుణు ఉండ్రె మున్ను ఆజి మండ్రెజ్ సాయం కిపిన్. ఇహిజ యేసు క్రీస్తు వజ మండ్రు. నస్తివలె మా ప్రబు అతి యేసు క్రీస్తుజ్ బుబ్బు అతి దేవుణుదిజ్ ఉండ్రె మున్ను ఆజి ఉండ్రె లెకెండో పొగడిదెజ్ అనిదెర్.

* 15:3 15:3 క్రిస్ట 69:9.

7 అహిజ క్రీస్తు మిజీ డగ్రు కిత్తి లెకెండ్ మీరు ఒరెన్ మరి ఒరెన్ వన్నిజ్ డగ్రు కిదు. ఎందానిజ్ ఇహిజ అహు కిత్తిజ లోకుర్ దేవుణుదిజ్ పొగ్గిడినార్.

8 నాను ఇనిక వెహ్సాను ఇహిజ, దేవుణు నమ్మిదెజ్ తగ్గిక్సాన్ ఇజి, ఇహిజ వాండ్లు, మాటు యూదురి అనిగోగ్గిరిజ్ కిత్తి ఒటు లెకెండ్ నిజం కిసాన్ ఇజ తోరిస్తెజ్ ఇజ క్రీస్తు యూదురిజ్ పణి మణిసి ఆత మహూన్.

9 అక్కాదె అవదు, యూదురు ఆఇజాతిదికార్ దేవుణు తోరిస్తె గొప్ప కనికారం వందిజ్ దేవుణుదిజ్ పొగ్గిడిదెజ్ ఇజబా క్రీస్తు యూదురిజ్ పణిమణిసి ఆతమహూన్. ఎలాగ ఇహిజ, “అందెజె నాను యూదురు ఆఇ లోకుర్ నడిమి నిజి పొగ్గిడిజి. నిజి పొగ్గిడిజి పాటిజ్ పార్చు”, ఇజి రాస్తి మన్ను.

10-11 ఈహుబా రాస్తి మనాద్, “యూదురు ఆఇజాతిదికార్ ఆతికిదిరా మీరు దేవుణు లోకుర్ వెట సర్ల ఆదు”*. మరి ఉండ్రెహిన్ ఈహు రాస్తి మనాద్. “యూదురు ఆఇజాతికార్ ఆతికిదిరా, మీరు ప్రబుజ్ పొగ్గిడిదు. విజెర లోకుర్ వన్నిజ్ పొగ్గిడిదు”**

12 మరి యెనయ ప్రవక్త ఈహు వెహ్సానాన్, “యెస్సుయి తెగాదికాన్ ఒరెన్ వానాన్లె. యూదురు ఆఇవరిజ్ ఏలుబడికి కిసికాన్ వానాన్. వన్నిజె వారు అసదాన్ ఎద్రు సుడేజి మంజినార్”*.

13 ఎద్రు సుడేజి మండ్రెజ్ మిజి అటిసిని దేవుణుదిజ్, మీరు నమ్మిజి మంజినిదెర్ కాక మీ లోఇ సర్లని నమదనం నిండ్రెపిన్. ఎందానిజ్ ఇహిజ, అసదాన్ ఎద్రు సుడేజి మంజిని లోఇ దేవుణు ఆత్మ సత్తు మిజి మరి నండో పిరిస్తెజ్ ఇజి.

దేవుణు సువార్ల యూదురు ఆఇకార్బా వెంజినార్

14 నమ్మితి తంబెరిజాండె, మీరు ఒరెన్ మరి ఒరెన్ వెట నెగెండ మంజినిదెర్ ఇజి నాను నెనిన. మీరు బాగ నెస్తెజ్ ఇజి దేవుణు సుడేజినికెజ్ విజి మీరు నెన్నిదెర్ ఇజి నాను నెనిన. ఒరెన్ మరి ఒరెన్ వన్నిజ్ బుద్ది వెహ్సా నెస్సిస్తెజ్ అట్టిదెర్ ఇజి నాను మీ వందిజ్ నిజం నెనిన.

15-16 గాని నాను యా ఉత్తమదు నెగం సజతిజి వందిజ్ మిజి ఎత్తు కిటిస్సివలె దయరమదాన్ వెహ్సా. ఎందానిజ్ ఇహిజ, యేనుక్రీస్తుజ్ ఉండ్రె పణిమణి లెకెండ్ యూదురు ఆఇ జాతిది వరి నడిమి మండ్రెజ్ ఇజిని దేవుణు వన్ని గొప్ప దయాదగ్ధం నా మున్ను తోరిస్తాన్. దేవుణు ఆత్మ వరిజ్ కేటికెజి దేవుణుదిజ్ సీదెజ్ తగితి ఉండ్రె పూజ లెకెండ్ వరిజ్ తయార్ కిసికాదె నా పణి. దన్నివందిజె ఒరెన్ పుజెరి లెకెండ్ నాను వరిజ్ సువార్ల వెహ్సాన.

17 అందెజె, నాను క్రీస్తుయేను వెట కూడేజి మన్నిజ్, దేవుణుదిజ్ కిని సేవ పణివందిజ్ పొగ్గిడిజి.

18 యూదురు ఆఇకార్ దేవుణుదిజ్ లోజిన్ వందిజ్ క్రీస్తు నా వెట కిత్తి పణిజ్ ఉండ్రె వందిజె నాను దయరమదాన్ వెహ్సాన. నాను నా మాటిజాణిజ్, నా పణిజాణిజ్ దేవుణుదిజ్ లోజెదెజ్ వరిజ్ నడిపిస్త.

19 బహుతి పణిజాణిజ్ దేవుణు ఆత్మ సత్తుదాన్ నడిపిస్త. ఆహె యెరూసలేం పట్టుం మొదెల్లి అయ సుట్టు వడకక మన్ని పట్టుమకు విజి ఇలాకికు ఇని పట్టుం దాక విజి బాడ్డెజి సాన్ని నాను క్రీస్తు వందిజ్ సువార్ల పూర్తి సాటిస్త మన్ను.

20 క్రీస్తు వందిజ్ సాటి ఆఇ బానె సువార్ల సాటిస్తెజ్ ఇజిని నజి ఉండ్రె ఆస. ఎందానిజ్ ఇహిజ, మరి ఒరెన్ సువార్ల కినిబాన్ సాన్ని వన్ని పణి లాగ్గెజ్ అవద్ ఇజిని నా మన్ను.

21 గాని నాను ఇనిక కిత్త ఇహిజ, దేవుణు మాటదు రాస్తిమన్ని లెకెండ్ కిత్త, “వన్నివందిజ్ ఎనెజ్బా వెహె ఆఇకార్ వన్నివందిజ్ నిజం ఆతిక నూణార్. వన్నివందిజ్ ఎనెజ్బా వెహె ఆఇకార్ వన్నివందిజ్ అర్లం కిసార్”*.

22 యా పణికిజి మహిజ్ నాను మీబాన్ వాదెజ్ నండో అడ్డు ఆత మహూద్.

పవులు రోమపట్టణం సాండ్రెజ్ ఒడేబిజినాన్

23-24 గాని ఏలు యా ప్రాంతమకాజ్ మన్ని పణిజ్ వీజితె. నండో పంటిజ్ అన్నిబా మీబాన్ వాజి మిజి సుడేదెజ్ ఆస ఆతిజెబా, ఏలు వాదెజ్ ఎద్రు సుడేజి. నాను స్సెయిను దేనిం సాని సరిదాన్, మిజి వాజి సుడేజి నణెం మీ వెట మంజి సర్ల అదెజ్ ఆస ఇజి. బాణిజ్ సానివెరి మీబాణిజ్ సాయం దోహెక్తెజ్ ఇజి సుడేజి.

25 గాని, ఏలు యెరూసలేమ్దు మన్ని దేవుణుదిజ్ నమ్మితి వరిజ్ డబ్బు ఒత్తెజ్ యెరూసలేమ్దు సాన్నిన.

26 ఎలాగ ఇహిజ యెరూసలేమ్దు మన్ని నమ్మితి వరి లోఇ డబ్బు సిల్లివరిజ్ నంద సీదెజ్ మాసిదోనియ ప్రాంతమదు మన్ని నమ్మితికార్ని అకాయ ప్రాంతమదు మన్ని నమ్మితికార్ వారి ఆజి ఇస్టం ఆతార్.

27 ఒట, వారు సీదెజ్ ఇస్టం ఆతారి సీజినార్. నిజమె, యూదురు ఆఇకార్ యెరూసలేమ్దు మన్ని దేవుణు లోకురిజ్ సాయం కిదెజ్. ఎందానిజ్ ఇహిజ, యూదురు ఆఇవరిజ్ ఉండ్రె అప్పు మనాద్. ఎలాగ ఇహిజ, దేవుణు యూదురిజ్ సిత్తి దీవనమకు ఆఇ జాతిదివరిజ్ బాట వాతాద్. అందెజె యూదురిజ్ తక్కు ఆతిక యూదురు ఆఇకార్ వరిజ్ మన్నివనక లోఇహోన్ బాట కిజి సీదెజె.

28 యా పణి వీజిత ఇహిజ, వరిజ్ సీదెజ్ మన్ని డబ్బు పూర్తి వరిజ్ తవ్వెండ సిత్తి వెనుక నాను యెరూసలేం పట్టుమదాన్ స్సెయిను సాని సరిదు మీబాన్ వానా.

29 నాను మీబాన్ వానివలె క్రీస్తుబాణిజ్ మిజి విజెరిజ్ గొప్ప వెరి దీవనమకు దోహెక్తెజ్ ఇజి నాను నెనిన.

30 ఏలు తంబెరిజాండె, ప్రబు ఆతి యేనుక్రీస్తు మున్ను మన్ని నమ్మకం మన్నిదన్నివందిజ్, దేవుణు ఆత్మ మిజి సిత్తి దన్నివందిజ్, మీరు నా వందిజ్ గట్టిజి పార్లనం కిదు ఇజి నాను బతిమాల్లిన్.

31 యూదయ దేనమదు యేనుప్రబుజి నమ్మితి యూదురు బాణిజ్ నజి ఇని ప్రమాదం రెండో మండ్రెజ్ పార్లనం కిదు.

32 మరి దేవుణు సిత్తం ఆతిజి నాను సర్లదాన్ వాజి మీబాన్ రోమదెజ్ ఇజిబా పార్లనం కిదు.

* 15:9 15:9 2సము 22:50; కీర్తన 18:49. * 15:10-11 15:10-11 ద్వితీ 32:43. * 15:10-11 15:10-11 కీర్తన 117:1. * 15:12 15:12 యెసయ 11:10. * 15:21 15:21 యెసయ 52:15.

33 మజి నమదనం సీని దేవుణు మిజి తోడు మనీన.

16

రోమ పట్టుమీదు సెగొండార్ నమ్మితి వరిజ్ వవులు వందనమకు వెప్పినాన్.

1 కెత్తెయారు మన్ని దేవుణు నజమీదు సేవ కిదెజ్ ఏర్పాటు అతి పిబె ఇని మా బీబి వందిజ్ నాను వెప్పినాన్. అది గొప్ప నెగ్గికాద్.

2 దేవుణుదిజ్ నమ్మిత్తి దన్నిజ్, నమ్మితికార్ కిదెజ్ తగితి లెకెండ్ డగ్గు కిదు. దన్నిజ్ కావాన్తిక ఇనికబా మీబాన్ మహిజ, మీబాణిజ్ సీజ మండ్రు. ఎందానిజ్ ఇహిజ, అది నండొండారిజ్ మరి నజిబా సాయం కిజి మహద్.

3 క్రీస్తు వందిజ్ మా వెట కూడజి పణికిత్తి మహి ప్రీస్మిలాదిజ్ని దన్ని మూని అకులాదిజ్బా మా వందనమకు వెప్తు.

4 వారు నా పాణం వందిజ్ వరి పాణమకు సీదెజ్ తయార్ అతికార్. నాను ఒరెనె ఆవి, యూదురు ఆజవరి నజమీకు విజి వారు కిత్తి దన్ని వందిజ్ వందనమకు వెప్పినాన్.

5 మరి వరి ఇండ్రో మన్ని నమ్మిత్తివరిజ్బా వందనమకు వెప్తు ఆసియ ప్రాంతమీదు తొలిత క్రీస్తు మున్సు నమకు ఇడ్డి, నాను ప్రేమిసిని ఎపాయినిటుజ్ వందనమకు వెప్తు.

6 మీ వందిజ్ నండొ కన్బాడజి పణి కిత్తి మరియెజ్ వందనమకు.

7 నావెట జేలిదు మహి, నా సొంత లోకుర్ యూదురు అతి అండ్రొనికుని, యూనియాకు వందనమకు వెప్పినాన్. వారు అపొస్టురు నడేమి పెరికార్ ఇజి విజెరె నెసినార్. నజి ఇంక ముందాల్ వారు క్రీస్తు లోకు అతికార్.

8 ప్రబు వందిజ్ నాను నండొ ప్రేమిసిని అంప్లియతుజ్ వందనమకు.

9 క్రీస్తు వందిజ్ మా వెట పణి కిత్తి ఉర్బానుజ్ వందనమకు. నాను నండొ ప్రేమిసిని స్టాకుజ్ వందనమకు.

10 క్రీస్తు మున్సు నిజమాతి నమకు ఇన్బాన్ ఇజి రుజువ్ కిత్తి మన్ని అవెలుజ్ వందనమకు. అరిస్తోబులు ఇండ్రోణి వరిజ్ వందనమకు.

11 నా సొంత లోకు యూద వాండ్రు అతి హెలోదియోనుజ్ వందనమకు.

నర్కిను ఇండ్రోణి వరి లోఇ ప్రబు అతి క్రీస్తుజ్ నెందితి వరిజ్ వందనమకు.

12 క్రీస్తు వందిజ్ కన్బాడజి పణికినికెజ్ అతి త్రువయానుజ్ని త్రపాసానుజ్ వందనమకు.

నాను నండొ ప్రేమిసిని పెర్గునుజ్ వందనమకు. అది ప్రబు వందిజ్ నండొ కన్బాడజి పణి కితామహద్.

13 ప్రబు వందిజ్ గొప్ప నెగ్గికాన్ ఇజి కేట అతి రువనుజ్ వందనమకు. వన్ని అయ్సిజ్ వందనమకు. అది నజిబా యూరు వజనె.

14 అనున్క్రీస్తుజ్, ఫ్లెగొముజ్, హెర్మెకునుజ్, వత్రోబుజ్, హెర్మెకునుజ్, వరి వెట మన్ని నమ్మితి వరిజ్ వందనమకు.

15 ఏలొగునుజ్, యూలియాకుజ్, నెర్బాతునుజ్, వన్ని తజిసిజ్, ఒలంపాకుజ్ వరివెట మన్ని నమ్మితి వరిజ్ వందనమకు.

16 నమ్మిత్తి వరిజ్ తగితి లెకెండ్ ఒరెన్ మరి ఒరెన్ వన్నిజ్ ముదు కిజి వందనమకు వెప్తు. యా బాడ్డిదు క్రీస్తుజ్ నమ్మితి నజమీకాణికార్ మిజి వందనమకు వెప్పినాన్.

17 నమ్మితి తంబెరిజాండె, మీరు నెస్తి మన్ని బోదదిజ్ డిస్సిసి దన్నిజ్ వెత్తెకం అతి బోద నెస్సిసి ఆఇ గుంపుజ్ కిదెజ్ ఇజి వెప్పికార్ మనార్. వరి వందిజ్ జాగర్ల మండ్రు. నన్ని వరి బాణిజ్ దూరం మండ్రు ఇజి నాను బతిమాల్లి వెప్పినాన్.

18 నన్నికార్ మా ప్రబు అతి క్రీస్తుజ్ పణి కినికార్ అవిర్. గాని వారు వరిజ్ ఇన్బాన్ అతి దన్నివందిజ్ బత్తిజినార్. నెగ్గి మాటెజ్ వెప్పివజ బడాణి మూటిజ్ వెప్పి వీరు మొసెం కిజినార్. వారు సెఇలోకు ఇజి నెన్ఇకార్ వరి మాటిజాణి మొసెం కిబె అనార్.

19 మీరు దేవుణు మాటదిజ్ లోజిత్తి మన్నికార్ ఇజి విజెరె నెసినార్. అందిజి మీ వందిజ్ నాను సగ్గ ఆజన. గాని మీరు నెగ్గిక ఇనిక ఇజి నెస్తి దన్నిలోఇ బుద్ది కల్లిజి మండ్రు. సెఇ వనకవెట కూడేవండ దన్నివందిజ్ కల్లిసిల్లెండ మండ్రు ఇజి నాను ఆస ఆజన.

20 నమదనం సీని దేవుణు, నయ్నాను నత్తు పాడుకెజి వనిజ్ మీ కాల్యాజ్ అడ్గి బేగి నెదులు మటిస్పాండ్రె ఇడ్డాన్. ప్రబు అతి యేసుబాణిజ్ దయోదర్శం మిజి తోడు మనీద.

21 మా వెట కూడజి పణికిని తిమోతి మిజి వందనమకు వెప్పినాన్. నా సొంత లోకుర్ యూదురు అతి లూకియ, యాసోను, సాసి పత్తు ఇనికార్ వందనమకు వెప్పినాన్.

22 వవులు వెప్పి సీత్తిజ్ యా ఉత్తం రాసిని తెర్రియు ఇని నాను ప్రబు వందిజ్ వందనమకు వెప్పినాన్.

23 నజమీదు కూడజిని వరిజ్ విజెరిజ్ని నజిని నెగండ సూణి గాయు మిజి వందనమకు వెప్పినాన్. యా పట్టుమీదు పెర్గు డబ్బుజ్ లెక్క సుడజి అస్సికాన్ ఎరస్టు, నమ్మిత్తికాన్ అతి క్యార్తును మిజి వందనమకు వెప్పినాన్.

24 మా ప్రబు అతి యేసు క్రీస్తుబాణిజ్ వన్ని దయోదర్శం మీబాన్ మనీద.

25-26 మీ నమకమీదు మిజి గటిజ నిల్పెజ్ దేవుణు అట్టాన్. నాను యేసుప్రబు వందిజ్ సువార్త సాటిసినివలి యాకది వెప్పినాన్. నండొ కాలం దేవుణు డాస్తి ఇడ్డి మహి నిజమాతి మాట ఏలు దేవుణు వెప్తు మనాన్. ఏలు అయ నిజమాతి సువార్త మాట సాటిసిజ్ ప్రవక్తరు రాస్తి మాటాదానె క్రీస్తు వందిజ్ విజెరె నెసినార్. ఎలాకాలం మన్ని దేవుణు ఆగ్గుదాన్ యా సువార్త విజి లోకాజ్ నెస్సినినాన్. ఎందానిజ్ ఇహిజ విజెరె లోకుర్ నమ్మిజి లోజిదెజ్ ఇజి.

27 విజి వనకాజ్ నెసిని ఒరెండ్రె దేవుణుదిజ్, క్రీస్తుయేసుదాన్ ఎలాకాలం లోకుర్ పొగడిజి మనిర్. ఆమెన్.

అపొస్తలుడు ఆతి పవులు కొరింథి పట్టమీదు మని నమ్మిత్తి వరి సజమీదిజ్ రాస్తి మొదోహి ఉత్తం

నెల్ల కిబిసినిక

ఇక్క అపొస్తలుడు ఆతి పవులు కొరింథి పట్టమీదు మన్ని దేవుణు సజమీదిజ్ రాస్తి మొదోహి ఉత్తం. పవులునె ఇక్క రాస్తికాన్ ఇజి యా ఉత్తమునె రుజువ్ సీజినాద్. 1:1,16,21. దేవుణు సజమీదు మన్ని విజు సజతిజ్ వందిజ్, నమ్మిత్తి వరి నడిమి మన్ని గొడబెజ్ వందిజ్, దేవుణుదిజ్ పొగడిజి మాడిస్సి వందిజ్, దేవుణు పణి వందిజ్ సీని వందిజ్, నమ్మిత్తికార్ జటు ఆజని వందిజ్, సజమీదు మన్ని బోదెక్ ఎలాగ్ మండ్రెజ్ ప్రబు ఏర్పాటు కిత్తి బోజనం వందిజ్, పెండ్లి వందిజ్, మరి యాలెకిండ్ మన్ని నండో సజతిజ్ వందిజ్ ఎలాగ్ కిదెజ్ ఇజి యా ఉత్తమీదాన్ పవులు కొరింథి సజమీది వరిజ్ వెప్పినాన్. యా ఉత్తమీదు రాస్తిమన్ని సజతిజి వందిజ్ సుడెతిజి అయా కాలమీదు మని సజమీదిజ్నె అవిండ యా కాలమీదు మన్ని సజమీకాజ్బా యాక ముకెలవూతి ఉండ్రి ఉత్తం. అక్కదె అవిండ నమ్మిత్తి వన్నిజ్ మన్ని ప్రేమ వందిజ్, సాత్తికార్ మరజి నిజ్ని వందిజ్ రాస్తి సజతిజ్ ఎలాకాలమీదు మన్ని నమ్మిత్తి వరి వందిజ్ రాస్తిక్కాదె. యా ఉత్తం యేసుక్రీస్తు సాజి మరజి నిజితి వనుక యాబ్బయ్ ఏడునో యాబ్బయ్ ఆరునో పంటిజ్ వెనక రాన్ ఆత్త మనాద్ ఇజి విజేరె నమ్మిజినార్. పవులుని వన్ని జటుదికార్ వారు రుండి సుట్టు, సువార్త సాటిస్తజ్ సాస్తి మహివలె (A.D. 50) కొరింథి పట్టమీదు అందితార్. డగ్రు 18 నెల్లెజ్ మంజి సువార్త పణి కిజి మహిజ్ బాన్ దేవుణు సజం తయారాతాద్. (అపొస్తరు కిత్తి పణిజ్ 18:1-8). పవులు ఎపెసు పట్టమీదు మహివలె, బాణిజ్ యా ఉత్తం రాస్తపోకాన్. యా ఉత్తం నెగెండ్ నద్దొజి నెని మహిజి దేవుణు సజం ఎలాగ్ మండ్రెజ్ ఇజి సజమీదిజ్ నడిపెసినె వందిజ్, నమ్మిత్తి వరిజ్ నెగెండ్ అర్థమానాద్.

మొదోల్

1 దేవుణు ఇస్తుమాతి పజి, క్రీస్తుయేసుజ్ అపొస్తలుడు లెకెండ్, వాండ్రు కూక్తి మని పవులు ఇని నాను కొరింథి పట్టమీదు మని దేవుణు సజమీదిజ్ రాసినె ఉత్తం. మా తంబెరి అతి సొస్తనెసు నా వెట మనాన్.

2 మీరు లోకమీదు విజుబాన్ మని వరిజ్నె మజి ప్రబు ఆతి యేసుక్రీస్తు పేరు అని పొగడిజి మాడిస్సి వరి వెట మీరుబా కూడ్డి మంజనిదెర్. అందెజె మీరు ప్రబు ఆతి యేసుక్రీస్తు వెట కూడిజి దేవుణు వందిజ్ కేట ఆతికిదెర్ని దేవుణుదిజ్ సెందితికిదెర్ అజి మండ్రెజ్ ఇజి కూక ఆతి మనిదెర్.

3 మా బుబ్బాత్తి దేవుణుని ప్రబు ఆతి యేసు క్రీస్తు దయా దర్మమీదాన్ మీరు నిపాతి మండ్రెజ్ సాయం కిపెన్.

4 క్రీస్తుయేసుదాన్ మిజి దేవుణు నితిమని వన్ని దయా దర్మం వందిజ్ నాను ఎస్తివలెబా మీ వందిజ్ దేవుణుదిజ్ వందనమక మెప్పెన్.

5 అపొజి, మీరు విజు సజతిజి వందిజ్, ఇపొజి, మీరు వర్గిజని విజు మాటెజి లొఇ, మిజి మని గెణమీదు, క్రీస్తు వెట మని నంపదమీదు మీరు దేవుణు సీజని మేలుజ్ విజు కలితి మని కిదెర్ అజనిదెర్.

6 ఎందనిజ్ ఇపొజి క్రీస్తు వందిజ్ మాపు వెప్తా మని సాస్యం వందిజ్ ఇని అనుమానమబా సిల్లెండ్ మీ మనుజు మీరు గటిజి గుర్తు అస్తిదెర్.

7 అందెజె, దేవుణు అత్త సీజని వరమకాజ్ లొఇ ఇని దనిజ్బా తకు సిల్లెండ్, మా ప్రబు ఆతి యేసు క్రీస్తు తోర్ అని దినం వందిజ్ గొప్ప అసదాన్ ఎర్తు సుడెజి మంజనిదెర్.

8 మా ప్రబు ఆతి క్రీస్తు యేసు తీర్పు సీని దినమీదు మీరు ఇని తపు సిలెండ్ మనికిదెర్ ఇజి తోర్ అదెజ్ దేవుణు మిజి సత్తు సీజి ఆకార్దాక కాప్ కినాన్లె.

9 వన్ని మరెన్ ఆతి, మా ప్రబువూతి యేసుక్రీస్తు వెట కూడిజి మండ్రెజ్ మిజి కూక్తి మని దేవుణు నమ్మిదెజ్ తగ్గికాన్.

దేవుణు సజమీదు నమ్మిత్తికార్ కేట ఆజని వందిజ్

10 తంబెరిజాండ్, అందెజె మీ లొఇ ఇని కేట అవిండ మండ్రెజ్ ఇజి, మీరు విజెదెర్, ఒరెన్ మరి ఒరెన్ వెట ఉండ్రి మన్ను అజి మండ్రెజ్. మరి మీరు విజెదెర్ ఒడెబినిబాన్, మీ మన్నుదు పూర్తి ఉండ్రి అజి మండ్రెజ్ ఇజి మా ప్రబు ఆతి యేసుక్రీస్తు బాణిజ్ నజి దొవ్కాక్తి అతికారమీదాన్ నాను మిజి బతిమాల్లెన్.

11 ఎందనిజ్ ఇపొజి మా తంబెరిజాండ్, మీ లొఇ గొడెబెజ్ మన్ను ఇజి క్లోయె ఇండ్రెణికార్ సెగెండార్ నజి కల్లు తత మనార్.

12 నాను వెప్పెనిక ఇనిక ఇపొజి, ఒరెన్, “నాను పవులుజ్ సెందితికాన్”, ఇజినాన్గె, మరి ఒరెన్, “నాను అపొలుజ్ సెందితికాన్”, ఇజినాన్గె. మరి ఒరెన్, “నాను కేవెజ్ సెందితికాన్”, ఇజినాన్గె, మరి ఒరెన్, “నాను క్రీస్తుజ్ సెందితికాన్”, ఇజి వెపా ఆజనిదెర్గె.

13 క్రీస్తు ఎయెర్ వందిజ్బా బాటెజ్ అవెతాన్. పవులు ఇని నాను మీ వందిజ్ నిలువాదు సావత. మీరు పవులు ఇని నా పేరుదాన్ బాప్తిసం లాగె అజతిదెర్.

14 క్రీస్తుని గాయియుకు, వారు రివర్ అవిండ మరి ఎయెరిజ్బా నాను బాప్తిసం సివత. దన్ని వందిజ్ నాను దేవుణుదిజ్ వందనమక మెప్పెన్.

15 అందెజె నా పేరుదాన్ మీరు బాప్తిసం లాగె అతిదెర్ ఇజి వెప్తాజ్ ఎయెరిజ్బా అక్క సిల్లెద్.

16 స్తివాను ఇండ్రెణి పరిజ్బా నాను బాప్తిసం సివతమన. అక్కాదె అవిండ మరి ఎయెరిజ్బా బాప్తిసం సత్తిక నజి ఎత్తు సిల్లెద్.

17 ఎందనిజ్ ఇహిజ, సువార్త వెహెజ్ న క్రీస్తు నజి పోక్తాన్. గాని బాప్టిసం సీదెజ్ ఇజ నజి పోక్వెతాన్. అందెజ్ క్రీస్తు సిలువారు సాతి సాపుది సత్తు తకు అదెజ్ అవద్ ఇజ నాను సువార్త సాటిస్సిక యా లోకమది లోకురి గెణమ్దాన్ కూడితి మాటిజాణిజ్ అవద్.

దేవుణు గెణమ్ని సత్తు అతిమన్ని క్రీస్తు

18 నానసమాజి సాని వరిజ్ క్రీస్తు సిలువారు సాతి వందిజ్ వెహెజ్ సువార్త బుద్ది సిల్లి పణి కిత్తి వందిజ్ వెహెజ్ మాటిజ్ లెకెండ్ తోరిజనె గాని దేవుణు రక్కిస్తి మని మజి యాక దేవుణు సత్తు.

19 అందెజ్, “వారు గెణం మనికార్గె! వరి గెణం నాను పాడికెనాలె. వారు బుద్ది మనికార్గె! వరి బుద్ది నాను పణిదిజ్ రెండె కినాలె”, ఇజ దేవుణు మాటదు రాస్త మనాన్.

20 బుద్ది మన్నికాన్ ఇజ ఒడిబితి మని వన్ని బుద్ది ఇనిక అత మనాన్? గొప్పు నదువు మనికాన్ ఇజ ఒడిబితి మని వన్ని నదువు ఇనిక అత మనాన్? యా లోకమది పందిత్ ఇజ ఒడిబితి మనికాన్ ఇనిక అత మనాన్? యా లోకమది విజు గెణం దేవుణు బుద్ది సిలి పణి లెకెండ్ పణిదిజ్ రెజ లెకెండ్ కివెతాండ్రా?

21 దేవుణు సీతి గెణమ్దాన్, లోకమదిజ్ నెందితి వరిజ్, వరి గెణమ్దాన్ దేవుణుదిజ్ నెన్దెజ్ అట్వెండ మహిజ్, లోకమదిజ్ నెందితి వరిజ్ బుద్ది సిల్లి పణి ఇజ తోరి అతి సువార్త సాటిసి, నమ్మిజిని వరిజ్ రక్కిస్తిజ్ దేవుణు ఇస్సం అతాన్.

22 యూదురు అతికార్ బమ్మాతి పణిజ్ కొరిజనార్. గ్రీసు దేనిమదికార్ గెణమ్దిజ్ రెబాజనార్.

23 గాని మాపు క్రీస్తు మా పాపమక వందిజ్ సిలువారు సాతి సాపు వందిజ్ సువార్త సాటిసి నామ్. ఇక్క యూదురిజ్ అడ్డు లెకెండ్ తోరిజనె. మరి యూదురు అజ వరిజ్ బుద్ది సిలి పణి లెకెండ్ తోరిజనె.

24 గాని యూదురిజ్ని యూదురు అజ వరిజ్, అహిజ రక్కిస్తిజ్ ఇజ దేవుణు కూక్తి మని విజెరిజ్, క్రీస్తు, దేవుణు సత్తు అత మనాన్. క్రీస్తు, దేవుణు గెణం అత మనాన్.

25 ఎందనిజ్ ఇహిజ, దేవుణు బుద్ది సిలి పణి ఇజ లోకురి ఒడిబినిక లోకురి బుద్దిదిజ్ ఇంక బుద్ది మనిక. దేవుణు సత్తు సిల్లి పణి ఇజ లోకురి ఒడిబినిక లోకురి సత్తుదిజ్ ఇంక బలం మనిక.

26 తంబెరిజాండె, దేవుణు మిజి కూక్తి మహివలె మీరు ఎలాగ కూకె అతి మనిదెరి ఇజ ఒడిబిదు. లోకమదు మన్నికార్ ఒడిబిని లెకెండ్ ఇహిజ, మీ లోజ బుద్ది మనికార్ లాపు నంఠెండార్ సిల్లెర్, గొప్పు వారు లాపు నంఠెండార్ సిల్లెర్, పెరి కుటుమ్దికార్ లాపు నంఠెండార్ సిల్లెర్.

27 వారు బుద్ది సిలికార్గె! గాని లోకమదు మని బుద్దిమని వరిజ్ సిగు కిదెజ్, దేవుణు బుద్ది సిలి వన్యాజ్ ఎర్లిస్తాన్. వారు సత్తు సిలికార్గె! గాని లోకమదు మని సత్తుమని వరిజ్ సిగు కిదెజ్ దేవుణు సత్తు సిలివనకాజ్ ఎర్లిస్తాన్.

28 యా లోకమదు ఇనికాదో అతిమని వన్యాజ్, అక్కెజ్ ఇనికెజ్ అడ ఇజ తోరిస్తిజ్ ఇజ ఏకం అడిగి మని వనకాజ్ని ఇస్సం కిజ వన్యాజ్, ఇనికబా అజ వన్యాజ్ దేవుణు ఎర్లిస్తాన్.

29 అందెజ్ ఎయెనిబా దేవుణు ఎర్తు ఇనిదని వందిజ్ బా పొగ్డిజ్ అదెజ్ అట్వెన్.

30 వన్ని వెటనె మీరు మా వందిజ్ దేవుణు బాణిజ్ వాతి మని గెణమాతి మన్ని క్రీస్తుయెను వెట కూడిజి మంజినిదెరి. అహిజ, వన్ని వెటనె మాటు నీతి నిజాయతి మనికాట్ అతాట్, దేవుణు వందిజ్ కేట అతికాట్ అతాట్, విడుబదల పొందితికాట్ అతాట్.

31 అందెజ్ దేవుణు మాటదు రాస్తి మని లెకెండ్. “పొగ్డిజ్ అనికాన్ ప్రబు కిత్తి వన్యా వందిజ్ పొగ్డిజ్ అదెజ్ వలె”.

2

1 తంబెరిజాండె దేవుణు వందిజ్ సాస్యం మీ నడమి వందిజ్ ఇజ మీ డగ్రు నాను వాతివలె నెగెండ వర్గెదిజ్ అట్టి వన్ని లెకెండ్నో, గొప్పు పెరి బుద్ది మని వన్ని లెకెండ్నో మీ డగ్రు రెవత.

2 అందెజ్ నాను మీ నడిమి మహివెల, యెనుక్రీస్తు వందిజ్ని వాండ్రు సిలువారు సాతి సాపు వందిజ్నె అవెండ మరి ఇనికబా నెన్ ఇ వన్ని లెకెండ్ మండ్రెజ్ ఇజ నాను నిర్తం కిత.

3 నాను మీ నడిమి వాతివలె నా సత్తు మున్సు అదారం అవెండ, సత్తు సిల్లివనన్ని లెకెండ్ తియెల్దాన్, ఎసోనో వణిక్కి వాత.

4 నాను మీ వెట వర్గితి మాట వెహెజ్ మని సువార్త, లోకు బుద్దిదాన్ కూడితి మని తియని మాటిజాణిజ్ అవెతాద్. గాని మిజి తోరి అదెజ్ ఇజ దేవుణు అత్తు సత్తుదాన్ కిజిని పణిజాణిజ్ తోరిస్త మనాన్.

5 ఎందనిజ్ ఇహిజ, దేవుణు మున్సు మిజి మని నమకం లోకు బుద్ది మున్సు అదారం అవెండ, దేవుణు సత్తు మున్సునె అదారం అదెజ్ ఇజ.

దేవుణు అత్తు బాణిజ్ దోహ్క్కి గెణం.

6 దేవుణు మున్సు మని నమకమదు పిరితివరి నడిమి బుద్దిదాన్ కూడితి మని మాటిజాణిజ్ వర్గిజనామ్. గాని అక్క యా లోకమదు మని యా తరమది వరి బుద్ది అవద్. మరి సిల్లెండ్రె అజి సాస్తిని యా లోకమది అతికారిజ బుద్ది ననికబా అవద్.

7 అక్కాదె అవెండ, దేవుణుదిజ్ డాజితి మని గెణం వందిజ్ వర్గిజనామ్. డావె అతి మహి యా గెణం, మాటబా వన్నిజ్ మని గొప్పు గవరమదు కూడిజి మండ్రెజ్ ఇజ లోకం పుట్వెండ ముందాల్సా దేవుణు మా వందిజ్ కేట కిత్తి ఇడ్డి మహిక.

8 యా తరమది అతికారిజ ఎయెరిజెల యాక అర్తం కిదెజ్ అట్వెండాతార్. ఎందనిజ్ ఇహిజ, వారు అర్తం కిజి నెని మంజినిక ఇహిజ గొప్పు గవరమదిజ్ ప్రబు అతి వన్నిజ్ సిలువారు డెయెజి నమ్వెతార్మరి.

9 అందెజ దేవుణు మాటలు రాన్ని మన్ని లెకెండ, “దేవుణు వన్నిక ప్రేమిసిని వరి వందిక ఇనికెక తయార కిత ఇట్టానుమాండ్ర ఇజ ఎయెరబా వరి కణకణాణిక్ సుడెడెక్ సిల్లెద్, ఎయెరబా వరి గిదిజాణిక్ వెండ్రెక్ సిల్లెద్. ఎయెరబా వరి మన్నుడు ఎసెక్బా ఒడెబిడెక్ సిల్లెద్”.

10 గాని దేవుణు వన్ని అత్తుదాన్ అయకెక్ మజి తెలియ కిత మనాన్. దేవుణు అత్తు విజు దనిక్ రెబాజినాన్. దేవుణు లొజ మని డాజిక్ మని సజతిక్బా రెబాజి తోరిసినాన్

11 ఒరెన్ వన్ని మన్నుడు ఒడెబినికెక్ విజు వన్ని లొజ మని వన్ని అత్తునె అవిండ మరి ఎయెరబా నెన్ఎర్. అయా లెకెండె దేవుణు మన్నుడు మనికెక్ వన్ని అత్తుదిక్నె అవిండ మరి ఎయెరబా తెలిఎద్.

12 దేవుణు బాణిక్ మజి సెడ్డెనె సితిమని వన్నాక్ అర్లం కిజి నెన్లెక్, మజి దోహక్తి మని అత్తు లొకెమ్ది వరి లెకెండ ఒడెబిని నని అత్తు అవిద్. దేవుణు బాణిక్ వాతిమని దేవుణు అత్తునె మజి దోహక్తి మనాద్.

13 మాపు వర్తిజని యా మాటిక్ లొక బుద్ధిదాన్ నెన్పిన్సి మాటిక్ అజ. గాని దేవుణు అత్తు నెన్పిన్సి మాటిజాణిక్, దేవుణు అత్తుదిక్ నెందితి నిజమాతి సజతిక్, దేవుణు అత్తుదిక్ నెందితి మాటిజాణిక్ మాపు వర్తిజనాన్.

14 దేవుణు అత్తు సిలికాన్ దేవుణు అత్తుబాణిక్ వాని సజతిజ డగ్రు కివిన్. ఎందనిక్ ఇహాజ అయకెక్ వన్నిక్ బుద్ధి సిల్లి పణిక్ లెకెండ తోరిజనె. వన్నాక్ అర్లం కిదెక్ ఇహాజ దేవుణు అత్తుదాన్ అర్లం కిబె అదెక్. దేవుణు అత్తు వన్ని లొజ సిల్లితిక్, వన్నాక్ అర్లం కిదెక్ వాండ్ర అటెవన్.

15 దేవుణు అత్తు లొజ మనికాన్ విజు వన్నాక్ అక్కెక్ ఎలాగ మర్తికెక్ ఇజ నెన్లెక్ అట్టాన్. గాని వన్ని లొజ ఇనికెక్ మన్నె ఇజ ఎయెరబా నెన్లెక్ అటెవర్.

16 దేవుణు మాటలు రాసె ఆతి మని లెకెండ, “ప్రబుక్ బుద్ధి వెహైక్ ఇజ వన్ని మన్నుడు మనికెక్ నెన్సిమనికాన్ ఎయెన్ మనాన్?”. గాని మజి క్రీస్తుక్ మని నని మన్ను మన్నె.

3

సజమదు నమ్మిత్తికార్ కేట ఆజని వందిక్

1 తంబెరికాండె, క్రీస్తుక్ లొజిజి నడిజని వరి వెట వర్తిని లెకెండ నాను మీ వెట వర్తిదెక్ అట్ఎత. గాని ఒడెబెది అనెక్ లొజిజి నడిజి వరివెట వర్తిని లెకెండెన నాను మీ వెట వర్తిత. ఎందనిక్ ఇహాజ, మీరు క్రీస్తు వెట కూడితి మహిదెర్ గాని క్రీస్తుక్ నెందితి సజతిక్ లొజిజిని దని లొజ విలుజి లెకెండెన మనిదెర్.

2 లెత కొడెరిక్ పాలు సీని లెకెండ ఇజి సజతిక్నె నాను మిజి నెన్సిన్. పెరికార్ ఉణి మాముల్ బొజనం నని గటిమని ఇనికబా నాను మిజి నెన్సిన్ఎత. నిజమె విలుబా మీరు దనిక్ తగ్గికిదెర్ అవిర్, మీరు లెత కొడెర్ లెకెండెన మనిదెర్.

3 విలుబా మీరు యేసుక్రీస్తుక్ లొజిజి నడిజని వరి లెకెండ అజదెర్. ఎందనిక్ ఇహాజ మీ నడిమి గోన అనికెక్, గొడెబెక్ మహిక్ మీరు యేసుక్రీస్తుక్ లొజిజి నడిజని వరి లెకెండ అజదెర్. క్రీస్తు మున్ను. నమకం మన్ఇవరి లెకెండెన మీరు విజు సజతిక్ కిజినిదెర్.

4 ఎందనిక్ ఇహాజ ఒరెన్, “నాను పవులుక్ నెందితికాన్”, ఇజ, మరి ఒరెన్, “నాను అపొలుక్ నెందితికాన్”, ఇజ మరి ఒరెన్, యాలెకెండ వెహైనివలె మీరు క్రీస్తు మున్ను. నమకం ఇడెఱ మాముల్ లొకర్ లెకెండ అజదెర్?

5 అపొలు ఎయెన్? పవులు ఎయెన్? వహి పణి కినికారెగదె? ఒరెన్ ఒరెన్ వన్నిక్ ప్రబు ఒవన్పిత్తి లెకెండ వారు కిత్తి పణిజాణిక్ మీరు దేవుణుదిక్ నమ్మిత్తిదెర్.

6 నాను గిజి ఉణున్, అపొలు దనిక్ ఏరు వడిస్సాన్, గాని దనిక్ పిరిప్తికాన్ దేవుణునె.

7 అందెజ ఉణుస్సికాన్ గాని ఏరు వడిస్సికాన్ గాని ఇనిక అవిర్. గాని దనిక్ పిరిప్తికాన్ దేవుణు ఒరెన్లె.

8 ఉణుస్సి వన్నిక్నె ఏరు వడిస్సి వన్నిక్ ఉండ్రె ఉదన్మనె మహాద్. ఒరెన్ ఒరెన్ వన్నిక్, వరి సొంత పణిదిక్ తగితి జితం దోహక్తాద్.

9 మాపు దేవుణు వెట కూడెజి పణి కినికావ్. మీరు దేవుణు మడిక్ లెకెండ ఆతి మనిదెర్. దేవుణు ఇల్లు లెకెండ ఆతి మనిదెర్.

10 దేవుణు నా మున్ను తోరిస్సి మన్ని దయా దర్మమదాన్, నెగెండ ఇల్లు తొవ్తాక్ నెన్సివన్ని లెకెండ నాను పునాది పొక్త మన. మరి ఒరెన్ దని మున్ను. ఇల్లు తొహైని వన్ని లెకెండ తొహైనాన్. ఒరెన్ ఒరెన్ ఎలాగ దని మున్ను తొహైనాండ్ర ఇజ వాండ్రు జాగర్ల సుడెడెక్ వలె.

11 అహాజ పొక్తిమని పునాది అవిండ మరి ఉండ్రె పునాది పొక్తిక్ ఎయెనబా అట్ఎవన్.

12 ఒరెన్ యా పునాది మున్ను తొహైవలె బజార్మదాన్ తొహైన్సు, సిల్లిజ వెండిదాన్ తొహైన్సు, సిల్లిజ నండొ కితి రంగు పణకాణిక్ తొహైన్సు. సిల్లిజ మరాన్దాన్ తొహైన్సు, సిల్లిజ గడిదాన్ తొహైన్సు, సిల్లిజ అకుజాణిక్ తొహైన్సు.

13 ఒరెన్ ఒరెన్ కిత్తి పణిక్ ఎలాగ మర్తిక ఇజ యేసుక్రీస్తు తీర్పు తీరిస్సి దిన్మదు తోరి అనె. అయ పణిక్ డాక్ఎండ తోర్పె. అయా పణిక్ సిను వెటనె తోరి అనె. ఒరెన్ ఒరెన్ కిత్తి మని పణి ఎలాగ మర్తికాద్ ఇజ సినునె వరిన్ కినాద్.

14 ఒరెన్ అయ పునాది మున్ను తొహై మని పణి సినుదిక్ గెలిసి నిల్లి మహాజ వాండ్రు జితం లొనె అనాన్.

15 ఒరెన్ కిత్తి పణి సినుదాన్ వెతిజ వన్నిక్ నస్టం వానాద్. గాని వాండ్రు తప్రె అనాన్. గాని సినుకొనెజ నడిమిహాన్ తప్రె ఆతి లెకెండ తప్రె అనాన్లె.

16 మీరు దేవుణు గుడిఱ అతికిదెర్ ఇజ మీరు నెన్ఇదెరా?. మరి దేవుణు అత్తు మీ లొజ బత్తిజినాన్ ఇజ మీరు నెన్ఇదెరా?

17 ఎయెనబా దేవుణు గుడిఱదిక్ పొడికిత్తిజ దేవుణు వన్నిక్ పొడికికాన్. ఎందనిక్ ఇహాజ అయ గుడిఱ దేవుణుదిక్ నెందితిక. అయ గుడిఱ ఆతి మనికిదెర్ మీరె.

18 మిజీ మీర మొసెం కిబె ఆదెజ్ ఆవెద. మీ లొజ ఎయెనబా యా తరమదిజ్ తగ్గి గెంం మనికాన్ వాండ్రె ఇజి ఒడిబిజి మహిజ, గెంం మనికాన్ ఆదెజ్ ఇజి వన్నిజ్ వాండ్రె యా లొకమది వజ బుద్ది సీలి వన్ని లెకెండ్ర్ ఆపిన్.

19 ఎండనిజ్ ఇహిజ యా లొకమది గెంం దేవుణు ఎర్దు పణిదిజ్ రెఇకాద. ఎండనిజ్ ఇహిజ, “గెంం మనికాన్ ఇజి ఒడిబిని వరిజ్ దేవుణు వరి గెంం దాన్ ఒడిఃస్సాన్”, ఇజి దేవుణు మాటదు రాస్సు మనాద్.

20 మరి, “బుద్ది మని వరి ఆలొసనమకు పణిదిజ్ రెఇకెజ్ ఇజి ప్రబు నెసినాన్”, ఇజి దేవుణు మాటదు రాస్సు మనాద్.

21 అందెజ్ ఎయెరబా లొక మిరు అసి నాను వన్నిజ్ సెందితికాన్ ఇజి పొజిదెజ్ ఆవెద. మీరు నెగెండ్ర్ మండ్రెజ్ ఇజి విజి సజతిజ్ దేవుణు మిజీ సిత మనాన్.

22 వవులు అతిజ్బా, అపాలు అతిజ్బా, కేవ అతిజ్బా మీరు నెగెండ్ర్ మండ్రెజ్ ఇజి దేవుణు ఏర్పాటు కిత్తికాన్. లొకమదు మనికెజ్ విజి, పాణం అతిజ్బా, సాపు అతిజ్బా, యా కాలమదు జర్గినికెజ్ అతిజ్బా, వాని కాలమదు జర్గిదెజ్ మనికెజ్ అతిజ్బా విజి మీరు నెగెండ్ర్ మండ్రెజ్ ఇజి దేవుణు సీతికెజ్.

23 మీరు క్రీస్తుజ్ సెందితికెదెర్. క్రీస్తు దేవుణుదిజ్ సెందితికాన్.

4

క్రీస్తుజ్ అపొస్తురు అతికాన్

1 అందెజ్ క్రీస్తుజ్ పణి కినికాన్ ఇజి లొకర మిజీ సుడెదెజ్ వలె. దేవుణుది డాజీతి మని సజతిజ్ లొకరిజ్ నెస్సిస్టెజ్ ఒపజెవె అతికాన్ ఇజి వారు మిజీ సుడెదెజ్ వలె.

2 అక్కాదె ఆవెండ్ర్ ఉండ్ర్ పణిదిజ్ ఒపజెవె అతి మనికాన్ అయ పణిదు నమ్మకమాతికాన్ ఇజి తొరె ఆదెజ్ వలె.

3 మీరు గాని లొకరి క్రొబుగాని నజీ ఒపజెవె అతి మని పణి నాను నెగెండ్ర్ కిజననో సీలెనో ఇజి సుడెజిని దనిజ్ నాను లస్యం కిం. నజీ నానబా అయ లెకెండ్ర్ నా పణిదిజ్ సుడెదెజ్ సీల్లె.

4 నా గర్బం నజీ గదిసెవెండ్ర్ బాగనె మనాద్. అయ లెకెండ్ర్ మహిజ్బా నాను ఇని తప్ప సీలికాన్ ఇజి వెవా ఆదెజ్ అభవం. నజీ తీర్పు సీనికాన్ ప్రబునె.

5 అందెజ్ ఏర్పాటు కిత్తి మని గడియ రెవెండ్ర్ ఇనిదనిజ్బా తీర్పు తీరిస్టెజ్ ఆవెద. ప్రబు వాని దాక కావకిదెజ్. సీకటుదు డాజీతి మని విజి తప్ప పణిజ్ వాండ్రు వెల్లి జాయదు తనాన్లె. లొకరి మస్సుదు మహి విజి ఉదెనమ్కాజ్ వెల్లి తనాన్లె. అయావలె ఒరెన్ ఒరెన్ వన్నిజ్ వాండ్రు కిత్తి పణిదిజ్, తగ్గి లెకెండ్ర్ దేవుణు బాణిజ్ పొగడెః ఆనాన్లె.

6 తంబెరికాండె, “రాస్సి మహి దనిజ్ జవ డాట్టి సాండ్రెజ్ ఆవెద”, ఇజి రాస్సి మని మాటదిజ్ అర్దు మీరు మిజీ సుడెజి నెస్టెజ్ వలె. అయలెకెండ్ర్ నా వందిజ్ని అపాలొ వందిజ్ నాను మిజి వెప్తా మహ. అయలెకెండ్ర్ మీరు ఒరెన్ వన్ని మీరు అసి పొజిదెజ్ ఆవెద.

7 మహి వరిజ్ ఇంక మిజి గొప్ప పెరికాన్ కిత్తికాన్ ఎయెనో? మిజి కలిగితి మని బుద్దిని గెంం లొజ దేవుణు బాణిజ్ దొహక్తికెజ్నె ఆవెండ్ర్ మరి ఇనికెజ్ మన్యె? అక్కెజ్ మిజి దేవుణు బాణిజ్ దొహక్తి వెనుక, అక్కెజ్ దొహక్తికెజ్ ఆఉ, అక్కెజ్ మీరు గణెస్సి మని లెకెండ్ర్ పొజిజినిదెర్.

8 ఏలు మీరు ఇనికబా తకు సిల్లెండ్ర్ మిజి కావాలిస్తికెజ్ విజి మనికిదెర్ అతిదెర్గె! ఏలు మీరు ఆస్సి మనికిదెర్ అతిదెర్గె! మిజి డిస్సి సీతిదెర్ మీరు దేవుణు వెట ఏలుబడిః కినికిదెర్ అతిదెర్గె! మపుబా మీ వెట దేవుణు వెట ఏలుబడిః కినికాన్ ఆని లెకెండ్ర్ మీరు నిజమె మీరు ఆజిమజినిక ఇహిజ ఎసానో నెగెద్ ఇజి నాను ఎసానో కొరిజన.

9 మిజి అయ లెకెండ్ర్ సీల్లెద్. జంతుజ వెట విద్దెం కిజి సుడెజి మంజిని వరి ముందాల సాదెజ్ ఇజి సాపుదిజ్ తగితి కిప్ప దొహక్తి మని వరి లెకెండ్ర్ దేవుణు మిజి అపొస్తురు లొజ కడెవేరిదికాన్ లెకెండ్ర్ కిత మనాన్ ఇజి నజీ తొరిజనాద్. లొకమదు మనికాన్ విజెరె, మరి దేవుణు దూతెజ్ విజి కణబు నవ్వెండ్ర్ బేసిని లెకెండ్ర్ మాపు ఇడెః ఆత మనాన్ ఇజి నజీ తొరిజనాద్.

10 మాపు క్రీస్తు వందిజ్ బుద్ది సీలికాన్ గాని మీరు క్రీస్తు లొజ బుద్ది మనికిదెర్గె! మాపు నీరెనమ్దికాన్ గె మీరు నత్తు మనికిదెర్గె! మీరు తగమాతికిదెర్గె మప్ప సిగు లాగి అతికాన్ గె!

11 ఏలు యా గడియారుబా బజి ఏమ్మిదికాన్. గుడెజ్ తొహె అతికాన్. ముటిబాణిజ్ గుదె అతికాన్. మండ్రెజ్ ఇల్లుబా సీలికాన్.

12 మా సాంత కికాణిజ్ కప్పడాడెజి పణి కినికాన్. మిజి సయమ్ సీని వరిజ్ మిజి నెగెండ్ర్ మనిద్ ఇజి వెమ్సినాన్. మిజి హిమ్మెజ్ కినివలె అక్కెజ్ ఓరిసినాన్.

13 దూని ఆనివలె సార్దిదాన్ వర్గజనాన్. ఏలు యా గడియారుబా మాపు యా లొకమదిజ్ కసర లెకెండ్ర్ మనాన్. విజెరె ఎర్దు పెంటు లెకెండ్ర్ మనాన్.

14 నాను ప్రేమినిని నా కొడెజ్ ఇజి మిజి సారిసి సరిసి వెమ్మి లెకెండ్ర్నె యా మాటెజ్ రాసిన్, గాని మిజి సిగు కెదెజ్ ఇజి ఆవెద.

15 క్రీస్తు వందిజ్ మిజి సూణికాన్ పదివెయ్యుజ్ లొకర మహిజ్బా, మిజి అపొస్సి నెండ్రెండ్ర్ సీల్లెర్. ఎండనిజ్ ఇహిజ క్రీస్తుయేను వందిజ్ నాను వెమ్మి సువార్దాన్ నానె మిజి కాస్సు.

16 అందెజ్ నజీ పొలిసి యేనుక్రీస్తుజ్ లొజిజి నడిదెజ్ ఇజి మిజి బతిమాల్లిన.

17 దిని వందిజ్ ప్రబు ఎర్దు నమ్మకమాతికాన్ అతి, నాను ప్రేమినిని నా మరెన్ అతి తిమాతిజ్ మీ డగ్రు పొక్కిన్. విజి బాడ్డిజి విజి దేవుణు సజమ్కాజ్ నాను నెన్పిస్సి దనిజ్ తగితి లెకెండ్ర్ క్రీస్తుయేనుజ్ నాను ఎలాగ లొజిజి నడిజిని ఇజి వాండ్రు మిజి ఎత్తు కిబిస్సాన్లె.

18 మీ లొజ నెగెండ్ర్ నాను మీ డగ్రు రెవి ఇజి ఉబె ఆత మనార్.

19 ప్రబు సితం ఇహిజ నాను మీ డగ్రు బేగి వాన్. అయావలె ఉబె అతిమని వరి మాటెజ్నె ఆవెండ్ర్, వరిజ్ ఎసా నత్తు మనాన్ ఇజిబా నాను నూణ.

20 ఇనిక ఇహిజ, దేవుణు ఏలుబడిః ఇహిజ వర్గిని మాటిజాణిజ్నె అవెద, నత్తుదాన్ మనాద.

21 మీరు ఇనిక కోరిజినిదెర్? నాను మీ డర్లు వానివలె మిజి దిదిదెజ్ డుజ్జు అసి వాదెజా, సిల్లిజు త్రేమ తోరిసిని వన్ని లెకెండ్ వాదెజ్?

5

రంకు బూలాని వన్నిజ్ మీ బాణిజ్ వెల్లి పోక్తు

1 రంకు బూలానిక మీ లోఇ మనాద ఇజి నజీ నిజమె కబ్బు వాతాద. మీ లోఇ ఒరెన్, వన్ని కొగి అయ్సిజ్ ఇడెః ఆతాన్గె. ననిక నమ్మిఇ వరి లోఇబా జర్గిఇక.

2 మరి, యాక మీ నడిమి మంజి మీరు పొజిజినిదెర్! గాని అయాలెకెండ్ అవండ్, మీరు ఎసాన్ దుకం ఆజి నన్ని పణి కిత్తి వన్నిజ్ మీ నడిమిహాన్ వెల్లి పోక్తి మండ్రెజ్, అయాలెకెండ్ మండ్రెజ్ గదె?

3 నాను ఒడోల్ వందిజ్ మీ బాణిజ్ దూరం మన్ను, గాని అత్మదాన్ నాను మీ వెటన మన్ను. నాను మీ వెట మన్ని లెకెండ్ నె నిన్ని పణి కిత్తి వన్ని మున్ను, తీర్పు తీరస్స మన్ను.

4 మా ప్రబు ఆతి యేసు పేరుదాన్ మీరు కూడఃజి వానివలె, మా ప్రబు ఆతి యేసుక్రీస్తు నత్తు మీ నడిమి మంజినాద. నానుబా మీ వెట మన్ను ఇజి మీరు ఒడిఃబిదు.

5 అయావలె మీరు యా లెకెండ్ కిదు. నయ్యానుజ్ లోజిజి మన్ని వరి వెట మండ్రెజ్ ఇజి వన్నిజ్ మీ నడిమిహాన్ వెల్లి పోక్తు. అబ్బె వన్ని ఒడోల్ కస్సుమిదిజ్ ఒవజెవె ఆనాదలె. అయావలె వాండ్రు పాపం ఒమ్మకొడఃజి డిఃసినిజి, యేసుప్రబు యా లోకమిదిజ్ తీర్పు తీరిసిని దినుమదు వన్ని అత్తు త్తె ఆనాదలె.

6 మీరు పొజిజినిక బాగ్ సిల్లెద్. పులాని దూరు కండెక్ అతిజ్బా పులాజ్ సిల్లి దూరుదు కలప్తిజ, దూరు విజు పులాజ్ ఆనాద ఇజి మీరు నెసినిదెర్. నెఇకెజ్ మీ నడిమి మహిజు అయాలెకెండ్ నె మన్విదా?

7 అందెజె నిజమె పులాని దూరు లెకెండ్ మన్ని వన్నిజ్ మీ నడిమిహాన్ దూరం కిదు ఇజి నాను మిజి గటిజు వెమ్మిన. అయావలె మీరు పులాజ్ సిల్లి నెగ్గి దూరు లెకెండ్ మనిదెర్. నిజమె మీరు పులాజ్ సిల్లి కొత్త దూరు నన్నికిదెర్, ఎందనిజ్ ఇహిజ వన్ను వండ్రెయిదిజ్ నప్పి గొల్లెప్పి లెకెండ్ యేసుప్రబు మా వందిజ్ పూజు ఆత మనాన్.

8 అందెజె పులాజ్ మన్ని వండ్రెయి దూరుదాన్ పిటం సుర్తి మాటు వండ్రెయి కిమాట్. ఇహిజ, ముజాల మహి సెఇ అలవాటుజ్, ముజాల కిజ మహి సెఇ పణిజాణిజ్ మాటు వండ్రెయి కిమాట్. నాను వెమ్మినక ఇనిక ఇహిజ, మాటు నిజం మన్నికాట్ నమ్మిదెజ్ తగ్గికాట్ ఆజి మంజినాట్. అయాలెకెండ్ మాటు వండ్రెయి కిమాట్.

9 రంకు బూలాని వరి వెట కూడఃజి మన్మాట్ ఇజి మిజి రాస్తి ఉత్తమదు రాస్తి మన్ను.

10 యా లోకమదు మన్ని రంకు బూలాని వరివెటన, లోబం కిని వరివెటన, డోజు కిని వరివెటన, బొమ్మెజు మాడిఃసిని వరివెటన మీరు ఎనిజ్బా కూడఃజి అవ్విద ఇజి దన్నిజ్ అర్థం సిల్లెద్. అయాలెకెండ్ మండ్రెజ్ ఇహిజ మీరు యా లోకం డిఃసి సాండ్రెజ్ గదె?

11 నాను మిజి రాస్తి మన్ని దన్నిజ్ అర్థం ఇనిక ఇహిజ, నమ్మితికాన్ ఇజి కూకె అతికాన్ ఎయెన్బా రంకు బూలానికాన్ అతిజనో, లోబం కినికాన్ అతిజనో, బొమ్మెజు మాడిఃసినికాన్ అతిజనో, సెఇ మాటిజ్ వర్గినికాన్ అతిజనో, కడు ఉణికాన్ అతిజనో, ఇల్లు డెయెజి డోజు కినికాన్ అతిజనో, నన్ని వన్ని వెట కూడఃజి మండ్రెజ్ అవ్విద. వన్ని వెట బోజనమబా కిదెజ్ అవ్విద.

12 దేవుణు నజమిదిజ్ వెల్లి మన్ని నమ్మిఇకార్ ఆతి వరి మున్ను తీర్పు తీరిసినిక, నా పణి అవ్విద. నజమదు మన్ని వరి మున్ను మీరు తీర్పు కిఇదెరా?

13 నజమిదిజ్ వెల్లి మన్ని వరిజ్ దేవుణునె తీర్పు తీరిసినికాన్. అందెజె, “అయ సెఇ వన్నిజ్ మీ నడిమిహాన్ వెల్లి పోక్తు”.

6

నమ్మిత్తి వరి నడిమి గొడఃబెజ్ మహిజు

1 మీ లోఇ ఒరెన్ మరి ఒరెన్ వన్ని వెట గొడఃబు మహిజు, దేవుణుదిజ్ నెందితివరి ఎర్దు రెవండ్, వాండ్రు ఎందనిజ్ నమ్మిఇ వరి ఎర్దు తీర్పు వందిజ్ సాస్సినాన్?

2 దేవుణుదిజ్ నెందితికార్ యా లోకమిదిజ్ తీర్పు తిరిసినార్లె ఇజి మీరు నెన్ఇదెరా? మీరు యా లోకమిదిజ్ తీర్పు తిరిసికిదెర్ అతిదెర్. అయ లెకెండ్ మహివలె మీ లోఇ మని గొడఃబెజు వందిజ్ తీర్పు తిరిస్సెజ్ మీరు అట్ఇతిదెరా?

3 మాటు దేవుణు దూతరిజ్ తీర్పు తిరిసినికాట్ ఇజి మీరు నెన్ఇదెరా? ఆహిజ యా లోకమిదిజ్ నెందితి నజతిజు వందిజ్, మరి తిరిస్సెజ్ అట్టికాట్.

4 అందెజె నని గొడఃబెజు మీ నడిమి మహిజు, వనకాజ్ తీర్పు తిరిస్సెజ్ ఎందనిజ్ మీరు నజమదు ఇనికబా ఆఇవరి ఎర్దు తీర్పు వందిజ్ బన్నిదెర్?

5 మీరు సిగు అదెజ్ ఇజనె ఇక్క నాను వెమ్మిన. దేవుణుదిజ్ నమ్మిత్తి వరి లోఇ మని గొడఃబెజ్ తిరిస్సెజ్ అట్టికాన్ ఎయెన్బా మీ నడిమి సిల్లెండ్రా?

6 గాని ఒరెన్ నమ్మిత్తికాన్ మరి ఒరెన్ నమ్మిత్తి వన్ని వెట గొడఃబెజ్ ఆజి కోర్దుదు సాస్సినెదెర్. అక్కాదె అవండ్ తీర్పు వందిజ్ నమ్మిఇ వరి ఎర్దు తగుదిజ్ బనయి కిజనిదెర్.

7 మీ నడిమి ఎయెరిజ్బా ఒరెన్ వెట కోర్దు కిత్తి మని గొడఃబెజ్ మన్ను ఇహిజ మీరు పూర్తి అడిగి అర్తి మనిదెర్. కోర్దు కిని దనిజ్ ఇంక మీ వెట కిత్తి త్తెపు బరిసినికాదె నెగెద్. కోర్దు కిని దనిజ్ ఇంక డోజు కిజ ఒతిక డిఃసినికాదె నెగెద్.

8 గాని మీరు మొసెం కిజనిదెర్, తప్ప కిజనిదెర్. యాక నమ్మిత్తి కూలెజ వెటన మీరు కిజనిదెర్.

9 నెజ పణిక్ కినికార్ దేవుణు ఏలుబడిడు మండ్రెక్ అటెవర్ ఇజ మీరు నెనెఇదెరా? మీరు ఒడొబినిబాన్ తప్ప కిమాల్. రంకు బూలానికార్, బొమ్మెజ మాడిసినికార్, సాని బూలానికార్, మొగవరి వెట కూడ్డి మొగ్గకొడొబి,

10 డొబ్బె కినికార్, లోబం కినికార్, ఎన్నివలెబా కడం ఉణిజి సోసి మంజనికార్, దూసలాడిజినికార్, ఇల్లు డెయ్జి డొబ్బె కినికార్, నినికార్ ఎయెర్బా దేవుణు ఏలుబడిడు మండ్రెక్ అక్కు మనికార్ అవర్.

11 మీ లోజ సెగొండార్ యా లెకొండెనె మహిదెర్. గాని మీ పాపమకాణిక్ నోర ఆజి నుబరం అతికిదెర్. మా ప్రబు అతి యేసుక్రీస్తు పేరుదానిసి, మా దేవుణు అత్తుదాన్ నీతినిజాయ్తిమునికార్ అతికిదెర్. మరి ఏలు దేవుణు వందిక్ కేట అతికిదెర్.

రంకు బూలానిక

12 “ఇనిక కిదెక్బా మజి అక్కు మనాద్, ఇని అడ్డు సిల్లెద్”, ఇజ మీరు వెప్పినిదెర్. గాని విజు పణిదిక్ వానికెక్ ఆఉ ఇజ నాను వెప్పిన, “ఇనిక కిదెక్బా నజి అక్కు మనాద్, ఇని అడ్డు సిల్లెద్”. అహిజ్బా నాను కిని దని లోజ ఇనికబా నజి ఉండ్రె అలవాలు లెకొండె మండ్రెక్ నాను సరి సి. ఎండనిక్ ఇహిజ అయక సిల్లెద్ బత్తిదెక్ ఇజ ఉండ్రె అలవాటుదిక్ అణజిజి మనె.

13 “తిండి పొటదిక్ సర్వ వందిక్ని పొట తిండి ఊణి వందిక్నె తయార్ కిత మనాద్”, ఇజ మీ లోజ సెగొండార్ వెప్పినిదెర్. గాని వాని కాలమ్దు పొట గాని తిండి గాని అక్కుర్ సిల్లెద్. అందెజి దేవుణు రుండి వనకాక్ సిల్లెద్ కిసానె”, ఇజ నాను వెప్పిన. ఒడొబిల్ రంకు బూలాని వందిక్ అవెర్ ఇజ నాను గటిజ వెప్పిన. గాని మా ఒడొబిల్ ప్రబు వందిక్ పణి కిదెక్నె. ఒడొబిల్ వందిక్ నూణికాన్ ప్రబునె.

14 దేవుణు వాని కాలమ్దు మా ఒడొబులు సాతి పరిబాణిక్ వన్ని సత్తుదాన్ నిక్నానె. అయావలె సాతి పరిబాణిక్ ప్రబుజ్ నిక్కి లెకొండె మజిబా నిక్నానె.

15 మీ ఒడొబిల్ క్రీస్తు ఒడొబి అతి దేవుణు సజమదు మని నమ్మిత్తి పరి వెట కూడితి మనికెక్ ఇజ మీరు నెనెఇదెరా? అయాలెకొండె మహిజ ఎయెనెబా క్రీస్తు వెట కూడితి మని వన్ని ఒడొబి ఉండ్రె సాని దనివెట కుడుప్పిజ అయక తగ్గాదా? అవెద్, వాండ్రు ఎనెజ్బా అయక కిదెక్ అవెద్.

16 సాని దనివెట కూడినికాన్ దని వెట కూడిజి ఉండ్రె ఒడొబి అతి లెకొండె మనాద్, ఇజ మీరు నెనెఇదెరా? “వారు రిఎర్ ఉండ్రె ఒడొబి అనె మంజినార్”, ఇజ దేవుణు మాటదు రాస్త మనాద్.

17 గాని వన్నిజ్ వాండ్రు ప్రబు వెట కుడుప్పె అతి మనికాన్, వాండ్రు ఒడొబిని దని లోజ ప్రబు అత్తు వెట ఉండ్రె ఆజి మంజినాన్.

18 రంకు బూలావిండె దని బాణిక్ దూరం ఉహొక్కి మండ్రు. లోకుర్ కిజని విజు పాపమక ఒడొబిదిక్ వెల్లి మనికెక్నె. గాని రంకు బూలానికాన్ వన్ని సాంత ఒడొబిదిక్ వెత్తెకం కిజినాన్.

19 దేవుణు బాణిక్ మిజి దొహొక్కి మని మీ లోజ మని దేవుణు అత్తు మంజని గుడిసె మీ ఒడొబిల్ ఇజ మీరు నెనెఇదెరా? అందెజి మీరు మీ సాంత ఆజదెర్.

20 మీరు గొప్ప కరిదాన్ కొలె అతి మహికిదెర్. అందెజి మీ ఒడొబిల్దాన్ దేవుణుదిక్ గవరం సిదు.

7

పెండ్లి వందిక్ వెప్పినక

1 మీరు రాన్మి మని సజతిజ వందిక్ ఏలు నాను వెప్పిన. పెండ్లి అవిండె మంజనిక మొగ్గ కొడొబిదిక్ నెగెద్.

2 గాని రంకు బూలానిక లావ్ మనిక్ ఒరెన్ ఒరెన్ వన్నిజ్ సాంత బోదెలి మండ్రెక్. విజు బోదెకాక్ పరి సాంత మాసి మండ్రెక్ వలె.

3 మాసి అల్లి వందిక్ కిదెక్ మనికెక్ విజు కిజి మండ్రెక్ వలె. అల్లిబా మాసి వందిక్ అయాలెకొండెనె మండ్రెక్ వలె.

4 అల్లి ఒడొబిల్ దనిజ సాంతం అవిండె దని మాసిజ్బా సెందితిక. అయాలెకొండెనె మాసి ఒడొబిల్ వన్నిజి సాంతం అవిండె వన్ని అల్లిజ్బా సెందితిక.

5 పార్వనం కిని వందిక్ మిజి సమయం దొహొక్కి వందిక్నె అవిండె, రిఎర్ కూడిజి ఒవ్విండె మీరు కేట కేట మండ్రెక్ అవిద్. గాని మీ అనెజ అణెన్పు ఆజి మండ్రెక్ అటెవిండె మనిజ్, నయ్నాను మిజి తప్ప కిబిని అరెప్పెక్ సరి సివిండె ఉండ్రెబానె కూడిజి మండ్రు.

6 మిజి యాలెకొండె కిదెక్ అనాద్ ఇజ యాక నాను వెప్పిన, గాని ఉండ్రె అడ్ర లెకొండె అవిద్.

7 విజెర్ నాను మని లెకొండె పెండ్లి అవిండె మహిజ బాగ మనాద్ ఇజ అనె ఆజిన. గాని ఒరెన్ ఒరెన్ వన్నిజ్ దేవుణు బాణిక్ ఉండ్రె ఉండ్రె వరం దొహొక్కు మనాద్. ఒరెన్ వన్నిజ్ యా వరం, మరి ఒరెన్ వన్నిజ్ మరి ఉండ్రె వరం.

8 ఏలు పెండ్లి ఆజ పరి వెటని రాండి బోదెకాక్ నాను వెప్పినిక ఇనిక ఇహిజ, నాను మంజని లెకొండె పెండ్లి అవిండె మంజనికాదె పరిక్ నెగెద్.

9 గాని పరి అనెజ అణెన్పు ఆజి మండ్రెక్ అటెవర్ ఇహిజ వారు పెండ్లి అదెక్ వలె. ఎండనిక్ ఇహిజ మన్నుదు ఉత్వత ఆజి సినుదాన్ వెయిని లెకొండె మనిదనిక్ ఇంక పెండ్లి అనిక నెగెద్.

10 పెండ్లి అతి పరిక్ నాను సీజిని అడ్ర, నానె అవిద్ దేవుణు సిజిని అడ్ర ఇనిక ఇహిజ, అల్లి దని మాసిజ్ డిసి సాండ్రెక్ అవిద్.

11 అది మాసిజ్ డిసి సాహిజ మరి ఉండ్రె పెండ్లి అదెక్ అవిద్. మరి పెండ్లి అవిండె మండ్రెక్ ఇన్సం సిల్లెద్ ఇహిజ, దని మాసి వెట రాజనం ఆజి సమాదనం ఆజి మండ్రెక్ వలె. మరి ఒరెన్ మాసి వన్ని అల్లిజ్ డిసి సీదెక్ అవిద్ ఇజబా వన్ని అడ్ర మనాద్.

12 మహి పరిక్ నాను వెప్పినిక ఇనిక ఇహిజ, ప్రబు అవెన్ నానె, నమ్మిత్తికాన్ అతి ఒరెన్ వన్ని అల్లి నమ్మిత్తికాన్ ఇహిజ్బా, అది వన్ని వెటని బత్తినాద్ ఇహిజ వాండ్రు దనిక్డిసి సీదెక్ అవిద్.

13 మరి, ఉండ్రీ నమ్మిత్తికాద్ అతి బోదలదెదెదె, మాసి నమ్మిఱకాన్ ఇహొజ్బా దని వెటనె వాండ్రు బతీకొనాన్ ఇహొజ్బ అది వన్నిజ్ డేసి నీదెజ్ అవద్.

14 ఎండనిజ్ ఇహొజ్బ నమ్మిఱకాన్ అతి మాసి నమ్మిత్తికాద్ అతి వన్ని అల్ని వెట దేవుణు వందెజ్ కేట అతికాన్ కిబె అత మనాన్. అయా లెకెండె నమ్మిఱకాద్ అతి అల్ని నమ్మిత్తికాన్ అతి దని మాసి వెట దేవుణు వందెజ్ కేట అతికాద్ కిబె అత మనాద్. యా లెకెండె సిల్లెండ మహొజ్బ మీ పొటాద్ పుట్టి కొడొకర్, దేవుణుదిజ్ నమ్మిఱకా వరి కొడొకర్ లెకెండె మంజనార్, గాని ఏలు దేవుణు వందెజ్ అతికారె.

15 గాని అల్ని మాసిర్ లొక నమ్మిఱకాన్ అతి మాసి గాని నమ్మిఱకాద్ అతి అల్ని గాని డేసి నీదెజ్ ఇజి ఆన అతిజ్ ఆహొ కిపిర్. అయాలెకెండె జర్గినివలె, నమ్మిత్తికాన్ నమ్మిఱకా దనిజ్ గాని నమ్మిత్తికాద్ నమ్మిఱకా వన్నిజ్ గాని కూడొజ్బ మన అ ఇజి బలవంతం కిదెజ్ అవద్. సమాదనమదాన్ బత్తిదెజ్ ఇజి దేవుణు మిజి కుక్క మనాన్.

16 ఓ, బోదెలి నీ మాసిజ్ దేవుణు రక్కిస్సి లెకెండె కిదెజ్ అట్టిదో సిల్లెద్ ఇజి నీను ఎలాగ నెస్సి? ఓ, మొగకొడొకె నీ అల్నిజ్ దేవుణు రక్కిస్సి లెకెండె కిదెజ్ అట్టిదో సిల్లెద్ ఇజి నీను ఎలాగ నెస్సి?

17 ఒరెన్ ఒరెన్ ఎలాగ బత్తిదెజ్ ఇజి దేవుణు ఒపనివ్వు మనాండ్రొ అయాలెకెండె మండ్రెజ్ వలె. ఎలాగ మండ్రెజ్ ఇజి దేవుణు కుక్క మనాండ్రొ దనిజ్ తగితి లెకెండె వారు మండ్రెజ్ వలె. ఇక్కడె విజ్బా నజ్మకాజ్ నాను సితి మని రూలు.

18 ఎయెన్బా దేవుణు వన్నిజ్ కూక్తివలె సునతి కిబె అతికాన్ ఇహొజ్బ వాండ్రు సునతి కిబె అతి లెకెండెనె మండ్రెజ్ వలె. అయాక మారిస్సిజ్ సుడొదెజ్ అవద్. మరి ఒరెన్ దేవుణు వన్నిజ్ కూక్తి వలె సునతి కిబె అతికాన్ ఇహొజ్బ వాండ్రు సునతి కిబె అదెజ్ సుడొదెజ్ అవద్.

19 సునతి కిబె అతిజ్బా ఇనిక సిల్లెద్. సునతి కిబె ఇజ్బా ఇనిక సిల్లెద్. దేవుణు అగ్నొజ్ లొజ్బి నడొనికాదె ముకెలమతిక.

20 ఒరెన్ వన్నిజ్ ఎలాగ మహొవలె దేవుణు వన్నిజ్ కూక్తి మనాండ్రొ అయాలెకెండెనె వాండ్రు మండ్రెజ్ వలె.

21 నీను వెట్టివణి కిజి మహొజ్బ కూకె అతిజ్ దని వందెజ్ బాద అమ. అబెణిజ్ విడొదల అదెజ్ నీజి అక్క మనాద్ ఇహొజ్బ ఆహొ కిఆ.

22 ఒరెన్ వెట్టివణి కినికాన్ అతి మహొజ్బ దేవుణు ముస్సు. నమకం ఇట్టాన్ ఇహొజ్బ వాండ్రు దేవుణుదిజ్ సెందితికాన్ నీ పాపమకాజ్ విడొదల అతి లెకెండె అజనాన్. అయాలెకెండెనె అక్క మనికాన్ దేవుణు ముస్సు. నమకం ఇట్టాన్ ఇహొజ్బ వాండ్రు క్రిస్టు వందెజ్ వెట్టివణి కినికాన్ లెకెండె అజనాన్.

23 నండొ ఏలువదాన్ కొలె అతికారె మీరు, అందెజ్ లొకరి బుద్దిదిజ్ వెట్టివణి కినివరి లెకెండె ఆమాజ్.

24 నమ్మిత్తికిదెర్ అతి మా తంబెరిజాండె, ఒరెన్ ఒరెన్ ఎలాగ మండ్రెజ్ ఇజి దేవుణు ఇట్టు మనాండ్రొ అయాలెకెండె మండ్రెజ్ వలె. ఎలాగ మహొవలె దేవుణు కుక్క మనాండ్రొ అయాలెకెండెనె దేవుణు వందెజ్ బత్తిదెజ్ వలె.

25 ఏలు విడ్డి అయలిక వందెజ్ నజి ప్రబు బాణిజ్ ఇని ఆడ్ర సిల్లెద్. గాని దేవుణు కనికారమదాన్ నమ్మిఱకా తగ్గికాన్ ఇజి నజి ఒడొబిజిని వందెజ్ నాను ఒడొబిజినిజ్ వెస్సాన్.

26 యా లొకమదు ఏలుమని కళ్ళమదు సుడొతిజ్ ఎయెన్బా వాండ్రు మని లెకెండెనె మహొజ్బ నెగెద్ ఇజి నాను ఒడొబిజిన్.

27 నీను పెండ్లి అతి మనిదా? అహొజ్బ డేసి నీదెజ్ సుడొమా. పెండ్లి అవిండ మహొజ్బ పెండ్లి అదెజ్ సుడొమా.

28 నీను పెండ్లి అతిజ్ పాపం అవద్. విడొఅయలి పెండ్లి అతిజ్ పాపం అవద్. గాని పెండ్లి అతి వరిజ్ యా బత్తుదు నండొ కళ్ళమదు మంజని. అయాలెకెండె మిజి రెండె మండ్రెజ్ ఇజి నాను కొరిజిన్.

29 తంబెరిజాండె, నాను వెస్సానిక ఇనిక ఇహొజ్బ ఏర్పాటు కిత్తిమని సమయం అదెజ్ కాలం కండెకెన్ మనాద్. అల్నిక్ మనికారె ఏలుదాన్ అల్నిక్ సిలివరి లెకెండె బతీకిదెజ్.

30 అడొబినికారె అడొబిజి వరి లెకెండె మండ్రెజ్ వలె, సర్ల అనికారె సర్ల అనికారె లెకెండె మండ్రెజ్ వలె, కొణికారె మాపు కొటిక మా వందెజ్ ఇడొకె అనికాజ్ అవెమ్ ఇజి మండ్రెజ్ వలె.

31 యా లొకమదు మనికెజ్ వాడొబినికారె వనక వందెజ్ మని ఆనదాన్ ముస్సు నిండ్రెజ్ మండ్రెజ్ అవద్. యా లొకం ఏలు మని లెకెండె ఎస్సివలెబా మనెండె, సిల్లెండె ఆనాదెలె.

32 మీరు విసారిసి మంజని వరి లెకెండె మండ్రెజ్ అవద్ ఇజి నాను కొరిజిన్. పెండ్లి అనికాన్ ఎలాగ ప్రబుజ్ సర్ల కిదెజ్ అట్టు ఇజి ప్రబుజ్ సెందితి సజతిజ్ వందెజ్ ఒడొబిజి మంజనాన్.

33 పెండ్లి అతికాన్ ఎలాగ అల్నిజ్ సర్ల కిదెజ్ అట్టు ఇజి యా లొకమదిజ్ సెందితి సజతిజ్ వందెజ్ ఒడొబిజి మంజనాన్.

34 వాండ్రు రుండె దరొలు లాగె అజనాన్. అయాలెకెండెనె పెండ్లి అని బోదెలి గాని ఉండ్రీ విడ్డి అయలి గాని దేవుణుదిజ్ సెందితి సజతిజ్ వందెజ్ ఎత్తు కిజి మంజనాద్. పూర్తి అత్తుదాన్ పూర్తి ఒడొలదాన్ దేవుణు వందెజ్ కేట మండ్రెజ్ ఇజి అది ఒడొబిజినాద్. గాని పెండ్లి అతికాద్ మాసిజ్ ఎలాగ సర్ల కిదెజ్ అట్టు ఇజి యా లొకమదిజ్ సెందితి వన్నా వందెజ్ ఒడొబిజి మంజనాద్.

35 మీరు నెగెండె మండ్రెజ్ ఇజి నాను వెస్సాన్, మిజి అడ్డు కిదెజ్ ఇజి సిల్లెద్. మీరు ఇతలె అతాలె అవిండ దేవుణు దరొట్ నెగెండె మంజి బతీకిదెజ్ ఇజి వెస్సాన్.

36 ఎయెన్బా, వన్ని వందెజ్ పేరు కిత్తి అయలిదిజ్ పెండ్లి కివిండ మంజి, దనిజ్ సిగు కిబిస్సాన్ ఇజి వన్నిజ్ తోరతిజ్, దనిజ్ వయసు డాట్టినాద్ ఇజి ఒడొబిజి దనివెట పెండ్లి అదెజ్ వలె ఇజి ఒడొబిజిజ్ వాండ్రు కొరిజిన్ లెకెండె కిదెజ్ వలె. వాండ్రు కినిక పాపం అవద్. వారు పెండ్లి అదెజ్ వలె.

37 ఎయెన్బా పెండ్లి అదెజ్ ఇని బలవంతం సిల్లెండె, వన్నిజ్ వాండ్రె వన్ని గర్బం గదినిండె పూర్తి అనిజ్ అదెజ్ అట్టాన్ ఇజి అయి అయలి వెట నాను పెండ్లి అవి ఇజి, అయా సజతి వందెజ్ వన్ని ముస్సుగు గటిజ్ తీర్గునం కిత్తాన్ ఇహొజ్బ, వాండ్రు కిని తీర్గునమబా నెగ్గికాదె.

38 అందెజె వన్నుజ్ పేరు కిత్తి అయ్యలిదిజ్ పెండ్లి కినికాన్ నెగ్గక కిజినాన్. అయ్యాలెకెండ్ పెండ్లి ఆజకాన్ మరి ఒదె నెగ్గక కిజినాన్.

39 మాసి బత్తితి మనిదాక అల్లి వన్ను వెట మండ్రెజ్ వలె. వాండ్రు సాతిజ దనిజ్ ఇస్టమాతి వన్ను వెట పెండ్లి ఆదెజ్ ఆనాద్ గాని వాండ్రు ప్రబుజ్ సెందితికాన్ ఆజె మండ్రెజ్ వలె.

40 అది రాండెణి లెకెండ్ న మహిజ ఒదె సర్పదాన్ మండ్రెజ్ ఆనాద్ ఇజె నాను ఒడెబిజెన, నజెబా దేవుణు అత్త మంజె నాను ఒడెబిని దని లొఇ నజె నడిపెస్సాన్ ఇజె నాను ఒడెబిజెన.

8

బొమ్మెజు పూజ సితమని బోజనం వందిజ్

1 ఏలు బొమ్మెజు పూజ సిత బోజనం వందిజ్ వెప్పిన. మాటు విజెటె గెణం మనికాల్ ఇజె సెనినాల్. గాని అయ్యాలెకెండ్ మని గెణం పొజెస్సినినాద్. గాని మా లిఇ ఒరెన్ వన్నుజ్ మరి ఒరెన్ వెట ప్రేమ మహిజ దేవుణు మున్ను. మని నమకమదు పిరివైజ్ అట్టాల్.

2 ఎయెనబా, నాను ఇనికాద్ నెస్సికాన్ ఇజె ఒడెబితిజ, వాండ్రు నెస్తిజ్ మని లెకెండ్ ఇనికబా నెస్తికాన్ ఆవెన్.

3 గాని దేవుణుదిజ్ ప్రేమినిని వన్నుజ్ దేవుణుదిజ్ సెందితి వన్ను లెకెండ్ వాండ్రు నుణాన్.

4 అందెజె బొమ్మెజు పూజ సితకెజ్ తిని వందిజ్ వెప్పిన. ఉండ్రీ బొమ్మె ఇహిజ యా లోకమదు ఇనికబా ఆజక ఇజె మాటు సెనినాల్. మరి దేవుణు ఒరెండ్రె మనాన్ మరి ఒరెన్ దేవుణు సెల్లెన్ ఇజె మాటు నెస్తి మనాల్.

5 దేవుణు ఇజె కూకె అనికెజ్ ఇజె నండో మహిజబా, నిజమె ప్రబుని దేవుణు ఇజె కూకె అనికెజ్ నండో మన్నె. ఆగానమదు గాని బూమి మున్ను. గాని దేవుణు ఇజె పేరు కూకె అనికెజ్ నండో మన్నె.

6 గాని మజె ఒరెండ్రె దేవుణు మనాన్, వాండ్రు మా బుబ్బు. వన్ను బాణిజె మనికెజ్ విజు కల్లితె. వన్ను వందిజ్ మాటు బత్తిజినాల్. మజె యెసు క్రీస్తు ఒరెండ్రె మా ప్రబు అతికాన్. మనికెజ్ విజు వన్ను వెటనె తయారె అతె. వన్ను వెటనె మాటు బత్తినాల్.

7 గాని యాక విజెరె నెనెవరె. దేవుణుదిజ్ నమ్మిత్తికారె నెగెండారె ఏలుబా బొమ్మెజు నిజమె దేవుణు ఇజె ఒడెబిజెనారె. అందెజె వారు నని బోజనం కినివలె, నిజమె ఆక బొమ్మెజు పూజ సితకెజ్ ఇజె ఒడెబిజెనారె. యాలెకెండ్ ఒడెబిజెనె వారు ఉణారె. అందెజె వారు నని బోజనం కిత్తారె ఇహిజ, వారు పాపం కిత్తారె ఇజె వరి గర్బం గదిసి మంజెనాద్.

8 గాని ఉణి బోజెనమదాన్ మాటు దేవుణుదిజ్ డర్బు ఆదెజ్ అల్వెట్. మాటు ఉణెవండ మహిజ ఇనికాద్ గొప్ప విలువాతిక మజె నస్టం ఆవెద్. మాటు ఉణిజ ఇనికాద్ గొప్ప విలువాతిక మజె లాబమబా మన్వెద్.

9 అహిజ ఇనికబా కిదెజ్ నిజె మని అక్కుదాన్, మన్నుదు దయెరం సెల్లి వరిజ్ తొర్ ఇడ్డి లెకెండ్ మండ్రెజ్ ఆవెద్.

10 ఎందనిజ్ ఇహిజ, యా గెణం మని నీను, బొమ్మెజు మని గుడిదు బోజనం కిజె మంజెనిక, మన్నుదు దయెరం సెల్లికాన్ ఒరెన్ సుడెతిజ, బొమ్మెజు పూజ సితకెజ్ తిండ్రెజ్ వాండ్రు దయెరం తపె ఆనాన్. అయ్యాలెకెండ్ కిజె వన్ను గర్బం వన్నుజ్ గదిసి మంజెనాద్.

11 ఎందనిజ్ ఇహిజ, యా మన్నుదు దయెరం సెల్లి వన్ను వందిజ్ బా క్రీస్తు సాత మనాన్. గాని, “నజె గెణం మనాద్”, ఇజె తొర్ ఆజెని సీను కిజెని పణిజాణిజ్ సీను వన్నుజ్ పాపం కిబిన్సి. మరి వన్నుజ్ పాడె కిజెని.

12 యా లెకెండ్ మీరు, గర్బం గదిసిని, దయెరం సెల్లి తంబరిజ పడెవండ పాపం కిజెనిదెరె. ఎందనిజ్ ఇహిజ, సీను కిజెని పణిజె సుడెజ తప్ప ఇజె ఒడెబినికెజ్, వన్ను గర్బం గదిసినికెజ్ వాండ్రుబా కిజె మంజెనాన్. యా లెకెండ్ మీరు క్రీస్తుజ్ పణిజె పాపం కిజెనిదెరె.

13 అందెజె నాను ఉణిజెని దనిదటాజ్ నా తంబెరి ఒరెన్ తప్పె సొస్సినాన్ ఇహిజ, నా తంబెరి తప్పె సొన్వండ మండ్రెజ్ ఇజె నాను ఎసెబా నన్ను కండ తిన్వె.

9

అపొస్తుడు అతి వన్నుజ్ మన్ను అక్కుజ్

1 నాను అక్కు మనికాన్ అవినా? నాను అపొస్తుడు అవినా? మా ప్రబు అతి యెనుజ్ తొవినా? మీరు, ప్రబు వందిజ్ నాను కిత్తి పణిదిజ్ పంతు ఆఇదెరా?

2 నాను అపొస్తుడు ఇజె మహికారె ఒడెబివండ మహిజబా, నిజమె మీ వందిజ్ నాను అపొస్తుడునె. నాను ప్రబు వందిజ్ అపొస్తుడు ఇని దనిజ్ రుజువ్ మీరె.

3 నా మున్ను తీర్పు కిని వరిజ్ ఎద్రు నాను నా వందిజ్ వెప్పెనిక యాక.

4 మాపు దేవుణు మాటెజ్ నెన్పిన్సి వరిబాన్ లొని ఉండెజ్ తిండ్రెజ్ మజె అక్కు సెల్లెదా?

5 మహి అపొస్తురుజ్ లెకెండ్ని, ప్రబు తంబెరిబు అతివరి లెకెండ్ని, పేతురు లెకెండ్ నమ్మిత్తికాద్ అతి అల్లి వెట బుల్లెయె కిదెజ్ మజె అక్కు సెల్లెదా?

6 దేవుణు పణి కిజెని మహివరి లెకెండ్, మాపు దేవుణు పణి కినివలె నజెని బర్బుబెజ్ తిండి వందిజ్ పణి కింద ఉణిజె తిండ్రెజ్ అక్కు మనాద్.

7 వన్ను సొంక డబ్బు కర్బు కిజె ఎయెనబా నయెనమదు పణి కినాండ్రా? ద్రాక్కు టోట ఉణెసి దని పట్టు. తిన్ ఇకాన్ ఎయెనబా మనాండ్రా? గొరెజె పోన కిజె వన్ను. పాలు ఉణిఇకాన్ ఎయెనబా మనాండ్రా? ఎయెనబా మన్వెరె.

8 యా మాటెజ్ నాను లోకమదిజ్ సెందితి వరి వజెనె వెవోవె. దేవుణు సిత్ర రూలుదుబా యా లెకెండ్నె వెప్పెనాద్.

9 "కలమడు మఱిసినీ డాను మూతుడు కిమా తోహమాట్", ఇజ మోసె వెట దేవుణు సీత్తి రూలుడు రాస్త మనాద్. దేవుణు డాకు వందిజ్నే విసారిస్సాండ్రా?

10 నిజమె, యాక మా వందిజ్నేబా వెహ్పాతాండ్రా? మా వందిజ్ వెహ్పాకెజె. ఎందనిజ్ ఇహ్పాజ, పంట పంటితిజ, ఉండెజ్ ఆనాద్ ఇజి ఉండ్రె ఆనదాన్ డూనికాన్ డూజానాన్. మఱిసినీకాన్బా అయ ఆనదాన్ మఱిసినాన్.

11 మీ వందిజ్ అత్తుదిజ్ నందితికెజ్ మాపు మీ నడిమి వితావ ఇహ్పాజ, అందెజి మీ బాణిజ్ మా ఒడోల్దిజ్ కావాలిస్సికెజ్ మాపు లోసె అతిజి ఆక పెరి నజితిసా?

12 మీ బాణిజ్ సాయం లోసె ఆదెజ్ మహి వరిజ్ అతికారం మనాద్ ఇహ్పాజ, మజి వరిజ్ ఇంక ఒద్దె అక్కు, సిల్దెదా? గాని మాపు యా అతికారమందిజ్ వాడెదెజ్ సిల్దెద్. అక్కాదె అఎండ క్రీస్తు సువార్దదిజ్ ఇని అడ్డుబా రెవెండ మండ్రెజ్ ఇజి విజు వన్యాజ్ బరిస్తావ్.

13 దేవుణు గుడిడు పణి కిజిని వరిజ్ దేవుణు గుడిడాన్ బోజనం దోహ్పాద్. పూజ సీని మూల్లి పీటడు పణి కిజిని వరిజ్ పూజ సీత్తి వన్యా లోకహాన్ వంతు మనాద్ ఇజి మీరు నెన్ఇదెరా?

14 అయా లెకెండెనె సువార్ద వెహ్పాని వరిజ్ బత్తుదిజ్ కావాలిస్సికెజ్ సువార్దానె దోహ్పాకెజ్ ఇజి ప్రబు అడ్ర సీత్తా మనాన్.

15 గాని నాను ఇహ్పాజ యా అతికారం లోక ఇనికబా వాడెవెత. మీరు యా లెకెండె నజి కినిదెరెలి ఇని ఆనదాన్ ఇక రాన్వెత. నాను పోగ్డెజ్ ఆజి వెహ్పా యా మాటెజ్ ఎయెన్బా ఇని అర్థం సిల్దెండ కిని దనిజ్ ఇంక నాను సాటిజానె నెగెద్.

16 అహ్పాజ, నాను సువార్ద సాటిసిన ఇజి పోగ్డెజ్ ఆదెజ్ నజి అక్కు, సిల్దెద్. ఎందనిజ్ ఇహ్పాజ సువార్ద సాటిస్సిజ్ ఇజి ఉండ్రె బలవంతం నా లోక మనాద్. సువార్ద సాటిసెవండ మహిజ నజి బాద్.

17 నా సొంత ఇస్టమదాన్ నాను సువార్ద సాటిస్సిజ నజి జితం దోహ్పాద్. నా సొంత ఇస్టమదాన్ అవెండ కిత్తిజ, నాను కిదెజ్ ఇజి నజి ఒప్పుజెవె ఆతి పణి కిజిని ఇజి ఆజినాద్.

18 అహ్పాజ నజి దోహ్పాక్కి జితం ఇనిక? సువార్ద సాటిసినవలి, నాను సువార్ద సాటిసిన వరిజ్ మని అతికారమదాన్ ఇనికబా నా వందిజ్ గణస్తెజ్ సుడెవండ, నెడ్డినె కిదెజ్ వలి. అక్కాదె నజి దోహ్పాక్కి ఇనాయం.

19 నాను ఎయెరిజ్బా అడిగి మనికాన్ అవెండ విజు దనిజ్ అక్కు, మనికాన్. గాని, నజి అట్టి నసాండారిజ్ దేవుణు దరిజ్ కలప్తెజ్ ఇజి నానె నజి విజెరె వందిజ్ వెట్టిపణి కిని వన్ని లెకెండె కిబె ఆత.

20 యూదురిజ్ దేవుణు దరిజ్ కలప్తెజ్ ఇజి నాను వరి వందిజ్ యూదురు లోక లెకెండె ఆత. నాను మోసె రాస్సి రూలుజ అడిగి మనికాన్ అతిజిబా మోసె రాస్సి రూలుజ లోజిని వరిజ్ దేవుణు దరిజ్ కలప్తెజ్ ఇజి వరివందిజ్ మోసె రాస్సి రూలుజ్ లోజితి వన్ని లెకెండె ఆత మన.

21 దేవుణు మోసె సీతి రూలుజ్ లోజిఇ వరిజ్ దేవుణు దరిజ్ కుడుప్పెజ్ ఇజి నాను వరి లెకెండె ఆత. దేవుణు మోసె వెట సీతి రూలుజ్ నాను లోజివె ఇజి నాను వెహ్పా, గాని క్రీస్తు సీత్తి రూలుజ్ లోజిజి మంజిని.

22 సత్తు సీలి వరిజ్ దేవుణు దరిజ్ కుడుప్పెజ్ ఇజి నాను సత్తు సీలి వన్ని లెకెండె ఆత. ఎలాగ అతిజిబా నెగెండారిజ్ దేవుణు రక్తిస్సి లెకెండె కిదెజ్ ఇజి నాను విజెరె వందిజ్ ననివరి లెకెండె ఆత మన.

23 ఎందనిజ్ ఇహ్పాజ దేవుణు బాణిజ్ వాజిని దినమక వందిజ్ సువార్ద సాటిసినె నజిబా వంతు మండ్రెజ్ ఇజి యాకెజ్ విజు నాను సువార్ద వందిజ్ కిజిని.

24 వందె పోటిడు ఉహ్పాక్కి వందెమీడు ఉహ్పాక్కినారె విజెరె ఉహ్పాక్కినారె గాని ఒరెన్ వన్నిజి ఇనాయం దోహ్పాద్ ఇజి మీరు నెన్ఇదెరా? అందెజి ఇనాయం దోహ్పాకెజ్ ఇజిని మీరు వందెమీడు ఉహ్పాక్కి.

25 వందెమీడు పోటి అనికారె విజెరె దనివందిజ్ ఒజి ఆజి తయారె ఆజినారె. సాణెం మంజి పాడెజ్ ఆజి సాన్సినె బోపి దోహ్పాక్కి వందిజ్ యాకెజ్ విజు కిజినారె. గాని మజి ఎలాకాలం మంజిని బోపెన్ దోహ్పాద్.

26 అందెజి నాను గురి సుడెవండ ఉహ్పాక్కినారె అవె. నాను ముటి అసి గాలిదిజ్ డెయెని సని వన్ని లెకెండె అవె.

27 గాని మహి వరిజ్ సువార్ద సాటిసినె వెన్సు, ఇనాయం దోహ్పాకెజ్ వన్ని లెకెండె నజి నానె కివెండ మండ్రెజ్ ఇజి నా ఒడోల్దిజ్ నెగెండ అడ్డిజి, నజి వెట్టిపణి కిని వన్ని లెకెండె కిజిని.

10

ఇసాయేలు లోకురిజ్ సుడెజి నెన్నెజ్ మన్సికెజ్.

1 తంబెరిజాండె, మా అని గెగెరె ఆతి యూదురు విజెరె మోసె వెట మహివలి ఇనిక జగ్గిత మనాద్ మీరు నెగెండ నెసి మండ్రెజ్ ఇజి నాను ఆన ఆజిని. దేవుణు వరివెట మనాన్ ఇజి ఉండ్రె గుర్తు లెకెండె దేవుణు వరి మున్సు ఇడ్డి మని మొసావ్ అడిగి వారు నడిజిత మహారె. ఎరాని నమ్దారం ఇని నమ్దారం నడిమిహాన్ వారు విజెరె వహ్పా బూమిదాన్ అతాహ వడక నడిజిత సాహారె.

2 వారు విజెరె మోసె వెట మొసావ్ అడిగి మంజి నమ్దారం నడిమిహాన్ వహ్పా బూమిదాన్ నడిజి మహిజ్, మోసె వెట బాప్సిం లాగి ఆతి లెకెండె అతారె. ఎందనిజ్ ఇహ్పాజ వారు మోసెజ్ వరిజ్ నెయ్యి లెకెండె వారు ఒప్పుకోటారె.

3 విజెరె దేవుణు సీతి ఉండ్రె బోజనమనె ఉటారె.

4 వారు విజెరె సట్టుదాన్ దేవుణు రపిస్సి ఉండ్రె ఏరునె ఉటారె. అయ నటు క్రీస్తుజ్ గుర్తు లెకెండెనె మనాద్. ఎందనిజ్ ఇహ్పాజ వాండ్రు ఇనికబా తకు సిల్దెండ వరిజ్ కావాలిస్సికెజ్ విజు సీజి నిజమె వరి వెట నడిజి మహాన్.

5 అయా లెకెండె మహిజ్బా, వరి లోక నెండోడారిజ్ దేవుణు ఇస్టం అవెండ ఆతాన్. అందెజి ఎయెరెబా మన్ఇ అయా అడివెరు వరిజ్ సత్తు విసెరెతాన్.

6 ఇక్కెజ్ విజు మాటు నెస్తెజ్ ఇజి మజి ఉండ్రె గుర్తు లెకెండె వరిజ్ జగ్గిత మన్సి. వారు నెఇ వనకాజ్ వందిజ్ ఆన ఆతి లెకెండె మాపు ఆన అవెండ జాగర్త మండ్రెజ్ ఇజి.

7 వరి లోజు సెగొండార్ లెకెండ బోమ్మెజు మాడిసినికార్ ఆమాట్. “లోకుర తిండ్రెజ్ ఉండెజ్ బుస్టార్, కర్ణిదెజ్ నీజితార్”, ఇజి వరి వందెజ్ దేవుణు మాటదు ర్నా మనాద్.

8 వరి లోజు సెగొండార్ కిత్తి మహి లెకెండ మాటు రంకు బూలమాట్. ఉండ్రె లోజుదు సనికార్ ఇరువయ్ముమాత్రి వెయ్ముజ్ లోకుర సాతార్.

9 వరి లోజు సెగొండార్ కిత్తి మహి లెకెండ మాటు ప్రబుజ్ పరిస కిదెజ్ ఆవద్. ననికార్ సరాన్ వెట సాతార్.

10 వరి లోజు సెగొండార్ దేవుణు ముస్సు సణిజితార్. వారు నాననం కినికాన్ అతి దేవుణు దూత వెట సాతార్. మాటు దేవుణు ముస్సు సణిజిదెజ్ ఆవద్.

11 మహివరిజ్ తోరెదెజ్ ఉండ్రె గుర్తు లెకెండ యాకెజ్ వరిజ్ ఇర్ణితె. యా తరమేది ఆకర్ దినమేదు బత్తిజిని మజి బుద్ది వాదెజ్ ఇజి గెవతం కిత్తి మని లెకెండ రాని ఇడె: అత మనాద్.

12 అందెజి ఎయెన్బా దేవుణు ముస్సు మని నమకమేదు నాను గటిజ నిల్పిన ఇజి ఒడెబితిజ, వాండ్రు వెటని పాపమేదు అరెవండ జాగర్ల మండ్రెజ్ వరి.

13 మాములుక లోకురిజ్ వాజిని పరిక్సెనె ఆవిండ మరి పెరికెజ్ ఇనికెజిబా మిజి రవుతె. దేవుణు నమ్మకమాతికాన్. అందెజి ఒరిస్టెజ్ అట్టి దనిజ్ ఇంక పెరికె ఇనికబా మిజి వాదెజ్ వాండ్రు ఒవ్విన్. అక్కాదె ఆవిండ వాజిని పరిక్సెదెజ్ నిల్పి మండ్రెజ్ పరిక్సె వెట తపై అదెజ్ ఉండ్రె సరిబా తోరిస్పాన్లె.

దెయ్ముక వండెయెని ప్రబు ఏర్నాటు కిత్తి బోజనం

14 అందెజి నజి ఇస్సమాత్తి అంబెరిజాండె, బోమ్మెజు మాడిసిని బాణిజ్ దూరం ఉమాక్కి మండ్రు.

15 మీరు నెగ్గి బుద్ది మనికిదెర్ ఇజిని నాను వర్ణజన. నాను వెప్పాని నజతిజ మీరె అర్నం కిజి సుడెదు.

16 మాటు విజెటి కూడెజి వానివలె, మాటు దేవుణు ఏర్నాటు కిత్తి బోజనం ఉణువలె, దేవుణుదిజ్ వందనమేకు వెప్పి గినాదిక ఉణిజి, మాటు ఉండ్రె లోటె రుక్కి తినివలె క్రీస్తు నలదాన్ మజి వాజిని నెగ్గి వన్యాజ్ కూడెజి మంజినికాట్ ఆజినాట్.

17 లోటి ఉండ్రెనె, అయ ఉండ్రె లోటిదునె మాటు విజెటి కూడెజి తింజినాట్. అందెజి నండెండార్ అతి మాటు ఉండ్రె ఒడె:ల్ అత మనాద్.

18 ఇస్సాయెలు లోకురిజ్ సుడెదు, దేవుణుదిజ్ నంద సుర్ని బాడ్డిదు నంద సీని వన్యాజ్ తినికార్, దనివెట కూడెజి మంజినికార్ ఆవరా?

19 అందెజి బోమ్మెజు పూజ సీతి వనకాజ్ లోజు ఇనికబా మనాద్ ఇజినో, బోమ్మెజు లోజు ఇనికబా మనాద్ ఇజినో నాను వెప్పానానా?

20 సిల్లెద్. గాని దేవుణు లోకుర ఆఇకార్ పూజెజ్ సీనివలె దేవుణుదిజ్ పూజ సీనినార్ ఇజి వారు ఒడెబిజినార్. గాని నిజమె వారు దెయ్ముకాజ్ నె పూజ సీజినార్. అందెజి మీరు దెయ్ముక వెట కూడెజి మంజినిక నజి ఇస్సం సిల్లెద్.

21 మీరు ప్రబు గినాదాన్ ఉణిజి మరి దెయ్ముక గినదాన్బా ఉండెజ్ అట్లెదెర్. ప్రబు ఏర్నాటు కిత్తి బోజమమేదుని దెయ్ముక బోజనమేదుబా ఒర్ని కూడెజి మండ్రెజ్ అట్లెదెర్.

22 దేవుణుదిజ్ నెందితి గవరం తగ్గి లెకెండె వన్యెజ్ సీదెజ్ వరి. అయా లెకెండె కివిండ ప్రబు కోపం రేపిస్టెజ్ మాటు పణి కిజినాటా? మాటు వన్యెజ్ ఇంక నత్తు మనికాటా? నమ్మిత్తి వన్యెజ్ మని అక్కజ్

23 “విజు వన్యా వందెజ్ నజి అక్క మనాద్”, గాని విజు పణిదిజ్ వానికెజ్ ఆఉ. “విజు వనక వందెజ్ నజి అక్క మనాద్”, గాని విజు నెగెండె పిరిప్పికెజ్ ఆఉ.

24 ఎయెన్బా నజి నానె నెగెండె మండ్రెజ్ ఇజి తోవిండ మహికార్బా నెగెండె మండ్రెజ్ ఇజి సుడెదెజ్ వరి.

25 మీ గర్బం మిజి గదినెండె మహిజ సతాదు పొర్ని ఇని కండబా తిండ్రు.

26 ఎందనిజ్ ఇహిజ, “యా బామి ప్రబుదినె, దని ముస్సు మనికెజ్ విజు వన్యెవినె”, ఇజి దేవుణు మాటదు ర్నా మనాద్.

27 ఒరెన్ నమ్మిఇకాన్ మిజి మెందుదిజ్ కూక్కి తనివలె, మిజి ఆన మహిజ సొండ్రు. గాని గర్బం గదినెండె, మి ఎర్న ఇడ్డికెజ్ ఇనికబా వెన్బావిండె తిండ్రు.

28 గాని ఎయెన్బా, “యాక బోమ్మెజు పూజ సీతి దనిబాణిక”, ఇజి వెప్పాజ, వెప్పా వన్యె వందెజ్ మి గర్బం గదినెని వందెజ్ అక తిన్నాట్.

29 గర్బం గదినెని వందెజ్ ఇజి వెప్పా వలె అక్క నిది ఆవద్, వెప్పావన్యె వందెజ్ నె వెప్పాన. విజు వన్యా వందెజ్ మజి మని అక్కదిజ్ మరి ఒరెన్ వన్యె గర్బమేదు మని అలోసనమేదాన్ ఎందనిజ్ మాపు తీర్పు కిజి ఆదెజ్?

30 నాను అయా బోజనం వందెజ్ దేవుణుదిజ్ వందనమేకు వెప్పి ఉటిజ, దేవుణుదిజ్ వందనమేకు వెప్పి ఉటి బోజనం వందెజ్ ఎందనిజ్ నాను దూనె ఆదెజ్ వరి.

31 అందెజి మీరు ఉటిజబా, తిహిజబా, ఇనిక కిత్తిజబా విజు దేవుణుదిజ్ గోప్తు పేరు వాని లెకెండెని కిదు.

32 యూదురిజ్ గాని, యూదురు ఆఇవ వరిజ్ గాని, దేవుణు నజమేది వరిజ్ గాని తోరోడ్డి లెకెండె ఇనికబా కివిండ మండ్రు.

33 నండెండార్ కెజ్ దేవుణు రక్కిన్దెజ్ ఇజి, నాను నజి నానె నెగెండె మండ్రెజ్ ఇజి తోవి. గాని మహికార్బా నెగెన్ మండ్రెజ్ ఇజి విజు వన్యా లోజు విజెరిజ్ సర్దె కిబిన్సి లెకెండె నాను మంజన. మీరుబా నాను కిజిని లెకెండె కిజి మండ్రు.

11

దేవుణుదిజ్ పొగిడిజి మాడిసినిక

1 నాను క్రీస్తుజ్ పొలిసి నడిసిని లెకెండె మీరు నజి పొలిసి నడిసిని.

2 నాను మిజి నెన్పిన్చి బోదదిజ్ డిఁన్ఎండ లోజిజి నడిజనిదెర్ ఇజి, మరి విజు నజతిజ వందిజ్ నజి ఎత్తు కిజిని వందిజ్ నాను మిజి పొగడిజిన.

3 ఏలు మీరు ఇక్కజ్ నిజం నెన్చెజ్ ఇజి కోరిజిన. ఒరెన్ వన్నిజ్ బుర్ క్రీస్తు, ఉండ్రీ బోదలిదిజ్ బుర్ మొగకొడొ: క్రీస్తుజ్ బుర్ దేవుణు ఇజి మీరు నెసి మండ్రెజ్.

4 ఎమేణి మొగకొడొబా పార్వనం కినివలెనో, దేవుణు ప్రవక్త లెకెండ వర్గిని వలెనో వన్ని బురారు టుకుర్ ఇడ్డి మహిజ వాండ్రు వన్ని నెయ్యి, క్రీస్తుజ్ గవేరం సొన్చిస్సాన్.

5 మరి ఎమేణి బోదలిబా పార్వనం కినివలెనో, దేవుణు ప్రవక్త లెకెండ వెప్పివలెనో బురారు టుకుర్ ఇడొ:ఎండ మహివలె అది దని బుర్ బోడి: కిజి ఆతి లెకెండ సిగు లాగి ఆజినాన్.

6 ఉండ్రీ బోదలి బురారు టుకుర్ ఇడొ:ఎండ మహిజ అది దని బుర్ది కొచ్చు కత్రిన్చెజ్ వలె. కొచ్చు కత్రిన్చెజ్ బోడి బుర్ ఆదెజ్నో సిగు ఆతిజ అది బురారు టుకుర్ ఇడొ:దెజ్వలె.

7 మొగకొడొ: బురారు టుకుర్ ఇడొ:దెజ్ అక్కర్ సిల్లెద్. ఎండనిజ్ ఇహిజ దేవుణు, వన్ని గవేరం తొరిన్చెజ్ ఇజి మొగవన్నిజ్ వన్ని మూర్తి లెకెండ తయారొ కిత మనాన్. గాని బోదలి బురారు టుకుర్ ఇడొ:దెజ్ వలె. ఎండనిజ్ ఇహిజ బోదలి దని మాసిజ్ గవేరం తొరిసినాన్.

8 ఎండనిజ్ ఇహిజ బోదలి మొగకొడొ: బాణిజ్ తయారొ కిజి ఆత మనాన్, గాని మొగకొడొ: బోదలి బాణిజ్ తయారొ కిజి ఆవితాన్.

9 అక్కాదె ఆవండ, దేవుణు బోదలి వందిజ్ మొగకొడొ:దిజ్ తయారొ కిజితాన్, గాని మొగకొడొ: వందిజ్నో బోదలిదిజ్ తయారొ కిజితాన్.

10 అందెజె యా నజతి వందిజ్నో దేవుణు దూతారొ వందిజ్ అతికారవేదిజ్ అడిగి మని దనిజ్ గుర్తు లెకెండ బోదలి బురారు టుకుర్ ఇడొ:దెజ్ వలె.

11 గాని ప్రబు వెట కూడితి మని బత్తుదు బోదలి మొగకొడొ: వెట నమందం సిల్లెండ మన్ఎన్. మొగకొడొ: బోదలి వెట నమందం సిల్లెండ మన్ఎన్.

12 మొగకొడొ: బాణిజ్ బోదలి వాతి లెకెండనో బోదలి బాణిజ్ మొగకొడొ: వుట్టినాన్. గాని విజు దేవుణు బాణిజ్నో వాజినె.

13 ఉండ్రీ బోదలి బురారు టుకుర్ ఇడొ:ఎండ దేవుణుదిజ్ పార్వనం కిదెజ్ తగ్గుదా? మీరె ఒడిబిదు.

14 మొగకొడొ: వన్ని బుర్ది కొచ్చు పిరిప్తి మహిజ అక్క. వన్నిజ్ సిగు ఇజి ఎయెర్బా వెవ్వెండ మిజి మీరె నెన్చిదెర్ గదె.

15 గాని ఉండ్రీ బోదలిదిజ్ బురారు కొచ్చు పిరితి మహిజ అక్క. దనిజ్ ఉండ్రీ పేరు మని లెకెండనో, ఉండ్రీ పాత సింగు లెకెండనో.

16 దిన్ని వందిజ్ ఎయెర్బా గొడెబ రేప్టిజ ఇక్కాదె ఆవండ మా లోజ వేరె అలవాటు ఇనికబా సిల్లెద్. దేవుణు నజమదుబా సిల్లెద్.

ప్రబు ఏర్పాటు కిత్తి బోజనం వందిజ్.

17 మరి ఏలు నాను వెప్పిని మాటదు మీరు నెగ్గికారొ ఇజి నాను మిజి పొగడిఁవ. ఇనిక ఇహిజ మీరు నెగ్గిదని వందిజ్నో కూడొ:జి వాజినిదెర్ గాని నెగ్గి దన్నిజ్ ఇంక అక్క. సెఇక కిజినాన్.

18 మొదొబా నజతి ఇనిక ఇహిజ దేవుణు నజం లెకెండ మీరు కూడొ:జి వానివలె మీ లోజ గుంపుజ్ మన్నె ఇజి నాను వెహమాన్. యాక కండెక్ నిజమేనె ఇజి నాను నమ్మిజిన.

19 దేవుణు ఎర్తు నెగ్గికారొ ఎయెర్ ఇజి తొరె ఆదెజ్ మీ లోజ బేదమకు తవ్వెండ మంజినె.

20 మీరు విజదెర్ కూడొ:జి వానివలె మీరు ఉణిక ప్రబు ఏర్పాటు కిత్తి బోజనం అవెద్.

21 ఎండనిజ్ ఇహిజ, బోజనం కినివలె ఎయెర్ వందిజ్నో కావ్కిఎండ ఒరెన్ ఒరెన్ ముజాల బోజనం కిజినాన్. ఒరెన్ బజ సానాన్ మరి ఒరెన్ సాసి మంజినాన్.

22 ఆహి ఉండెజ్ తిండ్రెజ్ మిజి ఇల్లు, సిలునా? మరి దేవుణు నజమేదిజ్ ఇజిరి కణక నుడొ:జి ఇనిక సిల్లి వరిజ్ మీరు సిగు కిజినిదెరా? నాను మీ వెట ఇనిక వెవ్చాజ్? దిన్ని వందిజ్ నాను మిజి పొగడిదెజ్నా? కనితం నాను పొగడిఁవ.

23-24 ప్రబు బాణిజ్ నజి దొవొక్తిక నాను మిజి ఒవజెప్తిక ఇనిక ఇహిజ, ప్రబువాతి యేసు వాండ్రు ఒవజెవె ఆతి పొదొయ్, ఉండ్రీ రొటి పెర్తి దేవుణుదిజ్ వందనమకు వెప్పి దనిజ్ ముక్కెజ్ కిజి, “ఇక్క మీ వందిజ్ సీజిని నా ఒడొ:ల్. నజి ఎత్తు కిజి యా లెకెండ కిజి మండ్రు”, ఇజి వెవ్చాన్.

25 అయా లెకెండనో బోజనం కిత్తి వెనుక వాండ్రు ద్రానకాలు మని గిన్ను పెర్తి, “యా గిన్ను నా నలదాన్ కిజిని కొత్త ఒవమానం, మీరు యా గిన్నుదిక ఉణి ఎస్తివలెబా నజి ఎత్తు కిజి యా లెకెండ కిజి మండ్రు”, ఇజి వెవ్చాన్.

26 అందెజె మీరు యా రొట్టి తింజి యా గినాది ద్రానకాలు ఉణి ఎస్తివలెబా ప్రబు మరొజి వానిదాక వన్ని సాపుదిజ్ సాటిసినిదెర్.

27 అందెజె ఎయెర్బా తగ్గికారొ ఆవండ ప్రబు ఏర్పాటు కిత్తి బోజనమదు రొట్టి తింజి గినాదిక ఉటిజ, వాండ్రు ప్రబు ఒడొ:ల్దిజ్ వన్ని నలదిజ్ పడిఎండ పాపం కినికాన్ ఆజినాన్.

28 అందెజె రొట్టిని గినాదిక ఉణి ముజాల ఒరెన్ ఒరెన్ వన్నిజ్ వాండ్రె నాను తగ్గికాండ్రా ఇజి నుడొ: ఆదెజ్ వలె.

29 గాని ఎయెర్బా యాక ప్రబు ఒడొ:ల్ ఇజి నిజం నెన్ఎండ ఉణి తినికాన్ వన్ని మున్ను. వాండ్రె సిక్కి తవె ఆని వందిజ్ ఉణిజి తింజినాన్.

30 అందెజె మీ లోజ నండొండారొ నత్తు సిల్లికారొని జబుజ్ మనికారొ ఆతారొ. నండొండారొ సాత సాహారొ.

31 గాని మజి మాటి నెగెణ్నుడొ: ఆతాల్ ఇహిజ దేవుణు తీర్పుదు రెండె తప్తె ఆతాట్మరి.

32 మాటు ప్రబు బాణిజ్ తీర్పు తీర్పు ఆతాల్ ఇహిజ, యా లోకమేది వరిజ్ సీని సిక్కాదు రెండె ప్రబు మజి బుద్ది వెప్పి సిక్కాదాన్ దిదిజినాన్.

- 33 అందెజె నా తంబెరిజాండె, మీరు కూడఁజి వాజి బోజనం కినివలె మహివరి వందిజ్ కావ్ కిదు.
 34 మీరు కూడఁజి వాజినిక సిక్కుదిజ్ గురి ఆవిండ మండ్రెజ్ ఇజి ఎయెరిజ్ బా బజ కట్టిజ్ వాండ్రు వన్ని ఇండ్రెన్ బోజనం కిదెజ్ వలె. నాను వానివలె మరి మని నజతిజ్ వందిజ్ వెహ్లాల్.

12

దేవుణు అత్తు సీని వరముకు.

- 1 తంబెరిజాండె, దేవుణు అత్తు సీజిని వరముకాజ్ వందిజ్ మీరు నెగెండ నెసి మండ్రెజ్ ఇజి నాను కోరిజన.
 2 దేవుణుదిజ్ నమ్మిఎండ మహివలె, ఇనికాదో ఉండ్రీ సత్తుదాన్ ఎయెండ్రె మిజి నడిసిన్సి మహి లెకెండే మీరు సొన్ని వర్లిజ బొమ్మెజ మాడిఁసి మహిదెర్ ఇజి మీరు నెస్సిదెర్.
 3 అందెజె, నాను మిజి వెహ్లానిక ఇనిక ఇహిజ, దేవుణు అత్తుదాన్ వర్లిజనికాన్ ఎయెన్ బా, “యేసు నయెమ్ పొందితికాన్”, ఇజి వెహ్లాజ్ నో, దేవుణు అత్తుదాన్ ఆవిండ “యేసు, ప్రబు ఆత మనాన్”, ఇజి వెహ్లాజ్ నో అల్ వంద.
 4 దేవుణు అత్తు సీజిని వరముకు నండో రకముకు మన్నె. గాని అయా ఉండ్రె దేవుణు అత్తున విజా వరముకు సీజినాన్.
 5 మరి దేవుణు వందిజ్ కిదెజ్ అట్టి పణిజ్ నండో రకముకు మన్నె, గాని ఒరెండ్రె ప్రబు వందిజ్ మాటు విజిటి పణి కిజినాల్.
 6 జర్లిని నజతిజ్ నండో రకమిదికెజ్ మన్నె. గాని విజా వన్నా లోఇ, మరి విజెర్ లోఇ పణి కినికాన్ ఒరెండ్రె దేవుణునె.
 7 విజెరిజ్ పణిదిజ్ వాని వందిజ్ ఇజి ఒరెన్ ఒరెన్ వన్ని వెట దేవుణు అత్తు కిజిని పణిజ్ తోరె ఆజినె.
 8 ఎలాగ ఇహిజ, ఒరెన్ వన్నిజ్ దేవుణు అత్తుదాన్ బుద్ది మని మాటిజ్ వెహ్లాజ్ వరం సీజినాన్. మరి ఒరెన్ వన్నిజ్ గెణం మని మాటిజ్ వర్లిదెజ్ అయా దేవుణు అత్తున వరం సీజినాన్.
 9 మరి ఒరెన్ వన్నిజ్ అయా అత్తున దేవుణు మున్ను నమకం సీజినాన్. మరి ఒరెన్ వన్నిజ్ అయా దేవుణు అత్తున జబుజాణి వరిజ్ నెగెండే కిదెజ్ వరం సీజినాన్.
 10 మరి ఒరెన్ వన్నిజ్ బమ్మాతి పణిజ్ సత్తుని, మరి ఒరెన్ వన్నిజ్ దేవుణు బాణిజ్ వాజిని మాటిజ్ వన్ని ప్రవక్త లెకెండే వెహ్లాజ్, మరి ఒరెన్ వన్నిజ్ అత్తుజ్ ఎలాగ మర్లికెజ్ ఇజి నెస్టెజ్, మరి ఒరెన్ వన్నిజ్ ఆ ఇ ఆ ఇ బాసెజ్ వర్లిదెజ్, మరి ఒరెన్ వన్నిజ్ బాసెజ్ అర్ధం కిజి నెస్టెజ్ దేవుణు అత్తు వరముకు సీజినాన్.
 11 అయి ఉండ్రె దేవుణు అత్తున వన్నిజ్ ఇస్సమాతి వజ ఒరెన్ ఒరెన్ వన్నిజ్ వరముకు సీబాజి సీజి యా పణిజ్ విజా కిజినాన్.

ఉండ్రె ఒడోల్ ని నండో బాగముకు.

- 12 ఒడోల్ ఉండ్రెనె, గాని నండో బాగముకు కూడఁజి తయారీ ఆత మనాన్. నండో బాగముకు కూడితికాదె గాని అవి కూడఁజి ఉండ్రె ఒడోల్ అతి లెకెండేనె క్రీస్తుబా మనాన్.
 13 ఎలాగ ఇహిజ, యూదురు అతిజ్ బా, యూదురు ఆఇకార్ అతిజ్ బా, వెటి పణి కినికాన్ అతిజ్ బా, అక్కు మనికాన్ అతిజ్ బా మాటు విజిటి ఉండ్రె ఒడోల్ దు ఉండ్రె అత్తుదాని బాప్తిసం లాగి ఆతాజ్. అయి ఉండ్రె దేవుణు అత్తుదాని మా మన్నుజ దేవుణు మాటె సిత మనాన్.
 14 ఒడోల్ ఇహిజ నండో బాగముకాణిజ్ తయారీ అతిక. ఉండ్రె బాగముదాన్ తయారీ అతిక ఆవింద.
 15 అందెజె, “నాను కియు ఆవి, అందెజె నాను ఒడోల్ దు మనిక ఆవి”, ఇజి పాదం వెహ్లాజ, అక్కు ఒడోల్ దు మంజినిక ఆవిండ ఆజినాదా?
 16 మరి, “నాను కణక ఆవి, అందెజె నాను ఒడోల్ దు మనిక ఆవి”, ఇజి గిట్టి వెహ్లాజ, అక్కు ఒడోల్ దు మంజినిక ఆవిండ ఆజినాదా?
 17 ఒడోల్ విజా ఉండ్రె కణకాని అతిజ, ఎలాగ విండ్రెజ్ అనాన్? ఒడోల్ విజా గిట్టి ఉండ్రె అతిజ, వాననం నూణిజ్ ఎంబె మంజినాన్?
 18 గాని ఉండ్రె ఉండ్రె బాగం ఎలాగ మండ్రెజ్ నో, అయా లెకెండే దేవుణు వన్నిజ్ ఇస్సమాతి లెకెండే ఒడోల్ దు ఇట్టా మనాన్.
 19 ఆకెజ్ విజా ఉండ్రె బాగం అతిజ ఒడోల్ ఎంబె?
 20 ఆకెజ్ మని లెకెండే నండో బాగముకు మన్నె గాని ఒడోల్ ఉండ్రె.
 21 అందెజె, కణక కియుదిజ్, “నీను నజి అక్కర్ సిల్లెద్”, ఇజి వెహ్లాజ్ అల్ వంద. బుర్త పాదముకాజ్, “మీరు నజి అక్కర్ సిల్లెద్”, ఇజి వెహ్లాజ్ అల్ వంద.
 22 అక్కాదె ఆవిండ, ఒడోల్ దు కూడితి మని సత్తు తకు అతి బాగముకాజ్, అక్కెజ్ మండ్రెజ్ అక్కర్ సిల్లెద్ ఇజి డిస్సిన్తెజ్ అల్ వంద.
 23 ఒడోల్ దు ఎవెణి బాగముకాజ్ గవరం సిల్లికెజ్ ఇజి మాటు ఒడోబిజి నాటో వన్నాజ్ మరి నండో గవరం మని లెకెండే తయారీ కిజినాల్. నుడోదెజ్ సోకు తోరె ఇ బాగముకాజ్ ఒద్దె అందం వాని లెకెండే కిజినాల్.
 24 ఒడోల్ దు మని అందం మని బాగముకాజ్ మరి నెగెండే నుడోదెజ్ అక్కర్ సిల్లెద్. గాని దేవుణు విజా బాగముకాజ్ కుడుప్పి ఒడోల్ దు ఇట్టివలె, మర్యాద తకు మని వనకాజ్ లావ్ మర్యాద సితాన్.
 25 అందెజె ఒడోల్ దు గొడోబెజ్ మనవండ విజా బాగముకు ఉండ్రె మరి ఉండ్రె బాగం వందిజ్ నెగెండే నుడోజి మంజినె.
 26 ఉండ్రె బాగముకు కస్టం వాతిజ, బాగముకు విజా కూడఁజి దని వెట కస్టముదు మంజినె. ఉండ్రె బాగముదిజ్ గవరం దోహ్లా వలె, బాగముకు విజా దనివెట కూడఁజి సర్ల ఆని.
 27 ఏలు, మీరు క్రీస్తు ఒడోల్ అతి మనిదెర్. ఒరెన్ ఒరెన్ ఉండ్రె బాగం ఆత మనాన్.
 28 మరి దేవుణు నజముదు ముజుల సెగెండోరిజ్ అహిస్సురు ఇజి, వెనుక మరి సెగెండోరిజ్ దేవుణు ప్రవక్తరు ఇజి, దని వెనుక సెగెండోరిజ్ దేవుణు మాటిజ్ నెస్సినికార్ ఇజి, దని వెనుక సెగెండోరిజ్ బమ్మాతి పణిజ్ కినికార్ ఇజి, దని వెనుక మనికార్

ఇజి, సెగొండారిజ్ మహి వరిజ్ సాయం కినికార్ ఇజి, మరి సెగొండారిజ్ నడిపిస్సికార్ ఇజి, మరి సెగొండారిజ్ ఆజ ఆజ బానెజ్ వర్గినికార్ ఇజి ఏర్పాటు కిత మనాన్.

²⁹ విజెరె అపొస్తరునా? విజెరె దేవుణు ప్రవక్తరునా? విజెరె దేవుణు మాటిజ్ నెస్సిసినికార్నా? విజెరె బమ్మాతి పణిజ్ కినికారా?

³⁰ విజెరె జబుజాణి వరిజ్ నెగెండ్ కిదెజ్ వరం మనికారా? విజెరె ఆజ బాసెజాణిజ్ వర్గిజనారా? విజెరె అయ బాసెజ అర్థం కిజి వెస్సినారా?

³¹ గాని వరమ్క లొజ గొప్ప పెరి వన్యా వందిజ్ ఆస ఆజి మండ్రు. ఏలు నాను మిజి గొప్ప నెగ్గి సరి తోరిసినాలె.

13

విజి దనిజ్ పెరిక ప్రేమ

¹ నాను లొకుర్ వర్గిజిని విజి బాసెజాణిజ్ వర్గితిజ్బా, దేవుణు దూతార వర్గిని బాసెజాణిజ్ వర్గితిజ్బా, నాను ప్రేమ సిల్లికాన్ ఇహిజి పణిదిజ్ రెజ కంసు, సిల్లిజి టీజ్టిజ్ పలక్కి తాలిబిలెజ్ లెకెండ్నె.

² నాను దేవుణు ప్రవక్త లెకెండ్ వరం మనికాన్ అతిజ్బా, డాజితి మని విజి సజతిజ్ నెస్సెజ్ అట్టికాన్ అతిజ్బా, విజి గెణం మనికాన్ అతిజ్బా, గొరొకాజ్ బస్సిసిని నమకం మనికాన్ అతిజ్బా ప్రేమ సిలికాన్ ఇహిజి నాను పణిదిజ్ రెజక.

³ సజి కల్లితి మనికెజ్ విజి బీద వరిజ్ సిత్తిజ్బా, సిసుదు సురదిజ్ నా ఒడొల్ బపజిప్తిజ్బా, ప్రేమ సిల్లికాన్ ఇహిజి నాను కినిక పణిదిజ్ రెజక.

⁴ ప్రేమ మనికాన్ నండ్ ఒరిసినాన్. వాండ్రు మహి వరి మున్యు దయ మనికాన్ ఆనాన్. వాండ్రు గోస ఆవెన్. వాండ్రు పొజిజినికాన్ ఆవెన్. వాండ్రు గర్ర ఆవెన్.

⁵ ప్రేమ మనికాన్ ముర్బుద సిల్లెండ మనికాన్ ఆవెన్. వాండ్రు సజి నానె నెగెండ్ మండ్రెజ్ ఇజి ఒడొబినికాన్ ఆవెన్. వాండ్రు బేగి కోపం ఆవెన్. వాండ్రు వన్ని వెట కిత్తిమని సెజ వన్యా వందిజ్ మున్యురు ఇడొజి మన్వెన్.

⁶ ప్రేమ మనికాన్ సెజ వన్యా వందిజ్ నరద ఆవిండ, నిజమాతి వన్యా వందిజ్ సర్త ఆజినాన్.

⁷ ప్రేమ మనికాన్ ఎస్తివలెబా సణిజివిండ విజి సెమిస్సాన్. వాండ్రు ఎస్తివలెబా మహివరి వందిజ్ నెగ్గికెజ్ నమ్మిజి మంజనాన్. వాండ్రు ఎస్తివలెబా ఆనదాన్ ఎర్దు సుడొజి మంజనాన్. వాండ్రు ఎస్తివలెబా డిన్విండ ఒరిసి మంజనాన్.

⁸ ప్రేమ ఎలాకాలం మంజనాన్. దేవుణు ప్రవక్త లెకెండ్ వెప్తాజ్ మని వరం ఎలాకాలం మన్విద. ఆజ ఆజ బానెజ్బా వర్గినికబా ఎలాకాలం మన్ఉలె. గెణంబా సిల్లెండ ఆనాన్.

⁹ ఎందనిజ్ ఇహిజి ఏలు మాటు సెగమనె నెస్తి మనాట్. సెగమనె దేవుణు ప్రవక్త లెకెండ్ వెస్సినాట్.

¹⁰ గాని పూర్తి అతిక వానివలె పూర్తి ఆజక నిల్లెండ ఆనాన్.

¹¹ నాను ఇజిరికాన్ మహివలె ఇజిరి వన్ని లెకెండ్ వర్గిత. ఇజిరి వన్ని లెకెండ్ ఒడొబిత. ఇజిరి వన్ని లెకెండ్ ఆలోసనం కిత. పెరికాన్ అతివలె ఇజిరికాన్ మహివలె మని పణిజ్ డిస్సె సిత్త.

¹² ఏలు అర్థమదు సుడొతి లెకెండ్ ఉండ్రె బొమ్మనె సుడొజినాట్. నస్తివలె మొకొం నెండ్రు సూణాట్. ఏలు సెగమనె నెస్సాట్, నస్తివలె దేవుణు సజి ఏలు నెస్తిమని లెకెండ్ పూర్తి నెస్సాట్లె.

¹³ అహిజి దేవుణు మున్యు మని నమకం, ఆనదాన్ ఎర్దు సుడొజి మంజనిక, ప్రేమ యా మూండ్రెబా నిల్లి మంజనె. గాని వినుక లొజ గొప్ప నెగ్గెక ప్రేమనె.

14

దేవుణు అత్మ సీని వరమ్కకు.

¹ మీ బత్తుదు ప్రేమనె ముజాల మనిద. దేవుణు అత్మ సీని వరమ్కాజ్ వందిజ్ ఆస ఆజి మండ్రు. దేవుణు ప్రవక్తరు ఆడెజ్ ఆస ఆదు.

² ఎందనిజ్ ఇహిజి, ఆజ బాసెజి వర్గినికాన్ లొకుర్ వెట ఆవిండ దేవుణు వెటనె వర్గిజనాన్. నిజమె లొకు యెనెబా వాండ్రు వర్గినికెజ్ అర్థం కిదెజ్ అట్విన్. గాని వాండ్రు వన్ని అత్మదాన్ దేవుణుదిజ్ సెందితి డాజితి మని సజతిజ్ వర్గిజనాన్.

³ గాని, దేవుణు ప్రవక్తరు లెకెండ్ వర్గినికాన్ లొకుర్ వెటనె వర్గిజనాన్. లొకుర్ మున్యురు సత్తు మనికార్ ఆడెజ్, వరిజ్ దయరం వెప్తాజ్, మరి ఒడొరెస్సెజ్ ఇజి.

⁴ ఆజ బానెజ్ వర్గిజినికాన్ వన్నిజ్ వాండ్రె దయరం కిబె ఆజినాన్. గాని దేవుణు ప్రవక్తారు లెకెండ్ వర్గినికాన్ సజమదు మని వరిజ్ ఉసార్ కిజినాన్.

⁵ మీరు విజెరె ఆజ బాసెజాణిజ్ వర్గినికెదె ఆడెజ్ ఇజి నాను కోరిజన. గాని దేవుణు ప్రవక్తరు లెకెండ్ ఆడెజ్ ఇజి లావ్ ఆస ఆజిన. ఆజ బాసెజాణిజ్ వర్గినికాన్, సజమదిజ్ దయరం వెప్తాజ్ ఇజి ఆజ బాసెజాణిజ్ వర్గిని మాటిజి అర్థం కిజి వెవ్ఎండ మహిజి, దేవుణు ప్రవక్తనె వన్నిజ్ ఇంక పెరికాన్ ఆజినాన్.

⁶ తంబెరిజాండె, నాను మీ డగ్రు వాజి, దేవుణుది డాజితి మని సజతిజ్ దేవుణు తోరిస్సికెనో, గెణం మాటిజ్నో, దేవుణు ప్రవక్త లెకెండ్ దేవుణు సత్తి మాటిజ్నో మీ వెట వర్గివిండ, ఆజ బాసెజాణిజ్ వర్గిజి మహిజి నా వెట మిజి ఇని లాబం వానాన్?

⁷ అయో లెకెండ్నె, పలక్కివలె సెవుడొజి వాజిని పాణం సిల్లి వన్సుజ్ అతి, టోయల గాని పిరుడి; గాని పలక్కివలె ఇని తేడ సిల్లెండ ఉండ్రె లెకెండ్ పలక్కి మహిజి, ఉక్కి మనిక ఇనిక, పలక్కి మనిక ఇనిక ఇజి ఎలాగ నెస్సెజ్ ఆనాన్?

⁸ విదెమదిజ్ సొండ్రెజ్ ఇజి సయనమది వరిజ్ కూకెజ్ జోడు బాగ పలక్కివలె వరిజ్ అర్థమానిలెకెండ్ నెగెండ్ జాటు సివిండ మహిజి, విదెమదిజ్ సొండ్రెజ్ సయనమదికార్ తయార్ ఆనారా?

9 అయాలెకెండెన మీరుబా వెయ్యుదాన్ నెగెండ వర్గిఎండ మహిజ, మీరు ఇనిక వర్గిజనిదెర్ ఇజి వినికార్ ఎలాగ అర్థం కిదెజ్ అట్టార్? మీరు గాలి వెటిన వర్గినికిదెర్ ఆజనిదెర్.

10 యా లోకముడు నుండో బానెజ్ మన్నె ఇని దనిజ్ ఇని అనుమానం సిల్లెద్. గాని వన్నా లోజ ఉండ్రెబా అర్థం సిల్లిక్ అవిద్.

11 ఒరెన్ వర్గిని మాటెజ నాను అర్థం కిదెజ్ అటెఎండ మహిజ, నాను వర్గిని వన్నెజ్ ఆజ దేనిమది వన్నె లెకెండె ఆనాలె. వర్గినికాన్ నజబా ఆజ దేనిమది వన్నె లెకెండె మంజనాన్.

12 మిజిబా అయాలెకెండెన మంజనాద్. మీరు దేవుణు అత్తు సీజిని వరమకాజ్ వందిజ్ నుండో ఆన ఆజి మంజనికిదెర్. అందెజి నజమదిజ్ పిరిప్పి వందిజ్ అయాలె వరమకాజ్ నుండో పణి కిదు.

13 అందెజి దిన్ని వందిజ్, ఆజ బాసదాన్ వర్గినికాన్, బాసెజి అర్థం కిజి వెహైజ్ అట్టి లెకెండె పార్థనం కిదెజ్ వలె.

14 అహిజ, నాను ఆజ బాసదాన్ పార్థనం కిజి మహిజ, నా అత్తు పార్థనం కిజినాద్. గాని నా గర్బం కాలి మంజనాద్.

15 అందెజి నాను ఇనిక కిదెజ్ వలె? నాను నా అత్తుదాన్ పార్థనం కిన్. గాని నా మన్నుదానబా నాను పార్థనం కినాలె. నాను నా అత్తుదాన్ పాటెజ్ పార్థ. గాని నా మన్నుదానబా పాటెజ్ పార్థాలె.

16 మీరు మీ అత్తుదాన్ దేవుణుదిజ్ పొగడిజి మహిజ, మీరు దేవుణుదిజ్ వందనముకు వెప్పినిదెర్. మీరు వర్గిని మాటెజి అర్థం కిదెజ్ అటెజకాన్ ఒరెన్. మీరు వెప్పిని వందనమదిజ్, ఎలాగ మీ వెట కూడిజి, “అమెన్” వెహైజ్ అట్టూన్.

17 మీరు ఇహిజ ఒడ్డె నెగెండ దేవుణుదిజ్ వందనముకు వెప్పినిదెర్. గాని ఆజకాన్ దయరం కిజి అదెజ్ అటెవెన్.

18 నాను మిజి విజెరిజ్ ఇంక నెగెండ ఆజ బాసెజిజిజ్ వర్గిని వందిజ్ దేవుణుదిజ్ వందనముకు వెప్పిన్.

19 గాని నజమదు ఆజ బాసెజిజిజ్ పది వెయ్యుజ్ మాటెజ్ వర్గిని దనిజ్ ఇంక మహివరిజ్ నెప్పిన్నె లెకెండె బుద్దిదాన్ కూడితి అయదు మాటెజ్ నాను వెప్పె.

20 తంబెరిజాండె, మీరు ఇజెర్ కొడోర్ ఒడెబిని లెకెండె ఒడెబిజి మంజనిక డిసీ సీదు. నెజ వన్నా వందిజ్ లేత కొడోర్ లెకెండె మండ్రు. గాని ఒడెబినిబాన్ పెరికిదెర్ ఆదు.

21 “ఆజ బానెజ్ వర్గిజిని ఆజ దేనిమది లోకరం నా వందిజ్ విరి వెట వర్గితిజ్బా వారు గిబిజ్ ఒడెబిజి నా మాటెజ్ విన్వెర్”, ఇజి ప్రబు వెప్పినాన్ ఇజి దేవుణు మాటదు రన్న మనాద్.

22 అందెజి ఆజ బానెజ్ వర్గినిక, నమ్మిజ వరిజ్ దేవుణు నత్తుదిజ్ ఉండ్రె గుర్తు లెకెండెన మనాద్ ఇజి మాటు దేవుణు మాటదాన్ నెస్సాట్. నమ్మిత్తి వరిజ్ అవిద్. గాని దేవుణు ప్రవక్తరు వెప్పిని మాటెజ్, నమ్మిత్తి వరి వందిజ్ రుజుమ్ ఆజెనె గాని నమ్మిజి వరివందిజ్ అవిద్.

23 అందెజి నజమదు మనికార్ విజెర్ కూడిజి వానివలె విజెరె ఆజ బాసెజిజిజ్ వర్గిజి మహిజ, యాక అర్థం కిదెజ్ అటెజకాన్, నమ్మిజకాన్ లోజ వాతిజా. మీరు బుద్ది నెగెండ సిల్లెండె ఆజి వర్గిజినిదెర్ ఇజి వారు వెవ్పెర?

24 గాని ఒరెన్ నమ్మిజకాన్ గాని దిన్ని వందిజ్ నెన్ఇకాన్ గాని లోజ వాతిజ, విజెరె దేవుణు ప్రవక్తరు లెకెండె వెప్పి మహిజ, వెని మాటెజిజిజ్ వండ్రు కిత్తి మని తప్పుజి వందిజ్ ఎత్తు కిజి వన్నె మన్నుదు ఒడెబిజి బుప్పకొనా. మీరు వెప్పిని మాటెజిజిజ్ వన్నెజ్ వండ్రె తియ్య కిజి ఆనాలె.

25 మరి వన్నె మన్నుదు డాజితి మనికెజ్ విజా వెల్లి తోర్నె, అయావలె, “నిజెమె దేవుణు మీ వెట మనాన్”, ఇజి బమ్మ ఆజి వండ్రు ముణుకుజ్ ఊరెజి దేవుణుదిజ్ పొగడిజి మాడిస్సాన్లె.

దేవుణుదిజ్ పొగడిజి మాడిస్సెక్ ఎలాగ మండ్రెజ్.

26 అహిజ తంబెరిజాండె, మాటు ఇనిక వెహైజ్? మీరు కూడిజి వానివలె, ఒరెన్, ఉండ్రె పాటెజ్ పార్థనం వలె ఇజనాన్. మరి ఒరెన్ బుద్ది మాటెజ్ నెప్పిస్సెజ్ వలె ఇజనాన్. మరి ఒరెన్ డాజితి మనిక దేవుణు తోరిస్సికెజ్ వెహైజ్ వలె ఇజనాన్, మరి ఒరెన్ ఆజ బాసెజిజిజ్ వర్గిదెజ్ వలె ఇజనాన్, మరి ఒరెన్ బాసెదిజ్ అర్థం వెహైజ్ వలె ఇజనాన్, యాకెజ్ విజా నజమదు మని వరిజ్ దయరం వాని వందిజ్ కిదెజ్ వలె.

27 ఆజ బాసెజి వర్గినికార్ ఒరెన్ రిఎర్ నో వర్గిదెజ్ వలె. రిఎరిజ్ మిస్సిజి ముఎర్ వర్గిదెజ్ వలె. గాని విజెరె ఒరెన్ వర్గిఎండ, ఒరెన్ ఒరెన్ వర్గిదెజ్ వలె. ఎయెరెబా దనిజ్ అర్థం వెహైజ్ వలె.

28 ఆజ బాసెజి వర్గిని దనిజ్ అర్థం కిజి వెప్పాకాన్ సిల్లెండె మహిజ, ఆజ బాసెజిజిజ్ వర్గినికాన్ నజమదు పల్లక్ ముండ్రెజ్. వండ్రు వన్నె మన్నుదు వర్గిజి దేవుణు వెట వర్గిదెజ్ వలె.

29 దేవుణు ప్రవక్తరు లెకెండె వర్గినికార్బా రిఎర్ నో, ముఎర్ నో వర్గిదెజ్ ఆనాద్. మహికార్ వెప్పి దనిజ్ నెగెండ వెంజి, ఇనిక వెప్పెనార్ ఇజి జాగర్గు సుడెదెజ్ వలె.

30 డర్గు బన్సిమని మరి ఒరెన్ దేవుణు ప్రవక్తెజ్ ఇనికాబా దేవుణు బాణిజ్ తోర్ అతిజ, ముజాల వర్గిజి మంజనికాన్ పలక్ మండ్రెజ్ వలె.

31 విజెరిజ్ నెప్పిసీని వందిజ్, విజెరిజ్ దయరం వెప్పి వందిజ్, మీరు విజెరె ఒరెన్ వన్నె వెనుక మరి ఒరెన్ దేవుణు బాణిజ్ వాజిని మాటెజ్ దేవుణు అత్తు నడెపిన్నె లెకెండె వర్గిదెజ్ ఆనాద్.

32 ప్రవక్తరు లోజ మని పరి అత్తు ప్రవక్తెజ్ లోజిజి మంజనాద్.

33 విందనిజ్ ఇహిజ దేవుణు సమాదానమదిజ్ దేవుణునె గాని గగోలిదిజ్ దేవుణు అవిద్.

34 విజా దేవుణు నజమకాజ్ మని లెకెండె, నజమదు పొగడిజి మాడిస్సెవలె, బోదెక్ గగోల్ ఆజి వర్గిజి మండ్రెజ్ అవిద్, పలక్ మండ్రెజ్ వలె. నజమదు అవిక్ వర్గిదెజ్ అవిద్. గాని మొనె రాస్సి రూలుదు వెహై మని లెకెండె అవిక్ అణిజిజి మండ్రెజ్.

35 వరిజ్ ఇనికబా నెస్సెజ్ ఇహిజ, ఇండ్రె వన్నా వన్నా మారిజ్ వెన్బాదెజ్ వలె. నజమదు బోదెలి వర్గిజి మంజనిక దనిజ్ సిగు.

36 మీరు ఇనిక ఒడెబిజినిదెర్? దేవుణు మాటెజ్ మీరి రాస్సి తయార్ కిత్తిదిరా? అక్క మిజిన్ అక్క దోహక్త మనాదా?

37 ఎయెన్బా వాండ్రు దేవుణు ప్రవక్త ఇజి ఒడెబిజినాన్ ఇహిజ, దేవుణు అత్తు సిత్తి వరమ్మకు మనికాన్ ఇజి ఒడెబిజి మహిజబా, వాండ్రు నాను మిజి రాన్సి మనికెజ్ ప్రబుబాణిజ్ వాతి అడ్రెజ్ ఇజి తమ్మెండ ఒప్పుకొండెజ్ వలె.

38 ఎయెన్బా యాక నెక్కి పోక్కిజ, వన్నిజ్ వాండ్రె నెక్కి పోకె ఆనాన్లె.

39 అందెజె నా తంబెరిబాండె, దేవుణు ప్రవక్తరు ఆదెజ్ ఆన ఇజి ముండ్రు. గాని ఆజ బాసెబాణిజ్ వర్గిని వరిజ్ అడ్డు కిమాట్.

40 గాని విజబా నెగెండ మర్యాదదాన్ తగ్గు లెకెండ కిడెజ్ వలె.

15

క్రీస్తు సాతి పరిబాణిజ్ మర్రి నిజితి వందిజ్.

1 తంబెరిబాండె, నాను మీ నడెమి సాటిన్సి సువార్ వందిజ్ మరి మిజి ఎత్తు కిబిన్జెజ్ ఇజి నాను కోరిజిన. మీరు డగ్రు కిజి నమ్మిత్తి అయ సువార్, దన్నిజ్ తగితి లెకెండ మండ్రెజ్ ఇజి నిరణెం కిత్తిదెర.

2 నాను మిజి వెప్పి మని అయా సువార్దాన్ దేవుణు మిజి రక్కిన్త మనాన్. అందెజె నాను వెప్పి మని మాటెజ్, మీరు నెగెండ అసి అయాలెకెండె మండ్రెజ్. సిల్లెండ మహిజ మీరు దేవుణు మున్సు ఇట్టి నమకం నిజెం ఆవిండ ముజినాన్.

3 దేవణు బాణిజ్ నజ్ దోహక్కి మన్సిక, నాను మిజి ఒప్పుజెప్పి మని వన్కా లోజ గొప్పు ముకెంమతిక ఇనిక ఇహిజ, ముజాల దేవుణు మాటరు రాన్సి మహిక పూర్తి కిత్తి లెకెండె, క్రీస్తు మా పాపమ్క వందిజ్ సాతాన్.

4 ముజాల దేవుణు మాటరు రాన్సి మహిక పూర్తి కిత్తి లెకెండెన మూసె అతండ్రె మూండ్రె రోస్కాణిజ్ మర్రి నికె ఆతాన్.

5 ముజాల పేత్తుజ్నెన్* వెనుక వన్ని సినుర అతి వనెండు మన్సిరిజ్ తోరె ఆతాన్.

6 దన్ని వెనుక అయెరు వందెజి మిన్సి నమ్మిత్తి తంబెరిజ ఒర్పె తోరె ఆతాన్. వరి లోజ నెగెండార సాత సాహార ఇహిజబా నండెండార ఏలుబా బత్తిజనార.

7 వెనుక వాండ్రు యాకోబుజ్నెన్ అహ్సరుజ్ విజెరిజ్ తోరె ఆతాన్.

8 విజెరిజ్ తోరె అతి వెనుక, కడెవేరిదు, నెగెండ పుట్టెకానాతి నజిబా తోరె ఆతాన్.

9 అహ్సరు లోజ విజెరిజ్ ఇంక మిన్కొడెనానె. అహ్సరుడు ఇజి కూకె ఆదెజెబా నాను తగితిక ఆవి. ఎందనిజ్ ఇహిజ నాను దేవుణు నజెమది వరిజ్ హిమ్నెజ్ కిత మన్సు.

10 ఏలు నాను ఇనిక ఆత మనానో, అక్కు దేవుణు నజి తోరిన్సి దయాదర్మమదానె ఆత మన్సు. అహిజ వాండ్రు నా మున్సు దయా దర్మం తోరిన్సిక దర్మమదిజ్ సిత్తి లెకెండె అవతాన్. విజెరిజ్ ఇంక నండ్రె కర్ణబాడెజి నాను పజి కిత మన. గాని కర్ణబాడెతిక నాను ఆవి, నజి తోడెః మహి దేవుణు దయాదర్మమనె.

11 అందెజె నాను ఆతిజెబా, వారు ఆతిజెబా ఇక్కాదె మాపు సాటిన్త మనాన్.

సాతికార మరజి సిజ్ని వందిజ్.

12 గాని, క్రీస్తు సాతి పరి బాణిజ్ నికె ఆత మనాన్ ఇజి సాటి అతి మహిజ్, సాతి పరి బాణిజ్ మరజి నిజ్నికె సిల్లెద్ ఇజి మీ లోజ నెగెండార ఎలాగ వెప్పిన్సార?

13 సాతి పరిబాణిజ్ మరజి నిజ్నికె సిల్లెద్ ఇహిజ క్రీస్తుబా మరజి నిజ్ఎతాన్.

14 క్రీస్తు సాతి పరిబాణిజ్ మరజి నిజ్ఎతాన్ ఇహిజ మాపు సాటినిని సువార్ పజిదిజ్ రెఇక. మీరు దేవుణుదిజ్ నమ్మిత్తికబా పజిదిజ్ రెఇక.

15 అక్కాదె ఆవిండ, మాపు దేవుణు వందిజ్ అబద్దం వెప్పి సాసిరి ఇజి తోరె ఆజనాన్. ఎందనిజ్ ఇహిజ దేవుణు సాతి పరిబాణిజ్ క్రీస్తుజ్ నికె మనాన్ ఇజి మాపు దేవుణు వందిజ్ సాని వెప్పా మనాన్. సాతికార మర్రి నిజె అవెర ఇహిజ, దేవుణు క్రీస్తుజ్బా నికెఎతాన్.

16 దేవుణు సాతి పరిజ్ మర్రి బత్తిన్ఎన్ ఇహిజ అయాలెకెండెన దేవుణు క్రీస్తుజ్బా మరజి బత్తిన్ఎతాన్.

17 క్రీస్తు మర్రి నిజె అవతాన్ ఇహిజ మీరు నమకం ఇడెతిక పజిదిజ్ రెఇక. మీరు ఏలుబా మీ పాపమ్క వందిజ్ దేవుణు సీని సిక్కుదిజ్ తగ్గికిదెర.

18 అక్కాదె ఆవిండ క్రీస్తుజ్ నమ్మిజి సాతికారబా నానం ఆత సాహార.

19 యా బత్తుదునె వాండ్రు మజి సాయం కిసాన్, సాతిసాహి వెనుక సిల్లెద్ ఇజినె మాటు క్రీస్తు మున్సు ఆసదాన్ ఎర్దు నండెజి ముజినికాట్ ఇహిజ, మా బత్తు విజెరిజ్ ఇంక హినమాతి బత్తు బత్తిజనాన్.

20 గాని, సాతి పరిబాణిజ్ తోలిత వండితి పంట లెకెండె, క్రీస్తు నిజమె సాతి పరిబాణిజ్ మర్రి నిజిత్ మనాన్.

21 ఇనిక ఇహిజ ఒరెన్ లోకు వెటనె సాపు వాతాన్. అయాలెకెండెన సాతి పరిబాణిజ్ మర్రి నిజె ఆనికబా ఒరెన్ వన్ని వెటనె వాతాన్.

22 ఆదము వెట విజెరె ఎలాగ సాజినారో, అయాలెకెండెన క్రీస్తు వెట విజెరె పాణం మనికార ఆనారలె.

23 గాని ఒరెన్ ఒరెన్ వన్ని వర్నాదునె పాణం మనికాన్ ఆనాన్. తోలిత వండితి పంట క్రీస్తు. వెనుక క్రీస్తు వానివలె వన్నిజ్ నెందితికార పాణం మనికార ఆనార.

24 దని వెనుక వాండ్రు యా లోకెముదు మని విజా సెజ సత్తుజ్నెని, విజా అతికారమ్కాజ్, విజా సత్తుజ్ మూయిప్పి పోక్కి, వన్ని బుబ్బాతి దేవుణు ఏలుబడె కిని వందిజ్ విజా ఒపజెప్పాన్లె. నన్సివలె విజా దన్నిజ్ ఆక్కర ఆనాన్లె.

25 ఎందనిజ్ ఇహిజ వన్నిజ్ పగాతి విజెరిజ్, వన్ని పాదమ్మకు అడిగి దేవుణు ఇడెనిదాక క్రీస్తు ఏలుబడె కిజి మండ్రెజ్ వలె.

26 లోకురిజ్ విజెరిజ్ పగాతి సాపుదిజ్, కడెవేరిదు వాండ్రు నానం కిసాన్లె.

* 15:5 15:5 పేతురుజ్ కేప ఇజబా పేరు మనాన్.

27 దేవుణు, “విజు వనకాళ్ వన్నీ పాదముకు అడ్డి ఇట్టాన్”, ఇజ దేవుణు మాటలు రాస్తా మనాద్. “విజు వన్నాళ్”, క్రీస్తు పాదముక అడిగి ఇట్టా మనాన్ ఇజ వెన్నొ వలె, విజు వనకాళ్ విని పాదముకు అడిగి ఇడ్డి మనికాన్ అతి దేవుణు అయ విజు వనకాళ్ వెట వన్నీళ్ వాండ్రై క్రీస్తు పాదముక అడిగి ఇడె: అవన్ ఇజ టీట తొరజనాద్.

28 వాండ్రు యా లెకెండ కిత్తి వెనుక, మరన్ విజు వనకాళ్ వన్నీ పాదముకు అడిగి ఇట్టి మనికాన్ అతి దేవుణుదిజ్, వన్నీళ్ వాండ్రై అణజీజ మంజనాన్లె. ఎందనిజ్ ఇహిజ దేవుణు ఒరెండ్రై అయ విజు వన్నాళ్ మున్ను అతికారం మనికాన్ ఆదెజ్ వలె.

29 సాతికార్ మర్తి నిజ్ నక సిల్లెద్ ఇహిజ, సెగొండార్ కిని లెకెండ సాతి వరి వందిజ్ బాప్తిసం లాగి అని దనిజ్ ఇన్ అర్థం మనాద్? సాతికార్ నిజె అవర్ ఇహిజ ఎందనిజ్ లోకూర్ వరి వందిజ్ బాప్తిసం లాగి ఆదెజ్?

30 మరి సాతికార్ మర్తి నిజ్ నార్ ఇజ మాపు నమ్మివెవ్ ఇహిజ ఎందనిజ్ సాపు తప్పిన్ ప్రమాదముకాళ్ మాపు గురి ఆదెజ్.

31 తంబెరిజాండె, ప్రబు అతి క్రీస్తు యేనుక్రీస్తు వెట మీరు కూడితి వందిజ్ నాను నిజం ఎసా న్డర్ ఆజనాన్ అయాలెకెండెనె ఎప్పివలెబా నాను నవె ఆదెజ్ బా అక్క మంద ఇజ నాను మిజి నిజం వెప్పిన్.

32 యా లోకముదిజ్ సందితి సజతిజ్ వందిజ్ నాను ఎపెసి పట్టుముదు అడివె జంతుజ వెట విద్దె కితానా? సాతికార్ మర్తి నిజె అవర్ ఇహిజ నజ్ ఇన్ లాబు మనాద్? సాతికార్ మర్తి నిజ్ ఎవర్ ఇహిజ, “విగిహిజ్ సానాట్, అందిజె ఉణాట్ తినాట్”, ఇజ ఆకార్ వెప్పాలెకెండెనె మాటబా కిదెజ్ వలె.

33 మీరు మెంను కిబె ఆజ తపు నరిదు సానూట్. “నెజ వరివెట కూడె:జ మనిజ్, నెగ్గి అలవాటుజ్ మనికార్ బా పాడె: ఆజనార్”.

34 నెగ్గి బుద్ది మనికిదెర్ లెకెండె మీరు మప్పి సాస్తి పాపం కిఎండ నీతినిజాయ్ దాన్ మండ్రు. ఎందనిజ్ ఇహిజ మీ లోజె సెగొండార్ దేవుణు వందిజ్ నెన్ ఎర్. మిజి సిగు కిదెజ్ ఇజనె ఇక్క నాను వెప్పిన్.

సాతికార్ మర్తి నిజ్ నివలె మంజని ఒడొల్

35 సెగొండార్ యా లెకెండె వెన్ బానార్ లెను, “సాతికార్ ఎలాగ మర్తి నికె ఆనార్? ఎలాగ మర్తి ఒడొల్ దాన్ వారు వానార్?”.

36 బుద్ది సీలికిదెరా మీరు విత్తు విత్తివలె, అయ విత్తి విత్తు నబితిజాన్ దని బాణిజ్ మొక నేర్పినాద్.

37 నీను వితిక కూలిజ్ గాని, మరి ఎవెణి విత్తుబగాని వహి విత్తునె విత్తిని. విత్తిక విత్తునె గాని నేర్పిని మొక్క ఒడొల్ ఆప్పిదగె.

38 గాని దేవుణు వాండ్రు నిరెణెం కిత్తి లెకెండె దనిజ్ ఉండ్రై ఒడొల్ సిజనాన్. విత్తిమన్నీ విజు రకముది విత్తుజ వనక వనక ఒడొల్ సీజనాన్.

39 కంట విజు ఉండ్రై ననిక ఆవెద్. లోకు కంట ఉండ్రై రకం మనాద్. జంతు కంట మరి ఉండ్రై రకం, పొటి కంట మరి ఉండ్రై రకం, మెయ కంట ఉండ్రై రకం.

40 అయాలెకెండెనె ఆగానముది వనకాళ్ ని, బూమిదు మని వన్నాళ్ తేడ మంజినాద్, ఉండ్రై ననికెజ్ ఆఉ. విజు అంతం మనికెజ్ గాని వనక అంతం ఉండ్రై లెకెండె మన్ ఏద్.

41 ఎలాగ ఇహిజ, పొద్దుది అందం ఉండ్రై రకం, నెలాది అందం మరి ఉండ్రై రకం, సుక్కెజ అందం మరి ఉండ్రై రకం. ఉండ్రై సుక్కాది అందం మరి ఉండ్రై సుక్కాది అందముదిజ్ తేడ మనాద్.

42 అందిజె సాతికార్ మర్తి నిజె అనివలె అయాలెకెండెనె మంజినాద్. బూమిదు మూన్ అతి మని పీనుగు నజ్ జె సానిక. గాని నబజ్ సాన్ ఇ ఉండ్రై ఒడొల్ దాన్ వారు నికె ఆనార్లె.

43 మూన్ అతి పీనుగు సుడెదెజ్ బాగ సిల్లిక. గాని నికె ఆజని ఒడొల్ అంతమని నత్తు మంజనిక ఆనాద్.

44 మూన్ ఆజని పీనుగు యా లోకముదు బత్తిదెజ్ తగ్గాద్. గాని నికె ఆజని ఒడొల్ దేవుణు మంజని బాడిదు బత్తిదెజ్ తగ్గిక. యా లోకముదు బత్తిదెజ్ తగ్గి ఉండ్రై ఒడొల్ మనాద్ ఇహిజ దేవుణు మంజని బాడిదు బత్తిదెజ్ తగ్గి ఉండ్రై ఒడొల్ బా మంజినాద్.

45 అందిజె, “తొలిత లోకు అతి ఆదము బత్తిజని జేవు ఆతాద్”, ఇజ దేవుణు మాటలు రాస్తా మనాద్. కడెవేరి ఆదము అతి క్రీస్తు పాణం సీజని ఆత్మ ఆతాన్.

46 పరలోకముదు బత్తిదెజ్ తగితి ఒడొల్ ముజాల రెవతాద్. యా లోకముదు బత్తిదెజ్ తగితి ఒడొల్ ని ముజాల వాతాద్. వెనుక పరలోకముదు బత్తిదెజ్ తగితి ఒడొల్ వానాద్.

47 తొలిత ఆదము యా బూమి దూలిదాన్ తయార్ ఆత మనాన్. వెనుకాహి ఆదము అతి క్రీస్తు దేవుణు మంజని బాడిదాన్ వాతాన్.

48 బూమిది దూలిదాన్ తయార్ అతి వన్నీ బాణిజ్ పుట్టి మాటు వన్నీ లెకెండెనె మంజినాట్. దేవుణు మంజని బాడిదాన్ వాతి వన్నీ వెట కూడితికార్ దేవుణు మంజని బాడిదు బత్తిదెజ్ తగ్గికార్ ఆనార్లె.

49 ఏలు మాటు ఎలాగ బూమిదాన్ తయార్ అతి వన్నీ మూర్తి లెకెండెనె మనాట్, అయాలెకెండెనె దేవుణు మంజని బాడిదాన్ వాతి వన్నీ క్రీస్తు మూర్తి లెకెండెనె తయార్ ఆనాట్లె.

50 తంబెరిజాండె, కండాని నలదాన్ తయార్ అతిమని యా ఒడొల్ దాన్ మాటు దేవుణు కిజని ఏలుబడిదు సాస్తి మండ్రైజ్ అట్ ఎట్ ఇజ నాను మిజి కనితం వెప్పిన్. ఎందనిజ్ ఇహిజ సాపు మని యా ఒడొల్ కు సాపు మనె బాడిదు మండ్రైజ్ అట్ ఏద్. అక్కెజ్ కొత్తాకెజ్ కిబె ఆదెజ్ వలె.

51 గిబ్బిజ్ ఒడొజె విండ్రు, నాను దేవుణుది డాజిటి మని ఉండ్రై సజతి మిజి తెలియ కిజన్. మాటు విజెటి సావెట్. మాటు విజెటి మూర్తాట్.

52 నెజెముదు, అహిజ ఉండ్రై కణక రెవ డెయెజె పెర్తి ముజాలె, కడెవెరిది పెరి జోడె:బంగ పలక్కిజ నరి అక్క జగ్గినాద్. జోడు బాంగ పలక్కివలె సాతికార్ సాపు మనెజ ఒడొల్ దాన్ నికె ఆనార్. ఏలుదాక బత్తిజని మాపు కొత్తాజ్ కిబె అతి ఒడొల్ దాన్ మూర్తాట్లె.

53 సభజి సాన్నిని మా యా ఒడోలుజు ఎనెజ్బా సభజి సాన్జ ఒడోలుజ్ లెకెండ్ మార్చెలె. నిజమె, సాపు వాజిని యా మా ఒడోలుజ్, సాపు సిలి ఒడోలుజ్ లెకెండ్ కొత్తాజ్ మార్చెలె.

54 సభజి సాని మా ఒడోలుజ్, ఎనెజ్బా సాన్జ సాన్జ ఒడోలుజ్ లెకెండ్ మార్చెజ్ వలె. సాపు వాజిని మా యా ఒడోలుజ్, సాపు సిలి ఒడోలె లెకెండ్ మార్చెజ్ వలె. నస్సవలె దేవుణు మాటదు రాస్తి యా మాటెజ్ నిజం అనాద్, “సాపు ముస్సు పూర్తి గెలిస్తి వందెజ్, సాపు మరి మనెవద్. సాపు ఊజె ఆతి లెకెండ్ వీజెతాద్”.

55 “సాపు మా ముస్సు మరి గెలిస్తిజ్ అట్నాద్? మజి గుత్తెజ్ ఇజి సాపుదిజ్ మరి సాపు మనాద్?”, ఇజి దిన్ని వందెజ్ దేవుణు మాటదు రాస్తి మనిక, నస్సవలె పూర్తి అనాద్.

56 సాపు తపెసిని సాపు పాపం. మాటు దేవుణు రూలుజు లోజెండ్ మంజనిక, మజి ఒడోస్తిజ్ పాపమదిజ్ సత్తు ఆజినాద్.

57 మా ప్రబువాతి యెసుక్రీస్తుదాన్ మజి పాపమదిజ్ని సాపు ముస్సు గెలిస్తి మన్ని దేవుణుదిజ్ వందనమ్మకు.

58 అందెజె, నాను ప్రేమిసిని తంబెరిజాండె, ఇనికబా మిజి కద్దెనెండ్ గటిజు నిల్చి మండ్రు. ఎస్సవలెబా దేవుణు వందెజ్ కష్టబాడోజు పణి కిదు. ఎందనిజ్ ఇహిజు ప్రబు వెట కూడోజు మిరు కష్టబాడోజు కిజిని పణిజ్, ఎనెజ్బా పణిదిజ్ రెండాజు మనెజ్ ఇజి నెసి ఎస్సవలెబా పణి కిజి మండ్రు.

16

నమ్మిత్తి వరి వందెజ్ డబ్బు కుడుప్పిని వందెజ్ వెప్పినిక.

1 దేవుణుదిజ్ నమ్మిత్తి వరి వందెజ్ డబ్బు కుడుప్పిని వందెజ్ ఇహిజు నాను గలాతియదు మని దేవుణు సజమ్కాజ్ వెప్పి మని లెకెండ్ మీరుబా కిదు.

2 నాను వానివలె, అయవలెనె కుడుప్పెజ్ తోవండ్, విజు ఆదివారమ్కాజ్ మీ లోజు ఒరెన్ ఒరెన్ వన్నిజ్ దోహక్కిని దని బాణిజ్ ఉండ్రి వంతు కేట ఇడోజు వన్నిబాన్ కుడుప్పి మండ్రిజ్ వలె.

3 అహిజు నాను వానివలె, మీరు తగ్గికార్ ఇజి ఎయెరిజ్ ఎర్దిసినిదెరె, వరిజ్ ఉత్తమ్మకు రాసి సీజు మీరు కుడుప్పిని డబ్బు వరి కిదు యెరూసలెమ్దు పోక్కాజ్.

4 నానుబా సాహిజు బాగ మంజినాద్ ఇజి తోరె ఆతిజు వారు నా వెట వానార్లె.

5 అహిజు ఏలు నాను మాసిదోనియాదు సాన్ని అబ్బె మని దేవుణుదిజ్ నమ్మిత్తి వరిజ్ నెస్సిని మండ్రిజ్ ఇజి ఒడోబిజున. మాసిదోనియాదు సాహి వెనుక నాను మీ డర్లు వాన్.

6 నస్సవలె మీ డర్లు నెగం రోస్సు. మండ్రిజ్ అనాద్ ఇజి, సిల్లిజు పణి కాలం విజు మీ బానె గడోప్పా. ఎందనిజ్ ఇహిజు, అయవలె నాను ఎమెజి దరిజ్ సాండ్రిజ్నె, అయ వయనమ్దు నజె సాయం కిదెజ్ మీరు అట్టిదెర్.

7 ఏలు పయనమ్దు మీ డర్లు వాజి మిజి దనూల్ ఆజు సాండ్రిజ్ నజె ఇన్జం సిల్లెద్. ప్రబుజ్ ఇన్జం ఇహిజు మీ డర్లు నెగం కాలం మండ్రిజ్ ఇజి ఆన ఆజున.

8 గాని వెంతుకోస్సు* ఎండోయదాక ఇబ్బె ఎపెసి పట్టుమ్దునె నాను మంజునలె.

9 ఎందనిజ్ ఇహిజు, ఇబ్బె నెగండ్ సువార్లె పణి జర్దిని లెకెండ్, తగ్గి నెగ్గి అమ్కానం నజె దోహక్కు వనాద్. నజె ఎద్రిసినికార్బా మనార్.

10 తివోతి మీ డర్లు వాతిజు, ఇని దనిజ్బా తియెల్అవండ్ మీ వెట మంజిని లెకెండ్ వన్నిజ్ నుడోజు మండ్రు. ఎందనిజ్ ఇహిజు, నాను కిజిని లెకెండ్ని వాండ్రుబా ప్రబు పణి కిజినాన్.

11 ఎయెనిబా వన్నిజ్ ఇజిరి కణక సుడోజెజ్ అవద్. వాండ్రు మర్రి నా డర్లు వాదెజ్ వన్ని ముస్సుదు సార్దిదాన్ వన్నిజ్ పొక్తు. మహి తంబెరిజు వెట వాండ్రు వానాన్ ఇజి నాను ఎర్లు సుడోజున.

12 ఏలు తంబెరి ఆతి అపోలో వందెజ్ వెప్పిజ్ ఇమిక ఇహిజు, మహి తంబెరిజు వెట మీ డర్లు సాండ్రిజ్ ఇజి నాను వన్నిజ్ బతిమాలిత గాని ఏలు వాదెజ్ వన్నిజ్ ఇన్జం సిల్లెతాద్. గాని మరి ఎనెజ్బా వాండ్రు అమ్కానం దోహక్కివలె మీ డర్లు వానాన్లె.

13 మీరు జాగర్ల మండ్రు. దేవుణు ముస్సు మని నమకమ్దు గటిజు మండ్రు. దయరమ్దాన్ మండ్రు. సత్తుదాన్ మండ్రు.

14 మీరు కిజిని పణిజ్ విజు ప్రేమదాన్ కిదు.

15-16 అక్కాయ ప్రాంతమ్దు తోలిత దేవుణుదిజ్ నమ్మిత్తికార్ సైపాను ఇండ్రిజికార్ ఇజి మీరు నెస్సిదెర్గెద? దేవుణుదిజ్ నమ్మిత్తి వరి వందెజ్ పణి సాయం కిదెజ్ వరిజ్ వారి ఒపజెపె అత మనార్ ఇజిబా మీరు నెసినిదెర్. అందెజె తంబెరిజాండె, మీరు నిని వరిజ్ అణిజిజు మండ్రు. అక్కాదె అవండ్ పణిదిజ్ కూడోజు వాని వరిజ్ని కష్టబాడోజు పణి కిజిని వరిజ్బా అణిజిజు మండ్రిజ్ ఇజి నాను మిజి బతిమాల్లిన్.

17 మీరు వాదెజ్ అట్వండ్ మహిజ్బా, సైపానుని పూర్యూనాతు, అక్కాయికు ఇనికార్ వాతివలె నాను సర్ల అత. ఎందనిజ్ ఇహిజు, మీ బాన్ నజె సీదెజ్ సిల్లితికెజ్ మీరు నజె సితార్.

18 నా ముస్సుదిజ్, మీ ముస్సుదిజ్ వారు సర్ల కిత్తార్. ననికార్ గవరమ్దిజ్ తగ్గికార్.

19 అనియాదు మన్ని సజమ్కాణికార్ మీరు నెగెండ్ మనిదెరా ఇజి వెనెబాజునర్. అక్కూల, ప్రిస్కిల ఇనకార్ని వరి ఇండ్రి కూడోజు వాజిని నమ్మిత్తి వరి సజమ్బా ప్రబు పేరుదెరా మీరు నెగెండ్ మనిదెరా ఇజి వెనెబాజునార్.

20 నమ్మిత్తి తంబెరిజ్ విజెరె మీరు నెగెండ్ మనిదెరా ఇజినార్. దేవుణు వెట కూడోతి మన్ని వరిజ్ మీ ప్రేమ తోర్స్తు. నెగ్గి ముస్సుదాన్ ఒరెన్ మరి ఒరెన్ వన్నిజ్ పొంబిజు వందనమ్మకు వెప్తు.

* 16:8 16:8 పదాయి ప్రమాణమ్దు ఇక్క వారమ్క వండోయ్, మరి పంట కొయ్యి పండోయ్ ఇజి వెపా ఆజినాద్. (నిర్ణమ 34:22, 23:16) వెజెరె వెట కూడోజు యా పండోయ్ కిదెజ్ ఇజి ఇన్యాయెల లోకుర యెరునెమ్దు మంద వాజి మూర్. వెంతెకొప్పు ఇహిజు యాబయ్ ఇజి అర్థం. యాక పస్సు పండోయ్ ఆతి వెనుక యాబయ్ రోస్సు అనివలె ఆజినాద్.

21 వవులు ఇని నాను నా కియుదానె యా వందనముకు రాసిన.

22 ఎయెన్బా ప్రబుళ్ ప్రేమిన్ఎండ మహిజ నయిప్ వన్ని ముస్సు రపెద్. యేసు ప్రబు వాజినాన్. రఅ ప్రబువా.

23 ప్రబువాతి యేసుక్రీస్తు దయదర్మం మిజీ తోడూ ఆజి మనీద్.

24 క్రీస్తుయేసు వెట కూడితి మన్ని మీరు విజిదెరె వెట నా ప్రేమ మనీద్. ఆమెన్.

అపొస్తలుడు ఆతి పవులు కొరింతి పట్టుమీదు మని దేవులు సజమేది వరిజ్ రాస్తి రుండి ఉత్తం

నెల్లు కిలిసినిక

ఇక్క అపొస్తలుడు ఆతి పవులు కొరింతి సజమేది వరిజ్ రాస్తిమన్ని రుండి ఉత్తం. యా ఉత్తమీదు పవులు వన్ని వందిజ్, మరి వాండ్లు ఎలాగ సువార్త పణి కిత్తాన్, మరి అయావలె వన్నిజ్ ఇని ఇనికెజ్ జర్లితె ఇజి యా ఉత్తమీదు లావ్ వెప్పిన్నాన్. కొరింతి పట్టుమీదు మన్ని దేవులు సజమేదికార్ సెగొండార్, ఆఇవరి బోద వెంజి పవులు అపొస్తలుడు అవిన ఇజి వెప్టార్. దన్ని వందిజ్ జవాబి వెప్పాలెకెండ్ యా ఉత్తమీదు నండ్ సజతిజ్ రాస్తి మనాద్. దేవులు ఇస్తిమాతి వజి యేసుప్రబునె వన్నిజ్ అపొస్తలుడు లెకెండ్ ఇత్తాన్ ఇజి రుజువ్ కిజినాన్. వాండ్లు కిత్తి పణిదునో, వెప్పా మాటదునో, వన్ని బత్తుదునో, ఇనికబా తప్పు మహిజ తోస్తి ఇజి వరిజ్ వెనెబాజినాన్. నన్ని వరి వెట మొకొ సుడేజి వర్దిదెజ్ తయారాజి వాజినాన్ ఇజి వెప్పి ఉత్తం ముగిసినాన్.

యేసుక్రీస్తు సాజి మరజి నిజేతి వెనుక యాబ్బుయ్ ఆరునో యాబ్బుయ్ ఏడునో పంటిజ్ వెనుక యా ఉత్తం రాస్తి ఇజి దిన్ని వందిజ్ నెస్తికార్ నమ్మిజినార్. పవులు మాసిదోనియదు మహివలె బాణిజ్ యా ఉత్తం రాస్తి పోక్తాన్ ఇజిబా వారు నమ్మిజినార్.

1 దేవులు ఇస్తిమాతి వజి యేసు క్రీస్తుజ్ అపొస్తలుడు ఆతి పవులుని మా తంబెరి ఆతి మోతితి కొరింతి పట్టుమీదు మని దేవులు సజమేది వరిజ్ని అక్కాయ ప్రాంతమీదు మని దేవులుదిజ్ నమ్మితి వరిజ్ వెజెరిజ్ రాసిని ఉత్తం.

2 మా బుబ్బాతి దేవులు బాణిజ్ని ప్రబువాతి యేసుక్రీస్తు బాణిజ్ దయాదర్మమని నమాదనం మిజి మనీద్.

ఓదరిసిని దేవులు

3 ఎస్తివలెబా మా ముస్సు కనికారం మనికాన్ ఆతి బుబ్బ, ఎస్తివలెబా మజి ఓదరిసిని దేవులు ఆతి, మా ప్రబు ఆతి యేసుక్రీస్తుజ్ బుబ్బ ఆతి దేవులు పొగిడే ఆపిన్.

4 ఎందనిజ్ ఇహిజ, విజి కస్తిమకాజ్ దేవులు మజి ఓదరిసిని ఓదర్చుదాన్ ఎలాగ మర్తి కస్తిమీదు మని వరిజ్బా ఓదరిస్తెజ్ మాపు సత్తుమనికావ్ ఆదెజ్ ఇజి వాండ్లు మా విజి కస్తిమకాజ్ మజి ఓదరిసినాన్.

5 క్రీస్తు వెట కస్తిమక మా బత్తుదు ఎలాగ లావ్ ఆజినెనో, అయాలెకెండ్ని క్రీస్తు వెట ఓదర్చుబా మా బత్తుదు నిండ్రేజి పొజిజి వాజినాద్.

6 మాపు కస్తిమీదు మనావ్ ఇహిజ అక్క మిజి దేవులు బాణిజ్ ఒదర్చు దోవొకెజ్ ఇజిని దేవులు మిజి రక్తిస్తుజ్ ఇజినె మాపు కస్తిమీదు మనావ్. దేవులు మజి ఓదరిస్తి మనిక మిజి ఓదర్చు దోవొకెజ్ ఇజినె. ఎందనిజ్ ఇహిజ, మజి వాతిమని లెకెండ్ కస్తిమక మిజి వానివలె, అయాలెకె మిరు డిజిన్ ఏండ్ ఓరిసినివలె అయ ఓదర్చు ఎలాగ మర్తిక ఇజి మిరు నెస్తిదిర్.

7 మజి వాతిమని కస్తిమకాజ్ మిరు ఎలాగ మా వెట కూడేజి మంజినిదెర్, అయాలెకెండ్ని మా వెట ఓదర్చుదుబా కూడేజి మంజినిదెర్ ఇజి మాపు నెస్తినావ్. అందెజ్ మీ వందిజ్ మాపు ఆనదాన్ ఎర్తు సూణిక కర్లింపండ్ మంజినాద్.

8 తంబెరిజాండ్, ఆసియ ప్రాంతమీదు మాపు ఓరిస్తిమని కస్తిమక మిరు నెస్తింపండ్ మండ్రేజ్ ఆవిద్ ఇజి మాపు కొరిజినావ్. మాపు సానావెస్తి ఇజి ఒడిబితావ్. మజి ఓరిస్తిజ్ అబ్ ఇ నని నసా కస్తిమక మిజి వాతె.

9 నిజమె సాపుదిజ్ సిక్కు మజి దోవొక మనాద్ ఇజి మాపు ఒడిబితావ్. గాని మాపు, మా ముస్సునె అదారం ఆవిండ్, సాతి వరిజ్ నిక్కి దేవులు ముస్సునె అదారం ఆదెజ్ ఇజినె ఇక్కెజ్ విజి మజి జర్లితె.

10-11 మీరుబా మా వెట కూడేజి పార్లనం కిజి సాయం కిత్తిజ్, దేవులు గొప్పు పెరి సాపు నని కస్తిం కాణిజ్ మజి తప్తిస్తాన్. మరి వాని కాలమీదుబా తప్తిసినానె. వాండ్లు మరి ఎస్తివలెబా మజి తప్తిసి మంజినానె ఇజి వన్ని వందిజ్నె మాపు ఆనదాన్ ఎర్తు సుడేజి మంజినావ్. నండ్ండార్ పార్లనం కిత్తిజ్, దేవులు బాణిజ్ అయ పార్లనమక వందిజ్ మజి కనికారం దోవొక్తి వందిజ్, నండ్ండార్ మా వందిజ్ దేవులుదిజ్ వందనమక వెప్పార్లె.

12 మా గర్బం వెప్పిని సాస్సం ఇనిక ఇహిజ, యా లోకమీదు మని బత్తుదుబా, మరి మీవెట మన్ని విజి సజతిజి లోఇబా గర్బం గదిన్ ఏండ్ దేవులు సిత్తిమని నెర్తి మన్చుదాన్, లోకమీదు మన్ని వరి బుద్దిదాన్ ఆవిండ్ దేవులు దయాదర్మమీది సత్తుదాన్ బత్తితావ్. దిన్ని వందిజ్ మాపు పొగిడేజినావ్.

13 నద్వెదిజ్నె, పూర్తి అర్లం కిదెజ్ అబ్ ఇ మాటిజ్నె మాపు మిజి రాస్తిజ్ సిల్లె.

14 ఏలు మీరు మజి నెగం నెస్తి మనిదెర్. గాని ప్రబు ఆతి యేసు మర్తి వాని దినమీదు మాపు మీ వందిజ్ పొగిడేజి వెహ్నావలె. అయాలెకెండ్ మా వందిజ్ పొగిడేజి వెహ్నాజ్ అట్టిలెకెండ్ మీరుబా నజి పూర్తి నెస్తిదిర్లె ఇజి మాపు ఆనదాన్ ఎర్తు సుడేజి మంజినావ్.

15 యాలెకెండ్ మా మన్చుదు నమకం తవ్ ఏండ్ మన్నిజ్, మిజి రుండి వంతుజ్ లాబం మండ్రేజ్ ఇజి ముజాల మీ డగ్రు వాదెజ్ ఇజి నజి ఉండ్రె ఉదెనం మహాద్.

16 ముజాల మీ డగ్రు వాజి మాసిదోనియ సాండ్రేజ్ ఇజి, మరి మాసిదోనియదాన్ మర్తి మీ డగ్రు వాజి, మీరు యూదయ దేనెం సాండ్రేజ్ మజి పోక్తిదెర్ ఇజి నాను ఒడిబితె.

17 యాలెకెండ్ కిదెజ్ ఇజి నాను ఒడిబితెవలె, యాక ఇజిరి సజతి ఇజి నాను ఒడిబితానా?. “ఒబ” ఇజి వెప్పి వెటనె “ఆవిద్, అవిద్” ఇజి వెహ్నాజ్ యాకెజ్ నాను లోకమీదిజ్ నెందితి లెకెండ్ కిజినానా?

18 దేవులు నమ్మిదెజ్ తగ్గికాన్ ఇజి మన్ని లెకెండ్నె, మాపు మిజి వెప్పి మని మాటిజ్ ఎస్తివలెబా ‘ఒబ’ ఇజినె మంజినె, “ఆవిద్” ఇజి వెప్పిజ్ ఆఉ.

19 ఎందనిజ్ ఇహిజ, నావెట, సిలువాసు వెట, తిమోతి వెట మీ నడిమి సాటి ఆతి మని దేవుణు మరిసి ఆతి యేసుక్రీస్తు 'బబ' ఇజినో 'అవిద్' ఇజినో అవతాన్. గాని వన్ని వెట అక్క ఎస్తివలెబా 'బబ' ఇజినో మంజినాద్.

20 దేవుణు సీతి ప్రమాణమకు ఎస్సాడు అతిజ్బా, అక్కెజ్ విజు క్రీస్తు వెట 'బబ' ఇజినో మన్నె. అందెజె దేవుణు గొప్ప పెరికాన్ ఇజ తోరె అదెజ్ ఇజ క్రీస్తు వెట 'అమెన్' ఇజ మాటు వెప్పినాట్.

21-22 మీ వెట మజెబా క్రీస్తు వెట కూడెజి గటిజ నీలోప్పి మంజినకాన్ దేవుణునె. బుర్రదాన్ నూనె వాక్కి కేట కిత్తి లెకెండ్ ఏర్పాటు కిత్తికాన్ దేవుణునె. వన్ని సొంతం ఇజ మా మున్ను ముర్ర పొక్కి, వెనుక మజె దొహ్కెజ్ మని మేలుజ వందిజ్ రుజువ్ లెకెండ్ వన్ని ఆత్మ ఇని బయోన్ మా మున్నుజ మజె సిత మనాన్.

23 మీ మున్ను, కనికారం మనిజ్నె నాను మరి కొరింతి పట్టుమదు రెవత, ఇని దనిజ్ దేవుణునె సాక్కి.

24 అందెజె మీరు దేవుణు మున్ను, నమకం ఇడ్డి దనిజ్ మీ మున్ను, అతికారం మనికావ్ ఇజ అవివ్ గాని సర్ల వందిజ్ మీ వెట కూడెజి పణికినికావ్ లెకెండ్నె. ఎందనిజ్ ఇహిజ దేవుణు మున్ను, మని నమకమదాన్ మీరు గటిజ నిల్పి మంజినెదెర్.

2

1 అందెజె మరి ఉండ్రీ సుటు దుకమదాన్ మీ డర్గు రెవ ఇజ నా మున్నుదు నానె నిరణెం కిత.

2 ఎందనిజ్ ఇహిజ, నాను మిజె దుకం తప్పి ఇహిజ, నా వెట దుకం అతికారాతి మీరు అవిండ ఎయెర్ నజి సర్ల కిబిస్సార్?

3 ఎందనిజ్ యా నజతిజ్ నాను మిజె రాస్త ఇహిజ, నాను వానివలె, నజి సర్ల కిబిస్సెజ్ మని వరివెట నజి దుకం రెవండ మండ్రెజ్ వలె ఇజ రాస్త. మరి నజి మని సర్లదు మీరుబా నావెట సర్ల అనిదెర్లె ఇజ మీ వందిజ్ నా మున్నుదు నమకం ఇట్టా మన.

4 మీరు దుకం అదెజ్ ఇజ అవిద్, గాని మిజె నాను ఎసానో ప్రేమిసిన ఇజ మీరు నెస్సెజ్ ఇజినె, నండో దుకమదాన్ మున్నుదు బాద ఆజి, ఎసానో కణెరు వాక్కి మిజె రాస్త మన.

తప్పు కిత్తి వరిజ్ సెమిస్సి వందిజ్

5 ఎయెన్బా దుకం కిబిస్సెన్ ఇహిజ, నజినె లావ్ అవిండ, వాండ్రు మిజె విజెరిజ్ కండెక్ దుకం కిబిస్సె మనాన్. అందెజె నజి దుకం కిబిస్సె వందిజ్ నాను గటిజ వెప్తాజ్ అవిద్గదె?

6 వన్నిజ్ మీ లొఇ నండెండార్ వెట సీతి సిక్కు సరి అనాద్.

7 అందెజె మీరు వన్నిజ్ సెమిసి ఒదరిస్తెజ్ వలె. ఎందనిజ్ ఇహిజ వాండ్రు మరి నండో దుకమదు మడుగేజి మని లెకెండ్ మండ్రెజ్ అవిద్ ఇజ.

8 అందెజె వన్నిజ్ మీరు ప్రేమిసినెదెర్ ఇజ మరి వన్నిజ్ మీరు తోరిస్తెజ్ వలె ఇజ నాను బతిమాల్తిన.

9 మీరు విజు దనిజ్ లొజెజి తగ్గెకిదెర్ లెకెండ్ మంజినెదెరా ఇజ నెస్సెజ్నె నాను మిజె రాస్త మన.

10 మీరు ఎయెరిజ్బా సెమిస్సెజ్ నానుబా వన్నిజ్ సెమిసిన. మరి ఇనిదని వందిజ్బా సెమిస్సెజ్ ఇహిజ, మీ వందిజ్ అక్కబా క్రీస్తు ఎర్రు నాను సెమిస్సె మన.

11 ఎందనిజ్ ఇహిజ, నయ్యూన మా మున్ను, గెల్లిస్సెజ్ అవిద్ ఇజ నాను సెమిస్సె మన్నె. మరి వన్ని సెఇ పణిజి వందిజ్ మాటు నెన్ ఇకావ్ అవట్గదె?

కొత్త బప్పుమానం వందిజ్ సాటిస్సికార్.

12 క్రీస్తు సువార్ల సాటిస్సెజ్ నాను త్రోయ పట్టుమదు వాతివలె అబ్బె నెగ్గి అవ్కానం దేవుణు నజి సీతాన్.

13 గాని నా తంబెరి ఆతి తీతుజ్ తోవెండ నా మున్నుదు నిపాతి సిల్లెండ ఆతిజ్, వరిజ్ నాను సొన్నిన ఇజ వెప్పి అబ్బెణిజ్ మాసిదోనియ సొండ్రెజ్ సొత్.

14 గాని మాపు దేవుణుదిజ్ వందనమకు వెప్పినావ్. ఎందనిజ్ ఇహిజ, క్రీస్తు వెట కూడితి మజి దేవుణు ఎస్తివలెబా గెల్లిస్సె వరి సర్లదాన్ నడిపెసినాన్. ఉండ్రీ నెగ్గి వాననం లెకెండ్ విజుబాన్ మాపు సాటిస్సె సువార్లదాన్ క్రీస్తు వందిజ్ విజెరి నెస్సెలెకెండ్ వాండ్రు కిబిస్సెన్.

15 దేవుణు రక్కిస్సి వరి నడిమి, పాడాజి సొన్నిని వరి నడిమి మాపు దేవుణుదిజ్ క్రీస్తుది నెగ్గి వాననం లెకెండ్ ఆత మనావ్.

16 పాడాజి సొన్నిని వరిజ్ మాపు సాతి బడెలోది కంపు లెకెండ్ మనావ్. దేవుణు రక్కిస్సి వరిజ్ బత్తు, సిజిని నెగ్గి వాననం లెకెండ్ మనావ్. నిని పణిదిజ్ తగ్గెకాన్ ఎయెన్ మనాన్?

17 మహి నండెండార్ లెకెండ్, లాబం రవిద్ ఇజ దేవుణు మాటదిజ్ బేరం కినికావ్ అవవ్. దేవుణు బాణిజ్ పొకె ఆతివరి లెకెండ్ క్రీస్తు వెట కూడెజి సీనినిజాయిదాన్ దేవుణు ఎర్రు మాపు వర్గెజినావ్.

3

1 మరి మజి మావె మర్రి పొగడిజి వెప్తాజ్ మొదొల్పాసా? సెగెండారిజ్ అవ్నరం మని లెకెండ్ మీబాణిజ్నె, మిజె తోరిస్తెజ్ ఇజినో, కీదు పొక్కిని నెల్వ కిబిస్సి ఉత్తమకు మజి మండ్రెజ్నా?

2 మా మున్నుజ రానె అతిమని లోకుర్ విజెరె నెసి నద్దిజిని ఉత్తమకు మీరె.

3 వణకుదాన్ తయార్ కిత్తి బల్లెజ మున్ను, గీస్తి మనిక అవిద్, మరి సిరదాన్ రాస్తిక అవిద్, గాని లోకురి మున్ను ఇని మెతాని బల్లెజ మున్ను, మాపు కిత్తి సువార్ల పణిదాన్ బత్తిజిని దేవుణు ఆత్మదాన్, రానె అతిమని క్రీస్తుబాణిజ్ వాతి మని ఉండ్రీ ఉత్తమనె మీరు ఇజ మీరె తోరిసినెదెర్.

4 క్రీస్తు వెట దేవుణు ఎర్రు మా మున్నుదు సస్సా నమకం మనాద్.

5 మాపు కిజిని పణిజి విజు మా సత్తుదాన్ మావె కిజినావ్, ఇజి ఒడోబిదిజ్ మా లొఇ ఇనికబా సిల్లెద్. యాకెజ్ కిదిజ్ మని సత్తు దేవుణు బాణిజ్నె వాతాద్.

6 వాండ్రె మజి కొత్త ఒప్పుమానంమదిజ్ నెగెండ పణికనికార్ ఇజి ఇట్ట మనాన్. కొత్త ఒప్పుమానం ఇహిజ అనరమ్దాన్ రాస్తిక అవద్, బత్తిజిని దేవుణు అత్తుదాన్ వాతిక. ఎందనిజ్ ఇహిజ అనరమ్దాన్ రాని అతి ప్రమాణం సాపు తపిసినాద్. అత్తుదాన్ వాతి ప్రమాణం పాణం నీజినాద్.

కొత్త ఒప్పుమానం ఇని గొప్పు పెరి నజతి.

7 పణకు బల్లజ మున్ను అనరమ్దాన్ రాని అతిమని సాపు తపిస్తి ప్రమాణం నస్సా గొప్పు పెరిక మహద్.

8 ఇహిజ, మోని మొకొం తగిజ సొస్సిని జాయ్దాన్ మహిజ్బా, ఇస్రాయేలు లోకుర్ వన్ని మొకొమ్దు తినాజ్ బెస్సెజ్ అట్ఇ లెకొండ్ గొప్పు పెరి జాయ్దాన్ మహన్. అక్క అయాలెకొండ్ పెరిక మహద్ ఇహిజ, దేవుణు అత్తుదాన్ మని పణిజ్ దన్నిజ్ ఇంక ఎస్సానో గొప్పు పెరిక అవ్దా?

9 లోకురిజ్ తీర్పు తీరిసి సిక్కి సీని పణి నస్సా గొప్పు పెరిక మహద్ ఇహిజ, లోకురిజ్ నీతి నిజాయతిదికార్ కిజిని యా పణి, దనిజ్ ఇంక ఒద్దె పెరిక మంజినాద్.

10 ఏలు మనిక ఒద్దె గొప్పు పెరిక అతిక అతిజ్, దినిజ్ పోలిసి నుడోతిజ, ముజాల గొప్పు పెరిక మహి దనిజ్ ఏలు ఇనిక సిల్లెండ అతాద్.

11 అనరమ్దాన్ రాని అతి, కండెక్ కాలం మహి యా ప్రమాణం యాలెకొండ్ గొప్పు పెరిక వాతాద్ ఇహిజ, ఎస్తివలెబా మంజిని యా కొత్త ప్రమాణం మరి ఒద్దె గొప్పు పెరిక మంజినాద్.

12 మాపు యాలెకొండ్ అనదాన్ ఎర్దు నుడోజి మంజినాట్. అందెజి మా మన్నుదు దయరమ్దాన్ మనాన్.

13 మాపు మోని లెకొండ్ అవ్ద. ఎందనిజ్ ఇహిజ ఇస్రాయేలు లోకుర్ వన్ని మొకొమ్దు మని తగిజి సొని జాయ్దాన్ బేన్ఎండ మోని వన్ని మొకొమ్దు టుకర్ ఇట్టాన్.

14 గాని వరి మన్ను గుడిజ అత మహద్. అందెజి ఏలుబా వారు పడాాయి ఒప్పుమానం నద్దిజినివలె వరి మన్నుజ మున్ను అయా టుకర్ ఏలుబా లాగి అవ్ద అయా లెకొండ్ నె మనాద్. ఎందనిజ్ ఇహిజ క్రీస్తు వెటినె అక్క లాగి అజినాద్.

15 ఏలుదాక మోని రాస్తి మనికెజ్ వారు నద్దిజిని వలె వరి మన్నుజ మున్ను. ఉంట్ట టుకర్ మని లెకొండ్ నె మనాద్.

16 గాని ఎయెనబా ఎస్తివలెబా ప్రబువాతి యేసుక్రీస్తు దరిజ్ మహిజిజ వన్ని బాణిజ్ టుకర్ లాగి అజినాద్.

17 ప్రబు ఇహిజ దేవుణు అత్తునె. ప్రబు అత్తు మజి విడుతల కిజినాద్.

18 మాటు విజెటె టుకర్ మనిజ మొకొమ్దాన్, అదమ్దాన్ జాయ్ తోరితి లెకొండ్, ప్రబు జాయ్ తోరిసినాట్. అత్తు అతి ప్రబుబాణిజ్ వాని జాయ్దాన్ మరి ఒద్దె జాయ్ అజి వన్ని మూర్తి లెకొండ్ అజి మంజినాట్లె.

4

ఒడోల్ ఇని ఇస్కా కుండ లోఇ మన్ని ఆస్తి

1 దేవుణు కనికారమ్దాన్ మాపు దేవుణు పణిదు మనాన్. అందెజి మాపు మన్నుదు దయరం సిల్లెండ అవ్ద.

2 మాపు సిగు లాగిని డాజిజి కిజిమహి పణిజ్ డిస్త సిత్తావ్. మాపు మోనిం కిదెజ్ ఇజి నుడోవెవ్. మాపు దేవుణు మాట మని లెకొండ్ దనిజ్ మారిన్ఎండ వెస్సినావ్. మాపు మోనిం కిదెజ్ ఇజి నుడోవెవ్. మాపు దేవుణు మాట మన్ని లెకొండ్ మారిన్ఎండ వెస్సినావ్. అక్కాదె అవ్ద నిజమాతికెజ్ విజెరిజ్ నెసిని లెకొండ్ వరి గర్భమ్దిజ్ ఎర్దు మజి మావె నెగెండ దేవుణు ఎర్దు బత్తిజినావ్.

3 మాపు వెస్సినె సువార్త డాజి అతి మహిజ, అక్క పాడాజి సొస్సిని వరిజి డాజి అత మనాద్.

4 దేవుణు మూర్తి అతిమని క్రీస్తు జాయ్ అతి సువార్తదిజ్ జాయ్, వరిజ్ తోరిఎండ మంజిని వందిజ్ యా తరమ్దిజ్ అతికారి అతి సెతూసు నమకం సిల్లికార్ అతివరి మన్నుది కణకెజ్ గుడ్డి కిబిస్తాన్.

5-6 “సికటిదాన్ జాయ్ అవ్ద”, ఇజి వెస్తి దేవుణునె, క్రీస్తు మొకొమ్దు మని జాయ్ దేవుణు గెణమ్ది జాయ్ మజి మండ్రెజ్ ఇజి వన్ని జాయ్ మా మన్నుజ జాయ్ సీని లెకొండ్ మజి సెత్త మనాన్. అందెజి మజి మావె అజి సువార్త సాటిన్ఎవ్. గాని యేసుక్రీస్తు ప్రబు ఇజి ఒడిబిజి, మాపు యేసు వందిజ్ మిజి పణి కినికావ్ ఇజి సువార్త సాటిసినావ్.

7 అహిజ విజు దన్నిజ్ మిస్తి యా నత్తు మాది అవ్ద, గాని దేవుణు బాణిజ్ వాతిక ఇజి తోరి అదెజ్ ఇజి యా నెగ్గి ఆస్తి మా ఒడోల్ ఇని ఇస్కా కుండెజ్ లోఇ మజి దోహక్త మనాద్.

8 విజు దరిబాణిజ్ గటిజ సీవె అజినికావ్ గాని పెడోహికావ్ అవ్ద. ఇనిక కిదెజ్ ఇజి తెల్లిఎండ అతికావ్ గాని ఇన్ని అన సిల్లికావ్ అవ్ద.

9 హిమెసిజ్ కిబె అజినావ్ గాని డిసి సిబె అతికావ్ అవ్ద. డెయె అజి అడిగి అర్తికావ్ గాని నానం అజినికావ్ అవ్ద.

10 మాపు ఎస్తివలెబా మా ఒడోల్దు యేసు సాపుదిజ్ బరిసినావ్, ఎందనిజ్ ఇహిజ యేసు బత్తుబా మా ఒడోల్దాన్ తోరి అదెజ్ వలె ఇజి.

11 ఏలు బత్తిజినికావ్ అతి మాపు ఎస్తివలెబా యేసు వందిజ్ సాపుదిజ్ ఒవజెవె అజినావ్. ఎందనిజ్ ఇహిజ నానం అజి సొని మా ఒడోల్దు యేసు బత్తు తోరి అదెజ్ వలె.

12 అందెజి సాపు మా లోఇ పణి కిజినాద్ గాని మీ లోఇ పాణం పణి కిజినాద్.

13 “నాసు నమ్మిత మన్ను. అందెజి నాసు వర్ణిత మన్ను”, ఇజి దేవుణు మాటదు రాస్త మనాద్. అయాలెకొండ్ మన్ని మన్నుదాన్ మాపుబా నమ్మిత మనావ్, అందెజి వర్ణిజినావ్.

14 ఇనిక ఇహిజ, ప్రబు అతి యేసుజ్ సాతి వరిబాణిజ్ నిక్రికాన్, యేసు వెటె మజిబా నిక్రి మీవెటె వన్ని ఎర్దు నిల్పాన్ ఇజి మాటు నెసినాట్.

15 దేవుణు దయా దర్శం మరి ఒద్ది నండొండారిజ్ అందిజి సార్పివలె, నండొ పార్లనమ్మకు కిజి, మరి వందనమ్మకు వెప్పొ వారు దేవుణుదిజ్ గవ్వరం సీనార్లె. యాకెజ్ విజు మీ వందిజ్నె.

16 అందెజె మాపు మన్నుదు దయరం సిల్లికావ్ ఆవివ్. వెల్లి తోరె ఆజిని మా ఒడొల్ పాడాజి సొన్నినాద్ గాని మా మన్నుదు మాపు రోజు రోజుదిజ్ కొత్త సత్తు మనికావ్ ఆజినావ్.

17 మాపు ఒరిసిని యా సాణెం మంజిని ఇజిరి కన్నమ్మకు, మజి వనకాజ్ విజు మిస్తిక ఆతి ఎలాకాలం మంజిని గవ్వరం దొహ్కొన్నె.

18 అందెజె మాపు తోరిజిని వనక మున్ను మన్ను ఇడొవిండ, తోరెజి వనక వందిజ్నె ఎద్దు సుడొజినావ్. ఎందనిజ్ ఇహొజు తోర్పొకెజ్ సెగం కాలమనె మంజినె, తోరెఇకెజ్ ఎలాకాలం మంజినికెజ్.

5

1 యా బూమి మున్ను మాపు బత్తిజిని గుడారం* లెకెండ్ మని మా ఒడొల్ ఎన్నివలె నానసం ఆతి సాహిజబా. మా వందిజ్ దేవుణు మంజిని బాడిదు లోకు కిక్కాణిజ్ తొహ్కె ఆవిండ, దేవుణు తయారొ కిత్తి మన్ని ఎలాకాలం మంజిని ఉండ్రొ ఇల్లు మంజినాద్ ఇజి మాపు నెస్సావ్.

2 పరలోకమ్మదు మన్ని ఇల్లు లెకెండ్ మన్ని ఒడొల్దు మండ్రెజ్ ఇజి ఆసదాన్ యా గుడారం ఆతి ఒడొల్దు మాపు ములుజిజెనె మంజినావ్.

3 మాపు అబ్బె ఒడొల్ మన్ని వరి లెకెండ్ మన్నిజ్ మా ఆత్మ డుమ్మడ లెకెండ్ తోరెవ్.

4 గుడారమాతి యా ఒడొల్దాన్ మన్నివలె మాటు ములుజిజె బరు పిండొజిని వరిలెకెండ్ మంజినావ్. యా ఒడొల్ డొసి నీదెజ్ ఇజి సిల్లెద్. గాని దేవుణు మంజిని బాడిదు మని ఒడొల్దు మండ్రెజ్ ఇజి ఆస ఆజినావ్. అందెజె సాపు మన్ని యా ఒడొల్ ఎనెజబా సాపు నీల్లి పాణం మని ఒడొల్ లెకెండ్ మార్పాద్లె.

5 వన్ని ఆత్మదిజ్ బయారొ లెకెండ్ మజి సీతిమనికాన్ ఆతి దేవుణునె దిన్ని వందిజ్ మజి తయారొ కిత్తి మనాన్.

6 అందెజె మాపు ఎన్నివలెదా మన్నుదు దయరం మనికావ్. మాపు యా ఒడొల్దు ఇబ్బె బత్తిజిని దాక ప్రబు బాణిజ్ దూరం మనావ్ ఇజి నెనినావ్.

7 మాపు దేవుణు మున్ను మని నమకమ్దానె బత్తిజినావ్. కణకెజు తోర్పొని వన్నిక దటాజ్ ఆవిద్.

8 యా ఒడొల్దు బత్తిని దన్నిజ్ ఇంక, యాక డొసి సీజి ప్రబు వెట మంజినికాద్ మజి ఒదె ఇష్టం, దిన్ని వందిజ్ మజి మన్నుదు దయరం మనాద్, ఇజి నాను వెస్సాన్.

9 అందెజె, మా ఒడొల్దు ఇబ్బె బత్తిజి మహిజ్బా, యాక డొసి సీజి ప్రబు వెట మహిజ్బా వన్నిజ్ ఇష్టమాతి లెకెండ్ మండ్రెజ్ ఇజి మాపు గురి నుడొజినావ్.

10 ఎందనిజ్ ఇహొజు ఒరెన్ ఒరెన్ యా ఒడొల్దాన్ మహివలె కిత్తి పణిజు వందిజ్, అయాకెజ్ నెగ్గెకెజ్ ఆతిజబా, సెఇకెజ్ ఆతిజబా దన్నిజ్ తగిలి లెకెండ్ దొహ్కొని వందిజ్ మాటు విజెటి క్రీస్తు నాయం తీరిస్సి బాడిదు తోరె ఆదెజ్ వలె.

మహి వరిజ్ దేవుణు వెట కూల తోహ్పొస్సి పణి

11 అందెజె దేవుణుదిజ్ ఎస్సొన్ తియిలాజి మండ్రెజ్ ఇజి నెనినె, మహి వరిజ్ అయాలెకెండ్ మండ్రు ఇజి బుద్ది వెస్సొనావ్. మాపు ఎలాగొ మర్రికావ్ ఇజి దేవుణు నెనినాన్. మీ గర్లం ఎద్దు మీరుబా మజి నెనినిదెరె ఇజి మాపు ఆస ఆజినావ్.

12 మరి మాపు మీ ఎద్దు మా వందిజ్ పొగొడిజి వెహ్కె ఇజి సుడొవివ్, గాని మా వందిజ్ పొగొడిదెజ్ మిజి ఉండ్రొ అవ్కాసం సీజినావ్. ఎందనిజ్ ఇహొజు మన్నుదు మనికెజ్ నెన్విండ, వెల్లి తోర్పొకెజ్ సుడొజి పొగొడిజి వర్గజిని వరివెట మర్రి వెహ్కె మీరు అట్టికిదెరె ఆదెజ్ ఇజినె.

13 మాపు వెరిదికావ్ లెకెండ్ మనావ్ ఇహొజు అక్క దేవుణు వందిజ్నె. నెగ్గె బుద్ది మనికావ్ ఇహొజు అక్క మీ వందిజ్నె.

14 క్రీస్తు ప్రేమ మజి బలవంతుం కిజి నడిపెనినాద్. ఎందనిజ్ ఇహొజు విజెరె వందిజ్ ఒరెన్ సాతాన్ అందెజె విజెరె సాతారొ ఇజి ఇని అనుమానం సిల్లెండ నెనినావ్.

15 మరి, వాండ్రు విజెరె వందిజ్ సాతాన్ ఇజి బత్తిజినికారొ విలుదాన్ వరి వందిజ్నె బత్తివిండ వరి వందిజ్ సాజి మర్రి నిజితి వన్ని వందిజ్నె బత్తిదెజ్ ఇజి నెనినావ్.

16 అందెజె విలుదాన్ మాపు ఎయెరొ వందిజ్బా యా లోకమ్మదు మనికారొ ఒడొబిని లెకెండ్ ఒడొబివ్. క్రీస్తుజ్ వందిజ్బా ముజాల యా లెకెండ్నె ఒడొబితావ్ గాని విలుదాన్ వన్ని వందిజ్ అయాలెకెండ్ ఒడొబివివ్.

17 అందెజె, ఎయెనెబా క్రీస్తు వెట కూడితిజు, వాండ్రు కొత్తాజ్ తయారొ ఆజినాన్. పడాఱియికెజ్ విజు సాహె, ఇదిలో విజు కొత్తాకెజ్ ఆతి.

18 యాకెజ్ విజు దేవుణు బాణిజ్నె ఆతి. దేవుణు వెట పగాతికాల్ మజి క్రీస్తు వెట, దేవుణు మజి వన్నిజ్ కూలెజ్ లెకెండ్ కిత్తాన్. మరి మహికారొ దేవుణు వెట వన్నిజ్ కూలెజ్ లెకెండ్ తయారొ కిని పణిబా మజి ఒపజెప్తాన్.

19 అహొజు, దేవుణు లోకురి పాపమ్మకు విజు వరి మున్నునె మొవ్విండ, లోకమ్మదు మని వరిజ్ క్రీస్తు వెట వన్నిజ్ కూలెజ్ లెకెండ్ కిత్తాన్. మహి వరిజ్ దేవుణు వెట కూలెజ్ లెకెండ్ కిబిన్ని అయ మటెజ్ మజి ఒపజెప్తాన్.

20 అందెజె మాపు క్రీస్తుజ్ బోగటు వెస్సొకావ్. దేవుణు మా వెట మిజి బతిమాలెజిని లెకెండ్ వర్గజినాన్. మీరు దేవుణు వెట పగాతికిదెరె లెకెండ్ మన్విండ వన్నివెట రాజనమాజి వన్నిజ్ కూలెజ్ లెకెండ్ మండ్రు ఇజి మాపు క్రీస్తు వందిజ్ మిజి బతిమాలెజినావ్.

* 5:1 5:1 ఇల్లు, గుడున ఇజిబా ఒడొబిదెజ్ అనాద్

21 మాటు క్రీస్తు వెట దేవుణులు ఎదురు నీతినిజాయ్తు మనికాల్ అదెజ్ ఇజ దేవుణులు ఇని పాపం సిల్లికాన్ అతి క్రీస్తుజ్ మా వందిజ్ పాపం అదెజ్ ఇట్టాన్.

6

1 దేవుణులు వెట జత కూడెజి పణికినికావ్ ఇజ మపు మిజి బతిమాల్లినిక ఇనిక ఇహిజ, దేవుణులబాణిజ్ మిజి దోహక్తి మన్ని దయా దర్దు పణిదిజ్ రెజదని లెకెండ మీరు కిదిజ్ అవద్.

2 “నీను మొరొ అతిక తగితి నమయమదు నాను వెహమన్ను. రక్తీస్టెజ్ మన్ని రోజుదు నాను మిజి సాయం కిత మన్ను ఇజ వాండ్రు వెహ్సానాన్”, ఇజ దేవుణులు మాటదు రాస్త మనాద్. అందెజె నాను వెహ్సాన, ఇక్కాదె దేవుణుది తగితి నమయం. ఇక్కాదె దేవుణులు రెసినిని రోజు.

పపులుజ్ వాతి కస్టమ్కు

3 ఎయెరిజ్ బ ఇని తోరో ఇడెఎండ మపు కిజిని విజు పణిదు ఎలాగ మర్తి నిందబా రెండండ మాపు సుడెజనావ్.

4 విజు వన్యా లొఇ దేవుణులు వందిజ్ పణి కినికావ్ ఇజ మజి మాపె తోరినినావ్. ఎలాగ ఇహిజ కస్టమ్కు విజు గొప్పజు ఓరిసినిబాన్, ప్రమెజు లొఇ బాద్ అనిబాన్, దుకమ్దు,

5 డెయె అనిబాన్, జెలిదు మన్నిబాన్, మహికార్ గొడెబు అనిబాన్, కస్టబాడెజు పణి కినిబాన్, నిర్తి సిల్లి రెయ్కాజ్, బజ అతివలె, దేవుణులు వందిజ్ పణికినికావ్ ఇజ మజి మాపె తోరినినావ్.

6 మాపు ఇని తప్పుబు నిల్లెండ మహావ్. అర్తం కిజ నెసినిబాన్, ఓరిసినిబాన్, దయ అనిబాన్, దేవుణులు అత్తు వెట, కల్లి సిల్లి ప్రేమదాన్,

7 నిజమాతి మాటెజ్ వర్గిని దన్ను లొఇ, దేవుణులు సత్తు లొఇ, ఉణిర్ డెబు కిక్కాణిజ్ నీతి నిజాయ్తి ఇని ఆయదమ్కు అస్సిబాన్,

8 ముక్కాదె సిత్తిబాన్, సిగు అతిబాన్, పాగ్డె అనిబాన్, సెఇ మటిజ్ వెహ అనిబాన్ దేవుణులు వందిజ్ పణికినికావ్ ఇజ మజి మాపె తోరినినావ్. నిజమాతికెజ్ మావ్ వర్గిజనావ్ గాని అబద్దం వర్గినికావ్ ఇజ లోకర్ మజి ఒడెబిజనార్.

9 విజెర్ బాగ నెస్తికార్ గాని ఎయెరిబా నెన్ ఇ వరిలెకెండ మనావ్. సాజిని వరిలెకెండ మహిజబా మాపు బత్తిజనావ్. డెయె ఆజినావ్ గాని సపె ఆవిమ్.

10 దుకమ్దాన్ మన్నికావ్ గని ఎస్తివలెబా సర్ల మన్నికావ్. బీదాదికావ్ గాని నండెండారిజ్ ఆస్తి మన్నికార్ కిజనావ్. ఇనికబా సిల్లికావ్ గాని విజు మన్నికావ్.

11 కొరింతి పట్టుమిదికిదిరా, ఇనికబా డావ్ఎండ మా మన్నుదు మన్నికెజ్ విజు మీవెట మాపు వర్తి మనావ్.

12 మాపు మీ వందిజ్ ప్రేమదాన్ కిక్కు సాహ్సావ్. మీరు మూక్తి కిక్కుబా మా వందిజ్ సావజదెర్.

13 మీరు నా కొడెజ్ ఇజ మిజి యా లెకెండ వెహ్సాన. మాపు మీ వందిజ్ కిత్తి లెకెండ మీరుబా మా వందిజ్ కిదు. మా వందిజ్ మీ ప్రేమ తోరిస్త.

నమ్మిఇ వరి వెట జత్తు కూడెదెజ్ అవద్.

14 నమ్మిఇ వరివెట మీరు జత్తు కూడెజు మన్నాట్. నీతి నిజాతిమనికార్ని సెఇకార్ ఎలాగ కుడెజు మండ్రెజ్ అట్టి? జాయ్ని నీకటి ఎలాగ ఉండ్రెబాన్ కుడెజు మండ్రెజ్ అట్టి?

15 క్రీస్తుజ్ గకాతికాన్ అతి బెలియాలుదిజ్ క్రీస్తు వెట ఇని పొత్తు మనాద్. నమ్మితి వరిజ్ నమ్మిఇ వరిజ్ ఇని పొత్తు మనాద్?

16 దేవుణులు గుడిదిజ్ బోవ్మెజు వెట ఇని పొత్తు మనాద్? మాపు బత్తిజని దేవుణుది గుడిజె అత మనావ్. అహిజ దేవుణు వెహ్సా లెకెండె, “నాను వరివెట బత్తిజు వరివెట నడిస. నాను వరిజ్ దేవుణు ఆజి మంజినాన్లె. వారు నా లోకర్ ఆన మంజినార్”.

17 “అందెజె వరి బాణిజ్ వెల్లి వాజు కేట మండ్రు”, ఇజ ప్రబు వెహ్సానాన్. “నుబారం సిల్లి ఇని దనిజ్ బా ముట్మాట్, నాను మిజి డగ్గు కిన”.

18 “నాను మిజి బుబ్బు ఆన మంజిన, మరి మీరు నజి మరిసిర్ గాల్గిత్ ఆనిదెర్లె”, ఇజ విజు నత్తుజ్ మనికాన్ అతి ప్రబు వెహ్సానాన్”.

7

1 నజి ఇస్తమాతి తంబెరిజాండె, దేవుణులు మజి యాలెకెండ ప్రమాణమ్కు సిత్తు మనాన్. అందెజె ఒడెల్దిజ్ అత్తిదిజ్ సెఇజ్ కిజిని విజు వనక బాణిజ్ దూరం మంజు మజి మాటె సుబారం కిజ, దేవుణుదిజ్ గొప్ప ముక్కాదె సీజ, మూర్తి నెగ్గాట్ అజి మంజినాట్.

2 మీ మన్నుజు మజి బాడ్డి సిదాట్. మాపు ఎయెరిజ్ బా ఇని తప్పుబా కివతావ్. ఎయెరిజ్ బా పాడె కివతావ్. ఎయెరిజ్ బా ఇనికబా మోసం కిజ లాగ్గి అవతావ్.

3 మీరు తప్పు కిత్తిదెర్ ఇజ మీ మున్ను తప్పు మోహ్తెజ్ ఇజి నాను ఇక వెహ్సావి. ఎందనిజ్ ఇహిజ, నాను ముజాల వెహ్సా మన్ని లెకెండ మీరు మజి నండె డగ్గుహికిదెర్. అందెజె మాపు బత్తిజుజ్ బా మీ వెటన, సాతిజ్ బా మీ వెటన ఎస్తివలెబా మంజినావ్.

4 మీ వందిజ్ నా మన్నుదు నండె దయరం మనాద్. మీ వందిజ్ నాను గొప్ప పొగ్డిజు. నాను ఓదర్దుదాన్ నిండ్రిత మన్ను. నజి నండె కస్టమ్కు వాతె గాని నాను గొప్ప ఓదర్దుదాన్ మన్ను.

5 మాపు మాసిదోనియాదు వాతి వెనసుకబా కండెకెబా రోమ్దిజ్ అట్వితావ్. విజు దరిజాణిజ్ మజి కస్టమ్కున మహె. వెల్లిహాన్ గొడెబెజ్, మా లొఇ ఇహిజ తియెల్దాన్ మహావ్.

- 6 గాని ఇని ఆన సిద్ధాంతం అడిగి అర్థి వరిజ్ ఓదనిసినీ దేవుణులు, తీతు వాతిజ్ వన్నివెట ముజీ ఓదరిస్తాన్.
- 7 వాండ్లు వాతి దని వెటనె ఆవిండ, మీరు వన్నిజ్ ఓదరిస్తా దనివెటా దేవుణులు ముజీ ఓదరిస్తాన్. నా వందిజ్ మీ మున్నుదు మని ప్రేమ వందిజ్, మీరు నా వందిజ్ నండ్ దుకం ఆతి వందిజ్, మరి నా వందిజ్ మీ మున్నుదు ఎస్సా ఆన మనాద్ ఇజి వాండ్లు నండ్ వెహ్సాన్. అందెజె నాను మరి ఒదె గొప్ప సర్ల ఆత.
- 8 నాను మిజ్ రాస్తి ఉత్తమదాన్ మీరు దుకం ఆతిజ్, నజీ దని వందిజ్ విసారం సిల్లెద్. అయ ఉత్తం మిజ్ సెగం రొన్ను దుకం కిటిస్తాద్ ఇజి నెస్తానె విసారం అన్న.
- 9 గాని నాను ఏలు దని వందిజ్ సర్లదాన్ మన. మీరు దుకం ఆతి వందిజ్ ఆవిద్, గాని మీరు అయ దుకమదాన్ దేవుణులు ఎర్దు మీ తప్పజ్ ఒప్పకొడెజి మారు మున్ను పొందితిదెర్ ఇజి నాను సర్లదాన్ మన. దేవుణులు ఇస్సమాతి వజనె మీరు దుకం ఆతిదెర్, అందెజె దనివెట మిజ్ ఇనికబా నస్సం రెవత.
- 10 దేవుణులు ఇస్సమాతి వజి వాజిని దుకమదాన్, దేవుణులు మిజ్ రక్కిన్సి లెకెండ్ మీ లొక మారు మున్ను పుటిసినాద్. అయ మురు మున్ను దుకం పుటిసెద్. లొకమదిజ్ సెందితి దుకం సాపు తప్పెసినాద్.
- 11 దేవుణులు ఇస్సమాతి వజి వాతి యా దుకమదాన్ మీరు ఎస్సానొ జాగర్ల మనికిదెర్ ఆతిదెర్. మరి మీరు కల్లి సెలికిదెర్ ఇజి తొరెన్సెజ్ ఎస్సానొ ఆన, తప్పె వజి వందిజ్ ఎస్సానొ కొంప రెపిస్తాద్. మరి, దేవుణులు వందిజ్ ఎస్సానొ తియెల్, దేవుణులు వందిజ్ ఎస్సానొ ప్రేమ, దేవుణులు వందిజ్ వజి కిదెజ్ మున్నుదు ఎస్సానొ ఆన, నయం జర్గిజి మండ్రెజ్ ఇజి ఎస్సానొ ఆన, మీ లొక పుటిస్తాద్. యా విజి నజతిజి వందిజ్ మీరు నెగ్గికిదెర్ ఇజి రుజువ్ కిజి ఆతె.
- 12 అందెజె, నాను మిజ్ ఉత్తం రాస్తిక అయ సెజి వజి కిత్తి వన్ని వందిజ్ ఆవిద్. వాండ్లు కిత్తి వజిదాన్ దుకం ఆతి వన్ని వందిజ్ ఆవిద్. గాని మా వందిజ్ మీ మున్నుదు ఎస్సానొ ఆన అజనిదెర్ ఇజి దేవుణులు ఎర్దు మీరు నిజం నెన్సెజ్ ఇజినె నాను రాస్తి.
- 13 యా విజి వన్నా వందిజ్ మాపు ఉసారొ కిజి ఆతావ్. అక్కాదె ఆవిండ, మీరు తీతు మున్ను నలాజ్ కిత్తి వందిజ్ వాండ్లు సర్లదాన్ మనికబా సుడెజి మాపు మరి ఒద్దె సర్ల ఆతావ్.
- 14 నాను మీ వందిజ్ తీతు ఎర్దు పొగ్డిజిజె వెహ్సా వందిజ్ మీరు నజీ సిగు కిజితిదెర్. మాపు మిజ్ వెహ్సా విజి మాటెజ్ ఎలాగ నిజమాతికెనొ, అయాలెకెనె మీ వందిజ్ తీతు వెట పొగ్డిజిజె వెహ్సాకెనె నిజం ఇజి తొరె ఆతె.
- 15 మీరు విజెదెర్ వన్నిజ్ లొజిజె, ఎస్సానొ తియెలాజి ఆజి, వణకుదాన్ వన్నిజ్ డెర్లు కిత్తిదెర్. అక్క, ఎత్తు కినివలి మీ వందిజ్ వన్ని మున్నుదు మని ప్రేమ మరి ఒద్దె పిరిజనాద్.
- 16 మరి మీ వందిజ్ మున్నుదు పూర్తి దయరమదాన్ మండ్రెజ్ అనాద్ ఇజి నాను సర్ల మున్ను.

8

దేవుణుదిజ్ సంత సీని వందిజ్

- 1 తందెరిజాండె, మాసిదొనియూదు మన్ని దేవుణులు సజమకాజ్ దేవుణులు తొరెన్సి మన్ని వన్ని దయా దర్మం వందిజ్ మీరు నెసి మండ్రెజ్ ఇజి మాపు కొరిజనాన్.
- 2 వరిజ్ వాతి గొప్ప పెరి కస్టమకాణిజ్ వారు పరిస కిజి ఆతారొ గాని ఒద్దె సర్ల ఆజి మహారొ. వారు గొప్ప బీదదికారొ ఆతి మహిజ్ దేవుణులు వందిజ్ నండ్ సీదెజ్ అక్క, వరిజ్ అడ్డు కివితాద్.
- 3 నాను పరి వందిజ్ వెహ్సాని సాస్యం ఇనిక ఇహిజ, వరిజ్ ఎస్సా సీదెజ్ అట్టారొ అయాలెకెనె వారు సీత్తారొ, నిజమె వరిజ్ సీదెజ్ అట్టి దనిజ్ ఇంక లావెనె సీతారొ. పరి సొంత ఇస్సమదాన్ సీత్తారొ.
- 4 నమ్మిత్తి పరి వందిజ్ కిజిని యా సాయమదు పరి వంతుజ్ కూడుపైజ్ ఇజి వరిజ్ అవకాసం సీదెజ్ వారు మజి నండ్ బతిమాలితారొ.
- 5 వారు కిత్తిక మాపు ఒడిబితి లెకెండ్ ఆవితాద్. ముజాల వరిజ్ వారె ప్రబుదిజ్ సీత్తారొ. వెనక దేవుణులు ఇస్సమాతి వజి వరిజ్ వారె మజిబా సీత్తారొ.
- 6 అందెజె తీతు మీ లొక మొదెల్సొ లెకెండ్, కనికారమదాన్ కిజిని యా వజి పూర్తి కిదెజ్ ఇజి మాపు వన్నిజ్ ఉసారొ కిటిస్తాన్.
- 7 మీరు విజి వన్నా లొక ముజాల మనికిదెర్. అహిజ దేవుణులు మున్ను మని నమకమదు, మాటెజ్ పర్గిని దని లొక, గెణమదు, మహిపరిజ్ సాయం కిదెజ్ మన్ని ఆసాదు, మా వందిజ్ మన్ని ప్రేమాదు ముజాల మన్ని లెకెండ్ నమ్మిత్తి పరి వందిజ్ సీని కనికారమదాన్ కిజిని యా వజిబుదా మీరు ముజాల మండ్రెజ్ వలి.
- 8 ఇక్క, నాను మిజ్ ఉండ్రె ఆడ్రె సీత్తి లెకెండ్ వెహ్సా, గాని సీదెజ్ ఇజి మహిపరిజ్ మన్ని ఆనదిజ్ పొలిసి సుడెజిజి, మీ మున్నుదు మని ప్రేమ ఎస్సాని నిజమాతిక ఇజి నెన్సెజ్ ఇజి నాను వెహ్సా.
- 9 మీరు మా ప్రబు ఆతి యేనుక్కిర్ల దయాదర్మమదిజ్ నెస్సిదెర్గదె? వాండ్లు గొప్ప ఆస్తి మన్నికాన్ గాని వాండ్లు మీ వందిజ్ బీదవాండ్లు ఆతాన్. ఎందనిజ్ ఇహిజ, మీరు ఆస్తి మన్నికిదెర్ ఆదెజ్ ఇజి వన్నిజ్ వాండ్ల బీదవాండ్లు కిజి ఆతాన్.
- 10 యా సజతిజి వందిజ్ మీరు యా లెకెండ్ కిత్తిజి బాగ మనాద్ ఇజి నాను ఒడిబిజి. నీరెండు, యా లెకెండ్ కిదెజ్ ఆన మనికిదెర్ ఆవిండ, సీదెజ్ మీరి ముజాహికిదెర్.
- 11 అందెజె, మీరు సీదెజ్ ఎలాగ ఆన అజనిదెర్, దనిజ్ తగితి లెకెండ్, ఇహిజ మిజ్ కల్లితి మనిదనిజ్ తగితి లెకెండ్ సీజి యా వజి పూర్తి కిదు.
- 12 ఒరెన్ వన్నిజ్ సీదెజ్ ఇజి మున్ను మహిజ, అట్టి దన్నిజ్ ఇంక మిస్సి ఆవిద్, గాని వన్నిజ్ మని దన్నిజ్ తగితి లెకెండ్ సీత్తిజి, అక్క దేవుణుదిజ్ ఇస్సమాతిక ఆజినాద్.

13 మహి వరిజ్ నులు ఆజమంజి మిజి లావ్బరు మండ్రెజ్ ఇజి ఆవద్ గాని విజెరిజ్ ఉండ్రె లెకెండ బరు మన్నుద్ ఇజినె మూపు కోరిజినావ్.

14 ఏలు మిజి లావ్మనిక వరిజి అవ్సరమక వందిజ్ సిత్తిజ, వరిజ్ లావ్మన్నువలె మీ అవ్సరం వందిజ్ మర్ది సీనారె. అయాలెకెండెనె విజెరిజ్ ఉండ్రె లెకెండ మంజినాద్.

15 “లావ్ పెప్తి వన్నుజి ఇనిక మిగిల్లివితాద్. తక్కు పెప్తి వన్నుజి సాల్వండ్ ఆవితాద్”.* ఇజి దేవుణు మూటరు రాస్తి మన్ను లెకెండెనె.

16 మీ వందిజ్ మా మన్నుదు మన్ను ఆస లెకెండెనె, దేవుణు తీతు మన్నుదుబా ఆస సిత్తి వందిజ్ నాను దేవుణుదిజ్ వందనమక వెప్పిన.

17 తీతు మాపు వెప్తిక విహాన్. అక్కాదె అవిండ వన్నుజ్ వాండ్రె ఆజి గొప్ప సర్దదాన్ మీ డగ్గు వాజినాన్.

18 సువార్త వణిదు విజు నజమకాజ్ వన్ను వణి వందిజ్ పేరు మనికాన్ ఆతి మరి ఒరెన్ తంబెరిబా వన్ను వెట పొక్కినావ్.

19 అక్కాదె అవిండ, ప్రబుజ్ పేరు వాదెజ్ ఇజినె మహి వరిజ్ సాయం కిడెజ్ మా మన్నుదు మన్ను ఆస తోరెన్జెజ్ ఇజినె మాపు కనికారమదాన్ కిజినె యా వణి కిజినావ్. యా సంత అసి మాపు సానివలె, మా వెట వాదెజ్ ఇజి విజు నజమక కూడెజి యా తంబెరిజ్నె ఎర్లిస్త మనారె.

20 విజు నజమక కూడెజి లోబం కివిండ సిత్తి యా సందదాన్ మాపు వణి కిత్తి వందిజ్ ఎయెర్బా మా మున్ను ఇని తప్పబా వెవ్వండ్ గొప్ప జాగర్దాన్ మనావ్.

21 అందెజె ప్రబు ఎద్దునె ఆవిండ లోకురి విజెరి ఎద్దుబా సరి ఆతికెజ్ కిడెజ్ జాగర్ద మనావ్.

22 అక్కాదె అవిండ, వరివెట మరి ఒరెన్ తంబెరిజ్బా పొక్కినావ్. నండో వణిజాణిజ్ నండో నుట్టు వన్నుజ్ వరిస కిజి వన్ను మన్నుది ఆస నెస్త మనావ్. ఏలు మీ వందిజ్ వన్ను మన్నుదు మని గొప్ప దయరమదాన్ ఆస ఒడ్డి పిరిజినాద్ ఇజి మరి నెసినావ్.

23 తీతు ఇహిజ, నా వెట మహికాన్, మీ నడిమి నా వెట జత కూడ్డి వణి కిత్తికాన్. వన్ను వెట వాజినె యా కూలెజ్ ఇహిజ, ఉండ్రె ఉండ్రె నజమకాణిజ్ వాతికారె. క్రీస్తుజ్ నెగ్గి పేరు తపిసినికారె.

24 అందెజె విజు నజమక ఎద్దు తోర్పు లెకెండె, విరిజ్ మీ ప్రేమ, మరి మీ వందిజ్ మాపు పొగిడిజినె దని వందిజ్ రుజువ్ కిజి తోర్పు.

9

1 నమ్మిత్తి వరి వందిజ్ కిజినె యా వణి వందిజ్ నాను మిజి రాస్సెజ్ అక్కర్ సిల్లెద్.

2 సాయం కిడెజ్ మీ మన్నుదు మని ఆస నాను నెసిన. అందెజె అక్కాయుదికారె ఆతి మీరు దేవుణు వందిజ్ సీదెజ్ ఇజి నీరుండాన్ తయారదాన్ మనిదెర్ ఇజి మీ వందిజ్ మాసిదోనియాది వరివెట పొగిడిజి వెప్ప మూహావ్. మీ మన్నుదు మని ఆసదిజ్ నెస్తారె వరి లోఇ సంఠెండారె సీదెజ్ ఇజి ఉసారె ఆజినారె.

3 మాపు మీ వందిజ్ పొగిడిజి వెప్పెకెజ్ అద్దం సిల్లికెజ్ అదెజ్ ఆవిద్ ఇజి ఏలు యా తంబెరిజ్ పొక్కిన. నాను వెప్తి వజ సాయం సీజి పొక్కిజ్ తయారె ఆజి మండ్రు.

4 ఉండ్రె వేలా మాసిదోనియాదికాన్ ఒరెన్ మా వెట వాతిజ, మీరు తయారె అవిండ మనిక నుడెతిజ, మీ మున్ను మజి మని యా నమకం వందిజ్ అయాలె మజి సిగు వానాద్, మీరుబా సిగు ఆనిదెర్.

5 అందెజె, మీరు సీనావ్ ఇజి వెప్తి మనిక లోబం కివిండ ముజాలె తయారె కిజి మండ్రెజ్ ఇజి యా తంబెరిజ్ మూజాలెనె మీ డగ్గు సొండ్రు ఇజి వెప్పె పొక్కిజ్ ఇజి నాను ఒడిబిత. అహిజ మీరు సీనా ఇజి వెప్తి మనిక లోబం మదాన్ సీని లెకెండె వందండ్ వూర్పు మన్నుదాన్ సీని సంత లెకెండె మంజినాద్.

దేవుణుదిజ్ లోబం కివిండ సరదదాన్ సీదెజ్ ఇజి వెప్పినాన్.

6 తక్కు విత్తికాన్ తక్కునె పంట కొయ్యాన్. నండో విత్తికాన్ నండో పంట కొయ్యాన్. ఇజి గెవతం కిజి మండ్రు.

7 ఒరెన్ ఒరెన్, ఎస్సా సీన్ ఇజి వన్ను మన్నుదు నిరణెం కిత్తిలెకెండెనె సీదెజ్. అక్క నణజివిండ, బలవంతమదాన్ అవిండ సీదెజ్ వలె. ఎందనిజ్ ఇహిజ సర్దదాన్ సీని వరిజ్ దేవుణు ప్రేమిసినాన్.

8 ఎస్తివలెబా మిజి కావాలిన్ దన్నుజ్ ఇంక లావ్ మండ్రెజ్నె, మరి విజు నెగ్గి వణిజి వందిజ్ లావ్ సీదెజ్ మిజి మండ్రెజ్, వన్ను దయరమదాన్ సీజినె దేవుణు ఇంక మరి ఒడ్డి మిజి సీదెజ్ అట్టికాన్.

9 దిన్ను వందిజ్ దేవుణు మూటరు యాలెకెండె రాస్త మనాద్. “వాండ్రు దోసదాన్ కెప్పా విరివిత్తి ఇనాయమక బీదాది వరిజ్ సీజినాన్. వన్ను నీతి నిజాయితి ఎలకాలం మంజినక”.

10 విత్తి వన్నుజ్ విత్తుని ఉండెజ్ తిండి సీని దేవుణు సీజినాన్. మిజి మా వాండ్రు విత్తెజ్ విత్తు సీజి, మీరు విత్తికెజ్ నెగెండె పిరిప్పి లావ్ కిజి, మీరు కిజినె నీతి నిజాయితి వణిజ్బా లావ్ కిబిస్సాన్.

11 విజు నజతిజ లోఇ మీరు లావ్ మన్నుకిదెర్ కిబె ఆనిదెర్లె. అందెజె ఎస్తివలెబా మహి వరి వందిజ్ లావ్ సీదెజ్ మీరు అట్టిదెర్. మీరు మజి సీజినె దనిదటాజ్ మాపు మహివరిజ్ సీనివలె మా వెట దేవుణుదిజ్ వందనమక వెవ్ ఆనాద్లె.

12 యా వణివెట నమ్మిత్తి వరి అవ్సరమక తీరినికాదె అవిండ దేవుణు వందిజ్ వెప్పినె వందనమక మరి ఒడ్డి లావ్ ఆజినె.

* 8:15 8:15 నిర్లమకాండం 16:8 ఇస్రాయేలు లోకురి అయగుప్తు దేనమదాన్ కనాను దేసం సొస్సి మహివలె, వారు బిడిజ్బామిదు 40 పంటిజ్ మహివలె మన్నునె వరిజ్ ముకెలమతిండి అత మహాద్. బిడిజ్ బూమిదు మహివలె వరిజ్ సరిఅతి తిండి సిల్లిద్ ఇజి వారు దేవుణు వెట నణజితారె. దేవుణు అగసమదాన్ వరిజ్ మన్ను సిత్తాన్. రోజు పెందల మన్ను వారు మన్నుబాన్, ఇజెరి బెజ్మలెకెండె బూమిదు అర్పు మహాద్. రోజు లోజాదిజ్ సరి అతిక అయ రోజుదునె దేవుణు వరిజ్ సీజి మహాన్. వారు కనాను దేసం అందిజె బాణక తిండి తినిదాక దేవుణు వరిజ్ మన్ను సీజి మహాన్. (యెహోసువ 5:12)

13 యీ పణిబాణిజ్ మీరు తగ్గికిదెర్ ఇజ రుజువ్ కిజనిదెర్. అందెజె మీరు క్రీస్తు సువార్తదిజ్ ఒప్పుకోటి లోజిత్తి వందిజ్, మిజి కల్లితి మన్నికెజ్ వరిజ్నీ మహి వరిజ్ విజెరిజ్ లోం కిఎండ సీదెజ్ తయార్ అతి వందిజ్ వారు విజెర్ దేవుణుదిజ్ పొగడినారెల.

14 వరిజ్ సాయం కిదెజ్ దేవుణు మీ మున్ను, తోర్సి విజు దనిజ్ మిస్తి వన్ని దయా దర్తం వందిజ్, మీ వందిజ్ పార్దనం కినివలె, మిజి నుడెదెజ్ మన్నుదు ఆసదాన్ మంజినార్.

15 వెప్తాజ్ అటోఇ నన్ని వరం సిత్తి దేవుణుదిజ్ వందనమ్మక!

10

1 ఏలు పవులు ఇని నాను బతిమాల్లిన. మీ వెట మనివలె నిపాతి మనికాన్ లెకెండ గాని మీ బాణిజ్ దూరం మనివలె గటిజ మనికాన్ ఇజ మీరు ఒడెబిజిని నాను, క్రీస్తుజ్ మని సార్దిదాన్ సాంతిదాన్ మిజి బతిమాల్లిన.

2 మాపు లోకమదిజ్ సెందితి వరి లెకెండ నుడెసినివ్ ఇజ మీ లోఇ సెగొండార్ మా వందిజ్ వెప్పినిదెర్. ననివరి వెట నాను ఒడెబిని లెకెండ తెగిజ నండో గటిజ వర్గిదెజ్ అట్టు. గాని నాను వానివలె గటిజ వర్గిఎండ మంజిని లెకెండ మీరు మండ్రు ఇజ నాను మిజి బతిమాల్లిన.

3 యీ లోకమదునె మపు బత్తిజినావ్ గాని లోకమది వరి లెకెండ విదె కినికావ్ అవివ్.

4 మాపు విదెం కిని ఆయుదమ్మక యీ లోకమదిజ్ సెందితి ననికెజ్ అఉ. గాని సెఇ వన్యా పెరి ఎత్తుమని కోటిజ అర్పెజె దేవుణు బాణిజ్ వాతిమని సత్తుమని ఆయుదమ్మక అక్కెజ్.

5 మాపు, దేవుణు వందిజ్ నేనెండ మండ్రెజ్ అడ్డు కినిలెకెండ మన్నుదాన్ రేజెజి వాజిని విజు వన్యాజ్ అడ్డిజి అర్పి, విజు అలోననమకాజ్ అని క్రీస్తుజ్ లోజిని లెకెండ కిజినావ్.

6 మీరు పార్ద లోజిజి ముకాణి కిదెర్ అనిదాక, లోజిఎండ మన్ని విజు వన్యా. వందిజ్ మిజి సిక్కు సీదెజ్ తయార్ ఆత మనావ్.

7 మీరు పల్లి మన్ని వనకాణి నుడెబిజినిదెర్. ఎయెనబా వాండ్రు క్రీస్తుజ్ సెందితికాన్ ఇజ ఒడెబిజి మహిజ, వాండ్రు ఎలాగ క్రీస్తుజ్ సెందితికాన్ అజ మంజినాండ్రో, అయాలెకెండన్ మాపుబా క్రీస్తుజ్ సెందితికావ్ ఇజ వాండ్రు ఒడెబిదెజ్ వలె.

8 మీ బత్తు, నాననం కిదెజ్ ఇజ సిల్లెద్ గాని దన్నిజ్ నెగెండ పిరిపైజ్ ఇజ ప్రబు మజి అతికారం సిత్త మనాన్. అయ అతికారం వందిజ్ నండో పొగడిజి వెప్తాజ్బా నాను సిగు ఆవి.

9 నాను మిజి రాసిని ఉత్తమదాన్ మిజి తియెల్లిని వన్ని లెకెండ మండ్రెజ్ అవిద్ ఇజ కోరిజిన.

10 “వన్ని ఉత్తమ్మక గొప్ప అర్లం మన్ని మాటెజ్ మన్నికెజ్, సత్తుదాన్ కూడితికెజ్ గాని వాండ్రు మా నడిమి మనివలె సత్తు సిల్లి వన్ని లెకెండ మనాన్. వర్గిజిని మాటెజ్ ఇని అర్లం సిల్లికెజ్ మన్నె”, ఇజ ఎయెరో వెప్పిన్వారగి.

11 యాలెకెండ వెప్పినికార్ యాక నెన్జెజ్. ఇనిక ఇహిజ మాపు దూరం మనివలె రాసిని ఉత్తమ్మదు మన్ని మాటెజ్ ఎలాగ మర్తికెనో, అయాలెకెండన్ మీ నడిమి మాపు మన్నివలె మాపు కిని పణిజెబా మంజిని.

12 వరిజ్ వారి పొగడిజి అజిని సెగొండార్ లెకెండ మాపుబా మనావ్ ఇజినో, మాపు వరిజ్ నమానం అతికావ్ ఇజినో వెప్తాజ్. ఎందనిజ్ ఇహిజ, వారు మహి వరి వెట విజు నజతిజి లోఇ నమానం మనానా ఇజ పోలిసి నుడెబిజినార్. అయాక బుద్ది సిల్లి పణిజెనె.

13 గాని మజి అక్కు మనిదనిజ్ ఇంక మాపు వగడిజి అవివ్. దేవుణు మా వందిజ్ కేట కిత్తి మన్ని పణిదిజ్ జవ డాట్ఎండ దన్ని లోఇని పొగడిజినావ్. మాపు మీ నడిమి కిజిని పణిబా దన్ని లోఇ మనాద్.

14 మాపు క్రీస్తు వందిజ్ సువార్త సాటిసి మీ డర్పు వాతివలె దేవుణు మజి ఒవజెప్పి మన్ని దనిజ్ జవ డాట్టి సానికావ్ అవితావ్. ఎందనిజ్ ఇహిజ మీరు దన్ని లోఇనె మన్నిదెర్. మాపె క్రీస్తు సువార్త ముజాల మీ నడిమి సాటిస్తావ్.

15 మహికార్ కట్టబాడెజి కిత్తి దన్ని లోఇ వంతు మనికావ్ ఇజ మాపు పొగడిఎవ్. గాని దేవుణు మున్ను, మన్ని మీ ననుకం పిరిజి వానివలె మీ నడిమి మాపు కిజిని సువార్త పణి మరి ఒద్ది పెరిక అజి సర్వార్ద ఇజ మాపు ఆన అజినావ్.

16 మీ అతాల మని నాహ్కాజ్బా సువార్త సాటిస్తెజ్ ఇహిజ అట్టావ్. అయాలెకెండ కిజి ఒరెన్ వన్నిజ్ ఒవజెపె అతిమని ప్రాంతమ్మదు కిటి అతి పణి వందిజ్ మజి మాపె పొగడిజి అవివ్.

17 గాని దేవుణు మాటదు రాస్తి మన్ని లెకెండ, “పొగడిజి అజినికాన్ ప్రబు కిత్తి వనకాజ్ వందిజ్నె పొగడిజి అదెజ్ వలె”.

18 వన్నిజ్ వాండ్రె పొగడిజి అనికాన్ తగ్గికాన్ అఎన్, తగ్గికాన్ ఇజ దేవుణు వెప్పిన్వారె తగ్గికాన్ అజినావ్.

11

1 నా బుద్ది సిల్లి పణిజ్ మీరు కండ్రె ఒరిసినిదెర్ ఇజి నాను ఆన అజిన, నిజమె ఏలుబా మీరు ఒరిసినిదెర్.

2 మీ వందిజ్ దేవుణు మన్నుదు మన్ని ఆన వజిన నానుబా మీ వందిజ్ అయాలెకెండన్ సత్తు మన్ని ఆసదాన్ మంజిన. ఎందనిజ్ ఇహిజ, ఒరెన్ దజుడె వందిజ్ నాను మిజి ప్రదానం కిత్త మన్ను. అహిజ, క్రీస్తు వందిజ్ నాను మిజి ఇని కల్లిసిల్లి ఉండ్రె విడిబోదెలి లెకెండ వన్నిజ్ ఒవజెప్పి మన్ను.

3 గాని సరాన్ వన్ని సెఇ అలోననమదాన్ అవ్వెజ్ మోసెం కిత్తి లెకెండ, మీ మన్నుబా తపు బోదెబాణిజ్ మోసెం కిటి అజి, మీరు క్రీస్తు మున్ను, మిజి మన్ని ఇని కల్లిసిల్లి ప్రేమ డిసి సీజి, వన్ని బాణిజ్ దూరం ఆనిదెర్లె, ఇజ నాను తియెల్ అజిన.

4 ఎందనిజ్ ఇహిజ, ఎయెనిబా మీ డర్పు వాజి మాపు సాటిస్తి యేనుజ్ అవిండ మరి ఒరెన్ యేనుజ్ సాటస్తిజ, మరి మా వెట మీరు పొందితి మని దేవుణు అత్తు అవిండ మరి ఉండ్రె అత్తు పొందితిజ, అక్కాదె అవిండ మాపు వెప్తా సువార్త అవిండ మరి ఉండ్రె సువార్త డర్పు కిత్తిజ, సులుగ మీరు వన్యాజ్ లోజిజి వరిజ్ ఒరిసినిదెర్.

5 అయ గొప్ప పేరు పొందితికార్ అతి అపొస్తురు ఇంక నాను ఒద్ది తక్కుదికాన్ అవి ఇజ నాను ఒడెబిజిన.

6 నాను నెగెల్ వర్గిదెజ్ నెనికాన్ ఆతిజ్బా, గాని నాను గెణం సెల్లిక ఆవి. మిజి విజేరిజ్ విజు పణిజాణిజ్, విజు మాటెజాణిజ్ మాపు అయ గెణం వందిజ్ రుజువ్ కిజి తోర్నిస్త మనావ్.

7 మీ బాణిజ్ ఇనికబా లోన్విండ దేవుణు సువార్త మీ నడిమి సాటిసి, మీరు పెరికిదెర్ ఆదెజ్ ఇజి నజి నానె తగె ఆతివలె నాను పాపం కిత్తానా?

8 మీ నడిమి దేవుణు పణికిదెజ్ మహి సుమకాణిజ్ వరి డబ్బుజ్ డొజి కిత్తి లెకెండ వరి బాణిజ్ కూల్లి లోనె ఆత.

9 నాను మీ నడిమి మహివలె, ఇనికబా అవ్సరం ఆతిజ్బా, నాను ఎయెరిజ్బా ఇనికబా లోన్విత. మాసిదోనియదాన్ వాతి తంబెరిజ్ నా అవ్సరమకాజ్ వందిజ్ సెత్తార్. మీ బాణిజ్ ఇనికబా లోన్విండ, నాను మిజి ఉండ్రె బరు లెకెండ మన్విండ జాగర్తదాన్ మహి లెకెండెన్ వాని కాలమదుబా ముజిన.

10 క్రీస్తుజ్ మని నిజం నా లోక మన్నిజ్ అక్కాయ ప్రాంతమదు మనికార్ ఎయెర్బా నాను యా లెకెండ పొగడిజి వెప్పిని దనిజ్ అడ్డు కిదెజ్ అట్విర్.

11 ఎండనిజ్ నాను అయాలెకెండ మహా ఇహిజ, మిజి ప్రేమిన్క వందిజ్ ఆవిద్. నాను మిజి ఎస్సా ప్రేమిసిన ఇజి దేవుణు నెసిసాన్.

12 గాని ఏలు కిజిని లెకెండెన్ నాను దేవుణు పణి కిజి ముజిన, అందెజి మాపు కిజిని లెకెండెన్ వారుబా దేవుణు పణి కిజినార్ ఇజి వెప్తాజ్ ఇజి అస ఆజిని వరిజ్ మా వెట పొగడె ఆదెజ్ అక్కు సెల్లెండ మన్విద్ ఇజి.

13 వారు నన్నుకార్, క్రీస్తుజ్ అపొస్తురు లెకెండ వేసం పొకె ఆజి తోరె ఆతిమని మోసం పణిజ్ కిజిని మిజి మోసం కిత్తి డొజి అపొస్తురు.

14 దన్ను వందిజ్ బమ్మ ఆదెజ్ అక్కర్ సెల్లెద్ది. నయ్యాసుబా జాయ్ మని దూత లెకెండ వేసం పొకె అనాన్.

15 అందెజి నయ్యాసు వందిజ్ పణి కినికార్, వారు వరిజ్ వారె సీతి నిజాయతి పణిజ్ కినివరి లెకెండ వేసం పొకె ఆతిజి అక్క. పెరిక ఆవిద్. వారు కిజిని పణిజి తగితి లెకెండెన్ ఆకార్దిజ్ వరిజ్ జర్నినాదెలె.

పవులు వన్నిజ్ వాతి కస్టమకాజ్ వందిజ్ పొగడిజినాన్.

16 నాను బుద్ది సెల్లికాన్ ఇజి ఎయెన్బా ఒడెబిదెజ్ అవిద్ ఇజి నాను మరి మిజి వెప్పిన్. నాను బుద్ది సెల్లికాన్ ఇజి మీరు ఒడెబిత్తిజి ఆపా ఒడెబిదు. అందెజి నానుబా కండెక్ పొగడె ఆదెజ్ అట్టు.

17 యాలెకెండె నా మన్నుదు దయరం ఆజి పొగడిజినివలె, అక్క ప్రబు మాటిజ్ వర్గితి లెకెండ ఆవి, ఉండ్రె బుద్ది సెల్లివన్ని లెకెండ వర్గిజిన.

18 నండెండార్ యా లోకమదిజ్ సందితి వరి లెకెండె పొజిజినార్, అందెజి నానుబా అయాలెకెండెన్ పొజిజిన.

19 మీరు గొప్ప బుద్ది మన్నికిదెర్గె. మీరు బుద్ది సెల్లివరిజ్ సర్తదాన్ డగ్గు కిజినిదెర్.

20 ఒరెన్ మిజి వెట్టిపణి కిని వన్ని లెకెండ కిత్తిజిబా, ఒరెన్ మోసం కిజి మిజి మన్నికెజ్ విజి లోనె ఆతిజిబా, ఒరెన్ మిజి మోసం కిజి వన్నిజ్ లాబం తప్పిజ్బా, మీ మొకొమ్దు డెయ్రిజ్బా మీరు వన్నిజ్ ఒరిసినిదెర్.

21 అయాలెకెండె వారు కిత్తి లెకెండె కిదెజ్ మాపు సత్తు మనికావ్ అవ్ ఇజి నాను సిగు ఆజి వెప్పిన్. గాని ఎయెన్బా ఇనిదన్ని వందిజ్బా పొగడె ఆదెజ్ అక్కు మనాద్ ఇహిజ, నజిబా అయాలెకెండె పొగడె ఆదెజ్ అక్కు మనాద్. నాను ఒరెన్ బుద్ది సెల్లి వన్ని లెకెండెన్ వర్గిజిన.

22 వారు ఎల్లివారునా? నానుబా ఎల్లి వాండ్రునె. వారు ఇస్రాయేలుదికారా? నానుబా ఇస్రాయేలుదికారె. వారు అబ్రాహాము కుటుమదికారె? నానుబా నన్నికాండ్రె.

23 వారు క్రీస్తు వందిజ్ పణి కినికారా? నాను వెరి వన్ని లెకెండ వర్గిజిన. నాను క్రీస్తు వందిజ్ మరి ఒద్ది పణి కిత్తి మన్ను. నాను నండొ కస్టవాడెజి పణి కిత్తిమన్ను. నండొ నుట్టు జెలిదు మహా. కొరెడెజాణిజ్ నండొ నుట్టు. గొప్ప డెయె ఆత. నండొ నుట్టు నావుదిజ్ డగ్గు ఆత.

24 యూదురు లోకర్ బాణిజ్ అయేదు నుట్టు, ఉండ్రె తక్కు నలవయ్ దెబ్బెజ్ తివహ.

25 మూండ్రె నుట్టు డుడ్డుదాన్ డెయె ఆత. ఉండ్రె నుట్టు పణకాణిజ్ డెయె ఆత. మూండ్రె నుట్టు నందరమ్దు వయేసం కిజి మహిజ్ ఒడెజ్ పెడెహిజ్ బాద ఆత. ఉండ్రె రెయం పొగెల్ నందరమ్దు వీరుదు మహా

26 ఎస్సెవలెబా నాను వయేసం కిజి మహిజ్ నండొ నుట్టు. పయనమ్దు పెరి గడ్డెజాణిజ్ ప్రమాదమ్కు వాతె. డొజారిబు వెట ప్రమాదమ్కు వాతె. మా సొంత జాతిదికారాతి యూదురి వెట ప్రమాదమ్కు వాతె. పట్టుమ్దు ప్రమాదమ్కు వాతె. అడివిదు ప్రమాదమ్కు వాతె. నందరమ్దు ప్రమాదమ్కు వాతె. డొజ తంబెరిజి వెట ప్రమాదమ్కు వాతె.

27 నాను నండొ కస్టమదాన్ స్రమెజాణిజ్ పణిజ్ కిజి, రెయ్య. నిర్తి సెల్లెండ మహా. ఏక, ఏక తిండి సెల్లెండ బజి ఎప్పిదాన్ మహా. ఒడెల్దు సొక్కెజ్ సెల్లెండ పిన్నిదు నిగసాణె మహా.

28 యాకెజె ఆవిండ విజి దేవుణు నజుమకాజ్ వందిజ్ ఎలాగ ఆనెనో ఇజి రోజి మన్నుదు ఒడెబిజి మహా.

29 సత్తు సెల్లికాన్ ఎయెన్ మనాన్? నానుబా సత్తు సెల్లికాన్ ఆవిసా? ఎయెన్ పాపమ్దు తోరెడె ఆజినానా? నజి మన్నుదుబా కోపం రెజె ఆవిదా?

30 నాను పొగడె ఆదెజ్వలె ఇహిజ నజి మన్ని సత్తు సెల్లి వన్యా వందిజ్ నాను పొగడినాలె.

31 నాను వర్గిజనిక అబద్ధం ఆవిద్ ఇనిదన్నిజ్ ఎస్సెవలెబా పొగడె ఆజిని మా ప్రబువాతి యేసుజ్ బుబ్బాతి దేవుణునె నెసిసాన్.

32 దమన్ను పట్టుమ్దు నాను మహివలె, రాజు ఆతి అరెత అడిగి మన్నికానాతి అదికారి నజి అప్రెజ్ ఇజి దమన్ను పట్టుం విజి కాపు ఇడ్డాన్.

33 నస్తివలె పట్టుమ్ది కోట గోడాడు మన్ని కిటికి బోరెదాన్, గంపదు డిపె ఆతానె వన్ని కియుదాన్ తప్రె ఆత.

12

1 పొగడేజు వర్గిదేజ ఇహిజ మరి నండొ మన్నె. వహ్మి దన్నెజ్ ఇని లాబు సిల్లిజ్ బా దేవుణు బాణిజ్ తోరె ఆతి కలెజ వందిజ్, డాజిటి మన్నెకెజ్ దేవుణు తోరిస్సి వందిజ్ నాను వెహ్మ.

2 క్రీస్తుజ్ నందితికాన్ ఒరెన్ వన్నెజ్ నాను నెసిన్. పదనాల్లి పంటిజ్ ముజాల వాండ్రు మూండ్రీ ఆగానుం దాక పెరె ఆతాన్. ఒడోలదాన్ పెరె ఆతాండ్రొ, ఒడోలె సిల్లిండ పెరె ఆతాండ్రొ ఇజ నాను నెన్వ. అక్క దేవుణు నెసినాన్.

3 పరదీను ఇని దేవుణు మంజిని బాడేదాక పెరె ఆతి ఒరెన్ వన్నెజ్ నాను నెసిన్. వాండ్రు ఒడోలదాన్ పెరె ఆతాండ్రొ, ఒడోలె సిల్లిండ పెరె ఆతాండ్రొ ఇజ నాను నెన్వ. అయొక దేవుణు నెన్నాన్.

4 అబ్బె వర్గిదేజ్ అల్లె ఇ నన్నె సజతిజ్ వెహ్మన్. లోకు ఎయెన్ బా వన్నె వెయెదాన్ అయ మాటిజ్ వర్గిదేజ్ అక్క సిల్లెద.

5 నని ఒరెన్ వన్నెజ్ పొగడేజు నాను వర్గిని గాని నజీ నానె పొగడేజ్ ఆవ. నాను పొగడేజ్ ఆదెజ్ ఇహిజ నజీ మన్నె సత్తు సిల్లి వన్నా వందిజ్ నె పొగడేజ్ ఆన.

6 నాను పొగడేదేజ్ ఇజ ఒడోబిత్తిజ, నిజం మనికెజ్ నె వెహ్మ. అందెజె నాను బుద్ది సిల్లికాన్ ఆవ. ఎందనిజ్ ఇహిజ నాను కిత్తికెజ్ నుడోజెనె, నాను వర్గినికెజ్ వెంజెనె, నాను మన్నె దనిజ్ ఇంక ఒద్దె పెరికాన్ ఇజ నా వందిజ్ ఎయెన్ బా ఒడోబింద్ మండ్రెజ్ ఇజ నాను పొగడేజ్.

7 దేవుణుది డాజిటి మన్నె గొప్పు పెరి సజతిజ్ నజీ తోరె ఆతి వందిజ్, నజీ నానె పెరిక ఇజ ఉబె ఆవిండ మండ్రెజ్ ఇజ నజీ బాద కిదెజ్ ఇజ నా ఒడోలదు ఉండ్రె సొంపు ఇడోజ్ ఆతి లెకెండ్ ఒరెన్ నయ్యూను దూత నా డగ్రు పొకె ఆత మనాన్.

8 అయొక నా ఒడోలదాన్ లగ్జి విసిరె అ ఇజ నాను ప్రబు వెట మూండ్రీ నుట్టు బతిమాలిత.

9 గాని వాండ్రు నజీ, “నా దయా దగ్రు నిజీ ఆనాద్, సత్తు సిల్లికాన్ నా సత్తు పూర్తి సత్తు మనిక ఆజనాద్”, ఇజ వెహ్మన్. అయావలె నజీ సత్తు సిల్లి వన్నా వందిజ్ మరి ఒద్దె సగ్రదాన్ పొగడేనాలె అందెజె క్రీస్తు సత్తు నా మున్ను నిల్లి మంజనాద్.

10 ఎస్సివలె నాను సత్తు సిల్లికాన్, నస్సివలె నాను సత్తుదికాన్ ఆజనాన్. అందెజె క్రీస్తు వందిజ్ నజీ మన్నె సత్తుసిల్లి వనక వందిజ్, నిందెజ వందిజ్, కస్మకు వాతి వందిజ్, హిమ్నెజ వందిజ్, స్రమెజ వందిజ్ నాను సగ్ర ఆజన.

11 నాను బుద్దిసిల్లి వన్నెలెకెండ్ మన, అయొ లెకెండ్ మండ్రెజ్ ఇజ మీరె నజీ బలవంతం కిత్తిదెర్. నాను తగ్గికాన్ ఇజ మీ బాణిజ్ వెహ్మ ఆదెజ్ నజీ అక్క మనాద్. ఎందనిజ్ ఇహిజ, నాను ఎవటిదికాన్ ఆజెజ్ బా, మీ గొప్పు వేరు పొందితి అపొస్తురు ఇంక తక్కుదికాన్ ఆవ.

12 నాను ఎస్సానొ ఓర్పుదాన్ మీ నడిమి తోరిస్సి మన్నె బమ్మాతి పణిజ్, ఎనెజ్ బా తొజ పణిజ్, బమ్మాని గొప్పు పణిజ్ నాను అపొస్తుడు ఇని దన్నెజ్ రుజువ్ కిజెనె.

13 ఇనిదన్నె వందిజ్ బా నాను మీ మున్ను ఆదారం ఆవత. ఇక్కదె ఆవిండ మరి ఇని సజతిదుబా మీరు మహి సజమక ఎద్దు తక్కుదికెదెర్ ఆజతిదెర్. నాను కిత్తి యా తప్ప మీరు నెమ్మిస్తు.

14 ఏలు మూండ్రీ నుట్టు మీ డగ్రు వాదెజ్ ఇజ తయారాజన. నాను వాతివలె ఇనిదన్నె వందిజ్ బా నాను మీ మున్ను ఆదారం ఆవ. ఎందనిజ్ ఇహిజ మిజి కల్లి మన్నెకెజ్ ఇనికబా నజీ అవనరం సిల్లెద్, గాని మీరె నజీ కావాలి. కొడోరె అయెన్ అపొసిరె వందిజ్ ఆవిద్, గాని అయెన్ అపొసిరెన్ కొడోరె వందిజ్ ఆస్తి గణస్తెజ్ గదె.

15 అందెజె నాను నజీ కల్లితి మన్నెకెజ్ విజు మీ వందిజ్ కర్పు కిన్. మరి నజీ నానె మీ వందిజ్ కర్పు కిబె ఆన. నాను మిజి లాపు ప్రేమిస్తిజ మీరు నజీ తక్కు ప్రేమిసినిదెరా?

16 నాను ఇనిదన్నె వందిజ్ బా మీ మున్ను ఆదారం ఆవ, అక్క నిజమె. గాని ఇనికాదొ ఉండ్రె ఉపాయకిజ మిజి మొసెం కిజె లొసె ఆనానెలె ఇజ ఎయెర్ బా వెహ్మారెలె.

17 నాను మీ డగ్రు పొక్తి ఎయెర్ వెటబా మిజి మొసెం కిజె ఇనికబా లొసె ఆత మనానా?

18 మీ డగ్రు సొండ్రెజ్ ఇజ తీతుజ్ నాను బతిమాలిత. వన్నెవెట మా తంబెరి ఒరెన్ వన్నెజ్ బా పొక్త. తీతు మిజి మొసెం కిజె ఇనికబా లొసె ఆతాండ్రొ? మాపు ఉండ్రె మన్నుదాన్, ఉండ్రె లెకెండ్ నె నడివెతామా?

19 మాపు నెగ్గికాన్ ఇజ మీ ఎద్దు తోరిస్సెజ్ ఇక్కెజ్ విజు మీవెట వర్గిజనావ్ ఇజ మీరు ఒడోబిజనిదెరా? క్రీస్తుజ్ నందితికెదెర్ ఇజ దేవుణు ఎద్దునె మాపు వర్గిజనావ్. మా తంబెరిజాండె, మీరు మీ మన్నుదు నెగెండ్ దేవుణు సత్తుదాన్ మండ్రెజ్ ఇజెనె యొకెజ్ విజు మాపు కిత్తావ్.

20 నాను వానివలె మీరు నజీ ఇస్సమాతికెదెర్ లెకెండ్ మనెఇదెర్ను, మరి మిజి ఇస్సమాతి లెకెండ్ నానుబా మనెఎను ఇజ నాను తియెలాజెన. మరి మీ నడిమి జటిజ్, గేనె ఆనికెజ్, కోపం ఆజ మంజనిక, గుంపుజ్ గుంపుజ్ ఆనికెజ్, దునలాడోనికెజ్, గునగున వర్గినిక, పొజిజి ఉబె ఆనిక, గగోలి ఆనిక విజు మంజనెను ఇజ నాను ఒడోబిజెన.

21 మరి నాను మీ డగ్రు వానివలె మీ ఎద్దు దేవుణు నా బుర్త డిక్సిని లెకెండ్ కిన్నానెను ఇజ నాను తియెలాజెన. మరి ముజాల వరిజ్ అలవాటు మహిలెకెండ్ నె ఇ పణిజ్ కిజె, కేలార్ బాలాజె, రంకు బాలాజె విజెరె ముందాల సిగు ఆజ మంజని వందిజ్ మరి వారు దుకమాజి పాపమకు ఒప్పుకొడేజి డిసిసిఎండ మన్నె వందిజ్ నాను దుకం ఆనాలె ఇజ తియెలాజెన.

13

1 ఏలు నాను మీ డగ్రు వానివలె ఇక కూడుప్పి మూండ్రీ నుట్టు ఆనె. దేవుణు మాటదు రాస్సిమని లెకెండ్, “రిఎర్, మువెర్ సాసిరి మాటిజ వెట విజు సజతిజ్ నిజమాతికెజ్ ఇజ రుజువ్ కిదెజ్ వలె”.

2 రుండి నుట్టు నాను వాతిజ్ మీవెట మహివలె నాను మిజి బుద్ది వెహ్మ లెకెండ్ నె వెహ్మ మన. ఏలు మీబాణిజ్ దూరం మంజిబ వెహ్మన. నాను మరెజి వానివలె ముందాహాన్ తప్ప కిత్తి వరిజ్ బా నాను డిసివ, వెనుక తప్ప కిత్తి విజెరిజ్ ఎయెర్ బా డిసివ.

³ ఎందనిజ్ ఇహిజ క్రీస్తు నావెట వర్జజనాన్ ఇని దనిజ్ రుజువ్ కిల ఇజ మీరు వెహ్సనిదెర్ గదె? వాండ్రు మీ వెట సత్తు సిల్లికాన్ అవన్, గాని మీ నడిమి గొప్పు సత్తుమన్నికాన్.

⁴ క్రీస్తు యా బూమి మున్ను మహిపలె సత్తు సిల్లివన్ని లెకెండ్ సిలువ పొకె ఆతాన్, యాక నిజమనె. గాని దేవుణు సత్తుదాన్ ఏలు బత్తిజనాన్. అయాలెకెండ్నె వన్నివెట కూడేజి మాపుబా సత్తు సిల్లికావ్ గాని దేవుణు సత్తుదాన్ మీ వందిజ్ దేవుణు పణి కిదెజ్ క్రీస్తు వెట కూడేజి బత్తిజనాన్.

⁵ మీరు దేవుణు మున్ను, నమకం మనికిదెరో ఇజ మిజి మీరె వరిస కిబె ఆదు. యేసుక్రీస్తు మీ లొఇ మనాన్ ఇజ మీరు నెన్ఇదెరా? యేసుక్రీస్తు మీ లొఇ మనాన్ ఇజ నెన్ఇదెర్ ఇహిజ, నిజమె మీరు అర్తిమనికిదెర్.

⁶ మాపు అయా లెకెండ్ అర్తికావ్ అవన్ ఇజ మీరు నిజం నెన్నెదెర్ ఇజ నా మున్నుదు నజి నమకం మనాద్.

⁷ మీరు ఇని సెఇ పణిజ్ కిఎండ మండ్రెజ్ వలె ఇజ దేవుణుదిజ్ పార్దనం కిజనావ్. మాపు పరిసెజ నిల్పి మంజనికావ్ ఇజ లోకుర ఎర్దు తొరె ఆదెజ్ ఇజ సిల్లెద్. గాని మాపు వీజితికావ్ ఇజ తొరె ఆతిజ్బా మీరు నిజమాతికెజ్ కిజ మండ్రెజ్ ఇజ కోరిజనావ్.

⁸ నిజమాతికెజ్నె అవండ, నిజమాతి దనిజ్ వడిఎండ ఇనికబా కిదెజ్ మాపు అట్వెవ్.

⁹ మాపు సత్తు సిలికావ్ మనివలె, మీరు సత్తు మనికదెర్ ఇజ మాపు సర్దదాన్ మనావ్. అక్కాదె అవిండ మీరు దేవుణు ఎర్దు ఇనికబా తకు సిల్లెండ విజు నెగెణ్ మనికిదెర్ ఆదెజ్ ఇజ మాపు పార్దనం కిజనావ్.

¹⁰ మిజి దేవుణు మున్ను మని నమకమ్దు పిరిప్పెజ్నె ప్రబు నజి అతికారం సితాన్ గాని మిజి అర్పెజ్ ఇజ సిల్లెద్. అందెజె నాను మీ డర్గు వానివలె ప్రబు నజి సితమని అతికారమ్దాన్ కోపమ్దాన్ గటిజ ఇనికబా కిఎండ మండ్రెజ్ ఇజనె మీ బాణిజ్ దూరం మంజి యా ఉత్తం రాసిన.

¹¹ కడెవెరిదు, తంబెరిజాండె, మీరు సర్దదాన్ మండ్రు. మీరు మరి ఒద్దె నెగెణ్ మనికిదెర్ ఆదెజ్ ఇజ దేవుణుదిజ్ సర్ద కిదెజ్ మిజి ఆట్టి లెకెండ్ విజు సజతిజ్ కిదు. ఒదర్దుదాన్ మండ్రు. మా మాటెజ్ మీ మున్నుదు నాటిసి మండ్రు. విజెదెరె ఉండ్రె మున్నుదాన్ మండ్రు. నమాదానమ్దాన్ బత్తిదు. ప్రేమని సమాదనం మనికానాతి దేవుణు మీవెట మంజనాన్.

¹² నెగ్గి మున్నుదాన్ ఒరెన్ మరి ఒరెన్ వన్నిజ్ పొంపిజి మాడిసి మండ్రు.

¹³ ఇట్టెణికార్ నమ్మిత్తికార్ విజెరె మీరు బాగ మనిదెరా ఇజ వెన్బాజినార్.

¹⁴ ప్రబువాతి యేసుక్రీస్తు దయా దర్దుం, దేవుణు ప్రేమ, దేవుణు ఆత్మ మీవెట కూడేజి మంజనిక, మీ విజెదెరె వెట మనిద్.

అపొస్తుడు ఆతి పవులు గలాతియ ముటాడు మని దేవుణు సజమ్కాజ్ రాస్తి ఉత్తం

నెల్గు కిబిసినిక

అపొస్తుడు ఆతి పవులు గలతియ ముటాడు మని దేవుణు సజమ్కాజ్ రాసిని ఉత్తరమనె యాక. గలాతియ ముటాడు పవులునె సువార్త వెప్తాన్. వీరు నెగ్రెండనె క్రీస్తుజ్ నమ్మిజి వాజి మహార్. నస్తివలె నెగొండార్ నమ్మితి యూదురు, క్రీస్తు మున్ను, మని నమకమనె ఆవిండ, యూదురి రూలుజ్ లోజిజి, సునతిబా కిబె ఆదెజ్ వలె ఇజి తప్ప బోద వరిజ్ వెప్తార్. యూ మాట వెహరె, విరి మన్ను అయూ బోద దరోజ్ మప్తార్. దినిజ్ దిదిజి పవులు రాసిని ఉత్తమనె యాక. ఒరెన్ సునతి కిబె ఆతిజి, దేవుణు ఎత్తు నీతి నిజాయితి మనికాన్ ఆవెన్. గాని యేసుప్రబు మున్ను, నమకం ఇట్టిజనె దేవుణు ఎత్తు నీతి నిజాయితి మనికాన్ అనాన్ ఇజి వెప్పొనాన్. మరి, మాటు క్రీస్తుజ్ నమ్మితివలె డిజిబె ఆతి మని వరి లెకెండె మనాజ్, అక్క. మని వరి లెకెండె మనాజ్. రూలుజి అడిగి మనెవల్ ఇజి వెప్పొనాన్. మరి, ఒడోల్దిది నెఇ ఆనిజ్ కిబిస్తి పణిజ్ ఇని ఇనికెజ్, దేవుణు అత్తు నడిః పిసిని వజి నడిఃకాన్ ఎలాగ ముజినాన్ ఇజి బా వెప్పొనాన్.

1-2 అపొస్తుడు ఆతి పవులు ఇని నాను, గలాతియ ముటాడు మని దేవుణు సజమ్కాజ్ రాసిని ఉత్తం. నెగొండార్ నజి అపొస్తుడు ఇజి ఏర్పాటు కిత్తిజ్ నాను అపొస్తుడు ఆవిత. ఒరెన్ లోకు నజి అపొస్తుడు ఇజి పొక్తిజ్ నాను అపొస్తుడు ఆవిత. గాని యేసు క్రీస్తుని బుబ్బాత్తి దేవుణు నజి అపొస్తుడు ఇజి ఏర్పాటు కిత్తి పొక్తిజ్ నాను అపొస్తుడు ఆత. వాండ్రె యేసుక్రీస్తుజ్ సాపుదాన్ మరజి బత్తిస్తాన్. నానుని నా వెట ఇట్టి మని దేవుణుదిజ్ నమ్మితి తంబెరిబు, అట్టి మని సజమ్కాజి విజెరిజ్ వెనబాతి లెకెండె వెప్పొనార్.

3 మా బుబ్బు ఆతి దేవుణుని ప్రబు ఆతి యేసుక్రీస్తు దయ దర్మమదాన్, మీరు నిపాతిదాన్ మండ్రెజ్ సాయం కిపెర్.

4 మాటు కిత్తి తప్ప పణిజ్ మజి తప్పిస్తాజ్, యూ లోకమదు మని నెఇ బాణిజ్ డిస్సిస్టెజ్ క్రీస్తు మా పాపమక వందిజ్ వన్నిజ్ వాండ్రె ఒవజెవె ఆతండ్రె సాతాన్. మా బుబ్బు ఆతి దేవుణు ఎత్తు కిత్తి వజనె వాండ్రు యూ లెకెండె మా వందిజ్ సాతాన్.

5 దేవుణుదిజ్ అంతు సిల్లెండె ఎలాకాలం గదరం మనిద్. ఆమెన్.

సువార్త ఉండ్రె, మరి ఉండ్రె సిల్లెద్.

6 నిజమాతి సువార్త నమ్మితి వెనుక నిసా బేగి మీరు దేవుణుదిజ్ డిసి సీజనిదెర్ ఇజి నాను నండో బమ్మ అజిన. క్రీస్తు దయ దర్మమదాన్ మిజి సీజని కొత్త బత్తుదిజ్నె, దేవుణు మిజి కూక్తాన్. వన్నిజ్ డిసిదెర్, సువార్త ఇజి పేరు వెహ అజని తప్ప బోదదు మన్ను ఇడోజనిదెర్ ఇజి నాను నండో బమ్మ అజిన.

7 నాను నిజం వెప్పొన, అయూక క్రీస్తు వందిజ్ తోరిసి నెస్సిసిని సువార్త ఆవెద్. గాని నెగొండార్ మిజి పంకర్ కిబిసి, అయూ సువార్త మారిస్టెజ్ సుడోజినార్.

8 గాని అపొస్తురు ఆతి మాపునో, పరలోకమదాన్ వాతి దేవుణు దూతనో మరి ఎయెన్ ఆతిజిబె, మాపు ముజాలె మిజి వెప్తా సువార్త ఆవిండ, దినిజ్ వెత్తెకం ఆతి సువార్త మిజి వెప్తాజి, దేవుణు సాయుపు వన్ని మున్ను, ఎలాకాలం మనిద్.

9 మాపు ముజాలె మిజి వెప్తా లెకెండె, ఏలు నాను మరి ఉండ్రె సుటుబా వెప్పొన. మా బాణిజ్ మీరు వెంజి, నమ్మితి సువార్త ఆవిండ, దినిజ్ వెత్తెకం ఆతి సువార్త మిజి ఎయెనబా వెప్తాజి, దేవుణు సాయుపు వన్ని మున్ను, మనిద్.

10 నాను యూ లెకెండె వెప్పొ లోకుర్ బాణిజ్ మెపు కోరిజినానా? దేవుణు బాణిజ్ మెపు కోరిజినానా? లోకురిజ్ నరద్ కిదిజ్ సుడోజినానా? లోకురిజ్ నరద్ కిబిస్తిజ్ నాను సుడోజినె మహిజ, నాను క్రీస్తుజ్ సేవ కినికాన్ ఆవిండ మన.

దేవుణునె పవులుజ్ అపొస్తుడు ఇజి కూక్తాన్.

11 తంబెరిజాండె, నాను మిజి వెప్తా సువార్త లోకు బాణిజ్ వాతిక అవెద్ ఇజి నాను మిజి వెప్పొన.

12 అయూక లోకు బాణిజ్ నజి దోహొక్తిక అవెద్. ఎయెనబా నజి నెనెప్పిన్తిక అవెద్. గాని యేసు క్రీస్తునె యూ సువార్త నజి తోరిసి నెనెప్పిన్తిక.

13 ఒరెన్ యూద వాండ్రు కిజిని లెకెండె యూదురి మతమది రూలుజ్ విజి లోజిజి పటుదలదాన్ అయూకెజ్ కిజి నాను ఎలాగ బత్తిజి మహా ఇజి మీరు వెహ మనిదెర్. అయూలెకెండె దేవుణు సజమ్కాజ్ కనికారం సిల్లెండె నాను ఎసానో హిమ్మెజ్ కిజి, వరిజ్ నానం కిదిజ్ సుడోత ఇజి మీరు వెహ మనిదెర్.

14 నా జతదు మని మహి యూదురిజ్ ఇంక యూద మతమది రూలుజ్ విజి నాను తవ్వెండె కిత. నా అనిసిర్ నెనెప్పిన్తి అసారమకు పటుదలదాన్ కిదిజ్ నండో సుడోత.

15-16 గాని నాను నా యూయ పొటాడు పిండెం ఆతి మహివలె, దేవుణు నజి వన్ని వందిజ్ ఎర్లిస్తాన్. వన్ని దయ దర్మమదాన్ వన్నిజ్ సేవ కిదిజ్ నజి ఏర్పాటు కిత్తాన్. నాను యూదురు ఆఇ వరి నడిఃమి యేసు వందిజ్ సువార్త వెప్పొ వందిజ్ వన్ని మరిసిజ్ నజి తోరిసి నెస్సిస్టెజ్ ఇజి వాండ్రు తిర్మామానం కిత్తాన్. ఆహె తిరర్మానం కిత్తివలె నాను ఎయె వెటబా అలోసనం వెనబావత.

17 నాను అపొస్తుడు ఆని ముజాల అపొస్తుడు ఆతి వరిజ్ సుడోడెజ్ యెరూసలెమ్దుబె సొనెవత. గాని వెటనె నాను అరిబిరు ముటాడు సాహ. వెనుక నాను దమన్ను, పట్టుమదు మరజి వాత.

18 దేవుణు వన్ని మరిసిజ్ నజి తోరిసి, మూండ్రె పందిజ్ వెనుక, కేహ ఇజి కూకె ఆని పేతురు వెట నెల్గు ఆదెజ్ యెరూసలెమ్దు సాహ. అట్టి వన్ని వెట రుండ్ వారమకు మహ.

- 19 మరి, ప్రబుజ్ ఎయెరిజ్బ సుడోఁత. ప్రబుజ్ తంబెరి ఆతి యాకోబుజ్నె సుడోఁత.
 20 నాను రానినికెజ్ నిజమనె. అబద్ధం ఆఱ. దిన్ని వందిజ్ దేవుణు నెనినాన్.
 21 పేతురు వెట యెరూసలెమ్దు మహి వెనుక నాను సీరియ, కిలికియ ఇని ముటబి సాహ.
 22 నస్తివలె యూదయ ప్రాంతమ్దు మని దేవుణు సజమ్కాణికార్ నజీ తోవిండ మహార్.
 23 గాని మహికార్ నా వందిజ్ వెప్తి మనికెజ్నె వెహ మనార్. “మజీ ముజాలె హిప్పెజ్ కిజి మహికాన్, ఉండ్రీ కాలమ్దు వాండ్రు నానసం కిదెజ్ సుడోఁతి మని సువార్త్ ఏలు వెప్పానాన్”, ఇజి వెప్తి మనికెజ్నె వెహ మనార్.
 24 అందెజె నా వందిజ్ వారు దేవుణుదిజ్ పొగిడితార్.

2

మహి అపొస్తురు వరి జతదు పవులుజ్ కుడూప్పినార్.

- 1 పతినాల్లి పంటజ్ గడెప్పి వెనుక, నాను యెరూసలెమ్దు మరి సాహ. బర్బలు నా వెట వాతాన్. తితుజ్బా మాపు వెట కూక్త ఒతాన్.
 2 నాను సొండ్రెజ్ వలె ఇజి దేవుణు నజీ తోరిసి వెప్తిజ్నె నాను సాహ. అబ్బె పల్కుబడిఁ మని పెద్దలిజి కూడుప్తానె, యూదురు ఆజి వరిజ్ నాను వెప్పాని సువార్త్ ఇనిక ఇజి వరిజ్ వెప్తా. ఎండన్నిజ్ ఇహిజి నాను వెప్పానికెజ్ నిజం ఇజి వారు నెసిమండ్రెజ్. సిల్లిజి నాను ఏలు కిజిని సువార్త్ పణి, పణిదిజ్ రెవిండ ఆనాద్. యాలెకెండ వర్దిదిజ్ పల్కుబడిఁ మని పెద్దెలిజి నె కుడూప్త. మరి ఎయెరిజ్బ కుడూఁత.
 3 నా వెట వాతి తితు యూద్ వాండ్రు ఆవెన్. వాండ్రు గ్రీకు వాండ్రు. అందెజె వాండ్రు సునతి కిబె ఆఇకాన్. అహిజ్బా, వాండ్రు సునతి కిబె ఆదెజ్వలె ఇజి వారు కనితం వెహవతార్.
 4 గాని నమ్మితికాన్ ఇజి వెహ అని సెగెండార్ తితు సునతి కిబె ఆదెజ్ వలె ఇజి వెప్తార్. వీరు గుట్టు నెన్తెజి ఇజి మా నడిఁమి డుగితార్, క్రీస్తుయేసు వెట కూడిఁతి మని దన్నుదటాన్ మజీ వాతి విడుఁదలదిజ్ సుడోఁతార్. మాటు యూదురి రూలుజ్ లోజిదెజ్ వలె ఇజి వెప్పానాత్తార్.
 5 వారు వెప్పాదన్నిజ్ నణెంబా లోజిఁతావ్. ఎండనిజ్ ఇహిజి నిజమాతి సువార్త్ మీ నడిఁమి నిల్పు మండ్రెజ్ ఇజి కోరితావ్.
 6 గాని పల్కుబడిఁ మని పెద్దెలిజి, నాను వెప్పాని సువార్త్ మారిన్తెజ్ ఇజినో, కండెకేవా దనివెట కుడూఁప్తెజ్ ఇజినో వెహవతార్. నజీ వారు పలుకు బడిఁ మనికార్ ఆతిజిబ అఇతిజిబ నాను లెక్క కివత. దేవుణు ఇజికార్ పిరికార్ ఇజి తేడఁ తోవెన్.
 7 గాని యూదురిజ్ సువార్త్ వెప్తాజ్ దేవుణు పేతురుజ్ ఒపజెప్పి వజి, యూదురు ఆజి వరిజ్ సువార్త్ వెప్తాజ్ నజీ ఒపజెప్ప మనాన్ ఇజి వారు నెస్సార్.
 8 ఇహిజి యూదురు నడిఁమి అపొస్తుడు ఆజి సేవ కిదెజ్ పేతురుజ్ సత్తు సీతి దేవుణునె యూదురు ఆజివరి నడిఁమి అపొస్తుడు ఆజి సేవ కిదెజ్ నజీ సత్తు సీతాన్.
 9 నిటకోహి లెకెండ మని వెరి పెద్దెలిజి ఆతి యాకోబు, పేతురు, యోహాను ఇనికార్ దేవుణు నజీ యా వెరి పణి ఒపజెప్ప మనాన్ ఇజి నెన్తెవలె బర్బుజిజ్నె నజీ వరి వెట జత కూడిఁజి పణి కినికార్ ఇజి ఉండ్రీ గుర్తు లెకెండ మా కికు వరి వెట కలప్తార్. మాపు యూదురు ఆజి వరి నడిఁమి సువార్త్ వెప్తాజ్ ఇజి వారు యూదురు నడిఁమి సువార్త్ వెప్తాజ్ ఒప్పకోటార్.
 10 వరి నడిఁమి యెరూసలెమ్దు మని బీద వారు ఆతి నమ్మితి యూదురిజ్ మాపు సాయం కిదెజ్ ఇజినె వారు మా బాణిజ్ కోరితార్. నాను కిదెజ్ ఇజి నండ్రో ఆన్ ఆతికాదె అయూ సజితి.

పవులు పేతురుజ్ జటిజ్ ఆజినాన్.

- 11 కేహా ఇని పేతురు అంతియొకయ ఇని పట్టుమ్దు వాతివలె, ఎర్దునె నాను పన్నిజ్ జటిజ్ ఆత. ఎండనిజ్ ఇహిజి వాండ్రు కిట్టి పణి తప్ప.
 12 యాకోబు వెట కూడిఁతి మని సెగెండార్ నమ్మితి యూదురుజు అబ్బె వాని ముజాలె వాండ్రు యూదురు ఆజి నమ్మితి వరి వెట కూడిఁజి బోజనం కిజి మహాన్. గాని వారు వాతిజ్, వీండ్రు యూదురు ఆజి నమ్మితి వరివెట బోజనం కివిండ వరి బాణిజ్ దూరం ఆతాన్. వాండ్రు యా లెకెండ కిత్తాన్. ఎండనిజ్ ఇహిజి మోసి సీతి రూలుజ్ లోజిదెజ్వలె ఇజి డట్టం వెప్పామహి యూదురి గుంపుదిజ్ తియెలె ఆతాన్.
 13 అంతియొకయదు మని మహి నమ్మితి యూదురు పేతురు వెట వాండ్రు ఆతి వేనమ్దు కూడిఁతార్. వారు కిత్తిక సుడోఁజి, బర్బుబ ముసెం ఆతండ్రె, వారు కిత్తి లెకెండ వాండ్రుబా కిత్తాన్.
 14 నిజమాతి సువార్త్దు వెప్తా వజి వారు నడిఁఇక సుడోఁతానె, అబ్బె మని నమ్మితి విజెరి ఎర్దు పేతురుజ్ జటిజ్ ఆత. నాను ఈమో పన్నిజ్ వెప్తా, “ఓ పేతురు, నీను యూద్ వాండ్రు ఆజిబా, వరి లెకెండ బత్తిఇ. యూదురు ఆజివరి లెకెండ బత్తిఇని. మరి యూదురు ఆఇకార్ యూదురు లెకెండ మండ్రెజ్ వలె ఇజి ఎలాగ నీను డటం దెప్పాజి అట్నీన్”.
 15 నాను మరి వరి విజెరిజ్ వెప్పాన్. మాటు యూదురు జాతిదు పుట్టికాట్. దేవుణు రూలుజ్ నోజిజి నోఇకాట్ అవెట్.
 16 గాని దేవుణు మోసెజ్ సీతి రూలుజ్ లోజిజి ఒరెన్ దేవుణు ఎర్దు సీతి నిజాయితి మనికాన్ ఆవెన్. గాని యేసుక్రీస్తు మున్కు నమకం ఇల్లిజనె సీతి నిజాయితి మనికాన్ అనాన్ ఇజి నెన్త మనాట్. అందెజె యూదురు ఆఇకార్నె అవిండ, మాటుబా క్రీస్తు యేసుజ్ నమ్మితాట్. రూలుజ్ లోజిజి దేవుణు ఎర్దు సీతి నిజాయితి మనికాట్ అవిండ, క్రీస్తుజ్ నమ్మిజినె దేవుణు ఎర్దు సీతి నిజాయితి మనికాట్ అని వందిజ్ మాటు క్రీస్తు యేసుజ్ నమ్మితాట్. ఎండనిజ్ ఇహిజి, రూలుజ్ లోజిజి ఎయెంబా దేవుణు ఎర్దు సీతి నిజాయితి మనికాన్ అవెన్ ఇ జి మాటు నెనినాట్.
 17 క్రీస్తు యేసు వెట కూడిఁతి మని దనితాన్ మాటు దేవుణు ఎర్దు సీతి నిజాయితి మనికాట్ ఆదెజ్ కోరినాట్. గాని మాటు యా లెకెండ ఆదెజ్ సూణివలె, యూదురు ఆజివరి లెకెండ పాపమ్దు మనాట్. అయూవలె క్రీస్తునా మజి తప్ప కిబినికాన్? అవెన్.

18 రూలుజ్ లోజీజి ఒరెన్ దేవులు ఎద్దు నీతి నిజాయితీ మనికాన్ ఆవెన్ ఇజ నాను ముజలె తొరిస్త. నాను నెక్తిపొక్తి దన్ని దరోత్ మరి మహ్తాజ రూలుజ్ తప్పి వన్ని లెకెండ్ నాను మన్న ఇజ రుజువ్ కిజిన.

19 యూదురి రూలుజ్ లోజీజి మహివలె, అయారెజ్ కిజ, దేవులు ఎద్దు నీతి నిజాయితీ మనికాన్ ఆదెజ్ అట్ఎవన్ ఇజి నాను నెస్త. అందెజ్ దేవులు వందిజ్ బత్కిదెజ్ యూదురి రూలుజ్ బాణిజ్ డిజెబె ఆత.

20 నాను క్రీస్తు వెట సిలువాదు కుటిజాణిజ్ డెయె ఆతి లెకెండ్ మన. నాను బత్కిజి మహి లెకెండ్ మరి బత్కిఎ. క్రీస్తునె నా మన్నుదు బత్కిజినాన్. ఏలు నాను ఆవ నా మున్ను అతికారం కిజినాన్. గాని క్రీస్తు నా లోఇ మంజి నా మున్ను అతికారం కిజినాన్. నాను యా లోకమేదు బత్కిజిని బత్కు దేవులు మరిసిజ్ నమ్మిజి బత్కిజిన. వాండ్రు నజి ప్రేమిసి నా వందిజ్ వన్ని పాణం సితాన్.

21 దేవులు దయ దర్మం నాను నెక్తి పొక్వ. యూదురి రూలుజ్ లోజీజి ఒరెన్ నీతి నిజాయితీ మనికాన్ ఆనాన్ ఇహిజ క్రీస్తు సాతి సాపు అనవసరమనె.

3

యూదురి రూలుజ్నా క్రీస్తు మున్ను మని నమకమ్నా నిజమాతిక?

1 గలాతియ ముటాదు మని దేవుణుడిజ్ నమ్మితికిదెరా, ఎందనిజ్ మీరు బుద్ధి సీలివరి లెకెండ్ మనిదెరి? ఎయెర్ మిజి మెనిం కిత్రార్? యేసు క్రీస్తు మీ వందిజ్ సిలువాదు సాతిదని వందిజ్ నాను మీ కణకెజ్ నిండ్రు తొరిసి వెప్తా మన గదె?

2 “యూదురి రూలుజ్ లోజీజినిజ్ దేవులు ఆత్మ మిజి దోహక్త మనాదా? మాపు మిజి వెప్తా సువార్త వెంజి నమ్మిత్తిజ్ గదె మిజి దోహక్త మనాదా?”. యా ఉండ్రె నజతిని వెప్తు.

3 మీరు నిసా బుద్ధి సీలికిదెరా? మీరు మీ కొత్త బత్కు మొదొల్స్తివలె దేవులు ఆత్మ నత్తుదాన్ మొదొల్స్తిదెరి. మరి ఏలు మీ సాత నత్తుదాన్ మీ బత్కు పూర్తి కిదెజ్ నుడజినిదెరా?

4 మీరు దేవుణుడిజ్ నమ్మితి వెనుక, నండ్ ఒరిస్తిదెరి. మీరు ఒరిస్తికెజ్ పణిదిజ్ రెకెజ్ ఆతనా? మిజి జరిగితికెజ్ పణిదిజ్ రెంండ ఉఉత ఇజి నాను ఆన ఆజిన.

5 అందెజ్ దేవులు ఆత్మ మిజి నండ్ సీజి గొప్ప నత్తు మని పెరి పణిజ్ మీ నడిమి కిజినిక, మీరు మోసి సీతి రూలుజ్ లోజీజినిజ్నా? ఆవె. గాని మీరు సువార్త వెంజి నమ్మిజినిజ్నె వాండ్రు మిజి వన్ని ఆత్మ సీజినాన్.

6 అబ్రాహము వందిజ్ దేవులు మాటదు రాస్తి మనిక నెస్త, “వాండ్రు దేవుణుడిజ్ నమ్మితాన్. అందెజ్ దేవులు వన్నిజ్ నీతి నిజాయితీ మనికాన్ ఇజ బప్పుకొటాన్”, ఇజి రాస్త మనాద్.

7 అందెజ్ దేవులు మున్ను, నమకం ఇట్టికారె, నిజమాతి అబ్రాహము కొడొర్ ఇజి నెస్త.

8 సీన దిసమ్కాజ్ ముజాలె దేవులు మాటదు రాస్తమనాద్, యూదురు ఆఇకార్ దేవులు మున్ను, నమకం ఇట్టిజ, వాండ్రు వరిజ్ నీతి నిజాయితీ మనికార్ ఇజి డగ్రు కినాన్. వాండ్రు అబ్రాహముజ్, “లోకమేది లోకుర్ విజెరిజ్ నీ వెట నాను దీవిన్ను”, ఇజి అయార జర్తిఇ ముజాలె సువార్త వెప్తాన్.

9 అందెజ్ దేవులు మున్ను, నమకం ఇట్టి విజెరిజ్ అబ్రాహము వెట కూడుఃప్పి దీవినినాన్.

10 దేవులు మోసిజ్ నీతి రూలుజ్ లోజీజి వన్ని ఎద్దు నీతి నిజాయితీ మనికార్ ఆదెజ్ నుడజిని విజెరి, దేవులు సీతి సాయిపు అడిగి మంజినార్. ఎందనిజ్ ఇహిజ, దేవులు మాటదు రాస్త మనాద్, “మోసి రాస్తి పుస్తకమ్కాజ్ మని రూలుజ్ విజా ఎస్తివలెబా కిజి ఎయెనిబా దేవులు సీతి సాయిపు అడిగి మంజినాన్”,

11 గాని నిజమె, ఒరెన్ విజా రూలుజ్ లోజీతికిబా దేవులు ఎద్దు నీతి నిజాయితీ మనికాన్ ఆవె. ఎందనిజ్ ఇహిజ, “ఎయెజ్ నీతి నిజాయితీ మనికాన్ ఇజి నాను ఇట్టుమనో వాండ్రు నా మున్ను నమ్మకం ఇట్టి వందిజ్ ఎలా కాలం బత్కినాన్”, ఇజి దేవులు వెప్తామనాన్ ఇజి దేవులు మాటదు మనాద్.

12 గాని దేవులు సీతి రూలుజ్ లోఇ అయారెకెండ్ ఆవె. ఎందనిజ్ ఇహిజ నమ్మకం మండ్రెజ్ వలె ఇజి రూలుజ్ వెహ్ఉ. దేవులు మాటదు వెప్తాక ఇనిక ఇహిజ, ‘రూలుజ్ నడిపిసిని వజి బత్కిదెజ్ కొరిజినికాన్ అయారెజ్ ఎస్తివలెబ లోజీదెజ్ వలె’,

13 మోసి సీతి విజా రూలుజ్ లోజీజి వరి మున్ను, వాజిని సయిపుదాన్ క్రీస్తు మజి డిజిసిప్పాన్. ఎందనిజ్ ఇహిజ దేవులు మాటదు రాస్త మనాద్, “కొహిదు డెలెవె ఆజి సాని ఎయెనిబా దేవులు సాయిపు మనికాండ్రె”.

14 క్రీస్తు యా లెకెండ్ అతండ్్ర మజి డిజిసిప్పాన్. ఎందనిజ్ ఇహిజ, దేవులు అబ్రాహముజ్ ఒట్టు కిత్తి దీవెనమ్కు యూదురు ఆఇ వరిజ్ క్రీస్తు యేసు వలె దోహక్త. మరి క్రీస్తు మున్ను, మజి మని నమ్మకమ్దాన్, దేవులు సీన ఇజి ఒట్టు కిత్తి వన్ని ఆత్మ మజి దోహక్తి వందిజ్ క్రీస్తు యా లెకెండ్ సాయిపు మొవె ఆతండ్్ర మజి సాయిపుదాన్ డిజిసిప్పాన్.

15 తంబెరిజాండె, మాటు రోజు బత్కిజిని బత్కుదాన్ ఉండ్రె మాటు లాగ్రి వెప్పా. రింర్ ఉండ్రె నజతి వందిజ్ ఉండ్రె ఆజి ఉండ్రె ఒపుమానం కిత్తి మహిజ, ఎయెనిబా అయార తప్పెజ్నో, దనివెట ఇనికబా కుడుఃప్తెజ్నో అక్కు సీల్లెద్. అయారెకెండ్, దేవులు మా వెట కిత్తి యా ఒపుమానమ్బా నిల్చి మంజినాద్.

16 దేవులు అబ్రాహము వెట, మరి వన్ని తెగ్గదు పుట్టి వన్నివెట ఒట్టుజ్ కిత్రాన్. ‘తెగ్గదు పుట్టి వరిజ్ ఇహిజ నండ్ లోకురిజ్’, ఇజి దేవులు మాటదు వెహ్ఎవె. గాని ‘నీ తెగ్గదు పుట్టి వన్నిజ్’ ఇజి వెహ్పినాద్. ఇహిజ అయార ఒరెన్ వనిజ్నె. వాండ్్రె క్రీస్తు.

17 నాను వెప్పా వాజినిక ఇనిక ఇహిజ, దేవులు ముజాలె అబ్రాహము వెట ఒట్టు కితాండ్రె అయార కిదెజ్ ఇజి తీర్మానం కిత ఇట్టాన్. అందెజ్ నాలొ వందెజ్ ముపాయ్ (430) వంటిజ్ వెనుక దేవులు మోసిజ్ నీతి రూలుజ్ అబ్రాహము వెట కిత్తి ఒపుమానమ్దిజ్ తప్పిసి నస్తివలె కిత్తి తిరుమానమ్దిజ్ సిల్లెండ కిదెజ్ అట్ఉ.

18 దేవులు సీన ఇజి ఒట్టు కిత్తి అక్కు, మాటు రూలుజ్ లోజీతిజనె దోహక్తాద్. ఇహిజ వాండ్రు కిత్తి ఒట్టుదాన్ మజి అయార అక్కు దోహక్ఎవె. గాని దేవులు అబ్రాహముజ్ సీన ఇజి ఒట్టు కిత్తిజ్ వాండ్రు వన్ని దయా దర్మమదాన్ సీతాన్.

19 అందెజె మరి ఎందనిజ్ దేవుణు మోసి వెట రూలుజ్ సితాన్? ఎందనిజ్ ఇహిజ తవుజ్ ఇని ఇనికెజ్ ఇజ తోరెన్జె రూలుజ్ సితాన్. యా రూలుజ్ అబ్రాహము తెగ్గదు పుట్టెకాన్ వానిదాక లోకురిజ్ నడిపెన్జె సితాన్. ఒట్టుదు ఎయె వందిజ్ వెస్తా మనానో వాండ్రె వీండ్లు. దేవుణు వన్ని దూతెజ్ వెట మోసెజ్ రూలుజ్ సితాన్. మోసె అయోక లోకురిజ్ సితాన్. మోసెనె, దేవుణు లోకురె నడిపెమి ఒపెసిని వన్ని లెకెండె నిహ మనాన్.

20 రిఎరె నడిపెమి నిల్పికాండ్రె ఒరెన్ ఒపెసినికాన్. గాని ఒపెసినికాన్ సిల్లెండెన దేవుణు అబ్రాహముజ్ ఒట్టు కిత్తాన్. ఎందనిజ్ ఇహిజ ఒరెండ్రె ఒట్టు కిత్తాన్ వాండ్రె దేవుణు.

21 అహిజ, దేవుణు అబ్రాహముజ్ ఒట్టు కిత్తి వెనుక, మోసెజ్ రూలుజ్ సితాన్ వాండ్రు కిత్తి ఒట్టుదిజ్ వెత్తెకమదికెజ్ న రూలుజ్? సిల్లె ఆహె ఆవిదె. రూలుజ్ లోకురిజ్ వెల్లకాలం బత్తిదెజ్ బత్తిని బత్తు సీదెజ్ అత్తి ఇహిజ, యా రూలుజ్ లోజెజి దేవుణు ఎద్దు సీతి నిజాయితి మనికారె ఆతారె మరి.

22 గాని దేవుణు మాట వెప్పెనాదె, యా లోకురె మని లోకురె విజెరె తోహె అతి వరిలెకెండె పాపం అడిగి మనారె ఇజ. అందెజె దేవుణు ఒట్టు కిత్తికెజ్ దోహెకెజ్ ఇహిజ యేసుక్రీస్తు మున్కు, నమృకం ఇడెదెజ్. నమృకం ఇట్టిజనె దోహెచ్చె.

23 క్రీస్తు రెండె మహి ముజాల, యా నమృకం రెండె మహాదె. నన్నివలె మోసె సీతి రూలుజ్, ఒరెన్ జమనసు కావ్ కిని లెకెండె, యూదురు అతి మజి తోహె ఇడెజె కావ్ కిజి మహె. ఇహిజ యా రూలుజ్ నె మా మున్కు అతికారం కిజి మహె. యాక, లోకురె క్రీస్తుజ్ నమ్మిదెజ్ ఆనాదె ఇజ దేవుణు తోరిసిని కాలమదాన్ నె మహాదె.

24 అందెజె క్రీస్తు రెండె మహివలె, యా యూదురి రూలుజ్ నె, మజి నుడెజి నడిపెసీతె. ఎందనిజ్ ఇహిజ, క్రీస్తు వాతి వెనుక వన్నిజ్ నమ్మిజె దేవుణు ఎద్దు సీతి నిజాయితి అదెజ్ ఇజ వెప్తాన్.

25 గాని ఏలు క్రీస్తుజ్ నమ్మిదెజ్ అట్టాజ్. అందెజె రూలుజ్ మా మున్కు అతికారం కిదెజ్ అజ్ అజ్.

దేవుణు కొడోరె

26 క్రీస్తు యేసు మున్కు, నమృకం ఇట్టిదెరె. అందెజె మీరు విజెదెరె దేవుణు కొడోరె.

27 మీ లోజ మని బాప్తిసం లాగి అతికారె విజెరె క్రీస్తు వెట కూడితి మనిదెరె. అందెజె క్రీస్తు గుణమేకు మిజెబా మంజెనె.

28 అందెజె యూదురు ఇజెనో, యూదురు ఆఇకారె ఇజెనో, వెట్టిపణి కినికారె ఇజెనో, కిఇకారె ఇజెనో, మొకకొడో ఇజెనో, అయోకొడో ఇజెనో ఆవిదె ముకెలం మీరు విజెదెరె ఉండ్రె లోకురె. ఎందనిజ్ ఇహిజ, మీరు క్రీస్తు యేసు వెట కూడితి మనిదెరె.

29 మీరు క్రీస్తు వెట కూడితి మనికెదెరె ఇహిజ, అబ్రాహము తెగ్గదు పుట్టికెదెరె. ఎందనిజ్ ఇహిజ క్రీస్తు అబ్రాహము తెగ్గదు పుట్టెకాన్. మీరు దేవుణు అబ్రాహము వెట ఒట్టు కిత్తి దన్నిజ్ అక్కు మనికెదెరె.

4

1 నాను వెప్పెనిక ఇనిక ఇహిజ, ఒరెన్ వన్ని ఆస్తిదిజ్ అక్కు మనికాన్ వన్ని కొడోరెనె. గాని అయా కొడోరె ఇజ్జెకాన్ మనివలె, వాండ్రు ఒరెన్ వెట్టిపణి కినివన్ని లెకెండె ఇనిదని మున్కుబా అతికారం సిల్లెండె మనాన్. అయా కొడోరె అప్పొసి ఆస్తిదిజ్ అక్కు మనికాన్ అతిజబా ఇనిదని మున్కు అతికారం సిల్లెండె మనాన్.

2 వన్ని అప్పొసి ఎత్తుకిత్తి వయసు వానిదాక, వాండ్రు వన్నిజ్ కోప కినివరి అడిగి, వన్ని ఆస్తి నూణి పణి మణిసిరి అడిగి మంజెనాన్.

3 అయాలెకెండె మాటుబా క్రీస్తు యా లోకురె మని ముజాల, మాటుబా యా లోకురె అలవాటుజ్ అడిగి మహాజ్.

4 గాని దేవుణు ఎత్తుకిత్తి తగితి నమయం వాతివలె వాండ్రు వన్ని మరిసిజ్ పోక్తాన్. వాండ్రు ఉండ్రె బోదెలి పొటా లోజహాన్ పుట్టాన్. వాండ్రు యూదురి రూలుజ్ విజె లోజెజి బత్తితాన్.

5 యూదురి రూలుజ్ లోజెజి దని అడిగి మహి మజి, దని బాణిజ్ డె డెన్పిన్జి వందిజ్, దేవుణు వన్ని మరిసిజ్ పోక్తాన్. ఎందనిజ్ ఇహిజ మాటు పూర్తి అక్కు మని దేవుణు కొడోరె అదెజ్ ఇజ,

6 మీరుని మాపు వన్ని కొడోరె. అందెజె దేవుణు వన్ని మరిసి ఆత్మదిజ్ మా మన్కుదు మండ్రెజ్ ఇజ పోక్తాన్. యా ఆత్మనె మా లోజహాన్ 'ఓబా', ఇజ కూక్కి మజి పార్థనం కిబిసికాన్.

7 అందెజె విలుదాన్ మీరు ఒరెన్ ఒరెన్ వెటి పణికిని వన్నిలెకెండె ఆఇదెరె. గాని మీరు ఒరెన్ ఒరెన్ దేవుణు కొడోరె అతి మనిదెరె. అందెజె మీరు వన్ని మరిసిరిరె సీన ఇజ వాండ్రు ఒట్టు కిత్తి దన్నిజ్ విజె అక్కు మనికెదెరె.

8 ఉండ్రె కాలమదు దేవుణుదిజ్ నెన్ ఇ ముజాల నిజం ఆఇ దేవుణుక అడిగి మహిదెరె.

9 గాని ఏలు మీరు దేవుణుదిజ్ నెన్జి మనిదెరె. మరి ఒదె వాండ్రు మిజె నెన్జి మనాన్. మరి ఎందనిజ్ మీరు సత్తు సీతి పణిదిజ్ రెఇ దెయమక దరోజ్ మరెజినిదెరె. మరిబ దన్ని అడిగి మండ్రెజ్ కోరెజినిదెరె?

10 మీరు నెగ్గె దిసమక ఇజ నెగ్గె నెలెజ్ ఇజ సరెద ఆని కాలమక ఇజ నెగ్గె ఏంటుజ్ ఇజ నూణిదెరె.

11 మీరు కిజిని వన్యాజ్ నాను నెన్, మీ వందిజ్ బాద ఆజి. నాను మీ నడిపెమి కష్టబడిజె కిత్తి సేవ పణి, పణిదిజ్ రెండె ఆనాదె ఇజ బాద ఆజి.

12 అందెజె తంబెరిజాండె, నాను మిజి బతిమాల్లి. మీరు నజి పోలిజ మండ్రు. ఎందనిజ్ ఇహిజ మోసె సీతి రూలుజ్ బాణిజ్ డిజె అతి యూదురు ఆఇ మిలెకెండె ఆతమన నాను. మీరు ఎన్జివలెబా నజి నెగ్రెండె నుడెతి మనిదెరె.

13 నాను మిజి సువార్త తోలిత వెప్తివలె నాను ఎలాగ మహ ఇజ మీరు నెన్జిదెరె. నాను నెగెండె సిల్లెండె కష్టం ఆరెతమహ.

14 నాను కష్టం అర్దివలె మీరు నందె బాద అతిదెరె. గాని మీరు నజి ఇజ్జె కణకదాన్ తోఇదెరె. నజి నెక్కి పోకెతిదెరె. అహిజ దేవుణు పోక్కి ఒరెన్ దూత లెకెండె మీరు నజి డగ్గు కిత్తిదెరె. క్రీస్తుయేసుజ్ డగ్గు కిని లెకెండె నజి డగ్గు కిత్తిదెరె.

15 అయావలె మీరు గొప్ప సరదదాన్ మహాదెర్. ఏలు మీ సరద విజు ఇనిక ఆతాద? మీరు నా వందిజ్ ఇనికబా కిదెజ్ తయారదాన్ మహాదెర్. మీ సొంత కణకుబా లాగ్లి సీదెజ్ ఇజ నాను లొన్నీక ఇహిజ, అయాకబా కిదెజ్ మీరు తయారదాన్ మహాదెర్ ఇజ నాను మీ వందిజ్ నిజం వెప్పినిజ్ మిజి పడెఱకాన్ ఆతానా?

16 ఏలు నాను మిజి నిజం వెప్పినిజ్ మిజి పడెఱకాన్ ఆతానా?

17 యూదురి రూలుజ్ లొజెదెజ్ వలె ఇజ వెప్పిని వరి వెట మీరు కూడెదెజ్ ఇజ పటుదలదాన్ నండొ ఆన ఆజనార్. గాని వరి ఉదెనమ్మకు నెగ్గెజ్ ఆఉ. మిజి మా బాణిజ్ దూరు కిబెన్జె వారు సుడెజనార్. ఎందనిజ్ ఇహిజ మీరు వరివెట కూడెజ, వారు మీ వందిజ్ పటుదలదాన్ ఆన ఆజని లెకెండ, మీరు వరి వందిజ్ ఆన ఆజి మండ్రెజ్.

18 ఉదెనం నెగ్గక ఇహిజ పటుదలదాన్ మంజనిక నెగెదె. ఎన్జివలెబా పటుదలదాన్ ఆహె మండ్రెజ్. నాను మీ వెట మని వలెనె ఆవండ, సిలివలెబా పటుదలదాన్ మండ్రెజ్.

19 నాను ప్రేమిన్సి లొకురండె, నాను మీ వందిజ్ మరిబా బాద ఆజన. ఏరు ఈబదెజ్ నొప్పిదాన్ బాద ఆని ఉండ్రీ బోదెలిలెకెండ నాను మరిబా మీ వందిజ్ బాద ఆజన. క్రీస్తు నని గుణమ్మకు మిజి వానిదాక నాను బాద ఆజని మంజన.

20 ఏలు మీ నడిఱెమ మంజ, మిజి నిపాతి వెప్తాజ్ ఇజ నాను నండొ ఆన ఆజన. ఎందనిజ్ ఇహిజ మీరు ఎందనిజ్ యా లెకెండ కిటిదెర్ ఇజ నాను గాబ్ర ఆజన.

ఆగారుని సార

21 మోసి రాస్తి రూలుజ్ లొజెదెజ్ వలె ఇజ వెప్పిని వరిజ్ నాను వెనబాజన. మోసి రాస్తి పున్జకమ్కాజ్ ఇనిక రాస్తి మనాదె ఇజ మీరు నెన్సిదెరా?

22 ఇనిక రాస్తి మనాదె ఇహిజ, అబ్రాహముజ్ రిఎర్ మరిసిర్ మహార్. ఒరెన్ వన్జుజ్ వెటి పణిమణిసి కాస్తాదె. మరి ఒరెన్ వన్జుజ్ వెట్టిపణి మణిసి ఆకాదె కాస్తాదె.

23 వెట్టిపణి మణిసి వెట పుట్టికాన్ ఒడొజ్ అందాన్ పుట్టాన్. గాని వెట్టిపణి మణిసి ఆక దని వెట పుట్టికాన్, దేవుణు ఎత్తు కిజి అబ్రాహము వెట కిత్తి ఒట్టు వజ పుట్టాన్.

24 యా రుండి బోదెకాజ్ రుండి నజతిజ వెట పొలిసి వెప్తాజ్ ఆనాదె. యా రుండి బోదెకు దేవుణు లొకుర్ వెట కిత్తి రుండి ఒపుమానమ్మకు లెకెండ మన్యె. సీనాయి గొరొతు దేవుణు ఇస్రాయేలు లొకురిజ్ రూలుజ్ సితివలె, వరి వెట కిత్తి ఒపుమానం ఆగారుజ్ పొలిత మనాదె. ఆగారు వెట్టిపణి కొడొరిజ్ ఇట్టి లెకెండ, యా ఒపుమానం లొకురిజ్ వెట్టిపణి మణిసిర్ లెకెండ కినాదె.

25 ఏలు అరెబియాదు మని సీనాయి గొరొతు సితి ఒపుమానం ఆగారుజ్ పొలిత మనాదె. వెట్టిపణి మణిసి ఆతి ఆగారు ని దని కొడొర్ లెకెండ మనార్. ఏలు యెరూసలెమ్ని బాన్ మని లొకుర్ ఎందనిజ్ ఇహిజ వారు అయా ఒపుమానమ్మకు వెప్పిని రూలుజ్ అడిగి మనార్.

26 గాని మున్సు, మని యెరూసలెం వెట్టిపణి మణిసి ఆకాదె ఆతి సారెజ్ పొలిత మనాదె. నమ్మితి మజి విజెరిజ్ అయ్సినె సార.

27 ఎందనిజ్ ఇహిజ దేవుణు మాటుదు వెప్పినినాదె, “కొడొర్ కాన్ఇ గొట్టు బోదెలి సరద అఆ. ఏరు ఈబని వలె మని నొప్పి నెన్ఇకి, సీను గొప్ప సరద అజి డటం డెడిజ్అ. ఎందనిజ్ ఇహిజ, మాని మని బోదెలిదెజ్ ఇంక మాని డిన్సి బోదెలిదెజ్ నండొదార్ కొడొర్ మనార్”.

28 ఏలు తంబెరిజాండె, మీరు ఇన్నాకు లెకెండ మనిదెర్. ఎందనిజ్ ఇహిజ, దేవుణు అబ్రాహముజ్ సీన ఇజి కిత్తి ఒట్టు వజ మీరు పుట్టిదెర్.

29 నస్తివలె ఒడొజ్ అందాన్ పుట్టికాన్ దేవుణు అత్తుదాన్ పుట్టి వన్జుజ్ మాలెజ్ కిత్తాన్. అయాలెకెండె ఏలుబా ఇగ్గెజనాదె.

30 గాని దేవుణు మాటు ఇనిక దిన్సి వందిజ్ వెప్పినినాదె, ‘వెట్టిపణి బోదెలిదెజ్ దని కొడొర్ వెట నెక్కె పొక్తు. ఎందనిజ్ ఇహిజ, వెట్టిపణి మణిసి పొటది కొడొడిజ్, వెట్టిపణి మణిసి ఆక దని పొటది కొడొర్ వెట అప్పిని ఆన్సిదిజ్ అక్కు, మండ్రెజ్ వీలు సిల్లెదె’,

31 అందెజ్ తంబెరిజాండె, మాటు వెట్టిపణి బోదెలి కొడొర్ అఎట్. గాని మాటు వెట్టిపణి మణిసి ఆక దని కొడొర్నె.

5

1 క్రీస్తు మోసి సితి రూలుజ్ అడిగిదాన్ డిజెబిన్సివలె, దని అడిగి మన్ఎండ మంజని వందిజె డిజిన్సిన్. అందెజె డిజె ఆతి వరిలెకెండె నెగ్గెండ నిల్చి మండ్రు. మీరు వెట్టిపణి మణిసి లెకెండ రూలుజ్ అడిగి మన్మాట్.

2 నా మాటెజ్ జాగర్చి విండ్రు. పవులు ఇని నాను మిజి వెప్పిన్. దేవుణు ఎద్రు నీతి నిజాయితి మనికిదెర్ అదెజ్ మీరు సునతి కిబె అదెజ్ సుడెఱతిజ, క్రీస్తు మీ వందిజ్ ఆతిదని వందిజ్ ఇని విలువ సిల్లెదె.

3 సునతి కిబె ఆని విజెరిజ్ నాను మరిబా వెప్పిన్. మోసి సితి రూలుజ్ విజు మీరు పూర్తి లొజెదెజ్ వలె.

4 మోసి సితి రూలుజ్ లొజెజ, దేవుణు ఎద్రు నీతి నిజాయితి మనికాన్ అదెజ్ సూణికాన్, క్రీస్తు బాణిజ్ పూర్తి దూరం ఆతాన్. దేవుణు దయా దర్చుమిదెజ్ నెక్తి పొక్తిదెర్.

5 గాని దేవుణు మజి నీతి నిజాయితి మనికార్ ఇజి వన్సి ఎద్రు ఇడ్నాన్ ఇజి మాటు ఆన ఆజనాట్. మాటు ఎందనిజ్ యా లెకెండె అందాన్ ఎద్రు సుడెఱనాట్ ఇహిజ, దేవుణు మజి నీతి నిజాయితి మనికార్ ఇజి ఇడ్నాన్ దేవుణు అత్తునె మజి దయరం సిజనాన్. ఎందనిజ్ ఇహిజ మాటు క్రీస్తు యేసు మున్సు, నమకం ఇడెఱనాట్.

6 ఎందనిజ్ ఇహిజ, క్రీస్తు యేసు వెట కూడితి మనాట్ ఇజి మాటు నెనాట్. ఒరెన్ సునతి కిబె అత మనాండ్రె, సిలెనొ ఇజి దేవుణు తొఎన్. గాని దేవుణు సూణిక, ఒరెన్ క్రీస్తు మున్సు, నమకం ఇట్టా మనాండ్రా ఇజనె. మహి వరిజ్ ప్రేమిసిని క్రీస్తు మున్సు, నమకం ఇట్టా మనాన్ ఇజి తొరెన్జె.

7 మీరు నెగ్గెండెనె నమ్మెజ మహిదెర్. మరి, ఎయెన్ మిజి మొసెం కిజి, నిజమాతి సువార్త లొజెవండె అడు కిత్తాన్?

8 వన్ని లోకుర్ అదెజ్ మిజి కూక్కి దేవుణు యా లెకెండ మిజి వెహావన్.

9 పులూని దూరు కండెక్ అతిజ్బా, కుండార్ మని దూరు విజు పులాజ్ కినాద్. అయాలెకెండ ఉండ్రీ తప్ప బొదబ కినాద్.

10 మాటు ప్రబు వెట కూడెజ్ మనాట్. అందెజె మహి బొదెజ మిరు లోజ్ ఇదెర్ ఇజ నాను అనుమానుం సిల్లెండ నమ్మిజున్.

మిజి వంబ్ర కిబిస్సికాన్, వాండ్రు ఎయెన్ అతిజ్బా దేవుణు వన్నిజ్ తగితి సిక్కు సీనాన్.

11 తంబెరిజాండె, నెగెండార్ వెహ్నినార్ దేవుణు కొడెజరస అదెజ్ ఇహిజు సునతి కిబె అదెజ్ వలె ఇజ. నాను అయాలెకెండ వెహ్ని మంజినిక ఇహిజు, యూదురు నజి మాలెజ్ కివెతారమరి. సునతి కిబె అదెజ్ వలె ఇజ నాను వెహ్ని మంజినిక ఇహిజు, సిలువారు క్రీస్తు సాతిసాపు వందెజ్ నాను వెహ్ని వలె వారు నా ముస్సు కోపం అవెతారమరి.

12 సునతి కిబె అదెజ్ వలె ఇజ వెహ్ని మజి వంబ్ర కిబిస్సి యా లోకుర్, కొడెజర్ ఇడెదెజ్ అటేజ వరి లెకెండ ఆపిర్ ఇజ నాను అస అజున్.

13 తంబెరిజాండె, డిజె ఆతి వరి లెకెండ దేవుణు మిజి కూక్కు మనాన్. మీరు ఇన్జం ఆతి నెఇకెజ్ కిదెజ్ అనాద్ ఇజ ఒడెజిమాట్. గాని మరి ఒరెన్ వన్నిజ్ ప్రేమిని సేవ కిదెజ్ మిజి అక్కు మనాద్.

14 మోసె సితి రూలుజ్ విజు ఉండ్రె మాటాద్ కూడెజ్ మన్చె. అయూక ఇనిక ఇహిజు, “నీను నిజి ప్రేమిన్చి అ”, ఇజ.

15 గాని మీరు జంతుజు లెకెండ కటి అజు, ముకెజ్ లాగ్గి మహిజు, మీరు ఒరెన్ మరి ఒరెన్ వన్ని బాణిజ్ పూర్తి నానుం అనిదెర్ ఇజ జాగర్ల సుడెజ్ అదు.

దేవుణు అత్తు నడిపిసిన బత్తు.

16 అందెజె నాను మిజి వెహ్నిన, దేవుణు అత్తు మీ మన్చుదిజ్ వెహ్ని నడిపిసిన వజు నడిచు. అయవలె మీ ఒడెజిలెది నెఇ అనెజ్ కిబిస్సి నెఇ వణిజ్ మీరు కివెండ మంజినిదెర్.

17 మా ఒడెజిలెది నెఇ అనెజు వణిజ్ వణిజ్ దేవుణు అత్తు. దేవుణు అత్తుదిజ్ వణిజ్ నెఇ అనెజ్. యా రుండి నెఇ అనెజ్ ని దేవుణు అత్తు కూడెజ్ మన్చు. అందెజె మీరు ఎస్తివలెబా కిదెజ్ కోరిజినిక కివెండ మండ్రెజ్ అట్టిదెర్.

18 గాని దేవుణు అత్తున్ మిజి నడిపిసిన మహిజు, మీరు మోసె సితి రూలుజ్ లోజెజ దని అడిగి మన్చెదెర్.

19-21 ఒడెజిలెది నెఇ అనెజు కిబిస్సి వణిజ్ విజెరె నెస్తికెజె. అయూకెజ్ ఇని ఇనికెజ్ ఇహిజు, రంకు బూలానిక, కెలారబూలానిక, సాని బూలానిక, బొమెజు మాడిక్కుజ్, నెట్నిక, వగ అనిక, గొడబ అనిక, అజవం వన్యా వందెజ్ నండో అస అనిక, సాంత ఇన్జమకున సూణిక, కేటెజ్ అనిక, మిజి వణిజ్ వరి బాణిజ్ దూరం అనిక, మిజి కూడ్చి వరివెట కూడ్చి, గోస అనిక, సోస్తిక, ఉణిజి తింజి సోసి కరెజెజ నెఇ వణిజ్ కిజినిక. నాను ముజాలె మిజి డటం వెహ్ని లెకెండ మరి వెహ్నిన. నిని వణిజ్ కిజి బత్తినికార్ దేవుణు ఏలుబడి: కిని లోకుర్ లోఇ మండ్రెజ్ అటేవెర్.

22-23 గాని దేవుణు అత్తు వెహ్ని నడిపిసిన వన్నిజ్ నిని గుణమకు మంజిన్. అయూకెజ్ ఇని ఇనికెజ్ ఇహిజు, మహి వరిజ్ ప్రేమిస్సాన్, నర్తదాన్ మంజినాన్, సాంతి నమాదనమదాన్ మంజినాన్, కీడు కిత్తిజ్బా అయూకెజ్ ఒరిసి మంజినాన్, కనికారం తోరిస్సాన్, నెగెకెజ్ కినాన్, నమ్మిదెజ్ తగ్గికాన్, సార్దిదాన్ మంజినాన్, సోనెంండ మంజినాన్. యా లెకెండ కిజి మంజినికార్, ఇని రూలుజ్బా తవెవెర్.

24 క్రీస్తుయేను వెట కుడితి మనికార్, వరి పడాంబు బత్తు, వరి నెఇ అనెజ్ విజు, సిలువారు కుంటిబాణిజ్ డెయె ఆతి లెకెండ మనాద్. ఇహిజు వారు అయూకెజ్ పూర్తి డిక్కు సితార్.

25 దేవుణు అత్తు మజి కొత్త బత్తు సిత మనాన్. అందెజె దేవుణు అత్తు వెహ్ని నడిపిసిన వజు మాటు బత్తిదెజ్.

26 మాటు గొప్ప వెరికాట్ ఇజ గర్త అవెండ మహి వరిజ్ కోపం రెపిన్వెండ, గోస అజ నెఇకెజ్ కివెండ ఒరిన్ మరి ఒరెన్ వన్ని వెట మండ్రెజ్.

6

1 తంబెరిజాండె, మీ లోఇ ఒరెన్ తప్ప కిత్తిజు, దేవుణు అత్తు నడిపిసిన వజు నడిజు మిరు సార్దిదాన్ వన్ని తప్ప దిదిజు, నెగ్గి నెరిదు తతెజ్. మరి అయాలెకెండ, మీరుబా పాపమదు అర్వెండ జాగర్ల సుడెదెజ్.

2 మహి వరి బాదెజ్, కన్జమకు నెసి వరిజ్ సాయం కిదెజ్. యా లెకెండ కిజి క్రీస్తు వెహ్ని రూలుజ్ మీరు పూర్తి కిజినిదెర్.

3 ఎయెన్చా వాండ్రు వెరికాన్ అజతిజ్బా, గొప్ప వెరికాన్ ఇజ ఒడెజితిజు వన్నిజ్ వాండ్రె ముసెం కిబె అజినాన్.

4 విజెరె ఎయెన్ కిజినికెజ్ నెగ్గికెజ్ నా నెఇకెజ్ నా ఇజ వాండ్రె సుడె: అదెజ్. అయవలె వాండ్రు కిజిని దనితాన్ వాండ్రు పొగడె: అదెజ్ అటూన్. మహికార్ కిజిని దనిజ్ అవెండ, వాండ్రు కిజినిదాన్ సుడెజు పొగడె: అదెజ్.

5 ఎందనిజ్ ఇహిజు, ఒరెన్ ఒరెన్ వన్నిజ్, వాండ్రు కిదెజ్ మని బాజత మనాద్.

6 దేవుణు మాటు వెంజె నెసినికాన్ ఎయెన్చా వెహ్ని నెస్తిన్చి వన్నిజ్, వన్నిజ్ కల్గితి మని విజు నెగ్గి వన్యాజ్ లోఇ వంతు సీదెజ్.

7 మిజి మీరె మెసెం అమాట్. దేవుణుదిజ్ సుత్రిసి అర్వెజ్ అనాద్ ఇజ ఒడెజిమాట్. నాను ఎందనిజ్ యూక వెహ్నిన ఇహిజు, విత్తికాన్ ఇనిక విత్తాండ్రె, అయూ పంటనె కొయినాన్.

8 ఒడెజిలెది నెఇ అనెజు వజు కిజి బత్తిజినికాన్ నానుం అనాన్. ఎందనిజ్ ఇహిజు వాండ్రు నెఇ అస వజు బత్తితాన్. గాని దేవుణు అత్తు వెహ్ని నడిపిసిన వజు నడిపిసిన ఎలూకాలం దేవుణు వెట బత్తినాన్. ఎందనిజ్ ఇహిజు, వాండ్రు దేవుణు అత్తు వెహ్ని నడిపిసిన వజు బత్తితాన్.

9 నెగ్గి వణిజ్ కిదెజ్ విస్సిమాట్. ఎందనిజ్ ఇహిజు, మాటు విస్సివెండ మహిజు, దేవుణు ఎత్తు కిత్తి నమయమదు మాటు కిత్తి దనిజ్ వాండ్రు పలితం సీనాన్.

10 అందఱె మహి వరివందిజ్ సాయం కిదెజ్ నమయం దొప్పివలె, మాటు విజెరిజ్ నెగ్గికెజ్ కిదెజ్. ముకెలం దేవుణుదిజ్, నమ్మితి వరివందిజ్ కిదెజ్.

సునతి ఆవిద్ కొత్త బత్తునె ముకెలం.

11 నాసు యా మాటజ్ నా సొంత కీదాన్ నె రాసిన. ఎసొ పెరి అసరమ్కాణిజ్ రాసిన ఇజి సుడెడు.

12 మహి యూదురిజ్ సర్ద కిబిస్తెజ్ సూణికారె, మీరు తవ్వెండ సునతి కిబె ఆదెజ్ వలె ఇజి మిజి డటం వెప్పివారె. వారు ఎందనిజ్ యా లెకెండ వెప్పివారె ఇహిజ, క్రీస్తు సిలువారు సాతాన్ ఇజి నమ్మితిజనె దేవుణు రక్సిస్సాన్ ఇజి వెప్పివారె వలె లోకుర్ వరిజ్ మాలెజ్ కినారె. ఆహె వరి ముస్సు మాలెజ్ రెఎండ ముండ్రెజనె సునతి కిబె ఆదెజ్ వలె ఇజి డటం వెప్పివారె.

13 సునతి కిబె అతికారెబా, మోసి సితె రూలుజ్ విజు లోజివెర్. గాని మిజి సునతి కిబిస్తెజ్ కోరిజనారె. ఎందనిజ్ ఇహిజ, వారు వెప్పినిజ్ మీరు సునతి కిబె అతిదెర్ ఇజి మహి యూదురిజ్ వెప్పి వరి నడిమి పొగిడె; ఆదెజ్ సుడెజనారె.

14 గాని నాసు, మా ప్రబు అతి యేసు క్రీస్తు సిలువారు మా వందిజ్ సాతాన్ ఇజి అవ్వెండ మరి ఇనిదని వందిజ్ బా పొగిడె. వాండ్రు అయాలెకెండ సాతిజ్, నాసు గొప్ప విలువ మనిక ఇజి ఒడెబిని దనిజ్ యా లోకమ్దికారె విలువ సివెర్. వారు విలువ మనిక ఇజి ఒడెబిని దనిజ్ నాసు విలువ సివె.

15 ఒరెన్ సునతి కిబె అతాండ్రా, సిల్లెనా ఇజి ఆవిద్ ముకెలం. ముకెలమతిక ఇనిక ఇహిజ, ఒరెన్ పడాఱు బత్తు డెసి కొత్తాజ్ అతాన్ ఇజిని.

16 యా మాట వెంజి అయా వజి కిని విజెరిజ్ దేవుణు వన్ని సమాదనం సీజి, వన్ని ముస్సు కనికారం తోరిస్సాన్. మీరు ఎయెర్ ఇహిజ, దేవుణు వన్ని వందిజ్ ఎర్లిస్సికారె.

17 ఆకారెదు, ఎయెన్బా నజి మరి బాదెజ్ కిమాట్. ఎందనిజ్ ఇహిజ యేసుజ్ సేవ కిత్తి వందిజ్ నజి కిత్తి బాదెజ మసెజ్ నా ఒడెబిల్దు మన్నె. యాకెజ్ నాసు వన్ని వెట్టిపణి మణిసి ఇజి తోరిస్సి.

18 తంబెరిజాండె, మా ప్రబు అతి యేసుక్రీస్తు దయ దర్మం మీ ముస్సు మనీద్. ఆమెన్.

అపొస్తలుడు ఆతి పవులు ఎవెసుడు మని దేవుణుడి నమ్మితి వరిజ్ రాస్తి ఉత్తం

నెల్పు కిబిస్సిక

అపొస్తలుడు ఆతి పవులు ఎవెసు ఇని పట్టుమీదు మని దేవుణు సజమీదిజ్ రాసిని ఉత్తమనె యాక. యా ఉత్తం రాస్తి మహివలె, వాండ్రు రోమ జెలిరు తోపా ఆత మహాన్. నస్తివలె ఆనియ ఇని రోమ ప్రాంతమీదు మని ఉండ్రి ముకలమాతి పట్టుమీనె ఎవెసు.

పవులు యా ఉత్తం రాస్తాండ్రె, తుకికు వెట పొక్కినాన్. దేవుణుడిజ్ నమ్మిత్తికార్, వన్ని దయ దర్తం ఎసా గొప్ప వెరిక ఇజ వారు అర్తం కిజ నెస్టెజ్ రాస్తికాదె. మరి దేవుణు ఎత్తు కిత్తి నజతిజ్ క్రీస్తు వెటనె పూర్తి ఆతె. వాండ్రె విజు వన్యా మున్ను మనికాన్. క్రీస్తు వెటనె దేవుణు యూదురిజ్, యూదురు ఆజ వరిజ్ రక్కిసి వరిజ్ ఉండ్రె ఒడోల కిజనాన్. ఇట్టె ఒడోల ఇజ వెప్పీనిక, యా లోకమీదు మని దేవుణుడిజ్ నమ్మిత్తికార్ విజెరి కూడితి మని సజమీనె. మరి దేవుణు సజం ఎలాగ ఉండ్రె ఆజ మండ్రెజ్ నమ్మిత్తికార్ ఒరెన్ ఒరెన్ ఎలాగ మండ్రెజ్ ఇజ వెప్పీనాన్. నమ్మిత్తికార్ ఎద్రిసినిక యా లోకమీది లోకుర వెటనె అవిద్. గాని నయతాను వెటనె ఎద్రిసినార్ ఇజ ఎత్తు కిబిసి, ఎలాగ నయతానుజ్ ఎద్రిస్రెజ్ ఇజ వెప్పీనాన్.

1 క్రీస్తు యేసు వందిజ్ అపొస్తలుడు ఆతి పవులు ఇని నాను ఎవెసు పట్టుమీదు మని దేవుణు వందిజ్ కేట ఆతి వరిజ్ రాసిని ఉత్తం. దేవుణు ఎత్తు కిత్తి వజనె నాను క్రీస్తు యేసు వందిజ్ అపొస్తలుడు ఆత. మీరు క్రీస్తు యేసుజ్ నమ్మిజనె మనికిదెర్.

2 మా బుబ్బు ఆతి దేవుణుని ప్రబు ఆతి యేసు క్రీస్తు దయ దర్తమీదాన్ మీరు నిపాతిదాన్ మండ్రెజ్ సాయం కిపెర్.

3 దేవుణుడిజ్ పొగిడిజనాల్. వాండ్రె మా ప్రబు ఆతి యేసు క్రీస్తు దేవుణు. మరి వాండ్రె వన్ని బుబ్బుబా. ఎందనిజ్ ఇహిజ, దేవుణు ఆత్తు మా మున్నుదిజ్ వెప్పీ, వన్ని సరియ నడిపిస్సిదనితాన్ మజి వాజని విజు నెగ్గెకెజ్ నీజ వాండ్రె మజి దీవిస్తాన్. పరలోకమీదాన్ వాజనికెజ్ అయా నెగ్గెకెజ్, క్రీస్తు వెట మజి కుడుప్రాండ్రె, యా నెగ్గెకెజ్ మజి సితాన్.

4 ఎందనిజ్ ఇహిజ దేవుణు లోకం పుట్టినెండ ముజాలె మజి వన్ని లోకుర ఇజ ఎద్రిస్తాన్. క్రీస్తు వెట మజి మని సమమీదమీదాన్ యా లెకెండ మజి ఎద్రిస్తాన్. మాటు వన్ని వందిజ్ కేట ఆతి లోకుర లెకెండ, ఇని నిందిజ్ సిల్వెండ వన్ని ఎద్రు మండ్రెజ్ వాండ్రు యా లెకెండ ఎద్రిస్తాన్.

5 వాండ్రు మజి ప్రేమిసినాన్. అందెజె యేసు ప్రబు మా వందిజ్ ఆతి దనితాన్ మాటు వన్ని కొడోజ్ అదెజ్ ఇజ నండ్ ముజాలె వాండ్రు తిరుమానం కిత్తాన్. వాండ్రు యా లెకెండ తిరుమానం కిత్తాన్. ఎందనిజ్ ఇహిజ, అయాకది వాండ్రు ఎత్తు కిత్తిక. వన్నిజ్ ఇష్టం ఆతిక.

6 అందెజె గొప్ప బమ్మ కిని వన్ని దయ దర్తం వందిజ్ దేవుణుడిజ్ పొగిడిజనాల్. వాండ్రు ప్రేమిసిని వన్ని మరిసి ఆతి దని దనటానె యా గొప్ప దయ దర్తం మా మున్ను, వాతాద్. మజి సెడ్డినె దోహాకాద్.

7-8 క్రీస్తు మా వందిజ్ నల వాక్కి సాతి సాపుదాన్ దేవుణు మా పాపమీకాణిజ్ మజి డిజిస్పిస్తాన్. ఇహిజ మా పాపమీకు సెమిస్తాన్. అయా లెకెండ వన్ని దయ దర్తం గొప్ప వెరిక ఇజ తోరిస్తాన్. మా మున్ను, నండ్ దయ దర్తం సెడ్డినె తోరిస్తాన్. వన్ని బద్ది గెణమీదాన్ వాండ్రు వన్ని దయ దర్తం మా మున్ను, తోరిస్తాన్.

9 దేవుణు ఎత్తు కిత్తిక వాండ్రు కిత్తాన్. క్రీస్తు వెట పూర్తి కిదెజ్ ఇజ వాండ్రు వన్ని గర్భమీదు ఎత్తు కిజ డాప్పి ఇట్టి వణి మజి తోరిస్తాన్. అయాక ముజాలె ఎయెర్బా నెన్వెతార్.

10 వాండ్రు గర్భమీదు ఎత్తు కిజ డాప్పి ఇట్టిక ఇనిక ఇహిజ, పరలోకమీదు మని విజు వన్యాజ్, బూమి మున్ను, మని విజు వన్యాజ్, కూడుప్పి ఒరెన్ వన్ని అడిగి ఇట్టాన్. వాండ్రె క్రీస్తు. యాక కిదెజ్ తగితి నమయం వానివలె వాండ్రు పూర్తి కిన్.

11 విజు నజతిజ్ దేవుణు ఎత్తు కిత్తి వజ వాండ్రు కిజనాన్. క్రీస్తు వెట మజి కుడుప్రాండ్రె, వన్ని సొంత లోకుర ఇజ మజి ఎద్రిస్తాన్. ఎందనిజ్ ఇహిజ అయా లెకెండ ఎద్రిస్రెజ్ ఇజ వాండ్రు పూర్బమీదునె తిరుమానం కిత్ మహాన్. అయాకది వాండ్రు ఎత్తు కిత్తిక.

12 క్రీస్తు రక్కిస్రెజ్ వానాల్ ఇజ విజెరి ఇంక ముజాలె నమకం ఇట్టికావె యూదురు ఆతి మాపు. అందెజె దేవుణు గొప్ప వెరికాన్ ఇజ పొగిడిజనాల్. అయాకది వన్ని ఉదెనం.

13 అయాలెకెండె యూదురు ఆజ మీరుబ నిజమాతి బోద్ వెహిదెర్ ఇహిజ, దేవుణు మిజి రక్కిస్సాన్ ఇజ వెప్పీని సువార్ద వెహిదెర్. మీరు క్రీస్తు మున్ను, నమకం ఇట్టిదెర్ వన్ని వెట కూడితి మనిదెర్. అందెజె దేవుణు సీన ఇజ ఒట్టు కిత్తి దేవుణు ఆత్మెజ్ మిజి సితాన్. సింతె దేవుణు మిజి లోకుర ఇజ కూక్తాన్. యా దేవుణు ఆత్మనె, మీరు దేవుణు లోకుర ఇని దనిజ్ ఉండ్రి గుర్తు.

14 మరి దేవుణు వన్ని లోకురిజ్ ఒట్టు కిత్తి విజు మజి దోహాక్సెఇని దనిజ్ ఉండ్రి అదారమీనె యా దేవుణు ఆత్తు. వాండ్రు వన్ని లోకురిజ్ పూర్తి విడుజదల కినివలె అయాకెజ్ మిజి దోహాక్సె, దేవుణు గొప్ప వెరికాన్ ఇజ దినితాన్ లోకుర పొగిడినార్.

ఎవెసు సజమీదు మని వరి వందిజ్ పవులు కిజని పార్దనం

15-16 దేవుణు మిజి మున్ను, వెప్పీ లెకెండ దీవిస్త మనాన్. అందెజె నాను మీ వందిజ్ వన్నిజ్ పార్దనం కిజన. మీరు ప్రబు ఆతి యేసుజ్ నమ్మిజనిదెర్. దేవుణు వందిజ్ కేట ఆతి వరిజ్ విజెరిజ్ ప్రేమిసినిదెర్ ఇజ నాను వెహి బాణిజ్ అని మీ వందిజ్ ఎప్పివలెబా డిజెనెండ దేవుణుడిజ్ వందనమీకు వెప్పీన. ఎప్పివలెబా నాను పార్దనం కినివలె, మీ వందిజ్ పార్దనం కిజన.

17 గొప్ప వెరికాన్ ఆతి మా బుబ్బుజ్ పార్దనం కిజన. వాండ్రె మా బుబ్బు ఆతి యేసు క్రీస్తుజ్ దేవుణు. మీరు వన్నిజ్ బాగ నెస్సి వందిజ్ దేవుణు ఆత్తు మిజి గెణం సిదెజ్ ఇజ, దేవుణు వందిజ్ మిజి తెలివి కిబిస్రెజ్ ఇజ నాను వన్నిజ్ పార్దనం కిజన.

18 దేవుణు వందెళ్ కేట ఆతి లోకుర్ వందెళ్ వాండ్రు ఇట్టి మని గొప్పు పెరి దీవెనమకు ఇనికెళ్ ఇజ మీరు నెన్ని వందెళ్, అయా దీవెనమకా ఆనదాన్ ఎద్రు నూణి వందెళ్ వరిళ్ నెస్సినఅ ఇజ నాను పార్దనం కిజన. దేవుణు వన్ని లోకురిళ్ సీన ఇజ ఒట్టు కిత్తి దీవెనమకు ఎసా పెరికెళ్ ఇజ మీరు నెస్సెళ్ ఇజ నాను వన్నిళ్ పార్దనం కిజన.

19-21 వన్నిళ్ నమ్మిజిని మా లొఇ మని వన్ని సత్తు ఎసా పెరిక ఇజ మీరు నెస్సెళ్ ఇజ నాను పార్దనం కిజన. అయా సత్తు విజా వన్యా మున్సు గొప్పు పెరిక. యా గొప్పు పెరి సత్తుదాన్ దేవుణు క్రీస్తుళ్ సాపుదాన్ బత్తిస్తాండ్రె పరలోకమదు వన్ని ఉణెర్ పడకాదు బని కిత్తాన్. క్రీస్తు అబె అతికారం కిజనాన్. విజా రకమకాణి అతికారం కిజని దూతెజ, దెయమక మున్సు అతికారం కిజనాన్. అతికారం కిజని విజెరి మున్సు వాండ్రె గొప్పు అతికారం మనికాన్. వన్ని అతికారం ఏలు అతికారం కిజని వరి మున్సునె ఆవిద్. గాని వాని కాలమదు అతికారం కిని వరి మున్సుబా వాండ్రె గొప్పు అతికారం మనికాన్.

22 దేవుణు విజా వన్యాళ్ క్రీస్తు పాదమక అడిగి ఇట్టాన్. దేవుణు నజం మున్సు అతికారి లెకెండ వన్నిళ్ ఏర్పాటు కిత్తాన్.

23 వాండ్రు దేవుణు నజమదిళ్ బుర్ లెకెండ దేవుణు నజమనె వన్ని ఒడోల్ లెకెండ దేవుణు నజమనె వన్నిళ్ పూర్తి కిజనాద్. ఎంబెబా విజా వన్యాళ్ పూర్తి కిజనికాన్ వాండ్రె.

2

దేవుణు వన్ని కనికారమదాన్ మజి రక్కిసినాన్.

1 మీరు క్రీస్తుళ్ నమ్మిఇ ముజాల సాతి వరి లెకెండ మహిదెర్. ఎందనిళ్ ఇహిజ మీరు దేవుణుదిళ్ లోజెఇతిదెర్, నెజ పణిళ్ కిజి మహిదెర్.

2 యా లోకమదు మని దేవుణుదిళ్ దూనిస్సికార్ కిజి మహి లెకెండ మీరుబా కిజి మహిదెర్. ఆగానమదు బుల్లెయ్ కిని దెయమకాళ్ నెయ్ కి ఆతి నయతానుళ్ లోజెజ మహిదెర్. వీండ్రె దేవుణుదిళ్ లోజెజ వరి మున్సు ఏలు అతికారం కిజనాన్.

3 ఉండ్రె కాలమదు, నిజమె, మాటుబా నని వరి లెకెండ మహుట్. మా సొంత నెజ ఇన్సుమదాని కిజి మహుట్. మ ఒడోల్ ది ఆనెజ వజ, నెజ అలోనమక వజ కిజి మహుట్. మహి విజెరి లెకెండ, మాటుబా దేవుణు కోవమదిళ్ గురి ఆతి మహికాట్.

4 గాని దేవుణు నండో కనికారం వక్కిసినాన్. వాండ్రు మజి నండో ప్రమినినాన్.

5 అందెజి మజి క్రీస్తు వెట కుడుప్తాండ్రె మజి కొత్త బత్తు సితాన్. మాటు దేవుణుదిళ్ లోజెఎండ ఆతి మహిళ్, సాతి వరి లెకెండ మహుట్. అయాపలెబా వాండ్రు యా లెకెండ కొత్త బత్తు సితాన్. దేవుణు దయాదర్మదానె వాండ్రు మజి రక్కిస్తాన్.

6 వాండ్రు మజి క్రీస్తుయేసు వెట సాపుదాన్ మరజి బత్తిస్తాండ్రె, పరలోకమదు వన్ని వెట కూడిజి ఏలుబడి కిదెళ్ బని కిత్తాన్. క్రీస్తు వెట మజి కుడుప్తాండ్రె యా లెకెండ కిత్తాన్.

7 వాని కాలమదు లోకుర్ విజెరి వన్ని దయ దర్మం విజా వన్యా మున్సు గొప్పు నండో పెరిక ఇజ నుడెదెజి యా లెకెండ క్రీస్తు వెట మా మున్సు దయ దర్మం తోరిస్తాన్.

8 ఎందనిళ్ ఇహిజ దేవుణు, దయాదర్మమదానె మిజి రక్కిస్తాన్. మీరు క్రీస్తుళ్ నమ్మిత్తి దనితానె రక్కిస్తాన్. మీరు కిత్తి నెగ్గి పణిజాణిళ్ ఆవిద్ వాండ్రు మిజి రక్కిస్తక. అయొక వాండ్రు మిజి నీతి ఉండ్రె ఇనాయమనె.

9 మీరు కిత్తి నెగ్గి పణిజాణిళ్ ఆవిద్ దేవుణు మిజి రక్కిస్తక. అందెజి ఎయెనబా నాను కిత్తి నెగ్గి పణిజాణిళ్ దేవుణు నజి రక్కిస్తాన్ ఇజ పొజిదెళ్ ఆవిద్.

10 మాటు నెగ్గి పణిళ్ కిజిని మంజిని వందెళ్ క్రీస్తు యేసు వెట మజి కుడుప్తాండ్రె కొత్త బత్తు మజి సితాన్. మాటు కిదెళ్ మని యా నెగ్గి పణిళ్ వాండ్రు ముజాలె తిరుమానం కితాండ్రె ఇట్టాన్. నిజమె దేవుణు ఒరెండ్రె యా లెకెండ మా బత్తుదిళ్ కొత్తాళ్ కిత్తాన్.

11 అందెజి యూదురు జాతిమి పుట్ఇతి మీరు క్రీస్తుళ్ నమ్మిఇ ముజాల ఎలాగ మహిదెర్ ఇజి ఎత్తు కిదు. మీరు సునతి కిబె ఆఇకిదెర్ ఇజి యూదురు మిజి వెప్పెనార్. ఎందనిళ్ ఇహిజ, వారు సునతి కిబె ఆత మనార్. అందెజి వారు దేవుణు లోకుర్ ఇజి ఒడోబిజనార్. (గాని యా సునతి ఒరెన్ వన్ని ఒడోల్ దు కిని ఆసారమనె)

12 నుడెదు, అయా కాలమదు మీరు క్రీస్తుళ్ దూరం మహిదెర్. దేవుణు లోకుర్ ఆతి ఇస్రాయేలుదిళ్ నెందఇకిదెర్. మీరు పయవారు. దేవుణు వన్ని లోకురిళ్ కిత్తి ఒట్టుదిళ్ నమందం సిలికిదెర్. మీరు యా లోకమదు ఇని ఆన సిల్లెండ, దేవుణుదిళ్ నెనెండ బత్తిజి మహిదెర్.

13 గాని ముజాల క్రీస్తుళ్ దూరం మహి మీరు ఏలు వన్ని వెట కూడితి మనిదెర్. క్రీస్తు నల వాక్కి సాతి సాపుదాన్ దేవుణు మిజి డగ్గు కిత్తాన్.

14 క్రీస్తునె యూదురు ఆఇ మిజి, యూదురు ఆతి మజి రాజినం కిబిస్సికాన్. ముజాల మిజి మజి అడ్డు లెకెండ మహి పగ వాండ్రు లాగింతె, ఉండ్రె నన్ని లోకుర్ కిత్తాన్.

15 యూదురి రూలుదు మని అడ్రెజ, రూలుజ క్రీస్తు వన్ని ఒడోల్ దు సాతి సాపుదాన్ వన్యాళ్ సత్తు సిల్లెండ కితాండ్రె, అడు లెకెండ మహి పగ లాగితాన్. ఎందనిళ్ ఇహిజ, రుండి లోకురిళ్ ఇహిజ, యూదురిళ్, యూదురు ఆఇ వరిళ్ వన్ని వెట కుడుప్పి ఉండ్రె నని కొత్త లోకు కిత్తాన్. యా లెకెండ వాండ్రు రాజినం కిబిస్తాన్.

16 మరి సిలువాదు సాతి సాపుదాన్ వాండ్రు రుండి జాతిజ నడిమి మహి పగ సొన్నిసి, ఉండ్రె నని లోకుర్ లెకెండ కిజి, దేవుణు డగ్గు మరజి తతెళ్ యా లెకెండ రాజినం కిబిస్తాన్.

17 క్రీస్తు యా లోకమదు వాతండ్రె, దేవుణుదిళ్ దూరం మహి యూదురు ఆఇ మిజి, వన్ని డగ్గు మహి యూదురు ఆతి మజి నమందనం సీజిని సువార్త వెప్పాన్.

18 వన్ని వెట మజి రివికెళ్, ఇహిజ యూదురు ఆఇ మిజి, యూదురు ఆతి మజి, బుబ్బి ఆతి దేవుణు ముజాల దయరమదాన్ సాండ్రెళ్ వన్నిళ్ లొన్దెళ్ అక్కు దొహ్కాద్. యొక దేవుణు అత్తు వెట మజి దొహ్కాద్.

19 అందెజె మీరు ఏలూదాన్ వయదికిదెర్ ఆఇదెర్. దేవుణుదిజ్ నందిఇకిదెర్ ఆఇదెర్. గాని మీరు దేవుణు లోకుర్ వెట అక్కు ఆతికిదెర్. దేవుణు కుటుమ్దికిదెర్.

20 ఉండ్రీ ఇల్లు పణకాణిజ్ తోహ్పొలెకొండ మీరు మనిదెర్. దనిజ్ పునాది ఆతికార్ ప్రవక్తరు, అహొస్తురు. దనిజ్ మూల పణుకు క్రీస్తుయేనుసె.

21 వాండ్రె ఆ ఇల్లు అరెంండ అన్సికాన్. వన్ని వెటెన ఆ ఇల్లు తోహ్ ఆజె పిరిసి ప్రబు ఆతి యేసు క్రీస్తు మండ్రెజ్ వన్ని వందిజ్ కేట ఆతి నెగ్గి ఇల్లు ఆనాద్.

22 క్రీస్తు వెట కూడితి మని మిజి వాండ్రు మహి నమ్మిత్తి పరివెట కుడుప్పినాన్. అయాపలె మీరు మహి నమ్మిత్తి పరివెట, దేవుణు వన్ని ఆత్మ నత్తుదాన్ మంజని ఉండ్రీ ఇల్లు ఆజనిదెర్.

3

యూదురు ఆఇ వరిజ్ సువార్త వెహ్పొ పణి పపులుజ్ దేవుణు ఒపజెహ్పినాన్

1 అందెజె క్రీస్తు యేసుజ్ సేవ కిని వందిజ్ జెలిరు మని పపులు ఇని నాను మీ వందిజ్ పార్లనం కిజన. యూదురు ఆఇ మిజి సువార్త వెహ్పొని వందిజె నాను జెలిరు ఆత.

2 మీరు తవేంండ వెహ్మచునిదెర్. దేవుణు దయ దర్లమ్దాన్, మిజి సువార్త వెహ్పొ పణి నజి ఒపజెహ్పాన్

3-4 దేవుణు ఎత్తు కిజి వన్ని గర్లమ్దు డాప్పి ఇట్టిక వాండ్రు నా వెట తోరిస్తాన్. దిని వందిజ్ నాను మున్ను, కండెక్ రాస్త మన. అయ్యాక మీరు నదేవితిజ, క్రీస్తు వందిజ్ దేవుణు ఎత్తు కిజి గర్లమ్దు డాప్పి ఇట్టిక నాను నెన్న మన ఇజి మీరు నెన్నిదెర్.

5 యాక దేవుణు పూర్బమ్దు మహి లోకురిజ్ తోరిసి నెన్పిన్వెతాన్. గాని ఏలు వన్ని వందిజ్ ఏర్పాటు కిత్తి అహొస్తుడురిజ్, ప్రవక్తరిజ్ తోరిసి నెన్పిస్తాన్. దేవుణు ఆత్మదాన్ కేహు తోరిసి నెన్పిస్తాన్.

6 దేవుణు ఎత్తు కిజి గర్లమ్దు డాప్పి ఇట్టిక ఇనిక ఇహిజ, యూదురు ఆఇ పరిజ్, యూదురు ఆతి పరివెట దేవుణు సీని దీవెనమ్కాజ్ అక్కు మనాద్. యూదురు ఆఇకార్ని, యూదురు ఉండ్రె జడోల్ ఆత మనార్. దేవుణు క్రీస్తు యేసు వెట యూదురిజ్ కిత్తి ఒట్టుదిజ్, యూదురు ఆఇ వరిజబా వంతు మనాద్. యాకెజ్ మీరు సువార్త నమ్మిత్తిజ్ దోహ్కె.

7 యా సువార్తని నాను లోకురిజ్ వెహ్పొన. యా సువార్త పణినె దేవుణు వన్ని దయ దర్లమ్దాన్ నజి ఒపజెహ్పాన్. వన్ని నత్తు సీజి నా వెట కిదిసినాన్.

8 దేవుణు లోకుర్ లోఇ నాను ఎందనిజ్ పణిదిజ్ రెఇకాన్. గాని వాండ్రు నజి యా పెరి పణి ఒపజెహ్పాన్. ఇహిజ, క్రీస్తు సీజిని అంతు సీలి దీవెనమ్క వందిజ్ యూదురు ఆఇ వరిజ్ వెహ్పొజ్,

9 మరి దేవుణు ఎత్తు కిజి గర్లమ్దు డాప్పి ఇట్టిక ఎలాగ వాండ్రు కినాన్ ఇజి లోకుర్ విజెరిజ్ నెన్నిస్తెజ్ వాండ్రు యా పణి నజి ఒపజెహ్పాన్. విజా తయార్ కిత్తి దేవుణు పూర్బమ్దాన్ అసి వాండ్రు ఎత్తు కిజి గర్లమ్దు ఇట్టిక లోకురిజ్ డాహ్పాన్.

10 వాండ్రు ఎందనిజ్ యా లెకొండ డాహ్పాన్ ఇహిజ, పరలోకమ్దు మని దూతారిజ్, వన్యా అతికారిజ, వాండ్రు గొప్ప గెంజు మనికాన్ ఇజి దేవుణు నజం వెట ఏలు తోరిస్తెజ్ యాక వన్ని లోకుర్ వందిజ్ వాండ్రు ఆతి దనితాన్ తోరిసినాన్.

11 లోకం పుటిన్వెండ ముజాలె, యా లెకొండ కిదెజ్ ఇజి దేవుణు ఎత్తు కిత మహాన్. అయాలెకొండ మా ప్రబు ఆతి క్రీస్తు యేసు వెట కిత్తాన్

12 మాటు వన్నిజ్ నమ్మిజనాట్. వన్ని వెట కూడిత మనాట్. అందెజె తియెల్ సిల్లెండ దయరమ్దాన్ దేవుణు డగ్గు సొన్ని లోహ్పొజ్ అక్కు దోహ్కె మనాద్.

13 అందెజె మా వందిజె వన్నిజ్ స్రమెజ్ వాత ఇజి నా వందిజ్ విసారిస్మాట్ ఇజి నాను మిజి బతిమాల్తిన. గాని యా స్రమెజెణిజ్ మిజి గవరం సినార్.

పపులు ఎవెనుదు మని నమ్మిత్తి పరి వందిజ్ పార్లనం కిజినాన్

14 దినివందిజె, నాను మా బుబ్బు ఆతి దేవుణు ఎద్రు ముణుకుజ్ ఊర్జి మీ వందిజ్ పార్లనం కిజన.

15 పరలోకమ్దు మని నమ్మిత్తి విజెరిజ్, యా లోకమ్దు మని నమ్మిత్తి విజెరిజ్ వీండ్రె బుబ్బు. విజెరి వన్ని కుటుమ్దికార్.

16 వన్ని లోకుర్ వందిజ్ ఇట్టి మని నండో దివెనమ్కాణిజ్, మీ మున్ను దయరమ్దాన్ నెగ్గెండ మండ్రెజ్ వన్ని ఆత్మ వెట నత్తు సీదెజ్ ఇజి నాను వన్నిజ్ పార్లనం కిజన.

17 మీరు క్రీస్తుజ్ నమ్మిజనిదెర్. అందెజె వాండ్రు మీ మున్నుదు ఎలాకాలం మండ్రెజ్ ఇజి నాను పార్లనం కిజన. మీరు దేవుణుదిజ్ ప్రేమిసి మహి వరిజ్ ప్రేమిసి మండ్రెజ్ ఇజి నాను పార్లనం కిజన. అయ లెకొండ కిజి మహిజ, బూమి లోఇ సారితి సాహి వెల్లెజ్ మని మరాన్ లెకొండ మీరు మనిదెర్. నెగ్గి పునాది మున్ను తోహ్కె మని ఇల్లు లెకొండ మనిదెర్.

18 అయాపలె క్రీస్తు మజి ఎసా ప్రేమిసినాన్ ఇజి మీరు, దేవుణు వందిజ్ కేట ఆతి లోకుర్ విజెరి వెట పూర్తి నెస్తెజ్ అట్టిదెర్. వాండ్రు మజి అంతు సిల్లెండ నండో ప్రేమిసినాన్.

19 ఎయెర్బా అర్లం కిదెజ్ అట్జె క్రీస్తు ప్రేమి మీరు నెసినె మండ్రెజ్ ఇజి నాను పార్లనం కిజన. దేవుణుదిజ్ మని పూర్తి బుద్ది మిజిబా మంజని వందిజె నాను కేహు పార్లనం కిజన.

20 మాటు లోహ్పొ విజా దని ఇంక, ఒడిబిని దనిజ్ నండో కిదెజ్ దేవుణు అట్టాన్. మా లోఇ పణి కిజిని వన్ని ఆత్మ నత్తుదాన్ వాండ్రు కిజినాన్.

21 క్రీస్తు యేసు వెట వాండ్రు కిత్తి గొప్ప పణి వందిజ్, దేవుణు నజం వెట వాండ్రు కిత్తి గొప్ప పణి వందిజ్ యా దేవుణుదిజ్ తర తరమ్కు పొగిడిజి మంజనాట్. వన్నిజ్ ఎలాకాలం పొగిడిజినాట్. ఆమెన్.

4

క్రీస్తు వెట ఉండ్రె ఒడోల్ అతాల్

1 అందెజె ప్రబుజ్ నేవ కిజిని వందిజ్ జెలిదు ఆతి నాసు మిజి బతిమాలిజన. దేవుణు మిజి నా లోకు ఇజి కూక్తివలె నెగ్గి నరిదు నడిదెజ్ ఇజి కూక్తాన్. దనిజ్ తగ్గి వజ మీరు మండ్రెజ్ ఇజి నాసు మిజి బతిమాలిజన.

2 ఎస్తివలెబా గర్ల ఆవిండ తగిజ మండ్రు. మహి వరివెట సార్లిదాన్ మండ్రు. మహి వరిజ్ ప్రేమిసి, వరి వందిజ్ ఓరిసి మండ్రు.

3 దేవుణు అత్తునె మిజి కుడుప్త మనాన్. అందెజె మీరు ఉండ్రె ఆజి మంజిని వందిజ్ నమాదనమదాన్ కూడోజి పాడోజి మండ్రెజ్ నండో సుడోదెజ్ వలె.

4 మాటు ఉండ్రె ఒడోల్. ఉండ్రె దేవుణు అత్తు మజి దోహ్క మనాన్. దేవుణు మజి వన్ని లోకుర ఇజి కూక్తివలె, వాండ్రు సీన ఇజి ఒట్టు కితి ఉండ్రె నని దీవనమక వందిజ్ మాటు విజెటి అనదాన్ ఎప్తు సుడోజినాట్.

5 మజి విజెరిజ్ ఒరెండ్రె ప్రబు. మాటు నమ్మిజిని బోద ఉండ్రె. మాటు ఉండ్రె బాప్తిసం లాగి అతాల్.

6 మాటు ఒరెండ్రె దేవుణుదిజ్ మాడోస్సాట్. వాండ్రె విజెరిజ్ బుబ్బు. వాండ్రె విజెరి మున్సు అతికారం కినికాన్. వాండ్రె మా లొఇ మంజినాన్. మా వెట పణి కిబిసిసాన్.

7 గాని మా లొఇ ఒరెన్ ఒరెన్ వన్నిజ్ ఉండ్రె ఉండ్రె వరం, క్రీస్తు మజి సితాన్. అయిక వన్నిజ్ ఇన్సం ఆతి వజి వాండ్రు సీబాత సితాన్.

8 అందెజె దేవుణు మాటు రాస్తి మనాద్, “వాండ్రు ఎత్తు మని బాన్ ఎక్కి సాహివలె, వాండ్రు ఉద్దం గెలన్తివలె, అస్తి వరిజ్ వన్నివెట తోహ్క ఒతాన్. వాండ్రు లోకురిజ్ ఇనాయమక సీబాత సితాన్”, ఇజి.

9 (వాండ్రు ‘ఎక్కి సాహాన్’, ఇజి వెప్పిని దనిజ్ అర్దం ఇనిక? దని అర్దం ఇనిక ఇహిజ, వాండ్రు ముజాల, అడోగి మని యా బూమిదు వాతాన్.

10 యా బూమి మున్సు డిగితి వాతికాండ్రె అగాసం డాట్టి మున్సు, నండో అతికారం మని బాన్ ఎక్కి సాహికాన్. యా బూలోకుమదు మని విజి వన్కాజ్ వన్ని వెట పూర్తి కిదెజె వాండ్రు మున్సు ఎక్కి సాహాన్)

11 వాండ్రె, లోకురిజ్ ఒరెన్ ఒరెన్ వన్నిజ్ ఉండ్రె ఉండ్రె వరం ఒవజెప్తాన్. నెగొండారిజ్ అపొస్తరు ఇజి నెగొండారిజ్ ప్రవక్తరు ఇజి, నెగొండారిజ్ నుసార్త వెప్పికార ఇజి, నెగొండారిజ్ దేవుణు నజం సుడోజి, నెస్సిని, వరిజ్ నెగ్గెండ నడిపిస్సి పాస్టరుజు ఇజి వాండ్రు ఏర్పాటు కితాన్.

12-13 ఎందనిజ్ ఇహిజ, దేవుణు లోకురిజ్ దేవుణు పణి కిదెజ్ పూర్తి నెన్పిస్సెజె యా లెకెండ్ ఏర్పాటు కితాన్. క్రీస్తు ఒడోల్ ఆతి దేవుణు నజమదికార దేవుణుదిజ్ నెని పూర్తి పిరిని వందిజె దేవుణు లోకుర దేవుణు పణి కిదెజ్. అయా లెకెండ్ మాటు దేవుణుదిజ్ నమ్మిజి, వన్ని మనిసిజ్ నెని ఉండ్రె ఆజి మంజినాట్. మాటు పూర్తి బుద్ధి వాటి వరి లెకెండ్ పిరినాట్ ఇహిజ క్రీస్తు లెకెండ్ పూర్తి అనాట్.

14 అయావలె మాటు కొడోర్ లెకెండ్ మనెవట్. గాలి డెయిజి, ఉల్కెజ్ ఇతల్ అతాల్ దూక్కిని డోణి లెకెండ్, అబద బోద నెస్సిస్సి మొసం కిని వరి బాణిజ్ మొసం అవట్.

15 గాని మాటు ఎస్తివలెబా నిజం వెప్పి ప్రేమిసి మండ్రెజ్. అయాలెకెండ్ మాటు కిజిని విజి వన్కా లొఇ, క్రీస్తు లెకెండ్ పూర్తి అనాట్. వాండ్రె మా బుర్త లెకెండ్.

16 మాటు వన్ని ఒడోల్. ఒడోల్దు ఒడోల్ది అత్తుజ్ అత్తిస్తి లెకెండ్ క్రీస్తు మజి అత్తిస్తాన్. ఒడోల్ది అత్తుజ్ విజి అయికెజ్ పణి కిదెజ్ మని లెకెండ్ పణి కితిజ, ఒడోల్ నత్తుదాన్ పిపినాద్. అయాలెకెండ్ దేవుణు నజమదికార ఒరెన్ మరి ఒరెన్ వన్నిజ్ ప్రేమిసి వారు కిదెజ్ మనికెజ్ కితిజన దేవుణు నజం నత్తుదాన్ పిరినాద్.

17 అందెజె ప్రబు నజి సీతి అతికారమదాన్ నాసు మిజి వెప్పిన్. నాసు డటమనె మిజి వెప్పిన్. ఏలుదాన్ దేవుణుదిజ్ నెన్ఇకార కిజిని లెకెండ్ మీరు మనమాట్. వారు పణిదిజ్ రెకెంజ్ ఒడోబినార్

18 వరి మన్సుదు సీకాట్ మని లెకెండ్ మనార్. దేవుణు సీజిని కొత్త బత్తుదిజ్ దూరం మనార్. ఎందనిజ్ ఇహిజ, దేవుణు వందిజ్ నిజమాతికెజ్ వారు అర్దం కివర్. వరి మన్సు గటిదిక.

19 వరిజ్ సిగు సాహాద్. వారు ఒడోల్ది నిజ అనిజ ఒజి అతార్. విజి రకమకాణి పావమక కిజినార్. వారు అయికెజ్ డెసెవర్. మరి మరి కిదెజె అన ఆజినార్.

20 గాని మీరు క్రీస్తు వందిజ్ నెస్తివలె అయాలెకెండ్ మండ్రెజ్ అవద్ ఇజి నెస్తిదెర్.

21 నిజమనె, మీరు వన్ని వందిజ్ వెహెదెర్. మీరు వన్ని వెట కూడోతివలె యేసు వందిజ్ నిజమాతి దనిజ్ తగ్గివజి మిజి దేవుణు అత్తు నెస్తిస్త మనాన్.

22 మీరు బత్తిజి మహి పడాఇ బత్తు డిఃస్సు ఇజినె నెస్తిస్తాన్. పడాఇ బత్తుదు, మిజి మహి నిజ అనిజ్ మిజి మొసం కిజి పాడు కిజినె మహి.

23 మీ బుద్ధిని మీ మన్సు దేవుణు మారిస్సెజ్ వలె.

24 దేవుణు మిజి వన్ని నని బుద్ధి సితాన్. అందెజె వాండ్రు సీతి ఆ కొత్త బుద్ధిదాన్ మీరు మండ్రు. అయావలె సీతి నిజాయితీదాన్ మంజనిదెర్. తప్పజ్ కివండ మంజనిదెర్.

25 అందెజె ఏలుదాన్ అబద్దం వర్గిమాట్. మహి వరి వెట నిజం వర్గిదెజ్ వలె. ఎందనిజ్ ఇహిజ మాటు ఉండ్రె ఒడోల్దిజ్ నెందితికాట్.

26 మీరు కోపం అతిజ, మీ కోపం మిజి పాపం కిబినెండ సుడోదెజ్. మీ కోపం వెడారు మండ్రెజ్ అవద్.

27 తప్ప కిబిస్సెజ్ నయితానిదిజ్ నరి సీమాట్.

28 డోజి కిజి మహికాన్ ఏలుదాన్ డోజి కిదెజ్ అవద్. గాని వాండ్రు వన్ని కికాణిజ్ కష్టబడోజి వన్నిజ్ పణిదిజ్ వానికెజ్ కిదెజ్. ఎందనిజ్ ఇహిజ, అయావలె వాండ్రు బీదవరిజ్ సాయం కిదెజ్ అటూన్.

29 మీ వెయ్‌దాన్ సెజ మాటెజ్ వాదెజ్ ఆవెద. గాని మహికార్ నమకమదు పిరిదెజ్ తగ్గి నెగ్గి మాటెజె వర్గెదెజ్. లోకురిజ్ వరి అవునరం నుడెజె వర్గెదెజ్. ఎందనిజ్ ఇహిజ అయావలె మీ మాటెజ్ వెని వరిజ్ లాబం మంజినాద.

30 దేవుణు అత్తుదిజ్ దుకు కిదిన్మాట్. ఎందనిజ్ ఇహిజ, దేవుణు మిజి పూర్తి విడుపడల కిని దినమోదక మీరు వన్ని లోకుర్ ఇని దనిజ్ గుర్తు యా దేవుణు అత్తునె.

31 మీ లోజ మని కుత అన్నెక, కోపం, పగ అన్నెక, జటిజ్ ఆనిక, దుసలాడెనిక, మహి వరిజ్ సెజెకె కిజ బుద్ది, మీ లోజహాన్ డిజెస్తు.

32 గాని మహి వరి వందిజ్ నెగ్గెకె కిదు. వరిజ్ కనికారం తోరిస్తు. మిజి కితి సెజ దని వందిజ్ సెమిస్తు. క్రీస్తు వెట దేవుణు మీ తప్పుజ సెమిస్తె లెకెండ, మీరు వరిజ్ సెమిస్తు.

5

1 అందెజె మీరు దేవుణుదిజ్ పోలిజె మండ్రు. ఎందనిజ్ ఇహిజ, వాండ్రు నండ్ ప్రేమిస్సి వన్ని కొడెజెరి మీరు.

2 క్రీస్తు మజి ప్రేమిస్తాండ్రె, మా వందిజ్ సాదెజ్ వన్నిజ్ వాండ్రె ఒవజెవె ఆతాన్. వాండ్రు వన్ని పాణం నెగ్గి వాననం సీని పూజ లెకెండ సీతాన్. దనివెట దేవుణు సరద ఆతాన్. అయావజె మీరుబా ఒరెన్ మరి ఒరెన్ వన్నిజ్ ప్రేమిసి మండ్రు.

3 మీ లోజ ఎయెన్బా రంకు బాలమాట్. కేలార్ బాలమాట్. మని దనిజ్ ఇంక మరి నండ్ కావాలి ఇజె ఆన ఆమాట్. నిని వజి మీ లోజ మంజెనె ఇజె మహికార్ వెహ్జెబా సరి సిదెజ్ ఆవెద. ఎందనిజ్ ఇహిజ, మీరు దేవుణు లోకుర్.

4 గాని మీ లోజ కేడి మాటన్, బుద్ది సీలి మాటన్ వెంజె, సిగు ఆని మాటెజ్నో వర్గెదెజ్ ఆవెద. అయాకెజ్ మిజి తగ్గెజ్. గాని దేవుణుదిజ్ వందనమ్కు మీరు వెహ్జెజ్.

5 యాక మీరు తపెవండ్ నెస్తు రంకు బాలానికాన్, కెలార్ బాలానికాన్, మని దనిజ్ ఇంక మరి నండ్ కావాలి ఇజె ఆన ఆనికాన్ ఎయెన్బా దేవుణుని క్రీస్తు ఏలుబుడె కిని లోకుర్ లోజ మన్ఎర. అబె అక్కు మనికార్ అవెర. మని దని ఇంక మరి నండ్ కావాలి ఇజె ఆన ఆనికాన్, బోమెజ మాడిస్సి వన్నిలెకెండ మనాన్. వాండ్రు వన్నిజ్ కావాలి ఇజె ఆన ఆని దనిజె దేవుణు ఇజె ఒడిబినాన్.

6 పణెదిజ్ రెజ మాటెజ్ వెహ్సి ఎయెన్బా మిజి మెసెం కిఎండ నుడెజు. ఎందనిజ్ ఇహిజ, సెజెకె కిజ దేవుణుదిజ్ లోజెవండ్ మని వరిజ్ వాండ్రు సిక్కి సీనాన్.

7 అందెజె నని వరి వెట జత కూడాట్.

8 ఎందనిజ్ ఇహిజ, ఉండ్రె కాలమ్దు మీరు సీకటుదు బత్తితిదెర్. గాని ఏలు మీరు ప్రబు వెట కూడితిదెర్ జాయిదు బత్తిజెనిదెర్. అందెజె జాయిదు బత్తిజెని వరిలెకెండ బత్తిదు.

9 ఎందనిజ్ ఇహిజ జాయిదు బత్తిజెనికార్, ఎస్సివలెబా నెగ్గెకెజ్, సీతి మనికెజ్, నిజమాతికెజ్ కిజె మంజినార్.

10 ప్రబుజ్ ఇనికెజ్ ఇస్టం ఇజె నెని అయావజె కిదెజ్ నుడెజు.

11 సీకటుదు మనికార్ కిని పణెదిజ్ రెజ పణెజె వెట కూడాట్. గాని అయాకెజ్ సెజెకె ఇజె లోకురిజ్ వెహ్సు.

12 వారు నడి సిల్లెండ కిజెని పణెజె వందిజ్ వెహ్జెబా సిగునె.

13 గాని విజా వన్యాజ్ జాయి వెల్లె తపిస్సివలె అయాకెజ్ ఇనికెజ్ ఇజె లోకుర్ నెస్సార్. ఎందనిజ్ ఇహిజ, జాయి నిజమాతికెజె వెల్లె తోర్నాద్.

14 అందెజె వెహ్సి మంజినార్, “నిర్త కిజెనికి తెలి అత. సాతి వరిబాణిజ్ నిజెత. క్రీస్తు నిజె జాయి సీనాన్”, ఇజె.

15 అందెజె మీరు ఎలాగ నడిజెనిదెర్ ఇజె జాగర్ నుడెజు. బుద్ది సీలివరి లెకెండ ఆవెండ, బుద్ది మని వరిలెకెండ నడిజెదు.

16 కాలం గడాప్పాట్. ఎందనిజ్ ఇహిజ ఏలు నెగ్గి దనిమ్కు ఆఉ.

17 అందెజె బుద్ది సీలిలెకెండ బత్తిమాట్. గాని ప్రబుజ్ ఇనికెజ్ ఇస్టం ఇజె నెని అయాకెజ్ కిదు.

18 మతు సీనికెజ్ ఉణెజె సోసి మన్మాట్. ఎందనిజ్ ఇహిజ అయాక పాడు కినాద్. గాని దేవుణు అత్తుదాన్ నిండ్రెజె మండ్రు.

19 మీరు ఒరెన్ మరి ఒరెన్ వన్ని వెట వర్గిని వలె దేవుణు మాటెజ్ పాటెజ్ వజె వెహ్సి, దేవుణుదిజ్ పొగిడిజె వందనమ్కు వెహ్సి, దేవుణు అత్తు మీ మన్నుదిజ్ రేప్పిని వజె పాటెజ్ వెహ్సి వర్గెదు. మీ మన్ను పూర్తిదాన్ ప్రబు ఆతి దేవుణుదిజ్ పాటెజ్ పార్తు.

20 మా ప్రబు ఆతి యేసు క్రీస్తు వెట మజి దోహక్కి మని విజా దని వందిజ్ ఎస్సివలెబా మా బుబ్బు ఆతి దేవుణుదిజ్ వందనమ్కు వెహ్సు.

దేవుణు సజమ్దిజ్ క్రీస్తు మాసి

21 క్రీస్తుజ్ మీరు గవ్‌రం సీజెనిదెర్. అందెజె ఒరెన్ మరి ఒరెన్ వన్నిజ్ లోజెదు.

22 బోదెకాండె, మీరు ప్రబుజ్ లోజెని వజె మీ మాసిరిజ్ లోజెదు. మాసిరు మీ మున్ను అతికారం మనికార్ ఇజె ఒడిబెజె వరిజ్ లోజెదు.

23 ఎందనిజ్ ఇహిజ క్రీస్తు, విజా దేవుణు సజమ్కాజ్ బుర్ ఆతి లెకెండ, మాసి వన్ని బోదెదెదిజ్ బుర్ ఆత మనాన్. దేవుణు సజమ్కు విజా క్రీస్తు ఒడిబెనె. వాండ్రె విజా దేవుణు సజమ్కాజ్ రక్కిస్సికాన్.

24 విజా దేవుణు సజమ్కు క్రీస్తుజ్ లోజెని వజె, బోదెకుబా వన్యా మాసిరిజ్ విజా వన్యా లోజ లోజెదిజ్.

25 మెగ్గె కొడెరాండె, మీరు మీ బోదెకాజ్ ప్రేమిస్తు. క్రీస్తు విజా దేవుణు సజమ్కాజ్ ప్రేమిసి విజా సజమ్కు వందిజ్ సాతిలెకెండ మీరు మీ బోదెకాజ్ ప్రేమిస్తు.

26-27 క్రీస్తు ఎందనిజ్ విజా దేవుణు సజమ్కాజ్ వందిజ్ సాతాన్ ఇహిజ, విజా దేవుణు సజమ్కు సుబ్బురమ్దాన్ మండ్రెజ్ ఇజెనె. వాండ్రు దేవుణు మాటదాన్, బాహ్సమ్దాన్ సజమ్కాజ్ సుబారం కిత్తాన్. మరి సజమ్కు ఇని పాపం సిల్లెండ, నిందెజ్

సిల్లెండ, తకుజ సిల్లెండ, ఇని సెకెకె సిల్లెండ వన్నె ఎద్దు వాండ్రె నెగ్రెండ తోరిస్తెజె విజు దేవుణు సజమక వందిక వాండ్రు సాతాన్.

28 అయలెకెండెన్ క్రీస్తు విజు దేవుణు సజమకాక ప్రేమిసినాన్. అయలెకెండెన్ ఒరెన్ మాసి ఆల్లిక ప్రేమిస్తెజె. ముకెలెం మాసిరు వరి సాంత ఒణెల్దికె ప్రేమిస్సి లెకెండ, వరి బోదెకాకె ప్రేమిస్తెజె వలె. వన్నె బోదెల్దికె ప్రేమిస్సికాన్ వన్నెక వాండ్రె ప్రేమిస్తాన్.

29-30 ఎందనికె ఇహిజు ఎయెనబా వన్నె సాంత ఒణెల్దికె దూసినెన్. గాని దనికె నెగ్రెండ సుడెజి పోన కినాన్. మాటు క్రీస్తు ఒణెల్దికె అత్తికె మనాల్. అందెజె క్రీస్తు వన్నె ఒణెల్దికె అతి విజు దేవుణు సజమకాకె నెగ్రెండ సుడెజినాన్.

31 యాక దేవుణు మాటదు రాస్తి మని లెకెండ మనాద్. అందెజె, “మొగకొడె వన్నె అయిసి అప్పాసిరుకె డిసి వన్నె బోదెల్ వెట కూడెనాన్. వారు రిఎర్ ఉండ్రె ఒణెల్దికె అనార్”.

32 యా మాటదికె నండొ నిరి అద్దం మనాద్. గాని యా మాటకె క్రీస్తు వెట విజు దేవుణు సజమకాకె మని సమదం వందికె వెప్పానికెకె ఇజ నాను ఒణెబిజిన.

33 గాని యా మాటకె మీ వందికెబా మనికాద్. ఒరెన్, వన్నెక వాండ్రె ప్రేమిస్సి లెకెండ, వాండ్రు వన్నె బోదెల్దికెబా ప్రేమిస్తెజె వలె. మరి బోదెల్ మాసికె గవరం సీదెకె వలె.

6

కొడెరికె, అయిసి అప్పాసిరికె వెప్పానికె

1 కొడెరాండె, మీరు ప్రబు వెట కూడితి మనికెదెర్. అందెజె మీ అయిసి అప్పాసిరికె లోజెదు. యాక కెదెకె తగ్గికాద్.

2-3 దేవుణు మాటదు రాస్త మనాద్, “మీ అయిసి అప్పాసిరికె గవరం సిదు. యాకెదె దేవుణు వెప్పి ఆడ్రెజ లోక ఒట్టుదాన్ కూడితి మని మొదొహె ఆడ్ర. అయా ఒట్టు ఇనిక ఇహిజు, ‘మీరు మీ అయిసి అప్పాసిరికె లోజెతిజు విజు మిజె నెగ్రెండ మంజెని. మీరు నండొ వంటెకె యా బామిదు బత్తినిదెర్”.

4 అప్పాసిరాండె, మీరు మీ కొడెరికె మన్నుదికె కొపం రేవమాల్. గాని ప్రబుకె ఇస్తం అతి వజు, వరికె బుద్ది వెప్పి, నెస్సిసి పోన్ కిదు.

వెట్టివణి కిని వరికె ఎజమానిరికె వెప్పానికె

5 వెట్టివణి కినికెదెరా, బామి మున్ను మని మీ ఎజమానిరికె లోజెదు. మీరు క్రీస్తుకె లోజెజెని లెకెండ వరికె లోజెదు. మీరు పూర్తి మన్నుదాన్ వరికె తియెల్ అజ వరికె సిని గవరం సీజు లోజెదు.

6 నెగ్గికార్ ఇజ వెహె ఆదెకె వారు నూణివలెనె అవద్. వరికె లోజెదెకె. గాని మీరు కెదెకె ఇజ దేవుణు కోరిజెన వజు మీ పూర్తి మన్నుదాన్ కిదు. ఎందనికె ఇహిజు మీరు క్రీస్తుకె వెట్టి వణిమణిసీర్.

7 మీరు పణికె కిని వలె, లోకుర్ వందికె కిజినావ్ ఇజ ఆవిండ, దేవుణు వందికె కిజినావ్ ఇజ సర్దదాన్ కిదు.

8 ఎందనికె ఇహిజు వెట్టివణి కినికాన్ అతికెబా, మరి ఎయెన్ అతికెబా మరి ఇని నెగ్గి వణి కినికాన్ అతికెబు ప్రబు పలితం సీనాన్ ఇజ మీరు నెసినిదెర్.

9 ఎజమానురుజాండె, మీరుబా మీ వెట్టివణి మణిసిరికె నెగ్రెండ సుడెదు. వరికె బెద్దిస్కాల్. ఎందనికె ఇహిజు మీరు నెస్సిదెర్, మిజెని వరికె ఒరెన్ ఎజమాని దేవుణు మంజెని బాడిదు మనాన్. ఇజ్జికాన్ పెరికాన్ ఇజ వన్నెకె తెడ సిల్లెద్.

సయతానుకె ఎద్దిస్సికె ఎలాగ ఇజ వెప్పానాన్

10 కడెవెరిదు నాను మిజె వెప్పాన్, ప్రబు వెట మీరు కూడెజి వన్నె సత్తుదాన్ మండ్రు. ఎందనికె ఇహిజు వన్నె సత్తు గొప్ప వెరికె.

11 దేవుణు సీజని విజు అయదమక తొడిగెజి తయార్ అజ మండ్రు. సయతాను అడ్డుజు ఎద్దిసి గెలస్సివందికె యా లెకెండ తొడిజె తయార్ అజ మండ్రు.

12 ఎందనికె ఇహిజు, మాటు లోకుర్ వెట ఆవిద్ ఎద్దిస్సికె. గాని సీకటుదు మని లోకుర్ మున్ను అతికారం కిజెని దెయమక వెట, వన్నా నయెకిర్ వెట, అగాసమెదు మని విజు దెయమకాకెనె మాటు ఎద్దిసినాల్.

13 అందెజె మీరు దేవుణు సీజని విజు అయదమక తొడిగెజి సయతానుకె ఎద్దిస్సికె తయార్ అజ మండ్రు. సెకె దినమక వానివలె, దయరమదాన్ నిల్దెకె అట్టిదెర్. ఆకర్ దాక, మీరు దయరమదాన్ నిల్దెదెర్.

14 అందెజె మీరు దయరమదాన్ నిల్దెకె తయార్ అజ మండ్రు. ఒరెన్ విదెం కినికాన్ నడుముదు బెట్టు తొహె అజ విదెమదికె తయార్ అజని లెకెండ, దేవుణు వందికె నిజమాతికెకె సమ్మిజె తయార్ అజ మండ్రు. గుండెదు కాడెఎండ మంజెని వందికె ఇనుము కవసం తొడిగెజిని లెకెండ దేవుణు ఎద్దు సీతి నిజాయితిదాన్ మంజె, సయతాన్ బాణికె తప్తె అదు.

15 జార్ఎండె నెగ్రెండ నిల్పి వందికె బూట్టు. తొడిగెని లెకెండ సమాదనం సీజని సువార్త మాట సమ్మిజె, సయతానుకె ఎద్దిసి నెగ్రెండ నిల్దెదు.

16 యాకెజె ఆవిండ, ఒరెన్ ఉద్దం కినికాన్, వన్నెకె వడెకెకాన్ వన్నె మున్ను పొక్కిని సెను బాణమక డాలు అని సప్పె ఎద్దిస్సి లెకెండ, సయతాను బాణికె తప్తె అదెకె ఎస్సివలెబా యెను క్రీస్తు మున్ను సమకం ఇడెజెనె మండ్రు.

17 బుర్తదు దెబ తగ్గిఎండ మంజెని వందికె గొప్ప గటి మని బోపె తొడిగెని లెకెండ దేవుణు మిజె రక్కినత మనాన్ ఇజ నెసి సమ్మిజె సయతాన్ మిజె బాదెకె కివిండ వన్నె బాణికె దూరం మండ్రు. కీదు కూడం అని తయార్ అతి లెకెండ, దేవుణు మాటదాన్ సయతానుకె ఎద్దిస్సికె తయార్దాన్ మండ్రు. దేవుణు అత్త మిజె సీజని కూడెమెనె దేవుణు మాట.

18 దేవుణు అత్య మున్నగుడు వెప్పొ నడివిన్ని లెకెండ్ ఎస్తివలెబా పార్దనం కిదు. దేవుణు బాణిజ్ సాయం లొస్తు. మీరు ఎస్తివలెబా పార్దనం కినివలె బదకమ్దాన్ పార్దనం కిమాట్. పార్దనం డిఃస్మాట్. దేవుణు వందిజ్ కేట అతి లోకుర్ విజెరె వందిజ్ ఎస్తివలెబా పార్దనం కిదు.

19 నా వందిజ్బా పార్దనం కిదు. నాను పర్గిని వలె నెగ్గి మాట నా వెయిదు దేవుణు సీని లెకెండ్, ఎందనిజ్ ఇహిజ, సువార్దదు ముజాలె డాఃజితి మహి. గాని ఏలు దేవుణు తోరిసి నెన్పిన్సి గొప్ప నజతిజ్ వెల్లి తని దయిరమ్దాన్ లోకురిజ్ తోరిన్జెజ్.

20 యా సువార్ద వెహైజ్, వన్ని కల్లు తనివన్ని లెకెండ్ యేసుక్రీస్తు నజి ఏర్పాటు కిత్తాన్. దిని వందిజె ఏలు నాను జెలిదు మన. అందెజె నాను నెగ్గెండ్ దయిరమ్దాన్ వెహైజ్, మని లెకెండ్ వెహైజ్ నా వందిజ్ పార్దనం కిదు.

21 మాటు ప్రేమ కిజిని మా తంబెరి అతి తుకికు, నా వందిజ్ మిజి విజు వెహ్సాన్. నాను ఇనిక కిజిని, ఎలాగ మన ఇజి మీరు నెన్జెజ్ నా వందిజ్ వాండ్రు వెహ్సాన్. వాండ్రు ప్రబు వందిజ్ నమ్మకమ్దాన్ సేవ పణి కిజినికాన్.

22 మజి జర్గిజిని దని వందిజ్ మిజి వెహైజ్, మిజి దయిరం మాట వెప్పొ ఓదరిన్జెజ్, దిని వందిజె నాను వినిజ్ మీ డగ్రు పొక్కిన.

23 మా బుబ్బ అతి దేవుణుని మా ప్రబు అతి యేసు క్రీస్తు, తంబెరిజు అతి మీరు విజెరె, నిపాతిదాన్ మండ్రెజ్ సాయం కిపిన్. మీరు మహి పరిజ్ ప్రేమిని మండ్రెజ్ క్రీస్తుజ్ నమ్మిజెనె మండ్రెజ్ సాయం కిపిన్.

24 కొన సిల్లెండ్, మా ప్రబు అతి యేసు క్రీస్తుజ్ ప్రేమిన్ని విజెరిజ్ దేవుణు దయ దర్తం మనీద్.

అపొస్తుడు ఆతి పవులు పిలిపియ పట్టుమీదు మని దేవుణు సజమ్దిజ్ రాస్తీ ఉత్తం నెల్పు కిబిన్సిక

అపొస్తుడు ఆతి పవులు పిలిపియ పట్టుమీదు మని దేవుణుదిజ్ నమ్మిత్తి వరి సజమ్దిజ్ రాసిని ఉత్తమన యాక. యా సజం మొదొల్సికాని పవులునె. డగ్రు వది వంటిజ్ వెనుక, నువార్త వెప్పిని వందిజ్ పవులు జెలిదు మహివలె, యా సజమ్దికార్ వన్నిజ్ ఎత్తు కితారె, వరి లొజ మని ఎవప్రాదితుజ్ వన్నిజ్ తోడుః కిని వందిజ్ పొక్కినార. పవులుజ్ సాయమ్బా వన్ని వెట పొక్కినార. వారు కితి యా నెగ్గి పణి వందిజ్ వరిజ్ వందనమ్కు వెప్పి రాసిని ఉత్తమన యాక. నిజమాతి నరద యెనుక్రీస్తు బాణిజె వానాద్ ఇజ వెప్పి వరిజ్ దయరం కిబినినాన్.

1 క్రీస్తు యేసు పణిమనిసి ఆతి పవులు ఇని నాను రాసిని ఉత్తం. క్రీస్తు యేసు పణిమనిసి ఆతి తిమోతి నా వెట మనాన్. పిలిపియ పట్టుమీదు మని క్రీస్తు యేసు వెట కూడితి మని దేవుణుదిజ్ కిట ఆతి విజెరిజ్, మరి నజం నడిఃపిన్సి ప్లాస్టరజ, సజ వెద్దల్జ, రాసినిక.

2 బుబ్బు ఆతి దేవుణు ని ప్రబు ఆతి యేసు క్రీస్తు దయా దర్మమదాన్ మీరు నిపాతిదాన్ మండ్రెజ్ సాయం కిపిర్.

పవులు కిని పార్దనం

3 నాను ఎన్సివలెబా, మిజి ఎత్తు కినివలె, నా దేవుణుదిజ్ మీ వందిజ్ వందనమ్కు వెప్పిన్.

4-5 మీరు నువార్త వెంజి, నమ్మిత్తి దినందాన్ మొదొల్ని ఏలుదాక, నువార్త సాటిన్సి వందిజ్ మీరు నా వెట జత కూడితి మనిదెర్. అందెజి మీ విజెరె వందిజ్ నాను పార్దనం కినివలె, నాను నరదదాన్ పార్దనం కిజన.

6 మరి, మీ మన్నుదు నెగ్గి పణి మొదొల్ని దేవుణు, క్రీస్తు యేసు వాని రోజుదు అయాక పూర్తి ఆనిదాక, వాండ్రు నడిఃపిసిని మంజినాన్. యా సజతి, నాను అనుమానం సిల్లెండ పూర్తి నమ్మిజన.

7 మిజి నాను నండొ పెమిన్సు. అందెజి మీ విజెరె వందిజ్ యా లెకెండ నాను ఒడఃబిదెజ్ తగ్గికాదె. ఎందనిజ్ ఇహిజ, నాను జెలిదు మనివలెబా, నువార్తదిజ్ విరేదం ఆతికెజ్ వెప్పి వరిజ్ నెగ్గెండ మరజి వెప్పి. అయా నువార్త నిజం ఇజి లోకెరిజ్ వెప్పి తోరిన్సి వలెబా, దేవుణు నజి సీతి యా గొప్ప పణిదు మీరు విజెరె నా వెట కూడితి మనిదెర్.

8 క్రీస్తు యేసు మిజి ప్రేమిసిని వజనె, నానుబా మిజి ప్రేమిన్సు. మిజి విజెరిజ్ నండొ ఎత్తు కిజన యాక నిజం ఇని దనిజ్ దేవుణునె సాక్కి.

9-11 నాను ఈహునె మీ వందిజ్ పార్దనం కిజన ఇనిక వాతిజ్బా, మీరు ఒరెన్ మరి ఒరెన్ వన్సుజి నెగ్గెండ లావు ప్రేమిని మండ్రెజ్ ఇజి పూర్తి నెన్సెజ్ ఇజి, మరి, ఇనిక వాతిజ్బా, నెగ్గెజ్ ఇని ఇనికెజ్, సెకెజ్ ఇని ఇనికెజ్ ఇజి మీరు పూర్తి నెన్సెజ్ ఇజి నాను పార్దనం కిజన. నాను ఎందనిజ్ ఈహు పార్దనం కిజన ఇహిజ, క్రీస్తు వాని రోజుదాక నెగ్గెజ్ ఇనిక ఇజి తిట నెసి మీరు ఇని పాపం సిల్లెండ, ఇని నింద సిల్లెండ నెగ్గెండ మండ్రెజ్. మరి, యేసు క్రీస్తు నత్తుదాన్ మీ బత్తు విజా వలితం వాని లెకెండ సీతి నిజయతిదాన్ మంజిని వందిజ్ నాను ఈహు పార్దనం కిజన. నాను యా లెకెండ పార్దనం కిజన, ఎందనిజ్ ఇహిజ, మీ బత్తు సుడఃజి లోకుర్ దేవుణుదిజ్ గనం సీదెజ్, పొగిడిదెజ్.

పవులు జెలిదు మనిక నువార్త సాటి ఆని వందిజ్ నెగెద్

12 తంబెరిజాండె, నజి వాతి బాదెజ్ విజా, మరి నండొ లోకుర్ నువార్త విని వందిజ్ పణిదిజ్ వాతాద్ ఇజి మీరు నెన్సెజ్ ఇజి నాను కోరిజన.

13 అందెజి, క్రీస్తు వందిజ్ నువార్త వెప్పిని వందిజ్ నె తొహె ఆత మన ఇజి రాజా ఇండ్రొ మని జమనుజు విజెరెని మరి పట్టుమీదు లోకుర్ విజెరె ఏలు నెన్స మనార.

14 మరి నాను తొహె ఆతి మనిజ్, నమ్మిత్తి తంబెరిజా లొజ నండొడార్ దయరమ్దాన్ తియెల్ సిల్లెండ దేవుణు మాట వెప్పినార. ఎందనిజ్ ఇహిజ, నాను జెలిదు మహివలె, ప్రబు ఎలాగ నజి సాయం కితాన్ ఇజి వారు నుడఃతార. అందెజి, వారు ప్రబు మున్సు నండొ నమకుం ఇట్టా మనార.

15-17 నిజమె, సెగెండార్ నా మున్సు. గేస ఆజనార. గొడుబెజ్ ఆజనార. అందెజి వారు క్రీస్తు వందిజ్ వెప్పినార. వీరు నెగ్గి మన్నుదాన్ అవింద, పవులు మున్సు, మాపు వెరికాప్ ఇజి పొజి ఆని వందిజి క్రీస్తు వందిజ్ వెప్పినార. ఈహు కితిజ, నాను జెలిదు మనివలె, మరి నండొ బాదెజ్ నజి వానె ఇజి వారు ఒడఃబిజనార. గాని మరి సెగెండార్ నెగ్గి బుద్దిదాన్ వెప్పినార. వీరు నజి ప్రేమిసినార. నువార్తదిజ్ ఎద్రిన్సి వరిజ్, మరజి వెప్పి నిజం ఇజి తోరిన్సెజ్ దేవుణు నజి ఏర్పాటు కిత మనాన్ ఇజి వీరు నెసినార. అందెజి వీరు నెగ్గి బుద్దిదాన్ వెప్పినార.

18 వారు నా వందిజ్ ఇనిక ఒడఃబిజిబా, ఇనిక కిదెజ్ నుడఃతిజ్బా నజి ఇని తియెల్ సిల్లెద్. నెగ్గి బుద్దిదాన్ ఆతిజ్బా, సెజ బుద్దిదాన్ ఆతిజ్బా, ఎలాగ ఆతిజ్బా, క్రీస్తు వందిజ్ వెహె ఆజినె. అయాకదె ముకెలం. దని వందిజ్ నాను నరద ఆజన.

19 మరి, నరద ఆజినె మంజన. ఎందనిజ్ ఇహిజ, మీ పార్దనమ్దాన్, యేసు క్రీస్తు నజి సీతి దేవుణు అత్తు సాయమ్దాన్, నజి ఏలు వాతి యా బాదెజ్ విజా. ఆకార్దు, నా విడఃబెదల వందిజ్ నె వాతె ఇజి నాను నెసిన్.

20 నాను ఇని దని లొజబా సిగు అవింద మండ్రెజ్ ఇజినె నాను నండొ ఎద్రు నుడఃజి ఆన ఆనిక. గాని ఎన్సివలెబా నాను కితి లెకెండ, ఏలుబా నండొ దయరమ్దాన్ క్రీస్తు గొప్ప వెరికాన్ ఇజి తోరిన్సు. ఎందనిజ్ ఇహిజ, నాను సాతిజ్బా, బత్తుతిజ్బా క్రీస్తు గొప్ప వెరికాన్ ఇజి నాను కిజని విజా పణిజాణిజ్ నాను తోరిన్సు.

21 అందెజె నాను బత్తిజిన ఇహిజ క్రీస్తు వందిజె. నాను సాతిజ నజీ లాబం. ఎందనిజ్ ఇహిజ, అయావలె నాను క్రీస్తు వెటనె మంజినలె.

22-23 గాని నాను బత్తిజ మహిజ, క్రీస్తు వందిజ్ వలితం వాని పణి కిదెజ్ అట్టు. అయావలె ఇనిక నాను కోరిదెజ్? సాదెజ్నా, బత్తిదెజ్నా? నాను నెన్ఎ. నాను రుండి వన్నాజ్ గువె ఆజిన. యా లోకం డిసి క్రీస్తు వెట మండ్రెజ్ ఇజినె నా ఆస. ఎందనిజ్ ఇహిజ అయాకదె నజీ ఒదె నెగెదె.

24-25 గాని నాను బత్తిజినక, మిజీ గొప్ప అవునరం. యాక నాను పూర్తి నెసిన. అందెజె, నాను మంజి మీ విజెరె వెట కూడజిజ మండ్రెజ్ వలె ఇజె నెసిన. ఎందనిజ్ ఇహిజ, అయావలె, మీరు క్రీస్తుజ్ నెగ్రెండ నమ్మిజ మండ్రెజ్ సాయం కిని వందిజ్ నాను అట్టు. అయాలెకెండ మీరు నెగ్రెండ నమ్మిజనిజ్ మీరు నరద అనిదెర.

26 అందెజె, నాను మీ వెట మరి కూడ్తివలె, క్రీస్తు మరి నజీ మీ నడిమి తపిస్తాన్ ఇని దని వందిజ్ క్రీస్తుయేసుజ్ పాగిడినిదెరె.

27 ఇనిక అతిజ్బా, క్రీస్తు వందిజ్ వెప్పిని నువార్తదు మని దనిజ్ తగ్గి వజ నడిదు. ఎందనిజ్ ఇహిజ, నాను మీ డగ్రు వాజి, మిజీ సుడజితిజ్బా, సిలిజ రెవండ మీ వందిజ్ వెహిజ్బా, మీరు విజెరె నువార్తదు వెప్పిని నమకం వందిజ్ ఉండ్రె మన్ను కల్లిజ ఉండ్రె ఉదెనమదాన్ ఉండ్రె ఆజె నెగ్రెండ నిల్లిదెరె ఇజె నాను నెస్సాలె.

28 మరి, మిజీ ఎద్రిస్తి వరిజ్, ఇని దని లోజ మీరు తియెల్ ఆజెదెరె ఇజె నాను నెస్సాలె. యాక దేవుణు వరిజ్ నాననం కిసాన్ ఇని దనిజ్ నెగ్గి రుజువ్ ఆనాద్. గాని దేవుణు మిజీ ఎల్లకాలం రక్తిస్సాన్లె ఇని దనిజ్బా రుజువ్ ఆనాద్. దేవుణునె యాకెజ్ విజా కిసాన్.

29 క్రీస్తుజ్ నమ్మిదెజ్నె ఆవిండ, వన్ను వందిజ్ కన్ఠమకు ఓరిస్సెజ్బా దేవుణు మిజీ అక్కు సిత మనాన్.

30 అందెజె నువార్తదిజ్ విరోదం అతికెజ్ వెప్పివరిజ్ ఎద్రిస్తిజ్ కన్ఠబడిజె దనిజ్ మాటు ఉండ్రె అతాట్. నాను ముజాలె, పిలిప్పీయదు మహివలె ఎద్రిస్తిజ్ కన్ఠబడిజెతిక మీరు సుడజితిదెర. ఏలుబా కన్ఠబడిజెనిక వెంజెనిదెర.

2

1 క్రీస్తు వెట కూడితి మనిజ్, మీ బత్తుదు దయరం మనాద్ గదె? క్రీస్తు మిజీ ప్రేమిసిని ప్రేమదాన్ మిజీ నిపాతి కల్లిత మనాద్గదె? దేవుణు అత్తు వెట మిజీ సమందం మనాద్ గదె? క్రీస్తు మీ వందిజ్ పాణం నొత మనాన్గదె?

2 అవె మహిజ, మీరు ఉండ్రె లెకెండ ఒడజిబిజ, ఒరెన్ మరి ఒరెన్ వన్నుజ్ ప్రేమిని, ఉండ్రె మన్నుదాన్, ఉండ్రె ఉదెనమదాన్ మంజి, నా నరద పూర్తి కిదు.

3 సొంత ఇన్ఠం వందిజ్ ఆవిండ, కితి దని వందిజ్ నాను కిత ఇజి పొజి ఆవిండ, ఇనికబా కిదెజ్ గాని, మహికార్ నజీ ఇంక పెరికార్ ఇజి ఒడిబిజ, తగిజి మండ్రెజ్.

4 మీ లోజ విజెరెబా, మీ సొంత పణిజె తొవండ, మహి వరిజ్ సాయం కిదెజ్బా సుడజెదెజ్ వలె.

5 క్రీస్తుయేసుజ్ మహి యా మన్నుని మిజిబా మండ్రెజ్.

6 వాండ్రు ఎన్ఠివలెబా దేవుణు సనికాన్ అతిజ్బా, దేవుణు వెట సమానం అతికాన్ ఇజి, అయా అక్కు మండ్రెజ్ వలె ఇజి పటుతల కివెతాన్.

7 గాని వాండ్రు వన్ను మన్నుదాన్, అయాక విజా డిస్టాండ్రె, ఒరెన్ పణి కిని వన్ను లెకెండ ఒడిబిజ, లోకు అతాన్.

8 వాండ్రు ఒరెన్ లోకు అతండ్రె, వన్నుజ్ వాండ్రె తగి అతాన్. వాండ్రు దేవుణుదిజ్ లోజితాండ్రె, సాదెజ్బా వన్నుజ్ వాండ్రె ఒవజెవె అతాన్. గొప్ప సిగుదాన్ కూడితి మని సిలువారు సాని సాపు సాదెజ్బా వన్నుజ్ వాండ్రె ఒవజెవె అతాన్.

9 అందెజె దేవుణు వన్నుజ్ గొప్ప పెరికాన్ కితాండ్రె, మహి విజా పెర్కు మున్ను గొప్ప పేరు సితాన్.

10-11 దేవుణు యా లెకెండెసితాన్. ఎందనిజ్ ఇహిజ, పరలోకమదు మనికెజ్ విజా, బూమి మున్ను మనికెజ్ విజా సాతికార్ని మరి తోరెకెజ్ విజా యేసు పేరుదు ముణుకుజ్ ఊరెజి మాడికెన్జె. విజా యేసుక్రీస్తు ప్రబు ఇజె వరి వెయదాన్ ఒప్పుకోండెజ్. అయ లెకెండె బుబ్బు అతి దేవుణుదిజ్ గొప్ప గనం సీజనార్.

12 అందెజె నాను ప్రేమిసినికిదెరా, దేవుణు రక్తిస్తి లోకుర కిదెజ్ తగ్గి పణిజ్, మీ లోజ ఒరెన్ ఒరెన్ తియెల్దాన్ వణుకుదాన్ కిదెజ్ నండొ కన్ఠపడిదెజ్. ఎన్ఠివలెబా, మీరు నా మాట వెంజి లోజితిదెర. నాను మీ వెట మనివలెనె ఆవిండ, మీ వెట ఏలు సిలివలె, మరి ఒదె అయాక కిదెజ్ కన్ఠబడిదు.

13 మీరు అయాక కిదెజ్ అట్టిదెర. ఎందనిజ్ ఇహిజ, దేవుణుదిజ్ ఇన్ఠం కితి పణిజ్, కిదెజ్ ఇజి మీ లోజ ఆస పుటిస్సికాన్ దేవుణునె. అయాక కిదెజ్ సాయం కినికాన్బా దేవుణునె.

14-15 మీరు విజా పణిజ్, ఒరెన్ వన్నుజ్ మొరొ ఆవిండ, జటిజ్ ఆవిండ కిదెజ్. ఎందనిజ్ ఇహిజ, మీరు మూర్కమది వరి నడిమి, సెజవరి నడిమి బత్తునివలె, నందెజ్ సిల్లెండ, పాపం సిల్లెండ, ఇని తప్ప నిలి దేవుణు కొడెరె ఇజి తోరె ఆదెజ్. మీరు సని వరి నడిమి మంజి, బత్తు, సీని మాట మీరు నెన్పిస్సివలె, ఆగానమదు సుక్కెజ్ ఎలాగ జాయు సీజనానో, అయా లెకెండె మీరుబా మనిదెర.

16 మీరు యా లెకెండె మహిజ, క్రీస్తు వాని దినమదు నాను గెలస్తి వన్నులెకెండె నరద ఆదెజ్ అట్టు. ఎందనిజ్ ఇహిజ, నాను మీ నడిమి కన్ఠ బాడిజె కితి పణి, ఎందనిజ్ పణిదిజ్ రెవండ అవతాద్ ఇజి మీ బత్తు రుజువ్ కిసాద్.

17 మీరు నువార్త నమ్మిత్తివలె, మీ బత్తు దేవుణుదిజ్ సితిదెర. ఒరెన్ పుజెరి, దేవుణుదిజ్ పూజ సీనివలె, పూజ సీని దని మున్ను డ్రాక్కు పట్టు రనం వాక్తె లెకెండె, రోమ అతికారెబు నజీ సప్తిజ, నా నల మీ పూజ మున్ను వాక్తి లెకెండె ఆనాద్. అయ లెకెండె జర్లితిజ, నాను నరద ఆజిన. మీ విజెరె వెట నరద ఆజిన.

18 అయాలెకెండె మీరు విజెరెబా నా వెట నండొ నరద ఆదు.

19 తిమోతిజ్ మీ డగ్రు బేగి పోక్తెజ్ ప్రబు ఆతి యేసు నజీ తవ్వెండ సాయం కిన్ నాన్ ఇజి నాను ఆన ఆజిన. వాండ్రు నా వందిజ్ వెప్పా, మిజి నరద కిబిస్సాన్. అయ లెకెండ వాండ్రు మరజి వాజి మీ వందిజ్ వెప్పాజు, నాను నరద ఆన. అందెజె తిమోతిజ్ మీ డగ్రు బేగి పోక్తెజ్.

20 మీరు నెగ్రెండ మండ్రెజ్ ఇజి నిజం ఆన ఆజినికాన్ వీండ్రె. మీ వందిజ్ వినిజ్ మని ఆన ననికాన్ మరి ఎయెన్ బా నా డగ్రు సిలెన్.

21 మహికార విజెర, వరిజ్ ఇష్టం ఆతి సొంత పణిజె సుడేజినార. గాని యేసు క్రీస్తుజ్ ఇష్టం ఆతికెజ్ తోవెర.

22 గాని, తిమోతి నమ్మకమదాన్ ప్రబుజ్ సేవ కిజి నెగ్గికాన్ ఇజి రుజువ్ కితిక మీరు నెస్సిదెర. అప్పొసి వెట మరిసి ఎలాగ కూడ్డి పణి కిన్ నాండ్రె, అయాలెకెండ నువార్ల నండ్రె లోకుర విని వందిజ్ నా వెట కూడ్డి సాటిస్సాన్.

23 అందెజె, ఇట్టె నజీ జర్దిదెజ్ మనిక ఎలాగ జర్దినాద్ ఇజి నెస్సిజ, వెటనె నాను వినిజ్ మీ డగ్రు పోక్తెజ్ ఇజి నాను ఆన ఆజిన.

24 నానుబా బేగి మీ డగ్రు వాదెజ్ ప్రబు నజీ తవ్వెండ సాయం కిన్ నాన్ ఇజి నాను నమ్మిజెన.

25 ఎవప్రాదితుజ్ మీ డగ్రు మరజి పోక్తెజ్ వలె ఇజి నాను బాగ ఎత్తు కిజెన. వాండ్రు నా తంబెరి ననికాన్. నా వెట జత కూడేజి పణి కినికాన్. క్రీస్తు వందిజ్ నా వెట కూడేజి నండ్రె కన్బుబాడిజెనాన్. నజీ అవ్వనరం మనివలె తోడేజి మంజి సాయం కిదెజ్ మీరు నా డగ్రు పోక్తెజ్.

26 నాను వన్నుజ్ మీ డగ్రు మరజి పోక్తెజ్. ఎండనిజ్ ఇహిజ, వాండ్రు మిజి విజెరిజ్ నండ్రె ఎత్తు కిజెనాన్. వన్నుజ్ జబ్బు వాతాద్ ఇని మాట మీరు విహిదెర ఇజి నెస్సాండ్రె, మీరు వెహిదెర ఇజి నండ్రె బాద ఆజినాన్.

27 నిజమ, వాండ్రు నండ్రె క్రీస్తుం అర్పి సాపు బత్తు ఆతాన్. గాని దేవుణు వన్ని మున్ను కనికారం తోరిస్సాన్. వన్నుజ్ ఆవిండ, నా మున్ను బా కనికారం తోరిస్సాన్. వన్ని జబ్బు వందిజ్ దుకం ఆతి దని మున్ను వన్ని సాపు వందిజ్ బా దుకం ఆవిండ మంజిని వందిజ్ నా మున్ను కనికారం తోరిస్సాన్. వన్నుజ్ నెగెజ్ కితాన్

28 అందెజె, మీరు వన్నుజ్ మరి సుడేజి నరద ఆని వందిజ్, నజీ మని దుకం తకు ఆని వందిజ్ గజ బిజి పోక్తెజ్ ఇజి ఒదె ఆన ఆజిన.

29-30 అందెజె, ప్రబు వెట కూడితి మని వినిజ్ నండ్రె నరదదాన్ డగ్రు కిదు. వాండ్రు క్రీస్తుజ్ సేవ కిని వందిజ్ సాపు బత్తు ఆతాన్. మీరు నా వందిజ్ కిదెజ్ అటెఇతి సాయం కిదెజ్, వాండ్రు వన్ని పాణం సీదెజ్ బా గునె ఆవిండ కితాన్. అందెజె వినిజ్ గవ్వరం సీదు. విని నని వరిజ్ బా గవ్వరం సీదు.

3

1 ఆకారదు, నా తంబెరిజాండ్రె, ప్రబు వెట మీరు కూడితి మనిదెర. అందెజె, మీరు నరద ఆజిన మండ్రు. నాను ముజాలె నెగెండ్రె సెఇ వరి వందిజ్ వెప్త మన. అయూ నజితిజ్ మరి మరి రాస్సిజ్ బా నాను వందెవ. అయూక మిజి మొసెం కిని వరి బాణిజ్ తప్పిస్సాద్.

2 వెరి సుకుడిజి పోలితి వరి వరిజ్ జార్త్రత మండ్రు. వారు నండ్రె సెఇ పణిజ్ కినికార. దేవుణుదిజ్ నమ్మితి లోకు ఆని వందిజ్ మెగకొడోర నునతి కిబె ఆదెజ్ వలె ఇజి వారు కనీతం వెప్పినార. అయూక నిజం ఆవిద్. వారు పణిదిజ్ రెవిండ ఒడోల్ కోయెజినార. అందెజె వరి వందిజ్ జార్త్రత మండ్రు.

3 నాను ఆహె వెప్పాన్. ఎండనిజ్ ఇహిజ, నిజమాతి సునతి కిబె అతికాట్ మాట. వారు ఆవెర. ఇహిజ, దేవుణుదిజ్ నిజమాతి లోకుర మాట. దేవుణు ఆత్మదాన్, మాట దేవుణుదిజ్ పొగిడిజి మాడిసినాత్. క్రీస్తు యేసు మా వందిజ్ కితి దని వందిజ్ నరద ఆజినాత్. సునతి మున్ను ఆవిద్, మా నమకం సునతి కితిజ, దేవుణు కొడోర ఆదెజ్ ఆనాద్ ఇజి నమ్మివెత్.

4 అహిజ, యా లెకెండ మని నజతిజ మున్ను ఒరెన్ వన్నిజ్ నమకం ఇడెదెజ్ ఆనాద్ ఇహిజ, మహి వరిజ్ ఇంక నండ్రె వెప్తాజ్ అట్టికాన్ నానె. దేవుణు కొడోర ఆదెజ్ యా లెకెండ మని నజతిజ కిదెజ్ ఆనాద్ ఇజి ఎయెన్ బా డేజిబితిజ, వన్ని మున్ను మరి ఒదె వెప్తాజ్ అట్టికాన్ నానె.

5 ఎండనిజ్ ఇహిజ, నాను పుట్టి ఎనిమిది రోస్కాజె నజీ సునతి కిత్రార. నాను ఇస్రావీలు జాతిదిదు మని బెనియమీసు త్రెగ్గుడు పుట్టికాన్. నా అనిగొగొర విజెరె ఎబ్రివారు. నానుబా పూర్తి ఎబ్రి వాండ్రెనె. నాను పరిసయ వాండ్రు. దేవుణు మోసెజ్ సీతి రూలుజ్ నాను పూర్తి లోజెత.

6 యా లెకెండ కినిక దేవుణుదిజ్ ఇష్టం ఆతికాదెను ఇజి ఒడిబిజి, క్రీస్తు మున్ను నమకం ఇట్టి వరిజ్ నాను నండ్రె బాదెజ్ కితికాన్. మోసెజ్ సీతి రూలుజ్ లోజెజి, ఒరెన్, సీతి నిజాయితి మనికాన్ ఇజి తోరె ఆదెజ్ అటెతిజ, వన్ని లెకెండ నానుబా తోరె ఆదెజ్ అట్టె. ఎండనిజ్ ఇహిజ, రూలుజ్ లోఇ ఇనికబా తవ్వెవత.

7 నజీ లాబం వానిక ఇజి ఒడిబితి యూ నజతిజ్ విజి, పణిదిజ్ రెఇక ఇజి నాను డిస్సె సీత. క్రీస్తుజ్ నెస్సి వందిజ్ డిస్సె సీత.

8-9 అయూకదె ఆవిండ, నాను ముజాలె కిజి మహి విజి నజతిజ్ పణిదిజ్ రెఇక ఇజి నాను ఒడిబిజెన. క్రీస్తు యేసుజ్ నెసినికాదె విజి వనూ మున్ను గొప్ప విలువ మనిక. క్రీస్తు యేసుజ్ నెస్సి వందిజె యూ నజతిజ్ విజి పణిదిజ్ రెఇక ఇజి డిస్సె సీత. నాను క్రీస్తు వెట కూడేజి మంజిని వందిజ్, మరి, నాను పూర్తి క్రీస్తుయేసు వాండ్రు ఆని వందిజ్ నాను అయూకెజ్ విజి గుమమది కనర ఇజి నాను ఒడిబిజెన. దేవుణు మోసెజ్ సీతి రూలుదు మనికెజ్ లోజెజినిజ్ ఆవిద్ నాను సీతి నిజాయితి మనికాన్ అతిక. నాను క్రీస్తుయేసు మున్ను నమకం ఇడ్డిజెన, దేవుణు నజీ సీతి నిజాయితి మనికాన్ ఇజి కూక్తాన్.

10-11 నాను క్రీస్తుజ్ పూర్తి నెస్సిజ ఇజిన నాను మరి మరి కోరిజెన. ముకెలం, వాండ్రు సావుదాన్ నిజితి వలె, దేవుణు వన్నిజ్ సీతి నత్తు నజీబా కావాలి ఇజి నాను కోరిజెన. వాండ్రు నా వందిజ్ కన్బుమకు ఒరిస్సి లెకెండ నాను వన్ని వందిజ్ కన్బుమకు ఒరిసి వన్ని వెట కూడేజి మండ్రెజ్ ఇజి నాను కోరిజెన. వాండ్రు నా వందిజ్ సాతి లెకెండ నాను వన్ని వందిజ్ సాదిజ్ ఇజి కోరిజెన. నాను సాతి వెనుక మరజి బత్తు ఎలాగబా నజీ దోహిద్ ఇజిన నాను అయూ లెకెండ కోరిజెన.

12 నాను క్రీస్తు లెకెండ్ పూర్తి అత ఇజి నాను వెహే. ఇహిజ, దేవుణుదిజ్ ఇస్టం ఆతి వజ నాను పూర్తి అతమన ఇజి వెహే. గాని క్రీస్తుయేను నజీ కూక్తివలె, నాను ఎలాగ మండ్రెజ్ ఇజి వాండ్రు కోరె త మనాండ్రె, దని వందిజ్ నాను కన్పబడిజిన.

13 తంబెరిజాండె, క్రీస్తు లెకెండ్ నాను పూర్తి అత ఇజి నాను వెహే. గాని ఉండ్రీ సజతి నాను కిజిన. నాను ముజాలె కిజి మహి వన్యాజ్ పోసి, నాను బత్తుజిని బత్తు అంతు క్రీస్తు లెకెండ్ మండ్రెజ్ ఇజి నాను సుడేజి కన్పబడిజిన.

14 అందెజె దేవుణు నజీ పరలోకముదు కూక్తి సీని ఇనాయం లొన్నా నా గురి వందిజ్, నాను కన్ప బాడిజిన. ఎందనిజ్ ఇహిజ, క్రీస్తుయేను మున్ను నాను నమకం ఇట్టా మన.

15 అందెజె, నమకముదు పూర్తి పిరీతి మాటు విజెటి, ముజాలె వెహిజె వజ మండ్రెజ్ ఇజి, ఉండ్రె మన్ను మండ్రెజ్. గాని ముజాలె వెహిజె ఇని దని లొఇబా మిజి మరి ఉండ్రీ మన్ను మహిజ, దేవుణు అయాకబా మిజి వెహిజె తోరిన్నాన్.

16 దేవుణు మిజి వెహిజె తోరిన్తి వజ మాటు మండ్రెజ్ ఇనికాదె ముకెలం ఆతిక.

17 తంబెరిజాండె, మీరు విజెదె, నజీ సుడేజి నడిదు. మాపు నడితి వజ నడిజిని వరిజ్ సుడేజి మీరు నడిదు.

18 ఎందనిజ్ ఇహిజ, నండొండొర నమ్మిత్తికావ్ ఇజి వెహే ఆనికార్, క్రీస్తు సిలువాదు సాతి ఉదెనమ్దిజ్ వడిఎండ మనార్ ఇజి వరి బత్తుడాన్ తోరిన్నాన్. నీని వరి వందిజ్ నాను ముజాలె మిజి నండొ సుట్టు, వెహిజె మన. ఏలు వరి వందిజ్ నాను వెహిజె వలె, అడేబాజిన వెహిజె.

19 దేవుణు వరిజ్ నానం కినాన్. వారు ఒడొలేది ఆన వందిజి బత్తుజినార్. దేవుణుదిజ్ సర్వ కిబిన్తిజ్ బత్తుఎర్. సిగు తపిన్తి వణిజె వారు కిజినార్. వన్యా లొఇనె సరద ఆజినార్. యా లొకముది వణి కిదెజె వారు ఎత్తు కినార్.

20 గాని మాటు పరలోకముదు మనికాట్. అదెణిజ్ వాని, మజి రక్తిన్తి వన్తిజ్ మాటు ఎద్రు సుడేజినాట్. వాండ్రు ప్రబు ఆతి యేను క్రీస్తు.

21 వాండ్రు మరజి వానివలె, మా సత్తు సీలి సబ్జె సాని ఒడొలేదిజ్, వన్తి సత్తు మని సబ్జె ఒడొలే లెకెండ్ కినాన్. విజి వన్యాజ్ అతికారం కిని వన్తి గొప్ప సత్తుడాన్, వాండ్రు యా లెకెండ్ మా ఒడొలేదిజ్ కినాన్.

4

1 అందెజె నా తంబెరిజాండె, ముజాలె నాను నెన్పిన్తి దని వజ మీరు ప్రబు మున్ను, మని నమకం డీన్ఎండెనె మండ్రు. మీరు నా లెకెండ్ దేవుణుదిజ్ నమ్మిత్తికిదెర్. మీరు నజీ నండొ ఇస్టం ఆతికిదెర్. మీ వెటె మండ్రెజ్ నాను నండొ ఆన ఆజిన. మీరె నజీ నండొ సరద కిబిన్తికిదెర్, నజీ నెగ్గి పేరు తపిన్తికిదెర్.

2 ఓ యువొదియ సుంకుకి మీరు కూడేజి పాడేజి మండ్రు ఇజి నాను మిజి బతిమాల్లిన. ఎందనిజ్ ఇహిజ, మీరు ప్రబు లొక్కు.

3 మరి, నా వెటె సేవ వణి కినికి, సీను నమ్మిదెజ్ తగ్గికి. సీను యా బొడొక్ కూడేజి పాడేజి మంజిని లెకెండ్ వెహే అ ఇజి నాను నిజి వెహిజె. ఎందనిజ్ ఇహిజ, క్రీస్తు వందిజ్ సువార్త సాటిన్తిజ్ నా వెటె నండొ కన్పబాడితె. మరి, క్రెమెంతు వెటె, నా వెటె జత వణి కిని మహి వరి వెటెబా కూడేజి సువార్త సాటిన్తిజ్ అవికు నండొ కన్పబాడితె. ఎలాకాలం దేవుణు వెటె బత్తుని వరి పేర్లు రాసి ఇడ్డిని పున్పముదు వాండ్రు వన్యా పేర్లు రాస్త మనాన్.

4 ఎన్తివలెబా మీరు సరద ఆదు. ఎందనిజ్ ఇహిజ, మీరు ప్రబు లొక్కు. నాను మరిబా వెహిజె, సరద ఆదు.

5 మీరు విజెరె వెటె సాద్రిదాన్ మంజిన ఇజి తోరిన్తి. ప్రబు బేగి వానాన్ ఇజి పోస్యార్

6 ఇని దని వందిజ్ బా విసారిస్యార్. గాని ఎలాగ మర్తి సమయముదుబా, మహిజెబా, సీలిజెబా, దేవుణుదిజ్ పార్వం కిదెజ్. మిజి మని అవ్సరముకు వన్తిజ్ వెహిజె. వన్తి సాయం మీరు లొన్తిజ్. వన్తిజ్ ఎన్తివలెబా వందనముకు వెహిజె.

7 అయావలె, దేవుణు వన్తి సమాదనం మీ మన్నుదు, మీ గర్భముదు మిజి కాపాడేదిజ్ సీనాన్. ఎందనిజ్ ఇహిజ, మీరు క్రీస్తు యేను వెటె కూడితి మనికిదెర్. యా సమాదనం లొక్కు అర్థం కిదెజ్ అట్జెక.

8 నా తంబెరిజాండె, ఆకార్దు, నాను ఉండ్రీ వెహిజె. మీరు ఈహు ఒడిబిజి మండ్రెజ్ ఇజి నాను వెహిజె. నిజమాతి వన్యాజ్, లొక్కు గవర్న సీదెజ్ తగ్గి వన్యాజ్, వాయం మని వన్యాజ్, పాపం నీలి వన్యాజ్, లొక్కు ఇస్టం కిదెజ్ తగ్గి వన్యాజ్, గొప్ప పేరు తపిన్తి వన్యాజ్, లొక్కు పొగిడిని వన్యాజ్ మీరు ఒడిబిజి మండ్రు.

9 మరి నాను మిజి నెన్పిన్తికె, మీరు నమ్మిత్తికె, కిజిన మండ్రు. నా బాణిజి మీరు విహికె, నాను కిజినెకె మీరు సుడేతికె కిజిన మండ్రు. అయావలె, సమాదనం మిజి సీజిని దేవుణు మిజి తోడే మంజినాన్.

నజీ సీజిని సాయం వందిజ్ వందనముకు

10 నెగం రొన్ను డిస్సిదె, నజీ ఎత్తు కిజినావ్ ఇజి ఏలు మీరు తోరిన్తి వందిజ్ నాను ప్రబుజ్ సరద ఆజి వందనముకు వెహిజె. మీరు ఎన్తివలెబా నజీ ఎత్తు కిజిన మహిదెర్ ఇజి నాను నెన్ను. గాని నజీ సాయం కిజి ఎత్తు కిజినావ్ ఇజి మిజి తోరిన్తిజ్ అవకాసం దొహ్లావతాదె.

11 నజీ అవ్సరం మనిజ్ ఇజి ఆవిదె యా లెకెండ్ వెహిజె. ఎలాగ మర్తి సమయముదుబా నజీ మనికాదె సాలు ఇజి సరి కిదెజ్ నెన్న మన.

12 ఇహిజ, నజీ కావాలన్తికె విజి సీలితివలె ఎలాగ మండ్రెజ్ ఇజి నాను నెన్సిన. నండొ మనివలె ఎలాగ మండ్రెజ్ ఇజిబా నాను నెన్సిన. ఎలాగ మర్తి సమయముదుబా సరి కిబె ఆదెజ్ నాను నెన్న మన. పొటె వంజితి వలెబా, బజ కట్టిని వలెబా, నండొ మనివలెబా, ఇనిక సీలితివలెబా సరి కిబె ఆదెజ్ నాను నెన్న మన.

13 యా లెకెండ్ సరి కిబె ఆదెజ్ విజి నాను అట్సిన. ఎందనిజ్ ఇహిజ, క్రీస్తు నజీ సత్తు సీజినాన్.

14 అహిజెబా, ఏలు యా లెకెండ్ నాను కన్పముదు మనివలె, మీరు నజీ సాయం కితిదెర్. నెగ్గి వణిని కితిదెర్.

15 పిలిప్పియదు మని నమ్మిత్తికిదెరా, మీరు నెస్సిదెర్ నాను నువార్త వెవ్రాజ్ మొదొల్ని తొలి రోస్కాజ్, నాను మసిదొనియ రాస్ట్రం డిఁస్తి వాతివలె, మీ సజమ్దికిదెరి నజి సీతిదెర్, నా బాణిజ్ లొని అతిదెర్. మరి ఎమేణి సజమ్దికార్బా సిఎత్తార్.

16 మరి నాను తెనెలోనికయ పట్టుమదు మహిచలెబా నజి అవ్సరం మహిచలె మీరు ఉండ్రీ సుటునె ఆవిండ నండొ సుట్టు డబ్బు పోక్తిదెర్.

17 మీరు యా లెకెండ మరి డబ్బు పోక్తెజ్ ఇజి నాను ఆస ఆజి వెహ్ఎ. గాని మీరు యా లెకెండ సీతి డనిజ్ దేవుణు మిజి నండొ దీవిన్పిన్ ఇజినె ఆస ఆజినె.

18 ఏలు నజి సరి ఆని నసా మనాద్. మరి నండొబా మనాద్. మీరు ఎపప్రాదితు వెట పోక్తికెజ్ వాండ్రు తత సితాన్. అందెజె ఒదె నండొ మనాద్. మీరు నజి సీతిక, దేవుణుదిజ్ సీజని వాసనం మని పూజ లెకెండ మనాద్. వాండ్రు డని వెట నర్ద ఆతండ్రె డగ్రు కితాన్.

19 మరి, నా దేవుణు, మీ అవ్సరం విజు తీరిస్సాన్. లెక్క సీల్లి వన్ని నండొ ఆస్తిదాన్ మాటు బమ్మ ఆని లెకెండ తీరిస్సాన్. ఎందనిజ్ ఇహొజ, క్రీస్తు యేసు వెట కూడిఁతి మనికిదెర్.

20 మా బుబ్బు అతి దేవుణుదిజ్ అంతు సీల్లెండ ఎల్లకాలం గవ్సరం మనిద్. ఆమెన్.

21 క్రీస్తుయేసు ముస్సు, నమకం ఇట్టి దేవుణు లోకుర్ అతి విజెరిజ్ నాను వెన్బాతి లెకెండ వెప్టు. నా వెట మని తంబెర్జు మిజి వెన్బాతి లెకెండ వెహ్సాన్.

22 ఇబ్బొ మని దేవుణు లోకుర్ విజెరె, ముకెలం కయ్సరు రాజు ఇండ్రొ పణి కిజని నమ్మిత్తికార్ మిజి వెన్బాతి లెకెండ వెహ్సాన్.

23 ప్రబు అతి యేసు క్రీస్తు దయా దర్మం మిజి తోడు మనీద్. ఆమెన్.

అపొస్తలుడు ఆతి పవులు కొలోసు పట్టుమీదు మని దేవుణు సజమ్దిజ్ రాస్తి ఉత్తం నెల్వ కిబిస్సిక

అపొస్తలుడు ఆతి పవులు కొలోసి పట్టుమీదు మని దేవుణు సజమ్దిజ్ రాసిని ఉత్తమనె యాక. వాండ్రు రోమ జెలిదు పొకె ఆతి మహివలె రాస్తికాదె. పవులు ఎనెజ్బా కొలోసి పట్టుమీదు సాన్ఎతాన్. వాండ్రు దేవుణు దరోట్ నడిపిస్తి ఎవప్రాదితునె యా పట్టుమీదు దేవుణు సజం మొదొలెస్సాన్.

యా లోకమీదు మని దేవుణుదిజ్ నమ్మిత్తికార విజెరె కూడితి మని సజమ్దిజ్ బుర లెకెండ్ క్రీస్తు మనాన్. వన్ని ఒణొలె దేవుణు సజం. వాండ్రు విజు వన్యాజ్ ముజాలె మనికాన్. విజు తయార కితికాన్ వాండ్రె, విజు అతికారమక మున్ను అతికారం మనికాన్ వాండ్రె ఇజి ఎత్తు కిబిసి రాసికాన్.

నమ్మిత్తికార యా లోకమీది సజతిజు మున్ను, మున్ను ఇడొండ్, పరలోకమీదు మని సజతిజు మున్ను, మున్ను ఇడొదెజ్ ఇజి వెస్సానాన్. నమ్మిత్తికార ఎలాగ నడిదెజ్ ఇజిబా యా ఉత్తమీదు రాసి వెస్సానాన్.

1-2 క్రీస్తు యేసు వందిజ్ అపొస్తలుడు ఆతి పవులు ఇని నాసుని, మా తంబెరె ఆతి తివొతి కొలోసి పట్టుమీదు మని దేవుణు వందిజ్ కేట ఆతి వరిజ్ రాసిని ఉత్తం. దేవుణు ఎత్తు కితి వజనె నాసు క్రీస్తు యేసు వందిజ్ అపొస్తలుడు ఆత. మీరు నమ్మిదెజ్ తగ్గి తంబెరెజు. మా బుబ్బు ఆతి దేవుణు దయ దర్మమీదాన్, మీరు నిపాతిదాన్ మండ్రెజ్ సాయం కిపిన్.

3 మాపు మీ వందిజ్ ఒడొబిజి పార్దనం కినివలె, ఎస్తివలెబా మా ప్రబు ఆతి యేసుక్రీస్తుజ్ బుబ్బు ఆతి దేవుణుదిజ్ వందనమక వెస్సానాన్.

4 ఎందనిజ్ ఇహొజు, మీరు క్రీస్తు యేసుజ్ నమ్మిజినిదెరె ఇజి, దేవుణు వందిజ్ కేట ఆతి లోకుర విజెరిజ్ ప్రేమిసినిదెరె ఇజి మాపు వెహ మనాన్.

5 మీరు యా లెకెండ్, క్రీస్తుయేసుజ్ నమ్మిజినిదెరె, దేవుణు వందిజ్ కేట ఆతి లోకురిజ్ విజెరిజ్ ప్రేమిసినిదెరె. ఎందనిజ్ ఇహొజు, నిజమాతి బోద, ఇహొజు, సువార్త మీరు వెహివలె, దేవుణు పరలోకమీదు మీ వందిజ్ ఇడ్డి మని దని వందిజ్ ముజాలె మీరు వెహి మనిదెరె. అయాక తవంవండ దొహ్కార్వాద్ ఇజి దని వందిజ్ ఆసదాన్ ఎర్దు సుడొజినిదెరె.

6-7 లోకమీది నండొ దేసమకాజ్ యా సువార్త వెహొ ఆతి లెకెండ్, మీ నడిమిబా వెహొ ఆత మనాన్. మీరు అయాక వెంజి దేవుణు దయ దర్మం నిజం ఇజి నెస్తి బాణిజ్ అసి మీ నడిమి అయా సువార్త నెగ్గి పణి కిజినాన్. మీ నడిమి అయా సువార్త నెగ్గి పణికిజిని లెకెండ్ మహి లోకురిజ్బా నెగ్గి పణి కిబిస్సాన్. మరి, నండొ నండొ లోకుర సువార్త నమ్మిజినాన్. ఎవప్రానె మిజి సువార్త నెస్తిపిస్సాన్. మాపు వన్నిజ్ ప్రేమిస్సాన్. మజి బదులు వాండ్రు క్రీస్తుజ్ అబె సెవ కిజినాన్. మీ మేలు వందిజ్ నమకమీదాన్ వాండ్రు క్రీస్తుజ్ సేవ కిజినాన్.

8 దేవుణు అత్తు మీ లొజు పుట్టిస్తి ప్రేమిదాన్, మీరు దేవుణు వందిజ్ కేట ఆతి లోకుర విజెరిజ్ ప్రేమిసినిదెరె ఇజిబా వాండ్రు మజి వెహొ మనాన్.

9 అందెజె, మీ వందిజ్ వెహొ బాణిజ్ అసి, డిన్ఎండ ఎస్తివలెబా మీ వందిజ్ దేవుణుదిజ్ పార్దనం కిజినాన్. మీ బత్తుదు మీరు కిదెజ్ ఇజి దేవుణు కోరిజనె విజు సజతిజు మీరు బాగ నెస్తిజ్ ఇజి పార్దనం కిజినాన్. ఇహొజు మీరు, దేవుణు ఆత్మ సీజిని విజు గెణం, బుద్ది మనికిదెరె ఆదెజ్ ఇజి మాపు పార్దనం కిజినాన్.

10 మాపు ఎందనిజ్ యా లెకెండ్ పార్దనం కిజినాన్ ఇహొజు, దేవుణు కోరిజనె వజి మీరు బత్తిజు, వన్నిజ్ సరద కిబిస్సికెజ్ ఎస్తివలెబా కిదెజ్. ముకెలం, మీరు విజు రకమకాణి నెగ్గి పణి కిని వందిజ్, దేవుణుదిజ్ నిజం మరి లాపు నెస్తి వందిజ్ మాపు యా లెకెండ్ పార్దనం కిజినాన్.

11 దేవుణు, లోకురిజ్ తోరెస్తి గొప్ప బమ్మ కిని వన్ని సత్తుదాన్ మీరు సత్తు మనికిదెరె అసి వందిజ్ యా లెకెండ్ పార్దనం కిజినాన్. ఎందనిజ్ ఇహొజు, ఎస్తివలెబా విజు బాదెజు, సరదదాన్ విజు ఒరిని, బరిని మండ్రెజ్, మీరు సత్తు మనికిదెరె ఆదెజ్. అందెజె యా లెకెండ్ పార్దనం కిజినాన్.

12 మరి, దేవుణు ఏలుబడిండు ఇహొజు గొప్ప జాయిదు వన్ని వందిజ్ కేట ఆతి లోకుర వందిజ్ వాండ్రు తయార కితి ఇడ్డి మని విజు దని లొజు మిజిబా అక్కు, మండ్రెజ్ తగ్గి పరి లెకెండ్ మిజి కితి దని వందిజ్ బుబ్బు ఆతి దేవుణుదిజ్ వందనమక వెస్సానె మండ్రెజ్ ఇజి మాపు మీ వందిజ్ యా లెకెండ్ పార్దనం కిజినాన్.

13 దేవుణు మజి నయతాన్ అతికారం అడిగి సీకటుదు తొహె ఆతి బాణిజ్ తప్తిస్సాండ్రె వాండ్రు ప్రేమిసిని వన్ని మరిన్ అతికారం అడిగి మజి తత్తాన్.

14 వన్ని మరిన్ ఆతి దనితాన్ దేవుణు మజి విడుఃదల కిత్తాన్. ముకెలం, మా పాపమక వాండ్రు నెమిన్ మనాన్.

క్రీస్తు విజు వన్యా మున్ను గొప్ప వెరికాన్

15 తోరెజె దేవుణు మూర్తినె క్రీస్తు. దేవుణు ఎలాగ మనాన్ ఇజి వీండ్రు తోరిస్సాన్. దేవుణు విజు తయార కిని ముజాలె వీండ్రు మహాన్. తయార కితి విజు వన్యా మున్ను అతికారం మనికాండ్రె క్రీస్తు.

16 ఎందనిజ్ ఇహొజు, వన్నినవెటని దేవుణు విజు తయార కిత మనాన్. బూమిదు మనికెజ్, ఆగమమీదు మనికెజ్, తోర్మికెజ్, తోరెజెజ్, ముకెలం గొప్ప సత్తు మని విజు రకమకాణి అతికారం కిని విజు దూతెజు దయమకాజ్, విజు వన్ని వెటని దేవుణు తయార కిత్తాన్. విజు క్రీస్తు వెటని తయార కిత్తాన్. విజు వన్నిజ్ గవరం సీని వందిజె దేవుణు తయార కిత్తాన్.

- 17 క్రీస్తు, విజా తయారీ అని ముజాల మనికాన్. విజా వన్యూజ్ వాండ్రు కుడుప్పి అస్త మనాన్.
- 18 వన్సి ఒడోలే అతి దేవుణు సజమదిజ్ బుర్ర వాండ్రె. వన్సి బాణిజె దనిజ్ కొత్త బత్తు వాజనాన్. ఎందనిజ్ ఇహిజ, సాతి వరి బాణిజ్ ముజాలే మరజి బత్తితి మనికాన్ వాండ్రె. విజా వన్యూ మున్సు గొప్ప పెరికాన్ అని వందిజె, సాతి వరి బాణిజ్, ముజాలే మరజి బత్తిత మనాన్.
- 19 ఎందనిజ్ ఇహిజ, వన్సి లోఇనె వన్సి బుబ్బు అతి దేవుణు వెలేతి సిల్లెండ పూర్తి మండ్రెజ్ ఇజ తీర్చునం కిత్తాన్.
- 20 అందెజె, మరెన్ వెటెన బూమిదు మని విజా వన్యూజ్, పరలోకముదు మని విజా వన్యూజ్, వన్సి డగ్రు మరజి కుడుప్పెజ్ ఇజ దేవుణు తీర్చునం కిత్తాన్. వన్సి మరెన్ నిలువాదు సాతివలె, నల వాక్తి దనితాన్, దేవుణు బూమిదు మని విజా వన్యూ వెటె, దేవుణు మంజిని పరలోకముదు మని విజా వన్యూ వెటె రాజినం ఆతండ్రె, విజా వన్యూజ్ వన్సి డగ్రు మరజి కుడుప్పెజ్.
- 21 ఉండ్రె కాలముదు, మీరు కితి సెజ పణిజాణిజ్, సెజ అలోసనెజాణిజ్ దేవుణు బాణిజ్ దూరం మహిదెర్. దేవుణుదిజ్ పడిఎండ మహిదెర్.
- 22 గాని ఏలు, వన్సి మరెన్ ఒరెన్ లోకు ఆజ సాతి సావుదాన్ వాండ్రు మీ వెటె రాజినం ఆతాన్. ఎందనిజ్ ఇహిజ, ఇని నింద సిలి, ఇని నేరమకుబా రెజ, నొర అతి లోకురె లెకెండ్రె, క్రీస్తు మరజి వానివలె మిజె దేవుణు ఎద్రు మిజె నిల్వెజె వాండ్రు మీ వెటె రాజినం ఆతాన్.
- 23 మీరు సువార్త నమ్మిజ మహిజ అయాలెకెండ్రె మంజినిదెర్. మీరు నమ్మకముదాన్ దిగజారెండ్రె మండ్రెజ్ వలె. యా సువార్త వెప్పాని అన వందిజ్ డిసెండ్రె ఎద్రు సుడెజెనె మండ్రెజ్ వలె. యా సువార్తనె నండ్రె దేసెమకాణి లోకురె నడిమి వెహి అత మనాన్. యాక వెప్పెజె పవులు ఇని నజే దేవుణు ఏరెహిటు కిత్తాన్.

పవులు దేవుణు సజం వందిజ్ సేవ కిజనాన్

- 24 ఏలు, మీ మేలు వందిజ్ నాను స్రమెజ్ ఓరిసిన ఇజ సరద ఆజిన. ఇహిజ, క్రీస్తు ఒడోలే లెకెండ్రె మని సజమది మేలు వందిజ్ నాను న ఒడోలేదు స్రమెజ్ ఓరిసెజ్ వలె ఇజ క్రీస్తు ఏరెహిటు కితిక నాను పూర్తి కిజన.
- 25-26 దేవుణు నజే సజమదిజ్ సేవ కిదెజ్ ఇజ ఏరెహిటు కిత్తాన్. మీ మేలు వందిజ్, క్రీస్తు వందిజ్ మని సువార్త మిజె పూర్తి నెప్పిన్సి బాజత వాండ్రు నజే సితాన్. యా సువార్త, ముజాలె బత్తితి మహి లోకురె బాణిజ్ దేవుణు డాప్పి వన్సి గర్చుముదు ఇత్తా మహాన్. గాని ఏలు వాండ్రు వన్సి వందిజ్ కేటె అతి లోకురెజ్ అయాక తోరిసి నెన్పిస్తాన్.
- 27 దేవుణు అయాలెకెండ్రె కిత్తాన్. ఎందనిజ్ ఇహిజ, వాండ్రు యూదురు ఆజ వరిజ్ నండ్రె దీవిస్తాన్ ఇజ వన్సి గర్చుముదు వాండ్రు ఎత్తు కిజ డాప్పి ఇట్టిక వరిజ్ తెలివి కిదెజ్ ఇజ తీర్చునం కిత్తాన్ ఇజ తోరిసెజ్. ముకెలం, క్రీస్తు, యూదురు ఆజ మీ మన్సుదు మంజినాన్. అందెజె, కడెవేరిదు దేవుణు జాయదు మండ్రెజ్ మిజె ఒనిదెర్ ఇజ అనదాన్ ఎద్రు సుడెజె మంజినిదెర్ ఇజ. యాకదె దేవుణు వన్సి లోకురెజ్ తోరిసి నెన్పిస్తాన్ సువార్త.
- 28 అందెజె మాపు క్రీస్తు వందిజ్ విజెరిజ్ వెప్పినాన్. ముకెలం మాపు నండ్రె గెణమదాన్ విజెరిజ్ బుద్ది వెప్పె నెన్పిస్తాన్. ఎందనిజ్ ఇహిజ, క్రీస్తు వెటె కూడితి మని వరిజ్ విజెరిజ్ వాండ్రు మరజి వానివలె దేవుణు ఎద్రు నిల్వెప్పవలె, వారు పూర్తి ఆతికార్ అదెజ్ మాపు బుద్ది వెప్పె నెన్పిస్తాన్.
- 29 వారు పూర్తి ఆతికార్ అని వందిజ్ క్రీస్తు సీజని గొప్ప సత్తుదాన్ నాను నండ్రె కన్పబాడిజెన. అయా గొప్ప సత్తునె, నాను కన్పబాడిజెనె నజే సత్తు కిదిస్తాన్.

2

- 1 మీ వందిజ్, లవెరెయ పట్టుముదు మని దేవుణుదిజ్ నమ్మిత్తి వరి వందిజ్, నజే ఎసెజ్బా తొణ వరి వందిజ్ నాను ఎసా కన్పబాడిజెన ఇజ మీరు నెన్పెజ్ ఇజ నాను కొరిజెన.
- 2 నాను ఎందనిజ్ యా లెకెండ్రె కన్పబాడిజెన ఇహిజ, మీరుని వారు, నెర్రెండ దయరమదాన్ నిల్పి వందిజ్, మరి, మీరు ఒరెన్ మరి ఒరెన్ వన్సిజ్ ప్రేమిసినె పజ, కూడిజె పాడెజె మంజిని వందిజ్ కన్ప బాడిజెన. ఎందనిజ్ ఇహిజ, అయాలె మిరు అనుమానం సిల్లెండ దేవుణు వన్సి గర్చుముదు డాప్పి ఇట్టిక ఇహిజ, క్రీస్తుజ్ పూర్తి నెన్పెజ్.
- 3 ఎందనిజ్ ఇహిజ, క్రీస్తు వెటెన దేవుణు వన్సి గర్చుముదు డాప్పి ఇడ్డి విజా గెణమని అలోసనెజ్ నెన్పెజ్ అటూట్.
- 4 నాను ఎందనిజ్ యా లెకెండ్రె వెప్పిన ఇహిజ, ఎయెరబా మిజె తియాని మాటెజ్ వెప్పె మోసం కిఎండ్రె మండ్రెజ్.
- 5 నాను మీ నడిమి నిలితిజెబా మీ వందిజ్ నండ్రె ఎత్తు కిజన. నాను నండ్రె సరదబా ఆజన. ఎందనిజ్ ఇహిజ, మీరు ఉండ్రె ఆజ కూడిజె పాడెజె మంజినిదెర్. మీరు క్రీస్తుజ్ డటం నమ్మిజెనిదెర్ ఇజ నాను నెన్పె.
- 6 మీరు క్రీస్తుయేసుజ్, ప్రబు ఇజ ఒప్పకొటి మనిదెర్. అందెజె వన్సి వెటె కూడితి మనికారె కిదెజ్ మని లెకెండ్రె మండ్రె.
- 7 వన్సి వందిజ్ మిజె నెన్పిస్తా మనికెజ్ నమ్మిజె, అయకెజ్ కిజెనె మండ్రె. అయా సజతిజ్ నలిజెనె సమకముదు పిరిదు. మిజె నెన్పిస్తా పజ నిజమాతి బోదెదిజ్ అసినె మండ్రె. మా బుబ్బు అతి దేవుణు మీ వందిజ్ కితి దని వందిజ్ పూర్తి మన్సుదాన్ వందనమకు వెప్పినె మండ్రె.
- 8 ఎయెరబా మోసం కిని బోదెజ్ నెన్పిస్తా మిజె తొహ్కె మని వరిలెకెండ్రె కిఎండ్రె జాగర్త మండ్రె. వారు మిజె అద్రం సిలి మోసం కిని లోకురెజ్ మని గెణం నెన్పిస్తా మోసం కినార్. అయకెజ్ క్రీస్తు బాణిజ్ వాజినికెజ్ ఆజ. గాని పూరబమదాన్ అని నెన్పిస్తాని బోదెజె బాణిజ్ వాజినికెజె. యా లోకుమదిజ్ అతికారం కిజెనె దెయముక బాణిజ్ వాజినికెజె.
- 9 నాను అయ లెకెండ్రె వెప్పిన. ఎందనిజ్ ఇహిజ, దేవుణు, క్రీస్తు ఒడోలేదునె వెలేతి సిల్లెండ్రె పూర్తి మంజినాన్.
- 10 క్రీస్తు వెటె మీరు కూడితి మనిజ్, మీ కొత్త బత్తుదిజ్ కావాలిస్తెకెజ్ విజా మిజె సిత మనాన్. అతికారం కిజెని విజా సత్తుజ మున్సు, ఏలుబడి కిని వరి మున్సు, తోర్ని వన్యూజ్, తోరెజ వన్యూజ్ మున్సు, వాండ్రె గొప్ప అతికారం మనికాన్. తోరెజ వన్యూజ్ ఇహిజ, దేవుణు దూతారెని దెయముకు. వన్యూ మున్సు గొప్ప అతికారం మనికాండ్రె వాండ్రు.

11 వన్నివెట మిరు కూడితి మనిదెర్. అందెజె క్రీస్తు బాణిజ్నునతి కిబె ఆతి లెకెండే మనిదెర్. లోకుర్ వరి కెకాణిజ్ కిని సునతి కిబె అజదెర్, గాని క్రీస్తు కితి సునతిని కిబె ఆతిదెర్. ఇహిజ, క్రీస్తు మీ సెజ అనెజె విజు పూర్తి లాగితాన్.

12 మరి, మీరు బాప్తిసం లాగె ఆతివలె, క్రీస్తు వెట సాజి ముసె ఆతి లెకెండే మనిదెర్. వన్ని వెట మరజె నికె ఆతి లెకెండే మనిదెర్. దేవుణు గొప్ప సత్తు మనికాన్ ఇజ మిరు నమ్మిజని దనిదానె వన్ని వెట మరజె నికె ఆతిదెర్. దేవుణు సత్తునె వన్నిజ్ సాతి వరి బాణిజ్ బత్తిస్తాన్.

13 ఉండ్రీ కాలమేదు, మీరు సాతి వరి లెకెండే మహిదెర్. ఎందనిజ్ ఇహిజ, మీరు పాపమేకు కిజెనె మహిదెర్, పాపం కిబిన్నీ సెజ అనెజెబా మిజి మహి. అయికెజ్ సాన్ఎండ మహి. గాని ఏలు మిజెనె దేవుణు క్రీస్తు వెట కొత్త బత్తు సితాన్. ఎందనిజ్ ఇహిజ, వాండ్రు మా పాపమేకు విజు నొచ్చాన్.

14 ఇహిజ, మజి సెక్కు సీని, మాటు కితి తప్పజ్ రాస్తి ఇడ్డి కాకితం సిల్లెండ లెకెండే మనాద్ అయికె క్రీస్తు సాతివలె మా పాపమేకు వెట అయికె కాకితంబా సిలువాదు కుంటిబాణిజ్ డెయింతాండ్రె అయికెజ్ పూర్తి సిల్లెండ ఆతి ఇజ తోరిస్తాన్.

15 అతికారమేదు మహి ఏలుబడి: కిజి మహి దెయమకాజ్ మరి తోరిగ సత్తుజ, దేవుణు విజిస్తాండ్రె, వన్నా మున్ను గెలస్తాన్. క్రీస్తు సిలువాదు ఆతి దనిదనటాన్ దేవుణు వన్నా మున్ను గెలస్తాండ్రె, విజెరె ఎద్రు వన్నాజ్ సిగు కిత్తాన్.

16 అందెజె, మీరు సెగం బోజనం ఉణిజె తింజని వందెజ్ సెలిజ, మీరు ఏంటు ఏంటు బత్తువందెజ్ కిజని వండోయి కిజి వందెజ్, అమాన్దు వండోయి కిజి వందెజ్, విప్రాంతి దినం సుడెజె వందెజ్ మీరు తప్ప కితిదెర్ ఇజ తీర్పు కిని వన్నిజ్ దూరం కిత.

17 నిని ఆడ్రెజ్ విజు ఉండ్రీ నీడె లెకెండే మన్నె. ఆ నీడ ఎయెదెనో వాండ్రు వెనుక వాజినాన్. అయికె వాండ్రు క్రీస్తునె.

18 'తగె ఆజినావ్' ఇజ వేసం తోరి ఆజతిజ్, దూతెజ్ మాడెనెజతిజ్, మీరు తప్ప కితిదెర్ ఇజ మిజి తీర్పు కిని వన్నిజ్ దూరం ఆదు. ఎందనిజ్ ఇహిజ, వాండ్రు కలాదు సుడెజె ఇనిదనిజ్ ఆదారం ఇడెజె అతికారం కిజినాన్. వాండ్రు కిజని ఆలోసనెజ్ సెకెకె. అందెజె వాండ్రు గర్ల ఆజినాన్. వాండ్రు గర్ల అదెజ్ మని ఇని సజతిబా వన్నిజ్ సెలితిజ్బా గర్ల ఆజినాన్.

19 అయికె లెకెండే మనికాన్ క్రీస్తు బాణిజ్ ముజాలి దూరం ఆత మనాన్. బుర్ర ఆతి క్రీస్తు వందెజ్ మని నిజమాతి బోద వాండ్రు నెన్పిన్వెన్. బుర్ర వెప్పా వజనె ఒడోల్ సత్తుదాన్ పిపినాద్. ఒడోల్ అత్తుబాణిజ్ సెరెజాణిజ్ అత్తుస్త మనాద్. అయికెండె, దేవుణు ఎత్తు కితి వజనె సజమెదిజ్ సత్తుదాన్ పిరిప్పికాన్ క్రీస్తునె.

20-21 సాతి క్రీస్తు వెట మీరు కూడితి మనిదెర్. అందెజె నని ఆడ్రెజ, బోదెజ లోజెవండె డెబె ఆతిదెర్. అయికెజ్ క్రీస్తుజ్ నమ్మిగె లోకుర్వందెజ్ ఇడ్డి మనికెజె. అందెజె మరి ఎందనిజ్, సెగం సజతిజ్ వాడుకెడుమాట్, రుసి సుణెమట్, ముట్మాట్, ఇని యా లోకమేది ఆడ్రెజ లోజెదెజ్ వలె ఇజ లోజెజి నిదెర్.

22 ఆడ్రెజాదు వెప్పాని బోజనమేని మహి సజతిజ్ వాడు కొడుజి మహిజ, సిల్లెండ ఆనె. మరి ఎందనిజ్ అయికెజ్ లోజెజినిదెర్. అయికెజ్ లోకుర్ ఇడ్డి ఆడ్రెజ బోదెజె.

23 నిని ఆడ్రెజ్, ఇట్టికార గొప్ప గెణం మనికార ఇజ తోర్పాద్. ఎందనిజ్ ఇహిజ, లోకుర్ తీర్పునం కిత ఇట్టా మనార్ ఎలాగ మాడెసిజ్ ఇజ. అయికెండె కిదెజ్ ఇజ ఆడ్రెజ్ వెప్పానాద్. తగె ఆజినావ్ ఇజ వేసం తోరి అదెజ్ ఇజ, దేవుణుదిజ్ నర్ద కిదెజ్ ఒరెన్ వన్ని ఒడోల్దెదిజ్ బాదెజ్ కిదెజ్ ఇజ ఆడ్రెజ్ వెప్పానాద్. అందెజె నిని ఆడ్రెజ్ నెగ్గెకెజె ఇజ తోర్పా. గాని, ఒరెన్ వన్నిజ్, వన్ని ఒడోల్దెది ఆసెజ, ఆవెకిదెజ్ ఇజ ఆసె అని వన్నిజ్ ఇని సాయమేబా కిజ. అందెజె నిని ఆడ్రెజ్ లోకుర్కె నికెకెజె కిబిన్నీ.

3

వరలోకమేదు మంజని సజతిజి వందెజ్ ఎత్తుకిజి మండ్రు

1 క్రీస్తుజ్ సాతి బాణిజ్ దేవుణు బత్తిన్నీ లెకెండె, మిజి బా వాండ్రు కొత్త బత్తు సితాన్. అందెజె క్రీస్తు మని దేవుణు మంజని బాడెడు మని సజతిజి వందెజ్ ఎస్తివలెబా నండో ఆసె ఆజి మండ్రు. వన్నిజ్ దేవుణు గొప్ప అతికారమేని నండో మర్యాద సిత మనాన్.

2 యా లోకమేదు మని సజతిజి మున్ను మీ మున్ను ఇడ్డాట్. గాని వరలోకమేదు మని సజతిజి మున్ను మీ మున్ను ఇడెడు.

3 ఎందనిజ్ ఇహిజ, మీ పడాఱు బత్తు సాత మనాద్. మీరు ఏలు క్రీస్తు వెట దేవుణు ఎద్రు బత్తిజనిదెర్. అయికె లోకుర్ సుడెదెజ్ అట్వెర్.

4 మిజి నిజమాతి బత్తు సెజినాన్ క్రీస్తునె. వాండ్రు మరజె వానివలె, దేవుణు విజెరె ఎద్రు వన్నిజ్ వెల్లి తోరిప్పి వలె మిజిబా వన్నివెట వెల్లి తోరిస్తాన్. మీరుబా వన్ని వెట వన్ని జాయదు మంజనిదెర్. లోకుర్ మిజి వన్ని వెట గవరం సీనార్.

5 అందెజె, మీరు ముజాలి కిజి మహి యా లోకమేది తప్ప పణిజ్ పూర్తి డిస్టు. ముకెలం, రంకు బాలమాట్, కేలార్ బాలమాట్. దిన్ని వందెజ్ నండో ఎత్తు ఆజి మున్ను ఇడ్డాట్. సెకెకెజ్ కిదెజ్ ఆసె ఆమాట్. మని దని ఇంకె మరి నండో కావాలి ఇజ ఆసె ఆమాట్. ఎందనిజ్ ఇహిజ, అయికె లెకెండే కినికె మీరు ఆసె అనిదనిజ్ మాడెసిని లెకెండే మనాద్.

6 యా లెకెండే కిమాట్. ఎందనిజ్ ఇహిజ, దేవుణు కోపం యా లెకెండే కిజని వరి మున్ను వానాద్.

7 ముజాలి మీరుబా దేవుణుదిజ్ లోజెవండె మహివలె, యా లెకెండే కిజి మహిదెర్.

8 గాని ఏలు యికెజ్ ఇనికబా కిమాట్. ముకెలం వగె అస్మాట్. కోపం ఆమాట్. మహి వరి వందెజ్ సెకెకెజ్ ఎత్తు కిమాట్. దుసలాడెమాట్. కేడి మాటిజ్ మీ వెయదాన్ వర్గిమాట్.

9 మరి ఒరెన్ వన్ని వెట అబద్దం వర్గిమాట్. ఎందనిజ్ ఇహిజ, మీ పడాఱు బత్తు మీరు డిస్సిదెర్, నస్తివలె కిజి మహి సెజ పణిజ్ మీరు డిస్సిదెర్.

10 అయికెజ్ డిస్సిదెర్, ఉండ్రీ నెగ్గె కొత్త బత్తు బత్తిజనిదెర్. మిజి తయార్ కితి దేవుణునె యా కొత్త బత్తు మీ లోజె ఇట్టాన్. వన్ని లెకెండే మంజని వందెజ్ మరి మరి మిజి కొత్తాజ్ కిజినాన్. వన్నిజ్ మీరు నెగ్గెండె నెస్సి వందెజె, యా లెకెండే మరి మరి కొత్తాజ్ కిజినాన్.

11 అందెజె, యూదురు ఇజనో, యూదురు ఆఇకారో ఇజనో, సునతి కిబె అతికారో ఇజనో, కిబె ఆఇకారో ఇజనో, తకు జాతిదికారో ఇజనో, మూర్ఖుమది నని ఒది తకు జాతిదికారో ఇజనో, వెటి పణి కినికారో ఇజనో, కిఇకారో ఇజనో అవిద్ ముకెలం. గాని క్రీస్తునె ముకెలమాతికాన్. వాండ్లు నమ్మిత్తి వరి విజెరె లొఇ మంజినాన్.

12 మీరు దేవులు లోకుర. వాండ్లు మిజి ప్రేమిసాండ్లె వన్ని సాంత లోకుర ఇజ కేట ఇట్టాన్. అందెజె, మీరు మరి ఒరెన్ వన్ని వందిజ్ మీ పాణం నొతెజ్ దయ తోరెస్తు. తగిజ మండ్లు. సార్దిదాన్ మండ్లు. ఓరిసి మండ్లు.

13 మహి వరి వెట బరిస్తు. మీ లొఇ ఒరెన్ మరి ఒరెన్ వన్ని వెట మొరొ ఆజి మహిజ, అయాక ఇనిక అతిజ్బా సెమిస్తు. ప్రబు అతి క్రీస్తు మిజి సెడ్డెనె సెమిస్తు వజ, మీరు సెమిస్తు.

14 దినిజ్ విజు ఇంక మహి వరిజ్ ప్రేమిస్తు. అయాకదె ముకెలం. ఎందనిజ్ ఇహిజ, మీరు ప్రేమిస్సి దనిదనటాన్ మీరు పూర్తి కూడజిజ మంజినిదెర్.

15 మీరు ఒరెన్ మరి ఒరెన్ వన్ని వెట కూడజిజ పాడజిజ మండ్లెజ్ క్రీస్తు సీని సమదనం నీ మన్సుదు మంజినాద్. ఎందనిజ్ ఇహిజ, మీరు దేవులు సజమదు ఒరెన్ మరి ఒరెన్ వన్నివెట సమాదనమదాన్ మంజిని వందిజె, దేవులు మిజి కూక్కు మనాన్. దేవులు కితి సజతిజ వందిజ్ ఎస్సివలెబా పోన్ఎండ దనిజ్ ఎత్తుకిజనె వందనమకు వెప్పి మండ్లు.

16 క్రీస్తు వందిజ్ మని బోద మీరు నెగ్రెండ నెసిన్ మండ్లు. సండ్ గెణమ్దాన్ ఒరెన్ వన్నిజ్ నేరీపిసి, బుద్ది వెప్పి మండ్లు. దేవులు మాటిజ్ పాటిజ్ వజ పారజి, దేవులుదిజ్ పాగిడిజి వందనమకు వెప్పిని పాటిజ్ పారజి, దేవులు అత్మ మీ మన్సుదిజ్ రేప్పిని వజ పాటిజ్ పారజి మండ్లు. దేవులు కితికెజ్ పోన్ఎండ మీ పూర్తి మన్సుదాన్ దేవులుదిజ్ పాటిజ్ పార్లు.

17 మీరు ఇనిక వెప్తాజిబా, ఇనిక కితిజ్బా ప్రబుయేనుజ్ లొజితికారో కిదెజ్ మని వజ కీదు. మా ప్రబు అతి క్రీస్తు వెట, మిజి దోహొక్కి దని వందిజ్ బుబ్బు అతి దేవులుదిజ్ వందనమకు వెప్పివలె, యా లెకెండ కీదు.

దేవులుదిజ్ నమ్మిత్తికారో ఒరెన్ ఒరెన్ ఎలాగ మండ్లెజ్.

18 బోదెకాండె, మీరు మీ మాసిర్ మీ మున్సు అతికారం మనికారో ఇజ ఒడజిబిజ వరిజ్ లొజిదు. మీరు ప్రబు వెట కూడిజి మనికిదెర్. అందెజె అయాకదె మీరు కిదెజ్ మనిక.

19 మాసిరాండె, మీరు మీ బోదెకాజ్ ప్రేమిస్తు. వన్యాజ్ బాదెజ్ కిమాల్.

20 కొడొరాండె, మీరు మీ యాయ బుబ్బెజ్ ఎస్సివలెబా వెండ్లు. ఎందనిజ్ ఇహిజ, యాకదె ప్రబుజి ఇస్టం అతిక.

21 అస్సాసిరాండె, మీ కొడొరో మన్సు రుజ్ఎండ మంజిని వందిజ్ మరి మరి జటిజ్ అమాల్.

22 వెటి పణి కినికిదెరా, మీరు యా లోకమది మీ ఎజుమారుజ, విజు వన్యా లొఇ లొజిదు. నెగ్రికారో ఇజ వెహె అదెజ్ వారు నూణివలెనె అవిద్. గాని పూర్తి మన్సుదాన్ వరిజ్ లొజిదు. ఎందనిజ్ ఇహిజ, మీరు ప్రబుజ్ తియెలె ఆజి గవరం సీజనిదెర్.

23 మీరు ఇనిక కితిజ్బా, పూర్తి మన్సుదాన్ కీదు. లోకుర వందిజ్ అవిద్. గాని దేవులు వందిజ్ కిజినావ ఇజ పూర్తి మన్సుదాన్ కీదు.

24 ఎందనిజ్ ఇహిజ, ప్రబునె మిజి పలితం సీనాన్ ఇజ మీరు నెసినిదెర్. ఇహిజ, వాండ్లు ఒట్టు కితికెజ్ మిజి దోహొక్కి. ఎందనిజ్ ఇహిజ మీరు సేవ కిజిని నిజమాతి ఎజమాని ప్రబు అత క్రీస్తునె.

25 తప్ప కిని వన్నిజ్, వాండ్లు అయెన్ అతిజ్బా వాండ్లు కితి తప్పిదుదిజ్ దేవులు సిక్కు సీనాన్. ఇజ్జికారో పెరికారో ఇజ దేవులుదిజ్ తేడ సిల్లెద్.

4

1 ఎజుమాసిరాండె, మీరు మీ వెట్టిపణి మనిసిరిజ్ నాయమదాన్, వరిజ్ సిదెజ్ మనికెజ్ సీజ నెగ్రెండ సుడెదు. ఎందనిజ్ ఇహిజ, మిజిబా ఒరెన్ ఎజమాని పరలోకమదు మనాన్ ఇజ ఒడజిబిదు.

2 విస్సిఎండ పార్లనం కిజి మండ్లు. మీరు పార్లనం కినివలె మన్సు ఇతాలె అతాలె అవిండ జాగర్లదాన్ మండ్లు. దేవులు మిజి కితి దని వందిజ్ వందనమకు వెప్పి మండ్లు.

3 మరి మా వందిజ్ పార్లనం కీదు. దేవులు బోద వెప్తాజ్ మజి సరి దోహొక్కి సాయం కిపిన్ ఇజ పార్లనం కీదు. ఎందనిజ్ ఇహిజ, క్రీస్తు వందిజ్ ఉండ్రీ కాలమదు డాజితి మహికెజ్ గాని, ఏలు తోరె అతి నిజమాతి సజతిజ్ బోదిస్టెజ్. యాక బోదిస్టెజ్, నాను జెలిదు అత.

4 యాక నాను బోదిస్టెజ్ మనికాదె. అందెజె నాను నెగ్రెండ, అర్లం అనిలెకెండ వెప్తాజ్ నజి సరి దోహొక్కి సాయం కిపిన్ ఇజ నా వందిజ్ దేవులుదిజ్ పార్లనం కీదు.

5 మీరు కిజిని దనితాన్ తెలివిదాన్ నమెజ వరివెట మండ్లు. మిజి దోహొక్కి సమయమదు విజు క్రీస్తు వందిజ్ వరిజ్ వెప్తాజ్ తయారదాన్ మండ్లు.

6 మీరు తెలివిదాన్, నెగ్రెండ, ఎస్సివలెబా వరి వెట వర్గిదు. అయావలె, వరి లొఇ విజెరె వెట వారు వెన్బాతి దనిజ్ ఎలాగ మరజి వెప్తాజ్ ఇజ ఎస్సివలెబా నెస్సిదెర్.

7 నజి జర్జిని విజు సజతిజ్, తుకికు మిజి వెహ్సాన్. వాండ్లు నాను ప్రేమ కిజిని ఒరెన్ తంబెరి. నమ్మకమదాన్ దేవులు సేవ పణి కిజినికాన్. నా వెట జత కూడజిజ ప్రబుజ్ సేవ కిజినికాన్. వాండ్లు నా వందిజ్ మిజి వెహ్సాన్.

8 మజి జర్జినికెజ్ మీరు నెస్సి వందిజ్ నెగ్రి మాట వెప్పి మిజి దయరం కిబిస్సి వందిజ్ నాను వన్నిజ్ మీ డర్లు పొక్కిన.

9 ఒనెసిము వన్ని వెట మీ డర్లు వాజనాన్. వీండ్లు నమ్మిదెజ్ తగ్గికాన్. మాపు ప్రేమిస్సి ఒరెన్ తంబెరి. మీ పట్టుమదికాన్. ఇబ్బె జర్జినికెజ్ విజు వీరు మిజి వెహ్సాన్.

10 నా వెట జెలిదు మని అరిస్తర్కు. మిజి వెన్బాతి లెకెండ వెప్పినాన్. బర్లెజ్ బణిజ అతి మారుబా మిజి వెన్బాతి లెకెండ వెప్పినాన్. (విని వందిజ్ ముజాలె మీరు వెహె అతి మనిదెర్. అందెజె వాండ్లు మీ డర్లు వాటిజ డర్లు కీదు)

11 యుస్తు ఇని యేసుబా మిజి వెన్బాతి లెకెండ్ వెస్సినాన్. నమ్మిత్తి యూదుర్జ లొక నా వెట కూడఃజి పణి కిజనికార్ వీరు మువెరె. దేవుణు విలుబడిః వందిజ్ వెహైజ్ వారు పణి కిజినార్. వారు నజి గొప్ప తోడుః అత మనార్.

12 క్రీస్తుయేసుజ్ సేవ కిజిని, మీ లొక బరెన్ ఆతి ఎపప్రా మిజి వెన్బాతి లెకెండ్ వెస్సినాన్. వాండ్రు ఎస్తివలెబా మీ వందిజ్ డిఃసేవండ్ డటం పార్దనం కిజినాన్. మీరు అనుమానమ్కు సిల్లెండ్ నమకమ్దు పూర్తి పిరిని వందిజ్, దేవుణు ఇస్టం కినికెజ్ విజు మీరు పూర్తి నెస్సి వందిజ్ వాండ్రు డటం పార్దనం కిజినాన్.

13 ఎందనిజ్ ఇహిజు, వాండ్రు మీ వందిజ్, అవొదికియ పట్టుమ్ది నమ్మిత్తి వరి వందిజ్ ఇయరపాలి పట్టుమ్ది నమ్మిత్తి వరి వందిజ్ వాండ్రు నండ్ కస్ట బాడిఃజినాన్. యాక నిజం ఇజి నాను వెహైజ్ అట్టు.

14 మాపు ప్రేమ కిజిని లూక డాక్టరుని దెమా మిజి వెన్బాతి లెకెండ్ వెస్సినాన్.

15 అవొదికియ పట్టుమ్దు మని కూలెజ్, నుమ్పాకుజ్, వన్ని ఇండ్రై కూడఃజి వాజిని దేవుణు సజమ్దిజ్ నాను వెన్బాతి లెకెండ్ వెహైజు.

16 మీ లొక యా ఉత్తం డటం సద్విజి వెనుక అవొదికియ పట్టుమ్దు మని దేవుణు సజమ్దుబా యాక సద్విదిజ్. అయాలెకెండ్ అవొదికియ పట్టుమ్దు మని దేవుణు సజమ్దిజ్ నాను రాస్తి ఉత్తం, వారు మిజి పొక్కార్. అయాక మీరుబా డటం సద్విదిజ్.

17 అర్కిపుజ్ వెహైజు, 'ప్రబు వెట నీను కూడిఃతి మనికి. నిజి ఏర్పాటా కితి పణి పూర్తి కిదెజ్ నుడఃదెజ్ వలె', ఇజి.

18 పవులు ఇని నాను మిజి వెన్బాతి లెకెండ్ వెస్సినాన్. నా సొంత కీదానె ఆకర్తి యా మాటెజ్ రాసిన. నాను జెలిదు మన ఇజి పొక్కాట్. దేవుణు దయాదర్శం మీ మున్ను మనిద్.

అపొస్తలుడు ఆతి పవులు తెస్సలోణిక పట్టుమది దేవుణు సజమ్జ్ రాస్తి మొదోహి ఉత్తం

నెల్లు కిబిసినిక

ఇక్క అపొస్తలుడు ఆతి పవులు దెసలోనిక పట్టుమదు మని దేవుణు సజమ్జ్ వరిజ్ రాస్తి మొదోహి ఉత్తం. పవులు కొరింతు పట్టుమదు మహిపలె బాణిజ్ యా ఉత్తం రస్సపోక్తాన్ ఇజి నండొండార్ ఒడొబిజినార్. తిమోతి, సిల ఇనికార్ యా ఉత్తం ఒత్త సిత్తార్ ఇజి నండొండార్ ఒడొబిజినార్. పవులుని వన్ని వెట సువార్త పణి కినికార్ కూడొజి దెసలోనిక పట్టుమదు సొస్సి సువార్త సాటిసి దేవుణు సజం మొదోల్స మనాద్. (అపొస్తరు కిత్తి పణిజ్ 17:1-9). యూదురు మీటిజ్ కిని ఇల్కాజ్ వాండ్రు సువార్త సాటిస్తజ్ మొదోల్సాన్. బక్తి మనికార్ ఆతి యూదురు ఆఇకారబా నండొండార్ బాన్ కూడ్డి వాజి దేవుణుదిజ్ పొగొడిజి మాడిసి మహోర్. అందెజి దెసలోనిక పట్టుమదు మని నెగొండార్ యూదురుని యూదురు ఆఇకార్, పవులు సాటిస్తమని సువార్త నమ్మితార్. యూదురిజ్ ఇంక యూదురు ఆఇకార్ నండొండార్ సువార్త నమ్మితార్. ఇంజుముంజు మూండ్రి వార్మకు బాన్ మహండ్రె వాండ్రు బాణిజ్ సొత్ సాహన్. కొత్తాన్ దేవుణుదిజ్ నమ్మితి వరిజ్ హిమ్సెజ్ కినికారెసు ఇజి వరిజ్ దయరం వెప్తాజ్ ఇజి బాన్ తిమోతిజ్ పోక్తాన్. మరి వెసుక దేవుణు సజమ్జ్ వరిజ్ దయరం వెప్తాజ్ ఇజి, మరి దేవుణుదిజ్ నమ్మితికార్ దేవుణుదిజ్ తిమోలాజి ఎలాగ బత్తిదెజ్, మరి బండెజ్ ఆవిండ, మహికార్ గవరం సినిలెకిండ్ ఎలాగ బత్తిదెజ్ ఇజి నెస్సిస్తజ్ ఇజి యా ఉత్తం వరిజ్ రాస్తాన్. నండొండార్ యేసుప్రబు మర్జివాని దన్ని వందిజ్ అనుమానమాతార్. దన్ని వందిజ్ వరిజ్ నెస్సిస్తజ్ ఇజి యా ఉత్తం రాస్తాన్. యేసుప్రబు మర్జివాని వందిజ్ విజు అద్యయమకు రాస్త మనాద్.*

1 బుబ్బాత్తి దేవుణుదిజ్ దేవుణుదిజ్ని, ప్రబు ఆతి యేసుక్రీస్తుజ్ సెందితి మన్ని, తెస్సలోనిక పట్టుమదు మని దేవుణు సజమ్జ్ వరిజ్, పవులుని సిలువాసు తిమోతి ఇనికార్ రాసిని ఉత్తం. దేవుణు దయాదర్శమ్మదాన్ మీరు నిపాతిదాన్ మండ్రెజ్ నయం కిపిన్.

తెస్సలోనికాది వరి నమకం వందిజ్ దేవుణుదిజ్ నమదనమ్కు!

2 ఎస్తివలెబా మా పార్తనమ్మదు మిజి ఎత్తు కిజి, మీరు విజిదెరె వందిజ్ మాపు దేవుణుదిజ్ వందనమ్కు వెప్పినాన్.

3 మిజి దేవుణు ముస్సు, మని నమ్మకమ్మదాన్ మీరు కితి పణిజి వందిజ్, మహి వరి వందిజ్ ప్రేమదాన్ మీరు కస్ట్బాణిజిని దన్ని వందిజ్, ప్రబు ఆతి యేసు క్రీస్తు ముస్సు, మని ఆసదాన్ ఎద్రు సుడొజి డిన్విండ ఓరిసిని ఓర్పు వందిజ్ మాపు ఎస్తివలెబా మా బుబాతి దేవుణు ముందాల ఎత్తు కిజి మంజినాన్.

4 తంబెరిజాండె, దేవుణు మిజి ప్రేమిస్తాండ్రె ఎర్జిస్త మనాన్ ఇజి మాపు నెస్సాన్.

5 ఎందనిజ్ ఇహిజు, మాపు మిజి వెప్తి సువార్త, వహి మాటొజాణిజ్నె ఆవిండ, దేవుణు సత్తుదాన్, దేవుణు ఆత్తుదాన్ మరి మా మస్సుదు పూర్తి నమ్మకమ్మదాన్ మిజి నెస్సిస్తాన్. మీ వందిజ్ మాపు మీ వెట కూడొజి ఎలాగ బత్తితామ్ ఇజి మీరు నెసినిదెర్.

6 గొప్ప వెరి కస్ట్మదు మీరు ప్రబుజ్ని మజి పోలిసి నడితిదెర్. గొప్ప వెరి కస్ట్మకు మిజి వాతె. గాని దేవుణు ఆత్మ మిజి సీతి సర్దదాన్ మీరు యా సువార్తదిజ్ డగ్రు కితిదెర్.

7 అందెజి అయాలెకిండ్ నమ్మితికిదెర్ ఎలాగ మండ్రెజ్ ఇజి నెస్తిజ్ మాసిదోణియని అకాయ ఇని ప్రాంతమ్కాజ్ నమ్మితి వరిజ్ విజిరిజ్ మీరు ఉండ్రి గుర్తు లెకిండ్ ఆతిదెర్.

8 మాసిదోణియని అకాయ ప్రాంతమ్కాజ్నె ఆవిండ దేవుణు సువార్త మీ బాణిజ్ విజుబాన్ సాటి ఆతాద్. అక్కాద్ ఆవిండ దేవుణు ముస్సు, మిజి మని నమకం విజిరె నెస్సార్. అందెజి దని వందిజ్మాపు ఇనికబా వెప్తాజ్ అకర్ నిల్దెర్.

9-10 ఎందనిజ్ ఇహిజు మీరు ఎలాగ మజి డగ్రు కితిదెర్ ఇజి వారి వెప్పినార్. బొమ్మెజు మాడిస్సిక డిసిసిజి బత్తిజిని నిజమాతి దేవుణుదిజ్ పొగొడిజి మాడిస్సిజ్ మీరు ఎలాగ దేవుణు దరోటు మప్తిదెర్ ఇజి వారి వెప్పినార్. బత్తిజిని నిజమాతి దేవుణుదిజ్ నమ్మిజిని వందిజ్, దేవుణు బాణిజ్ వాని కోపమ్మదాన్ మజి తప్సిసికాన్ నాతి, సాతివరి బాణిజ్ దేవుణు నిక్తిమని వన్ని మరిన్ ఆతి యేసు, దేవుణు వరలోకమ్మదాన్ డిగొజి వానాలె ఇజి వన్ని వందిజ్ ఆసదాన్ ఎద్రు సుడొజి మంజినిదెర్.

2

దెసలోనిక పట్టుమదు పవులు కితి సువార్త పణి

1 తంబెరిజాండె, మాపు మీ డగ్రు వాతిక పణిదిజ్ రెవిండ ఆవితాద్, ఇజి మీరు నెసినిదెర్.

2 ముజాల పిలిపియా పట్టుమదు మజి ఎసా కస్ట్మకు వాతె, మరి ఎసానో సిగు కిత్తార్ ఇజి మీరు నెసినిదెర్. గాని గొప్ప గటిదాన్ అడ్డుజ్ వాతిజ్బాగాని దేవుణు మజి సీతి దయరమ్మదాన్ సువార్త మాపు మిజి వెప్తామ్ ఇజి మీరు నెసినిదెర్.

3 మా మస్సుదు ఇనికాద్ నిజ ఉదెనమ్మదాన్, మజి ఇనికాద్ లాబం దోహెక్తెజ్ ఇజెనో, మిజి మెసెం కిదిజ్ ఇజెనో మాపు యా సువార్త మిజి వెహివితామ్.

* 1: 1:0 1:8-10; 2:19-20; 3:13-18; 5:23-24

4 గాని అక్కడె అవిండ మాపు తగ్గికావ ఇజ దేవుణు మజి సుడేజు సువార్త వెహైజ ఇజ ఒవజెప్తి వందిజ్ మాపు వర్తిజినావ్. అందెజ్ మాపు లోకురిజ్ సర్త కిబిస్సికార్ అవిండ, మా మన్నుజ వరిక్కు కిజిని దేవుణుదిజ్ సర్త కిబిస్సికార్ ఆదెజ్ ఇజ సుడేజినావ్.

5 మాపు మిజి వెహైకెజ్ ఇనికెబా పొజిజిని మాటెజ్ ఆఉ ఇజ మీరు నెసినిదెర్. మరి మజి డబ్బు వందిజ్ నండో ఆస మనాద్ ఇజ మీరు నెన్ఎండ, మీ బాణిజ్ ఇనికబా గణెజ్ ఇజ మాపు ఇనికబా డాప్పి వర్తివితావ్ ఇనిదన్నెజ్ దేవుణుని సాక్కి.

6 లోకుర్ మజి పొగిడిదెజ్ ఇజ మాపు కోర్వితావ్. మీరు గాని మహికార్ ఎయెర్బాగాని మజి పొగిడిదెజ్ ఇజ మాపు కోర్వితావ్. మాపు క్రీస్తు వందిజ్ అపొస్టురు అతికావ ఇజ మీబాణిజ్ లోస ఆదెజ్ అక్కు మన్నుకావ్.

7 గాని అయాలెకెండ కివిండ, ఉండ్రీ అయెసి దని కొడోజెరిజ్ ఎలాగ సుడేజినాదో, అయాలెకెండెన మాపు మీ నడిమి తగె అత మహవ్.

8 మీరు మజి నండో ఇన్సం అతికిదెర్. అందెజ్ మాపు గొప్పు సర్దాదాన్ మీ వెట దేవుణు సువార్త వెహైకెదె అవిండ, మరి మీ వందిజ్ మా బతుద్దాన్ ఇనిక కిదెజ్ అటూపా అక్కెజ్ కిదెజ్ తయార అత మహవ్. ఎందనిజ్ ఇహిజ మీరు మజి ససా డగ్గుహికిదెర్ అతిదెర్.

9 తంబెరిజాండె, మీ నడిమి సువార్త వెహై మహివలె, మాపు మీ మున్ను, అదారం అవిండ, రెయి పొగిల్ కన్జబాడ్డి పణి కిజ మహవ్. మాపు కన్జబాడ్డి పణికితిక మరి మా కన్జమకు విజు మీరు తవ్విండ ఎత్తు కిజ మంజినిదెర్ ఇజ మాపు నెసినావ్.

10 దేవుణుదిజ్ నమ్మిత్తికిదెర్ అతి మీ నడిమి, మాపు ఎసా బక్కిదాన్, నీతి నిజాయితీదాన్, నిందెజ్ సిల్లెండ ఎలాగ బత్తితావ్ ఇని దనిజ్ మీరె సాక్కి, దేవుణుబా సాక్కి.

11-12 ఎందనిజ్ ఇహిజ. వన్నీ గొప్పు జాయ్దుని, వన్నీ ఏలుబడిడు మండ్రెజ్ ఇజ మిజి కూక్కి మని దేవుణుదిజ్ తగితి లెకెండె మీరు బత్తిదెజ్ ఇజ మిజి ఒరెన్ అపొసి వన్నీ కొడోజెర్ వెట ఎలాగ వెహై నెగ్గి సర్తు నడిపిసినండ్రో, అయ లెకెండె మీ లొజ ప్రతి ఒరెన్ వన్నెజ్ ఉసార కిజ, దయరం వెహై, బతిమాలజి మాపు మీ వెట మహవ్ ఇజబా మీరు నెస్సిదెర్.

13 మాపు దేవుణుదిజ్ ఎస్తివలెబా డిజిన్విండ వందనమకు కిజిని మంజినావ్. ఎందనిజ్ ఇహిజ మా బాణిజ్ మీరు వెహి మని దేవుణు మాట, అక్కు లోకుర్ బాణిజ్ వాతి మాట లెకెండె అవిండ, అక నిజం మని లెకెండెన, దేవుణు బాణిజ్ వాతి దేవుణు మాట లెకెండె మీరు డగ్గు కితిదెర్. అందెజ్ దేవుణుదిజ్ నమ్మిత్తికిదెర్ అతి మీ మన్నుదు అక్కు నెగ్గి పణి కిజినాదె.

14 తంబెరిజాండె మీరు యూదయ దేసమదు మని క్రీస్తు యేసుజ్ నమ్మిత్తి మని దేవుణు సజమకాణి వరిక్ పొలిసి నడిపిసిదెర్. ఎందనిజ్ ఇహిజ, వారు వరి సాంత లోకుర్ అతి యూదురు బాణిజ్ ప్రమెజ్ ఒరిస్తి మహి లెకెండె మీరుబా మీ సాంత లోకుర్ బాణిజ్ ప్రమెజ్ ఒరిస్తిదెర్.

15 యూదురు అతికార్ ప్రబు అతి యేసుజ్ని దేవుణు ప్రవక్తరుజ సప్తార్. వారు మజిబా డిజిన్విండ హిమ్మెజ్ కిత్తార్. యూదురు అకకార్ సువార్త వీంజి దేవుణు వరిజ్ రక్కిన్జెజ్ అవిండ ఇజ మాపు వరి వెట వర్తివిండ మజి అడు కిజ దేవుణుదిజ్ వడిజ పణిజ్ కిజ వారు లోకుర్ విజెరిజ్ వగాతికార్ అజినార్.

16 యా లెకెండె వారు వరి పావమకు మున్ను మరి కుడెబ్బి పూర్తి కిజినార్. అందెజ్ కడివేరిదు దేవుణు కోవం వరి మున్ను మనాద్.

తెన్నులోనికది వరిజ్ సుడేదెజ్ పవులుజ్ మని గొప్పు ఆస

17 తంబెరిజాండె, మాపు నెగం కాలం మీ బాణిజ్ దూరం అతి మనిజ్ (మా ఒడోజెల్ని దూరం అతాద్ గాని మా మన్ను దూరం అవితాద్) మరిజ మీ డగ్గు వాజి మిజి సుడేదెజ్ ఇజ నండో ఆస అజ నండో పణి కితావ్.

18 నిజమె, మీ డగ్గు వాదెజ్ ఇజ గొప్పు ఆస అతావ్గాని సయతాసు దనిజ్ అడ్డు కిత్తాన్. పవులు ఇని నాసు మరి మరి మీ డగ్గు వాదెజ్ ఇజ సుడేత.

19 మాపు ఎయెర్ వందిజ్ దేవుణు ఎద్దు ఆసదాన్ ఎద్దు సుడేజినావ్? మజి సర్త కిబిస్సికార్ ఎయెర్? సిల్లిజ ఎస్తివలెబా మాపు యేసుక్రీస్తు ఎద్దు పొగిడిజి, మజి గొప్పు సర్త కల్గినిని ఉండ్రీ టోపె లెకెండె మనికార్ ఎయెర్? మా ప్రబు అతి యేసు క్రీస్తు వాని వలె వన్నీ ఎద్దు మంజిని మీరెగదె?

20 నిజమె మీరె మజి నెగ్గి పేరు తపిసినికిదెర్. మజి సర్త కిబిసినికిదెర్ మీరె.

3

1 మిజి సుడేదెజ్ ఇజ మజి మని ఆస బరిస్సెజ్ అట్విండాతిజ్, మాపు ఏదెన్ను ఇని పట్టుమదు మంజినిక నెగ్గక ఇజ ఒడిబిజినె,

2 యేసుక్రీస్తు మున్ను మీరు ఇడ్డి నమకమదు కర్ణివిండ మిజి దయరం వెహై, నత్తు మని వరి లెకెండె ముజుల నడిపెన్జెజ్ ఇజ యేసుక్రీస్తు వందిజ్ సువార్త సాటిన్జెజ్ మా వెట కూడ్డి దేవుణు పణి కినికానాతి మా తంబెరి అతి తిమోతిజ్, మీ డగ్గు పొక్రావ్.

3 అందెజ్ మీ లొజ ఎయెర్బా యా కన్జమకాజ్ సుడేజు వెనుక సాన్విండ, యేసుక్రీస్తు మున్ను, మని నమకమదు గటిజ నిల్లి మండ్రెజ్ వలె. ఎందనిజ్ ఇహిజ మాటు యాకెజ్ ఒరిస్సెజ్ వలె ఇజ మీరు నెసినిదెర్.

4 నిజమె, మాపు మీ వెట మహివలెనె మజి హిమ్మెజ్ వానె ఇజ మిజి వెహై మహవ్. యాకెజ్ మాపు వెహైతి లెకెండెన జగ్గితె ఇజ మీరు నెసినిదెర్.

5 ఎలాగబా సయ్తాసు సెజ పణిజ్ కిదెజ్ ఇజ మీ మన్నుదు ఆస పుటిసి, మీ నడిమి మాపు కితి పణిజ్ విజు ఉండ్రీ వేల పణిదిజ్ రెవిండ కిత్తాసు ఇజ నాసు తియెలాత. అందెజ్ దన్నీ వందిజ్ ఎత్తు కిజ, యాక ఒరిస్సెజ్ అట్విండ మీ నమకం వందిజ్ నెస్సెజ్ ఇజ నాసు తిమోతిజ్ పొక్క.

తిమోతి తతి నెగ్గి కల్లు

6 గాని తిమోతి మీ బాణిజ్ ఏలె మా డగ్రు వాతాన్. మిజి దేవుణు మున్ను మని నమకం వందిజ్, మీ ప్రేమ వందిజ్ నెగ్గి కట్టు తతాన్. మాపు మిజి నుడోదెజ్ ఆన ఆజని లెకెండ, మీరుబా మజి నుడోదెజ్ ఆన ఆజనిదెర్ ఇజి వాండ్రు వెచ్చాన్. మరి మా వందిజ్ ఎస్సివలెబా సర్దాదాన్ ఎత్తు కిజినిదెర్గి.

7 అందెజె తంబెరిజాండె, మాపు మజి వాతి దుకమ్దాన్ మహివలె, మజి హిమ్మెజ్ వాతివలె మీ నమకం వందిజ్ విహాపె ఉసార్ కిబె ఆతాన్.

8 మీరు ప్రబు మున్ను మని నమకమ్దు గటిజ్ నిల్చి మంజినిదెర్, అందెజె దేవుణు మున్ను మిజి మని నమకం మా బత్తు లెకెండెన మజి విలువాతిక ఆజినాద్.

9 దేవుణు ముందాల మీ వందిజ్ మన్ని విజు సర్ద వందిజ్ దేవుణుదిజ్ వందనమకం ఎసా వెహ్జెజ సరి ఆనాద్? ఎస్సా మాపు వెహ్జెజా బా తక్కునె మంజినె.

10 మాపు మిజి మరి ఉండ్రీ నుటు నుడోజి దేవుణు మున్ను మని మీ నమకమ్దు మిజి తకు మనిక పూర్తి కిడెజ్ ఇజి ఉండ్రీ నుటు అవ్కానం దోహక్కికెజ్ ఇజి రెయు పాకల్ దేవుణు వెట పార్దనమ్దు నండో బతిమాలిజనాద్.

11 మా బుబ్బాతి దేవుణుని మా ప్రబువాతి యేసు మీ డగ్రు వాదెజ్, మజి ఇని అడ్డు సిల్లెండ సరి తోరిసిన్.

12 మాపు మిజి ప్రేరిమినిని లెకెండ మీరు ఒరెన్ మరి ఒరెన్ వెట ప్రేమిస్తెజ్, మరి మీ లోఇ మని ప్రేమ నండో అజి పొగిజని లెకెండ ప్రబు మిజి సాయం కిపిన్.

13 మా ప్రబువాతి యేసు వన్ని సీతి నిజాయితి మని వరి వెట వాని వలె, మా బుబ్బాతి దేవుణు ఎద్రు మీరు ఇని కరయు సిల్లెండ, సీతి నిజాయితిదాన్ మండ్రెజ్, మీ మున్నుదు దేవుణు మిజి నత్తు సిపిన్.

4

దేవుణుదిజ్ ఇస్టమాతి లెకెండ బత్తిని వందిజ్

1 తంబెరిజాండె, దేవుణుదిజ్ ఇస్టం అతివజి ఎలాగ బత్తిదెజ్ ఇజి మాపు మిజి నెస్సిస్త మనావ్. మీరు అయాలెకెండెన కిజినిదెర్. గాని అక్కర్దిజ్, మాపు మిజి యేసుప్రబు పేరుదాన్ గటిజ్ సారిసి సారిసి వెహ్నినిక ఇనిక ఇహిజ మీరు అయ లెకెండె మరి ఒదె నెగెణ్ కిజి మండ్రు.

2 యేసుప్రబు బాణిజ్ మజి దోహక్కి అతికారమ్దాన్ మాపు మిజి నెస్సికెజ్ ఇనికెజ్ ఇజి మీరు నెసినిదెర్.

3 మీరు దేవుణు వందిజ్ ఒప్పజెప్పి వన్ని వందిజ్ కేట అతికార్ ఆజి మండ్రెజ్ ఇజి దేవుణు ఇస్టమాజినాన్. మీరు రంకు బూలానిక అవెద్ ఇజినె దేవుణు కోరిజనాన్.

4 అక్కాదె అవెండ దేవుణు మీ ఒడోలదిజ్ మని ఆనదిజ్ సరి సివిండ, ఒరెన్ సొంత ఒడోలదిజ్ ఇని పావమ్దిజ్ సాన్విండ ఎలాగ తగితి లెకెండ దేవుణుదిజ్ ఇస్టమాతి వజి అడిదెజ్ ఇజి మీరు ఒరెన్ ఒరెన్ నెస్సిజ్ వలె.

5 మీరు, దేవుణుదిజ్ నెనిఇ, దేవుణుదిజ్ నమ్మిఇ వరిలెకెండ, ఉత్పత్తి అజి మండ్రెజ్ అవిద్.

6 ఎయెనబా, ఉత్పత్తి అజి, వన్ని వెట మన్ని నమ్మిత్తికానాతి ఒరెన్ తంబెరి అల్చి వెట, కూడజి మంజి, వన్నిజ్ మొసెం కిడెజ్ అవిద్. యా లెకెండె కిని వరిజి దేవుణు సిక్కి సినాన్. దిన్ని వందిజ్ మాపు ముజాల మీ వెట కనికం వెహ్జె మహావ్.

7 ఎందనిజ్ ఇహిజ. రంకు బూలాజి బత్తిదెజ్ ఇజి దేవుణు మజి కూకెజ్ సిల్లెన్, గాని పాపం సీతి నెగ్గి బత్తు బత్తిదెజ్ ఇజినె కూక్కి మనాన్.

8 అందెజె యా బోదదిజ్ నెక్కి పొక్కికాన్, లోకుదిజ్ నెక్కి పొక్కివన్ గాని దేవుణు అత్తుదిజ్ మిజి సీజని దేవుణుదిజ్ నెక్కి పొక్కికాన్ ఆజినాన్.

9 తంబెరిజె నడిఃమి, ఒరెన్ వన్నిజ్ మరి ఒరెన్ వన్ని వెట మన్ని ప్రేమ ఎలాగ మండ్రెజ్ ఇజి, మాపు మిజి ఏలు రాస్తెజ్ అవ్నరం సిల్లెద్. ఒరెన్ మరి ఒరెన్ వన్నిజ్ ఎలాగ ప్రేమిసి మండ్రెజ్ ఇజి దేవుణునె మిజి నెస్సిస్త మనాన్.

10 నిజమె మాసిదోనియ ప్రాంతమ్దు మనిక తంబెరిజి విజెరిజ్ మీరు ప్రేమిసినిదెర్. గాని మీరు మరి ఒదె ప్రేమిసి మండ్రెజ్ ఇజి మాపు సారిసి సారిసి వెహ్నినావ్.

11 మాపు ముజాలెలి మిజి అడ్డ సీత్తిమహి లెకెండె సార్దిదాన్ బత్తిదెజ్ ఆన ఆజి మండ్రు. మరి మీ కికాణిజ్ మీ వందిజ్ పణి కిజి మండ్రు మహివరి నజతిజి లోఇ బుర డూత్విండ, మీ పణిజ్ నుడోజి మండ్రు.

12 నస్సివలె మీ బత్తు నడోజి నమ్మిఇకార్ మిజి గవరం సినార్. మరి మీరు, మహి వరి మున్ను ఇనిదని వందిజ్ అదారం అవెండ మంజినిదెర్.

ప్రబు మరీజి వాని వందిజ్

13 తంబెరిజాండె, దేవుణు మున్ను నమకం ఇల్లి సాతివరిజ్ ఇనికా జర్గినాద్ లె ఇజి మీరునెసి మండ్రెజ్ ఇజి మాపు కోరిజనావ్. ఎందనిజ్ ఇహిజ దేవుణు ఎద్రు ఇని ఆన సీతి నమ్మిఇ వరి లెకెండె మీరు దుకం అవెండ మండ్రెజ్ వలె ఇజి మాపు కోరిజనావ్.

14 యేసుప్రబు సాతండ్రె మరీజి నిజితాన్ ఇజి మాటు నమ్మిజినాట్. అయలెకెండెన యేసుప్రబు మున్ను నమ్మకం ఇడోజి సాతివరిజ్ దేవుణు యేసు వెట కూక్కి తనాన్.

15 అందెజె ప్రబు అతి యేసు వెహ్జె మని మాటు అని మాపు మిజి దయరమ్దాన్ వెహ్నినిక ఇనిక ఇహిజ, ఏలు బత్తిజిని మాటు, యేసు ప్రబు మరీజి వాని రోజు బత్తిజి మహిజ్ బా, ప్రబు మున్ను నమకం ఇడోజి సాతి వరిజ్ ఇంక ముజాల వన్ని డగ్రు సాండ్రెజ్ అట్విట్. వారి ముజాల సూనార్.

16 ప్రబువతి యేసుక్రీస్తు వన్నీ గొప్ప పెరి జాటుదాన్ ఆడ్ర నీజి, విజు దాతారి మున్ను, నెయ్యి ఆతి దూత జాటుదాన్, దేవుణుది గొప్ప పెరి జోడఃబంగ ఊక్కి జాటుదాన్ పరలోకమదాన్ డిగ్గి వానివలె, యేసుప్రబు మున్ను, నమకం ఇడఃజి సాతికార్ ముజ్జాల నిజ్నారలె.

17 నన్నవలె బూమి మున్ను, బత్తిజిని మాటు యేసుప్రబుజ్ దసుల ఆదెజ్ ఆకాసమదు మని మొసాపుదు వరివెట పెరి ఆనాట్టె. అయాలెకెండ మాటు ప్రబు వెట ఎలాకాలం మంజినాట్టె.

18 అందెజె మీరు యా మాటజాణిజ్ ఒరెన్ మరి ఒరెన్ వన్నీ వెట దయరం వెప్పి మండ్రు.

5

1 తంబెరిజాండె, ఎన్నివలె అక్కెజ్ విజు జర్గినాదలె ఇజి, ఆ గడియ వందిజ్నె, ఆకెజ్ ఎలాగ జర్గినె ఇని వందిజ్నె మాపు మిజి రాస్తెజ్ అవనరం సిల్లెద్.

2 ఎందనిజ్ ఇపొజు, ఎయెరబా ఒడఃబిఎండ మనివలె రెయ్య, డొజి కిడెజ్ డొజారి ఎలాగ వానాండ్రె, అయాలెకెండె ప్రబు వాని దినంబా మంజినాద ఇజి మీరు బాగ నెసినిడెర్.

3 “నమదనమదాన్ మానావ్, మజి ఇని తియెల్ సిల్లె”, ఇజి లోకుర్ వర్గిజి మంజిని వలెని, పొటాడు మన్ను బోదెలిదిజ్ ఎలాగ ఏరు ఈబాని నొప్పి వానాదె, అయాలెకెండెన వెటనె నాననం వరి మున్ను, వానాదెలె. అందెజె ఎయెరబా తప్ర ఆదెజ్ అట్వెర్.

4 తంబెరిజాండె, ఇనికబా ఒడఃబిఎండ మనివలె, ఒరెన్ డొజారి లెకెండె అయాలె దినం మీ మున్ను, వాతిజ్బా మీరు బమ్మ ఆఇడెర్. ఎందనిజ్ ఇపొజు, మీరు దిని వందిజ్ నెన్వీండ సికటిదు బత్తిని కిడెర్ ఆఇడెర్.

5 మీరు విజెదెర్ జాయదు పుట్టి నని వరి లెకెండె మనిదెర్, వెడెదిజ్ పుట్టి నని వరి లెకెండె మన్నిదెర్. మాటు రెయిదిజ్ పుట్టి నని వరి లెకెండె అవెట్.

6 అందెజె మాటు మపి వరి లెకెండె నిద్ర కిజి మన్వీండ మా మన్నుదిజ్ అడిజి తెలిదాన్ మంజినాట్.

7 నిద్ర కినికార్ రెయి నిద్ర కిజినార్. ఉణిజి సోస్సికార్ రెయ్య, సోసి మంజినార్.

8 మాటు వేలిదిజ్ పుట్టి నని వరి లెకెండె మనికాట్. అందెజె మాటు మా మన్నుదిజ్ అడ్డిజి, దేవుణు మున్ను, మని నమకమని ప్రేమ్, మజి గుండెదిజ్ అడు కిని ఉండ్రె ఇనుము సొక లెకెండె తొడుగినాట్. మరి దేవుణు మజి రక్కిస్సాన్లె ఇజి వన్నీ వందిజ్ ఆసదాన్ ఎద్రు సుడఃజి మంజినిక, మజి బురాదిజ్ అడు కిని ఇనుము బోపె లెకెండె తొడిగిజి మంజినాట్.

9 ఎందనిజ్ ఇపొజు, మా ప్రబువతి యేసుక్రీస్తు మజి రక్కిస్సెజ్ ఇజినె దేవుణు మజి ఏర్పాటు కిత్తాన్. గాని వన్నీ బాణిజ్ వాని సిక్కి వందిజ్ అవిద్.

10 మాటు బత్తితి మపొజిబా, సాతి మపొజిబా, వాండ్రు మరజి వానివలె వన్నీవెట మజి బత్తిస్సెజ్నె యేసుక్రీస్తు మా వందిజ్ సాతాన్.

11 అందెజె మీరు ఏలు కిజినె లెకెండెన ఒరెన్ మరి ఒరెన్ వన్నీ వెట దయరం వెప్పి, ఒరెన్ వన్నీజ్ దేవుణు మున్ను, మని నమ్మకమదు పిరిని లెకెండె సాయం కిజి మండ్రు.

12 తంబెరిజాండె, యేసుప్రబు బాణిజ్ మన్నీ అతికారమదాన్ మిజి నెన్నసి, బుది వెప్పి, మీ నడిమి కష్టబాడిజి దేవుణు పణి కిని వరిజ్ గవరం సీదు ఇజి మిజి బతిమాల్జినావ్.

13 వారు కిజినె పణి వందిజ్ వరిజ్ నండ్ ప్రేమిని గవరం సీజి మండ్రు. ఒరెన్ మరి ఒరెన్ వన్నీ వెట నిపాతిదాన్ బత్తిజి మండ్రు.

14 తంబెరిజాండె, మాపు మిజి వెప్పినిక ఇనిక ఇపొజు, బదకమదాన్ మని వరిజ్ మీరు బుద్ధి వెప్తా. విసారం అన్తి మనివరిజ్ దయరం వెప్పి మండ్రు. దేవుణు మున్ను, మని నమకమదు పిరిదిజ్ అట్వెర్ వరిజ్ సాయం కిజి మండ్రు. విజెరె వెట ఓరిసి మండ్రు.

15 ఎయెరబా వన్నీ వెట మరి ఒరెన్ కితి సెజ పణిదిజ్ మర్రి సెజ పణిజ్ కివిండ సుడఃదు. ఎన్తివలెబా ఒరెన్ మరి ఒరెన్ వన్నీ వెట కనికారమదాన్ మండ్రు. లోకుర్ విజెరె వెటబా కనికారమదాన్ మండ్రు.

16 ఎన్తివలెబా సర్దదాన్ మండ్రు.

17 డిన్వీండ పార్దనం కిజి మండ్రు.

18 ఎలాగ మర్రి సమయమదుబా విజు దనిజ్ దేవుణుదిజ్ వందనమకు వెప్పి మండ్రు. యేసుక్రీస్తుజ్ నమ్మిత్తి మని మీరు యాలెకెండె మండ్రెజ్ ఇజినె దేవుణు కొరిజినాన్.

19 మీ లొఇ మని దేవుణు అత్తుదిజ్ నప్పాట్.

20 దేవుణు బాణిజ్ వాతి దేవుణు ప్రవక్తరు వెప్తి మాటెజు నెక్కి పొక్కాట్.

21 విజు వనకాజ్ పరిస కిజి నెగ్గి దనిజ్ డగ్గు కిదు.

22 సెజ విజు వన్నాజ్ దూరం కిదు.

23 నిపాతిదిజ్ ప్రబువతి దేవుణునె మిజి పూర్తి నెగ్గికార్ కిపిన్. మా ప్రబువతి యేసుక్రీస్తు వానిదాక వన్నీ ఎద్రు మీ దేవుణు అత్తూని, మీ పాణం, ఒడొలె విజు ఇని నిండెజ్ సిల్లెండె దేవుణు కాపొడిజి మనీన్ ఇజి నాను పార్దనం కిజినె.

24 మిజి కూక్కి మని దేవుణు నమ్మకమాతికాన్. అందెజె వాండ్రు వెప్తి లెకెండెన కినాన్.

25 తంబెరిజాండె, మా వందిజ్ పార్దనం కిదు.

26 పూర్తి నెగ్గి మన్నుదాన్ పొపిజి ముద్దు కిజి తంబెరిజ్ విజెరిజ్ వందనమకు వెప్తా.

27 తంబెరిజ్ విజెరిజ్ యా ఉత్తం సదవీజి వెన్పిస్సెజ్ ఇజి ప్రబువతి యేసుక్రీస్తు పేరుదాన్ మిజి బతిమాలిజినె.

28 మా ప్రబువతి యేసుక్రీస్తు దయదర్శం మీ వెట మనిద్.

అపొస్తుడు ఆతి పవులు దెసలోనిక పట్టుమది నమ్మిత్తి వరిజ్ రాస్తి రుండి ఉత్తం

నెల్వ కిదిసినిక

ఇక్క అపొస్తుడు ఆతి పవులు దెసలోనిక పట్టుమదు మహి దేవుణు నజమది వరిజ్ రాస్తి మన్ని రుండి ఉత్తం. సీలాని తిమోతి ఇనికార్ దెసలోనిక పట్టుమదు సొన్ని, అపొస్తుడు ఆతి పవులు రాస్తి ఉత్తం సీజి మర్రి వాత్తి వెనుక యా ఉత్తం రాసి ఆత మనాద్ ఇజి ఒడోబిజినార్.

యా ఉత్తమదు మొదోహి ఉత్తమదు మన్ని దన్నిజ్ నమానమాతి మాటిజ్ మన్నె. (ఉండ్రీ దెస్సులోనిక నెల్వ కిదిసినిక సుడోదు). రుండి ఉత్తమకాజ్, వాండ్రు కిత్తి సువార్త పణిదాన్ తయారాతి మన్ని నజమకాజ్ వన్ని మన్నుదు మన్ని బాద, పవులు తోరిసినాన్. తప్పు బోదదిజ్, అబద్దం నెస్సిసిని వరిజ్ లోజిజి మన్ఎండ, గటిజి నిల్ని మండ్రు ఇజి పవులు వరిజ్ ఎత్తు కిదిసినిక.

యేసుప్రబు మర్రి వాని వందిజ్ యా ఉత్తమదు రాస్తి మనాద్. (రుండి దెస్సులోనిక 1:9-10; 2:1-3). యేసుప్రబు సిలువాదు సాజి, మర్రి నిజీతి వెనుక ఇంజు ముంజు 17-20 పంటిజ్ డాట్టి వెనుక పవులు ఇక్క రాస్తి ఇజి విజెర ఒడోబిజినార్ దేవుణు మున్ను నమ్మకం ఇట్టి వరిజ్ వాని కాలమదు ఇనిక ఆనాద్ ఇజి నెస్సిస్టెజ్, మరి వారు నమ్మకం డిసేవిండ గటిజి నిల్నిమండ్రెజ్ ఇజి యా ఉత్తం రాస్తిన్.

1 బుబ్బాత్తి దేవుణుదిజ్ని ప్రబు ఆతి యేసు క్రీస్తుజ్ నెందితి మని దెసలోనిక పట్టుమది దేవుణు నజమదిజ్ పవులుని సిలువాసుని తిమోతి రాసిని ఉత్తం.

2 బుబ్బాత్తి దేవుణుని ప్రబు ఆతి యేసుక్రీస్తు, దయాదర్మమదాన్ మీరు నిపాతిదాన్ మండ్రెజ్ సాయం కిపిర్.

3 తంబెరిజాండె, మాపు ఎస్తివలెబా మీ వందిజ్ దేవుణుదిజ్ వందనమకు వెస్సిని మండ్రెజ్ వలె. అయ లెకెండ వెస్సినిక, కిదెజ్ మన్ని నరి ఆతి నజతిన్. ఎందనిజ్ ఇహిజి దేవుణు మున్ను మని మీ నమ్మకం మరి నండో అజి పిరిసినాద్. ఒరెన్ వన్నిజ్ మరి ఒరెన్ వన్ని వెట మని ప్రేమ మీరు విజెరె లో ఇ మరి నండో అజినాద్.

4 అదెజి మీరు, డిసేవిండ హిమ్మెజ్ ఓరిసిని వందిజ్, ప్రమెజ్ ఓరిసి మహిజ్బా దేవుణు మున్ను మని నమ్మకమదు మీరు ఎలాగ గటిజి నిల్ని మంజినిదెర ఇజి మహి దేవుణు నజమకాజ్ మీ వందిజ్ మాపు పొగడిజి వెహ్సినాన్.

5 సీతి నిజాయ్దాన్ దేవుణు తీర్పు సిజినాన్ ఇని దనిజ్ యాకెజ్ విజి రుజువ్ అజిన్. దేవుణు కిని ఏలుబడిదు మండ్రెజ్ మీరు తగ్గికిదెర అజినిదెర. దని వందిజ్ న యా కన్మమకు విజి మీరు ఓరిసినిదెర.

6-8 మా ప్రబు ఆతి యేసు నేగడిజిని సీసు కొనెజాణిజ్ వన్ని గొప్ప సత్తుమని దూతెజి వెట పరలోకమదాన్ తోరె అనివలె, దేవుణుదిజ్ నెన్ ఇ వరిజ్ని, మా ప్రబు ఆతి యేసు సువార్త మాటిజ్ లోజిజి వరిజ్ సీక్స సీనాన్లె. దేవుణు సీతి నిజాయ్దామనికాన్. అందెజి నస్తివలె మిజి ప్రమెజ్ కితి వరిజ్ ప్రమెజ్ మరజి సీనాన్లె. ప్రమెజ్ ఓరిస్తిమని మిజిని, మజి రెంబిస్సాన్లె.

9 నస్తివలె యేసుప్రబు సెఇ వరిజ్ వన్ని ఎద్దుహాన్, వన్ని గొప్ప సత్తుదాన్, వారు వన్ని డగ్రు మన్ఎండ దూరం కిజి ఎలాకాలం మంజిని నానమదాన్ సీక్స సీనాన్లె.

10 అయా రోజు, వన్నిజ్ నెందితి వరివెట వన్ని గొప్ప జాయ్ తోరె అదెజ్, మరి వన్నిజ్ నమ్మిత్తికార్ విజెరె బమ్మ అని లెకెండ వరి నడిమి ప్రబు వానివలె మాపు వెహ్సా మా సాస్యమకు నమ్మిత్తికిదెర ఆతి మీరుబా వరి వెట మంజినిదెరెలె.

11 యాకా మా మన్నుదు మంజి, మిజి వాండ్రు కూక్కి దనిజ్ తగ్గికిదెర లెకెండ దేవుణు మిజి నడిమెదెజ్ ఇజి, మరి మీ నెగ్గి ఉదెనమకు విజి, మరి మీరు వన్ని మున్ను ఇడ్డి మని నమ్మకమదాన్ కిజిని విజి వణిజ్ దేవుణు వన్ని సత్తుదాన్ పూర్తి కిదెజ్ ఇజి మాపు మీ, వందిజ్ ఎస్తివలెబా దేవుణుదిజ్ పార్దనం కిజినాన్.

12 మా దేవుణు బాణిజ్ని ప్రబు ఆతి యేసు క్రీస్తు బాణిజ్ వాతి దయా దర్మమదాన్ యేసు ప్రబు పేరు మీ నడిమి గొప్ప పెరిక అదెజ్, మరి మీరు వన్ని వెట కూడ్డి గొప్ప పేరు పొందితికిదెర ఇజి తోరె అదెజ్ ఇజి మాపు యా లెకెండ మీ వందిజ్ దేవుణుదిజ్ పార్దనం కిజినాన్.

2

దేవుణుదిజ్ పడిజికాన్

1-2 తంబెరిజాండె, మా ప్రబు ఆతి యేసు క్రీస్తు మర్రి వాని దినమ్ వందిజ్ని మాటు వన్ని వెట కూడ్డి మంజిని వందిజ్ ఏలు వెహ్సినాన్. ప్రబు ఆతి యేసు వాత మనాన్ ఇజి ఉండ్రీ ప్రవక్త మాటాదాన్, మా బాణిజ్ వాతి లెకెండ ఉండ్రీ ఉత్తం వాతాద్ ఇజిన్, కల్లు వాతాదిజిన్ వెంజి గజిబిజి అజి మీ మన్ను నెద్రిన్ఎండ, తియెల్ అవెండ మండ్రెజ్ ఇజి మాపు మిజి బతిమాల్లినాన్.

3 ఎయెరెబా ఇని పణి కిజి మిజి మోసం కివిండ జాగర్త మండ్రు. (అయ దినం ఏలు దాక రెవిదె). లోకుర్ నండెండార్ దేవుణుదిజ్ పడిజి పణిజ్ కిజి ఉంటిజ్ ఆనార్. మరి దేవుణు రూలుజి విజి పడిజి కిజిని నానమదిజ్ తగ్గికాన్ ఆతి నెఇకాన్ తోరె అనిదాక అయ రోజు రెవిదె.

4 దేవుణు ఇజి పేరు ఇడె ఆతి మని విజి వన్యాజ్, పూజెజ్ కిదె అజిని విజి వనకాజ్ పడిమెండ పణిజ్ కిజి, అయ విజి వన్యాజ్ మున్ను వన్నిజ్ వాండ్రె దేవుణు ఇజి వెహ్సాడ్రి, వాండ్రు దేవుణు గుడిమబా సొన్ని బసాన్.

5 నాను మీ వెట మహిపలె యా నజతిజ్ మీవెట వెహ్సా మహిక మీరు ఎత్తు కిజెదెరా?

6 వన్నీ వందిజ్ ఏర్పాటు కితి మని గడియోదునె వాండ్రు తోర ఆదెజ్ వలె. అందెజె, ఏలు నాననమ్దిజ్ తగ్గికాన్ ఆతి వన్నీజ్ అడ్డు కిజి నిల్సెనిక ఇనికాదో ఇజి మీరు నెస్సిదెర్.

7 దేవుణు విజి రూలుజి వడిణిజి పణిజి కిజిని డాజితి మని సత్తు ఏలుబా పణి కిజినాద. గాని దనిజ్ అడ్డు కిజి నిల్సె మంజినాన్ నడిమిహన్ లాగి ఆనిదాక యా లెకెండ అడ్డు కిజి మంజినాన్.

8 నస్తివలె దేవుణు రూలుజి వడిణిజి కినికాన్ తోర ఆనాన్లె. వన్నీజ్ మా ప్రబు ఆతి యేసు వన్నీ వెయుదాన్ వాని ఊపిదాన్ సప్పి, వాండ్రు వానివలె మంజిని గొప్పు జాయ్దాన్ వన్నీజ్ నాననం కిసాన్లె.

9-10 దేవుణు రూలుజి వడిణిజి పణిజి కినికాన్ తోర ఆనివలె సయ్యాసు వన్నీ సత్తుదాన్ రకరకమ్ది బమ్మ పణిజ్ని గొప్పు పెరి పణిజ్ కిజి, నాననం ఆజి సాని వరిజ్ విజిరిజ్ మోసం కిదెజ్ విజి సెజి పణిజ్ కిజి తోరిస్తాన్. ఎందనిజ్ ఇహాజి నిజమాతి దనిజ్ ప్రేమిని దేవుణు వరిజ్ రక్తిస్తెజ్ వారు ఒవ్వెతార్. అందెజె వారు నాననం ఆజి సాస్సినార్.

11 అందెజె వారు అబదమ్దిజ్ నమ్మిని లెకెండ మోసం కిని సత్తుదిజ్ దేవుణు వరి మున్ను పొక్తాన్.

12 అందెజె, నిజమాతి దనిజ్ నమ్మివిండ సెజదని వెట సర్ద ఆతి విజిరిజ్ దేవుణు సెక్కి సీనార్.

గటిజి నిల్పి మండ్రు

13 గాని మీ వందిజ్ ఎస్తివలెబా దేవుణుదిజ్ మాపు వందనమ్కు వెప్పి మండ్రెజ్ వలె. యాక కిజి మంజినిక సరి ఆతి పణిజె. తంబెరిజాండె ఎందనిజ్ ఇహాజి దేవుణు అత్తు, వన్నీ నెగ్గెక కిజిని పణిదాన్, మీరు నిజమాతి దనిజ్ నమ్మిజి దేవుణు మిజి రక్తిస్తెజ్ ఇజి, దేవుణు యా లోకం పుట్విండ ముజాలె మిజి ఎద్దిస్త మహాన్.

14 మీరు యా లెకెండ యేసుప్రబు వెట వన్నీ గొప్పు పెరి జాయ్దు మండ్రెజ్ అక్కు. మనికిదెర్ ఆదెజ్ ఇజి మాపు వెస్తా సువార్దాన్ దేవుణు మిజి కూక్కి మనాన్.

15 అందెజె తంబెరిజాండె, మాపు మాటాదాన్ ఉత్తమదాన్ మిజి నెస్తితికెజ్ డిసేవిండ మీ మన్నుడు ఇడ్డి కడ్డివిండ మండ్రు.

16-17 మజి ప్రేమిని ఎలాకాలం ఎద్దు నుడేజిజి మంజిని ఆనని, ఉసార్ మా మన్నుడు వన్నీ దయాదర్మమ్దాన్ మజి సీతి మా బుబ్బాతి దేవుణుని, మా ప్రబు ఆతి యేసు క్రీస్తు మీ మన్నుడు దయరం వెప్పి, మీ విజి నెగ్గె మాటాదుని, మీరు కిజిని నెగ్గె పణిజు సత్తు సీజి నడిపిసీర్.

3

పార్దనం కిజి మండ్రు

1 కడెవేరిది మాట ఇనిక ఇహాజి, తంబెరిజాండె, ప్రబు మాటెజ్ మీ నడిమి సారతి లెకెండ మహిబాన్బా మరి బేగి సార్దెజ్, గవరం లోన ఆదెజ్ ఇజి మీరు మా వందిజ్ పార్దనం కిజి మండ్రు.

2 విజిరిజ్ నమకం సిల్లెద్గదె, అందెజె మాపు మూర్కతమ్దు మని వరి బాణిజ్ సెజి వరి బాణిజ్ తప్తె ఆనిలెకెండబా మా వందిజ్ పార్దనం కిదు.

3 అహాజి ప్రబు నమ్మిదిజ్ తగ్గికాన్ అందెజె వాండ్రు మిజి సత్తు సీజి సెజి వన్నీ బాణిజ్ వాండ్రు కాపాడ్తాన్.

4 ఇక్కెజ్ మీరు కిజి మండ్రెజ్ ఇజి మాపు మిజి ఆర్ద సీతిమనికెజ్ అయాలెకెండ మీరు కిజినిదెర్. మరి కిజి మంజినిదెర్లె ఇజి ప్రబు పేరుదాన్ మాపు మన్నుడు ఒడేబిజినావ్.

5 దేవుణు మున్ను మని ప్రేమని, మరి మీరు ఎలాగ కన్జమ్కు ఓరిస్తెజ్ ఇజి యేసుక్రీస్తు తోరిస్తె లెకెండ బరిస్తెజ్ మీ మన్నుడు రేపె ఆజి మండ్రెజ్ దేవుణు మిజి సాయం కిపిన్.

బండెజ్ ఆదెజ్ ఆవిద

6 తంబెరిజాండె, మా బాణిజ్ మీరు నెస్తిమని లెకెండ ఆవిండ బదకమ్దాన్ మంజిని వరిజ్ గుర్తు కిజి, వరి బాణిజ్ మీరు ఏడా డిసె మండ్రు ఇజి మా ప్రబు ఆతి యేసుక్రీస్తు పేరుదాన్ మిజి ఆర్ద సీతి లెకెండ వెప్పినావ్.

7 మజి నుడేజిజి మా లెకెండ ఎలాగ నడిదెజ్ ఇజి మీరు నెస్సిదెర్ గదె. మాపు మీ వెట మహివలె బదకమ్దాన్ మన్వితావ్.

8 మావ్ఎయెర్ బాణిజ్బా నెడ్డిసె తిండ్ ఉణివితావ్. ఎయెన్ మున్నుబా ఆదారం ఆవిండ మాపు రెయి పొగల్ కన్జబాడ్జిజి పణి కిజి మహాక మీరు నెస్సిదెర్.

9 మీ బాన్ లోసె ఉండెజ్ అతికారం సిల్లెద్ ఇజి అవిద. గాని మీరు మజి నుడేజిజి నెసి అయాలెకెండ మండ్రెజ్ ఇజిన్ మాపు అయాలెకెండ ఇనికబా లోన్ఎండ పణి కిజి మహావ్.

10 మరి మాపు మీ నడిమి మహివలె "ఒరెన్ పణి కవిండ మహిజి వాండ్రు బోజనం కిదెజ్ ఆవిద", ఇజి మిజి రూలు సెత్తావ్.

11 మీ లో'ఇ సెగెండార్ వరి సొంత పణిజ్ ఇనికబా కివిండ, అనపుసరమ్దిజ్ ఆజివరి సజతిజి లో'ఇ బుర్డు డుక్కి మంజినార్ ఇజి మాపు వెహావ్.

12 ననికార్ వారు కిజిని అవ్సరం సిల్లి పణిజ్ డిసె సీజి నిపాతి పణి కిజి, వరి తిండ్ వందిజ్ గణస్తెజ్ ఇజి మా ప్రబు ఆతి యేసుక్రీస్తు పేరుదాన్ బతిమాలేజి ఆర్ద సీతి లెకెండ వెప్పినావ్.

13 మరి తంబెరిజాండె మీరు నెగ్గెకెజ్ అతికెజ్ కిదెజ్ ఎనెజ్బా వందిదెజ్ అవిద.

14 మాపు యా ఉత్తమదు రాస్తి పొక్కి మాటెజ్ లో'ఇజి వన్నీజ్ గుర్తు కిదు. వాండ్రు సిగు ఆని వందిజ్ వన్నీ వెట కూడేవిండ మండ్రు.

15 అహాజి వన్నీజ్ వగాతి వన్నీ లెకెండ ఒడేబివిండ తంబెరి లెకెండ ఒడేబిజి వన్నీజ్ బుది వెస్తా.

16 నమాదానమ్దిజ్ ప్రబు అతికాన్ ఎస్తివలెబె ఎలాగ మర్రి కాలమ్దుబా మిజి నిపాతిదాన్ మండ్రెజ్ సిపిన్. ప్రబు మీ విజెరి వెట ఎస్తివలెబా మనిన్.

17 పవులు ఇని నాను, నా కియుదాన్ యా కడెఱెరి మాటెజ్ రాసిన. నా విజు ఉత్రమెదు యాకాదె గుర్తు. అందెజె నాను ఎలాగ రాసిన ఇజి మీరు పోలిస్సెజ్ అట్టిదెర్.

18 మా ప్రబు ఆతి యేను క్రీస్తు దయా దర్మం మీ విజిదెరె వెట మనిద్.

అపొస్తలుడు ఆతి పవులు తిమోతిజ్ రాస్తి ఉండ్రీ ఉత్తం

నెల్గు కిబిసినిక

అపొస్తలుడు ఆతి పవులు తిమోతిజ్ రాస్తి ఉండ్రీ ఉత్తమనె యాక. ఎపెసి పట్టుమదు మని దేవుణుదిజ్ నమ్మిత్తి వరి నజమదిజ్ నడిపిస్సి వన్ని లెకెండ్ తిమోతిజ్ ఏర్పాటు కిత మనాన్. అందెజె, నజం నడిపిస్సిక ఎలాగ, నడిపిస్సి ప్పార్పరుజు, పెద్దెల్లెజు ఎలాగ మండ్రెజ్ ఇని దనివందిజ్ వెప్పినాన్.

ఎపెసి పట్టుమదు నండో రకమకాణి గుడిజ్ మన్ను. దేసమకాజ్ నండో లోకుర బాన్ వానార్. అందెజె క్రీస్తు వందిజ్ నిజమాతి బోదదిజ్ కూడెకెజ్ నెన్పిస్సికార్ నండోడార్ మనార్. వరి వందిజ్ జాగ్రత మండ్రు. నని బోద తప్పిస్సివరిజ్ బాణిజ్ దూరం ఆదు ఇజ వెప్పినాన్.

1-2 క్రీస్తు యేసుజ్ అపొస్తలుడు ఆతి పవులు ఇని నాను తిమోతిజ్ రాసిన్. నీను నా సొంత మరిన్ లెకెండ్ మని. ఎందనిజ్ ఇహిజు నాని నిజి దేవుణు దలెత్ తత. మజి రక్కిసిని దేవుణు వెప్తి ఆడ్ర వజ, మాటు ఆనదాన్ ఎద్రు నుడిజిని క్రీస్తు యేసు వెప్తి ఆడ్ర వజ, నాను క్రీస్తు యేసుజ్ అపొస్తలుడు ఆత. బుబ్బు ఆతి దేవుణుని ప్రబు ఆతి క్రీస్తుయేసు దయా దర్పమదాన్, మీ మున్ను కనికారం తోరిసి, మీరు నిపాతిదాన్ మండ్రెజ్ సాయం కిపిర.

3-4 నాను మనిదోనియదు సాన్సి మహివలె నిజి వెప్తి లెకెండ్, నీను ఎపెసుదు మండ్రెజ్ వలె ఇజ నాను కసితం వెప్పినాన్. ఎందనిజ్ ఇహిజు, అబె సెగెండార్ తపు బోద నెన్పిస్సిన్. వారు అయకెజ్ మరి ఎనిజ్బా నెన్పిస్సెజ్ ఆవిద్ ఇజ నీను డటం వెప్తిజ్ వలె. వారు డొకార్ వెప్తి మంజని కత సాన్తరమక లొఇ, అంతు సిల్లెండ్ అని గొగొర వందిజ్ వెప్పినాన్ సాన్తరమక లొఇ మన్ను ఇడెదెజ్ ఆవిద్ ఇజ నీను డటం వెప్తిజ్ వలె. అయాకెజ్ దేవుణు ఎత్తు కితి సజతిజు అడ్డు కిజి బెరన్ వెట బెరన్ తర్పిసిని సజతిజ్ నె రేజిజె. దేవుణు మున్ను మని నమకం దానె, వాండ్రు ఎత్తు కితి సజతిజ్ నెన్పెజ్ అనాన్.

5 నమ్మిత్తికార్, బెరన్ వెట బెరన్ ప్రేమిసి మండ్రెజ్. అందెజె నీను యా లెకెండ్ డటం వెప్తిజ్ వలె ఇజ నాను నిజి వెప్పినాన్. నెగ్గి మన్నుదాన్ వాజిని ప్రేమదాన్, నెగెండ్ గదిసిని గరబందాన్ వాజిని ప్రేమదాన్, దేవుణు మున్ను మని నిజమాతి నమకమదాన్ వాజిని ప్రేమదాన్, ప్రేమిసి మండ్రెజ్.

6 సెగెండార్, మున్ను వెప్తి సజతిజు డిస్సు సాహార పణిదిజ్ రెకెజ్ వర్గిజనార్.

7 వారు దేవుణు మోసిజ్ సితి రూలుజ్ నెన్పిసికార్ అందెజె కోరిజనార్. గాని ఇని దని వందిజ్ వర్గిజనార్ ఇజనె, నండో దయరమదాన్ నిజమనె ఇజ వర్గిజని సజతిజు వందిజ్నె, వారు నెన్పెర.

8 దేవుణు మోసిజ్ సితి రూలుజ్ వాడుకండెజ్ మని వజ వాడుకోటిజు, అయా రూలుజ్ నెగ్గికెన్ ఇజ మాటు నెన్నాల్.

9-11 మరి మాటు నెన్పాల్, దేవుణు మోసిజ్ సితి యా రూలుజ్, నాయమదాన్ మని వరిజ్ వరి తపుజ్ దిదిదెజ్ నెన్పె ఇజ. గాని రూలుజ్ తప్పి వరిజ్, లోజెజు వరిజ్, నమ్మిత్తి వరిజ్, పాపిన్టిజ్, దేవుణు బాణిజ్ వాజిని సజతిజ్ ఇజ్ కణకదాన్ సూణి వరిజ్ మతమదిజ్ దూనిస్సి వరిజ్, అయిసి అపొస్సిరిజ్ నమ్మి వరిజ్, లోకాజ్ నమ్మి వరిజ్, రంకు బూలాని వరిజ్, మొకకొడో మొకకొడోనె కూడ్చి వరిజ్, వెట్టివణి కిదిజ్ లోకురిజ్ అని పొర్చి వరిజ్, అబద్ధం వర్గిని వరిజ్, అబద్ధమదిజ్ ఒట్టు కిని వరిజ్, నిజమాతి బోదదిజ్ విరోదం ఆతిజ్ కిని వరిజ్, నని వరి వందిజె రూలుజ్ సిత మనాన్. నీను మహి లోకురిజ్ వెహా ఇజ, దేవుణు నజి ఒవజెప్తి నువార్పదు అయా నిజమాతి బోద మనాన్. లోకుర పొగిడిజిని కిజిని గొప్ప వెరి దేవుణు బాణిజ్ అయా నువార్ప వాజినాన్.

పవులు మున్ను, దేవుణు తోరిస్సి కనికారం

12-13 ముజాల నాను యేసుప్రబు ఆతి యేసుక్రీస్తుజ్ దూనిస్సికాన్. నమ్మిత్తి వరిజ్ ఇమ్మెజ్ కిజి ఆహా వన్నిజ్ ఇమ్మెజ్ కితికాన్. వన్నిజ్ ప్రమెజ్ కితికాన్. అహిజ్బా నాను నమ్మిదెజ్ తగ్గికాన్ ఇజ వాండ్రు ఒడిబిజి, మహివరిజ్ నువార్ప వెప్పిని వన్ని పణిదిజ్ నజి ఏర్పాటు కిత్తాన్. అందెజె నాను మా ప్రబు ఆతి క్రీస్తు యేసు నజి కితి దని వందిజ్ ఎనిజ్బా పోన్పెండ మన. వాండ్రునె వన్ని పణి కిదిజ్ నజి నత్తు సిత్తాన్. నాను యేసుజ్ నమ్మిఎండ మహివలె, తెలిఎండ అక్కెజ్ కిత. అందెజె దేవుణు నా మున్ను కనికారం తోరిస్సాన్.

14 మా ప్రబు దయా దర్పమదాన్, వన్నిజ్ నమ్మిదెజ్, మహివరిజ్ ప్రేమిస్సెజ్ నజి సాయం కిత్తాన్. క్రీస్తుయేసు వెట మాటు కూడితి మని దని దటాన్, నమకమని ప్రేమ నజి దొహ్కె.

15 పాపం కిని వరిజ్ రక్కిస్సెజ్ క్రీస్తు యేసు లోకమదు వాతాన్ ఇని మాటు నిజం ఆతిక. అయాక పూర్తి నమ్మిదెజ్ తగ్గిక. నాను కిత్తి పాపం నసా పాపం కినికార్ కిపిర.

16 గాని, నసా పాపం కితి నా మున్ను, దేవుణు కనికారం తోరిస్సాన్. ఎందనిజ్ ఇహిజు, వాని కాలమదు యేసు మున్ను నమకం ఇడెజి, ఎలాకాలం దేవుణు వెట బత్తిని బత్తు. దొహ్కె వరిజ్ నాను ఉండ్రీ గుర్తు లెకెండ్ అని వందిజ్, నసా పాపం కితి నజి, క్రీస్తుయేసు అంతు సిల్లెండ్ నండో టిరిస్సాన్.

17 ఎలాకాలం రాజు ఆతి, ఎనిజ్బా సాఇ, నుడెదెజ్ అబ్బెజు ఒరెండ్రె దేవుణుజ్ ఎలాకాలం గవేరం సీజ పొగిడిజు మనిర. ఆమెన్.

18 నా మరిన్ లెకెండ్ మని తిమోతి యాకదె నాను వెప్పిని బుద్ది నీను కిదిజ్ మని వన్నా. వందిజ్ ప్రవక్తరు ముజాలె వెప్తి మనార్ గదె. వారు వెప్తి వజనె నాను వెప్పినాన్. వారు వెప్తి మని వజ లోజిజి, తపు బోద నెన్పిస్సి వరిజ్ గటిజు ఎద్రిన్ అ.

19 నా మున్ను మని నీ నమకం డిస్సు. గర్బం గదిన్పెండ నెగ్రెండ్ మని అ. సెగెండార్, గర్బం గదిన్ వెప్పిని దనిజ్ నెక్త పొక్తార్ వరి నమకం పాడు కిత్తార్.

20 నని వరి లోక, హుమెనియ, అలక్సాండర్ ఇనికార్ మనార్. దేవుణుడి దూసిస్టిక్ ఆవిద్ ఇజి వారు నెస్తి వందిజ్, నయతాను కీదు నాను వరిజ్ ఒపజెప్త మన.

2

సజమ్దు పార్లనం కిని వందిజ్ వెహ్సినాన్.

1 అందెజి మరి ముకెలం, లోకుర్ విజెరె వందిజ్, దేవుణుడి పార్లనం కిదెజ్. వరిజ్ కావాలిస్టికెజ్ సీఅ ఇజి బతిమాలజి లోస్టెజ్, వరి విజి వన్యా వందిజ్ ఎస్తివలెబా పార్లనం కిదెజ్, వాండ్రు విజెరిజ్ కితి మెలు వందిజ్ వన్నిజ్ వందనమ్మకు వెహ్సెజ్ ఇజి నాను మిజి ఉసారీ కిబిన్సు.

2 యా లెకండ రాజుర్ వందిజ్, అదికారమ్దు మని విజెరె వందిజ్ పార్లనం కిదెజ్. ఎందనిజ్ ఇహిజి, మాటు సాంతి సమాదనమ్దాన్ మహీ వరి ఎర్దు నెగ్రెండ బత్తిదెజ్, దేవుణుడి తియెల్ ఆజి పూర్తి బక్తిదాన్ మండ్రెజ్.

3 యా లెకండ కినిక నెగెద్. మజి రక్తిన్సి దేవుణుడి ఇస్టం ఆతిక.

4 ఎందనిజ్ ఇహిజి, లోకుర్ విజెరిజ్ ఎల్లకాలం మని సిక్కుదాన్ తపిస్టిక్ ఇజి, లోకుర్ విజెరె క్రీస్తు వందిజ్ నిజమాతి మాటెజ్ నెస్టిక్ ఇజి దేవుణు కోరిజినాన్.

5 దేవుణు ఒరెండ్రె. దేవుణు, లోకుర్ నడిమి ఒపిస్టికాన్ ఒరెండ్రె మనాన్. అయా ఒరెన్ క్రీస్తుయేసునె.

6 వాండ్రు లోకుర్ విజెరె పాపమ్కాజ్, ఎల్లకాలం మని సిక్కుదాన్ తప్తిన్సి వందిజ్ సాదెజ్ వన్నిజ్ వాండ్రె ఒపజెపె ఆతాన్. యాకది, దేవుణు ఏరపాటు కితి కాలమ్దు, లోకుర్ విజెరిజ్ రక్తిన్సి దేవుణు కోరిజిని డనిజ్ సాన్యం.

7 అందెజి, ఒరెన్ సాటిన్సి వన్ని లెకండ, అపొస్తలు లెకండ, నేరపిన్సి వన్ని లెకండ, యూదురు ఆకారం యేసు వందిజ్ నిజమాతి సజతిజ్ నెసి నమ్మిదెజ్, వరి వందిజ్ దేవుణు నజి ఏరపాటు కిత్తాన్. ఈహు నజి ఏరపాటు కిత్తాన్ ఇజి వెహ్సినానిక నిజమనె అబద్దం ఆవద్.

8 అందెజి, దేవుణుడి పార్లనం కిదెజ్ మీరు కూడజి వానివలె ఎంబెబా మొకకోడోర్ పార్లనం కిదెజ్ ఇజి నాను కోరిజిన్. వారు దేవుణు వందిజ్ కేట ఆతి బత్తు బత్తిదెజ్ వలె. వారు పార్లనం కినివలె, వరి మన్ముదు కోపం సిల్లెండ, ఎదువెటబ జటిజ్ ఆవిండ కిక్కు పెర్తి కిదెజ్.

9 అయాలెకండ, దేవుణుడి పార్లనం కిదెజ్ మీరు కూడజి వానివలె, బోదెకు నెగ్రెండ తయార ఆజి, వన్యాజ్ తగ్గి వజి తయార ఆజి వాదెజ్. అవికు సాకుజాణిజ్ మూల కనిసె, బజారమ్నె, నండొ కరీద్ది హునిజ్నె నండొ కరీద్ది తాతెజ్నె పారపాజి తయార ఆదెజ్ ఆవద్.

10 గాని దేవుణుడి నమ్మిజినికెజ్ ఇజి వెహ్సె ఆని బోదెకు మహిపరి వందిజ్ నెగ్గి పణిజ్ కిజి వన్యా సాకు తోర ఆదెజ్.

11 మొకకోడోర్ నెన్పిన్సివలె, బోదెకు నెగ్రెండ వెంజి, జమీన మంజి, వరిజ్ లోజిజి నెస్టిక్.

12 మొక వరిజ్ నెన్పిన్సిజ్నె వరి మున్సు అతికారం కిదెజ్నె బోదెకాజ్ నాను నెల్వ సిఎ. అవికు జమీన మండ్రెజ్.

13 ఎందనిజ్ ఇహిజి, దేవుణు అవ్వెజ్ ఆవిద్, ఆదముజునె ముజాలె తయార కిత్తాన్.

14 నయతాను ఆదముజ్ ఆవిద్, అవ్వెజ్నె మొసం కిత్తాన్. ఆహె అది పాపమ్దు అర్తాద్.

15 గాని అవికు దేవుణు మున్సు మని నమకం డిసెంండ, మహి వరిజ్ ప్రీమిని, దేవుణుడి ఒపజెపె ఆతి లోకు వజి నెగ్రెండ బత్తిదెజ్. ఆహె బత్తిజి మహిజి, కోడోరిజ్ ఏరుకాబాని వలె దేవుణు బోదెకాజ్ రక్తిన్సిన్.

3

1 ఒరెన్ పాస్టరు ఆదెజ్ కోరిజినాన్ ఇహిజి, వాండ్రు నెగ్గి పణిజ్ కోరిజినాన్. యా మాట పూర్తి నమ్మిదెజ్ తగ్గిక్.

2 పాస్టరు నింద సిలికాన్ ఆదెజ్ వలె. ఉండ్రె అల్లి మంజినికాన్, అణెన ఆజి మంజినికాన్ ఆదెజ్వలె. నెగ్గి బుది మంజినికాన్, వని పణిజాణిజ్ తగమాతికాన్ ఇజి తోర ఆదెజ్ వలె. వాటి వరిజ్ నెగ్రెండ డర్దు కినికాన్ ఆదెజ్ వలె. దేవుణు మాట నెగ్రెండ నెన్పిన్సికాన్ ఆదెజ్ వలె.

3 వాండ్రు సోన్ఎండ, డెయేసె ఆవిండ మంజినికాన్, సార్లిదాన్ మంజినికాన్, జటిజ్ ఆవిండ మంజినికాన్ ఆదెజ్ వలె. వాండ్రు డబ్బుదిజ్ ఆస ఆకాన్ ఆదెజ్ వలె.

4 వాండ్రు వన్ని సాంత ఇండ్రెజి వరిజ్ నెగ్రెండ నూణికాన్ ఆదెజ్ వలె. వన్ని కోడోర్ ఎస్తివలెబా విజెరిజ్ గవేరం సీజి, వన్ని మాటదిజ్ లోజిజిని వరి లెకండ వాండ్రు కిదెజ్.

5 ఎందనిజ్ ఇహిజి, సాంత ఇండ్రెజి వరిజ్ నెగ్రెండ నుడెదెజ్ నెన్కాన్ ఇహిజి ఎలాగ దేవుణు సజం నడిపిన్సిజ్ అట్నాన్.

6 వాండ్రు కొత్తాజ్ నమ్మిత్తికాన్ ఆజి మండ్రెజ్ ఆవిద్. ఎందనిజ్ ఇహిజి, కొత్తాజ్నె వన్నిజ్ యా పెరి పణిదిజ్ ఏరపాటు ఆత ఇజి గర్త ఆజి, నయ్తాన్ ఎలాగ దేవుణు తీర్పు ఆజి సిక్కుదు అర్త మనాండ్రె, అయ లెకండ వీండ్రు బా అర్తాన్.

7 మహికాన్ వన్ని వందిజ్ సెకెజ్ వెహ్సెండ, నయతాన్ సికుదు అరెండ మంజిని వందిజ్ నమ్మిజి వరి ఎర్దు చల్చుబడి మనికాన్ ఆదెజ్వలె.

8 అయాలెకండ, పెద్దెల్బు, విజెరె వన్నిజ్ గవేరం సీదెజ్ తగ్గి వరి లెకండ మండ్రెజ్. వారు రుండి నాలికెజ్ మన్కారా ఆదెజ్ వలె. వారు సోన్ఎండ, డబ్బు వందిజ్ ఆసగోటు ఆవిండ మంజినికాన్ ఆదెజ్ వలె.

9 దేవుణు ఏలు తోరిసి నెన్పిన్సి డాజితి మహి గొప్పు నిజమాతి సజతిజ్, వన్ని గర్పుం వన్నిజ్ గదిసిని లెకండ ఆవిండ నెగ్రెండ మంజినికాన్ ఆదెజ్.

10 పెద్దెల్బు ఇజి వరిజ్ ఏరపాటు కిని ముజాల, వారు నెగ్రెండ మంజినారా, నమ్మకమ్దాన్ పణి కిజినారా ఇజి నుడుదెజ్. నింద సిలికాన్ ఇజి వారు రుజుప్ కితిజి, వారు పెద్దెల్బు పణి కిదెజ్.

11 అయాలెకెండ్, పెద్దలజ బోదెకు, మహికార్ వరిజ్ గవరం సీని వరి లెకెండ్ మండ్రెజ్. అవికు సొండెజ్ వర్గిఎండ, సోన్ఎండ మండ్రెజ్ వలె. విజు దని లోబా మాపు నమ్మిదెజ్ తగ్గికెజ్ ఇజ తోర ఆదెజ్ వలె.

12 పెద్దెలి ఉండ్రె అల్పి మంజనికాన్ ఆదెజ్ వలె. వన్ని కొడోరిజ్ వన్ని ఉండ్రెమని వరిజ్ నెగ్రెండ నుడోజి నడిపిన్కాన్ ఆదెజ్ వలె.

13 నెగ్రెండ్ పణి కిని పెద్దెలి ఎయెన్ వన్నిజ్బా పల్లు బడిః మనాద్. క్రీస్తు యేను మున్సు. మని వన్ని నమకు వందిజ్ వెవ్తాజ్ వన్నిజ్ తియెల్ సిల్లెద్.

14 నీ డర్పు బేగి వాదెజ్ ఇజ నాను ఆన ఆజిన. అహిజ్బా, నాను యా సజతిజ్ నిజి రాసిన.

15 ఎండనిజ్ ఇహిజు, నాను వాదెజ్ అలీసెం అతిజు, దేవుణు కుటుమదు ఒరెన్ ఒరెన్ ఎలాగ మండ్రెజ్ ఇజ నీను నెస్సెలి. బత్తిజని దేవుణు సజమెదికార్ విజెరెనె దేవుణు కుటుమదికార్. ఉండ్రె నిట కొహొ ఉండ్రె ఇల్లు అరెండ అన్సి లెకెండ్ దేవుణు సజమెదికార్ దేవుణు వందిజ్ నిజమాతికెజ్ అన్నార్. అయాలెకెండ్, ఉండ్రె పునాది లెకెండ్ దేవుణు సజమెదికార్ దేవుణు వందిజ్ నిజమాతికెజ్ అన్నార్.

16 మాటు నమ్మిజని మతమదు మని, యేసుక్రీస్తు వందిజ్ ముజాలె డాజెతి మహికెజ్, గాని ఏలు దేవుణు తోరిసి నెన్పిన్సి నిజమాతికెజ్ గొప్పు పెరిక ఇజ ఎయెర్బా బపుకొణార్. క్రీస్తు లోకు వజ లోకమదు వాతాన్. దేవుణు అత్తు, వాండ్రు నీతి నిజాయితి మనికాన్ ఇజ రుజువ కిత్తాన్. దేవుణు దూతార్ వన్నిజ్ నుడోతార్. లోకుర్ వన్ని వందిజ్ యూదురు ఆజ వరిజ్ వెవ్తార్. లోకమదు ఎంబెబా, లోకుర్ వన్నిజ్ నమ్మితార్. పరలోకమదు దేవుణు వన్నిజ్ ఒత మనాన్.

4

తప్పుబోద నెన్పిసికార్.

1 కడవెరి దినమకాజ్ నగొండార్, వారు నమ్మిత్తి నిజమాతి మాటెజ్ డిసెన్, అబద్దం వర్గిని దెయమకు వెట సొనారె, అయాలెకెండ్ బోదె వినారె దనిజ్ లోజెనార్ ఇజ దేవుణు అత్తు టెటెజ్ వెప్పినాన్.

2 అబద్దం వర్గిని వేసం కినికారె యా బోదెజ్ నెన్పిసికార్. ఇనుముదాన్ సుహాతిజు ఎలాగ మా తోలు సొతి లెకెండ్ అనాదో అయ లెకెండ్ వరి గర్పుం గదిన్ఎండ సొత మనాద్.

3 పెండ్లి ఆనిక తప్ప ఇజ, సంగ రకమకాణి ఉణి తినికెజ్ తిండ్రెజ్ అవద్ ఇజ వారు నెన్పిన్నార్. గాని దేవుణుదిజ్ నమ్మిత్తి, నిజమాతి మాటెజ్ నెస్సెలి, దేవుణుదిజ్ వందనమకు వెప్పి తిండ్రెజ్ ఇజనె దేవుణు అయాలెకెండ్ తయార్ కిత్తాన్.

4 ఎండనిజ్ ఇహిజు, దేవుణు తయార్ కితికెజ్ విజు నెగ్గికెజ్. ఇనికబా నెక్కి పొక్కిక అవద్. గాని దేవుణుదిజ్ వందనం వెప్పి అయాలెకెండ్ తిండ్రెజ్.

5 ఎండనిజ్ ఇహిజు, దేవుణు మాటదాన్, పార్లనదాన్ దేవుణు వందికెటె అతికెజ్ అతె మన్సు.

6 నీను యా సజతిజ్, నీ సజమదు మని తంబెరెనిరిజ్ నెస్సెని మహిజు, నీను క్రీస్తు యేసుజ్ నెగ్గి పణి మనిసి ఆని. దిని వెట, ఏలుదాక నీను నమ్మిజని నీ నమకు వందిజ్ వెప్పిని మాటదాన్ నిజమాతి నెగ్గి బోదదాన్ నీను నమకమదు పిరిఅ

7 వర్గిదెజ్బా విలువ సీతి, డొక్టార్ వెప్పి మంజని కత సాన్తరమకాణిజ్ నీను దూరం మన్ల. గాని దేవుణు వందిజ్ తియెల్ ఆజి బక్తిజి మండ్రెజ్ నీను ఒజ్జు అల.

8 ఒడోల్దెజ్ రూణు వాక్కి ఒజ్జు కితిజు నెగెద్. గాని దేవుణు వందిజ్ తియెల్ ఆజి బక్తిజి మహిజు, విజు వన్యా లోఇ గొప్పు లాబం మంజనాద్. ఎండనిజ్ ఇహిజు, అయాలెకెండ్ మహిజు, ఏలుబా నెగ్గి బత్తు. మంజనాద్, వాని కాలమదుబా నెగ్గి బత్తు. మంజనాద్ ఇజ ఒట్టు కిజనాద్.

9 నాను మున్సు వెవ్తా సజతి నమ్మిదెజ్ తగ్గికె. పూర్తి నమ్మదు.

10 బత్తిజని దేవుణు మున్సునె మా ఆన మాటు ఇట్టా మనాట్. అందెజె మాటు అయాలెకెండ్ నెగ్గి బత్తు. వందిజ్ నండో అరల ఆజి కస్తబడిజనాట్. వాండ్రె లోకుర్ విజెరిజ్ ముకెలం వన్ని మున్సు. నమకు ఇడ్రి వరిజ్ రక్కిన్కాన్.

11 నీను యా సజతిజ్ నీ సజమదు మని వరిజ్ నెన్పిసి, అహె కిదెజ్ ఇజ డటం వెవ్తా.

12 నీను దజడః ఇజ, ఎయెర్బా నిజి ఇజ్జె కణక నుడోఎండ నీను నిజి నుడోఅ. గాని నీను వర్గిని మాటదు, నడిని నడఃకదు, నీను ప్రేమిన్సి ప్రేమదు, దేవుణు మున్సు. మని నీ నమకమదు, ఇని పాపం సీతి నీ బత్తుదు, నమ్మిత్తి వరిజ్ ఉండ్రె గుర్తు లెకెండ్ నీను మన్ల. వారు నిజి నుడోజు అయాలెకెండ్ మండ్రెజ్, నీను గుర్తు లెకెండ్ మన్ల.

13 నాను వానిదాక, నీను విజెరిజ్ దేవుణు మాట సద్విజి విన్పిసెనె, బోదిసెనె, నెన్పిసెనె మన్ల.

14 సజం పెద్దెలిజు నీ మున్సు. కెకు ఇట్టివలె, ప్రవక్తరు నీ వందిజ్ వర్గితి దని వెట, దేవుణు అత్తు నిజి సీతి వరం డిసెంఎండ, నీను అయాలెకెండ్ కితి.

15 యా సజతిజ్ నీను జాగర్దూదాన్ కితి. నీ మున్సు విజు, దిని మున్సునె ఇడోఅ. ఎండనిజ్ ఇహిజు, నీను నమకమదు పిరిజనిక లోకుర్ విజెరి టెటెజ్ నుడోదెజ్. అందెజె, నీ మున్సు విజు దని మున్సునె ఇడోఅ.

16 నీను కిజని పణి నెగ్రెండ కితి. నీను నెస్సెనిని బోదదు తప్ప సిల్లెండ నెస్సెన్ల. నీను అయాలెకెండ్ డిసెంఎండ కిజి మన్ల. ఎండనిజ్ ఇహిజు, నీను అయ లెకెండ్ కితిజు, ఎలాకాలం మని సాపుదాన్ నిజి నెనె తప్ప అనిలె. నీను వెప్పినికెజ్ వెని వరిజ్బా తప్పిన్సిలె.

5

1-2 నీ సజమదు మని డొక్టెజ్ జటిజ్ అవిండ వన్నిజ్ బుబ్బు లెకెండ్ ఒడిఃబిజి, పణిని వెవ్తా. దజడారిజ్ తంబెరిబు లెకెండ్ నుడోఅ. డొక్కికాజ్ యాయెకెండ్ లెకెండ్ నుడోఅ. దజడికాజ్ తప్ప అలోననదాన్ నుడోఎండ, తజిజ్ లెకెండ్ నుడోఅ.

3 దిక్కు నీల్లి రాండి బోదకాజ్ గవరం సీతి.

4 ఎంబెణి రాండి బోదెలి దేవుణులు కొడోరన్ నాతిసిరన్ మహిజ, వీరు వరి సొంత ఇండ్లెణి వరిజ్ నుడెదెజ్ వలె. సొంత ఇండ్లెణి వరిజ్ నూణికాదె దేవుణుడిక్ సేవకిని వందిజ్ ముకెలమతిక ఇజి ముజాలె నెస్తెజ్ వలె. అయి లెకెండ్ అయిసి అప్పొసిజ్, అని అమ్మెజ్ రుణం తీరసినార్. ఎందనిజ్ ఇహిజ, అయక దేవుణుడిక్ ఇస్టం ఆతిక.

5 దిక్కు సిలి రాండి బోదెలి దేవుణు మున్నునె వాండ్లు కాపలిస్తెకెజ్ విజు సీనాన్ ఇజి, దని ఆన ఇట్టా మనాద్. అది రెయి పొగాల్ పొర్రనం కిజి, వన్ను సాయం లొసి మంజినాద్.

6 గాని ఉణెజి, తింజి సుకం వందిజ్ బత్తిజిని రాండి బోదెలి బత్తితిజ్ బా అత్తియి బత్తు, సాతి లెకెండ్ మనాద్.

7 మహికార్ ఎయెరబా వరిజ్ దునలాడిఎండ మంజిని వందిజ్, నీను సజమేదు మని నమ్మిత్తి వరిజ్ యా సజతిజ్ ఆడ్ర సిఅ.

8 ఎయెరబా వన్ను కుటుమేది వరిజ్, ముకెలం వన్నునంత ఇండ్లెణి వరిజ్ నుడెఎండ మహిజ, వన్ను నమకం డిస్తి లెకెండ్ నె దేవుణు ఎద్దు మనాన్. వాండ్లు నమ్మిత్తి వన్ను ఇంక నండా నెకాన్.

9 ఉండ్లి రాండి బోదెలిదెజ్ అరువయి పంబెజ్ లావు మహిజనె, దనిజ్ రాండి బోదెక్ లెక్కాదు కూడుఎవ. మరి, అది ఒరెన్ వన్నుజ్ పెంట్టి అతిమహికాద్ అదెజ్ వలె.

10 నెగ్గి పణిజి వందిజ్ నెగ్గికాద్ ఇజి పేరు అనుపె అతికాద్ అదెజ్. ఇహిజ, దని కొడోరిజ్ నెగ్గెండ పొన కితాదా, నెల్లు సిల్లి వరిజ్ బా డర్గు కిజి నెగ్గెండ నుడెజ్ తదా, దేవుణుడిక్ నమ్మిత్తి వరి పాదమకు నొరిజి మహాదా, కస్టమేదు మని వరిజ్ సాయం కిజి మహాదా. విజు నెగ్గి పణిజి వందిజ్ దనిజ్ అదిని ఒపజెవ ఆజి మహాదా, ఇజి నుడెదెజ్. యా లెకెండ్ మని వన్యాజ్ లెక్కాదు కుడుఎవ.

11 దజుడిః కాలమేదు రాండి అతి బోదెకాజ్ లెక్కాదు కూడుఒజు. ఎందనిజ్ ఇహిజ, నెగం కాలం వెన్యా అవిక మన్ను అస్తెజ్ అబ్ఎండ పెండ్లి ఆనె. అహె క్రీస్తుజ్ డిఃస్తి.

12 అయావలె, మరి పెండ్లి ఆప ఇజి దేవుణు పణిని కిన్ ఇజి ముజాలె కితి ఒట్టు తప్పినె. అందెజ్, అవిక తప్ప ఇజి లోకర బాణిజ్ వెహె ఆనె.

13 మరి అవిక బదకం ఆజి ఇల్లు, ఇల్లు, బూలాదెజ్ ఒజి ఆనె. బదకమనె అవిండ సొండిజు వర్గిజి మహి వరి సజతిజి జోలి కినె. వర్గిదెజ్ అకెకెజ్ వర్గినె.

14 అందెజ్, దజుడిః కాలమేదు రాండి అతి బోదెకు పెండ్లి ఆజి, కొడోర్ ఇడెఃజి, ఇండ్లెణి పణి నుడెఃజి మండ్రెజ్ ఇజి నాను కోరిజన. అహె, సజమేదిజ్ దూసిస్తెజ్ వడెఃజి వన్నుజ్ అవ్నరం సీదెజ్ అవ్ద ఇజి నాను కోరిజన.

15 దజుడిః కాలమేదు రాండి అతి నెగెండెక్ నమకం డిఃస్తి నెయితాన్ వెట సాహె.

16 దేవుణుడిక్ నమ్మిత్తి ఉండ్లి దని కుటుమేదు రాండి బోదెక్ మహిజ, అది వన్యాజ్ నుడెదెజ్ వలె. వెన్యా బాజత సజమేదు ఒపజెస్తెజ్ అవ్ద. ఎందనిజ్ ఇహిజ, దిక్కు సిలి రాండి బోదెకాజ్ నుడెదెజ్ సజం అనాద్.

17 దేవుణు సజం ఏలుబడిః కిజి నెద్దెల్లెజ్, ముకెలం కస్టబడిఃజి దేవుణు మాట బోదెని నెన్సిని వరిజ్ వరి జితమేదిజ్ మరి నసానె కుడుఃప్పి లొనె అదెజ్ వారు తగ్గికార్.

18 ఎందనిజ్ ఇహిజ, “కలమేదు మఱినిని డాఃను మూతుదు కిమ తోహమాట్” ఇజి, “పణికినికాన్ జితమేదిజ్ తగ్గికాన్”, ఇజి దేవుణు మాటదు వెప్పినాద్.

19 ఒరెన్ పెద్దెలి మున్ను, వెప్పి నేరమేదిజ్ రిఎర్ ముఎర్ సాసిరు మహిజనె అయక నమ్మిదెజ్.

20 మహికార్ తప్పిదిజ్ తియెల్ ఆజి మంజిని వందిజ్ పాపం కిజిని మంజిని పెద్దలుజి వరి సజమేదు మని విజెరె ఎద్దు డటం దిదిఅ.

21 ఇజ్జికాన్ పెరికాన్ ఇజి తేజ్ తోఎండ నాను మున్ను, వెప్పి సజతిజ్ నీను కిదెజ్ వలె ఇజి దేవుణు ఎద్దు, క్రీస్తుయేను ఎద్దు, ఏర్పాటు అతి దేవుణు దూతార్ ఎద్దు నాను నిజి ఆడ్ర సీజన.

22 గబి బిజి, ఎయెరి మున్నుబా పెద్దెలి పణి వందిజ్ కిక్కు ఇడెఃజి దీవిన్లు. మహి వరి పాపమేకాజ్ వెట కూడెజి మన్అ. విజు పాపమేకాజ్ నీను దూరం మన్అ.

23 నీను ఉణెజినిక అర్గిని వందిజ్, డిఃన్ఎండ వాజిని జబ్బు వందిజ్ ఏరునె ఉణెఎండ, బుకెండ్ ద్రాక్కు కట్టుబు ఉణెఅ.

24 నెగెండార్ కిజిని పాపమేకు విజెరె ఎద్దు తోరిజనె. వారు, తీర్పు తిరనె అదెజ్ సాని ముజాలె, తీర్పు సీనికార్ వరి సజతి నెసినార్. గాని మరి నెగెండార్ పాపమేకు వెనుకనె తెలిసె.

25 అయాలెకెండ్, నెగెండార్ కితి నెగ్గి పణి విజెరె ఎద్దు తోరిజనె. విజెరె ఎద్దు తోరక ఎనెజ్ బా డాఃజి మండ్రెజ్ అబ్ఉలె.

6

వెటిపణి కినికార్ ఎలాగ మండ్రెజ్

1 దేవుణుడిక్ నమ్మిత్తి వెట్టిపణి కినికార్ విజెరె వరి ఏజుమానురిజ్ సీని గవరం విజు సీదెజ్. ఎందనిజ్ ఇహిజ, ఎయెరబా దేవుణు పేరుదిజ్, యేను వందిజ్ మాపు నెన్సినిని మాటదిజ్ దూసిన్ఎండ మంజిని వందిజ్ వరిజ్ సీదెజ్ మన్ను గవరం సీదెజ్.

2 వరి ఏజుమానిరు నమ్మిత్తికార్ ఇహిజ, వారు మా తంబెరిజునెగదె ఇజి తక్కు గవరం సీదెజ్ అవ్ద. గాని వారు మరి ఒది ఏజుమానిరు వందిజ్ పణికిదెజ్. ఎందనిజ్ ఇహిజ, వారు ప్రేమినిని నమ్మిత్తి వరిజ్ వారు కిజిని పణిజాణిజ్ మేలు వాజనె. నీను యా సజతిజ్ సీ సజమేదు మని వరిజ్ నెన్సిని, డటం వెప్తాజ్ వలె.

డబ్బు వందిజ్ ఆన అదెజ్ అవ్ద.

3-5 ఎయెన్బా యేనుప్రబు వందిజ్ అజ బోదెజ్ నెన్సిని, మా ప్రబు అతి యేనుక్రీస్తు వెప్పి నిజమాతి బోదెజి ఒప్పొకెండ్, దేవుణు బక్తిదాన్ కూడిఃతి మని బోదెజి ఒప్పొకెండ్ మనికాన్ గర్రదాన్ నిండ్రెజ్ మనాన్. వన్నుజ్ ఇనికబా తెలివె. వన్నుజ్

అవ్వనరం మన్ని దన్నిజ్, అవ్వనరం సిల్లి దన్నిజ్ విజు వన్నా వందిజ్ తర్కిస్తజ్ పెరి ఆన మనాద్. క్రీస్తు వెహ్చి మాటెజ అర్థం వందిజ్ జటిజ్ అనాన్. యా లెకెండ కినిక, గోన, జటిజ్, దునలాడేనిక, సెజ అనుమానముకు విజు పుటిన్చి. ఎస్తివలెబా గిడేబెజ్ పుటిన్చి. యా లెకెండ తర్కిస్చి వరి బుద్ది సెత్రిత మనాద్. వరి లోక నిజమాతి బోద సిల్లెద్. క్రీస్తు మతం వందిజ్ వెహ్చి. ఆస్తి గణస్తజ్ ఇజి వారు ఒడేబెజినార్.

⁶ దేవుణుడిజ్ ఇస్టం ఆతివజ బత్తిజి, దన్ని దటాజ్ సర్దె ఆజి, నజి యాకదె సాలు ఇజి ఎత్తు కిని వన్నిజ్ గొప్పు లాబం మనాద్

⁷ ఎందనిజ్ ఇహిజ, మాటు పుట్టివలె ఇనికబా యా లోకమ్దు తెవెతాట్. మాటు సానివలె యా లోకమ్దాన్ ఇనికబా ఒతెజ్ అట్వెట్.

⁸ అందెజ్, మజి ఉణిక మహిజ, పొరపాదెజ్ పాత పర మహిజ, అయోకదె మజి సాలు.

⁹ గాని ఆస్తి మన్నికానాదెజ్ కోరిజనికాన్ డబ్బు గణస్తజ్ ఇని ఆసెజ సిక్కుదు అర్నాన్. బుద్ది సిలి పాడు కిని నండె ఆసెజ్ ఉరి లెకెండ ఆజి, అయోకెజ్ వన్నిజ్ పాడు కిని, నాననం కిని.

¹⁰ ఎందనిజ్ ఇహిజ, ఉండ్రె మొకదిజ్ వెల ఎలాగ మంజినాదె, అయ లెకెండ విజు సెజ పణిదిజ్ డబ్బు ఆననె వెల. సెంగెండార్ డబ్బుదిజ్ ఆన ఆజి, వారు నమ్మిత్తి నిజమాతికెజ్ డిసి, వరి మన్ను కూడం గుత్తి సాహిజ ఎలాగ మంజినాద్, అయ లెకెండ వరిజ్ వారె నండె బాదెజ్ కల్లిన్చి.

¹¹ గాని దేవుణు లోకు ఆతి నీను యా సెజ అనిజాణిజ్ దూరం మన్త. నీతి నిజయ్యోకెజ్ని నెగ్గెజ్ కిజి దేవుణు బక్తిదు మన్త. దేవుణుదిజె నమ్మజి మహి వరిజ్ ప్రేమిసి, కష్టముకు ఓరిసి, సార్లిదాన్ మన్త.

¹² నీను యేసుక్రీస్తుజ్ నమ్మితిజ్ కష్టముకు వాని. వన్నాజ్ నీను గెలస్తజ్ నీను నెగ్గెండ సుడేఅ. నీను అయాలెకెండ గెలస్తజి, ఎలాకాలం బత్తిని బత్తు దోహక్కాద్. దిని వందిజె దేవుణు నిజి కూక్త మనాన్. 'నాను క్రీస్తుజ్ నమ్మజిన', ఇజి నండె లోకుర్ ఎద్దు నీను ఒప్పకొటివలె, నని బత్తు వందిజె దేవుణు నిజి కూక్తాన్.

¹³⁻¹⁴ విజు వన్నాజ్ పాణం సీజని దేవుణు ఎద్దుని పొంతి పిలాతు ముజాలె వెన్బాతివలె, దయరమ్దాన్ నెగ్గెండ ఒప్పకొటి క్రీస్తుయేసు ఎద్దు నాను నిజి ఆడ్ర సీజన. మా ప్రబు ఆతి యేసుక్రీస్తు వాని దినమ్దాక నీను పాపం సిల్లెండ, నిందెజ్ సిల్లెండ నాను నిజి వెహ్చి నజతిజ్ కిజి మన్త ఇజి ఆడ్ర సీజన.

¹⁵ దేవుణు ఏరపాటు కితి నమయమ్దు యేసుప్రబుజ్ వాండ్రు రపిస్సాన్. గొప్పు పెరికాన్ ఆతి విజు వన్నా మున్ను ఒరెండ్రె అతికారం మనికాండ్రె దేవుణు. వాండ్రు రాజురిజ్ ఇంక పెరి రాజు. ప్రబురిజ్ ఇంక పెరి ప్రబు.

¹⁶ వాండ్రు ఒరెండ్రె ఎనెజ్బా సాఇకాన్. డగ్రు సొండ్రెజ్ అట్ఇ నసా జాయదు బత్తిజినాన్. వన్నిజ్ ఎయెర్బా ఎనెజ్బా తోవెర్. ఎయెర్బా ఎనెజ్బా సుడేదెజ్ అట్వెర్. వన్నిజె విజు గవరమ్ని ఎలాకాలం అతికారం మనిద్, ఆమెన్.

¹⁷ యా లోకమ్దు ఆస్తి మనికార్, గర్ర అవిండ, ఆస్తి మున్ను ఆన అవిండ మండ్రెజ్ ఇజి నీను డటం వెహ్చె. యా ఆస్తిదిజ్ నమ్మిదిజ్ అట్ఇక. గాని వరి ఆన దేవుణు మున్ను ఇడేదిజ్ ఇజి నీను వెహ్చె. సుకమ్దాన్ సర్దె ఆజి మండ్రెజ్ దేవుణునె తకు సిల్లెండ విజు సీనికాన్.

¹⁸ వారు మహి వరిజ్ నండె మేలు కిదెజ్, నండె నెగ్గి పణిజ్ కిదెజ్, నీను వారు అవిండ, నండె సీబాజి సీనికార్ ఆదెజ్ ఇజి నీను వరిజ్ వెహ్చె.

¹⁹ అయాలెకెండె, వాని కాలమ్ది వరి బత్తు వందిజ్ వారు ఉండ్రె నెగ్గి పునాది తయార్ కిజినార్. ఎందనిజ్ ఇహిజ, అయాలె వరిజ్ దేవుణు వెట ఎలాకాలం బత్తిని బత్తు దోహక్కాద్.

²⁰ తిమోతి, దేవుణు నిజి ఒవజెప్తి సేవ పణి నీను నెగ్గెండ సుడేఅ. పణిదిజ్ రెజ సెజ మాటెజ వర్తిఎండ దూరం మన్త. అరదం సిల్లెండ తర్కిస్చి వన్నాజ్ దూరం మన్త. దనిజె సెంగెండార్ అబద్ధముక గెణం ఇజి కూక్చినార్.

²¹ సెగెండార్, 'అయోక నజి మనాద్', ఇజి ఒప్పకొటారె, యేసు వందిజ్ నిజమాతి నజతిజ్ డిస్త సాహార్. దేవుణు దయా దర్థం మీ వెట మనిద్.

అపొస్తుడు ఆతి పవులు తిమోతిజ్ రాస్తి రుండి ఉత్తం

నెల్ల కిదిస్తిక

అపొస్తుడు ఆతి పవులు ఎవెసి నజం నడిపిసిని తిమోతిజ్ రాస్తి రుండి ఉత్తమనె యాక. పవులు, సాదెజ్ కాలం డర్గు ఆతాడ ఇజ నెస్తాండ్రె, నజమదిజ్ నెగ్రెండ నడిపిసి, నిజమాతి బోద పరిజ్ నెన్పిస్తజ్ వలె ఇజ తిమోతిజ్ వెప్పిన్వన్.

1-2 క్రీస్తుయేసు పొక్తి అపొస్తుడు ఆతి పవులు ఇని నాను, నా సొంత మరిన్ లెకెండ నాను ప్రేమిసిని తిమోతిజ్ రాసిన్. దేవులు ఎత్తు కితి పజనె నాను అపొస్తుడు ఆత. క్రీస్తుయేసు వెట మాటు కూడితి మన్ని దన్నితాన్ లోకుర్ ఎలాకాలం బత్తిన్వార్ ఇజ దేవులు కితి ఒట్టు వెప్టెజ్ నె నాను అపొస్తుడు ఆత. మా బుబ్బు ఆతి దేవులుని ప్రబు ఆతి క్రీస్తుయేసు దయా దర్మమదాన్ మీ ముక్కు కనికారం తోరిసి, నిపాతిదాన్ మండ్రెజ్ సాయం కిపిర్.

నమకమదాన్ మంజిని వందిజ్ దయరం వెప్పిన్వన్

3 రెయం పొకల్ నాను పార్వనం కినివలె డిన్ఎండ నిజి ఒడిబిజి దేవులుదిజ్ వందనమకు వెప్పిన్వన్. నా అనిగొగెరు వన్నిజ్ పొగిడిజి మాడిస్తి లెకెండ, నానుబా నా గర్బం నజి గదిన్ఎండ నెగ్రెండ వన్నిజ్ పొగిడిజి మాడిసిన్.

4 నాను నిజి డిస్సానె వాజ మహిజ్, నీను అడఃబాతి. అయాక ఎత్తు కితానె నిజి నుడిదెజ్ ఇజ నండో ఆన ఆజిన్. ఎందనిజ్ ఇహిజ, నజి నరద పూర్తి వానాద్.

5 నీను క్రీస్తుయేసుజ్ నిజం నమ్మిజిని. అయాక నాను ఎత్తు కిజిన్. ముజాలె, నీ డొక్ర బీది ఆతి లొయిని నీ యాయ యునికె, క్రీస్తుయేసుజ్ నమ్మితె మహె. అయ లెకెండ ఏలు నీనుబా నమ్మిజిని ఇజ నాను తవ్వెండ నెసిన్.

6 అందెజ్ నీను కిదెజ్ ఇజ దేవులు నిజి సీతి, వరం నీను నెగ్రెండ నండో కిదెజ్ ఇజ నాను నిజి ఎత్తు కిదిసిన్. నాను దేవులు నేవ పణి వందిజ్ నీ మున్కు కిక్కు ఇడఃజి దివిస్తివలె, దేవులు అయా వరం నిజి నీత్తాన్.

7 నీను కిదెజ్ ఇజ దేవులు నిజి సీతి వరం నీను కితి. ఎందనిజ్ ఇహిజ, దేవులు వన్ని ఆత్మ మజి సిత మనాన్. అయాక మజి తియెల్ పుటిసిని ఆత్మ ఆవెద్. గాని దేవులు పణి కిదెజ్ సత్తు సీని, మహి వరిజ్ నీ దేవులుదిజ్ ప్రేమిసిని, మాటు అణెన ఆజి మండ్రెజ్ సాయం కిని ఆత్మ సిత మనాన్.

8 అందెజ్, మా ప్రబు వందిజ్ వెప్టెజ్ నీను సిగు ఆమ. వన్ని వందిజ్ వెప్టెజ్ జెలిదు ఆతి, నా వందిజ్ బా సిగు ఆమ. గాని నువార్ వందిజ్ నా వెట కన్యమకు ఓరిన్ఎ. దేవులు సత్తుదాన్ అయాక ఓరిన్ఎ.

9 దేవులు మజి రక్సిస్తాండ్రె, వన్ని వందిజ్ కేట ఆతి బత్తు. బత్తిదెజ్ ఇజ మజి కూక్తాన్. మాటు కితి పణిజాణిజ్ ఆవిద్ గాని వన్ని సొంత ఎత్తుదాన్ వన్ని దయా దర్మమదాన్ వాండ్రు మజి రక్సిస్తాండ్రె కూక్తాన్. లోకం పుట్ఎండ ముజాలె, క్రీస్తు యేసు కితి దనితాన్ యా దయా దర్మం దేవులు మజి సిత మనాన్.

10 గాని మజి రక్సిస్తి క్రీస్తుయేసు లోకమదు వాతివలెనె అయాక ఏలు తోరె ఆతాద్. వాండ్రు సాపుదిజ్ సిల్లెండ కితాండ్రె, నువార్ వెంజి నమ్మిని దనితాన్, సాఎండ దేవులు వెట ఎలాకాలం బత్తిని బత్తు తోరిస్తాన్.

11 యా నువార్ వెప్పి వందిజి, ఒరిన్ సాటిస్తి వన్ని లెకెండ, అపొస్తుడు లెకెండ, నెన్పిస్తి వన్ని లెకెండ దేవులు నజి ఏర్పాటు కితాన్.

12 అందెజ్ నాను యా కన్యమకు ఓరిసిన్. గాని నాను సిగు ఆవ. ఎందనిజ్ ఇహిజ, నాను నమ్మిత్తి వన్నిజ్ నాను నెన్కు. వాండ్రు, తీర్పు కిదెజ్ వాని దినమదాక, నజి ఒపజిప్తి నువార్ కాపాడఃదెజ్ వాండ్రు అట్టికాన్ ఇజ నాను నిజం నెన్కు.

13 నిజమాతి మాట నీను నా బాణిజ్ విహి లెకెండ నీను మహి వరిజ్ వెహె. క్రీస్తుయేసు వెట మని నమందమదాన్ మని నమకమదు ప్రేమాదు నీను మనె.

14 దేవులు నిజి ఒపజిప్తి నువార్ ఎయెర్బా మారిన్ఎండ నీను నుడఃజి. మా లోక మంజిని దేవులు ఆత్మ సాయమదాన్ అయాక కాపాడఃజి.

15 ఆసియ ప్రాంతమదు మన్ని నమ్మిత్తికార్ విజెరె నా బాణిజ్ దూరం ఆతార్ ఇజ నీను నెన్కు. పుగెలు హెరెముసు ఇనికార్ వరి లోక మనార్.

16 ఒనెసిపారు ఇండ్రెణి వరిజ్ ప్రబు కనికారం తోరిన్పిన్. ఎందనిజ్ ఇహిజ, వాండ్రు నజి నండో నుట్టు ఆదరిస్తాన్. నాను జెల్లిదు మహిజ్ బా వాండ్రు నా వందిజ్ సిగు ఆతాన్.

17 గాని వాండ్రు రోమ పట్టుమదు వాతివలె, నాను తోర్పిదాక నండో రెబాతాన్.

18 నాను ఎవెనుదు మహివలె, వాండ్రు నజి నెగ్రెండ నుడఃజి, ఎసా సాయం కితాన్ ఇజ నీను బాగ నెసిని. ప్రబు తీర్పు కిని దినమదు ప్రబు వన్నిజ్ కనికారం తోరిన్పిన్.

2

1 అందెజ్ నా మరిన్ లెకెండ మని నీను, క్రీస్తుయేసు దయా దర్మమదాన్ సత్తు పొందిజి మనె.

2 నండో లోకుర్ ఎత్తు నాను వెప్పె నిజమాతి మాటెజ్ నీను వెహెమని. అయా మాటెజ్ నమ్మిదెజ్ తగ్గి వరిజ్ ఒపజెవె. వారు యా నిజమాతి మాటెజ్ మహివరిజ్ బాగ నెన్పిస్తిజ్ బా అట్టికార్ ఆదిజ్.

3 ఒరిన్ నెగ్ విల్లి కినికాన్ వన్ని కన్యమకు ఓరిసిని లెకెండ నీను క్రీస్తుయేసు వందిజ్ మా వెట కన్యమకు ఓరిసి మనె.

4 ఒరిన్ ఉద్దం కినికాన్, వన్ని బత్తు. వందిజ్ మరి ఆజి పణిజి సొన్ఎన్. ఎందనిజ్ ఇహిజ, సాహిజ వన్నిజ్ నయనమదు ఏర్పాటు కితి అతికారిజ్ నరద కిదిన్ఎన్. అయా లెకెండ నీనుబా క్రీస్తు నేవ పణిజి మనె.

5 మరి అయాలెకెండె, ఉహ్కాక్కి పందెముదు ఒరెన్ ఉహ్కాక్కికాన్ పందెముదు వెహ్కా రూలు వజ ఉహ్కాఎండ మహిజ, వాండ్రు గెలెన్. వన్నిజ ఇనాయం దొహ్కాఎద్. అయాలెకెండె నీనుబా క్రీస్తు సేవ పణిదు మనల.

6 కష్టపడిజ పణి కిని ఒరెన్ రద్దువు వన్నిజ, పండితి పంటది తొలి వంతు దొహ్కాక్కివలె. అయాలెకెండె నీనుబా క్రీస్తు సేవ పణిదు మనల.

7 నాను మున్ను వెహ్కా దన్ని వందిజ్ నీను మరి మరి ఆలోసనం కిత. ఎండనిజ్ ఇహిజ, నీను ఆలోసనం కితిజ, నీను నెన్నెజ్ మన్ని విజా వన్యాజ్ వాండ్రు అరదం కిబిస్సాన్.

8 ఎన్నివలెబా క్రీస్తు యేసుజ్ ఒడోబిత. సాపుదాన్ దేవుణు వన్నిజ్ బత్తిన్న మనాన్. దావీదు రాజు తగ్గదు పుట్టి మనికాన్. యాకది నాను లోకురిజ్ వెహ్కాని నువార్.

9 నాను యా నువార్ వెహ్కానిజ్, నజ్ బాదెజ్ వాజనె. తప్పజ్ కితి ఒరెన్ వన్నిజ్ తొహ్కాలెకెండె, నాను తొహ్కా ఆజన. గాని దేవుణు మాట తొహ్కా ఆవతాద్.

10 అందెజ్, దేవుణు ఏరీపాటు కితి వరి వందిజ్ నాను విజా కష్టమకు ఒరిసిన. క్రీస్తుయేసు వరిజ్ బా రక్కిసి, దేవుణు గొప్ప జాయదు మంజిని బాడిదు వన్ని వెటె ఎల్లకాలం వారుబా మంజిని వందిజ్, వరి వందిజ్ నాను కష్టమకు ఒరిసిన.

11 యా మాటెజ్ నమ్మిదెజ్ తగ్గక మాటు వన్ని వెటె సాతిజ వన్నివెటె బత్తినాటమరి.

12 మాటు మా కష్టమకు ఒరిస్తిజ వన్నివెటె ఏలుబడిః కినాటమరి. వన్నిజ్ నెన్ ఇహిజ వాండ్రుబా మజ్ నెన్ ఇనాన్.

13 మాటు నమ్మిదెజ్ తగ్గక ఇహిజ వాండ్రు ఎన్నివలెబా నమ్మిదెజ్ తగ్గకాన్ ఆజ మంజినాన్. ఎండనిజ్ ఇహిజ వన్నిజ్ వాండ్రె తప్పజ్ అటెవెన్.

నమకమాతి నెగి పణిమణిసి

14 నాను మున్ను వెహ్కా నజతిజ్ లోకురిజ్ ఎత్తు కిబిసి మనల. ఇని ఇని మాటెజ్ వందిజ్ జటిజ్ ఆమాట్ ఇజ దేవుణు ఎద్దు వరిజ్ సరి దిదిత. అయాక పణిదిజ్ రెజక. వెనివరి నమకం పాడుః కిజనాద్.

15 నెగి పణి మనిసి ఇజ దేవుణు బాణిజ్ అనువె ఆదెజ్, నీను అయాలెకెండె మండ్రెజ్ బాగ నుడోజ. కిని పణిజ వందిజ్ దేవుణు వెనబానివలె, సిగు ఆవిండ మంజిని పణి మనిసి లెకెండె నీను మనల. నిజమాతి మాట నెగెండె నెన్పిన్న వన్ని లెకెండె మనల.

16 పణిదిజ్ రెజ, సెజ మాటెజ్ నీను దూరం మనల. ఎండనిజ్ ఇహిజ, నని మాటెజ్ వర్ణిజ మంజినికార్ మరి ఒద్ నెకార్ ఆజ దేవుణు బాణిజ్ దూరం ఆనార్.

17 మలెరియ నోబు నండోడారిజ్ పాడు కిని లెకెండె, వారు నెస్సిసిని మాటెజ్ మహివరిజ్ పాడుః కినె. నని వరి లోజ మనికారి హుమెనయ, పిలెతు ఇనికార్.

18 ఏరు నిజమాతి మాటెజ్ డిస్స సాహర్. వారు తప్ప వెహ్కానార్, దేవుణు సాతి సాహి వరిజ్ మరెజ బత్తిన్న మనాన్ ఇజ ఆహె వెహ్కా, ఇనిక నమ్మిదెజ్ ఇజ నెన్ఎండ, ఇతల్ అతాల్ కిజ సిగొడారిజ్ బమ్మ కిజనార్.

19 అహిజ్ బా, దేవుణు బాణిజ్ వాతి నిజమాతి మాట తవ్వెదు. అయాక నెగండె నిల్పిని ఉండ్రె పునాది లెకెండె మనాద్. 'ప్రబు వన్ని సొంత వరిజ్ నెస్సాన్' ఇజ, 'యేసుజ్ నా ప్రబు ఇజ ఒప్పకొణికార్ విజెరిబా సెజ పణిజాణిజ్ దూరం ఆదెజ్ వలె' ఇజ అయా పునాదిదు ముద్ద పొక్త మనాద్.

20 ఉండ్రె పెరి ఇండ్రె నండో రకమ్కాణి కుండెజ్ మండిజ్ మంజినె. సెగం వెండిదాన్, బజారమ్దాన్ తయార్ కితికెజ్, మరి సెగం సెకదాన్, దుల్లిదాన్ తయార్ కితికెజ్. విన్యా లోజ వెండిదాన్ బజారమ్దాన్ తయార్ కితికెజ్ నెగి పణిదిజ్ వాడుకొణార్. సెకదాన్, దుల్లిదాన్ తయార్ కితికెజ్ ఆజ పణిదిజ్ వాడుకొణార్. అయాలెకెండె, దేవుణుదిజ్ నమ్మిత్తి వరి సజమ్దు, దేవుణు వందిజ్ నెగి పణి కిదెజ్ తగ్గకార్ మంజినార్. ఆకార్ బా మంజినార్.

21 అందెజ్ ఎయెన్ బా నెకెజ్ విజా డిస్టిజ, వాండ్రు నెగిపణి కిదెజ్ తగ్గకాన్ ఆనాన్. పెరి ఇండ్రెణి ఎజమాని, నెగి పణిదిజ్ వాడుకొండెజ్ కేట ఇడ్డి వెండి బజారమ్ది కుండెజ్ మండిజ్ లెకెండె, వీండ్రుబా దేవుణు వందిజ్ ఇని నెగి పణిదిజ్ బా తగ్గకాన్ ఆనాన్.

22 దజడాారిజ్ మని ఉత్పత్తదాన్ దూరం మనల. గాని నీతి నిజయ్యదికెజ్ కిదెజ్ నుడోజ. దేవుణు వందిజ్ నిజమాతి మాటెజ్ నమ్మిత్తి. ఎన్నివలెబా ప్రేమ తోరినల. విజెరె వెటె సాంతి సమాదనమ్దాన్ మండ్రెజ్ నుడోజ. నెగి మున్నుదాన్ ప్రబుజ్ పార్దనం కినివరి వెటె కూడోజి మనల.

23 బుద్ధి సిల్లెండ అర్దం సిల్లెండ తర్కిసిని వరి బాణిజ్ దూరం మనల. ఎండనిజ్ ఇహిజ, వారు జటిజ్ పుటిసినార్ ఇజ నీను నెస్సిని.

24 దేవుణు పణి మనిసి జటిజ్ ఆదెజ్ ఆవద్. గాని వాండ్రు విజెరివెటె కనికారం ఆజ మండ్రెజ్ వలె. నెగెండె నేన్పిసినికాన్ ఆదెజ్ వలె. ఒరిసినికాన్ ఆదెజ్ వలె.

25 నిజమాతి మాటెజ్, ఎద్రిన్ని వరిజ్ వాండ్రు సార్లిదాన్ వెహ్కా దిదిదెజ్. వారు పాపమ్కు ఒప్పకొడిజ, నిజమాతికెజ్ నెస్సి వందిజ్, దేవుణు ఉండ్రె వేలా వరి మున్ను మారిస్సాన్సు.

26 ఆహె వారు బుద్ధిదు వాజి, నయ్యాన్ ఉరిదాన్ తప్ప ఆనార్. నయ్యాను, వన్ని ఇష్టమ్కు కిబిస్తిజె వరిజ్ అస్తమనాన్. అందెజ్ దేవుణు పణి మనిసి వరిజ్ సార్లిదాన్ వెహ్కా.

3

కడెవెరి దినమ్క వందిజ్ వెహ్కానిక

1 యేసుప్రబు వాని ముజాల, కడెవెరి దినమ్కాజ్ నండో తియెల్ ఆని రోస్సు మంజినెలె ఇజ నీను నెన్ల.

2-5 లోకుర, వరిజ్ వార నెగ్రెండ మండ్రెజ్ ఇజ నుడెః ఆనార్ డబ్బుదిజ్ ఆన ఆనార్. నా ననికాన్ మరి ఎయెనబా సిలెన్ ఇజ వెమా ఆనార్. గర్ల ఆనార్, దూసిస్సార్. యాయబ్బుదిజ్ లోజీఎర. మేలుదిజ్ నెన్ఎర, నెఇకార్ ఆనార్. ప్రేమ సిల్లికార్ ఆనార్, నెమిన్ఇకార్ ఆనార్. సాండీజ్ వెప్పికార్ ఆనార్. అణానె ఆఇకార్ ఆనార్. అడిజె ఎజతు నని మూరకమిదికార్ ఆనార్. సాంత వరిజ్బా మెసెం కినికార్ ఆనార్. బుద్ది సిల్లెండ ఇని ఇనికెజ్ కినార్. గర్ల ఆనార్. దేవుణుదిజ్ ప్రేమిన్ఎండ వరి నుకమ్కాజ్ ప్రేమిస్సార్. వారు దేవుణు బక్తి మనికార్ ఇజ మున్నునె తోర ఆనార్. గాని వన్నిజ్ లోజెదిజ్ వాండ్లు సీజని నత్తుదిజ్ నెక్కి పొక్కినార్. నని వరి బాణిజ్ దూరం మున్అ.

6-7 ఎండనిజ్ ఇహిజ, నని వరి లోజు నెగెండార్, లోకుర వెతు నెల్వ ఆజి ఇల్లూజ్ వానారె, తప్ప బోదెజ్ వెప్పి, బాన్ మని బుద్ది సీలి బోదెకాజ్ మోసం కినార్. అవికు వీరు వెప్పినికెజ్ నమ్మిజి మోసం ఆనె. అవికు కితి నండో పాపమ్క వందిజ్ వన్కా గరబమ్కు గదిసిని మంజినె. అవికు, వన్కా ఆనెజి విజి ఎత్తు కిజినె మంజినె. ఎన్వవలెబా నెని ఆదెజ్ ఆన ఆనె. గాని నిజమాతికెజ్ ఇనికెజ్ ఇజ టెటెజ్ నెన్ఉ.

8 యెనె, యెంబ్రె ఇనికార్ మోసజ్ ఎద్రిస్తిలెకెండ, వీరుబా దేవుణు వందిజ్ నిజమాతికెజ్ ఎద్రిసినార్. వీరు విరి మున్నుదు నెఇకెజ్ నె ఒడెఃబినార్. అందెజి వారు నమ్మిజనికెజ్ పణిదిజ్ రెఇకెజ్

9 యెనె, యెంబ్రె బుద్ది సీలికార్ ఇజ లోకుర విజెర టెటెజ్ నుడితి లెకెండ, వీరుబా బుద్ది సీలికార్ ఇజ లోకుర విజెర టెటెజ్ నూణారె. అందెజి ఎలాకాలం దేవుణు మాటదిజ్ ఎద్రిసి సాండ్రెజ్ వారు అట్ఎర.

తిమోతిజ్ ఆడ్ర సీజనాన్.

10-11 గాని నాను నెన్పిస్తికెజ్, నాను ఎలాగ బత్తిజి నడిత ఇజ నాను కిదెజ్ ఇజి నా బత్తుదు మని ఉదెనం, నాను దేవుణుదిజ్ ఎలాగ నమ్మిజి మహ ఇజ, నజీ కితి కీడుదిజ్ ఎలాగ ఓరిస్త ఇజి, నాను ఎలాగ మహి వరిజ్ ప్రేమిస్త ఇజి నీను పూర్తి నెసిని. లోకుర నజీ బాదెజ్ కితివలె నాను ఎలాగ అయికెజ్ ఓరిస్తెజ్ అత్తు ఇజి నీను నెసిని. నజీ వాతి హిమ్సెజ్ విజి నీను నెసిని. అందియెకయ, ఇకొనియ, లున్రత్ ఇని పట్టుమ్కాజ్ నజీ వాతికెజ్ విజి నీను నెసిని. లోకుర కితి నండో బాదెజ్ నాను ఓరిస్త. గాని ప్రబు వన్కా బాణిజ్ విజి నజీ తప్తిస్సాన్.

12 క్రీస్తుయేను వెతు నమండం ఆజి, దేవుణు బక్తిదాన్ బత్తిదెజ్ ఆన ఆని ఎయెరిజిబా బాదెజ్ వాన్.

13 గాని నెజి పణిజ్ కినికార్ని, మహివరిజ్ మెసం కినికార్ ఇంక ఒది పాడాఃనార్. వారు మెసం కినార్. మెసం కెజి ఆనార్.

14-15 గాని నీను, నెస్తిమనికెజ్, తవ్వెండ నమ్మిజి మనికెజ్ డిఃఎండ మున్అ. ఎండనిజ్ ఇహిజ, నిజీ నెన్పిస్తి వరిజ్ నీను నెసిని. ఇత్తివలెహన్ అని నీను దేవుణు మాట ఎలాగ నెస్తి ఇజి నీను నెసిని. యాకెజ్, క్రీస్తు యేను మున్ను, నీను ఇత్తి నమ్మకమ్దాన్, దేవుణు నీ పాపమ్కాజ్ నిజీ రక్తిస్తి వందిజ్ నిజీ గెణం సిదెజ్ అత్తి.

16 దేవుణు మాటజ్ విజి దేవుణు వన్ని ఊప్తిదాన్ వెప్పి రాన్పిస్తికెజ్. అయికెజ్, నిజమాతికెజ్ మజీ నెస్తిస్తికెజ్, మా తప్పజ్ తోరెస్తికెజ్, మజీ సరి దిదిదిజ్, నీతి నిజయితికెజ్ కిదెజ్ నెన్పిస్తికెజ్ పణిదిజ్ వానికెజ్.

17 ఈహానె ఒరెన్ దేవుణు లోకు వాండ్లు కిదెజ్ మనికెజ్ విజి కినాన్. విజి నెగ్గి పణి కిదెజ్ ఎన్వవలెబా తయార ఆనాన్.

4

1 దేవుణు ఎద్దు, సాతి వరిజ్ బత్తిజిని వరిజ్ తీర్పు సీని క్రీస్తుయేను ఎద్దు నాను నిజీ ఆడ్ర సీజన. ఎండనిజ్ ఇహిజి వాండ్లు మరెజి వాజి రాజు వజి విలుబడిః కినాన్లె.

2 నాను నిజీ ఈహు ఆడ్ర సీజన నీను దేవుణు మాట లోకురిజ్ వెహె. లోకుర వినారె, విన్ఎరె ఇజి నెగ్గి నమయం, ఆఇ నమయం తోఎండ ఎన్వవలెబా అయిక వెహెజ్ తయార ఆజి మున్అ. లోకురిజ్ వరి తప్పజ్ తోరిసి వెహె. వరి తప్పజి దిదిల. వారు కిదెజ్ మనికెజ్ పణెన్అ. నీను కోవం ఆవండ నిపాతిదాన్ వరిజ్ నెస్తిన్అ.

3 ఎండనిజ్ ఇహిజ, లోకుర నిజమాతికెజ్ విన్ఎండ బత్తిని కాలం వానాద్. గాని వరిజ్ ఇన్వం ఆని వజి లోతు మాట వెప్పి నని బోద్ కిని నండోండారెజి వారు తపిసి డగ్గు కినార్. అందెజి, నని వరిజ్ తపిసి డగ్గు కినార్.

4 ఇహిజ, నిజమాతి మాట వారు విన్ఎరె. గాని కత సాన్తరమ్క దరోట్ ముర్కార్.

5 గాని ఓ తిమోతి, నీను విజి వన్కా లోజు నెగ్గి బుద్దిదాన్ మున్అ. కన్వమ్కు ఓరిన్అ. క్రీస్తుయేను వందిజ్ నువార్ల లోకురిజ్ వెహె. దేవుణు నీవపణి కినివలె, నీను కిదెజ్ మనికెజ్ విజి పూర్తి కిలె.

6 ఎండనిజ్ ఇహిజ, నాను పూజి ఆదెజ్ నమయం డగ్గు ఆత మనాద్. నాను సాదెజ్ నమయం డగ్గు ఆత మనాద్.

7 వందెమ్దు ఒరెన్ కన్వబడితి లెకెండ, నాను నువార్ల లోకురిజ్ వెప్పి వందిజ్ కన్వబడిత. ఉప్పి వందెమ్దు, ఒరెన్ ఉప్పిక, పూర్తి కిని లెకెండ, నాను కిదెజ్ దేవుణు నజీ వెహెకెజ్ పూర్తి కిత. దేవుణు మున్ను మని నమకు డిఃఎత.

8 అందెజి నజీ ఉంత్రి ఇనాయం మనాద్. నాను నీతి నిజయితిదాన్ బత్తితి దని వందిజ్ సీని ఇనాయం. అయిక ఆకరి దినమ్ది తీర్పుదు, నీతి నాయమ్దాన్ తీర్పు సీని ప్రబు అయిక నజీ సినాన్. నజీనె ఆవండ వాండ్లు వాని దనిజ్ ఎద్దు నుడెఃజి ఆన ఆని విజెరిజ్ సినాన్.

9-10 తిమోతి, నా డగ్గు బేగి వాదెజ్ నీను నుడెః. ఎండనిజ్ ఇహిజ, దెమ, యా లోకుమ్ది నజతిజ్ ప్రేమిసి, నజీ డిఃస్త సాహన్. వాండ్లు దినలోనిక పట్టుమ్దు సాహన్. క్రెన్కె ఇనికాన్ గలతియ ఇని ముటాదు సాహన్. తీతు దెలమ్యి జల్లాదు సాహన్.

11 లూక ఒరెండ్రి నా వెతు మనాన్. నీను వానివలె మూర్కుజ్ నీ వెతు కూక్కి తగ్గె. ఎండనిజ్ ఇహిజ, వాండ్లు నజీ తోడెఃదిజ్ బాగ మంజినాన్.

12 తుకికెజ్ ఎవెనె పట్టుమ్దు షోక్.

13 నీను వానివలె త్రోయ పట్టుమ్దు కార్పు ఇని వన్ని బాన్ నాను ఇత్తా వాత సాల్వ తగ్గె. పున్వకమ్కుబా తగ్గె, ముకెలం తోలుదు రాన్వ మనికెజ్.

- 14 అలెక్సాండర్ ఇని కంసు తయారీ కిని సరాబు నజి నండో బాదెజ్ కిత్తాన్. వాండ్రు కితి దనిజ్ ప్రబు వన్నిజ్ సిక్స సీనాన్.
- 15 వాండ్రు నిజీబా బాదెజ్ కిఎండ నీను జాగర్త మన్అ. ఎండనిజ్ ఇహిజ, మాటు బోదిన్సి మాటెజ, వాండ్రు నండో ఎర్రిస్సాన్.
- 16 నజి ముజాలె, కోర్దుదు ఒసి వెనబాతివలె, నజి నానె ముదాయి. ఎయెర్బా నా దరెట్ వర్గెవెత్తార్. విజెరె నజి డి:స్త సాహార్. దిన్ని వందిజ్ దేవుణు వరిజ్ సిక్స సిఎండ మనీన్.
- 17 అహిజ, కోర్దుదు మహి యూదురు ఆఇకార్ విజెరె, నా వెట సువార్త పూర్తి విని వందిజ్, ప్రబు నా పడఃకాద్ మంజి, నజి సత్తు సితాన్. నొరెన్ వెయుదాన్ తప్పిన్సి లెకెండ్ సాపు సిక్సదాన్ తప్పిస్సాన్.
- 18 అందెజె, ప్రబు నజి విజు నిఇ వన్నా బాణిజ్ తప్పిసి, వాండ్రు రాజు వజి విలుబడిః కిని పరలోకమ్దు నెగ్రెండ కూక్కు ఒనాన్. వన్నిజ్ ఎలాకాలం గవరం మనీద్. ఆమెన్.
- 19 ప్రిన్సిలెజ్, అక్కులెజ్, ఒనెసిపారు ఇండ్రోణి వరిజ్ నాను వెన్బాతి లెకెండ్ వెహాఅ.
- 20 ఎరాస్తు కొరింతు పట్టుమ్దు నిహన్. త్రోపిముజ్ కస్తం అర్తిజ్, వన్నిజ్ మిలెతు పట్టుమ్దు డి:స్త వాత.
- 21 పినికాలం రెఎండ ముజాలె, నీను బేగి వాదెజ్ సుడఃఅ. యుబులు, పుదె, లిను, క్లడడియ ఇనికార్ నిజి వెన్బాతి లెకెండ్ వెప్పినార్. అయ లెకెండ్ యా పట్టుమ్దు మని మహి నమ్మిత్తికార్బా వెన్బాతిలెకెండ్ వెప్పినార్.
- 22 ఓ తిమోతి, ప్రబు నీ వెట తోడుః మనీన్. వన్ని దయా దర్మం మీ విజెదెరె వెట మనీద్.

అపొస్తుడు ఆతి పవులు తీతుజ్ రాస్తి ఉత్త్రం

నెల్లు కిదిసినిక

అపొస్తుడు ఆతి పవులు తీతుజ్ రాస్తి ఉత్త్రమనె యాక. పవులువెట దేవుణు సేవవణి కినివరి లోణ ఒరెనె తీతు. క్రేతు దేసమదు మన్ని దేవుణుదిజ్ నమ్మితి వరి సజమకాజ్ నెగ్రెండ నడపెన్జిజ్, వన్నిజ్ సజం మున్ను అతికారి లెకెండ పవులు ఏర్పాటు కిత్తాన్. అందెజె సజమకాజ్, ఎలాగ మన్ని పెద్దలజ నిల్పజ్, వారు కిదెజ్ మన్ని పణిజ్, దిన్ని వందిజ్ వెప్పి పవులు తీతుజ్ రాసిన్నాన్. మరి, సజమదు మన్ని ఒరెన్ ఎలాగ మండ్రెజ్ ఇజబా వెప్పిన్నాన్.

1-4 దేవుణు సేవకిని, యేసు క్రీస్తు వందిజ్ అపొస్తుడు ఆతి పవులు ఇని నాను తీతుజ్ రాసిన్. నీను నా సొంత మరిన్ లెకెండ మన్ని. ఎందానిజ్ ఇహిజ, దేవుణు వందిజ్ వెప్పి మన్ని మాటజ్, నాను నమ్మిజనికెజ నీనుబా నమిజని. దేవుణుదిజ్ నెగ్రెండ నమ్మిదెజ్, వాండ్రు ఏర్పాటు కిత్తి లోకురిజ్ నడిపిస్సివందిజ్, వాండ్రు నజి ఏర్పాటు కిత్తాండ్రె పోక్తాన్. మరి, దేవుణు వందిజ్ నిజమాతి సజతిజ్ నెన్పిసిని వందిజ్ వాండ్రు నజి ఏర్పాటు కిత్తాండ్రె పోక్తాన్. యా నిజమాతి సజతిజ్ దేవుణుదిజ్ లోజిజి నడిపెనిక ఎలాగ ఇజ వెప్పి తోరిస్సాద్. అయావలె వారు ఎలాకాలం దేవుణు వెట బత్తిని బత్తిదిజ్ ఆసదాన్ ఎద్దునూణార్. అబద్దం వరిగిణ దేవుణు, ఎలాకాలం వన్నివెట బత్తిని బత్తి. వందిజ్ లోకుర్ వెట ఒట్టు కిత్తాన్. నిరకారమబా సిల్లెండ మన్నివలె మహి వన్ని ఉదెసం వజనె వాండ్రు ఒట్టు కిత్తాన్. దేవుణు పణిమనిసిన్ సువార్త వెప్తార్. ఆహె వాండ్రు ఏర్పాటు కిత్తి కాలమర్, లోకురిజ్ సువార్త వెన్పిస్తాన్. అయాక వెప్తాజ్ నజి ఒపజెప్త మనాన్. మజి రక్సిసిని దేవుణు ఆద్ద్ర వజనె నాను వెప్పాన్. బుబ్బాతి దేవుణుని, మజి రక్సిసిని క్రీస్తుయేసు, దయాదర్శమదాన్, నీను నిపాతిదాన్ మండ్రెజ్ సాయం కిపిర్.

క్రేతు దేసమదు తీతు కిదెజ్ మన్ని పణి

5 నాను నిజి వెప్పి వజనె, తప్పికెజ్ దిదిజ్, దేవుణు సజమకు మన్ని పట్టుమకాజ్ విజు పెద్దెలుజ నిల్వల. దిన్నివందిజె నాను నిజి క్రేతు దేసమదు డిజెన వాత.

6 దేవుణు సజమదు, పెద్దెలి ఆనికాన్ ఎయెన్ ఇహిజ, నింద సిల్లికాన్. ఉండ్రె ఆలేసి మంజినికాన్. వన్ని కొడోర్ దేవుణుదిజ్ నమినికార్ ఆదెజ్. కొడోర్, సెజ పణిజ వందిజ్ నేరం మొపె ఆఇకార్ ఆదెజ్. వెప్పిమాట వెనికార్ ఆదెజ్. నన్ని వరి అప్పిసిని పెద్దెలి ఆదెజ్.

7 పాస్టరు నింద సిల్లికాన్ ఆదెజ్వెలె. ఎందానిజ్ ఇహిజ, వాండ్రు దేవుణుదిజ్ నమ్మితి వరిజ్ నడిపిస్సికాన్. వాండ్రు గర్త ఆఇకాన్. మూంజిడ్ కోపం మన్ఎండ, సోన్ఎండ, డెయెన్ ఆవండ, సిగు వాని సెజ పణిజ్ కిజి లాబెమవందిజ్ సుడెఎండ మంజినికాన్ ఆదెజ్వెలె.

8 అహిజ, వాండ్రు పాతివరిజ్ డగ్రు కినికాన్, నెగ్గి వన్కాజ్ కోరిజినికాన్, అణనె ఆజి మంజినికాన్, నీతి నిజాయి్ మనికాన్, దేవుణు వందిజ్ కేట ఆతికాన్, నెగ్గి బుద్ధి మనికాన్ ఆజి మండ్రెజ్.

9 పాస్టరు ఆనికాన్ యేసుక్రీస్తు వందిజ్ మాటు నెన్పిస్సి నిజమాతి మాటజ్ అయావజ గటిజ నమ్మినికాన్ ఆదెజ్వెలె. ఎందానిజ్ ఇహిజ, వాండ్రు నమ్మిత్తి వరిజ్ నిజమాతి మాటజ్ నెన్పిసి, నిజమాతి మాటజ్ ఎద్రిసిని వరిజ్ వరి తప్పుజ తోరిస్సెజ్ అట్టికాన్ ఆదెజ్.

10 ఎందానిజ్ ఇహిజ, నంణెండార్ మనార్, అతికారమదిజ్ లోజిఎండ, పోక్తి వర్తిజ, మొసం కినికార్ నంణెండార్ మనార్. ముకెలం, యేసుప్రబు రక్సిస్తెజ ఇహిజ సునతి కిజె ఆదెజ్ వెలె ఇజి కసెంత వెప్పినికారి యాలెండ మనార్.

11 వరి వెయికు మీరు మూక్తెజ్వెలె. ఎందానిజ్ ఇహిజ, వారు నమ్మిత్తి వరిజ్ తప్పుజ్ నెన్పిసనార్. ఆహె నమ్మిత్తి వరి కుటుమదికార్ విజెరి నిజమాతి మాటజ్ నమ్మిఎండ ఆవకిజనార్. వరి సొంత లాబం వందిజె వారు ఈహు కిజనార్.

12 క్రేతుదికాండ్రె వెప్తాన్, “క్రేతుదికార్ ఎస్తివలెబా అబద్దం వర్తినికార్, మూర్కమదికార్, బదకం ఆజి తిండికకురితి ఆతికార్”, ఇజ. యా లెకెండ వెప్పికాన్, వరి లోణ ఒరెన్ పల్లుబడిజ మన్నికాండ్రె.

13 వాండ్రు క్రేతుది వరి వందిజ్ వెప్పికెజ్ నిజమనె. అందెజె బాన్ మన్ని నమ్మితికార్ నిజమాతి మాటజ్ నెగ్రెండ నమ్మిని వందిజ్ నీను వరిజ్ డటిసి డదిల.

14 వారు అర్దం సిల్లి యూదురి కత సాన్తరమకు అన్ఎండ మంజిని వందిజ్ నీను వరిజ్ దిదిల. మరి, నిజమాతి సజతిజ్ డిసి సోహివరి మాటజ్ లోజిఎండ మంజిని వందిజ్ నీను వరిజ్ డటం దిదిల.

15 మన్ను పాపమకాజ్ సుబరం ఆతివరిజ్, విజుబా సుబరం ఆతిలెకెండ నెగెండ మనాద్. గాని, మన్ను సుబరం ఆవండ, యేసుక్రీస్తుజ్ నమ్మిజ వరిజ్ ఇనికబా సుబరం ఆవండ నెవెన్ మనాద్. ఎందానిజ్ ఇహిజ, వరి గర్బం సెఇక ఆత మనాద్. వారు సెఇకెజ్ కినివెలె, ‘తప్పావ్’, ఇజబా వరి గర్బం గదిన్ఎద్.

16 వారు దేవుణుదిజ్ నెన్నావ్ ఇజ వెపా ఆజనార్. గాని వరి పణిజాణిజ్ వన్నిజ్ నెక్సిపొక్కినార్. వారు పెంటు లెకెండ మనికార్. దేవుణుదిజ్ లోజిఇకార్. ఇని నెగ్గి పణిజ్ కిదెజ్బా తగ్గకార్.

2

నిజమాతి మాటజ్ వెప్పిన్నాన్

1 తీతు, నీను దేవుణుదిజ్ నమ్మితి వరిజ్, నిజమాతి మాటదిజ్ కూడితి మన్ని సజతిజ్ నెన్పిన్ల.

2 డొక్టారిజ్ నెన్పిన్త, వారు సోన్ఎండ మండ్రెజ్ ఇజ. విజేర వరిజ్ గవరం సీజ మంజని లెకెండ మండ్రెజ్ ఇజ. నెగ్గి బుద్దిదాన్ మండ్రెజ్ ఇజ నెస్సినత. మరి, వారు నిజమాతి మాటిజ్ నెగ్గెండ నమ్మిజ, మహివరిజ్ ప్రేమిని ఓరిసి మండ్రు ఇజ నెస్సినత.

3 అయాలెకెండ, డొక్రికాజ్బా నెన్పిన్త, అవిక బక్తిదాన్ మంజని పరిలెకెండ మండ్రెజ్ ఇజ. అవిక సాండిజ్ పర్గివండ, సోన్ఎండ, మహి వన్కాజ్ నెగ్గి నజతిజ్ నెన్పిన్త ఇజ.

4-5 అయాలె అవిక, బోదెకాజ్ నెన్పిన్తెజ్ ఆనాద్. ఇనికెజ్ నెన్పిన్తెజ్ ఇహిజ, వనక మాసిరిజ్ని కొడొరిజ్ ప్రేమిన్తెజ్, అణెనె ఆజి మండ్రెజ్, నెగ్గి మన్సుదాన్ మండ్రెజ్, ఇండ్రొణి పణిజ్ సుడొణి, కనికారం తోరిసి మండ్రెజ్, మాసిరిజ్ లొజ్దిదెజ్ ఇజ. బోదెక అయాలెకెండ మండ్రెజ్, ఎందానిజ్ ఇహిజ దేవుణు మాట ఎయెనబా దూసిన్విండ మండ్రెజ్.

6 అయాలెకెండ, దజ్డార్ అణెనె ఆజి మండ్రెజ్ వరిజ్ ఉసార్ కిబినత.

7-8 సీను విజు వనకాజ్ లొజ్ నెగ్గికెజ్ కిజి వరి ఎద్రు ఉండ్రీ గుర్తు లెకెండ తోరె అత. సీను నెన్పిసినివెలె, డొజ్ సాటు వెమా అవిండ, సీను వెహ్సిని మాటదు మొను సిల్లెండ, పూర్తి సీను వరిజ్ నెన్పిన్త. ఎందానిజ్ ఇహిజ, మజి పడొణెకార మా మున్సు, నెజ మాటిజ్ పర్గిదెజ్ అవిండ, సిగు ఆజి మండ్రెజ్.

9-10 సీను వెటి పణి కినివరిజ్ నెన్పిన్త, వారు విజు దని లొజ్ ఎజమాసిరిజ్ లొజ్జిజ, వరిజ్ ఇన్తం ఆనివజి కిజి మండ్రెజ్ ఇజ. ఎజమాసిరిజ్ మురిజ వెహ్విండ, డొజ్ కివిండ మండ్రెజ్ ఇజ నెన్పిన్త. వారు ఎజమాసిరిజ్, 'మజి పూర్తి నమ్మిదెజ్ ఆనాద్', ఇజ తోరిన్తెజ్. వెట్టిపణి కినికారం అయాలెకెండ మండ్రెజ్. ఎందానిజ్ ఇహిజ, వారు కిని విజు దన్ని లొజ్ లోకుర నెన్తెజ్, మజి రక్కిసిని దేవుణు వందిజ్ మన్ని మాటిజ్ గొప్ప నెగ్గికెజ్ ఇజ.

11 ముజాలె వెహ్సిలెకెండ నమ్మిత్తి వరిజ్, సీను నెన్పిన్తెజ్. ఎందానిజ్ ఇహిజ, లోకురిజ్ విజెరిజ్ రక్కిన్తవందిజ్ దేవుణు, వన్ని దయాదర్మమదాన్ యెసుక్రిస్తుజ్ యా లొకమదు పొక్తాన్.

12 వాండ్రు మజి వన్ని దయా దర్మమదాన్ నెన్పినాన్, దేవుణుబాణిజ్ దూరం కిబిసిని విజు నజతిజ్ డొణెన్త, ఇజ. యా లొకమది లోకుర ఆన ఆజినికెజ్ డొణెన్త, ఇజ నెస్సినాన్. మరి, మాటు నెగ్గి బుద్దిదాన్, సీతి నిజయ్దిదాన్, దేవుణుదిజ్ సర్ద సీనికెజ్ కిజి యా తరమదు మండ్రెజ్ ఇజ నెన్పిన్తాన్.

13 మాటు అయాలె లెకెండ మండ్రెజ్. ఎందానిజ్ ఇహిజ, మజి గొప్ప సర్ద కిబిన్త ఉండ్రీ రొజావందిజ్ మాటు ఆనదాన్ ఎద్రు సుడొణెనాట్. ఇహిజ, మాటు మజి రక్కిసిని పెరి దేవుణు అతి యెసుక్రిస్తు వాజని రొజా వందిజ్ ఆనదాన్ మజి కొత్తాజ్ పుటిన్తాండ్రె ఎద్రు సుడొణెనాట్. వాండ్రు గొప్ప జాయ్ కూడితి మన్ని నండొ సొకుదాన్ వానాన్.

14 మా విజు పాపమకాజ్ మజి డొణెన్పిన్తెజ్, సాదెజ్ వన్నిజ్ వాండ్రె బవజెవి అతాన్. మరి, మజి నుబరం కిజి, నెగ్గికెజ్ కిదెజ్ పూర్తి బవజెవి అతి వన్ని సొంత లోకుర లెకెండ తయార కిదెజ్ వాండ్రె బవజెవి అతాన్.

15 నాను విలు వెహ్సికెజ్ విజు నమ్మిత్తివరిజ్ పూర్తి అతికారమదాన్ నెస్సినత. వారు అయాలెకెజ్ కిదెజ్ వరిజ్ పణిసి వెహ్త. అయాలెకెజ్ కిజివరిజ్ దిదిత. నిజి ఎయెనబా దుసలాడొణెవిండ సుడొణెత.

3

నెగ్గి పణిజ్ కినివందిజ్ వెహ్సినాన్

1 దేవుణుదిజ్ నమ్మిత్తి లోకుర అతికారిజ్ లొజ్దిదెజ్, వెహ్సి మాట వెంజి మండ్రెజ్, ఇని నెగ్గి పణిజ్ కిదెజ్బా తయారాజి మండ్రెజ్ ఇజ సీను వరిజ్ ఎత్తు కిబిసి మనత.

2 వారు, ఎయెరిజ్బా నెజకెజ్ వెహ్విండ, జటిజ్ అవిండ, సార్లిదాన్ విజెర వెట తగిజి మండ్రెజ్ ఇజ వరిజ్ వెహ్సి మనత.

3 ఎందానిజ్ ఇహిజ, మాటుబా ముజాలె నమ్మిత్తి వరిలెకెండ, బుద్ధి సిల్లెండ మహాట్. మాటు ఎయెరిజ్బా లొజ్దివిండ మహాట్. మొసెం కిబె ఆజి మహాట్. యా లొకమది నెజ ఆనెజ్ని సుకమకాజ్ నండొ ఆన ఆజి మహాట్. పగదాన్, గోనదాన్ కాలం గడొప్పి మహాట్. మహి వరిజ్ దూసలాడొణెజ్ మహాట్. వారు మజి దూసలాడొణెజ్.

4 గాని అయాలెకెండ మహివలెనె, మజి రక్కిసిని దేవుణు వన్ని కనికారం తోరిన్తాండ్రె, ప్రేమ తోరిన్తాండ్రె మజి రక్కిన్తాన్.

5 మాటు కిత్తి సీతి పణిజాణిజ్ అవిద్. గాని వన్ని కనికారమదాన్ మజి రక్కిన్తాన్. దేవుణు అత్తుదాన్, వాండ్రు మా పాపమకు నొరెజ మజి కొత్తాజ్ పుటిన్తాండ్రె, ఉండ్రీ కొత్త బత్తు. సిత్రాండ్రె మజి రక్కిన్తాన్.

6-7 దేవుణు దయా దర్మమదాన్ మాటు సీతి నిజయ్దు మన్నికాట్ ఇజ వాండ్రు తీర్పు సితాన్. అహా, తీర్పు సీత్తిజ్ మాటు కోరిజని ఎలకాలం దేవుణు వెట బత్తుని బత్తుదిజ్ అక్కు. మన్నికారం అనివందిజ్ మా మున్సు. దేవుణు అత్తు నండొ పొక్తాన్. వాండ్రు మజి రక్కిసిని యెసుక్రిస్తు వెటన దేవుణు అత్తు నండొ పొక్తాన్.

8 యా మాట పూర్తి నమ్మిదెజ్ తగ్గిజ. అందెజె దేవుణుదిజ్ నమ్మిత్తి వరిజ్ అయాలెకెజ్ డొణిసి సీను నెన్పిన్తెజ్ ఇజ నాను కోరిజన. ఎందానిజ్ ఇహిజ, వారు మాట వరిజ్ వరి మన్సు పూర్తిదాన్ నెగ్గి పణిజ్ కిదెజె. మున్సు వెహ్సి మన్ని మాటిజ్ విజు విజెరిజ్ నెగ్గికెజ్నె, పణిదిజ్ వానికెజ్నె.

9 గాని అరదం సిల్లెండ తర్కిన్సికెజ్, అనిగొగొర వందిజ్ వెహ్సినికెజ్, జటిజ్ అనికెజ్, యూదురి రూలజి వందిజ్ వెహ్సి గొడబె కినికెజ్ విజు, ఎందానిజ్ పణిదిజ్ రెకెజ్, విలువ సీతికెజ్. అందెజె వనక వందిజ్ దూరం మనత.

10 నమ్మిత్తి వరి నజమదు, నిజమాతి మాటిజ్ వెట కూడొణెకెజ్ నెన్పిసి, వరిజ్ ఎరలిసి కేట కిని వన్నిజ్ ఉండ్రీ రుండి సుట్టు. బుద్ధి వెహ్త. మరి, వాండ్రు వినవిండ మహిజ, వన్నిజ్ దూరం కిత.

11 నన్నికాన్ నిజమాతి నజతిజ్ సరి తప్పి పాపం కిజనాన్ ఇజ నిజి తెలినాద్. వన్ని పాపమకు వాండ్రు తప్పి కిజనాన్ ఇజ రుజాన్ కిజనె.

12 నాను పిన్ని కాలం నికొపొలితు గడవైజ్ ఇజి తిరుమానం కిత్త మన. అందెజె నాను అరైమానుజ్ ఇని వన్నిజ్నొ, తుకికుజ్నొ నీ డగ్గు పొక్క. నస్తివలె నీను అబె నా డగ్గు వాదెజ్ నుడేఅ.

13 జెనా ఇని లాయిరు, అపొలు, క్రేతు దేసం డీసి మరి సొండ్రెజ్ నుడేజినార్. వరి పయనమ్దు ఇనికబా తక్కు సిల్లెండ వరిజ్ కావాలిస్సికెజ్ విజు సీజి నెగ్గెండ పోకెఅ.

14 నమ్మితికార్ పణిదిజ్ రెఇ బత్తు బత్తిఏండ, పణిదిజ్ వానికెజ్ కిజి మండ్రెజ్. అందెజె, వారు వరి సమయం విజు అవ్సరం మన్ని వరిజ్ సాయం కిదెజ్ నెస్సెజ్వెలె.

15 నా వెట మనికార్ విజెరె నిజి వెన్బాతిలెకెండ వెహ్సినార్. మాటు నమ్మిజిని లెకెండ నమ్మిజి, మజి ప్రేమిస్సివరిజ్ నాను వెన్బాతి లెకెండ వెహ్అ. దేవుణు దయా దర్శం మీరు విజెదెరె వెట మనీద్.

అపొస్తుడు ఆతి పవులు పిలెమొనుజ్ రాస్తీ ఉత్రం

నెల్వ కిబిన్సిక

అపొస్తుడు ఆతి పవులు కొలోసి పట్టమడు మని పిలెమొను ఇని ఒరెన్ దేవుణుదిజ్ నమ్మిత్తి వన్నిజ్ రాస్తీ ఉత్రమన్ యాక. పిలెమొనుజ్ ఒనెసిము ఇని ఒరెన్ వెట్టివణి మనిసి మహాన్. ఒనెసిము పిలెమొనుజ్ డిస్తాండ్రె, ఉహాక్కి ఎంబెనో సాహాన్. వాండ్రు సాహి మహివలె పవులుజ్ దనులా అతాన్. పవులు వన్నిజ్ సువార్త వెహ్జాజ్, వాండ్రు యేసుక్రీస్తుజ్ నమ్మిత్తాన్.

పవులు ఒనెసిముజ్ పిలెమొను డగ్రు మరజి పొక్కినాన్. నీను, ఒనెసిముజ్ సెమిసి ఒరెన్ తంబెరి లెకెండ్ వన్నిజ్ డగ్రు కిత, ఎండనిజ్ ఇహిజ, వాండ్రు ఏలు దేవుణు వెట సమందం ఆతికాన్ ఇజి యా ఉత్రమడు రాసి ఒనెసిము వెట పొక్కినాన్.

1-2 క్రీస్తుయేసు వందిజ్ జెలిదు మన్ని పవులు ఇని నాను రాసిని ఉత్రం. మా వెట సువార్త పణి కిజిని మా సొంత కూలాయెన్ ఆతి పిలెమొనుజ్, మా తజి లెకెండ్ మని ఆపియెజ్, మా వెట క్రీస్తు వందిజ్ సేవకిదిజ్ నండొ క్షణబడిజి కాట్లాడజిని అరికిపుజ్, మీ ఇండ్రొ కూడజి వాజిని దేవుణు నజమదిజ్ రాసిన్. మా కూలాయెన్ ఆతి తిమాతిబా నా వెట మీజి వెన్బాతి లెకెండ్ వెహ్జానాన్.

3 మా బుబ్బు ఆతి దేవుణుని ప్రబు ఆతి యేసు క్రీస్తు దయా దర్మమదాన్ మీరు నిపాతిదాన్ మండ్రెజ్ సాయం కిపిర్.

దేవుణుదిజ్ వందనమకు

4-5 ఓ పిలెమొను, నాను నిజి ఒడిబిజి పార్దనం కినివలె, నా దేవుణుదిజ్ ఎస్తివలెబా వందనమకు వెహ్జాన. ఎండనిజ్ ఇహిజ, లోకుర్ నజి వెహ్జానార్ నీను ప్రబు ఆతి యేసుజ్ నమ్మిజిని ఇజి. దేవుణుదిజ్ నమ్మిత్తి వరిజ్ విజెరిజ్ ప్రేమిన్సి ఇజి. దిని వందిజ్ నాను దేవుణుదిజ్ వందనమకు వెహ్జాన.

6 క్రీస్తు వందిజ్ నీను నమ్మిత్తి నజతిజ్ మహివరిజ్ ఉసార్దాన్ వెహ్జాజ్ ఇజి నాను పార్దనం కిజిన్. అయావలె దేవుణు మజి సీజిని విజి నెగ్గి ఇనాయమకు నీను పూర్తి నెస్తిలె. యేసు క్రీస్తు వెట మాటు కూడితి మనితాన్ దేవుణు అయా ఇనాయమకు మజి సీనాన్.

7 ఓ తంబెరి, దేవుణుదిజ్ నమ్మిత్తి వరిజ్ నీను ప్రేమిని, వరి పాణమదిజ్ నిమాలం కిబిన్త. ఆహె, నీను నజి నండొ నరద కిబిన్సిది ఆదరిన్సి.

పవులు ఒనెసిము వందిజ్ బతిమాల్జనాన్.

8-10 అందెజె, క్రీస్తు నజి సతి అతికారమదాన్ నీను కిదెజ్ మని పణి కిత ఇజి ఆడ్ర సీదిజ్ నజి అక్కు మనాద్. గాని నాను నిజి బతిమాల్జిన్. ఎండనిజ్ ఇహిజ, నీను దేవుణుదిజ్ నమ్మిత్తి వరిజ్ ప్రేమిన్సికి ఇజి నాను నెసిన్. డొక్ర అత, ఏలు క్రీస్తుజ్ సేవ కిని వందిజ్ జెలిదు మని పవులు ఇని నాను నిజి బతిమాల్జిన్. నా మరిన్ లెకెండ్ మని ఒనెసిముజ్ సాయం కిని వందిజ్ నాను బతిమాల్జిన్. నాను గొలుస్కాణిజ్ మహివలె వాండ్రు నా మరిన్ లెకెండ్ అతాన్. నాన్ వన్నిజ్ దేవుణు దరోజ్ తత.

11 వాండ్రు* ముజాల, నిజి ఎండనిజ్ పణిదిజ్ రెకాన్. ఎండనిజ్ ఇహిజ, వాండ్రు నిజి డిజ్ సాహాన్. గాని ఏలు నిజిని నజి పణిదిజ్ వాతికాన్ అతాన్.

12 నజి నండొ ఇస్టం ఆతి వినిజ్ నీ డగ్రు మరజి పొక్కిన్.

13 సువార్త వెహ్జాని వందిజ్ నాను గొలుస్కాణిజ్ మనివలె, నజి సాయం కిదిజ్ వినిజ్ నా డగ్రు ఇడిజెదిజ్ నజి ఇస్టం మనాద్. ఎండనిజ్ ఇహిజ, విన్ని సాయం నీను కిత లెకెండ్ ఆదిజ్.

14 గాని నీను వెహ్ంండ నాను వినిజ్ ఇబ్బి ఇడిజె. ఎండనిజ్ ఇహిజ, నా వందిజ్ నీను కిని ఇని మేలుబా నాను డటిసి వెహ్జాజ్ ఇజి అమాట్. గాని నిజి ఇస్టం ఆతివజ, పూర్తి మన్నుదాన్ కిదిజ్.

15-16 వాండ్రు మరజి వానిక నీ డగ్రు ఎలాకాలం మంజిని వందిజ్ నెను. వాండ్రు సెగం కాలం దూరం అత మహాన్. అందెజె ఏలుదాన్ వాండ్రు నీ వెట్టివణి కిని వన్నిలెకెండ్ అవిన్. దన్నిజ్ ఇంక నండొ ఇస్టం మని ఒరెన్ తంబెరి లెకెండ్ మనాన్. నజి వన్ని మున్ను ఒరెన్ తంబెరి లెకెండ్ నండొ ఇస్టం మనాద్. గాని వన్నిజ్ నిజి ఒది ఇస్టం మంజినాద్లె. ఒరెన్ వెట్టివణి కిని వన్ని వజి ఇస్టం మంజినాద్లె. యేసుప్రబు వెట కూడితి మని దనితాన్ ఒరెన్ తంబెరి వజబా ఇస్టం మంజినాద్లె.

17 అందెజె క్రీస్తు వందిజ్ నీ వెట జత కూడజి పణికినికాన్ ఒరెన్ ఇజి, నజి ఒడిబితిజ, నీను నజి ఎలాగ డగ్రు కినిదొ, అయా లెకెండ్ వన్నిజ్ డగ్రు కిత.

18 వాండ్రు నిజి ఇని తపు కితబుజ్, నిజి అప్పు మరజి సీదిజ్ మహిజనో, అయాక నా మున్ను మోవ్త.

19 పవులు ఇని నాను నా సొంత కిదాజె రాసిన్. నీను దేవుణు దరోజ్ వాదిజ్ నాన్ సాయం కిత. అందెజె నీ కొత్త బత్తు, వందిజ్, నజి నీ బత్తున్ సీదిజ్ మనాద్. గాని నాను అయాక లోన్వ. వాండ్రు సీదిజ్ మనికెజ్ నాను తిరిన్సు.

20 ఓఓ తంబెరి, యేసుప్రబు వెట మజి మని నమందమదాన్, నీ బాణిజ్ నాను యా సాయం కోరిజిన్. యేసుప్రబు వెట కూడితి మని దనితాన్ వన్నిజ్ డగ్రు కిజి నజి నరద కిబిన్త.

21 నాను వెహ్జాకెజ్ నీను తవ్ంండ కిని ఇజి నాను నెసిన్. అందెజె నాను నిజి రాసిన్. ఒఓ, నాను వెహ్జా దని మున్ను, నీను నండొ కినిలె ఇజి నాను నెసిన్.

22 జెలిదాన్ నజి డిజ్ నీ వందిజ్ మీరు పార్దనం కిజినిదెర్. మీ పార్దనం దేవుణు వెంజె, మీ డగ్రు మరజి వాదిజ్, దేవుణు సాయం కినాన్ ఇజి నాను కోరిజిన్. అందెజె నా వందిజ్ ఉంత్రి బాడ్డిజ్ తయార్ కిత.

* 1:11 1:11 ఒనెసిము ఇని పేరుదిజ్ అరదం పణిదిజ్ వానికాన్ ఇజి.

²³ యేసు క్రీస్తుజ్జీ వెప్పొని వందిజ్ నా వెట జెలిదు మని ఎవప్ర నిజీ వెన్బాతి లెకెండ్ వెప్పొనాన్.

²⁴ అయాలెకెండ్, నా వెట సేవ పణి కిజిని మార్కు, అరిస్టార్కు, దెమ, లూక ఇనికార్బా నిజీ వెన్బాతి లెకెండ్ వెప్పొనార్.

²⁵ ప్రబు ఆతి యేసుక్రీస్తు దయా దర్మం మిజీతోడు మనీడ్.

ఎల్లి లోకురిజ్ రాస్తి ఉత్తమదిజ్ నెల్పు కిబిసినిక

ఇస్రాయేలు లోకురి అయ్యగుప్పు దేసమదు వెటిపణి కిజి మహారీ. వారు నండో బాదెజ్ ఆజి మహారీ. దేవుణు ఇస్రాయేలు లోకురిజ్ అయ్యగుప్పు దెసమదాన్ డిసేసిసి, కానాసు దేసమదు ఒత్తెజ్ ఇజి, మోసి వరిజ్ నడిపిసి తత్తాన్. కానాసు దేసమనె వరిజ్ సీన ఇజి దేవుణు వరిజ్ ఒట్టు కిత్తాన్, వారు పయనం కిజి మహి వలి, మోసి వెట దేవుణు వరిజ్ పది ఆడ్రెజ్ సీజినాన్. దన్ని వెట దేవుణు వెహ్సినాన్, “నాసు వరి నడిపి మండ్రెజ్ ఇజి నా వందిజ్ నెగ్గి ఇల్లు లెకెండ మంజిని ఉండ్రీ గుడారం తొవ్వాజ్”, ఇజి (నిర్గమ 25:8). యాక ఎలగా తొవ్వాజ్ ఇజి గుర్తులెకెండ ఉండ్రీ రూపు దేవుణు మోసిజ్ తోరిసినాన్. “నాసు మిజి నుడేజి, మి వెట అబ్బె వర్గిన”, ఇజి దేవుణు వెహ్సాన్ (నిర్గమ 29:42). అందెజి, దేవుణు మంజిని ఉండ్రీ బాడ్డినె గుడారం. దేవుణు మంజిని బాడ్డిజ్ పోలిత మనాద్ యా గుడారం (ఎల్లి 9:11).

పుజేరిబు - యూదురి మతమదు, లేవి తెగాదు మన్ని వరిజి, పుజేరిబు ఇజి ఏర్పాటు కినార్. మహి తెగాదికార్ విరిజ్ వరి దసమబాగం సీదెజ్. పుజేరిబు ఆవండ, పెరి పుజేరిబు ఇజి, విజేరె పుజేరిబ మున్సు. మన్ని పెరి పుజేరిబు ఇజి నండోడారబా మహారీ. ఉండ్రీ కాలమదు విజేరె పుజేరిబ మున్సు. మన్ని పెరి పుజేరి ఇజి దేవుణు తోలిత ఏర్పాటు కిత్తాన్*. పుజేరిబు దేవుణుదిజ్ ఒద్దె కేట అతి గదిదు డుగణిజ సేవ కిత్తాన్. గాని విజేరె పుజేరిబ మున్సు. మని పెరి పుజేరి బరెండ్రె దేవుణుదిజ్ ఒద్దె కేట అతి గదిదు డుగణిజ సేవ కిత్తాన్. ఏలు యేసు చూ వందిజ్ విజేరె పుజేరిబ మున్సు. మన్ని పెరి పుజేరి వజి వాత మనాన్.

గుడారం - దేవుణు మోసిజ్ తోరిస్తి రూపు వజి తయారీ కిత్తి ఉండ్రీ టుబు గుడుజనని దన్నిలోఇ మన్ని వనక వందిజ్నె గుడారం ఇనార్. ఇబ్బినె దేవుణు వన్ని లోకురి వెట వర్గినాన్. టుబు గుడుజనదిజ్ రుండి గద్దిజ్ మన్నె. దేవుణు వందిజ్ కేట అతి గదిని దేవుణు వందిజ్ ఒద్దె కేట అతి గది ఇజి రుండి మన్నె. యా రుండి గదిజ్బా దేవుణు వందిజ్ కేట అతి ఇట్టికెజె. ఉండ్రీ తెరనె యా రుండి గదిజి కేట కేట కితాద్. తెర, నీరి దుపాటి లెకెండ మనాద్. రుండి గదిజి నడిపి మణియె ఆత మనాద్. అయక నండో దలం మన్నిక, నండో సోకుదాన్ అట మనార్.

దేవుణుదిజ్ కేట అతి గది - దేవుణుదిజ్ కేట అతి గది పెరిక. దన్నిజ్ 30 మూరెజ్ నీరిండ, 15 మూరెజ్ ఒసారీ మహారీ. దిన్ని లోఇ దేవుణు ఎర్తు రోటిజ్ ఇడ్డి బల్ల ఉండ్రీ కల్లితి సిల్లి బజారమదాన్ తయారీ కిత్తి దివెజ్ డండి ఉండ్రీ, దేవుణుదిజ్ దూపం సురుని మాలి వెటి ఉండ్రీ, మన్నె.

1 దేవుణు ఎర్తు రోటిజ్ ఇడ్డి బల్ల

దేవుణుదిజ్ కేట అతి గదిని ఉణెరీ పడకాదు యా బల్ల మంజినాద్. యాక తుబు మరాతి సెక్సాణిజ్ తయారీ కిత్తిక. దిన్ని మున్సు. కల్లిసిల్లి బజారమదాన్ పూత రాస్త మనాద్. దేవుణు ఎర్తు ఇడ్డి రోటిజ్ ఎస్తివలెబ దిన్ని మున్సు. మంజినె. యూదురి ఆసారం వజి యా రోటిజ్ ఉండ్రీ పలెమదు, రుండి వర్సెజ్ ఆరు డొత్తిజ్ మంజినె. విస్త్రాంతి దినమదునె యాకెజ్ మారిసి మరి కొత్తకెజ్ ఇనార్. అయ పడాయి రోటిజ్ పుజేరిబునె తిండ్రెజ్. మరి ఎయెరబా తిండ్రెజ్ ఆవిద్. లేవి తెగాదు మన్నికార, యా రోటిజ్ తయారీ కినార్. విస్త్రాంతి దినమదిజ్ ముజాల మన్ని రెయినె తయారీ కినార్.†

2 కల్తి సిల్లి బజారమదాన్ తయారీ కిత్తి దీవ డండిజ్

యా డండిజ్ కల్తి సిల్లి బజారమదాన్ తయారీ కిత్తిక్కాదె. దేవుణు వందిజ్ కేట అతి గదిని డేబ్లె పడకాద్ మంజినాద్. యా కంతుదు ఏడు దీవెజ్ మంజినె. దిన్ని ముజాల మన్ని బాడ్డిదు జాయ మండ్రెజ్నె యాక మంజినాద్. ఒరెన్ పుజేరి పెందలికని పొదెయక కనిసి మంజినాన్.‡

3 దూపం సుర్పి మాలి వెటి

యాక, నడిపి డెర డగ్రు మంజినాద్. దిన్ని మున్సు. దూపమనె ఆవండ మరి ఇనికబా కాలిజ్నె, జంతుజ్నె పార పొట్టిజ్నె సురెదెజ్ ఆవిద్. పెందలికని పొదెయక దూపం సుర్పార్. గాని యాక దేవుణు వందిజ్ ఒద్దె కేట అతి గదిదు మన్ని ఉండ్రీ వస్తు. అందెజి, దేవుణు వందిజ్ ఒద్దె కేట అతి గద్దిదు మంజినక ఇజి ఒడేబిజినార్.§

దేవుణు వందిజ్ ఒద్దె కేట అతి గది - దేవుణు వందిజ్ ఒద్దె కేట అతి గది నీరిండ, ఒసారీ ఉండ్రె నమానమనె. 15 మూరెజ్ మన్నె. దిన్ని లోఇ మందసం మనాద్. మందసం ఇపాజి ఉండ్రీ వెటి. యాక దేవుణు మనాన్ ఇజి ఉండ్రీ గుర్తు లెకెండ మనాద్. దేవుణుదిజ్ కేట అతి గదిదిజ్నె ఒద్దె కేట అతి గదిదిజ్ నడిపి ఉండ్రీ డెర అడ్డు మనాద్. యా డెర నండో దలం మన్నిక. నండో కరెదిక. దన్ని మున్సు. నండో సోకుదాన్ అటార్. దేవుణు వందిజ్ ఒద్దె కేట అతి గదిదు విజేరె పుజేరిబ మున్సు. పెరి పుజేరి బరెండ్రె సానాన్. మరి ఎయెనెబ సానెవనె. వాండ్రబా ఏంటుదిజ్ ఒర్పనె, సానాన్. లోకురి విజెరె పాపమక వందిజ్ పూజి సీదెజ్ ఉండ్రీ రోజు మనాద్. నాండిజి డెర పెరిజి, లోఇ సానాన్.*

యేసు చూ వందిజ్ విజెరె పుజేరిబ మున్సు. మన్ని పెరి పుజేరి అత మనాన్. వాండ్రు సీలువాదు సాతిజ్, పాపమక వందిజ్ ఎలకాలం వందిజ్ ఉండ్రీ సుట్టు పూజి లెకెండ వన్నిజ్ వాండ్రె ఒవజెవె ఆతాన్.† యేసు సీలువాదు సాతి గడియూదు దేవుణు గుడిడు దేవుణు వందిజ్ కేట అతి గదిదిజ్నె దేవుణు వందిజ్ ఒద్దె కేట అతి గదిదిజ్ నడిపి మహి డెర, మున్సుహాన్ అడిగెదాక రుండి బదెజ్ ఆజి కింజతాద్.‡ ముజాల డెర పెరిజి విజేరె పుజేరిబ మున్సు. మన్ని పెరి పుజేరి బరెండ్రె దేవుణు వెట వర్గెదిజ్ లోఇ డుగణాన్. గాని క్రీస్తు సాతిజ్, వన్ని మున్సు. నమకం ఇడ్డి ఎయెనెబా దేవుణు డగ్రు సాండ్రెజ్ అట్సాన్. మరి పూజిదిజ్ అవనరమబా సిల్లెద్.

* 0: 1:0 ఏల్లి 5:4 † 0: 1:0 లేవి 24:5-9 ‡ 0: 1:0 నిర్గమ 26:35 § 0: 1:0 ఏల్లి 9:4, 10:జు 6:22 * 0: 1:0 ఏల్లి 9:27 † 0: 1:0 ఏల్లి 7:27 ‡ 0: 1:0 మత్తయి 27:51

మందనం - మందనం ఉండే దేవులు వందిళ్ళ కేటా ఆతి గదిదు మన్ని వస్తు. మందనం ఇహిజ ఉండ్రె వెటెనె. యాక తుంబ మరాతి నెక్కాణిజ్ తయార కిజ దిన్ని మున్నుని లొణ కల్తెసి నిల్లి బజారమ్దాన్ పూత రాసి అతమనాద్. దిన్ని మున్ను ఉండ్రె మూత మనాద్. అయొకణ కల్తెసి నిల్లి బజారమ్దాన్ పూత రాసి అత మనాద్. అయొక మూత నెక్కి ముద్ కిదెజ్ అనాద్. లాగజ్ సావ్తజ్ బా ఆనాద్.† యా మూతదెజ్ “కరుణ పీటం” ఇనార్.* కరుణ పీటం ఇహిజ, పాపముకు నెమిన్ని బాడ్డి ఇజి అర్థం. కరుణ పీటం మున్ను కెరూబుజ్ మన్ను. కెరూబుజ్ లోకు మూర్తి వజనె మన్ను గాని రెక్కెజ్ మన్ను. యా కెరూబుజ్ ఇతాన్ ఉండ్రె ఇతాన్ ఉండ్రె ఎర్దు నిల్లి, కరుణ పీటముదునె బేసి రెక్కెజ్ కోరెన్సి మన్ను.† కెరూబుజ్ నడిఃమి మొసావ్ మనాద్. కరుణా పీటం మున్ను యా మొసావ్ దేవులు మంజినాన్. పరిసుద్దమాతి దేవులు యా లెకెండే బాన్ మంజినాన్. అందెజి ఇని నెఇకాన్ నో తప్పు కిత్తికాన్ బాన్ కరుణ పీటం డగ్రు సొండ్రెజ్ అబ్దెవన్. గాని దేవులు ఏర్పాటు కిత్తి విజేరె పుజేరిజ మున్ను మన్ని పెరి పుజేరి ఒరెండ్రె సొండ్రెజ్ అటూన్. వాండ్రుబా వన్ని సొంత ఇష్టమ్దాన్ నో, పూజ కిత్తి దన్ని నల సిల్లెండ్రె సొండ్రెజ్ అబ్దె. యా లెకెండే సిల్లెండ్రె సొహిజ వాండ్రు నిజం సానాన్.

మందనముదు మన్నికెజ్ - మందనముదు దేవులు మొసాజ్ సిత్తి పది ఆడ్రెజ్ రాన్ని మన్ని రుండి పల్కెజ్ మన్ను. కల్తెసి నిల్లి బజారమ్దాన్ తయార కిత్తి ఇగ్రుదు మన్నా మనాద్. మరి, సిగిరిన్సి మన్ను, అహారోసు డుడ్డుబా మనాద్.

మన్నా ఇహిజ తెలాని గింజ లెకెండే మనాద్. తెనె నూనె లెకెండే రుసి మంజినాన్. దేవులు ఇర్రాయేలు లోకురిజ్ బిడిఃమ్ బాముదు నడిఃపిసి మహివలె పరిజ్ తిండ్రెజ్ యాక సిత్తాన్.‡

పది ఆడ్రెజ్ రాన్ని ఇడ్డి పల్కెజ్ - యా పల్కెజ్ పణకాణిజ్ తయార కిత్తికెజ్. నన్ని పల్కెజ్ ఆడ్రెజ్ గీస్త మనాద్.§
 డేవ - డేవ నడిఃమి టంబు గుడుఃన మనాద్. డేవ సుటులం వెల్గు మనాద్. దిన్నిజ్ ఉండ్రె సరి మానాద్. డేవను సంత సుర్తి మాలి పీటని నోరబాదెజ్ ఏరు ఇడ్డి పలెం మన్ను.

సంత సుర్తి మాలి పీట - యాక తుంబ మరాతి నెక్కాణిజ్ తయార కిత్తిక. దిన్ని మున్ను కంసు పూత రాస్త మనాద్. ఇచ్చెనె నంద సుర్తి పూజ కినార్. యా పీటదు సిసు ఎన్వివలెబా నమబిండిక కసీనె మండ్రెజ్, యా మాలి పీట సరి డగ్రు మంజినాన్.

నోరబాదెజ్ ఏరు ఇడ్డి పలెం - యా వల్లెం నంద సుర్తి మాలి పీటని, గుడారం నడిఃమి మంజినాన్. యాకబా కంసుదాన్ తయార కిత్తిక. పుజేరిజ పూజ కిని ముజాల్ నో, గుడారమ్ లొణ సొని ముజాల్ నో నోరబాదెజ్ ఏరు ఇడ్డికాదె యాక.

ఎత్తి లోకురిజ్ రాస్తి ఉత్తం

నెల్లు కిబిసినిక

ఎత్తి లోకురిజ్ రాసిని ఉత్తమనె యాక. ఎత్తి లోకుర్ ఇహిజ, క్రీస్తు మున్ను. నమకం ఇట్టి యుదురి లోకుర్. యా ఉత్తం రాస్తికాన్ ఎయెన్ ఇజ తెలివిద్. యేసు ప్రబునె, దూతారిజ్ ఇంక మొసెజ్ ఇంక, మొనె సితి రూలు వజ పుజెరి పణి కిజిని పెరి పుజేరిజ ఇంక గొప్పు పెరికాన్ ఇజి యా ఉత్తముదు వెప్పినాద్. పూజెజ్ లోకురి పాపముకు సొన్పిన్ఉ. గాని యేసు ప్రబు పూజ ఆతి దన్నితాన్ లోకురి పాపముకు సొనె. వన్ని నలదాన్, లోకుర్ సుబ్బురం ఆనార్. దేవులు డగ్రు దయరమ్దాన్ మండ్రెజ్ అటూర్. అయొలెకెండే, కొత్త ఒప్పుమానం నడిఃపిన్సికాండ్రె యేసు ఇజి వెప్పినాద్. మరి దేవులు మున్ను, నమకం ఇట్టి పూర్బమేదు బత్తిజి మహి నండెండార్ పరిజ్ వెప్పినార్. కండెవెరిదు, నమ్మితి లోకుర్ ఎలాగ మండ్రెజ్ ఇజి యా ఉత్తముదు వెప్పినాద్.

- 1 పూర్బమేదు, ఆజ ఆజ నండో నమయమేదు, నండో రకమ్కాణిజ్, దేవులు ప్రవక్తరు వెట మా అనిగొరెజ్ వర్గితాన్.
- 2 గాని యా కడెవెరి దినమ్కాజ్, వాండ్రు వన్ని మరెన్ వెట మజి వర్గితాన్. వన్ని వెటనె బూలోకమ్ని దని లొణ మనికెజ్ విజా దేవులు తయార కిత్తాన్. వన్నిజి, విజా దనిజ్ అక్కు, మనికాన్ ఇజి ఏర్పాటు కిత్తాన్.
- 3 దేవులు గొప్పు పెరికాన్ ఇజి తోరిన్సికాండ్రె మర్రిన్. వన్ని లెకెండే విండ్రు మనాన్. గొప్పు నత్తు మని వన్ని మాటదాన్, బూలోకముదు మని విజా వన్నాజ్ విండ్రు నడిఃపిన్సినాన్. లోకురి పాపముకు నోరెండ్రె వాండ్రు సాతి వెనకు, గొప్పు పెరి దేవులు ఉజెరె పడెకాదు అతికారమ్దు బన్నాన్.
- 4 అందెజి, వాండ్రు దూతార మున్ను, గొప్పు పెరికాన్ అతాన్. దూతార పేర్కు, మున్ను, దేవులు వన్నిజ్ సితి పేరు గొప్పు పెరిక మని లెకెండే, వాండ్రు పెరికాన్ అతాన్.
- 5 ఎందనిజ్ ఇహిజ, దేవులు యేసుప్రబుజ్ నె అవిండ, వన్ని దూతారిజ్ ఎయెరిజ్ బా ఎనిజ్ బా వెహ్ ఎతాన్, “నీను నా మర్రిన్. నేండ్రు నానె నీ బుబ్బు అత మన్”,* ఇజి. మరి, దేవులు దూతారిజ్ ఎయెరిజ్ బా ఎనిజ్ బా వెహ్ ఎతాన్”, నానె వన్ని బుబ్బు అన్. వాండ్రె నా మరెన్ అనాన్ లె”,* ఇజి.
- 6 మరి, దేవులు వన్ని లోల్ సుర్ కొడెడిజ్ యా లోకముదు తపిసిని వలె, వెప్పినాన్, “దేవులు దూతార విజెరె వన్నిజ్ పొగిడిజి మాడిస్సెజ్ వలె”,* ఇజి.
- 7 దూతార వందిజ్ వెప్పినాన్ వలె, వాండ్రు ఈహు వెప్పినాన్, “గాలి లెకెండే వన్ని దూతారిజ్ తయార కిజినాన్, కసిన్సి సిసు లెకెండే, వన్ని పణి మణిసిరిజ్ తయార కిజినాన్”,* ఇజి.
- 8 గాని వన్ని మరెన్ వందిజ్ ఈహు వెప్పినాన్, “ఓ దేవులు, నీను బన్ని నిమానసం అంతు సిల్లెండ్రె ఎల్లాకలం మంజినాద్. నీను నీతి నిజాయితీదాన్ రాజా వజ విలుబడిః కిని.
- 9 నీను నిజమాతి దనిజ్ ప్రేమన్సి మని. నెఇ దనిజ్ దూన్సి మని. అందెజి, నీ దేవులు ఆతి దేవులు నిజి ఎర్గిని సరద్ ఆని గొప్పు గనం సిత్తాన్. యాక నీ జత మని పరిజ్ సితి దన్నిజ్ ఇంక నండో గొప్పు పెరిక”,* ఇజి, దేవులు మరెన్ వందిజ్ వెప్పినాన్.

§ 0: 1:0 నిర్ణయ 25:10-15 * 0: 1:0 నిర్ణయ 25:7 † 0: 1:0 నిర్ణయ 25:18-22 ‡ 0: 1:0 నిర్ణయ 16:14-31 § 0: 1:0 నిర్ణయ 31:18
 * 1:5 1:5 క్రిస్ట 2:7. * 1:5 1:5 1:5 ము 7:14; 1:5 ను 17:13. * 1:6 1:6 ద్వితి 32:43. * 1:7 1:7 క్రిస్ట 104:4. * 1:9 1:9 క్రిస్ట 45:6,7.

10 వాండ్రు మరి వెప్పొనాన్, “ఓ ప్రబువా, లోకం పుటిన్ ఎండ ముజాలె, యా లోకమదిజ్ పునాది ఇడ్డికి నీనె. ఆగాసం తయార్ కితికి నీనె.

11 అయికెజ్ విజు నాననం ఆనె. గాని నీను మంజిని. పాత పణిదిజ్ రెఎండ పడాయిక ఆనిలెకెండ అయికెజ్ విజు పణిదిజ్ రెఎండ పడాయికెజ్ ఆనె.

12 పంసె మడఃత కినిలెకెండ, నీను వన్యాజ్ మడఃత కిని. పాత మారిసిని లెకెండ, వన్యాజ్ మారిసిని. గాని నీను ఎలాకాలం ఉండ్రె లెకెండ మంజిని. నీను ఎనెజ్ బా డొక్క ఆఇ”,* ఇజి.

13 దేవుణు వన్ని దూతార్ ఎయెరిజ్ బా ఎనెజ్ బా వెహ్ ఎతాన్, “నాను నీ పగాతి వరిజ్ నీ పాదముక అడిగి ఇడ్డిదాక, నీను నా ఉణెరి పడఃకాద్ మని మున్ అ”,* ఇజి.

14 అహిజ, దూతార్ ఎయెర్? వారు విజెరె దేవుణుదిజ్ సేవ కిని ఆత్మెజ్. దేవుణు రక్కిసిని వరిజ్ సాయం కిదిజ్, వాండ్రు పోక్కికారె.

2

యేసు రక్కిస్సాన్ ఇని నిజమాతి పెరి సజతి నెక్కిపొక్ ఎండ జాగర్డ్ర వెండ్రెజ్.

1 అందెజి మాటు వెహిమని నిజమాతి సజతిజ్, మరి నండో జాగర్డ్రాన్ వెండ్రెజ్ వలె. ఎందనిజ్ ఇహిజ, దని బాణిజ్ దూరం అవండ మంజిని వందిజె.

2 దేవుణు దూతారిజ్ వాండ్రు వెహ్ పిన్ తి మాటెజ్, నిజం ఇజి రుజుప్ అత మనాద్. అయా మాటెజ్ తప్పకాన్, లోజిఇకాన్ ఎయెన్ ఆతిజ్ బా, తగితి సిక్చ వన్నిజ్ దోహ్ క్క మనాద్.

3 అహిజ, దేవుణు లోకురిజ్ సిక్చదాన్ ఎలాగ గెల్ పిన్ నె ఇజి వెప్పొని ముకెలమాతి బోద మాటు నమ్మిదెజ్ కెఇతిజ, అయా సిక్చదాన్ ఎలాగ తప్తె అదెజ్ అట్టాన్? గెల్ పిన్ నె వందిజ్ మని యా బోద ప్రబునె తొలిత వెప్తాన్. వాండ్రు వేప్తికెజ్ వెహికారె, అయికాన్ నిజం ఇజి మజ్ రుజుప్ కిత్తాన్.

4 మరి, దేవుణుబా విజు రకమ్ కాణి సత్తుమని పణిజ్, గొప్ప బమ్మాని పణిజ్ కిజి రక్చణ వందిజ్ వెప్తికె నిజం ఇజి రుజుప్ కిత్తాన్. వన్నిజ్ ఇన్లం ఆతివజ, దేవుణు ఆత్మెజ్ సీబాజి సీజి దేవుణు రుజుప్ కిత్తాన్.

యేసుప్రబునె లోకురిజ్ రక్కిస్సికాన్.

5 వాజిని కాలమెది లోకం ఏలుబడిజ్ కిదిజ్ దేవుణు, దూతారిజ్ ఒవజెవ్ ఎతాన్. పరలోకం వందిజె మాటు వర్రిజనాల్.

6 గాని దేవుణు మాటదు ఎంబెన్ ఎయెండ్రె డటిసి ఈమా వెప్పొనాన్, “ఓ దేవుణు, నీను ఎత్తు కిదిజ్ లోకు ఏవటిదికాన్? నీను బాగ సుడఃదెజ్ లోకు ఏవటిదికాన్?

7 నీను దూతారిజ్ ఇంక వన్నిజ్ నెణెం ఇజ్జకాన్ కితి. నీను వన్నిజ్ పెరికాన్ కితి. గవరవమదిజ్ తగ్గికాన్ లెకెండ కితి.

8 విజు వన్యాజ్ మున్సు వన్నిజ్ అతికారం సితి*[†]. లోకురిజ్ విజు వన్యాజ్ మున్సు దేవుణు అతికారం సితి”, ఇజి వెప్పొనాన్. ఇహిజ, విజు వన్యాజ్ మున్సు అతికారం వన్నిజ్ మనాద్. గాని ఏలు, లోకురి విజు వన్యాజ్ మున్సు అతికారం కిజినిక తొవ్.

9 గాని ఏలు, యేసుజ్ గొప్ప గనమదాన్, గొప్ప గవరవమదాన్ దేవుణు పెరికాన్ కితిక మాటు సుడఃజినాల్. ఎందనిజ్ ఇహిజ, వాండ్రు నండో బాదెజ్ ఒరిసి సాతాన్. వన్నిజ్ దూతారిజ్ ఇంక నెణెం దేవుణు ఇజ్జకాన్ కిత్తాన్. ఎందనిజ్ ఇహిజ, వాండ్రు యా లెకెండ లోకుర్ విజెరె వందిజ్ సాదెజ్. యా లెకెండ, దేవుణు దయా దర్పం కిత్తాన్.

10 విజు, దేవుణు తయార్ కిత్తాన్. విజు వన్నివందిజ్ తయార్ కిత్తాన్. యేసుప్రబు బాదెజ్ ఒరిసి సాజిని దనితాన్ దేవుణు వన్నిజ్ పూర్తి కిజినాన్. వాండ్రు పూర్తి అతికాన్ ఆతాన్. అయె లెకెండ యేసుజ్ పూర్తి కిజినిక తగ్గికాదె. ఎందనిజ్ ఇహిజ, నండో కొడోరిజ్ వాండ్రు ఎలాకాలం దేవుణు వెట బత్కిని బత్కుదు నడిపిన్ నె. యేసునె వరిజ్ రక్చణదు నడిపిన్ నె.

11 వాండ్రె లోకురిజ్ దేవుణు వందిజ్ కేటె ఆతి వరి లెకెండ కిజినాన్. వన్నిజ్ నె వాండ్రు దేవుణు వందిజ్ కేటె కిత్తి లోకురిజ్, బుబ్బు ఒరెండ్రె. అందెజి వరిజ్ తంబెరిజు ఇజి కూకెజ్ యేసు సిగు అవెన్.

12 వాండ్రు దేవుణుదిజ్ వెప్పొనాన్, “నీ వందిజ్ నాను నా తంబెరిజ వెప్పొ, నీ లోకుర్ కూడఃనిబాన్, నాను నిజి పొగిడినె”* ఇజి.

13 మరి వాండ్రు వెప్పొనాన్, “నాను వన్ని మున్సు, నా నమకం ఇడ్చు”* ఇజి. మరి బా వెప్పొనాన్, “ఇదిలో, నానుని దేవుణు నజి సితి కొడోర్”*,* ఇజి.

14 దేవుణు కొడోర్ నలని, కండదాన్ తయార్ ఆతి లోకురెనె. అందెజి యేసుప్రబుబా నలని, కండదాన్ తయార్ ఆతి లోకు పజి అతాన్. ఎందనిజ్ లోకు అతాన్ ఇహిజ, ఒరిన్ లోకు పజినె సాదెజ్ అట్టాన్. వాండ్రు సాజినె, సాపు మున్సు అతికారం మని నయతానుజ్ సిల్లెండ కిదిజ్ అట్టాన్.

15 అయా లెకెండ, సాపుదిజ్ తియెల్ ఆజి, వరి బత్తు విజు సాపు తియెల్ దిజ్ అడిగి మని విజెరిజ్ డిసెప్పిన్ అట్టాన్.

16 నిజమె, వాండ్రు దూతారిజ్ సాయం కివెన్. గాని అబ్రాహము* తెగ్గాది వరిజ్ సాయం కిజినాన్.

17 దిన్ని వందిజ్, వాండ్రు ఎల్లగాతిబా వన్ని తంబెరిజ లెకెండ అదెజ్ వలె. ఎందనిజ్ ఇహిజ, వాండ్రు నండో కనికారం మని, నమ్మిదెజ్ తగ్గి పెరి పుజెరి ఇజి, దేవుణుదిజ్ సేవ కిదిజ్ మరి, లోకురి పాపముక వందిజ్ పూజ కిదిజ్.

18 వాండ్రె పరినిజ్ కిబె ఆజి, బాదెజ్ ఆతాన్. అందెజి పరినిజ్ కిబె ఆని వరిజ్ సాయం కిదిజ్ అట్టాన్.

* 1:12 1:12 కీర్తన 102:25-27. * 1:13 1:13 కీర్తన 110:1. * 2:8 2:8 కీర్తన 8:4-6. * 2:12 2:12 కీర్తన 22:22. * 2:13 2:13 యెసయ 8:17. * 2:13 2:13 యెసయ 8:18. * 2:16 2:16 అబ్రాహము తెగ్గాదికార ఇజి వెప్పొని దేవుణు లోకుర్ వందిజె.

3

యేసు మోసె మున్ను పెరికాన్.

1 అందెజె దేవుణు వందిజ్ కేట ఆతి, దేవుణు కూకె ఆతి తంబెరిజాండె, యేసుప్రబుజ్ ఎత్తు కిదు. వాండ్రె, దేవుణు పోక్తి అపొస్తూడుః ఇజి, విజెరి పుజెరిజ మున్ను, పెరి పుజెరి ఇజి, మాటు నమ్మిజ ఒప్పకొడిజెనాట్.

2 దేవుణు కుటుమది వరిజ్ విజెరిజ్ మోసె నమ్మకమదాన్ సేవ కితి లెకెండె, విండ్రుబా వన్నిజ్ పణి ఒపజెప్పి దేవుణుదిజ్ నమ్మకమదాన్ సేవ కిత్తాన్.

3 ఉండ్రె ఇల్లుదిజ్ ఇంక ఇల్లు తోహిస్తె వన్నిజె గొప్ప గనం వానాద్. అయాలెకెండె, మోసె ఇంక యేసునె గొప్ప గనమదిజ్ తగ్గికాన్.

4 నిజమె, విజు ఇల్లుబా, ఎయెండ్రె ఒరెన్ తోహిస్తె. గాని విజు తోహిక్రాన్ దేవుణునె.

5 దేవుణు కుటుమది వరిజ్ విజెరిజ్, ఒరెన్ సేవమపణిమణిని వజ మోసె నమ్మిదెజ్ తగ్గికాన్ అతాన్. వాని కాలమదు దేవుణు వెప్తాజ్ మనికెజ్ వాండ్రు వెప్తాన్.

6 గాని దేవుణు కుటుమది వరి మున్ను, అతికారం మని మరిన్ వజ, క్రీస్తు నమ్మిదెజ్ తగ్గికాన్. మాటు దయరమదాన్ నిల్పి, మాటు ఎత్తు నుడిజెని అనదిజ్ డీసెంండె గటిజ అసినె మహిజ, మాటు వన్ని కుటుమదికాట్.

నమ్మిజతి వందిజ్ సారిసి సారిసి వెహ్నినక.

7-8 అందెజె, దేవుణు అత్తు లఃహు వెహ్నిని లెకెండె, “నేండ్రు మీరు దేవుణు వెహ్నినిక వెహిజ, అయా దినమదు బీడిఃమ్ బూమిదు దేవుణుదిజ్ లోజెదెజ్ కెజత్తి వలె, వన్నిజ్ పరిస కితివలె, మీ మున్నుజ్ గర్ర ఆతి లెకెండె గర్ర కిమాట్.

9 అబె, నాలవయి వంటెజ్ నాను కితి గొప్ప బమ్మ ఆతి పణిజ్ నుడిఃతిజ్బా, మీ అనిగగర్ నజె పరిస కిజి నజె లోజెదెజ్ కెవెతార్.

10 అందెజె నాను అయా తరమది లోకుర్ వెట కోపం అతానె వెప్తా. “ఎస్తివలెబా పరి మున్ను నా బాణిజ్ దూరం అజినాద్, నాను వెహ్నినికెజ్ వారు వెన్ఎర్”, ఇజి.

11 అందెజె నాను నండొ కోపం అజి ఉండ్రె ఒట్టు కిత, ‘వారు ఎనెజ్బా నా డగ్రు వాజి నా వెట రోమ్బెఎర్లె’,* ఇజి.

12 తంబెరిజాండె, మీ లోజ ఎయెన్ వన్నిజ్బా, బత్కిజిని దేవుణు బాణిజ్ దూరం కిబిన్ని నమకం నిలి, నెజ మున్ను మనెండె జాగర్ర నుడిఃదు.

13 గాని, విజు దినమకాజ్ మీరు ఒరెన్ మరి ఒరెన్ వన్నిజ్ బుద్ది వెహ్ని, ఆదరిన్ మండ్రెజ్ వలె. ‘నేండ్రు’ ఇజి వెహ్ని దినం విజు, అయాలెకెండె కిజి మండ్రెజ్ వలె. ఎండనిజ్ ఇహిజ, మీ లోజ ఎయెన్బా పాపమదాన్ మొసెం అజి, మున్ను గటి అవిండె మంజిని వందిజ్ ఆదరిన్ మండ్రెజ్ వలె.

14 మాటు, క్రీస్తుజ్ తోలిత నమకం ఇట్టివలె వన్నిజ్ నమ్మిత్తి లెకెండె, ఆకర్దాక డటం నమకమదాన్ మహిజనె, మాటు క్రీస్తు వెట జత కూడిఃతి మనికాట్.

15 దేవుణు మాటదు ముజాలె వెహ్నిని లెకెండె, “నేండ్రు, మీరు దేవుణు వెహ్నినిక వెహిజ, దేవుణుదిజ్ లోజెదెజ్ కెజత్తి వలె మీ మున్ను గర్ర ఆతిలెకెండె గర్ర కిమాట్”.*

16 దేవుణు వెహ్నినిక వెంజి, వన్నిజ్ లోజెదెజ్ కెజతికార్ ఎయెర్? ఎయెర్ ఇహిజ, అయగుప్తు దేనమదాన్ మోసె డిఃస్సిని, నడిఃపిన్ తతి లోకుర్ విజెరి గదె.

17 ఎయెర్ వెట దేవుణు నలవయి వంటెజ్ కోపం దాన్మహాన్? పాపం కిజి, బీడిఃమ్ బూమిదు సాతి వరివెట గదె కోపమదాన్ మహాన్.

18 “వారు ఎనెజ్బా నా డగ్రు వాజి నా వెట రోమ్బెఎర్లె”, ఇజి దేవుణు ప్రమానం కితివలె ఎయెర్ వందిజ్ వెప్తాన్? వాండ్రు వెహ్నికెజ్ వెన్ఇతి వరి వందిజ్ గదె వెప్తాన్.

19 అందెజె, వారు నమ్మిజతిజ్నె, దేవుణు డగ్రు సొన్ని రోమ్బిదెజ్ అట్వెతార్ ఇజి మాటు నెస్సాట్.

4

దేవుణు లోకురిజ్ రోమ్బిదెజ్ సిత మనాన్

1 దేవుణు డగ్రు సొన్ని వన్ని వెట రోమ్బిదెజ్ అట్నాద్ ఇజి వాండ్రు కితి ఒట్టు ఏలుబా మనాద్. అందెజె, మీ లోజ ఎయెన్ వన్నిజ్బా అయా ఒట్టు కితిక తప్పి సానెండె మండ్రెజ్, మాటు జాగర్ర మంజినాట్.

2 ఎండనిజ్ ఇహిజ, బీడిఃమ్ బూమిదు నడిఃతికార్ వెహిలెకెండెనె మాటుబా నువార్ వెహ మనాట్. గాని వారు వెహి మని దేవుణు మాట, వరిజ్ ఎండనిజ్ పణిదెజ్ రెవెతాద్. ఎండనిజ్ ఇహిజ, వారు అయా మాట నమ్మివెతార్.

3 ఏలు అయొక నమ్మిత్తి మాటు, దేవుణు డగ్రు సొన్ని వన్నివెట రోమ్బిజినాట్. యొక, వాండ్రు వెహ్ని లెకెండెనె మనాద్. “అందెజె, నాను నండొ కోపం అజి ఉండ్రె ప్రమానం కిత. ‘వారు ఎనెజ్బా నా డగ్రు వాజి రోమ్బెఎర్లె”, ఇజి. దేవుణు లోకం తయార్ కితి వలెహి అని, వన్ని డగ్రు సొన్ని మాటు వన్నివెట రోమ్బిదెజ్ వాండ్రు మా వందిజ్ తయార్ కితండ్రె మనాన్. గాని వాండ్రు అపా వెప్తాన్.

4 ఎండనిజ్ ఇహిజ, దేవుణు మాటదు ఎంబెన్ ఏడు దినం వందిజ్ వెహ్నినాద్. “దేవుణు విజు పణిజ్ పూర్తి కితండ్రె, ఏడు దినమదు రొబితాన్”, ఇజి.

5 మరి, ముజాలె వెహ్నిని మాటదు వెహ్నినాద్, “వారు ఎనెజ్బా నా డగ్రు వాజి రోమ్బెఎర్లె”,* ఇజి.

* 3:11 3:11 కిర్న 95:7-11. * 3:15 3:15 కిర్న 95:7,8. * 4:5 4:5 కిర్న 95:11.

6 ముజాల సువార్ల వెహీ మనికార్, దేవుణు డగ్రు సొన్ని వన్నివెట రోమ్బెవెర్లె. ఎండనిజ్ ఇహిజ, వారు నమ్మిఎత్తార్. గాని, దేవుణు డగ్రు సొన్ని వన్ని వెట రోమ్బెదెజ్ మహీ సెగెండార్ మనార్.

7 అందెజె, దేవుణు, వన్ని డగ్రు సొన్ని వన్ని వెట రోమ్బెదెజ్ మరి ఉండ్రి రోహి ఇట్టాండ్రి, “నేండ్రు”, ఇజి కుకూన్, దిన్నివందిజ్, నండ్రి కాలం వెనుక దావీదు వెట వెహీప్పిన్ వలె, ముజాలె వెహ్తా అయ్యా మాటనె వెహీప్పిన్. “నేండ్రు మీరు దేవుణు వెహ్పినిక వెహిజ, మీ మన్ను గర్ల కిమాట్”,* ఇజి.

8 దేవుణు డగ్రు సొన్ని వన్నివెట రోమ్బెదెజ్, యెహ్సూసు వరిజ్ నడిపిసి మంజిని కిహిజ, మరి ఉండ్రి రోమ్బెని దిను వందిజ్ దేవుణు వెనుక వెహీఎండ మహీన్ మరి.

9 అందెజె దేవుణు ఏడు దినమేదు రోమ్బెతిలెకెండ, లోకుర్బా రోమ్బెదెజ్ ఇజి వాండ్రు నిత మనన్.

10 ఎండనిజ్ ఇహిజ, దేవుణు డగ్రు సొన్ని వన్ని వెట రోమ్బెని ఎయెనబా, దేవుణు వన్ని పణిజ్ వీస్తాండ్రి రోమ్బెతిలె కెండ, వాండ్రుబా వన్ని పణిజ్ వీస్తాండ్రి రోమ్బెతిలెనాన్.

11 అందెజె, దేవుణు డగ్రు సొన్ని వన్నివెట రోమ్బెదెజ్ మాటు నండ్రి కన్టబడిజెనాన్. ఎండనిజ్ ఇహిజ, ఇస్తాయేలు లోకుర్ దేవుణుదిజ్ లోజీఎండ అర్లికెండ ఎయెనబా అరీఎండ మండ్రిజ్.

12 ఎండనిజ్ ఇహిజ, దేవుణు మాట పాణం మనిక. నండ్రి సత్తు మనిక. రుండి దరోట్ తెప్పగు మని ఎలాగ మర్తి కుర్లదిజ్ ఇంక ఒదె తెప్పగు మనిక. దేవుణు మాట, లోఇ డుగ్గిజ మన్నుదిజ్ గర్లుమదిజ్ ఎర్లిసి డూగ్గు సొనాన్. అత్తుజ, ముల్వెజి ఎర్లిసినాన్. అలోననమకాజ్, మన్నుదు మని ఉదెనమకాజ్ పరిక్క కినాన్.

13 తయార్ అతి ఇనికబా దేవుణు బాణిజ్ డవె అదెజ్ అటేఉ. విజు వన్ని కణెకెజి ఎర్లు టిటాజ్ తోర్జెనె, డాజీఎండ తోర్జెనె వన్నిజె, మాటు కితి విజు పన్నా వందిజ్ లెక ఒపజెప్పెజ్ మనాన్.

యేసునె విజు పుజెరిజి మున్ను గొప్ప వెరి పుజెరి.

14 అందెజె, మాటు డటు వెహ్పిని నమకం డిజిఎండ అసి మంజినాట్. ఎండనిజ్ ఇహిజ, ఆగాసుం డాట్టి, దేవుణు డగ్రు సొహీ విజెరి పుజెరిజి మున్ను. మని పెరి పుజెరి ఒరెన్ మజి మనన్. వాండ్రు దేవుణు మరిసి అతి యేసు.

15 మా విజెరి పుజెరిజి మున్ను. మని పెరి పుజెరి, మజి మని తకుజి విజు నెన్ఇకాన్ అవెన్. గాని మజి వాజిని విజు రకమకాజి పరిసెజ్, వన్నిజెబా వాతె. గాని వాండ్రు పాపం కిఎత్తాన్.

16 అందెజె నండ్రి దయా దర్లు తోరిసిని దేవుణు బన్ని సిమననం డగ్రు మాటు తియెల్ సిల్లెండ దయెర్మదాన్ సొనాట్. అబె వన్ని కనికారం మజి దోహానాన్. మజి అవనరం మనివలె మజి సాయం కిదెజ్ వన్ని దయా దర్లు దోహానాన్.

5

1 విజెరి పుజెరిజి మున్ను. మని పెరి పుజెరిజిబా వరి లోకుర్ నడిపిహానె దేవుణు ఎర్లిస్తాండ్రి, లోకుర్ వందిజ్ దేవుణుదిజ్ సేవ కిదెజ్, వాండ్రు ఏర్పాటు కినాన్. ఎండనిజ్ ఇహిజ, వారు లోకురి దేవుణుదిజ్ సీదెజ్.

2 విజెరి పుజెరిజి మున్ను. మని పెరి పూజెరి, నెన్ఎండ తప్ప కినివరిజ్, సరి తప్పి సొని వరిజ్ సారలి తోరిస్తెజ్ అట్టాన్. ఎండనిజ్ ఇహిజ, వరిజ్ మని తకుజి వన్నిజెబా మన్నె.

3 దిన్ని వందిజె, లోకురి పాపమక వందిజె అపండ, వన్ని సొంత పాపమక వందిజెబా, వాండ్రు పూజెజ్ సీదెజ్ మనాన్.

4 ఎయెనబా వన్నిజ్ వాండ్రి, విజు పుజెరిజి మున్ను. మని పెరి పూజెరి ఇని పెరి గనం తపె అవెన్. అహారోసుజ్ విజెరి పుజెరిజి మున్ను. మని పెరి పూజెరి ఇజి దేవుణు ఏర్పాటు కితి లెకెండ, దేవుణునె వన్నిజ్ ఏర్పాటు కిదెజ్ వలె.

5 అయాలెకెండ, క్రీస్తుబా వన్నిజ్ వాండ్రి విజెరి పుజెరిజి మున్ను. మని పెరి పుజెరి ఇని యా పెరి గనం తపె అత్తాన్. గాని విజెరి పుజెరిజి మున్ను. మని పెరి పుజెరి ఇజి వన్నిజ్ ఏర్పాటు కితి దేవుణు వన్నిజ్ వెహ్తాన్. “నీను నా మరిన్. నేండ్రు నాను నీ బుట్టు అత మన”, ఇజి.

6 మరి, ఎంబెనోబా దేవుణు వెహ్పినాన్, “మెల్కిసెదెక్ మహీ లెకెండ, నీను ఎల్లకాలం మని ఒరెన్ పుజెరి”, ఇజి.

7 యేసు బూమిదు మహీవలె, వన్నిజ్ సాపుదాన్ తపిస్తెజ్ అట్టి దేవుణుదిజ్ డటు అడబాజి, కజెరి వాక్కి పార్లనం కిత్తాన్. వన్ని మెుర్ దేవుణు వెహ్సాన్ ఎండనిజ్ ఇహిజ వాండ్రు తియెల్దాన్ తగె అత మహీన్.

8 వాండ్రు దేవుణు మరిసి అతిజెబా, వన్నిజ్ వాతి న్రమెజాణిజ్ దేవుణుదిజ్ లోజిదెజ్ వాండ్రు నెస్తాన్.

9 దేవుణు వన్నిజ్ పూర్తి కితివలె, వన్నిజ్ లోజిని వరిజ్ విజెరిజ్ రక్కిప్పికాన్ అత్తాన్.

10 మెల్కిసెదెక్ మహీ లెకెండ, విజెరి పుజెరిజి మున్ను. మని పెరి పుజెరి ఇజి దేవుణు వన్నిజ్ ఏర్పాటు కిత్తాన్.

నమకమదాన్ అరీఎండ జాగర్ల నుడెదెజ్.

11 దిన్ని వందిజ్ మరి నండ్రి వెహ్తాజ్ మజి మన్నె గాని, మీరు నిపాతిసె అర్లం కిజినిదెర్. అందెజె నండ్రి వెహ్తాజ్ కన్టం అజినాన్.

12 మీరు దేవుణుదిజ్ నమ్మిజి నండ్రి పంటిజ్ అజినాన్. ఏలు మహీ వరిజ్ బోద్నిజెజ్ మనికిదెర్ మీరు. గాని, దేవుణు మాటదు తోత నెన్జెజ్ మని నిజమాతి నజతిజ్ మరిబా నెన్నిస్తెజ్ ఎయెనబా నెన్పిన్నాన్ మండ్రిజ్ వలె. పాలు ఉణిజిని లేత కొడోర్ లెకెండ మీరు మనిదెర్. బోజనం ఉండెజ్ అటేఇకిదెర్.

13 పాలు ఉణికాన్ ఎయెనబా లేత కొడోజె. నిజమాతికెజ్ ఇనికెజ్ ఇజి నెన్పిసిని బోద్ నెన్ఎన్.

14 గాని పెరి వరిజె బోజనం మనాన్. నెగ్గికెజ్, సెఇకెజ్ తేడ నెసి, నెగ్గికెజ్ కిదెజ్ నెన్మనికారం వారు.

6

1 అందెజె, క్రీస్తు వందిజ్ తోతె నెన్సి మహీ బోదెజె నెసి నె మన్ఇండ, మరి పెరి మాటెజ్బా నెసి పిరినాట్. సాపుదు నడిపిసిని సెఇ పణిజ్ ఒప్పుకొడిజి డిసి సిజి, దేవుణు మున్ను. నమకం ఇడెదెజ్ ఇజి మరి మరి వెహ్పిని మన్మాట్.

* 4:7 4:7 క్రిస్ట 95:7,8.

² బాప్తిసం లాగి అని దని వందిజ్, కికు ఇడ్డి దని వందిజ్, లోకుర్ సాచుదాన్ మరజి నిజ్ని దని వందిజ్, ఆకారదు దేవుణు సీని లిర్పు వందిజ్ మరి మరి వెస్పానె మనమాల్.

³ దేవుణుదిజ్ ఇస్టం ఇహిజ, మరి లాపు నెసి పిరినాట్.

⁴⁻⁶ ఉండ్రీ కాలముదు దేవుణు జాయదు మహికార్, పరలోకముది ఇనాయం వందిజ్ బాగ నెస్తి మనికార్, దేవుణు అత్త మెట కూడితికార్, దేవుణు మాట నెగ్గి ఇజ నెస్తికార్ క్రీస్తు మరజి వానివలె నమ్మిత్తి లోకురిజ్ నస్తివలె మంజిని పెరి సత్తు వందిజ్ నెస్తికార్, వారు దేవుణు బాణిజ్ దూరం అతిజ, మరి పాపముకు ఒప్పుకోడిజిని వరిజ్ మరజి తతెజ్ అట్వెద్. ఎందనిజ్ ఇహిజ, వారు దేవుణు మరినిజ్ మరి ఉండ్రీ సుటుబా సీలువారు కుటిజాణిజ్ డెయెజ, విజెరె ఎద్దు సిగు కిబిస్సార్.

⁷ నిన్ని వరిజ్ పణిదిజ్ రెజ బూమిదిజ్, పోలిస్సెజ్ అనాద్. ఎందనిజ్ ఇహిజ, ఎనెజ్ ఎనెజ్ అరసిని పిరుదాన్ ఊడ్చి బూమిదు, వంట పండిసిని వన్నిజ్ పణిదిజ్ వానిలెకెండ్ బూమి వంట పండిసి సీనాద్. అయా బూమిదిజ్ దేవుణు దీవిస్సాన్.

⁸ గాని అటెజ్ సాచ్చుజ్ పండిసిని బూమి పణిదిజ్ రెవెద్. దేవుణు దనిజ్ తవ్వెండ్ సాయిపు సీనాన్ కడెవేరిదు సినుదాన్ నాననం మనాద్.

⁹ గాని తంబెరిజాండ్, మాపు యా లెకెండ్ వెస్పాజ్ బా, మీరు అయాలెకెండ్ అజదెర్, ఇజ మాపు పూర్తి నమ్మిజనావ్. క్రీస్తు ముస్సు, నమకం ఇడెజ రక్కుణదు వాతి లోకుర్ కిని నెగ్గి పణిజె, మీరుబా కిజినిదెర్ ఇజ మాపు పూర్తి నెసినావ్.

¹⁰ దేవుణు అనెయం కినికాన్ అవెన్. మీరు వన్ని వందిజ్ కితి పణిజ్, వన్ని లోకురిజ్ సాయం కిజ, మరి మరి సాయం కిజ వన్నిజ్ తోరిసిని ప్రేమ వాండ్రు పోన్వెన్.

¹¹ మీ లోఇ విజెదెర్ బా, యా లెకెండ్ కడెవేరిదాక మండ్రెజ్ ఇజ మాపు ఆన అజనావ్. ఎందనిజ్ ఇహిజ, మీరు ఆన అజనికెజ్ విజా తవ్వెండ్ పూర్తి అదెజ్

¹² మీరు బండెజ్ అదెజ్ ఇజ మాపు కోరివెవ్. గాని దేవుణు ముస్సు, మని నమ్మకముదాన్, కస్టముకు ఒరిసినిదనితాన్ దేవుణు సీన ఇజ ఒట్టు కితికెజ్ దోహొక్కి పరిలెకెండ్ మీరు అదెజ్ ఇజ కోరిజనావ్.

దేవుణు అబ్రాహముజ్ కితి ఒట్టు

¹³ దేవుణు అబ్రాహముజ్ నెగ్గికెజ్ కిన్ ఇజ ఒట్టు కిత్తాన్. కితివలె వన్ని ముస్సు ఎయెనిబా పెరికాన్ సీలితిజ్, వాండ్రు వన్నిజె, తోడు ఇడ్డె: అజ అబ్రాహముజ్ ఒట్టు కిత్తాన్.

¹⁴ వాండ్రు వెహొన్, "నాను నిజి తవ్వెండ్ దీవిసి, నిజి నండొ తెగ్గది వరిజ్ సీన్",* ఇజ.

¹⁵ అబ్రాహము ఒరిసి కావ్ కిజ మహొన్. అందెజె దేవుణు సీన ఇజ ఒట్టు కితిక వన్నిజ్ దోహొక్కాద్.

¹⁶ లోకుర్ ఒట్టు కినివలె వరిజ్ ఇంక పెరి వరిజ్, వాండ్రె నజి తోడు: ఇజ వెస్పా ఒట్టు కినార్. వరి నడిమి మని గొడుబెజ్ విజా ఉండ్రీ ఒట్టుదాన్ సారలి అనె.

¹⁷ దేవుణు, వాండ్రు ఒట్టు కితిక దోహొక్కెజ్ అక్కు మని వరిజ్, వన్ని ఉదెసం వాండ్రు కండెకెబా మారిన్వెన్, ఇజ వరిజ్ టెటాజ్ నెన్పిసిని వందిజ్, వాండ్రు వన్నిజె తోడు: ఇడ్డె: అజ ఒట్టు కిత్తాన్.

¹⁸ అందెజె దేవుణు మజి వన్ని ఒట్టు సిత మనాన్. వన్నిజె తోడు: ఇడ్డె: అజ సిత మనాన్. యా రుండి నజలిజ్ మార్ఉ. ఎందనిజ్ ఇహిజ, దేవుణు అబద్దం వర్గిదెజ్ అట్వెన్. అందెజె, దేవుణుని నా గతి ఇజ నమకం ఇడ్డి మజి, మా ఎద్దు ఇడ్డి మని ఆనదిజ్ డిసేండ్ అస్సెజ్ దయ్యెరం మంజనాద్.

¹⁹ మా పాణం ఇతల్ అతాల్ కద్దివెండ్, నెగెండ్ నిల్తెజ్ యా ఎద్దు సూణి ఆననె ఉండ్రీ కన్నా లెకెండ్ మనాద్. తెర వెన్యా మని దేవుణు వందిజ్ ఒదె కేట అతి గదిదు అయాక ఒనాద్.

²⁰ యేసు మా వందిజ్ మజి ఇంక ముజాలె అబె సాహాన్. మెల్కినెదికు మహివజ, వాండ్రు ఎలాకాలం ఒరెన్ విజెరె పుజెరిజ ముస్సు, మని పెరి పుజెరి అత మనాన్.

7

పుజెరి అతి మెల్కినెదికు

¹ యా మెల్కినెదిక్ సాలెం పట్టుమది రాజు. విజా దని ముస్సు అతికారం మని దేవుణు పుజెరి. నండొ రాజారి ముస్సు విదెం కిజ గెలసి, అబ్రాహము వన్ని ఇండ్రో మరజి వాజి మహివలె, మెల్కినెదిక్ వన్నిజ్ దనూల్ అతండ్రె, దీవిస్సాన్.

² అయావలె అబ్రాహము, వాండ్రు ఉద్దం కిజ గెలసి దోహొక్కి విజా వన్యాజ్ లోఇ మెల్కినెదికుజ్ దనంబాగం సితాన్. వన్ని పేరు తొలిత అర్దం ఇనిక ఇహిజ, నీతి నిజాయతిదాన్ ఏలుబడి: కిని రాజు. మరి ఉండ్రీ అర్దం ఇనిక ఇహిజ నమాదనముదాన్ ఏలుబడి: కిని రాజు ఇజ. ఎందనిజ్ ఇహిజ, వాండ్రు సాలెం పట్టుమది రాజు. సాలెం ఇహిజ నమాదనం.

³ వన్ని అయెని అప్పాసి వందిజ్నో, వన్ని అనిగోగోర్ వందిజ్నో గుర్దు ఇనికెజ్ సీలు. వన్ని పుడుగు వందిజ్నో, పాపు వందిజ్నో తెలివెద్. వాండ్రు దేవుణు మరిని లెకెండ్ ఎల్లకాలం ఒరెన్ పుజెరి.

⁴ యా మెల్కినెదికు ఎసా పెరికాన్ ఇజ ఎత్తు కిదు. దేవుణు ఏర్పాటు కితి లోకుర్ లోఇ గొప్పు పెరి అనిగోగో అతి అబ్రాహము, విదెముదు గెలసి వన్నిజ్ దోహొక్కి విజా వన్యాజ్ లోఇ వన్నిజ్ దనంబాగం సితాన్.

⁵ మోస సీతి రూలు వజ, లేవి తెగ్గదు పుట్టి పుజెరిజా అతికార్, ఇస్రాయలు లోకుర్ బాణిజ్ దనంబాగం లోసినార్. ఇహిజ వారు వరి సొంత లోకుర్ బాణిజ్ లోసినార్. యా పుజెరిబుజా, అబ్రాహము తెగ్గదు పుట్టికార్ అతిజ్ బా వరి సొంత లోకుర్ బాణిజ్ దనంబాగం లోసినార్.

⁶ మెల్కినెదికు లేవి తెగ్గదు పుట్టికాన్ అవెన్. గాని వాండ్రు అబ్రాహము బాణిజ్ దనంబాగం లోస్తాండ్రె, దేవుణు సీతి ఒట్టుజ్ మని అబ్రాహముజ్, దీవిస్సాన్.

* 6:14 6:14 అది 22:17.

7 దీవిన్నకాండ్రె, దీవన లోన అని వన్నిజ్ ఇంక పెరికాన్ ఇని మాట అనుమానం సిలికాదె.

8 యూదుల పుజెరిజ సుడేతిజ, సాజిసానికార దనంబాగం లోనిసార. గాని మెల్కిసెదెకుజ్ సుడేతిజ, దనంబాగం లోన అనికాన్ బత్తిజినాన్ ఇజని దేవుణు మాట వెప్పినాద్.

9 అపొజ, దనంబాగం లోనిసి లేవి తెగ్గడు పుట్టికార్, మెల్కిసెదెకుజ్ దనంబాగం సితార్. వరి అనిగోగ్ అతి అబ్రాహము సిలిదనితాన్ వారు సితార్ ఇజి ఒరెన్ వన్నిజ్ వెహ్జబా అనాద్.

10 ఎందనిజ్ ఇపొజ, మెల్కిసెదెకు అబ్రాహముజ్ సుడేతివలె, లేవి పుట్టెండ్రె. వాండ్రు అబ్రాహము పొటాదెన్ నస్సవలె మహన్.

మెల్కిసెదెకు లెకెండ్రె యేసు ఒరెన్ పుజెరి

11 దేవుణు మెనె వెట మజి రూలుజ్ సిత మనాన్. అయా రూలుజ్ వజ, లేవి తెగ్గడు పుట్టికార్ పుజెరిజు అదెజ్ వలె. ఏలు, లేవి తెగ్గడు మని పుజెరిజు ఇపొజ అరోసు కుటుమదికార్ దేవుణు ఎత్తు కితి ఉపదేనముకు పూర్తి కిదెజ్ అట్టార్ ఇపొజ, మరి ఒరెన్ పుజెరి వాదిజ్ అవనరం సిలెతాద్ మరి. అహరోసు కుటుమదు మనికాన్ అవిండ, మెల్కిసెదెకు మహి లెకెండ్రె ఒరెన్ వన్నిజ్ పోక్తెజ్ అవనరం సిల్లెద్.

12 పుజెరిజు యా లెకెండ్రె మారతిజ, మోసె సిత రూలుజ్బా మారదెజ్ వలె.

13 ఎయె వందిజ్ మాటు వెప్పినాటో, వాండ్రు మరి ఉండ్రె తెగ్గడు మనికాన్. అయా తెగ్గడు మనికార్ ఎయెరిబా పుజెరి వజ, మాలి పీటదు ముజాలె సేవ పణి కివె. యా నజతిజ్, మా ప్రజు వందిజె వెహ్జా మన్నె.

14 వాండ్రు యూద తెగ్గడు పుట్టికాండ్రె ఇజి టెటాజ్ నెనినాట్. పుజెరిజ వందిజ్ మోసె వెహ్జావలె, యూద తెగ్గ వందిజ్ ఇనికబా వెహ్జావలె.

15 మెల్కిసెదెకు పుజెరి మహివజ, మరి ఒరెన్ పుజెరి వాత మనాన్. అందెజె, మాటు వెహ్జాక మరి ఒదె టెటాజ్ అర్దం అజినాద్.

16 లేవి తెగ్గడు మనికాండ్రె పుజెరి అదెజ్ ఇని రూలు వాండ్రు పూర్తి కివిండ పుజెరి అతాన్. గాని నాననం కిదెజ్ అట్జె, బత్తిజిని సత్తుదానెనె పుజెరి అతాన్.

17 ఎందనిజ్ ఇపొజ “మెల్కిసెదెకు మని లెకెండ్రె, నీసు ఎలాకాలం ఒరెన్ పుజెరి”,* ఇజి దేవుణు మాటు క్రీస్తు వందిజ్ వెప్పినాద్.

18 అందెజె, పుజెరిజ వందిజ్ మని పడాఱయి రూలుదిజ్ విలువ సిల్లెద్. ఎందనిజ్ ఇపొజ దనిజ్ సత్తు సిల్లెతాద్. పణిదిజ్ రవెతాద్.

19 ఎందనిజ్ ఇపొజ, మోసె సిత రూలుజ్, ఇని దనిజ్బా పూర్తి కిఉతె. ఏలు మాటు ఎత్తు సుడేతిక మోసె సిత రూలుజ్ కితి ఒటుదిజ్ ఇంక నెగెద్. అయా ఒట్టుదాన్ దేవుణు డగ్గు సొండ్రెజ్ అట్టాట్.

20 క్రీస్తు ఎలాకాలం మని ఒరెన్ పుజెరి ఇజి దేవుణు ఒట్టు కిత్తాన్. గాని మరి ఎమేణి పుజెరిజబా దేవుణు యా లెకెండ్రె ఒట్టు కివెతాన్.

21 దేవుణు యేసుజ్ నె వెహ్జాన్, “ప్రజు ఉండ్రె ప్రమాణం కిత మనాన్. అయాక ఎనిజ్బా తవ్ ఎవె. ‘నీసు ఎలాకాలం మని ఒరెన్ పుజెరి’”,** ఇజి.

22 దేవుణు యా లెకెండ్రె ఒట్టు కతాన్. అందెజె, యాక ఉండ్రె నెగ్గి ఒప్పమానం ఇజి తవ్ ఎండ నిజం కినికాన్ యేసునె.

23 పడాఱయి అలవాటు వజ నండొండార్ పుజెరిజు మహార్. ఒరెన్ సాతిజ, మరి ఒరెన్ వన్ని పణి కిసాన్.

24 గాని యేసు ఎలాకాలం మని ఒరెన్ పుజెరి. ఎందనిజ్ ఇపొజ, వాండ్రు ఎలాకాలం బత్తిజినాన్.

25 అందెజె వాండ్రు, ఏలు మరి ఎలాకాలం వన్ని వెట దేవుణు డగ్గు సొని వరిజ్ రక్సిన్జెజ్ వాండ్రు అట్టాన్. ఎందనిజ్ ఇపొజ, వరి వందిజ్ దేవుణుదిజ్ బతిమాల్ దెజ్ వాండ్రు ఎల్లకాలం బత్తిజినాన్.

26 అందెజె, మా అవనరముకు తిరిసిని విజు పుజెరిజ మున్ను మని పెరి పుజెరి యేసునె. వాండ్రు ఇని పాపం సిలికాన్, నింద సిలికాన్, ఇని తప్ప సిలికాన్, పాపం కిని వరిబాణిజ్ కేట అతికాన్. వన్నిజె పరలోకముదు గొప్ప పెరి గవరం సిత మనాన్.

27 మహి పెరి పుజెరిజు లెకెండ్రె, వాండ్రు రోజు పూజెజ్ సీదెజ్ అవనరం సిల్లెద్. ముజాలె వన్ని పాపముక వందిజ్, వెనుక లోకురి పాపముక వందిజ్ పూజెజ్ సీదెజ్ అవనరం సిల్లెద్. వన్నిజ్ వాండ్రె సిలువాదు ఒపజెప్పి వలె, వరి పాపముక వందిజ్, ఎలాకాలం వందిజ్ ఉండ్రె సుటు పూజ సితాన్.

28 మోసె సిత రూలు వజ ఏర్పాటు అతి విజెరి పుజెరిజ మున్ను మని పెరి పుజెరిజు పూర్తి అఇకార్. గాని మోసె సిత రూలుజ్ వెనుక, దేవుణు ఒట్టు కిత్తాన్. అయా ఒట్టు వజ మరిసి విజెరి పుజెరిజ మున్ను మని పెరి పుజెరి ఇజి ఏర్పాటు అతాన్. దేవుణు వన్నిజ్ ఎలాకాలం పూర్తి అతికాన్ కిత్తాన్.

8

యేసునె పుజెరిజ మున్ను మన్ని మా పెరి పుజెరి.

1 మాపు వెప్పినె నజతిజ లోఇ ముకెలపాతి మాట యాకదె. అయాక ఇనిక ఇవెపొజ వరలోకముదు గొప్ప పెరి దేవుణు బసిని సమాననం ఉణెర్ పడాకాదు, గొప్ప బస్సిమని ఒరెన్ విజెరి పుజెరిజ మున్ను మని పెరి పుజెరి మజి మనాన్.

2 వాండ్రు దేవుణు వందిజ్ ఒదె కేట కితి గదిదు విజు పుజెరిజ మున్ను మని పెరి పుజెరి వజ సేవ కిజినాన్. ఇపొజ, ప్రజునె తయారె కిజి ఇడ్డి నిజమాతి గుడారముదు సేవ కిజినాన్. లోకుర్ తయారె కితి గుడారముదు అవిద్ సేవ కిజినిక.

3 విజెరి పుజెరిజ మున్ను మని పెరి పుజెరిజబా, నండో రకముకాణి పూజెజ్ దేవుణుదిజ్ సీదెజ్ ఏర్పాటు అత మనార్. అందెజె, విజెరి పుజెరిజ మున్ను మని యా పెరి పుజెరిబా ఇనికబా ఉండ్రె పూజ సీదెజ్ వలె.

* 7:17 7:17 కీర్తన 110:4. * 7:21 7:21 కీర్తన 110:4.

4 వాండ్లు యా లోకముదుని మంజునిక ఇహిజు వాండ్లు ఒరెన్ పుజెరిబా ఆతాన్మరి. ఎండనిజ్ ఇహిజు, మోసె సితీ రూలుజ్ వజు పూజెజ్ సీని నండొ పుజెరిబు మనార్.

5 వారు సేవ కిజిని గుడారం, పరలోకముదు మని నిజమాతి గుడారముది ఉండ్రీ రూపునె, నీడణె. నని బానె వారు సేవ కిజినార్. అందెజె, మోసె గుడారం తయార కిదెజ్ మొదొల్సేవలె దేవుణు డుం వెప్తాన్, “నిజో గొరొతు తోరిస్తి రూపు వజనె విజు తయార కిదెజ్ జాప్రత సుడొడెజ్వలె”, ఇజె.

6 గాని ఏలు, దేవుణుదిజ్ లోకుర నడిమి యేను ఏరీపాటు కితి ఒపుమానమేనె గొప్పు నెగ్గిక. అయాలెకెండె, మహి పుజెరిజు వణి ఇంక, యేసుజ్ దొహక్తి మని పుజెరి వణిని గొప్పు నెగ్గిక. ఎండనిజ్ ఇహిజు, నెగ్గ సుజతిజ్ సీనె ఇజి కితి ఒబుదిజ్ ఆదారం ఇడొజిని యేను అయో ఒపుమానం ఏరీపాటు కిత్తాన్.

7 మొదొహి ఒపుమానం, ఇని తపు సెలిక ఆనిక ఇహిజు, మరి ఉండ్రీ ఒపుమానమేదిజ్ అవనరం సెల్లెతాద్మరి.

8 గాని దేవుణు, లోకుర లొఇ తపు సుడొకండ్రె, వరి తప్పుజు తోరిసి, వరిజ్ ఈహు వెప్తాన్, “ప్రబు వెప్పొనాన్, ‘ఇప్రాయేలు లోకుర వెట, యూద తెగ్గాది వరి వెట నాను ఉండ్రీ కొత్త ఒపుమానం కిని కాలం వాజనాద్.

9 నాను వరి అనిసిరిజ్ అయొగుప్పు దేనెమదాన్ వరి కియు అని వెల్లె నడిపిస్తివలె వరివెట కితి ఒపుమానం లెకెండె ఆవిద్ యా ఒపుమానం. నాను వరివెట కితి ఒపుమానం వారు తప్తాన్. అందెజె, నాను వరిజ్ డొసె సిత”, ఇజె ప్రబు వెప్పొనాన్.

10 మరి ప్రబు వెప్పొనాన్, ఇప్రాయేలు లోకుర వెట నాను కిని ఒపుమానం యాకె. వాని దినమొకాజ్ వెనుక, నాను నా రూలుజ్ వరి గబమేదు ఇడ్చు. నాను వరి మనుప్పు అయొకెజ్ రాప్పు. నాను వరి దేవుణు అన. వారు నా లోకుర ఆనార్.

11 ఎయోరబా వరి పడొకది వరిజ్, వరి సొంత ఇండ్రెజి వరిజ్, “మీరు ప్రబుజ్ నెస్తు, ఇజె సీనెపిన్ఎర. ఎండనిజ్ ఇహిజు, వారు విజెరి నజి నెస్సార్. ఇజెవరి బాణిజ్ మొదొల్సే, పెరివరిదాక నజి నెస్సార్.

12 నాను, వారు కితి నెఇకెజ్ నెమిస్తు. వరి పాపమేకు నాను ఎనెజ్బా ఎత్తు కిపి”,* ఇజె.

13 యా ఒపుమానమేదిజ్, ‘కొత్త’ ఇజి దేవుణు వెప్పొ, మొదొహి ఒపుమానమేదిజ్ పడొయొక కిత్తాన్. పణిదిజ్ రజ పడొయొ ఒపుమానం బేగినె సెల్లెండ ఆనాద్.

9

కొత్త ఒప్పుమానమేది విజేరి పుజెరిజు మున్ను మన్ని పెరి పుజేరి

1 దేవుణుని వన్ని లోకుర నడిమి మహి మొదొహి ఒపుమానమేదు, దేవుణుదిజ్ పొగిడొజి మాడిసెని వందిజ్ రూలుజ్ మహా. యా బూమిదు దేవుణుదిజ్ పొగిడొజి మాడిసెనెజ్ ఉండ్రీ గుడారమహా మహాద్.

2 ఉండ్రీ గుడారం తయార కిత మనాద్. దన్నిజ్ రుండి గదిజ్ మహా. మొదొహి గదిదు దీవ డండి ఉండ్రీ, బల్ల ఉండ్రీ, మరి దేవుణు ఎర్దు ఇడ్చి లొబెజ్ మహా. యా గదిదిజ్ దేవుణు వందిజ్ కేట ఆతి గది ఇనార్.

3 (యా రుండి గదిజు నడిమి అడ్డు వజు ఉండ్రీ తెర మనాద్) తెర వెనుక మన్ని గదిదిజ్ దేవుణు వందిజ్ ఒడ్చి కేట ఆతి గది ఇనార్.

4 అబ్బె బజారమేదాన్ తయార కితి దూపం సుర్చి మాలి పెటి, ఒపుమానం కితిక ఇడ్చిమని మందనం మన్నె. మందనమేదిజ్, లొఇ వెల్లె సుటులం బజారం పూత రాస్త మనాద్. యా మందనం లొఇ బజారమేదాన్ తయార కితి జగ్గుదు మన్ను, సిగిరితిమన్ను ఆహలోను డుడ్డుని దేవుణు మోసెజ్ సెత్తి పతి ఆడ్డెజ్ రాస్తి ఇడ్చి పల్కెజ్ మన్నె.

5 మందనం మున్ను, దేవుణు మనాన్ ఇజె, తోరిసిని కెరూబుజ్ మన్నె. కెరూబుజ్ కరుణాపిటం మున్ను, ఇహిజు, మందనం మూత్త మున్ను రెక్కెజ్ కోరినయ్యె మన్నె. ఏలు యా సజతిజ్ లాపు వెప్తాజ్ మాటు అట్ఎట్.

6 యాలెకెండె, విజు నెగ్గెండ ఇత్తివెనుక, పుజెరిబు, మొదొహి గదిదు వరి సేవపణి కిదెజ్ ఎస్తిసెస్తివలె డుగొనార్.

7 గాని విజేరి పుజెరిజు మున్ను మన్ని పెరి పుజెరి ఒరెండ్రె, లొఇమన్ను గదిదు డుగొన్నాన్. అయొకబా వాండ్లు ఏంటుదు ఉండ్రీ సుటునె డుగొన్నాన్. డుగొప్పలె సల సెల్లెండ డుగొవిన. అయొక వాండ్లు వన్ని పాపమొకాజ్ వందిజ్, నెన్ఎండ లోకుర కితి పాపమొకాజ్ వందిజ్ దేవుణుదిజ్ పూజు సీనాన్.

8 యాలెకెండె కిజిని అలవాటుదాన్, దేవుణు అత్తె టేటాజ్ నెస్తిసెని సజతి ఇనిక ఇహిజు, మొదొహి గదిని అబ్బె కిని అలవాటుజ్ విజు నిల్చి మంజునివలె, లోకుర దేవుణు వందిజ్ ఒదె కేట ఆతి గదిదు సొండ్రెజ్ అట్ఎద్.

9 యొక యా కాలమేదిజ్ ఉండ్రీ గుర్దు. ఇనిక ఇహిజు, దేవుణుదిజ్ పూజు సీని విజు రకమొకాజి పూజెజ్, సీనివన్ని గర్భమేదు సుబ్బరం కిదెజ్ అట్ఉ.

10 యా పడొయొ ఆసారం, తిండి వందిజ్, ఉణి దన్ని వందిజ్, రకమేరకం సమయమేదు నొరబాని దన్ని వందిజ్ వెప్పొని రూలుజ్. యా రూలుజ్ మున్ను కిజినికెజ్. కొత్త రూలుజ్ వాని కాలమేదాక యా రూలుజ్ మంజునె.

11 గాని, ఇబ్బె ఏలె మన్ని నెగ్గి సజతిజ్ కల్లిసెని విజేరి పుజెరిజు మున్ను మన్ని పెరి పుజెరి ఇజి క్రీస్తు వాత మనాన్. వాండ్లు సేవ కిని గుడారం ఇహిజు పరలోకం. గొప్పు ముకెలమతిక. నండొ పూర్తియొతిక. అయొక లోకుర తయార కితిక ఆవిద్. తయారాతి లోకమేదు మనిక ఆవిద్.

12 క్రీస్తు గుడారమేదు డుగొజి, ఎలాకాలం వందిజ్ ఉండ్రీ సుటు, దేవుణు వందిజ్ ఒదె కేట ఆతి గదిదు సొహివలె, పూజు సీదెజ్ ఇజి గొరెజు, దూడొజు నల వాండ్లు ఒవిన్. గాని, వాండ్లు వన్ని సొంత నలనె ఒతొండ్రె మజి పాపమొకాజిజ్ సాపుదాన్ ఎలాకాలం డొసెపిస్సాన్.

13 మోసె సెత్తి రూలుజు వజు, గొరెజు, కొడ్డిజు నలని దూడెజ్ సుప్తా నీరు, మయిల* ఆతి లోకురి ఒడొలెదు వాక్కాన్. ఎండనిజ్ ఇహిజు, వరి ఒడొలె సుబ్బరం ఆజి దేవుణు వందిజ్ ఒవజెవె ఆజె కేట ఆదిజ్.

* 8:12 8:12 యిర్మయా 31:31-34. * 9:13 9:13 ఇబ్బె మయిల ఇజె వెప్పొనిక దేవుణుదిజ్ డగ్గు కిదెజ్ అట్ఇ సజతిజ్, సెల్లెజు దేవుణు ఎర్దు కల్లి ఆతికెజ్

14 అహిజ, క్రీస్తు నల ఎసా నెగ్గెండ సుబ్బరం కినాద్ ఇజి ఎత్తు కిదు. ఎలాకాలం మన్ని అత్తునత్తుదాన్, క్రీస్తు మా పాపముకాళ్ వందిళ్ వన్నిళ్ వాండ్రె దేవుణుదిళ్ బవజెవె ఆతాన్. ఇని పాపం నీల్లి పూజ లెకెండ, వన్నిళ్ వాండ్రె బవజెవె ఆతాన్. సావు తప్పిన్ని సెజ పణిజాణిళ్ వన్ని నల మా గర్భం ముజి గదిన్విండలెకెండ సుబ్బరం కినాద్. ఎందనిళ్ ఇహిజ బత్తిజిని దేవుణుదిళ్ మాటు పొగిడిజి మాడిస్సెజ్.

15 అందెజె క్రీస్తున అయా కొత్త బవుమానం నడిఃవిస్సికాన్. ఎందనిళ్ ఇహిజ, దేవుణు కూక్తి లోకురిళ్ దేవుణు సీన ఇజి బట్టు కితి ఎలాకాలం మంజిని దివెనముకు దోహకైజ్. మొదొల్ కితి బవుమానముదిళ్ అడిఃగి మహివలె, వారు కితి తప్పుజాణిళ్ వాజిని సిక్కుదాన్ వరిళ్ డిఃవిస్సిజె, క్రీస్తు సాతాన్.

16 ఉండ్రె తీర్చన పత్తం రాస్తి ఇడ్డిమహిజ, అయా తీర్చన పత్తం తయారొ కితికాన్ సాత మనాన్ ఇజి రుజువ్ ఆదిళ్.

17 అయాక రాస్తిమన్నికాన్ బత్తిజు మహిజ, అయా తీర్చన పత్తమదిళ్ విలువ నీల్లెద్. వాండ్రు సాతివెనుకాన్ అయా తీర్చన పత్తం పణిదిళ్ వానాద్.

18 అందెజె, మొదొల్ సత్తి బవుమానముదిళ్బా నల సీల్లెండ నత్తు మన్విద్.

19 దేవుణు వెప్తి రూలుజ్ విజు, లోకురిళ్ విజెరిళ్ సత్తివెనుక, మోనె దూడెజు నల, ఏరువెట కలప్తాండ్రె, ఇసాపు మొక్కాది కొముదాన్, నండొ ఎరాని బులున్కుదాన్ లోకుర్ విజెరి మున్కు, దేవుణు రూలుజ్ రాస్తి ఇడ్డి పుస్తకం మున్కు సీల్కరిస్తాన్.

20 వాండ్రు వెప్తోన్, “మీరు కిదెళ్ ఇజి దేవుణు ఆడ్ర సత్తి బవుమానముదిళ్ ముద్దనె యా నల”*, ఇజి.

21 అయాలెకెండ, గుడారం మున్కుని అబ్బి మన్ని విజు వనకాళ్ మున్కు నల సీల్కరిస్తాన్.

22 మోనె సత్తి రూలుదు వెప్సిని వజ విజు నలదాన్ సుబ్బరం ఆనాద్ ఇజి వెప్తెజ్ ఆనాద్. నల వాకొండ్, పాపముకు సాన్ఉ.

23 అందెజె, పరలోకముదు మన్ని వనకాళ్ రూపు లెకెండ మన్ని లోకముది గూడారముని దన్ని లోక మనికెళ్, జంతుజు నలదాన్ సుబ్బరం ఆదిళ్ వలె. గాని పరలోకముదు మనికెళ్ జంతుజు నలదాన్ అవిండ, దన్నిజె ఇంకనెగ్గి పూజెజాణిళ్ సుబ్బరం ఆదిళ్ వలె.

24 ఎందనిళ్ ఇహిజ, క్రీస్తు పరలోకముదు సాహాన్. ఏలు మా వందిళ్ దేవుణు ఎద్రు జామలి నిల్సని వన్నిలెకెండ నిల్దెళ్ సాహాన్. వాండ్రు లోకుర్ కిదాన్ తయారాతి గుడారముదు డుఃగొవితాన్. అయాక నిజమాతి గుడారముది ఉండ్రె మూర్తిని.

25 యూదురిజ వెరి పుజెరి, ఏంటు ఏంటు జంతుజు నలదాన్ దేవుణు వందిళ్ బది కేట అతి గదిదు డుఃగ్నాన్. గాని, యేసు వన్నిజె బవజెవె ఆదిళ్ మరి మరి పరలోకముదు సాన్విన్.

26 ఆహె సాండ్రెజ్ ఇహిజ, లోకం పుటిన్ని బాణిళ్ అసి, వాండ్రు మరిమరి సాదెళ్ మహాద్ మరి. గాని కాలముది ఆకారదు, వాండ్రు పూజ అతి దన్నిదటాన్, పాపం సీల్లెండ కిదెళ్, వాండ్రు ఎలాకాలం వందిళ్ ఉండ్రె సుటు తోరె ఆతాన్.

27 లోకుర్ విజెరి ఉండ్రె సుటు సాదెళ్ వలె. వెనుక దేవుణు బాణిళ్ తీర్పు జగ్గిదెళ్ వలె, ఇజి ఏరెపాటు మనాద్.

28 అయాలెకెండ, నండొండారి పాపముకు సాన్విస్తెజ్, క్రీస్తు పూజ ఆతాన్. వాండ్రు మరి మరిజి వానాన్, పాపముకు సాన్విస్తెజ్ అవిద్; గాని వన్నిజ్ ఆనదాన్ ఎద్రునుడిజి మంజిని వరిళ్ రక్తిస్తెజె వానాన్.

10

క్రీస్తు ఎలాకాలం వందిళ్ ఉండ్రె సుటు పూజ ఆతాన్

1 మోనె సతి గూలుజ్దు మని వడాఃయి ఆసారముకు, వాని కాలముదు వాజిని నెగ్గి సజతిజు ఉండ్రె నీడఃని. అయాకెళ్ నిజమాతి సజతిజ్ ఆఢ. అందెజె వడాఃయి ఆసారం వజ కిని పూజెజ్, డిఃవిండ ఏంటు ఏంటు కిజి మహారొ. గాని దేవుణుదిళ్ పొగిడిజి మాడిస్సెజ్ వాని వరిళ్ పూర్తి సుబ్బం కిదెళ్ అబ్ఉ.

2 దేవుణుదిళ్ పొగిడిజి మాడిస్సెజ్ వాతి లోకుర్, వరి పాపముదాన్ పూర్తి సుబ్బం ఆతారొ ఇహిజ, వారు మరి మరి పాపముక వందిళ్ ఎత్తు కిజి బాద ఆవతారొ మరి. విజు పూజెజ్బా ఆప్ అతె మరి.

3 గాని యా పూజెజ్, ఏంటు ఏంటు, లోకురిళ్ వరి పాపముకు ఎత్తు కిబిన్కు.

4 ఎందనిళ్ ఇహిజ, కొడ్డిజు, గొర్రెజు నల పాపముకు సాన్విస్తెజ్ అబ్ఉ.

5 అందెజె, క్రీస్తు యా లోకుముదు వాతివలె వాండ్రు దేవుణుదిళ్ వెప్తోన్, “పూజెజ్ ని నందెజ్, నీను కోరిక. గాని నీను నా వందిళ్ ఉండ్రె ఒడొలొ తయారొ కితి”.

6 మాల్ పీట మున్కు సుప్తి జంతుజాణిళ్ నీను సరెద ఆఢ. పాపముకు సాన్విస్తెజ్ సీజిని పూజెజాణిళ్ నీను సరెద ఆఢ, ఇజి.

7 నస్తివలె నాను వెప్తొ, “ఒ దేవుణు, ఇదిలో నాను దేవుణు మాటదు నా వందిళ్ రాస్తి మని వజ, నాను కిదెజ్ ఇజి నీను కోరికెకికె కిదెజ్ నాను వాత మన్కు”,* ఇజి.

8 ముజాలె వాండ్రు వెప్తోన్, “పూజెజ్ ని నందెజ్ పూజ సీని వెటి మున్కు సురుజిని జంతుజుని పాపముకు సాన్విస్తెజ్ సీని పూజెజ్ నీను కోరిక. వన్యాణిళ్ నీను సరెద ఆఢ”, ఇజి. (మోనె సతి రూలుజు వజ యా పూజెజ్ కిదెజ్ మనికాదె. గాని వాండ్రు అయాలెకెండ వెప్తోన్)

9 వెనుక వాండ్రు వెప్తోన్. “ఇదిలో నీను కోరికెకికె కిదెజ్ నాను వాత మన్”, ఇజి. అందెజె, దేవుణు వడాఃయి పూజెజ్ విజు సీల్లెండ కిజి, క్రీస్తు పూజ అతి దన్ని వడాఃయి పూజెజు మున్కు ఇడ్డినాన్

10 దేవుణు కోరికెకికె వాండ్రు కిత్తాన్. అందెజె యేసు క్రీస్తు ఒడొలొదాన్ ఎలాకాలం వందిళ్ ఉండ్రె సుటు పూజ అతి దనిదాన్, మాటు పాపముకాణిళ్ సుబ్బం అత మనాల్.

11 యూదురి పుజెరిబు విజెరి, మాల్ పీట ముజాలె నిల్చి, రోజు రోజు వరి పుజెరి పణి కిజినారొ. మరి మరి ఉండ్రె నని పూజెజ్ కిజినారొ. అయా పూజెజ్ ఎనెజ్బా పాపముకు సాన్విన్ఉ.

* 9:20 9:20 నిల్లము 24:8. * 10:7 10:7 కీర్తన 40:6-8.

12 గాని క్రీస్తు ఎలాకాలం వందిజ్ దేవుణుదిజ్ ఉండ్రీ పూజ ఆతాన్. వాండ్రె అయా పూజ ఆతాన్. ఎలాకాలం వందిజ్ పూజ ఆతాన్. వెనుక వాండ్రు దేవుణు ఉణెర్ వడఃకాద్, గొప్ప మర్యాదదు బనె ఆతాన్.

13 అబ్బె, మిలు క్రీస్తు పడఃక వరిజ్, వన్ని పాదముక అడఃగి దేవుణు ఇడ్మీదాక వాండ్రు కాప్ కిజినాన్.

14 ఎందనిజ్ ఇహిజ, అయా ఉండ్రీ పూజదాన్ పాపముకాణిజ్ సుబ్రం అతి వరిజ్, వాండ్రు ఎలాకాలం పూర్తి అతికార్, కిత మనాన్.

15 దేవుణు అత్తుబా యాక నిజం ఇజి నెసి వెహ్సినాన్. తొలిత వెహ్సినాన్.

16 “వాని దినముకాజ్ వెనుక, నాను వరివెట కిని కొత్త బపుమానం యాకదె. నాను వరి గర్భముదు నా రూలుజ్ ఇడ్మ. వరి మున్నుదు అయాకెజ్ రాస్సు, ఇజి ప్రబు వెహ్సినాన్”,* ఇజి.

17 వెనుక వాండ్రు వెహ్సినాన్, “నాను వరి పాపముకు, వరి సెఇ పణిజ్ ఎనెజ్బా ఎత్తు కిఎ”,* ఇజి.

18 దేవుణు పాపముకు సెమిసి మహివలె, పాపం నెమిస్తెజ్ మరి పూజ అపునరం సిల్లెద్.

సమ్మిజినె మండ్రెజ్.

19 అందెజె, తంబెరిజాండె, యేను నల వాక్కి సాతి సావుదాన్ దేవుణు వందిజ్ ఒడ్డె కేట ఆతి గదిదు, మాటు దయరమ్దాన్ డుఃగ్దెజ్ ఆనాద్.

20 వాండ్రు మా వందిజ్, బత్తుదు నడిఃపిసిని ఉండ్రీ కొత్త సరి రేతాన్. అయాక తెరదాన్, ఇహిజ వన్ని సాంత ఒడఃల్దాన్ రేతాన్.

21 దేవుణు లోకుర్ మున్ను, అతికారం మని ఒరెన్ పెరి పుజెరినె మజి మనాన్.

22 అందెజె, మాటు వన్నిజ్ పూర్తి నమ్మిజి నెగ్గి మున్నుదాన్ దేవుణు ఎత్తు సానాట్. మజి నుబ్రం కిదెజ్, మా సెఇ పణిజ్ నెసిని మున్ను, క్రీస్తు నలదాన్ సీలకరినె ఆత మనాద్. మా ఒడఃల్, నెగ్గి ఏరుదాన్ నెర ఆత మనాద్. అహె మాటు దేవుణు ఎత్తు సానాట్.

23 ఇతల్ అతల్ కద్దిఎండ, మటు మనాట్ ఇజి మాటు వెహె ఆజిని ఎత్తు సూజి ఆనదిజ్ డటుం అస్సాట్. ఎందనిజ్ ఇహిజ, మా వెట ఒట్టు కితికాన్ నమ్మిదెజ్ తగ్గికాన్.

24 మహికార్ ప్రేమ తొరన్దెజ్, నెగ్గి పణిజ్ కిదెజ్ వరిజ్ ఉసార్ కిబిన్దిక ఎలాగ ఇజి ఎత్తుకిజినాట్.

25 నెగ్గొండార్ డిఃసి సిజిని లెకెండ, కూడఃజి వాజిని అలవాటు మాటు డిఃస్టెజ్ ఆవద్. గాని మాటు ఒరెన్ మరి ఒరెన్ వన్నిజ్ మరి ఒదె దయరం కిబిసి మంజినాట్. ఎందనిజ్ ఇహిజ, ప్రబు వాని దినం డగ్గు ఆజినాద్ ఇజి మీరు నుడఃజినిదెర్.

26 నిజం నెస్తి వెనుక మరి మరి పాపముకు కిజినాట్ ఇహిజ, అయా పాపముకు సాన్పెస్తెజ్ మరి పూజ సిల్లెద్.

27 గాని మరి మనిక ఇనిక ఇహిజ, దేవుణు సీని తీర్పుదిజ్, వన్నిజ్ పడఃక వరిజ్ నాననం కిని గొప్ప పెరి సినుదిజ్ ఎత్తు నుడఃజినికాద్.

28 మోని సతి రూలుజ్ లోజిఇతి ఎయె వన్నిజ్బా, రిఎరో, ముఎరో సాక్కిరు వాండ్రు తప్ప కిత్రాన్ ఇజి వెహ్సెజ, కనికారం తొవండ సప్పార్.

29 అహిజ, దేవుణు మరిసిజ్ దూసిన్ది వరిజ్ ఎసా పెరి సిక్కు మనాద్. వరిజ్ దేవుణు వందిజ్ కేట కిత్తి నలదిజ్ పణిదిజ్ రెఇ లెకెండ నుడఃజితి వరిజ్ ఎసా పెరి సిక్కు మనాద్. అయా నలనె బపుమానం తపిస్తాద్. కనికారం తొరోసిని దేవుణు అత్తుదిజ్ దూసిన్ది వరిజ్ ఎసా పెరి సిక్కు మనాద్ ఇజి ఎత్తు కిదు.

30 ఎందనిజ్ ఇహిజ, “సిక్కు నానె సీన. సిక్కుదిజ్ తగితి వరిజ్, నాను మరజి సీన”, ఇజి వెహ్సె వన్నిజ్ మాటు నెసినాట్. మరిబా వెహ్సినాన్, “ప్రబునె వన్ని లోకురిజ్ తీర్పు సీనాన్”,* ఇజి.

31 బత్తుజిని దేవుణు కీదు అర్దిక గొప్ప తియెల్ కల్లిన్సి సజితినె.

32 మీరు క్రీస్తు వందిజ్ తొలిత నెస్తి రోస్సు, ఎనెజ్బా పోసమాట్. నండొ బాదెజ్ వాతిజ్బా, నమ్మకమ్దాన్ ఎలాగ నిహి మహిదెర్ ఇజి ఎత్తు కిదు.

33 సిగం కాలమ్దు, మిజి విజెరె ఎత్తు దూసిస్తార్. మిజి డెయెతార్. మరి నెగం కాలమ్దు, మీరు, అయాలెకెండ బాదెజ్ ఆతి వరివెట కూడఃజి నిహిదెర్.

34 జెలిదు ఆతి వరిజ్ నుడఃజి మీ పాణం నోతాద్. మిజి కల్లిజి మనికెజ్ విజు లాగ్రి ఒతివలెబా సర్దదాన్ ఒరిన్దిదెర్. ఎందనిజ్ ఇహిజ, ఎలాకాలం మనికెజ్, మిజి మన్నె ఇజి నెసినిదెర్. అయాక కల్లితి మహిదని ఇంక మరి ఒదె నెగ్గిక.

35 అందెజె, దయరమ్దాన్ మండ్రు. ఎందనిజ్ ఇహిజ నండొ పలితం దోహ్సాద్.

36 మీరు ఒరిసి మండ్రెజ్ వలె. ఎందనిజ్ ఇహిజ, మీరు దేవుణుదిజ్ ఇన్డం ఆతికెజ్ కితి వెనుక, వాండ్రు సీన ఇజి ఒట్టు కితికెజ్ దోహ్సె.

37 ఎందనిజ్ ఇహిజ, దేవుణు మాటదు వెహ్సినె లెకెండ, “నణెం కాలం లోఇ, వాదెజ్ మనికాన్ బేగినె వానాన్. ఆల్సం ఆవెన్.

38 సీతి నిజాయితి మని నా వారు, నమ్మకమ్దాన్ బత్తునార్. వారు మరజి వెనుక సాహిజ, నాను వరివెట సరద్ అవె”,* ఇజి.

39 మాటు, మరజి వెనుక సాన్సి నాననం ఆని లోకు ఆవెట్. గాని మజి దేవుణు మున్ను నమకం మనాద్. వాండ్రు మజి రక్కిస్తాన్.

* 10:16 10:16 యిర్షియా 31:33. * 10:17 10:17 యిర్షియా 31:34. * 10:30 10:30 ద్వితి 32:35. * 10:38 10:38 అబ్బు 2:3,4.

11

1 నమకం ఇహిజ, మాటు అస అనిక తవంండ జర్గినాద్ ఇజి పూర్తి నమ్మిజనిక. కణకదాన్ సుడఃఇకెక్ నిజం మన్న ఇజి పూర్తి నమ్మిజనిక.

2 దేవుణు మున్ను, నమకం ఇడ్డి లోకుర్ పూర్తిబమ్మదు మహార్. అందెజె దేవుణు బాణిక్ అనువె అతార్.

3 దేవుణు మాటదానె యా బాలికోక తయార్ అత మనాద్ ఇజి నమకమ్దానె మాటు నెసినాట్. ఎండనిక్ ఇహిజ, మాటు ఏలు సూఃకెక్, సుడఃఇ వన్నా బాణిక్ తయార్ కితికెజె.

4 నమకమ్దానె, కయును సీతి దని మున్ను, ఏబలు దేవుణుదిక్ నెగ్గి పూజ సితాన్. వన్ను నమకమ్దానె, సీతి నిజాయితి మనికాన్ ఇజి దేవుణు బాణిక్ మెపు దోహ్కాద్. ఎండనిక్ ఇహిజ, వాండ్రు సీతి సందదు దేవుణు సర్ద అతాన్. వాండ్రు సేనదిసమకూక్ ముజాలె సాత సాహాన్. అహిక్ బా, వన్ను నమ్మకమ్దాన్ ఏలు బా మజి వర్గిజనాన్.

5 నమకమ్దానె, హానోకు సాఎండ దేవుణు మంజిన బాడ్డఃదు దేవుణు ఒత మనాన్. ఎయెర్ బా వన్నుక్ సుడఃదెక్ అటవతార్. ఎండనిక్ ఇహిజ, దేవుణునె వన్నుక్ ఒత మహాన్. వన్నుక్ ఒఇ ముజాలె, దేవుణుదిక్ సర్ద కితికాన్ ఇజి అనువె అతాన్.

6 నమకం సిల్లెండ, దేవుణుదిక్ సర్ద కిబిన్లెక్ అటవట్. ఎండనిక్ ఇహిజ, వన్ను డర్లు వానికాన్ ఎయెన్ బా దేవుణు మనాన్ ఇజి నమ్మిదెక్ వలె. వన్నుక్ నిజం రెబాని వరిక్ వాండ్రు నెగ్గిక్ కీనాన్ ఇజి నమ్మిదెక్ వలె.

7 నమకదానె, నోవ వవి ఇండ్లెక్ వరిక్ పెరి గడదాన్ రక్కిన్లెక్ ఉండ్రి ఒడః తయార్ కిత్తాన్. జర్గిదెక్ మని సజతిజి వందెక్ దేవుణు డటం వెప్టావలె వాండ్రు లోజితాన్. వన్ను నమకమ్దానె, లోకమ్దు మహి, మహి లోకురిక్ దేవుణు మున్ను, నమకం సిల్లెద్ ఇజి వాండ్రు తోర్స్తాన్. అందెజె వారు తప్ప కిత్తార్ ఇజి దేవుణు తీర్పు కిత్తాండ్రె, నోవెక్ సీతి నిజాయితి మనికాన్ ఇ జి ఇట్టాన్. నోవ నమకమ్దానె సీతి నిజాయితి మనికాన్ ఇజి ఇట్టాన్.

8 నమకమ్దానె, అబ్రాహము, 'సీను సీ ఇల్లు డిఃసి, నీది ఇజి వెనుక దోహ్కీ బాడిడు సాన్ అ', ఇజి దేవుణు వెప్టావలె, లోజితాండ్రె సాహాన్. ఎంబె సాన్ సినాన్ ఇజి తెలివండ వాండ్రు సాహాన్.

9 నమకమ్దానె, పయువాండ్రు లెకెండ దేవుణు సీన ఇజి ఒట్టు కితి దేసమ్దు బత్తితాన్. వాండ్రు గుడారమ్దు బత్తితాన్. అయాలెకెండ, ఇసాకు ని యాకోబు బా. వరిక్ బా వెనుక అయా ఒట్టునె దేవుణు సితాన్.

10 అబ్రాహము పయువాండ్రు లెకెండ అబె బత్తితాన్. ఎండనిక్ ఇహిజ, వాండ్రు ఎలాకాలం నిల్చిని నిజమాతి పునాది మని పట్టుం వందిక్ ఎద్దు సుడఃజి మహాన్. అయా పట్టుం రూపు సీజి తోహ్కీకాన్ దేవుణు.

11 నమకమ్దానె, అబ్రాహము నండో డోక్ అతిక్ బా, సార గొడ్డు బోదెలి అతిక్ బా అప్పాసి అతాన్. ఎండనిక్ ఇహిజ, సీన ఇజి ఒట్టు కితికాన్ నమ్మిదెక్ తగ్గికాన్ ఇజి ఒడిబితార్.

12 అందెజె, సాతిలెకెండ మని యా ఒరెన్ వన్ను బాణిక్, నండో నండో లోకుర్ అతార్. ఆగానమ్దు మని సుకెజె లెకెండ, నమ్దరమ్ది ఒడ్డుదు మని లెక కిదెక్ అట్ ఇ ఇన్లు లెకెండ, లోకుర్ అతార్.

13 యా లోకుర్ విజెరె, సానిదాక వారు నమకమ్దానె బత్తిజి మహార్. దేవుణు సీన ఇజి ఒట్టు కితికెక్ దోహ్కతె. వారు నండో ముజాలె వన్నా వందిక్ ఆసదాన్ ఎద్దు సుడఃజి వన్నాక్ సర్ద అతార్. యా బూమిదు వారు పయువారు ఇజి ఒప్పకోటార్.

14 యా లెకెండ వెప్టా లోకుర్, వరిక్ సాత ఉండ్రి దేసం వందిక్ ఎద్దు సుడఃజనూర్ ఇజి టిటాక్ తోర్సినాద్.

15 వారు డిఃసి వాతి దేసం వందిక్ ఎత్తు కిపెర్. ఎత్తు కిత్తార్ ఇహిజ, మర్జె సాండ్రెక్ అవసరం మహాద్మరి.

16 గాని వారు, ఇంక నెగ్గి ఉండ్రి దేసం వందిక్ కోర్తార్. ఇహిజ పరలోకమ్ది దేసం వందిక్ కోర్తార్. అందెజె, దేవుణు, వరి దేవుణు ఇజి వెహె ఆదెక్ సిగు అవెన్. ఎండనిక్ ఇహిజ, వాండ్రు వరి వందిక్ పరలోకమ్దు ఉండ్రి పట్టుం తయార్ కిత మనాన్.

17 నమకమ్దానె, దేవుణు అబ్రాహముక్ పరిస కితివలె, వన్ను మరిసి ఇస్సాకుక్, పూజ లెకెండ సితాన్. దేవుణు అబ్రాహముక్ ఒట్టు సితాన్. గాని వన్ను ఒరెండ్రె ఒరెన్ మరిసిక్ పూజ లెకెండ సీదెక్ వాండ్రు తయార్ అతాన్.

18 దేవుణు అబ్రాహముక్ వెప్టాన్, "ఇస్సాకు వెటనె నీ తెగ్గదికార్ పుట్టార్",* ఇజి

19 సాతి వరిక్ మర్జె బత్తిజి దేవుణు అటప్పాన్ ఇజి అబ్రాహము ఒడిబితాన్. యాక సుడఃతిజ, అబ్రాహము సాపుదాన్ ఇస్సాకుక్ మర్జె దోహ్కీ లెకెండ మనాద్.

20 నమకమ్దానె, ఇస్సాకు, యాకోబుక్ ని యాసాపుక్, వరిక్ వానికాలం వందిక్ దీవిస్తాన్.

21 నమకమ్దానె, యాకోబు వాండ్రు సాని ముజాలె యోసేపు మరిసిర్ రివిరిక్ దీవిస్తాన్. వన్ను డుడుదు ఒర్గితాండ్రె దేవుణుదిక్ పొగిడిఃజి మాడిఃజి.

22 నమకమ్దానె, యోసేపు సాదెక్ డర్లు అతివలె ఇస్తాయేలు లోకురిక్ అయిగుప్పు దేసమ్దాన్ దేవుణు నడిపిసి తనిదని వందిక్ వెప్టాన్. వన్ను డుముక వందిక్ ఇనిక కిదెక్ ఇజి ఆడ్ర సితాన్.

23 నమకమ్దానె, మోసె అయిసి అప్పాసిర్, వాండ్రు పుట్టి మూండ్రి నెలిక్ డాప్పి ఇట్టార్. ఎండనిక్ ఇహిజ, వాండ్రు నెగ్గి ఒరెన్ కోడోః ఇజి వారు నెస్తార్. రాజు సీతి ఆడ్రదిక్ తప్పెక్ వారు తియెల్ అవతార్.

24 నమకమ్దానె, మోసె, వాండ్రు పిరితి వలె పరో గాల్చి మరిసి ఇజి కూక ఆదెక్ కెవతాన్.

25 వాండ్రు, సాపం తప్పిన్లు నెణం మంజిని సర్దదు మంజిని దని మున్ను, దేవుణు లోకుర్ వెట బాద్ ఆదెక్ కోర్తాన్.

26 అయిగుప్పు దేసమ్ది ఆన్లు మున్ను, క్రీస్తు వందిక్ బాదెక్ అనికాద్ విలువ మనిక ఇజి వాండ్రు ఒడిబితాన్. ఎండనిక్ ఇహిజ, వాని కాలమ్దు దేవుణు వన్నుక్ కిని నెగ్గి దని వందిక్ వాండ్రు ఎద్దు సుడఃజాన్.

* 11:18 11:18 అది 21:12.

27 నమకముదానె, మోసె, రాజు కోపముదిక్ష తియెల్ ఆవిండ, అయ్యగుప్పు దేసెం డిఁస్తాన్. వాండ్లు మరజ వాదెజ్ కెవతాన్. ఎండనిజ్ ఇహిజ, వాండ్లు తోరెణ దేవుణుదిక్ష సుడఁజి లెకెండ్ మనాద్.

28 నమకముదానె, మోసె, ఇస్రాయేలు లోకురిజ్ పులాజ్ ఆణ రొణిజ్ తయార కిని పండ్యెలు కిదెజ్ ఇజ ఆడ్ల సీతాన్. వరి తొలిత పుట్టి కొడొరిజ్, సస్మి దూత నవంపెడ మండ్రెజ్, వరి దారబందరముదు నల సీల్కరిస్తెజ్ ఇజ ఆడ్ల సీతాన్.

29 నమకముదానె, ఇస్రాయేలు లోకుర్ ఎర్రజ్ సమ్దరముదాన్ వస్తా బూమిదు నడిసి లెకెండ్ నడిసి సోహార్. అయ్యగుప్పు దేసెముదికార్ అయాలెకెండ్ కిదెజ్ సుడఁజి వలె వారు ముడుగుతార్.

30 నమకముదానె, ఇస్రాయేలు లోకుర్ ఏడు రోస్సు యెరికొ పట్టుం సుటులం బూలాతివలె, పట్టుముది గోడెజ్ ఆరె.

31 నమకముదానె, సాని బూలాని రాహబు, దేవుణుదిక్ష లోజిణ దని పట్టుముది వరివెట సావతాద్. ఎండనిజ్ ఇహిజ, దేసెముదిక్ష గుటు లాగిదెజ్ వాతి వరిజ్ అది డగ్రు కితాద్.

32 నాను మరిబా వెహ్లాజా? గిదియెను, బరాకు, సంసాను, యెప్పు, దావీదు, నముయెలు, ప్రవక్తరు నిని వరి వందిజ్ వెహ్లాజ్ నజీ సముయం సాలేవద్.

33 నమకముదానె, వారు దేసెముకాజ్ ముస్సు, విద్దెం కిజ గెలస్తార్. వారు నీతి నిజాయితికెజ్ కితారె, దేవుణు బట్టు కితికెజ్ దోహ్కె. వారు నొరెస్సు, వెయ్యు, మూక్తార్.

34 నండొ కస్సి సిసుదిజ్ నస్తార్. కార్దెజాణిజ్ సావండ త్రపు ఆతార్. వారు సత్తుసీలికార్ గాని సత్తు మనికార్ ఆతార్. వారు విదెముదు సత్తు మనికార్ ఆతార్ పయ సయనముది వరిజ్ ఉలుస్తార్.

35 నెగొండెక్ బోదెకాజ్, వరి సాంతది వరిజ్ సావుదాన్ మరజ దోహ్కె. మహికార్ నండొ బాదెజ్ అతిజబా, వారు దేవుణు ముస్సు, మని నమకం డిసి, డిజె అని దని ముస్సు, సానిక నెగెద్ ఇజ సుడఁజితార్. ఎండనిజ్ ఇహిజ, వారు మరజ నిజ్ని వలె నెగ్గి బత్తు దోహ్కెజ్.

36 నెగొండార్ దూనె ఆతార్. కొరడెజాణిజ్ డెయెవ ఆతార్. మరి నెగొండార్ తోహ్ ఆతారె, జెలిదు ఇడ్జె ఆతారె.

37 వారు వణకాణిజ్ డెయెవ ఆతారె. రంపవకాణిజ్ రుండి ముకెజ్ కొయె ఆతారె. కర్దెజాణిజ్ సవె ఆతారె. నెగొండార్ మెండ గొరెదిసో, ఏలెటు గొరెదిసో తోలు పొరెవె ఆజి, బజ ఆజి, బాదెజ్ ఆజి, దూనె ఆజి బూలాతారె.

38 యా నెగ్గి లోకుర్ మండ్రెజ్, యా లోకం తగివద్. వారు బీడిఁమ్ బూమిజ, గొరొకాజ్ బూలాతారె. సాలముక లోజ, బూమిదు మని బోలోజ డాజితారె.

39 వారు నమకం ఇట్టార్. అందెజె, నెగ్గికార్ ఇజ దేవుణు బాణిజ్ మెపు దోహ్కాద్. గాని వరి లోజ ఎయెరిజబా, దేవుణు సీన ఇజ బట్టు కితికెజ్ దోహ్కతె.

40 ఎండనిజ్ ఇహిజ, దేవుణు మా వందిజ్ ఇక నెగ్గిక వీరపాటు కిత మనాన్. మా వెటనె, వరిజ్ పూర్తి కిదెజ్ ఇజ వస్సి ఉదెసన్.

12

దేవుణు వస్సి కొడొరిజ్ దిదిజ సిక్కు సీజనాన్

1 అందెజె, మా సుటులం సీన సాక్కిరు మనార్. అందెజె, అడు కిజని సజతిజ డిఁసి, మజి సిక్కుజ అర్వసీని పాపం డిఁసి, దేవుణు మా ఎర్రు ఇడ్జి బత్తు. ఇని ఉహ్కొప్పి పోటిదు ఓరిసీనె ఉహ్కొప్పి.

2 మా గురి యెసు దరోట్నె ఇడఁజి ఉహ్కొప్పి. ఒండ్రె మా నమకం మొదెల్వెక్కాన్. పూర్తి కినికాన్. వాండ్లు సిలువాదు సిగు మని సూ సాదెజ్ తయార ఆతాన్. ఎండనిజ్ ఇహిజ, వెనుక వస్సిజ్ మంజిని సరద వాండ్లు నెన్నాన్. ఏలు పరలోకముదు దేవుణు సిమనసం ఉణెరె పడకాదు గొప్పు వూర్కొద్దాన్ బస్త మనాన్.

3 పాపం కినికార్ కితి నండొ బాదెజ్ వాండ్లు ఓరిస్సికెజ్ ఎత్తు కిదు. అందెజె, మీరు మస్సు విస్సిఎండ, డిఁసిఎండ మండ్రెజ్, వస్సిజ్ ఎత్తు కిదు.

4 పాపం వెట కాల్లాడఁజినిక సల సీని ససా ఏలుదాక మీరు ఎద్రినెఇతిదెరె.

5 దేవుణు వస్సి కొడొరిజ్ లెకెండ్ మిజి ఉసార్ కిబిస్సు మాటు మీరు పోస్తిదెరా?. "నా కొడొ, ప్రబు నిజి దిదిని వలె మస్సు బాద కిమాల్. వాండ్లు డటుం వెహ్లా వలె మీ మస్సు విస్సిమాల్.

6 ఎండనిజ్ ఇహిజ, ప్రబు వాండ్లు ప్రేమిసీని వరిజ్ దిదినాన్. వస్సిమరిన్ ఇజ డగ్రు కిని వస్సిజ్ దిదినాన్", ఇజ వెహ్లానాన్.

7 ఒరన్ అప్పాని దిదిని వజ, మీ స్రెమెజ్ ఒరిస్సు. ఎండనిజ్ ఇహిజ, మీ స్రెమెజ్, దేవుణు మిజి వస్సి కొడొర్ లెకెండ్ సుడఁజినాన్ ఇజ తోరెస్సు. అప్పాని దిదిజ మరిసీ ఎయెన్బా మనాండ్రా?

8 వస్సి మరిసీరె విజెరిజ్ దిజెలెకెండ్, మిజి దిదిఎండ మహిజ, మీరు వస్సి నిజమాతి కొడొర్ అవెర. గాని ఆణ కొడొర్ ఇజనె అర్దెం.

9 మజి విజెరిజ్ కాస్సి అప్పాసిరె మహార్. వారు మజి దిదిజ మహార్. మాటు వరిజ్ గవేరం సీజ మహార్. అహిజ, మా అయాలొకముది బుబ్బ అతికాన్ దిదినివలె, ఎసా లావు వస్సిజ్ లోజిజ మాటు ఎలాకాలం బత్తిదెజ్?

10 మా బుబ్బుర్, నెగం కాలం మజి దిదినాన్. ఎండనిజ్ ఇహిజ అయొక నెగెద్ ఇజి వారు ఒడఁజితారె. గాని, మా నెగ్గిదనివందిజ్ దేవుణు మజి దిదిజనాన్. ఎండనిజ్ ఇహిజ, మాటు వస్సిలెకెండ్ పరిసుదముక మండ్రెజ్.

11 మజి దిదినివలె, అయొక సరద కిబిన్వెద్, దుకం కిబిన్వెద్. గాని అయాలెకెండ్ దిదిజ సిక్కు లాగి ఆజి నెగ్గి సరిదు వాతికార్, వెనుక నీతి నిజాయితిదాన్ కిజ, సమాదనందాన్ మంజినార్.

12 అందెజె, డిఁస్తి* మీ కికు పెర్దు. వణెక్కిని ముణుకుజ్ సత్తు కిబిన్వెద్†.

☆ 12:6 12:6 సావెత 3:11-12. * 12:12 12:12 దిని అర్దెం ఇనిక ఇహిజ, క్రస్తుమకు వాని వలె మీరు మనసు విస్సిఎండ దయరముదాన్ నిల్దు ఇజనె. † 12:12 12:12 స్రెమెజ్ వాని వలె, మస్సు విస్సిఎండ దయరముదాన్ నిల్పు మండ్రె ఇజనె అర్దెం.

13 “మీ కాల్యాఙ్ తినాజ్ నరి తయార్ కిదు”^{*}. సొట కాల్యు బెణ్‌ఎండ, నత్తు ఆని వందిజ్ తినాజ్ నరి తయార్ కిదు.

దేవుణుదిజ్ నెక్కి పొక్‌మాట్

14 విజెర వెట సమాదనమ్‌దాన్ కూడేజి పాడేజి మండ్రెజ్ సుడేదు. పాపం కిఇ, దేవుణు వందిజ్ కేట అతి బత్తు. బత్తుదిజ్ సుడేదు. ఎందనిజ్ ఇహిజ, అయాలెకెండ బత్తుఇకాన్, ప్రబుజ్ సుడేవన్.

15 ఎయెనబా దేవుణు బాణిజ్ వాజిని వన్ని దయా దర్తం తప్ప సొన్‌ఎండ జాగర్త సుడేదిజ్. ఉండ్రీ సేందు మొక్క పిరిసి దని సేందు సంఠెందారిజ్ బాద కినిలెకెండ, ఎయెనబా అఎండ జాగర్త సుడేదిజ్.

16 సావు లెకెండ సాని బూలాజెన్, దేవుణు వందిజ్ బక్తి సిల్లెండనో, ఎయెనబా మన్‌ఎండ జాగర్త సుడేదిజ్. వాండ్రు ఉండ్రీ పుటా తిండి వందిజ్, వన్ని పెరి మరిసి ఇని అక్కు పొర్తాన్.

17 మీరు నెసిని లెకెండ, వెసుక వన్ని అప్పొసి. సిని దీవెనమ్‌కు వాండ్రు కోరితివలె, వాండ్రు నెక్కి పొకె అతాన్[‡]. ఎందనిజ్ ఇహిజ, వాండ్రు కితిక మారెన్ద్రెజ్ వాండ్రు అట్‌వతాన్. వాండ్రు నండో అడేబాజి దీవెనమ్‌కు లొన్ద్రెజ్‌బా దొహకుతె.

18 మీరు, ఇస్రాయేలు లోకుర్ సీనాయి గొరోజ్ డర్తు వాతి లెకెండ రెఇతిదెర్. ముట్టి నెన్ద్రెజ్ ఆని, సిను కసిసి, గొప్పు సీకట్‌మని, తుపాన్ మని గొరోజ్ డర్తు రెఇతిదెర్.

19 వారు, జోడుబాంకెజ్ ఊహ్‌ప్పి పెరి జాటు, వర్గిని జాటు వెపార్. అయాక వెహివలె, మరి వరివెట వర్గిమా ఇజి దేవుణుదిజ్ బతిమాల్‌తార్.

20 ఎందనిజ్ ఇహిజ, “ఉండ్రీ జుతు అతిజ్‌బా, గొరోతు మట్టిజ, దనిజ్ వణకాణిజ్ డెయిజి నప్పైజ్”^{*}, ఇజి దేవుణు వెప్పొ అడ్ర్ ఓరిన్ద్రెజ్ అట్‌వతార్.

21 అప్పొ తోర అతిక, గొప్పు తియెల్ కల్లిన్ద్రెజ్. అందెజె మోసె వెప్తాన్, “నాను గొప్పు తియెల్ అజి వణకెసిన్”, ఇజి. నని గొరోజ్ డర్తు అవిద్ మీరు వాతిదెర్.

22 గాని మీరు, సియెసు గొరోజ్ వాతి మనిదెర్. బత్తుజిని దేవుణు మంజిని పట్టుమ్‌దుని వాతి మనిదెర్. ఇహిజ, పరలోకమ్‌ది యెరూసలెమ్‌దుని వాతి మనిదెర్. సేన దూతార్ సర్దదాన్ కూడితి మని బానె, వాతి మనిదెర్.

23 దేవుణు తొలిత కొణ్జోర్, కూడితి మని బానె వాతి మనిదెర్. వరి పేర్పు పరలోకమ్‌దు ర్వా ఇడ్ర్ మన్చె. మీరు దేవుణు డర్తునె వాతి మనిదెర్. వాండ్రె విజెరిజ్ తీర్పు సినికాన్. పరలోకమ్‌దు మని నీతి నిజాయితి మని వరి పాణెమ్‌క, డర్తునె వాతిమనిదెర్. వారు పూర్తి కిబె అతికార్.

24 మీరు యేసు డర్తునె వాతి మనిదెర్. వాండ్రె, అయా కొత్త ఒప్పుమానం నడేపిన్చికాన్. మీరు, సిల్‌కరెనె అతి నల డర్తు వాతి మనిదెర్. ఏజెలు నల వెప్పొని దన్చుమున్చు నెగ్గి మాట వెప్పొని నల డర్తు వాతి మనిదెర్.

25 అందెజె, మీ వెట వర్గిజిని దేవుణుదిజ్ జాగర్త వెండ్రు. యా లోకమ్‌దు, దేవుణు డటం వెప్పొవలె వెండ్రెజ్ కెఇతి ఇస్రాయేలు లోకుర్, దేవుణు సిని తీర్పుదాన్ తప్ప అదెజ్ అట్‌వతార్ ఇహిజ, పరలోకమ్‌దాన్ డటం వర్గిజిని వన్చిజ్ నెక్కి పొక్తిజ, మాటు సిక్కుదాన్ తప్ప అదెజ్ అట్‌వట?

26 దేవుణు, సీనాయి గొరోజ్‌దాన్ వర్గితివలె, బూమి కద్దితాద్. గాని ఏలు వాండ్రు ఒట్టు కిత మనాన్. “మరి ఉండ్రీ నుటుబా, నాను బూమిదిజ్‌నె అవిండ, ఆగానమ్‌దిజ్‌బా కద్‌లిన్చులె”^{*} ఇజి.

27 “మరి ఉండ్రీ నుటుబా”, ఇని మాటదిజ్, కద్దినికెజ్ మారెన్చె ఇజి నె అర్దం. ఇహిజ, తయార్ కితికెజ్ కద్దిజ మారె ఆనె ఇజి. ఎందనిజ్ ఇహిజ, కద్‌లికెజ్ ఎలాకాం మండ్రెజ్.

28 అందెజె దేవుణు ఏలుబడి ఎనెజ్‌బా కద్‌లివిద్. అందెజె^{*} దేవుణుదిజ్ వందనం వెప్పొ తియెల్‌దాన్ గవరమ్‌దాన్, వాండ్రు సర్‌ద ఆని వజి మాడిసాన్చె.

29 ఎందనిజ్ ఇహిజ, “మా దేవుణు సుర్చి సిను ననికాండ్రె.

13

దేవుణుదిజ్ ఎలాగ సర్‌ద కిబిన్ద్రెజ్

- 1 క్రీస్తు వెట కూడితి మని తంబెరిజు ఇజి, ఒరెన్ మరి ఒరెన్ వన్చిజ్ ప్రేమినినె మండ్రు.
- 2 నెన్‌ఇ వరిజ్ డర్తు కిదెజ్ పొన్‌మాట్. యా లెకెండ డర్తు కిజి, సెగెందార్, నెన్‌ఎండనె దూతారిజ్ డర్తు కిత్తార్.
- 3 జెలిదు మని వరిజ్ ఎత్తు కిదు. మీరు వరి వెట బాన్ మహిపజి ఎత్తుకిదు. బాద ఆని వరిజ్ ఎత్తు కిదు. మీరు వరి లెకెండ బాద అజి మహిపజి వరిజ్ ఎత్తు కిదు.
- 4 వెండ్రెదిజ్ విజెరి గవరం సీదెజ్‌వలె. అప్పొ మాసీర్ రివెర్బా, ఒరెన్ మరి ఒరెన్ వన్చిజ్ నమ్మిదిజ్ తగ్గువరిలెకెండ మండ్రెజ్ వలె, సాని బూలాని వరిజ్, రంకు బూలాని వరిజ్ దేవుణు తవ్వెండ సెక్కి సీనాన్.
- 5 డబ్బుదిజ్ ఆన అమాట్. మిజి కల్లితి మనిదనితాన్ సర్‌ద ఆదు. ఎందనిజ్ ఇహిజ, దేవుణు వెప్పొ మనాన్, “నాను ఎనెజ్‌బా మిజి డిఁనె, నాను ఎనెజ్‌బా మిజి నెక్కి పొక్‌వె”^{*} ఇజి.
- 6 అందెజె దయరమ్‌దాన్ వెప్పొజ్ అట్‌వట్, “ప్రబునె నజి తోడు. నాను తియెల్ అవె. లోకు నజి ఇని కిదెజ్ అట్‌వెర్”^{*}.
- 7 దేవుణు మాట మిజి వెప్పొ, మిజి నడేపిని వరిజ్ ఎత్తు కిదు. వరి బత్తుదాన్ వాతి విజు నెగ్గి దని వందిజ్ ఎత్తు కిదు. వారు నమ్మిత్తి లెకెండ నమ్మిదు.
- 8 యేసు క్రీస్తు ఇవెన్, నేండ్రు, ఎలాకాలం ఉండ్రె లెకెండ మంజినాన్.

^{*} 12:13 12:13 సామెత 4:26. [‡] 12:17 12:17 మరి ఉండ్రీ రకం వెప్పొజ, వాండ్రు కిత్తి తప్పొ ఒప్పొకొదెజ్ వన్చిజ్ అట్‌విండ అతాద్ ఇజి. ^{*} 12:20 12:20 నిళ్ళమ 19:12,13. ^{*} 12:26 12:26 అగ్గుం 2:6. ^{*} 12:28 12:28 ద్విత్తి 4:24. ^{*} 13:5 13:5 ద్విత్తి 31:6. ^{*} 13:6 13:6 క్రీస్తు 118:6-7.

9 విజు రకమ్కాణి నెన్ఱ బోదెజ వెట సొన్నాట్. దేవుణు దయా దర్మమదాన్ మా మన్ను సత్తు అనికాదె నెగెద్. తిండి వందెజ్ మని రూలుజ లోజెజి అంద. అయాకెజ్ లోజెతి వరిజ్ ఇని లాబమ్బా రెవెద్.

10 మజి ఉండ్రె పూజు సిని మాలి పేట మనాద్. దని బాణిజ్, గుడారమ్దు సెవ కిజిని పుజెరిజు తిండ్రెజ్ అక్కు సిల్లెద్.

11 యూదురి రూలు వజ, విజు పుజెరిజు మున్ను, మని పెరి పుజెరి పాపం వందిజ్ పూజు లెకిండ్ జంతుజు నల దేవుణు వందిజ్ ఒద్దె కేట అతి గదిను తనాన్. గాని కండ పట్టు వెల్లి సుర్పార్.

12 అందెజె, యేసుబా పట్టుమది వెల్గు వెల్లి బాద అతండ్రె సొతాన్. వన్ని సొంత నల వాక్కి వన్ని లోకురిజ్ పాపం సిలివరి లెకెండ్ కిదెజ్ వాండ్రు పట్టుమది వెల్గు వెల్లి బాద అతండ్రె సొతాన్.

13 అందెజె మాటు పట్టు వెల్గు వెల్లి వన్ని డగ్రు సొన్సి వాండ్రు లాగి అతి సిగుదు వన్నివెట కూడాట్.

14 ఎందనిజ్ ఇహిజు యా బూమిదు మజి ఎలాకాలం మని ఉండ్రె పట్టు సిల్లెద్. వాదెజ్ మని పట్టు వందిజ్ మాటు ఎద్దు సుడేజిజాట్.

15 అందెజె, యేసు పేరుదాన్, పూజు లెకెండ్ దేవుణుదిజ్ ఎన్నివలిబా పొగిడిజినాట్. ఇహిజు, వాండ్రు ప్రబు ఇజు మా వెయ్దాన్ ఒప్పుకోడిజిని పూజు సిసాట్.

16 మహి వరి వందెజ్ నెగ్గెకెజ్ కిదెజ్, వరిజ్ సాయం కిదెజ్ పోస్మాట్. ఎందనిజ్ ఇహిజు, నిని పూజెజు దేవుణు నరద అనాన్.

17 మీ అతికారిజు మాటిజ్ వెండ్రు. వరి అతికారమ్దిజ్ లోజెదు, వారు మిజి జాగర్త నూణార్. ఎందనిజ్ ఇహిజు వరి పణిదిజ్ దేవుణుదిజ్ లెక్క ఒవజెప్పెజ్ ఇజు వారు నెస్సార్. మీరు వరిజ్ లోజెతిజు, వారు సర్దదాన్ వరి పణిజ్ కినార్. సిలిజు వారు దుకమ్దాన్ కినార్. అయాకెజ్ మిజి నెగెకెజ్, సిఉ.

18 మా వందిజ్ పార్దనం కిదు. మా గర్దం మజి గదిసెండ్ మన ఇజు మాపు పూర్తి నమ్మిజినావ్. మాపు కిజిని దని లోఇ నెగ్గెండ్ విజు కిదెజ్ కోరిజినావ్.

19 దేవుణు బేగినె నజి మీ డగ్రు మరెజు తలెజ్ మీరు మరి లాపు పార్దనం కిదెజ్ ఇజు నాను ముకెలం బతిమాల్లిన.

20-21 దేవుణు మా ప్రబు అతి యేసుజ్ సావుదాన్ నిక్తాన్. వాండ్రె గొరెజు పెరి గప్పుడుఎన్. ఎందనిజ్ ఇహిజు, వాండ్రు వన్ని నల వాక్రాండ్రె సొతాన్. వన్ని నలదాన్ వాండ్రు ఎలాకాలం వందిజ్ ఒప్పుమాసం ముద్ద కిత్తాన్. లోకురిజ్ నమాదనం సిని దేవుణు, వన్నిజ్ ఇన్డం అతికెజ్ కిదెజ్, మిజి నెగెకెజ్ వాదెజ్ సాయం కిపిన్. యేసు క్రీస్తు సత్తుదాన్, వన్నిజ్ ఇన్డం అతికెజ్ విజు మా లోఇ కిపిన్. వన్నిజ్ ఎల్లకాలం గవరం మనిద్. ఆమెన్.

22 తంబెరిజాండె, నాను మిజి ఉండ్రె ఇజి ఉత్తమనె రాస్త మన. అందెజె, నాను పణిజ్ మాటిజ్ జాగర్త వెండ్రు ఇజు ఉసార్ కిబిన్.

23 మా తంబెరి అతి తిమోతి జెలిదాన్ డిబె అతాన్ ఇజు మీరు నెస్తెజ్ ఇజు నాను కోరిజన. వాండ్రు ఇబ్బె బేగి వాతిజు, మిజి సుడేదెజ్ వన్నిజ్బా నా వెట తన.

24 మిజి నడిపిసిని విజెరిజ్, దేవుణు లోకుర్ విజెరిజ్ నాను వెన్బాతి లెకెండ్ వెప్తు. ఇటలిదు మని నమ్మిత్తికార్ మిజి వెన్బాతి లెకెండ్ వెప్సినార్.

25 దేవుణు దయా దర్మం మీ విజెరె వెట మనిద్.

యాకోబు రాస్తే ఉత్త్రం

నెల్లొకిబిసినక

యా ఉత్త్రం రాస్తే యాకోబు ప్రబుఅతి యేసుజ్ తంబెరసి అతికాన్. యాకోబు యెరునలేమ్దు మన్ని సజమది పెద్దెలిజ లోఇ బెరెన్. యాక రాస్తే కాలం రమారమి క్రీస్తు నకం 45 దాన్ 50 నడిమి కాలమ్దు రాస్త మనాన్. యా ఉత్త్రమ్దు ముకెలమాతిక నమకమ్దిజ్ రుజుప్ కినికాద్. నమకం నిజమాతికద్ అవద్ ఇజి ఎలాగ నెస్తిజ్ ఇజి రాస్త మనాన్.

1 దేవుణుదిజ్ని, ప్రబు అతి యేసు క్రీస్తుజ్, నేవకినికానాతి యాకోబు, ఆజ దేనెమ్కాజ్ సెద్రితి మని దేవుణు లోకాజ్ విజేరిజ్ రాసిని ఉత్త్రం. మిజి విజేరిజ్ వందనమక.

మాలెజ్ వానివలె అక్కెజ్ ఓరిస్తిజ్వలె

2-3 నాను ప్రేమిసిని తంబెరిజండె, నండో మాలెజ్ వానివలె మీరు సరదదాన్ మండ్రు. ఎండనిజ్ ఇహిజ, మాలెజ్ వానివలె యేసుప్రబు మున్ను మన్ని నమకం డిసెంండ మహిజ, మాలెజ్ బిరిస్తిజ్ మిజి సత్తు మనాద్ ఇజి దినివలెహాన్ రుజుప్ వానాద్.

4 మీరు కిజిని పణిమ డిసెంండ ఓరిసి మండ్రు. అయాలెకెండ కితిజ మీరు కస్తం బరిస్తిదన్ని లోఇ హూర్తి అతికిదెర్ ఆనిదెర్. అయాలె మి గుణమ్దు ఇనికబా తక్కు సిల్లెండ మంజినిదెర్.

5 మీ లోఇ ఎయెజ్బా గెణం తక్కు మహిజ, వాండ్రు దేవుణుదిజ్ లొస్తిజ్. దేవుణు వన్నిజ్ సీనాన్. ఎందానిజ్ లొసినార్ ఇజి కోపం అవిండ దేవుణు విజేరిజ్ తక్కు సిల్లెండ సీనాన్.

6 గాని, వాండ్రు కండెకబా అనుమానం సిల్లెండ నమకమ్దాన్ దేవుణుదిజ్ లొస్తిజ్. ఎందానిజ్ ఇహిజ అనుమానం ఆనికాన్ గాలిదాన్ ఎగ్గిని నేమదరమది ఉల్కాలెకెండ తూల్లి అల్లి జోజ్జీవజ ఆనాన్.

7-8 అనుమానం ఆనికాన్ దేవుణు బాణిజ్ ఇనికబా దోహకాద్ను ఇజి ఒడోబినిక అవద్. అనుమానం ఆనికాన్ రుండి మన్నుజ్ ఆజి ఇనిదన్ని లోఇబా స్థిరం సిల్లికాన్.

9 దేవుణుదిజ్ నమ్మితి బీదవాండ్రు, దేవుణు వన్నిజ్ పెరికాన్ కిత్తిజ్ సరద ఆజి మండ్రెజ్.

10 అయావజనె అస్తి మనికాన్, వన్నిజ్ కలగతిక తక్కు ఆజి ఇజిరికానాతికబా సరద ఆజి మండ్రెజ్. ఎందానిజ్ ఇహిజ ఉండ్రీ గడ్డి పూబు వెటనె రాల్లివజ, అస్తి మనికాన్ ఆహా అన సొనాన్ ఇజి వాండ్రు నెస్సాన్.

11 పొద్దు సోసి నండో ఎండ కిత్తిజ్ గడ్డి వహ్ను సొనాద్, పూబు రాల్లు సొనాద్. అయ పూబు సోకు విజు పాడానె సొనాద్. అయావజనె గణస్తిజ్ కిని పణిలోఇ అస్తి మన్నికాన్ సిల్లెండ ఆనాన్.

12 మాలెజ్ వానివలె దేవుణు మున్ను, నమకం డిసెంండ అక్కెజ్ బరిస్తికాన్ సర్ద ఆనాన్. మాలెజ్ విజు బిరిస్తి వెనుక దేవుణుజ్ ప్రేమిస్తివరిజ్ సీనా ఇజి ఒట్టు కిత్తి ఎలాకాలం బత్తిని బత్తు, ఇని ఇనాయం దేవుణు సీనాన్.

13 తప్పువణి కిదెజ్ మున్నుద్ వాతివెలె, అక్క దేవుణు సిత్తిక ఇజి ఎయెన్బా వెస్పాక అవద్. ఎందానిజ్ ఇహిజ సెఇ దన్నిదటాన్ దేవుణు తప్పువణి కిబిస్తిజ్ అటవెన్. తప్పువణి కిబిస్తిజ్ దేవుణు ఎయెరి మున్నుదుబా ఆన పుటిన్వెన్.

14 గాని ఒరెన్ ఒరెన్ వన్ని సొంత మున్నుదాన్ మన్ని ఆనదాన్ మరజి లాగ ఆజి సెఇ పణి కిజినాన్.

15 తప్పుకిదెజ్ మన్ని ఆన ఎలాగ ఇహిజ అయెల్కోడో పొటాద్ పిండిం అతిలెకెండె ఆయాక పిరితివలె ఏరు ఈబాజినాద్. అయాలెకెండ ఒరెన్ మున్నుదు సెఇ ఆన నండో ఆజి పాపం పుటాద్. పాపం ముద్రితిజ్ వన్నిజ్ సాపు వాజినాద్.

16 నాను ప్రేజిని తంబెరిజండె, ఎయెర్బా మిజి మోసం కివిండ నుడోదు.

17 నెగ్గికెజ్ విజు, కల్లిసిల్లికెజ్ విజు దేవుణు సీని ఇనాయమ్కునె. ఆగనమ్దు మన్ని జాయ్ విజు పుటిస్తి దేవుణుబాణిజ్ నెగ్గికెజ్ విజు వాజినె. జాయ్ సొస్తి నీడో వానాద్. గాని దేవుణు మారెకాన్.

18 నిజమాతి వన్ని మాటదాన్ వాండ్రు తీర్వం కిత్తిలెలెండ దేవుణు మజి కొత్త బత్తు సిత్తాన్. ఎందానిజ్ ఇహిజ పుటిస్తి విజు వనకమున్ను దేవుణు మజి వన్ని వందిజ్ ఎర్గిని ఇట్టాన్.

దేవుణు మాట వెంజి అయ మాటవజ నడిదెజ్వలె

19 నాను ప్రేమిసిని తంబెరుజాండె, యాక నెగ్గెండ వెండ్రు. ఒరెన్ ఒరెన్ బాగ వెంజి, వెహి వెటనె వరగివిండ, వెహి వెటనె కోపం అవిండ మండ్రెజ్.

20 ఒరెన్ కోపం అతిజ దేవుణుదిజ్ ఇస్తమాతివజ నీతినిజుద్దాన్ పణి కిదెజ్ అటవెన్.

21 అందెజ్ మున్నుద్ నిండ్రీతి సెఇకెజ్ విజు డిసెసీజి, పిరిజవాని సెఇ అలవాటుజ్ విజు డిసెసీజి, మిజి నె తగిని దేవుణు మీ మున్నుదు ఇట్టి మాటెజ లోజేదు. దేవుణు మీ మున్నుదు ఇట్టి ఆ మాటెజలోఇ, మిజి గెల్లిస్తిజ్ సత్తు మన్ను.

22 మీరు దేవుణు మాటెజ వెండ్రెజ్ అవద్. దేవుణు మాట వెంజి అయ మాట వజ నడిదెజ్బావలె. దేవుణు మాటెజ్ వెంజి అయవజనె నడివిండ మహిజ మిజి మీరె మొసెం కిజినిదెర్.

23 దేవుణు మాట వెంజి అయావజ నడికాకాన్ అద్దమ్దు వన్ని మొకొం నుడోతి వన్నిలెకెండ మనాన్.

24 వాండ్రు అద్దమ్దు నుడోజ మరజి సొహి వెటనె వన్ని మొకొం, ఎలాగ మర్తికదో ఇజి పోసినాన్.

25 దేవుణు వెస్తి హూర్తి అతి రూలుజ్ లోకాజ్ పాపమ్దాన్ డిసెస్తికాద్. ఒరెన్ లోకు దేవుణు వెస్తి అయ మాటెజ్ విజు నెగ్గెండ నదేవిజ బాన్ మనికెజ్ పోన్విండ అయావజనె వన్ని బత్తుదు నడితిజ, వాండ్రు కిని విజు పణిలోఇ దేవుణు వన్నిజ్ దివిస్సాన్.

26 ఎయెన్బా, సజి దేవుణు మున్ను నండో బక్తి మనాద్ ఇజి వెహి వెనుక, వన్ని నాలిక అడ్డు సిల్లెండ వరగితిజ వన్నిజ్ మన్నిబక్తి విలువ సిల్లికాద్. వన్నిజ్ వాండ్రె మొసెం కిబి అజినాన్.

27 మా బుబ్బాతి దేవుణు నుడఃతిజ నిజమాతి బక్తి ఇనిక ఇహిజ, యాయ బుబ్బార్ సిల్లి కొణ్ణెరిజ్, ముండ మణిసి ఆతి అయ్లొకొణ్ణెకాజ్ వరి కన్ఱముడు సాయం కిడెజ్, దేవుణుదిజ్ వడిఃఇ వనకలొజ కూడఃవిండ మండ్రెజ్ ఇకాది నిజమాతి బక్తి.

2

విజేరిజ్ ఉండ్రెలెకెండ సుడఃదెజ్వరి

1 నాను ప్రేమిసిని తంబెరిజండె, గొప్ప జాయదాన్ నిండ్రెతి సొకు మన్ని ప్రబువాతి యేసుక్రీస్తుజ్ నమ్మిత్తి మీరు, లోకాజ్ నడిఃమి తేడ తోరిస్తాజ్.

2-4 ఎలాగ ఇహిజ బజారం బొందు ఇట్కెజ, నండొ దరది సొక్కెజ్ పొర్పాజి ఒరెన్, మరి ఒరెన్ బీదవాండ్రు, మీరు పార్దనం కినిబాన్ యా రివర్ వాతార్ ఇహిజ, నెగ్గి సొక్క పొర్పాజి వాతివన్నుజ్ మర్యాద సీజి అయ బీదవన్నువెట, “సిను అబ్బె నిల్అ, సిల్లిజ నా కాల్యు డర్లు ఇబ్బె అడిగి బన్అ”, ఇజ వెహ్పాజ, మీరు బీదవన్నుజ్ అస్తిమన్ని వన్నుజ్ ఎర్రిస్తిలెకెండ ముజనాద్. ఈహు మీరు మీ మన్నుడు మన్ని సెజ ఉదెనమదాన్ లోకాజ్ తీరపు కిజనిదెర్.

5 నాను ప్రేమిసిని తంబెరిజండె, మీరు నెగ్గెండ వెండ్రు. యా లోకమీది బీదవారు దేవుణు మున్ను ఇడ్డి నమకం వందిజ్ అస్తి మన్నికారాదెజ్ దేవుణు వరిజ్ ఏరెహు కితాన్. దేవుణుదిజ్ ప్రేమిసిని వరిజ్ సీనా ఇజ ఒట్టు కిత్తి దేవుణు రాజ్యం దేవుణు వరిజ్ సీనాన్.

6 గాని మీరు బీదవరిజ్ సిగు కిజనిదెర్. మిజి మాలెజ్ కినికార్ అస్తిమన్నికార్ గదె. మిజి కోరుదురు లాగిజ ఒనికార్ వారి గదె.

7 మీరు అసిని యేసుక్రీస్తు నెగ్గి పేరు, వీరె దూసిసినార్ గదె.

8 దేవుణు మాటదు మన్ని ముకెలమాతి రూలు ఇనిక ఇహిజ, సిను నిజి ప్రేమిసిని లెకెండ మహివరిజ్బా ప్రేమిన్అ* ఇజ అహు కిత్తిజ మీరు బాగ నడిఃసినిదెర్.

9 గాని మీరు విజేరిజ్ ఉండ్రె లెకెండ సుడఃవిండ మహిజ పాపం కిజనిదెర్. దేవుణు సిత్తి రూలు మీరు తప్పిదెర్ ఇజ తీర్పు వాజినాద్.

10 ఎయెరుబా దేవుణు రూలుజ విజు వన్నాజ్ లొజిజి ఉండ్రె రూలు తప్పిజ విజు రూలుజ్ తప్పిలెకెండె.

11 మీరు రంకు బూలానిక ఆవిడ ఇజ రూలు మనాద్. లోకాజ్ సప్పిక ఆవిడ ఇజబా రూలు మనాద్. మీరు రంకు బూలాఇదెర్ గాని లోకాజ్ నప్పిజ విజు రూలుజ్ తప్పిలెకెండె.

12 లోకాజ్ విడఃదల సిని రూలుదాన్ దేవుణు మిజి తీరపు కినాన్లె. అందెజె సరి ఆతి మాట వర్గిదు, ఆహె నడిఃదు.

13 ఎందానిజ్ ఇహిజ, కనికారం తోరిన్ఇ వన్నుజ్ కనికారం సిల్లి తీరపు వానాద్. గాని దేవుణు తీరపుకినివరి కనికారం తోరిస్తి వన్ని మున్ను దేవుణు కనికారమన్ గెలిస్తాడ్డి. వన్నుజ్ తీర్పు రెవిడ. ఎందానిజ్ ఇహిజ దేవుణు తీర్పు కిడెజ్ తయార్ ఆతిజ్బా వన్ని కనికారం తీర్పుదిజ్ ఇంక వెరిక.

నెగ్గి పణిని నమకం

14 నా తంబెరిజండె, ఒరెన్ దేవుణు మున్ను నమకం మనాద్ ఇజ వెహ్పా నమ్మకమీదిజ్ తగ్గువజి పణి కివిండ మహిజ వన్నిజ్ లాబం సిల్లెద్. నన్ని నమకం వన్నిజ్ గెల్పిన్విద్.

15-16 ఉండ్రె వేల ఒరెన్ తంబెరి గాని తజిసి గాని సరి ఆతి సొక్కపాతెజ్ సిల్లెండ, తిండి సిల్లెండ మహివరి వరిజ్ కావాలిస్తి వనకాజ్ వందిజ్ ఇని సాయం కివిండ, “విలు సొన్అ, సిను కాయజి నెగ్గెండ ఉణిజి మన్అ”, ఇజ వెహ్పాజ ఇని లాబంబా సిల్లెద్.

17 అయావజినె నమకమీదిజ్ తగ్గితి పణి కివిండ, నమకం ఉండ్రె మహిజ అయ నమకమదాన్ ఇని లాబం సిల్లెద్.

18 గాని మీరు ఒప్పుకొణ్ణెఇదెర్ను. ఒరెన్ వన్నుజ్ దేవుణు మున్ను నమకం మనాద్ ఇజ వెహ్పానిదెర్ను, మరి ఒరెన్ వన్నుజ్ నెగ్గి పణిజ్ మన్ను. గాని నెగ్గి పణిజ్ కివిండ మిజి నమకం మనాద్ ఇజ ఎలాగ మీరు తోరిస్తిదెర్ ఇజ నాను వెనబాజిన. నాను నా నెగ్గి పణిజాణ్ నా నమకం తోరిస్తి.

19 దేవుణు ఒండ్రె ఇజి సీను నమ్మిజిని. ఆహె నమ్మిదిజ్ నెగ్గెదె. దెయమకుబా ఆహె నమ్మిజి తియెలాజి వణిక్కినె.

20 బుద్ధి సిల్లికి, నిజి నమకం మనాద్ ఇజ తోరిసిని నెగ్గి పణిజ్ సిల్లు ఇహిజ అయ నమకం పణిదిజ్ రెఇక ఇజి సీను నెన్ఇదా?

21 మా అనిగ్గొ ఆతి అబ్రహం, వన్ని మరిసి ఆతి ఇస్సాకుజ్ వూజి కిడెజ్ వూజి బనారు ఒత్తివరి, వాండ్రు కిత్తి పణిదాన్ సీతి నిజయ్యి మన్నికాన్ ఇజ దేవుణు వన్నుజ్ ఇడ్డాన్.

22 సుడఃదు, వన్ని నమకమని, వాండ్రు కిత్తి పణి రుండిబా కూడజి వన్ని నమకం పూర్తి ఆతాద్.

23 “అబ్రహం దేవుణుదిజ్ నమ్మితాన్. అందెజె దేవుణు వన్నుజ్ నీతినిజయ్యి మన్నికాన్ ఇజ ఒప్పుకోటాన్”, ఇజ దేవుణు మాటదు రాస్తి మాట ఆహె జరిగితాద్. మరి దేవుణు కూలాయెన్ ఇజి పేరు వన్నుజ్ వాతాద్.

24 ఎయెన్బా దేవుణు మున్ను మన్ని నమకం ఉండ్రెదాని ఆవిడ, నెగ్గి పణిజాణ్బా నీతినిజయ్యికాన్ ఇజ దేవుణు ఇడ్డాన్ ఇజ మీరు నెసినిదెర్.

25 అయావజినె సాని బూలానికాద్ ఆతి రాహొబుబా పట్టుమీదిజ్ నడిః సిల్లెండ సుడఃదిజ్ వాతి వరిజ్ దన్ని ఇండ్రె బాడ్డి సీజి ఆఇ సరి దాన్ పొక్కాద్. అది కిత్తి నెగ్గి పణిదాన్ నీతినిజయ్యికాద్ ఇజ దేవుణు ఇడ్డాన్.

26 పాణం సిల్లి ఒణ్ణెల్ సాతికదె. అయావజినె నెగ్గి పణి సిల్లి నమకం సాతి వజినె.

3

నాలికదిజ్ అడ్డు కిడెజ్

* 2:8 2:8 లేవి 19:18.

1 నాను ప్రేమిని తంబెరిజండె, మీ లోఱ నండొండార్ బోద వెప్పొకిదెర్ ఆమాట్. ఎందానిజ్ ఇహొజ, బోదీనినికార్ ఆతి మిజీ దేవుణు గటిజ్ ఆతి తీర్పు సీనాన్ ఇజ మీరు నెసినిదెర్.

2 మాటు విజేటి నండొ పణిలోఱ తప్పి సొన్నినాట్. గాని ఎయెంబా వాండ్రు వెప్పొ మాటెజ లోఱ ఎనెజ్బా తప్పిండాతిజ వాండ్రు పూర్తి అతికాన్, ఇని తప్ప సిలికాన్. వాండ్రు వన్ని ఒడొల్ మన్ను విజు అణనె ఆజి మండ్రెజ్ అట్నాన్.

3 గుర్రమేది వెయ్యదు కలెం* ఇట్టిజ అక్క లోజేజనాద్. అయ ఇజరి కలెంమాదానె మజి ఇన్జమాతి బాడ్డిదు దన్నిజ్ మహ్లాజ్ అనాద్.

4 సిల్లిజ ఉండ్రె ఓడెదిజ్ సుడెదు. అక్క ఎసా పెరిక అతిజ్బా, పెరి గాలిదాన్ సొనికెజ్ అతిజ్బా, ఓడెదు మన్ని సుకాని ఇని ఇజరి మరదాన్ ఓడె నడిపిసినికాన్, వన్నిజ్ ఇన్జమాతి బాడ్డిదు ఒసినాన్.

5 అయాలెకెండ నాలికబా ఇజరిక అతిజ్బా అక్క గొప్ప వనక వందిజ్ పొజిజి వర్గిజనాద్ ఎస్సా ఇజరి సిను అతిజ్బా పెరి గొరొన్ది మరెకాజ్ విజు సుర్బొకాన్.

6 నాలికబా ఉండ్రె సిను లెకెండ. ఒడొల్దు మన్ని వనకలోఱ అక్క పూర్తి సెఇక. అక్క ఒరెన్ వన్నిజ్ పూర్తి సెఎణ్ కిజనాద్. నరకమదానె వాతి సిను నాలికాదు కసి వన్ని బత్తు. విజు నానసం కిజనాద్.

7 విజు రకమకాణి జంతుజ, ఆగనమ్దు మన్ని పొటిజ, సరాన్కాజ్, ఏరు లోఱ మన్ని విజు మొయెజ, లోజేన్జె లోకు అట్నాన్.

8 గాని ఎయెంబా నాలికదిజ్ లోజేన్జె అట్విర్. అది పూర్తి సెఇక. దనిజ్ అడ్డు కిదెజ్ ఎయెర్ అట్విర్. సావుదిజ్ తగితి విను తసినాద్.

9 యా నాలికదానె బుబ్బాతి దేవుణుదిజ్ స్తుతి కిజనాట్. యా నాలికదానె దేవుణు మూర్తి లెకెండ పుటిన్సి లోకాజ్ సయమ్ సీజనాట్.

10 ఉండ్రె వెయ్యదానె నెగ్గి మాటెజ, సయమ్ సీని మాటెజ్ వాజనాద్. నా తంబెరిజండె, మీరు ఆహె మంజినిక అవిద్.

11 ఉండ్రె ఊటదానె నెగ్గి ఏరుని సెఇ ఏరు రెఉ.†

12 బోడె మూతా ఒలివ పట్టు అనఉ. ద్రాక్కు తివాద్ బోడె పట్టు రెఉ. అయవజనె సోరు ఏరు సోని ఊటదాన్ నెగ్గి ఏరు రెఉ.

రుండి రకమకాణి గెణమ్కు

13 మీ లోఱ గెణం తెలివి మన్నికాన్ మహొజ, అక్క వన్నినెగ్గి బత్తుదాన్ రుజుమ్ కిదెజ్. గెణంమాదాన్, లోజేజి మంజిని గుణం వానాద్. నజి గెణం తెలివి మనాద్ ఇజి లోజేజి మంజిని గుణంమాదాన్ వాండ్రు కిని పణి లోఱ తోరిసిన్.

14 గాని మీ మన్నుదు నండొ పగ, గోస, మీ వందిజ్ మన్ని మన్ను ఇడొతిజి మీ గెణం వందిజ్ పొజిదెజ్ అవిద్. మీ గెణం వందిజ్ వెప్పొక నిజం అవిద్.

15 నన్ని బుద్ధి దేవుణు సిత్తిక అవిద్. అక యా లోకమదాన్, లోకు బుద్ధిదాన్, నయతానుబాణిజ్ వాతి గెణమె.

16 ఎంబె గోస, మీ వందిజ్ మని మన్ను మనాదొ, అబ్బె టంటెజ్, విజు రకమకాణి పాపమ్కు మంజిని.

17 గాని దేవుణుబాణిజ్ వాని గెణం కల్లి సిత్తిక. అయ గెణం మన్నికార్ సమదనమ్దాన్, సార్దిదాన్, విజేరెవెట కూడెజి, లోజేజి మంజిని బుద్ధిదాన్, కనికారమ్దాన్, నెగ్గి పణిజాణ్, విజేరిజ్ ఉండ్రెలెకెండ సుడెజి, నిజమ్దాన్ పణి కినాన్.

18 సమదనం కినికార్ సమదనం విత్తి, నీతి నిజయ్తి ఇని పంట కొయనార్.

4

దేవుణుదిజ్ లోజేదు

1 మీ లోఱ జటిజ్ అదెజ్, పొట్లాడెడిజ్ బుద్ధి మనాద్. సుకం మున్ను మండ్రెజ్ ఇజి మీ మన్నుదు మన్ని ఆనదానె నన్ని బుద్ధి వాజనాద్.

2 మీరు ఇనికెజ్ దొహ్కన్నద్ ఇజి ఆన ఆజినిదెర్ గాని అకెజ్ మిజి దొహ్కొప్పిండ ఆజనె. అయావలె మీరు సప్పిదెర్. ఇతాహా వరిది ఆన ఆనిదెర్ గాని దొహ్కొప్పిండ అట్ఇదెర్. మీరు టంటెజ్ ఆజి పొట్లాడెజినిదెర్. మిజి కావాలిన్జె ఎందానిజ్ దొహ్కొప్పిండ ఇహొజ, మీరు దేవుణుదిజ్ లొసెదెర్.

3 మీరు లొస్సివలె మిజి దొహ్కొప్పిండ. ఎందానిజ్ ఇహొజ మీరు సెఇ ఉదెనమ్దాన్ లొస్సిదెర్. సుకం మున్ను మండ్రెజ్ ఇజి మీరు లొస్సిదెర్.

4 మీరు దేవుణుదిజ్ డిసి సొహొకిదెర్. యా లోకమిదిజ్ ప్రేమిన్సికాన్ దేవుణుదిజ్ విరోదమాతికాన్ ఇజి మీరు నెసెఇదెరా? యా లోకమిదిజ్ కాల తొప్పొకాన్ దేవుణుదిజ్ పణిఇకాన్ అనాన్.

5 దేవుణు మా లోఱ ఇడ్డె ఆత్మ, మా వందిజ్ నండొ ఆన ఆజినాన్ ఇజి దేవుణు మాటదు మనాద్. అయ మాట నిజం ఇజి మీరు నెసినిదెర్.

6 గాని దేవుణు సత్తుదాన్ కూడితి దయాదర్తుం మీరు ఆన ఆని దన్నిజ్ ఇంక నండొ సీజనాన్. అందెజె “గర్త ఆని వరిజ్ దేవుణు ఎద్రిసినాన్. గాని తగి ఆతి మన్ని వరిజ్ దయాదర్తుం సీజనాన్”, ఇజి దేవుణు మాటదు వెప్పొనాద్.

7 అందెజె మీరు దేవుణుదిజ్ లోజేదు. నయతానిదిజ్ ఎద్రిస్త. అయావలె నయతాన్ మీబాణిజ్ ఉహొక్కు సొనాన్.

8 మీరు దేవుణు డగ్గు రద్దు. అయావలె మీ డగ్గు రద్దు. అయావలె దేవుణు మీ డగ్గు వానాన్. మీరు కిని పణిజి లోఱ ఇని తప్పబా మన్విండ మండ్రెజ్, పాపం పణిజి విజు డిసిసిదు. దేవుణుదిజ్, లోకమిదిజ్, ప్రేమిని రుండి మన్ను డిసిసిజి, దేవుణుదిజ్ ప్రేమిని ఉండ్రె మన్ను ఆజి మండ్రు.

* 3:3 3:3 గుర్రం వెయ్యదు ఇడ్డి ఇజరి సెక్కు ముక్క అక్క గుర్రం వెయ్యదు మహొజానె దన్నిజ్ నడిపిన్జె అనాద్. † 3:11 3:11 బామిలోఱహాన్ నెగ్గి ఏరుని సెఇ ఏరు వానె. బానె సెఇ ఏరుని వానె. తియాజ్ అఉ. సోరు మన్నుకాదె.

9 మీ పాపం వందిజ్ ఒడఁబిజి దుకం ఆజి నండో అడఁబాదు. మీరు సిక్కిక డిఁసి, అడఁబాదు. మీరు సర్ద డిఁసి, దుకం ఆదు.

10 దేవుణు ముజాల మీరు తగిజ మండ్లు. అయావల దేవుణు మిజి గవరం సీనాన్.

11 నాను ప్రేమిసిని తంబెరిజాండె, ఒరెన్ మున్ను ఒరెన్ విరోదం వర్గిమాట్. మరి ఒరెన్ వన్నిజ్ వడఁజక వెప్పికాన్, మరి ఒరెన్ వన్నిజ్ తీర్పు కినికాన్. దేవుణు వెప్పి రూలుదిజ్ విరోదం ఆజినాండ్రె దేవుణు సీత్తి రూలుదిజ్ వాండ్రు నెక్కిపొక్కినాన్. మీరు దేవుణు రూలుజ్ నెక్కిపొక్కిజి మీరు దేవుణు రూలుదిజ్ లోబడఁజదెర్. గాని దేవుణు రూలుజ్ సరిఅతికెజ్, ఆవిదో ఇజి మీరు తీర్పు తీరినికార్ ఆనిదెర్.

12 విజు రూలుజ్ సీనికాన్ దేవుణునె. విజెరిజ్ తీర్పు సీనికాన్ దేవుణునె. ఒరెన్ వన్నిజ్ గెల్పిస్తెజ్ వాండ్రు అట్టాన్. ఒరెన్ వన్నిజ్ నాననం కిదెజ్ వాండ్రు అట్టాన్. పడఁకాతి వన్నిజ్ తీర్పు సీదెజ్ నీను ఎయి?

మర్న రోజు వందిజ్ పొజిదెజ్ ఆవిద్

13 నాను వెప్పికా నెగ్గెడ వెండ్రు. మీ లోజ నెగెండార్ ఈహు వెహ్సెర్, “నేండ్రు సీల్లె, విగెహెజ్ ఎంబె ఎంబె ఉండ్రె పట్టుం సాన్ని, అట్టె ఉండ్రె ఏంటు మంజి బేరం కిజి నండో డబ్బు గణస్స”.

14 అపొజ, విగెహెజ్ నీ బత్తుదు ఇనిక వానాదో నీజె తెలివిద్. నీ బత్తు నణెం తోరె ఆజి నణెమిదిజి మాయ ఆని ఆవిరి నన్నిక.

15 అందెజి మీరు ఈహు వెప్పెజ్, “దేవుణుదిజ్ ఇస్సం మహిజ మాపు బత్తినాన్, అక్క కినాన్, ఇక్క కినాన్”.

16 గాని మీరు గర్త ఆజనిదెర్. మీరు మీ వందిజి పొజిజనిదెర్. ఇక్క విజు తప్పు.

17 ఎయెర్బా సరిఅతి పణి ఎమెణిక ఇజి నెసి, అయాలెకెండ కివిండ మహిజ వాండ్రు పాపం కిజినాన్.

5

ఆస్తి మన్నికార్ జాగర్ల మండ్రు

1 ఆస్తి మన్నికార్ నాను వెప్పికా వెండ్రు. మిజి వాని గొప కస్టమక వందిజ్ దుకమదాన్ నండో అడఁబాదు.

2 మీ ఆస్తి విజు పాడాన సానాల్లె. మీ పాతెజ్ విజు నెడ తినెలె.

3 మీ బజారం, వెండిదిజ్ కరి తినాల్లె. దేవుణు తీర్పు కినివలె ఆ కరి నీ మున్ను రుజువ్ మంజి నీనువజి మిజి నాననం కిన్నా. మీరు గణస్తి ఆస్తి విజు, దేవుణు తీర్పు కిని రోజు వందిజ్ కుంబ కిజినిదెర్.

4 సుడఁదు, మీ బూమిదు పణి కిత్తివరిజ్ కూలి డబ్బు సిజతిదెర్. అయా కూలిడబ్బు మీ ఎద్దు మొరొ ఆజినె. మీ పంట కొయ్యవరి మొరొ గొప్ప సత్తు మన్ని దేవుణుబాన్ సాహద్.

5 మీరు యా లోకమదు మహివలె సుకం మున్ను మంజి సర్దదాన్ బత్తితిదెర్. కొయదెజ్ బలస్తి మన్ని కోడ్డిలెకెండ కడఁవెరి దినమకాజ్ వాని మీ నాననమ వందిజ్ మీ మన్ను బలిసి వాతాద్.

6 తప్పు కిజి వరిజ్ తప్పు కిత్తికార్ ఇజి నేరం మొప్పి, వరిమున్ను తీర్పు తపిసి నస్తిదెర్. మిజి ఎద్దిస్తెజ్ వారు అట్ఎతార్.

కస్టమదు ఓరిసి మండ్రు

7 అందెజి, నా తంబెరిజాండె, ప్రబు ఆతి యేను క్రీస్తు వాని దాక వన్నివందిజ్ ఓరిసి మండ్రు. సుడఁదు, ఒరెన్ రెయ్యు వాండ్రు గొప్ప పిలువాతి వన్ని బూమి పంట బూమిపంట వానెండ ఎస్సా కాలం కాన మంజినాన్. ముజాల పేరుదిజ్, కడివేరి పేరుదిజ్ వాండ్రు కాన మంజినాన్.

8 అయావజనె మీరుబా ఓరిసి మండ్రు. మీ మన్ను కడ్డివిండ ఇడఁదు. ప్రబు ఆతి యేను క్రీస్తు వాని రోజు డగ్రు అతాద్.

9 నాను ప్రేమిసిని తంబెరిజాండె, దేవుణు మిజి తీర్పు కివిండ మండ్రెజి ఇపొజ ఒరెన్ మున్ను ఒరెన్ మొరొ ఆమాట్. ఎందానిజ్ ఇపొజ దేవుణు మిజి తీర్పు సీనాన్లె. తీర్పు కినికాన్ డగ్రునె మనాన్.

10 దేవుణు మాట వెప్పి ప్రవక్తరు ఎలాగ మహార్ ఇజి సుడఁదు. వరిజ్ నండో మాలెజ్ కిత్తిజ్బా వారు అక్కెజ్ బరిస్తార్.

11 నమకం డిఁసేవిండ బరిసి మహికార్ సర్ద అనికార్ ఇజి మావ్ వెప్పినావ్ ఇజి మీరు నెసినిదెర్. యోబు, కస్టమకు వాతివలె ఓరిస్తెజ్ దేవుణు ఎలాగ వన్ని ఉదెనమకు పూర్తి కిత్తాన్ ఇజి మీరు వెహెదెర్. ఎందానిజ్ ఇపొజ దేవుణు నండో కనికారం, దయ మన్నికాన్.

12 ముకెలమాతి ఉండ్రె మాట ఇనిక ఇపొజ మీరు ఆగనం తోడు గాని, బూమి తోడు గాని, మరి ఇనిదన్ని తోడుబా గాని అసి ప్రమాణం కినిక ఆవిద్. మీ మాట ఒఱి ఇపొజ ఒఱి ఇజి, ఆవిద్ ఇపొజ ఆవిద్ ఇజి మండ్రెజి. ఆపా మహిజ దేవుణు తీర్పు సీనివలె మిజి సిక్కు రెవిద్.

నమకమదాన్ కూడితి పార్లనం

13 మీ లోఇ ఎయెజ్బా మాలెజ్ వాతిజి వాండ్రు దేవుణుదిజ్ పార్లనం కిదెజ్. మీ లోఇ ఎయెజ్బా సర్దదాన్ మహిజ దేవుణు వందిజ్ పాటిజ్ పార్దెజ్.

14 మీ లోఇ ఎయెజ్బా జబ్బు మహిజ వాండ్రు నజం పెద్దెల్జి కూకెజ్. వారు ప్రబు పేరుదాన్ నూనె రాసి వన్ని వందిజ్ పార్లనం కిదెజ్.

15 నమకమాతి పార్లనం ఆ జబ్బుది వన్నిజ్ నెగెండో కినాద్. దేవుణు వన్నిజ్ నిక్కాన్. వన్ని పాపమకు దేవుణు నెమిస్తాన్.

16 అందెజి మీరు నెగెండో అనివందిజ్ ఒరెన్, పాపమకు మరి ఒరెన్ వన్నిజ్ జబ్బుకొడిజి, ఒరెన్, మరి ఒరెన్ వందిజ్ పార్లనం కిదు. నీతి నిజయ్యు వాండ్రు కిని పార్లననమిదిజ్ గొప్ప సత్తు మనాద్.

17 ఏలిరు ప్రవక్త మానన్ని లోకనె. వాండ్రు బూమి మున్ను పిరు రమ ఇజి గటిజి పార్లనం కితిజ్, మాండ్రె పంటెజ్ అరు నెలెజ్ దాక బూమి మున్ను పిరు రెవితాద్.

18 ఏలియ మరి పార్లనం కితిజ్ ఆగనం పిరు సిత్తాద్. పిరు సిత్తిజ్ బూమి పంట సిత్తాద్.

19 నా తంబెరిజాండె, మీరు యాక నెన్లు. మీ లోఇ ఎయెన్బా నిజమాతి సరి తప్పిజ, వన్నిజ్ మరి ఒరెన్ నిజమాతి సరిదు త్తెజె.

20 అహు కితిజ పాపం కిత్తిజ్ వాతి సావుదాన్, వన్ని ఆత్మదిజ్ తప్పిస్సాన్. దేవుణు వన్ని పాపమ్కాజ్ విజు నెమిస్సాన్.

పేతురు రాస్తీ మొదోహి ఉత్రం

నెల్ల కిబిసినిక

యా ఉత్రం రాస్తీకాన్ యేసుప్రబుజ్ అపొస్తుడు ఆతి పేతురు. రమారమి క్రీస్తు సెకం 60 దు యా ఉత్రం రాస్తాన్. అయా కాలమదు ఆసియాదు బానె బత్తిజ మహి క్రీస్తు లోకాజ్ మాలెజ్ వాజి మహా. విలుబడిః కిని రాజుర్ క్రీస్తు లోకాజ్ వరి నమకం వందిజ్ హిమన కిత్తార్. వరిజ్ దయరం కిబిస్తజ్ యా ఉత్రం రాస్తాన్. ముకెలమాతి మాటిజ్ ఇహిజ, కస్టమకు వానివలె ఓరిసి మండ్రెజ్, అతికారి లోకాజ్ లోజిజ్ మండ్రెజ్, దేవుణు వందిజ్ బత్తిదజ్ ఇహిజ ఎలాగ నినికెజె.

1 యేసు క్రీస్తుజ్ అపొస్తుడు ఆతి పేతురు రాసిని ఉత్రం. పొంతు, గలతీయ, కపదోకియ, ఆసియ, బితునియ ఇని దేనమ్కాజ్ నెద్రితి మని ఆఇ దేనమ్ది వరి లెకెండ్ మనివరిజ్, ఎయెర్ ఇహిజ దేవుణు దేవుణు వన్ని వందిజ్ ఏర్పాటు కితి వరిజ్ రాసిన్.

2 బుబ్బాతి దేవుణు మిజి ఎర్నిస్తెజె ఇజి బడేబితాండ్ర వన్ని వందిజ్ మిజి ఎర్నిస్తాన్. యేసు క్రీస్తుజ్ లోజిజి వన్ని నలదాన్ నొరె ఆజి సుబరం ఆజి మండ్రెజ్ దేవుణు అత్తు మిజి కేట కిత మనాన్. మిజి దేవుణు దయా దర్మం, నిపాతి నిండ్రెజి మనిద్.

ఎలాకాలం ఎద్దు సుడేజి మండ్రెజ్.

3-4 మాటు దేవుణుదిజ్ నండో పొగిడినాల్. వాండ్రె, మా ప్రబు ఆతి యేసుక్రీస్తుజ్ బుబ్బు. దేవుణు గొప్ప కనికారమ్దాన్ మజి కొత్త బత్తు, సితాన్. ఎలాగ ఇహిజ, యేసు ప్రబుజ్ సాతి వరి లోఇహాన్ నిక్తాన్. నిక్తిజ్ ఎల్లకాలం ఎద్దు సుడేజి మండ్రెజ్ కొత్త బత్తు మజి సితాన్. అక్కడె అవిండ మజి ఉండ్రె అక్క, సితాన్. అక్క పాడాజి సొనెక, పూర్తి నెగ్గక. ఎల్లకాలం మంజినిక. అక్క పరలోకమ్దు మీ వందిజ్ ఇట్టా మనాన్.

5 మీరు దేవుణుదిజ్ నమ్మితిజ్ దేవుణు వన్ని గొప్ప సత్తుదాన్ మిజి కాపకిజి ఇడ్వాన్. కడెవెరి రోస్కాణ్ మజి వాని సిక్చదాన్ ఎలాగ గెల్నిస్తాన్ ఇజి తోరిస్తాన్.

6 దిన్ని వందిజ్ మీరు నండో సర్ద ఆదు. గాని ఎలు సెగం రోస్కు మిజి కల్లితి అనెకమాతి విజి రకమ్కాజి కస్టమ్క వందిజ్ దుకం ఆదెజ్ వలె.

7 ఎందనిజ్ ఇహిజ, వడాజి సొని బజారం సినుదు ఇడ్డి సుబ్రం కిసార్ గదె. అయ లెకెండ్ బజారం ముస్కు విలువ మన్ని మీ నమకమ్కా కల్లి సీలిక ఇజి రుజువ్ కిదెజ్ వలె. అసా రుజువ్ కితిజి యేసు క్రీస్తు తోరి అనివలె నని నమకమ్ వందిజ్ మిజి పొగిడినాన్. మిజి, గొప్ప గనం దోహాక్చాద్.

8-9 మీరు వన్నిజ్ సుడేజినిదెర్ గాని వన్నిజ్ ప్రేమిసినిదెర్. ఎలు సుడేవిండ మహిజ్బా వన్నిజ్ నమ్మిజినిదెర్. మరి, వెప్తాజ్ ఆటేజి నని గొప్ప సర్దదాన్ సర్ద ఆజినిదెర్. ఎందనిజ్ ఇహిజ మిజి యేసు క్రీస్తు ముస్కు మన్ని నమకమ్దానె, మీ పాణం ఎలాకాలం మంజిని సిక్చదాన్ గెల్నిస్తాజ్ అట్టాద్.

10 మిజి వాని రక్తణ వందిజ్ దేవుణు మాటిజ్ వెప్తా ప్రవక్తరు రెబాతరె బాగ నెస్తెజ్ సుడూతార్. దేవుణు మిజి సీదెజ్ ఇడ్డి యా దయా దర్మం వందిజ్ వారు వర్గితార్.

11 క్రీస్తు కస్టమ్కు ఓరిస్తి వెనుక గొప్ప గనం కల్లినాద్ ఇజి ప్రవక్తరు లొజి మన్ని క్రీస్తు అత్తు అక్క జర్గివిండ మహి నండో ముందాల్ నె వరిజ్ వెప్తా మహార్. వెప్తాజ్ దన్ని అర్థం ఇనిక ఇజి వారు రెబాతార్. అక్కాజ్ ఎనెజ్ జర్గినెలె, ఎలాగ జర్గినెలె ఇజి రెబాతార్.

12 ఆహు రెబాతిజ్, వారు వరి వందిజ్ నె ఆవెద్, మీ వందిజె వెప్పిసార్ ఇజి దేవుణు అత్తు వరిజ్ నెస్సిస్తాన్. పరలోకమ్దాన్ దేవుణు పొక్తి వన్ని అత్తు సత్తుదాన్ మిజి సువార్త వెప్తాకార్ యాక్కాజ్ మిజి నెస్సిస్తార్. పరలోకమ్దు మని దూతెజిబా దిన్ని వందిజ్ నెస్తెజ్ ఇజి ఆన ఆజినార్.

దేవుణు వందిజ్ కేట ఆజి మండ్రు.

13 అందెజి మీ మన్సుదిజ్ తయార్ కిజి మండ్రు. మన్సుదు అణె ఆజి మండ్రు. యేసుక్రీస్తు తోరి అనివలె మిజి దోహాక్చి దేవుణి దయా దర్మం వందిజ్ పూర్తి ఆనదాన్ ఎద్దు సుడేజి మండ్రు.

14 దేవుణుదిజ్ లోజిజి వన్ని కొణెర్ లకెండ్ మండ్రు. ముజల్ నె మీరు దేవుణుదిజ్ నెనెంండ మహివలె సెజి ఆనెజి వందిజ్ లెకెండ్ అమాట్.

15 గాని మీరు కిని విజు దని లోసుబా దేవుణు వందిజ్ కేట ఆజి మండ్రు. ఎందనిజ్ ఇహిజ వన్ని సొంతం ఇజి మిజి ఇడ్డికాన్ పరిసుదం ఆతికాన్.

16 ఎందనిజ్ ఇహిజ దేవుణు పరిసుదం ఆతికాన్. అయ లెకెండ్ మీరుబా పరిసుదం ఆజి మండ్రెజ్ ఇజి దేవుణు మాటదు రాస్త మనాద్.

17 బుబ్బు ఇజి కూక్తి మీరు పార్లనం కిజిని దేవుణు విజెరిజ్ వరి పణిజ సుడేజి ఇని తేడః సిల్లెండ తీర్చు కిజినాన్. అందెజె మీరు యా లోకమ్దు కూడః వాతి వరిలెకెండ్ బత్తిని వలె దేవుణుదిజ్ తియెల్ ఆజి మండ్రు.

18 మీ అనిగొగ్గర్ బత్తితి లెకెండ్ దేవుణుదిజ్ నెనెంండ బత్తిని మీ బత్తు. పణిదిజ్ రెకక. నన్ని బత్తుదాన్ యేసు ప్రబునె మిజి డిబిస్తాన్. సిల్లెండ ఆజి సొని వెండ్ బజారం మిజి డిబిన్వెతార్ ఇజి నెస్సిదెర్ గదె.

19 గాని ఇని తప్ప సీలి గొర్తి పిల్ల నని యేసుక్రీస్తు విలువాతి నలదాన్ నె మీరు డిబె ఆతిదెర్.

20 యా లోకమ్దిజ్ పుటి సెలెండ మహివలెని దేవుణు యేసుక్రీస్తుజ్ యా పణి వందిజ్ ఎర్నిస్తాన్. గాని యా కడెవెరి రోస్కాణ్ నె వన్నిజ్ పొక్తాన్. మీ వందిజ్ పొక్తాన్.

21 సాతి వరిబాణిజ్ దేవుణు నిక్కి యేసు క్రీస్తు వెటను మిజీ దేవుణు మున్ను, నమకమ్ మనాద్. నిక్కిజ్ వన్నుజ్ గొప్ప పెరికాన్ ఇజి ఇట్టాన్. అందెజి మీ నమకం దేవుణు మున్ను ఇట్టిదెర్. అందెజి దేవుణు ఒట్టు కితి దనిజ్ ఎర్దు సుడేజి మంజినిదెర్.

22 నిజమాతి మాటదిజ్ మీరు లోజితిజ్ మీరు టీటజ్ ఆతిదెర్. అందెజి నమ్మితి వరిజ్ కల్లి సిల్లెండ ప్రేమిసినిదెర్. అహిజ నిజమాతి ప్రేమదాన్ మీ మున్ను హార్తి నెమిన్లజ్ వలె.

23 ఎందనిజ్ ఇహిజ సాజి సాని లోకాజ్ ఆవిద. గాని ఎల్లకాలం బత్తిని దేవుణుదన మీరు పుట్టిదెర్. ఎల్లకాలం బత్తిని దేవుణు మాటదాన్ మీరు మరి పుట్టిదెర్.

24-25 ఎందనిజ్ ఇహిజ, “విజెరె లోకుర్ గడ్డి లకెండె వరి పేరు గడ్డి పుజు లకెండె మనాద్. గడి వప్పాద్. పుజు రాలూ అర్నాద్. గాని ప్రబు ఆతి దేవుణు మాట ఎల్లకాలం మంజినాద్”, అయా మాట ఇనిక ఇహిజ మిజీ సువార్త వెప్తి మని మాటనె.

2

1-3 యేసు క్రీస్తు ఎసా నెగ్గకాన్ ఇజి మీరు నెని సుడేజి మహిదెర్. అందెజి ఆజి వన్ను మున్ను, కుట్ట కినికెజ్, విజా మొసెం పణిజ్, మీ మున్నుదు మనికెజ్, డాప్పి మరి ఉంట్రి వెప్పికెజ్, కినికెజ్, గోస, మరిబెరెన్ వన్నుజ్ దూసిన్సిక యాకెజ్ విజా డిజిస్తు. ఏలు పుట్టి ఇజి కొడోర్ లెకెండె దేవుణు మాట ఇని కల్లి సిలి పాలు ఉండెజ్ నండ్ అన ఆదు. దని నత్తుదాన్ పిరిజి మీ బత్తు రక్సిస్తు.

పాణం మన్ని పణుకు, దేవుణుదిజ్ ఎర్లిసి మన్ని లోకుర్.

4 మీరు బత్తిజి మని క్రీస్తుబాన్ వాతిదెర్. ఇల్లు తొప్పికార్ పణిదిజ్ రెజి ఇజి నెక్కి పొక్కి పణుకు లెకెండె క్రీస్తు. లోకుర్ వన్నుజ్ నెక్కిపొక్కార్ గాని దేవుణు వన్నుజ్ గొప్ప విలువాతికాన్ ఇజి ఎర్లిస్తాన్.

5 మీరుబా పణుకుజ్ లెకెండె దేవుణు మండ్రెజ్ ఇజి తొహ అని గుడిదిజ్ మీరు పణుకుజ్ లకెండె. గాని క్రీస్తు లెకెండె మీరుబా పాణం మని పణుకుజ్. దేవుణుదిజ్ కేట ఆతి పుజెరి లోకుర్ లెకెండె మండ్రు. దేవుణుదిజ్ పొగడిజి, వందనమ్కు వెప్పి, వన్నుజ్ లోజిజి మంజి యేసు క్రీస్తు వలెహాన్ వన్నుజ్ తగితి పూజెజ్ సిదు.

6 దేవుణు మాటదు ఈహూ ర్నా మనాద్ ఇనిక ఇహిజ ఇదిలో నాను సియెనుదు ఉంట్రి పణుకుదిజ్ ఎర్లిసిన. అయా మూల పణుకు గొప్ప విలువాతిక. వన్ను మున్ను, నమకం ఇడ్డికాన్ ఎయెన్బా సిగు ఆవిన్.

7 అందెజి, యేసు క్రీస్తుజ్ నమ్మిత్తి మిజి, యా పణుకు గొప్ప విలువాతి పణుకు. గాని నమ్మితి వరిజ్ ఇనిక అనాద్ ఇహిజ, “ఇల్లు తొప్పికార్ నెక్కి పొక్కి పణుకునె మూలదిజ్ మూల పణుకు అతాద్”.

8 మరి ర్నా మనాద్ ఇనిక ఇహిజ “అయ పణుకునె లోకాజ్ అడ్డు కినాద్. అయ పణుకుదిజ్ తొరొడిజి అర్నాద్. ఎలాగ్ అర్నాద్ ఇహిజ దేవుణు మాటదిజ్ లోజివెర్. దేవుణు మాటదిజ్ లోజికార్ అర్నాద్ ఇజి దేవుణు ముందాల్నా నెస్తాండ్రె వెప్తా మహాన్.

9 గాని మీరు దేవుణు ఎర్లిస్తి జాతి. రాజుజ్ పుజెరి లోకుర్. దేవుణుదిజ్ కేట ఆతి వన్ను సొంత లోకుర్. అహా పాపం ఇని సికటిదాన్ వాని గొప్ప బమ్మాతి జాయదు మిజి కుక్క తతాన్. వన్ను గొప్ప బమ్మాతి పణిజి వందిజ్ నాటిన్లెజి ఇట్టాన్.

10 ముందాల మీరు దేవుణు లోకుర్ ఆజికిదెర్. ఏలు దేవుణు లోకుర్ ఆతిదెర్. ముందాల దేవుణు కనికారం మిజి దొప్పావతాద్. ఏలు కనికారం దొప్పావతాద్.

11 నాను ప్రేమిసిని తంబెరిజాండె, నాను మిజి బతిమాల్లి వెప్పిన, మీరు యా లోకమ్ది వరి లెకెండె అజదెర్, ఆజి దేసెమ్ది వరి ననికిదెర్. దేవుణు వందిజ్ మని ఆసెజి అడ్డు వాజిని ఒడోలేది ఆసెజి డిజిస్తు.

12 దేవుణుదిజ్ నెనెజి లోకుర్ నడిజిమి మీరు నెగ్రెండ మండ్రెజ్. ఎందనిజ్ ఇహిజ ఇని దని లోజిబా మిజి నికార్ ఇజి వారు వెప్తాజి, మీ నెగ్గి బత్తుదిజ్ సుడేజి దేవుణు తిర్పు కిదెజ్ వాని రోజుదు వారు దేవుణుదిజ్ పొగడిదెజ్.

అతికారమ్దు మన్ని వరిజ్ లోజిజి మండ్రు.

13-14 ఏలుబడిజి కినివరి లోజి పెరికాన్ ఆతి రాజుజ్ గాని, అతికారమ్దు మని వరిజ్ గాని క్రీస్తు వెప్తి లెకెండె లోజిజి మండ్రు. తప్ప కితి వరిజ్ సిక్కి సిదెజ్, నెగ్గికెజ్ కితి వరిజ్ పొగడిదెజ్ విరిజ్ పొక్కాన్ గదె.

15 ఎందనిజ్ లోజిదెజ్ ఇహిజ, మీ నెగ్గి పణిజి తోరిసి మీరు బుద్ది సిల్లెండ వర్లిని వరి వెయెం మూక్తెజి ఇజి దేవుణు కోరిజినాన్.

16 మీరు డిజె ఆతి లోకుర్. అహిజ, మీరు ఎయెర్ నెనెండె సెజి పణిజి కిదెజ్ ఆవిద. దేవుణు అడ్డి పణి కినివరి లెకెండె మండ్రు.

17 విజెరిజ్ మర్నాద్ సిదు. నమ్మిత్తి వరిజ్ ప్రేమిస్తు. దేవుణుదిజ్ తియెల్ ఆజి మండ్రు. రాజుజ్ మర్నాద్ సిదు.

18 పణి మణిసిర్ వరి ఎజుమానిరిజ్ నండ్ మర్నాద్ సీజి లోజిజి మండ్రెజ్. మీ మున్ను, కనికారమ్దాన్ సార్లిదాన్ మని వరిజి ఆవిద. మీ మున్ను, కనికరం సిలి వరిజ్బా లోజిజి మండ్రు.

19 ఎందనిజ్ ఇహిజ, నాయం సిల్లెండ ఎయెన్బా మిజి బాద్ కితిజి అక్క, మీరు దేవుణు వందిజ్ ఓరిస్తు. ఆక నెగ్గికదె. దేవుణుదిజ్ ఇన్లమాతి పణిసె.

20 మీరు తప్ప కితి వందిజ్ ఉంట్రి దెబ తిహిజి అక ఓరిస్సిదెర్. గాని మిజి ఇని లాబం? గాని దేవుణు ఎర్దు నరి ఆతికెజ్ కితి దనిజ్ సిక్కి వానివలె అక ఓరిస్సిజి అక నెగ్గికదె. దిని వందిజి దేవుణు మిజి ఏర్నాబు కిత్తాన్.

21 ఎందనిజ్ ఇహిజ క్రీస్తుబా మీ వందిజ్ కన్లం ఓరిస్తాండ్రె మీరుబా వాండ్రు నడిజితి లెకెండె నడిజిదెజ్ ఉంట్రి గుర్తు తోరిస్తాన్.

22 “క్రీస్తు ఇని తప్పబా కివెతాన్. వన్ను మాటెజ్ లోజి ఇని అబద్దమ్బు సిల్లెతాద్.

23 వన్నుజ్ దూసిన్సి వలె మరజి దూసిన్సివెతాన్. వన్నుజ్ మల్లెజ్ కితివలె వరిజ్ బెర్లినివెతాన్. నాయమ్దాన్ తిర్పు కిని దేవుణుదిజ్ వానిజ్ వాండ్రె ఒపజెవె అతాన్.

24 యేసుక్రీస్తు సీలువారు సాతివలె మా పాపముకు పిండితాన్. ఎందనిజ్ ఇహిజ మాటు పాపముకు పూర్తి డిజిసినిదెజ్ ఇజి, దేవుణు ఎర్దు సరి అతి బత్తు బత్తిదెజ్ ఇజి. వన్ని ఒడోలేది దెబ్బిజాణిజ్ మాటు నెగెణ్ ఆతాట్.

25 ఎందనిజ్ ఇహిజ మీరు గెర్లెజ్ లెకెండ తత్తు సాహిదెర్. గాని ఏలు గవుడుఁవెన అతి వన్ని డర్దు, మీ పాణం కావకిని వన్ని డర్దు మరజి వాతిదెర్.

3

అల్పమాసిర్

1-2 అయావజనె, అల్పిక్ అతికెజ్ వన్యా సొంత మాసిరిజ్ లోజిజి మండ్రెజ్. ఎందనిజ్ ఇహిజ, మాసిర్ దేవుణు మాటు నమ్మిఇకార్ అతిజ్బా వన్యా నెగి బత్తుదాన్ దేవుణుబాన్ వరిజ్ తతెజ్ అట్టి. ఎలాగ ఇహిజ వన్యా కల్పిసిల్లి బత్తుని, దేవుణు మున్ను వన్ని తియెల్ సూణార దేవుణుదిజ్ నమ్మినార్.

3-4 నెగ్గెండ తోర్ అదెజ్ ఇజి బుర్ల డూసి మండ్రెజ్, బజారం గొలుస్సు ఇట్టిదెజ్, నెగి పాతెజ్ పొర్నాదెజ్, గాని వనక వందిజి మున్ను ఇడోదెజ్ అవద్. మీ మన్నుదు ఇని ఇనికెజ్ ఇడోజినిదెర్ ఇజి సుడోదు. ఇనికెజ్ ఇహిజ సార్లిదాన్, నిపాతి మన్నుదాన్, పాడాజి సోఱ నన్ను నెగి గుణమేకు మన్నుదు ఇడోదు. నన్నికదె దేవుణుదిజ్ గొప్ప విలువాతికాద్.

5-6 అయావజనె, పూర్తమేదు దేవుణు మున్ను నమకం ఇడ్డి బోదెక్, దేవుణు ఒట్టు కితి దన్నుజ్ ఎర్దుసుడోజి మహెనె, వన్యా సొంత మాసిరిజ్ లోజిజి వన్యా నెగి గుణమేకు అయాలెకెండ తోర్నె. అబ్రాహాం అల్పి అతి సార నన్నుకదె. అది అబ్రాహాముజ్ లోజిత్తాద్, వాండ్రు నా మున్ను అతికారం మన్నుకాన్ ఇజి మర్నాద్ సిత్తాద్. మీరుబా అయావజనె సరి అతికెజ్ కిజి ఇనిదన్నుజ్బా తియెల్ సిల్లెండ మహిజ సార పొటది గాల్పిక్ అనిదెర్.

7 అయావజనె, మాసిర్ వరి బోదెకాజ్, మజి ఇంక సత్తు తక్కు మనికెజ్ ఇజి నెసి, వన్యాజ్ గవరం సీజి, నెగ్గెండ సుడోజి మండ్రెజ్ వలె. దేవుణు కనికారమేదాన్ సిత్తి ఎలాకాలం బత్తిని బత్తు ఉండ్రె లెకెండ మీ వెట వనకాజ్బా సీనాన్. అందెజి వన్యాజ్ మీరు మర్నాద్ సిదెజ్. అయాలెకెండ కితిజి మీ పార్లనమేదిజ్ ఇని అట్టుబా మన్విదెర్.

సరి అతికెజ్ కితి వందిజ్ వాజని బాద

8 అక్కర్దు నాను విజెరిజ్ వెప్పిన, ఉండ్రె మున్ను అజి మండ్రు. ఒరెన్ మరి ఒరెన్ వెట వన్నుజ్ సర్దు మహివలె గాని దుకం మహివలె గాని కూడోజి పాడోజి మండ్రు. తంబెరిబు లెకెండ ఒరెన్ మరిఒరెన్ వన్నుజ్ ప్రేమకిజి మండ్రు. ఒరెన్ మరిఒరెన్ వందిజ్ పాణం నొత్తెజ్. నాను పెరిక ఇజి గర్ల అవండ విజెరి వెట ఉండ్రె మున్ను అజి మండ్రు.

9 ఎయెనబా మిజి కీడు కితిజి మరజి వన్నుజ్ కీడు కిమాట్. దూసిస్తిజి మరజి దూసిస్మాట్. అహా కివండ వరిజ్ నెగెకెజ్ రపిద్ ఇజి దేవుణుదిజ్ వెత్తు. ఎందనిజ్ ఇహిజ మిజి దేవుణు బాణిజ్ నెగెకెజ్ దోహొక్కెజ్, దేవుణు మిజి దీవిస్తెజ్, వన్ని వందిజ్ ఎర్లిసి ఇట్టా మనాన్.

10 అందెజి “నెగి బత్తు బత్తిదెజ్ సుడోజినాన్, నెగి రోస్సు గడోప్పెజ్ సుడోజినాన్ ఎయెనబా సెజి మాటెజ్ వర్లివండ, అబర్డం మాటెజ్ వర్లివండ మండ్రెజ్ వలె.

11 వాండ్రు సెకెజ్ డిజిని మండ్రెజ్, నెగెకెజ్ కిజి మండ్రెజ్. సమదనమే వందిజ్ సుడోజి అక్కాదె దోహొక్కెజ్ ఇజి దన్ని వందిజ్ రెబాదెజ్.

12 ఎందనిజ్ ఇహిజ, దేవుణు ఎర్దు సరి అతికెజ్ కిని వరిజ్ దేవుణు కావకిజినాన్. వరి పార్లనమేకు వెనాన్. గాని సెజి పణిజ్ కిని వరివెట దేవుణు వన్ని మొకొం కోపం దాన్ ఇడ్నాన్”.

13 మీరు నెగి పణిజ్ కిదెజ్ ఇజి నండో అస అజి మహిజ, ఎయెర్బా బాద కివర్గదె.

14 గాని దేవుణు ఎర్దు సరి అతికెజ్ కితి వందిజ్ ఉండ్రె వేలా బాద వాతిజ్బా సర్దు అదు. వరిజ్ తియెల్ అమాట్. వరిజ్ బెద్రిమాట్.

15-16 మీ మన్నుదు క్రీస్తుజ్ మీ ప్రబు ఇజి బునె కిదు. మరి, మీ నమకమే వందిజ్ మిజి వెనబాని వరిజ్ నెగ్గెండ వెత్తాజ్ ఎస్తివలెబా తయార్ అజి మండ్రు. గాని సార్లిదాన్, దేవుణుదిజ్ తియెల్దాన్ వెత్తాజ్. ఎందనిజ్ ఇహిజ మిజి బెద్రిసినికార్ మిజి దూసిసిని వలె మీ మన్ను దేవుణు ఎర్దు నిపాతి మండ్రెజ్. మీరు క్రీస్తు లోకర్ ఇజి, నెగి గుణమేకు కల్పిజి మనికార్ ఇజి సుడోజి వారు సిగు అదెజ్.

17 సరి అతికెజ్ కితి వందిజ్ కస్టం బరిస్తెజ్ ఇజి దేవుణు ఇస్టం అతిజి అక్క నెగ్గెకాద్. సెకెజ్ కితి వందిజ్ కస్టం బరిసిని మున్ను అక్కాదె నెగ్గెకాద్.

18 ఎందనిజ్ ఇహిజ క్రీస్తుబా ఉండ్రె సుటునె పాపముకు లాగదెజ్ సాతాన్. మజి దేవుణుబాన్ తతెజ్ ఇజి దేవుణు ఎర్దు నీతిమనికాన్ అతికాన్ దేవుణు ఎర్దు నీతి సిల్లెండ మహి వరి వందిజ్ సాతాన్. వన్ని ఒడోలే సత్తార్. గాని దేవుణు అత్తు వన్నుజ్ నిక్తాన్.

19 క్రీస్తు అత్తు అయా లోకమేదు తోహె అతిమని వరి నడిమి సాహొండ్రె సువార్ల సాటిస్తాన్.

20 వీరు నోవపు కాలమేదు దేవుణుదిజ్ లోజివండ మహికార్. నోవపు ఒడో తయార్ కిజిమహివలె దేవుణు విరివందిజ్ ఒరిస్త మహాన్. గాని ఒడో తయార్ అతిజ్ నెగెరెడార్, ఇహిజ ఎనిమిది మణిసిరె పెరి గడ్డదాన్ తప్రె అతార్.

21 యాక బాప్తినమేదిజ్ పొలిత మనాద్. యా బాప్తినమేదానె దేవుణు మిజి రక్తిసినాన్. యా బాప్తినం ఒడోలే నబ్బురం అదెజ్ అవద్. గాని ఏలు దేవుణు ఎర్దు పాపం సిల్లెండ మండ్రెజ్ ఒప్పుకోడోజినాన్ ఇజి తోర్నెజె యా బాప్తినం. యేసు క్రీస్తు సాపుదాన్ నిజిత్తిజ్ మీరు సాపుదాన్ తప్రె అతిదెర్ ఇజి తోర్నెజె.

22 యేసు క్రీస్తు సాపుదాన్ నిజితండ్రె వరలోకమేదు ఎక్కి సాహొండ్రె, దూతారిజ, అతికారిజ, సత్తు మన్నివరిజి వన్ని అధి ఇట్టాండ్రె, దేవుణు ఉణెరి పడోకాద్ బస్తాన్.

4

పేతురు రాస్తి మొదోహి ఉత్తం

1 అందెజి క్రీస్తు, వన్న ఒడోల్దు కన్ఱం ఓరిన్సి లెకెండ కన్ఱం ఓరిన్సిజ్. మీరుబా మన్ను తయార్ కిజి మండ్రు. ఎందనిజ్ ఇహిజ ఒడోల్దు కన్ఱం ఓరిన్సికాన్ పావమదు నడివదన్.

2 అహిజ ఏలుహాన్ అసి నాపుదాక, మాములుక లోకుర్ ఆన ఆని వజి ఆవద్, దేవుణుదిజ్ ఇన్ఱం ఆతి లెకెండ బత్తిదెజ్.

3 గడిసెన్సి సోహి కాలమదు దేవుణుదిజ్ నెసికకార్ బత్తిని లెకెండ మీరు బత్తిజి మహిదెర్. ఎలాగ ఇహిజ, రంకు బూలాజి, ఒడోల్ వందిజ్ ఆసెజ్ ఆజి, కల్లు ఉణిజి సోసి, సిగు సిల్లెండ డాట్టి కర్గిజి, కల్లు విందుజ్ నడిపిసి, దెయమకాజ్ పూజి కిజి మహిదెర్.

4 ఏలు మీరు వరివెలు కూడోవండ, వారు కిని వెరి పణిజ్ లోఇ సోవండ ఆజినిజ్ వారు బమ్మ ఆజి మిజి దూసిసినార్.

5 గాని బత్తిని వరిజ్ సాతి వరిజ్ తీర్పు తీర్పెజ్ తయార్ ఆజి మని దేవుణుబాన్ వారు బత్తితి బత్తు వందిజ్ ఎందనిజ్ నన్ను సెకెజ్ కిజి బత్తికార్ ఇజి వెహ్జాజ్ వలె.

6 అందెజి సాతిసోహి నమ్మిత్తి వరిజ్ సువార్త సాటి ఆజి మహాద్. ఎందనిజ్ ఇహిజ యా బత్తుదు మహివలె లోకాజ్ తీర్పు లెకెండ సాపు వానాద్. గాని సాతి వెనుక దేవుణు బత్తిజిని లెకెండ బత్తిదెజె.

7 అహిజ విజి దన్నుజ్ ఆకర్గి రోస్సు వాజినాద్. అందెజి నెగ్గి బుది కల్గిజి మండ్రు. మన్నుదు అణని ఆజి మండ్రు. నస్తవలె మీరు ప్రార్థనం కిదెజ్ అట్టిదెర్.

8 అక్కడె ఆవద్. విజి దని మున్ను మని నజతి ఇనిక ఇహిజ, ఒరెన్ మరి ఒరెన్ వన్నుజ్ నెగ్గెండ ప్రేమ కిజి మండ్రు. ఎందనిజ్ ఇ హిజ మహికార్ కితి విజి తపుజ్ మాటు ప్రేమదాన్ సెమిన్జెజ్ అటూత్.

9 మురో అవండ ఒరెన్ మరి ఒరెన్ వన్నుజ్ డగ్రు కిజి సీనికార్ ఆజి మండ్రు.

10 ఒరెన్ మరి ఒరెన్ వన్నుజ్ దేవుణు సతి వరమదాన్ తోడెజ్ కిజి మండ్రెజ్. దేవుణు సతి విజి రకమది వరమకు నెగ్గెండ వాడు కెండెజ్.

11 ఎయెన్బా దేవుణు మాట బోదిస్సాన్ ఇహిజ వాండ్రు దేవుణు మాట బోదిస్సెజ్ వలె. ఎయెన్బా మహి వరిజ్ తోడెజ్ కిదెజ్ ఇహిజ దేవుణు సతి నత్తుదాన్ కిదెజ్ వలె. యేసు క్రీస్తు పేరుదాన్ దేవుణుదిజ్ పొగడెజ్ కల్గిదెజ్ ఇజి యాకెజ్ విజి కిదు. వన్నుజ్ అంతు సిల్లెండ ఎల్లకాలం గనమని, నత్తు మనీద్. ఆమెన్.

12 నాను ప్రేమిసిని తందెరికెండ, మీ నమకం ఎలాగ్ మహికార్ ఇజి రుజుజ్ కిదెజ్ సీను నని పెరి కన్ఱమకు వానివలె ఇనిక జర్గినాదో ఇజి బమ్మ ఆవహాల్.

13 క్రీస్తు మహిమదాన్ యా లోకమదు వానివలె మీరుబా గొప్ప సర్ల ఆజి మండ్రెజ్ ఇజి క్రీస్తు ఓరిన్సి కన్ఱమకు లోఇ మీరుబా కూడ్డి ఓరిసి సర్ల ఆదు.

14 క్రీస్తు వందిజ్ ఎయెన్బా మిజి దూసలాడితిజి సర్ల ఆదు. ఎందనిజ్ ఇహిజ గొప్ప పెరికాన్ ఆతి ఆత్మ, ఇహిజ దేవుణు ఆత్మ మీ మున్ను మనాద్.

15 మీ లోఇ ఎయెన్బా ఓరిన్సిజ్ ఇహిజ అక్క ఒరెన్ వన్నుజ్ సప్తి వందిజ్ ఆవద్. డోజి కితి వందిజ్ ఆవద్. సెన పణి కితి వందిజ్ ఆవద్. ఆఇ వరి వెలు ఒడెజ్ ఆదెజ్ ఆవద్.

16 గాని మీ లోఇ ఎయెన్బా క్రీస్తు లోకు అతిదని వందిజ్ ఓరిన్సిజి సిగు ఆవహాల్. గాని క్రీస్తు పేరు అన్నిదని వందిజ్ దేవుణుదిజ్ స్తుతి కిదెజ్.

17 ఎందనిజ్ ఇహిజ దేవుణు తీర్పు వన్ను లోకుర్ లోఇ మొదోల్నిని కాలం వాత మనాద్. దేవుణుదిజ్ నమ్మిత్తి వరి లోఇనె తీర్పు మొదోల్నిజి సువార్తదిజ్ లోజిఇతివరి గతి ఇనిక అనాదో.

18 “దేవుణు ఎడ్రు నితి నిజాయితీదాన్ మన్ని వరిజ్ నిస్సా కన్ఱం వాతిజి దేవుణుదిజ్ నెసికకార్ ఎలాకాలం మన్ని సిక్కుదాన్ తప్తె ఆదెజ్ ఒడ్డె అట్వెర్లె”,

19 అందెజి దేవుణుదిజ్ ఇన్ఱం ఆతి వజి కన్ఱమకు ఓరిన్సికార్ వరి బత్తు, పుట్టి దేవుణుబాన్ ఒవజెత్తెజ్లె. వాండ్రు నమ్మిదెజ్ తగ్గినాన్. వారు నెగ్గి పణిజ్ కిజి బత్తిజి మండ్రెజ్.

5

పెద్దెలుజి వందిజ్ వెహ్సిని మాటెజ్.

1 క్రీస్తు కన్ఱమకు ఓరిన్సిక నాను సుడోత. క్రీస్తు ఎసా గొప్ప పెరికాన్ ఇజి తోరిసి గొప్ప జాయ్దాన్ మరజి వానివలె నానుబా వన్ను జాయ్దు మంజినాలె. అందెజి, మీ లెకెండ ఒరెన్ పెద్దెలి ఆతి నాను పెద్దెలుజి ఆతి మిజి దటిసి వెహ్సిన్.

2 గ్రెకెజ్ అడినికాన్ గ్రెకెజి నెగ్గెండ నూణి వజి మీ అడిగి మన్ని దేవుణు లోకాజ్ నెగ్గెండ నడిసె. బల్లి కిత్తిజ్ ఆవద్. పూర్తి మన్నుదాన్ కిదు. దేవుణు ఇన్ఱమదు కూడితి లెకెండ సుడోదు. ఇనికదో లాబం వానాద్ ఇజి ఆన ఆజి సుడోమాట్. గాని నెగ్గి మన్నుదాన్ సుడోదు.

3 మీ అడ్డి మని లోకాజ్ మున్ను గర్దదాన్ ఏలుబడికి కినిక ఆవద్. మీ నెగ్గి గుణమకు సుడోజి బారుబా అయాలెకెండ నడిసి వజి మండ్రె.

4 అహిజ గ్రెకెజ్ అడిని వరి లోఇ పెరి గపుడుయెన్ ఆతికాన్ తోరి ఆనివలె ఎనెజ్బా పాడాజి సోన్ఇ మెరిసిని టోపె మిజి దోహ్కాద్.

5 అయ వజనె ఇజిరికిదెరా, మీరుబా పెద్దెల్లెజ్ లోజిజి మండ్రు. ఒరెన్ మరి ఒరెన్ వెలు తగిజి మండ్రు. ఎందనిజ్ ఇహిజ “గర్ల ఆని వరిజ్ దేవుణు ఎద్రిసినాన్. గాని తగి ఆతి మని వరిజ్ వన్ను దయా దర్మం సిజినాన్”,

6 అందెజి దేవుణు, సరియాతి టయ్ముదు మిజి పెరికాన్ కిదెజ్ ఇజి వన్ని గొప్పు సత్తుమని అతికారమ్దిజ్ తగి ఆజి మండ్రు.

7 మీ విసారమ్కు విజు దేవుణు మున్ను పొక్తు. ఎందనిజ్ ఇహిజ దేవుణు మిజి విజు సీదెజ్ సుడణజినాన్.

8 మీ మున్నుదు అణసె ఆజి మండ్రు. నెగ్గి బుద్ధి కల్గిజి తెలిదాన్ మండ్రు. ఆక్కర్నిని ఉండ్రీ పెరి నొరెన్ లెకెండ్ మిజి విరోదమాతి సయ్యూన్ ఎయెరిజ్ డేజ్దెజి ఇజి రిబాజి బూలాజినాన్.

9 మీ నమకమ్దిజ్ గటిజ అసి సయ్యూనుజ్ ఎద్రిసి మండ్రు. విజు లోకమ్దు మని నమ్మిత్తికార్ నిన్ని కన్ఠమ్కాణ్ బాద ఆజినార్ ఇజి నెసి మండ్రు.

10 గొప్పు దయా దర్తం మన్ని దేవుణు, క్రీస్తు వెట ఎలాకాలం మంజిని జాయ్దు మంజిని వందిజ్ మిజి కూక్తాన్. మాటు క్రీస్తు వెట కూడితిజ్ యాక జర్గిజినాద్. సెగం కాలం మీరు కన్ఠమ్కు ఓరిన్సి వెనిక దేవుణు మిజి విజు దన్ని లోక పూర్తి అతికార్ కద్దివిండ, సత్తుదాన్ నిల్పాన్.

11 వన్నిజె అంతు సిల్లెండ ఎలాకాలం గొప్పు సత్తు మనీద్. ఆమెన్.

12 దేవుణు గొప్పు ప్రేమ కిజి తోరిన్సి నిజమాతి దయాదర్తమ్దు గటిజ నిల్సి మండ్రు, ఇజి నాను రాసిన్. వెహ్సాన్. అయ క్రుపాదు గటిజ నిల్సి మండ్రు ఇజి నాను బతిమాల్లిన్. యాక నాను బాగ నమకమ్ ఇడ్డి సిల్వాను దిన్ని వందిజ్ నాను సాసి వెహ్సాన్. యాక నాను బాగ నమకం ఇడ్డి సిల్వాను ఇని వన్ని కియుదాన్ రాస్సినన్.

13 మీ లెకెండ్ బబులోను వట్టుమ్దు దేవుణు ఏర్పాటు కిత్తి సజమ్దికార్ మిజి వందనమ్కు వెహ్సాన్. నజి మరిన్ లెకెండ్ మని మార్కు మిజి వందనమ్కు వెహ్సాన్.

14 క్రీస్తు ప్రేమదాన్ ఒరెన్ మరిఒరెన్ వన్నిజ్ ముదు కిజి వందనమ్కు వెహ్సా. క్రీస్తుబాన్ కూడితి మిజి విజెరిజ్ సమదనం మనీద్.

పేతురు రాస్తి రుండి ఉత్తరం

నెల్లు కిబిసినిక

యేసుప్రబుడ అపొస్తలుడు అతి పేతురు యా ఉత్తరం రాస్తాన్. పేతురు వన్ని బత్తు అందిదెజ్ డగ్గు అతివలె యాక రాస్తాన్ ఇజి బయబిల్ వందిజ్ నెస్తికార్ వెప్పానార్. క్రీస్తు నకం 68 దు క్రీస్తు లోకాజ్ మాలెజ్ కిత్తి నీలో ఇని లోమ వరి పెరి రాజు పేతురుజ్ సపిస్తాన్ ఇజబా బయబిల్ వందిజ్ నెస్తికార్ వెప్పానార్. యా ఉత్తమదు ఇనికెజ్ రాస్తాన్ ఇహిజ, అయ కాలమ్దు సోత్తిమహి తప్ప బోద నెస్తిసిని వరి వందిజ్ జాగర్త మండ్రు ఇజి వెప్పానార్. యేసుక్రీస్తు మరజి రివీన్ ఇజబా వారు వెప్పాని వందిజ్ జాగర్త మండ్రు ఇజి నాన్. దేవుణు కనికారమ్దాన్, గెణమ్దాన్ నెగ్గెండ పిరిదు ఇజి రాసి నాన్.

1 యేసుక్రీస్తుజ్ వణి కినికాన్ అతి, అపొస్తలుడు అతి సిమొను పేతురు రాసిని ఉత్తరం. దేవుణు దయా దర్తమ్దాన్, రక్సిన్సికానాతి యేసు క్రీస్తుజ్ దయా దర్తమ్దాన్ గొ పువిలవాతి నమకం మజి దొప్పాద్. మజి దొప్పాక్కి లెకెండ అయ గొప్ప విలువాతి నమకం దొప్పాక్కి మన్ని వరిజ్ యాక రాసిన్.

2 మిజి దేవుణు దయాదర్తం, నిపాతి, నండో వంతుజ్ ఆజి మనీద్. ఎలాగ ఇహిజ దేవుణుదిజ్ నెసిని దన్నితాన్ వాని గెణమ్దాన్, ప్రబువాతి క్రీస్తుజ్ నెసిని దన్నితాన్ వాని గెణమ్దు పిరిదు.

దేవుణు ఎర్దిన్సి లోకుర్ ఇజి రుజువ్ కిదెజ్.

3 దేవుణు వన్ని గొప్ప జాయ్దాన్ నెగ్గి గుణమ్దాన్ మజి వన్ని వందిజ్ ఏర్పాటు కిత్తాన్. దేవుణు వన్ని గొప్ప సత్తుదాన్ మా బత్తుదిజ్ కావల్సెకెజ్ విజు సితాన్. దేవుణుదిజ్ బక్తి మన్ని మన్ను సిత్తాన్. యాకెజ్ విజు దేవుణుదిజ్ నెసిని దన్నితాన్ మణి తోహాక్కి.

4 యా గొప్ప జాయ్దాన్ నెగ్గి గుణమ్దాన్ దేవుణు వన్ని ఒద్దె విలువాతి ఒట్టుజ్ సిత మనాన్. ఎందనిజ్ ఇహిజ అయ ఒట్టుజుణిజ్ దేవుణు గుణం కల్లిజ మండ్రెజ్ అట్టాట్. యా లోకమ్దు సెన్ ఆనదాన్ మజి సెఎల్ కిని విజు వన్నా బాణిజ్ తప్ప అదెజ్ అట్టాట్.

5-7 అందెజ్ మీరు నిని వన్నా వందిజ్ అక్కెజ్ దొప్పాక్కి లెకెండ కప్పబాడిజి మండ్రు ఇనికెజ్ ఇహిజ మీ నమకం వెట నెగ్గి గుణమ్కు కూడొప్పు. నెగ్గి గుణమ్కు వెట గెణం కూడొప్పు. గెణం వెట మన్ను అణెని ఆజి మంజిని గుణం కూడొప్పు. దన్ని వెట విజు దనిజ్ ఓరిస్తెజ్ మని బుద్ది కూడొప్పు. ఓరిసినిదని వెట దేవుణు వందిజ్ బక్తిమని మన్ను కూడొప్పు. దేవుణు వందిజ్ బక్తి మన్ని మన్ను వెట మహి నమ్మితి వరిజ్ ప్రేమిసిని దన్ని వెట విజేరిజ్ ప్రేమిసిని మన్ను కూడొప్పు.

8 యా గుణమ్కు మీ బత్తుదు పిరిజ ఒద్దె నిండ్రెజి వాతిజ యేసు క్రీస్తుజ్ పుర్తి నెస్తి దనిజ్ అక్కెజ్ వణి కిని. బండెజ్ ఆని వరి లెకెండ ఆఇద్దె. వణిదిజ్ రెజ వరి లెకెండ మన్ ఇద్దె.

9 యా గుణమ్కు కల్లిజ నిండ్రెజి మనికార్ గుడ్డి వరి లెకెండ, దూరమ్దు మనికెజ్ తోరెండ ఆనె. ముందాల్ కితి పావమ్కాణిజ్ నోర అతాన్ ఇజి పోసి నార్.

10 అందెజ్ నా తంబెరుజాండె, దేవుణు మిజి ఎర్దిసి, వన్ని లోకుర్ ఇజి కూక్కి ఎర్దిస్తాన్. మీరు అక్క ఒదె నెగ్గెండ రుజువ్ కిదెజ్. నిన్ని వణిజ్ కినికిదెజ్ ఇహిజ ఎన్నవలెబా జారెజి అరెండ నిల్పిదె.

11 యా లెకెండ మా ప్రబుని, మజి రక్సిన్సికాన్ అతి యేసుక్రీస్తు ఎల్లకాలం మంజిని రాజెమ్దు మజి గొప్ప మర్యాద సీజి కూడొప్పి వలె, మజి సీని అవకాసం తక్కు అవిద్.

ప్రవక్తరు దేవుణు మాటెజ్ వెప్సార్.

12 అహిజ, ఏలు మీరు అన్నిమని దేవుణు వందిజ్ నిజమాతి యా సజతిజ్ మీరు బాగ నెసి కద్దిఎడ నిల్పి నిదెర్ గాని, మిజి నాను యా సజతిజ్ వందిజ్ ఎస్తివలెబా ఎత్తు కిబిస్తిజ్ తయార్ ఆజి మంజిన్.

13 నాను సాని దాక యా సజతిజ్ వందిజ్ మిజి మరి మరి ఎత్తు కిబిస్తిజ్ నా బాజిత ఇజి నాను ఒడొబిజిన్.

14 ఎందనిజ్ ఇహిజ, మా ప్రబు అతి యేసుక్రీస్తు నజి వెప్సా లెకెండ నాను యా బత్తు బిగినె డిఃసి సొండ్రెజ్ వలె ఇజి నెన్న.

15 మరి నాను సాతి సాహి వెనుక మీరు ఎస్తివలెబా యా సజతిజ్ ఎత్తుకిజి మంజిని వందిజ్ నాను నండో వణికిన్.

16 ఎలాగ ఇహిజ, మా ప్రబువాతి యేసు క్రీస్తుజ్ మని గొప్ప సత్తు వందిజ్, వాండ్రు మరజి వాని వందిజ్ మిజి నెస్తిన్సి వలె, అక్క ఉండ్రె కత సాన్తరం వలె అక్క ఉండ్రె కత సాన్తరం వెప్సా లెకెండ అవిద్. గాని వాండ్రు ఎస్తి గొప్ప పెరికాన్ ఇజి మాపు కణకాణిజ్ సుడొతాపె, అక్కాదె మిజి వెప్సాన్.

17 ఎలాగ ఇహిజ, గొప్ప మెర్దిన్సి జాయ్ కల్లితి మహిమ నిండ్రెతి మహి బాణిజ్ ఉండ్రె జాటు వాతాద్. ఇనిక ఇహిజ, “మీండ్రు నాను నా నండో ప్రేమిసిని మరిన్. విన్ని మున్ను, నాను సర్ద ఆజిన్. అయా మాటెజ్ బుబ్బాతి దేవుణు బాణిజ్ వాతివలె మరిసి అతి యేసుజ్ గొప్ప పేరు, మహిమ కల్లితాద్.

18 మాపు వన్ని వెట అయా పరిసుదం అతి గొరోణ్ మున్ను మహివలె ఆగానమ్దాన్ వాతి యా జాటు మాపె విహావ్.

19 మరి, ఒద్దె నిజమాతి మాటెజ్, ఇహిజ ప్రవక్తరు వెప్సా మాటెజ్ మజి మన్నె. అక్కెజ్ మీరు జాగర్త నిండ్రెజ్. ఉండ్రె కన్సిమని దీవ జాయ్దాన్ సీకటిదు మనికెజ్ సుడొదెజ్ అట్టాట్. అయాలెకెండె ప్రవక్తరు వెప్సా మాటెజ్ జాయ్ వానిదాక మీ గర్తమ్దు ఇడొదు. కోడిజామ్దు తోరె ఆని జాయ్ ఆని సుక్క మీ గర్తమ్దు సోనాద్.

20 విజు వన్నాజ్ ఇంక ముకెలం మీరు నెస్తిక ఇనిక ఇహిజ, ప్రవక్తరు రాస్తి మని మాటదు ఉండ్రె మాటబా వరి సొంత అలోసనమ్దాన్ వెప్సా లెకెండ వెహెఅతార్.

21 దేవుణు మాటల్లో లోకు వన్నిజ్ ఇన్జం ఆతి వజ వెహికెజ్ అఉ. గాని దేవుణు అత్తు నత్తుదానె దేవుణు మాటల్లో లోకుర్ వెహ్కార్.

2

తప్పు బోద నెస్సినీని వరిజ్ వాని నాసనం.

1 గాని అయ కాలమ్దు లోకు నడిమి తప్పు బోద నెస్సినీనికార్ బా మహార్. అయ వజనె మీ నడిమి తప్పు బోద నెస్సినీనికార్ వానార్. వారు ఇనిక కియార్ ఇహిజ వన్ని సొంత పాణం సీజి కొటి ప్రబుజ్ నెక్ పొక్కారె గొప్పు నాసనమ్దు ఒని ఆఇ బోదెజ్ డాప్పి నెస్సినీనార్. అయవజనె వరిజ్ వార్ వెటనె వాని నాసనం తవ ఆజనార్.

2 నండొండార్ వీరు నెస్సీతి సిగు అని వణిజ్ వెంజి అహె నడిసారెలె. వరి సెన వణిజ్ సుడేజి క్రిస్తుజ్ని వాండ్రు నెస్సీని జమతి దన్ని వందిజ్ లోకుర్ దూనిస్తార్.

3 యా తప్పు బోద వెహ్కార్ డబ్బుదిజ్ గొప్పు ఆస ఆజి నిజం ఆఇ మాటిజాణిజ్ మిజి మొసెం కియార్. వరిజ్ ముందాలెనె తీర్పు సీదెజ్ తయార్ ఆత మనాద్. వరిజ్ నాసనం తవెవిండ వానాద్.

4 ఎలాగ ఇహిజ, పాపం కితి దూతారిజ్ డిన్ఎండ తీర్పు వాని దాక ఇడెదెజ్ దేవుణు వరిజ్ ఎలాకాలం సిసు మంజిని బాడిదు పొక్కాన్. సీకటి మని సాలం లొఇ తొహిస్త ఇట్టాన్.

5 మరి, పూర్బకాలమ్దు పాపం కిజి మహి లొకాజి సిక్కు దాన్ తప్సెన్ఎండ, దేవుణు వరి ముస్సు వెరి గడ్డ తప్పిస్తాన్. గాని నీతినిజాయితి వందిజ్ వెహ్కా మహి నోహాహుజ్ని, వన్ని వెట మహి ఏడుగురుదిజ్ గడ్డవాన్ తప్పిస్తాన్.

6 మరి సొదోమ, గొమొర్త ఇని పట్టుమ్కాన్ మహికార్ పాపం కిజి మహిజ్ దేవుణు వరిజ్ తీర్పు సితండ్రె సిసుదాన్ అయ పట్టుమ్కాజ్ సుహ్తాన్ దేవుణుదిజ్ ఇన్జం ఆఇ లెకెండె సెఇ వణి కిని వరిజ్ వాండ్రు ఇనిక కియాన్ ఇజి ఉండ్రె గుర్తు లెకెండె వరిజ్ ఇట్టాన్.

7 నీతి నిజాయితిదాన్ వణి కితి లోతు వన్ని సురుల జర్గిజి మహి గొప్పు సిగ్గు ఆతి పాపం వణిజ్ సుడేజి గొప్పు బాద ఆజి మహిజ్ దేవుణు వన్నిజ్ గెల్పిస్తాన్.

8 ఎందనిజ్ ఇహిజ అయ నీతి మనికాన్ వరి గొప్పు సెఇ వణిజ్ సుడేజి అక్కెజ్ వెంజి రోజు వన్ని నెగ్గి మన్నుదాన్ గొప్పు బాద ఆజి మహాన్.

9 దేవుణు ముస్సు బక్కి మన్ని వరిజ్ వాని పరినిజాణిజ్, వరిజ్ గెల్పిస్తెజ్ దేవుణు నెనినాన్. దేవుణు ఎద్రు నీతి నీజాయితి సిల్లెండ నడిని వరిజ్ సిక్కు సీజి తీర్పు దినుమాదాక ఇట్టెజ్ బా నెనినాన్.

10 సెఇ అలోసనుమాదాన్ పుట్టి ఒడొలె వందిజ్ మన్ని సెఇ అనిజ్ వందిజ్ బత్తిజి దేవుణు అతికారమదిజ్ లోజిఎండ దన్నిజ్ నెక్కిపొక్కి వరిజ్ సిక్కు సీదెజ్ దేవుణు ఇడ్డ మనాన్. యా తప్పు బోద నెస్సినీనికార్ గొప్పు గర్త ఆజి ఇనిక కిదెజ్ బా తయార్ అనికార్. వరి సొంత ఇన్జమ్దాన్ విజా కియార్. గొప్పు బమ్మ ఆతి వనక వందిజ్ సెఇకెజ్ వెహ్కాజ్ తియెలె ఆఇకార్ వీరు.

11 దేవుణు దూతార్ గొప్పు సత్తు మనికార్ ఇహిజ్ బా దేవుణు ముందాలె వినక వందిజ్ వరిజ్ దూనిసెవెర్.

12 గాని యా తప్పు బోద నెస్సినీనికార్, వారు నెనిఇ వన్యా వందిజ్ బా దూసలాడ్డార్. వారు బుద్ది కిదెజ్ అటేఇ మూర్తం మన్ని జంతుజ్ లెకెండె అలోసనం కిదెజ్ అటేవెర్. వెట కినికార్ వనకాజ్ అని సప్పి లెకెండె వీరుబా ముర్కతం మన్ని అడవి జంతుజ్ లెకెండె పాడాన్ సొనార్.

13 వారు కిజిని నాసనమ్దిజ్ వరిజ్ మరీజ్ నాసనం వాజినాద్. ఒడొలె అస వందిజ్ సిగు అని ఇని వణిజా కిదెజ్ సర్త ఆజి వేడికానె అయా సెఇ అనెజ్ సొన్పినార్. వీరు కిజిని ప్రేమ విందుజ్ లొఇ వారుబా కూడ్డి మజినార్. వారు మన్ను రుజ్ని లెకెండె ఉణిజి తింజి ఒడొలెదిజ్ సుకం కిబిసినార్. తెలాని పాతూదు మని మస సిగు తప్పిన్పి లెకెండె వీరుబా సిగు తప్పినినార్.

14 బోదెకాజ్ సుడేజి వనక వెట పాపం కిదెజ్ ఇజి ఆస ఆజి మంజినార్. పాపం కిదెజ్ మని ఆస ఎనెజ్ బా డిన్ఎవెర్. ఇతాలె అతాలె మన్ను మన్ని వరిజ్ వారు అనెజ్ తోరిని ఆఇనెన్ నడిపినినార్. వరి వందిజి లాబం తప్పె ఆదిజ్ సుడేజి మంజినార్. దేవుణు వరిజ్ సిక్కు సీనాన్.

15 వారు సరిఆతి బత్తు బత్తిఎండ, బెయిరి ఇని వన్ని పొటదికాన్ బిలాము ఇని వన్ని లెకెండె ఆత మనార్. ఎలాగ ఇహిజ తప్పు కిత్తి వందిజ్ దోహక్కి డబ్బు వందిజ్ ఆజి బిలాము సరి తప్ప సొహాన్.

16 గాని అయ బిలాము కితి సెఇ వణిదిజ్ వాని గాడెదె అడ్డు కితాద్. మాటిజ్ నెని అయ గాడెదె లోకు లెకెండె వర్గిజి బిలాము ఇని ప్రవక్త ఒడిబితి వెరి వణిదిజ్ అడ్డు కితాద్.

17 నిని బోద కినికార్ వీరు సీలి ఉటలె లెకెండె, సుర గాలి ఎగ్గిసి ఒని మొసామ్ లెకెండె విరి వందిజ్ గొప్పు సీకటి మని బాడ్డి దేవుణు తయార్ కిత మనార్.

18 ఎందనిజ్ ఇహిజ యా తప్పు బోద నెస్సినీనికార్ వణిదిజ్ రెఇ బదాము మాటిజ్ వర్గిజి అయ మాటిజాణిజ్ వరి ఒడిలె అనెజ్ సొన్పిస్తెజ్ సుడేజినార్. తప్ప సరి నడిని వరి లొఇహాన్ ఏలె తప్పె ఆతి లొకాజ్, వీరు మరి తప్పె సరి నడిపినినార్.

19 ఇని దని అడ్డిబా మన్ఎండ పూర్తి విడుదల మన్నిబాన్ ఒనామ్ ఇజి వీరు వెహ్పి మంజినార్. గాని వీరి నాసనం తప్పినీని పాపమ్దిజ్ తొహె ఆత మనార్. ఎందనిజ్ ఇహిజ ఒరెన్ ఇని దనిజ్ గెల్పిస్తెజ్ అటేఎండ మంజినాండ్రె, దనిజ్ వెటివణి మణిసి వజి అడిగి మంజినాన్.

20 మా ప్రబుని, రక్తిస్సికాన్ ఆతి యేసు క్రిస్తుజ్ బాగ నెస్సి వెనుక, యా లోకమ్ది సెఇ వన్యాణిజ్ తప్పె ఆతి వెనుక, మరి అర్పిజి అకెజ్ వన్నిజ్ అడిగి ఇట్టిజ్ వారు ముందాలె ఆతిమహి దన్నిజ్ ఇంక ఒడ్డె నెఇకార్ అనార్.

21 దేవుణు బాణిజ్ వాతి ఆద్ర వరిజ్ ఒపజెవె ఆతి వెనుక అక్క తప్పి సొహార్. అహె తప్పిసొని దన్నిజ్ ఇంక అయ నీతి నిజాయితి మన్ని సరి వందిజ్ నెన్ఎండ మంజిని ఇహిజాన్ వరిజ్ నెగ్గెత మహాద్ మరి

22 “నుకుడి అది కక్కిక మరి మరజ తింజినాద్”, “ఏరుదాన్ నొరె అతి వండ్రీ మరి బుర్దదు నూడ్పాదెక్ సొన్సినాద్”, ఇజ వెప్తా మని మాటెక్ తప్పు నరిదు మప్తా సొహి విరి వందిజ్ నిజం అజినాద్.

3

ప్రబు మరజ వాని దినం.

1 నాను ప్రేమినికిదిరా, తొలిత ఉండ్రీ ఉత్తం రాస్త. మీరు ముందల్ నెన్సిమన్సి వనకాక్ ఎత్తు కిబిస్తెజ్ ఏలు నాను మిజి మరి ఉత్తం రాసిన. కల్తినెల్లి మీ మున్నుదిజ్ ఉసార కిబిస్తెజ్ ఇజ యా రుండి ఉత్తముకు రాసిన.

2 దేవుణు ప్రవక్తరు పూర్బకాలమ్దు వెప్తా మాటెక్, మరి మా ప్రబుని రక్సిన్సికానాతి యేసుక్రీస్తు మీ అపొస్తుడుర్ సెత్తి ఆడ్రెజ్ మిజి ఎత్తు కిబిస్తెజ్ ఇజ నాను ఆన అజిన.

3 ముకెలవాలి ఉండ్రీ సజతి మీరు అర్దం కిజ మండ్రు. ఇనిక ఇహిజ, కడెవెరి రోస్కాజ్ సెగెండార్ వెక్సికార్ వానార్. వారు వరి ఒడోల్లి సెజ అనిజ్ సొన్సిని ముజినార్. వారు మిజి లివాలే కినార్.

4 వారు ఇనిక వెప్పార్ ఇహిజ, “వాండ్రు వానన్ ఇజ ఒట్టు కితిత్తాన్ గదె. ఎనిజ్ వానన్ లె? మా అనిగ్గెర్ సాత సాహర్. గాని ఏలుదాక వాండ్రు వాదెక్ సిల్లె. యా లోకం పుట్టిబాణిజ్ అసి విజా యా లెకెండ మనాద్, ఇని తేడ సిల్లెద్”, ఇజ వెప్పార్.

5 గాని పూర్బకాలమ్దు దేవుణు వన్సి మాటదాన్ ఆగానమ్దిజ్ బూమిదిజ్ తయార్ కిత్తాన్. యా బూమి ఏరుబాణిజ్ తయార్ అతాద్. ఏరు వెట తయార్ అతాద్ ఇజ నెన్సిమహికెక్ వారు పొస్తెజ్ ఇజ సుడోజినార్.

6 వన్సి మాటదాన్ పెరిగడ్డ వాజ అయ ఏరుదాన్ అయావలె మహి లోకం విజా ముడుగెతాదె పాడాతా సాహద్.

7 దేవుణు అయా మాటదాన్ ఏలు మని ఆగానమ్దిజ్ బూమిదిజ్ సినుదాన్ నానసం కిదెజ్ తీర్పు కిని రోజుదాక ఇత్తా మనాన్. దేవుణు వందిజ్ బక్సిన్సిల్లి లోకుర్ అయావలె పాడాజి సొనార్.

8 నాను ప్రేమిని తంబెరుజానె, దిని వందిజ్ పొస్కాట్. ప్రబు ఎద్రు ఉండ్రీ రోజు వెయి వంటిజ్ లెకెండ మనాద్. వెయి వంటిజ్ ఉండ్రీ రోజు లెకెండ మన్సె.

9 ప్రబు ఒట్టు కితి లెకెండ మరజ వాదెజ్ అలన్యం అజినాద్ ఇజ సెగెండార్ ఒడోబిజినార్. గాని ఎయెర్బా పాడాజి సొనెంండ, విజెరె పాపముకు డిసి మన్సు మారెన్సిజ్ ఇజ మీ వందిజ్ ఓరిన్సు మనాన్.

10 గాని ప్రబు మరజి వాని దినం తవ్వెండ వానాద్. ఒరెన్ డోజారి ఎన్సివలె వానండ్రో ఇజ నెన్విండ వాని లెకెండ వానాద్. నన్సివలె ఆగానమ్దు దీడిజిని వలె సిల్లెండ ఆనె. ఆగానమ్దు మని విజా, సినుదాన్ వేనె సొనె. బూమి మున్సు మనికెజ్ విజా వేనె సొనె.

11 విజా యా లెకెండ పాడానె సొనె. అందెజె మీరు దేవుణు వందిజ్ కేట అతి లోకుర్ అజ దేవుణు వందిజ్ బక్సిమన్సి లోకుర్ అజ బత్తిదు.

12 దేవుణు వాని రోజు వాదెజ్ ఇజ మీరు ఎద్రు సుడోజినిదెర్. అయా దినం బేగెనె వాదెజ్ ఇజ మీరు గటిజ వణి కిదు. అయ దినమ్దు ఆగానమ్దు దని లోజ మనికెజ్ విజ సినుదాన్ వేనె సొనె. అయ సిను వేడిదిజ్ విజా కరెజిజ సొనె.

13 గాని దేవుణు ఒట్టు కితి నని కొత్త ఆగానమ్దిజ్, కొత్త బూమిదిజ్ మాటు ఎద్రు సుడోజినాట్. బానె విజా నీతి నజాయితి పూర్తి ముజినాద్లె.

14 అందెజె నాను ప్రేమినికిదిరా, మీరు ఇని తప్ప సిల్లెండ, ఇని పాపముబా సిల్లెండ దేవుణు ఎద్రు నండో కన్సెబాడిజి మండ్రు. దేవుణు వెట నిపాతిదాన్ మండ్రు. ఎందనిజ్ దేవుణు ఒట్టు కితి మన్సి దన్సిజ్ మీరు ఏద్రు సుడోజినిదెర్.

15 యాక నెన్సు. దేవుణు మా వందిజ్ ఎందనిజ్ ఓరిన్సు మనాన్. ఇహిజ మాటు పాపం డిసి మన్సు మారెన్సిజ్ ఇజ. మాటు ప్రేమిని అన్న పపులుబా దేవుణు సెతి గెణమదాన్ వినుక వందిజ్ రాస్త మనాన్.

16 పవులు రాస్తి విజా ఉతరముక లోజ యా లెకెండెని రాస్త మనాన్. వన్కా లోజ సెగం అర్దం కిదెజ్ కన్సం ఆతికెజ్. వనక వందిజ్ నెన్ఇకార్, దేవుణు మున్సు మన్సి నమకమ్దు ఇత్తాల అత్తాల దుజ్నికార్ అయ మాటెజ్ అర్దం మారిసినార్. మహి దేవుణు మాటెజ్ లోజ మన్సి సెగమకుబా మారిసినార్. దిన్సి వందిజ్ వారు నానసం ఆన సొనార్.

17 నాను ప్రేమినికిదిరా, మీరు యా సజతిజ్ ముజాలె నెన్సి మనిదెర్. అందెజె జాగర్ద్రు మండ్రు. దేవుణు రూలుజ లోజెకార్ వెప్సాని తప్ప బోదెజాణిజ్ మెనం కిబె అమాట్. ఎందనిజ్ ఇహిజ వరి బోదెజ్ మీ స్తెరం అతి మన్సిజ కద్దిన్సాద్.

18 గాని మీరు మా ప్రబు రక్సిన్సికాన్ అతి యేసు క్రీస్తు సెత్తి వన్సి దయా దర్మమ్దాన్, గెణమదాన్ నెగ్రెండ పిరిజి మండ్రు. వన్సిజ్ ఏలుని, మరి ఎల్లకాలం గవరం కల్లిపిద్. ఆమెన్.

యోహాను రాస్తి మొదోహి ఉత్త్రం

నెల్ల కిబిసినక

యేసు క్రీస్తు అపొస్తలుడు అతి యోహాను యా ఉత్త్రం రాస్తిన్. వాండ్లు యా ఉత్త్రం యేసుప్రబుజ్ నమ్మితి వరిజ్ రాస్తిన్. యేసుప్రబు సాజి నిజితి వెనుక అరువయి వంటిజ్ డాట్టాద్. యోహాను డొక్క అత మహాన్. మహి సిసూర్ విజెరి సాత సాహర్. అయోవలె బాని మహి సంగముకాజ్ యోహాను నడిపిసిని వన్ని లెకెండ్ మహాన్.

బత్తు అతి మాట

1 దేవుణు మాట అతి వన్ని వందిజ్, నాను మిజి రాసిన. వాండ్లు దేవుణు వెట అతు సిల్లి బత్తుకు సినికాన్. వాండ్లు యా లోకం పుట్టెండ ముజాలే మహాన్. గాని వాండ్లు యా లోకముదు వాతిజ్ మాపు వన్నిజ్ వెహాప్. మాపు వన్నిజ్ సుడోతావ. మాపు వన్నిజ్ బెస్తామహాప్. మా కికాణిజ్ వన్నిజ్ ముట్టమహాప్. అయోక మిజి నెన్పిసినావ.

2 బత్తు సీని వినిజ్ దేవుణు మా నడిమి షొక్తాన్. మాపు వన్నిజ్ సుడోతావ. మాపు సుడోతిజ్ వన్నివందిజ్ మిజి నిజం వెప్పినావ. బత్తు సీని వాండ్లు ఎల్లకాలం మంజ బత్తు ఇజి మిజి నెస్సినావ. వాండ్లు ముందాహాన్ అని బుబ అతి దేవుణుబాన్ మహాన్. ఏలు వన్నిజ్ దేవుణు మజి తోరిస్తాన్.

3 మాపు సుడోతి వన్ని వందిజ్, వెహివన్ని వందిజ్ మిజిబా వెప్పినావ. ఎందనిజ్ ఇహిజ మీరు వన్నిజ్ నమ్మిదెజ్. అహి మా బాన్ కూడ్డి మండ్రెజ్ ఇజి. మాపు బుబ్బ అతి దేవుణు వెట, మరిన్ అతి యేసు క్రీస్తు వెట కూడిత మనాన్.

4 మీరుబా అహి కూడితిజ మా నరద్ పూర్తి అనాద్లె. అందెజె మాపు ఇకెజ్ రాసినావ.

జాయ్దు నడిసినక

5 అహిజ యేసు క్రీస్తు మజి వెప్తి మాటెజ్ ఏలు మిజి వెప్పినావ. యాకెద మాట. అక ఇనిక ఇహిజ దేవుణు జాయి లెకెండ్ మనాన్. పూర్తి నెగ్గికాన్. వన్ని లో సికాటి అన్ల సిల్లెద్. ఇని కల్తెబ సిల్లెద్.

6 అందెజె మాట దేవుణు వెట కూడిత మనాల్ ఇజి వెప్పి మా లోక సీకాటి మని లెకెండ్ బత్తితిజ మాటు అబద్దం వర్గిజనికాల్. దేవుణు నెన్పిస్సి నిజమాతి సరిదు నడిసినకాల్ అవెల్.

7 గాని దేవుణు విజి దన్ని లోక జాయ్ తోరిసిన లెకెండ్ మాటు విజి పణిజ లోక జాయ్ తోరిస్తిజ, మాటు నమ్మితి వరి వెట కూడ్డి మంజినాల్. మరి దేవుణు మరిన్ అతి యేసుప్రబు నల్ల, మాటు కిజిని విజి పాపముకాణిజ్ మజి నుబరం కిజినాద్.

8 మాటు ఇని తప్పూ కినికాల్ అవెల్ ఇజి వెప్తిజ మజి మాట మోసం కెబె అజినాల్. ఎందనిజ్ ఇహిజ దేవుణు నెన్పిస్సి వన్ని నిజమాతి మాట వజ మాటు కిదెజ్ సిల్లె.

9 గాని మాటు తప్ప కితాల్ ఇజి దేవుణుబాన్ ఒప్పుకోటిజ దేవుణు మా లోక మని నెఇకెజ్ విజి లాగ్గి షొక్తాండ్లె నుబరం కినాన్. ఎందనిజ్ ఇహిజ సెమిస్సు ఇజి దేవుణు మాట వెప్తి మనాన్. వాండ్లు నమ్మిదెజ్ తగ్గికాన్. నాయం మనికాన్. వెప్తి వజ కినకాన్.

10 మాటు తప్ప కినికాల్ ఇజి వెప్తిజ దేవుణు అబద్దం వెప్పికాన్ ఇజి మాటు వెప్పినాల్. మాటు అహి వెప్తిజ దేవుణు వెప్తి మాట అస్సికాల్ అవెల్. ఎందనిజ్ ఇహిజ విజెరి లోకుర్ పాపం కిత్తార్ ఇజి దేవుణు వెప్తి మనాన్గద.

2

1 నజి కొణ్కెర్ లెకెండ్ మీరు, అందెజె మిజి రాసిన. మీరు పాపం కిదెజ్ అవెద్ ఇజి యా సజతిజ్ మిజి రాసిన. గాని ఎయెన్బా పాపం కిత్తాన్ ఇహిజ దేవుణు అతి దేవుణుబాన్ మా వందిజ్ వెప్పికాన్ ఒరిన్ ఒపిసినకాన్ మనాన్. విరి పాపముకు సెమిన్అ ఇజి వాండ్లు వెప్పాన్. వాండ్లు సీతి నిజాతి మనికాన్ అతి యేసు క్రీస్తునె.

2 వాండ్లు మా పాపముకు సాన్పిన్జ్ పూజ అతికాన్. వాండ్లు పూజ అతిజ్ దేవుణు మా పాపముకు సెమిన్జె అల్నాన్. మా పాపముకాజ్ వందిజ్ ఉండ్రె అవెద్. యా లోకముదు విజెరి పాపముక వందిజ్ పూజ అతికాన్.

3 మాను దేవుణుజ్ నెస్కాల్ ఇజి మజి ఎలాగ తెలిజనాద్. దేవుణు మజి సీతి అడ్రెజ లోజితిజనె తెలినాద్.

4 నాను దేవుణుదిజ్ నెస్సు ఇజి వెప్పి, దేవుణు సీతి అడ్రెజ లోజికాన్ అబదం వెప్పికాన్. దేవుణు నెన్పిస్సి నిజం అతి మాటిజ వాండ్లు లోజివెన్.

5-6 దేవుణు వెప్తి మాటదిజ్ ఎయెన్బా లోజితిజ, దేవుణు ముస్సు వన్నిజ్ పూర్తి ప్రేమ మనాద్ ఇజి తోరిస్తాన్. దేవుణు వెట కూల తోహామన ఇజి వెప్పికాన్, యేసు ప్రబు నడితి లెకెండ్ దేవుణుదిజ్ లోజిజి నడిదెజ్. అహి దేవుణు వెట కూడిజి మంజినాల్ ఇజి మాటు నెస్సాల్.

7 నాను ప్రేమిసినకిదెరా, నాను ఉంట్రి కొత్త అడ్ర మిజి రాన్. గాని ముజాల నెన్పిస్సి ఉండ్రి వడాయ్ అడ్రనె రాసిన. అయో అడ్ర మీరు క్రీస్తు లోకు అతి బాణిజ్ అని నెస్కెదె. అయో అడ్ర మీరు వెహిమని దేవుణు మాటనె.

8 గాని నాను ఏలు రాసిన మాట కొత్త అడ్రనె. ఎలాగ ఇహిజ యేసుప్రబు వన్ని బత్తుదు యా అడ్ర తోరిస్తాన్. మీ బత్తుదుబా మీరు తోరిస్సిదెర్. ఎందనిజ్ ఇహిజ మీ లోక సీకటి లెకెండ్ మని పాపం ఏలు సాస్సినాద్. జాయ్ లెకెండ్ మని నిజమాతికెజ్ మీ లోక వాజనె.

9 జాయ్దు నడిజని ఇజి వెప్పి ఒరిన్, క్రీస్తుజ్ నమ్మిత్తి వన్నిజ్ దూసినకాన్ ఇహిజ వాండ్లు ఏలు సీకటిదునె నడిజినాన్.

10 మరి ఒరిన్ క్రీస్తుజ్ నమ్మిత్తి వన్నిజ్ ప్రేమిస్సికాన్ ఇహిజ వాండ్లు జాయ్దు నడిజినాన్. వన్ని బత్తుదు పాపం కిబిస్సిక ఇనికెబ సిల్లెద్.

11 మహిషంబు పగ ఆతికాన్ సీకటిదు ముజి సీకటిదు నడిజినాన్. ఎంబె సొన్సినాండ్రో ఇజి వాండ్రు నెన్ఎన్. ఎండనిజ్ ఇహిజ సీకటిదు వన్నిజ్ గుడ్డి వన్ని లెకెండ కితాద్.

12 నాను ప్రేమిసిని బయరాండె, క్రీస్తు మీ వందిజ్ సాతిజ్ దేవుణు మీ పాపముకు నెమిస్తాన్. అందెజె నాను యాకెజ్ మిజి రాసిన.

13 బుబ్బరాండె, దేవుణు ఇనికబా పుటిన్ఎండ ముజాల మహి యేసుక్రీస్తుజ్ మీరు నెన్సిదెర్. అందెజె నాను మిజి రాసిన. దజ్డారండె, మీరు నెజ బుద్ది కల్లితి నయతానుజ్ గెల్లిన్సిదెర్. అందెజె నాను మిజి రాసిన. నాను ప్రేమిసిని బయరండె, బుబ్బ ఆతి దేవుణుదిజ్ మీరు నెన్సిమనిదెర్. అందెజె నాను మిజి రాసిన.

14 అందెజె నాను మిజి రాసిన. దజ్డారండె, దేవుణు మాట మీ లోఇ మనిజ్ మీరు సత్తుమనికిదెర్ ఇజి తోరిన్సిదెర్. మీరు నయతానుజ్ గెల్లిన్సి మనిదెర్ అందెజె మిజి రాసిన.

లోకముదు మని వనకాజ్ ప్రేమ కిమాట్

15 యా లోకముదు మని వనక మున్ను, మున్ను ఇడ్డాట్. యా లోకముది బత్కుదిజ్ ప్రేమినమాట్. ఎండనిజ్ ఇహిజ యా లోకముదిజ్ ప్రేమిన్సి వన్నిజ్ దేవుణు మున్ను ప్రేమ సిల్లెద్.

16 ఎండనిజ్ ఇహిజ, యా లోకముదికెజ్ విజు దేవుణు బాణిజ్ వానికెజ్ ఆఉ. అప్కెజ్ ఇనికెజ్ ఇహిజ ఇనికెజ్ ఇనికెజ్ కిదెజ్ ఇజి ఆన ఆనాదో, అప్కెజ్ విజు కిదెజ్ ఇజి ఒడెబినిక, మరి, కణకెబిణిజ్ సుడెజినికెజ్ విజు కావాలి ఇజి ఆన ఆనిక, మరి, అస్తి కల్లిగెతిమని వందిజ్ గర్త ఆనిక, నినికెజ్ యా లోకముదిజ్ ప్రేమ కినివలె వానె.

17 యా లోకముది లోకుర్ ఆన ఆనికెజ్ విజు సిల్లెండ ఆనెలె. గాని దేవుణుజ్ ఇస్టం ఆతివజ నడిజినాన్ ఎలా కాలం బత్కినానెలె.

క్రీస్తుజ్ ఎద్రిన్సికార్ వానార్

18 నాను ప్రేమిసిని బయరండె, లోకం అందిని కడిజెరి దినముకు ఆజెనె. కడిజెరి దినముకాజ్ క్రీస్తుజ్ ఎద్రిన్సికార్ వానాన్ ఇజి మీరు నెన్సిదెర్ గదె. అహిజ ఎలు క్రీస్తుజ్ ఎద్రిన్సికార్ నండెండారో సోత మనార్. అందెజె కడిజెరి దినముకు ఆతె ఇజి మాటు నెన్సికాట్.

19 వారు మా బాన్కూడిజ్ తమహార్. గాని డిజెన్ సాహార్. ఎలాగ ఇహిజ వారు మా లోకాజ్ నెందితికార్ ఆవెర్. వారు మా బాన్ మంజినికార్ ఇహిజ మా వెటెన కూడిజె పొడ్డి మహార్మరి. గాని మజి డిజెన్ సాహార్, మజి నెందితికార్ ఆవెర్ ఇజి వారు తోరిన్సిదెర్.

20 గాని క్రీస్తు పొక్తి దేవుణు ఆత్మ మిజి మనాన్. అందెజె మీరు విజెదెర్ నిజమాతికెజ్ నెసినిదెర్.

21 మీరు నిజం నెన్ఇదెర్ ఇజి నాను యాక రాన్సిక ఆవెద్. నిజమాతికెజ్ మీరు నెసినిదెర్. అందెజె నాను రాసిన. నిజమాతి దని లోఇ అబద్ధం ఆతి బోద సిల్లెద్ ఇజి మీరు నెన్సిదెర్. అందెజె నాను రాసిన.

22 యేసు, దేవుణు పొక్తి క్రీస్తు ఆవెన్ ఇజి వెప్పాకాండ్రె అబద్ధం వెప్పాకాన్. ఆహు వెప్పానికాన్ క్రీస్తుజ్ ఎద్రినిసికాజ్. వాండ్రు బుబ్బ ఆతి దేవుణుదిజ్, మురిసి ఆతి క్రీస్తుజ్ నెక్కి పొక్కినికాన్.

23 దేవుణు మురిసి ఆతి యేసుక్రీస్తుజ్ నెక్కిపొక్కినికాన్ ఎయెన్బా బుబ్బ ఆతి దేవుణుదిజ్ బె నెక్కిపొక్కినాన్. మురిసి ఆతి యేసుక్రీస్తుజ్ డర్తు కినికాన్ బుబ్బ ఆతి దేవుణుజ్బా డర్తు కిజినాన్.

24 యేసు క్రీస్తుజ్ నమ్మితి బాణిజ్ అసి మీరు వెహా మనికెజ్ విజు మీ మున్నుదు నెగ్రెండ అసి మండ్రెజ్. ఆహా నెగ్రెండ మీ మున్నుదు మహిజ, మీరుబా మురిసి ఆతి యేసు క్రీస్తుబాన్, బుబ్బ ఆతి దేవుణుబాన్ కూడిజి మంజినిదెర్.

25 మాటు ఆహా వన్నిబాన్ కూడితి మహిజ, మజి సిన ఇజి యేసు ఒప్పు కితి ఎలా కాలం బత్కిని బత్కు మజి దోహాకాద్.

26 మిజి మోసెం కిదెజ్ నూజి వరి వందిజ్ ఇకెజ్ నాను రాసిన.

27 క్రీస్తు పొక్తి దేవుణు ఆత్మ మీ లోఇ మనాద్. అందెజె మురి ఎయెన్బా మిజి నేరీపిన్సెజ్ అవ్సరం సిల్లెద్. ఎండనిజ్ ఇహిజ దేవుణు ఆత్మ పూర్తి నిజమె. ఇని అబద్ధం సిల్లెద్. దేవుణు ఆత్మనె మీరు నెన్సికె మని విజు వన్కా వందిజ్ నేరీపిన్సాన్. అందెజె దేవుణు ఆత్మ నెన్సికె లెకెండె మీరు క్రీస్తు బాన్ నిల్పి మండ్రు.

మాటు దేవుణు కొడెగర్

28 అందెజె నాను ప్రేమిసిని బా బయరండె, క్రీస్తుబాన్ నిల్పి మండ్రెజ్. ఎండనిజ్ ఇహిజ వన్ని వెటె నిల్సి మహిజ క్రీస్తు మురిజి వానివలె వన్ని ఎద్దు సిగు ఆవెండ దయరమదాన్ నిల్దెజ్ ఆనాద్.

29 దేవుణు నితి నిజాయతి మనికాన్ ఇజి మీరు నెన్సిదెర్. అహిజ దేవుణు వెప్పా వజ కిని ఎయెన్బా దేవుణు కొడెగర్ ఇజి మీరు నెన్సిదెర్.

3

1 బుబ్బ ఆతి దేవుణు మజి నండ్రె ప్రేమిన్సిజ్ మాటు దేవుణు కొడెగర్ ఇజి కూకె ఆజినాట్. నసా దేవుణు ప్రేమ మా మున్ను మంజినాద్. మాటు దేవుణు కొడెగర్. గాని దేవుణుదిజ్ నమ్మిఇకార్, బుబ్బ ఆతి దేవుణుదిజ్ నెన్ఎన్. అందెజె మాటు దేవుణు కొడెగర్ ఇజి వారు అర్థం కివెర్.

2 నాను ప్రేమినికిదెరా, ఎలు మాటు దేవుణు కొడెగర్ ఆత మనాట్. మాటు ఇనిక ఆనాట్లె ఇజి దేవుణు ఇంక మజి తోరిన్ఎతాన్. గాని యేసు క్రీస్తు తోర్ ఆనివలె వాండ్రు మని లెకెండ మాటుబ అనాట్లె ఇజి నెన్నాట్. ఎండనిజ్ ఇహిజ వాండ్రు మనిలెకెండ మాటు వన్నిజ్ నుణాట్లె.

3 యేసు క్రీస్తు తోర్ ఆని వందిజ్ ఎద్దు సుడెజిని ఎయెన్బా వని వజ ఆన ఆజి పాపం డిజిని బత్కిజినాన్. ఎండనిజ్ ఇహిజ క్రీస్తు పాపం సిలికాన్.

4 పాపముకు కిజినె మంజనికాన్ ఎయెనబా దేవుణు అడైజ్ నెక్కిపోక్కినికాడె. పాపం ఇనిక ఇహొజ, దేవుణు అడైజ్ నెక్కి పొక్కిక.

5 మా పాపముకు విజు లాగ్గి పొక్కిజై క్రీస్తు యా లోకముడు వాతాన్ ఇజ మీరు నెసినిదెర్. అకదె అవద్, వన్ని లోజ పాపం ఇనికబా సిల్లెద్ ఇజబా మీరు నెసినిదెర్.

6 అందెజి యేసు క్రీస్తు వెట కూల తొప్పొకాన్ పాపం కిజినె మనెవన్. పాపం కిజినె మనికాన్ ఎయెనబా క్రీస్తు ఎయెన్ ఇజ అర్థం కివన్.

7 నాను ప్రేమిసిని బయిరండె, ఎయెర్బా మిజి మోసం కిఎండ సుడొడు. యేసు క్రీస్తు నీతిమనికాన్. క్రీస్తు వెప్తి మాటెజ్ వజ నడిఃనికాన్, దేవుణు ఎద్దు నీతి నిజాయితీ మనికాన్.

8 పాపం కిజినె మంజనికాన్ సయతాను జటుదికాన్. ఎందనిజ్ ఇహొజ యా లోకం పుట్టెండ మహి బాణిజ్ అసి సయతాన్ పాపం కిజినె మంజనికాన్. దేవుణు మరిసి అతి యేసుక్రీస్తు యా లోకముడు ఎందనిజ్ వాతాన్ ఇహొజ సయతాన్ కిని విజు పణిజు పూర్తి నాననం కిడెజి వాతాన్.

9 దేవుణు కొడొః అతికాన్ ఎయెనబా పాపం కిజినె మనెవన్. ఎందనిజ్ ఇహొజ దేవుణు గుణం వన్ని లోజ మనాద్. వాండ్రు దేవుణు పొటాదికాన్. అందెజి పాపం కిజి మండ్రెజ్ అట్టెవన్.

10 దేవుణు కొడొః ఎయెర్, సయతాన్ కొడొః ఎయెర్ ఇజ మాటు ఎలాగ నెస్సాట్ ఇహొజ దేవుణు ఎద్దు సరియాతికెజ్ కిజికాన్ దేవుణు కొడొః అవన్. మహి వరిజ్ ప్రేమ కిజికానబా దేవుణు కొడొః అవన్.

ఒరెన్ మరి ఒరెన్ వన్నిజ్ ప్రేమిస్సెజ్

11 అందెజి మీరు నమ్మితి బాణిజ్ అసి వెహిక యాకదె. ఇనిక ఇహొజ మాటు, ఒరెన్ మరి ఒరెన్ వన్నిజ్ ప్రేమిస్సెజ్ ఇజి,

12 మాటు కయసు లెకెండ మండ్రెజ్ అవద్. వాండ్రు సయతాను జటుదికాన్ అతండ్రె వన్ని తంబెర్సిజ్ నప్తాన్. ఎందనిజ్ నప్తాన్ ఇహొజ వన్ని పణిజ్ సెజ బుద్ధి కలగితికెజ్. వన్ని తంబెర్సి పణిజ్ దేవుణు ఎద్దు సరిఅతికెజ్ అతెమహి.

13 అహొజ నా తంబెర్సిజాండె, దేవుణుదిజ్ నమ్మిఇకార్ మి మున్ను పగ అతిజ బమ్మ అహొజ.

14 మాటు మహి వరిజ్ ప్రేమ కిజి మహిజ మాటు సాతి వరి లెకెండ అవట్. ఎలా కాలం బత్తిని బత్తుడు బత్తిజనాట్ ఇజ నెసినాట్. మహి వన్నిజ్ ప్రేమ కిజికాన్ సాతి వన్ని లెకెండె మనాన్.

15 మాటు ఒరెన్ వన్ని మున్ను పగ అస్సిజ, వన్నిజ్ నస్తిలెకెండె. లోకాజ్ నప్పి వన్నిజ్ ఎలా కాలం బత్తిని బత్తు సిల్లెద్ ఇజ మీరు నెసినిదెర్.

16 ప్రేమ ఇహొజ ఇనిక ఇజ మాటు ఎలాగ నెస్సాట్ ఇహొజ, యేసు క్రీస్తు, వాండ్రె వన్ని పాణం మా వందిజ్ సితాన్. అకదె ప్రేమ. అయపజనె మాటుబా మా తంబెర్సిజ వందిజ్ మా పాణం సిదిజ్ వలె.

17 విజు కల్గితి మనికాన్ ఒరెన్, అవసరముడు మని ఒరెన్ వన్నిజ్ కనికారం తోరినెండె మహిజ అయ విజు కలగితి మనికాన్ దేవుణుదిజ్ నెగ్రెండ ప్రేమిన్ అజ తోరిస్సాన్.

18 నాను ప్రేమిసిని బయిరండె, మాటు మాట ఉండ్రె దానె అవద్. మా పణిబ మా ప్రేమ నిజమె ఇజ తోరిస్సాట్.

19 మాటు మా పణిబాణిజ్ మహి వరిజ్ నిజం కిజి ప్రేమిస్సిజ మాటు నిజమాతిదాన్ లోజిజనాట్ ఇజ నెస్సాట్లె. మరి దేవుణు ఎద్దు మా మన్ను నిపాతి మంజనికాన్లె.

20 ఎందనిజ్ ఇహొజ మాటు తప్టాట్ ఇజి మా మన్ను ఉండ్రె వేలా వెహొద్ను గాని, దేవుణు మా మన్నుదిజ్ ఇంక పెరికాన్. దేవుణు నెసిఇకెజ్ ఇనికెజ్ నిలు.

21 నాను ప్రేమిసినికిదెరా, మాటు తప్ప కివట్ ఇజి మా మన్నుడు నెస్తిజ మాటు దేవుణు వెట కూడొజి దయెరం కల్గిజి మంజినాట్.

22 మాటు ఇనిక లొస్సిజ్బా దేవుణు బాణిజ్ దొహ్ క్కినాద్. ఎందనిజ్ ఇహొజ దేవుణు వెప్తికెజ్ మాటు కిజినాట్. దేవుణుదిజ్ ఇన్డం అతి వజ బత్తిజనాట్.

23 యాకదె దేవుణు మజి వెప్తి రూలు. ఇహొక ఇహొజ యేసు క్రీస్తు దేవుణు మరిసి ఇజి మాటు నమ్మిదెజ్ వలె. క్రీస్తు వెప్తి లెకెండె ఒరెన్ మరి ఒరెన్ వన్నిజ్ ప్రేమిస్సెజ్.

24 దేవుణు సీతి రూలుజ్ వజ నడిఃనికాన్ దేవుణు వెట మంజినాన్. దేవుణు వన్ని వెట మంజినాన్. దేవుణు మా వెట మనాన్ ఇజి ఎలాగ నెస్సాట్ ఇహొజ, దేవుణు అత్తు మా లోజ మనిజ్ మాటు నెస్సాట్.

4

విజు అత్తుజ నమ్మిదెజ్ అవద్

1 నాను ప్రేమిసినికిదెరా, దేవుణు అత్తుదాన్ వరిగిజన ఇజి వర్గిని విజు వన్యాజ్ నమ్మిమాట్. విజు దేవుణు బాణిజ్, వాతికదొ అవదొ ఇజ నెగ్రెండ నెసి సుడొడు. ఎందనిజ్ ఇహొజ అబద్దం వెహొ ప్రవక్తరు నండెండారె యా లోకముడు సొతారె తప్పు మాటెజ్ బోదెసినార్.

2 దేవుణు అత్తు మనికాన్ ఎయెర్ ఇజి ఎలాగ నెస్సాట్ ఇహొజ లోకు వజ దేవుణు బాణిజ్ వాతి యేసు క్రీస్తుజ్ నాను నెందితికాన్ ఇజి ఒప్పకొణికాన్ ఎయెనబా దేవుణు అత్తు మనికాన్ ఇజి నెస్తిజ్.

3 గాని ఎయెనబా, యేసు ప్రజు నా ప్రజు అవన్ ఇజి వెహొజి వాండ్రు దేవుణు బోద్ వెహొకాన్ అవన్. వాండ్రు క్రీస్తుజ్ పడికాన్ క్రీస్తుజ్ పడికాండె వెహొకార్ వానార్ ఇజి మీరు వెహొకెజ్ యాకదె. అయ గుంపుదికార్ ఏలు మా నడిఃమ్మి మనార్.

4 ఇజిరి బయిరండె, మీరు దేవుణుదిజ్ నెందితికిదెర్. మీరు వరి బోద్ కెఇతిదెర్, వరిజ్ గెల్సిదెర్. మీ లోజ మని దేవుణు అత్తు నత్తు లోకముడు మని సయతాన్ నత్తు మున్ను పెరికదె. అందెజి మీరు వరిజ్ గెల్సిదెర్.

5 తప్పు మాటకే బోధిస్తానని యా లోకముదినా. అందెజె వరి బోధ యా లోలమేది వరి ఆలోసం లెకెండ మన్నె. అందెజె యా లోకముదినా వరి బోధ వెనార్.

6 మాటు ఇహాజ దేవుణుడికే సందెతికాట్. దేవుణుడికే నెస్తికాన్ మా మాటకే వినాన్. ఇహకాన్ వినెన్. నిజం వెప్పికార్ ఎయెరో, తప్పు వెప్పికార్ ఎయెరో ఇజి మాటు ఈహు నెస్సాట్.

దేవుణు ప్రేమని, లోకు ప్రేమ

7 నా తంబెరిజె, మాటు ఒరెన్, మరి ఒరెన్ వన్నెక్ ప్రేమిస్తెక్వలె. ఎందనికే ఇహాజ దేవుణు బాణిణె ప్రేమ వాజనాద్. మరి ఒరెన్ వన్నెక్ ప్రేమిస్తెక్వ దేవుణు బాణిణె పుట్టికాన్. వాండ్రు దేవుణుడికే బాగ నెస్తికాన్.

8 మహి వరికే ప్రేమిన్ ఇకాన్ దేవుణుడికే నెస్తికాన్. ఎందనికే ఇహాజ దేవుణు ప్రేమ మనికాన్.

9 దేవుణు మజ్జె ప్రేమిస్తాన్ ఇజి ఈహు తోరిస్తాన్. ఎలాగ ఇహాజ వన్నె ఒరెండ్రె మరినెక్ యా లోకముదు పోక్తాన్. మజ్జె ఎలా కాలం బత్తిని బత్తు దోహెక్ ఇజి దేవుణు వన్నెక్ పోక్తాన్.

10 నిజమాతి ప్రేమ ఇహాజ మాటు దేవుణుడికే ప్రేమిస్తాట్ ఇజి అవిద్. నిజమాతి ప్రేమ ఇహాజ యాకది. ఎలాగ ఇహాజ దేవుణు మజ్జె ప్రేమిస్తాండ్రె మా పాపముక సొన్నిన్ వందెక్ వన్నె మరినెక్ పోక్తాన్. మా పాపముక వందెక్ పూజ అదెక్ పోక్తాన్. అకది ప్రేమ.

11 నాను ప్రేమినిసికిదెరా, దేవుణు మజ్జె నిసా ప్రేమిస్తాన్. అందెజె మాటుబా ఒరెన్ మరి ఒరెన్ వన్నెక్ ప్రేమిస్తెక్వలె.

12 ఎయెరెబా ఎనికేబా దేవుణుడికే సుడెడెక్ సిల్లె. గాని మాటు ఒరెన్ మరి ఒరెన్ వన్నెక్ ప్రేమిస్తెక్ దేవుణు మా లోఇ బత్తిజినాన్. అయావలె దేవుణు ప్రేమినిసి లెకెండ్రె మా ప్రేమబ పూర్తి అనాద్లె.

13 దేవుణు వన్నె అత్త మజ్జె సెత మనాన్. అందెజె మాటు దేవుణు వెట కూడిత మనాట్ ఇజి, మరి దేవుణు మా లోఇ మంజినాన్ ఇజి నెస్సినాట్.

14 మరి బుట్టు అతి దేవుణు, మరిసి అతి యేసుక్రీస్తుకే పోక్తాన్. లోకాకే వరి పాపముకాణిక్ వాని సిక్వదాన్ తప్రెస్తెక్ ఇజి పోక్తాన్. యాక మాపు సుడెతామ విజెరిక్ వెప్పినాన్. యాక నిజమె ఇజి సాక్సి వెప్పినాన్.

15 యేసు దేవుణు మరిసి ఇజి ఎయెరెబా ఒప్పుకోటిజ, దేవుణు వన్నె వెట మంజినాన్. వాండ్రు దేవుణు వెట కూడిజ మంజినాన్.

16 దేవుణు మా మున్ను తోరిస్తి ప్రేమ మాటు నెస్తి మనాట్, నమ్మిత మనాట్. దేవుణు ప్రేమ మనికాన్. అందెజె మహి వరికే ప్రేమినిసికాన్ దేవుణుబాన్ కూడిజ మంజినాన్. దేవుణు వన్నెబాన్ కూడిజ మంజినాన్.

17 దేవుణు ప్రేమినిసి లెకెండ్రె మా నడిమ్మి మని ప్రేమ పూర్తి అనాద్లె. అందెజె దేవుణు తిర్పు సీని వలె తియెల్ అవిండ్రె మంజినాట్. ఎందనికే ఇహాజ యేసుప్రబు యా లోకముదు ఎలాగ బత్తికాండ్రె మాటుబ అయాలెకెండ్రె బత్తికెదెట్.

18 ప్రేమ లోఇ తియెల్ సిల్లెద్. అక్కాదె అవిద్. పూర్తి అతి ప్రేమ మహిజ అక్క తియెల్ సొనిపిస్తాద్. ఎందనికే ఇహాజ సిక్వ వానాద్ ఇజి తియెల్ వానాద్. తియెల్ అని వన్నెక్ పూర్తి ప్రేమ సిల్లెద్.

19 దేవుణుని మజ్జె ముజాల ప్రేమిస్తెక్, మాటు వన్నెక్ ప్రేమిస్తెక్ అటెసినాట్.

20 ఎయెరెబా, 'నాను దేవుణుడికే ప్రేమిస్తా' ఇజి వెప్పి, మరి ఒరెన్ నమ్మిత్తి వన్నెక్ ప్రేమ కివిండ్రె మహిజ వాండ్రు అబద్దం వెప్పినాన్. ఎందనికే ఇహాజ తోరిజిని వన్నెక్ ప్రేమిన్ ఇకాన్ తోరిజ దేవుణుడికే ప్రేమిస్తెక్ అటెవెన్.

21 యేసు క్రీస్తు మజ్జె ఇని రూలు సెత మనాన్ ఇహాజ, దేవుణుడికే ప్రేమిస్తెక్వ మహి క్రీస్తు లోకాకేబా ప్రేమిస్తెక్ వలె.

5

దేవుణు మరిసి మున్ను, నమ్మకం

1 యేసునె క్రీస్తు ఇజి నమ్మినికాన్ ఎయెరెబా దేవుణు బాణిణె పుట్టాన్. బుట్టెక్ ప్రేమిస్తెక్వ ఎయెరెబా వన్నె బాణిణె పుట్టి విజెరిక్ ప్రేమిస్తాన్.

2 దేవుణుడికే ప్రేమిసి, వాండ్రు వెప్తి రూలుజ వజ కితిజ, మాటు దేవుణు కొడికిక్ ప్రేమిస్తాట్ ఇజి నెస్సినాట్.

3 దేవుణుడికే ప్రేమిస్తెక్ ఇహాజ వన్నె రూలుజ వజ కిదిజె. వన్నె రూలుకే కన్డం అతికెక్ అఉ. సుల్కాణికిజె.

4 దేవుణుబాణిణె పుట్టికార్ విజెరి యా లోకముదు దేవుణుడికే పడిజ విజి వన్నాకే జయిస్తెక్ అటూర్. దేవుణుడికే పడిజ విజి వన్నాకే జయిస్తెక్ ఎలాగ అటూర్ ఇహాజ, మాటు యేసుప్రబుకే నమకం ఇట్టివలెదాన్ అటూర్.

5 దేవుణుడికే పడిజ వన్నాకే జయిస్తెక్వ ఎయెన్? యేసు, దేవుణు మరిసి ఇజి నమ్మినికాండ్రె.

6 క్రీస్తు అతి యేసు యా లోకముదు వాతండ్రె. ఏరుదు బాప్తిసం లాగిఅతాన్. సిల్వదు నల వాక్సి సాతాన్. బాప్తిసం ఉండ్రె అవిద్. సిలువాదు నల వాక్సి సాదెజె వాతాన్. యాక నిజమె ఇజి దేవుణు అత్త సాక్సి వెప్పినాన్. అందెజె యాక నిజమె. ఎందనికే ఇహాజ దేవుణు అత్త నిజమెన్ వెప్పినాన్.

7 క్రీస్తు వందెక్ సాక్సి వెప్పిస్తెక్ మూండ్రె మన్నె.

8 దేవుణు అత్త, బాప్తిసం లాగి అతి ఏరు, సిలువాదు వాక్సి నల. యా మూండ్రె ఒప్పు కొడిజి క్రీస్తు వందెక్ సాక్సి వెప్పినె.

9 మాటు, లోకుర్ సాక్సి అసాట్ గెదె. అహిజ దేవుణు సీని సాక్సి ఒది సత్త మనికగెదె. ఎందనికే సత్త మనిక ఇహాజ, దేవుణు వన్నె సాంత మరిసి అతి యేసు వందెక్ వెప్తి సాక్సి.

10 దేవుణు మరిసి మున్ను, నమం ఇట్టి వన్నె లోఇ యా సాక్సి మనాద్. గాని దేవుణు మున్ను, నమ్మకం ఇహాజకాన్ దేవుణు మని మరిసి వందెక్ వెప్తి సాక్సి నమ్మిన్. అందెజె వాండ్రు దేవుణు అబద్దం వెప్పినికాన్ ఇజి వెప్పినాన్.

11 దేవుణు వెప్తి సాక్సి యాకది. ఇనిక ఇహాజ దేవుణు వెట ఎలా కాలం బత్తిని బత్తు, దేవుణు మజ్జె సెతాన్. యా బత్తు మజ్జె ఎలాగ వాతాద్ ఇహాజ యేసు క్రీస్తు మున్ను, నమకం ఇహాజ వన్నె వెట కూడితి మహిజ వాతాద్.

12 దేవుణు మరిసి అతి యేను క్రీస్తు వెట కూడఃజి మంజిని వన్నిజ్ యా బత్కు మనాద్. దేవుణు మరిసి వెట కూడఃజి మన్ఇ వన్నిజ్ దేవుణు వెట ఎలా కాలం బత్కిని బత్కు సిల్లెద్.

13 దేవుణు మరిసి మున్కు నమ్మకం ఇడఃఇతి వరిజ్ నాను ఇక్యెజ్ రాసిన. ఎందనిజ్ రాసిన ఇహిజ మిజి దేవుణు వెట ఎలా కాలం బత్కిని బత్కు మనాద్ ఇజి నెస్రెజ్ రాసిన.

14 అహిజ మజి దేవుణు మున్కు మని దయరం ఇనిక ఇహిజ, మాటు దేవుణు ఇస్సమ్దిజ్ కూడితి మని ఇనికబా లొస్తిజ, వాండ్లు అక కినాన్.

15 మాటు ఇనిక లొస్తిజబా దేవుణు వెంజినాన్ ఇజి మాటు నెస్తిజ, మాటు దేవుణుబాణిజ్ లొస్తికెజ్ విజు దోహ్కొ లెకెండె నెసినాట్.

16 ఒరెన్ నమ్మిత్తికాన్ సాపు తెఇ పాపం కిజి మహిజి ఎయెన్బా అక సుడిఃతిజి, వన్ని వందిజ్ పార్లనం కిదెజ్. దేవుణు వన్నిజ్ బత్కు సీనాన్. సాపు తెఇ పాపం కినివరి వందిజి వెహ్పిన. గాని సాపు తపిన్సి పాపం మనాద్. నని పాపం కిని వరి వందిజ్ పార్లనం కిఅ ఇజి నాను వెహ్ఎ.

17 ఇని తపు కితిజ్బా పాపమ్నె. గాని లోకాజ్ సాపు తపిన్ఇ పాపమ్కు మన్సె.

18 దేవుణు బాణిజ్ పుట్టికాన్ ఎయెన్బా పాపం కిజి నె మన్ఎన్ ఇజి మాటు నెసినాట్. ఎందనిజ్ ఇహిజ దేవుణు మరిసి వన్నిజ్ కాపకిజినాన్. అహిజ సయతాను వన్నిజ్ ముట్టి నానం కిదెజ్ అట్ఎన్.

19 మాటు దేవుణు కొడోర్ ఇజి నెసినాట్. దేవుణుదిజ్ సందితికార్ ఆఇకార్ సయతాను అడిఃగి మంజినార్ ఇజి నెసినాట్.

20 మరి దేవుణు మరిసి వాతండ్రె, నిజమాతి దేవుణుదిజ్ మాటు నెస్రెజ్ మజి తెలివి సితాన్. మాటు వన్ని వెట కూడిఃతిజ్ నిజమాతి దేవుణు వెట కూడిఃత మనాట్. వీండ్రె నిజమాతి దేవుణు. వీండ్రె దేవుణు వెట ఎలా కాలం బత్కిని బత్కు లోకాజ్ సీనికాన్.

21 నాను ప్రేమిసిని బయిరండె, బోమ్మెజి మాడిఃస్రెజ్ అవద్.

యోహాను రాస్తీ రుండి ఉత్రం

నెల్ల కిబిసినిక

యేసు క్రీస్తు అపొస్తలుడు ఆతి యోహాను రాస్తీ ఉత్రమనె యాక. నండో ముజాలె సువార్త వెప్పికార్ బూలాజి బూలాజినె సువార్త సాటిసి మహార్. అయావలె యేసుజ్ నమ్మిత్తికారె, యాలెకెండ్ సువార్త వెప్పి వరిజ్ వరి ఇండ్రో డగ్రు కిజి, వరిజ్ కావాలిస్తికెజ్ సీజి పోక్కి మహార్. తప్పు బోద వెప్పికార్ బా మహార్. వారుబా యాలెకెండ్ బూలాజి బూలాజినె కిజి మహార్. అందెజి నన్ని వరివందిజ్ జాగర్త మండ్రెజ్ ఇజి యా ఉత్రమదు రాసి వెప్పినాన్. నిజమాతికెజ్ నమ్మిజి అయాలెకెండ్ బత్తిదెజ్ వలె ఇజిబా వెప్పినాన్.

1-2 పెదెలి అతి నాను, దేవుణు ఏరపాటు కితి అమ్మెజ్, దన్ని కొడోరిజ్ రాసిన్. నాను మిజి నిజమనె ఎత్తు కిజిన. నాను ఒరెనె ఆవిండ, దేవుణు తోరెన్సి నిజమాతి సజతిజ్ నెన్సికార్ విజెరెబా మిజి ఎత్తు కిజినార్. ఎందనిజ్ ఇహిజ, దేవుణు తోరెన్సి నిజమాతికెజ్ మజి తెలిజి మంజినె. అయాలెకెజ్ మాటు ఎలాకాలం తెలిజి మంజినె.

3 దేవుణు తోరెన్సి నిజమాతికెజ్ మాటు నమ్మిజినాట్. వాండ్రు మజి ప్రేమిస్సాన్. అందెజె బుబ్బి ఆతి దేవుణుని మరిసి ఆతి యేసు క్రీస్తు, దయూ దర్మమదాన్, మా మున్ను కనికారం తోరిసి మాటు నిపాతిదాన్ మండ్రెజ్ సాయం కిపిర్.

ప్రేమదాన్ నడినివందిజ్ వెప్పినిక.

4 మీ కొడోర్ లోజ నెగెండార్, దేవుణు తోరెన్సి నిజమాతి సజతిజ్ వజి నడిజినార్ ఇజి నాను నెన్. అందెజె నాను నండో సరద ఆజిన. బుబ్బి మజి ఆడ్ర మిజి తివజినె వారు నడిజినార్.

5 అహిజ ఓ అమ్మ, నాను కొత్త ఆడ్ర మిజి రాన్వి. గాని క్రీస్తుజ్ నమ్మిత్తిబాణిజ్ అసి, మాటు నెన్సి మన్ని ఆడ్రనె రాసిన్. మాటు ఒరెన్ వన్నివెట ఒరెన్ ప్రేమిస్సెజ్ ఇని ఆడ్రనె వెప్పిన.

6 మాటు వన్ని ఆడ్రెజి లోజిజి, అయాపజి నడితిజినె దేవుణుదిజ్ ప్రేమిస్సాట్. మీరు క్రీస్తుజ్ నమ్మిత్తి బాణిజ్ అసి వెపాలెకెండ్, మాటు ఒరెన్ వన్ని వెట ఒరెన్ ప్రేమిసి అయాలెకెండ్ నడిదెజ్ ఇజినె వన్ని ఆడ్ర.

మొసెం కినివరివందిజ్ జాగర్త మండ్రు.

7 యేసుక్రీస్తు, యాయపాటలొజహాన్ వాతికాన్ ఇజి ఒప్పుకొడోజి నండోడార్ మొసెం కినికార్ లోకమదు సోత్త మనార్. ననికాండ్రె మొసెం కినికాన్, క్రీస్తుజ్ ఎద్రిస్సికాన్.

8 అపొస్తరు ఆతి మాపు, మీ వెట మీ నడిమి కితి పణిజి పలితం, పాడు ఆవిండ మంజిని వందిజ్, మొసెం కినివరి మున్ను జాగర్త మండ్రు. మరి, దేవుణు వెట ఎలాకాలం బత్తిని బత్తు దోహాక్కివందిజ్, మొసెం కినివరి మున్ను జాగర్త మండ్రు.

9 ఎయెన్బా, క్రీస్తు నెన్పిన్సి మాటు నమ్మిజి మన్విండ, వన్ని సొంత మాటిజ్, క్రీస్తు నెన్పిన్సి మాటువెట కలప్తిజి, వాండ్రు దేవుణుదిజ్ సేందికాన్. క్రీస్తు నెన్పిన్సి మాటు నమ్మిజి మంజినికాన్ బుబ్బిజ్ నెన్పిన్సి సేందికాన్.

10 ఎయెన్బా క్రీస్తు నెన్పిన్సి మాటు వెహోవిండ, మీ డగ్రు వాతిజి, మీరు వన్నిజ్ ఇండ్రో కూక్కాట్. వన్నిజ్ డగ్రు కిమాట్.

11 ఎందనిజ్ ఇహిజ, వన్నిజ్ డగ్రు కితికాన్ ఎయెన్బా వన్ని సెజపణిజివెట కూడిత మనాన్.

12 నండో సజతిజ్ మిజి రాస్తెజ్ మనాన్. గాని ఉత్రమదాన్ వెప్టాజ్ నజి మున్ను సిల్లెద్. మా సరద పూర్తి అదెజ్ మీ డగ్రు వాజి, మిజి నుడోజి వర్గదెజ్ నాను ఆన ఆజిన.

13 దేవుణు ఏరపాటు కితి నీ తజి కొడోర్, మిజి వెన్బాతి లెకెండ్ వెప్పినాన్.

యోహాను రాస్తి మూండ్రి ఉత్తం.

నెల్ల కిబిసినిక

యెసు క్రీస్తు అపొస్తుడు అతి యోహాను రాస్తి ఉత్తమనె యాక. వన్ని కూలాయెనాతి గాయుజ్ రాసినాన్. యా గాయు ఇనికాన్, యోహాను అతికారం అడిగి మన్ని దేవుణు సజం ఉండ్రి సుడేజి నడిపెస్సాన్. బూలాజి బూలాజి సువార్ల వెప్పి వాజిని వరిజ్ వాండ్రు డగ్గు కిజి నెగెండ మరజి పోక్కిని దన్ని వందిజ్ యోహాను వన్నిజ్ వందనముకు వెప్పినాన్. మరి, దియెత్తెవె ఇనికాన్ బూలాజి బూలాజి సువార్ల కిని వరిజ్ డగ్గు కివండ మరజి పోక్కాన్. వాండ్రు యోహాను అతికారం అడిగి మండ్రిజ్ కెపె ఇజినాన్. వన్నిజ్ డటిసి వెప్పిదన్ని వందిజ్బా యా ఉత్తమదు రాసినాన్.

1 పెదెలి అతి నాను నిజం ఎత్తు కిజిని నా సొంత కూలాయెన్ అతి గాయుజ్ రాసిన.

2 ఓ, నాను ప్రేమిసిని కూలాయెన్, దేవుణు వెట నిజి మన్ని సమందం పిరిసిని వజ, నీను విజి వన్కా లోజి పిరిదెజ్ ఇజి నాను పార్లనం కిజిన. నీను నోబు నోప్పి సిల్లెండ నెగెండ్ నెగెండ్ మండ్రిజ్ ఇజిబా నాను పార్లనం కిజిన.

3 నెగెండార్ నమ్మితికార్ నా డగ్గు వాతార్. వారు, దేవుణు తోరిస్తి నిజమాతి సజతిజ్ నీను లోజిజిని ఇజి, అయావజి నీను నెగెండ నడిజిని ఇజి వెవ్వార్. అయాలెకెండ్ వెవ్వార్ నజి నండ్ సరద కిబిస్తార్.

4 నా కొణ్డార్ దేవుణు తోరిస్తి నిజమాతి సజతిజ్ లోజిజినార్. వారు అయావజి నడిజినార్ ఇజి వెంజినికాదె నజి నండ్ సరద. దన్నిజ్ మిస్తి సరద సిల్లెద్.

5 ఓ, నాను ప్రేమిసిని కూలాయెన్, బూలాజి బూలాజి సువార్ల వెప్పి వాజిని వరిజ్ నీను డగ్గు కిజిని. వారు నిజి తెలికకార్ అతిజ్బా నీను వరి వందిజ్ కిజిని ఇనికబా నమ్మకముదానె కిజిని.

6-7 వారు నీ ప్రేమ వందిజ్ ఇచ్చె దేవుణు సజం ఎర్దు సాసి వెవ్వార్. నీను, దేవుణుదిజ్ ఇన్లం అతి వజి వరి పయనముదు అవ్వనం అతికెజ్ సీజి పోకత. ఎందనిజ్ ఇహిజ, వారు క్రీస్తుజ్ నమ్మితి వరిబాణిజ్ ఇనికబా లోన్విండ, క్రీస్తుజ్ వెవ్వార్ల సొత్తార్.

8 అందెజె వారు వెప్పివలె, మాటు వరివెట జత కూడేజి, దేవుణు వందిజ్ నిజమాతికెజ్ నెన్పిస్సివందిజ్, నన్నివరిజ్ మాటు డగ్గు కిదెజ్వలె.

దియెత్తెవెని దెమెత్రియు.

9 నాను దేవుణు సజమదిజ్ ఉండ్రి సజతి రాస్తి. గాని దియెత్తెవె నా అతికారముదిజ్ లోజివిన్. ఎందనిజ్ ఇహిజ, వాండ్రు దేవుణు సజమదు పెరికాన్ అదెజ్ కోరిజినాన్.

10 వాండ్రు మా ముస్సు, సెజ మాటెజ్ వర్గిజినాన్. యాకాదె అవిండ బూలాజి బూలాజి దేవుణు మాట వెప్పి వరిజ్ డగ్గు కివన్. వరిజ్ డగ్గు కిదెజ్ మున్పు మన్ని వరిజ్ అడ్డు కిజి దేవుణు సజమదాన్ వరిజ్ వెల్లి పోక్కినాన్. అందెజె నాను వాతిజ, వాండ్రు కిజిని సెజి వణిజి దేవుణు సజం ఎర్దు వెవ్వార్.

11 ఓ, నాను ప్రేమిసిని కూలాయెన్, సెజి వణిజ్ కిజిని వరిజ్ సుడేజి నడిపిండ, నెగ్గి వణిజ్ కిజిని వరిజ్ సుడేజి నడిపి. నెగ్గి వణిజ్ కినికాన్ ఎయెన్బా దేవుణుదిజ్ సెందితికాన్. సెజి వణిజ్ కినికాన్ ఎయెన్బా దేవుణుదిజ్ నెన్పిన్.

12 దెమెత్రియు వందిజ్ లోకర్ విజెరి నెగ్గికెజ్ పోగిడిజినార్. దేవుణు తోరిస్తి నిజమాతి సజతిజ్ లోజిజి వాండ్రు నడిజినాన్. అయాక వాండ్రు నెగ్గి లోకు ఇజి రుజువ్ కిజినాద్. మాపుబా వన్ని వందిజ్ నెగ్గికెజ్ వెప్పినావ్. మా సాసి నిజమాతికెజ్ ఇజి నీను నెస్సి.

13 నండ్రి సజతిజ్ నిజి రాస్తిజ్ మనాద్. గాని ఉత్తమదాన్ వెవ్వార్ల నజి మన్పు సిల్లెద్.

14 నిజి బేగి సుడేదెజ్ అనాద్ ఇజి నాను కోరిజిన. అయావలె మాటు కూడేజి వర్గినాట్.

15 నిజి సమాదనం రపిద్. ఇచ్చెణి దేవుణు సజమదికార్ నిజి వెన్బాతి లెకెండ్ వెప్పినార్. అచ్చె మన్ని వరిజ్ విజెరిజ్ వెన్బాతి లెకెండ్ వెవ్వా.

యాదా రాస్తి ఉత్తం

నెల్లు కిబిసినిక

మా ప్రభు అతి యేసుక్రీస్తు తంబెరిజ్ ఇజ వెమా అతి వరి లోఇ మన్ని యూద ఇనికాన్ యా ఉత్తం రాస్తాన్. వాండ్రు యాకోబుజ్బా తంబెర్ని, క్రీస్తు సకం 68-80 నడిఃమి కాలమ్దు యా ఉత్తం రాస్త మనాద్దు. క్రీస్తుజ్ నమ్మిత్తివరి సజమ్కలోఇ నిజతిమాతి బోద నెక్కిపాక్కి తప్పుజ్ నెస్సిసిని వరి వందిజ్ రాస్తాన్. వరి బోదవందిజ్ వరి బత్తువందిజ్ డటిసి రాస్తాన్. నమ్మితి వరిజ్ దేవుణు సిత్తి రక్కణ వందిజ్, నిజం వందిజ్ కాట్లాడఃజ్ ఇజ రాస్త మనాన్.

1 యేసు క్రీస్తుజ్ పణి కినికానాతి యూద (వాండ్రు యాకోబుజ్ తంబెరి) రాసిని ఉత్తం. దేవుణు కూక్కి వరిజ్ నాను రాసిని. బుబాతి దేవుణు నండ్రి ప్రేమిసి యేసు క్రీస్తు మరజ్ వానిదాక కాప్ కిజ ఇడ్డిని మిజిని రాసిని

2 మిజి కనికారం, నిపాతి, దేవుణు - బాణిజ్ వాని ప్రేమ ఒదె నిండ్రిజి మనిదె.

దేవుణు వందిజ్ మన్ను సిల్లి వరిజ్ వాని సిక్కు.

3 నాను నండ్రి ప్రేమిసినికి దెరా, మజి విజెరిజ్ దోహ్కే రక్కణ వందిజ్ మిజి రాస్తజ్ ఇజ నండ్రి ఆన అత మహా. గాని దేవుణుదిజ్ కేట అతి వరిజ్ ఉండ్రి సుటునె ఒవజెప్తి నిజతిమాతి నమకం కాపాడిజి ఇడెదిజ్ మీరు కాట్లాడఃజి మండ్రిజ్ వలె ఇజ మిజి బతి మాల్లి రాస్తజి ఏలు ఒడఃబిజిన.

4 సెగెండార్ లోకుర్ మిజి తెలివిండ మలొఇ డుఃగిత మనార్. దేవుణుబాణిజ్ వరిజ్ వాని తిర్పు వందిజ్ పూరిబకాలమ్దు దేవుణు - మాటదు రాస్త మనాన్. వారు దేవుణు - వందిజ్ బక్తిసిల్లి లోకుర్. వారు ఒడఃలవందిజ్ మని, వరి సెఇ ఆసెజ వజ కిజి సర్ద ఆనివందిజ్ దేవుణుబాణిజ్ వాతి, వన్ని దయదర్మమదిజ్ మారిస్తార్. అహు కితిజ్ మాటు సేవకిని ఒరెండ్రి ఒజమాని అతి మా ప్రభు అతి యేసు క్రీస్తుజ్ నెక్కి పాక్కార్.

5 నాను వెహ్నిని యా సజతిజ్ విజి మీరు ముజాలె నెస్సి మన్నిదెర్ గాని నాను మిజి మరి ఎత్తు కిబిస్టెజ్ ఆన ఆజిన. అక్కు ఇనిక ఇహొజ పుర్పు అయ్యెంపు దేనమ్దాన్ ఇస్రాయెలు లోకురిజ్ ఉండ్రి సుటునె గెల్పిస్తాన్. గాని వెనుక వరి లోఇ నమ్మిండాతి వరిజ్ దేవుణు నానసం కిత్తాన్.

6 దేవుణు సిత్తి అతికారమ్దు మండ్రిజ్ ఇన్నం ఆవిండ, వరిజ్ మహి అతికారం డిస్సిసిల్లి దేవుణు దూతార్ వందిజ్ ఎత్తు కిదు. తిర్పు సీజి సిక్కు సీని పెరిదినమ్ దాక, ఎల్లకాలం మంజిని గొలు గొలుస్కాణిజ్ తోహ్పా - స్తాండ్రి సీకటి మన్ని బాడ్డిదు దేవుణు వరిజ్ ఇట్ట మనాన్.

7 అయెలెకెండ్రినె సాదోమ గొమ్మెర్ర పట్టుమ్క లోకాజ్, వసక సుటులం మన్ని నాహ్కాణి లోకాజ్ ఇనిక జర్గితాద్ ఇజ ఎత్తు కిదు. వారు దేవుణు దూతార్ కితిలెకెండ్రినె, ఒడఃలది సెఇ ఆసెజ్ వజ కిజి సర్ద ఆని కిని పణిజ్ కిత్తార్. ఆఇ బోదెకవెట ఉండ్రి ఆవిద, మొగవరివెట మొగవారు కూడఃజి పాపం కితారం ఎలాకాలం నంబిఇ సినుదాన్ సురి అతార్. నిన్నివరిజ్ ఇని సిక్కు వానాద్ ఇని దన్నిజ్ అక్కు విజెరిజ్ ఉండ్రి గుర్తులెకెండ్రి మనాన్.

8 అయెలెకెండ్రినె పీరు కలెజ్ గాని ఒడఃలది సెఇ ఆసెజ్ వజ కిజి సర్ద ఆని పణిజ్ కిజినార్. మరి, ఏలుబడిః కినివరిజ్ లోజివర్. వారు దేవుణు దూతారిజ్ దూసిస్తాన్.

9 అహొజ దేవుణు దూతార్ మున్ను పెరి దూత అతి మికావిలుబా, మోసి పీనుగు వందిజ్, సయతాను మికాయెలుజ్ ఓదిన్సివలె ఇనిక కిత్తాన్ ఇహొజ, వన్నిజ్ దూసిసిని మాటెజాణ్ నేరం మొవ్విన్. గాని “ప్రబునె నిజి గదిసిన్”, ఇజి వెహ్నాన్.

10 గాని పీరు ఇహొజ వరిజ్ అర్థం ఆఇవనకవందిజ్ దూసిసినార్. బుద్దిసిల్లి జంతుజ్ లెకెండ్రి, మున్నుదు బాగ ఒడఃబిదెజ్ అటేవర్. జంతులెకెండ్రి ఒడఃల అసెజ్ వజ కిజి సర్ద ఆదెజ్ సుడఃజినార్. వరి సెఇ పణిజాణ్ వారి పాడఃజి సాన్నినార్.

11 అబయ! వరిజ్ కస్టమ్క తవ్ఉ. ఎందనిజ్ ఇహొజ, వారు సెఇ పణి కితి కయసు లెకెండ్రిబా మనార్.* వారు బిలాము ఇని ప్రవక్త లెకెండ్రిబా ఇనాయం దోహ్పిద్ ఇజి, వరి బత్తు తప్పుదిజ్ పూర్తి ఒవజెప్తి మనార్.† వారు కోర్ ఇనివన్ని - లెకెండ్రిబా మనార్. మోసి వెహ్నిదన్నిజ్ మరజి వెహ్నాండ్రి డటం ఎద్రిస్తాన్.‡ పీరుబా వన్నిలెకెండ్రి నానసం ఆన సానార్.

12 మీరు కిజిని ప్రేమవిందుజ్లోఇ వారు తెల్లని పాతారు మన్ని మన లెకెండ్రి సిగు తపిసినార్. ఇని తియెల్ సిల్లెండ పాటపంజు ఉణిజి వరిజ్ వారి పోన కిబి ఆజినార్. వారు గాలి డెయెజి ఒసిని పీరు సిల్లి మొసాప్ ననికార్. వారు కాయెజ్ అస్సి కాలమ్దు కాయెజ్ అనఇ మరెక్ లకెండ్రి. అక్కాది ఆవిద. వారు వలెజాణిజ్ తెరి అతి మరెకెండ్రి. పాణం సిల్లికార్, పూర్తి సాతికార్ వారు.

13 వారు సమ్దరమ్ది పెరి ఉల్పాజ్ లెకెండ్రి మనార్. వరి సిగుపణిజ్ ఉల్పాజ్ డెయెజి తసిని పొబు లెకెండ్రి మన్నె. మరి సరి తప్పి బూలాలి సుక్కాజ్ లెకెండ్రి మనార్, వారు. అందెజి దేవుణు వరివందిజ్ ఎలాకాలం మండ్రిజ్ గొప్ప సీకటి మన్ని బాడ్డి* తయార్ కిజి ఇడ్డమనాన్.

14 ఆదముదాన్ మొదెల్ని ఏడవ తరమ్దికాన్ అతి హానోకు పూరిబకాలమ్దు దేవుణుబాణిజ్ వాతి మాటెజి వెహ్నాన్. విరివందిజ్ వెహ్ని అయ మాటెజి వాని కాలమ్దు జర్గిని వందిజె. ఇనిక ఇహొజ “ఇదిలో ప్రబు వన్ని వెయె వెయెజి దూతార్ వెట వాజినాన్.

* 1:11 1:11 కయసు వందిజ్ సద్దివదు, ఆదికాండం 4:1-16 † 1:11 1:11 బిలాము వందిజ్ సద్దివదు, సెకియా పుస్తకం 22 - 24. ఆద్యాయమ్క లోఇ మనద ‡ 1:11 1:11 కోర్ వందిజ్ సద్దివదు, సెకియా పుస్తకం 16:1-35 § 1:13 1:13 యా సుక్కెజి బూమి సన్నికెజ్ గాని ఎసెజ్ ఎసెజ్ సాని సరి తప్పి సాన * 1:13 1:13 ఒది సీకటి మని బాడ్డి. యా బాడ్డి సరకరమ్సె

15 విజరిజ్ తీర్చి కిదెజ్ ప్రబు వాజినాన్. దేవుణు వందిజ్ బక్తి సిల్లి వరిజ్ తీర్చు సీజి సిక్కు సీదెజ్ వాండ్రు వాజినాన్. ఎందనిజ్ ఇహిజ దేవుణు వందిజ్ బక్తి సిల్లికార్, దేవుణుబాణిజ్ మన్ను దూరం ఇడ్డి సెఇ పణిజ్ కిత్తార్. దేవుణు వందిజ్ బక్తి సిల్లికార్ తియెల్ సిల్లిండ దేవుణు ఎద్రు వన్నుజ్ పడిఱ ఇ కటినమతి మాటెజ్ వర్గితార్”.

16 వారు దేవుణు ఎద్రు సణిజిజినార్. ఆఇవరి మున్ను నిండ మోప్పినికార్. వారు వరి ఒడోలది సెఇ ఆసెజ్ వజ కిజి సరద ఆదెజ్ ఇజని సుడోజినార్. వారు వరి వందిజ్ వణిదిజ్ రెఇ బడాయ్ మాటెజ్ వర్గిజినార్. ఆఇ వరిబాణిజ్ ఇనికబా దొప్పిద్ ఇజి వరిజ్ పొగడిజినార్.

ఓరిసి మండ్రెజ్ ఇజి వెప్పినాన్.

17 అహిజ నాను నండో ప్రేమిసినికిదెరా, మా ప్రబు అతి యేసు క్రీస్తుజ్ అపొస్తరు ఆతికార్ మిజి ముజాల వెప్పిమని సజతిజ్ మీరు ఎత్తు కిదు.

18 వారు ఇనిక వెప్టార్ ఇహిజ, కడెవెరి రోస్కాణ్ వెక్రిసినికార్ వానార్. వారు దేవుణు వందిజ్ బక్తి సిల్లిండ, వరి ఒడోల్లి సెఇ ఆసెజ్ వజ కిజి సరద ఆజినె మంజినార్.

19 లోకాజ్ కేటెజ్ కేటెజ్ కిబిన్సికార్ వీరె. పాపం ఏలుబడిఱ కిని మన్ను మన్నికార్, దేవుణు ఆత్మ సిల్లికార్ వీరు.

20 గాని మీరు, ఇహిజ నాను నండో ప్రేమిసినికిదెరా, దేవుణుబాణిజ్ మిజి దోహక్తి నమకమదు పిరిజి వాదెజ్ ఒరెన్ మరి ఒరెన్ వన్నుజ్ తోఱు కిదెజ్. దేవుణు ఆత్మ నడిపిసిని వజ పార్లనం కిజి మండ్రు.

21 దేవుణు మీ మున్ను తోరిస్తి మన్ని ప్రేమదు మండ్రు. ప్రబు అతి యేసు క్రీస్తు మీ మున్ను కనికారం మాజి, దేవుణు వెట ఎల్లకాలం బత్తిని బత్తు సీదెజ్ ఇజి ఎద్రు సుడోజి మండ్రు.

22 దేవుణు మున్ను మన్ని నమకం వందిజ్ అనుమానం మని వరి మున్ను కనికారం తోరిస్తు.

23 నమకమదాన్ తప్పిసాహి సెగొండారిజ్, సిను నడిఱమిహాన్ వెల్లి లాగితిలెకెండ రక్కిస్తు. తప్పి సాహి మరి సెగొండారిజ్ కనికారం తోరిస్తు. గాని తియెల్దాన్ మండ్రు. వరి పణిజ్ మజి పడిఱిద్. వారు కిని సెఇ పణిజాజ్ మాటు సెవెన్ ఆదెజ్ ఆవిద్.

24 మీరు పాపమదు తోరొ ఒడిఱిజి అర్విండ మిజి కాప్ కిదెజ్, దేవుణు గొప్ప పెరి జాయ్ ఎద్రు, గొప్ప సర్దదాన్, ఇని తప్పుబా సిల్లిండ మిజి నిల్వెజ్, మజి రక్కిన్సికాన్ అతి ఒరెండ్రె దేవుణు అట్నాన్.

25 మజి రక్కిన్సికాన్ అతి దేవుణు, ఒరెండ్రె దేవుణు. మా ప్రబు అతి యేసు క్రీస్తు - వలెహానె వన్నుజ్ పొగడిఱాట్. ఎందనిజ్ ఇహిజ వాండ్రె జాయ్దాన్ నిండ్రెతి సోకు మన్నికాన్, వాండ్రె గొప్ప పెరికాన్, వాండ్రె గొప్ప సత్తు మన్నికాన్, వాండ్రె విజదన్ని - మున్ను యా అతికారం మన్నికాన్. వాండ్రు విజి వనకాజ్ ముజాల యావజి మహాన్, వాండ్రు ఏలు యావజి మనాన్, వాండ్రు వాని కాలమదు యావజి మంజినాన్. ఆమెన్.

ప్రకటన పుస్తకం డాజీతిమన్నికెట్ దేవుణు యోహానుజ్ తోరిస్తికెట్

నెల్గు కిబిసినిక

ఇక్క బయ్యెబిల్దు మన్ని కడెవెరి పుస్తకం. తెలుగు బయ్యెబిల్దు యో పుస్తకం, ప్రకటన ఇజి మనాద్. ప్రకటన ఇని మాటదిజ్ అర్థం డాజీతిమన్నికెట్ వెలి తోరిసినిక, టుకుర్ ఇడ్డిమన్నికెట్ టుకుర్ లాగ్లి తోరిసినిక ఇజి అర్థం మనాద్. ఇక్కెట్ ఎయెర్బా ముజాల నెస్తిమన్ని మాటెజ్ ఆఉ. యేసుప్రబు వందిజ్ని దేవుణుమాటదిజ్ సాస్యం వెప్పొ వందిజ్, యేసుప్రబు సిసుర్లోఇ ఒరెన్ ఆతి యోహాను ఇనివన్నిజ్ రోమప్రబుత్వం ఆతికారిబు, నారు డిజిబిస్తి పొక్తార్. ఈజియన్ నమ్దరం నడిమిమన్ని పత్తొన్ ఇని లోకు సిల్లి ఇజి దేసమ్దు పొక్తార్ (ప్రకటన 1:9).

వాండ్రు అయ ద్విప్పుదు మహివలె, దేవుణు వన్ని దూతవెట యోహానుజ్ తోరిస్తికెట్ వాండ్రు యో పుస్తకమ్దు రాస్త మనాన్. యేసు క్రీస్తు సిలువాదు సాజి, మరజి నిజిత్తి వెనుక, ఇంజుముంజు 60 వంటిజ్ డాట్టివెనుక యో పుస్తకం రెనె ఆత మనాద్ ఇజి నమ్మిజినార్.

యో పుస్తకం, ఆసియాదు మన్ని ఏడు సజమ్కాజ్ రాస్తి ఉండ్రి ఉత్తమ్లెకెండ్ మనాద్ (ప్రకటన 1:10-11). వాని కలమ్దు ఇనికెట్ జర్గినెలె ఇని వందిజ్ యో పుస్తకమ్దు రాస్త మనాద్. యేసుప్రబు మరజి వానివందిజ్, మరి యో లోకమ్దు జర్గిదెజ్ మన్నికెట్వందిజ్, మరి యో లోకమ్ది ఆక్కుర్వందిజ్ యో పుస్తకమ్దు రాస్త మనాద్. డెమినియన్ ఇనికాన్ రోమ రాజు మహివలె యో పుస్తకం రానె ఆత మనాద్ ఇజి నండ్రిండార్ నమ్మిజినార్.

మొదెల్

1 యాక డాజీతిమహి సజతిజ్ దేవుణు, యేసుక్రీస్తుజ్ నెందితివరిజ్ తోరిస్తికెట్ ఇజి వన్నిజ్ తోరిస్తికెట్. వెటనె ఇనికెట్ జర్గినెలె ఇజి యేసు క్రీస్తు, వన్ని దూతెజ్ వెప్తొ పొక్తాండ్రి, అయ సజతిజ్ వన్ని పణిమణిసి ఆతి యోహానుజ్ తోరిస్తాన్.

2 దేవుణు మాటెజ్ వందిజ్ని, యేసు క్రీస్తు వన్నిజ్ తోరిస్తి విజు వనకాజ్ సుడెజి నిజమాతికెట్ ఇజి యోహాన్ సాస్యం వెప్పొనాన్.

3 దేవుణుబాణిజ్ వాతి యో ప్రవక్త మాటెజ్, డటం సదివీజి మహివరిజ్ వెన్పిసినికాన్ని, నదవినికెట్ వెంజి అయారెజ్ మన్నుదు ఇడ్డి నమ్మిజి మంజినికాన్ దేవుణు సీజిని దీవెనమ్కు మంజినికాన్ ఆనాన్. ఎందానిజ్ ఇహిజ, అయారెజ్ అయారెకెండ్ జర్గిదెజ్ నమయం డర్గు ఆత మనాద్.

దేవుణుదిజ్ పొగ్డిజి వెప్పొని మాటెజ్.

4 ఆసియాదు మన్ని ఏడు, దేవుణు సజమ్కాజ్ యోహాను రాసినిన్. ముజాల మహికాన్, ఏలు మన్నికాన్, వాని కాలమ్దు మంజినికాన్ ఆతికాన్, మరి వాండ్రు బస్తిమన్ని వన్ని సింహాసనం ఎద్దుమన్ని ఏడు అత్తెజ్, వన్ని దయదార్తం మీ మున్ను మంజి, మీరు నిపాతిదాన్ మండ్రిజ్ సాయం కిపిన్.

5-6 నమ్మకమాతికాన్ ఆతి సాసి, సాతి వరిబాణిజ్ తోలిత నిజిత్తికాన్, బూమి మున్ను, ఏలుబడిజి కిజిని విజు రాజురిజ్ మున్ను, రాజు ఆతి యేసుక్రీస్తుబా వన్ని దయదార్తమ్దాన్ మీరు నిపాతిదాన్ మండ్రిజ్ సాయం కిపిన్. మజి ప్రేమిస్తాండ్రి వన్ని నలదాన్, మో పాపమ్కాజ్ మజి విడుదల కిజి, వన్ని బుబ్బాతి దేవుణుదిజ్ ఉండ్రి రాజ్యం లెకెండ్ని, వన్నిజ్ పణి కిని పుజిరిజ్ లెకెండ్ కిత్తిమన్ని యేసుక్రీస్తుజ్ గొప్ప గవర్నమన్ ఆతికారం అంతు సిల్లిండ్ ఎలకాలం వసిన్. ఆమెన్.

7 ఇదిలో, వాండ్రు మొనుప్పదాన్ వాజినాన్! విజిరి కణుకెజ్ వన్నిజ్ నూణెలె. వన్నిజ్ బల్లిమ్దాన్ గుత్తికార్బా నూణారలె. బూమి మున్ను, మనికార్ విజిరి, వన్నిజ్ సుడెజి గుండె కొత్తె ఆజి అడబనారలె. అయారెకెండ్ని ఆనాద్లె. ఆమెన్.

8 “అల్పాని ఒమెగ్* నానె”, ఇహిజ మొదెల్ని కొన నానె. “ముజాల మహికాన్, ఏలు మన్నికాన్, వాని కాలమ్దు మంజినికాన్ ఆతి విజు దన్నిజ్ నత్తు మన్నికాన్” ఆతిమన్ని ప్రబు ఆతి దేవుణు వెప్పొనాన్.

లోకుమరిసి లెకెండ్ ఒరెన్

9 యేసువందిజ్ వాజిని ప్రమెజి లోఇ, వాండ్రు కిని ఏలుబడిజిదుని, వన్ని వందిజ్ కష్టమ్కు ఓరిస్తిజ్, మీవెట కూడెజి మన్నికాన్ ఆతి, మీ తంబెరి ఆతి యోహాను ఇని నాను, దేవుణు మాట వందిజ్ని యేసువందిజ్ సాస్యం వెప్పొ వందిజ్, నమ్దరం నడిమి మన్ని పత్మెనాను ఇని ద్విప్పుదు† ఒరెనె మచా.

10-11 వారమ్దిజ్ మొదెహి రోజు ఆతి ప్రబు దినమ్దు, నాను దేవుణు ఆత్మదాన్ నిండ్రితి మహివలె, జోకు బాంగ ఊక్కిలెకెండ్ ఉండ్రి కంటం నా వెనుకహాన్ వెపా. నీను సుడెజినికెట్ విజు ఉండ్రి పుస్తకమ్దు రాసి, ఎవెను, స్మూర్న, పెర్రిగాము, తుయతయెర, నరదెను, పిలదెల్లియ, లవెదికియ ఇని ఏడు, దేవుణు సజమ్కాజ్ పోకెత్ ఇజి, అయో కంటం నజి వెప్పొమన్నిక, నా వెనుకహాన్ నాను వెపా.

12 యాక వెహాన్, నావెట వర్ణిజిని కంటం ఇనికాదొ ఇజి సుడెడెజ్, నాను వెనుక మప్తా. నాను వెనుక మప్తాజ్, బజురమ్దాన్ తయారె కిత్తి ఏడు దివ డండ్రిజ్ సుడెజ్.

13 అయ దివ డండ్రిజ్ నడిమి, లోకు మరిసి ఆతి వన్నిజ్ పోలితి ఒరెన్ వన్నిజ్ సుడెజ్. వాండ్రు వన్ని పాదమ్ దాక అందితి మన్ని ఉండ్రి నీరి సొక్కు, పొర్పాజి గుండెదు బజురమ్దాన్ మన్ని కంటువ తోహా ఆత మహాన్.

* 1:8 1:8 అల్పానికాని మొదెహి అక్కురం. ఒమెగ్ కడెవెరి అక్కురం † 1:9 1:9 ద్విప్పుదుల నమ్దరం మన్ని ఇజి దేనె

14 వన్నీ బుర్రాని వన్నీ బుర్రది కొప్పు తెల్లాని దూతిదిట్ పోలిసి, గాండులెకెండ్ తెలాజ్ మహాద్. వన్నీ కణకెట్, నీను కొనేజెలెకెండ్ మహా.

15 వన్నీ పాదమకు కుంసు సొల్లుదు కాప్తి, కంజా మెర్నినిలెకెండ్ మహా. వన్నీ కంటం గొప్పు పెరి గడ్డ జాటు లెకెండ్ మహాద్.

16 వాండ్రు వన్నీ ఉణెర కియుదు ఏడు సుక్కెట్ అన్న మహాన్. రుండి దరజేబా తెవుగు మన్నీ కుర్ల లెకెండ్ మన్నీ మాటెట్ వన్నీ వెయుదాన్ వెల్లి వాతె. వన్నీ మొకొ పూర్తి జాయదాన్ మెర్నిని పొద్దుది జాజ్ లెకెండ్ మహాద్.

17 వన్నుజ్ నుడతానె, నాను సాతివన్నులెకెండ్ వన్నీ పాదమకాజ్ అర్త. అయావలె వాండ్రు వన్నీ ఉణెర కియు మా మున్ను ఇడజెజ్ ఈహు వహ్న్. "తియెల్ అమా. నాను మొదోహికాన్. నాను కడజెవెరిదికాన్.

18 నాను బత్తిజ మంజనికాన్. నాను సాతిమహికాన్ గాని ఇదిలో ఎలాకాలం బత్తిజన. మరి సాపుదిని సాతికార్ మంజని అయా లోకమేది తాలంకియు నా కీదు మనాద్.

19 అందజె, ఏలు మన్నీ వనకాజ్ వందిజ్, మరి వాని కాలమేదు జర్గిదెజ్ మనికెట్, నీను నుడతెతి మనికెట్ నీను రాన్అ.

20 నా ఉణెర కియుదు నీను నుడతెతి మన్నీ ఏడు సుక్కెట్, ఏడు దేవుణు సజమక దూతార్. మరి బజారమదాన్ తయార్ కితి మన్నీ ఏడు దీవ డండిజ్, ఏడు దేవుణు సజమకు.

2

ఎవెను పట్టుమేదు మన్నీ దేవుణు సజమేదిట్ రాసిని ఉత్తం

1 "ఎవెను పట్టుమేదు మన్నీ దేవుణు సజమేది దూతెజ్ రాన్అ, వన్నీ ఉణెర కియుదు ఏడు సుక్కెట్ అసి, ఏడు దీవడండిజ నడజెమి బూలాజనికాన్ వెహ్నిని మాటెట్ ఇక్కెట్.

2 నీను కిజని పణిజ్, నీను కన్నబాడజెతికెట్ నాను నెనిన. నీను ఎస్సానో హిమ్మెజ్ ఓరిస్తిమన్నీ ఇజబా నాను నెనిన. సెఇకెట్ కినివరిజ్ నీను ఓరిసి మండ్రెజ్ అబ్బ ఇజ నాను నెనిన. అపొస్తురు ఇజ వెహె ఆజ అపొస్తురు ఆజ వరిజ్ నీను పరిన కిజ, వారు అబద్దం వెహ్నికార్, ఇజ నీను నెస్తి ఇజ నాను నెనిన.

3 నీను నా పేరు వందిజ్ హిమ్మెజ్ డిసివంద ఓరిస్తి మన్నీ మరి కన్నమకు బరిస్తిమన్నీ గాని నీను దన్నీ వందిజ్ ఎనెజ్బా వందితిఇ ఇజబా నాను నెనిన.

4 అహిజబా, మొదోహన్ నా వందిజ్ నిజి మహి మొదోహి ప్రేమ, నీను డిస్సినిత్తి ఇజ ఉండ్రె తప్పు నీ మున్ను నుడతె.

5 నా మున్ను మన్నీ ప్రేమ డిసిసీజి, నీను ఎస్సానో వెనుక సొన్ని మహి ఇజ నీను ఒడిబిఅ. దన్నీ వందిజ్ నీ మన్ను మరిసి, తప్పుజ్ ఒప్పుకొడజె డిసిసీజి, ముజాల కిజి మహికెట్ కిజి మన్అ. నీను మన్ను మారిసి, పావమకు ఒప్పుకొడజె డిసిసి - సివంద మహిజ, నాను నీడగ్రు వాజి, నీ దీవడండిజ్ దన్నీ బాడ్డిదాన్ లాగ్నీ విసీర్చు.

6 గాని, నీవందిజ్ ఉండ్రె నెర్గి నజతి మనాద్. నాను ఇన్నం కిజకార్ అతి నికొల జుబిదవరి పణిజ్ నీనుబా ఇన్నం కిజతి.

7 దేవుణు అత్తు దేవుణు సజమకాజ్ వెహ్నికెట్ ఇనికెట్ ఇజ గిబ్బిజ్ ఒడజె వెంజె అయావజ నడిజెసి మండ్రు. సెఇకెజ మున్ను గెలిస్సి వన్నుజ్ పరలోకం అతి పరదీనుదు మన్నీ పాణం సీని మరాతి పట్టు తిండ్రెజ్ అక్క, సీనా.

స్మూర్న పట్టుమేదు మన్నీ దేవుణు సజమేదిట్ రాసిని ఉత్తం

8 "స్మూర్న పట్టుమేదు మన్నీ దేవుణు సజమేది దూతెజ్ రాన్అ. మొదోహికాన్ కడజెవెరిదికాన్ అతి, సాతి వెనుక మరజి నిజెతికాన్ వెహ్నిని మాటెట్ ఇక్కెట్.

9 నీ కన్నమకు, నీ కరు బత్తు. నాను నెనిన. గాని దేవుణుదిట్ నందితి నజతిజలొఇ నీను అస్తి మన్నుకిలెకెండ్నె. మాపు యూదురు ఇజ వెహ్నిని దేవుణు లోకుర్ ఆఇకార్ అతి, నయతానుజ్ నందితికార్ అతి యూదురు, నీవందిజ్ వెహ్ని దూనణ మాటెట్ నాను నెనిన.

10 నీ మున్ను వాదెజ్ మన్నీ కన్నమకాజ్ వందిజ్ నీను తియెల్ అమా. నిజి పరిన కిదెజ్, నీ లోకురిజ్ సెగెండారిజ్ నయతాను అన్నీని జెలిదు ఇడిస్సాన్లె. పది దినమకు నీను హిమ్మెజ్ ఓరిసి మండ్రెజ్ వలె. గాని నా మున్ను మన్నీ నమకమవందిజ్ సాపు వాతిజేబా నమకమాతికె ఆజ మన్అ. ఎలాకాలం మంజని బత్తు. ఇని ఇనాయం నాను నిజి సీనాలె.

11 దేవుణు అత్తు దేవుణు సజమకాజ్ వెహ్నికెట్ ఇనికెట్ ఇజ గిబ్బిజ్ ఒడజె వెంజె, అయావజ నడిజెసి మండ్రు. సెఇకెజ మున్ను గెలిస్సి వన్నుజ్ రుండి సాపు ఇని దెబ తర్గివద్.

వెర్గాము పట్టుమేదు మన్నీ దేవుణు సజమేదిట్ రాసిని ఉత్తం

12 వెర్గాము పట్టుమేదు మన్నీ దేవుణు సజమేది దూతెజ్ రాన్అ.

"రుండి దరిజ్ తెవుగు మన్నీ కుర్లలెకెండ్ మన్నీ మాటెట్ మన్నుకాన్ వెహ్నినికెట్ ఇక్కెట్.

13 నయతాను ఏలుబడి కిజని పట్టుమేదు నీను బత్తిజని ఇజ నాను నెనిన. నయతాను ఏలుబడి కిజని అయ పట్టుమేదు నా మున్ను. నమకం ఇడ్డి నమకమాతి సాసి అతి అందిపాయెజ్ నప్తి కాలమేదుబా నా మున్ను. ఇడ్డి నమకం డిసిసీవంద, నా పేరు వందిజ్ నీను నిజం నిహిమహి ఇజ నాను నెనిన.

14 గాని నజి వడజెఇకెట్ సెగం నజతిజ్ నీబాన్ మన్ను. బోమ్మెజ్ వూజ సెత్తికెట్ తింజె, రంకు బూలాజె పాపం కిదెజ్ ఇస్సాయేలు లోకురిజ్ రేప్పి మన్నుకాన్ అతి బాలాకుజ్ * అక్కెజ్ నెస్సిని మన్నుకానాతి బిలాము† బోద్ లోజెజి నడిజెసినికార్ నీ లొఇ మనార్.

15 నికొల బోద్ లోజెజి మన్నుకార్బా నీ లొఇ మనార్.

* 2:14 2:14 ఇస్సాయేలు లోకుర్ మున్ను. సయెవ్ సీదెజ్ ఇజ బిలాము ఇని ఒరెన్ గురు నన్ను ప్రవక్తెజ్ కూక్తి మన్ను మాయాబు దేనిమేది రాజు. బుద్ధి సిల్లిండ దేవుణుదిట్ వెత్తికమాతి పణి కితి వందిజ్ వన్ను వందిజ్ దేవుణు మాడుదు రాన్ మనాద్. సంకియా 22-24, యెహోసువ 24:9, నాయాది 11:25. † 2:14 2:14 ఇస్సాయేలు లోకుర్ మున్ను. సయెవ్ సీదెజ్ ఇజ మాయాబు దేనిమేది రాజు. బాలాక్ కూక్తి మని ఒరెన్ గురు నన్ను ప్రవక్తె. సంకియా 22-24.

16 అందెజె నీను మన్యు మారిసి పాపముకు బప్పుకొడఁజి డిఁసినీఅ. నీలిజ నాను బేగి నీడగ్రు వాజి నా వెయుదాన్ వాజిని కుర్పు తెకెండ్ మన్ని మాటిజాణిజ్ వరివెట విదెం కీనా.

17 దేవుణు అత్యు దేవుణు సజమకాజ్ వెప్పొకెజ్ ఇనికెజ్ ఇజి గిబ్బిజ్ ఒడఁజి వెంజి అయాపజ నడిఁజి మండ్రు. సెఇవనకాజ్ మున్యు గెలిసినివన్నిజ్ నాను పరలోకముదు డాఁజితి మన్ని మన్న ఇని తిండి నెగం ఉండెజ్ సీనా. మరి, దోహొక్కికాండ్రె అవిండ, మరి ఎయెన్ వన్నిజ్ బా నెన్ ఇ ఉండ్రె కొత్త పేరు రాస్తె మన్ని ఉండ్రె తెల్లని వణకుబా సీనా.

తుయతయర పట్టుమదు మన్ని దేవుణు సజమదిజ్ రాసిని ఉత్తం

18 "తుయతయర పట్టుమదు మన్ని దేవుణు సజమది దూతెజ్ రాన్ అ కణుకెజ్ సిసుకొనెజ్ లెకెండ్ మన్ని, మెర్నిని కంజుదిజ్ పోలితి పాదముకు మన్ని దేవుణు - మరిసి అతి వన్ని మాటిజ్ ఇక్కెజ్.

19 నీను కిజిని పణిజ్ ఎలాగ మర్రికెజ్, నీ ప్రేమ ఎలాగ మర్రిక, నీ నముకు ఎలాగ మర్రిక ఇజి నాను నెసిన. నీను మహిపరి వందిజ్ కిజిని పణిజ్ నీను హిప్పెజ్ డిఁసెవిండ ఓరిని మంజినిక విజా నాను నెసిన. నిజమె ముజాల కిజి మహి దన్నిజ్ ఒడ్డె నెగెండ్ నీను ఏలు కిజిని.

20 గాని నజీ నపిజ ఉండ్రె సజతి నీబాన్ మనాద్. దన్నిజ్ అది నె దేవుణు ప్రవక్త ఇజి వెప్పొని యెజెబెలు ఇని బోదెలిదిజ్, నీబాన్ మండ్రెజ్ ఒప్పుకోబి ఇజి ఉండ్రె తప్పు నీ మున్యు, వెప్పొజ్ మనాద్. అది దన్ని బోదదాన్ రంకు బూలాదెజ్ మరి బొమ్మెజ్ మాడిసి, బొమ్మెజ్ పూజెజ్ సిత్తికెజ్ తిండ్రెజ్ ఆనాద్ ఇజి నా మున్యు, నముకు ఇడ్డిమన్ని, నా పణికిని వరిజ్ మెనిం కిజి తప్పు సరిదు నడిఁపినాద్.

21 అది రంకు బూలానిక డిఁసినీజి, దన్ని మన్యు మారిసి పాపముకు బప్పుకొడఁజి డిఁసినీదెజ్ సమయం సిత్త, గాని అది ఒవ్విత్తాద్.

22 ఇదిలో నాను దన్నిజ్ నిజ్ దెజ్ అణ్ణ వెరి కస్తమకాజ్ మంసముదు తెర్పాలె. దన్నివెట కూడఁజి రంకు బూలాతికార్, వారు దన్ని వెట కూడఁజి కిత్తిమహి పణిజవందిజ్ ఒడిఁబిజి, వనకాజ్ బప్పుకొడఁజి డిఁసినీవిండ మహిజ, వరిజ్ నాను నండొ కస్తమదు అర్పాలె.

23 దన్ని కొడొరిజ్ నాను సప్పు. అయాపలె నాను లోకురి మన్యుజ మన్ని ఆలోనమకుని ఆనెజ్ ఇనికెజ్ ఇజి నుడఁజి నెసినికాన్ ఇజి విజా దేవుణుసజమకు నెసిన. నీ లొక ఒరెన్ ఒరెన్ వన్నిజ్ వన్నివన్ని పణిదిజ్ తగిలి తెకెండ్ నాను నూణా.

24 దన్ని బోదదిజ్ లొజిఇవరిజ్ నీ మరి సర్వూసులొక డాఁజితి మన్ని వనకాజ్ నెన్జెజ్ వరి మన్యు ఇడఁవిండ మంజిని వరిజ్, నాను వెప్పొనిక ఇనిక ఇహిజ, మీరు మరి ఇనికబా కిదిజ్ ఇజి వెప్పొ, మీ మున్యు మరి ఇని బరు నాను మొవ్వి.

25 గాని నాను వానిదాక మీరు నెస్తిమన్ని వనకాజ్ నెగెండ్ అసి మండ్రు.

26 ఆక్కర్దాక నజీ ఇస్తమాతి వజ కిజి మంజి, సెక వనకాజ్ మున్యు గెలిసినివన్నిజ్, దేసమక లోకురి *మున్యు ఏలుబడిః కిదిజ్ అతికారం సీనా.

27 నా బుబ్బాతి దేవుణుబాణిజ్ నజీ అతికారం దోహొక్కిమన్నితెకెండ్, వన్నిజ్ లోకురి మున్యు అతికారం సీనా. దేవుణు మాటదు రాస్తెమన్నితెకెండ్, "వాండ్రు ఇనుము డుడ్డుదాన్ వరిజ్ ఏలుబడిః కీనా. కుంబెరి వన్ని కుండెజ్ లెకెండ్ వరిజ్ పెడెల్ కొత్తాన్"

28 సెక వనకాజ్ మున్యు గెలిస్తి వన్నిజ్, నాను కొడిఁజామదు సోని సుక సీనా.

29 దేవుణు అత్యు దేవుణు సజమకాజ్ వెప్పొనికెజ్ ఇనికెజ్ ఇజి గిబ్బిజ్ ఒడఁజి వెంజి అయాపజ నడిఁజి మండ్రు.

3

నరదిను పట్టుమదు మన్ని దేవుణు సజమదిజ్ రాసిని ఉత్తం.

1 "నరదిను పట్టుమది దేవుణు సజమది దూతెజ్ రాన్ అ. ఏడు నుక్కెజ్ ని దేవుణు ఏడు అత్యు మన్నికాన్ వెప్పొని మాటిజ్ ఇక్కెజ్. నీను కిజిని పణిజ్ నాను నెసిన. బత్తిజనికాన్ ఇజి నిజీ పేరు మనాద్. గాని నీను సాతికినె.

2 నా దేవుణు ఎద్దు నీ పణిజ్ పూర్తి అతికెజ్ ఇజి తోరెజ్ తె. అందెజె నీను, నిజ్ జె తెలి ఆజి, సాదెజ్ డగ్రు ఆతి మన్ని మిగిలిత్తి వనకాజ్ సత్తు కిబిన్ అ.

3 అందెజె నీను ముజాల ఇనిక నెన్సి మన్నిదొ, ఎలాగ వెహి మన్నిదొ ఇజి ఎత్తు కిల. వనకాజ్ లొజిజి పాపముకు బప్పుకొడఁజి డిఁసినీజి, మారు మన్యు పొందిల. నీను నిజ్ జె తెలి ఆజి మనవిండ మహిజ, ఒరెన్ డొజారి వానిలెకెండ్ నాను వానా. ఇనిక ఇహిజ ఎమేణి గడిఁయారు నాను, నీ డగ్రు వానానొ ఇజి నిజీ తెలివిద్.

4 గాని వరి సొక్కెజ్ మొప్పొ, ఆవిండ, సుబరం మన్నికార్ నెగెండార్ సర్దిన పట్టుమదు నీబాన్ మనార్. అందెజె వారు మొప్పొ, నీల్లి తెల్లని సొక్కెజ్ తోడిఁగిజి, నావెట బూలాదెజ్ తగ్గికార్.

5 సెక వనకాజ్ గెలిసినికాన్, వరిలెకెండ్ తెల్లని సొక్కెజ్ తోడిఁగిజి మంజినాన్. దేవుణు వెట ఎలాకాలం బత్తినివరి పేరుకు రాసి ఇడఁజిని పుస్తకముదాన్ నాను వన్ని పేరు ఎనెజ్ బా డెయెజి పోక్వి. గాని నా బుబ్బు ఎద్దుని వన్ని దూతార్ ఎద్దు వాండ్రు నజీ నెందికాన్ ఇజి వన్ని పేరు ఒప్పుకొణా.

6 దేవుణు అత్యు దేవుణు సజమకాజ్ వెప్పొనికెజ్ ఇనికెజ్ ఇజి గిబ్బిజ్ ఒడఁజి వెంజి అయాపజ నడిఁజి మండ్రు.

పెలదెల్లియ పట్టుమదు మన్ని దేవుణు సజమదిజ్ రాసిని ఉత్తం.

7 “పిలదెల్లియ పట్టుమీదు మన్ని దేవుణు నజమీది దూతెజ రాన్త. పరినుద్దమాతికాన్* నిజమాతికాన్ ఆతి, దావీదు పట్టుమీదిట్టె విలుబడిః కిడిజ్ అతికారం మన్నివన్నిలెకెండ్ దన్ని తాలమీయు మన్నికాన్ వెహ్నిన్ మాటిజ్ ఇక్కజ్. వాండ్రు రేతిజు ఎయెన్బా కెహ్జెజ్ అటవెన్. వాండ్రు కెహ్జెజు ఎయెన్బా రేడిజ్ అటవెన్.

8 నీను కిజిని పణిజ్ నాను నెసిన్. నిజి మన్ని నత్తు కండెక్ ఆతిజ్బా నీను నా మాటిజ్ లోజిజి నా పేరు నెన్ ఏ ఇజి వెహ్ ఇతి. ఇదిలో నీ ఎత్తు నాను సిహ్జ రేత మన్ను. దన్నుజ్ ఎయెన్బా కెహ్జెజ్ అటవెన్.

9 యూదురు ఆవిండ, మాపు యూదురుజు, మాపు దేవుణు లోకుర్ ఇజి అబ్దుం వెహ్నిన్ నయ్యూను నజమీదివరిజ్, నీ డగ్రు వాజి నీ పాదమీకాజ్ అర్చి మాడిస్సిలెకెండ్ నాను కిసా. నాను నిజి ప్రేమిస్త మన్ను ఇజి అయావలె వారు నెన్నార్లె.

10 స్త్రమజ్ డిఃసేవిండ ఒరిసినివందిజ్ నాను సిత్తి ఆడ్రెజ్ నీను లోజిత్తి మహి. అందెజి బూమి మున్ను బత్తిని వరిజ్ విజేరిజ్ వాజిని పెరి కస్తమీకాజ్ కూడితిత్ పరిస కాలమీదు నాను మిజి కాపాడ్డా.

11 ఇదిలో, నాను బేగినె వాజిన్. నీను గెలిస్సివందిజ్ నిజి దోహ్కీని ఇనాంం మరి ఎయెన్బా ఒవిండ, నీను నెస్తిమన్ని వసకాజ్ డిఃసేవిండ గటిజు అని మన్త.

12 సెఇ వసకాజ్ మున్ను గెలిస్సి వన్నిజ్ నా దేవుణు గుడిఃదు ఉండ్రి తంపం లెకెండ్ కిన్. వాండ్రు ఎన్జిబా దన్ని బాణిజ్ డిఃసే సాన్వెన్. నా దేవుణు పేరుని, పరలోకమదాన్ దేవుణుబాణిజ్ డిగ్గి వాజిని కొత్త యెరుసలేం ఇని నా దేవుణు పట్టుం పేరుని, నా కొత్త పేరుబా నాను వన్ని మున్ను రాస్నా.

13 దేవుణు అత్తు దేవుణు నజమీకాజ్ వెహ్నినికెజ్ ఇనికెజ్ ఇజి గిబ్బిజ్ ఒడఃజి వెంజి అయావజు నడిఃజు మండ్రు.

లవోదికియ పట్టుమీదు మన్ని దేవుణు నజమీదిజ్ రాసిని ఉత్తం.

14 “లవోదికియ పట్టుమీదు మన్ని దేవుణు నజమీది దూతెజ రాన్త. నమ్మకమాతికాన్ నిజమాతి సాసి ఆతికాన్, దేవుణు తయార్ కితి విజు వసకాజ్ మున్ను అతికారం ఆతి అమెన్ ఇనికాన్ వెహ్నిన్ మాటిజ్ ఇక్కజ్.

15 నీ పణిజ్ ఎలాగ మర్రికెజ్ ఇజి నాను నెసిన్. నీను సలాజ్ మనికి ఆఇ. వేనాజ్ మన్నికిబా ఆఇ. నీను ఎమేణికబా ఉండ్రి రకం ఆజి మంజినిక ఇహిజు బాగ మహద్, ఇజి నాను కోరిజిన్†

16 నీను పణిదిజ్ రెఇకి. నీను సలాజ్ సిల్లెద్. వేనాజ్బా ఆఇ. నీను గోరువేనాజ్ నన్నికి. అందెజి నా వెయుదాన్ నాను నిజి హున్ను వినీర్చు.

17 నీను గత్త నన్నికి, దిక్కు గతి సిల్లికి, బీదాదికి, గుడ్డిదికి, డుమ్డ మన్నికి. గాని యాకెజ్ నిజం నెన్విండ, నజి ఆస్తి మనాద్, నాను డబ్బుజ్ గణస్త మనా, నజి ఇనిక తక్కు సిల్లెద్ ఇజి నీను వెహ్ ఆజిని.

18 గాని నాను నిజి బుద్ది వెహ్నినిక ఇనిక ఇహిజు, నీను ఆస్తి మనికి ఆడిజ్ ఇజి సినుదు సుర్జి సుబరం ఆతి బజారం నా బాణిజ్ కొలత. మరి నీ సిగు డాఃజినిలెకెండ్ పారెపాడిజ్ తెల్లాని సొక్కజ్ నా బాణిజ్ కొలత. నీ కణుకెజ్ టిటాజ్ తోర్లెజ్ కణుకెజు రాస్నెజ్ కాటికబా నా బాణిజ్ కొలత.

19 నాను ప్రేమిసిని విజేరిజ్ బుద్ది వెహ్ని, సిక్కుదాన్ దిదిజినా. అందెజి నీను మన్నుదు నిజం ఆన ఆజి మన్త. మరి మారు మన్ను పొందిజి నీ పాపమీకు ఒప్పుకోడిజి డిఃసే నిత.

20 ఇదిలో, నాను సిహ్జ డగ్రు నిల్చి, సిహ్జ రేతి ఇజి కొత్తిసా. ఎయెన్బా నా కంటం వెంజి సిహ్జ రేతిజు, నాను లోఇ సొన్ని వన్నివెట బోజనం కిసా. వాండ్రుబా నావెట బోజనం కిసాన్.

21 నాను ఎలాగ సెఇ వసకాజ్ మున్ను గెలిసి, నా బుబ్బువెట వన్ని సింహ్సనమీదు బస్త మనానో, అయాలెకెండ్నె, సెఇ వసకాజ్ మున్ను గెలిస్సి వన్నిజ్ నావెట నా సింహ్సనమీదు బస్తెజ్బా అక్కు సీసా.

22 దేవుణు అత్తు దేవుణు నజమీకాజ్ వెహ్నినికెజ్ ఇనికెజ్ ఇజి గిబ్బిజ్ ఒడఃజి వెంజి అయావజు నడిఃజు మండ్రు”.

4

పరలోకమీదుమన్ని సింహ్సనం.

1 యా నజతిజ్ జర్గితి వెనుక నాను నుడఃజిజ్ ఇదిలో పరలోకమీదు ఉండ్రి సిహ్జ రే ఆతి మహిక నుడఃజ. జోడుఃబాంక పల్లకీస్సి జాటాలెకెండ్, నావె ముజాల వర్గితి మన్ని కంటం మన్నికాన్, “ఇబ్బి ఎక్కి రత. దిన్ని వెనుక ఇనికెజ్ జర్గినెలె ఇజి నాను నిజి తోరిస్నాలె”, ఇజి వెహ్సాన్.

2 వెటెన్ నాను దేవుణు అత్తు వెట నిండ్రిత. నస్తవలె పరలోకమీదు ఉండ్రి సింహ్సనమీదు ఒరెన్ బస్తమన్నిలెకెండ్, నా ఎత్తు తోరె ఆతాద్.

3 అయ సింహ్సనమీదు బస్త మన్నికాన్ పొద్దులెకెండ్ గొప్ప జాయ్ మన్ని ఎరాని రంగు పణుకుదిజ్ పోలిసి తోరితాన్. సింహ్సనమీదిజ్ నుటులం గొప్ప జాయ్ మన్ని ఆకు రంగుది కోడఃవేలి మహద్.

4 అయ సింహ్సనమీదిజ్ సుట్టులం ఇరువయ్ నాల్లి సింహ్సనమీకు మహా. అయ ఇరువయ్ నాల్లి సింహ్సనమీకాజ్, తెల్లాని సొక్కజ్ తోడిఃగిజి, రాజుర్ టోపిజ్ నన్ని బజారం టోపిజ్ బురాదు తోడిఃగిజి ఇరువయ్ నాల్వెర్ పెద్దెలుజు బస్త మహార్.

5 అయ సింహ్సనమీదాన్ గొప్ప మర్చిని జాయ్, దీడఃజినికెజ్, పిడుఃగుజ్ వెల్లి వాజి మహా. అయ సింహ్సనం ఎత్తు ఏడు దీవెజ్ జాయ్ సీజి మహా. అక్కజ్ దేవుణు ఏడు ఆత్మెజ్.

* 3:7 3:7 గొప్ప నెగ్గెకాన్, ఇని తప్పుబా సిలికాన్ † 3:15 3:15 లవోదికియ పట్టుమీదిజ్ డగ్రు గొప్ప పేరు మన్ని రుండి పట్టుమీకు మహా. హయెరపోలిన్ ఇని పట్టుమీదు వెహ్జిజ్ ఏరు సాని ఉండ్రి గత్త మహద్. లోకుర్ వరి జబ్బుజ్ సొండ్రెజ్ ఇజి, బాన్ సొన్ని అయ గ్లాదు ఏరుతఃబాజ మహార్. కొలోసాన్ ఇని పట్టుమీదు ఉండెజ్ గొప్ప రుసి మన్ని ఏరు సాని ఉండ్రి గత్త మహద్. గాని లవోదికియ పట్టుమీది ఏరు నపాజ్ మహద్. అందెజి లవోదికియ పట్టుమీది దేవుణు నజమీదిజ్ ఇని పణిదిజ్బా రెఇ నపాజ్ ఏరుదిజ్ పోలిసి యేసు క్రీస్తు వెహ్నినాన్ ఇజి నెగుతార్ వెహ్నినార్.

6 అయి సింహాసనం ఎర్దు గటి మన్ని గాజాదిక్ పోలితి నమదరమ్లెకెండ మహాద్. అక్క ఇని రంగు సిల్లి గటి మన్ని అడ్డం లెకెండ మహాద్. నడిమిని, అయి సింహాసనమదిక్ సుటులం, ఒడోలేల్ మున్సు, వెనక ముందాల విజు, కణుకొకాణిక్ నిండ్రితి మన్ని పాణం మన్ని నాల్లి జంతుక్ మహా.

7 పాణం మన్ని, మొదోహా జంతు మొకొ సింహం లెకెండ మహాద్. రుండి జంతు మొకొ దూడాలెకెండ మహాద్. మూండ్రి జంతు లోకు మొకొ నన్ని మొకొ మహాద్. నాల్లి జంతు ఎర్ని డేగలెకెండ మహాద్.

8 యా నాల్లి జంతుజ, ఉండ్రి ఉండ్రి దన్నిక్ అరెసిక్ రెక్కెక్ మహా. అయి రెకెజ మున్సుని అడిగి విజు నిండ్రు కణుకెక్ మహా. అయి నాల్లి జంతుక్.

“ముజాల మహికాన్, ఏలు మన్నికాన్, వాని కాలమదు మంజనికానాతి విజు వనకాక్ అతికారం మన్ని దేవుణు పరిసుద్దమతికాన్, పరిసుద్దమతికాన్, *పరిసుద్దమతికాన్”, ఇజి రెయు పొగల్ డిన్విండ పార్జి మహా.

9 ఎస్తివలెబా అయి పాణం మన్ని నాల్లి జంతుక్, అయి సింహాసనమదు బన్తి మన్ని ఎలాకాలం బత్తిజనికాన్ అతి వన్నిక్, పొగిడిజి గవరం సీజి వందనమకు వెప్పి పొగిడిజి మహారొ,

10 నస్తివలె అయి ఇరువయ నాలేవర్ పెద్దెలుజు అయి సింహాసనమదు బన్తి మన్నివన్నిక్ ఎర్దు పడగజి అర్దారొ, ఎలాకాలం బత్తిజని వన్నిక్ మాడిసి యా లెకెండ పొగిడిజి వెప్పి మహారొ.

11 “నూ ప్రబు అతి దేవుణు, విజు వనకాక్ తయారొ కిత్తికి నినె. నీను ఇస్తివాలతి వజ అక్కెక్ విజు తయారొ అతి. అయాలెకెండ అక్కెక్ మన్నె. అందెజి నీ గొప్ప గవరం వందిక్, నీ గొప్ప సత్తు వందిక్ లోకురె విజెరె నిజి గవరం సీజి పొగిడిజి మంజినార్”, ఇజి వెప్పి బజారమదాన్ తయారొ కిత్తి రాజురి టోపెలెకెండ మన్ని వరి టోపిక్, సింహాసనం ఎర్దు ఇడ్దారొ.

5

దేవుణు కియుదు మన్ని పుస్తాకముని గొరెప్పిల్ల.

1 నస్తివలె, లోఇని వెల్లి లాని అతిమని, ఏడు సీలుక్ పొక్తిమన్ని ఉండ్రి పుస్తకం అయి సింహాసనమదు బన్తి మన్నివన్ని ఉణెర్ కియుదు అస్తి మన్నిక సుడత.

2 “అయి సీలుక్ లాగ్టి పుస్తకం రెక్కెక్ తగ్గికాన్ ఎయెన్ మనాన్”, ఇజి గొప్ప సత్తుమన్ని ఒరెన్ దేవుణు దూత డటం డేల్లి వెప్పిక సుడత.

3 గాని, పరలోకమదు మన్ని వరి లోఇ గాని, బూమి మున్సు మన్ని వరి లోఇ గాని, అయాలేకమదు మన్ని వరి లోఇ గాని అయి పుస్తకం రెక్కెక్ లోఇ సుడెదెక్ అట్టి ఎంబె వన్నిక్ బా తోరెవతాద్.

4 అయి పుస్తకం రెక్కెక్ లోఇ సుడెదెక్ తగ్గి ఎయెన్ వన్నిక్ బా తోరెఇతిక్ నాను నండో అడజబాజి మహా.

5 నస్తివలె, అయి పెద్దెలుజు లోఇ ఒరెన్, “నీను అడజబామా. ఇదిలో, దావీదు మొదోదాన్ సిర్సి, యూద కుటుమదికాన్ అతి సింహం ఇజి పేరు మన్నికాన్, అయి ఏడు సీలుక్ లాగ్టి పుస్తకం రెక్కెక్ అట్టి వన్ని లెకెండ గెలస్త మనాన్”, ఇజి నజి వెప్తాన్.

6 నస్తివలె, అయి పెద్దెలుజు నడిమిని పాణం మన్ని నాల్లి జంతుజు నడిమి మన్ని అయి సింహాసనం నడిమి, ముజాల కత్తె అతిమనిక, గాని ఏలు నిల్లి మంజని ఉండ్రి గొరె పిల్లదిక్ సుడత. అయి గొరె పిల్లదిక్ ఏడు కొముకుని ఏడు కణుకెక్ మహా. అయి కణుకు బూమి మున్సు విజు బాడ్డిజి పొక్తిమన్ని దేవుణు ఏడు అత్తెక్.

7 వాండ్రు వాతాండ్రె అయి సింహాసనమదు బన్తిమన్ని వన్ని ఉణెర్ కియుదు మన్ని పుస్తకం లొస్తాన్.

8 వాండ్రు అయి పుస్తకం లొస్తవలె, పాణం మన్ని అయి నాల్లి జంతుక్, అయి ఇరువయ నాలేవర్ పెద్దెలుజు విజెరె, టోమలెక్, నమ్మతి వరి పార్జనమకు అతి నెగ్గి వాసనం సీజిని దువమకు ఇడ్డి మన్ని బజారమది గిన్నెక్ ఒరెన్ ఒరెన్ వరి కియుదు అస్తారె గొరె పిల్ల ఎర్దు పడగజి అర్దారొ.

9 అయాలె, “నీను అయి పుస్తకం లోని, దన్ని సీలుక్ లాగ్డెక్ తగ్గికి. ఎందానిక్ ఇహిజు నినె కత్తె అతి, నీ నలదాన్ విజు జాతిజణిక్, విజు బానిజాణిక్, విజు లోకురె బాణిక్, విజు దేసమకాణిక్ లోకురిక్ దేవుణు వందిక్ కొటి.

10 మరి వరిక్ దేవుణుదిక్ ఉండ్రి రాజ్యం లెకెండని వన్నిక్ వణి కిని పుజెరిబులెకెండ కిత్తి. వారు బూమి మున్సు ఏలుబడికి కినార్”, ఇజి అయి పాణం మన్ని నాల్లి జంతుక్ ఇరువయ నాలేవర్ పెద్దెలుజు ఉండ్రి కొత్త పాట పార్దారొ.

11 నస్తివలె నాను సుడెదెక్ నండో దూతారొ కంటం వెహా. వరి లెక్కె కోటి కొడిదిక్ ఇంక లామ్ మహా. వారు అయి సింహాసనమదిక్ అయి పాణం మన్ని నాల్లి జంతుక్ అయి ఇరువయ నాలేవర్ పెద్దెలుజు సుటులం మంజి,

12 “కత్తె అతి గొరె పిల్ల పొగిడి అదెక్ తగ్గికాన్. అతికారం మన్నికాన్ అదెక్, అస్తి మన్నికాన్ అదెక్, గెణం మన్నికాన్ అదెక్, సత్తుమన్నికాన్ అదెక్, మర్యాద లోని అదెక్, గవరం లోని అదెక్, పొగిడి అదెక్ తగ్గికాన్”, ఇజి గొప్ప పెరి కంటమదాన్ పార్జి మహారొ.

13 నస్తివలె పరలోకమదు మన్ని, బూమి మున్సు మన్ని, బూమి అడిగి మన్ని, నమదరమదు మన్ని, పాణం మనికెక్ విజు కూడిజి.

“సింహాసనమదు బన్తి మన్నివన్నిక్, గొరెపిల్లదిక్, పొగిడి అజి మంజనిక, మర్యాద, గవరం, సత్తు అంతు సిల్లెండ ఎలాకాలం మనిద్”, ఇజి వనక కంటమకాణిక్ పార్జనిక, పొగిడిజి మంజనిక నాను వెహా.

14 పాణం మన్ని అయి జంతుక్ “అమెన్”, ఇజి వెప్తాక్ అయి ఇరువయ నాలేవర్ పెద్దెలుజు పడగజి అర్ని, గొరెపిల్లదిక్ పొగిడిజి మాడిస్తారొ.

* 4:8 4:8 ఇని కల్ల సిల్లెండ గొప్ప నెగ్గికాన్

6

సీలుజ్

1 నస్తివలె, గొర్రెపిల్ల అయ ఏడు సీలుజ్ లోఇ, మొదోపి దన్నిజ్ లాగితక నాను సుడేశ. అయావలె అయ పాణం మన్ని నాల్లి జంతుజలొఇ, ఉండ్రి జంతు పిడుగుణు జాటు నన్ని కంటమ్దాన్ “రఅ!”, ఇజ వెప్తొక వెహ.

2 నాను సుడేశతిజ్, ఉండ్రి తెల్లని గుర్రం తోరెతాద్. దన్ని మున్ను ఒరెన్ దోసు అసి బస్త మహాన్. వన్నిజ్ బజారమ్దాన్ తయార కిత్తి, రాజారి టోపి నన్ని ఉండ్రి టోపి దోహోక్తాద్. వాండ్రు గెల్లిస్తాన్ ఆజ మరి గెల్లిస్తాజ్ ఇజ సోత్తాన్.

3 గొర్రెపిల్ల రుండి సీలు లాగితవలె పాణం మన్ని రుండి జంతు “రఅ!”, ఇజ వెప్తొక నాను వెహ.

4 నస్తివలె సీలు నన్ని ఎరాని రంగు మన్ని ఉండ్రి గుర్రం వెల్లి వాతాద్. బూమి మున్ను మన్ని లోకుర్, ఒరెన్ మరిఒరెన్ వన్నిజ్ సప్తజ్ ఇజ, బూమి మున్ను. నమదనం నిల్లండ కిదెజ్ అయ గుర్రం మున్ను. బస్తిమన్నివన్నిజ్ అతికారం దోహోక్తాద్. వన్నిజ్ ఉండ్రి పెరి కుర్ల దోహోక్తాద్.

5 గొర్రెపిల్ల మూండ్రీ సీలు లాగితవలె పాణం మన్ని మూండ్రీ జంతు “రఅ!”, ఇజ వెప్తొక నాను వెహ. నాను సుడేశతిజ్, ఇదిలో, ఉండ్రి కర్ని గుర్రం తోరెతాద్. దన్ని మున్ను బస్తి మన్నికాన్ తూస్నిక వన్ని కియుదు అస్త మహాన్.

6 “ఉండ్రి రోజుదిజ్ కూలి ఉండ్రి డొక్కు గొదుము ఇజ, మరి, ఉండ్రి రోజుదిజ్ కూలి మూండ్రీ డొక్కుజ్ సామ ఇజ వెప్తాన్. మరి నూనదిజ్ ఒలివ మరెన్, ద్రానపట్టురనమ్వందిజ్ ద్రాక్కు టోబదిజ్ పాడె కిదెజ్ అవద్”, ఇజ అయ పాణం మన్ని నాల్లి జంతుజ నడిమిహాన్ వెప్పొలెకెండ్ ఉండ్రి కంటం నాను వెహ.

7 గొర్రెపిల్ల నాల్లి సీలు లాగితవలె, పాణం మన్ని నాల్లి జంతు “రఅ!”, ఇజ వెప్తొక నాను వెహ.

8 నాను సుడేశతిజ్ నస్తివలె, నీరు నన్ని రంగు మన్ని ఉండ్రి గుర్రం తోరెతాద్. దన్ని మున్ను బస్తిమన్ని వన్ని పేరు, సావు. అయా లోకం వన్ని వెనుక నడిజ మహాద్. కుర్లజాణిజ్, కరుదాన్, జబ్బుజాణిజ్, బూమిదు మన్ని అడివి జంతుజ వెట, బూమి మున్ను. బత్తిజని వరిజ్ నాల్లి బాటెజ్లోఇహాన్ ఉండ్రి బాటది వరిజ్ సప్తజ్ ఇజ వన్నిజ్ అతికారం దోహోక్త మనాద్.

9 గొర్రెపిల్ల అయదు సీలు లాగితవలె, దేవుణు మాట లోజెత్తివందిజ్, మరి దేవుణుమాటవందిజ్ మన్ని నెగ్గి సాస్యం వందిజ్ కత్తి అతిమన్ని వరి అత్తిజ, పూజ సీని మాలిపీట అడిగి నాను సుడేశ.

10 వారు గొప్పు పెరి కంటమ్దాన్, “వరిసుద్దమాతికాన్ అతి విజ దన్నిజ్ అతికారం మన్ని నిజమాతి దేవుణు, నీను, మజి నస్తి వరిజ్ దన్నిజ్ తగితి సిక్కి నివిండ, బూమి మున్ను. బత్తిని వరిజ్ తీర్పు తీరిసి, సిక్కి సివిండ ఎసాని కాలం మంజినిలె?”, ఇజ డేల్లి వెప్పొ మహార్.

11 నస్తివలె వరిజ్ ఒరెన్ ఒరెన్ వన్నిజ్ తెల్లని సొక్కెజ్ దోహోక్తె. వెనుక వారు నప్పె అతిలెకెండ్ నప్పె అదెజ్ మన్ని తంబెరిజ లెక్క, మరి వరివెట కూడెజ పణికితివరి లెక్కబా పూర్తి అనిదాక మరి కండెక్ కాలం కావె కిజ మండ్రెజ్, ఇజ వరిజ్ వెహ అతాద్.

12 గొర్రెపిల్ల అయ సీలు లాగితక నాను సుడేశ. నస్తివలె గొప్పు గటిజ బూమి కద్దితాద్. పొద్దు, కర్ని రంగులెకెండ్ అతాద్. నెల పూర్తి, నలరంగు లెకెండ్ ఎర్రజ్ అతాద్.

13 పెరి గాలిదిజ్ దూకె ఆజ బోడె: మరాతి ఆక్కురి కాయెజ్ రాలితిలెకెండ్ నె అగనమ్దాన్ సుక్కెజ్ రాల్లి.

14 ఉండ్రి కాకెతం సుటిని లెకెండ్ నె అగనం సుటి ఆజ తోవిండ అతాద్. విజ గొరోక్, నమ్దరం నడిమి మన్ని ఇజరి దేనిమ్క విజ వనక వనక బాడ్డిదాన్ డిస్సె సాహ.

15 నస్తివలె, బూమి మున్ను మన్ని రాజార్, ఏలుబడి: కినికార్, నయనమ్ది నెయ్యిర్, ఆస్తి మనికార్, గొప్పు అతికారం మన్నికార్, వెట్టిపణి కినికార్ని వెట్టిపణిమణసిర్ అఇకార్ విజెరి తియెల్ అతారె, గొరోక్ సాలమ్కాజ్ లోఇ, నట్టు పొరోజ డాజెతాల్.

16 వారు గొరోకాజ్ని నట్టుజ యాలెకెండ్ వెప్పొ మహార్, “మీరు మా మున్ను అర్ని, సింహాననమ్దు బస్తిమన్ని వన్ని మొకొమ్దాన్ని గొర్రెపిల్ల కోపమ్దాన్ మజి డాప్పు”.

17 “ఎందానిజ్ ఇహాజ దేవుణుని గొర్రెపిల్ల బూమి మున్ను మన్నివరి మున్ను తీర్పు తీరిస్సి రోజు వాతాద్. వరి ఎద్దు ఎయెన్ నిల్లెజ్ అటూన్?”.

7

సీలు పొకె అతి 144,000 లోకుర్.

1 దిన్ని వెనుక బూమి మున్నుబా నమ్దరం మున్నుబా మరెక మున్నుబా గాలి కివిండ, నాల్లి దిక్కుజ గాలి అస్తారె బూమిది నాల్లి దిక్కుజ, నాల్వెర్ దూతార నిల్లి మంజనిక నాను సుడేశ.

2 బత్తిజని దేవుణుది సీలు అస్తిమన్ని, మరి ఉండ్రి దూత పొద్దు సోని దరోహాన్ వాతిక నాను సుడేశ. బూమిదిజ్ని నమ్దరమ్దిజ్ పాడె కిదెజ్ అతికారం దోహోక్తిమన్ని దూతారవెట ఈహు వెప్తాన్.

3 “మాపు దేవుణు పణి కినివరి నొద్దుజ సీలు పొక్కిదాక బూమిదిజ్బా, నమ్దరమ్దిజ్బా, మరెకాజ్బా పాడె: కిమాట్”, ఇజ వాండ్రు డటం వెప్తాన్.

4 నస్తివలె, సీలు పొకె అతివరి లెక్క వెప్తొక నాను వెహ. ఇస్త్రాయేలుది విజ తెగిజాణిజ్ లక్క నలవయనాల్లి వెయిజ్ లోకుర్ మహార్.

5 సీలు పొకె అతికార యూదా తెగదాన్ వన్నెండు వెయిజ్ లోకుర్ మహార్. రూబెను తెగదాన్ వన్నెండు వెయిజ్ లోకుర్ మహార్. గాదు తెగదాన్ వన్నెండు వెయిజ్ లోకుర్ మహార్.

6 ఆసీరు తెగదాన్ వన్నెండు వెయిజ్ లోకుర్ మహార్. నప్తాలి తెగదాన్ వన్నెండు వెయిజ్ లోకుర్ మహార్. మనసె తెగదాన్ వన్నెండు వెయిజ్ లోకుర్ మహార్.

7 సీమెను తెగదాన్ వన్నెండు వెయుజ్ లోకుర్ మహార్. లేవి తెగదాన్ వన్నెండు వెయుజ్ లోకుర్ మహార్. ఇసాకారు తెగదాన్ వన్నెండు వెయుజ్ లోకుర్ మహార్.

8 జెబులూసు తెగదాన్ వన్నెండు వెయుజ్ లోకుర్ మహార్. యోసేపు తెగదాన్ వన్నెండు వెయుజ్ లోకుర్ మహార్. బెస్యూమిను తెగదాన్ వన్నెండు వెయుజ్ లోకుర్ మహార్.

తెల్లాని సొక్కెజ్ తోడుగితిమన్ని గొప్పు మంద లోకుర్

9 దన్ని వెనుక నాను సుడొణిజ్, విజు దేసమ్కాణిజ్, విజు జాతిజణిజ్, విజేరే లోకుర్ బాణిజ్, విజు బాసెజ్ వర్గిని వరిబాణిజ్ వాతి ఎయెసేబా లెక్క కిదెజ్ అబ్బెనన్ని గొప్పు మంద లోకుర్ అయి సింహాసనం ఎద్రుని గొర్రెపిల్ల ఎద్రు నిల్ని మంజనిక సుడొణిత. వారు తెల్లాని సొక్కెజ్ తోడిగిజి ఈత మరాతి మటిజ్ కికాజ్ అస్త మహార్.

10 “సింహాసనమ్దు బస్తి మన్నికాన్ ఆతి మా దేవుణుని గొర్రెపిల్ల మజీ రక్కిస్త మనార్”, ఇజి వారు గొప్పు పెరి కంటమ్దాన్ వెప్పి మహార్.

11 అయి సింహాసనమ్దిజ్ అయి పాణం మన్ని నాల్లి జంతుజ్ని ఇరువయ్ నాలేవర పెద్దెలజ్ సుటులం దేవుణు దూతార్ విజేరే నిహ మహార్. వారు సింహాసనం ఎద్రు పడగజ్ అర్దు దేవుణుదిజ్ పొగడిజి మూడిస్తార్.

12 “ఆమెన్, వన్ని గొప్పు పేరు వందిజ్, వన్ని గెణమ్వందిజ్, వన్ని అతికారమ్ వందిజ్, వన్ని సత్తువందిజ్ మాటు మా దేవుణుదిజ్ అతుసెల్లెండ ఎలాకాలం పొగడిజి మంజినాట్. మాటు విజిటి వన్నిజ్ గవరం సీజి వందనమ్కు మెప్పి మంజినాట్. ఆమెన్”, ఇజి వారు వెప్పి మహార్.

13 నస్తివలె అయి పెద్దెలుజ్ లోణ ఒరిన, “యా తెల్లాని సొక్కెజ్ తోడుగితి మనికార్ ఎయెర్? వారు ఎమేణిజ్ వాత మనార్”, ఇజి నజీ వెనబాతాన్.

14 “బాబు సీనె నెన్ను”, ఇజి నాను వన్నిజ్ వెప్తా. వాండ్రు నావెట ఈహు వెప్తాన్. “పీరు గొప్పు పెరి కస్తమ్కాణిజ్ వాతికార్. వారు గొర్రెపిల్ల నలదాన్ వరి సొక్కెజ్ నొరబజి వనకాజ్ తెల్లాజ్ కిత్తికార్.

15 అందెజి, “వారు దేవుణు సింహాసనం ఎద్రు మంజి రెయిపొగిల్ వన్ని గుడిజదు వన్నిజ్ పణి కిజి మంజినార్. సింహాసనమ్దు బస్తి మన్నికాన్, వాండ్రె ఆజి వన్ని టంబు వరి మున్ను వ్దొక్కి వరిజ్ కాపాడ్తాన్.

16 మురి ఎనెజ్ బా వరిజ్ బజి కటివ్ది. మురి ఎనెజ్ బా వారు ఏప్పి సావర్. పొద్దుది గొప్పు ఏండ వరి మున్ను తగ్గివ్ది. మురి సుర్పిలెకెండ మన్ని వేడిజా వరిజ్ తగ్గివ్ది.

17 ఎందానిజ్ ఇహాజ, సింహాసనం నడిమి మన్ని గొర్రెపిల్ల వరిజ్ గప్పడుయెన్ ఆత మనాన్. పాణం సీని ఏరు వాని ఊట డగ్గు వాండ్రు వరిజ్ నడిపిస్తాన్. దేవుణు వరి కణుకెణాణిజ్ కణెరే విజు తేలనాన్”.

8

ఏడు సీలుని బజరమ్ది దూపమ్సుర్పి గిన్న

1 గొర్రెపిల్ల ఏడు సీలు లాగితివలె పరలోకమ్దు అరగంట జమ్నె మహార్.

2 నస్తివలె, దేవుణు ఎద్రు ఏడు దేవుణు దూతార్ నిల్ని మంజనిక నాను సుడొణిత. వరిజ్ ఏడు జోడు బాంగెజ్ దొవొక్కె మహె.

3 మురి ఒరిన దేవుణు దూత బజారమ్దాన్ తయార్ కిత్తిమన్ని దూపం సుర్పి గిన్న కియుదు అస్తాండ్రె దూపం సుర్పి మాలి పెటి ఎద్రు వాతాండ్రె నిహాన్. సింహాసనం ఎద్రు బజారమ్దాన్ తయార్ కిత్తి దూపం సుర్పి మాలి పెటిదు, దేవుణు వందిజ్ కేట ఆతివరి పారదనమ్కువెట సుర్పి పూజి సీదెజ్ అయి దూతెజ్ నెగ్గి వాసనం సీని దూపం నండొ దొవొక్కె.

4 నస్తివలె నెగ్గి వాసనం సీని దూపమ్ది గొప్పు దేవుణు వందిజ్ కేట ఆతివరి పారదనమ్కువెట కూడొణిజ్ దేవుణు దూత కియుదాన్ మున్ను దేవుణు దరొట్ సాహె.

5 వెనుక అయి దేవుణు దూత దూపం సుర్పి గిన్న అస్తాండ్రె, దూపం సుర్పి మాలి పెటిదాన్ డిప్పు. లాగ్గి అయి గిన్నాదు నిండ్రిస్తాండ్రె, అయి డిప్పుజ్ బూమి మున్ను విసిర్తాన్. నస్తివలె గొప్పు దీడొనికెజ్, పిడుగుజ్, మెర్పినికెజ్ విజు వాతె. బూమి కట్టితాద్.

ఏడు జోడుబాంకెజ్.

6 నస్తివలె ఏడు జోడుబాంకెజ్ అస్తిమన్ని ఏడు దూతార్ వనకాజ్ ఊక్తెజ్ తయార్ ఆతార్.

7 మొదొహ దేవుణు దూత వన్ని జోడుబాంక ఉవొక్కిజ్, వడొణాని సీసు నలదాన్ కూడొణిజ్ బూమి మున్ను నెదర ఆజి అర్దె. అందెజి బూమిదు మూండ్రె వంతుజు లొణ ఉండ్రె వంతు వెతాద్. మరెకెబా మూండ్రె వంతుజు లొణ ఉండ్రె వంతు వెతాద్. పసి గడ్డి విజు వెతాద్.

8 రుండి దేవుణు దూత వన్ని జోడుబాంక ఉవొక్కిజ్, కసి మంజని ఉండ్రె పెరి గొర్రెనన్నిక సమ్దరమ్దు అర్తాద్. సమ్దరం మూండ్రె వంతుజు లొణ ఉండ్రె వంతు నల ఆతాద్.

9 సమ్దరమ్దు మన్ని పాణం మన్ని జంతుజ్, మూండ్రె వంతుజు లొణ ఉండ్రె వంతు సాతె. ఓడొణిజ్ బూ మూండ్రె వంతుజు లొణ ఉండ్రె వంతు నాసనం ఆతె.

10 మూండ్రె దేవుణు దూత వన్ని జోడుబాంక ఉవొక్కిజ్ కగడలెకెండ కసిమంజని ఉండ్రె పెరి సుక్క అగనమ్దాన్ రాల్లి పెరి గడ్డెజు మున్నుని ఏరు సొని ఊటిజు మూండ్రె వంతుజు లొణ ఉండ్రె వంతు మున్ను అర్తాద్.

11 అయి సుక్క పెరు సిందు. అందెజి మూండ్రె వంతుజు ఉండ్రె వంతు సిందు ఆతాద్. ఏరు సిందు ఆతిజ్ లోకుర్ నండొండార్ సాతార్.

12 నాల్లి దేవుణు దూత వన్ని జోడుబాంక ఉక్కిజ్, పొద్దు మూండ్రె వంతుజు లొణ ఉండ్రె వంతు నెవెజ్ ఆతాద్. నెల మూండ్రె వంతుజు లొణ ఉండ్రె వంతు సికటి ఆతాద్. సుక్కెజు దెబ్బ తగ్గితిజ్ మూండ్రె వంతుజు లొణ ఉండ్రె వంతు సికటి ఆతాద్. అందెజి

వేడేశక మూండ్రి వంతుజ లొణ ఉండ్రి వంతు జాయ్ మన్వితాద్. రెయ్లు మూండ్రి వంతుజ లొణ ఉండ్రి వంతు నెల నుక్కెజ జాయ్ మన్వితాద్.

13 నాను నుడేశజ మహిజ్ నండో మున్సు ఎగ్జె మంజని ఉండ్రి డేగ, “మరి ఊకైజ్ మన్ని మూండ్రి జోడూబాంకెజ జాటుదాన్ బూమి మున్సు, బత్తిని వరిజ్, అబాయా కన్టం, కన్టం”, ఇజ గొప్ప పెరి జాటుదాన్ వెహ్మిమన్నిక వెహ్.

9

1 అయ్దు దేవుణు దూత వన్ని జోడు బాంక ఉహ్కైజ్ ఆగనమదాన్ బూమి మున్సు, రాత్రి మహి ఉండ్రి నుక్కె నుడేశత. దర్జిది తాలం కిక్కు అయ్ నుక్కెదిజ్ దోహ్కాద్.

2 వాండ్రు అయ్ మటసిల్లి దాస్తిమన్ని దర్జిదిజ్ రెతిజ్, గొప్ప పెరి సొల్లుదాన్ సిసుదాన్ గేయ్ వాతి లెకెండ్ గేయ్ వాతాద్. అయ్ దర్జిదాన్ వాతి గేయ్దాన్ పొద్దుని, ఆగనం సీకటి ఆతాద్.

3 అయ్ గేయ్దాన్ మేపిలెక బూమి మున్సు, వాతె. బూమి మున్సు, మన్ని కిపిడారొదిజ్ మన్నిలెకెండ్ వనకాజ్ సత్తు దోహ్కై.

4 నొద్రుజ దేవుణుగుర్లు సిల్లి లోకురిజ్ బాదకిదెజెనె అఎండ, బూమి మున్సు, మన్ని గడ్డిదిజ్బా, ఇని మొక్కెదిజ్బా, ఇని మరాతిజ్బా పాడిజ్ కిదెజ్ అఎద్ ఇజ వనకాజ్ అడ్డ దోహ్కాద్.

5 వరిజ్ సప్తెజ్ వనకాజ్ అతికారం సిల్లితాద్. గాని అయ్దు నెలెజ్ దాక వరిజ్ హిమ్మెజ్ కిజ మండ్రెజ్ వన్కాజ్ అతికారం దోహ్కై మనాద్. అవెక హిమ్మెజ్ కితిజ్ వరిజ్ వాతి కన్టం, కుపిడారొ లోకురిజ్ కట్టిజ్ వాని నొప్పిలెకెండ్ మహాద్.

6 అయ్ దినమకాజ్ లోకుర్ సాపుదిజ్ రెబానార్ గాని సాపు వరిజ్ తప్పె ఆనాద్లె. వారు సాపువందిజ్ ఆస ఆనార్లె గాని సాపు వరిజ్ డిసి సానాద్లె.

7 అయ్ మేపిలెక విదిమదిజ్ సొండ్రెజ్ తయారొ కితిమన్ని గుర్మకాజ్ పోలితె మన్నె. బజారమదాన్ తయారొ కితి బోపె నన్నిక ఉండ్రి, వనక బురెక మున్సు, మహా. వనక మొకొమక లోకు మొకొ లెకెండ్ మహా.

8 వనక కొప్పు బోదెక బురాతి కొప్పులెకెండ్ మహాద్. వనక పల్కు సింహం పల్కు లెకెండ్ మహా.

9 ఇనుముదాన్ తయారొ కితిమన్ని లెకెండ్ గుండెదిజ్ అడిని సొక్కెజ్ వనకాజ్ మహా. వనక రెక్కెజాణి జాటు విదిమదిజ్ ఉహ్కైని గుర్మక లాగిజెనె రదమక గొప్ప పెరి జాటులెకెండ్ మహాద్.

10 వనకాజ్ కిపిడారొ తోకెజ్ నన్ని సాపు. మన్ని తోకెజ్ మహా. లోకురిజ్ అయ్దు నెలెజ్ గుత్తి బాదెజ్ కిదెజ్ అయ్ తోకెజ్ వనకాజ్ సత్తు మహాద్.

11 దర్జిదిజ్ అతికారం మన్ని దూత వరి మున్సు, రాజు లెకెండ్ మహాన్. ఏత్రి బానాదు వన్నిజ్ పేరు ‘అబదోను’ ఇని పేరు. గ్రేకు బానాదు వన్ని పేరు ‘అపొలుయోను’ ఇని పేరు.

12 మొదోహి కన్టం గడేశ్సాద్. ఇదిలో, మరి రుండి కన్టమకు వాదెజ్ మన్నె.

13 ఆరు దేవుణు దూత వన్ని జోడూబాంక ఉహ్కైజ్, దేవుణు ఎద్రు మన్ని బజారమదాన్ తయారొ కిత్తి పూజ సిని మాలిపీటది కొముజాణిజ్ ఉండ్రి జాటు వెహ్.

14 “యూప్రటిను ఇని గొప్ప పెరి గడ్డ జోరెదు తోహ అతిమన్ని నాలేవర్ దూతారిజ్ కుత్తి డిసెనెఅ”, ఇజ వెహ్కై నాను వెహ్.

15 బూమి మున్సు, మన్ని లోకురి మూండ్రి వంతుజ లొణ ఉండ్రి వంతుది వరిజ్ సప్తెజ్ ఇజ యా వంటాది, యా నెలాది, యా రోజాది, యా గంటవందిజ్ తయారొ కిది ఆజ ఇడ్డి మన్నికారె, అయ్ నాలేవర్ దూతారొ.

16 గుర్మక మున్సు, ఎక్తిమన్ని నయనమది వరిలెక్కె రుండి వందెజ్ లెక్కెజ్. వరి లెక్కె నిస్సా ఇజ నాను వెహ్.

17 గుర్మకాజ్ని వనక మున్సు, బత్తిమన్ని వరిజ్ నజి వాతి కలాదు నాను యాలెకెండ్ నుడేశత. వరిజ్ సిను నన్ని ఎరాని రంగుది, మరి నీలి రంగుది, మరి వనిజ్ రంగుది గుండెదిజ్ అడిని సొక్కెజ్ మహా. గుర్మక బురెక సింహం బురెకెలెకెండ్ మహా. వనక వెయ్యుజాణిజ్ సిను, గేయ్, రెంజికం వెల్లి వాజి మహా.

18 వనక వెయ్యుజాణిజ్ వాతి సిను, గేయ్, రెంజికం ఇని మూండ్రి దెబ్బెజాణిజ్ లోకురి మూండ్రి వంతుజ లొణ ఉండ్రి వంతు లోకుర్ సప్పె ఆతారొ.

19 అయ్ గుర్మక సత్తు వనక వెయ్యుజాణిజ్ని వనక తోకెజ్ మహా. లోకురిజ్ కట్టి గాయమకు కిదెజ్ బురెక మన్ని నరానలెకెండ్ మన్ని తోకెజ్ వనకాజ్ మహా.

20 యా మూండ్రి దెబ్బెజాణిజ్ సాపిండ మిగిలితి మన్ని లోకుర్ ఏలుబా వరి కిక్కాణిజ్ తయారొ కితిమన్ని దెయమకాజ్ని బోమ్మెజ్ మాడిసినిక డిసిసీజ్ పాపమకు ఒప్పుకొడేశజ మన్ను మారినవితారొ. వారు వరి కిక్కాణిజ్ బజారమదాన్, వెండిదాన్, కంసుదాన్, పణుకుదాన్, నెక్కెదాన్ తయారొ కితిమన్ని నుడేశజ్ అల్లెజ, వెండ్రెజ్ అల్లెజ, నడిదెజ్ అల్లెజ సత్తు సిల్లి వనకాజ్ మాడిసినిక డిసి సివితారొ.

21 అక్కాదె అఎండ, లోకురిజ్ సప్పిక, గురుజవెట సిట్టి కినిక, రంకు బూలానిక, డోజ కినిక యాలెకెండ్ వారు కిజ మహికెజ్ డిసిసీజ్ పాపమకు ఒప్పుకొడేశజ డిసిసీజ్ మన్ను మారినవితారొ.

10

ఇజెరి పుస్తకం అస్తిమన్ని దేవుణు దూత.

1 నస్తవలి గొప్ప సత్తు మన్ని మరి ఒరెన్ దేవుణు దూత పరలోకమదాన్ డిగ్గి వాజినిక నాను నుడేశత. వాండ్రు మొసావ్ తోడుగిత మహాన్. వన్ని బుర్ మున్సు, కొడెవేలి నుటి అత మహాద్. వన్ని మొకొ పొద్దులెకెండ్ని వన్ని పాదమకు తంపం లెకెండ్ మన్ని సిను కొనెజ్లెకెండ్ మహా.

2 వన్ని కియుదు రెక్తిమన్ని ఉండ్రి పుస్తకం మహాద్. వాండ్రు వన్ని ఉణెర్ పాదం నమదరం మున్సు, మట్ట మహాన్. వన్ని డేబ్రి పాదం బూమి మున్సు, మట్ట మహాన్.

3 సింహం ఆక్కర్నీ లెకెండ వాండ్లు ఉండ్రీ గొప్పు పెరి జాటు సిత్తాన్. వాండ్లు జాటు సిత్తివలె ఏడు పిడుగుగట్ వనక వనక జాటుజాణిజ్ వర్గితె.

4 అయ ఏడు పిడుగుగట్ వర్గితివలె, నాను రాన్డెజ్ తయార అతిజ్, “అయ ఏడు పిడుగుగట్ వర్గితి నజతిజ సీలు పోక్అ. వనకాజ్ రాన్సు”, ఇజ పరలోకమదాన్ ఉండ్రీ కంటం వెహిక వెహా.

5 నన్సివలె, నమదరం మున్సుని బూమి మున్సు, నిహిమన్ని దేవుణు దూత వన్ని ఉణెర్ కియు పరలోకం దరోజ్ పెహ్తాండ్రె యాలెకెండ వెహ్నన్.

6 పరలోకమని అబ్బె మన్ని విజవనకాజ్ని, బూమిని బూమి మున్సు, మన్ని విజవనకాజ్ని, నమదరమని నమదరమదు మన్ని విజ వనకాజ్ తయార కిత్తకనాతి ఎలాకాలం బత్తుజని దేవుణు పెరు అని యా లెకెండ బట్టు పొక్నాన్. “మరి ఆలన్యం మన్పెద్”.

7 ఏడు దేవుణు దూత వన్ని జోడుబాంక ఉక్కి దినమకాజ్ దేవుణుది డాజితి మన్ని నజతిజ్, దేవుణు, వన్ని పణికిని వరివెటని వన్ని ప్రవక్తర్ వెట ముజాల వెహె అతిమహిలెకెండ హూర్తి అనాదెలె”.

8 నన్సివలె పరలోకమదాన్ నాను ముజాల వెహెమన్ని కంటం మరి నావెట, “నీను సొన్ని నమదరం మున్సుని బూమి మున్సు, నిహిమన్ని అయ దేవుణు దూత కియుదు మన్ని రెకె అతిమన్ని ఇజిరి పుస్తకం లోన్అ”, ఇజ వెహిక నాను వెహా.

9 అందెజ నాను సొన్ని “అయ ఇజిరి పుస్తకం నజి సిదా”, ఇజ అయ దేవుణు దూతెజ్ లొన్సు, వాండ్లు, “దన్సిజ్ లొగ్గి తిన్అ. అయక నీ పొటాదు సేందు అనాద్ గాని నీ వెయదు తేనె లెకెండ తియాజ్ మంజినాద్”, ఇజ నావెట వెహ్నన్.

10 అయావలె దేవుణు దూత కియుదాన్ అయ ఇజిరి పుస్తకం నాను లొన్సానె తిహా. అయక నా వెయదిజ్ తేనెలెకెండ తియాజ్ మహాద్. గాని అక తిహి వెనక నా పొటాదు సేందు అతాద్.

11 అయావలె వాండ్లు, “నీను నండో లోకుర్ వందిజ్, నండో జాతిజాణివరివందిజ్, నండో బాసిజ్ వర్గినివరివందిజ్, నండోదార రాజ్నెవందిజ్ దేవుణు ప్రవక్తలెకెండ మరి వెహ్నాజ్ వలె”, ఇజ నజి వెహ్నన్.

11

దేవుణు వందిజ్ వాతి రిఎర్ సాసిర్.

1 మరి కొల్ల కిని ఉండ్రీ డుడ్లు నజి సితాండ్రె ఈహు వెహ్నన్. “నీను నిజ్జి దేవుణు గుడిణి, దేవుణుదిజ్ పూజ సీని మలిపేటదిజ్ కొల్ల కిజ, దేవుణు గుడిణు పొగిడిజ మడిణినివరిజ్ లెక్క కిల.

2 గుడిదిజ్ వెల్లి మన్ని డేవ కొల్ల కివిండ డిణెఅ. అయక దేవుణుదిజ్ నమ్మిఇవరి వందిజ్ మన్నిక. వారు నలవయరుండి నెలెజ్ పరిసుద్దమతి యెరూసలేం పట్టుమదిజ్ వరికాల్యాణిజ్ మట్నాలె.

3 మరి నాను నా రిఎర్ సాసిరిజ్ అతికారం సీనాలె. వారు బస్త సొక్కెజ్ తోడిగిజి వన్సెండు వందెజ్ అరువయరోస్సు దేవుణు ప్రవక్తరు లెకెండ దేవుణు మాటిజ్ సాటిస్నార్.

4 బూమిదిజ్ ప్రబు అతి దేవుణు ఎద్దు నిల్పి మంజిని రుండి బలివ మరెకెన్ రుండి దీవ డండిజ్ అతికార యా రిఎర్ సాసిర్.

5 ఎయెరబా వరిజ్ హిమసెజ్ కిదిజ్ సుడెతిజ, వరి వెయదాన్ సిసు వాజి వరిజ్ పగతివరిజ్ సుర్లు విసిర్నాద్. వరిజ్ హిమసెజ్ కిదిజ్ సూణికార యాలెకెండ సాదెజ్వలె.

6 వారు ప్రవక్తరులెకెండ దేవుణు మాటిజ్ వెహ్ని దినమదు అగనమదాన్ పిరు రెవిండ అడ్లు కిదిజ్ వరిజ్ అతికారం మంజినాద్. మరి వరిజ్ ఇస్టమాతి వజి ఎన్సివలెబా బూమిదు మన్ని ఏరుదిజ్ నలెకెండ కిదిజ్, మరి నండో రకమది జబ్బుజాణిజ్ బూమి మున్సు, మన్ని వరిజ్ బాదెజ్ కిదిజ్ వరిజ్ అతికారం మంజినాద్.

7 వారు సొన్యం వెహ్ని మంజినిక హూర్తి అతిజనరి దర్దిదాన్ వాని క్రూరమతి జంతు వరివెట ఉడ్లు కిజి వరిజ్ నప్పాద్.

8 వరి పీనుగుజ్ యెరూసలేం ఇని అయ పెరి పట్టుమది సర్దు అర్నె మంజిని. అయ పట్టుమదిజ్ సాదోమ పట్టుమదిజ్, అయగుప్పు దేసెమదిజ్ పోలిని వెహె అజినాద్. అబ్బె వరి ప్రబుబా నిలువ పోకె అత మహాన్.

9 వరి పీనుగుజ్ మూస్తాజ్ నరి సివిండ విజు దేసెమదికార్, విజు తెగిజాణికార్, విజు బాసిజాణికార్, విజు జాతిదికార్ విజెరె మూండ్రినర రోస్సు, వరి పీనుగుజ్ సుడెజ మంజినార్.

10 యా రిఎర్ ప్రవక్తరు బూమి మున్సు, మన్ని వరిజ్ బాదెజ్ కిత్తి వందిజ్, బూమి మున్సు, మనికార్ విజెరె వరిజ్ జర్గితిక సుడెజ గొప్పు సర్దు అజి బరిని మరి బరిని వన్నిజ్ ఇనామకు సీజి వండోయ కినార్.

11 గాని అయ మూండ్రినర రోస్సు అతి వెనుక దేవుణుబాణిజ్ పాణం మన్ని అత్త వాజి వరి లొజ డుగితిజ్ వారు కిక్కు బూమిదు తిగిజ నిజ్జి నెల్లార్. వరిజ్ సుడెతికార్ విజెరె గొప్పు తియెలె అతార్.

12 నన్సివలె, “ఇబ్బె ఎక్కి రదు”, ఇజ పరలోకమదాన్ గొప్పు పెరి కంటమదాన్ వరిజ్ వెహిక వారు వెహెరె, వరిజ్ పగతికార్ సుడెజ మహివలెనె వారు మొసాపుదాన్ పరలోకమదు పెరె అజి సాహర్.

13 అయ గడియోదునె గొప్పు గటిజ బూమి కద్దితిజ్, అయ పట్టుమది వది వంతుజ లొజ ఉండ్రీ వంతు అర్నాద్. బూమి కద్దితిజ్ ఏడు వెయజ్ లోకుర్ సాతార్. మిగిలిత్తికార్ గుండెజ్ వణక్కిలెకెండ తియెలాజి పరలోకమదు మన్ని దేవుణుదిజ్ పొగిడితార్.

14 రుండి కన్యం వీజితాద్. ఇదిలో, మూండ్రీ కన్యం బేగినె వానాదెలె.

మిగిలిత్తిమన్ని ఏడు జోడుబాంక.

15 ఏడు దేవుణు దూత వన్ని జోడుబాంక ఉక్కిజ్ పరలోకమదు గొప్పు పెరి కంటమదాన్ యాలెకెండ డేల్పిని జాటుజ్ వాతె. “యా లోకమదు ఏలుదాన్ ఏలుబడిః కినిక, మా ప్రబుజ్ని వన్ని క్రీస్తుజ్ అత మనాద్. వాండ్లు అంతుసెల్లెండ ఎలాకాలం ఏలుబడిః కిజి మంజినాన్లె”.

16 నన్నవలె, దేవుణు ఎద్రు సింహాసనముకాజ్ బస్తిమన్ని అయ ఇరువయ నాల్వేర్ పెద్దలుజు పడగిజి అర్చి దేవుణుదిజ్ యా లెకెండ్ వెప్పి పొగిడిజి మాడిసి మహార్.

17 “ఏలు మన్నిక్కి, ముజాల మహికి ఆతి, విజుదన్నిజ్ అతికారం మన్ని మా ప్రజు ఆతి దేవుణు, నీను నీ గొప్ప వెరి సత్తుదాన్ ఏలుబడి కిదెజ్ మొదొల్లిస్తెవందిజ్ మాపు మిజ్ వందనమకు వెప్పినావ్.

18 దేవుణుదిజ్ నమ్మిఇకార్ ఆతి యా లోకమేది లోకర్ కోపమ్దాన్ నిండ్రితార్. ఎందానిజ్ ఇమోజు నీను కోపం ఆదెజ్ నమయం వాతాద్. సాతి వరిజ్ విజెరిజ్ నీను తీర్పు తీర్పెజ్ గడియ వాతాద్. నీ వణిమణిసిరిజ్, ప్రవక్తరిజ్, నిజ్ నమ్మిత్తి వరిజ్, నీ పేరు వందిజ్ గవేరం సీజి బత్తిత్తి ఇజిరివరిజ్ని పెరివరిజ్ విజెరిజ్ తగితి ఇనాయం నీదెజ్ గడియ వాతాద్. బూమిదిజ్ నాసనం కినివరిజ్, నాసనం కిదెజ్ గడియ వాతాద్”.

19 నన్నవలె, వరలోకమేదు మన్ని దేవుణుగుడి: రే ఆతిజ్, దేవుణు లోకర్ వెట కిత్తి ఒట్టు రాస్తి ఇడ్డి మన్ని మందనం తోరె ఆతాద్. నన్నవలె, మెరిసిని జాయ, పిడుగుజ్, దీడిజినికెజ్, వాతె. బూమి కద్దతాద్. గొప్ప వడెజెజ్ అర్చె.

12

ఉండ్రి బోదెలిని ఉండ్రి గొప్ప వెరి సరాన్.

1 నన్నవలె వరలోకమేదు ఉండ్రి బమ్మతి గుర్తు తోరెతాద్. పొద్దుదిజ్ పొర్పాతి మన్ని ఉండ్రి బోదెలి తోరె ఆతాద్. దన్ని పాదమక అడిగి నెల మహార్. బురారు వనెండు సుక్కెజ్ మన్ని రాజురి టోపిలెకెండ్ ఉండ్రి బజారం టోపి మహార్.

2 అది పాత డిజెన్ మహార్. అది ఏరు ఈబాదెజ్ నొప్పిదాన్ గొప్ప డేల్ని అడెబాజు మహార్.

3 నన్నవలె, మరి ఉండ్రి గుర్తు వరలోకమేదు తోరెతాద్. ఇదిలో, ఉండ్రి గొప్ప వెరి ఎరాని సరాన్ తోరెతాద్. దన్నిజ్ ఏడు బుర్కెని పది కొమ్ము, మహా. దన్ని బుర్ మున్ను రాజురి టోపిలెకెండ్ బజరమేది ఏడు టోపిజ్ మహా.

4 ఆగమమేది సుక్కెజు మూండ్రి వంతుజ్ లో ఇ ఉండ్రి వంతు సుక్కెజ్ దన్ని తోడె డెయెజి బూమి మున్ను అరెవ్తాద్. ఏరు ఈబాదెజ్ తయారె ఆతి మన్ని అయ బోదెలి, ఏరుఈబాతిజ్ సరి, అయ బయిజ్ డిజెదెజ్ ఇజి అయ సరాన్ అయ బోదెలి ఎద్రు నిహా మహార్.

5 అది ఒరెన్ మరినిజ్ కాస్తాద్. లోకమేది లోకరిజ్ విజెరిజ్ ఇనుము డుడ్డుదాన్ ఏలుబడి: కిదెజ్ ఇజి ఒరెన్ కొడెడిజ్ ఇట్టాద్. అది కాస్తి బయి దేవుణు డగ్గుని వన్ని సింహాసనం డగ్గు వెటనె లాగిజి పెరి ఆతాన్.

6 అది వన్నెండు వందిజ్ అరువయ రోస్సు, దేవుణు దన్నిజ్ పోస కిదెజ్ ఇజి బిడిమేబూమిదు దన్ని వందిజ్ తయారె కితిమన్ని బాడ్డిదు ఉహాక్కి సాహార్.

7 నన్నవలె వరలోకమేదు ఉడ్డం ఆతాద్. మికాయెలు ఇని దేవుణుదూతని వన్ని జటుది దూతారె కూడిజి అయ గొప్ప వెరి సరాన్వెట ఉడ్డం కితారె. అయ గొప్ప వెరి సరాన్ని వన్ని దూతారె మరజి ఉడ్డం కితారె.

8 గాని వారు దేవుణు దూతారె మున్ను గెలిస్తెజ్ అటవతారె. అందెజి వరలోకమేదు మరి ఎనెజ్బా వరిజ్ మండ్రిజ్ బాడ్డి మన్వితాద్.

9 లోకమేదు మన్ని లోకరిజ్ విజెరిజ్ మొసెం కిజి నడిపిస్తికాన్ ఆతి సెఇకాన్ ఆతి సయ్యూన్ ఇజి పేరు ఇడ్డి: ఆతి మొదొహి సరాన్ ఇని అయ గొప్ప వెరి సరాన్ వరలోకమేదాన్ బూమి మున్ను అర్చె ఆతాన్. వాండ్రుని వన్ని దూతారె బూమి మున్ను అర్చె ఆతారె.

10 నన్నవలె వరలోకమేదు యాలెకెండ్ వెప్పిని ఉండ్రి పెరి కంటం నాను వెహా. “రెయెహిగోల్ మా దేవుణు ఎద్రు, మా తంబెరిజి మున్ను తప్పు మొప్పి మహికాన్ ఆతి సయతాన్ అర్చె ఆత మనాన్. అందెజె వన్ని గొప్ప సత్తుదాన్ మజి రక్కిస్తి దేవుణు ఎరాకాలం ఏలుబడి: కిజి మంజినాన్. మరి అతికారం వన్ని క్రిస్తుజ్ ఆతాద్.

11 మా తంబెరిసిరి గెరెపెల్ల నలదాన్, వారు వహ్నిమన్ని సాస్యమేదాన్ సయతాన్ మున్ను గెలస్త మనారె. వారు వరి సొంత పాణమ్కాజ్ గొప్ప వెరిక ఇజి ఒడిబివిండె సాదెజ్బా తయారె ఆత మహార్.

12 అందెజె వరలోకమేదికెదెరా మీరు నర్త ఆదు. బూమిదుని నమదరమేదు మన్ని విజెరిజ్ కన్నముకునె. ఎందానిజ్ ఇహొజి సయ్యూను మీ డగ్గు వాత మనాన్. వన్నిజ్ నమయం తక్కునె మనాద్ ఇజి నెని వాండ్రు నండ్రి కోపమేదాన్ నీ డగ్గు వాత మనాన్”.

13 బూమి మున్ను అర్చె ఆతాన్ ఇజి నెస్తాండ్రి, అయ గొప్ప వెరి సరాన్, అయ మొగకొడెడిజ్ కాస్తి బోదెలిదిజ్ అని మాలెజ్ కిదెజ్ ఇజి వెటపెర్చి రెబాదెజ్ మొదొల్లనాన్.

14 అందెజె, అయ గొప్ప వెరి సరన్బాణిజ్ తప్పు ఆజి దేవుణు దన్ని వందిజ్ బిడిజ్బూమిదు తయారె కితి మన్ని బాడ్డిదు ఎగ్రిజి సాండ్రిజ్ ఇజి రుండి పెరి డేగ రెక్కెజ్ దన్నిజ్ దోహక్కె. అబ్బె అయ గొప్ప వెరి సరాన్ దన్నిజ్ తొవిండ ఉండ్రి కాలం, కాలమకు, సెగం కాలం పోస కిజి ఆతాద్.

15 నన్నవలె, అయ బోదెలిదిజ్ గడ్డ పెర్చి ఒతెజ్ ఇజి అయ గొప్ప వెరి సరాన్ దన్ని వెయదాన్ పెరి గడ్డలెకెండ్, అయ బోదెలి వెనుకహాన్ ఏరు కత్తాన్.

16 గాని బూమి బదెజ్ ఆజి రే ఆతాదె, అయ గొప్ప వెరి సరాన్ వెయదాన్ కక్కి ఏరుదిజ్ డిజెజి అయ బోదెలిదిజ్ తోడు: కితాద్.

17-18 అందెజె అయ గొప్ప వెరి సరాన్ అయ బోదెలి మున్ను కోపం ఆతాదె, దేవుణు ఆడ్రిజ్ లోజిజి యేనువందిజ్ సాసెం వెప్పిమన్నికారె ఆతి దన్ని పొటాదు పుట్టిమహివరివెట ఉడ్డం కిదెజ్ ఇజి తయారె ఆతాద్. వరివెట ఉడ్డం కిదెజ్ ఇజి అయ గొప్ప వెరి సరాన్ సోత్తాదె నమదరం ఒడ్డుదు నిహాద్.

13

నమేదారమేదాన్ ఎక్కి వాతి జంతు.

1 మరి, పది కొముకుని ఏడు బుర్రెక్ మన్ని ఉండ్రీ క్రూరమతి జంతు నమదారమదాన్ వెల్లి వాతిక నాను నుడత. దన్ని కొముకాక్ పది టోపిక్ మహా. ఉండ్రీ ఉండ్రీ బుర్ర మున్ను దేవుణుదిక్ దుసలాడిజని ఉండ్రీ ఉండ్రీ పేరుకు మహా.

2 నాను నుడతమున్ని అయ జంతు సిటాడః నోరెన్ లెకెండ్ మహాద్. గాని దన్ని పాదమకు ఒడఃజు పాదమకు లెకెండ్ మహా. దన్ని వెయి పెరి నోరెన్ వెయిలెకెండ్ మహాద్. అయ గొప్ప పెరి నరాన్ దన్ని నత్తుని వన్ని సింహాసనమని దన్ని గొప్ప అతికారం విజు అయ జంతుదిక్ సితాన్.

3 అయ జంతుది ఏడు బుర్రెక్ లోజ ఉండ్రీ బురాదు సాదెక్ సరియాతి పెరి గాయం తగ్గిత మహాద్. గాని సాదెక్ సరియాతి అయ పెరి గాయం మూదితాద్. అందెజ బూమి మున్ను మన్ని లోకూర్ విజెరె బమ్మ ఆజి అయ జంతువెట కూడితాద్.

4 అయ జంతుదిక్ అతికారం సత్తివందిక్ వారు అయ గొప్ప పెరి నరాన్ దిక్ పొగడిజి మాడిసి మహాద్. మరి వారు అయ జంతుదిక్ పొగడిజి మాడిసి, “యా జంతులెకెండ్ మన్నికాన్ ఎయెన్ బా సితెన్. మరి దన్ని వెట ఉడ్డం కిదిక్ అట్టికాన్ ఎయెన్ బా సితెన్”, ఇజి గొప్ప వెప్పి మహాద్.

5 పాజె ఆని మాటక్ ఆహ వెహా ఆజి దేవుణుదిక్ దుసలాడిజి వర్గిదిక్ దన్నిక్ వెయి వాతాద్. నలవయరుండి సితెక్ దన్ని పణిక్ కిదిక్ దన్నిక్ అతికారం దోహాక్.

6 అందెజ దేవుణుదిక్ దుసలాడిజి, వన్ని పేరుదిక్ అబద్ధం మాటక్ వెప్పి, పరలోకమిదిక్, పరలోకమదు బత్తిని వరివందిక్ దుసలాడిజి అయ జంతు దన్ని వెయిదాన్ వర్గిజి మహాద్.

7 దేవుణు వందిక్ కేట ఆతి వరివెట విదెం కిజి, వరిక్ గెల్లిస్తాక్ దన్నిక్ అతికారం దోహాక్. విజు తెగెజాణివరి మున్ను, విజు జాతిజాణి వరి మున్ను, విజు బానిక్ వర్గిని వరి మున్ను, విజు దేనమదివరి మున్ను, దన్నిక్ అతికారం దోహాక్.

8 బూమి మున్ను బత్తినికార విజెరె అయ జంతుక్ పొగడిజి మాడిస్తాద్. బూమి పుట్టిండ్ ముందాల్ని కత్తె ఆతిమని గొర్రెపిల్లదిక్ నందితి మన్ని దేవుణు వెట ఎలాకాలం బత్తిని వరి పేరుకు రాసి ఇడ్డిని పుస్తకమదు పేరు సెల్లికార విజెరె జంతుదిక్ పొగడిజి మాడిస్తాద్. వరి పేరుకు అయ పుస్తకమదు సెల్లిద్.

9 వెండ్రెక్ మున్ను మన్నికాన్ గిట్టిక్ ఒడఃజి వెంజి అయావజి నడిజి మండ్రు.

10 ఎయెన్ బా ఆజి దేనమది వరివెట అన్య ఆజి, ఆజి దేనం సానికాన్ అయాలెకెండ్ సానాలె. ఎయెన్ బా కుర్దాన్ సప్పె అదెక్ మన్నికాన్, కుర్దాన్ సప్పె అనాలె. దేవుణు వందిక్ కేట ఆతివరి ఓర్పు, మరి దేవుణు మున్ను వరిక్ మన్ని నమకు దన్నిదటాన్ తోరె అనాద్.

బూమిదాన్ వెల్లి వాతి జంతు

11 మరి బూమిదాన్ మరి ఉండ్రీ క్రూరమతి జంతు వెల్లి వాతిక నాను నుడత. గొర్రెపిల్ల కొము నన్ని రుండి కొముకు దన్నిక్ మహా. గాని గొప్ప పెరి నరాన్ లెకెండ్ వర్గిజి మహాద్.

12 అయ జంతుక్, మొదోహా జంతుక్ మహా విజు అతికారం దన్ని బాణిక్ దోహాక్. అయ అతికారమదాన్ బూమి మున్ను బత్తినికార విజెరె సాదెక్ సరియాతి గాయం తగ్గిత నెగెండ్ ఆతి మన్ని మొదోహా జంతుక్ పొగడిజి మాడిస్తాక్ ఇజి బలవంతం కిజి మహాద్.

13 అయ జంతు లోకూర్ విజెరె సూణిలెకెండ్ అగనమదాన్ సిసు డిగ్గి వాని నన్ని గొప్ప పెరి బమ్మాతి పణిక్ గుర్తు లెకెండ్ కిజి తోరిసి మహాద్.

14 మొదోహా జంతు దన్ని పేరుదాన్ బమ్మాతిపణిక్ గుర్తు లెకెండ్ కిజి తోరెస్తాక్ అతికారం దోహాక్ అయ జంతు బూమి మున్ను బత్తిని వరిక్ మొనం కితాద్. కుర్దాన్ గాయం అతిక్ బా సావిండ్ బత్తిని మొదోహా జంతుది బొమ్మ ఉండ్రీ తయార కిదిక్ ఇజి అడ్డ సితాద్.

15 అయ మొదోహా జంతుది బొమ్మదిక్ వర్గిదిక్ అట్టిలెకెండ్ పాణం సిదిక్ దన్నిక్ అతికారం దోహాక్. అందెజ బొమ్మదిక్ మాడిసివిండ్ మంజిని వరిక్ సప్తాక్ బా అతికారం దోహాక్ మనాద్.

16 అయ జంతు విజెరెక్, అహిజ ఇజిరికారాతిక్ బా పెరికారాతిక్ బా, అన్య మన్నికారాతిక్ బా బిదాదికారాతిక్ బా, వెట్టిపణిమణిసిరి అకార ఆతిక్ బా వెట్టిపణి కినికారాతిక్ బా విజెరె వరి ఉణెరె కిక్కాన్, సెల్లిజి నోర్దుదున్ మొదోహా జంతుది గుర్తు పోకె అదెక్ ఇజి బలవంతం కితాద్.

17 ఎందానిక్ ఇహిజ, అయ జంతు పేరునో, దన్ని పేరుది అంకి ఆతి గుర్తునో పోకె ఆతివరిక్ నె అవిండ్ మరి ఎయెరిక్ బా ఇనికబా కొండెక్ నె, పొర్లెక్ నె అతికారం సెల్లిద్.

18 ఏలు బుద్ధిమన్నికాన్ ఎయెన్ బా వన్ని బుద్ధిదాన్ జంతు అంకి ఎనా ఇజి లెక్ సెక్ అట్టిజి లెక్కినె. అక ఉండ్రీ లోకుది అంకి. ఆరువందెక్ అరువయె అరు. యా లెక్ సెక్ బుద్ధి అవ్ నరం.

14

గొర్రెపిల్లని లక్కనాలపయనాల్లి వెయి లోకూర్.

1 నన్సవలె, నాను నుడతతిక్ అయ గొర్రెపిల్ల యెరూసలేమదు మన్ని సియెసు గొర్రె మున్ను నిహా మనాన్. అయ గొర్రెపిల్ల పేరుని, వన్ని బుబ్బాతి దేవుణు పేరు వరి నోర్దుదు రాని ఆతిమని లక్కనాలపయనాల్లి వెయి లోకూర్ వన్నివెట మహాద్.

2 గొప్ప పెరి గడ్డాది జాటు లెకెండ్ గొప్ప పిడుగు జాటు లెకెండ్ ఉండ్రీ కంటం పరలోకమదాన్ వాతిక నాను వెహా. నాను వెహిమన్ని కంటం టోయిల పలక్రివెరె వాతి జాటు లెకెండ్ మహాద్.

3 అయ లక్కనాలపయనాల్లి వెయిక్ లోకూర్ అయ సింహాసనం ఎద్దుని అయ పాణం మన్ని నాల్లి జంతుజ ఎద్దుని ఇరువయ నాలెవెరె పెద్దెలజ ఎద్దు, ఉండ్రీ కితక్ పాట పార్తారె. యా లోకమదాన్ కొరె ఆతి, వారి అవిండ్ మరి ఎయెరిబా అయ పాట నెన్ వితారె.

4 వీరు బోధకవెట కూడజి, వరిజ్ వారి సెఇకార్ కిబె అవిండ నెగిండ మన్నికార్. గొరెప్పిల ఎంబె సాహిజ్బా వీరుబా వన్నివెట సాన్ని మహార్. వీరు తొలిత వంటితి వంటలెకెండ దేవుణు వందిజ్, మరి గొరెప్పిలవందిజ్ బూమి మున్ను, మన్ని విజా లోకుర్ బాణిజ్ ఎర్రె అజి కేట అతికార్.

5 వీరు వెయిదాన్ ఇని అబడం మాటబా వర్గివెతార్. వీరు ఇని కల్తి సిల్లి నెగ్గికార్.

ముండ్రీ దేవుణు దూతార్

6 నస్తివలె బూమి మున్ను, మన్నివరిజ్ విజెరిజ్, అపాజ విజా జాతిజిజి వరిజ్, విజా తెగాతివరిజ్, విజా బానెజ వర్గిని వరిజ్, విజా దేనమది లోకురిజ్, వెవ్రాజ్ దేవుణు వెట ఎలాకాలం మంజిని బత్తు, సీని సువార్త అని మరి ఉండ్రీ దేవుణు దూత ఆగనమదు ఎగ్రిజి మంజినిక నాను సుడజత.

7 వాండ్రు, “వీరు దేవుణుదిజ్ లోజిజి, వన్నిజ్ గవరం సీదు. ఎందానిజ్ ఇపాజి వాండ్రు తీర్పు తీరిసిని గడియ వాత మనార్. అందెజి ఆగనమదిజ్, బూమిదిజ్, సమదారమదిజ్, ఏరు వాని ఊటెజి వుట్టిన్ వన్నిజి పొగడిజిజి మాడిస్సు”, ఇజి గొప్ప పెరి కంటమదాన్ వెవ్రాన్.

8 మరి ఉండ్రీ దూత వన్ని వెనుక వాజి, “ఉత్పత్ కిట్టిన్, రంకు బూలాజిని దన్ని పణిజాణిజ్ విజా లోకురిజ్ మత్తు కిట్టిన్లెకెండ ఉటెప్పిన్కాద్ అతి గొప్ప పెరి పట్టుం అతి బబులోసు అర్దాద్, అర్దాద్”, ఇజి వెవ్రాన్.

9-10 అయి రుండి దేవుణు దూతార్ వెనుక, మరి ఒరెన్ దూత వన్ని వెనుక వాజి గొప్ప పెరి కంటమదాన్ ఈహు వెవ్రాన్. “ఎయెన్బా అయి జంతుజ్ మాడిసి, దన్ని బొమ్మదిజ్ మొకిజి, దన్ని గుర్తు వన్ని నొర్దుదునో, కియుదునో పొకి అతికాన్, ఇనికబా కలవవిండ పూర్తి సత్తుదాన్ వాకె అజిని దేవుణు గొప్ప కోపం ఇని మత్తు కిట్టిన్ కల్లు ఉణాన్లె. గొరెప్పిల ఎర్దుని, దేవుణు వందిజ్ కేట అతికార్ అతి దేవుణు దూతార్ ఎర్దు, నెగడిసి సీసుదాన్, వెయిని గండకమదాన్ ఇమనెజ్ కేట అనాన్.

11 వారు హిమనెజ్ కిబె అజిని దన్ని గోయి ఎలాకాలం డిసేవిండ మున్ను సాన్ని మంజినాద్. అయి క్రూరమతి జంతుదిజ్ గాని, దన్ని బొమ్మదిజ్ గాని పొగడిజి మాడిస్సికార్, దన్ని పేరుమన్ని గుర్తు ఎయెన్బా పొకి అతిజి అట్టె రెయిపొగెల్ కాలి సిల్లెండ హిమనెజ్ కిబె అజి మంజినాన్.

12 అందెజి దేవుణు అడ్రెజ్ లోజిజి మంజి, యేనువందిజ్ మన్ని సమకమదు సమకమాతివరిలెకెండ మంజినికార్, హిమనెజ్ విజా డిసేవిండ ఒరిసి మంజినార్. వారు దేవుణుదిజ్ నెందితికార్ ఇజి తోరె అజినార్.

13 నస్తివలె, “ప్రబు మున్ను సమకం ఇండజి ఏలుదాన్ సానికాన్ దేవుణు సీని దీవెనమకు మంజినికార్ ఇజి రాన్అ”, ఇజి వరలోకమదాన్ ఉండ్రీ కంటం వెవ్రాక వెహా. “నిజమె, వారు కన్జబాడెజినిక డిసే లోవ్నార్. వారు కితిమన్ని పణిదిజ్ తగితి లెకెండ వరిజ్ ఇనాయం దోహాకాద్”, ఇజి దేవుణు అత్తు వెప్పినాన్.

బూమిది వంట కొయెనిక.

14 మరి నాను సుడజిజ్, ఇదిలో, తెల్లాని మొసావ్ తోరితాద్. “లోకు మరిసి” అతి వన్నిజ్ పొలితి ఒరెన్ మొసావ్ మున్ను బన్ మహాన్. వన్ని బుర మున్ను బజారం బోపి మహాద్. వన్ని కీదు తెవుగు మన్ని కొడెవేలి అన్ మహాన్.

15 నస్తివలె మరి ఉండ్రీ దేవుణు దూత, దేవుణుగుడిదాన్ వెల్లి వాజి, “బూమిది వంట వండిత మనార్. కొయెదెజ్ కాలం వాతాద్. అందెజి నీ కొడెవేలి అని కొయెఅ”, ఇజి మొసాపు మున్ను బన్నిమన్ని వన్నిజ్ పెరి కంటమదాన్ వెవ్రాన్.

16 మొసాపు మున్ను బన్ని మన్నికాన్ వన్ని కొడెవేలి బూమి మున్ను సెల్వేన్. బూమిదు వంటితి మన్ని వంట కొయె అతాద్.

17 నస్తివలె మరి ఉండ్రీ దేవుణు దూత వరలోకమదు మన్ని దేవుణుగుడిదాన్ వెల్లి వాతాన్. వన్నిజ్బా తెవుగుమన్ని ఉండ్రీ కొడెవేలి మహాద్.

18 మరి ఉండ్రీ దేవుణు దూత దేవుణుదిజ్ పూజి సీని మాలిపీటదాన్ వెల్లి వాతాన్. వాండ్రు సీను మున్ను, అతికారం మన్నికాన్. “బూమి మున్ను మన్ని ద్రాక్కు పట్టు కొయెదెజ్ పాకం వాతె. అందెజి తెవుగు మన్ని నీ కొడెవేలిదాన్ దన్ని గెలెజ్ కొయెఅ”, ఇజి గొప్ప పెరి కంటమదాన్ వాండ్రు కొడెవేలి అస్తిమన్ని దూతెజ్ వెవ్రాన్.

19 అందెజి అయి దేవుణు దూత వన్ని కొడెవేలి బూమి మున్ను సెల్వేన్, ద్రాక్కు పట్టు కొయెజి, ద్రాక్కు పట్టు మట్టి రసం లాగిజిని గనుగుదు ఇడ్డాన్. యా గనుగు దేవుణుబాణిజ్ వాజిని సీనునన్ని కోపమదిజ్ గుర్తు.

20 ద్రాక్కు పట్టు మట్టిని గనుగుదు పట్టుమదిజ్ వెల్లి వారు మట్టార్. రుండి వందెజ్ మయిలుజ్ దూరం, గుర్తం వెయిది కరెమదిజ్ సమానం అతిలెకెండ, అయిదు అడుగుజ్ లోతు మన్ని గడ్డ లెకెండ, అయి గనుగుదాన్ నల సొత్తాద్.

15

ఏడు దేవుణుదూతార్ని ఏడు జబ్బుజ్.

1 మరి ఉండ్రీ గొప్ప బమ్మాతి గుర్తు వరలోకమదు నాను సుడజత. దేవుణు కోపం పూర్తి అనిలెకెండ కిదెజ్ ఇజి, కడెవెరిది ఏడు జబ్బుజ్ అస్తి మన్ని ఏడు దూతారిజ్ సుడజత.

2 మరి సీసుదాన్ కూడితి మన్ని గాజదిజ్ పొలితి సమదరం లెకెండ మన్నిక నాను సుడజత. అయి క్రూరమతి జంతుజ్ని దన్ని బొమ్మదిజ్, దన్ని పేరుది అంకిదిజ్ లోజివిండ దన్నిజ్ గెలిస్సికార్, దేవుణు వరిజ్ సిత్తి బోయెలెజ్ అని అయి గాజు నన్ని సమదరం పడెకాదు నిల్పి మంజినిక సుడజత.

3 వారు, “ప్రబు అతి దేవుణు, విజా దన్నిజ్ అతికారం మన్నికి నీ పణిజ్ గొప్ప పెరికెజ్ని బమ్మాతికెజ్. బూమి మున్ను మన్ని లోకుర్ మున్ను, ఎలాకాలం రాజా అతికి, నీ సరిజ్ నాయం అతికెజ్ని నిజమాతికెజ్ మన్ని.

4 ప్రబువా, సీను ఒరిదె గొప్ప నెగ్గికి, నీ నన్నికాన్ మరి ఎయెన్బా సిల్లెన్. లోకుర్ విజెరె నిజి లోజిజి మంజినార్. బూమి మున్ను మన్ని లోకుర్ విజెరె నీపేరుదిజ్ గవరం సీనార్లె. తోరె అతిమని సీతినిజయి మన్ని పణిజి వందిజ్ లోకుర్ విజెరె వాజి నీ ఎర్దు నిజి పొగడిజి మాడిస్సార్లె”, ఇజి దేవుణు పణికినికాన్ అతి మోసి పాటని గొరెప్పిల పాట పార్దార్.

5 దన్నివెనుక, నాను నుడేతిజ్ సాన్యమదిజ్ గుడారం ఇని దేవుణు గుడిః పరలోకముదు రే ఆతాద్.

6 అయ ఏడు బబ్బుజ్ అన్సి మన్ని ఏడు దూతార, కల్లినిల్లి మెర్చిని తెల్లని సొక్కజ్ తోడిఃగిజ, దన్ని మున్ను, గుండెదు బజారమదాన్ తయార కితి జమిదు తోహ ఆజి అయ దేవుణు - గుడిఃదాన్ వెల్లి వాతార.

7 నస్తివలె, అయ పాణం మన్ని నాల్లి జంతుజ లోఱ ఉండ్రి జంతు ఎలాకాలం బత్తిజని దేవుణు కోపమదాన్ నిండ్రితి మన్ని, బజారమదాన్ తయార కితి ఏడు కుడుకెజ్ అయ ఏడు దేవుణుదూతారిజ్ సీత్తాన్.

8 అయావలె దేవుణు జాయ్దాన్ వన్ని సత్తుదాన్ వాతి గోయ్దాన్ దేవుణు గుడిః నిండ్రితాద్. అయ ఏడు దేవుణుదూతారవెట వాదెజ్ మన్ని జబ్బుజ్ వాజి పూర్తి ఆనిదాక ఎయెనిబా దేవుణు గుడిఃదు డుగదెజ్ అటవితాన్.

16

దేవుణు కోపం నిండ్రితి మన్ని ఏడు కుడుకెజ్

1 నస్తివలె, “మీరు సొన్ని దేవుణు కోపమదాన్ నిండ్రితి మన్ని అయ ఏడు కుడుకెజ్ బూమి మున్ను వాక్తు”, ఇజ దేవుణు గుడిఃదాన్ అయ ఏడు దేవుణుదూతారిజ్ గొప్ప పెరి కంటమదాన్ వెహిక వెహ.

2 మొదోహ దెవుణుదూత సాహండ్రి వన్ని కుడుకెజ్ మన్నిక బూమి మున్ను వాక్తిజ్, అయ క్రూరమతి జంతుది గుర్తు పోకె ఆతి పరిజ్ దన్ని జోమ్మదిజ్ మాడిఃస్విపరిజ్ డటం నొప్పి కిజిని నెఱ పుట్టు. పుట్టి.

3 దన్ని వెనుక రుండి దేవుణు దూత సొన్ని వన్ని కుడుకెజ్ మన్నిక సమదరమదు మన్నిక సమదరమది ఏరు పీనుగుది నల లెకెండ్ ఆతాద్. అందెజ్ సమదరమదు మన్ని పాణం మనికెజ్ విజు సాతె.

4 అయ రుండి దేవుణు దూత వెనుక మూండ్రి దేవుణు దూత సొన్ని వన్ని కుడుకెజ్ మన్నిక పెరి గడ్డెజిని ఏరు సొని ఊటెజ వాక్తిజ్, వనక ఏరు విజు నల ఆతె.

5 నస్తివలె, “ఏలు మన్నికి, ముజాల మహిక ఆతి నీను ఒరిదె పరిసుద్దమాతికాన్ ఆతికి. నీ నన్నికాన్ మరి ఎయెనబా సిల్లెన్.

6 వారు దేవుణు వందిజ్ కేట ఆతి పరిజ్ దేవుణు ప్రవక్తరుజ్ సప్తార. అందెజ్ పరిజ్ తగ్గిలెకెండ్ తీర్పు తీరిని, పరిజ్ ఉండెజ్ నల సిత్తిజ్, నీను నీతినిజాయ్దాన్ తీర్పు తీరినికెజ్ ఆజిని”, ఇజ ఏరుదిజ్ అతికారం మన్ని దేవుణు దూత వెహ్నినిక వెహ.

7 అందెజ్ “నిజమె, ప్రబు ఆతి దేవుణు, విజు దన్నికెజ్ అతికారం మన్నికి, నీను తీర్పు తీర్పుజ్ నిజమాతికెజ్, నాయమాతికెజ్”, ఇజ పూజ సీని మాలిపీటదాన్ వెహ్నిక వెహ.

8 అయ మూండ్రి దేవుణు దూత వెనుక నాల్లి దేవుణు దూత సొన్ని వన్ని కుడుకెజ్ మన్నిక, పొద్దుమున్ను వాక్తిజ్ లోకురిజ్ సీనుదాన్ సురదెజ్ పొద్దుదిజ్ అతికారం దోహకాద్.

9 అందెజ్ లోకుర్ నండ్రి వేడిఃదాన్ వెయెజ, పుట్టాజ్ ని నొప్పి కిబిస్సి జబ్బుజ్ లోకుర్ మున్ను, పొక్తిమన్ని దేవుణు పేరుదిజ్ దుసలాడిఃతార. గాని వారు, పరి పాపమకు బప్పుకోడిఃజి డిఃసీసెజ మన్ను మారిస్తెజ్ ఒవ్వెతార. వారు దేవుణుదిజ్ పొగడిఃదెజ్ బా ఒవ్వెతార.

10 అయ నాల్లి దేవుణు దూత వెనుక అయెదు దేవుణు దూత సొన్ని వన్ని కుడుకెజ్ మన్నిక అయ క్రూరమతి జంతు బన్ని సింహాసనం మున్ను వాక్తిజ్, అది ఏలుబడిః కిని దేసెం విజు సీకటి ఆతాద్. లోకుర్ పరిజ్ వాజిని నొప్పిజ్ బరిస్తెజ్ అట్వెండ్ పరి నాలికెజ్ అడ్డం కొహ్కా ఆతార.

11 పరి పుట్టుజవందిజ్, నొప్పిజవందిజ్ పరలోకముదు మన్ని దేవుణుదిజ్ దుసలాడిఃతార. గాని వారు కిత్తి మహి నెఱ వణిజ వందిజ్ ఒడిఃబిజి మన్ను మరిని పాపమకు బప్పుకోడిఃజి డిఃసీసెజ్ ఒవ్వెతార.

12 అయ అయెదు దేవుణు దూత వెనుక ఆరు దేవుణు దూత సొన్ని వన్ని కుడుకెజ్ మన్నిక యూప్రటిను ఇని గొప్ప పెరి గడ్డ మున్ను వాక్తిజ్, తూర్పు దరొటాన్ వాని రాజురిజ్ వాదెజ్ సరి తయార ఆతిలెకెండ్ గడ్డ వస్తూ సాహద్.

13 నస్తివలె, అయ గొప్ప పెరి సరూస వెయెదాన్, మరి అయ క్రూరమతి జంతు వెయెదాన్ ని అబద్ధం వెహ్ని ప్రవక్త వెయెదాన్ కపాకిజ్ నన్ని మూండ్రి దెయమకు వెల్లి వాతిక నుడేత.

14 అయ దెయమకు బమ్మాని గుర్తజ్ కిజి తోరిని. అవి విజు దన్నికెజ్ అతికారం ఆతిమన్ని దేవుణు తీర్పు తీరిస్సి, గొప్ప తియెల్ ఆని రోజుదు, దేవుణు వెట ఉడ్డం కిదెజ్ ఇజ లోకముదు మన్ని విజు రాజురిజ్ కుడుకెజ్ తత్తెజ్ ఇజ పరి డర్పు సాహ.

15 “ఇదిల్, ఎయెనబా ఒడిఃబిందెజ్ మహివలె, డోఃజారి డోఃజి కిదెజ్ వానిలెకెండ్ నాను వాజెన. నాను వానివలె సిగు ఆనిలెకెండ్ డుమ్డ నడిఃవిందెజ్ మండ్రెజ్ ఇజి తెలి ఆజిముంజి వన్ని సొక్కెజ్ కావకిజి మంజినికాన్ దేవుణు సీజిని దీవనమకు మంజినికాన్ ఆనాన్”.

16 నస్తివలె, అయ దెయమకు ఏల్లి బాసదు ‘అర్మెగెదోసు’ ఇజి కూకె ఆజిని బాడ్డిదు లోకమది రాజురిజ్ విజేరిజ్ కుడుకెజ్ తత్తె.

17 అయ ఆరు దేవుణు దూత వెనుక ఏడు దేవుణు దూత సొన్ని వన్ని కుడుకెజ్ మన్నిక ఆగసమదిజ్ బూమిదిజ్ నడిఃమి మన్ని బాడ్డిదు వాక్తిజ్, “పూర్తి ఆతాద్”, ఇజ దేవుణుగుడిఃలోఱ మన్ని సింహాసనమదాన్ వెహ్ని ఉండ్రి పెరి కంటం వాతాద్.

18 నస్తివలె మెర్చిని జాయ్, దీడిఃజినికెజ్, పిడుఃగుజ్, విజు వాతె. బూమి గొప్పజ కర్ణితాద్. బూమి మున్ను లోకుర్ పుట్టిబాణిజ్ అని ఎనెజ్ బా జర్గెలెకెండ్ సొన్ని గొప్ప గటిజ బూమి కర్ణితాద్.

19 గొప్ప పేరు పొందితిమన్ని బబులోను పట్టుం బదెజ్ ఆజి మూండ్రి ముకెజ్ ఆతె. దేవుణుదిజ్ నమ్మిజవరి పట్టుమకు అర్తె సాహ. బబులోను పట్టుమదిజ్, దన్ని పాపమకు వందిజ్, సీను లెకెండ్ మన్ని, వన్ని గొప్ప పెరి కోపం మన్ని గిన్ను ఉండెజ్ సీదెజ్ దేవుణు ఎత్తు కిత్తాన్.

20 సమదరం నడిఃమి మన్ని ఇజిని దేసెంకకు (ద్విపుజ్) విజు ముడుఃగితె సాహ. గొర్కె అణెని ఆజి నద్దుజ్ ఆతె.

21 డగ్రు యబ్రాహామ్ కేజిజ్ బరు మంజిని వడజెజ్ ఆగనమ్దాన్ లోకురి మున్సు, అర్తె. అయ వడజెజాణిజ్ తగ్గితి గాయమ్కు గొప్ప పెరికెకాతిజ్, లోకురి అయ గాయమ్క వందిజ్ దేవుణదిజ్ దుసలాడిజ్తార్.

17

బోదెలిని జంతు

1 ఏడు కడుకెజ్ అస్తిమన్సు ఏడు దూతార్లోజ ఒరెన్ దూత వాతాండ్ర నావెట, “నీను ఇబ్బె రఅ. గొప్ప రంకు బూలాని బోదెలికెండ్ మన్సి, నండో గడ్డెజ వడకాదుమన్సి పెరి పట్టుమదిజ్ తీర్పు కిజి, సీజిని సీక్కు నిజి తోరిస్సాలె”, ఇజి వెప్తన్.

2 బూమి మున్సు, మన్సి రాజుర్ దన్ని వెట కూడజెజ్ గూర్తార్. బూమి మున్సు, బత్కినికార్ దన్ని రంకు బూలాని పణిజాణిజ్ మత్తు ఆజి సోస్సార్.

3 నస్తివలె, దేవుణు అత్తుదాన్ నిండ్రీతి మన్సి నజి, అయ దేవుణు దూత బిడెమ్బూమిదు లాగ్గి ఒత్తాన్. అబ్బె దేవుణు పేరుదిజ్ దుసలాడిజిని పేరుదాన్ నిండ్రీతి మన్సి ఏడు బురెకెన్ పది కొమ్ము, మన్సి, ఉండ్రీ ఎరాని జంతు మున్సు, బస్తిమన్సి ఉండ్రీ బోదెలిదిజ్ సుడెజత.

4 అయ బోదెలి నీలి రంగు కూడెతి మన్సి ఎరాని రంగుది గొప్ప విలువాతి పాత పోర్పాజి, మెర్సిని బజారం, విలువాతి రంగువణకుది విలువాతి పూసెజ్ ఇట్టిజి మహోద్. అది కిజి మంజిని సెజి పణిజాణిజ్. మరి అది కిజిని రంకు బూలాని పణిది సెజి గుణమ్కు విజి నిండ్రీతి మన్సి ఉండ్రీ బజరమ్మది గిన్న కియుదు అస్తి మహోద్.

5 అర్థం కిదెజ్ అట్టెజ లెకెండ్ దన్ని పేరు దన్ని నొత్తుదు యాలెకెండ్ రాని అత మహోద్.

“బూమి మున్సు, మన్సి రంకు బూలాని బోదెకాజ్ని విజి సెజి పణిజి అయెసి అతిమన్సి గొప్ప పెరి బబులోను”.

6 అయ బోదెలి దేవుణు వందిజ్ కేట అతిమన్సి వరి నలని యెసువందిజ్ సాస్యం వెప్తాజ్ నప్పె అతివరి నల ఉణిజి మత్తు ఆజి సోస్తి మహోద్. నాను దన్నిజ్ సుడెజి నండో బమ్మ అత.

7 నస్తివలె, అయ దేవుణు దూత నావెట ఈహు వెప్తాన్. “నీను ఎందానిజ్ బమ్మ ఆజిని అయ బోదెలివందిజ్ని మరి ఏడు బురెకెన్ పది కొమ్ముమన్సి అది బస్తిమన్సి జంతువందిజ్ డాజితి మన్సి నజితిజ్ నాను నిజి తెలియ కినా”.

8 నీను సుడెతి అయ జంతు ముజాల్ మహోద్ గాని ఏలు సిల్లెద్. గాని వెటని దర్బిదాన్ వెల్లి వాజి, దన్ని వందిజ్ తయార్ అతిమని లెకెండ్ నాసనం ఆజి సానాద్. బూమి పుట్మిండ ముజాల్పె, దేవుణు వెట ఎలాకాలం బత్కిని వరి పేరుకు రాని ఇడెజిని పున్కమ్దు పేర్పు, సిల్లి. బూమి మున్సు, బత్కినికార్ అయ జంతుజ్ సుడెజి, ఇక్క ముజాల మహోద్, ఏలు సిల్లెద్. గాని మరి వానాద్లె, ఇజి బమ్మ అనార్.

9 ఇక్క నెన్జె గెణం మన్సి మన్సు మండ్రెజ్ వలె. అయ జంతుది ఏడు బురెక్ ఇహాజ, అయ బోదెలి బస్తిమన్సి ఏడు గొరొక్.

10 అయ ఏడు బురెక్, ఏడుగురు రాజురిజ్బా పోలిత మనార్. అయదుగురుది కాలం గడెస్సాద్. ఒరెన్ ఏలుబడి కిజి మంజినాన్. కడెవెరిదికాన్ ఇంక రెవిండ్రె. గాని వాండ్రు వానివలె, కండెక్ కాలం వాండ్రు ఏలుబడి కిజి మండ్రెజ్ వలె.

11 అయ క్రూరమతి జంతు ముజాల మహికాండ్రె గాని ఏలు సిల్లికాన్ అతి ఎనిమిది రాజు. వాండ్రు, వన్సి ముజాల మహి ఏడు రాజుజ్ సెందితికాన్. వాండ్రు వన్సి వందిజ్ మన్సి ఎలాకాలం మంజిని నాసనమ్దిజ్ సొన్సినాన్.

12 నీను సుడెతి మన్సి పది కొమ్ముకు, పది మణిని రాజురిజ్ పోలిత మనార్. వరిజ్ ఏలుబడి కిదెజ్ ఏలుదాక అతికారం దొహ్వావిదె. గాని ఉండ్రీ గడెయ అయ క్రూరమతి జంతు వెట రాజుర్ లెకెండ్ వరిజ్ అతికారం దొహ్వాదిలె.

13 వారు ఉండ్రె ఉదెనమ్దాన్ వరి సత్తుని అతికారం విజి అయ జంతుదిజ్ ఒవజెప్పార్లె.

14 అయ గొరెప్పెవెట విదిం కినార్ గాని రాజురిజ్ రాజు, ప్రబురిజ్ ప్రబు అతిమన్సి గొరెప్పె వరి మున్సు, గెలిస్సాలె. వాండ్రు కూకె తెరున్సాకార్, మరి వన్సి వందిజ్ ఎర్లె అతిమన్సికార్ని వన్సిజ్ లోజెజి మంజిని నమ్మకమాతికార్ వన్సివెట మంజినార్లె.

15 నస్తివలె, అయ దేవుణు దూత నజి ఈహు వెప్తాన్. “నీను సుడెతిమన్సి, అయ గొప్ప రంకు బూలాని బోదెలి బస్తిమన్సి నండో పెరి గడ్డెజ ఇనిక ఇహాజ, యా లోకమ్దు మన్సి విజి జాతిజాణికార్, విజి దేసమ్క లోకుర్, విజి తెగాదికార్, విజి బాసెజ్ వర్గినికార్.

16 నీను సుడెతి మన్సి అయ క్రూరమతి జంతుని అయ పది కొమ్ముకు, అయ రంకు బూలాని బోదెలిదిజ్ ఇస్టం ఆవిర్. వారు దన్నిజ్ కల్లితి మన్సికెజ్ విజి లాగ్గి విసీరిజి, నగడి కిజి, దన్ని కండ కొయజి తింజి, మిగిలిత్తికె సీనుదాన్ సుర్పు విసీర్పార్.

17 దేవుణు మాటదు మన్సిలెకెండ్ పూర్తి అనిదాక ఏలుబడి కిదెజ్ ఇజి అయ క్రూరమతి జంతుజ్, వరి అతికారమ్కు విజి సీదెజ్ ఇజి దేవుణు వన్సి ఉదెసం పూర్తి కిదెజ్ ఇజి వరి మన్సుజి బుద్ధి సీత్తాన్

18 మరి నీను సుడెతి అయ బోదెలి బూమి మున్సు, మన్సి రాజురిజ్ మున్సు, ఏలుబడి కిని అయ గొప్ప పెరి పట్టుమ్”.

18

బబులోను పట్టం అర్పినిక

1 దిన్సి వెనుక మరి ఒరెన్ దేవుణు దూత పరలోకమ్దాన్ డిగ్జి వానిక నాను సుడెజత. వన్సిజ్ గొప్ప పెరి అతికారం మహోద్. వన్సిబాణిజ్ వాతిమన్సి గొప్ప జాయ్దాన్ బూమి విజి జాయ్ అతాద్.

2 వాండ్రు గొప్ప పెరి కంటమ్దాన్ ఈహు డేల్సి వెప్తాన్. “గొప్ప పెరి పట్టం అతి బబులోను అరి అతాద్, అరి అతాద్. అక్క దెయ్మకాజ్ మండ్రెజ్ ఇల్లు అత మనాద్. విజి సెజి అత్తొజి బత్కిని బాడ్డి అత మనాద్. విజి సెజికిని ఇస్టం కిదెజ్ అట్టెజ పొటిజ్ బత్కిని బాడ్డి అతాద్.

³ ఎందానిజ్ ఇహెజ మత్తు కబిస్సి కల్లు నన్ని, ఉత్పుత్ కిబిస్సి, దన్ని రంకు బూలాని పణిజాణిజ్, ఉణిజి సోస్తిలెకెండ, విజు దేనెమ్కాణి లోకుర్ సోస్టార్. బూమి ముస్సు మన్ని రాజర్ దన్ని వెట గూర్దార్. దన్నిజ్ మహి నండో లాది అతిమన్ని, ఒడోలీది అనెజ సర్ కిబిస్సి పణిజాణిజ్ బామి ముస్సు మన్ని సవుకారిబు గొప్ప అస్తి మనికార్ అతార్.

⁴ నస్తివలె, యాలెకెండ మరి ఉండ్రీ కంటం పరలోకమదాన్ వెహ్రిక వెహ్. “నజ్ ఇస్తిమాతికిదెరా, మీరు దన్ని పాపమక లోఇ కూడేజి మన్వండ, దన్ని జబ్బుజ్ ఇనికబా మిజ్ అన్వండ, మీరు దన్ని బాణిజ్ వెల్లి రదు.

⁵ అది కితి పాపమక అగనమదు అందితిలెకెండ కొట్టు అతె మన్నె. అది కిత్తి తప్పజ్ విజు దేవుణు ఎత్తు కిత మనాన్.

⁶ అది నిస్తిమన్ని లెకెండ దన్నిజ్ సీదు. అది కిత్తి మన్ని పణిజ రుండి వంతుజ్ దన్నిజ్ కిదు. అది కలప్తిమన్ని దన్ని గిన్నదాన్ ఉండెజ్ రుండి వంతుజ్ కలప్ప దన్నిజ్ సీదు.

⁷ నాను రాణిలెకెండ బస్త మన్నె. నాను రాండి బోదెలి అవద్. నాను ఎనెజ్బా దుకమదాన్ అడేబావి”, ఇజి దన్ని మన్నుదు అది పొణిజనాన్. అందెజ్ దన్నిజ్ అదిన్ ఎసోస్ పొణిజ ఒడోలీది అనెజ సర్ కిబిస్సి కిత్తిమన్ని పణిజ సమానం అతి ససా దుకమని హిమనెజ్ దన్నిజ్ మరజి సీదు.

⁸ అందెజ్, ఉండ్రీ లోజుదను, జబ్బుజ్, దుకం, కరు ఇని బాదెజ్ దన్నిజ్ వానె. దన్నిజ్ తీర్పు తీరిని సిక్కి సీని ప్రబు అతి దేవుణు గొప్ప సత్తు మన్నికాన్, అందెజ్ దన్నిజ్ సీనుదాన్ సుర్పు వినీర్నాన్.

⁹ అది సురి అని సినుదాన్ వాని గోయ నుడేజి, దన్ని వెట గూర్తి మహికార్, దన్ని ఒడోలీది అనెజ సర్ కిబిస్సి పణిజ వందిజ్ కూడితికారాతి బూమి ముస్సు మన్ని రాజర్ గుండె కొత్తె అజి దన్ని వందిజ్ అడేబానార్.

¹⁰ వారు, దన్నిజ్ వాతి సిక్కిదెజ్ నుడేజి తియెలాజి దూరం నిల్లి మంజి, అడేబాజి, “అబాయా, అబాయా, గొప్ప పెరి పట్టుమాతి బబులోను, సత్తుమన్ని పట్టుమా, ఉండ్రీ గడియూదునె నాసనం వాతాద్”, ఇజి వెహె అజి మంజినార్.

¹¹ అయ పట్టు నాసనం అతిక నుడేజి, వరి వస్తుజ్ కొణికార్ మరి ఎయెరబా సిల్లెర్ ఇజి బూమి ముస్సు మన్ని బేరం కినికార్ దన్నిజ్ నుడేజి గుండె కొత్తె అజి అడేబానార్.

¹² వారు పొర్తి మహి వస్తుజ్ ఇహెజ, బజారం, వెండి, విలువాతి రంగు పణకుజ్ని పూనిజ్, విలువాతి నూలు పాతెజ్, మరి నీలి రంగు కూడితి ఎరాని పాతెజ్, సిల్పు, పాతెజ్, విలువాతి నల రంగునన్ని ఎరాని పాతెజ్, రకరకమది గుండం మరాతి ఒస్తుజ్, ఏనుగు కొమ్కాణిజ్ తయార్ కిత్తి రకరకమది ఒస్తుజ్, నండో విలువ మన్ని మరకాణి ఒస్తుజ్, కంసు, ఇనుము, నూనాజ్ మన్ని పణకు సెక్కిజ్, దానిని మరాతి తోలు, వాసనం మన్ని కాయెజ్, దూపం సుర్పు ఒస్తుజ్, వాసనం మన్ని నూనె, కల్లు,

¹³ ఒలివ నూనె, మెత్తాని దూరు, గొదము, కోడ్డిజ్, గొరెజ్, గుర్రమక, గుర్రమక లాగ్ని బండిజ్, వెట్టిపణి కిని లోకురిజ్బా వారు పొర్తి మహార్. విలుదాన్ ఇక్కెజ్ కొణికార్ సిల్లెర్ ఇజి వారు అడేబానార్.

¹⁴ “నీను కొరెత్తిమన్ని విలువాతి గొప్ప నగ్గి వస్తుజ్ విజు ని బాణిజ్ లాగి అతాద్. మరి ఎనెజ్బా మరజి దొహ్కెలెకెండ, నీ విలువాతి వస్తుజ్ని అస్తి విజు సిల్లెండతాద్ ఇజి సవకారిబు దన్నిజ్ వెహ్నార్.

¹⁵ అయ పట్టుమదు సొస్సి వరి వస్తుజ్ పొర్తి దన్ని బాణిజ్ అస్తి గణెసికార్ అతి బేరం కినికార్, దన్నిజ్ వాతిమన్ని బాదెజ్ నుడేజి తియెలాజి గుండె కొత్తె అజి అడేబాజి యాలెకెండ వెహ్నార్.

¹⁶ “అబాయా, అబాయా, విలువాతి నూలు పాతెజ్, నీలిరంగు కూడితి మన్ని ఎరాని పాతెజ్ని నలరంగు నన్ని విలువాతి ఎరాని పాతెజ్ పొర్నాజి, మెర్నిని బజారమని విలువాతి రంగు పణకుజ్ని పూనిజ్ అయ పట్టుమదు దొహ్కె మహార్.

¹⁷ నిస్సా గొప్ప పెరి అస్తి ఉండ్రీ గడియూదునె పాడాత సోహదా ఇజి ఒడేజి నుడేపిసిని విజు నెయ్యర్, ఒడేజి వయంం కినికార్, ఒడేజి పణి కినికార్, సమదరమదు పణి కిజి బత్తినికార్ విజేరె దూరం నిల్లిమంజినార్.

¹⁸ అది సురి అజిని సీనుది గోయ నుడేజి, “యా గొప్ప పెరి పట్టుమదిజ్ సమానం అతి మరి ఉండ్రీ పట్టుం ఎంబెబా మనాదా”, ఇజి గొప్ప డేల్ని వెహ్నార్.

¹⁹ వారు వరి బురికాజ్ ముస్సు దుల్లి వాక్కి అజి గుండె కొత్తె అజి అడేబాజి.

“అబాయ, అబాయ, సమదరం ముస్సు ఒడేజ్ మనికార్ విజేరె బేరం కిజి అస్తి గణెసి మన్ని యా గొప్ప పెరి పట్టుమది అస్తి ఉండ్రీ గడియూదునె నాసనం అత సోహద్”, ఇజి డటం డేల్ని మంజినార్.

²⁰ పరలోకమదు మన్నికిదెరా, అయ పట్టుం నాసనం అతివందిజ్ మీరు సర్ అదు. దేవుణుదిజ్ నమ్మిత్తికిదెరా, అపొస్తురు అతికిదెరా, దేవుణు ప్రవక్తరు అతికిదెరా మీరు సర్ అదు, ఎందానిజ్ ఇహెజ అది ఎలాగ మిజి తీర్పు సిత్ర మనాదో, అయాలెకెండ దేవుణు అయ పట్టుం ముస్సు తీర్పు తీరిస్త మనాన్.

²¹ నస్తివలె, సత్తుమన్ని ఒరన్ దేవుణు దూత, ఉండ్రీ గొప్ప పెరి జత్త పణకు నన్ని ఉండ్రీ పెరి పణకు పేరజి సమదరమదు విసీరెత్తాండ్రె, “మరి ఎనెజ్బా తోరెండాతిలెకెండ గొప్ప పెరి పట్టుమాతి బబులోను గొప్ప పెరి టండెజాణిజ్ యాలెకెండ అడిగి అరి అనాద్లె.

²² టోయెలెజ్ పల్లెజ్ జాటుజ్, పాటెజ్ పొర్తివర జాటుజ్, పిరుడి: ఉక్కి జాటుజ్, జోడూబాంక ఉక్కి జాటుజ్ మరి ఎనెజ్బా మిబాణిజ్ వెన్వె అఉ. ఎమేణి రకమది పణి కినికాన్ ఎయెనబా, మరి ఎనెజ్బా మిబాన్ తోరెవన్. జత్తపణకుదు సూర్ని జాటు మరి ఎనెజ్బా మీ లోఇహాన్ విన్నె అవి

²³ ఉండ్రీ దీవ మరి ఎనెజ్బా మీలోఇ జాయ సీజి మన్వద్. వెండ్లి దజ్డె: జాటు గాని వెండ్లి బోదెలి జాటు గాని మరి ఎనెజ్బా మీలోఇ వెన్వె అఉ. నీ బేరం కినికార్, బూమి ముస్సు మన్ని గొప్ప వెరికార్ అత మహార్. విజు దేనెమ్కాణి లోకుర్ విజేరె నీ మారు పణిజాణిజ్, ముసెం కిజి, తప్ప సురుదు నీను నడిపిస్తె.

24 మరి దేవుణు ప్రవక్తరిక్ నప్తివందిక్, దేవుణుదిక్ నమ్మితి వరిక్ నప్తి వందిక్, బూమి మున్ను, నప్పె ఆతి విజేరి వందిక్ బబులోను పట్టుమందిక్ యా సిక్చ వాతాద్”, ఇజి అయ దేవుణు దూత వెప్తాన్.

19

దేవుణుదిక్ పొగిడియు (హల్లెలుయ)

1-2 దన్ని వెనుక వరలోకమ్దు గొప్పు పెరి మంద లోకురి గొప్పు పెరి కంటం యాలెకెండ్ వెహ.

“దేవుణుదిక్ పొగిడియు. మజీ రక్కిన్సివన్నిక్ పొగిడియు. వాండ్రు ఒరెండ్రె పూర్తి జాయ్ని సత్తు మన్నికాన్. ఎందానిక్ ఇహొజ, ఎస్సివలెహ వాండ్రు నిజమాతి, నాయమాతి తీర్పుక్ సీజినాన్. దన్ని రంకు బూలాని పణిజాణిక్ బూమి మున్ను మన్ని వరిక్ అది పాడె కిత్తాద్. అయ గొప్పు రంకు బూలాని బోదెలిదిక్ వాండ్రు తిర్పు తిరిసి సిక్చన్తాన్. వన్ని పణికినివరి నలవందిక్ వాండ్రు దన్నిక్ అయాలెకెండ్ న మరణి సిక్చన్తాన్.

3 వెనుక వారు మరి ఈహు డేల్ని వెప్తాన్. “హల్లెలుయ. అది సినుదు సురి ఆజిని గోయ్ డిన్వింపం ఎలాకాలం మున్ను సొన్ని మంజినాద్.

4 నస్తివలె, అయ ఇరువయ్ నాలేవర్ పెద్దెలుజ్ని, పాణం మన్ని నాల్లి జంతుక్ వడగజి అర్ని “అమెన్, దేవుణుదిక్ పొగిడియు”, ఇజి వెప్పె సింహాననమ్దు బస్సిమన్ని దేవుణుదిక్ మాడిస్తార్.

5 “మా దేవుణుదిక్ నందితికిదెరా, వన్నిక్ లోజీజి మంజిని ఇజిరికార్ని పెరికార్ అతికిదెరా, మీరు విజిదెరి దేవుణుదిక్ పొగిడియు”, ఇజి వెప్పెని ఉండ్రె కంటం అయ సింహాననమ్దాన్ వాతాద్.

6 నస్తివలె, గొప్పు పెరి గడ్డ సొని జాటులెకెండ్ని పిడుఃగుజ గొప్పు పెరి జాటుదిక్ పోతితి గొప్పు పెరి మంద లోకురి కంటంవలెకెండ్ ఉండ్రె జాటు యాలెకెండ్ వెప్పెనిక నాను వెహ. “హల్లెలుయ! మా ప్రబు ఆతి దేవుణు, విజు దన్నిక్ అతికారం మన్నికాన్ ఏలుబడి కిజినాన్.

7 అందెజి మాటు నర్ల ఆజి డాట్టాట్. వన్నిక్ గవరం సీనాట్. ఎందానిక్ ఇహొజ గొర్రెపెల్ల వెండ్లి సమయం వాతాద్. వన్నిక్, వెండ్లి దడడిః దన్నిక్ అది నె తయార్ కిజినాద్”.

8 “దన్నిక్ పొర్నాద్ ఇజి నమ్మితి వరి నీతి నిజాయతి మన్ని పణిజాతి నబ్బరం ఆతి గొప్పు జాయ్ మన్ని, మెర్నిని పాతెక్ దన్నిక్ దొహ్కె.

9 మరి “గొర్రెపెల్ల వెండ్లి విందుదు కూకె అతికార్ దీవనమ్కు పొందితికార్ ఇజి రాన్అ”, ఇజి అయ దేవుణు దూత నజీ వెప్తాన్. “యా మాటెక్ దేవుణు వెప్తె నిజమాతి మాటెక్”, ఇజిబా అయ దేవుణు దూత నజీ వెప్తాన్.

10 అయవలె, నాను వన్నిక్ పొగిడిజి మాడిస్తాక్ ఇజి వన్ని పాదమకాక్ పడగజి అర్తిక్ వాండ్రు, “సీను అయాలెకెండ్ కిమా. నానుహ, యేనువందిక్ సొస్యం వెప్పెని మీ తంబెరిజవెటని, నీ వెట కూడెజి పణికినికాండ్. దేవుణుదిక్ పొగిడిజి మాడిన్అ. దేవుణుబాణిక్ వాతి మాటెక్, దేవుణు ఆత్మదాన్ వెప్తె దేవుణు పణిమణిసిర్ యేను తోరిస్తిమన్ని నిజమాతికెండ్ వెప్పెనార్”, ఇజి నజీ వెప్తాన్.

తెల్లాని గుర్రమ్మున్ను బస్సి మన్నికాన్.

11 మరి వరలోకం రే అతిమనిక నాను నుడత. ఇదిలో, తెల్లాని గుర్రం ఉండ్రె తోరితాద్. దన్ని మున్ను, బస్సి మన్నికాన్, నమ్మకమాతికాన్, నిజామాతికాన్ ఇని పేరు మన్నికాన్. వాండ్రు నాయమ్దాన్ తీర్పు తిరిసి లోకురిక్ సిక్చ సీజి, నాయమ్దాన్ వన్ని విదెం కిజి మంజినాన్.

12 వన్ని కణకు సినుకొనెట్లెకెండ్ మన్ని. వన్ని బుర మున్ను, బజారమ్దాన్ తయార్ కిత్తి రాజురి టొపిక్ నన్ని, నండొ టొపిక్ మన్ని. వన్నిజె అవండ్ మరి ఎయెర్బా నెన్ఇ ఉండ్రె పేరు వన్ని మున్ను, రాని ఆతిక్, వన్నిక్ మనాద్.

13 నలాదు ముడుక్కిమన్ని సొక్క వాండ్రు తోడుగిత్త మనాన్. దేవుణు మాట ఇని పేరు వన్నిక్ మనాద్.

14 వరలోకమ్దు మన్ని నయనమ్దికార్, కల్లిసిల్లి తెల్లాని నూలు పాతెక్ తోడిగిజి తెల్లాని గుర్రమ్కు మున్ను, ఎక్కి వన్నివెట సొన్ని మహార్

15 దేనిమకాణి లోకురిక్ డెయ్దిక్, వన్ని వెయ్దాన్ తెవుగు మన్ని ఉండ్రె కుర్చె వెల్లి వాజి మహాద్. వాండ్రు ఇనుము డుడ్డుదాన్ వరిక్ ఏలుబడి కిసాన్. విజు దన్నిక్ అతికారం మన్ని దేవుణుది సిను నన్నికోపం, గనుగుదు ద్రాక్చి పట్టు మటిసి ద్రాసపట్టుగరం లాగ్గినిలెకెండ్, వాండ్రు మటిసిసాన్.

16 రాజురిక్ రాజుని ప్రబుజిక్ ప్రబు ఇని పేరు వన్ని సొక్క మున్నుని వన్ని కుర్చుదు రాని ఆత మనాద్.

17-18 మరి ఉండ్రె దేవుణు దూత పొర్దుదు నిహి మనిక నాను నుడత. వాండ్రు గొప్పు పెరి కంటందాన్ డేల్ని వెప్తాన్. “దేవుణు నంది కండ్ సీని గొప్పు పెరి విందుదిక్ రదు. రాజురి కండ్, మరి నయనమ్దిక్ నడిపిసినివరి కండ్, మరి గొప్పు సత్తుమన్నివరి కండ్, గుర్రమ్కు కండ్, మరి వన్నా మున్ను, బస్సిమన్నివరి కండ్, మరి వెట్టిపణిమణిన్ ఆణవరి కండ్, వెట్టిపణి కినివరి కండ్, ఇజిరి వరి కండ్, పెరివరి కండ్, యాలెకెండ్ లోకుర్ విజేరి కండ్ అండ్రిక్ మీరు రదు”, ఇజి ఆగనం అడిగి ఎర్జిజి విజు పొటిజి వెప్తాన్.

19 నస్తివలె, అయ గుర్రం మున్ను, బస్సిమన్నివన్నివెటని వన్ని నయనమ్ది వరివెట విదెం కిదెక్ ఇజి, అయ క్రూరమతి జంతుని బూమి మున్ను, మన్ని రాజురిని వరి నయనమ్కు విజు కూడెజి వాతిక నాను నుడత.

20 నస్తివలె, అయ క్రూరమతి జంతుని దన్ని పేరుదాన్ బమ్మాని పణిజ్ గుర్తు లెకెండ కిజ తోరిస్తి మన్ని అబద్ధం వెప్పొవ్రవక్తబా అన్న ఆతార్. అయ క్రూరమతి జంతుది గుర్తు పోకె ఆతి వరిజ్ని దన్ని బొమ్మదిజ్ పొగిడిజి మాడిస్తి మహివరిజ్ వాండ్రు బమ్మాతి పణిజాణిజ్ మొసం కిజ మహాన్. వారు రిపెరి గందకం వెయ్జిని సిసు మన్ని బాడ్డిదు పాణం డసాన్ అర్పె ఆతార్.

21 మిగిలిత్తి మహికార్, గుర్రం మున్ను బస్తిమన్ని వన్ని వెయ్జిని వాతి కుర్తదాన్ నప్పె ఆతార్. పొటిజ్ విజు వనక పొట పంజు వరి కండ తిపా.

20

వెయ్జ్ పంటిజ్ మన్ని ఏలుబడి:

1 మరి దర్దిది తాలమ్ కియుని ఉండ్రీ గొప్ప పెరి గొలుసు కీదు అస్తిమన్ని మరి ఒరెన్ దేవుణు దూత, పరలోకమ్ దాన్ డిగ్జిజి వాతిక నాను నుడత.

2 వాండ్రు, అయ మొదోహి సరాన్ దిజ్, అహిజ అయ గొప్ప పెరి సరాన్ ఇని, నయ్జును ఇని నెజ వన్నిజ్ అస్తాండ్రె వెయు పంటిజ్ దాక తొప్ప డిస్సాన్.

3 అయ వెయు పంటిజ్ గడఃస్సిదాక ఎమేణి దేనెమ్ కాణి లోకురిజ్ బా మొసం కివిండ మండ్రెజ్ ఇజి అయ గొప్ప పెరి సరాన్ దిజ్, దర్దిదు అర్పి మూక్చి దన్ని మున్ను సిలు పోక్తాన్. వెయ్జ్ పంటిజ్ వెనుక వాండ్రు నెగం కాలం వన్నిజ్ కుత్తి డిస్సాన్.

4 నస్తివలె, నాను సింహాసనమ్ కాజ్ నుడత. అయ సింహాసనమ్ క మున్ను బస్తిమన్నివరిజ్, తీర్పు తీరిస్తిజ్ అతికారం దొవ్కె. దేవుణు మాట వందిజ్ని యేనువందిజ్ వారు వెప్పొ సాస్యం వందిజ్ బురెక్ కత్తె ఆతివరి అత్తు నుడత. వారు అయ క్రూరమతి జంతుదిజ్నో, దన్ని బొమ్మదిజ్నో పొగిడిజి మాడిస్న్ ఏండ మహికార్. వరి నొబ్రజ గాని వరి కికా గాని దన్ని గుర్తు పోకె అఎండ మనికార్. వారు బత్తిత్తారి వెయు పంటిజ్ క్రిస్తు వెట కూడఃజి ఏలుబడి: కితార్.

5 (మిగిలిత్తి మన్ని సాతికార్ అయ వెయ్జ్ పంటిజ్ విజనిదాక బత్తివెత్తార్) యాకాది సాతి పరిబాణిజ్ తోలిత మరజి నిజె అనిక.

6 తొలిత మర్రి నిజ్ని దన్ని లోక కూడఃజి మంజనికార్ దేవుణు సిని దీవనమ్ కు మన్నికార్. వారు దేవుణు వందిజ్ పూర్తి కేట అతికార్. నిన్నివరిమున్ను రుండి సాపుదిజ్ అతికారం సిల్లెద్. గాని వారు దేవుణుదిజ్ని క్రిస్తుజ్ పూజేరిబులెకెండ మంజి క్రిస్తు వెట కూడఃజి వెయ్జ్ పంటిజ్ ఏలుబడి: కితార్.

నయ్జును నాసనం ఆజనిక

7 వెయ్జ్ పంటిజ్ పూర్తి ఆతి వెనుక నయ్జును తొపా ఆతిబాణిజ్ డిస్సా అనాన్.

8 వాండ్రు బూమి మున్ను నాల్లి దిక్కుజాణి విజు దేనెమ్ కాణి లోకురిజ్ మొసం కిజ, విదెం కిదిజ్ ఇజి గొప్ప పెరి నయ్జుమదిజ్ గోగ్గెన్ మాగోగ్ ఇనిబాన్ కూడుఃప్పి తనాన్లె. వరి లెక్క నమదరం వడఃకాది ఇస్సులెకెండ మంజినాద్.

9 వారు బూమి మున్ను మన్ని విజు దేనెమ్ కాజ్ సాహార్. దేవుణు లోకుర్ మంద కూడఃజి మంజిని, దేవుణు గొప్పజి ఇస్టం కిజిని పట్టుమదిజ్ నుటలం ఆతార్, గాని పరలోకమ్ దాన్ సిసు డిగ్జిజి వాజి వరిజ్ నుర్తాద్.

10 వరిజ్ మొసం కిత్తికానాతి నయ్జును గందకమ్ దాన్ కసిని సిసు మంజిని బాడ్డిదు అర్పె ఆతాన్. అబ్బి అయ క్రూరమతి జంతుని అబద్ధం వెప్పొ వన్ని ప్రవక్త మనార్. అబ్బి వారు రెయుపొగోల్ డిస్న్ ఏండ ఎలాకాలం హిమ్ నెజ్ కిబె ఆజి మంజినార్.

సాతికార్ తీర్పు పొందిజినార్.

11 నస్తివలె, గొప్ప తెక్కాజ్ మన్ని ఉండ్రీ పెరి సింహాసనమ్ ని దన్ని మున్ను ఒరెన్ బస్తిమన్నికబా నాను నుడత. బూమిని ఆగనం వన్ని ఎర్దుహాన్ ఉహక్తి సాహి లెకెండ సిల్లెండ ఆతె. అక్కెజ్ తోవిండాతె.

12-13 మరి సాతికార్ విజేరె, అహిజ పెరికార్ని ఇజిరికార్ విజేరె అయ గొప్పపెరి సింహాసనం ఎర్దు నిహిమన్నిక నుడత. నమదరమ్ దు సాతికార్ విజేరె నప్పరమ్ దాన్ డిస్సా అతార్. సాతికార్ మంజిని అయూ లోకమ్ దు మహికార్ బా డిస్సా అతార్. నస్తివలె, పుస్తకమ్ కు రెకె ఆతె. దేవుణు వెట ఎలాకాలం బత్తిని పరి పేరుకు రాసి ఇడఃజిని మరి ఉండ్రీ పుస్తకమ్ బా రెకె ఆతాద్. అయ పుస్తకమ్ కాజ్ రాస్తి ఇడ్డిమన్నిలెకెండ, ఒరెన్ ఒరెన్ కితిమన్ని పణిజ తగితి లెకెండ సాతికార్ తీర్పు పొందితార్.

14 సాపుని అయూ లోకం గందకమ్ దాన్ సిసు కసి మంజిని నెరు నన్ని బాడ్డిదు అర్పె ఆతె. యా సిసు మంజిని బాడ్డి రుండి సాపు.

15 దేవుణు వెట ఎలాకాలం బత్తిని పరి పేరుకు రాసి ఇడఃజిని పుస్తకమ్ దు పేరు తోర్ ఏండాతిజి ఎయెన్ బా అయ సిసు మంజిని బాడ్డిదు అర్పె అనాన్లె.

21

కొత్త యెరూసలేం

1 నస్తివలె, నాను ఉండ్రీ కొత్త ఆగాసమ్ ని ఉండ్రీ కొత్త బూమి నుడత. మొదోహి ఆగసమ్ ని మొదోహి బూమి సిల్లెండ ఆతె మహా. నమదరమ్ బా సిల్లెండ ఆత మహాద్.

2 మరి కొత్త యెరూసలేము ఇని దేవుణు పట్టుం, మాసి సొండ్రెజ్ ఇజి విజు ఇట్ కిజి గొప్ప నెగండ్ తయారాతిమన్ని పెండ్లి దజ్ డిలెకెండ, పరలోకమ్ దాన్ డిగ్జిజి వాతిక నాను నుడత.

3 నస్తివలె, “ఇదిలో, దేవుణు లోకుర్ వెట బత్తిని ఇల్లు మనాద్. వాండ్రు, వరి వెటని బత్తినాన్. వారు వన్ని లోకుర్ ఆన మంజినార్. దేవుణు వన్నిజ్ వాండ్రె ఆజి పరివెట మంజి పరి దేవుణు ఆన మంజినాన్.

4 వాండ్లు వరి కణుకెకాణి కణిరే తేల్చాన్. మరి సాపు, దుకం, అడఃబానిక, నొప్పిజ్ ఎనెజ్ బా మనీఉ. ఎందానిజ్ ఇహొజ మొదొహొ నజతిజ్ విజ గడఃస్వ సాహొ”, ఇజి అయ సింహొసనమ్దాన్ ఉండ్రి పెరి కంటం వెహ్చిక వెహొ.

5 అయ సిమసనమ్దు బన్ని మన్నికాన్, “ఇదిలో నాను విజ కొత్తాకెజ్ కిజన”, ఇజి వెహ్చాన్. మరి “యా మాటెజ్ నమ్మొదెజ్ అట్టికెజ్ నిజమాతికెజ్. అందెజి ఇక్కెజ్ రాసి ఇడఃఅ”, ఇజి వాండ్లు నజి వెహ్చాన్.

6 మరి నావెట వాండ్లు ఈహు వెహ్చాన్. “విజు పూర్తి ఆతె. అల్పాని ఒమెగ నానె. మొదొలోని ఆక్కర నానె. ఏహ్కొ కట్టివన్నిజ్, పాణం సీని ఏరు వాని ఊటదాన్, వన్నిజ్ ఉండెజ్ ఏరు, నాను సెడ్డిఃనె సీనా.

7 నెజవనకాజ్ మున్ను గెలిన్సికాన్ ఏనుకాజ్ విజ అక్కు మన్నికాన్ ఆనాన్. నాను వన్నిజ్ దేవుణు ఆన మంజినాన్. వాండ్లు నజి మరిన్ అన మంజినాన్.

8 గాని ఏహ్కొదికార్, దేవుణు మున్ను, నమకం సిల్లికార్, నెజ వణిజ్ కినికార్, లోకురిజ్ సమ్మికార్, రంగు బూలానికార్, గార్ది కినికార్, బొమ్మెజు మాడిఃస్మికార్, విజ రకమ్ది అబద్దం వర్గినికార్, నిన్నికార్ విజేరె గందకమ్దాన్ సీను కసీని సెరు నన్ని బాడ్డిదు అర్పె ఆనార్. అక్క వరి వంతు. యాకదె రుండి సాపు.

9 నస్తివలె, కడఃవెరిది జబ్బుకాణిజ్ నిండ్రితి మన్ని ఏడు కుడుఃకెజ్ అస్తిమన్ని ఏడు దేవుణుదూతారలోజ ఒరెన్ వాజి, “ఇబ్బె రల. గొరెపిల్ల అతి పెండ్లి దజ్డిఃదిజ్ నిజి తోరిన్ను”, ఇజి నజి వెహ్చాన్.

10 దేవుణుఅత్తుదాన్ నిండ్రితి మన్ని నజి, వాండ్లు గొప్ప ఎత్తు మన్ని ఉండ్రి పెరి గొరోన్ మున్ను ఒతాండ్రి, యెరూసలేము ఇని దేవుణు పట్టుం, పరలోకమ్దాన్ దేవుణుబాణిజ్ డిఃగిజి వాజనిక తోరిస్సాన్.

11 అయ పట్టుం, దేవుణు జాయ్దాన్, దగదగ మెరిసిమంజని జాయ్ మన్ని సూర్య కాంతం ఇని పేరు మన్ని ఎరాని జాయ్ మంజని గొప్ప విలువాతి రంగు పణకుది జాయ్లెకెండ్ని, గటిమన్ని గాజు లెకెండ్ మహాద్.

12 అయ పట్టుమదిజ్ గొప్ప ఎత్తు మన్ని గోడఃని, మరి అయ గోడఃదిజ్ వన్నెండు దారబండ్లమ్మకు మహొ. అయ దారబండ్లమ్మకాజ్ వన్నెండు దేవుణు దూతార మహార్. దారబండ్లమ్మకాజ్ ఇస్సాయెలుది వన్నెండు తెగెజి పేరుకు దాన ఆతె మహొ.

13 తూర్పు దరిజ్ మూండ్రి దారబండ్లమ్మకుని ఉత్తరదరిజ్ మూండ్రి దారబండ్లమ్మకుని దసెణదరిజ్ మూండ్రి దారబండ్లమ్మకుని పడమూట దరిజ్ మూండ్రి దారబండ్లమ్మకు మహొ.

14 అయ పట్టుమది గోడఃదిజ్ వన్నెండు పునాదిజ్ మహొ. అయ వన్నెండు పునాదిజ మున్ను గొరెపిల్ల అపొస్తురు ఆతి వన్నెండు మణిసిరి పేరుకు తోరిజ మహొ.

15 అయ పట్టుమదిజ్, దన్ని గోడఃజ్ దారబండ్లమ్మకు కొలిదెజ్, నావెట వర్గిని దేవుణు దూత కియుదు బజారమ్దాన్ తయార్ కితిమన్ని ఉండ్రి కొలిని డుడ్డు మహాద్.

16 అయ పట్టుం నాల్లి దరిజ్ ఉండ్రి లెకెండ్ కొల్ల మన్నిక. దన్ని నిరిండ్, దన్ని వెడలెల్లు నమానం మహొ. వాండ్లు అయ కొలిని డుడ్డుదాన్ అయ పట్టుమదిజ్ కొలిత్తిజ్, దన్ని కొల్ల రుండి వెయుజ్ నాల్లి వందెజ్ కిలోమీటరుజ్ ఆతె. దన్ని నిరిండ్, ఎత్తు, వెడలెల్లు విజు నమానం మహొ.

17 వాండ్లు దన్ని గోడఃజ్ కొలిత్తిజ్, అది లోకురి కొల్లదిజ్ వంద నాల్వయ్ నాల్లి మూరెజ్ దలం మనాద్. అయ కొల్లదాన్ దేవుణు దూత కొలిత్తాన్.

18 దన్ని గోడః, సూర్య కాంతం ఇని పేరు మన్ని ఎరాని జాయ్ మన్ని విలువాతి రంగు పణకుకాణిజ్ తొహ్తా మనాద్. మరి అయ పట్టుం గాజు లెకెండ్ మన్ని మెర్గిని బజారమ్దాన్ తయార్ ఆత మనాద్.

19 అయ పట్టుమది గోడఃజ్ పునాది రకరకమ్ది గొప్ప విలువాతి రంగు పణకుకాణిజ్ సొకుదాన్ తయార్ ఆత మనాద్. మొదొహొ పునాది సూర్య కాంతం ఇని ఎరాని రంగు పణకు, రుండి పునాది నీలి రంగు పణకు, మూండ్రి పునాది జమున రంగు పణకు, నాల్లి పునాది ఆకు రంగు పణకు.

20 అయ్దు పునాది వయ్డూర్పుం ఇని రంగు పణకు, ఆరు పునాది కెంపు ఇని రంగు పణకు, ఏడు పునాది బజారం రంగు పణకు, ఎనిమిది పునాది గోమెదికం ఇని రంగు పణకు, తొమ్మిది పునాది పున్నరాగం ఇని రంగు పణకు, పది పునాది సార్లసూనియం ఇని రంగు పణకు, పదకొండు పునాది పద్మరాగం ఇని రంగుపణకు, పన్నెండు పునాది సుగందం ఇని రంగు పణకాణిజ్ కిత్త మనాద్

21 దన్ని వన్నెండు దారబండ్లమ్మకు వన్నెండు ముజెలుకాణిజ్ కిత్త మనాద్. ఉండ్రి ఉండ్రి దారబండ్లం ఉండ్రి పూసదాన్ కిత్త మనాద్. పట్టుమది రోడుజ్ అడ్డి మన్నికెజ్ తోరిజిని గాజుదిజ్ పోలితి బజారమ్దాన్ తయార్ ఆత మనాద్.

22 విజు దన్నిజ్ అతికారం మన్ని ప్రబు ఆతి దేవుణుని గొరెపిల్ల దన్ని దేవుణు గుడిః ఆతిమన్నిజ్ అయ పట్టుమ్ లొజ దేవుణు గుడిః ఉండ్రిబా తోరివితాద్.

23 అయ పట్టుమదిజ్ జాయ్ సీదెజ్ ఇజి పొద్దుబా నెలబా అక్కర సిల్లెద్. ఎందానిజ్ ఇహొజ, దేవుణు గొప్ప జాయ్ నె పట్టుం విజు జాయ్ సీజి మహాద్. గొరెపిల్ల దన్నిజ్ దీవలెకెండ్ మహాద్.

24 విజు దేనెమ్కాణి లోకుర్ అయ జాయ్దు నడిఃనార్. బూమి మున్ను మన్ని రాజార్, వరిజ్ కల్గతిమన్ని విజు గవరమని ఆస్తి అయ పట్టుమ్ లొజ తనార్.

25 అబ్బె రెయ్ సిల్లెండ, జాయ్ నె మన్నిజ్ ఎనెజ్ బా అయ పట్టుమది దారబండ్లమ్మకు కెహొవ్ద్.

26 విజు దేనెమ్కాణికార్ వరి ఆస్తిజ్ వరిజ్ గవరం తపిస్తికెజ్ విజు అయ పట్టుమ్ లొజ తనార్.

27 దేవుణు వెట ఎలాకాలం బత్తిని వరి పేరుకు రాసి ఇడఃజిని గొర్రెపిల్లది పుస్తకముడు పేరుకు మన్నికారె, దన్ని లోక సానార. గాని నెజ పణిక్ కినికార్, మొనిం కినికార్, సిగు అనికెక్ కినికార్ ఎయెర్బా దన్ని లోక సాండ్రెక్ అట్విర్.

22

పాణం సీని గడ్డ

1 నన్దివలె, కల్లిసిల్లి అడ్డం నన్ది, పాణం సీని ఏరు మన్ని గడ్డ, దేవుణుదిని గొర్రెపిల్లది సింహాసనమదాన్ సాన్ని మంజనిక అయ దేవుణు దూత నజీ తోరిస్తాన్.

2 అయ గడ్డ పట్టుమేది రోడు నడిమిహాన్ సాన్ని మహాద్. అయ వెరి గడ్డాది రుండి ఒడ్డుజ వన్నెండు నెలెజ, పన్నెండు సుట్టు కాయెక్ కాసి పట్టు సీని పాణం సీని మరాన్ మనాద్. అయ పాణం సీని మరాతి ఆకుక్ విజు జాతిజణి వరిక్ జబ్బుజాణిక్ నెగెండ్ అదెక్ పణిక్ కినాద్.

3 దేవుణు నయవ్ సీత్తి మహికెక్ ఇనికబా అయ పట్టుమదు మన్విద్. దేవుణుదిని గొర్రెపిల్లది సింహాసనం అబ్బి మంజనాద్. వన్ని పణిక్ కినికార్ వన్నిక్ పొగడిజి మాడిసిన్ మంజనాద్.

4 వారు దేవుణు ఎద్దు మంజి. మొకొ నిండ్రు వన్నిక్ సుడఃజి మంజనాద్. వన్ని పేరు పరి నొద్దుజ రాన్ ఆనాద్లె.

5 అబ్బి ఎనెజ్బా రెయం మన్విద్. దీవ జాయ్ గాని పొద్దు జాయ్ గాని వరిక్ అక్కర్ సిల్లెద్. ఎందానిక్ ఇహిజ, ప్రబు ఆతి దేవుణున వరిక్ జాయ్ సీజి మంజనాన్. వారు అంతుసిల్లెండ్ ఎలాకాలం ఏలుబడిః కిజి మంజనాద్.

6 మరి అయ దేవుణు దూత, నజీ యాలెకెండ్ వెప్తాన్. “యా మాటెక్ నమ్మిదెక్ తగ్గికెక్ నిజమాతికెక్. ఎందానిక్ ఇహిజ ఇనికెక్ వెప్తాక్ ఇజి వన్ని ప్రవక్తరిక్ వెప్సాని దేవుణు, బేగి జర్గిదెక్ మన్ని వనకాక్ వన్నిక్ సందితివరిక్ తోరిన్లెక్ ఇజి వన్ని దూతెక్ పోక్తాన్.

యేసు మరీజి వాజినాన్.

7 “ఇదిలో నాను బేగినె వాజిన. యా పుస్తకముడు మన్ని, దేవుణుబాణిక్ వాతి మాటెక్, వెంజి, లోజిజి, నడిఃనికాన్ దేవుణు సీని దీవెనమకు మంజనికాన్ ఆనాన్”.

8 యోహాను ఇని నాను, యా నజతిజ్ వెహ మన్ను, సుడఃత మన్ను. నాను యాకెక్ వెంజి వెనుక, యాకెక్ నజీ తోరిసిని వన్నిక్ పొగడిజి మాడిస్సెక్ ఇజి అయ దూత పాదమ్కాక్ పడఃగిజి అర్దు.

9 గాని వాండ్రు, “పోని, సీను యాలెకెండ్ కిమా. నాను, సీవెటని, ప్రవక్తరు ఆతి నీ తంబెరిజవెటని, యా పుస్తకముడు మన్ని మాటెక్ లోజిజి నడిఃనివరివెట కూడఃజి పణిక్ కినికాన్. దేవుణుదిజె పొగడిజి మాడిఃనఅ”, ఇజి నజీ వెప్తాన్.

10 మరి నావెట ఈహు వెప్తాన్. “యా పుస్తకముడు మన్ని మాటెక్ దేవుణు వెప్తాకెక్, అందెజె దిన్నిక్ మూక్సి సీలు కిదెక్ అవద్. ఎందానిక్ ఇహిజ యాకెక్ విజు జర్గిదెక్ కాలం డగ్రు ఆత మనాద్.

11 తప్పు పణిక్ కినికాన్ మరి ఒదె తప్పు పణిక్ కిపిన్. ఎయెన్బా కెలార్ బూలానికాన్ మరి కెలార్ బూలాజి మనీన్. సీతి మన్నికెక్ కినికాన్ మరి ఒద్దె సీతి మనికెక్ కిపిన్. దేవుణు వందిక్ కేట ఆతికాన్, మరి అయాలెకెండ్ దేవుణు వందిక్ కేట ఆజి మనీన్”.

12 “ఇదిలో, నాను బేగినె వాజిన. నాను వానివలె ఒరెన్ ఒరెన్ వన్నిక్, వాండ్రు కితి పణిదిక్ తగితి లెకెండ్ సిదెక్ ఇనాయం తనా.

13 అల్వాని ఒవెగ నానె. మొదోహి - కాన్ని కడిఃవెరిదికాన్ నానె. మొదోలేని ఆకార్ నానె.

14 పాణం సీని మరాతి పట్టు తిండ్రెక్ అక్కు మన్నికారాజి దారబంద్రమకాణిక్ అయ పట్టుమ్ లోక సాండ్రెక్ వరి సొక్కెక్ నొర్బానికార్ దేవుణు సీని దీవెనమకు మంజనికార్ ఆనార్.

15 సుకుడిజ్ని మత్రిసినికార్, రంకు బూలానికార్, లోకురిక్ సప్పికార్, బొమ్మెజ మాడిఃస్సికార్, అబద్దమదిక్ ప్రేమిసి అయాలెకెండ్ కిజి మంజనికార్ విజేర్ వెల్లి మంజనార్.

16 దేవుణు నజమకాక్ మన్నివరివందిక్, యా నజతిజి వందిక్ సాస్యం వెప్తాక్ యేసు ఇని నాను, నా దూతెక్ పోక్త మన్ను. నాను దావీదువెలెదాన్ సొత్తి సీగుని వన్ని తెగాదు పుట్టికాన్. కోడిఃజామదు సాని గొప్ప జాయ్ మన్ని సుక ఆత మన్ను”.

17 మరి దేవుణు ఆత్తుని పెండ్లి దక్డిః, “రఅ”, ఇజి వెప్సానార్. యాక్ వినికాన్బా “రఅ” ఇజి వెప్తాక్వలె. ఎయెన్బా ఏప్పి కట్టిజి వాండ్రు రపిన్. ఎయెన్బా వాండ్రు కోరిత్తిలెకెండ్, పాణం సీని ఏరు ఇని ఇనాయం సెడ్డిఃని లోసిన్.

18 యా పుస్తకముడు మన్ని దేవుణు ప్రవక్త వెప్తా మాటెక్ వెనివరిక్ విజేరిక్, వారు జాగర్డు మండ్రెక్ ఇజి నాను వెప్సానిక ఇనిక ఇహిజ, ఎయెన్బా దిన్నివెట మరి ఇనికబా కూడుప్పిజి యా పుస్తకముడు రాన్మని జబ్బుక్ విజి, దేవుణు వన్ని మున్ను తపిస్తాన్.

19 ఎయెన్బా యా పుస్తకముడు మన్ని దేవుణు ప్రవక్త వెప్తా మాటెక్, ఇనికబా లాగితిజ, వన్నిక్ దేవుణు యా పుస్తకముడు వెప్తామని పాణం సీని మరాతి పట్టు తిండ్రెక్ అక్కు సిల్లికాన్ లెకెండ్ కినాన్. నెగ్గి పట్టుమదు వంతు మనికాన్ లెకెండ్ కినాన్.

²⁰ యా నజతిజ వందిజ్ సొన్యం వెహ్వికాన్, “నిజమె నాను బేగినె వాజిన”, ఇజి వెహ్వికాన్. ఆమెన్. ప్రబు ఆతి యేను రత్త.

²¹ ప్రబు ఆతి యేను దయాదర్శం దేవుణులోకుర్ విజెరె వెట మనీద్. ఆమెన్.